

917

C. CORN. TACITI OPERA

RECOGNOVIT, EMENDAVIT,
SUPPLEMENTIS EXPLEVIT,

NOTIS, DISSERTATIONIBUS, ILLUSTRAVIT,

GABRIEL BROTIER.

EDITIO NOVA ET AUCTION.

VOL. III.

CURANTE ET IMPRIMENTE

ABRAHAMO JOANNE VALPY, A. M.

COLLEGII PEMB. OXON. SUPR. SOCIO.

LONDINI:

VE NEUNT APUD G. ET W. B. WHITTAKER, VICO AVE MARIA.

1823.

C. CORNELII TACITI

HISTORIÆ.

LIBER QUARTUS.

BREVIARIUM LIBRI QUARTI.

1. **V**ICTORES Flaviani in Urbe sæviunt. 2. L. Vitellius, licet deditus, interficitur. 3. Composita Campania, obsequium senatus in Vespasianum. 4. Muciani, Antonii, ceterorumque belli ducum honores. Restituendi Capitolii consilia. Libertati consulit Helvidius Priscus. 5. Hujusce viri vita et mores. 6. Inter eum et Eprium Marcellum acre jurgium. 9. De impensis publicis dissensio. 10. M. sonius Rufus in P. Celerem invehitur. 11. Mucianus, Urbem ingressus, cuncta in se trahit. Calpurnii Galeriani cædes. Servile Asiatici, liberti, supplicium. 12. Initia belli Germanici, duce Claudio Civili. 14. Primi in arma ruunt Batavi et Canninefates. 15. Accitis Frisiis, occupata duarum cohortium hiberna. 16. Parta Civilis dolo de Romanis victoria. 17. Ejus fama excitæ Germaniæ auxilia ultro offerunt. Civilis Galliarum societatem adfectat. 18. Hordeonii Flacci segnitia. Victi Romani in Vetera castra fugiunt. 19. Batavorum et Canninefatium cohortes, quæ in Urbem pergebant, corruptæ, Civili junguntur; et Bonnensi prælio Romanorum aciem perfringunt. 21. Suos tamen in verba Vespasiani adegit Civilis, ut hostilia velaret. 22. Statimque Vetera obsidet. 24. Hordeonius Flaccus, seditione conflictatus, summam rerum Voculæ permittit. Adfluunt Gallorum auxilia. 26. Herennius Gallus, in partem curarum Voculæ additus, re infelicitè gesta, verberatur. Nova seditio. 28. Germani prædas e Gallis agunt. 29. Varia Germanos inter et Romanos certamina. 31. Auxilia Gallorum, nuntiato Cremonensi prælio, a Vitellio desciscunt. Dictum quoque ab Hordeonio Flacco Vespasiani sacramentum. 32.

recat 4/1828 P.H.

Tum Montanus ad Civilem mittitur, ut eum a bello retrahat. Ipse Montanum, paratum in res novas, ad bellum impellit. 33. Mox adversus Vocolam partem copiarum mittit. Prælia Germanis primo, dein Romanis prospera. 35. Vocola male utitur victoria. 36. Civilis Geldubam capit. Inter Romanos discordia. Hordeonium Flaccum interficiunt. Eadem tempestas Vocolam ferme perculit. 37. Mogontiacum obsessum. Treveri nunc fidi, mox rebelles. 38. Interim in Urbe falsi ab Africa pavores. 39. Domitianus prætor. Potentia Antonii Primi a Muciano infracta. 40. Restituuntur Galbæ honores. P. Celer, alique famosi delationibus, damnati. 42. Aquilium Regulum, a Messala fratre defensum, premit Curtius Montanus. 43. Eprius quoque Marcellus ab Helvidio corripitur. 44. At ne longius abiret hæc cognitio, abolita priorum temporum memoria. In paucos et viles sævitum. 45. Senenses ob pulsatum senatorem puniti. Antonius Flamma lege repetundarum damnatus. 46. Prætorianorum seditio a Muciano composita. 47. Abrogati consulatus, quos Vitellius dederat. Funus censorium Flavio Sabino ductum. 48. L. Pisonis, Africæ proconsulis, cædes. 50. Censium Leptitanorumque discordiæ: fusi Garamantes. 51. Oblata a Parthis auxilia non recepit Vespasianus. 52. Illum Domitiano infensum Titus mitigat. 53. Cura restituendi Capitolii in L. Vestinum collata. 54. Ob Vitellii necem, duplicatum in Germania bellum: nec hostiles animos jam dissimulat Civilis. Treveri ac Lingones a Romanis deficiunt, Classico, Tutore et Julio Sabino ducibus. Nutant reliquæ Galliæ. Incerta ipsarum legionum fides. 59. Vocola occiditur; et pro Galliarum imperio juratum. 60. Legiones, in Veteribus castris obsessæ, eadem in verba adactæ. 61. Tum Civilis, voti compos, crinem ponit. Inde quoque major Velede auctoritas. 62. Captarum legionum mæstum silensque agmen. Alæ Picentinæ virtus. 63. Colonia Agrippinensis, Transrhenanis gentibus invisa, in summum discrimen adducitur. 66. Civilis Claudium Labeonem, resistere ausum, vincit: Bethasios Tungrosque in fidem recipit. 67. Lingones tamen a Sequanis fusi; victusque Julius Sabinus latet. 68. Tantis armorum motibus anxius Mucianus, cum Domitiano ad bellum accingitur. Legiones quatuor præmissæ: aliæ accitæ. 69. Galli deliberant; et plerique, æmulatione provinciarum deterriti, Romanam fidem retinent. 70. Nec Civili, Classico, ceterisque ducibus satis consilii ac concordia. 71. Interea Petilius Cerialis Mogontiacum venit: Valentinum, hostium ducem, magna clade adficit. 72. Victæ ante legiones in castra Romana receptæ. 73. Cerialis Treveros ac Lingonas adloquitur et componit. 75. Atrox prælium, quo Germani, primum victores, dein Cerialis constantia vin-

cuntur. 79. Agrippinenses a Germanis desciscunt. 80. Mucianus filium Vitellii interfici jubet. Antonius Primus ad Vespasianum venit, nec pro spe sua excipitur. 81. Miracula Alexandriae a Vespasiano edita. 82. Adit templum Serapidis. 83. Hujus Dei origo. 85. Valentinus, victus, nec degener, punitur. 86. Domitianus, cum frustra Cerialem tentasset, ut sibi exercitum imperiumque traderet, otium studiaque literarum simulat.

Hæc gesta, partim flagrantibus adhuc Vitellii et Vespasiani civilibus bellis, partim

A. U. C. J. C.

DCCCXXIII. 70.

Coss.

Flavio Vespasiano Aug. II.

Tito Vespasiano Cæsare.

A. U. C. 822. J. C. 69.

1. INTERFECTO Vitellio, bellum magis desierat, quam pax cœperat. Armati per Urbem victores, implacabili odio, victos consecrabantur: plenæ cædibus viæ, cruenta fora templaque, passim trucidatis, ut quemque fors obtulerat. Ac mox, augescente licentia, scrutari, ac protrahere abditos: si quem procerum habitu,¹ et juventa conspexerant, obtruncare, nullo militum, aut populi discrimine. Quæ sævitia, recentibus odiis, sanguine explebatur; dein verterat in avaritiam: nihil usquam secretum aut clausum sinebant, "Vitellianos occultari" simulantes. Initium id perfringendarum domuum; vel si resisteretur, causa cædis: nec deerat egentissimus quisque ex plebe: et pessimi servitiorum prodere ultro dites dominos: alii ab amicis monstrabantur. Ubique lamenta, conclamationes, et fortuna captæ urbis: adeo ut Othoniani Vitellianique militis invidiosa antea petulantia desideraretur. Duces partium, accendendo civili bello acres, temperandæ victoriæ impares: quippe in turbas et discordias pessimo cuique plurima vis: pax et quies bonis artibus indigent.

2. Nomen sedemque Cæsaris, Domitianus acceperat; non-

¹ *Procerum habitu.* Proceritate corporis, et ævi flore insignis Germanicus miles,

Vitellio addictus. Plura v. inf. in libro de Mor. Germ. 4.

dum ad curas intentus, sed stupris et adulteriis filium Principis agebat. Præfectura prætorii, penes Arrium Varum: summa potentia, in Primo Antonio: is pecuniam familiamque e Principis domo, quasi Cremonensem prædam, rapere: ceteri modestia, vel ignobilitate, ut in bello obscuri, ita præmiorum expertes. Civitas pavida, et servitio parata, "occupari redeuntem Tarracina L. Vitellium cum cohortibus, extinguique reliqua belli," postulabat. Præmissi Ariciam¹ equites: agmen legionum intra Bovillas² stetit. Nec cunctatus est Vitellius, seque et cohortes arbitrio victoris permittere. Et miles infelicia arma, haud minus ira, quam metu abiecit. Longus deditorum ordo, septus armatis, per Urbem incessit. Nemo supplici vultu, sed tristes et truces, et adversum plausus ac lasciviam insultantis vulgi immobiles: paucos erumpere ausos, circumjecti pressere:³ ceteri in custodiam conditi. Nihil quisquam locutus indignum, et, quamquam inter adversa, salva virtutis fama. Dein L. Vitellius interficitur, par vitiis fratris,⁴ in principatu ejus vigilantior; nec perinde prosperis socius, quam adversis abstractus.

3. Iisdem diebus Lucilius Bassus,¹ cum expedito equite, ad componendam Campaniam mittitur: discordibus municipiorum animis, magis inter semet, quam contumacia adversus Principem. Viso milite, quies. Et minoribus coloniis impunitas: Capuæ,² legio tertia hiemandi causa locatur, et domus inlustres afflictæ; cum contra Tarracinenses nulla ope juvantur.³ Tanto proclivius est injuriæ, quam beneficio⁴ vicem exsolvere: quia gratia oneri, ultio in quæstu habetur. Solatio fuit servus Verginii Capitonis, quem proditorem Tarracinensium diximus,⁵ patibulo adfixus, in iisdem anulis,⁶

¹ Ariciam. Nunc *the Riccia*: de qua jam sup. Hist. iii, 36.

² Bovillas. Manent rudera, ubi nunc *l'Osteria delle Fratochie*. V. sup. An. xv, 23.

³ Pressere. Forte *oppressere*: quo verbo sæpe usus est Tacitus; sicque placebat Faerno. Ita vertit Davanzati, *furono circondati e oppressi*.

⁴ Vitiis fratris. Mallem *fratri*. Sic quoque volebat Faernus.

¹ Lucilius Bassus. De quo sup. Hist. ii, 100. et iii, 12.

² Capuæ. Capua, Vitellio fida; ut vi-

dimus sup. Hist. iii, 57.

³ N. ope juvantur. Licet ipsi Flavianas partes juvissent. Sup. Hist. iii, 76.

⁴ Quam beneficio. Aequè vere Sen. de Benef. i, 1. "Cum ita natura comparatum sit, ut altius injuriæ, quam merita descendant, et illa cito defluant, has tenax memoria custodiat."

⁵ Diximus. Hist. iii, 77.

⁶ Iisdem anulis. Anulos, equestris dignitatis insignia, prodicionis præmium, a Vitellio acceperat. De anulis vide Hist. i, 13.

quos acceptos a Vitellio gestabat. At Romæ senatus cuncta Principibus solita ⁷ Vespasiano decernit, lætus et spei certus: quippe sumpta per Gallias Hispaniasque civilia arma, motis ad bellum Germanis, mox Illyrico, postquam Ægyptum, Judæam, Syriamque, et omnes provincias exercitusque lustraverant, velut expiato terrarum orbe, cepisse finem videbantur. Addidere alacritatem Vespasiani literæ, tamquam manente bello scriptæ: ea, prima specie, forma: ⁸ ceterum ut Princeps loquebatur, civilia de se, et reipublicæ egregia: nec senatus obsequium deerat. Ipsi "consulatus cum Tito filio, prætura Domitiano et consulare imperium" ⁹ decernuntur.

4. Miserat et Mucianus epistolas ad senatum, quæ materiam sermonibus præbuere: "Si privatus esset, cur publice loqueretur?" potuisse eadem, paucos post dies, ² loco sententiæ dici:" ipsa quoque insectatio in Vitellium, sera, ³ et sine libertate. Id vero erga rempublicam superbum, erga Principem contumeliosum, quod "in manu sua fuisse imperium, donatumque Vespasiano" jactabat. Ceterum invidia in occulto; adulatio in aperto erant: multo cum honore verborum, "Muciano triumphalia" de bello civili data. Sed "in Sarmatas ⁴ expeditio" fingeatur. Adduntur "Primo Antonio consularia, Cornelio Fusco et Arrio Varo prætoria insignia."⁵ Mox Deos respexere: "restitui" placuit "Capitolium." Eaque omnia Valerius Asiaticus, consul designatus, censuit.

⁷ *Principibus solita.* Nomina Imperatoris, Cæsaris, Augusti, tribunicia potestas, &c.

⁸ *Forma.* Ea literarum forma, prima facie.

⁹ *Consulare imperium.* Suet. Domit. 1. 'Cæsar consulatus, honorem præturæ Urbanæ cum consulari potestate suscepit titulo tenus: quam jurisdictionem ad collegam proximum transtulit.'

¹ *Publice loqueretur.* Publice loqui censetur, qui ad senatum consulesve scribat. Inde Cic. Ep. xv, 1. 'Quod arbitrabar a M. Bibulo proconsule certiora de his rebus ad vos scribi posse, statuebam mihi non necesse esse publice scribere ea, quæ de alterius provincia nuntiarentur.' Idem Ep. xv, 9. 'Quæ mihi de Parthis nuntiata sunt, quia non putabam a me etiam nunc scribenda esse publice, properea ne pro familiaritate quidem nostra

volui ad te scribere: ne cum ad consulem scripsissem, publice viderer scripsisse.'

² *Paucos post dies.* Potuisse eadem, paucos post dies, cum Romam venisset, in senatu loco sententiæ dici.

³ *Sera.* Bene Illustr. Huettius: 'si, imperitante Vitellio, id fecisset Mucianus, poterat adscribi libertati. Nunc cum, eo mortuo, id faciat, libertati tribui non potest.'

⁴ *In Sarmatas.* Sane Sarmatas Rhoxolanos, quos forte rursus tumultuantes compescuerat Mucianus, cum per Thraciam Mæsiæque iter faceret. De his jam dictum sup. Hist. i, 79. et iii, 24. Fingeatur autem hæc expeditio, quod de victis civibus triumphalia dari non poterant. De triumphalibus ornamentis plura dicentur in Vit. Agr. 40.

⁵ *Prætoria insignia.* De consularibus prætorisque insignibus v. sup. An. xii, 21.

Ceteri, vultu manuque;⁵ pauci, quibus conspicua dignitas, aut ingenium adulatione exercitum, compositis orationibus adsentiebantur. Ubi ad Helvidium Priscum, prætorem designatum, ventum, promisit sententiam, ut honorificam in bonum Principem, ita falsa aberant, et studiis senatus attollabatur. Isque præcipuus illi dies, magnæ offensæ initium, et magnæ gloriæ fuit.

5. Res poscere videtur, quia iterum¹ in mentionem incidimus viri sæpius memorandi, ut vitam studiaque ejus, et quali fortuna sit usus, paucis repetam. Helvidius Priscus, regione Italiæ,² Tarracinæ municipio, Cluvio patre,³ qui ordinem primipili⁴ duxisset, ingenium inlustre altioribus studiis juvenis admodum dedit: non, ut plerique, ut nomine magnifico segne otium velaret, sed quo firmior adversus fortuita, rempublicam capesseret: doctores sapientiæ⁵ secutus est, qui sola bona, quæ honesta, mala tantum, quæ turpia: potentiam, nobilitatem, ceteraque extra animum, neque bonis, neque malis adnumerant. Quæstorius⁶ adhuc, a Pæto Thræsea gener delectus,⁷ e moribus soceri nihil æque ac libertatem hausit: civis, senator, maritus, gener, amicus, cunctis vitæ officiis æquabilis, opum contemtor, recti pervicax, constans adversus metus.

6. Erant, quibus appetentior famæ videretur; quando etiam sapientibus cupido gloriæ novissima exuitur.¹ Ruina soceri, in exilium pulsus, ut, Galbæ principatu, rediit,² Marcellum

6 *Manuque*. Quo de usu Seneca Ep. viii. 'Si hoc mecum, si hoc cum posteris loquor, non videor tibi plus prodesse, quam cum ad vadimonium advocatus descendere, aut tabulis testamenti anulum imprimere, aut in senatu candidato vocem et manum commodarem.'

1 *Iterum*. De Helvidio jam facta mentio sup. An. xvi, 35.

2 *Regione Italiæ*. Hæc insititia, et omittenda. V. not. et em. ad Hist. iv, 5.

3 *Cluvio patre*. Cluvii filius, appellari non potuit Helvidius Priscus, quin adoptatus fuerit ab Helvidio Prisco, unde in nomen et familiam transierit. Existimat Lipsius eum adoptatum fuisse ab Helvidio Prisco, legato legionis, de quo sup. An. xii, 49. ejus avunculo. Utrum avunculus fuerit, nec ne, incertum. Præterea alii esse potuere Helvidii Prisci. Memoratur An. xiii, 28. Helvidius Priscus, tribunus plebis. Quis

ergo adoptaverit, incertum.

4 *Ordinem primipili*. Qui primus centurio fuerat; v. An. xiii, 36.

5 *Doctores sapientiæ*. Stoicos, quorum placita hic egregie Tacitus, Epictetus Enchiridii initio exposuere.

6 *Quæstorius*. Summa cum industria sub Nerone Achaia quæstor administraverat, teste Scholiaste Juvenal. v, 36.

7 *Gener delectus*. Ut jam vidimus sup. An. xvi, 28 et 35.

1 *Novissima exuitur*. Egregie dictum; et ex intima mentis humanæ natura repetitum.

2 *Rediit*. Apollonia rediit, cum Galba exules patriæ reddidit; ut dictum est sup. Hist. ii, 92. V. et Suppl. An. xvi, 36. Quo autem libertatis studio vixerit, docet Schol. Juvenal. v, 36. Post interfectum Neronem restitutus a Galba, non aliter quam libero civitatis statu egit.

Eprium delatorem Thraseæ³ accusare adgreditur. Ea ultio, incertum major an justior, senatum in studia diduxerat. Nam si caderet Marcellus agmen reorum sternebatur. Primo minax certamen, et egregiis utriusque orationibus testatum. Mox, dubia voluntate Galbæ, multis senatorum deprecantibus, omisit Priscus; variis, ut sunt hominum ingenia, sermonibus, moderationem laudantium, aut constantiam requirentium. Ceterum eo senatus die, quo "de imperio Vespasiani" censebant,⁴ placuerat "mitti ad Principem legatos." Hinc inter Helvidium et Eprium acre jurgium. Priscus "eligi nominatim a magistratibus juratis;"⁵ Marcellus "urnam" postulabat,⁶ quæ consulis designati sententia fuerat.

7. Sed Marcelli studium proprius rubor excitabat, ne, aliis electis, posthabitus crederetur. Paulatimque, per altercationem ad continuas et infestas orationes proveci sunt, quærente Helvidio, "quid ita Marcellus iudicium magistratuum paveret? esse illi pecuniam, et eloquentiam, queis multos anteeret, ni memoria flagitiorum urgeretur. Sorte et urna, mores non discerni: suffragia et existimationem senatus reperta, ut in cujusque vitam famamque penetrarent: pertinere ad utilitatem reipublicæ, pertinere ad Vespasiani honorem, occurrere illi, quos innocentissimos senatus habeat, qui honestis sermonibus aures Imperatoris imbuant. Fuisse Vespasiano amicitiam cum Thrasea, Sorano, Sentio:¹ quorum accusatores, etiamsi puniri non oporteat, ostentari non debere: hoc senatus iudicio, velut admoneri Principem, quos probet, quos reformidet: nullum majus boni imperii instrumentum, quam bonos amicos esse. Satis Marcello, quod Neronem in exitium tot innocentium impulerit. Frueretur præmiis et impunitate; Vespasianum melioribus relinqueret."

8. Marcellus, "non suam sententiam impugnari, sed consulem designatum censuisse" dicebat, "secundum vetera

³ Delatorem Thraseæ. V. sup. An. xvi, 22. 28 sq.

⁴ Censebant. Cum senatus cuncta Principibus solita Vespasiano decrevit, ut dictum est supra cap. 3. tunc factum est senatusconsultum, quæ lex regia vulgo dicitur: extat adhuc ære incisum in ædibus Capitolinis. Egregium istud antiquitatis monumentum v. in not. et em. ad Hist.

iv, 6.

⁵ Juratis. Sic sup. An. iv, 21. 'Iudicio jurati senatus:' quod v.

⁶ Urnam postulabat. V. inf. c. 8.

¹ Sentio. Quis sit ille Sentius ignoratur. Forte emendand. Seneca. V. not. et em. ad Hist. iv, 7.

exempla,¹ quæ sortem legationibus posuissent, ne ambitioni aut inimicitii locus foret. Nihil evenisse, cur antiquitus instituta exolescerent, aut Principis honor in cuiusquam contumeliam verteretur: sufficere omnes obsequio: id magis vitandum, ne pervicacia quorundam irritaretur animus, novo principatu suspensus, et vultus quoque ac sermones omnium circumspectans. Se meminisse temporum, quibus natus sit, quam civitatis formam patres avique instituerint: ulteriora mirari, præsentia sequi: bonos Imperatores voto expetere, qualescumque tolerare. Non magis sua oratione² Thræseam, quam iudicio senatus adflictum. Sævitiæ Neronis, per huiusmodi imagines³ inlusisse: nec minus sibi anxiam talem amicitiam, quam aliis exilium. Denique constantia, fortitudine, Catonibus et Brutis æquaretur Helvidius: se unum esse ex illo senatu, qui simul servierit. Suadere etiam Prisco, ne supra Principem scanderet, ne Vespasianum senem triumphalem,⁴ juvenum liberorum patrem, præceptis coerceret. Quomodo pessimis Imperatoribus sine fine dominationem, ita quamvis egregiis modum libertatis placere." Hæc magnis utrimque contentionibus jactata, diversis studiis accipiebantur. Vicit pars, quæ sortiri legatos malebat, etiam mediis patrum⁵ adnitentibus retinere morem. Et splendidissimus quisque eodem inclinabat, metu invidiæ si ipsi eligerentur.

9. Secutum aliud certamen. Prætores æarii (nam tum a prætoribus tractabatur æarium¹) "publicam paupertatem" questi, "modum impensis"² postulaverant. Eam curam consul designatus, ob magnitudinem oneris, et remedii difficultatem, Principi reservabat. Helvidius, "arbitrio senatus agendum" censuit. Cum perrogarent sententias consules, Vulcatius Tertullinus, tribunus plebis, intercessit, "ne quid super

¹ *Vetera exempla.* Talia quidem exempla occurrunt ap. Cic. Ep. ad Att. i, 17. et Dion. lix, p. 657. Quamque frequentes in senatu sortes Augustus fecerit, docet Suet. Aug. 35. At nonnunquam eligebantur legati, ut patet ex eodem Suet. Claud. 6. et Dione, l. c.

² *Sua oratione.* Quam v. An. xvi, 28.

³ *Per huiusmodi imagines.* Per has iudicii imagines; ut sup. An. iii, 17. 'Biddum super hac imagine cognitionis absumtum.'

⁴ *Senem triumphalem.* V. sup. Hist. ii,

77.

⁵ *Mediis patrum.* I. e. neutram partem secutis, neque Helvidio, neque Marcello addictis; sicque accipere optimi interpretes Itali, Hispani, Angli et Galli. Nec intelligendum, ut quibusdam placet, de senatoribus mediis, i. e. mediocris fortunæ.

¹ *Tractabatur æarium.* De æario, iisque, qui æarium tractavere, dictum An. xiii, 29. et in not. et em. ad h. l.

² *Impensis.* Publicis impensis, ut inf. c. 40.

tanta re, Principe absente, statueretur." Censuerat Helvidius, ut "Capitolium publice restitueretur, adjuvaret Vespasianus." Eam sententiam modestissimus quisque silentio, deinde oblivio transmisit:³ fuere, qui et meminissent.⁴

10. Tum invectus est Musonius Rufus¹ in "Publium Celerem,² a quo Baream Soranum falso testimonio circumventum" arguebat. Ea cognitione renovari odia accusationum videbantur: sed vilis et nocens reus protegi non poterat. Quippe Sorani sancta memoria: Celer professus sapientiam,³ dein testis in Baream, proditor, corruptorque amicitiae, cujus se magistrum ferebat. Proximus dies causae destinatur. Nec tam Musonius aut Publius, quam Priscus et Marcellus,⁴ ceterique, motis ad ultionem animis, expectabantur.

11. Tali rerum statu, cum discordia inter patres, ira apud victos, nulla in victoribus auctoritas, non leges, non Princeps in civitate essent; Mucianus, Urbem ingressus, cuncta simul in se traxit: fracta Primi Antonii, Varique Arrii potentia, male dissimulata in eos Muciani iracundia, quamvis vultu tegeretur. Sed civitas, rimandis offensis sagax, verterat se, transtuleratque. Ille unus ambiri, coli:¹ nec deerat ipse, stipatus armatis, domos, hortosque permutans, apparatu, incensu, excubiis, vim Principis amplecti, nomen remittere. Plurimum terroris intulit caedes Calpurnii Galeriani. Is fuit filius C. Pisonis,² nihil ausus: sed nomen insigne, et decora ipsi juventa, rumore vulgi celebrabantur: erantque in civitate adhuc turbida, et novis sermonibus laeta, qui principatus inanem ei famam circumdarent. Jussu Muciani, custodia militari

³ *Oblivio transmisit.* Oblivione transmisit. Neutris delectatur Tacitus. Sic alias usurpat *obsidium*, *occidium*. In plurali Horat. Sermon. ii, 6, 62. 'Ducere sollicitae jucunda oblivio vitæ.' Inf. idem Tacitus c. 31. 'Aut levi murmure, et plerumque silentio transmittabant.'

⁴ *Et meminissent.* Maxime ii, qui postea Helvidium, ob nimium libertatis studium, reum majestatis fecere; ut dicitur inf.

¹ *Musonius Rufus.* De quo sup. An. xv, 71.

² *Publium Celerem.* Publium Egnatium Celerem, de quo sup. An. xvi, 32. Ibi quoque v. Juvenalis censuram. Adde vet. Juvenalis Scholiast. in hæc verba, i, 33. 'Magni delator amici.' 'Alii dicunt philosophum

Egnatium Celerem, Bareæ Sorani magistrum, qui ipsum apud Neronem detulit, et damnavit: et ipse postea sub Vespasiano hoc, ipsum Musonio Rufo accusante, damnatus est.'

³ *Sapientiam.* Stoicam. At nemo nequior, quam cum optimæ disciplinæ corruptor.

⁴ *Priscus et Marcellus.* Helvidius Priscus et Epirus Marcellus.

¹ *Ambiri, coli.* Et, teste Dione, lxxvi, p. 745. ægre ferebat, si minus coleretur: ut nimius in ornandis iis, quorum vel levissimum officium erat expertus, ita adversus ceteros acerbissimum exercebat odium.

² *C. Pisonis.* C. Calpurnii Pisonis, a Nerone interfecti; de quo sup. An. xv, 48 et 59.

cinctus, ne in ipsa Urbe conspectior mors foret, ad quadragesimum ab Urbe lapidem,³ via Appia, fuso per venas sanguine, extinguitur. Julius Priscus, prætoriarum, sub Vitellio, cohortium præfectus,⁴ se ipse interfecit, pudore magis quam necessitate. Alphenus Varus⁵ ignaviæ infamiæque suæ superfluit. Asiaticus enim⁶ libertus malam potentiam servili supplicio⁷ expiavit.

12. Iisdem diebus, crebrescentem cladis Germanicæ famam, nequaquam moesta civitas excipiebat: "cæsos exercitus, capta legionum hiberna, descivisse Gallias," non ut mala loquebantur. Id bellum quibus causis ortum, quanto externarum sociarumque gentium motu flagraverit, altius expediam. Batavi, donec trans Rhenum agebant, pars Cattorum;¹ seditione domestica² pulsus, extrema Gallicæ oræ, vacua cultoribus, simulque insulam, inter vada³ sitam, occupavere, quam mare Oceanus⁴ a fronte, Rhenum amnis tergum ac latera circumluit; nec opibus Romanis, societate validiorum, attriti, viros tantum armaque⁵ imperio ministrant: diu Germanicis bellis exerciti: mox aucta per Britanniam⁶ gloria, transmissis illuc

3 *Quadragesimum—lapidem.* Ubi villa et monumentum erat Calpurniorum. Multi adhuc ibi reperiuntur inscripti lapides, qui ad Calpurniæ gentis libertos pertinent, teste erudito Corradino, *Vetus Latium*, vol. ii, p. 202. Villa erat viæ Appiæ contermina, haud procul a ponte Sanctæ Cæcilie.

4 *Præfectus.* V. sup. Hist. ii, 92.

5 *Alphenus Varus.* Prætorii quoque præfectus. Hist. iii, 36.

6 *Asiaticus enim.* Forte *Asiaticus autem.* De hoc fædo mancipio v. Hist. ii, 57 et 95.

7 *Servili supplicio.* Sup. An. iii, 50. et xv, 60.

1 *Pars Cattorum.* De quibus plura inf. de Mor. Germ. xxix, sq.

2 *Seditione domestica.* Quonam tempore hæc seditio domestica, et migratio contigerint incompertum. Certe diu ante Julii Cæsaris tempora, ut observat Cl. Alting, *Notit. Germ. inf.* p. 14 et 15.

3 *Inter vada.* Unde eam 'palustrem humilemque insulam' appellat Tacitus Hist. v, 23. De qua jam dictum An. ii, 6. Mutatis temporibus, mutata insulæ forma ac fortuna; auctaque semper gloria.

4 *Mare Oceanus.* Male libri editi *mare Oceanum.* V. not. et em. ad Hist. iv, 12.

5 *Viros—armaque.* Bene Otho Vænius:

'Inter ceteros populi Romani socios principem facile locum olim tenebant Batavi; quippe qui nec opibus Romanis, nec validiorum societate, ut ceteri, attererentur: sed fœdere cum Romanis inito, in sociorum numerum relati, a vectigalibus, servitio, omnique tributi nomine immunes, soli militum delectui, armorumque suppeditioni obnoxii erant.' Inde laudatus Otho Vænius, pictor, artis suæ fama nobilis, et discipulo suo P. P. Rubens nobilissimus, materiam sumisit hoc 'Batavorum cum Romanis bellum,' fuse a Tacito in *Historiarum Libris iv et v.* descriptum, tabulis triginta sex exprimendi, quas Antonius Tempesta ære incidit. Illas si inspexerint et cum Taciti narratione contulerint viri artium literarumque periti, artem quidem Othonis Væнии laudabunt, Tacitum vero summo-pere suspicient, et quod multis aliis argumentis manifestum, atque ore omnium jam pervulgatum est, eum 'maximum antiquitatis pictorem' prædicabunt. Vænianus autem operis, pro sua humanitate, et immensis, quibus in hoc præclarissimo artium genere exuberat, opibus, copiam nobis fecit Cl. Mariette; hac in re, ut in aliis plurimis, de nostris studiis optime meritus.

6 *Per Britanniam.* V. Hist. ii, 27. et Vit. Agr. 18 et 36.

cohortibus, quas vetere instituto, nobilissimi popularium regebant. Erat et domi delectus eques, præcipuo nandi studio, arma equosque retinens,⁷ integris turmis, Rhenum perrumpere.⁸

13. Julius Paullus, et Claudius Civilis,¹ regia stirpe, multo ceteros anteibant. Paullum Fonteius Capito,² falso rebellio- nis crimine, interfecit. Injectæ Civili catenæ, missusque ad Neronem, et a Galba absolutus, sub Vitellio rursus discrimen adiit,³ flagitante supplicium ejus exercitu. Inde causæ irarum, spesque ex malis nostris. Sed Civilis, ultra quam barbaris solitum, ingenio solers, et “Sertorium se” aut “Hannibalem” ferens, simili oris dehonestamento,⁴ ne ut hosti obviam iretur, si a populo Romano palam descivisset, Vespasiani amicitiam, studiumque partium prætendit; missis sane ad eum Primi Antonii literis, quibus “avertere accita Vitellio auxilia, et tumultus Germanici specie, retentare legiones” jubebatur. Eadem Hordeonius Flaccus⁵ præsens monuerat, inclinato in Vespasianum animo, et reipublicæ cura, cui excidium adven- tabat, si redintegratum bellum, et tot armatorum millia Ita- liam inrupissent.

14. Igitur Civilis, desciscendi certus, occultato interim al- tiore consilio, cetera ex eventu judicaturus, novare res hoc modo cœpit. Jussu Vitellii, Batavorum juvenus ad delec- tum vocabatur; quem, suapte natura gravem, onerabant mi- nistri avaritia ac luxu, senes aut invalidos conquirendo, quos pretio dimitterent: rursus impubes, sed forma conspicui (et est plerisque procera pueritia) ad stuprum trahebantur. Hinc invidia: et compositæ seditionis auctores perpulere, ut delec- tum abnuerent. Civilis primores gentis, et promptissimos vulgi, specie epularum,¹ sacrum in nemus² vocatos, ubi nocte

7 *Armaequosque retinens.* Nempe patrio nandi usu, seque et arma et equos retine- bant, ut videre est in Vit. Agr. 18. integ- risque turmis Rhenum perrumpébant. Sic, Hadriano Principe, equites Batavi Is- trum, the Danube, natatu transmisere, ap. Dion. lxi. p. 792.

8 *Perrumpere.* Suetus perrumpere.

1 *Claudius Civilis.* Julius Paullus et Claudius Civilis, fratres; ut videbimus inf. c. 32. Civilis autem appellatus est Julius Civilis sup. Hist. i, 59. Forte quod Julius Claudius Civilis diceretur: hic vero omit- titur Julius, quia jam nominatus Julius

Paullus.

2 *Fonteius Capito.* Germaniæ inferioris legatus; de quo sup. Hist. i, 7.

3 *Adiit.* Hist. ii, 59.

4 *Dehonestamento.* Captus uno oculo. De Hannibale v. Liv. xxii, 2. de Sertorio Plut. Sertor. p. 569.

5 *Hordeonius Flaccus.* Germaniæ supe- rioris rector. Hist. i, 9.

1 *Specie epularum.* Et inter epulas de bello consultare soliti erant barbari. V. inf. de Mor. Germ. 22.

2 *Sacrum in nemus.* Inter Mosam et Rhenum, ad Duodecimum, nunc Dooden-

ac lætitia incaluisse videt, a laude gloriaque gentis orsus, injurias et raptus, et cetera servitii mala enumerat. "Neque enim societatem,³ ut olim, sed tamquam mancipia haberi. Quando legatum,⁴ gravi quidem comitatu, et superbo cum imperio, venire? tradi se præfectis centurionibusque: quos ubi spoliis et sanguine expleverint, mutari; exquirique novos sinus,⁵ et varia prædandi vocabula. Instare delectum, quo liberi a parentibus, fratres a fratribus, velut supremum dividantur. Numquam magis afflictam rem Romanam; nec aliud in hibernis, quam prædam et senes: attollerent tantum oculos, et inania legionum⁶ nomina ne pavescerent: esse sibi robur perditum equitumque; consanguineos Germanos; Gallias idem cupientes: ne Romanis quidem ingratum id bellum, cujus ambiguum fortunam Vespasiano imputaturos:⁷ victoriæ rationem non reddi."

15. Magno cum assensu auditus, barbaro ritu, et patriis execrationibus,¹ universos adigit. Missi ad Canninefates, qui consilia sociarent. Ea gens partem insulæ² colit, origine, lingua,³ virtute, par Batavis: numero superantur. Mox occultis nuntiis, pellexit Britannica auxilia, Batavorum cohortes, missas in Germaniam, ut supra retulimus,⁴ ac tum Mogontiacy⁵ agentes. Erat in Canninefatibus stolidæ audaciæ Brinno, claritate natalium insigni: pater ejus multa hos-

Werd, fuisse nemo illud sacrum Deæ Levæ, ibique adhuc esse vicum *Lewen*, existimat Cl. Alting. Notitia Germaniæ inferioris antiquæ, p. 103. et Tab. iv. De his memoribus dicitur adhuc inf. de Mor. Germ. 9.

3 *Neque enim societatem*. Neque enim socios, ut olim, sed servos haberi. Mallet Illustr. Huetius, *neque enim in societatem*: ac quidem merito. Evanuisse videtur præpositio ob superiorem particulam *enim*.

4 *Quando legatum*. Notam interrogandi recte apposuit Lips. sicque interpretatur: En, usque eo viles Romanis sumus, ut non legati, aut prætores saltem nos diripiant (i. e. honestiorum manibus pereamus) sed latrunculi aliquot minuti, præfecti et centuriones? Aliter Cl. Ernest. V. not. et em. ad Hist. iv, 14.

5 *Novos sinus*. Quibus Batavorum opes erant additæ. V. sup. Hist. ii, 92.

6 *Inania legionum*. Infrequentium invaditurumque legionum inania erant nomina.

7 *Imputaturos*. Bene Illustr. Huetius: 'Si, Batavis rebellantibus, res male succedat, ita excusabunt apud Vespasianum, quod Vitellianarum partium reliquias abolerere tentaverint; sin vincant, quis victores ad reddendam rationem cogere possit?'

1 *Patriis execrationibus*. Gentili sua religione, ut dictum sup. de Britannis, An. xii, 34.

2 *Partem insulæ*. Occidentalem partem insulæ, et Oceano proximam. Plin. iv, 15. 'nobilissima Batavorum insula et Canninefatum.' Ibi nunc *the Hague*, *Rotterdam*, &c. Canninefatum autem memoriam extare in vico *Kenneburg*, qui in Sancti Willebrordi testamento memoratur, observat erudit. Bucher. Belgium Romanum, p. 183.

3 *Lingua*. Origine et lingua Cattorum, ut sup. c. 12.

4 *Supra retulimus*. Hist. ii, 69. et forte hic emendandum, *remissus in Germaniam*.

5 *Mogontiacy*. Nunc *Mentz*.

tilia ausus, Caianarum expeditionum⁶ ludibrium impune spreverat. Igitur ipso rebellis familiæ omine placuit, impositusque scuto, more gentis,⁷ et sustinentium humeris vibratus, dux deligitur. Statimque accitis Frisiis⁸ (transrhenana gens est) duarum cohortium hiberna,⁹ proxima occupatu, Oceano inrumpit. Nec præviderant impetum hostium milites; nec, si prævidissent, satis virium ad arcendum erat. Capta igitur et direpta castra: dein vagos, et pacis modo effusos lixas,¹⁰ negotiatoresque Romanos, invadunt. Simul excidiis castellorum imminebant; quæ a præfectis cohortium incensa sunt, quia defendi nequibant. Signa vexillaque, et quod militum, in superiore insulæ partem¹¹ congregantur, duce Aquilio, primipilari,¹² nomen magis exercitus, quam robur. Quippe viribus cohortium abductis, Vitellius, e proximis Nerviorum¹³ Germanorumque¹⁴ pagis, segnem numerum armis oneraverat.

16. Civilis dolo grassandum ratus, incusavit ultro præfectos, "quod castella deseruissent. Se cum cohorte, cui præerat, Canninefatem tumultum compressurum: illi sua quisque hiberna repeterent." Subesse fraudem consilio, et dispersas cohortes facilius opprimi, nec Brinnonem ducem ejus belli, sed Civilem esse, patuit: erumpentibus paulatim indiciis, quæ Germani, læto bello gens, non diu occultaverant. Ubi insidiæ parum cessere, ad vim transgressus, Canninefates, Frisios, Batavos propriis cuneis¹ componit: directa ex diverso acies,² haud procul a flumine Rheno, et obversis in hostem navibus, quas, incensis castellis, illic appulerant: nec diu certato, Tungrorum³ cohors signa ad Civilem transtulit: perculsi milites improvisa proditione, a sociis hostibusque

6 *Caianarum expeditionum.* Quas Caius Caligula adversus Germanos susceperat. V. Suppl. An. viii, 38.

7 *More gentis.* Quo postea more reges Franci, alique multi, ut omnibus comperitum, delecti. V. inf. de Mor. Germ. 8.

8 *Frisiis.* Frisii maritima incolebant inter Rheni et Amisiæ, the Ems, ostia.

9 *Cohortium hiberna.* Creditur hiberna illa fuisse loco qui nunc dicitur the castle of Britten, ad Rheni ostium. At in Oceano delitescunt. V. Cl. Sellium, *Histoire Générale des Provinces Unies*, vol. i, p. 16. vol. ii, p. 62.

10 *Lixas.* De lixis dictum sup. Hist. i, 49.

11 *Superiorem—partem.* Ea est superior insulæ pars, quæ nunc dicitur *Betuwe*, aut *Betaw*.

12 *Primipilari.* Primo centurione.

13 *Nerviorum.* Nunc *Hainault*.

14 *Germanorumque.* Tungrorum aliorumque Germanorum populorum, qui e Germania in has oras transierant.

1 *Cuneis.* De his cuneis fronte angustioribus, deinde latioribus v. inf. in Mor. Germ. 6.

2 *Acies.* Acies, ut videtur, occurrere prope locum, qui nunc dicitur *Kuilenburg*, in the isle of *Betuwe*.

3 *Tungrorum.* Quorum nomen adhuc manet in oppido *Tongres*.

cædebantur. Eadem etiam navibus perfidia. Pars remigum e Batavis, tamquam imperitia, officia nautarum propugnatorumque impediabant: mox contra tendere, et puppes hostili ripæ objicere: ad postremum gubernatores centurionesque, nisi eadem volentes, trucidant, donec universa quatuor et viginti navium classis, transfugeret, aut caperetur.

17. Clara ea victoria in præsens, in posterum usui: armaque et naves, quibus indigebant, adepti, magna per Germanias Galliasque fama, "libertatis auctores" celebrabantur. Germaniæ¹ statim misere legatos, auxilia offerentes. Galliarum societatem Civilis arte donisque adfectabat, captos cohortium præfectos suas in civitates² remittendo: cohortibus, abire, an manere mallent, data potestate: manentibus, honorata militia; digredientibus, spolia Romanorum offerebantur. Simul, secretis sermonibus, admonebat "malorum, quæ tot annis perpassi, miseram servitutem falso pacem vocarent. Batavos, quamquam tributorum expertes, arma contra communes dominos cepisse: prima acie, fustum victumque Romanum: quid, si Galliæ jugum exuant? quantum in Italia reliquum? provinciarum sanguine provincias vinci: ne Vindicis aciem³ cogitarent: Batavo equite, protritros Æduos Arvernosque: fuisse inter Verginii auxilia Belgas:⁴ vereque reputantibus, Galliam suismet viribus concidisse. Nunc easdem omnium partes, addito, si quid militaris disciplinæ in castris Romanorum vigerit: esse secum veteranas cohortes, quibus nuper Othonis legiones procubuerint.⁵ Servirent Syria Asiaque, et suetus regibus Oriens: multos adhuc in Gallia vivere, ante tributa⁶ genitos. Nuper certe, cæso Quinctilio Varo,⁷ pulsam e Germania servitutem. Nec Vitellium Principem, sed Cæsarem Augustum bello provocatum. Liberta-

1 *Germaniæ*. Inferior et superior Germania.

2 *Suas in civitates*. In Galliarum civitates.

3 *Vindicis aciem*. V. Suppl. An. xvi, 78.

4 *Belgas*. 'A Scalde, [*the Scheldt*,] ad Sequanam, [*the Seine*,] erat Belgica.' Plin. iv, 17.

5 *Procubuerint*. Sup. Hist. ii, 43 et 66.

6 *Ante tributa*. Hæc ne intelligas de tributis quæ Julius Cæsar ferme ante 120.

annos imposuerat. Nec tam vitales tunc Galli, ut recte monet Lips. Verum accipe de tributis, quæ Augustus Tiberiusque, actis Galliarum censibus, præscripserant. Primum census egit Augustus, septimo suo consulatu A. U. C. 727. teste Dione, liii, p. 512. Alii fuere census, A. U. C. 767 et 769. Tac. An. i, 31 et 33. ii, 6. Vere ergo dici potuit, 'multos adhuc in Gallia vivere, ante tributa genitos.'

7 *Quinctilio Varo*. De Variana clade dictum An. i, 10, et alias sæpe.

tem natura, etiam mutis animalibus, datam. Virtutem proprium hominum bonum. Deos fortioribus adesse. Proinde arriperent vacui, occupatos; integri, fessos: dum alii Vespasianum, alii Vitellium foveant, patere locum adversus utrumque."

18. Sic in Gallias Germaniasque intentus, si destinata provenissent, validissimarum ditissimarumque nationum regno imminebat. At Flaccus Hordeonius primos Civilis conatus per dissimulationem aluit. Ubi "expugnata castra, deletas cohortes, pulsum Batavorum insula Romanum nomen," trepidi nuntii adferebant, Mummius Lupercum, legatum (is duarum legionum hibernis præerat¹) "egredi adversus hostem" jubet. Lupercus legionarios e præsentibus, Ubios e proximis, Treverorum equites haud longe agentes, raptim transmisit, addita Batavorum ala, quæ jam pridem corrupta, fidem simulabat, ut, proditis in ipsa acie Romanis, majore pretio fugeret. Civilis, captarum cohortium signis circumdatus, ut suo militi recens gloria ante oculos, et hostes memoria cladis terrentur; matrem suam sororesque, simul omnium conjuges parvosque liberos, consistere a tergo jubet;hortamenta victoriæ, vel pulsus pudorem. Ut virorum cantu, foeminarum ululatu, sonuit acies: nequaquam par a legionibus, cohortibusque redditur clamor. Nudaverat sinistrum cornu Batavorum ala transfugiens, statimque in nos versa: sed legionarius miles, quamquam rebus trepidis, arma ordinesque retinebat. Ubiorum Treverorumque auxilia, foeda fuga dispersa, totis campis palantur. Illuc incubuere Germani. Et fuit interim effugium legionibus in castra, quibus *Veterum*² nomen est. Præfectus alæ Batavorum, Claudius Labeo, oppidano certamine³ æmulus Civili, ne interfectus invidiam apud populares, vel si retineretur, semina discordiæ præberet, in Frisios avehitur.

19. Iisdem diebus, Batavorum et Canninefatium cohortes,

¹ *Hibernis præerat.* Hiberna illa erant Vetera castra, nunc *Santen*, ut mox dicetur, duabus legionibus sita. V. inf. c. 22. Mummius Lupercus erat legionis legatus, sed hibernis, in quibus duæ legiones erant, præerat; forte, quod senior: uti explicat Ryckius. Nulla ergo difficultas, quam fingit eruditus Savilius. Duæ autem illæ

legiones erant quinta et quintadecima, quæ memorantur inf. c. 36.

² *Veterum.* Vetera, seu Vetera Castra, nunc *Santen*, in the *Duchy of Cleves*; ut jam dictum An. i, 45.

³ *Oppidano certamine.* Eodem oppido oriundi Civilis et Labeo; unde, uti adsolet, certamen.

cum jussu Vitellii in Urbem pergerent,¹ missus a Civile nuntius adsequitur. Intumescere statim superbia ferociaque, et “pretium itineris,² donativum, duplex stipendium, augeri equitum numerum,” promissa sane a Vitellio, postulabant; non, ut adsequerentur, sed causam seditioni. Et Flaccus multa concedendo, nihil aliud effecerat, quam ut acrius exposcerent, quæ sciebant negaturum. Spreto Flacco, inferiorem Germaniam petivere, ut Civili jungerentur. Hordeonius, adhibitis tribunis centurionibusque, consultavit, “num obsequium abnuentes vi coerceret.” Mox, insita ignavia, et trepidis ministris, quos ambiguus auxiliorum animus, et subito delectu suppletæ legiones angebant, statuit continere intra castra militem. Dein poenitentia, et arguentibus ipsis, qui suaserant, tamquam secuturus, scripsit Herennio Gallo, legionis primæ legato, qui Bonnam³ obtinebat, ut “arceret transitu Batavos: se cum exercitu tergis eorum hæsurum.” Et opprimi poterant, si hinc Hordeonius, inde Gallus, motis utrimque copiis, medios clausissent. Flaccus omisit inceptum, aliisque literis Gallum monuit, ne terreret abeuntes. Unde suspicio, sponte legatorum excitari bellum: cunctaque quæ acciderant, aut metuebantur, non inertia militis, neque hostium vi, sed fraude ducum evenire.

20. Batavi, cum castris Bonnensibus propinquarent, præmisere qui Herennio Gallo mandata cohortium exponeret. “Nullum sibi bellum adversus Romanos, pro quibus totiens bellassent. Longa atque inrita militiæ fessis, patriæ atque otii cupidinem esse. Si nemo obsisteret, innoxium iter fore: sin arma occurrant, ferro viam inventuros.” Cunctantem legatum milites perpulerant, “fortunam prælii experiretur.” Tria millia⁴ legionariorum, et tumultuariæ Belgarum cohortes, simul paganorum⁵ lixarumque ignava, sed procax ante periculum ma-

¹ *In Urbem pergerent.* Mogontiaco in Urbem pergebant, ut dictum est sup. c. 15. Hæc vero si attente perpenderis, et cum dictis Hist. ii, 69, contuleris, tempus ordinemque belli Batavici habere in promptu est. Major vero difficultas in numero locisque legionum, quibus confectum hoc bellum. Qua ne detinearis, v. not. et em. ad Hist. ii, 6. ubi dictum satis de legionibus, earumque locis.

² *Pretium itineris.* Viaticum; ut sup. Hist. i, 57. De donativo, dictum est Hist. ii, 94. de duplici stipendio, An. i, 17.

³ *Qui Bonnam.* Hodieque Bonn.

⁴ *Tria millia.* Has legiones adeo imminuerat Vitellius, ut dimidia, aut vix dimidia legionum pars essent.

⁵ *Paganorum.* Eorum, qui non militabant.

nus, omnibus portis erumpunt, ut Batavos numero impares circumfundant. Illi, veteres militiæ, in cuneos congregantur, densi undique, et frontem tergaque ac latus tuti. Sic tenuem nostrorum aciem perfringunt. Cedentibus Belgis, pellitur legio, et vallum portasque trepidi petebant. Ibi plurimum cladis: cumulatæ corporibus fossæ: nec cæde tantum et vulneribus, sed ruina, et suis plerique telis interiire. Victores, colonia Agrippinensium³ vitata, nihil cetero in itinere hostile ausi, Bonnense prælium excusabant: tamquam petita pace, postquam negabatur, sibimet ipsi consuluisse.

21. Civilis, adventu veteranarum cohortium, justi jam exercitus ductor, sed consilii ambiguus, et vim Romanam reputans, cunctos qui aderant, in verba Vespasiani adigit: mittitque legatos ad duas legiones, quæ, priore acie pulsæ, in Venera castra concesserant,¹ "ut idem sacramentum acciperent." Redditur responsum, "neque proditoris, neque hostium se consiliis uti. Esse sibi Vitellium Principem, pro quo fidem et arma usque ad supremum spiritum retenturos: proinde perfuga Batavus arbitrum rerum Romanarum ne ageret, sed meritas sceleris poenas expectaret." Quæ ubi relata Civili, incensus ira, universam Batavorum gentem in arma rapit. Jununtur Bructeri Tencterique,² et excita nuntiis Germania³ ad prædam famamque.

22. Adversus has belli concurrentis minas, legati legionum, Mummius Lupercus, et Numisius Rufus, vallum murosque firmabant: subversa longæ pacis opera, haud procul castris in modum municipii¹ exstructa, ne hostibus usui forent. Sed parum provisum, ni copiæ² in castra conveherentur: rapi permisere. Ita paucis diebus per licentiam absunta sunt, quæ adversus necessitates in longum suffecissent. Civilis medium

³ Colonia Agrippinensium. Nunc Cologne.

¹ Concesserant. Ut dictum sup. c. 18.

² Bructeri Tencterique. Vicini, sociique bellorum, de quibus sup. An. xiii, 56.

³ Germania. Germania Transrhenana.

¹ In modum municipii. Ante castra erant procestria, ut videre est apud Festum in voce procestria. Ibi non modo calones, lixæ, aliæque militiæ ministeria, sed et mercatores, et qui societatis ac tranquillitatis causa huc se conferebant. Inde, longa

Tue.

VOL. III.

pace, ædificia in modum municipii excreverant. Jam vidimus sup. c. 15. "Dirapta castra: dein vagos et pacis modo effusos lixas, negotiatoresque Romanos invadunt."

² Ni copiæ. Parum provisum erat securitati, subversis procestriis, ni simul copiæ, id est, cibaria ceterique commeatus, in castra conveherentur. Contra eas rapi permisere; et paucis diebus per licentiam absunta sunt.

agmen cum robore Batavorum obtinens, utramque Rhēni ripam,³ quo truculentior visu foret, Germanorum catervis complet, ad-sultante per campos equite. Simul naves in adversum amnem agebantur. Hinc veteranarum cohortium signa, inde deprom-tæ sylvis lucisque ferarum imagines,⁴ ut cuique genti inire prælium mos est, mixta belli civilis externique facie⁵ obstu-pefecerant obsessos: et spem oppugnantium augebat ampli-tudo valli, quod duabus legionibus situm, vix quinque millia⁶ armatorum Romanorum tuebantur. Sed lixarum multitudo, turbata pace illuc congregata, et bello ministra aderat.

23. Pars castrorum,¹ in collem leniter exsurgens; pars æquo adibatur: quippe, illis hibernis, obsideri premique Ger-manias, Augustus crediderat: neque umquam id malorum, ut oppugnatum ultro legiones nostras venirent. Inde non loco, neque munimentis labor additus: vis et arma satis placebant.² Batavi, Transrhenanique,³ quo discreta virtus manifestius spectaretur, sibi quæque gens consistunt, eminus lacessentes. Post ubi pleraque telorum turribus pinnisque mœnium inrita hærebant, et desuper saxis vulnerabantur; clamore atque im-petu, invasere vallum, appositis plerique scalis, alii per tes-tudinem suorum:⁴ scandebantque jam quidam, cum gladiis et armorum incussu præcipitati, sudibus et pilis obruuntur, præferoces initio, et rebus secundis nimii. Sed tum prædæ cupidine, adversa quoque tolerabant. Machinas etiam, inso-litum sibi, ausi: nec ulla ipsis solertia: perfugæ captivique docebant struere materias in modum pontis,⁵ mox subjectis

³ *Utramque Rhēni ripam.* Opinatur Lipsius vel omittendum *utramque*, vel emendandum *utrimque*, ita ut hostes non utramque Rhēni ripam obtinuerint, sed supra infraque castra militem locaverint ad obsessorum terrorem. At libri omnes scripti et editi præter MS. Bud. habent *utramque*: igitur vox retinenda. Nec emendan-dum *utrimque*, id est, supra et infra castra; cum non utrimque tantum castra premere potuerit Civilis, sed utramque etiam Rhe-ni ripam obtinere, sinistram cum suis Ba-tavis, et quæ accesserant, auxiliis, dextram cum adventantibus Germanis. Sic enim visu truculentior, et abundabant commea-tus. Romanis vero spes omnis interclusa.

⁴ *Ferarum imagines.* Hac de re plura inf. de Mor. Germ. 7.

⁵ *Externique facie.* Nempe veteranarum cohortium signa belli civilis, externi faciem

referebant ferarum imagines.

⁶ *Vix quinque millia.* Adeo Vitellius has legiones imminuerat, ut jam monuimus sup. c. 20.

¹ *Pars castrorum.* Castra illa sunt Ve-tera, seu Vetera castra, ut jam dictum c. 18. Ea Augustus duabus legionibus posu-erat. Unius castra in colle, alterius in pla-no. Vetera autem dicebantur, quod alia postea in Germania posita sunt.

² Cf. Ruhnken. ad Vell. Paterc. ii, 112.

³ *Transrhenanique.* Bructeri, Tencteri, ceterique Germani populi.

⁴ *Testudinem suorum.* Ut sup. Hist. iii, 27. et An. xiii, 39.

⁵ *In modum pontis.* Quomodo hæ turres struerentur, indeque pons proferretur, ex Vegetio docebitur in not. et em. ad Hist. iv, 23.

rotis propellere: ut alii superstantes, tamquam ex aggere, præliarentur: pars intus, occulti muros subruerent. Sed excussa balistis⁶ saxa, stravere informe opus: et crates vineasque⁷ parantibus, adactæ tormentis ardentes hastæ: ulroque ipsi oppugnatores ignibus petebantur: donec, desperata vi, verterent consilium ad moras, haud ignari paucorum dierum inesse alimenta, et multum imbellis turbæ. Simul ex inopia præditio, et fluxa servitiorum fides, ac fortuita belli sperabantur.

24. Flaccus interim, cognito castrorum obsidio, et missis per Gallias, qui auxilia concirent, lectos e legionibus¹ Dillio Vocolæ, duoetvicesimæ legionis legato, tradit, ut quam maximis per ripam itineribus celeraret. Ipse pavidus, invalidus corpore,² invisus militibus: neque enim ambigue fremebant, “emissas a Mogontiaci Batavorum cohortes, dissimulatos Civilis conatus, adsciri in societatem Germanos: non Primi Antonii, neque Muciani ope Vespasianum magis adolevisse: aperta odia, armaque palam depelli:³ fraudem et dolum, obscura, eoque inevitabilia: Civilem stare contra, struere aciem; Hordeonium e cubiculo et lectulo jubere, quidquid hosti conducatur. Tot armatas fortissimorum virorum manus, unius senis valetudine regi. Quin potius, interfecto traditore,⁴ fortunam virtutemque suam malo omine exsolverent.” His inter se vocibus instinctos flammavere insuper allatæ a Vespasiano literæ, quas Flaccus, quia occultari nequibant, pro concione recitavit; victosque, qui adtulerant, ad Vitellium misit.

25. Sic mitigatis animis, Bonnam, hiberna primæ legionis, ventum. Infensior illic miles, culpam cladis¹ in Hordeonium vertebat: “ejus jussu directam adversus Batavos aciem, tamquam a Mogontiaci legiones sequerentur: ejusdem proditione cæsos, nullis supervenientibus auxiliis. Ignota hæc ceteris

⁶ *Balistas.* V. sup. Hist. iii, 23.

⁷ *Crates vineasque.* De quibus sup. Hist. ii, 21.

¹ *E legionibus.* Quarta Macedonica, et duoetvicesima, quæ Mogontiaci agebant.

² *Invalidus corpore.* Senecta et debilitate pedum invalidus, ut dictum sup. Hist. i, 9.

³ *Armaque palam depelli.* Ita ferme Salust. Orat. ii. de Republica ordinanda, c. 52. ‘Hostem adversum opprimere, strenuo

homini haud difficile est: occulta pericula neque facere, neque vitare, bonis in promptu est.’

⁴ *Traditore. Traditor,* vox a nullis scriptoribus Romanis usurpata; multo post a Christianis reperta. Unde legendum existimo, *interfectore tradito*: nempe *tradito* hostibus, quibuscum societatem inisse dicebatur.

¹ *Cladis.* De qua sup. c. 20.

exercitibus, neque Imperatori suo nuntiari, cum accursu tot provinciarum extingui repens² perfidia potuerit." Hordeonius exemplaria omnium literarum, quibus per Gallias Britanniamque et Hispanias auxilia orabat, exercitui recitavit; instituitque pessimum facinus, ut epistolæ Aquiliferis³ legionum traderentur, a quibus ante militi, quam ducibus, legebantur. Tum e seditiosis unum vinciri jubet, magis usurpandi juris,⁴ quam quia unius culpa foret. Motusque Bonna exercitus in Coloniam Agrippinensem; affluentibus auxiliis Gallorum, qui primo rem Romanam enixe juvabant. Mox, valescentibus Germanis, pleræque civitates adversum nos armatae, spe libertatis; et, si exuissent servitium, cupidine imperitandi. Gliscebant iracundia legionum, nec terrorem unius militis vincula indiderant: quin idem ille arguebat ultro "conscientiam ducis, tamquam nuntius inter Civilem Flaccumque, falso crimine, testis veri opprimeretur." Consendit tribunal Vocula, mira constantia, prehensumque militem ac vociferantem, "duci ad supplicium" jussit. Et dum mali pavent, optimus quisque jussis paruere. Exin consensu "ducem Voculam" poscentibus, Flaccus summam rerum ei permisit.

26. Sed discordes animos multa efferabant: inopia stipendii frumentique, et simul delectum tributaque Galliae aspernantes: Rhenus, incognita illi coelo siccitate, vix navium patiens: arcti commeatus: dispositae per omnem ripam stationes, quae Germanos vado arcerent: eademque de causa minus frugum, et plures, qui consumerent. Apud imperitos prodigii loco accipiebatur ipsa aquarum penuria, tamquam non amnes quoque, et vetera imperii munimenta, desererent: quod in pace, "fors,"¹ seu "natura;" tunc "fatum et ira Dei," vocabatur. Ingressis Novesium,² sextadecima legio³ conjungitur. Additus Voculae in partem curarum Herennius

² *Repens.* Pro *recens*; ut sæpe monuimus.

³ *Aquiliferis.* Bene Lips. Aquiliferis tradebantur epistolæ, ut ad signa, i. e. in principis, de quibus dictum An. i, 61. not. sup. legerentur. Sic Spartian. in Pescennio Nigro, c. 4. ex epistola M. Antonini Imperatoris. 'Itaque misi literas recitandas ad signa.'

⁴ *Usurpandi juris.* I. e. usurpandi juris sui causa.

¹ *Quod in pace, fors.* Nec aliter Tull. de Divin. ii, 27. cum varia prodigia memorasset: 'Atque hæc in bello plura et majora videntur timestibus: eadem non tam animadvertuntur in pace. Accedit illud etiam quod in metu et periculo, cum creduntur facilius, tum finguntur impuni.' V. et Tac. sup. Hist. i, 86.

² *Novesium.* Nunc Neuss, near Cologne.
³ *Sextadecima legio.* Cujus castra erant Novesium.

Gallus, legatus:⁴ nec ausi ad hostem pergere, loco, cui Gelduba⁵ nomen est, castra fecere. Ibi struenda acie, muniendo vallandoque, et ceteris belli meditentis militem firmabant. Utque præda ad virtutem accenderetur, in proximos Gubernorum⁶ pagos, qui societatem Civilis acceperant, ductus a Vocula exercitus. Pars cum Herennio Gallo permansit.

27. Forte navem, haud procul castris, frumento gravem, cum per vada hæsisset, Germani in suam ripam trahebant. Non tulit Gallus, misitque subsidio cohortem. Auctus et Germanorum numerus, paulatimque aggregantibus se auxiliis, acie certatum. Germani, multa cum strage nostrorum, navem abripiunt. Victi (quod tum in morem verterat) non suam ignaviam, sed perfidiam legati¹ culpabant. Protractum e tentorio, scissa veste, verberato corpore, “quo pretio, quibus consciis, prodidisset exercitum,” dicere jubent. Redit in Hordeonium invidia. Illum “auctorem sceleris,” hunc “ministrum” vocant: donec exitium minitantibus exterritus, “proditionem” et ipse Hordeonio objecit: vinctusque, adventu demum Voculae exsolvitur. Is postera die, auctores seditionis morte adfecit. Tanta illi exercitui diversitas inerat licentiæ, patientiæque. Haud dubie gregarius miles, Vitellio fidus: splendidissimus quisque, in Vespasianum proni: inde scelerum ac suppliciorum vices, et mixtus obsequio furor: ut contineri non possent, qui puniri poterant.

28. At Civilem immensis auctibus¹ universa Germania extollebat, societate nobilissimis obsidum firmata. Ille, ut cuique proximum, “vastari Ubios Treverosque,² et alia manu Mosam amnem³ transire” jubet, “ut Menapios et

⁴ *Legatus*. Herennius Gallus, legatus legionis primæ, ab Hordeonio Flacco additus est Voculae in partem curarum.

⁵ *Gelduba*. Haud procul Novesio erat Gelduba, hodie *Gelb*.

⁶ *Gubernorum*. Gugemi origine Germanica, inter Ubios Batavosque interjecti, terrarum partem occupabant, quas nunc dicimus, *part of the duchies of Cleves and Guelderland, between the Rhine and the Meuse*.

¹ *Legati*. Herennii Galli, de quo dictum sup.

² *Immensis auctibus*. Sic Vell. Paterc. ii, 40. ‘Hujus viri, [Pompeii,] fastigium

tantis auctibus fortuna extulit.’ Immensia autem auctibus extollebatur Civilis, cum Transrhenani Germani undique ei jungerentur.

² *Ubios Treverosque*. Nunc *the people of Cologne and Treves*.

³ *Mosam amnem*. Nunc *the Meuse*. At, ut recte observat eruditus Bucherius, Belgium Romanum, p. 183 sq. non Mosam tantum, sed et Scaldim, *the Scheldt*, transit manus illa sociorum Civilis, quæ Menapios, Morinos, nunc *Tournay, Boulogne, Saint Omer*, et extrema Galliarum, quateret. V. Suppl. An. viii, 35.

Morinos et extrema Galliarum quateret." Actæ utrobique prædæ; infestius in Ubiis, quod gens Germanicæ originis, ejurata patria, Romanorum nomen, *Agrippinenses*⁴ vocarentur. Cæsæ cohortes eorum, in vico Marcoduro,⁵ incuriosius agentes, quia procul ripa⁶ aberant. Nec quievere Ubii, quominus prædas e Germania peterent: primo impune: dein circumventi sunt, per omne id bellum meliore usi fide, quam fortuna. Contusis Ubiis, gravior, et successu rerum ferocior Civilis, obsidium legionum⁷ urgebat; intentis custodiis, ne quis occultus nuntius venientis auxilii penetraret. Machinas molemque operum Batavis delegat: Transrhenanos "prælium" poscentes, "ad scindendum vallum ire, detrusosque, redintegrare certamen" jubet; superante multitudine, et facili damno:⁸ nec finem labori nox adtulit.

29. Congestis circum lignis, accensisque, simul epulantes, ut quisque vino incaluerat, ad pugnam temeritate inani ferebantur. Quippe ipsorum tela per tenebras vana: Romani conspicuam barbarorum aciem, et si quis audacia, aut insignibus¹ effulgens, ad ictum destinabant. Intellectum id Civili; "et, restincto igne, misceri cuncta tenebris et armis" jubet. Tum vero strepitus dissoni, casus incerti, neque ferendi, neque declinandi providentia. Unde clamor acciderat, circumagere corpora, tendere arcus:² nihil prodesse virtus, fors cuncta turbare, et ignavorum sæpe telis fortissimi cadere. Apud Germanos, inconsulta ira: Romanus miles, periculorum gnarus, ferratas sudes, gravia saxa, non forte jaciebat. Ubi sonus molientium, aut appositæ scalæ hostem in manus dederant, propellere umbone, pilo sequi: multos in mœnia egressos, pugionibus fodere. Sic exhausta nocte, novam aciem dies aperuit.

⁴ *Agrippinenses*. Quod nomen eis ex Agrippinæ vocabulo inditum est; ut vidimus sup. An. xii, 27.

⁵ *Vico Marcoduro*. Marcodurum, nunc Duren, in the duchy of Juliers.

⁶ *Ripa*. Ripa Rheni.

⁷ *Obsidium legionum*. Quæ in castris Veteribus detinebantur; ut dictum est sup. c. 23.

⁸ *Facili damno*. Quod damnum facile tolerabatur propter militum multitudinem.

¹ *Aut insignibus*. Quibus aut locupletissimi, aut ii, quibus honorata erat militia, distinguebantur.

² *Tendere arcus*. Ita libri omnes scripti et editi. Mallet tamen Lips. *tendere armis*; probatque Cl. Ernest. Nihil mutaverim. Nec nisi arcu telisque Romanos e summis castrorum suorum mœnibus, tela, ferratas sudes, et gravia saxa ejaculantes, lacessere poterant Batavi.

30. Eduxerant Batavi turrin,¹ duplici tabulato; quam prætoriae portæ² (is æquissimus locus) propinquantem, promoti contra validi asseres, et incussæ trabes perfringere, multa superstantium pernicie. Pugnatumque in percussos, subita et prospera eruptione. Simul a legionariis peritia et arte præstantibus, plura struebantur. Præcipuum pavorem intulit suspensum et nutans machinamentum³ quo repente demisso præter suorum ora, singuli pluresve hostium sublime rapti, verso pondere intra castra effundebantur. Civilis, ommissa oppugnandi spe, rursus per otium adsidebat, nuntiis et promissis fidem legionum convellens.

31. Hæc in Germania ante Cremonense prælium⁴ gesta; ejus eventum literæ Primi Antonii docuere, addito Cæcinæ edicto.⁵ Et præfectus cohortis e victis, Alpinus Montanus,⁶ fortunam partium præsens fatebatur. Diversi hinc motus animorum. Auxilia e Gallia, queis nec amor, nec odium in partes, militia sine affectu, hortantibus præfectis, statim a Vitellio desciscunt: vetus miles cunctabatur. Sed adigente Hordeonio Flacco, instantibus tribunis, dixit sacramentum, non vultu, neque animo satis adfirmans: et cum cetera jurisjurandi verba conciperent, "Vespasiani" nomen hæsitantes, aut levi murmure, et plerumque silentio transmittabant.

32. Lectæ deinde pro concione epistolæ Antonii ad Civilem, suspiciones militum inritavere, tamquam ad socium partium scriptæ, et de Germanico exercitu hostiliter. Mox, alla-

¹ *Turrin*. Earum turrin descriptionem v. in not. et em. ad Hist. iv, 23.

² *Prætoriae portæ*. In castris prætorica porta decumanæ portæ erat opposita. De his portis v. sup. An. i, 66. not. sup.

³ *Suspensum*—*machinamentum*. Hujus machinamenti inventor, vir immortalis nominis, Archimedes, cum Syracusæ a Marcello obsiderentur; ut videre est ap. Polyb. viii, 9. Manus ferreæ e machinis demissæ abreptos cum ipsis armis viros jactabant et affligebant: οὐδ' αὐτοῖς γὰρ τοῖς ὅπλοις τοὺς ἄνδρας ἱξαιροῦντας ἱβρίπτουν. Harumce machinarum artificium pluribus describit Polybius, loc. cit. Quæ tamen fidem vix adhuc obtinerent, ni superiore seculo Cl. Trewleben, manus ferreas Archimedis æmulatus, eadem, ac utiliore, arte, medio mari, e navibus per plures annos submer-

sis, et sub arena latitantibus, tormenta bellica, immensam argenti rudis et signatim, gemmas plurimas subduxisset, veteribusque dominis restituisset anno 1660. Cujus quidem mirabilis inventi testem vidi prægrandem nummum argenteum. Vide et Van-Loon, *Histoire Métallique des XVII Provinces des Pays-Bas*, Vol. ii, p. 457.

⁴ *Ante Cremonense prælium*. Ante finem mensis Octobris. De Cremonensi prælio dictum sup. Hist. iii, 22 sq.

⁵ *Cæcinæ edicto*. Edicto Cæcinæ, consulis, ut utriusque Germaniæ legiones in Vespasiani victoris partes concederent.

⁶ *Alpinus Montanus*. Nazione Trevir, Treves, de quo sup. Hist. iii, 33. ostentui missus.

tis Geldubam¹ in castra nuntiis, eadem dicta, factaque: et missus cum mandatis Montanus ad Civilem, "ut absisteret bello: neve externa armis falsis² velaret. Si Vespasianum juvare adgressus foret, satisfactum coeptis." Ad ea Civilis, primo callide: post, ubi videt Montanum, præferocem ingenio, paratumque in res novas, orsus a questu periculisque, quæ per quinque et viginti annos in castris Romanis exhausisset: "Egregium," inquit, "pretium laboris recepi, necem fratris, et vincula mea, et sævissimas hujus exercitus voces, quibus ad supplicium petitus, jure gentium pœnas reposco: vos autem Treveri, ceteræque servientium animæ, quod præmium effusi totiens sanguinis expectatis, nisi ingratham militiam, immortalia tributa, virgas, secures, et dominorum ingenia? En ego præfectus unius cohortis, et Canninefates Batavique, exigua Galliarum portio, vana illa castrorum spatia excidimus, vel septa ferro fameque premimus: denique ausos aut libertas sequetur, aut victi iidem erimus." Sic accensum, sed "molliora referre" jussum dimittit. Ille, ut inritus legationis, rediit, cetera dissimulans, quæ mox erupere.

33. Civilis, parte copiarum retenta,³ veteranas cohortes, et quod e Germanis maxime promptum, adversus Voculam⁴ exercitumque ejus mittit; Julio Maximo, et Claudio Victore, sororis suæ filio, ducibus. Rapiunt in transitu hiberna alæ, Asciburgii⁵ sita. Adeoque improvisi castra involavere, ut non adloqui, non pandere aciem Vocula potuerit. Id solum, ut in tumultu, monuit, "subsignano milite⁶ media firmare:" auxilia passim circumfusa sunt. Eques prorupit, exceptusque compositis hostium ordinibus, terga in suos vertit. Cædes inde, non prælium. Et Nerviorum cohortes, metu seu perfidia, latera nostrorum nudavere. Sic ad legiones perventum: quæ, amissis signis, intra vallum sternebantur; cum repente,

¹ Geldubam. De Gelduba castrisque, sup. c. 26.

² Armis falsis. Ne externa bella hostilesque animos falsa Flavianarum partium specie velaret. Sic 'res externas,' 'externa' moliri, dixit Tac. An. vi, 32. et Hist. iii, 5.

³ Retenta. Ut Vetera castra, Santen, obsidio semper premeret.

⁴ Adversus Voculam. Qui Gugernorum pagos infestabat, ut dictum est sup. c. 26.

⁵ Asciburgii. In Gugernorum civitate, Vetera castra inter et Geldubam, erat Asciburgium, nunc Asburg, near Meurs. Plura inf. de Mor. Germ. 3.

⁶ Subsignano milite. Subsignanum militem hic intelligo lectos e legionibus, qui memorati sunt sup. c. 24. Igitur in medio steteret legionarii, auxilia passim circumfusa sunt. De subsignano milite dictum adhuc Hist. i, 70.

novo auxilio, fortuna pugnae mutatur. Vasconum⁵ lectae a Galba cohortes, ac tum accitae, dum castris propinquant, audito praeliantium clamore, intentos hostes a tergo invadunt, latioreque, quam pro numero, terrorem faciunt: aliis a Novesio,⁶ aliis a Mogontiaco universas copias advenisse credentibus. Is error Romanis addit animos, et dum alienis viribus confidunt, suas recepere. Fortissimus quisque e Batavis, quantum peditum erat, funduntur: eques evasit, cum signis captivisque, quos prima acie corripuerant. Cæsorum eo die, in partibus nostris, major numerus et imbellior; e Germanis, ipsa robera.

34. Dux uterque, pari culpa meritis adversa, prosperis defuere. Nam Civilis, si majoribus copiis instruxisset aciem; circumiri a tam paucis cohortibus nequisset, castraque perrupta exscidisset. Vocula, nec adventum hostium exploravit, eoque simul egressus, victusque: dein victoriae parum confusus, tritis frustra diebus, castra in hostem movit: quem si statim impellere, cursumque rerum sequi maturasset; solvere obsidium legionum¹ eodem impetu potuit. Tentaverat interim Civilis obsessorum animos, tamquam perditae apud Romanos res, et suis victoria provenisset. Circumferebantur signa vexillaque: ostentati etiam captivi: ex quibus unus, egregium facinus ausus, clara voce gesta patefecit, confossus illic a Germanis: unde major indici fides. Simul vastatione incendiisque flagrantium villarum, venire victorem exercitum intelligebatur. "In conspectu castrorum² constitui signa, fossamque et vallum circumdari" Vocula jubet. "Depositis³ impedimentis sarcinisque, expediti certarent." Hinc in duces clamor pugnam poscentium: et minari adsueverant. Ne tempore quidem ad ordinandam aciem capto, incompositi fessique praelium sumere: nam Civilis aderat non minus vitiis hostium, quam virtute suorum fretus. Varia apud Romanos fortuna, et seditiosissimus quisque ignavus: quidam recentis victoriae memores, retinere locum, ferire hostem, seque et proximos hortari: et redintegrata acie, manus ad obsessos

5 Vasconum. Vascones, nunc Navarre.

6 A Novesio. Nuiss, Mentz.

1 Obsidium legionum. De quo sup. c. 30.

2 In conspectu castrorum. Castrorum

Veterum, Santen.

3 Depositis. Fore, ut depositis, &c. Hæc sæpe omittunt Historici.

tendere, "ne tempori deessent." Illi, cuncta e muris cernentes, omnibus portis prorumpunt. Ac forte Civilis lapsu equi prostratus, credita per utrumque exercitum fama, "vulneratum aut interfectum," immane quantum suis pavoris, et hostibus alacritatis indidit.

35. Sed Vocula, omissis fugientium tergis, vallum turrestque castrorum augebat, tamquam rursus obsidium immineret: corrupta totiens victoria, non falso suspectus bellum malle. Nihil æque exercitus nostros, quam egestas copiarum fatigabat. Impedimenta legionum cum imbelli turba Novesium missa, ut inde, terrestri itinere,¹ frumentum adveherent. Nam flumine² hostes potiebantur. Primum agmen securum incessit, nondum satis firmo Civile: qui, ubi "rursus missos Novesium frumentatores, datasque in præsidium cohortes, velut multa pace, ingredi" accepit: rarum apud signa militem, arma in vehiculis, cunctos licentia vagos, compositus invadit: præmissis, qui pontes et viarum angusta insiderent. Pugnatum longo agmine, et incerto Marte, donec prælium nox dirimeret. Cohortes Geldubam perrexere, manentibus,³ ut fuerant, castris, quæ relictorum illic militum præsidio tenebantur. Non erat dubium, quantum in regressu discriminis adendum foret, frumentatoribus onustis percussisque. Addit exercitui suo Vocula mille delectos, e quinta et quintadecima legionibus apud Vetera obsessis, indomitum militem, et ducibus infensum. Plures, quam iussum erat, profecti, palam in agmine fremebant, "non se ultra famem, insidias legatorum toleraturos." At, qui remanserant, "desertos se, abducta parte legionum," querebantur. Duplex hinc seditio, aliis revocantibus Voculam, aliis redire in castra abnuentibus.

36. Interim Civilis Vetera circumsegit. Vocula Geldubam, atque inde Novesium concessit. Civilis capit Geldubam. Mox, haud procul Novesio, equestri prælio prospere certavit. Sed miles, secundis adversisque, perinde in exitium ducum

¹ *Ut—itinere.* Frustra aliquid vitii hic comminiscitur Lips. Fugientibus hostibus, 'impedimenta legionum,' i. e. carrus et iumenta legionum cum imbelli turba, cum calonibus nempe et laxis, Novesium, missa sunt, ut inde frumentum adveherent. Primum agmen securum incessit. Alteri ag-

mini datæ in præsidium cohortes: at Civilis, quid ageretur certior, et validior, incautos eos invadit.

² *Flumine.* Rheno.

³ *Manentibus.* Castra Geldubæ, *Gelb*, ut fuerant, manebant: nec diruta, nec aucta.

accendebatur. Et adventu quintanorum quintadecimanorumque auctæ legiones, "donativum" exposcunt, comperto pecuniam a Vitellio missam. Nec diu cunctatus Hordeonius, nomine Vespasiani dedit. Idque præcipuum fuit seditionis alimentum. Effusi in luxum et epulas, et nocturnos coetus, veterem in Hordeonium iram renovant: nec ullo legatorum, tribunorumve obsistere auso (quippe omnem pudorem nox ademerat) protractum e cubili interficiunt. Eadem in Voculam parabantur, nisi servili habitu, per tenebras, ignoratus evasisset. Ubi, sedato impetu, metus rediit; centuriones cum epistolis ad civitates Galliarum misere, auxilia ac stipendia oraturos.

37. Ipsi, ut est vulgus sine rectore præceps, pavidum, socors, adventante Civile, raptis temere armis, ac statim omissis, in fugam vertuntur. Res adversæ discordiam peperere; iis, qui e superiore exercitu¹ erant, causam suam dissociantibus. Vitellii tamen imagines, in castris, et per proximas Belgarum civitates, repositæ, cum jam Vitellius occidisset.² Dein mutati in poenitentiam primani, quartanique, et duoetvicesimani, Voculam sequuntur: apud quem resumto Vespasiani sacramento, ad liberandum Mogontiaci obsidium ducebantur. Discesserant obsessores, mixtus ex Cattis, Usipiis, Mattiacis³ exercitus, satietate prædæ, nec incruenti. In via dispersos et nescios miles noster invaserat. Quin et lorica⁴ vallumque per fines suos Treveri struxere, magnisque invicem cladiibus cum Germanis certabant: donec egregia erga populum Romanum merita, mox rebelles fœdarent.

A. U. C. 823. J. C. 70.

38. Interea Vespasianus iterum, ac Titus, consulatum¹ absentes inierunt, mœsta et multiplici metu suspensa civitate, quæ super instantia mala, falsos pavores induerat, "descivisse

¹ *E superiore exercitu.* E superioris Germaniæ exercitu.

² *Occidisset.* Sub finem Decembris; ut vidimus sup. Hist. iii, 85.

³ *Cattis, Usipiis, Mattiacis.* Qui e Germania, concitato Civili, in belli societatem venerant. De his populis plura dicuntur inf. de Mor. Germ. c. 29. sq.

⁴ *Loricam.* De lorica dictum sup. An. iv, 49. not. sup.

¹ *Consulatum.* Flavius Vespasianus Augustus II. et Titus Flavius Cæsar consulatum inire A. U. C. 823. J. C. 70: Vespasianus consul primum fuerat, sed suffectus tantum, A. U. C. 804. ut dictum est sup. Hist. iii, 70. not. sup.

Africam, res novas moliente L. Pisone.”² Is præerat provinciae, nequaquam turbidus ingenio. Sed quia naves sævitia hiemis prohibebantur, vulgus, alimenta in dies mercari solitum, cui una ex republica annonæ cura,³ clausum litus, retineri commeatus dum timet, credebat: augentibus famam Vellianis, qui studium partium nondum posuerant: ne victoribus quidem ingrato rumore, quorum cupiditates, externis quoque bellis inexplēbiles, nulla umquam civilis victoria satiavit.

39. Calendis Januariis, in senatu, quem Julius Frontinus,¹ prætor Urbanus, vocaverat,² legatis exercitibusque, ac regibus,³ “laudes gratesque” decretæ. Et Tertio Juliano⁴ prætura, “tamquam transgredientem in partes Vespasiani legionem deseruisset,” ablata, ut in Plotium Griphum⁵ transferretur. Hormo⁶ dignitas equestris data. Et mox, ejurante Frontino, Cæsar Domitianus præturam cepit. Ejus nomen epistolis edictisque præponebatur: vis penes Mucianum⁷ erat; nisi quod pleraque Domitianus, instigantibus amicis, aut propria libidine, audebat. Sed præcipuus Muciano metus e Primo Antonio, Varoque Arrio: quos recentes, clarosque rerum fama, ac militum studiis, etiam populus fovebat, quia in neminem ultra aciem sævierant. Et ferebatur Antonius Scribonianum Crassum, egregiis majoribus, et fraterna imagine⁸ fulgentem, ad capessendam rempublicam hortatus: haud defutura conscriptorum manu, ni Scribonianus abnuisset, ne paratis quidem corrumpi facilis, adeo metuens incerta. Igitur Mucianus, quia propalam opprimi Antonius nequibat: multis in senatu laudibus cumulatam, secretis promissis onerat, “citerio-

² L. Pisone. Quem consulem et vectigalibus publicis præpositum vidimus sup. An. xiii, 31. et xv, 18.

³ Annonæ cura. Vere quoque Juvenal. x, 80. ‘Duas tantum res anxius optat Panem et Circenses.’

¹ Julius Frontinus. Varia ejus opera adhuc extant; meliora quam elegantiora. Nempe Strategemata: De Colonia: De Aqueductibus, &c.

² Vocaverat. Absentibus consulibus: unde prætori Urbano jus vocandi senatum.

³ Regibus. Sohemio, Antiocho, Agrippæ; qui Vespasiani partes foverant. V. sup.

Hist. ii, 81.

⁴ Tertio Juliano. Legato septimæ legionis; de quo sup. Hist. ii, 85.

⁵ Plotium Griphum. Jam memoratum Hist. iii, 52.

⁶ Hormo. Vespasiani liberto. Sup. Hist. iii, 12.

⁷ Vis penes M. Vis et potestas præturæ penes Mucianum. Sic sup. Hist. ii, 39. ‘honor imperii penes Titianum; vis ac potestas penes Proculum.’

⁸ Fraterna imagine. Pisonis, fratris sui, quem Galba adoptaverat, imagine fulgentem. V. Hist. i, 15.

rem Hispaniam⁹ ostentans, "discessu Cluvii Rufi¹⁰ vacuum:" simul amicis ejus, tribunatus præfecturasque largitur. Dein, postquam inanem animum spe et cupidine impleverat, vires abolet; dimissa in hiberna¹¹ legione septima, cujus flagrantissimus in Antonium amor. Et tertia legio, familiaris Arrio Varo¹² miles, in Syriam remissa. Pars exercitus in Germanias ducebatur. Sic egesto, quidquid turbidum, redit Urbi sua forma, legesque, et munia magistratuum.

40. Quo die senatum ingressus est Domitianus, "de absentia patris fratrisque, ac juventa sua," pauca et modica disseruit, decorus habitu; et ignotis adhuc moribus, crebra oris confusio¹ pro modestia accipiebatur. Referente Cæsare, "de restituendis Galbæ honoribus,"² censuit Curtius Montanus, "ut Pisonis quoque memoria celebraretur." Patres utrumque jussere: de Pisone inritum fuit.³ Tum sorte ducti, "per quos redderentur bello rapta,⁴ quique æra legum, vetustate delapsa, noscerent, figerentque,⁵ et Fastos, adulatione temporum fœdatos,⁶ exonerarent, modumque publicis impensis⁷ facerent." Redditur Tertio Juliano prætura, postquam cognitus est ad Vespasianum confugisse.⁸ Gripho⁹ honor mansit. Repeti inde cognitionem¹⁰ inter Musonium Rufum et P. Celerem placuit; damnatusque Publius, et Sorani manibus satisfactum. Insignis publica severitate dies, ne privatim quidem laude caruit: justum judicium explesse Musonius videbatur. Diversa fama Demetrio,¹¹ Cynicam sectam professo, quod manifestum reum

9 *Citeriorem Hispaniam.* De qua jam dictum in Suppl. An. xvi, 67.

10 *Cluvii Rufi.* Qui Hispaniæ præerat; ut dictum est Hist. i, 8 et 76.

11 *In hiberna.* In Pannoniam. Hist. ii, 86.

12 *Arrio Varo.* Arrius Varus, duce Corbulone, strenue rem gesserat in Armenia; unde familiaris ei miles tertia legio. Hist. ii, 74. et iii, 6. postea præfectus fuerat prætorio. Hist. iv, 2.

1 *Confusio.* De hac voce dictum sup. Hist. iii, 38. not. sup.

2 *Honoribus.* De reponendis recolendisque Galbæ imaginibus. Hist. iii, 7.

3 *Inritum fuit.* Nec celebrata postea ejus memoria: nulla enim ante fuerat.

4 *Bello rapta.* Ita quoque Suet. Vespas. 10. 'Sorte elegit, per quos rapta bello restituerentur.'

5 *Figerentque.* Mallet Illustr. Huetius,

refigerentque. Leges, tabulis æriis inscriptæ, in templis locisque publicis figebantur. V. An. iii, 63.

6 *Fœdatos.* Quam fœdati fuerint adulatione temporum Neronianorum diximus in Suppl. An. xvi, 55.

7 *Modumque—impensis.* Prætores æarii id postulaverant, ut vidimus sup. c. 9. Unde patet hæc omnia jussu Principis facta.

8 *Confugisse.* Sup. Hist. ii, 85.

9 *Gripho.* Plotius Griphus, nuper in senatorium ordinem additus, ac legioni præpositus. Hist. iii, 52.

10 *Cognitionem.* De qua sup. Hist. iv, 10.

11 *Demetrio.* Antea morienti Thræseæ adstiterat An. xvi, 34 et 35. nunc Sorani accusatorem defendit. Adeone parum sibi constans philosophia!

ambitiosius, quam honestius, defendisset. Ipsi Publio neque animus in periculis, neque oratio suppeditavit. Signo ultionis in accusatores dato, petit a Cæsare Junius Mauricus,¹² “ut commentariorum Principalium potestatem senatui faceret, per quos nosceret, quem quisque accusandum poposcisset.” “Consulendum tali super re Principem,” respondit.

41. Senatus, inchoantibus primoribus, jussurandum concepit, quo certatim,¹ omnes magistratus, ceteri ut sententiam rogabantur, “Deos testes” advocabant, “nihil ope sua factum, quo cujusquam salus læderetur, neque se præmium, aut honorem, ex calamitate civium cepisse:” trepidis, et verba jurisjurandi per varias artes mutantibus, quibus flagitii conscientia inerat. Probabant religionem patres, perjurium arguebant. Eaque velut censura, in Sariolenum Voculam, et Nonium Actianum, et Cestium Severum acerrime incubuit, crebris apud Neronem delationibus famosos. Sariolenum et recens crimen urgebat, quod apud Vitellium molitus eadem foret: nec destitit senatus manus intentare Voculæ, donec curia excederet. Ad Pactium Africanum transgressi, eum quoque proturbant; tamquam Neroni Scribonios fratres,² concordia opibusque insignes, ad exitium monstravisset. Africanus neque fateri audebat, neque abnuere poterat: in Vibium Crispum,³ cujus interrogationibus fatigabatur, ultro conversus, miscendo quæ defendere nequibat, societate culpæ invidiam declinavit.

42. Magnam eo die pietatis eloquentiæque famam Vipstanius Messala adeptus est, nondum senatoria ætate,¹ ausus pro fratre Aquilio Regulo² deprecari. Regulum subversa Crassorum et Orphiti³ domus in summum odium extulerat.

¹² Junius Mauricus. Cujus brevis, sed magna laus ap. Plin. iv, Ep. 22. Hoc viro nihil firmius, nihil verius. V. inf. Vit. Agr. 45.

¹ Quo certatim. Certatim juravere omnes magistratus, quod se sceleris puros sentirent ac probare vellent: ceteri vero, quos inter plures rei, cunctantius, et cum sententiam rogabantur. Frustra tentat Lips. quo seriatim pro quo certatim.

² Scribonios fratres. De eorum exitio v. Suppl. An. xvi, 61.

³ Vibium Crispum. Hominem famæ magnæ potius, quam bonæ: de quo sup.

Hist. ii, 10.

¹ Nondum senatoria æt. Nondum natus annos quinque et viginti.

² Aquilio Regulo. ‘Regulus omnium bipedum nequissimus, qui ex paupere et tenui ad’ maximas ‘opes per flagitia processit;’ de quo plura v. ap. Plin. Ep. i, 5. et ii, 20.

³ Crassorum et Orphiti. Crassum Camerinumque, et Crassorum domo, a Regulo sub Nerone accusatos memorat quoque Plin. Ep. i, 5. De Crasso, Pisonis a Galba adoptati fratre, v. Tac. Hist. i, 48. De Scriboniano Camerino v. eundem Tac.

Sponte ex S. C.⁴ accusationem subiisse juvenis admodum, nec depellendi periculi, sed in spem potentiae videbatur. Et Sulpicia Prætextata, Crassi uxor, quatuorque liberi, si cognosceret senatus, ultores aderant. Igitur Messala non causam, neque reum tueri,⁵ sed periculis fratris semet opponens, flexerat quosdam. Occurrit truci oratione Curtius Montanus,⁶ eo usque progressus, ut "post cædem Galbæ, datam interfectori Pisonis pecuniam a Regulo, adpetitumque morsu Pisonis caput" objectaret. "Hoc certe," inquit, "Nero non coegit, nec dignitatem, aut salutem illa sævitia redemisti. Sane toleremus istorum defensiones, qui perdere alios, quam periclitari ipsi maluerunt. Te securum reliquerat exul pater, et divisa inter creditores bona, nondum honorum capax ætas: nihil quod ex te concupisceret Nero, nihil quod timeret: libidine sanguinis, et hiatu præmiorum, ignotum adhuc ingenium, et nullis defensionibus expertum, cæde nobili imbuisti: cum ex funere reipublicæ, raptis consularibus spoliis,⁷ septuagies sestertio⁸ saginatus, et sacerdotio fulgens, innoxios pueros, inlustres senes, conspicuas fœminas eadem ruina prosterneres: cum segnitiam Neronis incusares, quod per singulas domos, seque et delatores fatigaret: posse universum senatum una voce subverti. Retinete, patres conscripti, et reseruate hominem tam expediti consilii, ut omnis ætas instructa sit; et, quomodo senes nostri Marcellum, Crispum,⁹ juvenes Regulum imitentur. Invenit etiam æmulos infelix nequitia: quid si floreat vigeatque? Et quem adhuc quæstorium offendere non audemus, prætorium et consularem visuri sumus?"¹⁰

Hist. ii, 72. Cornelium Orphitum, consulem, putidumque adulatorem vidimus An. xii, 41. et xvi, 12.

4 *Sponte ex S. C.* Optime Illustr. Huetius: 'accusationem decrevit senatus. Ad eam se sponte obtulit Vipstianus Messala.' Unde breviter, sed accurate, Tacitus scripsit, *sponte ex senatusconsulto*. Nec redundat, ut quidam voluero, *ex senatusconsulto*: nec emendandum, ut aliis placuit, *sponte ex se*. Exemplum accusationis a senatu decretæ videre est ap. Plin. Ep. ii, 11.

5 *Non-tueri.* Bene, et ad mentem Quintiliani, Declam. 313. 'Majore cum verecundia patronus confitebitur, si quid confitendum est.'

6 *Curtius Montanus.* Jam memoratus sup. An. xvi, 28. Juvenal. autem, iv, 107. 'Montani quoque venter adest abdomine tardus.'

7 *Consularibus spoliis.* Quæstorius tantum erat Regulus, ut mox dicitur; ergo nondum acceperat consulatum, præmium accusationis, ut vult Lipsius. Consularia hæc spolia intellige de raptis Orphiti, consularis viri, spoliis.

8 *Septuagies sestertio.* Angl. 58,333l. 6s. 8d.

9 *Marcellum, Crispum.* Et, quomodo Eprum Marcellum, Vibium Crispum senes nostri imitati sunt, sic juvenes Regulum imitentur.

10 *Visuri sumus.* Tentat Lips. *ausuri*

An Neronem, extremum dominorum¹¹ putatis? Idem crediderant, qui Tiberio, qui Caio superstites fuerunt: cum interim intestabilior,¹² et sævior exortus est. Non timemus Vespasianum; ea Principis ætas, ea moderatio. Sed diutius durant exempla, quam mores.¹³ Elanguimus, patres conscripti; nec jam ille senatus sumus, qui, occiso Nerone, delatores et ministros more majorum puniendos flagitabat. Optimus est, post malum Principem, dies primus.”

43. Tanto cum assensu senatus auditus est Montanus, ut spem caperet Helvidius,¹ posse etiam Marcellum prosterni. Igitur a laude Cluvii Rufi² orsus, qui perinde dives, et eloquentia clarus, nulli umquam sub Nerone periculum facessisset, crimine simul exemploque Eprium urgebat, ardentibus patrum animis. Quod ubi sensit Marcellus, velut excedens curia: “Imus,” inquit, “Prisce, et relinquimus tibi senatum tuum: regna, præsentē Cæsare.”³ Sequebatur Vibius Crispus, ambo infensi, vultu diverso; Marcellus minacibus oculis, Crispus renidens;⁴ donec accursu amicorum retraherentur.⁵ Cum glisceret certamen, hinc multi bonique, inde pauci et validi pertinacibus odiis tenderent, consumtus per discordiam dies.

44. Proximo senatu, inchoante Cæsare “de abolendo dolore, iraque, et priorum temporum necessitatibus,” censuit Mucianus prolixè pro accusatoribus, simul eos, qui coeptam, dein omissam actionem repeterent, monuit sermone molli, et tamquam rogaret. Patres coeptatam libertatem, postquam obviam itum,¹ omisere. Mucianus, ne sperni senatus iudicium, et cunctis sub Nerone admissis data impunitas videretur, Octavium Sabinum Sagittam, et Antistium Sosia-

sumus. At recte eleganterque dictum, *visuri sumus*. Prætoriumne et consularem visuri sumus, quem adhuc tantummodo quæstorium offendere non audemus?

11 *Extremum dominorum.* Nec fuit extremus. Truculentior adhuc Domitianus, ‘sub quo non minora flagitia’ commisit Regulus, ‘quam sub Nerone, sed tectiora.’ Plin. Ep. i, 5.

12 *Intestabilior.* Nero. Sic sup. An. vi, 51. ‘intestabilis sævitia’ dictus est Tiberius.

13 *Quam mores.* Diutius durant pessima dominorum exempla quam optimi Principis mores. V. not. et em. ad Hist. iv, 42.

1 *Helvidius.* De Helvidio Prisco et

Eprio Marcello jam dictum sup. c. 6.

2 *Cluvii Rufi.* Jam laudati, Hist. i, 8.

3 *Præsentē Cæsare.* Cæsare Domitiano. Antea, c. 8. ‘Marcellus Helvidium monuerat, ‘ne supra Principem scanderet.’

4 *Renidens.* Subridens. Sic sup. An. xv, 66. ‘renidens Scævina.’

5 *Retraherentur.* In curiam retraherentur, ne abirent. Sic cum abiret, curiamque relinqueret L. Piso, commotus est Tiberius, et propinquos ejus impulit, ‘ut abeuntem auctoritate vel precibus tenerent,’ sup. An. ii, 34.

1 *Obviam itum.* Clementiam suadentibus Domitiano et Muciano.

num, senatorii ordinis, egressos exilium, in easdem insulas redegit. Octavius Pontiam Postumiam, stupro cognitam, et nuptias suas abnuentem, impotens amoris interfecerat:² Sosianus pravitae morum multis exitiosus. Ambo gravi senatusconsulto damnati pulsique, quamvis concesso aliis redivit, in eadem poena retenti sunt. Nec ideo lenita erga Mucianum invidia. Quippe Sosianus³ ac Sagitta viles, etiam si reverterentur: accusatorum ingenia, et opes, et exercita malis artibus potentia, timebantur.

45. Reconciliavit paulisper studia patrum habita in senatu cognitio, secundum veterem morem. Manlius Patruitus, senator, "pulsatum se¹ in colonia Senensi,² cœtu multitudinis, et jussu magistratuum" querebatur: "nec finem injuriæ hic stetisse: plactum, et lamenta, et supremorum imaginem³ præsentî sibi circumdata, cum contumeliis et probris, quæ in senatum universum jacerentur."⁴ Vocati, qui arguebantur. Et cognita causa, in convictos vindicatum. Additumque senatusconsultum, quo Senensium plebes modestiæ admoneretur. Iisdem diebus Antonius Flamma Cyrenensibus⁵ damnatur, lege repetundarum,⁶ et exilio ob sævitiam.

46. Inter quæ militaris seditio prope exarsit. Prætorianam militiam repetebant a Vitellio dimissi, pro Vespasiano congregati:¹ et lectus in eandem spem e legionibus miles, promissa stipendia² flagitabat. Ne Vitelliani quidem, sine multa cæde,

2 *Interfecerat.* Rem fusius narratam v. An. xiii, 44.

3 *Sosianus.* Antistius Sosianus, factitatis in Neronem carminibus probrosis, olim exilio multatus. Sup. An. xiv, 48. et xvi, 14.

1 *Pulsatum se.* Digest. Libr. xlvii, Tit. 10. Leg. 5. ex Ulpiano, 'Inter pulsationem et verberationem hoc interest, ut Ofilius scribit: Verberare est, cum dolore cedere: pulsare, sine dolore.'

2 *In colonia Senensi.* Nunc Sienna, in Tuscani.

3 *Supremorum imaginem.* Funerum imaginem præsentî sibi, et tamquam defuncto, fuisse circumdata.

4 *Jacerentur.* Ut intelligas qua arte, qua diligentia, qua brevitate hæc accusatio sit exposita, v. Digest. Libr. xlviii, Tit. 10. 'De injuriis et famosis libellis.' Leg. 1 sq. Agitur de injuria, 'quod jure et justitia caret.' Atrox est injuria, *persona* senatoris:

atrocior, quæ in conspectu cœtuque multitudinis, et mandatu jussuque magistratuum. Injuria illata *re*, quod pulsatus est Patruitus: et lege Cornelia de injuriis datur actio, 'quod quis pulsatus sit.' Illata quoque *verbis* injuria, quod factum sit *convictum* plactu, lamentis et supremorum imagine. Fuit et *contumelia*, fuere probra. Injuria facta pertinet *ad corpus*, *ad dignitatem*, nec in senatorem unum, sed in senatum universum redundat.

5 *Cyrenensibus.* Accusantibus Cyrenensibus Alios a Cyrenensibus accusatos vidimus sup. An. iiii, 73. et xiv, 18.

6 *Lege repetundarum.* Damnatus est Flamma lege Julia repetundarum ob pecunias contra legem acceptas; et multatus est exilio ob sævitiam in ea provincia exercitam.

1 *Congregati.* V. sup. Hist. ii, 67.

2 *Stipendia.* De stipendiis prætorianæ militiæ dictum sup. An. i, 17. not. sup.

PELLI poterant. Ingressus castra Mucianus, quo rectius stipendia singulorum spectaret, suis cum insignibus armisque victores constituit, modicis inter se spatiis discretos. Tum Vitelliani, quos apud Bovillas in deditionem acceptos memoravimus,³ ceterique per Urbem, et Urbi vicina conquisiti, producuntur prope intecto corpore. "Eos" Mucianus "diduci, et Germanicum Britannicumque militem, ac si qui aliorum exercituum, separatim adsistere" jubet. Illos primus statim aspectus obstupescerat; cum ex diverso, velut aciem telis et armis truce, semet clausos, nudosque, et inlucie deformes, aspicerent. Ut vero huc illuc distrahi coepere, metus per omnes, et præcipua Germanici militis⁴ formido, tamquam ea separatione ad cædem destinarentur: prensare commanipularium pectora, cervicibus innecti, suprema oscula petere, "ne desererentur soli, neu in pari causa disparem fortunam paterentur:" modo Mucianum, modo absentem Principem, postremum cælum ac Deos obtestari: donec Mucianus, "cunctos ejusdem sacramenti, ejusdem Imperatoris milites" appellans, falso timori obviam iret. Namque et victor exercitus clamore lacrymas eorum juvabat. Isque finis illa die. Paucis post diebus, adloquentem Domitianum firmati jam exceperet. Spemunt oblato agros: "militiam et stipendia"⁵ orant. Preces erant, sed quibus contradici non posset: igitur in prætorium accepti. Dein, quibus ætas et justa stipendia, dimissi cum honore, alii ob culpam; sed carptim, ac singuli: quo tutissimo remedio, consensus multitudinis extenuatur.

47. Ceterum verane pauperie, an uti videretur, actum in senatu, "ut sexcenties sesterium¹ a privatis mutuum acciperetur." Præpositusque ei curæ Pompeius Silvanus:² nec multo post necessitas abiit, sive ommissa simulatio. Abrogati inde, legem ferente³ Domitiano, consulatus, quos Vitellius dederat. Funusque censorium⁴ Flavio Sabino⁵ ductum: magna documenta instabilis fortunæ, summaque et ima miscentis.

48. Sub idem tempus L. Piso, proconsul, interficitur: ea de

³ Memoravimus. Sup. c. 2.

⁴ Germanici militis. Ob suam in Vitellium fidem.

⁵ Militiam et stipendia. Militiam prætorianam ejusque stipendia. Inde mox dicuntur 'in prætorium accepti.'

¹ Sexcenties sesterium. Angl. 500,000l.

² Pompeius Silvanus. Jam memoratus sup. Hist. ii, 86.

³ Legem ferente. Pro suo consulari imperio, de quo sup. c. 3.

⁴ Funusque censorium. De hoc funere jam dictum sup. An. iv, 15.

⁵ Flavio Sabino. Vespasiani fratri.

cæde quam verissime expediam, si pauca supra petiero, ab initio causisque talium facinorum non absurda. Legio in Africa auxiliaque, tutandis imperii finibus, sub divo Augusto Tiberioque Principibus, proconsuli parebant. Mox Caius Cæsar,¹ turbidus animi, ac M. Silanum,² obtinentem Africam, metuens, ablatam proconsuli legionem, misso in eam rem legato tradidit: æquatus inter duos beneficiorum numerus,³ et mixtis utriusque mandatis, discordia quæsita auctaque pravo certamine. Legatorum jus adolevit, diuturnitate officii, vel quia minoribus major æmulandi cura: proconsulum splendidissimus quisque, securitati magis, quam potentiæ consulebant.

49. Sed tum legionem¹ in Africa regebat Valerius Festus,² sumtuosæ adolescentiæ, neque modica cupiens, et adfinitate Vitellii anxius. Is crebris sermonibus tentaveritne Pisonem ad res novas, an tentanti restiterit, incertum; quoniam secreto eorum nemo adfuit, et, occiso Pisone, plerique ad gratiam interfectoris inclinavere. Nec ambigitur provinciam, et militem, alienato erga Vespasianum animo fuisse; et quidam e Vitellianis, Urbe profugi, ostentabant Pisoni "nutantes Gallias, paratam Germaniam, pericula ipsius, et in pace suspecta tutius bellum." Inter quæ Claudius Sagitta, præfectus alæ Petrinæ,³ prospera navigatione prævenit Papirium, centurionem, a Muciano missum: adseveravitque "mandata interficendi Pisonis, centurioni data. Cecidisse Galerianum,⁴ consobrinum ejus generumque. Unam in audacia spem salutis,

¹ Caius Cæsar. Caligula. V. Suppl. An. xiii, 21.

² M. Silanum. Quis sit hic M. Silanus, incertum, ob incuriam Dionis, lix, p. 656. de L. Pisone, quæ ad M. Silanum pertinent, narrantis. Præterea nec is M. Silanus idem esse videtur, qui socer fuit Cæii, quemque interemtum a Cæio diximus in Suppl. An. vii, 23. Vix enim constant tempora: quod non satis animadvertit eruditus Reimarus in not. ad Dion. p. 656. not. 220. Potius crediderim fuisse M. Silani filium.

³ Beneficiorum numerus. Beneficia intellige de militiæ gradibus, ad quos proconsul, legatusve, promovebant. Divisus est et æquatus beneficiorum illorum numerus inter proconsulem et legatum; et mixtis utriusque mandatis, quæsita discordia, auctaque pravo certamine. Jus tamen legatorum adolevit, vel quia minoribus major

est æmulandi cura, vel ipsa diuturnitate officii. Legati enim per plures annos dignitatem obtinebant: proconsules vero sæpe annui; et splendidissimus quisque securitati magis, quam potentiæ consulebant. De beneficiis et beneficiariis plura dicentur in not. et em. ad Hist. iv, 48.

¹ Legionem. Tertiam fuisse legionem diximus in not. et em. ad Hist. ii, 6.

² Valerius Festus. De quo Plin. Ep. iii,

7. 'Nuper Lucius Piso, pater Pisonis illius, qui a Valerio Festo per summum facinus in Africa occisus est, dicere solebat: Neminem se videre in senatu, quem consul ipse sententiam rogavisset.'

³ Alæ Petrinæ. De qua dictum sup. in not. et em. ad An. xi, 4.

⁴ Galerianam. Calpurnium Galerianum, cujus cædem vidimus sup. c. 11.

Sed duo itinera audendi; seu mallet statim arma, seu, petita navibus Gallia, ducem se Vitellianis exercitibus ostenderet." Nihil ad ea moto Pisone, centurio a Muciano missus, ut portum Carthaginiis attigit, magna voce, læta Pisoni omnia, tamquam Principi, continuare; obvios et subitæ rei miraculo attonitos, ut eadem adstreperent, hortari: vulgus credulum, ruerere in forum, "præsentiam Pisonis" exposcere. Gaudio clamoribusque cuncta miscebant, indiligentia veri, et adulandi libidine. Piso, indicio Sagittæ, vel insita modestia, non in publicum egressus est, neque se studiis vulgi permisit. Centurionemque percunctatus, postquam "quæsitum sibi crimen⁵ cædemque" comperit: "animadverti in eum" jussit, haud perinde spe vitæ, quam ira in percussorem, quod idem ex interfecto Clodii Macri,⁶ cruentas legati sanguine manus, ad cædem proconsulis retulisset. Anxio deinde edicto Carthaginiensibus increpitis, ne solita quidem munia usurpabat, clausus intra domum, ne qua motus novi causa vel forte oriretur.

50. Sed ubi Festo consternatio vulgi,¹ centurionis supplicium, veraque et falsa, more famæ, in majus innotuere, equites in necem Pisonis mittit. Illi raptim vecti, obscuro adhuc cœptæ lucis; domum proconsulis inrumpunt, destrictis gladiis, et magna pars Pisonis ignari, quod Pœnos auxiliares, Maurosque in eam cædem delegerat: haud procul cubiculo, obvium forte servum, "quisnam, et ubi esset Piso?" interrogavere. Servus, egregio mendacio, "se Pisonem esse" respondit; ac statim obtruncatur: nec multo post, Piso interficitur. Namque aderat, qui nosceret, Bebius Massa, e procuratoribus Africæ, jam tunc optimo cuique exitiosus, et in causas malorum, quæ mox tulimus, sæpius rediturus.² Festus Adrumeto,³ ubi speculabundus substiterat, ad legionem contendit, præfectumque castrorum, Cetronium Pisanum, vinciri

⁵ *Quæsitum sibi crimen.* Quæsitum sibi rerum novarum crimen, justamque cædis causam. Existimaverat centurio Pisonem, principatus avidum, læta omina ultro excepturum, mortemque hac rebellionē arcessiturum.

⁶ *Clodii Macri.* De quo sup. Hist. i, 7.

¹ *Consternatio vulgi.* Hæc ne accipias de pavore, sed de concursu et acclamatio-

nibus vulgi, Pisonem Principem salutantis. Eodem sensu Val. Max. viii, 9. num. 1. dixit: 'Verbis ergo facundis ira, consternatio, et arma cesserunt.'

² *Sæpius rediturus.* Memoratur inf. Vit. Agr. 45.

³ *Adrumeto.* Urbe Africæ, de qua jam dictum sup. An. xi, 21.

jussit, proprias ob simultates; sed "Pisonis satellitem" vocabat: militesque et centuriones quosdam puniit, alios præmiis adfecit: neutrum ex merito, sed ut oppressisse bellum crederetur. Mox Oënsium Leptitanorumque⁴ discordias componit, quæ, raptu frugum et pecorum inter agrestes, modicis principiis, jam per arma atque acies exercebantur. Nam populus Oënsis, multitudine inferior, Garamantas exciverat, gentem indomitam,⁵ et inter accolæ latrociniis fœcundam. Unde arctæ Leptitanis res, lateque vastatis agris, intra mœnia trepidabant: donec interventu cohortium alarumque fusi Garamantes, et recepta omnis præda, nisi quam vagi per inaccessa mapalium⁶ ulterioribus vendiderant.

51. At Vespasiano, post Cremonensem pugnam, et prosperos undique nuntios, "cecidisse Vitellium," multi cujusque ordinis, pari audacia fortunaque hibernum mare adgressi, nuntiavere. Aderant legati regis Vologesi, "quadraginta Parthorum equitum⁷ millia" offerentes. Magnificum lætumque tantis sociorum auxiliis ambiri, neque indigere. Gratia Vologeso actæ, mandatumque, "ut legatos ad senatum mitteret, et pacem esse sciret." Vespasianus in Italiam, resque Urbis intentus, adversam de Domitiano famam accipit; "tamquam terminos ætatis, et concessa filio⁸ egrederetur." Igitur valdissimam exercitus partem Tito tradit, ad reliqua Judaici belli⁹ perpetranda.

52. Titum, antequam digrederetur, multo apud patrem sermone orasse dicebatur, "ne criminantium nuntiis temere accenderetur; integrumque se ac placabilem filio præstaret. Non legiones, non classes, perinde firma imperii munimenta,

4 Oënsium Leptitanorumque. Bellum illud memorat Plin. v, 5. 'Ad Garamantas iter inexplicabile adhuc fuit. Proximo bello, quod cum Oënsibus Romani gesserent, initus Vespasiani Imperatoris, compendium viæ quatruidi deprehensum est.' De Leptitanis et Garamantibus jam dictum sup. An. iii, 74. 'Oënsis civitas' inter duas Syrtis memoratur a Plin. v, 4. Ibi fuit Oëa, urbs Episcopalis, nunc Tripoli.

5 Indomitam. Olim tamen triumphatam a Cornelio Balbo, Plin. v, 5. 'Clarissimum' oppidum 'Garama, [nunc Gherma,] caput Garamantum, omnia armis Romanis superata, et a Cornelio Balbo triumphata:

uni huic omnium externo curru et Quirittium jure donato: quippe Gadibus genito civitas Romana cum Balbo majore patruo data est.

6 Mapalium. De his mapalibus v. An. iii, 74.

7 Parthorum equitum. Ita quoque Suet. Vespas. 6. 'Vologesus Parthus promisit quadraginta millia sagittariorum.'

8 Concessa filio. Stupris, adulteriis, libidine, filium Principis, Principemque agebat Domitianus. V. sup. Hist. iv, 2 et 39.

9 Reliqua J. belli. Quæ narrabuntur inf. Hist. v.

quam numerum liberorum. Nam amicos tempore, fortuna, cupidinibus aliquando, aut erroribus, imminui, transferri, desinere: suum cuique sanguinem indiscretum,¹ sed maxime Principibus; quorum prosperis et alii fruuntur, adversa ad junctissimos pertineant: ne fratribus quidem mansuram concordiam, ni parens exemplum præbuisset." Vespasianus, haud æque Domitiano mitigatus, quam Titi pietate gaudens, "bono esse animo" jubet, "belloque et armis rempublicam attollere: sibi pacem domumque curæ fore." Tum celerimas navium, frumento onustas, sævo adhuc mari committit. Quippe tanto discrimine Urbs nutabat, ut decem haud amplius dierum frumentum in horreis fuerit, cum a Vespasiano commeatus subvenere.²

53. Curam restituendi Capitolii¹ in L. Vestinum² confert, equestris ordinis virum, sed auctoritate famaue inter proceres. Ab eo contracti haruspices, monuere, "ut reliquiæ prioris delubri in paludes³ aveherentur: templum iisdem vestigiis sisteretur: nolle Deos mutari veterem formam." Undecimo⁴ Calendas Julias, serena luce, spatium omne quod templo dicabatur, evinctum vittis coronisque. Ingressi milites, quæ fausta nomina,⁵ felicibus ramis:⁶ dein virgines Vestales, cum pueris puellisque patrimis matrimisque,⁷ aqua, vivis e fonti-

1 *Indiscretum*. Qui discerni, i. e. alienari non potest; ut recte explicat Illustr. Huetius.

2 *Commentus subvenere*. Inde in tot nummis Vespasiani, hoc anno cisis, ANNONA AVG. CERES AVG. 'Annona Augusta. Ceres Augusta.'

1 *Restituendi Capitolii*. De hac Capitolii restitutione plura erunt dicenda, ut Tacitus, Suetonius, Plutarchus, ac Dio inter se conciliantur. Itaque v. not. et em. ad Hist. iv, 53.

2 *L. Vestinum*. Cujus laudes v. in ærea Claudii tabula, edita in not. et em. ad An. xi, 24.

3 *In paludes*. In paludes Ostienses; ut sup. An. xv, 43.

4 *Undecimo*. Die 21. Junii.

5 *Fausta nomina*. Ut futura prosperitatis forent auguria. Inde Cicero de Div. i, 102. 'Cum imperator exercitum, cæsor populum lustraret, bonis nominibus qui hostias ducerent eligebantur: quod idem in delectu consules observant, ut primus miles fiat bono nomine.' Et Plin. xxviii,

2. §. 5. 'Cur publicis lustris etiam nomina victimas ductentium prospera elegimus?' Eundem usum testatur et explicat Festus, 'Lacus Lucrinus in vectigalibus publicis primus locatur fruendus, ominis boni gratia: ut in delectu censuve primi nominantur Valerius, Salvius, Statorius.'

6 *Felicibus ramis*. Verbenacæ maxime felices arboris. Sic quoque in sacris memoratur ab Ammiano Marcell. xxix, 3. 'Verbenas felices arboris gestans.' Et, teste Plin. xxv, 9. 'Nulla tamen Romanæ nobilitatis plus habet, quam hierabotane—Nostræ verbenacam vocant. Hæc est, quam legatos ferre ad hostes indicavimus. Hac Jovis mensa verritur, domus purgantur lustranturque.' Forte quoque virgas laures tenere; quarum meminit Ovid. Fast. v. 677. 'Uda sit hinc laurus, lauro sparguntur ab uda Omnia, quæ dominos sunt habitura novos.'

7 *Pueris—matrimisque*. Pueri flaminii, puellæ flaminie, quorum patres matresque adhuc vivebant. Festus: 'Flaminia dicebatur sacerdotula, quæ flaminicæ Diali

bus omnibusque hausta, perluere.⁸ Tum Helvidius Priscus, prætor, præeunte⁹ Plautio Æliano,¹⁰ pontifice, lustrata suove-
taurilibus¹¹ area, et super cespitem redditis extis,¹² “Jovem,
Junonem, Minervam,¹³ præsidesque imperii Deos” precatus
“uti cœpta prosperarent, sedesque suas, pietate hominum in-
choatas, divina ope attollerent,” vittas, quibus ligatus lapis,
innexique funes erant, contigit. Simul ceteri magistratus, et
sacerdotes, et senatus, et eques, et magna pars populi, studio
lætitiaque connixi, saxum ingens traxere: passimque injectæ
fundamentis argenti aurique stipes,¹⁴ et metallorum primitiæ,
nullis fornacibus victæ, sed ut gignuntur. Prædixere harus-
pices, ne temeraretur opus saxo aurove, in aliud destinato.
Altitudo ædibus adjecta.¹⁵ Id solum religio adnuere: et pri-
oris templi magnificentiæ¹⁶ defuisse creditum, quo tanta vis
hominum retinenda erat.

54. Audita interim per Gallias Germaniasque mors Vitellii
duplicaverat bellum. Nam Civilis, omissa dissimulatione, in
populum Romanum ruere. Vitellianæ legiones vel externum
servitium, quam Imperatorem Vespasianum malle. Galli sus-
tulerant animos, eandem ubique exercituum nostrorum fortu-
nam rati: vulgato rumore, “a Sarmatis Dacisque Moesica ac

præministrabat, eaque patrimēs et matrimēs erat, id est, patrem matremque adhuc
vivos habebat—Flaminius Camillus puer
dicebatur ingenuus patrimēs et matrimēs,
qui flammī Diali præministrabat.’

8 *Perluere*. Mallet eruditus Antonius
Augustinus *perpluere*. Quod longius arces-
situm, nec ex usu Taciti opinor. Minime
dispicit *perluere*; seu roalem aquam mi-
serint; quo de usu Tertull. de Baptismo c.
5. ‘Villas, domos, templa, totasque urbes
aspergine circumlate aquæ expiant pas-
sim; seu vivis fontibus omnibusque lar-
gius perfuderint, ut ap. Liv. i, 45. ‘quin
tu ante vivo perfunderis flumine.’

9 *Præeunte*. Quo de usu Plin. xxviii, 2.
‘Vidimus certis precationibus obsecrasse
summos magistratus: et ne quid verborum
præteratur, aut præposterum dicatur de
scripto præire.’ Sic de Claudio, Suet.
Claud. 22. ‘Observavit sedulo—ut dira
avi in Urbe, aut Capitolio, visa, obsecratio
haberetur, eamque ipso jure maximi Ponti-
ficis, commonito pro rostris populo, præiret,
subnotaque operariorum servorumque tur-
ba.’

10 *Plautio Æliano*. Extat adhuc Plautii
Æliani insigne monumentum, quod v. in
not. et em. ad Hist. iv, 53.

11 *Suove-taurilibus*. De quibus jam dic-
tum An. vi, 37.

12 *Redditis extis*. ‘Reddita exta’ dicun-
tur, quod inspecta probataque ab haruspi-
cibus extispicis, sacrificulis redderentur,
aræque superponerentur.

13 *Junonem, Minervam*. Juno ac Minerva
cellas habebant in templo Jovis Capito-
lini.

14 *Stipes*. Sen. Benef. vii, 4. ‘Omnia
Deorum sunt: tamen et Diis posuimus do-
num, et stipem jecimus.’ Idem Quæst.
Nat. iv, 2. ‘In hæc [Nili] ora stipem sacer-
dotes, et aurea dona præfecti, cum solemne
venit sacrum, jaciunt.’ Alias stipes vidi-
mus sup. An. xiv, 15.

15 *Ædibus adjecta*. Id unum mutatum,
ut altiores forent novæ ædes.

16 *Magnificentia*. Ut intelligatur quanta
fuerit hæc magnificentia, plura de templo
Capitolino sunt dicenda. Nec inutile erit
illud cum celeberrimis templis conferre.
Itaque v. not. et em. ad Hist. iv, 53.

Pannonica hiberna circumsideri;" paria de Britannia fingebantur. Sed nihil æque, quam incendium Capitolii, ut finem imperio adesse crederent, impulerat. "Captam olim a Gallis Urbem; sed integra Jovis sede, mansisse imperium. Fatali nunc igne, signum cœlestis iræ datum, et possessionem rerum humanarum Transalpinis gentibus portendi," superstitione vana Druidæ canebant.¹ Incesseratque fama primores Galliarum, ab Othone adversus Vitellium missos, antequam digrederentur, pepigisse, "ne deessent libertati, si populum Romanum continua bellorum civilium series et interna mala fre-gissent."

55. Ante Flacci Hordeonii cædem¹ nihil prorupit, quo conjuratio intelligeretur. Interfecto Hordeonio, commeavere nuntii inter Civilem Classicumque, præfectum alæ Treverorum. Classicus nobilitate opibusque ante alios: regium illi genus, et pace belloque clara origo. Ipse, e majoribus suis,² hostis populi Romani, quam socius, jactabat.³ Miscuere sese Julius Tutor, et Julius Sabinus; hic Trevir, hic Lingon.⁴ Tutor, ripæ Rheni a Vitellio præfectus: Sabinus, super insitam vanitatem, falsæ stirpis gloria incendebatur, "proaviam suam divo Julio, per Gallias bellanti, corpore atque adulterio placuisse." Hi secretis sermonibus animos ceterorum scrutari; ubi, quos idoneos rebantur, conscientia obstrinxere, in colonia Agrippinensi,⁵ in domum privatam conveniunt: nam publice civitas talibus inceptis abhorrebat. Attamen interfuere quidam Ubiorum, Tungrorumque.⁶ Sed plurima vis penes Treveros, ac Lingonas. Nec tulere moras consultandi: certatim proclamant, "furere discordiis populum Romanum,

¹ *Druidæ canebant.* Tiberius Druidas Gallorum sustulerat, Plin. xxx, 1. num. 4. Eorum religionem diræ immanitatis penitus aboleverat Claudius, Suet. Claud. 25. Videntur ergo in Gallias revertisse, aut cum Nero magicis vanitatibus esset deditus, aut cum sævirent bella civilia. Ex Britannia rediire, ubi quam maxime vixit hæc superstitio, de qua jam dictum est An. xiv, 30. Si plura vuleris, adi erudit. Borlase, *Observations on the Antiquities of the County of Cornwall.* Ibi originem, doctrinam, fata, monumentaque Druidarum fuscè prosequitur.

¹ *Hordeonii cædem.* De qua sup. c. 36.

² *E majoribus suis.* Mallet Illustr. Hæ-tius, a majoribus suis.

³ *Jactabat.* Hostem se populi Romani potius, quam socium, jactabat. Ἐχθρὸν αὐτὸν dictum, *hostis, socius:* ut ap. Virg. Æn. ii, 377. 'Sensit medios delapsus in hostes.'

⁴ *Hic Lingon.* Hic geminatur. Pariter Virg. Ecl. iv, 55. 'Non me carminibus vincet, nec Thracius Orpheus, Non Linus; huic mater quamvis, atque huic pater ad-sit.' Trevir, Treves: Lingon, Langres.

⁵ *Colonia Agrippinensi.* Nunc Cologne.

⁶ *Ubiorum, Tungrorumque, Ubii, Cologne.* Tungri, Tongres.

cæsas legiones, vastatam Italiam, capi cum maxime Urbem, omnes exercitus suis quemque bellis detineri: si Alpes præsidii firmentur, coalita libertate, dispecturas Gallias, quem virum suarum terminum velint."

56. Hæc dicta pariter, probataque: de reliquiis Vitelliani exercitus dubitare. Plerique "interficiendos" censebant, "turbidos, infidos, sanguine ducum pollutos." Vicit ratio parcendi: "ne, sublata spe veniæ, pertinaciam accenderent. Alliciendos potius in societatem: legatis tantum legionum interfectis, ceterum vulgus, conscientia scelerum, et spe impunitatis, facile accessurum." Ea primi consilii forma: missique per Gallias concitatores belli. Simulatum ipsis obsequium, quo incautiorem Voculam² opprimerent. Nec desuere, qui Voculæ nuntiarent. Sed vires ad coercendum deerant, infrequentibus infidisque legionibus. Inter ambiguos milites, et occultos hostes, optimum e præsentibus ratus, mutua dissimulatione, et iisdem, quibus petebatur, artibus grassari, in coloniam Agrippinensem descendit. Illuc Claudius Labeo, quem captum et extra conventum amandatum in Frisios diximus,³ corruptis custodibus perfugit: pollicitusque, "si præsidium daretur, iturum in Batavos, et potiore civitatis partem ad societatem Romanam retracturum:" accepta peditum equitumque modica manu, nihil apud Batavos ausus, quosdam Nerviorum Betasiorumque⁴ in arma traxit. Et furtim magis, quam bello, Canninefates Marsacosque⁵ incursabat. Vocula, Gallorum fraude inlectus, ad hostem contendit.

57. Nec procul Veteribus¹ aberat, cum Classicus et Tutor, per speciem explorandi prægressi, cum ducibus Germanorum pacta firmavere. Tumque primum discreti a legionibus, proprio vallo castra sua circumdant, obtestante Vocula, "Non adeo turbatam civilibus armis rem Romanam, ut Treveris

1 *Probataque.* Merito dixit Cæs. B. G. iii, 10. "Omnes fere Gallos novis rebus studere, et ad bellum mobiliter, celeriterque excitari."

2 *Voculam.* De quo sup. c. 25 sq.

3 *Diximus.* Sup. c. 18.

4 *Nerviorum Betasiorumque.* Nervii, *Hainault.* Betasii, *Brabant*; ubi adhuc vicus *Bets*, teste Bucherio, *Belgium Romanum*, p. 184. In vet. Inscr. ap. Gruter. p. 520. num. 9. CIVES BETASII.

5 *Marsacosque.* Marsaci Canninefatibus fuere contemini, et Oceano proximi. Eam septentrionalis Hollandiæ partem tenere, ubi nunc oppida *Harlem*, *Alkmaer*, &c. Veterisque nominis memoria extat adhuc in *Marsdiep*, teste Cl. Altling, *Notit. Germ.* Inf. p. 93. Meminit quoque 'Marsaciorum' Plin. iv, 15.

1 *Veteribus.* *Santen*, ut sæpe dictum est.

etiam Lingonibusque despectui sit. Superesse fidas provincias, victores exercitus, fortunam imperii, et ultores Deos. Sic olim, Sacrovirum² et Æduos, nuper, Vindicem Galliasque singulis præliis concidisse. Eadem rursus numina, eadem fata, ruptores foederum expectarent. Melius divo Julio, divoque Augusto notos eorum animos.³ Galbam, et infracta tributa, hostiles spiritus induisse. Nunc hostes, quia molle servitium: cum spoliati exutique fuerint, amicos fore." Hæc ferociter locutus, postquam perstare in perfidia Classicum Tutoremque videt, verso itinere, Novesium⁴ concedit. Galli, duum millium spatio distantibus campis, consedere. Illuc commeantium centurionum militumque emebantur animi, ut (flagitium incognitum) Romanus exercitus in externa verba jurarent, pignusque tanti sceleris, nece aut vinculis legatorum daretur. Vocula, quamquam plerique fugam suadebant, audendum ratus, vocata concione, in hunc modum disseruit.

58. " Numquam apud vos verba feci, aut pro vobis sollicitior, aut pro me securior. Nam mihi exitium parari, libens audio; mortemque in tot malis hostium⁴ ut finem miseriarum² expecto. Vestri me pudet miseretque, adversus quos non prælium et acies parantur; id enim fas armorum, et jus hostium: bellum cum populo Romano vestris se manibus gesturum Classicus sperat: imperiumque et sacramentum Galliarum ostentat. Adeo nos,³ si fortuna in præsens virtusque deseruit, etiam vetera exempla deficiunt, quotiens Romanæ legiones perire præoptaverint, ne loco pellerentur? Socii sæpe nostri, exscindi urbes suas, seque cum conjugibus ac liberis cremari pertulerunt: neque aliud pretium exitus, quam fides famaue. Tolerant cum maxime inopiam obsidiumque apud Vetera legiones, nec terrore aut promissis demoveantur. Nobis, super arma, et viros, et egregia castrorum munimenta,

² *Sacrovirum.* De Sacroviro et Æduis v. An. iii, 46. De Vindice et Galliis v. Suppl. An. xvi, 66 sq.

³ *Notos—animos.* Melius divo Julio divoque Augusto notos eorum animos, qui non nisi severa dominatione flecterentur: Galbæ mansuetudinem, et imminuta ab eo tributa, hostiles spiritus eis addidisse. Tributi levamentum vidimus Hist. i, 8.

⁴ *Novesium.* Nunc *Nuiss*; ut sup. c. 26.

¹ *Malis hostium.* 'Quæ nobis hostes creant;' ut recte explicat Illustr. Huetius.

² *Finem miseriarum.* Vere quoque Salust. Ca. 51. 'In luctu atque miseriis mortem ærumnarum requiem, non cruciatum esse.'

³ *Nos.* Melius forte, *vos*.

frumentum et commeatus quamvis longo bello pares. Pecunia nuper etiam donativo⁴ sufficit; quod sive a Vespasiano, sive a Vitellio datum interpretari mavultis, ab Imperatore certe Romano accepistis. Tot bellorum victores, apud Geldubam,⁵ apud Vetera, fuso totiens hoste, si pavetis aciem, indignum id quidem: sed est vallum muriq̄ue, et trahendi artes, donec e proximis provinciis auxilia exercitusque concurrant. Sane ego displiceam: sunt alii legati, tribuni, centurio denique, aut miles. Ne hoc prodigium toto terrarum orbe vulgetur, vobis satellitibus, Civilem et Classicum Italiam invasuros. An si ad mœnia Urbis Germani Gallicque duxerint, arma patriæ inferetis? Horret animus tanti flagitii imagine. Tutori Trevero agentur excubiæ? Signum belli Batavus dabit? Germanorum catervas supplebitis? quis deinde sceleris exitus? cum Romanæ legiones contra direxerint: transfugæ e transfugis, et proditores e proditoribus, inter recens et vetus sacramentum in visi Deis errabitis? Te, Jupiter optime, maxime, quem per octingentos viginti annos tot triumphis coluimus; te, Quirine, Romanæ parens Urbis, precor venerorque, ut si vobis non fuit cordi, me duce hæc castra incorrupta et intemerata servari, at certe pollui fœdarique a Tutore et Classico ne sinatis. Militibus Romanis aut innocentiam detis, aut maturam, et sine noxa pœnitentiam."

59. Varie excepta oratio inter spem, metumque, ac pudorem. Digressum Voculam, et de supremis agitantem, liberti servique prohibuere fœdissimam mortem¹ sponte prævenire. Et Classicus, misso Æmilio Longino, desertore primæ legionis, cædem ejus maturavit. Herennium et Numisium, legatos, vinciri, satis visum. Dein, sumtis Romani imperii insignibus,² in castra venit. Nec illi, quamquam ad omne facinus durato, verba ultra suppeditavere, quam ut sacramentum recitaret. Juravere qui aderant, "pro imperio Gallia-

⁴ Donativo. De quo sup. c. 36.

⁵ Geldubam. V. sup. c. xxvi, 26. 32 sq.

¹ Fœdissimam mortem. Fœdissimam vocat mortem, quæ desertoris proditorisque manu obvenit; ut recte explicat Pichena.

² Insignibus. Hæc de aquilis, vexillis, ceterisque Romani exercitus signis, quæ

secum sumsit Classicus, dicta vult Pichena. Contra, et probabiliter, existimat Cl. Ernest. Classicum lictores, fasces, quæ sunt Romani imperii insignia, sumsisse. Ceterum non incescit, tamquam Imperator. Juratum enim pro imperio Galliarum.

rum." Interfectorem Voculæ, altis ordinibus,³ ceteros, ut quisque flagitium navaverat, præmiis attollit. Divisæ inde inter Tutorem et Classicum curæ. Tutor, valida manu circumdatos Agrippinenses, quantumque militum apud superiorem Rheni ripam, in eadem verba adigit, occisis Mogontiaci tribunis, pulso castrorum præfecto, qui detrectaverant. Classicus corruptissimum quemque e deditis "pergere ad obsessos"⁴ jubet, "veniam ostentantes, si præsentia sequerentur; aliter, nihil spei: famem, ferrumque, et extrema passuros." Adjecere qui missi erant, exemplum suum.

60. Obsessos hinc fides, inde egestas, inter decus ac flagitium distrahebant. Cunctantibus solita insolitaque alimenta deerant; absuntis jumentis equisque, et ceteris animalibus, quæ profana fœdaque in usum necessitas vertit. Virgulta postremo, et stirpes, et internatas saxis¹ herbas vellentes, miseriarum patientiæque documentum fuere; donec egregiam laudem fine turpi macularent, missis ad Civilem legatis "vitam" orantes. Neque ante preces admissæ, quam in verba Galliarum jurarent. Tum pactus² "prædam castrorum," dat custodes, qui pecuniam, calones, sarcinas retentarent, ac qui ipsos leves³ abeuntes prosequerentur. Ad quintum fere lapidem coorti Germani, incautum agmen adgrediuntur. Pugnacissimus quisque in vestigio; multi palantes occubere: ceteri retro in castra profugiant, querente sane Civile, et increpante Germanos, "tamquam fidem per scelus abrumperent." Simulata ea fuerint, an retinere sævientes nequiverit, parum adfirmatur. Direptis castris, faces injiciunt: cunctosque, qui prælio superfuerant, incendium hausit.

61. Civilis, barbaro voto,¹ post cœpta adversus Romanos arma, propexum rutilatumque crinem, patrata demum cæde

³ *Altis ordinibus.* Ad primos militiæ gradus exivit.

⁴ *Ad obsessos.* Ad legiones, quæ inopiam obsidiumque in Veteribus castris, *Santen*, tolerabant.

¹ *Internatas saxis.* Sic quoque Columel. ii, 12. 'Internatæ herbæ fœno reserventur.'

² *Tum pactus.* Tum Civilis pactus prædam, &c.

³ *Ipsos leves.* Sine pecunia, sine armis,

sine sarcinis.

¹ *Barbaro voto.* Talia vota fuere semper, suntque adhuc in usu apud barbaros. Ea quoque usurpavere omnium fere gentium militares viri, quos inter eminet Julius Cæsar, de quo Suet. Jul. 67. Milites diligebat usque adeo, ut, audita clade Tituriana, barbam capillumque summiserit; nec ante demserit, quam vindicasset. De rutilo Germanorum crine dicitur inf. de Mor. Germ. 4.

legionum, deposuit. Et ferebatur parvulo filio quosdam captivorum, sagittis jaculisque puerilibus figendos,² obtulisse. Ceterum neque se, neque quemquam Batavum, in verbâ Galliarum adegit, fisus Germanorum opibus; et, si certandum adversus Gallos de possessione rerum foret, inclytus fama, et potior. Mummius Lupercus, legatus legionis, inter dona missus Veledeæ.³ Ea virgo nationis Bructeræ, late imperitabat, vetere apud Germanos more, quo plerasque foeminarum fatidicas, et augescente superstitione, arbitrantur Deas. Tuncque Veledeæ auctoritas adolevit: nam “prosperas Germanis res, et excidium legionum” prædixerat. Sed Lupercus, in itinere interfectus. Pauci centurionum tribunorumque in Gallia geniti reservantur, pignus societatis. Cohortium, alarum, legionum, hiberna subversa cremataque: iis tantum relictis, quæ Mogontiaci, ac Vindonissæ⁴ sita sunt.⁵

62. Legio sextadecima,¹ cum auxiliis simul deditis, a Novesio in coloniam Treverorum² transgredi jubetur, præfinita die, intra quam castris excederet. Medium omne tempus, per varias curas egere: ignavissimus quisque, cæsorum apud Vetera exemplo, paventes; melior pars, rubore et infamia, “quale illud iter, quis dux viæ? et omnia in arbitrio eorum, quos vitæ necisque dominos fecissent.” Alii, nulla dedecoris cura, pecuniam, aut carissima sibimetipsi circumdare: quidam expedire arma, telisque tamquam in aciem accingi. Hæc meditantibus, advenit proficiscendi hora, expectatione tristior. Quippe intra vallum, deformitas haud perinde notabilis: detexit ignominiam campus, et dies. Revulsæ Imperatorum imagines, inhonora³ signa, fulgentibus hinc inde Gallorum vexillis: silens agmen, et velut longæ exsequiæ. Dux Claudius Sanctus, effosso oculo, dirus ore, ingenio debilior. Duplicatur flagitium, postquam, desertis Bonnensibus castris,⁴ altera se legio miscuerat. Et vulgata captarum legio-

² Figendos. Ad opprobrium simul et tormentum.

³ Veledeæ. De Velede aliisque fatidicis foeminis plura dicuntur inf. de Mor. Germ. 8.

⁴ Ac Vindonissæ. Mogontiacum, nunc Mentz; Vindonissa, nunc Windisch, in the canton of Berne.

⁵ Sita sunt. Et a Romanis retinebantur;

ut videbimus inf. c. 70.

¹ Legio sextadecima. De qua sup. c. 26.

² Treverorum. Nunc Treves.

³ Inhonora. Et incomta signa. V. An. iii, 2.

⁴ Bonnensibus castris. Nunc Bonn; ubi castra primæ legionis. V. sup. c. 19.

num fama, cuncti, qui paulo ante Romanorum nomen horrebant, procurrentes ex agris tectisque, et undique effusi, insolito spectaculo nimium fruebantur. Non tulit ala Picentina⁵ gaudium insultantis vulgi; spretisque Sancti promissis, aut minis, Mogontiacum abeunt: ac forte obvio interfectore Voulæ Longino, coniectis in eum telis, initium exsolvendæ in posterum culpæ fecere. Legiones, nihil mutato itinere, ante mœnia Treverorum considunt.

63. Civilis et Classicus, rebus secundis sublatis, an Coloniæ Agrippinensem diripiendam exercitibus suis permetterent, dubitavere. Sævitia ingenii, et cupidine prædæ, ad excidium civitatis trahebantur: obstabat ratio belli, et novum imperium inchoantibus utilis clementiæ fama. Civilem etiam beneficii memoria flexit, quod filium ejus, primo rerum motu, in colonia Agrippinensi deprehensum, honorate custodierant. Sed Transrhenanis gentibus invisa civitas, opulentia auctuque.¹ Neque alium finem belli rebantur, quam si promiscua ea sedes omnibus Germanis foret, aut disjecta, Ubios quoque dispersisset.

64. Igitur Tencteri,¹ Rheno discreta gens, missis legatis, mandata apud concilium Agrippinensium edi jubent: quæ ferocissimus e legatis in hunc modum protulit: "Redisse vos in corpus nomenque² Germaniæ, communibus Deis, et præcipuo Deorum³ Marti, grates agimus: vobisque gratulamur, quod tandem liberi inter liberos eritis. Nam ad hunc diem, flumina ac terras, et cœlum quodammodo ipsum, clauserant Romani: ut colloquia congressusque nostros arcerent: vel, quod contumeliosius est viris ad arma natis, inermes ac prope nudi, sub custode et pretio⁴ coiremus. Sed ut amicitia societasque nostra in æternum rata sit, postulamus a vobis, muros coloniæ, munimenta servitii, detrahatis. Etiam fera

⁵ *Ala Picentina.* A Picentinis, hodie *part of Terra di Lavoro*, ita appellata.

¹ *Auctuque.* A condita colonia, de qua dictum satis An. xii, 27. opulentia auctuque, i. e. opum vi hominumque multitudine, insignis erat Ubiorum civitas: inde Transrhenanis gentibus invidia.

¹ *Tencteri.* De quibus plura inf. in lib. de Mor. Germ. 32.

² *Corpus nomenque.* Quæ veluti ejuraverant ob coloniæ Romanam nomenque

Agrippinæ.

³ *Præcipuo Deorum.* Deorum maxime Mercurium colebant Germani, ut dicitur inf. de Mor. Germ. 9. At nunc, vigentibus bellis, præcipuus erat Mars.

⁴ *Custode et pretio.* Nempe ita custoditi transitus, ut Transrhenani Germani Cisrhenanos adire non possent, nisi inermes, et soluto pretio, seu vectigali. V. inf. c. seq.

animalia, si clausa teneas, virtutis obliviscuntur. Romanos omnes, in finibus vestris, trucidetis: haud facile libertas, et domini miscentur. Bona interfectorum in medium cedant, ne quis occulere quidquam, aut segregare causam suam possit. Liceat nobis vobisque utramque ripam colere, ut olim majoribus nostris: quomodo lucem diemque omnibus hominibus, ita omnes terras fortibus viris natura aperuit. Instituta cultumque patrium resumite, abruptis voluptatibus,⁵ quibus Romani plus adversus subjectos, quam armis valent: sincerus et integer, et servitutis oblitus populus, aut ex æquo agatis, aut aliis imperitabitis."

65. Agrippinenses, sumto consultandi spatio, quando neque subire conditiones metus futuri, neque palam aspernari conditio præsens sinebat, in hunc modum respondent: "Quæ prima libertatis facultas data est,¹ avidius, quam cautius sumimus, ut vobis ceterisque Germanis, consanguineis nostris, jungeremur. Muros civitatis, congregantibus se cum maxime Romanorum exercitibus, augere nobis, quam diruere, tutius est. Si qui ex Italia, aut provinciis, alienigenæ in finibus nostris fuerant, eos bellum absumsit, vel in suas quisque sedes refugere. Deductis olim,² et nobiscum per connubium sociatis, quique mox provenere, hæc patria est. Nec vos adeo iniquos existimamus, ut interfici a nobis parentes, fratres, liberos nostros velitis. Vectigal³ et onera commerciorum resolvimus. Sint transitus incustoditi, sed diurni, et inermes; donec nova et recentia jura, in vetustatem consuetudine vertantur. Arbitrum habebimus Civilem et Veledam, apud quos pacta sancientur." Sic lenitis Tencteris, legati ad Civilem et Veledam missi cum donis, cuncta ex voluntate Agrippinensium perpetrare. Sed coram adire, adloquique Veledam, negatum. Arcebantur aspectu, quo venerationis plus inesset. Ipsa edita in turre: delectus e propinquis, consulta responsaque, ut internuntius numinis, portabat.

66. Civilis, societate Agrippinensium auctus, proximas ci-

⁵ *Abruptis voluptatibus.* Quibus inter dominationis instrumenta utebantur Romani; ut videbimus in Vit. Agr. 21.

¹ *Data est.* In hoc tumultu.

² *Deductis olim.* Cum conderetur colo-

nia.

³ *Vectigal.* Omittimus vectigal, seu portoria, quæ onera commerciorum sunt. De vectigalibus portorisque dictum satis An. xiii, 50.

vitates adfectare, aut adversantibus bellum inferre statuit.¹ Occupatisque Sunicis,² et juventute eorum per cohortes composita; quominus ultra pergeret, Claudius Labeo Betasiorum Tungrorumque et Nerviorum³ tumultuaria manu restitit, fretus loco, quia pontem Mosæ⁴ fluminis anteceperat. Pugnabaturque in angustiis ambigue, donec Germani transnantes, terga Labeonis invasere. Simul Civilis, ausus, an ex composito, intulit se agmini Tungrorum, et clara voce: "Non ideo," inquit, "bellum sumsimus, ut Batavi et Treveri gentibus imperent. Procul hæc a nobis arrogancia: accipite societatem: transgredior ad vos, seu me ducem, seu militem mavultis."⁵ Movebatur vulgus, condebantque gladios; cum Campanus, ac Juvenalis, ex primoribus Tungrorum, universam ei gentem dedidere. Labeo, antequam circumveniretur, profugit.⁶ Civilis Betasios quoque ac Nervios in fidem acceptos, copiis suis adjunxit: ingens rerum, percussis civitatum animis, vel sponte inclinantibus.

67. Interea Julius Sabinus,¹ projectis fœderis Romani monumentis,² *Casarem* se salutari jubet; magnamque et inconditam popularium turbam in Sequanos³ rapit, conterminam civitatem, et nobis fidam. Nec Sequani detrectavere certamen. Fortuna melioribus adfuit. Fusi Lingones. Sabinus festinatum temere prælium, pari formidine deseruit. Utque famam exitii sui faceret, villam, in quam perfugerat, cremavit; illic voluntaria morte interiisse creditus. Sed quibus artibus latebrisque, vitam per novem mox annos traduxerit, simul amicorum ejus constantiam, et insigne Eponinæ uxoris exemplum, suo loco reddemus.⁴ Sequanorum pros-

1 *Bellum inferre statuit.* Et a colonia Agrippinensi, Cologne, versus Mosam, the Meuse, iter direxit, obviosque Sunicos, Limburg, primum occupavit.

2 *Sunicis.* Nunc Limburg; ubi adhuc vicus Sinnich, veteris nominis memoria, teste Bucherio, Belgium Romanum, p. 178 et 184. Eos 'Sunucos' appellat Plin. iv, 17.

3 *Et Nerviorum.* Tungri, Tongres; Betasii, Brabant; Nervii, Hainault.

4 *Pontem Mosæ.* Nunc Maestricht.

5 *Seu militem mavultis.* Sic Cat. ap. Sallust. in Cat. 13. 'Vel imperatore, vel milite me utemini.'

6 *Profugit.* In avia Belgarum, ut dice-

tur inf. c. 70. Avia illa esse nunc paludes Flandrorum, prope Bruges, merito conjicit Bucher. Belgium Romanum, p. 178 et 185.

1 *Julius Sabinus.* Jam memoratus sup. c. 55.

2 *Monumentis.* Tabulis æreis, quibus inscriptum fœdus Romanum civitasque Romana Lingonibus universis data, ut dictum est sup. Hist. i, 78.

3 *In Sequanos.* Nunc High Alsace, and Franche-Comté, &c. V. suppl. An. xvi, 78.

4 *Reddemus.* Perit hæc Historiarum pars. De illa v. Append. Chronol. A.U.C. 831.

pera acie, belli impetus stetit. Resipiscere paulatim civitates,⁵ fasque et fœdera respicere, principibus Remis,⁶ qui per Gallias edixere, “ut missis legatis in commune consultarent, libertas an pax placeret.”

68. At Romæ cuncta in deterius audita Mucianum agebant, ne, quamquam egregii duces (jam enim Gallum Annium et Petilium Cerialem delegerat) summam belli parum tolerarent. Nec relinquenda Urbs sine rectore. Et Domitiani indomitæ libidines timebantur; suspectis, uti diximus, Primo Antonio, Varoque Arrio. Varus, prætorianis præpositus, vim atque arma retinebat. Eum Mucianus, pulsum loco, ne sine solatio ageret, annonæ præfecit.¹ Utque Domitiani animum, Varo haud alienum, deliniret, Arretinum Clementem,² domui Vespasiani per adfinitatem³ innexum, et gratissimum Domitiano, prætorianis præposuit, “patrem ejus sub Caio Cæsare⁴ egregie functum ea cura” dictitans. “Lætum militibus idem nomen: atque ipsum, quamquam senatorii ordinis,⁵ ad utraque munia sufficere.” Adsumuntur e civitate clarissimus quisque; et alii per ambitionem. Simul Domitianus Mucianusque accingebantur, dispari animo: ille, spe ac juvenia properus; hic, moras nectens, queis flagrantem retineret, ne ferocia ætatis, et pravis impulsoribus, si exercitum invasisset, paci belloque male consuleret. Legiones victrices, sexta et octava,⁶ Vitellianarum unaetvicesima, e recens conscriptis secunda, Peninis Cottianisque⁷ Alpius, pars monte Graio,⁸ traducuntur. Quartadecima legio e Britannia,

5 *Civitates.* Ac maxime civitas Lingonum, teste Frontino, Strateg. iv, 3. num.

14. ‘Auspiciis imperatoris Cæsaris Domitiani, Germanico bello, quod Julius Civilis in Gallia moverat, Lingonum opulentissima civitas, quæ ad Civilem desciverat, cum advenientem ab exercitu Cæsaris populationem timeret, quod præter spem inviolata nihil ex rebus suis amiserat, ad obsequium redacta, septuaginta nullia armatorum ei tradidit.’

6 *Remis.* Remi, nunc Reims.

1 *Annonæ præfecit.* De hac præfectura dictum sup. An. i, 7. et xlii, 22.

2 *Arretinum Clementem.* De quo plura in not. et em. ad Hist. iv, 68. Arretinus forte dictus est ab Arretio, nunc Arezzo.

3 *Adfinitatem.* Ab ea adfinitate cognomen-

tum accepisse videtur Titus Flavius Clemens. V. Stemma Flaviorum in not. et em. ad Hist. i, 46.

4 *Caio Cæsare.* Caligula.

5 *Senatorii ordinis.* Errat ergo Suet. Tit. 6. ‘Præfecturam quoque prætorii suscepit’ Titus, ‘numquam ad id tempus, nisi ab equite Romano administratam.’ Eam jam administraverat Clemens senatorii ordinis.

6 *Sexta et octava.* De his omnibus legionibus v. not. et em. ad Hist. ii, 6. Secunda autem legio est secunda adiutrix.

7 *Peninis Cottianisque.* Peninæ Alpes, nunc *the passage of great St. Bernard*: Cottianæ, nunc *the passage of Briançon at Suza.* De his plura v. sup. Hist. i, 61.

8 *Monte Graio.* Mons Graius, seu Alpes Graiæ, nunc *little St. Bernard.*

sexta ac decima ex Hispania accitæ. Igitur venientis exercitus fama, et suopte ingenio ad mitiora inclinantes Galliarum civitates, in Remos convenere. Treverorum legatio illic operiebatur, acerrimo instinctore belli Tullio Valentino. Is meditata oratione, cuncta, magnis imperiis objectari solita, contumeliasque et invidiam in populum Romanum effudit; turbidus miscendis seditionibus, et plerisque gratus vecordi facundia.⁹

69. At Julius Auspex, e primoribus Remorum, "vim Romanam, pacisque bona" dissertans, et "sumi bellum etiam ab ignavis,¹ strenuissimi cujusque periculo geri, jamque super caput legiones," sapientissimum quemque reverentia fideque, juniores periculo ac metu continuit. Et Valentini animum laudabant, consilium Auspiciis sequebantur. Constat obstitisse Treveris Lingonibusque apud Gallias, quod, Vindicis motu, cum Verginio steterant.² Deterruit plerosque provinciarum æmulatio: "quod bello caput? unde jus auspiciumque peteretur? quam, si cuncta provenissent, sedem imperio legerent?" Nondum victoria, jam discordia erat: aliis foedera, quibusdam opes viresque, aut vetustatem originis, per jurgia jactantibus.³ Tædio futurorum, præsentia placuere. Scribuntur ad Treveros epistolæ, nomine Galliarum, "ut abstererent armis, impetrabili venia, et paratis deprecatoribus, si pœniteret." Restitit idem Valentinus obstruxitque civitatis suæ⁴ aures, haud perinde instruendo bello intentus, quam frequens concionibus.

70. Igitur non Treveri, neque Lingones, ceteræve rebellium civitates, pro magnitudine suscepti discriminis agere. Ne duces quidem, in unum consulere. Sed Civilis, avia Belgarum¹ circumibat; dum Claudium Labeonem capere, aut exturbare nititur. Classicus, segne plerumque otium trahens,

⁹ *Vecordi facundia.* I. e. ut explicat Illustr. Huetius, temeraria, stolida, improvida.

¹ *Ab ignavis.* Ita ferme Sallust. Jug. 54. 'Omne bellum sumi facile, ceterum ægerume desinere: non in ejusdem potestate initium ejus et finem esse: incipere cuius etiam ignavo licere; deponi, cum victores velint.'

² *Steterant.* Ut dictum est in Suppl.

An. xvi, 78.

³ *Jactantibus.* Ut penes se foret jus, auspicium, sedesque Imperii. Sic Liv. xxii, 1. 'Quod enim illi justum imperium, quod auspicium esse?' Idem Liv. xxviii, 27. 'Imperium auspiciumque abnuistis, sacramenti religionem rupistis.'

⁴ *Civitatis suæ.* Treverorum.

¹ *Avia Belgarum.* De quibus dictum sup. c. 66, p. 172. not. sup.

velut parto imperio fruebatur. Ne Tutor quidem maturavit superiorem Germaniæ ripam, et ardua Alpium præsiidiis claudere. Atque interim unaetvicesima legio Vindonissa,² Sextilius Felix cum auxiliariis cohortibus per Rætiam,³ inrupere. Accessit ala Singularium,⁴ excita olim a Vitellio, deinde in partes Vespasiani transgressa. Præerat Julius Briganticus, sorore Civilis genitus, ut ferme acerrima proximorum odia sunt, invisus avunculo infensusque. Tutor Treverorum copias, recenti Vangionum,⁵ Cæracatium, Tribocorum delectu auctas, veterano pedite atque equite firmavit, corruptis spe, aut metu subactis legionariis: qui primo cohortem, præmissam a Sextilio Felice, interficiunt; mox ubi duces exercitusque Romanus propinquabant, honesto transfugio redire: secutis Tribocis, Vangionibusque et Cæracatibus. Tutor, Treveris comitantibus, vitato Mogontiaci,⁶ Bingham⁷ concessit, fidens loco, quia pontem Navæ fluminis⁸ abruperat: sed incursu cohortium, quas Sextilius ducebat, et reperto vado, proditus fususque. Ea clade perculsi Treveri; et plebes, omissis armis, per agros palatur: quidam principum, ut primi posuisse bellum viderentur, in civitates, quæ societatem Romanam non exuerant, perfugerunt. Legiones a Novesio Bonnaque in Treveros, ut supra memoravimus,⁹ traductæ, se ipsas in verba Vespasiani adigunt. Hæc, Valentino absente, gesta: qui, ubi adventabat, furens, cunctaque rursus in turbas et exitium conversurus, legiones in Mediomatricos,¹⁰ sociam civitatem, abscessere. Valentinus ac Tutor in arma Treveros retrahunt:

² Vindonissa. Nunc Winsdisch, ut sup. c. 61.

³ Rætiam. Nunc the Grisons, &c.

⁴ Ala Singularium. Peculiaris militia fuit prætorianæ proxima, 'tum munere custodiæ, tum prætenturæ vicinia,' ut ait eruditus Fabretus, Inscript. Dom. c. 5. p. 354. ubi de equitibus singularibus cumulate agit. V. quoque Philippum Bonanni, Museum Kircherianum, p. 112. In vet. Inscr. sæpe occurrit EQ. SING. I. e. 'eques singularis;' vel EQ. SING. AVG. I. e. 'eques singularis Augusti;' vel EQ. SING. D. D. N. N. I. e. 'eques singularis dominorum nostrorum,' cum plures essent Imperatores. Ut a dextris prætoriani, sic a sinistris Imperatoris in acie stabant singulares, teste Hygino.

⁵ Vangionum. Vangiones, the diocese

of Worms, Triboci, the diocese of Strassburg. Cæracates, ut videtur, the diocese of Metz. V. not. et em. ad Hist. iv, 70.

⁶ Vitato Mogontiaci. Mogontiacum, Mentz, vitavit Tutor, quod Romanæ legiones illud adhuc obtinerent.

⁷ Bingham. Hodieque Bingen: at tunc, ut patet et Taciti narratione, Bingham erat in ripa sinistra Navæ fluminis; nunc vero est in dextra. Quod recte animadvertere eruditus Freherus et P. Wastelain, Description de la Gaule Belgique, p. 114 sq.

⁸ Navæ fluminis. Nava, hodie Nahe. Flumen illud ad oppidum Bingen in Rhenum influit.

⁹ Memoravimus. Sup. c. 62.

¹⁰ Mediomatricos. Nunc the dioceses of Metz and Verdun.

occisis Herennio ac Numisio legatis," quo minore spe veniæ cresceret vinculum sceleris.

71. Hic belli status erat, cum Petilius Cerialis Mogontiacum venit: ejus adventu erectæ spes. Ipse pugnae avidus, et contemnendis, quam cavendis hostibus melior, ferocia verborum militem incendebat; ubi primum congredi licuisset, nullam prælio moram facturus. Delectus per Galliam habitos, in civitates remittit, ac nuntiare jubet "sufficere imperio legiones: socii ad munia pacis redirent, securi, velut confecto bello, quod Romanæ manus exceperant." Auxit ea res Gallorum obsequium: nam recepta juventute, facilius tributa tolerare,¹ proniores ad officia, quod spernebantur. At Civilis et Classicus, ubi "pulsum Tutorem, cæsos Treveros, cuncta hostibus prospera acceperunt: trepidi ac properantes, dum dispersas suorum copias conducunt, crebris interim nuntiis Valentinum monuere, ne summæ rei periculum faceret." Eo rapidius Cerialis, missis in Mediomatricos, qui breviori itinere legiones in hostem verterent, contracto quod erat militum Mogontiacy, quantumque secum transvexerat, tertiis castris Rigodulum² venit: quem locum magna Treverorum manu, Valentinus insederat, montibus aut Mosella amne septum: et addiderat fossas, obicesque saxorum. Nec deterruere ea munimenta Romanum ducem, quominus peditem perrumpere juberet, equitum aciem in collem erigeret, spreto hoste, quem temere collectum, haud ita loco juvari, ut non plus suis in virtute foret. Paulum moræ in ascensu, dum missilia hostium prævehuntur. Ut ventum in manus, deturbati, ruinæ modo, præcipitantur. Et pars equitum, æquioribus jugis circumvecta, nobilissimos Belgarum, in quibus ducem Valentinum, cepit.

72. Cerialis postero die coloniam Treverorum ingressus est, avido milite eruendæ civitatis: "Hanc esse Classici, hanc Tutoris patriam: horum scelere clausas cæsasque legiones. Quid tantum Cremonam meruisse,³ quam e gremio

¹¹ *Legatis.* De quibus sup. c. 59.

¹ *Tributa tolerare.* De his sup. c. 26.

² *Rigodulum.* Hodieque *Rigol*, duabus leucis infra Treveros ad Mosellam situm, e regione oppidi *Psaltz*. De Rigodulo

hocque Taciti loco accurate disserit P. Wastelain, *Description de la Gaule Belgique*, p. 245.

³ *Cremonam meruisse.* V. sup. Hist. iii, 33.

Italiæ raptam, quia unius noctis moram victoribus adtulerit? Stare in confinio Germaniæ integram sedem, spoliis exercituum et ducum cædibus ovantem. Redigeretur præda in fiscum:² ipsis sufficere ignes, et rebellis coloniæ ruinas, quibus tot castrorum excidia pensarentur." Cerialis, a metu infamiæ,³ si licentia sævitiaeque imbuere militem crederetur, pressit iras: et parvum, posito civium bello,⁴ ad externa modestiores. Convertit inde animos, accitarum e Mediomatricis legionum miserabilis aspectus. Stabant conscientia flagitii mœstæ, fixis in terram oculis. Nulla inter coeuntes exercitus consalutatio: neque solantibus hortantibusve responsa dabant, abditi per tentoria, et lucem ipsam vitantes: nec perinde periculum aut metus, quam pudor ac dedecus obstupescerat; attonitis etiam victoribus, qui vocem precesque adhibere non ausi, lacrymis ac silentio veniam poscebant: donec Cerialis mulceret animos, "fato acta" dictitans, "quæ militum dumcumque discordia, vel fraude hostium evenissent. Primum illum stipendiorum et sacramenti diem haberent: priorum facinorum neque Imperatorem, neque se meminisse." Tunc recepti in eadem castra; et edictum per manipulos, ne quis in certamine jurgiove seditionem aut cladem commilitoni obiectaret.

73. Mox Treveros ac Lingonas, ad concionem vocatos, ita adloquitur: "Neque ego umquam facundiam exerceui; et populi Romani virtutem armis adfirmavi.¹ Sed quia apud vos verba plurimum valent, bonaque ac mala non sua natura, sed vocibus seditiosorum æstimantur; statui pauca disserere, quæ, profligato bello, utilius sit vobis audisse, quam nobis dixisse. Terram vestram, ceterorumque Gallorum, ingressi sunt duces imperatoresque Romani, nulla cupidine, sed majoribus vestris invocantibus, quos discordiæ usque ad exitium fatigabant: et acciti auxilio Germani, sociis pariter atque hostibus servitutem imposuerant. Quot præliis adversus Cimbro Teutonosque,² quantis exercituum nostrorum laboribus, quoque eventu Germanica bella tractaverimus, satis clarum.

² In Fiscum. Fiscus erat Principis; ut jam dictum est sup. An. vi, 2. not. sup.

³ A metu infamiæ. Ob infamiæ metum.

⁴ Civium bello. Civili bello.

¹ Armis adfirmari. Eodem sensu Liv. xxviii, 27. 'Non quod verba umquam potius, quam res exercuerim.'

² Cimbro Teutonosque. De his bellis

Nec ideo Rhenum insedimus, ut Italiam tueremur: sed ne quis alius Ariovistus,³ regno Galliarum potiretur. An vos cariores Civili Batavisque et Transrhenanis gentibus creditis, quam majoribus eorum patres avique vestri fuerunt? Eadem semper causa Germanis transcendendi in Gallias, libido atque avaritia, et mutandæ sedis amor: ut relictis paludibus et solitudinibus suis, fœcundissimum hoc solum, vosque ipsos considerent. Ceterum libertas, et speciosa nomina prætexuntur: nec quisquam alienum servitium, et dominationem sibi concupivit, ut non eadem ista vocabula usurparet.

74. "Regna bellaque per Gallias semper fuere, donec in nostrum jus concederetis. Nos, quamquam totiens lacessiti, jure victoriæ id solum vobis addidimus,¹ quo pacem tueremur. Nam neque quies gentium, sine armis; neque arma, sine stipendiis; neque stipendia, sine tributis haberi queunt.² Cetera in communi sita sunt. Ipsi plerumque legionibus nostris præsidetis: ipsi has aliasque provincias regitis. Nihil separatum, clausumve. Et laudatorum Principum usus ex æquo, quamvis procul agentibus: sævi proximis ingruunt.³ Quomodo sterilitatem, aut nimios imbres, et cetera naturæ mala;⁴ ita luxum, vel avaritiam dominantium tolerate. Vitia erunt, donec homines: sed neque hæc continua, et meliorum interventu pensantur: nisi forte Tutore et Classico regnantibus, moderatius imperium speratis; aut minoribus, quam nunc, tributis parabuntur exercitus, quibus Germani Britannique arceantur. Nam pulsus, (quod Dii prohibeant,) Romanis, quid

adversus Cimbrum et Teutonum v. Vell. Pat. ii, 8 et 12. Plut. in Mario, 419 sq. Paucis et ingeniose Cl. Mallet, *Introduction à l'Histoire de Danemarck*, p. 13 sq.

³ *Ariovistus*. Ariovistus, Germanorum rex, Gallias occupavit. V. J. Cæs. B. G. i, 31 sq.

¹ *Vobis addidimus*. Ea tantum vobis imposuimus tributa, quæ ad tuendam pacem erant necessaria. De Galliarum tributis dictum est sup. in not. et em. ad An. xiii, 50.

² *Haberi queunt*. Pariter vectigalium necessitatem, et imminetia omnium inter se gentium bella, pulsus Romanis, memorat Cicero, ad Quinctum Fratrem, i. Ep. unic. 'Simul et illud Asia cogitet, nulla a se neque belli externi, neque discor-

diarum domesticarum calamitatem abfuturam fuisse, si hoc imperio non teneretur. Id autem imperium cum retineri sine vectigalibus nullo modo possit, æquo animo parte aliqua suorum fructuum pacem sibi sempiternam redimat atque otium.'

³ *Proximis ingruunt*. Sic quoque Sylla Bocchum alloquitur ap. Sallust. Jug. 109. 'Tibi vero nulla opportunior amicitia nostra: primum, quod procul absumus, in quo offensæ minimum, gratia par, ac si prope adessemus.'

⁴ *Naturæ mala*. Nec aliter Sen. de Const. Sapient. ix, 'Omnia itaque sic patitur [sapient], ut hiemis rigorem, et intemperantiam cœli, ut fervores morbosque, et cetera forte accidentia.'

aliud, quam bella omnium inter se gentium⁵ existent? Occidentorum annorum fortuna disciplinaque compages hæc coaluit; quæ convelli, sine exitio convellentium, non potest. Sed vobis maximum discrimen, penes quos aurum et opes, præcipuæ bellorum causæ. Proinde pacem et Urbem, quam victi victoresque eodem jure obtinemus, amate, colite. Moneant vos utriusque fortunæ documenta, ne contumaciam cum perniciæ, quam obsequium cum securitate malitis." Tali oratione graviora metuentes composuit, erexitque.

75. Tenebantur victore exercitu Treveri, cum Civilis et Classicus misere epistolas ad Cerialem, quarum hæc sententia fuit. "Vespasianum, quamquam nuntii occultarent, excessisse vita. Urbem atque Italiam, interno bello consumptam. Muciani ac Domitiani vana et sine viribus nomina. Si Cerialis imperium Galliarum velit, ipsos finibus civitatum suarum contentos: si prælium mallet, ne id quidem abnuere." Ad ea Cerialis Civili et Classico nihil: eum, qui adtulerat ipsas epistolas, ad Domitianum misit. Hostes, divisis copiis, advenere undique. Plerique culpabant Cerialem, passum jungi, quos discretos intercipere licuisset. Romanus exercitus castra fossa valloque circumdedit: queis temere antea intutis consederat. Apud Germanos, diversis sententiis certabatur.

76. Civilis "opperiendas Transrhenanorum gentes, quarum terrore fractæ populi Romani vires obtererentur. Gallos quid aliud, quam prædam victoribus?" et tamen quod roboris sit, Belgas, secum palam, aut voto stare." Tutor "cunctatione crescere rem Romanam" affirmabat, "coeuntibus undique exercitibus. Transvectam e Britannia legionem;² accitas ex Hispania;³ adventare ex Italia: nec subitum militem, sed veterem, expertumque belli. Nam Germanos, qui ab ipsis sperentur, non juberi, non regi, sed cuncta ex libidine agere. Pecuniamque, ac dona, queis solis corrumpantur

⁵ *Bella—gentium.* Similis omnino sententia ap. Sallust. in Orat. ii, ad C. Cæsarem, de Rep. ordinanda, c. 10. 'Quippe si morbo jam, aut fato huic imperio secus accadat; cui dubium est, quin per orbem terrarum vastitas, bella, cædes oriantur?' Quæ omnia collegisse juvat, ut prudens lector imitationis exempla habeat, ejusque

utilitates sentiat.

¹ *Prædam victoribus.* Expectandos Germanos, cum in Gallis non sit satis roboris, etsi Belgæ, omnium fortissimi, a suis partibus palam aut voto stent: ut recte explicat Illustr. Huetius.

² *Legionem.* xiv. legionem.

³ *Ex Hispania.* V. sup. c. 68.

tur, majora apud Romanos: et neminem adeo in arma primum, ut non idem pretium quietis, quam periculi, malit: quod si statim congrediantur, nullas esse Ceriali, nisi ex reliquiis Germanici exercitus, legiones, foederibus Galliarum obstrictas. Idque ipsum, quod inconditam nuper Valentini manum contra spem suam fuderint, alimentum illis ducique temeritatibus. Ausuros rursus, venturosque in manus, non imperiti adolescentuli, verba et conciones,⁴ quam ferrum et arma meditantis, sed Civilis et Classici: quos ubi aspexerint, reditum in animos formidinem, fugam, famemque, ac totiens captis precariam vitam: neque Treveros, aut Lingonas⁵ benevolentia contineri: resumturos arma, ubi metus abscesserit." Diremit consiliorum diversitatem, approbata Tutoris sententia, Classicus, statimque exsequuntur.

77. Media acies Ubiis Lingonibusque¹ data: dextro cornu cohortes Batavorum; sinistro Bructeri Tencterique:² pars montibus; alii, viam inter Mosellamque³ flumen, tam improvisi adsilvere, ut in cubiculo ac lectulo Cerialis (neque enim noctem in castris egerat) pugnari simul, vincique suos audierit, increpans pavorem nuntiantium, donec univversa clades in oculis fuit. Perrupta legionum castra, fusi equites: medius Mosellæ pons, qui ulteriora coloniæ adnectit, ab hostibus in-sessus. Cerialis, turbidis rebus intrepidus, et fugientes manu retrahens, intacto corpore promptus inter tela, felici temeritate, et fortissimi cujusque accursu, reciperat pontem electa manu firmavit. Mox in castra reversus, palantes captarum apud Novesium Bonnamque legionum manipulos, et rarum apud signa militem, ac prope circumventas aquilas videt. Incensus ira, "non Flaccum,"⁴ inquit, "non Voculam dese-

4 Et conciones. Et conciones potius, quam ferrum, &c. ut sæpe alias.

5 Aut Lingonas. Treveri ac Lingones arma deposuerant, postquam eos adlocutus est Cerialis, ut vidimus c. 73.

1 Lingonibusque. Qui in Civilis exercitu militabant, nec ad Romanorum partes redierant.

2 Bructeri Tencterique. Ut sup. c. 21.

3 Viam inter Mosellamque. Miror ab erudito Savilio accusari Tacitum, quod hic non se exactiorem præstiterit chorographum, nec expresserit quæ esset hæc via, quæ fluvii pars Romanis castris ten-

retur, quæ ratio situs quoad urbem. At hæc omnia patent ex ipsa Taciti narratione. Via illa unica est, quæ colonia Treverorum, coloniæ Agrippinam, Cologne, ducebat. Castra Romana evidenter erant in sinistra ripa Mosellæ, prope ulteriorem urbis partem, quæ erat quoque in sinistra Mosellæ ripa. Pars autem illa ulterior medio Mosellæ ponte adnectebatur coloniæ Treverorum, quæ tunc, uti nunc, erat in dextra Mosellæ ripa. Non potuit ergo Tacitus esse accuratior.

4 Non Flaccum. Hordeonium Flaccum et Dillium Voculam, de quibus sæpe sup.

ritis. Nulla hic proditio: neque aliud excusandum habeo, quam quod vos Gallici foederis oblitos prædixerim:⁵ memoriam Romani sacramenti temere credidi. Adnumerabor Numisiis et Herenniis, ut omnes legati vestri,⁶ aut militum manibus, aut hostium ceciderint. Ite, nuntiate Vespasiano, vel, quod propius est, Civili et Classico, relictum a vobis in acie ducem: venient legiones, quæ neque me inultum, neque vos impunitos patiantur."

78. Vera erant: et a tribunis præfectisque eadem ingerebantur. Consistunt per cohortes, et manipulos: neque enim poterat patescere acies, effuso hoste, et impredientibus tentoriis sarcinisque, cum intra vallum pugnaretur. Tutor, et Classicus, et Civilis, suis quisque locis pugnam ciebant: Gallos "pro libertate," Batavos "pro gloria," Germanos "ad prædam" instigantes. Et cuncta pro hostibus erant: donec legio unaetvicesima, patientiore, quam ceteræ, spatio conglobata, sustinuit ruentes, mox impulit. Nec sine ope divina, mutatis repente animis, terga victores vertere. Ipsi territos se cohortium aspectu ferebant, quæ primo impetu disjectæ, summis rursus jugis congregabantur, ac speciem novi auxilii fecerant. Sed obstitit vincentibus pravum inter ipsos certamen, hoste omisso, spolia consecrandi. Cerialis, ut incuria prope rem adflixit, ita constantia restituit: secutusque fortunam, castra hostium eodem die capit excinditque.⁷

79. Nec in longum quies militi data. Orabant auxilium Agrippinenses; offerebantque uxorem ac sororem Civilis, et filiam Classici, relicta sibi pignora societatis. Atque interim dispersos in domibus Germanos trucidaverant. Unde metus, et justæ preces invocantium, antequam hostes, reparatis viribus, ad spem, vel ad ultionem accingerentur. Namque et Civilis illuc intenderat, non invalidus, flagrantissima cohortium suarum integra, quæ e Chaucis Frisiisque¹ composita,

⁵ *Prædixerim.* Forte, *quam, quod vos Gallici foederis oblitos, redisse id memoriam Romani sacramenti temerè credidi.* V. not. et em. ad Hist. iv, 77.

⁶ *Legati vestri.* Hordeonius Flaccus et Vocula militum manibus, Numisius et Herennius hostium cecidere.

⁷ *Capit excinditque.* Cum pons recuperaretur, castra hostium caperentur et excinderentur, tunc facta videtur cædes,

de qua Dio lvi, p. 745. Rebellenes Germaniæ Cerialis compescuit, multis præliis factis: tantaque in uno ex his præliis multitudo Romanorum barbarorumque cæsa est, ut mortuorum cadavera præterfluentis amnis cursum retinuerint. ὥστε τὸν παραβήγοντα ποταμὸν ὑπὸ τῶν πεπτωκότων ἐπισχιθῆναι.

¹ *Chaucis Frisiisque.* De quibus inf. in lib. de Mor. Germ. c. 34 et 35.

Tolbiaci,² in finibus Agrippinensium, agebat. Sed tristis nuntius avertit, "deletam cohortem dolo Agrippinensium:" qui largis epulis vinoque sopitos Germanos, clausis foribus, igne injecto, cremavere. Simul Cerialis proprio agmine subvenit. Circumsteterat Civilem et alius metus, ne quartadecima legio, adjuncta Britannica classe, adflicaret Batavos, qua Oceano ambiuntur. Sed legionem, terrestri itinere,³ Fabius Priscus legatus in Nervios Tungrosque duxit. Eaque civitates in deditionem acceptæ: classem ultro Canninefates adgressi sunt; majorque pars navium depressa, aut capta. Et Nerviorum multitudinem, sponte commotam, ut pro Romanis bellum capesseret, iidem Canninefates fudere. Classicus quoque adversus equites, Novesium a Ceriali præmissos, secundum prælium fecit: quæ modica, sed crebra damna, famam victoriæ nuper partæ lacerabant.⁴

80. Iisdem diebus Mucianus, Vitellii filium¹ interfici jubet: mansuram discordiam obtendens, ni semina belli restinxisset. Neque Antonium Primum adsciri inter comites² a Domitiano passus est; favore militum anxius, et superbia viri, æqualium quoque, adeo superiorum intolerantis. Profectus ad Vespasianum Antonius, ut non pro spe sua excipitur, ita neque averso Imperatoris animo. Trahebatur in diversa: hinc meritis Antonii, cujus ductu confectum haud dubie bellum erat, inde Muciani epistolis: simul ceteri, ut "infestum tumidumque" insectabantur, adjunctis prioris vitæ criminibus:³ neque ipse deerat arrogantia vocare offensas, nimius commemorandis, quæ meruisset. "Alios" ut "imbelles," "Cæcinam" ut "captivum ac dediticium"⁴ increpat. Unde paulatim levior viliorque haberi, manente tamen in speciem amicitia.

81. Per eos menses, quibus Vespasianus Alexandriæ sta-

² Tolbiaci. Nunc Zulpik, in the diocese of Cologne. Quem locum illustrissimum postea fecit parta a Chlodoveo, ope divina, de Alemannis victoria, A. J. C. 496.

³ Terrestri itinere. Et, ut videtur, militari via, quæ adhuc satis integra, a Gesoriacensi portu, nunc Boulogne, Bagacum Nerviorum, nunc Bava, et Atuatum Tungrorum ducebat.

⁴ Famam—lacerabant. Ita Liv. xxxviii, 54. 'Populum Romanum ne morte quidem P. Scipionis exsatiari, nisi et ipsius

fama sepulti laceretur.'

¹ Vitellii filium. Germanicum; de quo sup. Hist. ii. 59.

² Inter comites. Sic comes fuerat Claudii Cæsaris in Britannia Plautius Ælianus. V. ejus monumentum in not. et em. ad Hist. iv, 53.

³ Prioris vitæ criminibus. V. sup. Hist. ii, 86.

⁴ Captivum ac dediticium. Supra Hist. iii, 14 et 31.

tos æstivis flatibus¹ dies, et certa maris, opperiebatur, multa miracula² evenere, quæ cœli favor, et quædam in Vespasianum inclinatio numinum ostenderetur. Ex plebe Alexandrina quidam, oculorum tabe notus, genua ejus advolvitur, “remedium cæcitatæ” exposcens gemitu,³ monitu Serapidis⁴ Dei, quem dedita superstitionibus gens ante alios colit: precabaturque Principem, “ut genas et oculorum orbes dignaretur respargere oris excremento.” Alius manum æger,⁵ eodem Deo auctore, “ut pede ac vestigio Cæsaris calcaretur,” orabat. Vespasianus primo inridere, aspernari, atque illis instantibus, modo famam vanitatis metuere, modo obsecratione ipsorum, et vocibus adulantium in spem induci: postremo existimari a medicis jubet, an talis cæcitas ac debilitas ope humana superabiles forent. Medici varie disserere: “Huic non exsam vim luminis, et redituram, si pellerentur obstantia: illi elapsos in pravum artus, si salubris vis adhibeatur, posse integrari. Id fortasse cordi Deis, et divino ministerio⁶ Principem electum: denique patrati remedii gloriam penes Cæsarem; inriti ludibrium penes miseros fore.” Igitur Vespasianus, cuncta fortunæ suæ patere ratus, nec quidquam ultra incredibile, læto ipse vultu, erecta quæ adstabat multitudine, jussa exsequitur. Statim conversa ad usum manus, ac cæco reluxit dies. Utrumque, qui interfuere nunc quoque memorent, postquam nullum mendacio pretium.⁷

82. Altior inde Vespasiano cupido adeundi sacram ædem, ut super rebus imperii consuleret. “Arceri templo cunctos” jubet: atque ingressus, intentusque numini, respexit pone ter-

1 *Æstivis flatibus.* Quibus certa maris incipiunt die sexto Kalendarum Juniarum, i. e. die 27. Maii; desinunt autem die octavodecimo Kalendarum Octobrium, seu die 14. Septembris. V. not. et em. ad Hist. iv, 81.

2 *Multa miracula.* Cum de his Vespasiani miraculis paulo longius sit disserendum, v. not. et em. ad Hist. iv, 81.

3 *Gemitu.* Aut redundat, gemitu; aut legendum gemitu remedium cæcitatæ exposcens. Durum nimis, gemitu, monitu.

4 *Monitu Serapidis.* Mos fuit ægrotis, maxime e plebe, sacerdotum instinctu, cibo potuque abstinere, et super cæsarum

victimarum pelles in templis Æsculapii, Serapidis, cubare. Hinc jejunorum cerebrosorumque hominum visus, somnia, quæ tamquam Dei monita habebantur.

5 *Manum æger.* Aliter Suet. Vespas. 7. ‘E plebe quidam luminibus orbatus, item alius debili crure, sedentem pro tribunali pariter adierunt, orantes opem valetudinis demonstratam a Serapide per quietem.’

6 *Divino ministerio.* Et huic divino ministerio Principem a Deis destinatum.

7 *Nullum mendacio pretium.* Quod cum hæc scriberet Tacitus, Trajano Principe, excisa erat Flavio domus.

gum¹ e primoribus Ægyptiorum,² nomine Basiliden; quem procul Alexandria plurium dierum itinere, et ægro corpore detineri haud ignorabat. Percunctatur sacerdotes, “num illo die Basilides templum inisset?” percunctatur obvios, “num in urbe visus sit?” denique, missis equitibus, explorat, illo temporis momento, octoginta millibus passuum abfuisse. Tunc divinam speciem, et vim responsi ex nomine Basilidis,³ interpretatus est.

83. Origo Dei nondum nostris auctoribus celebrata: Ægyptiorum antistites sic memorant. “Ptolemæo regi, qui Macedonum primus⁴ Ægypti opes firmavit, cum Alexandriæ recens conditæ⁵ mœnia, templaque, et religiones adderet, oblatum per quietem decore eximio, et majore quam humana specie juvenem, qui moneret,” ut, fidissimis amicorum in Pontum⁶ missis, effigiem suam acciret: lætum id regno, magnamque et inclytam sedem fore, quæ excepisset: “simul visum eundem juvenem in cœlum igne plurimo attolli.” Ptolemæus, omine et miraculo excitus, sacerdotibus Ægyptiorum, quibus mos⁷ talia intelligere, nocturnos visus aperit. Atque illis Ponti et externorum parum gnaris, Timotheum, Atheniensem, e gente Eumolpidarum, quem, ut antistitem cærimoniarum,⁸ Eleusine exciverat, “quænam illa superstitio, quod numen?” interrogat. Timotheus, quæsitis qui in Pontum meassent, cognoscit urbem illic Sinopen,⁹ nec procul templum, vetere inter accolæ fama, Jovis Ditis.⁷ Namque et muliebrem effi-

1 *Pone tergum.* Intentus quidem nūmi; sed aliquo motu excitatus, respexit pone tergum.

2 *E primoribus Ægyptiorum.* Aliter adhuc Suet. Vespas. 7. ‘Cum de firmitate imperii capturus auspiciū, ædem Serapidis, submotis omnibus, solus intrasset: ac propitiato multum Deo, tandem se convertisset, verbenas, coronasque, et panificia, ut illic assolet, Basilides libertus obtulisse ei visus est: quem neque admissum a quoquam, et jam pridem propter nervorum valetudinem vix ingredi, longæque abesse constabat.’

3 *Basilidis.* A voce Græca βασιλίδωρ, regis.

1 *Macedonum primus.* Hic est Ptolemæus I. dictus Soter. Clemens autem Alexandrinus, in Protept. id tribuit Ptolemæo Philadelpho.

2 *Recens conditæ.* Ab Alexandro Magno. Unde Macrobi. Saturn. i, 20. Alexandria ‘civitas, quæ conditorem Alexan-

drum Macedonem gloriatur, Serapin atque Isin cultu pæne attonitæ venerationis observat.’

3 *In Pontum.* In Pontum Asiaticum et Paphlagoniam ubi urbs Sinope, de qua mox dicitur.

4 *Quibus mos.* Vetus fama, sed nomen inane, ut constat ex Genesi xli, 8. et aliis multis Sacræ Scripturæ locis.

5 *Antistitem cærimoniarum.* Eumolpidæ, ab Eumolpo oriundi, antistites erant Cereris, et cærimoniis, quæ Eleusine, in Attica, secretissime agebantur, præerant. Periiit Eleusin: manent tantum rudera, quibus nomen *Lessina*, near *Athens*. Templi reliquias exhibet Cl. Spon, *Voyage*, part ii, p. 279.

6 *Sinopen.* Turcis *Sinoub*; nobis vulgo *Sinope*, to the South of the Black Sea.

7 *Jovis Ditis.* Jovis Plutonis. Cur autem Serapis diceretur Jupiter Pluto explicabitur in not. et em. ad Hist. iv, 84.

giem adsistere, quam plerique Proserpinam vocent. Sed Ptolemæus, ut sunt ingenia regum, pronus ad formidinem, ubi securitas rediit, voluptatum quam religionum appetens, negligere paulatim, aliasque ad curas animum vertere: donec eadem species terribilior jam, et instantior, "exitium ipsi regnoque" denuntiaret, "ni jussa patrantur." Tum legatos et dona Scydrothemidi regi (is tunc Sinopensibus imperitabat) expediri jubet; præcipitque navigaturis, "ut Pythium Apollinem⁸ adeant." Illis mare secundum: sors oraculi haud ambigua. "Irent, simulacrumque patris sui⁹ reveherent, sororis relinquerent."

84. Ut Sinopen venere, munera, preces, mandata regis sui Scydrothemidi allegant. Qui diversus animi, modo numen pavescere, modo minis adversantis populi terreri; sæpe donis promissisque legatorum flectebatur. Atque interim triennio exacto, Ptolemæus non studium, non preces omittere. Dignitatem legatorum, numerum navium, auri pondus augebat. Tum minax facies Scydrothemidi offertur, "ne destinata Deo ultra moraretur." Cunctantem varia perniciēs, morbiq̃ue et manifesta cœlestium ira, graviorque in dies fatigabat. Advocata concione, "jussa numinis, suos Ptolemæique visus, ingruentia mala" exponit. Vulgus adversari regem,¹ invidere Ægypto, sibi metuere, templumque circumsidere. Major hinc fama tradidit, "Deum ipsum appulsas litori naves sponte conscendisse." Mirum inde dictu,² tertio die tantum maris emensi, Alexandriam appellantur. Templum pro magnitudine urbis³ exstructum, loco cui nomen Rhacotis:⁴ fuerat

8 *Pythium Apollinem.* Pythium Apollinem Delphos adeant. Delphi, olim percelebres, nunc vicus, dictus *Castri*, at the foot of mount Parnassus.

9 *Patris sui.* Jupiter Apollinis pater habebatur, soror Proserpina. Bene reveherent; cum sacra illa antiquitus ex Ægypto aevcta.

1 *Adversari regem.* Vulgus cœpit reniti, regi obsistere, invidere Ægypto, quæ Jove Sinopensi potiretur; sibi metuere, si numen, suum præsidium, amitteret.

2 *Mirum inde dictu.* In hac narratione nobile exemplum, quomodo olim adornate fabulæ. Aliter, nec tam fabulose, rem narrat Plutarchus. Quod v. in not. et em. ad Hist. iv, 84.

3 *Pro magnitudine urbis.* Templi mag-

nificentiam testatur Ammian. Marcellin. xxii, 16. 'His [Alexandriæ miraculis] accedunt altis sublata fastigiis templa, inter quæ eminet Serapeum, quod licet minuatur exilitate verborum, atriis tamen columnariis amplissimis, et spirantibus signorum figmentis, et reliqua operum multitudine ita est exornatum, ut post Capitolium, quo se venerabilis Roma in æternum attollit, nihil orbis terrarum ambitiosius cernat.' Immensas auri opes, templumque, quo nullum splendidius, ibique cultum magni Jovis Sinopensis simulacrum celebrat Dionysius Perieget. v. 255. *Χρυσῶ τιμῶντι κεκοσμημένον οὐκ ἂν ἐκείνου Νῆδιν ἢ ἀνθρώποισι θιώτερον ἄλλαν ἰδοίω. Ἐνθα εὐνοπίταο Διὸς μεγάλαιον μίλαθρον.*

4 *Rhacotis.* Coptis hodieque dicitur

illic sacellum, Serapidi atque Isidi antiquitus sacratum. Hæc de origine et adventu Dei celeberrima. Nec sum ignarus, esse quosdam, qui “Seleucia,⁵ urbe Syriæ, accitum, regnante Ptolemæo, quem tertia ætas⁶ tulit:” alii “auctorem eundem Ptolemæum, sedem, ex qua transierit, Memphim⁷” perhibent, inclytam olim, et veteris Ægypti columen. Deum ipsum⁸ multi “Æsculapium, quod medeatur ægris corporibus;” quidam “Osirin, antiquissimum illis gentibus numen;” plerique “Jovem, ut rerum omnium potentem;” plurimi “Ditem patrem, insignibus, quæ in ipso manifesta,” aut per ambages conjectant.

85. At Domitianus Mucianusque, antequam Alpibus propinquarent, prosperos rerum in Treveris gestarum nuntios acceperere. Præcipua victoriæ fides, dux hostium Valentinus,¹ nequaquam abjecto animo, quos spiritus gessisset, vultu ferebat. Auditus ideo tantum, ut nosceretur ingenium ejus, damnatusque, inter ipsum supplicium, exprobranti cuidam “patriam ejus captam,” “accipere se solatium mortis” respondit. Sed Mucianus, quod diu occultaverat, ut recens expromsit: “Quoniam, benignitate Deum, fractæ hostium vires forent, parum decore Domitianum, confecto prope bello, alienæ gloriæ interventurum. Si status imperii, aut salus Galliarum in discrimine verteretur, debuisse Cæsarem in acie stare: Canninefates Batavosque minoribus ducibus delegandos. Ipso Lugduni vim fortunamque principatus e proximo ostentaret, nec parvis periculis immixtus, et majoribus non defuturus.”

86. Intelligebantur artes: sed pars obsequii in eo, ne de-

Rachot. Olim pagus erat: postea ibi urbs celeberrima ab Alexandro condita, et appellata Alexandria. Serapeum fuit in vico, cui nomen *Necropolis*, prope columnam Pompeii, ut vulgo loquuntur; quam verius columnam Dionysii Ptolemæi dicerent, ut ex semesis Inscriptionis literis observavit P. Sicard, egregius Ægyptiacarum antiquitatum indagator. De hac re nuper fuse et enucleate disseruit Cl. White Oxoniensis, in ‘Ægyptiacis.’

⁵ *Seleucia.* Quæ Plinio v, 21. et vi, 33. dicitur ‘Seleucia Pieria Syriæ,’ nunc *Su-veidia*.

⁶ *Quem tertia ætas.* Hic est Ptolemæus III. dictus Evergetes.

⁷ *Memphim.* Memphis, olim *arx Ægypti regum*, ut ait Plin. v, 9. nunc perit. Ex ejus ruderibus excitata est in dextra Nili ripa urbs altera et maxima, *Cairo*. Manent tamen amplissimæ urbis vestigia in loco, cui hodie nomen *Geeza*. Memphim autem sedem esse, ex qua Serapis transierit, perhibebant, quod Memphi mons esset Sinopius. Sic enim Eustathius in v. 251. Dionysii Perieget. *Συνωπίτης δὲ Ζεύς, ἡ ὁ Μιμφίτης, συνώπιον γὰρ ὄρος Μίμφιδος· ἡ ἀπὸ συνώπης τῆς Ποντικῆς.*

⁸ *Deum ipsum.* Serapidem fuisse Deum Pantheon patet ex diversis ejus insignibus, quæ v. in not. et em. ad Hist. iv, 84.

¹ *Valentinus.* De quo sup. c. 71.

prehenderentur: ita Lugdunum¹ ventum. Unde creditur Domitianus, occultis ad Cerialem nuntiis, fidem ejus tentavisse, "an præsentī sibi exercitum imperiumque traditurus foret:" qua cogitatione bellum adversus patrem agitaverit, an opes viresque adversus fratrem, in incerto fuit: nam Cerialis, salubri temperamento elusit, ut vana pueriliter cupientem. Domitianus sperni a senioribus juventam suam cernens, modica quoque et usurpata antea munia imperii omittebat; simplicitatis ac modestiæ imagine, in altitudinem conditus, studiumque literarum, et amorem carminum simulans,² quo velaret animum, et fratris æmulationi subduceretur, cujus disparem mitioremque naturam contra interpretabatur.

1 *Lugdunum.* Nunc *Lyons.* Domitianus, quasi ejus auspiciis et virtute confectum fuisset hoc bellum, laudatur a Sil. Ital. iii, 607. 'At tu transcendens, Germanice, facta tuorum, Jam puer auricomō performidatē Batavo.' In his quoque Domitiani laudibus nimis est Joseph. Bell. Jud. vii, 4. n. 2.

2 *Simulans.* Sic quoque Suet. Domit. 2. 'Simulavit et ipse mire modestiam: imprimisque poetiæ studium, tam insuetum antea sibi, quam postea spretum et abjectum.' Bene ac vere. Adulatoriæ vero Quintil. Inst. Orat. x, 1. cum Virgilium, Ovidium, Lucanum, &c. laudasset, 'Hos,' inquit, 'nominavimus, quia Germanicum Augustum [Domitianum] ab institutis studiis deflexit cura terrarum, parumque Diis visum est, esse eum maximum poetarum. Quid tamen iis ipsis ejus operibus, in quæ

donatus imperio juvenis successerat, (recte emendat Lip. *secesserat*,) sublimius, doctius, omnibus denique numeris præstantius? Quis enim caneret bella melius, quam qui sic egerit? Quem præsidentes studiis Deæ propius audirent? Cui magis suas artes aperiret familiare numen Minervæ? Dicerent hæc plenius futura secula. Nunc enim ceterarum fulgore virtutum laus ista præstringitur.' Hæc scripserit senex Quintilianus! At cum scriberentur, Princeps erat Domitianus, et ex sorore nepotum præceptor Quintilianus. In eandem adulationem præceps Sil. Ital. iii, 618. 'Quin et Romuleos superabit voce nepotes, Quis erit eloquio partum decus: huic sua Musæ Sacra ferent, meliorque lyra cui substitit Ebrus, Et venit Rhodope, Phæbo miranda loquetur.'

C. CORNELII TACITI

HISTORIÆ.

LIBER QUINTUS.

BREVIARIUM LIBRI QUINTI.

1. **TITUS**, perdomandæ Judææ a patre delectus. Ejus copiæ. Haud procul Hierosolymis castra facit. 2. Judaicæ gentis primordia. 3. Ejus sacra et instituta. 6. Descriptio terræ finiumque, balsami, Libani, Jordanis, lacus bitumen egerentis, camporum torridorum, fructuum in cinerem vanescentium, Beli amnis. 8. Hierosolyma, genti caput. Immensæ opulentix templum. Judæorum fortuna sub Assyriis, Medis, Persis, Macedonibus, ipsisque Judæis imperitantibus. 9. Eorum quoque varia sors sub Romanis. 10. Judaicum bellum sub Gessio Floro, procuratore, ortum. Cestius Gallus, Syriæ legatus, sæpe victus. Mox victor Vespasianus cuncta, præter Hierosolyma, tenet. 11. Titus Judæos, sub urbis muros tendentes, intra mœnia pellit; urbemque oppugnat. Hierosolymorum munitiones. 12. Judæorum duces. 13. Prodigia quæ ante obsidium evenere. 14. Interim Civilis, reparato per Germaniam exercitu, bellum renovat. 15. Varia prælia, primum Civili, deinde Ceriali prospera. 19. Civilis in Batavorum insulam concedit. 20. Invadit Romanorum præsidia. 21. Cerialis subvenit, fortunamque vertit. 22. At parum providus, ferme opprimitur. 23. Civilis navalem aciem ostentat. Occurrit Cerialis; novumque discrimen adit, ob superfusum Rhenum. 34. Periclitantur legiones, sed Cerialis et Civilis in pacem ultro conspirant. *Cetera perire.*

Hæc autem gesta,

A. U. C. J. C.

DCCCXXIII. 70.

Coss.

Flavio Vespasiano Aug. II.

Tito Vespasiano Cæsare.

A. U. C. 823. J. C. 70.

1. *EJUSDEM* anni principio, Cæsar Titus perdomandæ Judææ delectus a patre, et, privatis utriusque¹ rebus, militia clarus, majore tum vi famaue agebat, certantibus provinciarum et exercituum studiis: atque ipse, ut super fortunam crederetur, decorum se, promptumque in armis ostendebat, comitate et adloquiis officia provocans; ac plerumque in opere, in agmine, gregario militi mixtus, incorrupto ducis honore. Tres eum in Judæa legiones, quinta, et decima, et quintadecima, vetus Vespasiani miles, exceperunt. Addidit e Syria duodecimam, et adductos Alexandria duoetvicesimanos tertianosque.² Comitabantur viginti sociæ cohortes, octo equitum alæ: simul Agrippa Sohemusque³ reges, et auxilia regis Antiochi, validaque, et, solito inter accolæ odio, infensa Judæis Arabum manus: multi, quos Urbe atque Italia sua quemque spes acciverat, occupandi Principem adhuc vacuum. His cum copiis fines hostium ingressus, composito agmine, cuncta explorans, paratusque decernere, haud procul Hierosolymis castra facit.⁴

2. Sed quia famosæ urbis supremum diem tradituri sumus, congruens videtur primordia ejus aperire. “Judæos, Creta insula profugos, novissima Libyæ insedissee” memorant, “qua tempestate Saturnus,¹ vi Jovis pulsus, cesserit regnis.” Argumentum e nomine petitur, “inclytum in Creta Idæum montem, accolæ Idæos, aucto in barbarum cognomento, Judæos vocitari.” Quidam, “regnante Iside, exundantem per Ægyptum multitudinem, ducibus Hierosolymo ac Juda, proximas² in terras exoneratam.” Plerique “Æthiopum prolem,³ quos,

1 *Privatis utriusque.* Vespasianus ac Titus, privatis adhuc rebus, i. e. nondum ad Principatum erecti, in Germania, in Britannia, in Judæa militari laude inclaruerant. V. Suet. Vesp. 4. et Tit. 4.

2 *Tertianosque.* Legiones III et XXII. De Titi exercitu v. et Joseph. Bell. Jud. v. 1. n. 6.

3 *Agrippa Sohemusque.* De Agrippa II. Galilææ; Sohemo, Sophenes; Antiocho, Commagenæ regibus, jam dictum sup. Hist. II, 81.

4 *Castra facit.* Primum castra fecit in Spinaram valle, prope vicum Gabath-Saul, distantem ab Hierosolymis circiter stadia

triginta. Joseph. Bell. Jud. v. 2. n. 1. Ea propius deinde admovit.

1 *Saturnus.* Græci a Saturno et Jove, ut postea Romani a Troja et Trojanis, omnia repetebant. Inde apud Græcos invaluit Cretensis hæc Judæorum origo, de qua dicentur plura in not. et em. ad Hist. v. 2.

2 *Proximas.* In Judæam, Ægypto proximam. De Ægyptiaca Judæorum origine v. not. et em. ad Hist. v. 2.

3 *Æthiopum prolem.* Æthiopicæ Judæorum originis causas explanabimus in not. et em. ad Hist. v. 2.

rege Cephco, metus atque odium mutare sedes perpulerit." Sunt qui tradant, "Assyrios convenas,⁴ indigum agrorum "populum, parte Ægypti potitos, mox proprias urbes Hebræasque terras, et propiora Syriæ coluisse." "Clara" alii "Judæorum initia: Solymos,⁵ carminibus Homeri celebratam gentem, conditæ urbi Hierosolymam nomen e suo fecisse."

3. Plurimi auctores¹ consentiunt, "orta per Ægyptum tabe, quæ corpora foedaret, regem Bocchorim, adito Hammonis oraculo,² remedium petentem, purgare regnum, et id genus hominum, ut invisum Deis, alias in terras avehere jussum. Sic conquisitum collectumque vulgus, postquam vastis locis³ relictum sit; ceteris per lacrymas torpentibus, Mozen, unum exulum, monuisse, ne quam Deorum hominumve opem expectarent, utrimque deserti; sed sibimet, ut duci cœlesti, crederent, primo cujus auxilio⁴ præsentes miserias pepulissent." Adsensere, atque omnium ignari fortuitum iter incipiunt. Sed nihil æque, quam inopia aquæ,⁵ fatigabat. Jamque haud procul exitio, totis campis procubuerant, cum grex asinorum agrestium,⁶ e pastu in rupem, nemore opacam,⁷ concessit. Se-

4 *Assyrios convenas.* In Assyria Judæorum origine multum veritatis: sed obscura Taciti brevitatis. V. not. et em. ad Hist. v, 2.

5 *Solymos.* Solymos quidem celebravit Homerus, sed Pisidiæ, aut potius Æthiopie, non Judææ. Vana ergo Solymæa Judæorum origo, ut dicitur fusius in not. et em. ad Hist. v, 2.

1 *Plurimi auctores.* Ex iis auctoribus, multi sane periire: nonnulli tamen adhuc manent, quales Chæmon et Lysimachus apud Josephum, Justinus ex Trogo Pompeio, Diodorus Siculus in Eclogis, qui similia absurdiorave prodiderunt. Qua de re v. not. et em. ad Hist. v, 3.

2 *Hammonis oraculo.* De quo Pomponius Mela i, 8. 'In Cyrenaica Hammonis oraculum, fidei inclytæ;' et Plin. v, 9. 'Memphis quondam arx Ægypti regum: unde ad Hammonis oraculum xii. dierum iter est.' Loco, ubi olim fuit oraculum, nunc nomen esse creditur, *Sant-rich.*

3 *Vastis locis.* Vastis Arabiæ locis; ut recte explicat Tertullianus: quem v. inter Testimonia Veterum.

4 *Primo cujus auxilio.* Inde recte arguit

Orosius quædam, quæ Moses strenue egisset, a Tacito fuisse celata. V. Orosium inter Testimonia Veterum.

5 *Inopia aquæ.* Hæc est aquæ inopia, quam memorat Moses, Exod. xv, 23.

6 *Asinorum agrestium.* Id repertum videtur, ut laus Mosis detereretur, et fabula Dei Asinini, de qua mox dicitur, posset adornari. In hoc mendacium traxere, quod alibi et multo ante contigisse narraverat ipse Moses, Genes. xxxvi, 24. 'Iste est Ana, qui invenit aquas calidas in solitudine, cum pasceret asinos Sebeon patris sui.'

7 *Nemore opacam.* In hac rupe, nemore opaca, largisque aquarum venis, pronum est agnoscere duodecim fontes aquarum et septuaginta palmas, quas Hebræi, duce Mose, in Elim reperere. Exod. xv, 26 et 27. Palmetum illud in majorem palmarum numerum nemusque postea succrevit; et extat adhuc cum duodecim fontibus aquarum, ut vidit ipse P. Sicard, cum in his locis Hebræorum Mosisque vestigia relegeret. *Nouveaux Mémoires des Missions de la Compagnie de Jesus dans le Levant*, vol. vii, p. 5.

cutus Moses, conjectura herbidi soli, largas aquarum venas aperit. Id levamen: et continuum sex dierum iter⁸ emensi, septimo, pulsus cultoribus, obtinere terras, in quæ urbs et templum dicata.

4. Moses, quo sibi in posterum gentem firmaret, novos ritus,¹ contrariosque ceteris mortalibus, indidit. Profana illic omnia, quæ apud nos sacra:² rursum concessa apud illõs, quæ nobis incesta.³ Effigiem animalis,⁴ quo monstrante errorem sitimque depulerant, penetrali sacravere; cæso ariete,⁵ velut in contumeliam Hammonis.⁶ Bos quoque immolatur, quem Ægyptii Apin⁷ colunt. Sue abstinent,⁸ memoria cladis,

8 *Sex dierum iter.* Hebraei, ex Ægypto profecti, continuo sex dierum itinere vasta Arabia loca peragrarè non potuerunt, ut patet tum e sacra Scriptura, tum e locorum notitia. Cum id itineris emetiretur P. Sicard, l. c. p. 4. nono ac tricesimo tantum die ad montem Sinai pervenit. Latet tamen in Taciti verbis non obscurum antiquæ veritatis monumentum. Hebraei enim, cum in Palestinam venissent, *continuis sex diebus* urbem Jericho circumvivere; eam ceperunt *septimo* die, quod erat Sabbatum. Pulsis Palestinæ cultoribus, terras illas obtinuerunt, in quibus postea a Davide *urbs*, a Salomone *templum dicata sunt*. V. Josue vi, 3. et 20. Tacitus, nimia brevitate, exterosque scriptores Judaicarum rerum ignorans secutus, hæc omnia fæde corripit.

1 *Novos ritus.* Novos quidem, sed Deo dignos: quos a Taciti censura purgare nimis necesse est, cum tot viri eruditi id ante nos præstiterint. Satis sit monuisse Josephum libris contra Apionem, i et ii. omnia hæc convicia, ab Apione, Apollonio, Lysimacho aliisque maledicis jam decantata, abunde refutasse.

2 *Apud nos sacra.* Vere quidem. Unum enim Deum Judæi, Romani innumera Deorum simulacra, morbos, pestes, vitiaque colebant. V. Plin. ii, 7.

3 *Nobis incesta.* Romanis incesta erant nuptiarum genera, quæ apud Judæos fuisse concessa. De incestis Claudii et Agrippinæ nuptiis dictum est sup. An. xii, 5 sq. Illæ vero nuptiæ patrui cum fratris filia non sunt prohibite in Levitic. xviii. V. et Menochiam, de Republica Hebræorum, iii, 20. num. 2.

4 *Effigiem animalis.* Huic fabulæ adversatur ipse Tacitus, cum mox inf. c. 5. ait: 'nulla simulacra urbibus [Judæorum], nedum templis' sunt. Sed de hac fabu-

la plura v. in not. et em. ad Hist. v, 4.

5 *Cæso ariete.* Hæc meris, ut patet, conjecturis, quibus nihil fallacius, nituntur. Nempe quod Jupiter Hammon arietinum cornu haberet, inde in ejus contumeliam cæsum a Judæis arietem finxere. Sic bovem immolatum, quod Ægyptii bovem Apin colerent, prodiderunt. Quam hæc vana falsaque sint liquet ex sacrificiis, quæ Abel, Noe, alique, Genes. iv, 4. viii, 20. obtulere, cum neque Hammon, neque Apis essent in rerum natura.

6 *Hammonis.* Cornutum Jovis Hammonis caput passim obvium in Cyrenæorum nummis. At singularem Faustinae matris nummum, in cujus aversa parte est illud Hammonis caput, et infra AMMN, protulit Cl. Pellerin, *Mélange de diverses Médailles*, vol. i, p. 25. De Hammonis cornu ejusque vi Plin. xxxvii, 10. 'Hammonis cornu inter sacratissimas Æthiopie gemmas, aureo colore, arietini cornus effigiem reddens, præmittitur prædivina somnia representare.'

7 *Apin.* Præcipuum urbis Memphis numen: cujus superstitionem olim imitati Judæi vitulum aureum conflare. Exod. xxxii, 4. Apis frequens occurrit in Juliano Imperatoris nummis. Si de Api plura voveris, v. Herodot. iii, 28. p. 170. Plin. viii, 47.

8 *Sue abstinent.* Hæc ceteraque ex conjectura dicta, atque falsa. Non sue tantum, sed etiam sanguine, morticinis, quamplurimis etiam avibus, piscibus, animalibus, juxta leges Levitic. xi et xvii. abstinent Judæi. Id autem vetitum Dei providentia, qui populi sui salutem consulebat. Nempe, ut recte observat eruditus Mead, Medica sacra, c. 2. p. 17. cum in his calidioribus regionibus, nisi accurata sit victus ratio, corpora leprosa scabie facile in-

qua ipsos scabies⁹ quondam turpaverat, cui id animal obnoxium. Longam olim famem crebris adhuc jejuniis¹⁰ fatentur. Et raptarum frugum argumentum, panis Judaicus¹¹ nullo fermento, retinet. "Septimo die otium¹² placuisse" ferunt: "quia is finem laborum tulerit; dein, blandiente inertia, septimum quoque annum¹³ ignaviæ datum." Alii "honorem eum

ficiantur, interdicta sunt Judæis nutrimenta crassa, quæ in morbis, qui cutem occupant, incommoda sunt et noxia. Sic legis præcepta non modo Judæos ab idololatria et vanis religionibus avertebant, sed ab omnibus quoque immunditiis puros illos præstabant.

9 *Scabies*. Scabies illa est ipsa lepra, quam accuratissime descripsit Moses, Levitic. xiii, et xiv. nec quondam tantum Judæos turpaverat, sed illi morbo fuere semper obnoxii, dum eas regiones incolere: quin etiam hodie frequens est in Syria et Ægypto, ut videre est apud erudit. Mead, l. c. p. 12.

10 *Crebris—jejuniis*. Crebra quidem erant Judæorum jejunia, siquidem in Judaicis Calendariis ne unus quidem mensis est in quo dies aliquot jejuniorum non sint notati; et in nonnullis mensibus multi adsignantur. At jejunia illa non longam eorum famem testantur, sed res infaustas tristesve, quæ diebus illis contingere, deflent Judæi. Sic die septima mensis Tisri notatur in eorum Calendariis: 'Jejunium, quod decisum sit decretum contra patres nostros, ut gladio, fame, et peste consumerentur in deserto ob opus vituli.' Die septima mensis Adar: 'Jejunium, quod eo die mortuus est Moses propheta.' Et sic de ceteris. Originem quoque et tempora jejuniorum corrumpit Justin. xxxvi, 2. Moses 'septem dierum jejunio, per deserta Arabiæ, cum populo suo fatigatus, cum tandem venisset [in montem Synan], septimum diem, more gentis sabbatum appellatum, in omne ævum jejunio sacrauit: quoniam illa dies famem illis erroremque finierat.' Vulgarem autem fuisse apud Romanos hunc errorem patet ex Suet. Aug. 76. et Martiale iv, 4.

11 *Panis Judaicus*. Hic agnoscere est panem azymum de quo Exod. xii, 8. At panis ille non raptarum frugum, sed mæroris ac luctus fuit argumentum. Inde in Deuteronom. xvi, 3. vocatur עני, לחם i. e. 'panis afflictionis,' quoniam in pavore egressi erant de Ægypto Judæi. Azymus autem panis non vulgaris fuit in victu Judaico, ut innuit Tacitus. Eo tantum ute-

bantur, cum Pascha celebrabant; ac ne toto quidem septiduo, sed primo solum die: nam reliquis sex diebus, seminibus aut fructibus vesci potuere, dum fermentato abstinerent, ut testimoniis RR. Mose et Selomo probat Petavius in Animadversionibus ad Epiphanium, Hæres. lxx, *Audiænorum*. vol. ii, p. 293.

12 *Septimo die otium*. Vere quidem: nondum tamen satis accurate. Memoria enim septimi diei, seu sabbati, ab orbe condito, ut Deus rerum omnium auctor coleretur, sancta fuit. Exod. xx, 8 et 11. Postea cum Judæis ex Ægypto egressis, otium securumque sabbatum fecisset Deus, iterum statuta auctaque sabbati religio. Exod. xxxi, 13. Deuteronom. v, 14.

13 *Septimum quoque annum*. Judæis non blandita est inertia: neque septimus annus ab iis ignaviæ datus. Verum ut exitus ex Ægypto adsertæque libertatis memoria ex Judæorum animis numquam excideret, seque Deum legum suarum auctorem habere scirent, jussi sunt septimo quoque anno nec seminare terras, nec vineas, nec oliveta colere, sed sabbatum Dei, שבת, יהוה agere. Exod. xxiii, 10. Levitic. xxv, 4. Alterum adhuc sabbatum, et solemnius, post 'septem hebdomadas annorum,' i. e. quinquagesimo anno recurrebat. Ipse enim erat יובל, i. e. *Jubileus*. Levitic. xxv, 8. et 10. Talia sabbata fuere apud Judæos jure miraculum. Qui enim nisi a Deo præpotente, in his sabbatis ali potuit gens, in qua erat circiter sexagies hominum, 6,000,000? In una urbe Jerusalem, cum celebrabatur Pascha, conveniebant plus quam vices centena millia hominum, 2,000,000, ut mox dicetur infr. c. 13. At prædixerat Deus: 'Facite præcepta mea.—Quod si dixeritis: Quid comedemus anno septimo, si non severimus, neque collegerimus fruges nostras? Dabo benedictionem meam vobis anno sexto, et faciet fructus trium annorum.' Levitic. xxv, 18, 20 et 21. Caius Julius Cæsar, dictator, Judæis minime iniquus, cum eos tributa singulis annis pendere jussisset, excepit annum septimum, quem Sabbaticum ap-

Saturno haberi :¹⁴ seu, principia religionis tradentibus Idæis, quos cum Saturno pulsos, et conditores gentis accepimus, seu, quod e septem sideribus, queis mortales reguntur, altissimo orbe,¹⁵ et præcipua potentia, stella Saturni feratur; ac pleraque coelestium, vim suam et cursum septimos per numeros¹⁶ificent."

5. Hi ritus, quoquo modo inducti, antiquitate¹ defenduntur: cetera instituta sinistra, foeda, pravitate valere.² Nam pessimus quisque, spretis religionibus patriis,³ tributa et stipes illuc congerebant. Unde auctæ Judæorum res; et quia⁴ apud ipsos fides obstinata,⁵ misericordia⁶ in promptu, sed adversus omnes alios hostile odium.⁷ Separati epulis,⁸ discreti cubili-

pellant, quod in eo neque fructus arborum legunt, neque seminant, neque arant. Ἐστῆσι κατ' ἡλιαυτὸν ὅπως τιλῶσιν—χωρὶς τοῦ ἰβδόμου ἔτους, ἐν Σαββατικῇν προσαγορεύουσιν, ἡμερῶν ἐν αὐτῷ μὴτε ἀπὸ τῶν δινῶν καρπῶν καρμάνουσιν, μὴτε σπείρουσιν—οὕτε ἀρούσιν. Vide ipsum Cæsaris decretum ap. Joseph. Antiq. Jud. xiv. 10. num. 6.

14 *Saturno haberi.* Cum invaluit usus, ut dies hebdomadæ a sideribus nuncuparentur, diesque septimus Saturno fuit dictus, tunc existimatum est sabbati honorem Saturno haberi. Quod verisimillimum iis visum est, qui ab Idæis, seu Cretensibus, ut dictum sup. c. 2. Judæorum originem repetebant.

15 *Altissimo orbe.* E septem sideribus, quos planetas vocamus, altissimus est Saturnus. Præcipuus autem potentia habebatur, quod 'gelidæ ac rigentis esse naturæ' putaretur. Plin. ii. 8.

16 *Septimos per numeros.* Ea fuit Ægyptiorum, Pythagoræorum, ac postea astrologorum omnium superstitio, ut mundi tempora hominumque fata septem siderum cursu regi crederent. Atque ut mendacio auctoritatem adderet obscuritas, ita divisa est hominum vita, ut singulis annis, singulis mensibus, singulis horis præessent sidera, vimque suam maximam, sicuti et cursum, per septimos numeros conficerent. Inde tota horoscoporum ars, tota climactericorum annorum ratio. Quæ scientiæ vanitas in hac tanta religionis literarumque luce nondum penitus ex hominum animis excidit. Usque adeo timidos mortales vexat caliginosa futuri ignorantia!

1 *Antiquitate.* Quod quidem Taciti testimonium Mosis legisque Judaicæ antiquitatem comprobant.

2 *Pravitate valere.* Sinistra, foeda habentur Judæorum instituta, si pravitas sit Jovem, Venerem, ceteraque Romanarum

religionum monstra temnere, Deum unum, sumum, æternum, neque mutabilem, neque interitum, colere.

3 *Religionibus patriis.* Præter Judæos, Palestinæ incolæ, alii erant innumeri per totum terrarum orbem diffusi. Ubique ritibus suis addicti, patrias locorum, quæ habitabant, religiones spernebant; et cum templo Hierosolymitano omnes interesse, censum solvere, vota reddere, victimas offerre non possent, tributa et stipes congebant, quæ Jerusalem singulis annis mittebantur. Hac magna auri argentique vi quantum auctæ fuerint Judæorum res commodius declarabitur in not. et em. ad Hist. v, 5.

4 *Et quia.* Auctæ adhuc Judæorum res obstinata apud ipsos, et inter ipsos, fide, misericordia, et hostili adversus omnes alios odio.

5 *Fides obstinata.* Id commendat mutam Judæorum caritatem: quæ quidem apud illos adhuc viget, ut et semper viguit.

6 *Misericordia.* Celebratur adhuc maxime illa inter Judæos misericordia. Vetera quoque manent exempla in Actibus Apostolorum, et D. Pauli Epistolis.

7 *Hostile odium.* Chananæorum occidio, usura, aliaque id genus famam hanc hostilis odii excitavere, quam abolere nititur R. Leo Mutinensis, *Cérémonies et Coutumes des Juifs*, i, 5. Certe ex lege non fuit hostile illud adversus omnes odium. Inde cum tot gentibus ipsisque Romanis, ut videre est I Machab. viii, 1 sq. pacis ac societatis fœdera Judæi inierunt. Hodieque singulis sabbatis, orant Deum pro Principibus, sub quorum dominatu vivunt, ut eos eorumque principatum sospitet et amplifcet. Idem jam monuerat Jeremias, xxxix, 7.

8 *Separati epulis.* Veriti ne aliorum societate communicare vita polluerentur.

bus,⁹ projectissima ad libidinem gens, alienarum concubitu abstinent: inter se nihil illicitum.¹⁰ Circumcidere genitalia instituere, ut diversitate noscantur.¹¹ Transgressi in morem eorum,¹² idem usurpant:¹³ nec quidquam prius imbuuntur, quam contemnere Deos, exuere patriam; parentes, liberos, fratres, vilia habere.¹⁴ Augendæ tamen multitudini consulitur. Nam et necare quemquam ex agnatis, nefas:¹⁵ animasque, prælio aut suppliciis peremptorum, æternas putant.¹⁶ Hinc generandi amor, et moriendi contemptus.¹⁷ Corpora condere,¹⁸

9 Discreti cubilibus. Sua in gente nuptias ineunt.

10 Nihil illicitum. Quam id sit falsum constat tum ex lege, cuius non modo præceptum est, 'Non machaberis,' sed etiam 'Non concupisces.' Violataque pudicitia gravissimis pœnis obnoxia, ut videre est in Deuteron. xxii, 21 sq. V. et Joseph. contra Apion. ii, 24 et 30. Immo מְמוֹרִים, i. e. spuriis, seu de scorto nati, non ingrediuntur 'in ecclesiis Domini, usque ad decimam generationem.' Deuteron. xxiii, 2. Perperam ergo paucorum libidinem in omnium crimen vertit Tacitus.

11 Diversitate noscantur. Bene quidem. Fuit enim circumcisio 'signum fœderis' inter Deum et Judæos. Genes. xvii, 11. Minime sentiebat Tacitus Judæos circumcisionem ab Ægyptiis accepisse. Quod postea nonnullis eruditus viris placuit.

12 In morem eorum. Accuratissime dictum. *Il* sunt גֵּרִים, seu 'proselyti,' dicti quoque בְּנֵי בְרִית, i. e. 'filii fœderis,' qui, relicta Gentili religione, Judaicæ nomen dabant. Quam acri studio Judæi proselytos quærere videre est ap. D. Matth. xxiii, 15.

13 Idem usurpant. Nec antequam circumcidatur, proselytus habetur.

14 Vilia habere. Vere adhuc. Proselytus enim quasi modo genitus infans habebatur. Illi Judæi patria, Judæi fratres: cetera profana et vilia. Inde solemne illud Judæorum effatum, כל שאר בשר שוהו, i. e. 'quisquis proselyto consanguineus erat, dum fuit Gentilis, consanguineus plane jam non est.' Plura v. ap. erudit. Selden. de Jure Natur. et Gentium ii, 4. p. 62 sq.

15 Nefas. Unde Josephus contra Apion. ii, 24. Τίνα τῶν ἁπάντων προστάζει καὶ γυναῖξιν ἀπιῖναι, μήτ' ἀμβλοῦν τὸ σπαρὶν, μήτι διαφθεῖρην ἀλλὰ ἢ φανείν, τεκνοκτόνος ἂν εἴη ψυχὴν ἀφάνιζουσα, καὶ τὸ γένος ἡλαττοῦσα. 'Liberorum quidquid susceptum

erit, educari lex jubet. Vetat ne qua mulier susceptum semen aut ejiciat, aut extinguat: quæ secus faxit, pro liberorum interfecere haberi vult, perinde ac si re ipsa et fœtus vitam opprimeret, et generis propagationem imminuerit.' Contra apud Romanos luxu, libidine, invisa erat liberorum multitudo. Adde expositionem infantum, quæ Judæis fuit semper ignota; familiaris autem aliis quamplurimis gentibus ob nativam inhumanitatem hæc impietas. Βρεφῶν ἔκθισις, ὁ παρὰ πολλοῖς τῶν ἄλλων ἰθὺν ἕκαστα τῆς φύσεως ἀπανθρωπίας χαρήσθης ἀσίβημα γίγνεται. Philo in Lib. de Legib. special. ad præcept. 6 et 7.

16 Eternas putant. Eternas, æternumve felices, putabant animas eorum, qui nullo inquinati scelere vitam pro patria, pro religione, prælio aut suppliciis profundeabant. Inde Machabæorum, Eleazari, aliorumque veneranda memoria. Aperte etiam Joseph. contra Apion. ii, 30. Τοῦ δὲ Θεοῦ τὴν πίστιν ἰσχυρὰν παρισχηκότες, ὅτι τοῖς τοῦ νόμου διαφυλάξουσιν, καὶ εἰ δέοι θνήσκουσιν ὑπὲρ αὐτῶν προθύμως ἀποθανοῦσιν, ἰδὼκεν ὁ Θεὸς γενέσθαι τε πάντων, καὶ βίον ἀμείνων λαβῆναι ἐκ περιττοσύνης. 'Deus certissime fidei pignore confirmavit fore, ut illis qui leges constanter servaverint, proque eis, si opus sit mori, libenter strenueque mortem susceperint, et novum deinceps ortum, et vitæ vicissim alterius longeque melioris fructum Deus largiatur.' Quidam autem Judæi existimaverunt impiorum animas penitus excindi, et, ut bruta, perire. Quod forte hic innuit Tacitus. Testimonia Rabbino-rum v. ap. erudit. Selden. de Jure Natur. et Gentium vii, 9. p. 829 et 831.

17 Moriendi contemptus. Tantum valet æternitatis persuasio!

18 Corpora condere. Mallet Illustr. Huetius, *condire*. At nec repugnat, *condere*. Romani enim cremabant corpora: contra vero Judæi, ut et Ægyptii, cum unguentis et aromatibus condebant: in funebri apparatu neque parci, neque prodigi; ut videre est ap. Joseph. contra Apion. ii, 34.

quam cremare, e more Ægyptio; eademque cura,¹⁹ et de infernis persuasio: cœlestium contra.²⁰ Ægyptii pleraque animalia, effigiesque compositas²¹ venerantur: Judæi mente sola, unumque numen²² intelligunt. "Profanos, qui Deum imagines, mortalibus materiis, in species hominum effingant. Summum illud et æternum, neque mutabile, neque interiturum." Igitur nulla simulacra urbibus suis, nedum templis sinunt. Non regibus hæc adulatio, non Cæsaribus honor. Sed quia sacerdotes eorum tibia tympanisque concinebant, hedera vincebantur,²³ vitisque aurea²⁴ templo reperta: "Liberum patrem coli, domitorem Orientis," quidam arbitrati sunt, nequaquam

De funeribus Ægyptiis Diod. Sic. i, 91. Aperte autem de Judæis D. Joan. xix, 39. 'Venit autem et Nicodemus—ferens mixturam myrrhæ et aloes, quasi libras centum. Acceperunt ergo corpus Jesu, et ligaverunt illud linteis cum aromatibus, sicut mos est Judæis sepelire.' Postea illud posuerunt, seu condiderunt, in monumento. V. Matth. xxvii, 60.

19 *Eademque cura.* Judæis Ægyptiisque sperabantur bonorum præmia, malorum pœnæ. Inde utrisque eadem cura, eadem persuasio de infernis. Et ut Ægyptii 'sepulcra domos æternas' appellabant, τάφους αἰδίου αἰῶνος προσαγορεύουσι, Diod. Sic. i, 51. Sic quoque Salomon, Ecclesiast. xii, 5. tumulum dixit בֵּית עוֹלָם, i. e. 'domum æternitatis.' Hodieque Judæis dicitur בֵּית חַיִּים, i. e. 'domus viventium.'

20 *Cœlestium contra.* Judæi enim unum Deum, contra Ægyptii plurima numina ipsaque animalia colebant.

21 *Effigiesque compositas.* Ægyptii non modo pleraque animalia viva, sed eorum quoque effigies venerati sunt. Quas quidem ita componebant, ut multas viderim marmoreas areasque corporibus humanis, capitibus vero canis, felis, aliorumque animalium.

22 *Mente sola, unumque numen.* Vere egregieque Tacitus. Bene quoque Dio xxxvii, p. 37. Τῶν μὲν ἄλλων θῶν οὐδὲν τιμῶσιν, ἵνα δὲ τίνα ἰσχυρῶς σέβουσι· οὐδ' ἀγαλλῶμαι οὐδὲν ἢ αὐτοῖς ποιεῖ τοῖς ἱεροσολύμοις ἰσχυρῶς ἀρέσθαι δι' ἃ καὶ αἰνῶν αὐτὸν νομίζουσιν εἶναι, περισσώτατα ἀνθρώπων θρησκείουσι· καὶ αὐτῶν νῶν τι μάλιστα καὶ περιχαλίστατον, πλὴν καὶ ὅσον ἀγαθὴς τι καὶ ἀνώφεος ᾖ, ἡξεποιήσαν. 'Nullum ex ceteris Diis colunt, unum autem quemdam summo studio venerantur. Nec ullum unquam Hierosolymis ipsis simulacrum habuerunt:

suum scilicet illum Deum, ineffabilem et formæ aspectabilis expertem existimantes, religioso ejus cultu ceteros mortales superant: cui et templum maximum, et pulcherrimum, nisi quod apertum et sine tecto est, exstruxerunt.' Inde cum sub dio, cœlumque sepe respectantes, Judæi Deum venerarentur, eos nonnulli inter nubium cœlique cultores finxere. Qua in re præcipuus est Juvenalis, qui objecta jam a Tacito crimina hoc novo crimine cumulat, xiv, 96. 'Quidam sortiti mentuentem sabbata patrem, Nil præter nubes, et cœli numen adorant. Nec distare putant humana carne suillam, Quæ pater abstinuit, mox et præputia ponunt. Romanas autem soliti contemnere leges, Judaicum ediscunt, et servant, ac metuunt jus, Tradidit arcano quodcumque volumine Moyses. Non monstrare vias, eadem nisi sacra colenti: Quæsitum ad fontem solos deducere verpos. Sed pater in causa; cui septima quæque fuit lux Ignava, et partem vitæ non attigit ullam.'

23 *Hedera vincebantur.* Nusquam in sacra Scriptura legitur Judæorum sacerdotes vinctos fuisse hedera. Immo ignoratur quomodo hedera Hebraice dicatur. At id mentiebantur Romani, sicut et cultum Liberi patris, seu Bacchi, quod Judæi die quintodecimo mensis Tisri, i. e. mense Octobri, festum תִּסְרִי, seu tabernaculorum, celebrarent; ut fusius declarabitur in not. et em. ad Hist. v, 5.

24 *Vitisque aurea.* De hac vite, magnitudine arteque mirabili, cujus botri erant staturæ humanæ pares, quamque Josephus Gorionides affirmat fuisse pondo mille talentorum aurcorum, Angl. 5,234,375*l.* commodius dicitur in not. et em. ad Hist. v, 5.

congruentibus institutis: quippe Liber festos lætosque ritus posuit: Judæorum mos absurdus sordidusque.²⁵

6. Terra finesque, qua ad Orientem vergunt, Arabia¹ terminantur: a Meridie, Ægyptus objacet: ab Occasu, Phœnices et mare: Septemtrionem a latere Syriæ² longe prospectant. Corpora hominum salubria, et ferentia laborum: rari imbres, uber solum. Exuberant³ fruges nostrum ad morem;⁴ præterque eas balsamum et palmæ. Palmetis proceritas,⁵ et decor. Balsamum, modica arbor:⁶ ut quisque ramus intumuit, si vim ferri adhibeas, pavent venæ; fragmine lapidis, aut testa aperiuntur: humor⁷ in usu medentium est. Præcipuum montium Libanum⁸ erigit, mirum dictu, tantos inter ardores opacum fidumque nivibus.⁹ Idem amnem Jordanem¹⁰ alit, funditque. Nec Jordanes pelago accipitur: sed unum atque alterum lacum¹¹ integer perfluit: tertio retinetur. Lacus immenso ambitu,¹² specie maris, sapore corruptior,¹³ gravitate odoris accolis pestifer,¹⁴ neque

25 *Absurdus sordidusque.* Fuere quidem Judeis solemnia splendida ac magnifica: alia vero, et plura, luctu, jejuniis, memoria adversarum rerum, quæ genti contigerant, mœsta ac tristia. Quæ cum a lætitiâ temulentiaque Bacchanalium abhorrerent, Judæorum mos absurdus sordidusque videbatur. Nec aliter Cic. in Orat. pro Placco c. 28. 'Istorum religio sacrorum a splendore hujus imperii, gravitate nominis nostri, majorum institutis abhorrebat.'

1 *Arabia.* Arabia Petræa et deserta.

2 *Syriæ.* Coelesyriæ.

3 *Exuberant.* Forte redundat, *exuberant.* Id enim satis intelligitur ex superioribus, *uber solum.*

4 *Nostrum ad morem.* Judæa enim frumento, vineis, et oleis abundat, ut et Italia.

5 *Palmetis proceritas.* Inde palma fuit semper præcipua inter symbola decoraque Judææ. In Samaritanis Judæorum nummis expressa palma sæpe occurrit. De palmetorum nemoribus, palmarumque natura v. Plin. v, 14 et 17. xiii, 4.

6 *Modica arbor.* Modica quidem arbor, sed curiosæ naturæ, maximeque pretii: primum inter Judæorum, deinde inter Romani fisci opes celebratissima; de qua ergo diligentius dicendum. V. not. et em. ad Hist. v, 6.

7 *Humor.* Quod opobalsamum dicebatur. De medica vi balsami distincte Plin. xii, 25.

8 *Corticis etiam ad medicamenta pretium:* præcipua autem gratia lacrymæ, secunda semini, tertia cortici, minima ligno.

8 *Libanum.* Montem in sacra Scriptura celebratissimum.

9 *Opacum fidumque nivibus.* Nivem Libani memorat Jeremias xviii, 14. Eam non deficere minime mirum in hac tanta montis altitudine.

10 *Amnem Jordanem.* De quo eleganter Plin. v, 15. 'Jordanis amnis oritur e fonte Paneade—amnis amœnus, et quatenus locorum situs patitur, ambitiosus, accolis se præbens, velut invitus, Asphaltiten lacum dirum natura petit, a quo postremo ebibitur, aquasque laudatas perdit pestilentibus mixtas.'

11 *Unum—lacum.* Vere. Primo enim Samachoniten lacum, seu aquas Merom, nunc *Es-malmaron*, et lacum Genesareth, seu mare Tiberiadis, 'integer perfluit.'

12 *Immensio ambitu.* Tertius hic lacus est lacus Asphaltites, qui accolis dicitur *Bahhret Louth*, i. e. lacus Lot, nobis *the Dead Sea*. Juxta Plin. v, 16. 'longitudine excedit centum m. passuum, latitudine maxima xxv. implet, minima sex.' Pater Nau, accuratissimus Terræ Sanctæ inspector, *Voyage nouveau de la Terre Sainte*, iv, 8. ait quoque lacum hunc patere quatuor et viginti circiter leucas longitudine, duas tresve variis in locis latitudine.

13 *Sapore corruptior.* Idem testantur viatores omnes. Expertus vero est princeps Radzivil, Jerosolymitana peregrinatio, p. 96. 'Lacus aquam colores variantem, valde spissam et fetentem habet, quæ guttatim degustata, prout a nobis factum, linguam atrociter mordet, et caput gravi pestiferoque odore vehementer inficit.'

14 *Accolis pestifer.* De hac pestilentia Plin. v, 15. Inde 'littora Esseni fugiunt,

vento impellitur,¹⁵ neque pisces¹⁶ aut suetas aquis volucres patitur. Incertæ undæ:¹⁷ superjacta, ut solido, ferunt: periti imperitique nandi perinde attolluntur.¹⁸ Certo anni,¹⁹ bitumen egerit; cujus legendi usum, ut ceteras artes, experientia docuit. Ater suapte natura liquor, et sparso aceto concretus, innatat: hunc manu captum, quibus ea cura, in summa navis trahunt. Inde, nullo juvante, influit, oneratque, donec abscindas: nec abscindere ære ferrove possis: fugit cruorem vestemque infectam sanguine, quo sceminae per menses exsolvuntur:²⁰ sic veteres auctores. Sed gnari locorum²¹ tradunt,

usque qua nocent.' Plin. ibid. c. 16. Nec aliter hodie Arabes. Gravitatem hanc odoris expertus est Cl. Pococke, *Description of the East*, vol. ii, Part i, p. 37.

15 *Neque vento impellitur.* Adversatur P. Nau, l. c. et ait aquas illas stare, nec, nisi vento, moveri. Sic bitumen vento impulsu videbimus in nota ultima hujus capituli. Certe ibi nulla navigatio, teste Cl. Hasselquist, *Voyages dans le Levant*. vol. ii, p. 87.

16 *Neque pisces.* Nec aliter vulgo viatores, et ipse P. Nau: immo et ipsi quoque Arabes. Dabit tamen Cl. Hasselquist, l. c. quod in littore multa reperiantur conchyliæ.

17 *Incerta undæ.* Et solido similes, ut sup. An. i, 70. 'Neque discerni poterant incerta ab solidis, neque brevia a profundis.' Earum colorem ter in singulos dies mutari ait Joseph. Bell. Jud. iv, 8, n. 4. 'Quod ipse evidenter vidi,' ait princeps Radzivil, l. c. p. 95. 'nam mane habebat aquam nigricantem: meridie, sole intenso (sunt enim calores hic maximi) instar panni fit cærulea: ante occasum, ubi vis caloris remittit, tamquam limo permixta, modice rubet, vel potius flavescit.'

18 *Perinde attolluntur.* Vespasianus, hæc visendi curiosus, lacum Asphaltiten adiit, jussitque quosdam, nandi imperitos, vinctis post terga manibus, in altum projici: qui omnes, teste Josepho, Bell. Jud. iv, 8. sursum repulsi supernatavere. Συμβῆναι πάντας ἐπιτρέψασθαι, καθάπερ ἐπὶ πνέοντος ἀέρος βυζομένους. Pariter Plin. v, 16. 'Asphaltites nihil præter bitumen gignit; unde nomen: tauri camelique fluitant. Inde fama nihil in eo mergi.' Oculatus autem testis P. Nau, l. c. ait aquas hujus lacus sale et amaritudine incredibili esse infectas; unde merito vocatur 'mare salis,' 'mare salsissimum.' Mox subdit experimenta, quibus constat peritos, imperitosque nandi perinde attolli, ut hic

tradit Tacitus. Sane ex salibus sulphureisque amaritudo aquarumque gravitas.

19 *Certo anni.* Bene: non toto enim anno, sed certo anni tempore, egerit bitumen. V. P. Nau, p. sq. not. 1. laudandum. Autumno illud in littore legunt Arabes, Damiatamque, *Damietta*, ferunt, venduntque tingendis lanis, teste Cl. Hasselquist, l. c. In usu quoque est pro navium compagine, plorimisque corporum medicamentis. V. Josephum et Cl. Pococke, locis cit. Immo Cl. Pococke et Hasselquist existimant bitumen idem esse eandemque substantiam ac balsamum, quo condita sunt in Ægypto mumia.

20 *Per menses exsolvuntur.* Hæc quidem Plin. vii, 15. et xviii, 7. Solin. c. 4. ipseque Joseph. Bell. Jud. iv, 8. At vere erudit. Kircher, 'Mundus subterraneus,' ix, 5. 'Quæ Plinius, Solinus, Tacitus de bitumine Judaico tradunt, quod in lacu Asphaltite colligitur, adeo tenacis esse lentoris, ut nonnisi menstruis feminariis cedat, et quod ferro domari non potest, eorum tactu facile divellatur sejungaturque; verum illa fabulis annumeranda sunt, cum experientia manifestæ repugnent, et ii qui id ab indigenis extrahi viderunt, nihil tale se observasse fateantur. De quibus vide Itinerarium Petri Vallei, Brocardi, aliorumque.'

21 *Gnari locorum.* Eadem ferme Abbas monasterii S. Sabæ, hujus lacus accola, prodidit Patri Nau, l. c. *Je m'informai de lui du bitume, que l'on y recueille, et qui pour cela est nommé le lac Asphaltite, du nom dont les Grecs appellent cette sorte de poix. Il me répondit qu'on ne l'y trouvoit pas en tout temps: mais qu'en certaines années ce bitume sembloit sortir, comme de dessous l'eau, (c'est probablement des endroits où l'écriture, Genes. xiv, 3 et 10. dit qu'étoient les puits de bitume,) qu'il s'élevoit à la surface du lac, et s'y assembloit quelquefois de la grosseur*

undantes bitumine moles pelli, manuque trahi ad littus : mox, ubi vapore terræ, vi solis inaruerint, securibus cuneisque, ut trabes aut saxa, discindi.

7. Haud procul inde campi,¹ quos ferunt olim uberes, magnisque urbibus² habitatos, fulminum jactu³ arsisse; et manere vestigia,⁴ terramque specie torridam,⁵ vim frugiferam perdidisse.⁶ Nam cuncta sponte edita, aut manu sala, sive herba tenuis aut flore, seu solitam in speciem adolevere, atra et inania velut in cinerem vanescunt.⁷ Ego sicut inclytas quondam

d'un navire; qu'il flotloit au gré du vent, qui enfin le portoit a quelque côte, où il s'arrêtoit, et où quelquefois il se rompoit en diverses pieces; que les Arabes le ramassoient avec soin, et que le Bassa de Jérusalem en avoit sa part, et leur en laissoit prendre la leur: et qu'il s'en formoit de cette sorte diverses masses de différentes grosseurs en divers endroits.

1 *Haud — campi.* Immo vero illi ipsi campi, olim uberes, nunc sunt mare Salis, seu mare Mortuum, ut patet ex Genes. xiv, 3. maxime si legantur Hebraica: עֵמֶק הַשְּׁדִים הוּא יָם הַמֶּלַח. Non enim ita aperte interpretes tum Græcus, tum Latinus. At et ipsi vicini campi aridi, ac sine vi frugifera, ut mox dicitur.

2 *Magnisque urbibus.* Vere quidem. Illi enim campi olim habitati urbibus, Sodomis, Gomorrha, Seboim, Adama, et Bala, seu Segor. Magnæ, ut erant iis temporibus, urbes, quibus singulis sui reges. V. Genes. xiv, 2. Ex iis vero quatuor periere incendio Sodomitico, de quo Genes. xix, 24. Deuteron. xxix, 23. Hic quoque, ex testimonio indigenarum, tredecim urbes conflagrassæ memorat Strabo xvi, p. 764. Unde forte fuere plura incendia. Nam et ipsa urbs Segor, in qua Lot fugit, postea absorpta est. Locum autem Strabonis, ne hic longior sim, v. in not. et em. ad Hist. v, 7.

3 *Fulminum jactu.* Bene Tacitus. Deus enim, impuras urbes perditurus, fulmina ejaculatus est. Sic Genes. xix, 24. 'Dominus pluit super Sodomam et Gomorrhæm sulphur et ignem a Domino de cælo.' Non ita accurate Strabo, l. c. urbes illas subterraneis ignibus haustas prodidit.

4 *Manere vestigia.* Sic Strabo, l. c. præter alia exusta monumenta, memorat manere adhuc ambitum urbis Sodomorum, et patere sexaginta stadia. Alia quoque vestigia, sectorum lapidum multitudinem, et quasdam domorum ruinas, a sociis suis, qui mare illud ingressi sunt, observatas,

testatur P. Nau, l. c.

5 *Specie torridam.* Inde Strabo, l. c. terram illam cinericiam appellavit, γῆν τεφρομένην. Nec aliter viatores. Clarius autem et distinctius Cl. Hasselquist, l. c. Vol. ii, p. 86. ait solum esse cretam friabilem, sale imbutam.

6 *Perdidisse.* Accurate dictum. Nec aliter Genes. xix, 25. Dominus 'subvertit civitates has, et omnem circa regionem, universos habitatores urbium, et cuncta terræ virentia.' Et Deuteron. xxix, 23. 'Sulphure et salis ardore comburens, ita ut non seratur, nec virens quippiam germinet, in exemplum subversionis Sodomæ et Gomorrhæ, Adamæ et Seboim, quas subvertit Dominus in ira et furore suo.' Eandem ariditatem vastitatemque recens observavit Cl. Hasselquist, l. c. p. 87. Nullæ, inquit, in illo mari arundines: nulla planta in littore. Paulo quidem longius, planta una, labioso flore, sed fætida. In campo, alia planta, salis gustu.

7 *In cinerem vanescunt.* Nec aliter Joseph. Bell. Jud. iv, 8, n. 4. "Ἐστὶ δὲ καὶ τοῖς καρποῖς σποδία ἀναγεννημένην, οἱ χεῖραν μὲν ἔχοντο τοῖς ἰδωδύμοις ὁμοίαν, ἀρτεμίσιν δὲ χερσίν, οἷς καρπὸν ἀναδόνται καὶ τίφρα. I. e. 'et in fructibus cineres renescunt: specie quidem et colore edulibis similes, manibus autem decerpti in favillam et cinerem resolvuntur.' Idem postea portentum narrare viatores, et amplificare: arbores illas Sodomiticas, fructusque mala Sodomitica appellaverunt. Juxta eos, arbores sunt ficus altitudine, et simili ferme ligno: folia, nucis viriditate et figura: fructus, malis limoniis, forma et colore pares; specie quidem egregia, quos tamen si digito presseris, in atrum cinerem vanescunt. At portentum demisit, veritatemque docuit diligens explorator, reique herbariæ peritissimus Cl. Hasselquist l. c. p. 90. Nempe arbores illæ, in vallibus Hierichuntinis, Jericho, Occidentalique ripa Jordani, antequam in mare Mortuum influat,

urbes igne cœlesti flagrasse concesserim, ita halitu lacus⁸ infici terram, corrumpi superfusum spiritum, eoque fœtus segetum et autumnı putrescere reor, solo cœloque juxta gravi. Et Belus amnis⁹ Judaico mari inlabitur: circa cujus os conlectæ arenæ, admixto nitro, in vitrum excoquantur: modicum id littus,¹⁰ sed egerentibus inexhaustum.

8. Magna pars Judææ vicis¹ dispergitur: habent et oppida. Hierosolyma² genti caput. Illic immensæ opulentia³ templum; et primis munimentis⁴ urbs, dein regia; templum intimis clausum: ad fores⁵ tantum Judæo aditus: limine, præter sacerdotes, arcebantur. Dum Assyrios penes Medosque et Persas Oriens fuit, despectissima pars servientium:⁶ postquam

frequentissimæ, sunt solanum melongena Cl. Linnaei: quarum quidem fructus aliquando plenus pulvere reperitur. At id contingit tantum, cum fructus vitiatur tenthredine, quæ interiora in pulverem redigit, integra tamen cuticula, et illæso colore.

8 *Halitu lacus.* Vere. Et inde terra ad quinque millia passuum prope lacum squallet.

9 *Belus amnis.* De quo Plin. v, 19. 'Rivus Pagida, sive Belus, vitri fertiles arenas parvo littori miscens: ipse e palude Cendevia a radicibus Carmeli profluit.' Judaico, seu Mediterraneo, mari illabitur haud procul Ptolemaide. Ipse autem Belus amnis nunc dicitur *Nahr Halou*.

10 *Modicum id littus.* Plin. xxxvi, 26. 'Quingentorum est passuum, non amplius, littoris spatium; idque tantum multa per secula gignendo fuit vitro. Fama est, ap-pulsa nave mercatorum nitri, cum sparsi per littus epulas pararent, nec esset cortinis attollendis lapidum occasio, glebas nitri e nave subdidisse. Quibus accensis, permixta arena littoris, translucens novi liquoris fluxisse rivos, et hanc fuisse originem vitri.' V. et Joseph. Bell. Jud. iv, 10. n. 2. Strab. xvi, p. 758.

1 *Vicis.* At quanta esset in his vicis hominum multitudo estimari potest ex Josepho, oculato teste, Bell. Jud. iii, 3. n. 2. ubi Galilæam describens, ait frequentes ibi esse urbes, crebrosque vicos, et adeo populosos propter soli bonitatem, ut minimus supra quindecim millia incolarum habeat. Ἀλλὰ καὶ πόλεις πυκναὶ, καὶ τὸ τῶν κωμῶν πλῆθος πανταχοῦ πολυάνθρωπον διὰ τὴν εὐθηνίαν, ὡς τὴν ἰσχυρίστην ὑπὲρ πεντακοσίων; πρὸς τοῖς μυρίοις ἔχουσιν οἰκίτορας. Ne tamen credideris numerum Judæarum fuisse ho-

minum sexcenties sexagies his centena quadraginta millia, 66,240,000, ut vult eruditus Villalpandus, in *Ezechiel*. Vol. ii, p. 539. Id enim repugnat; et evidenti imperiorum ratione confutatur.

2 *Hierosolyma.* Plin. v, 14. 'Hierosolyma, longe clarissima urbium Orientis, non Judææ modo.' Hierosolymorum partem nunc occupat urbs *Jerusalem*.

3 *Immensæ opulentia.* Quantæ ergo templi Salomonici opes, si Zorobabelici templi, ab Herode exornati, immensa fuerit, teste ipso Tacito, opulentia! Quod erit expendendum in not. et em. ad Hist. v, 8.

4 *Primis munimentis.* Primis quidem munimentis urbs; dein Occidentem versus regio: ad Orientem templum, intimis munimentis clausum. De urbe Jerusalem ejusque templo diligentissime scripsit Cl. d'Anville, *Dissertation sur l'étendue de l'ancienne Jerusalem et de son Temple*.

5 *Ad fores.* Sic et D. Lucas i, 8. 'Factum est autem, cum sacerdotio fungeretur [Zacharias] in ordine vicis suæ ante Deum, secundum consuetudinem sacerdotii, sorte exiit ut incensum poneret ingressus in templum Domini: et omnis multitudo populi erat orans foris hora incensi.' Immo lorica saxea, ad cubitum unum adsurgens, templum aramque cingebat, et populum a sacerdotibus segregabat. Joseph. Bell. Jud. v, 5. n. 6.

6 *Servientium.* Servierunt Judæi Assyriis, Medis, ac Persis; tunc sane despectissimi, Deo populi sui peccata puniente. At non serviere David, Salomon, alique reges plurimi, quos omisit Tacitus vel brevıtatis studio, et quod vetera illa tempora non attenderit, vel odio adversa gentem, Romanis despiciatissimam.

Macedones⁷ præpotuere, rex Antiochus⁸ demere superstitionem, et mores Græcorum dare adnixus, quominus teterrimam gentem in melius mutaret, Parthorum bello prohibitus est: nam ea tempestate, Arsaces desciverat.⁹ Tum Judæi, Macedonibus invalidis,¹⁰ Parthis nondum adultis (et Romani procul erant)¹¹ sibi ipsi reges imposuere: qui mobilitate vulgi expulsi,¹² resumta per arma dominatione, fugas civium, urbium eversiones, fratrum, conjugum, parentum neces, aliaque solita regibus ausi, superstitionem fovebant: quia honor sacerdotii, firmamentum potentiæ adsumebatur.

9. Romanorum primus Cn. Pompeius Judæos domuit:*

7 *Macedones.* Syriæ reges, qui partem regni Macedonici Alexandri Magni obtinuerunt.

6 *Rex Antiochus.* Antiochus Epiphanes, rex Syriæ, qui a. v. c. 586. a. c. 167. populis omnibus sibi subditis imperavit, ut, patria religione relicta, Græcam profiterentur. V. 1 Machab. i, 43. sq.

9 *Parthorum—desciverat.* Hic vel errat Tacitus, vel turbarunt librarii; et emendandum: *Armenorum bello prohibitus est: nam ea tempestate Artaxias desciverat.* Nullum enim fuit Parthorum bellum, nullus Arsaces, imperante Antiocho Epiphane. Defectio Arsacis multo ante contigerat sub principatu Antiochi ii. cognomento Θεῶς, a. v. c. 504. juxta Petav. et Usser. vel 506. juxta P. Frølich, Annal. Reg. Syriæ, p. 26. Contra vero lege lata, de qua mox dictum est, ut quisque Græcam religionem profiteretur, et Judæis omni suppliciorum genere vexatis, nec fractis, Antiochus in Armenos expedit, eorumque regem Artaxiam, prælio victum, cepit a. v. c. 589. ut narrat P. Frølich, l. c. p. 50. et Appian. in Syriacis, p. 117 et 131. Ἐστράτευσε δὲ καὶ ἐπὶ Ἀρταξίαν τὸν Ἀρμενίων βασιλῆα καὶ αὐτὸν ἔλαβεν ἐντελεύτησιν. Nempe Antiochus Epiphanes, capto Artaxia, Persidem ingressus, ut opulentissimum Dianæ Persicæ templum in urbe Persepoli spoliaret, sed cum dedecore pulsus, exercitus suos, in Judæa fusos, accepit; et occubuit a. v. c. 590. 1 Machab. vi et 2 Mach. ix. Joseph. Antiq. Jud. xii, 9. n. 1. Hierony. in c. xi. Danielis. Frølich. Annal. Reg. Syriæ, p. 50. Prolegom. p. 34.

10 *Macedonibus invalidis.* Invalidis Syriæ regibus Demetrio i. ejusque successoribus, in libertatem se vindicare Judæi, ut videre est ap. Justin. xxxvi, 1 et 3. Inde in 1 Mach. xiii, 42. 'Anno centesimo

septuagesimo' Seleucidarum, v. c. 611. a. c. 142. 'ablatum est jugum gentium ab Israel. Et cepit populus Israel scribere in tabulis et gestis publicis, anno primo sub Simone summo Sacerdote, magno duce et principe Judæorum.' Idem testantur nummi plurimi ære magno Samaritanis literis inscripti, intra coronam querceam, שִׁמְעוֹן יִשְׂרָאֵל i. e. 'Simeon Princeps Israel.' In aversa parte, שְׁנָת אַחַת לְגֵאֻלָּת יִשְׂרָאֵל i. e. 'anno redemptionis Israel.' Fuit quoque in Museo Collegii Ludovici Magni nummus elegantissimus, ære minimo, literis Samaritanis inscriptus: ex una parte, calix, לְגֵאֻלָּת צִיּוֹן, i. e. 'redemptionis Sion:' ex altera parte, manipulus erectus, et in imo ab utroque latere uva, שְׁנָת אַרְבַּע, i. e. 'anno quarto.' Cusus nempe fuit hic nummus anno centesimo septuagesimo tertio Seleucidarum, v. c. 614. a. c. 139.

11 *Procul erant.* Licet procul essent Romani, cum iis tamen Judæi fœdus iniere a. v. c. 594. 1 Mach. viii. et Justin. xxxvi, 3.

12 *Mobilitate vulgi expulsi.* Hæc intelligenda de bello civili, quod Judæos inter et regem eorum, Alexandrum Jannæum, per annos sex exarsit, ab a. v. c. 663. ad annum 669. Joseph. Antiq. Jud. xiii, 12. sq. Bell. Jud. i, 4.

1 *Domuit.* Cn. Pompeius a. v. c. 691. a. c. 62. Hierosolyma cepit; nec modo templum, sed et Sancta Sanctorum victor ingressus est. Nihil vero divitiarum abstulit, gloriæ, quam pecuniæ, cupidior. Joseph. Ant. Jud. xiv, 4. V. et Florum iii, 5. et Cic. in Orat. pro Flacco c. 28. Tributum tamen Judæis imposuit Pompeius; et brevi tempore Romani exege-

templumque jure victoriæ ingressus est. Inde vulgatum, “nulla intus Deum effigie² vacuum sedem, et inania arcana.”³ Muri Hierosolymorum diruti, delubrum mansit. Mox, civili inter nos bello, postquam in ditionem M. Antonii provinciæ cesserant;⁴ rex Parthorum Pacorus⁵ Judæa potitus, interfectusque a P. Ventidio, et Parthi trans Euphraten redacti: Judæos C. Sosius⁶ subegit. Regnum ab Antonio Herodi⁷ datum, victor Augustus auxit. Post mortem Herodis, nihil expectato Cæsare, Simon quidam⁸ regium nomen invaserat. Is a Quinctilio Varo, obtinente Syriam, punitus: et gentem coercitam, liberi Herodis tripartito rexere.⁹ Sub Tiberio quies: dein, jussi a C. Cæsare¹⁰ “effigiem ejus in templo locare,” arma potius sumere: quem motum Cæsaris mors diremit. Claudius, defunctis regibus, aut ad modicum redactis,¹¹ Judæam provinciam¹² equitibus Romanis, aut libertis permisit: e quibus Antonius Felix,¹³ per omnem sævitiam ac libidinem, jus regium servili ingenio exercuit, Drusilla,¹⁴

runt plus quam decem millia talentorum, Angl. 2,250,000l. Joseph. l. c. n. 5.

2 *Nulla—effigie.* Verissime. Et inde manifestum penetrali non fuisse sacratam asini effigiem; ut dictum est sup. c. 4.

3 *Inania arcana.* Ideoque Florus l. c. Judæos impiam gentem appellavit.

4 *Provinciæ cesserant.* Provinciæ Orientis.

5 *Rex Parthorum Pacorus.* Tacitus vel adhuc errat, vel scripserat, *F. reg. Parthor.* Pacorus, id est, *filii regis Parthorum Pacorus.* Forte etiam *rex Parthorum* est alicujus scoli additamentum. Pacorus enim numquam fuit rex Parthorum, sed filius erat Orodis, Parthorum regis. Missus a patre, Judæa potitus est a. v. c. 714. anno sequenti a P. Ventidio, Romanorum duce, quem Antonius adversum Parthos miserat, victus et interfectus est. Joseph. Antiq. Jud. xiv, 13. 14 et 15. Dio xlviii, p. 372. et xlix, p. 404. Forte tamen Tacitus scripserat *rex Pacorus*, quod filii regum dicantur reges, ut vidimus supra de Epiphane.

6 *C. Sosius.* Antigonus, quem Pacorus regem Judæarum fecerat, adversus Romanos rebellavit. Hierosolyma expugnat Sosius; et Antigonus, jussu Antonii, virgis cæditur et obtruncatur a. v. c. 717. Joseph. Antiq. Jud. xiv, 16. Dio xlix, p. 405. hæc superiore anno gesta scribit, et Sosium immerito appellat *Sossium*. In veteri marmore apud Cl. Muratori, In-

script. Antiq. Vol. i, p. 295. n. 2. memoratur c. SOSIUS.

7 *Herodi.* Herodes, dictus postea Magnus, amicitia et auctoritate Antonii nixus, Judæa regnum senatusconsulto accepit a. v. c. 714. victoque Antigono, rex iterum renuntiatus est a. v. c. 717. Joseph. Antiq. Jud. xiv, 26 et 28. V. quoque stemma Herodum n. 3. in not. et em. ad An. xii, 23.

8 *Simon quidam.* Simon ille, Herodis servus, dux fuit seditionis, quam memorat Joseph. Antiq. Jud. xvii, 10. n. 6.

9 *Tripartito rexere.* Archelaus, tetrarcha fuit Judææ; Herodes, Galilææ; Philippus, Iturææ et Trachonitidis. V. Stemma Herodum, n. 21. 22 et 24.

10 *A C. Cæsare.* A Caio Caligula; a quo jussi effigiem suam, nomine NOVI IOVIS INLUSTRIS CAII, in templo locare. V. Suppl. An. viii, 57.

11 *Ad modicum redactis.* Unus tunc Herodes, frater Agrippæ Magni regnum Chalcididis occupabat. V. Stemma Herodum, n. 25.

12 *Judæam provinciam.* V. quæ jam dicta sunt sup. An. xii, 23 et 54.

13 *Antonius Felix.* Pallantis frater, Claudii libertus, trium reginarum maritus. V. Stem. Herodum, num. 14.

14 *Drusilla.* Alia fuit Drusilla, Agrippæ II. soror, cui postea Felix nupsit. V. Stem. Herod. n. 12.

Cleopatrarum et Antonii nepte, in matrimonium accepta, ut ejusdem Antonii Felix progener, Claudius nepos¹⁵ esset.

10. Duravit tamen patientia Judæis, usque ad Gessium Florum,¹ procuratorem. Sub eo bellum ortum: et comprimere cœptantem Cestium Gallum,² Syriæ legatum, varia prælia, ac sæpius adversa excepere. Qui ubi fato, aut tædio occidit; missu Neronis, Vespasianus fortuna fama, et egregiis ministris, intra duas ætates,³ cuncta camporum, omnesque, præter Hierosolyma, urbes, victore exercitu tenebat. Proximus annus⁴ civili bello intentus, quantum ad Judæos per otium transiit: pace per Italiam parta, et externæ curæ redire. Augebat iras, quod soli Judæi non cessissent. Simul manere apud exercitus Titum, ad omnes principatus novi eventus casusve utilius videbatur. Igitur castris, uti diximus,⁵ ante mœnia Hierosolymorum positis, instructas legiones ostentavit.⁶

11. Judæi sub ipsos muros struxere aciem, rebus secundis longius ausuri; et, si pellerentur, parato perfugio. Missus in eos eques cum expeditis cohortibus, ambigue certavit.¹ Mox cessere hostes, et sequentibus diebus crebra pro portis prælia serebant; donec assiduus damnis, intra mœnia pellerentur. Romani ad oppugnandum² versi: neque enim dig-

15 *Claudius nepos.* Claudius Antoniae minoris filius, nepos erat M. Antonii, triumviri. V. Stem. Cæs. n. 42 et 100. Ut autem Claudius M. Antonii erat nepos, sic quoque Felix ejusdem Antonii progener. Tanta fuit hac ætate libertorum arrogantia!

1 *Gessium Florum.* Quem crudelissimum et impudentissimum hominum appellat Joseph. Bell. Jud. ii, 14. Florus, dum potestate abutitur, Judæos ad defectionem adegit: cepitque bellum A.U.C. 818. J.C. 65.

2 *Cestium Gallum.* Cestius Gallus, ut ortum bellum comprimeret, Hierosolyma obsedit, partem Septentrionalem urbis cepit, templum ipsum aggressus. At obsidium incautus solvit; cæsique Romani, ut narrat Joseph. Bell. Jud. ii, 19. Nec aliter Suet. Vespas. 4. 'Cæsoque præposito, legatum insuper Syriæ consularem suppetias ferentem, rapta aquila, fugaverunt.'

3 *Duas ætates.* A.U.C. 820 et 821. V. suppl. An. xvi, 47. 51. 57 sq.

4 *Proximus annus.* A.U.C. 822. bello civili inter Galbam, Othonem, et Vitellium intentus. Postea Principe Vespasiano, pax per Italiam parta; et externæ, i. e. Judaicæ, curæ rediere.

5 *Uti diximus.* Sup. c. i.

6 *Ostentavit.* Eleganter dictum. Titus enim, cum a Spinarum valle, uti diximus sup. c. 1. ad Scopum, ita appellatum, quod inde in urbem templumque, Septemtrionem versus, erat prospectus, castra promovisset, legiones ostentavit. Tum ab Hierosolymis distabat tantum septem stadiis. Quinta legio retrorsum tribus stadiis castra munire jussa: decima autem legio juxta montem Olearum, Orientem versus, sex ab urbe stadiis castra metata est. Joseph. Bell. Jud. v, 2. n. 3.

1 *Ambigue certavit.* Hæc aut modeste Tacitus, aut jactanter Josephus, qui et ferme oppressum Titum, et castris suis pulsam decimam legionem memorat. Joseph. Bell. Jud. v, 2. n. 2. 4 et 5.

2 *Ad oppugnandum.* Tunc Titus castra posuit ad turrim Psephinam, nunc Castel

num videbatur, famem hostium operiri: poscebantque pericula, pars virtute, multi ferocia, et cupidine præmiorum. Ipsi Tito Roma, et opes, voluptatesque ante oculos; ac, ni statim Hierosolyma conciderent, morari videbantur. Sed urbem, arduam situ, opera molesque firmaverant, queis vel plana satis munirentur. Nam duos colles,³ immensum editos, claudabant muri per artem⁴ obliqui, aut introrsus sinuati, ut latera oppugnantium, ad ictus patescerent. Extrema rupis, abrupta: et turres,⁵ ubi mons juvisset, in sexaginta pedes; inter devexa, in centenos vicanosque attollebantur; mira specie, ac procul intuentibus pares. Alia intus moenia,⁶ regię⁷ circumjecta: conspicuoque fastigio turris *Antonia*,⁸ in honorem M. Antonii ab Herode appellata.

12. Templum¹ in modum arcis, propriique muri, labore et opere ante alios:² ipsæ porticus,³ queis templum ambieba-

Pisano, quæ erat in angulo ad Septemtrionem et Occidentem. Joseph. Bell. Jud. v, 4. n. 3.

3 *Duos colles.* Duo illi præcipui colles Josepho quoque memorati sunt, Acra ad Septemtrionem, et Sion ad Meridiem. In colle Acra erat urbs inferior, cui urbs nova in colle Besetha Septemtrionem versus fuerat addita; in colle Sion urbs superior. Joseph. Bell. Jud. v, 4. n. 1. et v, 6. n. 8.

4 *Per artem.* Artem, artisque causas docet Veget. iv, 2. 'Ambitus muri directum veteres ducere noluerunt, ne ad ictus arietum esset dispositus, sed sinuosis anfractibus, jactis fundamentis, clausere urbes, crebrioresque turres in ipsis angulis ediderunt propterea: quia si quis ad murum tali ordinatione constructum vel scalas vel machinas voluerit admove, non solum a fronte, sed etiam a lateribus, et prope a tergo, veluti in sinum circumclusus, opprimitur.'

5 *Et turres.* Turres illas egregie commendat Josephus, Bell. Jud. v, 4. n. 3. easque fuisse numero centum sexaginta quatuor prodit. Scilicet in tertii muri ambitu nonaginta, quarum intervalla erant ducentorum cubitorum: in medio muro, quatuordecim; et in antiquo muro sexaginta.

6 *Intus moenia.* Intra tertium murum alia duo erant moenia; ut modò dictum est. Fusius autem Joseph. Bell. Jud. v, 4. n. 2.

7 *Regię.* Regia erat Septemtrionem Occidentemque versus, haud ita procul turri

Antonia. Siquidem, cum ignis turrin Antoniam corripuisset, in regiam illapsus est; ut videre est ap. Joseph. Bell. Jud. v, 4. n. 4.

8 *Turris Antonia.* Turris Antonia erat intra urbem in angulo duarum porticum templi, quæ ad Occidentem et Septemtrionem spectabant. Arx potius dicenda, quam turris. In ea enim atria, balneæ, aulæ; ipsaque in angulis cincta quatuor aliis turribus. Eximiam hujus turris pulchritudinem v. ap. Joseph. Bell. Jud. v, 5. n. 8. Ab Hyrcano olim exstructa, deinde ab Herode Magno magnificentissime exornata fuit, et in honorem M. Antonii, triumviri, 'Antonia' appellata. Joseph. Bell. Jud. i, 21. n. 1.

1 *Templum.* Templum fuit in monte Moria, et Orientali urbis latere. Ibi nunc adsurgit Turcarum mesquita, *the Mosque*, post Meccensem Medinensemque, maximæ apud eos celebritatis.

2 *Opere ante alios.* Laborem opusque egregium, immensasque in iis impensas explicat Joseph. Bell. Jud. v, 5. Satis sit monuisse Judæos in hujus templi extructione usos esse saxis quadragenos cubitos longis, quinos altis, et senos latis. Πέντε δὲ τισσαράκιοντα πύχυν ἦσαν, ὕψος πέντε, εὖρος δὲ ἕξ. Joseph. l. c. n. 1 et 6. Singuli illi lapides habebant mensura nostra circiter pedes 65 longitudine, 8½ altitudine, 10 latitudine. Inde intelligas quod habet D. Marc. xiii, 1 et 2. 'Et cum egrederetur

tur, egregium propugnaculum. Fons perennis aquæ, cavati sub terra montes;⁴ et piscinæ cisternæque servandis imbris. Præviderant conditores, ex diversitate morum, crebra bella: inde cuncta, quamvis adversus longum obsidium; et a Pompeio expugnatis metus atque usus pleraque monstravere. Atque, per avaritiam Claudianorum temporum, emto jure muniendi,⁵ struxere muros in pace, tamquam ad bellum; magna colluvie, et ceterarum urbium⁶ clade aucti: nam pervicacissimus quisque illuc perfugerat, eoque seditiosius agebant. Tres duces, totidem exercitus. Extrema et latissima moenium Simon; mediam urbem Joannes, quem et Bargioram vocabant;⁷ templum Eleazarus⁸ firmaverit. Multitudine et armis Joannes, ac Simon; Eleazarus loco pollebat. Sed prælia,⁹ dolus, incendia inter ipsos, et magna vis frumenti am-busta. Mox Joannes, missis per speciem sacrificandi,¹⁰ qui

de templo, ait illi unus ex discipulis suis: Magister, aspice quales lapides, et quales structuræ. Et respondens Jesus ait illi: Vides has omnes ædificationes: non relinquetur lapis super lapidem qui non destruitur.

3 *Ipsæ porticus.* Porticus illæ omnes erant duplices; quas sustinebant columnæ quinis et vicens cubitis, *nostris pedibus* 41½, altæ, singulis e saxis marmore candidissimo, et cedrinis laquearibus tegebantur: latæ autem erant ad triginta cubitos, *nostros pedes* 50. Omnis autem earum ambitus una cum Antonia turri sex stadio-rum mensuram comprehendebat. Διπλαί μὲν γὰρ αἱ στοαὶ πᾶσαι, κίονες δ' αὐταῖς εἰκοσιπέντε πηχῶν τὸ ὕψος ὑπεστήκεισαν, μονόλιθοι λευκοτάτης μαρμάρου, κιδρίνοις δὲ φαρμάμασιν ὑρόφοντο—καὶ πλατεῖαι μὲν ἦσαν ἐπὶ τοῖς ἀκοντα πῆχυσι· ὁ δὲ πᾶς κύκλος αὐτῶν εἰς ἑξὶ σταδίων συνμετρήτετο, περιλαμβανομένης καὶ τῆς Ἀντωνίας. Joseph. Bell. Jud. v, 5. n. 2. De porticum templique ambitu commodius dicitur in not. et em. ad Hist. v, 8. ubi plura de templi magnificentia et opulentia. Hic enim errat Josephus, et templi magnitudinem immi-nuit.

4 *Cavati—montes.* Aquis, frumento, commeatibus, thesauris servandis. Sic quoque excavati subter mœnia cuniculi, et per campos longius protracti; de quibus Dio lvi, p. 747.

5 *Emto jure muniendi.* Expugnatis Hierosolymis muros diruerat Pompeius, ut dictum est sup. c. 9. Agrippa rex, Caio Claudioque Principibus acceptus, eos re-

stituere cœpit; inhibitus tamen fuit, ne urbs valesceret. Sed, per Claudianorum temporum avaritiam, cum omnia venalia proponerentur, emto jure muniendi, struxere muros tamquam ab bellum. Univer-sus urbis circuitus erat trium ac triginta stadiorum. Muri, alti cubitos viginti, et cum minis ac propugnaculis tota altitudo erat quinque et viginti cubitorum: latitudo autem decem cubitorum. Saxa vero, quibus erant constructi, longa cubitos viginti, decem lata. Δίθους μὲν γὰρ εἰκοσιπῆ-χισι τὸ μῆκος, τὸ ὕψος δεκαπῆχισι, συνημώζετο, μήθ' ὑπορυγῆναι σιδήρου βραδίας, μήθ' ὑπ' ὀργάνοις διασισθῆναι. Joseph. Bell. Jud. v, 4. n. 2.

6 *Ceterarum urbium.* Inter belli initia; de quibus dictum in Suppl. An. xvi, 57 sq.

7 *Quem et Bargioram vocabant.* Nisi Tacitus ipse erraverit, hæc a libris loco suo dimota; et legendum: *Simon, quem et Bargioram vocabant; mediam urbem Joannes; templum Eleazarus, &c.* Simon enim Gioræ, Joannes Levie filius. V. not. et em. ad Hist. v, 12.

8 *Eleazarus.* Eleazarus filius erat Simonis. Joseph. Bell. Jud. ii, 20. n. 3. v, 1. n. 2.

9 *Prælia.* Atrociora enim Judæorum cum Judæis, quam cum Romanis, fuere bella ac prælia; quæ flens queribundus-que Josephus fusc prosequitur.

10 *Per speciem sacrificandi.* Instante festo Azymorum, diē quartadecima mensis Xanthici, seu diē 13. Aprilis, hoc ipso A. J. C. 70. cum Eleazarus portas templi

Eleazarum manumque ejus obtruncarent, templo potitur: ita in duas factiones¹ civitas discessit, donec, propinquantibus Romanis, bellum externum concordiam pareret.¹²

13. Evenerant prodigia, quæ neque hostiis neque votis piare fas habet gens,¹ superstitioni obnoxia, religionibus adversa. Visæ per cælum concurrere acies,² rutilantia arma, et subito nubium igne collucere templum.³ Expassæ repente delubri fores;⁴ et audita major humana vox,⁵ “excedere Deos:” simul

aperuisset, et quotquot intus adorare velent exciperet, missi a Joanne templo potiti sunt, et Eleazarum manumque ejus obtruncaverunt. Joseph. Bell. Jud. v. 5.

11 *Duas factiones.* In duas factiones Simonis et Joannis, Joseph. Bell. Jud. v. 3. n. 1. Tunc templum temproque vicina tenuit Joannes. V. Joseph. Bell. Jud. v. 6. n. 1.

12 *Concordiam pareret.* Nec diu stetit concordia. Odia, intestinæ bella recrudescere; et secum ipsi iterum dissidentes pugnare, καὶ κατὰ σφῶς πάλιν διαστάτης ἰμάχοντο. Joseph. Bell. Jud. l. c.

1 *Neque hostiis—piare fas habet gens.* Immo nulla alia gens, cui facilius illustriorque fuerit propitiat. At inexpiabilia obstinate perversitatis scelera ultum ibat Deus. Jamque supremum illud excidium imminabat, quod ante prædixerat Jesus Christus, Matth. xxiv, Marc. xiii, Luc. xxi.

2 *Concurrere acies.* Josephus, oculatus testis, Bell. Jud. vi, 5. n. 3. Τετρατία δὲ ἀνίστασθαι οἱ μὲν τὸ ἐξηγούμενοι, εἰ μὴ καὶ παρὰ τοῖς θειασαμένοις ἰστέρητο, καὶ τὰ ἱεροκαλουθήσαντα πάθῃ τῶν σημείων ἦν ἄξια. Πρὸ γὰρ ἡλίου δόσιος ὥρῃ μετέωρα περὶ πᾶσαν τὴν χώραν ἄεματα καὶ φάλαγγες ἱεροὶ δίαττοιμαί τῶν νεφῶν, καὶ κυκλούμεναι τὰς πόλεις. “Quod dicturus sum, fabula, ut opinor, esse videretur, nisi ab iis qui illud spectarunt, proditum esset, et subsecutæ clades ejusmodi signis haudquaquam impares extitissent. Etenim ante Solis occasum per universam regionem currus in aere sublimis ferri, et armatæ phalanges per nubes discurrere, urbesque circumvallare sunt visæ.”

3 *Templum.* Joseph. ibid. Τοῦτο δὲ ἡνίκα πρὸ τῆς ἀποστάσεως καὶ τοῦ πρὸς τὸν πόλεμον κινήσεως, ἀθροίζονται τοῦ λαοῦ πρὸς τὴν Ἀζύμῳ ἑωρτήν, ὅθεν δ’ ἦν Ἑσθιῶν μηνὸς, κατὰ νυκτὸς ἰνατὴν ὦραν τοσούτων φῶς περιέλαμψε τὸν βωμόν, καὶ τὸν τοῦτον, ὡς δοκεῖν ἡμῖν ἵνα λαμπρῶν, καὶ τοῦτο παρίστανει ἰφ’ ἡμῶν ὦραν. “Ante defectionem primosque belli motus, populo ad festum diem Azymorum congregato, die octavo mensis

Xanthici, hora noctis nona, tanta lux circa altare templumque circumfusa est, ut dies clarus videretur, atque hoc horæ dimidiæ spatio duravit.” Hæc, et quæ mox sequuntur, prodigia evenere A. V. C. 819. J. C. 66.

4 *Delubri fores.* Joseph. l. c. Ἡ δὲ ἀνατολικὴ πύλη τοῦ ἱεροῦ, (melius τοῦ ἱεροῦ, ut jam placuit erudito Grotio. Nam porta illa ἡ ἔξωθεν dicitur Josepho, Bell. Jud. v. 5. n. 3.) χαλκῇ μὲν οὖσα καὶ σιμβιωτάτῃ, κλειομένη δὲ περὶ δαίτην μέλις ἐπ’ ἀνδρῶν εἰκοσι, καὶ μοχλοῖς μὲν ἱεροδομῇ σιδηροῦσι, καταπύγας δ’ ἔχουσα βαθυτάτους, εἰς τὸν οὐδὲν ὅπου διηνεκοῦς λίθου καθιμίνους, ὥρῃ κατὰ νυκτὸς ὦραν ἔκταν, αὐτομάτως ἠνεωγμένην δραμόντες δ’ οἱ τοῦ ἱεροῦ φύλακες, ἡγγεῖλαν τῷ στρατηγῷ, κηρύττοντες ἀναβὰς, μέλις αὐτῇ ἰσχυρὸς κλείσθαι. “Janua templi interior (aut potius ‘exterior’), Orienti obversa, quæ tota ærea et immensis ponderis erat, et quæ sub vesperam vix ab hominibus viginti clauderetur, et vectibus quidem ferro munitis sustentata erat, pesulos vero altissime in saxum limen ex uno perpetuo lapide demissos habebat, visa est nocte circa horam sextam sponte patefacta: quod templi custodes, cum ad [templi] prætozem cucurrissent ei indicantur: ille vero ubi ascenderat, egre eam claudere potuit.” Janua illa, alta triginta cubitis, quindecim lata, erat ære Corinthio, et januas argento auroque obductas dignitate plurimum superabat, teste Josepho, Bell. Jud. v. 5. n. 3. Tacito autem ‘expassæ fores’ dicuntur, quod in hac, ut in singulis templi januis, binæ essent fores, teste eodem Josepho, ibid.

5 *Major humana vox.* Josephus, Bell. Jud. iv, 5. n. 3. Κατὰ δὲ τὴν ἑωρτήν, ἡ Πεντηκοστή καλεῖται, τὴν τῶν οἱ ἱερεῖς περιέβοντες εἰς τὸ ἱερὸν ἱερὸν, ὡς περ αὐτοὶ ἴδον ἦν πρὸς τὰς λειτουργίας, πρῶτον μὲν κινήσεως ἀντιπαβίσθαι ἔφασαν καὶ κτύπῳ, μετὰ δὲ ταῦτα καὶ φωνῇ ἀθρόως, Μιταβαίνωμεν ἰντιῦθεν. “Festo autem die, qui Pentecoste appellatur, sacerdotes noctu templum ingressi ad obeunda ex more ministeria, primum quidem motum ac strepitum se exau-

ingens motus excedentium. Quæ pauci in metum⁶ trahebant : pluribus persuasio inerat, antiquis sacerdotum literis contineri, eo ipso tempore fore, "ut valesceret Oriens, profectique Judæa rerum potirentur." Quæ ambages Vespasianum ac Titum⁷ prædixerant. Sed vulgus, more humanæ cupidinis, sibi tantam fatorum magnitudinem interpretati, ne adversis quidem ad vera mutabantur. Multitudinem obsessorum omnis ætatis, virile ac muliebre secus,⁸ sexcenta millia⁹ fuisse accepimus. Arma cunctis, qui ferre possent : et plures, quam pro numero,¹⁰ audebant. Obstinatio viris foeminisque par : ac, si transferre sedes cogerentur, major vitæ metus,¹¹ quam mortis. Hanc adversus urbem gentemque Cæsar Titus, quando impetum et subita belli locus abnueret, aggeribus vineisque certare statuit. Dividuntur legionibus munia, et quies præliorum fuit ; donec cuncta expugnandis urbibus reperta apud veteres, aut novis ingeniis, struerentur.¹²

14. At Civilis, post malam in Treveris¹ pugnam, reparato per Germaniam exercitu, apud Vetera² Castra consedit ; tutus loco, et ut memoria prosperarum illic rerum, augesce-

disse dixerunt, tum deinde vocem quasi confertæ multitudinis simul clamantis, Miremus hinc.' Tacitus autem ex usu Romanæ superstitionis dixit : *Excedere Deos.*

6 *Pauci in metum.* Sic quoque Joseph. Bell. Jud. vi, 5. n. 3 et 4.

7 *Vespasianum ac Titum.* Hic Tacitus Vespasiano Titoque, fortunæ suæ auctoribus, adulatur. Ejusdem criminis reus, et magis damnandus, Josephus, qui fidem suam Christumque negat, ut Vespasiani favorem capiet. Joseph. Bell. Jud. vi, 5. n. 4. At certissimum est, et cuique seculorum eventorumque seriem reputanti manifestum, hoc oraculo aliisque plurimis prænuntiatum fuisse Jesu Christi regnum, 'quod in æternum non dissipabitur.' Daniel. ii, 44. Sed de his plura in not. et em. ad Hist. v, 13.

8 *Virile ac muliebre secus.* I. e. virilis ac muliebri sexus, ut sup. An. iv, 62.

9 *Sexcenta millia.* Magnus quidem numerus, si spectetur urbis Hierosolymorum magnitudo, quam vidimus sup. c. 12. not. sup. At Joseph. Bell. Jud. vi, 9. n. 3. ait in hac obsidione periisse undecies centena millia hominum, 1,100,000. V. ergo not. et em. ad Hist. v, 13. ubi fusius dicitur de numero incolarum, eorumque qui tempore Paschatis huc confluebant : simul

quoque, quot in obsidione Hierosolymitana totoque bello Judaico perierint homines, recensentur.

10 *Quam pro numero.* Juxta communem regulam, qua quarta pars militat, si fuerint sexcenta millia obsessorum, centum quinquaginta millia ferre arma poterant. At, ob fanaticum Judæorum furorem, plures, quam pro hoc numero, audebant.

11 *Major vitæ metus.* Id unum metuebant ne urbi temploque superstites viverent. V. Dion. lxxi, p. 748. Inde hodieque et in ipso excidio Judæis manet quam maximus urbis Jerusalem amor, quam maxima veneratio.

12 *Struerentur.* Hactenus Tacitum secutus ejusque exemplo, Judaicas res fusc prosecutus sum : nunc juvat coronidem adtexere, et Sinensium Judæorum monumenta, nondum edita, publicare. Nec eruditum lectorem pigebit Romanorum Sinensiumque de Judæis judicia conferre, et utra plus æquitatis, plus veritatis habeant expendere. V. not. et em. ad Hist. v, 13.

1 *In Treveris.* Sup. Hist. iv, 77.

2 *Apud Vetera.* Vetera Castra, nunc *Santen*, a Civili capta olim direptaque, ut vidimus sup. Hist. iv, 60.

rent barbarorum animi. Secutus est eodem Cerialis, duplicatis copiis, adventu secundæ et sextæ et quartædecimæ legionum. Cohortesque et alæ, jampridem accitæ, post victoriam properaverant. Neuter ducum cunctator. Sed arcebat latitudo camporum, suapte ingenio humentium. Addiderat Civilis obliquam in Rhenum molem, cujus objectu revolutus amnis, adjacentibus superfunderetur. Ea loci forma, incertis vadis subdola, et nobis adversa: quippe miles Romanus armis gravis, et nandi pavidus; Germanos fluminibus suetos, levitas armorum, et proceritas corporum attollit.

15. Igitur, lacescentibus Batavis, ferocissimo cuique nostrorum cœptum certamen: deinde orta trepidatio, cum præaltis paludibus arma, equi haurirentur. Germani notis vadis persultabant, ommissa plerumque fronte, latera ac terga circumvenientes: neque, ut in pedestri acie, cominus eminus certabatur; sed, tamquam navali pugna, vagi inter undas, aut, si quid stabile occurrebat, totis illic corporibus nitentes, vulnerati cum integris, periti nandi cum ignaris, in mutuam perniciem implicabantur: minor tamen, quam pro tumultu, cædes: quia non ausi egredi paludem Germani, in castra rediere. Ejus prælii eventus utrumque ducem, diversis animi motibus, ad maturandum summæ rei discrimen erexit. Civilis instare fortunæ; Cerialis abolere ignominiam. Germani prosperis feroces; Romanos pudor excitaverat: nox apud barbaros cantu aut clamore; nostris per iram et minas acta.

16. Postera luce, Cerialis equite et auxiliariis cohortibus frontem explet; in secunda acie legiones locatæ: dux sibi delectos retinuerat ad improvisa. Civilis haud porrecto agmine,¹ sed cuneis adstitit. Batavi Gugernique² in dextro; læva, ac propiora fluminis, Transrhenani tenuere. Exhortatio ducum, non more concionis apud universos, sed ut quosque eorum advehebantur. Cerialis "veterem Romani nominis gloriam, antiquas recentesque victorias: ut perfidum, ignavum, victum hostem, in æternum exciderent: ultione magis, quam prælio opus esse. Pauciores nuper³ cum pluribus certasse: ac

¹ *Haud porrecto agmine.* Civilis, ut majori impetu ageret, magisque discreta foret suorum virtus, haud porrecto agmine, sed cuneis adstitit. De cuneo dictum sup. Hist. iii, 29.

² *Gugernique.* Gugerni jam memorati Hist. iv, 26.

³ *Pauciores nuper.* In Treveris; ut modo dictum est.

tamen fusos Germanos, quod roboris fuerit. Superesse, qui fugam animis, qui vulnera tergo, ferant." Proprios inde stimulos legionibus admovebat, "domitores Britanniae⁴ quartadecimanos" appellans. "Principem Galbam, sextae legionis auctoritate factum: illa primum acie secundanos nova signa, novamque aquilam dicaturos." Hinc praevectus ad Germanicum exercitum, manus tendebat, "ut suam ripam, sua castra sanguine hostium reciperarent." Alacrior omnium clamor, quis vel e longa pace praelii cupido, vel fessis bello pacis amor, praemiaque et quies in posterum sperabantur.

17. Nec Civilis silentem¹ struxit aciem, locum pugnae testem virtutis ciens: "Stare Germanos Batavosque super vestigia gloriae, cineres ossaque legionum calcantes: quocumque oculos Romanus intenderet, captivitatem, clademque et dira omnia obversari. Ne terrerentur vario Treverici praelii eventu: suam illic victoriam Germanis obstitisse, dum omissis telis, praeda manus impediunt: sed cuncta mox prospera, et hosti contraria evenisse. Quae provideri astu ducis oportuerit, provisa: campos madentes, et ipsis gnaros, paludes hostibus noxias: Rhenum et Germaniae Deos in aspectu, quorum numine capesserent pugnam, conjugum, parentum, patriae memores: illum diem aut gloriosissimum inter majores, aut ignominiosum apud posteros fore." Ubi sono armorum tripudiisque (ita illis mos²) approbata sunt dicta, saxis, glandibusque,³ et ceteris missilibus praelium incipitur; neque nostro milite paludem ingrediente, et Germanis, ut elicerent, lacessentibus.⁴

18. Absumtis, quae jaciuntur, et ardescente pugna, procursum ab hoste infestius: immensis corporibus, et praelongis hastis fluitantem labantemque militem eminus fodiebant: simul e mole, quam eductam in Rhenum retulimus,¹ Bructerorum² cuneus tranatavit: turbata ibi res: et pellebatur sociarum cohortium acies, cum legiones pugnam excipiunt, suppressaque

⁴ Domitores Britanniae. V. sup. An. xiv, 34.

⁵ Novamque aquilam dicaturos. Quod secunda illa legio esset e recens conscriptis; ut vidimus sup. Hist. iv, 68.

¹ Silentem. Melius silens. V. not. et em. ad Hist. v, 17.

² Illis mos. V. inf. de Mor. Germ. 11.

³ Glandibusque. Fusili ex argilla, plumbo,

ferrove factae glandes, et fundis jaciebantur.

⁴ Lacessentibus. Germani Romanos conviciis lacessabant, ut eos in paludem elicerent.

¹ Retulimus. Sup. c. 14.

² Bructerorum. De quibus plura inf. in lib. de Mor. Germ. 33.

hostium ferocia, prælium æquatur. Inter quæ perfuga Batavus adiit Cerialem, "terga hostium" promittens, "si extremo paludis eques mitteretur: solidum illa, et Gugernos, quibus custodia obvenisset, parum intentos." Duæ alæ, cum perfuga missæ, incauto hosti circumfunduntur: quod ubi clamore cognitum; legiones a fronte incubuere, pulsique Germani Rhenum fuga petebant. Debellatum eo die foret, si Romana classis sequi maturasset. Ne eques quidem institit, repente fusis imbribus, et propinqua nocte.

19. Postera die, quartadecima legio in superiorem provinciam¹ Gallo Annio missa: Cerialis exercitum decima ex Hispania legio² supplevit. Civili Chaucorum³ auxilia venire: non tamen ausus oppida Batavorum⁴ armis tueri, raptis, quæ ferri poterant, ceteris injecto igni, in insulam concessit; gnarus deesse naves efficiendo ponti, neque exercitum Romanum aliter transmissurum: quin et diruit molem,⁵ a Druso Germanico factam, Rhenumque prono alveo in Galliam ruentem, disiectis quæ morabantur, effudit. Sic velut abacto amne, tenuis alveus,⁶ insulam inter Germanosque continentium terrarum speciem fecerat. Transiere Rhenum Tutor quoque, et Classicus, et centum tredecim Treverorum senatores,⁷ in quibus fuit Alpinus Montanus, quem a Primo Antonio missum in Gallias superius memoravimus.⁸ Comitabatur eum frater D. Alpinus.⁹ Simul ceteri miseratione ac donis auxilia concibant, inter gentes periculorum avidas.

1 *In superiorem provinciam.* In Germaniam superiorem. Gallus Annius jam memoratus est sup. Hist. iv, 68.

2 *Ex Hispania legio.* Decimam legionem ex Hispania excitam vidimus sup. Hist. iv, 68.

3 *Chaucorum.* De quibus dictum sup. Hist. iv, 79.

4 *Oppida Batavorum.* Victus Civilis non ausus est armis tueri oppida, quæ sunt Mosam inter et Rhenum. Horum præcipua nunc appellantur *Gennep, Cleves, Nimeguen, Batenburg*; et 'extrema Gallicæ oræ' dicuntur Hist. iv, 12. Itaque rapuit, quæ ferri poterant: ceteris ignem injectit, ne hostibus prodessent; ipsa autem oppida minime succendit. Postea in insulam concessit.

5 *Diruit molem.* De hac mole dictum sup. An. xiii, 53. not. sup.

6 *Tenuis alveus.* Abacto amne, et per

emissarium, quod nunc dicitur *Leck*, Galliis superfuso, adeo tenuis fuit Rheni alveus inter Batavorum insulam et Germaniam, ut continentes terræ viderentur. Tenuis ille alveus, quem Plin. iv, 15. 'modicum alveum' appellat, hodieque dicitur *the Rhine*, et in mare influit prope urbem *Leyden*.

7 *Treverorum senatores.* Sic senatum, magistratus, apud Frisos vidimus sup. An. xi, 19. Si plura volueris de civitatum senatu, adeas Plin. Ep. x, 83 et 84.

8 *Superius memoravimus.* In Belgicam Germaniamque Cisrhenanam post Cremonæ excidium est Hist. iii, 35. et iv, 31.

9 *D. Alpinus.* In MS. Agr. Dr. *Alpinus*, i. e. *Drusus Alpinus*. At in ceteris libris *D. Alpinus*, i. e. *Decimus Alpinus*. Atque ita dictum puto ob patrem *Claudii Cæsaris Drusum*, olim *Decimum*, mox *Neronem* prænominem. Suet. in Claud. 1.

20. Tantumque belli superfuit, ut præsidia cohortium, alarum, legionum, una die Civilis quadripartito invaserit: decimam legionem, Arenaci;¹ secundam, Batavoduri;² et Grinnes³ Vadamque,⁴ cohortium alarumque castra: ita divisis copiis, ut ipse et Verax, sorore ejus genitus, Classicusque, ac Tutor suam quisque manum traherent: nec omnia patrandi fiducia, sed, "multa ausis aliqua in parte fortunam adfore. Simul Cerialem, neque satis cautum, et, pluribus nuntiis, huc illuc cursantem, posse medio intercipi." Quibus obvenerant castra decumanorum,⁵ oppugnationem legionis arduam rati, egressum militem, et cædendis materiis operatum, turbavere, occiso præfecto castrorum, et quinque primoribus centurionum, paucisque militibus. Ceteri se munimentis defendere. Et interim Germanorum manus Batavoduri inrumpere inchoatum pontem nitebantur. Ambiguum prælium nox diremit.

21. Plus discriminis apud Grinnes Vadamque. Vadam Civilis, Grinnes Classicus, oppugnabant: nec sisti poterant, interfecto fortissimo quoque; in queis Briganticus, præfectus alæ, ceciderat, quem fidum Romanis, et Civili avunculo infensum diximus.¹ Sed ubi Cerialis cum delecta equitum manu subvenit, versa fortuna, præcipites Germani in amnem aguntur. Civilis, dum fugientes retentat, agnitus, petitusque telis, relicto equo, tranavit: idem Germanis effugium. Tutorem Classicumque appulsæ lintres vexere. Ne tum quidem Romana classis pugnae adfuit, ut jussum erat: sed obstitit formido, et remiges per alia militiæ munia dispersi. Sane Cerialis parum temporis ad exsequenda imperia dabat; subitus

¹ *Arenaci*. Arenacum fuit in superiori parte insulæ Batavorum, non vero extra insulam. Itaque non est *Arnhem*, ut voluit Cluverius. Sed loci veterisque nominis memoria manet in vicis *Aert* et *Herwert*. V. Cl. Alting, Notitia Germaniæ inferioris, p. 8 et 9.

² *Batavoduri*. Fuit quoque in superiori parte Batavorum insulæ Batavodurum, nunc *Wyk te Duurstede*. Cl. Alting. ibid. p. 18.

³ *Grinnes*. Grinnes Tabula Peutingerana memorat inter Caspingium, nunc *Asperen*, et Duodecimum, nunc *Dooden-werd*. Fuit ergo in insula Batavorum dextraque Vahalis ripa, paulo infra vicum, qui nunc dicitur *Tiel*. Non ita bene Cl. Alting, l. c. p. 80. Grinnes ad sinistram Rheni

ripam posuit, ubi hodie *Beerhuysen*, e regione viculi *Remmerten*. V. Cl. Danville, *Notice de la Gaule*, p. 361.

⁴ *Vadamque*. Vada, ut et Grinnes, fuit in superiore parte insulæ Batavorum, ripaque sinistra Rheni, ut consentiunt Cl. Alting et Danville. At Cl. Danville Vadam ponit e regione oppidi *Rhenen*, quod est in dextra Rheni ripa. Cl. Alting magis Orientem versus trahit, e regione arcis *Clingenbeke*, prope locum *Meyrik*, ubi eruta quædam antiquitatis Romanæ monumenta, haud procul castris Herculis, nunc *Malburg*. V. l. c. Cl. Danville, p. 666. et Cl. Alting, p. 128.

⁵ *Decumanorum*. Decimæ legionis.

¹ *Diximus*. Sup. llist. iv, 70.

consilii, sed eventu clarus. Aderat fortuna, etiam ubi artes defuissent: hinc ipsi exercituique minor cura disciplinæ. Et paucos post dies, quamquam periculum captivitatis evasisset, infamiam non vitavit.

22. Profectus Novesium Bonnamque,¹ ad visenda castra, quæ hiematuris legionibus erigebantur, navibus remeabat; disjecto agmine, incuriosis vigiliis. Animadversum id Germanis, et insidias composuere: electa nox atra nubibus, et prono amne rapti,² nullo prohibente vallum incunt. Prima cædes astu adjuncta: incisis tabernaculorum funibus, suismet tentoriis coopertos trucidabant. Aliud agmen, turbare classem; injicere vincla; trahere puppes. Utque ad fallendum silentio; ita cœpta cæde, quo plus terroris adderent, cuncta clamoribus miscebant. Romani, vulneribus exciti, quærunt arma, ruunt per vias, pauci ornatu militari, plerique circum brachia torta veste, et strictis mucronibus: dux semisomnus, ac prope intectus, errore hostium servatur. Namque prætoriam navem,³ vexillo insignem, illic ducem rati, abripiunt. Cerialis alibi noctem egerat, ut plerique credidere, ob stuprum Claudiae Sacratæ, mulieris Ubiae: vigiles flagitium suum ducis dedecore excusabant, tamquam “jussi silere, ne quietem ejus turbarent: ita intermisso signo, et vocibus,⁴ se quoque in somnum lapsos.” Multa luce revecti hostes, captivis navibus, prætoriam triremem, flumine Luppia,⁵ donum Veledæ⁶ traxere.

23. Civilem cupido incessit, navalem aciem ostentandi. Complet quod biremium, quæque simplici ordine agebantur. Adjecta ingens lintrium vis: tricenis quadragenisque¹ armamenta liburnicis solita; et simul captæ lintres, sagulis versicoloribus, haud indecore pro velis juvabantur. Spatium velut

¹ *Novesium Bonnamque.* Novesium, Nuiss, Bonna, Bonn; ut sæpe dictum est.

² *Prono amne rapti.* Frustra difficultatem movet Pichena, quasi Germani adverso, non prono, amne, remeanti Ceriali occurrere debuerint. Germani, qui disjectum agmen et incuriosas vigilias exploraverant, superiora fluminis petivere, ut insidias componerent: sic, prono amne rapti, vallum iniere.

³ *Prætoriam navem.* Prima princepsque navis dicebatur prætoria, quæ apud nos appellatur *the Flag Ship*.

⁴ *Signo, et vocibus.* Intermisso buccinæ signo, interruptis vocibus, quibus initia vigiliarum nuntiabantur. V. sup. An. i, 65. et xv, 30.

⁵ *Flumine Luppia.* Nunc Lippe.

⁶ *Veledæ.* De hac femina, quæ numinis loco habebatur, jam dictum est sup. Hist. iv, 61.

¹ *Tricenis quadragenisque.* Recte explicat Illustr. Huetius: ‘Triginta vel quadraginta ex illis lintribus armatæ erant in modum liburnicarum; iis vero, quæ captæ fuerant, sagula pro velis imposuerat Civilis.’

æquoris electum, ubi Mosæ fluminis os amnem Rhenum Oceano adfundit.² Causa instruendæ classis, super insitam genti vanitatem, ut eo terrore commeatus Gallia adventantes interciperent. Cerialis miraculo magis, quam metu, direxit classem, numero imparem, usu remigum, gubernatorum arte, navium magnitudine potiozem. His flumen secundum; illi vento agebantur. Sic prævecti, tentato telorum jactu, dirimuntur. Civilis nihil ultra ausus, trans Rhenum concessit. Cerialis insulam Batavorum hostiliter populatus, agros villasque Civilis intactos, nota arte ducum, sinebat: cum interim, flexu autumnii, et crebris pluvialibus imbribus, superfluous amnis, palustrem humilemque insulam in faciem stagni opplevit: nec classis, aut commeatus aderant: castraque in plano sita, vi fluminis differebantur.³

24. "Potuisse tunc opprimi legiones, et voluisse Germanos, sed dolo a se flexos," imputavit Civilis. Neque abhorret vero, quando paucis post diebus deditio insecuta est. Nam Cerialis, per occultos nuntios, "Batavis pacem, Civili veniam" ostentans, Veledam propinquosque monebat, "fortunam belli, tot cladibus adversam, opportuno erga populum Romanum merito mutare. Cæsos Treveros, receptos Ubios, ereptam Batavis patriam: neque aliud Civilis amicitia paratum, quam vulnera, fugas, luctus: exulem eum et extorrem, recipientibus oneri: et satis peccavisse, quod totiens Rhenum transcenderint: si quid ultra moliantur, inde injuriam et culpam, hinc ultionem et Deos fore."

25. Miscebantur minis promissa. Et concussa Transrhenanorum fide, inter Batavos quoque sermones orti: "Non prorogandam ultra ruinam: nec posse ab una natione totius orbis servitium depelli: quid perfectum cæde et incendiis legionum, nisi ut plures validioresque accirentur? Si Vespasiano bellum navaverint, Vespasianum rerum potiri: sin populum Romanum armis provocent, quotam partem generis humani Batavos esse? respicerent Rætos Noricosque, et ceterorum onera sociorum: sibi non tributa, sed virtutem et viros¹ indici: proximum id libertati: et si dominorum electio

² Oceano adfundit. V. sup. An. ii, 6.

³ Differebantur. In diversas partes ferebantur.

¹ Virtutem et viros. Eleganter dictum. Eod. sensu sup. Hist. iv, 12. 'Viros tantum armaque imperio ministrant.'

sit; honestius Principes Romanorum, quam Germanorum foeminas tolerari:" hæc vulgus. Proceres: "atrociore Civilis rabie semet in arma trusus: illum domesticis malis excidium gentis opposuisse: tunc infensos Batavis Deos, cum obsiderentur legiones, interficerentur legati, bellum uni necessarium, ferale ipsis sumeretur. Ventum ad extrema, ni respiscere incipiant, et noxii capitis poena poenitentiam fateantur."

26. Non fefellit Civilem ea inclinatio, et prævenire statuit; super tædium malorum, etiam spe vitæ, quæ plerumque magnos animos infringit. Petito colloquio, scinditur Nabaliæ fluminis¹ pons; in cujus abrupta progressi duces: et Civilis ita cœpit: "Si apud Vitellii legatum defenderer, neque facto meo venia, neque dictis fides debebatur. Cuncta inter nos inimica, hostilia, ab illo cœpta, a me aucta erant. Erga Vespasianum vetus mihi observantia: et, cum privatus esset, amici vocabamur. Hoc Primo Antonio notum, cujus epistolis² ad bellum accitus sum, ne Germanicæ legiones et Gallica juven-tus Alpes transcenderet. Quæ Antonius epistolis, Flaccus præsens monebat,³ arma in Germania movi: quæ Mucianus in Syria, Aponius in Moesia, Flavianus in Pannonia"⁴—

1 *Nabaliæ fluminis.* Nabalia est ipsa fossa Drusiana, quæ a Rheno ad fluvium Salam, *Yssel*, fuerat ducta; de qua dictum est sup. An. ii, 8. Plura v. ap. Cl. Alting, l. c. p. 100.

2 *Cujus epistolis.* V. sup. Hist. iv, 13.

3 *Præsens monebat.* Eadem vidimus sup. Hist. iv, 13.

4 *Flavianus in Pannonia.* Hic multa periere, quibus reliqua Vespasiani, integra Titi et Domitiani tempora memorabantur.

Hæc supplere neque expedit, neque licet, cum nulla supersint monumenta, quibus horum temporum historia explicari valeat ea abundantia, qua res unius ferme tantum anni quinque libris prosecutus est Tacitus. Juvat tamen Appendicem subnectere, ut a præstantissimo scriptore narrari cœpta continuentur, maxime ob immensam, neque silendam, Hierosolymitani excidii famam. Cetera brevius persequar in Append. Chronol. quam v.

C. CORNELII TACITI

DE

SITU, MORIBUS, ET POPULIS

GERMANIÆ

LIBELLUS.

BREVIARIUM.

1. GERMANIÆ situs. 2. Incolæ. Nominis origo. 3. Carmina : barditus : variæque antiquitates. 4. Corporum habitus. 5. Soli natura. 6. Germanorum arma. 7. Reges, duces, sacerdotes. 8. Fœminarum constantia et veneratio. 9. Dii, Mercurius, Hercules, Mars, Isis. Simulacra nulla. 10. Auspicia, sortes : ex equis, e captivis præsagia. 11. Consultationes publicæ et conventus. 12. Pœnæ. Jus. 13. Scutum, framea juvenibus data. Principum comites : eorum virtus et fama. 14. Gentis bellica studia. 15. Pacis artes, venatio et otium. Collata principibus munera. 16. Vicorum, domorumque forma. Specus, suffugium hiemi, et receptaculum frugibus. 17. Hominum, fœminarumque vestitus. 18. Severa matrimonia. Dos a marito data. 19. Adulterii pœna, maritis permissa. 20. Liberorum educatio. Successionis leges. 21. Patris, propinqui amicitiae inimicitiaeque susceptæ. Homicidiorum pretia. Hospitalitas. 22. Victus : ebrietas : rixæ : in conviviis consultationes. 23. Potus, cibi.

1 *Libellus.* Libellum hunc, meditandum potius, quam legendum, paulo fusius sum expositurus, quod in eo juris nostri politici fontes lateant. Vere enim dixit Cl. de Montesquieu, *Esprit des Loix* xxx, 19. *Il est impossible d'entrer un peu avant dans notre droit politique, si l'on ne connoît parfaitement les loix et les mœurs des peuples*

Germaines. Brevis quidem est libellus, sed alto Taciti ingenio et immensa rerum copia plenus ; quem paucis, sed egregie, laudavit idem Cl. de Montesquieu, l. c. c. 2. *Tacite fait un ouvrage exprès sur les mœurs des Germains : il est court, cet ouvrage ; mais c'est l'ouvrage de Tacite, qui abrégéoit tout, parce qu'il voyoit tout.*

24. Juventæ ludicrum. Alexæ furor. 25. Servi, libertini. 26. Agrorum cultus et partitio. Anni tempora. 27. Funera. Hæc hactenus in commune. 28. Singularum gentium instituta. Galli, olim validi, in Germaniam transgressi. Helvetii, Boii, Gallica gens. Avarescorum, Osorum incertum genus. Treveri, Nervii, Germanicæ originis populi, ut et Vangiones, Triboci, Nemetes, Ubii. 29. Batavi, Cattorum proles. Mattiacorum gens. Decumates agri. 30. Catti, militari disciplina præcipui. 31. Usipii, Tencteri, equitatu præstantes. 32. Bructerorum sedes a Chamavis et Angrivariis occupatæ. 33. Dulgibini. Chasuari. Frisii majores et minores. 34. Chauci, pacis studiosi. 35. Cherusci et Fosi, a Cattis victi. 36. Cimbriorum parva civitas, gloria ingens. 37. Suevorum mores. 38. Semnonum religio. 39. Langobardi. Reudigni. Aviones. Angli. Varini. Eudoses. Suardones. Nuithones. Hertli, seu Terræ matris, commune sacrum. 40. Hermunduri. 41. Narisci. Marcomanni. Quadi. 42. Marsigni. Gothini. Osi. Burii. Lygiorum civitates. Aarii. Helvecones. Manimi. Elysii. Naharvali. Alcis numen. Gothones. 43. Suionum civitates. 44. Mare pigrum. Æstii succinum legunt. Sitones, quibus foemina imperat. 45. Peucini. Venedi. Fenni. Eorum feritas et paupertas. 46. Hominum monstra, Hellusii, Oxiones.

Libellum hunc scripsit Tacitus

A.U.C. J.C.

DCCCLI. 98.

Coss. { M. Cocceio Nerva Aug. IV.
M. Ulpio Trajano Cæsare II.

1. **GERMANIA** omnis¹ a Gallis² Rætisque³ et Pannoniis, Rheno et Danubio fluminibus, a Sarmatis Dacisque, mutuo metu, aut montibus⁴ separatur. Cetera Oceanus ambit, latos sinus, et insularum immensa spatia⁵ complectens, nuper cog-

1 *Germania omnis.* Germania, de qua nunc agitur, est Transrhenana. Ad Occasum Rheno, ad Meridiem Danubio, ad Orientem Vistula, Sarmatia Daciaque, ad Septentrionem Oceano terminatur. Occidentem versus prætenduntur Galli, versus Meridiem Ræti et Pannonii, versus Orientem Sarmatæ et Daci; cetera versus Septentrionem ambit Oceanus, latos sinus, the gulphs of Bothnia and Finland, complectens.

2 *Gallis.* Gallia Belgica, quæ superiorem inferioremque Germaniam cis Rhe-

num continebat.

3 *Rætisque.* Male vulgo *Rætiis*. Hæc de populis, non de regionibus sunt intelligenda. V. not. et em. ad c. 1. Ræti latissime patebant, easque regiones occupabant, quas nunc dicimus, the country of the *Grisons, part of Suabia and Bavaria*.

4 *Aut montibus.* Montibus Sarmaticis, nunc the mountains of Hungary; et, ubi non erant montes, mutuo metu bellicosorum populorum.

5 *Immensa spatia.* Incomperta Romanis hac terrarum parte, Scandinaviam, Scan-

nitis⁶ quibusdam gentibus, ac regibus, quos bellum aperuit. Rhenus, Ræticarum Alpium⁷ inaccessio ac præcipiti vertice ortus, modico flexu, in Occidentem versus, septemtrionali Oceano miscetur. Danubius, molli et clementer edito montis Abnobæ⁸ jugo effusus, plures populos adit, donec in Ponticum mare⁹ sex meatibus erumpat: septimum enim os paludibus hauritur.

2. Ipsos Germanos indigenas¹ crediderim, minimeque aliarum gentium adventibus et hospitibus² mixtos: quia nec terra olim,³ sed classibus advehebantur, qui mutare sedes quærebant; et immensus ultra, utque sic dixerim, adversus Oceanus⁴

dinavia, et Eningiam, *Finland*, insulas esse falso existimabant, ut opportunius dicitur inf. c. 44.

6 *Nuper cognitis*. Vere 'nuper cognitis.' Locum hunc egregie illustrat Plautii Æliani monumentum, quod edidi in not. et em. ad Hist. iv, 53. Ibi memoratur Plautius, prætor Mœsiæ, qui 'plura quam centum millia ex numero Transdanubianorum ad præstanda tributa cum conjugibus ac liberis et principibus aut regibus suis transduxit; motum orientem Sarmatarum compressit; ignotos ante aut insensos populo Romano reges signa Romana adoratos in ripam quam tuebatur perduxit; regibus Bastarnarum et Rhoxolanorum filios, regibus Dacorum fratres captos aut hostibus ereptos remisit; ab aliquibus eorum obsides accepit, per quæ, pacem provinciae et confirmavit et protulit.' Adde Domitiani bella, quibus forte reges aliquot innotuere.

7 *Ræticarum Alpium*. Nunc the mountains of the Grisons. Mons vero, cujus vertice Rhenus oritur, hodie dicitur *Vogelberg*. V. Cl. Marsili, *Danubius Pannonico-Mysicus*, vol. vi, tabul. 4. Quomodo Rhenus in Oceanum effundatur dictum est sup. An. ii, 6.

8 *Montis Abnobæ*. Mons ille Germanis nunc dicitur *Schwartzwald*. Hic, diu ignoratam, Danubii originem feliciter detexit illustr. Comes Marsili, anno 1702. V. eruditum ejus opus jam laudatum, vol. vi, p. 4. Danubii origo a *Doneschingen* perperam antea ducebatur. Agathemerus ii, 4. ait Danubium a suis fontibus ad Vindobonam, *Vienna*, dici; Istrum vero a Vindobona ad Pontum Euxinum appellari. At Plin. iv, 12. §. 24. 'unde primum Illyricum aluit' Istrum vocari scribit.

9 *In Ponticum mare*. Rem hæctenus

inauditam prodidit literis Constantinopoli scriptis anno 1713 unus e Missionariis Societatis Jesu: scilicet fluente Danubii per mare Ponticum ad Mediterraneum usque, proprio colore distincta, ita devolvi, ut naves ex Ægeo mari, in Propontidem, nisi adverso fluminis impetu, sese pleno alveo exonerantis, transfretare non possint. Hoc nos docuit Cl. Homannus, Danubii Tabula novissima. Quædam tamen, haud absimilia, jam prodiderat Plin. iv, 12. §. 24. 'singula,' inquit, 'Istri ora tanta sunt, ut prodatur in quadraginta millia passuum longitudinis vinci mare, dulcemque intelligi haustum.'

1 *Indigenas*. Indigenæ, et quasi e terra prognati, veteribus scriptoribus dicti sunt populi omnes, quorum origo eos latebat. Nostram superioremque ætatem meliora docuit major eruditionis copia, facilius frequentiorque peregrinationum usus, ac maxime linguarum notitia. Iis subsidiis aperta mundi commercia. Eruditus omnibus jam compertum Scythicam esse Germanorum originem. Ipsaque Germania Scythiæ 'contermina,' Plin. viii, 15.

2 *Adventibus et hospitibus*. Aliter et vere ipse Tac. inf. c. 28 et 43. Gallos, Gothinos, et Osos, advenas atque hospites memorat. His tamen adventibus et hospitibus minime mixtos fuisse Germanos, censent eruditi Germani: vim imperii penes eos semper fuisse: alienigenas vero precario tantum habitasse.

3 *Nec terra olim*. Immo primum terra, deinde classibus, sed sero, et cum artes adolevisset, mutata hominum sedes.

4 *Adversus Oceanus*. Bene quidem. Nec antiquitus tantum, sed, vigente etiam imperio Romano, adversus Oceanus raris navibus adibatur, ob exiguam rei nauticæ scientiam. Drusus, pater Claudii Imperato-

raris ab orbe nostro navibus aditur. Quis porro, præter periculum horridi et ignoti maris, Asia, aut Africa, aut Italia relicta, Germaniam peteret? informem terris, asperam coelo, tristem cultu aspectuque, nisi si patria sit. Celebrant carminibus antiquis⁶ (quod unum apud illos memoriæ et annalium genus est) "Tuistonem⁷ Deum, terra editum, et filium Mannum, originem gentis conditoresque. Manno tres filios adsignant, e quorum nominibus proximi Oceano Ingævones, medii Hermiones, ceteri Istævones vocentur." Quidam autem,⁸ licentia vetustatis, "plures Deo ortos, pluresque gentis appellationes, Marsos, Gambrivios,⁹ Suevos, Vandalios"¹⁰ adfirmant: "eque vera et antiqua"¹¹ nomina. Ceterum Germaniæ vocabulum recens,¹² et nuper additum: quoniam, qui pri-

ris, 'Oceanum Septemtrionalem primus Romanorum ducum navigavit,' Suet. Claud. 1. Quantum autem discriminis, violentia Oceani, adierit Germanicus, vidimus sup. An. ii, 23.

5 *Germaniam peteret.* Nondum satis valida ratio. Rudes barbarique homines tutas potius, quam lætas, sedes quæsiere. Inde loca horrida, quæ vix habitari posse crederemus, a nonnullis antehabita. Fateor, gratissimæ sunt Asiæ, Africæ, Italiæque sedes. At neque statim florentes fuere, sed lente, vigentibus imperiis, et adulto luxu. Præterea nec illæta Germania, nec suis caret commodis: immo viris virtutique aptissima. Adde non statim relictas sedes lætissimas, ut tristiores occuparentur: sed, ut in Germania, de qua nunc agitur, immorer, Asia, hominibus foeta, primum in Scythiam effusa: Scythia in conterminam Germaniam: ac si quid decessit voluptati, accrevit humanitati, ut toto hoc libro demonstrabitur.

6 *Carminibus antiquis.* Omnibus retro seculis, et apud barbaras omnes gentes, ut ex America populis nobis adhuc comperit, ideum fuit carminum usus, eadem utilitas. Carolus Magnus, teste Eginhardo, in ejus vita, c. 29. 'Barbara et antiquissima carmina, quibus veterum regum actus et bella caneantur, scripsit, memoriæque mandavit.'

7 *Tuistonem.* De Tuistone ejusque filio Manno v. not. et em. ad c. 2.

8 *Quidam autem.* Duas inter illas sententias mediam protulit, et quinque gentium capita recenset Plin. iv, 14. 'Germanorum genera quinque. Vindili, quorum pars Burgundiones, Varini, Carini, Guttones. Alterum genus Ingævones, quorum pars

Cimbri, Teutoni, ac Chaucorum gentes. Proximi autem Rheno, Istævones, quorum pars 'Cimbri mediterranei. Hermiones, quorum Suevi, Hermunduri, Catti, Cherusci. Quinta pars Peucini, Bastermæ, supra dictis contermini Dacis.' De singulis hisce populis opportunius suis locis dicitur.

9 *Gambrivios.* Eos unus Tacitus, et hoc tantum loco, memorat. Nempe Marsorum et Gambriviorum diu nomina periere.

10 *Vandalios.* Idem sunt, quos Plinius, sup. cit. 'Vindilos' appellat. Vandalii, seu Vandali, Galliam, Hispaniam, Africam, Italiam tenuere; at tandem in Africa excisi sunt. Unum superest Suevorum nomen.

11 *Vera et antiqua.* Marsi, Gambrivii, Suevi, Vandalii sunt vera et antiqua nomina. Contra vero Ingævones, Hermiones, Istævones, fabulosa, nec tam populorum, quam locorum situsque vocabula. Nempe Ingævones sunt juxta eruditos Germanos, *die Innvohner*, i. e. versus mare interius habitantes. Istævones, *die Vestvohner*, versus occidentem habitantes. Hermiones, *die Herruvohner*, in medio habitantes. Unde forte nec Hermiones, nec Hermionenes, sed Hermivones, sunt dicendi.

12 *Germaniæ vocabulum recens.* Primo fuere tantum nomina populorum; postea fuere et virtutis cognomina: sic dicti sunt Germani, i. e. viri bellicosi, ut mox explicabitur. Ab illo cognomine, terra ipsa appellata est Germania. Quod Germaniæ vocabulum recens, et nuper additum. Germanorum autem nomen jam pridem auditum, ut constat ex Fastis Capitolinis, ap. Cl. Piranesi, Lapides Capitolini, p. 42. M. CLAYDIUS M. F. M. N. MARCELLVS. AN. DXXXI. COS. DE. CALLEIS. INSVBRI-

mi Rhenum transgressi Gallos expulerint,¹³ ac nunc Tungri, tunc Germani¹⁴ vocati sint: ita nationis nomen, non gentis, evaluisse paulatim, ut omnes, primum a victore, ob metum, mox a seipsis invento nomine, *Germani* vocarentur." "Fuisse apud eos et Herculem"¹⁵ memorant; primumque omnium virorum fortium¹⁶ ituri in praelia canunt.

3. Sunt illis hæc quoque carmina, quorum relatu, quem *Barditum* vocant,¹ accendunt animos, futuræque pugnae fortunam ipso cantu augurantur: terrent enim, trepidantve, prout sonuit acies. Nec tam voces illæ, quam virtutis concentus, videntur: adfectatur præcipue asperitas soni, et fractum murmur, objectis ad os scutis, quo plenior et gravior vox percussu intumescat. Ceterum et "*Ulixem*" quidam opinantur, "longo illo et fabuloso errore² in hunc Oceanum delatum, adisse Germaniæ terras, Asciburgiumque,³ quod, in

BVS. ET. GERMAN. K. MART. ISQVE. SPOLIA. OPIMA. RETTVLIT. DVCE. HOSTIVM. VIRDVMARO. AD. CLASTIDIYM. INTERFECTO. Galli Insu-bres, eorumque socii, mercedeve conducti, Germani, cæsi sunt ad Clastidium, nunc *Chiastizzo*, in the Milanese, A. V. C. 531. juxta Fastos Capitolinos, A. C. 222.

13 *Gallos expulerint.* Inde cum de Belgis quereretur Jul. Cæs. B. G. ii, 4. 'reperiebat plerosque Belgas esse ortos a Germanis, Rhenumque antiquitus transductos propter loci fertilitatem ibi consedis-se: Gallosque, qui ea loca incolerent, expul-lisse.'

14 *Tungri—Germani.* Rem egregie illustrat Jul. Cæs. B. G. l. c. docetque primos, qui Rhenum transgressi sunt, fuisse 'Condrusos, Eburones, Cæresos, Pæmanos, qui uno nomine Germani appellantur.' Germanus, i. e. *Wehr mann*, armorum vir. Vetus enim et frequens *W* in *G* mutatio. Primo nomen hoc fuit nationis victricis Cisrhenanæ; non vero totius gentis Transrhenanæ: sed paulatim evaluit; et Transrhenani omnes nomen, quod victor ob metum incutiendum repererat, ipsi usurpavere, reputantes idem nominis ob bellicæ gloriæ claritudinem sibi deberi. Tungrorum olim magnum fuit nomen; extatque adhuc veteris gloriæ memoria in ea locorum amplitudine. [Observandum autem est eundem esse Tungrorum locum, quem Franci, duce Pharamundo, primum occupavere, quem postea Clodoveus Magnus armis recepit. Et hæc sunt Francici nostri regni

incunabula.]

15 *Et Herculem.* Nulla extitit bellicosa gens, quæ Herculem, i. e. virum, stupenda vi grandibusque factis insignem, non habuerit; eoque non superbierit. De Hercule Germanico jam dictum An. ii, 16. not. sup. Sunt quoque eruditi viri, qui existiment coloniarum duces ab Asia profectos, ut diversas Europæ regiones occuparent, vulgo vocitatos fuisse Hercules.

16 *Virorum fortium.* Sic sup. An. ii, 88. de Arminio dictum, 'caniturque adhuc barbaras apud gentes.'

1 *Barditum vocant.* Sunt qui *barritum* mallent: at *barrire* elephantorum est, quos ne noverant quidem Germani. *Bardire* vero cervorum est, quos sæpissime audiebant continuoque venabantur tum Germani, tum Galli, apud quos celeberrimus fuit barditus. Inde vates, qui hoc modulo utebantur, dicti sunt bardi. De quibus egregie Lucan. i, 447. 'Vos quoque, qui fortes animas, belloque peremptos laudibus in longum vates dimittitis ævum, Plurima securi fudistis carmina bardi.' V. not. et em. ad c. 3. Canadensibus quoque populis sua sunt carmina, cuique genti, cuique etiam familiæ propria. V. P. de Charlevoix, *Journal historique d'un voyage de l'Amérique*. Lettre xiv, p. 217.

2 *Fabuloso errore.* Bene quidem. Hac tamen fabula, multi, ut laudem scientiæ quærent, populorum origines historiarumque initia corrumpere.

3 *Asciburgiumque.* Asciburgium, nunc *Asburg*, in the province *Meurs*.

ripa Rhēni situm, hodieque incolitur,⁴ ab illo constitutum, nominatumque *ΑΣΚΙΝΤΡION*. Aram quinetiam Ulixi consecratam, adjecto Laertæ patris nomine, eodem loco, olim reperi- tam: monumentaque, et tumulos quosdam, Græcis literis⁵ inscriptos, in confinio Germaniæ Rætiæque adhuc extare:” quæ neque confirmare argumentis, neque refellere in animo est: ex ingenio suo quisque demat, vel addat fidem.

4. Ipse eorum opinionibus accedo, qui “Germaniæ populos nullis aliis aliarum nationum connubiis infectos, propriam, et sinceram, et tantum sui similem gentem extitisse” arbitrantur. Unde habitus quoque corporum, quamquam in tanto hominum numero, idem omnibus:¹ truces et cœrulei oculi, rutilæ comæ,² magna corpora,³ et tantum ad impetum valida: laboris atque operum non eadem patientia: minimeque sitim æstumque tolerare, frigora atque inedia cœlo solove adsueverunt.

5. Terra, etsi aliquanto specie differt, in universum tamen aut sylvis horrida, aut paludibus fœda: humidior, qua Gallias, ventosior, qua Noricum ac Pannoniam¹ aspicit: satis ferax, frugiferarum arborum impatiens,² pecorum fœcunda,

4 *Incolitur*. Ibi erant hiberna alæ, ut vidimus sup. Hist. iv, 33. Ibi Cluverii ætate reperta antiquitatis Romanæ rudera.

5 *Græcis literis*. Neque ita mirum; cum a Græcis ad Gallos Germanosque literæ devenerint. Qua de re plura v. in not. et em. ad c. 3.

1 *Idem omnibus*. Pariter Juvenal. xiii, 164. ‘Cœrula quis stupuit Germani lumina? flavam Casariam, et madido torquentem cornua cirro? Nempe quod hæc illis natura est omnibus una.’

2 *Rutilæ comæ*. Inde Sen. de ira iii, 26. ‘Iniquus autem est, qui commune vitium singulis obijcit. Non est Æthiopis inter suos insignitus color: nec rufus crinis, et coactus in nodum apud Germanos: utrumque, decet.’ Rutilatos arte crines videbimus inf. in Suppl. An. viii, 38.

3 *Magna corpora*. Sic An. i, 64. Germanorum ‘proceræ membra;’ et Hist. v, 18. ‘immensa corpora.’ Videtur Germanorum plurimos tunc saltem sex pedibus altos fuisse. Ea proceritate adhuc valebant ætate Sidonii Apollinaris. Inde, inter victores Germanos positus, excusat, quod senipedes versus non scribat. Libr. xii, 12, 10. ‘Spernit senipedem stylum

Thalia, Ex quo septipedes videt patronos.’ Forte et ipse senipes, i. e. quinque pedibus, et sex circiter uncis. Pes enim Romanus æquat ferme pedis nostri uncias undecim. Contra vero Germani septipedes erant, i. e. alti pedes sex et uncias fere quinque. Sidon. Epist. viii, 9. memorat adhuc Burgundiones septipedes. Ob hanc Germanorum proceritatem, Varro i. Hebdomadum dixisse videtur summum adolescendi humani corporis septem pedes. ‘Cuncto mortalium generi minorem in dies fieri’ mensuram observat Plin. vii, 16. [Quod non ita certum est. Superiore enim et hoc nostro seculo vidimus homines, qui erant septem, octo etiam, et amplius pedes alti.]

1 *Noricum ac Pannoniam*. Bavaria and Austria.

2 *Impatiens*. Tunc enim acriora, longioraque erant frigora, cum terra sylvis horreret. Sic apud Canadenses populos, in America, cælum solumque mitescere cœperunt, cum immensa sylvarum spatia incensa sunt. Adde Germanos ne frugiferas quidem arbores coluisse, solasque segetes terræ imperasse, ut dicitur inf. c. 26.

sed plerumque improcera:³ ne armentis quidem suus honor, aut gloria frontis: numero gaudent: eæque solæ et gratissimæ opes sunt. Argentum et aurum propitii an irati Dii negaverint, dubito. Nec tamen adfirmaverim⁴ nullam Germaniæ venam argentum aurumve gignere: quis enim scrutatus est? possessione et usu haud perinde adficiuntur. Est videre apud illos argentea vasa, legatis et principibus eorum muneri data, non in alia vilitate,⁵ quam quæ humo finguntur: quamquam proximi ob usum commerciorum aurum et argentum in pretio habent, formasque quasdam nostræ pecuniæ agnoscunt, atque eligunt: interiores simplicius et antiquius permutatione mercium utuntur. Pecuniam probant veterem, et diu notam, Serratos, Bigatosque.⁶ Argentum quoque magis, quam

³ *Plerumque improcera.* Id jam observatum sup. An. iv, 72. At cur magna hominum corpora, pecorum improcera. Causa, ni fallor, quod homines validis exercitiis, vita liberissima, et omnibus curis vacua, copiosis pinguibusque cibis, largo potu in magnitudinem excrescerent. Contra pecora pluviis, frigore, gelu diu rigida minuerentur, sine ea frontis gloria, quæ adeo vivide emicat in iis omnibus locis, ubi serenum sudumque est cælum. Mutato postea Germaniæ cultu, mutata quoque pecorum forma, et fuere proceriora. Pecora autem sunt oves, capræ, boves, jumenta, &c. Armenta maxime boves. V. Digest. Lib. xxxii, de legatis et fideicommissis 3. leg. 81. et Lib. l, Tit. 16. de verborum significatione, leg. 89.

⁴ *Nec tamen adfirmaverim.* Merito quidem. Nam ipse Tacitus, cum postea Annales scriberet, prodit An. xi, 20. Curtium Rufum in agro Mattiaco reclusisse specus, 'quærendis venis argenti,' tenuemque fuisse fructum. Nunc vero comperit inter cetera metalla nonnullas auri argenteque fodinas in Germania reperiri. Rariores sunt auri fodinæ: extant tamen, et in quibus non fulvum modo, sed album quoque aurum invenitur. Vide Balbinum, Miscellanea Historica regni Bohemiæ, Vol. i, p. 37. 40 sq.

⁵ *Non in alia vilitate.* I. e. pari vilitate; seu æque vilia, et iisdem usibus, ac quæ humo finguntur.

⁶ *Serratos, Bigatosque.* Interiores Germani simpliciter agebant, et, ut mos barbaris omnibus, permutatione utebantur. Rheni autem et Danubii ripis proximi, ob usum commerciorum, aurum et argentum in pretio habebant: formas quasdam Ro-

maniæ pecuniæ agnoscebant, atque eligebant. Pecuniam probabant veterem et diu notam, serratos maxime et bigatos denarios. Qua in re se cautissimos præbebant, more barbarorum, qui falli se semper opinantur. Nam invalescentibus apud Romanos vitiiis, corrupta fuerat moneta. 'Livius Drusus in tribunatu plebis octavam partem æris argento miscuit,' Plin. xxxiii, 3. 'Miscuit denario triumvir Antonius ferrum. Miscuntur æra falsa monetae: alii e pondere subtrahunt—igitur ars facta denarios probare,' Plin. xxxiii, 9. Germani, ne his fraudibus deciperentur, pecuniam probabant veterem et diu notam; eligebant maxime denarios serratos, i. e. quorum margines in modum serræ erant incisi: sic enim apparebat sincerine nummi et solido argento, an adulterini, intus ferro æreve pleni, et extra argenti bractea obtecti, quales olim multos vidi in Museo Collegii Ludovici Magni. Eligebant quoque bigatos denarios. Eorum nominis originem docet Plin. xxxiii, 3. 'Nota argenti fuere bigæ atque quadrigæ: et inde bigati quadrigatique dicti.' Bigati autem erant optimo argento, et Imperatorum denariis ponderosiores. Ideo a barbaris eligebantur. Hic est hujusce loci sensus, quem mirum in modum vexabant interpretes, rati 'serratos' dici nummos, quibus serræ forma erat impressa, quales numquam extitere in Romana pecunia; aut serra, coronave, cinctos, ne arroderentur diminuerenturque, cujus usum non novere Romani. Serratorum, bigatorum, quadrigatorumque nummorum magna copia fuit in Museo Collegii Ludovici Magni.

aurum sequuntur,⁷ nulla affectione animi, sed quia numerus argenteorum facilius usui est promiscua ac vilia mercantibus.

6. Ne ferrum quidem superest,¹ sicut ex genere telorum colligitur. Rari gladiis, aut maioribus lanceis² utuntur: hastas, vel ipsorum vocabulo *frameas* gerunt,³ angusto et brevi ferro, sed ita acri, et ad usum habili, ut eodem telo, prout ratio poscit, vel cominus vel eminus pugnent:⁴ et eques quidem scuto frameaque contentus est: pedites et missilia⁵ spargunt, plura singuli, atque in immensum vibrant: nudi, aut sagulo⁶ leves: nulla cultus jactatio: scuta tantum⁷ lectissimis coloribus distinguunt: paucis loricae:⁸ vix uni alte-

7 *Quam aurum sequuntur.* Sic quoque Romani, et, ut puto, primum eadem, qua barbari, ratione; deinde usu et consuetudine. Plin. xxxiii, 3. §. 15. 'Equidem miror populum Romanum victis gentibus in tributo semper argentum imperitasse, non aurum: sicut Carthagini cum Hannibale victæ argenti pondo annua in quinquaginta annos, nihil auri.'

1 *Superest.* Abundabat quidem in terræ visceribus; at, ut inde extraheretur, et igne mollioretur, barbaris neque patientia, neque industria, neque necessitas. Potior eorum virtus, semperque obvia. Præterea utebantur lapideis armis, quorum copia maxima in Germanorum sepulcris reperitur, ut videre est ap. eruditum Eccardum, de Rebus Franciæ Orientalis, Vol. i, p. 892. ubi eorum imagines exhibet.

2 *Majoribus lanceis.* Ob ferri penuriam, ac forte etiam ob difficilem usum, raro utebantur maioribus lanceis. Inde in *Annalium Historiarumque libris*, ubi tot prælia Germanorum vidimus, numquam majores lanceæ, sed prælongæ hastæ, quibus sane infixæ erant frameæ, memorantur.

3 *Frameas gerunt.* Frameas dictas fuisse a cuspide, quæ *pfriem*, vel *priem* appellatur, observat Dithmarus. Germanica autem regis Childerici framea in ejus tumulo reperta est. Imaginem vide apud eruditum Chiffetium, Anastasis Childerici, Francorum regis, p. 218. Postea cum ferrum abundaret, Germani gladiis præcipue usi sunt: at variandis equorum gyris fære semper inhabiles. V. not. et em. ad c. 6.

4 *Pugnent.* Quibus tamen, quod enormes essent, impediabantur, si inter sylvas virgultave esset pugnandum, ut vidimus supra *Annal.* ii, 14. Alioquin hastæ illæ ingentes ad vulnera faciendâ, quamvis procul, aptissimæ. V. An. i, 64.

Tac.

5 *Missilia.* Licet valde mutata sit pugnandi ratio, manent tamen nobis veterum Germanorum arma. Ut iis, ita nobis sunt duo gladiatorum genera: alii acuti, *swords*; alii sine acumine, *sabres*; majores lanceæ, *halberts*; hastæ, seu frameæ, *long pikes*; missilia, *battle axes*. Sic et Canadensibus populis suum est missile, a *bludgeon*. Præterea reperiuntur in veterum Germanorum sepulcris globuli lapidei perforati, quos sane, alligatis funibus, ejaculabantur. Eorum imagines vide apud erudit. Eccardum, de Rebus Franciæ Orientalis, Vol. i, p. 892.

6 *Sagulo.* De sago inf. c. 17. Cum pugnabant, 'majore sui parte nudi' erant, teste Cæsare ap. Dion. xxxviii, p. 89. *Γυμνὸν τὸ πλείστον ἦσαν.*

7 *Scuta tantum.* Scuta Germanorum *immensa*, i. e. magnitudine corporis, sup. An. ii, 14. lectissimis coloribus fucata. Hæc prima virtutis, deinde nobilitatis, insignia; inde, labentibus seculis, Heraldicæ artis origo. Privatorum scuta coloribus tantum distincta, principes ad decus, et ad tutamentum, (nam difficilior penetrabantur) animalium effigies scutis addebant.

8 *Paucis loricae.* V. sup. An. ii, 14. Cimbrorum habitum paulo aliter describit Plut. in Mario p. 420. 'Galeas,' inquit, 'gerebant, quæ erant in belluarum rictus aliasque inusitatas figuras formate, et alatis cristis, ut altiores viderentur, fastigiatæ. Lorice ferreis erant ornati; candidis micabant scutis. Singulis erat telum bipenne; et, pede collato, ingentibus gravibusque utebantur gladiis.' At hæc arma in itinere fære comparata, ut observat eruditus Eccardus, de Orig. German. p. 78. Inde Holsatici tumuli ejus temporis, parum æris, ferrum nullum habent. In iis reperiuntur acumina hastarum lapi-

rive cassis, aut galea.⁹ Equi non forma, non velocitate conspicui: sed nec variare gyros, in morem nostrum,¹⁰ docentur. In rectum, aut uno flexu dextros agunt, ita conjuncto orbe, ut nemo posterior sit. In universum æstimanti, plus penes peditem roboris: eoque mixti præliantur,¹¹ apta et congruente ad equestrem pugnam velocitate peditum, quos ex omni juventute delectos ante aciem locant. Definitur et numerus: centeni ex singulis pagis¹² sunt: idque ipsum inter suos vocantur: et quod primo numerus fuit, jam nomen et honor est. Acies per cuneos¹³ componitur. Cedere loco,¹⁴ dummodo rursus instes, consilii quam formidinis arbitrantur. Corpora

dea, et gladiatorum loco cunei, quos vulgus 'lapides ceraunos' appellat.

9 *Cassis, aut galea.* Isidorus, xviii, 14. 'Cassis de lamina est: galea de corio.' Igitur ferrea fuit cassis, coriacea galea.

10 *In morem nostrum.* Optimumque Romanorum morem, quem versibus, cedro dignis, expressit Virg. Geor. iii, 182. 'Primus equi labor est, animos atque arma videre Bellantum, lituosque pati; tractuque gementem Ferre rotam, et stabulo frenos audire sonantes: Tum magis atque magis blandis gaudere magistri Laudibus, et plausa sonitum cervicis amare: Atque hæc jam primo depulsus ab ubere matris Audeat, inque vicem det mollibus ora capistris Invalidus, et jamque tremens, et jam inscius ævi. At, tribus exactis, ubi quarta accesserit æstas, Carpere mox gyrum incipiat, gradibusque sonare Compositis, sinuetque alterna volumina crurum, Sitque laboranti similis; tum cursibus auras Provocet, ac per aperta volans, ceu liber habenis, Æquora, vix summa vestigia ponat arena.' Quomodo autem milites Romani equos insilire, desilire docerentur tradit Veget. i, 18. sed pro more suo jejune.

11 *Mixti præliantur.* Quem præliandi morem egregie describit Jul. Cæs. B. G. i, 48. 'Genus hoc erat pugnae, quo se Germani exercuerant. Equitum millia erant sex: totidem numero pedites velocissimi, ac fortissimi, quos ex omni copia singuli singulos, suæ salutis causa, delegerant. Cum his in præliis versabantur, ad hos se equites recipiebant; hi, si quid erat durius, concurrebant. Si qui, graviore vulnere accepto, equo deciderant, circumstebant; si quo erat longius progrediendum, aut celerius recipiendum, tanta erat horum exercitatione celeritas, ut jabis equorum sublevati, cursum æquarent.'

12 *Ex singulis pagis.* Ut hæc intelligantur, observandum Germanos divisos fuisse in populos, populos in pagos, pagos in vicos. Germani appellaverunt pagos suos *Gowen*. Sic adhuc Helvetii in pagos, *Cantons*, dividuntur. Vici autem dicebantur *Hunderte*. Inde originem sumserunt Anglorum *Hundredæ*. Centeni ex singulis pagis legebantur: et quod primo numerus fuit, jam nomen et honor est. Nempe, auctore erudito Dithmaro, vocabantur *die hunderte*, seu centeni. Plures a magnis populis fuisse lectos videtur ex Jul. Cæs. B. G. iv, 1. 'Suevorum gens est longe maxima, et bellicosissima Germanorum omnium. Ii centum pagos habere dicuntur; ex quibus quotannis singula millia armatorum, bellandi causa, suis ex finibus educunt. Reliqui domi remanent. Sic neque agricultura, neque ratio, neque usus belli intermittitur.' Armati legebantur heribanno, seu exercitus edicto. Inde apud nos adhuc manet vox *Arriereban*.

13 *Per cuneos.* Veget. iii, 19. 'Cuneus dicitur multitudo peditum, quæ juncta cum acie primo angustior, deinde latior procedit, et adversariorum ordines rumpit: quia a pluribus in unum locum tela mittuntur. Quam rem milites nominant caput porcinum.' Acies, sic composita, trianguli, pyramidisve speciem referebat, cujus pars angustior hostem versus dirigebatur. Cum plures gentes in eodem exercitu essent, singula propriis cuneis componebantur, ut vidimus supra Hist. iv, 16. De cuneo, quem dicimus a *wedge*, v. Cl. de Sigras, *Mémoires de l'Acad. Roy. des Inscrit.* Vol. xxv, p. 440 sq.

14 *Cedere loco.* Exemplum v. sup. An. ii, 11.

suorum etiam in dubiis præliis referunt.¹⁵ Scutum reliquisse præcipuum flagitium :¹⁶ nec aut sacris adesse, aut concilium inire ignominioso fas : multique superstites bellorum, infamiam laqueo finierunt.

7. Reges ex nobilitate : duces ex virtute¹ sumunt. Nec re-
gibus infinita, aut libera² potestas ; et duces exemplo potius
quam imperio : si prompti, si conspicui, si ante aciem agant,
admiratione præsent. Ceterum, neque animadvertere, neque
vincire, ne verberare quidem, nisi sacerdotibus permissum :³
non quasi in pœnam, nec ducis jussu, sed velut Deo impe-
rante, quem adesse bellantibus credunt : effigiesque, et signa
quædam,⁴ detracta lucis, in prælium ferunt. Quodque præci-

15 *Referunt.* Sane ut eos patriis sepul-
cris conderent.

16 *Præcipuum flagitium.* Id quoque
immerito obijcere summa erat injuria.
Inde in lege Salica, Tit. xxxiii, 5. ' Si
quis homo ingenuus alio impropaverit,
quod scutum suum jactasset, et fuga lap-
sus fuisset, et non potuerit adprobare,
MALB. AVSTRAPO, DC den. qui faciunt sol.
xv. [Angl. 9L.] culpabilis judicetur.' Cum
ad explicandum illustrandumque hunc
Taciti librum sæpe laudanda sit lex Salica,
satis sit hic præmonuisse apud Romanos
semper citari legem materiamque legis ;
sic legem ambitus, majestatis, peculatus,
repetundarum dici : haud aliter apud Ger-
manos citari judicium et materiam judicii.
Itaque MALB. seu malbergium, idem est
ac judicium. *Austrappen* significat ' fu-
gere.' MALB. AVSTRAPO est ' judicium de
fugitivis.' V. eruditum Eccard. in not. ad
Legem Salicam.

1 *Duces ex virtute.* Reges, regno ; du-
ces bello præerant. Ex his Germanorum
ducibus originem apud Gallos habuisse
Majores domus, merito sensit Cl. de Ver-
tot, *Mémoires de l'Acad. Roy. des Inscript.*
Vol. ii, p. 627. V. et Cl. de Montesq. *Es-
prit des Loix*, xxi, 4. Si reges virtute æ-
que, ac nobilitate præstant, imperato-
riam illam dignitatem obtinebant. Plures
autem reges ducesve, vulgo in bella conve-
niebant : tum præstantior imperabat, et
communem in bello obtinebat magistratum,
qui nullus erat in pace. Inde Jul. Cæs. B.
G. vi, 22. ' In pace nullus est communis
magistratus.' Impositus autem scuto, et
sustinentium humeris vibratus, dux elige-
batur ; ut dictum est sup. Hist. iv, 15.
Apud bellicosam gentem idem regibus fac-
tatum, ut videre est apud Gregorium Tu-

ronensem ii, 40. ' Plaudentes tam pennis,
quam vocibus, eum [Clodovechum] clypeo
evectum super se regem constituunt.' Aper-
tius autem Vitiges, Gothorum rex, apud
Cassiodorum, *Variarum Lib. x, Ep. 31.*
' Indicamus parentes nostros Gothos inter
procinctuales gladios, more majorum, scuto
supposito, regalem nobis contulisse, præ-
stante Deo, dignitatem. Ut honorem arma
darent, cui bella opinionem pepererant.
Non enim in cubilibus angustis, sed in
campis late patentibus electum me esse
noveritis : nec inter blandientium delicata
colloquia, sed, tubis concepantibus, sum
quæsitus ; ut tali fremitu concitatus desi-
derio virtutis ingenitæ regem sibi martium
Geticus (seu *Gothicus*) populus inveniret.'

2 *Infinita, aut libera.* Inde Ambiorix,
Eburonum, gentis Germanicæ, rex, profite-
batur ' sua esse ejusmodi imperia, ut non
minus haberet in se juris multitudinem, quam
ipse in multitudinem,' Jul. Cæs. B. G. v,
27. Si Germanorum Canadensiumque
principum potestatem conferas, eandem
omnino reperies. V. P. de Charlevoix, l.
c. *Lettre* xviii, p. 268.

3 *Nisi sacerdotibus permissum.* Ita ut
tamen vitæ necesse potestas maneret pe-
nens magistratum, de quo Jul. Cæs. B. G.
vi, 23. ' Cum bellum civitas aut illatum
defendit, aut infert, magistratus qui ei bel-
lo præsent, ut vitæ necisque habeant potes-
tatem, deliguntur.' Pœna sacerdotibus
commissa, ut imperantibus minus foret in-
vidiæ, punientibus plus reverentiæ.

4 *Effigiesque—quædam.* Effigies ferarum,
ut vidimus sup. Hist. iv, 22. quas insigne
religionis et tutelam habebant, ut dicitur
infra c. 45. Signa quoque, hostibus capta,
quæ, in lucis, Diis patriis suspendebantur.
V. An. i, 59. Ut Germani, sic et Cana-

puum fortitudinis incitamentum est, non casus, nec fortuita conglobatio turmam aut cuneum facit, sed familiæ et propinquitates: et in proximo pignora:⁵ unde foeminarum ululatus audiri, unde vagitus infantium: hi cuique sanctissimi testes, hi maximi laudatores. Ad matres, ad conjuges vulnera ferunt: nec illæ numerare, aut exigere plagas⁶ pavent. Cibosque et hortamina pugnantibus gestant.

8. Memoriae proditur quasdam acies, inclinatæ jam et labantes, a foeminis restitutas, constantia precum, et objectu pectorum,¹ et monstrata cominus captivitate,² quam longe impatientius foeminarum suarum nomine³ timent: adeo, ut efficiacius obligentur animi civitatum, quibus inter obsides puellæ quoque nobiles imperantur.⁴ Inesse quinetiam sanctum aliquid, et providum putant: nec aut consilia earum⁵ aspernantur, aut responsa negligunt.⁶ Vidimus, sub divo Vespasiano, Veledam,⁷ diu apud plerosque numinis loco⁸ habitam.

denses populi Deos suos, quos vocant *Manitous* in bellum præliumque ferunt. Vide P. de Charlevoix, *Journal Historique d'un voyage de l'Amérique*, *Lettres* xiv et xv. p. 223 et 236.

5 *In proximo pignora.* Talem exercitus ordinem vidimus sup. Hist. iv, 18. Ita et apud Britannos in An. xiv, 34. V. quoque Jul. Cæs. B. G. i, 51.

6 *Exigere plagas.* Et expostulare, si ignavi illæsi que redissent, aut indecora vulnera accepissent.

1 *Objectu pectorum.* Non modo obiciebant pectora, ne mariti filiive fugerent; sed et ipsæ, desperatis rebus, pugnabant. Hanc foeminarum ferociam expertus est Marius, ut notabitur infra cap. 37. et cum M. Aurelius Marcomannos, Quados, ceterosque socios Germanos vicisset, 'inter cadavera barbarorum, corpora mulierum armata reperta sunt.' 'Ἐν μὲντοι τοῖς νεκροῖς τῶν βαρβάρων καὶ γυναικῶν σώματα ὀπλισμένα εὑρίθη. Dio lxxi, p. 802.

2 *Captivitate.* Sic in acie Ariovisti foeminae, passis crinibus, et flentes, orabant suos milites, ne se in servitutem Romanis traderent. Cæs. B. G. i, 51.

3 *Foeminarum—nomine.* Quam sua ipsorum causa, ut mox dicetur.

4 *Imperantur.* Hue forte spectant, quæ habet Suet. in Aug. 21. 'A quibusdam novum genus obsidum foeminas exigere tentavit: quod negligere marium pignora

sentiebat.'

5 *Nec aut consilia earum.* Eadem de Cellarum foeminis v. ap. Plut. de Virtutibus mulierum, Vol. ii, p. 246. Par quoque Canadensium foeminarum auctoritas. V. P. de Charlevoix, l. c. *Lettre* xiii, p. 208. et *Lettre* xviii, p. 269.

6 *Responsa negligunt.* Suffragatur Jul. Cæs. B. G. i, 50. 'Cum ex captivis quereretur Cæsar, quam ob rem Ariovistus prælio non decertaret? hanc reperiebat causam, quod apud Germanos ea consuetudo esset, ut matres familias eorum sortibus et vaticinationibus declararent, utrum prælio committi ex usu esset, nec ne: eas ita dicere, non esse fas Germanos superare, si ante novam lunam contendissent.' Qua autem crudelitate apud Cimbros vaticinantur illæ foeminae, v. in not. et em. ad c. 8.

7 *Veledam.* De qua v. sup. Hist. iv, 61 et 65.

8 *Numinis loco.* Sed postea captivam. Adeo incerta vel fatidicarum sors! De ea Stat. Sylv. i, 4. 90. 'Non vacat Aretoas acies, Rhenumque rebellem, Captivæque preces Veledæ, et (quæ maxima nuper Gloria) depositam Dacis pereuntibus urbem Pandere.' Cum Rutilius Gallicus Veledam cepisset, forte Romam ducta est; indeque Tacitus dixit: 'Vidimus sub divo Vespasiano Veledam.'

Sed et olim Auriniam, et compluris⁹ alias venerati sunt, non adulatione, nec tamquam facerent Deas.¹⁰

9. Deorum¹ maxime Mercurium² colunt, cui certis diebus, humanis quoque hostiis³ litare fas habent. Herculem ac Martem concessis animalibus⁴ placant: pars Suevorum et Isidi sacrificat.⁵ Unde causa et origo peregrino sacro, parum com-

9 *Compluris*. Antique pro *complures*.

10 *Deas*. Nempe cum viveret Aurinia, nondum invaluerat superstitio quæ eas fecit Deas. Inde Tac. Hist. iv, 61. 'Vetere apud Germanos more, quo plerasque fœminarum fatidicæ, et, augeſcente ſuperſtitione, arbitrentur Deas.' Plura v. ap. erudit. Keyſlerum, Antiquitates Septentrionales, in Diſſertat. de Mulieribus Fatidicis, p. 456 ſq. Effigiem fœminæ fatidicæ apud Gothos exhibit Columna Theodoſiana, quam v. in Cl. Banduri Imperio Orientali. Poſtea vero tam immodice fœminas illas fecere Deas, ut inter monumenta Germanica paſſim occurrant aræ Inſcriptioneſque poſitæ MATRIBVS vel MATRONIS SVEBIS, ſeu SUEVIS, TREVERIS, AVFANIS, &c. Unicum tantum exemplum proferam e Grutero, p. 90. n. 10.

IN H. D. D.

DIS. DEAB. Q. OMNIB.

MATRIBVS. VAP

THIABVS. ET GENIO

LOCI. SACRVM. C.

TAVRICIVS. B-F. COS. PRO SE

ET. SVIS. V. S. L. M.

POSVIT. ET. DEDIT.

I. e.: 'In honorem divinæ domus, Diis, Deabusque omnibus, matribus Vapthiabus et Genio loci sacrum Caius Tauricius, beneficiarius consulis, pro se et suis votum solvens lubens merito posuit et dedit,' &c.

1 *Deorum*. A Tacito dissentire videtur Jul. Cæs. B. G. vi, 21. 'Deorum numero eos solos ducunt, quos cernunt, et quorum opibus aperte juvantur, Solem et Vulcanum et Lunam: reliquos ne fama quidem acceperunt.' Distingue tempora; et summa erit Cæsarem inter ac Tacitum consensio. Cæsaris ætate suos, et barbaris fere omnibus familiares, Deos habuere Germani Solem, Lunam et Vulcanum, id est, ignem, quem sive e silice elicerent, sive velocissimo duorum lignorum affrictu, ut Canadensibus barbaris adhuc mos est, excitarent, sive calidas aquas, quæ in regione occurrunt, spectarent, sive inter tonitrua stridentem audirent, admirari pariter ac venerari cœpere. Poſtea Gallorum et Romanorum contactu, Mercurium, Herculem, Martem acceperunt. Eorum cultus ætate

Taciti vigeat. Cum per Germaniam iter facerem plurima Neptuni monumenta reperi: alia aliorum Deorum occurrunt. Scilicet, labentibus annis, Neptunus, ceteraque Deorum caterva, in Germaniam venerat.

2 *Mercurium*. Eadem sane fuit apud Germanos, quam apud Gallos, Mercurii cultus causa. De Gallis Jul. Cæs. B. G. vi, 17. 'Deum maxime Mercurium colunt, hujus sunt plurima simulacra; hunc omnium inventorem artium ferunt; hunc viarum atque itinerum ducem: hunc ad quæstus pecuniæ mercaturasque habere vim maximam arbitrantur.' Inde cum olim in civitate Aquensi, nunc *Baden*, celebrarentur commercia, atque hac iter esset in Helvetios, præcipua ibi fuit Mercurii veneratio in monte luoque prope *Baden*. Quem locum cum adissem, ut ibi Mercurii monumentum inspicerem, reperi veterem lapidem, quem votivum fuisse puto, cui rudis imago Mercurii insculpta; undeque longeque disjecti ingentes lapides jacebant: aras fuisse, et antiquissimæ religionis, cum humanæ hostiæ litarentur, monumenta, arbitror. Hæc cum cernerem, animum subibat Lucan. iii, 399. 'Lucus erat, longo numquam violatus ab ævo. Hic barbara ritu Sacra Deum, structæ diris ferulis aras, Omnisque humanis lustrata cruoribus arbos.'

3 *Humanis—hostiis*. Inde Lucan. i, 444. 'Et quibus immitis placatur sanguine diro Teutates, horrendæ feris altaribus Hesus.' Teutates est Mercurius; Hesus, Mars.

4 *Concessis animalibus*. Herculi quoque et Marti humanis hostiis litatum fuisse crediderim. De Marte constat, saltem flagrantibus bellis. Sic enim An. xiii, 57. 'Victores diversam aciem Marti ac Mercurio sacravere, quo voto equi, viri, cuncta victa occidioni dantur.' Procopius quoque Bell. Goth. ii. homines Marti mactatos memorat. At ut Germani Scythica sunt origine, ita quoque multum Scythicæ religionis retinere. Hæc igitur, si lubet, confer cum iis quæ de Scythiis habet Herodot. iv, 59 sq. p. 240 et 241.

5 *Isidi sacrificat*. Asiam Europamque pervagata est religio Ægyptiaca. Reper-

peri, nisi quod signum ipsum in modum liburnæ figuratum, docet advectam religionem.⁶ Ceterum, nec cohibere parietibus Deos, neque in ullam humani oris speciem adsimulare, ex magnitudine cœlestium arbitrantur:⁷ lucos ac nemora⁸ consecrant, Deorumque nominibus appellant secretum illud,⁹ quod sola reverentia vident.

10. Auspicia, sortesque, ut qui maxime, observant.¹ Sortium consuetudo simplex: virgam,² frugiferæ arbori decisam, in surculos amputant, eosque, notis quibusdam discretos, super candidam vestem temere ac fortuito spargunt: mox, si publice consulatur,³ sacerdos civitatis, sin privatim, ipse pa-

tæ in Germania Inscriptiones non modo ISIDI, sed et I. O. M. SERAPIDI. Multa alia Ægyptiacorum sacrorum apud Germanos monumenta exhibet eruditus Schoepflinus, Alsat. Illust. Vol. i, p. 499. Cultum autem Isidis in liburnam figuratæ illustrat Cl. Muratori, Thes. Inscr. Vol. i, p. 25. Ibi videre est Deam CLATRAM, quæ eadem est ac Isis. Dextra sistrum et serpentem tenet; sinistra, mensuram Nili crescentis: supra caput calatham gerit: retro est liburna. Cum Germani Deos in humani oris speciem non adsimularent, Isidem, figuratam in liburnam, venerati sunt Suevi. Ipsos autem, qui Albim, Danubiumque accolebant, a mercatoribus Romanisve edoctos, Isidem, navigantium Deam, coluisse minime mirum est. Sacrum illud pervulgatum, ac maxime agebatur mense Martio, cum renovaretur navigatio. Inde in Calendario vetere, III. Nonas Martii, ISIDIS NAVIGIVM. Veget. v, 9. memorat hunc 'natalem, ut ita dicam, navigationis, qui solemnem certamine, publicoque spectaculo multarum gentium celebratur.' Qui plura volent de cultu Isidis apud Suevos, adeant Cl. de Fontenu, qui duas hoc de argumento dissertationes edidit, *Mém. de l'Acad. Roy. des Inscr.* Vol. v, p. 63 sq.

6 *Advectam religionem.* Ut Romani in veteribus suis nummis æreis, qui extant plurimi, Saturni adventum puppi testati sunt, sic aliæ gentes ad se advectas religiones liburna in nummis suis expressa sæpe declaravere.

7 *Arbitrantur.* Postea non arbitrati sunt, templeque et statuas Deis suis posuere. In nummo Postumi, quem publicavit eruditus Sirmondus in not. ad Apollin. Sidon. viii, 11. videre est templum, in cujus vestibulo stat Hercules, cum epigraphæ HERC. DEVSONIENSIS. I. e. 'Herculi Deusoniensi,' qui Deusene, trans Rhenum, colebatur.

Immo 'templum Tanfanæ' memoratur sup. An. i, 51. V. inf. c. 44. in not. templum Suionum.

8 *Lucos ac nemora.* Sylvam Herculi sacram vidimus sup. An. ii, 12. Lucum Baduhennæ, An. iv, 73. nemus sacrum, Hist. iv, 14. Sylvas, religione vacuas, voluptati quæ redditas gratulatur Claudianus, de laudibus Stiliconis, i, 228. 'Ut procul Hercyniæ per vasta silentia sylvæ Venari tuto liceat, lucosque vetusta Religione truces, et robora numinis instar Barbarici, nostræ feriant impune secures.'

9 *Secretum illud.* De quo Sen. Ep. xli. 'Si tibi occurrit vetustis arboribus, et solitam altitudinem egressis, frequens lucus, et conspectum cœli densitate ramorum aliorum alios protegentium submovens; illa proceritas sylvæ, et secretum loci, et admiratio umbræ, in aperto tam densæ atque continuæ, fidem tibi numinis facit.' Breviter Plin. xii, 1. 'Lucus atque in iis silentia ipsa adoramus.'

1 *Observant.* Id barbaris omnibus familiare, quibus, quo minor prudentia, eo major superstitio.

2 *Virgam.* Presagas quoque virgas apud Scythas memorat Herodot. iv, 67. p. 242. apud Alanos Ammian. Marcellin. xxxi, 2. Germanorum divinationem illustrat Rugianorum usus, de quo Saxo Grammaticus, Historiæ Danicæ Lib. xiv, p. 288. Rugiani, Balthici maris accolæ, 'tribus ligni particulis, parte altera albis, altera nigris, in gremium sortium loco coniectis, candidis prospera, furvis adversa signabant.' Sortem illam et surculos, quos *tenos* vocabant, memorat lex Frisionum, Tit. xiv, leg. 1. Alia adhuc et antiquissima hujus divinationis vestigia v. ap. Ezechiel. xxi, 21. et Osee. iv, 13.

3 *Consuletur.* Melius, si publice consulatur, ut volebat Muret.

ter familiæ,⁴ precatus Deos, cœlumque suspiciens, ter singulos tollit, sublato, secundum impressam ante notam, interpretatur. Si prohibuerunt, nulla, de eadem re, in eundem diem, consultatio: sin permissum, auspiciorum adhuc fides exigitur. Et illud quidem etiam hic notum, avium⁵ voces, volatusque interrogare. Proprium gentis,⁶ equorum quoque præsentia ac monitus experiri: publice aluntur iisdem nemoribus⁷ ac lucis, candidi, et nullo mortali opere contacti, quos pressos sacro curru sacerdos, ac rex, vel princeps civitatis, comitantur, hinnitusque ac fremitus observant. Nec ulli auspicio major fides, non solum apud plebem, sed apud proceres, apud sacerdotes. Se enim ministros Deorum, illos conscios putant. Est et alia observatio auspiciorum, qua gravium bellorum eventus explorant. Ejus gentis, cum qua bellum est, captivum quoque modo interceptum, cum electo popularium suorum, patriis quemque armis committunt:⁸ victoria hujus, vel illius, pro præjudicio accipitur.

11. De minoribus rebus principes consultant, de majoribus omnes: ita tamen, ut ea quoque, quorum penes plebem arbitrium est, apud principes pertractentur.¹ Coeunt, nisi quid fortuitum et subitum inciderit, certis diebus, cum aut inchoatur luna,² aut impletur: nam agendis rebus hoc auspicatissimum initium credunt.³ Nec dierum numerum, ut nos, sed

4 *Paterfamiliæ.* Etiam matres familias consultavisse patet ex loco Cæsaris B. G. i. 50. quem attuli sup. c. 8.

5 *Avium.* Inde in Concilio Leptinensi, nunc *Lestines*, A. J. c. 743. celebrato, in indiculo superstitionum, quæ prohibentur, agitur 'de auguriis vel avium, vel equorum, vel boum stercoribus, vel sternutatione.' Hartzheim, *Concilia Germaniæ*, Vol. i, p. 51.

6 *Proprium gentis.* Proprium quoque Persarum, qui, teste Herodoto, iii, 85 et 86. *Darium*, hinnitu equi regem declaratum salutarunt. Memorat quoque i, 189. in exercitu Cyri equos sacros et candidos. Fugatum Xerxem anteibant equi sacri et sacer currus, ἱπποὶ οἱ ἱπτοὶ, καὶ τὸ ἅγιον τὸ ἵππον, Herodot. vii, 55. Causam religionis docet Justin. i, 10. 'Nam et solem Persæ unum Deum esse credunt, et equos eidem sacros ferunt.' Rugianorum quoque sacerdos auspicia ex equo candido sumebat, ut videre est ap. Saxon. Grammat. l. c.

7 *Iisdem nemoribus.* Sacris nemoribus ac lucis.

8 *Committunt.* Inde singularia certamina, *duels*, ferociæ ac superstitionis monumenta, diu tamen tamquam Dei iudicium habita. Qua de re multa habet Cl. de Montesquieu, *Esprit des Loix*, xxviii, 17.

1 *Pertractentur.* Insignem hunc locum et in arte politica summum tractat Cl. de Montesquieu, *Esprit des Loix*, vi, 11. Tale libertatis et auctoritatis temperamentum Germanicis in sylvis fuisse repertum miratur: et Anglos inde hausisse politicam imperii sui formam docet. Illam a Tacito expressam laudatamque jam vidimus sup. An. iv, 33.

2 *Inchoatur luna.* De nova luna v. Jul. Cæs. B. G. i, 50. laudatum sup. c. 8.

3 *Credunt.* Adeo antiqua et apud omnes populos pervulgata lunaris potestatis fama, quæ ne in hac quidem literarum luce penitus ex hominum animis exolevit! Quam insanæ vires lunæ tribuerentur, v. ap. Plin. ii. 99.

noctium computant.⁴ Sic constituunt, sic condicunt:⁵ nox ducere diem videtur. Illud ex libertate vitium, quod non simul, nec ut jussi conveniunt, sed et alter, et tertius dies cunctatione coeuntium absumitur. Ut turbæ placuit,⁶ considunt armati.⁷ Silentium per sacerdotes, quibus tum et coercedi jus est, imperatur. Mox rex, vel princeps, prout ætas cuique, prout nobilitas, prout decus bellorum, prout facundia est,⁸ audiuntur, auctoritate suadendi magis, quam jubendi potestate. Si displicuit sententia, fremitu aspernantur: sin placuit, frameas, concutiunt.⁹ Honoratissimum assensus genus est, armis laudare.

12. Licet apud concilium accusare quoque, et discrimen capitis intendere. Distinctio pœnarum ex delicto: proditores¹ et transfugas arboribus suspendunt:² ignavos, et imbelles,³ et

4 *Noctium computant.* Hoc primavæ antiquitatis monumentum. Nec a diebus, sed a noctibus cœpta tempora, Genes. i, 5. Galli, ut ceteri barbari, id oblit, 'se omnes a Dite patre prognatos prædicant, idque a Druidibus proditum dicunt. Ob eam causam spatia omnis temporis non numero dierum, sed noctium finiunt, et dies natales, et mensium et annorum initia sic observant, ut noctem dies subsequatur,' Jul. Cas. B. G. vi, 18.

5 *Sic condicunt.* Cum tempus, quo quid faciendum constituunt; quo in jus veniendum condicunt; non tot dies, sed tot noctes, constituunt condicuntve. Sic in Lege Salica, Tit. xlviii, 'inter decem noctes.' Tit. i, 'in noctes xl.' et alibi passim *noctes pro dies* usurpantur.

6 *Ut turbæ placuit.* Melius, *ut turba placuit.* I. e. satis numerosa visa est. V. not. et em. ad c. 11.

7 *Considunt armati.* Medioque in campo. Horum adhuc conciliorum manent vestigia immensis lapidibus conspicua. V. Cl. Mallet, *Introduction à l'Histoire de Danemarck*, p. 102 sq. Huc quoque referendum videtur Britannicum *Stonehenge*, jam memoratum, An. xiv, 37. not. sup.

8 *Facundia est.* Magna est apud barbaros eloquentiæ vis. Inde de Canadensibus populis P. Creuxius, *Historia Canadensis*, p. 69. 'Quibus est dicendi vis a natura concessa, dominantur nimirum, præsumtque ceteris, pluribus, paucioribusve, ut cujusque major minorve est eloquentia.'

9 *Frameas concutiunt.* Hoc armorum sono Civilis orationem approbatam vidimus sup. Hist. iv, 15.

1 *Proditores.* Sic Tassilo, dux Bajoariæ, *Bavaria*, proditoris reus, a Francis, Bajoariis, Langobardis, Saxonibus, et reliquiis in concilio præsentibus, capite damnatus est. Sed Caroli Magni clementia, accisis crinibus et veste monastica indutus, in monasterium trusus est. Vide eruditum Eccardum, *De Rebus Franciæ Orientalis*, Vol. i, p. 725.

2 *Arboribus suspendunt.* Ut ibi vitam finirent. Unde si deponerentur, gravis erat pœna. V. not. et em. ad c. 12.

3 *Ignavos, et imbelles.* Vidimus sup. c. 6. inf. quoque videbimus c. 14 et 31. ignavos et imbelles vixisse, sed squalidos et probrosos, ut tales homines decet. Qui sunt ergo ignavi illi et imbelles, quorum flagitium capitale est? Existimaverim eos esse, qui, dato militiæ nomine, ad bellum non proficiscerentur. V. Jul. Cas. B. G. vi, 22. Postea edixit Imperator Clotharius in lege Langobardorum, lib. iii, Tit. xiii, Leg. 1. 'Quicumque liber homo a Comite suo fuerit admonitus, aut ministris ejus, ad patriam defendendam, et ire neglexerit, et exercitus supervenerit ad istius regni vastationem, vel ad contrarietatem fidelium nostrorum, capitali subiaceat sententiæ.' Illud crimen adhuc summum est apud Canadenses barbaros. V. P. de Charlevoix, *Journal Historique d'un voyage dans l'Amérique*, Lettre xiv, p. 217. Porro cum proditorum, transfugarum, ignavorum et imbellium odiosissima essent scelera flagitiave, inde, si immerito objicerentur, atrocitas erant convitia. Huc spectat Lex Salica, Tit. xxxiii. de Convitiis, leg. 3. 'Si quis alterum concacatum aut vulpeculam voca-

corpore infames,⁴ cœno ac palude, injecta insuper crate, mergunt. Diversitas supplicii illuc respicit, tamquam scelera ostendi oporteat, dum puniuntur, flagitia abscondi.⁵ Sed et levioribus delictis,⁶ pro modo, pœna: equorum pecorumque numero⁷ convicti multantur: pars multæ⁸ regi, vel civitati, pars ipsi qui vindicatur, vel propinquis ejus exsolvitur. Eliguntur in iisdem conciliis et principes,⁹ qui jura per pagos

verit, 120. den. qui faciunt sol. 3. [Angl. 1l. 16s.] culpabilis judicetur, leg. 4. 'Si quis alterum leporem clamaverit, 240. den. qui faciunt solid. 6. [Angl. 3l. 12s.] culpabilis judicetur.'

4 *Corpore infames.* Flagitium illud apud Germanos adeo fuit pudendum, ut vel ejus nomen viro objecisse gravissime plecteretur. In lege Salica, Tit. xxxiii. de Convitiis, leg. 1. 'Si quis alterum cinnitum vocaret, MALB. QVINTVO, 600. den. qui faciunt sol. 15. [Angl. 9l.] culpabilis judicetur.'

5 *Flagitia abscondi.* Egrege dictum. Flagitia enim vel pœna discuntur. Publica autem fama crescit horror scelerum. Turpia sunt flagitia, iniqua scelera. Inde Liv. xxxix, 16. 'Minus tamen esset, si flagitiis tantum effœminati forent (ipsorum magna ex parte dedecus erat) a facinoribus manus, mentem fraudibus abstinuissent.' In lege Burgundionum, Tit. xxxiv, leg. 1. 'Si qua mulier maritum suum, cui legitime juncta est, dimiserit, necetur in luto.'

6 *Levioribus delictis.* Ne ita levia tamen delicta credideris. Iis enim annumerantur homicidia, adulteria, furta, aliaque id genus plurima, ut constat ex Germanorum legibus ipsoque Tacito inf. c. 21. Verum ut cognoscantur quanam essent illæ delictorum pœnæ, proponenda sunt exempla, quæ v. in not. et em. ad c. 12.

7 *Pecorumque numero.* Eæ tunc solæ opes, ut dictum sup. c. 5. Postea accessit argenti auriq. copia. Inde in lege Salica pœnæ omnes pecuniariæ sunt. Mansit tamen pecorum usus, ut patet ex lege Saxonum, Tit. xviii, 'Solidus est duplex: unus habet duos tremisses, id est, bos 12 mensium, vel ovis cum agno: alter solidus tres tremisses, id est, bos 16 mensium. Majori solidio aliæ compositiones, minori homicidia componuntur.' Ibidem, apud Westfaliaios et Angrarios et Ostfaliaios 'solidus est, scetalis scœfila 30. ordeï 40. avenæ 60.—quadrimis (melius *quadrimus*) bos, duo solidi: duo boves, quibus arari potest, quinque solidi: bos bonus tres solidi: vacca cum vitulo, solidi duo et semis.' Plura adhuc, et apud Germanorum mores

intelligendos præstantissima docebunt leges Ripuariorum, quas vide in not. et em. ad cap. 12. Solidus autem Saxonicus duorum tremissium valebat circiter Angl. 7s. 6d. Solidus trium tremissium valebat circiter Angl. 11s.

8 *Pars multæ.* Multa illa passim in lege Salica appellatur *fredum*, i. e. *pax*, solvebatur regi vel civitati, quasi tutoribus firmatioribusque pacis ac securitatis publicæ. Hac de re egregie disseruit Cl. de Montesquieu, *Espirit des Loix*, xxx, 20. At idem Cl. Scriptor, l. c. c. 19. opinatur Germanos adhuc fuisse in statu naturæ tempore Taciti. Cui vix assentiar. Ubi enim reges, ubi civitates, ubi freda, seu multæ, quæ regi, vel civitati, ubi Widrigilda, id est, certæ compositiones, quæ ipsi qui vindicatur, vel propinquis ejus exsolvantur, ibi desiit status naturæ, ibi dominantur leges, ibi vigent legum imperia.

9 *Et principes.* Paucis explicanda civilis Germanorum *diaropula*. Erant divisi in *populos*. Alii regnabantur, ibi *reges*: aliis placuit civitas, quæ prima est reipublicæ forma, ibi *principes*. *Reges* regno, *principes* civitati præerant. Tum in regnis, tum in civitatibus rem militarem regebant *duces*. *Populi* autem dividebantur in *pagos*. Sic Semnones centum pagis habitabantur, ut dicitur inf. c. 39. Helvionum gens quingentis pagis incolebat, Plin. iv, 13. Singulis *pagis* unus erat princeps, aut potius comes, qui jura reddebat. *Pagi*, ut notatum est sup. c. 6. p. 13. subdividebantur in *Vicos*, seu Hundredas, quæ centenæ centuriæve dicebantur, quod centum villas continent. In unoquoque vico unus erat ex plebe comes, aut potius centenus, qui et centenarius appellatus est. Coram centeno centenariæ minores causæ dirimebantur. Coram comite causæ omnes tam majores, quam minores, cognoscebantur ac judicabantur. Inde in lege Alamannorum, lit. xxxvi, leg. 1. 'Conventus secundum antiquam consuetudinem fiat in omni centena coram comite, aut suo Misso, et coram centenario ipsum placitum fiat.' Et in Capitularibus Caroli Magni et Ludovici

vicosque reddunt. Centeni singulis ex plebe comites, consilium simul¹ et auctoritas, adsunt.

13. Nihil autem neque publicæ neque privatæ rei, nisi armati agunt.¹ Sed arma sumere non ante cuiquam moris, quam civitas suffecturum probaverit. Tum in ipso concilio, vel principum aliquis, vel pater, vel propinquus scuto frameaque juvenem ornant:² hæc apud illos toga,³ hic primus juventæ honos: ante hoc domus pars⁴ videntur, mox reipublicæ. Insignis nobilitas, aut magna patrum merita, principis dignationem⁵ etiam adolescentulis adsignant. Ceteri robustioribus⁶ ac jampridem probatis aggregantur: nec rubor inter comites⁷ aspicitur. Gradus quinetiam et ipse comitatus habet, iudicio

Imperatoris, iii, 79. 'Ut pullus homo in placito centenarii neque ad mortem, neque ad libertatem suam amittendam, vel ad res reddendas, vel mancipia iudicetur; sed ista in præsentia comitis, vel Missorum nostrorum, iudicentur.' Penes illos comites et centenarios consilium erat et auctoritas, ut patet. Centeni autem a Tacito dicti sunt *Comites* ex usu Romanorum, apud quos honorum nomina erant Cæsar, Legatus Cæsaris, et comites legati. Vide Digest. lib. i, Tit. 22. de Officio Adessorum, leg. 4. Tempora autem conventuum placitorumque ita determinat lex Alamannorum, Tit. xxxvi, leg. 2. 'Ipsium placitum fiat de sabbato in sabbatum, aut quali die comes, aut centenarius voluerit, a septem in septem noctes, quando pax parva est in provincia: quando autem melior est, post xiiii. noctes fiat conventus in omni centena, sicut superius diximus.' Sub dio, loco paulo editiore, ulmo, quercu, aliave densa arbore obumbrante, conventus celebrabantur.

1 *Armati agunt.* Ipsique iudices armati. Inde in *Lege Salica*, Tit. xlvii, leg. 1. 'In ipso Mallo,' i. e. placito, seu conventu iudiciali, 'scutum habere debent.' Morem illum retinere populi omnes Germanicæ originis. Apud eos decoris et urbanitatis est in publicum non prodire, nisi gladio accinctos. Contra vero Romani tantum in bello armati.

2 *Juvenem ornant.* Hæc Equestris nobilitatis, avorum nostrorum memoria celebratissimæ initia. Filii regum a regibus exteris arma accepisse videntur. Inde cum Audoin, Gepidorum victor, a Langobardis incitaretur, ut cum filio suo Alboin, victoris participem, pranderet, id negavit: 'scitis enim, inquit, non esse apud nos consuetu-

dinem, ut regis filius cum patre prandeat, nisi prius a rege gentis extræ arma suscipiat.' Warnefridus, de Gestis Langobard. i, 23.

3 *Toga.* Ut toga, de qua dictum Annal. xii, 41. Romanæ juventæ primus honos, sic scutum frameaque prima Germanicæ juventutis decora. Quæ assecuti videntur duodecimo aut quintodecimo ætatis anno. Interim nullis educationis deliciis fracti, ut videbimus inf. c. 20. ad bellicam virtutem adolecebant, seque civitatibus approbabant. Inde Sen. Ep. xxxvi. 'Si in Germania natus esset, protinus puer tenerum hastile libraret.' Idem Sen. de Ira, i, 11. 'Germanis quid est animosius? quid ad incursum acrius? quid armorum cupidius? quibus innascuntur innutrienturque: quorum unica illis cura est, in alia negligentibus. Quid induratus ad omnem patientiam? ut quibus magna ex parte non tegumenta corporum provisæ sunt; non suffugia adversus perpetuum cæli rigorem.' Plura v. inf. c. 24.

4 *Domus pars.* A servis non discreti. V. inf. c. 19.

5 *Principis dignationem.* Principis dignitatem. Sic ap. Liv. ii, 16. 'Appius inter Patres lectus, haud ita multo post in principum dignationem pervenit.' I. e. inter principes cives Romanos habitus est, ut recte explicat Pichena.

6 *Ceteri robustioribus.* V. not. et em. ad c. 13.

7 *Inter comites.* Tanta apud Germanos illorum comitum fuit existimatio, ut si occiderentur læderenturque, triplo major, quam pro ceteris ingenuis hominibus solvenda esset compositio, ut videbimus inf. in not. et em. ad c. 21. ubi de homicidiorum pretio dicemus.

ejus, quem sectantur: magnaue et comitum æmulatio, quibus primus apud principem suum locus; et principum, cui plurimi et acerrimi comites. Hæc dignitas, hæ vires,⁸ magno semper electorum juvenum globo circumdari, in pace decus, in bello præsidium. Nec solum in sua gente cuique, sed apud finitimas quoque civitates id nomen, ea gloria est, si numero ac virtute comitatus emineat: expetuntur enim legationibus, et muneribus ornantur, et ipsa plerumque fama bella profigant.⁹

14. Cum ventum in aciem, turpe principi virtute vinci; turpe comitatui, virtutem principis non adæquare. Jam vero infame in omnem vitam ac probrosum, superstitem principi¹ suo ex acie recessisse. Illum defendere, tueri, sua quoque fortia facta gloriæ ejus adsignare, præcipuum sacramentum est. Principes pro victoria pugnant: comites pro principe. Si civitas, in qua orti sunt, longa pace et otio torpeat; plerique nobilium adolescentium petunt ultro eas nationes, quæ tum bellum aliquod gerunt; quia et ingrata genti quies, et facilius inter ancipitia clarescunt, magnumque comitatum non nisi vi belloque tueare: exigunt enim² principis sui liberalitate illum bellatorem equum, illam cruentam victricemque frameam.³ Nam epulæ, et quamquam incomiti, largi tamen apparatus pro stipendio cedunt. Materia munificentiae per bella, et raptus. Nec arare terram, aut expectare annum,⁴ tam facile persuaseris, quam vocare hostes⁵ et vulnera mereri: pigrum quinimmo et iners videtur sudore acquirere, quod possis sanguine parare.

15. Quotiens bella non ineunt, non multum venatibus,¹ plus

⁸ *Hæc dignitas, hæ vires.* Hunc locum caputque sequens ferue integrum miravit et elegantia vertit Cl. de Montesquieu, *Esprit des Loix*, xxx, 3. Illustri exemplo Gallicam linguam latinæ Cornelianæque brevitati non esse imparem. V. not. et em. ad c. 13.

⁹ *Profigant.* Pæne conficiunt. De verbo *profigare* dictum sup. Hist. ii, 4. Diu apud nos viguit hæc comitum dignitas, hæc fama. Resurgat in ephæbeo militari, *military college*.

¹ *Superstitem principi.* Inde cum Chododomarus, Alamannorum rex, a Romanis fuisset captus, 'comites ejus ducenti numero, et tres amici junctissimi, flagitium arbitrati post regem vivere, vel pro rege non mori, si ita tulerit casus, tradidere se

vinciendos.' Ammian. Marcell. xvi, 13.

² *Exigunt enim.* Inde originem juris clientelaris non immerito repetit Cl. de Montesquieu, *Esprit des Loix*, xxx, 3. Tunc quidem bellator princeps, bellatrici nobilitati equum, frameam, cibos dabat. Deinde, orta cupiditate, data pecunia, demum prædia, quæ primum beneficia tantum fuere, postea hereditaria: tunc dicta *Fiefs*.

³ *Frameam.* De qua sup. c. 6.

⁴ *Expectare annum.* Ut colligantur fruges.

⁵ *Vocare hostes.* I. e. provocare. Sic Virg. Ge. iv, 76. 'Magnisque vocant clamoribus hostem.' Nempe provocant, ut explicat Serv.

¹ *Non multum venatibus.* Lips. Ernest.

per otium transigunt, dediti somno, ciboque. Fortissimus quisque ac bellicosissimus nihil agens, delegata domus, et penatium, et agrorum cura foeminis senibusque, et infirmissimo cuique ex familia, ipsi hebent:² mira diversitate³ naturæ, cum iidem homines sic ament inertiam, et oderint quietem. Mos est civitatibus, ultro ac viritim⁴ conferre principibus, vel armentorum,⁵ vel frugum,⁶ quod pro honore acceptum, etiam necessitatibus⁷ subvenit. Gaudent præcipue finitimarum gentium donis, quæ non modo a singulis, sed publice mittuntur: electi equi, magna arma, phaleræ, torquesque.⁸ Jam et pecuniam accipere docuimus.⁹

16. Nullas Germanorum populis urbes habitari,¹ satis no-

Menage, alique multi eruditi viri, deletam volunt particulam *non*. Certe recte omitteretur. Idem tamen sensus, seu retinetur, seu omittitur. Plus enim temporis per otium transigunt, quam venatibus. Paucis mensibus venantur: reliquum anni somno ciboque datum. Hæc adhuc Canadensium populorum vita. Oratorie magis, quam vere, Jul. Cæs. B. G. vi, 21. Germanorum 'vita omnis in venationibus et in studiis rei militaris consistit.'

2 *Ipsi hebent*. Egrege dictum. Nec in Canadensium sylvis aliter vivitur. Id graphice expressit P. Creuxius, Historia Canadensis, p. 65. 'Si iter venationemque exceperis, humi sedent, aut in latius alterum incumbunt; stare ipsis pro carnificina: crura illico intumescere causantur.' Causam hujus inertiae jam supra attulerat idem scriptor, p. 57. 'Extra venationem bellaque, quidquid laborum ærumnarumque vitam quotidianam exercitam habet, totum fere id in miseris foeminas viri rejiciunt, tamquam contra decorum sit quidquam a se hujuscemodi ministeriorum attingi.'

3 *Mira diversitate*. Immo naturæ omnino consona. Apud barbaros extrema sunt omnia: pax, bellum; motus, inertia; amor, odium. Nihil moderati. Causa est, quod impetu magis, quam ratione, regantur.

4 *Ultro ac viritim*. Hæc tributorum primordia. At tunc collationes fiebant sponte ultroque ac sine ulla necessitate. Fiscorum initia vidimus sup. c. 12. cum 'pars multæ regi, vel civitati,' exsolveretur. Vectigalium usus, docuere Romani, qui ea a Germanis exigebant. V. sup. Hist. iv, 65.

5 *Vel armentorum*. Sic postea, cum vigerent tributa, jussi sunt Saxones regibus

nostris Clothario 1. et Pipino annuum tributum quingentos boves vaccasque solvere. V. eruditum Eccardum, de Rebus Franciæ Orientalis, Vol. i, p. 84 et 480.

6 *Vel frugum*. Atque etiam multo post tributa melle, frugibus, et alio quolibet terræ proventu soluta sunt. V. erudit. Eccard. ibid. p. 392.

7 *Necessitatibus*. Ad sumtus belli, aliasque necessitates, atque in primis ad publicorum conviviorum impensas. Inde præter *Steora*, seu tributa annua, *Osterstrophæ*, seu Paschalia pocula, cum publicus conventus esset proximus, regibus nostris persolvebantur. Eccardus, ibid. Diu viguit illa usus. Apud majores nostros, cum eorum filii ad equestrem nobilitatem evehebantur, subditi populi munera offerebant. Novis nostris regibus munera adhuc offerimus, quæ pro sua humanitate et liberalitate remisit beneficentissimus rex Ludovicus xvi. V. in Append. Chronol. not. inf.

8 *Phaleræ, torquesque*. Hæc militaria dona, virtutisque bellicæ insignia. Erant et phaleræ, quibus ornabantur equi. V. Sidon. Apol. Epist. iv, 20.

9 *Docuimus*. Pessimio quidem instituto, et quod in Romani imperii ruinam cessit. Germani enim, teste Herodiano, lib. vi, p. 139. pecuniæ sunt avidi, et semper auro pacem Romanis cauponabantur: *Τούτων γὰρ μάλα σφοδρὰ Γερμανοὶ πειθόμενοι, φιλάργυροί τε ὄντες καὶ τὴν εἰρήνην ἀπὸ τοῦ Ρωμαίου Χριστοῦ καταλείδοντες.*

1 *Urbes habitari*. Diuque mansit hic usus. Nam ne unius quidem urbis memoria apud Ammianum Marcellinum, qui bella Romanorum in Germania descripsit. Itaque non urbium, sed vicorum sunt nomina, quæ habet Ptolem. ii, 11. Germanis

tum est: ne pati quidem inter se junctas sedes. Colunt discreti ac diversi, ut fons, ut campus, ut nemus placuit. Vicos locant, non in nostrum morem, connexis et cohærentibus ædificiis: suam quisque domum spatio circumdat,² sive adversus casus ignis³ remedium, sive inscitia ædificandi. Ne cæmentorum quidem apud illos, aut tegularum usus: materia⁴ ad omnia utuntur informi, et citra speciem, aut delectationem. Quædam loca diligentius illinunt terra,⁵ ita pura ac splendente, ut picturam ac lineamenta colorum imitetur. Solent et subterraneos specus⁶ aperire, eosque multo insuper fimo onerant, suffugium hiemi et receptaculum frugibus: quia rigorem frigorum ejusmodi locis molliunt: et si quando hostis advenit, aperta populatur: abdita autem et defossa, aut ignorantur, aut eo ipso fallunt, quod quærenda sunt.

17. Tegumen omnibus sagum,¹ fibula, aut, si desit, spina consertum.² Cetera intecti,³ totos dies juxta focum atque ignem⁴ agunt. Locupletissimi veste distinguuntur, non flui-

ne fuere quidem oppida, licet aliter scripserit Julius Cæsar. V. Cluver. Germ. Antiq. i, 13. p. 104.

2 *Spatio circumdat.* Illud spatium, domui circumjectum, et sepibus cinctum, fuit celebratissima illa terra Salica, quæ erat virilis, non muliebris, sexus hereditas. Sed hac de re plura in not. et em. ad c. 20. ubi de successionis legibus ap. Germanos agetur. V. et Cl. de Montesquieu, *Esprit des Loix*, xviii, 22.

3 *Adversus casus ignis.* Et pace quidem, magisque adhuc bello, metuendos. 'Ferventes enim' fusili ex argilla glandes fundis, et fervefacta jacula in casas, quæ stramentis erant tectæ, jacere noverant, ut accipimus ex Jul. Cæs. B. G. v, 42. Canadenses populi, Germanis incautiores, casas parum separant; ideoque incendiis sæpe obnoxii.

4 *Materia.* Lignis informibus utebantur.

5 *Illinunt terra.* Terram illam sane e suis montibus effodiebant. Forte etiam e Britannia advectam usurpabant. Anno 1647. in insula *Walcheren*, in Zelandia, reperta sunt plurima monumenta Dææ Nehalennia posita. Inter votivas Inscriptiones una extat: OB MERCES RITE CONSERVATAS M. SECUND. SILVANVS NEGOTTOR (i. e. negotiator) CRETARIVS BRITANNICIANVS V. S. L. M. I. e. votum solvit lubens merito.

6 *Subterraneos specus.* Sic quoque de Sarmatis Mela ii, 1. 'Ob sæva hiemis admo-

dum assiduæ, demersis in humum sedibus, specus aut suffossa habitant.' Kircherus, ætate sua, cum Germania per quadraginta fere annos bellis conflagravit, vidit Germanos quamplurimos, qui se cum pecoribus, armentis, ceterisque facultatibus in altissimorum montium antra recipere. De his aliisque subterraneis specubus multa et curiosa habet Kircherus, *Mundus Subterraneus*, viii, 3. p. 100.

1 *Sagum.* Pallium quoddam quadrum fuit sagum, dictus quoque 'rhenus.' Jul. Cæs. B. G. vi, 21. 'Pellibus, aut parvis rhenonum tegumentis utuntur; magna corporis parte nuda.' Et Isidor. xix, 23. 'Rhenones, sunt velamina humerorum et pectoris usque ad umbilicum, atque intortis villis adeo hispida, ut imbres respuant.' Mela iii, 3. 'Viri sagis velantur, aut libris arborum, quamvis sæva hieme.' Hæc forte pauperum tegumenta. Si de Germanorum vestibus plura volueris, adi eruditum Peloutier, *Histoire des Celtes*, ii, 6.

2 *Spina consertum.* Sic Virg. *Æn.* iii, 593. 'Consertum tegmen spinis.'

3 *Cetera intecti.* Viri mulieresque ita intecti. V. Jul. Cæs. B. G. vi, 21.

4 *Juxta—ignem.* Et sane inter fumi vortices. Sic vivunt Canadenses populi. Ingentes ignes in stramineis eorum casis ardent. Superne quidem imminet magnum foramen, quod noctu adversus imbrium nivisque casus claudunt. Tanta vero fumj

tante, sicut Sarmatæ ac Parthi,⁵ sed stricta⁶ et singulos artus exprimente. Gerunt et ferarum pelles, proximi ripæ negligenter,⁷ ultiores exquisitius, ut quibus nullus per commercia cultus. Eligunt feras,⁸ et detracta velamina spargunt maculis⁹ pellibusque belluarum, quas exterior Oceanus, atque ignotum mare¹⁰ gignit. Nec alius fœminis quam viris habitus, nisi quod fœminæ sæpius lineis amictibus¹¹ velantur, eosque purpura¹² variant, partemque vestitus superioris in manicas non extendunt, nudæ brachia ac lacertos:¹³ sed et proxima pars pectoris patet.

18. Quamquam severa illic matrimonia:¹ nec ullam morum partem magis laudaveris:² nam prope soli barbarorum³ singu-

nubes, ut, ni longa esset adsuetudo, et in terra ubi levior est aer, recubarent, penitus suffocarentur.

5 *Parthi*. Fluitantem hanc Sarmatarum ac Parthorum vestem nummi plurimi exprimunt. Sarmatarum laxitatem imitati sunt Cisirhenani Vangiones ac Batavi. Lucan. i, 430. 'Et qui te laxis imitantur, Sarmata, braccis Vangiones, Batavique truces.'

6 *Stricta*. Quam exprimit Apollin. Sidon. Carm. v, 244. 'Strictius assutæ vestes proceræ coercent Membra virum: patet his altato tegmine poples.' Idem Sidon. Epist. iv, 20. comites Sigismeris describit: 'Quorum pedes, perone setoso, talos adusque vinciebantur. Genua, crura, suraque sine tegmine. Præter hoc vestis alta, stricta, versicolor, vix appropinquans exertis poplilibus. Manicæ sola brachiorum principia velantes. Viridantia saga limbis marginata puniceis, penduli ex humero gladii, balteis super currentibus, strinxerant clausa bullatis latera rhenonibus.'

7 *Negligenter*. Rheni ac Danubii ripæ proximi negligenter, ac sine delectu, ferarum pelles gestabant, quod commerciorum facilitate aliæ vestes, alii cultus placerent. Ulteriores vero, Oceani ac Baltici maris accolæ, quibus nullus per commercia cultus, exquisitius pellibus utebantur.

8 *Eligunt feras*. Quibus molliora, nitidioraque velamina.

9 *Spargunt maculis*. Varietate colorum lætantur omnes barbari. Inde Germani pelles suas maculis spargebant, et e diversarum belluarum pellibus diversas lacinias adsuebant, ut major esset varietas. Nos quoque, licet elegantius, nivea murium Ponticorum vellera, *Ermines*, nigris agno-

rum maculis spargimus.

10 *Exterior—mare*. Oceanus Septentrionalis ac mare pigrum, the Frozen Ocean, de quo dicitur inf. c. 45. Sic adhuc Septentrionales populi, *people of Greenland*, barbaræ veterum Germanorum reliquiæ, trichecorum, spinacum, *lamentines*, *sea-dogs*, pellibus vestiuntur.

11 *Lineis amictibus*. Idem testatur Plin. xix, 1. 'vela texunt—et Transhenani hostes: nec pulchriorem aliam vestem eorum fœminæ novere.'

12 *Purpura*. Haud sane exquisita illa purpura, qua fulgebant proceres Romani; sed alia vulgari, de qua Plin. xvi, 18. 'Item vaccinia—Galliæ etiam purpuræ tingendæ causa ad servitorum vestes.'

13 *Ac lacertos*. Lacerti, pars brachiorum humeris proxima.

1 *Matrimonia*. Et inde severæ illæ leges, quæ extant in lege Salica, quarum præcipuas v. in not. et em. ad c. 18.

2 *Magis laudaveris*. Quanto pars illa morum apud Romanos fuit laudabilior, tanto apud Romanos, teste Juvenali, Sat. vi, pejor, et in dies corruptior. Unde Salvianus, de Gubernatione Dei, Lib. vii, 'Esse inter Gothos non licet scortatorem Gothum: soli inter eos, præiudicio nationis ac nominis, permittuntur impuri esse Romani—Impudicitiam nos diligimus, Gothi execrantur: puritatem nos fugimus, illi amant: fornicatio apud illos crimen atque discrimen est, apud nos decus—Omne impuritatis scelus, omnis impudiciæ turpitudine a Romanis admittitur, et a barbaris vindicatur.' Ibidem Vandalorum pudicitiam laudat.

3 *Prope soli barbarorum*. Inter Canadenses populos eadem temperantia apud

lis uxoribus contenti sunt, exceptis admodum paucis, qui non libidine, sed ob nobilitatem⁴ plurimis nuptiis ambiuntur. Dotem non uxor marito,⁵ sed uxori maritus offert. Intersunt parentes et propinqui, ac munera probant: munera non ad delicias muliebres quæsitæ, nec quibus nova nupta comatur; sed boves, et frænatum equum, et scutum cum framea gladioque. In hæc munera⁶ uxor accipitur, atque invicem ipsa armorum aliquid viro affert. Hoc maximum vinculum, hæc arcana sacra, hos conjugales Deos⁷ arbitrantur. Ne se mulier extra virtutum cogitationes, extraque bellorum casus putet, ipsis incipientis matrimonii auspiciis admonetur, venire se laborum periculorumque sociam, idem in pace, idem in prælio passuram ausuramque: hoc juncti boves, hoc paratus equus, hoc data arma denuntiant. Sic vivendum, sic pereundum: accipere se, quæ liberis inviolata⁸ ac digna reddat, quæ nurus accipiant, rursusque ad nepotes referant.

19. Ergo septa pudicitia¹ agunt, nullis spectaculorum inlecebris,² nullis conviviorum inritationibus corruptæ. Literarum secreta³ viri pariter ac fœminæ ignorant. Paucissima in tam numerosa gente adulteria, quorum pœna præsens, et maritis permissa.⁴ Accisis crinibus,⁵ nudatam, coram propin-

Hurones reperta. P. de Charlevoix, *Journal Historique d'un Voyage dans l'Amérique, Lettre xix*, p. 283.

⁴ Ob nobilitatem. Sic Ariovisto duæ fuere uxores, Jul. Cæs. Bell. Gall. i, 53. Alii plures. Tantoque diutius duravit hæc licentia, quod in ea erat et opulentiae argumentum, et nobilitatis insigne. V. Cl. de Montesquieu, *Esprit des Loix*, xviii, 25.

⁵ Non uxor marito. Cum de hac dote nuptisque, in quibus haud minor Martis pompa, quam Veneris fuit, plura sint dicenda, v. not. et em. ad c. 18.

⁶ Munera. Alia sunt Canadensium munera et viliora; sed quibus uxores quoque laborum admoneantur. P. de Charlevoix, ibid. p. 286.

⁷ Conjugales Deos. Hæc arcana sacra in Neronis nuptiis vidimus sup. An. xv, 37.

⁸ Liberis inviolata. Bene quidem; et sic in lege Saxonum, Tit. vii. de Dote. Ostfalai et Angrarii volunt, si fœmina filiis genuerit, habeat dotem, quam in nuptiis accepit, quamdiu vivit, filiisque dimittat.

¹ Septa pudicitia. Sic ferme Liv. iii, 44. 'Postquam omnia pudore septa animadverterat.'

² Spectaculorum inlecebris. Sen. Epist. vii. 'Nihil vero est tam damnosum bonis moribus, quam in aliquo spectaculo desiderere. Tunc enim per voluptatem facilius vitia surrepunt. Quid me existimas dicere? avarior redeo, ambitiosior, luxuriosior.'

³ Literarum secreta. Literas quidem noverant, ut patet ex Maroboduï et Adgandestrii epistolis, An. ii, 63 et 88. At amatoria et furtiva literarum secreta viri pariter ac fœminæ ignorabant. Præterea rarissimus fuit literarum usus apud rudem bellicosamque gentem. Ea rusticitas diu obtinuit. Inde, ut annalibus nostris compertum, non modo plebs, sed et nobiles viri, et militari gloria præstantissimi, ut illustrissimus du Guesclin, alicque plurimi, nec scribere, ne legere quidem noverant.

⁴ Maritis permissa. Atque ita quidem lex Wisigothorum, Lib. iii, Tit. iv, de Adulteris, leg. 3. 'Si cujuslibet uxor adulterium fecerit, et deprehensa non fuerit, ante judicem competentibus et indicibus ma-

quis, expellit domo maritus, ac per omnem vicum verberare agit:⁶ publicatæ enim⁷ pudicitiae nulla venia: non forma, non ætate, non opibus maritum invenerit. Nemo enim illic vitia ridet: nec corrumpere et corrumpi, seculum vocatur.⁸ Melius quidem adhuc eæ civitates,⁹ in quibus tantum virgines nubunt,¹⁰ et cum spe votoque uxoris semel transigitur. Sic unum accipiant maritum, quo modo unum corpus, unamque vitam, ne ulla cogitatio ultra, ne longior cupiditas, ne tamquam maritum, sed tamquam matrimonium¹¹ ament. Numerum libe-

ritus accuset. Quod si mulieris adulterium manifeste patuerit, adulter et adultera secundum superioris legis ordinem ipsi tradantur: ut quod de eis facere voluerit, in ejus proprio consistat arbitrio. leg. 4. Si adulterum cum adultera maritus vel sponsus occideret, pro homicida non teneatur. Lex autem Burgundionum, Tit. lxviii, leg. 1. 'Si adulterantes inventi fuerint, et vir ille occidatur et femina:' leg. 2. 'Nam hoc observandum est, ut aut utrumque occidat: aut si unum occiderit, pretium ipsius solvat, sub ea traditione pretii, quæ est prioribus legibus constituta.'

5 *Accisi crinibus.* Ap. Germanos multum decus in crinibus. Ideo accisi crines ob scelus, pœna; sine crimine, injuria fuit. V. Legem Salicam, Tit. xxviii, de Homicidiis parvulorum, leg. 2 et 3. et legem Burgundionum, in additamento primo, Tit. v. 'De his, qui mulieribus corruptis crines in curte sua capulaverint.' l. e. amputaverint.

6 *Verberare agit.* Ap. Saxones ipsæ feminae erant violatæ pudicitiae vindices, teste S. Bonifacio, Archiepiscopo Moguntino, in Epistola ad Ethelbaldum, Anglorum regem. 'In antiqua Saxonia, [nunc *Westphalia*,] si virgo paternam domum cum adulterio commaculaverit, vel si mulier maritata, fracto fœdere matrimonii, adulterium perpetraverit, aliquando cogunt eam propria manu per laqueum suspensam vitam finire, et super bustum illius incensæ et concrematae corruptorem ejus suspendunt: aliquando congregato exercitu femineo, flagellatam eam mulieres per pagos circumquaque ducunt; virgis cædentes et vestimenta ei abscondentes juxta cingulum et cultellis suis totum corpus ejus secantes et pungentes, minutis vulneribus cruentatam et laceratam de villa in villam mittant, et occurrunt semper novæ flagellatrices, zelo pudicitiae adductæ, usque dum eam aut mortuam, aut vix vivam derelinquant; ut ceteræ timorem adulterandi et luxurian-

di habeant.' V. Michaellem Alfordum, *Annales Ecclesiæ Anglo-Saxonice*, Vol. ii, p. 569. et Eccard. de Rebus Franciæ Orientalis, Vol. i, p. 472.

7 *Publicatæ enim.* Verius, *publicatæ etiam*; ut id ad innoptas pertineat.

8 *Seculum vocatur.* Primum vitii pudor est et infamia; mox gliscunt audacia: demum mores fiunt; tum, profligata pudicitia, vivere, seculum vocatur.

9 *Eæ civitates.* Tales videntur fuisse Cimbrorum civitates, ut conjicere licet ex Val. Max. vi, l. n. 3. Extern. 'Teutonum conjuges Mariam victorem orarunt, ut ab eo virginibus Vestalibus dono mitterentur, affirmantes æque se, atque illas virilis concubitus expertes futuras, eaque re non impetrata, laqueis sibi, nocte proxima, spiritum eripuerunt.' V. jam dicta sup. c. 8. not. sup.

10 *Virgines nubunt.* Contra vero apud Romanos in immensam licentiam trahebantur leges. Quod de Thelesina adultera queritur Martial. vi, 7. 'Julia lex populis ex quo, Faustine, renata est, Atque intrare domos jussa pudicitia est: Aut minus, aut certe non plus tricesima lux est, Et nubit decimo jam Thelesina viro. Quæ nubit toties, non nubit; adultera lege est. Offendit mæcha simpliciore minus.' De eodem argumento multa passim occurrunt, maxime apud Martial. et Juvenal.

11 *Tamquam matrimonium.* Sic, vel extincto marito, superstes manebat matrimonii fides, pro qua apud nonnullas gentes erat moriendum. Unde S. Bonifacius in Epist. cit. 'Winedi, quod fœdissimum et deterrimum genus hominum, tam magno zelo matrimonium mutuo amore observant, ut mulier viro proprio mortuo, vivere recuset: et laudabilis mulier inter illos esse judicatur, quæ propria manu sibi mortem attulit, ut in una strue pariter ardeat cum viro suo.' De Herulis idem habet Procop. Bell. Gothic. Lib. ii. Canadenses populi aliter suam in matrimonium observantiam

rorum finire,¹² aut quemquam ex agnatis¹³ necare, flagitium habetur: plusque ibi boni mores valent,¹⁴ quam alibi bonæ leges.

20. In omni domo nudi ac sordidi,¹ in hos artus, in hæc corpora, quæ miramur, excrescunt. Sua quemque mater uberibus alit,² nec ancillis ac nutricibus³ delegantur. Dominum ac servum nullis educationis deliciis dignoscas. Inter eadem pecora,⁴ in eadem humo degunt, donec ætas⁵ separet inge-

testantur. Primo enim nuptiarum anno caste vivunt, et si qua mulier hoc temporis spatio gravis videtur, ab omnibus irridetur. V. P. de Charlevoix, l. c. *Lettre* xix, p. 286. Sic matrimonium ipsi barbari coluere, ut omnem libidinis suspicionem amotam vellent.

12 *Finire*. At nihil Romæ frequentius, maxime apud divites feminas, quæ partus discrimina horrebant. Unde Juvenal. vi, 593. 'Sed jacet aurato vix ulla puerpera lecto. Tantum artes hujus, tantum medicamina possunt, Quæ steriles facit, atque homines in ventre necandos Conducit.'

13 *Quemquam ex agnatis*. 'Adgnati' dicuntur, qui 'sunt per patrem cognati ex eadem familia.' Digest. Lib. xxvi, Tit. 4. leg. 7. et Lib. xxxviii, Tit. 10. leg. 10. n. 2. Præterea ap. Romanos, 'adoptio non jus sanguinis, sed jus adgnationis adfert.' Digest. Lib. i, Tit. 7. de Adoptionibus, leg. 23. Porro cum apud Germanos vigeret adoptio, flagitium sane apud eos fuit non modo ex liberis, cognatis, sed et ex adoptatis quemquam necare.

14 *Boni mores valent*. Haud aliter de Scythia Justin. ii, 2. 'Justitia, gentis ingenii culta, non legibus.' Ap. Germanos plus boni mores valebant, quam apud Romanos bonæ leges, de quibus dictum sup. An. iii, 25 et 26. Quam audacter autem eæ leges spernerentur sæpissime queruntur Patres, ac maxime Min. Felix in Octavio c. 30. 'Vos enim video procreatos filios nunc feris et avibus exponere, nunc adstrangulatos misero mortis genere elidere: sunt quæ in ipsis visceribus, medicaminibus epotis, originem futuri hominis extinguant, et parricidium faciant antequam pariant.' Adeo malum illud Romæ inoleverat, ut ipse Plinius, xxix, 4. §. 37. atrocium excuset, 'quoniam aliquarum fecunditas plena liberis tali venia indiget.' Melius Wisigothi, in hanc corruptelam forte contactu Romanorum tracti, id scelus severissimis pœnis coercuere. Sic enim lex Wisigothorum, Lib. vi, Tit. 3. leg. 1. 'Si quis mulieri prægnanti potionem ad avortum aut pro necando infante dederit, occi-

datur: et mulier, quæ potionem ad avortum facere quæsit, si ancilla est, 200. flagella suscipiat; si ingenua, careat dignitate personæ, et cui jusserimus servitura tradatur.' V. et ibid. legem 7.

1 *Nudi ac sordidi*. Ita quoque Mela iii, 3. 'Maximo frigore nudi agunt antequam puberes, et longissima apud eos pueritia.' V. et Senecam laudatum sup. c. 13. not. sup. Apud Germanos autem, ut et apud Canadenses existimaverim pueros, a lacte depulsos, sibi penitus fuisse permisos, ut, quales eos natura finxerat, adolescerent. De Canadensibus v. P. de Charlevoix, l. c. *Lettre* xix, p. 288.

2 *Uberibus alit*. Hodieque ap. Canadenses populos sua quemque mater per tres annos alit. Inde hi artus, validaque corpora. P. Charlevoix, l. c. *Lettre* xix, p. 288.

3 *Ancillis ac nutricibus*. Romana institutio virtusque perit, ubi primum nati infantes Græculis ancillis nutricibusque delegati. V. inf. Dial. de Orat. xxix.

4 *Inter eadem pecora*. Hic mos barbaris. V. sup. An. iv, 49.

5 *Donec ætas*. Illa ætas primum videtur fuisse annus duodecimus. Tunc enim puer legibus obnoxius, ut patet ex Lege Salica, Tit. xxviii, de Homicidiis parvulorum, Leg.

6. 'Si quis puer infra duodecim annorum aliquam culpam commiserit, fredus ei non requiratur.' De freda dictum sup. Germ. 12. not. sup. Deinde illa ætas fuit annus quintusdecimus. Sic enim in Lege Ripuariorum, Tit. lxxxi. 'Ut parvulus non respondeat ante quindecim annos.' Leg. unic. 'Si quis homo Ripuarius defunctus fuerit, vel interfectus, et filium reliquerit, usque ad quintusdecimum annum plenum nec causam prosequatur, nec in judicio interpellatus responsum reddat. Quindecimo autem anno aut ipse respondeat aut defensorem eligat. Similiter et filia.' Nec aliter lex Burgundionum, Tit. lxxvii, de Minorum contractibus, Leg. 1. 'Minorum ætati ita credidimus consulendum, ut ante xv. ætatis annos eis nec libertare, (i. e. libertate donare) nec vendere, nec donare liceat.'

nuos, virtus agnoscat.⁶ Sera juvenum Venus;⁷ eoque inexhausta pubertas: nec virgines festinantur; eadem juvena, similis proceritas: pares validæque⁸ miscentur: ac robora parentum liberi referunt. Sororum filiis⁹ idem apud avunculum, qui apud patrem honor. Quidam sanctiorem arctioremque hunc nexum sanguinis arbitrantur, et in accipiendis obsidibus magis exigunt; tamquam ii, et animum firmius, et domum latius teneant. Heredes tamen successoresque sui cuique liberi:¹⁰ et nullum testamentum. Si liberi non sunt, proximus gradus in possessione fratres, patrui, avunculi. Quanto plus propinquorum, quo major adfinium numerus, tanto gratiosior senectus: nec ulla orbitatis pretia.¹¹

21. Suscipere tam inimicitias, seu patris, seu propinqui, quam amicitias necesse est: nec implacabiles² durant. Lui-

Hæc ergo fuit majorum ætas. Postea senior fuit, cum graviora fuere arma. V. Cl. de Montesquieu, *Esprit des Loix*, xviii, 26.

6 *Virtus agnoscat.* Egregie dictum. Nec aliter majorum annos militari virtute definivit Theodoricus, rex, ap. Cassiodor. Variarum, Ep. i, 38. 'Juvenes nostri, qui ad exercitum probantur idonei, indignum est ut ad vitam suam disponendam dicantur infirmi: et putentur domum suam non regere, qui creduntur bella posse tractare. Gothi ætatem legitimam virtus facit. Et qui valet hostem confodere, ab omni se jam debet vitio vindicare.'

7 *Sera juvenum Venus.* Hæc illustrat Jul. Cæs. B. G. vi, 21. 'Qui diutissime impuberes permanserant, maximam inter suos ferunt laudem, hoc alii staturam, alii vires, nervosque confirmari putant. Intra annum vero vigesimum fœminæ notitiam habuisse in turpissimis habent rebus.'

8 *Pares validæque.* Pares ætate, conditione, viribusque miscentur. Ubi enim inæqualis erat conditio, multabantur. Lex Alamannorum, Tit. lvi, Leg. unic. 'Si autem duæ sorores absque fratre relicte post mortem patris fuerint, et ad ipsas hereditas paterna pertingat, et una nupserit sibi cœquali libero, alia autem nupserit aut colono regis, aut colono Ecclesiæ: illa quæ illi libero nupsit sibi cœquali, teneat terram patris earum. Res enim alias æqualiter dividant. Illa enim quæ illi colono nupsit, non intret in portionem terræ, quia sibi cœquali non nupsit.' Aliter imminabat pœna. In Lege Salica, Tit. xxix, Leg. 5. 'Si quis Francus alienam ancillam sibi publice junxerit, ipse cum ea in servitute permaneat.' In Lege Longobardorum,

Libr. ii, Tit. 9. Leg. 2. 'Si servus liberam mulierem aut puellam ausus fuerit sibi conjugio sociare, animæ suæ incurrat periculum: et illam, quæ servo fuerit consentiens, habeant parentes potestatem occidendi, aut foris provinciam transvendi, et de rebus ipsius mulieris, faciendi quod voluerint. Et si parentes ejus infra anni spatium hoc facere distulerint, tunc liceat gastaldio [i. e. comiti] regis, aut actori, aut sculdasio [i. e. judici], ipsam in curtem [i. e. in cortem] regis ducere, et intra pensiles ancillas constituere.' V. et Legem Frisionum, Tit. 6.

9 *Sororum filiis.* Inde in nostra historia, Merovingiis regibus tanta in suas sorores earumque liberos studia, tanta pro iis suscepta bella. Quod jam observatum a Cl. de Montesquieu, *Esprit des Loix*, xviii, 22.

10 *Sui cuique liberi.* Vere quidem. At apud bellicosam gentem terra salica ad lanceam, seu ad filios, non vero ad fusum, seu ad filias, pertinebat. De his ergo successionis legibus fusius erit dicendum in not. et em. ad c. 20.

11 *Orbitatis pretia.* Quæ erant Romæ maxima. V. sup. An. iii, 25.

1 *Suscipere inimicitias.* Sic apud veteres populos consultum ne impunitate gliscerent injuriæ. Inde illi ultores sanguinis, quos videre est etiam ap. Moysen, num. xxxv, 19 sq. Legibus quoque Romanis statutum, Cod. Libr. vi, Tit. xxiv. 'de his, quibus, ut indignis, hereditates auferuntur.' leg. 1. 'Heredes, quos necem testatoris inultam omisisse constiterit, fructus integros cogantur reddere.'

2 *Nec implacabiles.* Apud bellatricem gentem et in cædes ultro ruentem, sapien-

tur enim etiam homicidium certo armentorum ac pecorum numero,³ recipitque satisfactionem universa domus: utiliter in publicum; quia periculosiores sunt inimicitiae juxta libertatem. Convictibus et hospitibus⁴ non alia gens effusius indulget.⁵ Quemcumque mortalium arcere tecto, nefas habetur:⁶ pro fortuna quisque apparatus epulis excipit. Cum defecere,⁷ qui modo hospes fuerat, monstrator hospitii et comes, proximam domum non invitati adeunt: nec interest: pari humanitate accipiuntur. Notum ignotumque, quantum ad jus hospitii, nemo discernit. Abeunti, si quid poposcerit, concedere moris: et poscendi invicem eadem facilitas. Gaudent muneribus: sed nec data imputant,⁸ nec acceptis obligantur.

22. Victus inter hospites comis. Statim e somno, quem plerumque in diem extrahunt, lavantur, sæpius calida,¹ ut apud quos plurimum hyems occupat. Lauti, cibum capiunt: separatæ singulis sedes, et sua cuique mensa.² Tum ad ne-

tissime provisum, ut ira placabilis foret, et ipsa homicidia, non morte, sed pretio, luerentur, totaque interfecti domus reciperet satisfactionem. Sic enim nemo infensus, nemo ad ultionem intentus manet. At ne paupertate cresceret interfecto audacia, optime adhuc consultum primo, ut homicida quantum haberet solveret; deinde, ut de reliquo satisfacere teneretur tota interfectoris domus. Qua certe re vix quidquam utilius in publica commoda excogitari potuit, cum, quanto major est libertas, tanto periculosiores sint inimicitiae. Quibus autem caerimoniis satisfaciendi necessitas in interfectoris domum transiret vide in not. et em. ad c. 21. Simul de satisfactione apud Canadenses populos dicitur. Qua in re ipsos Germanos vincere.

3 *Pecorum numero.* Idem vidimus et illustravimus sup. c. 12.

4 *Hospitiis.* Optimum institutum, ut a nostris moribus nunc alienum, sic hodieque Canadensibus barbaris familiare. De hujus discriminis causa v. not. et em. ad c. 21.

5 *Effusius indulget.* Aurei primævique hominum mores, quorum memoria apud barbaros ac maxime Canadenses adhuc viget. Hac de re plura habet *P. Lafitau, Mœurs des Sauvages Américains*, vol. ii, p. 88 sq.

6 *Nefas habetur.* Sic quoque Jul. Cæs. B. G. vi, 23. 'Hospites violare, fas non

putant, qui quaque de causa ad eos venerunt, ab injuria prohibent, sanctosque habent: iis omnium domus patent, victusque communicatur.' Mela, iii, 3. 'Jus in viribus habent, adeo ut ne latrocinii quidem pudeat, tantum hospitibus boni, mitesque supplicibus.' In lege Burgundionum, Tit. xxxviii, leg. 1. 'Quicumque hospiti venienti tectum aut focum negaverit, trium solidorum, [Angl. 1l. 16s.] inlacione mulctetur.' At hospitium virtuti, non sceleri, datum. Recte enim lex Salica, Tit. xvii, de Expoliationibus, leg. 2. 'Si quis hominem mortuum exfodierit et expoliaverit, MALB. THURNICHALT. IIII M. qui faciunt solid. c. [Angl. 60l.] culpabilis judicetur.' leg. 3. 'Et postea parentes defuncti judicem rogare debent, ut inter homines non habitet auctor sceleris; et qui ei hospitium dederit, antequam parentibus satisfaciat, dc. den. qui faciunt solid. 15. [Angl. 9l.] culpabilis judicetur.' 7 *Cum defecere.* Cum defecere epulæ, vel cum nihil epularum supersit ei, qui hospitem receperat.

8 *Nec data imputant.* Nec acceptis obligantur. En barbarorum mores; en vita. Ipsi unum votum, una cogitatio, LIBERTAS.

1 *Sæpius calida.* Canadensibus populis iisque regionibus, quas gravioris urit frigus, sunt et hypocausta, Angl. stoves.

2 *Sua cuique mensa.* Separatæ sedes, sua cuique mensa, id ex veteri populorum

gotia, nec minus sæpe ad convivia procedunt armati.³ Diem noctemque continuare potando, nulli probrum. Crebræ, ut inter vinolentos rixæ, raro conviciis, sæpius cæde et vulneribus⁴ transiguntur. Sed et de reconciliandis invicem inimicis, et jungendis adfinitatibus, et adsciscendis principibus, de pace denique ac bello plerumque in conviviis consultant:⁵ tamquam nullo magis tempore aut ad simplices cogitationes pateat animus, aut ad magnas incalescat. Gens non astuta, nec callida, aperit adhuc secreta pectoris, licentia joci. Ergo detecta et nuda omnium mens, postera die retractatur;⁶ et salva utriusque temporis ratio est. Deliberant, dum fingere nesciunt: constituunt, dum errare non possunt.

23. Potui humor¹ ex hordeo aut frumento, in quamdam similitudinem vini corruptus. Proximi ripæ et vinum mercantur. Cibi simplices: agrestia poma, recens fera,² aut lac concretum.³ Sine apparatu, sine blandimentis⁴ expellunt fa-

usa, et cum vorax erat hominum genus. Idem passim reperire est ap. Hom. ceterosque qui antiquos mores descripsere.

³ *Procedunt armati.* De hoc usu jam dictum sup. c. 13.

⁴ *Cæde et vulneribus.* Cruentam quoque et feralem Canadensium ebrietatem exprimit P. de Charlevoix, l. c. *Lettre* viii, p. 142. Apud Germanos severe coercitam hanc convivorum feritatem reperi-mus in Lege Salica, Tit. xvi, De Homicidiis in convivio factis, leg. 1, 'Si in convivio, ubi quatuor aut quinque fuerint homines, unus ex ipsis interfectus fuerit, ille qui remanet (id est, illi qui remanent) aut unum convictum reddant, aut omnes mortis illius compositionem collectent, quæ lex usque ad septem, qui fuerint in convivio illo, convenit observare.'

⁵ *Consultant.* Talem consultationem v. sup. Hist. iv, 14. Nec alii Canadensibus populis mores. Vide P. de Charlevoix, l. c. *Lettre* xiv, p. 217.

⁶ *Postera die retractatur.* Postera die retractantur, i. e. rursus perpenduntur hesternæ consilia. Sic salva est utriusque temporis ratio: nam in utroque tempore sua inest utilitas. Nempe deliberant, dum fingere nesciunt; constituunt, dum errare non possunt. Eadem omnino de Persis narrat Herodot. i, p. 63. et Suidas in *οἷου πινειν*.

¹ *Potui humor.* Potum illum Cerevisiam, beer, vocamus. De quo Plin. xiv, 22. 'Est et Occidentis populis sua ebrietas fruge madida—Ægyptus quoque

e fruge sibi potus similes excogitavit: nulaque in parte mundi cessat ebrietas: meros quippe hauriunt tales succos, nec diluendo, ut vina mitigant. At Hercules illic tellus fruges parere videbatur. Heu, mira vitiorum solertia! inventum est quemadmodum aqua quoque inebriaret.'

² *Recens fera.* Idem habet Mela iii, 3. 'Victu ita asperi incultique ut cruda etiam carne vescantur, aut recenti, aut cum rigentem in ipsis pecudum ferarumque coriis manibus pedibusque subigendo renovant.' Panis usu, carnisque coctæ, et dulcedine vini, in mollissimo Italiæ tractu, mitigatam Cimbrorum feritatem scribit Florus iii, 3.

³ *Lac concretum.* Quod ne accipias de casco, licet auctore Julio Cæsare B. G. vi, 22. 'major pars victus eorum lacte, et caseo, et carne constitit.' Plinius, qui Germanorum mores penitus noverat, accuratior, 'Mirum,' inquit, 'barbaras gentes, quæ lacte vivunt, ignorare aut spernere tot seculis casei dotem, densantes id alioquin in acorem jucundum et pingue butyrum: spuma, id est, lactis, concretiorque, quam quod serum vocatur. Non omitendum in eo olei vim esse, et barbaros omnes infantesque nostros ita ungi.' Plin. xi, 41. Lac ergo concretum, de quo Tacitus, butyrum est, Germanorum cibus et unguentum, ut videre est ap. Apollin. Sidon. Carm. xii, 1. 'Quid me, et si valeam, parare carmen Fescenninicolæ jubes Dionæ Inter crinigeras situm catervas, Et Germanica verba sustinentem, Laudantem

mem. Adversus sitim, non eadem temperantia. Si indulse-
ris ebrietati,⁵ suggerendo quantum concupiscunt, haud minus
facile vitiis, quam armis, vincentur.⁶

24. Genus spectaculorum unum, atque in omni cœtu idem.
Nudi juvenes, quibus id ludicrum est, inter gladios se, atque in-
festas frameas, saltu jaciunt.¹ Exercitatio artem paravit, ars de-
corem: non in quæstum tamen, aut mercedem:² quamvis auda-
cis lasciviæ pretium est, voluptas spectantium.³ Aleam (quod
mirere) sobrii inter seria exercent, tanta lucrandi perdendive
temeritate,⁴ ut, cum omnia defecerunt, extremo ac novissimo
jactu de libertate et de corpore contendant. Victus volunta-
riam servitutem adit: quamvis junior, quamvis robustior, al-
ligari se ac venire patitur. Ea est in re prava pervicacia:
ipsi fidem vocant.⁵ Servos conditionis hujus per commercia
tradunt, ut se quoque pudore victoriæ exsolvant.

tetrico subinde vultu, Quod Burgundio
cantat esculentis, Infundens acido comam
butyro!... Felicemque libet vocare na-
sum Cui non allia sordidæque cepæ Ruc-
tant mane novo decem apparatus.

4 *Sine—blandimentis.* Contra Romæ
tanta erat populatio morum, tanta luxuria,
ut parum esset in gulas condi maria teras-
que, nisi nova in dies excogitarentur gulæ
irritamenta. 'Coqui triumphorum pretiis
parabantur. Nullusque prope jam mortali-
s aestimatur pluris, quam qui peritissime
censum domini mergit.' Plin. ix, 17.

5 *Si induleris ebrietati.* Vitium illud
barbarorum omnium commune, quod neque
cruentis cædibus, neque mortibus præpro-
peris emendatur. Janus Taddæus ad hunc
Taciti locum illustrandum scripsit libel-
lum 'de Germanorum veterum aviditate
bibendi,' in quo non tam Germanos pur-
gat, quam ceteros populos accusat.

6 *Armis vincentur.* Sic nefarie suggesta
vitæ-aqua, ut loquuntur, tot peremta Ca-
nadensium millia. Quod P. de Charlevoix,
l. c. *Lettre* viii, p. 141. aliqui multi que-
runtur.

1 *Saltu jaciunt.* Quo de lusu Apollin.
Sidon. Carm. v, 246. 'Excussisse citas
vastum per iuane bipennes, Et plagæ præ-
scisse locum, clypeosque rotare, Ludus et
intortas præcedere saltibus hastas, Inque
hostem venisse prius. Puerilibus annis
Est belli maturus amor.'

2 *Aut mercedem.* Immensæ vero Roma-
norum in ludis impensæ. Immania his-
trionum pretia; et, vel vigente republica,
Roscius IIII d annua, *Angl.* 4166l. 13s.
4d. 'meritasse proditur.' Plin. vii, 39.

Excessere hæc pretia, luxuriante sub Prin-
cipibus Roma.

3 *Voluptas spectantium.* Et ut civitati-
bus se adprobarent, ut vidimus sup. c. 13.

4 *Temeritate.* De hac barbarorum per-
vicacia pervulgatum exemplum protulit D.
Ambrosius, in Tobiam, c. xi. 'Ferunt
Hunnorum populos,' Scythicam gentem
ut et Germanos, 'omnibus bellum inferre
nationibus, fœneratoribus tamen, iis qui e
ludo fœnerantur, esse subjectos, et cum
sine legibus vivant, aleæ solius legibus
obedire, in procinctu ludere, tesseræ simul
et arma portare, et plures suis, quam hos-
tilibus ictibus interire. In victoria sua
captivos fieri, et spolia suorum perpeti,
quæ pati ab hoste non noverint. Ideo
numquam belli studia deponere, quod vic-
ti aleæ ludo, cum totius prædæ munus
amiserint, ludendi subsidia requirunt bel-
landi periculo. Frequenter autem tanto
ardore rapi, ut cum ea, quæ sola magna
æstimant, arma victus tradiderit, ad unum
aleæ jactum vitam suam potestati vel vic-
toris, vel fœneratoris, addicat. Denique
constat, quod quidam, et Imperatori Ro-
mano cognitus, in fide pretium servitutis,
quod sibi tali sorte superatus intulerat,
suppliciiis imperatæ mortis exsolverit.'
Quo furore, ipso quoque libertatis pericu-
lo, talis suis, *the game of cockal*, ludant
Canadenses populi, memorant P. de Char-
levoix, l. c. *Lettre* xvii, p. 261. et P. Lafit-
au, *Mœurs des Sauvages Amériquains*,
vol. ii, p. 340.

5 *Fidem vocant.* Hæc est fides, qua
semper vigit, semperque vigeat alea.
Vere enim D. Ambrosius l. c. 'Habet

25. Ceteris servis, non, in nostrum morem, descriptis per familiam ministeriis,¹ utuntur. Suam quisque sedem, suos penates regit. Frumenti modum dominus, aut pecoris, aut vestis, ut colono,² injungit: et servus hactenus paret.³ Cetera domus officia uxor ac liberi⁴ exsequuntur. Verberare servum ac vinculis et opere coercere, rarum. Occidere solent, non disciplina et severitate, sed impetu et ira, ut inimicum, nisi quod impune.⁵ Libertini⁶ non multum supra servos sunt, raro aliquod momentum in domo, numquam in civitate, exceptis dumtaxat iis gentibus, quæ regnantur.⁷ Ibi enim et super ingenuos et super nobiles⁸ ascendunt: apud ceteros,

et alea suas leges, quas fori jura non solvant. Notatur (si credi potest) infamia, qui putaverit renitendum, et infamium sententia gravior, quam censura judicialis inurit opprobrium.⁹ Hanc fidem retineamus; et inde nobis *debts of honor*.

1 *Per familiam ministeriis*. Vidimus An. xiv, 43. Pedasium Secundum, qui in una domo ipsaque in urbe quadringentos servos haberet. Divisa inter eos ministeria, aut potius ministeriorum nomina, quæ passim occurrunt in veteribus Inscriptionibus, ac maxime apud Cll. Piranesi, Gori, ceterosque qui sepulcralia Romanorum monumenta illustravere. Hæc familia urbana. Alia erat in agris familia rustica: ibi nova ministeria, nova nomina; in quibus plus quidem utilitatis, plurimum adhuc luxus.

2 *Ut colono*. Colonom Anglice dicimus, a *farmer*. At in Germania colonus erat servus.

3 *Hactenus paret*. Licet servus apud Germanos suam sedem habeat, suos penates regat, paret tamen domino, nec habet libertatem: hactenus servus est. Tales fuere apud nos ante quatuor secula, quos servos, *slaves*, dicebamus. Postea Germani, Romanos imitati, servos habuere, deterioris conditionis; tunc penes eos mansit servorum nomen. Servi vero, ut ita dicam, coloni, dicti sunt Lidi. Hoc servorum discrimen patet ex Lege Salica, Tit. xxx, et ex Lege Frisionum, Tit. xv.

4 *Uxor ac liberi*. Ac proinde non indigebant servorum ministeriis.

5 *Impune*. Non impune inimicum occidebant, siquidem homicidium numero pecorum lucretur. Suum vero servum occidere impune erat. Sed si quis alienum servum occideret, tunc solvendum erat servi domino pretium. Inde in Lege Salica, Tit. xi, leg. 2. 'Si quis alienum ser-

vum furaverit, aut occiderit, aut venderit, aut ingenuum dimiserit, et ei fuerit adprobatum, MALB. THEV. TEXACA, 1400 den. qui faciunt sol. 35. [Angl. 211.] culpabilis judicetur, excepto capitale et delatura. De ancilla vero solidos 30.' Angl. 181. Capitale vero dicitur, *capital*, the price of any thing. Delatura, the expenses of law.

6 *Libertini*. Servi, si manumitterentur, libertatem adipiscebantur, et nuncupabantur liberti. Ordo illorum hominum, libertinorum dicebatur, non vero libertorum, ut recte observat Cl. Ernestus. Cum invaluit pecuniæ usus, servi manumittebantur, excusso ex eorum manu coram rege, vel civitate, denario. Unde homines isti *denariati* appellati sunt. Apud Germanos non multum supra servos erant: et si sine liberis mors eis obvenisset, eorum hereditas ad fiscum pertinebat, ut docet Lex Ripuariorum, Tit. lvii, leg. 4. 'Si autem homo denariatus absque liberis discesserit, non alium nisi fiscum nostrum heredem relinquat.'

7 *Quæ regnantur*. Apud Germanorum gentes, quæ regnabantur, vitis regum abutebantur liberti, ut sibi potentiam struerent. Qua structa, super ingenuos, et super nobiles ascendebant. Quanto enim humilior fuit hoc hominum genus, tanto est superbior. Eandem, aut potius, ob imperii magnitudinem, immensam libertorum libidinem sub Imperatoribus Claudio, Nerone, Galba vidimus. V. et Cl. de Montesquieu, *Esprit des Loix*, xv, 9.

8 *Ingenuos—nobiles*. Hic videmus quatuor conditionum discrimina: nobiles nempe, ingenuos, libertinos, servos. Nobiles genere, dignitate, muneribus præcellebant. Ingenui origine stirpeque liberi, atque etiam, cum postea exigebantur tributa, a tributis immunes. Vide Gregorium Turo-

impares libertini? libertatis argumentum sunt.

26. Fœnus agitare,¹ et in usuras extendere, ignotum: ideoque magis servatur, quam si vetitum esset. Agri, pro numero cultorum, ab universis per vices² occupantur, quos mox inter se secundum dignationem partiuntur: facilitatem partiendi camporum spatia præstant. Arva per annos mutant; et superest ager:³ nec enim cum ubertate et amplitudine soli labore contendunt, ut pomaria conserant, et prata separent,⁴ et hortos rigent: sola terræ seges imperatur. Unde annum quoque ipsum non in totidem digerunt species: hyems, et ver, et æstas intellectum ac vocabula habent: autumnus perinde nomen ac bona ignorantur.⁵

27. Funerum nulla ambitio:¹ id solum observatur, ut corpora clarorum virorum certis lignis² crementur. Struem rogi

nensem, vii, 15. Libertini, qui, prius servi, fuerant manumissi: nondum tamen erant ingenui, sed libertini tantum, et libertinitatis obsequiis devincti. Servi autem, licet coloni, cum non essent sui juris, sed alienæ potestatis vere serviebant. Cum invaluit lidorum nomen, tunc fuere apud Germanos duo genera servorum. Quæ essent nobilium, ingenuorum, lidorum. Servorum pretia docehimus in not. et em. ad c. 25.

9 *Impares libertini.* Apud ceteros populos, qui in Germania non regnabant, libertini erant infra ingenuos ac nobiles; quod certissimum libertatis argumentum.

1 *Fœnus agitare.* Contra 'vetus Urbi senebre malum, et seditionum discordiarumque creberrima causa;' ut vidimus sup. An. vi, 16.

2 *Per vices.* Potius *per vicos*; id enim innuit rerum series: ita quoque placitum Grotio, Conringio, Menagio, aliisque eruditissimis viris. De hoc Germanorum usu multa habet Jul. Cæs. B. G. vi, 21. 'Agriculturæ non student, majorque pars victus eorum lacte, et casco, et carne consistit; neque quisquam agri modum certum aut fines proprios habet, sed magistratus ac principes in annos singulos gentibus cognitionibusque hominum, qui una coierunt, quantum eis et quo loco visum est attribuant agri, atque anno post alio transire cogunt. Ejus rei multas afferunt causas: ne assidua consuetudine capti studium belli gerendi agricultura commutent: ne latus fines parare student, potentioresque humiliores possessionibus expellant: ne

accuratius, ad frigora atque æstus vitandos, ædificent: ne qua oriatur pecuniæ cupiditas, qua ex re factiones dissensionisque nascuntur: ut animi æquitate plebem contineant, cum suas quisque opes cum potentissimis æquari vident.'

3 *Superest ager.* Talem agrum *Anglicè* dicimus *fallow-land*.

4 *Prata separent.* Fœcundiora enim sunt prata, si separentur, quam si pateant, ac sint promiscua.

5 *Bona ignorantur.* Cum pomaria non consererent Germani, messibus contenti, fructiferum autumnum ignorabant. Nunc quidem omnes autumnus fructus novit Germania: manet tamen veteris memoriæ monumentum: neque ullum adhuc nomen autumnus proprium: communi vocabulo appellatur *Herbst*, i. e. messis, quam unam noverant veteres Germani. Videtur autem primos mortalium duas tantum anni tempestates, æstatem et hiemem, observasse. Unde Moses in Gen. viii, 22. 'Æstas et hyems, nox et dies.' Deinde tres, ac demum quatuor anni tempestates distinxere.

1 *Nulla ambitio.* Contra apud Romanos maxima. C. Cæcilius Claudius Isidorus 'funerari se jussit HS XL.' *Angl.* 9166l. 13s. *Ad.* Plin. xxxiii, 10. Hæc adhuc privati funera, et ante imperii luxum. At 'periti rerum asseverant' Arabiani 'non-ferre tantum' odorum 'annuo foetu, quantum Nero princeps novissimo Populæ suæ die concremaverit.' Plin. xii, 18.

2 *Certis lignis.* Quibus lignis ignotum. Divinare haud vacat.

nec vestibus, nec odoribus cumulant:³ sua cuique arma, quorundam igni et equus adjicitur.⁴ Sepulcrum cespes erigit.⁵ Monumentorum arduum et operosum honorem,⁶ ut gravem defunctis, aspernantur. Lamenta ac lacrymas cito, dolorem et tristitiam tarde ponunt. Fœminis lugere honestum est: viris meminisse.⁷

28. Hæc in commune de omnium Germanorum origine ac moribus accepimus. Nunc singularum gentium instituta, ritusque, quatenus differant, quæ nationes e Germania in Gallias commigraverint, expediam. Validiores olim Gallorum res fuisse summus auctorum divus Julius tradit:¹ eoque credibile est, etiam Gallos in Germaniam transgressos. Quantum enim annis obstabat, quominus, ut quæque gens eva- luerat, occuparet permutaretque sedes promiscuas adhuc, et nulla regnorum potentia divisas? Igitur inter Hercyniam sylvam, Rhenumque et Mœnum amnes, Helvetii,² ulteriora

³ *Cumulant.* Ut mos fuit apud Romanos, qui funebrem Orientis magnificentiam emulati sunt. Sic Cornelia in funebribus Pompeii Magni ap. Lucan. ix, 175. 'Collegit vestes, miserique insignia Magni, Armaque et impressas auro, quas gesserat olim Exuvias, pictasque togas, velamina summo Ter conspecta Jovi, funestoque intulit igni.' V. et ap. Plut. Sylla p. 475. illata in Syllæ funere decem et ducenta fercula odorum, et grandia Syllæ ejusque lictoris simulacra e thure et cinnamomo.

⁴ *Equus adjicitur.* Sic in sepulcro Childerici, Francorum regis, reperta ejus arma, framea, gladius: inventum quoque equi ejus caput, et solea, fibulæ præterea phaleræque aureæ: quæ omnia v. ap. eruditos Joan. Jac. Chiffletium, Anastasis Childerici regis, p. 96. 219 sq. ac Montfaucon, *les Monumens de la Monarchie Française*, Vol. i, p. 10 sq. Pars magna adhuc extat Parisiis in Cimelio Regio. Præter jam memorata corpusque Childerici, reperta adhuc calvaria una, quæ forte fuit ejus equisonis. Sic enim de Scythiis, Germanorum auctoribus, prodit Herodot. iv, 71.

⁵ *Cespes erigit.* Tumulum cespite constructum jam vidimus supra An. i, 62. Maximos quoque et cespite tumulos regibus suis Scythas erexisse memorat Herodot. l. c.

⁶ *Operosum honorem.* Molium illarum rudera extant adhuc Romæ in Cestii, Au-

gusti, Hadriani monumentis, aliisque plurimis, quæ passim et maxime in via Appia occurrunt.

⁷ *Viris meminisse.* Id quoque apud Canadenses populos vulgatum: 'Lacrymæ viros dedecent.' Et ad bellum profecturi, suos tantum ita alloquuntur: 'Sit nostri memoria.' Fœminæ autem viros, liberos, per annum integrum lugent, eosque hoc toto tempore continuis ejulatibus manē, vespere, medio die, domi, foris vocant. V. P. de Charlevoix, l. c. *Lettre* xxvi, p. 376.

¹ *Divus Julius tradit.* Jul. Cæs. B. G. vi, 24. 'Fuit antea tempus, cum Germanos Galli virtute superarent, et ultro bella inferrent; ac, propter hominum multitudinem agrique inopiam, trans Rhenum colonias mitterent. Itaque ea, quæ fertilissima sunt, Germaniæ loca circum Hercyniam sylvam, quam Eratostheni et quibusdam Græcis fama notam esse video, quam illi Orciniam appellant, Volcæ Tectosages occuparunt, atque ibi consederunt. Quæ gens ad hoc tempus iis sedibus se continet, summamque habet justitiæ et bellicæ laudis opinionem: nunquam in eadem inopia, egestate, patientia, qua Germani permanent; eodem victu et cultu corporis utuntur.'

² *Helvetii.* Helvetii, the Swiss, latius olim, quam nunc, Lugdunum versus habitare. Præterea in Germaniam ingressi, eam tenere inter Rhenum Mœnumque

Boii,³ Gallica utraque gens, tenuere. Manet adhuc *Boiemi* nomen, significatque loci veterem memoriam, quamvis mutatis cultoribus.⁴ Sed utrum Aravisci⁵ in Pannoniam ab Osis,⁶ Germanorum natione, an Osi ab Araviscis in Germaniam commigraverint, cum eodem adhuc sermone, institutis, moribus utantur, incertum est: quia pari olim inopia ac libertate, eadem utriusque ripæ bona malaque erant. Treveri et Nervii circa affectationem Germanicæ originis ultro ambitiosi sunt, tamquam per hanc gloriam sanguinis, a similitudine et inertia Gallorum separentur. Ipsam Rheni ripam haud dubie Germanorum populi colunt, Vangiones, Triboci, Nemetes. Ne Ubii⁷ quidem, quamquam Romana colonia esse meruerint, ac libentius *Agrippinenses* conditoris sui nomine vocentur, origine erubescunt, transgressi olim, et experimento fidei super ipsam Rheni ripam collocati, ut arcerent,⁸ non ut custodirentur.

29. Omnium harum gentium virtute præcipui Batavi,¹ non multum ex ripa, sed insulam Rheni amnis colunt, Cattorum quondam populus, et seditione domestica, in eas sedes trans-

amnes Hercyniamque sylvam, *the Rhine, the Mein, and the forest of Hartz.*

3 *Ulteriora Boii.* Boii, Gallica gens et Helvetiis contermina, ut patet ex Strab. iv, p. 206. et Jul. Cæs. B. G. i, 29. Vicini a Casare sedem illam ab Æduis accipere, quæ nunc dicitur *Bourbonnois*. Ante in Germaniam profecti, et ultra Mœnum provecti Hercyniam Sylvam tenuere. Manet adhuc eorum nomen in Boiemi nomine, *Bohemia*. Quo tempore Helvetii Boiique Germaniam penetraverint, haud ita compertum. Id tamen videtur contigisse, cum Tarquinius Priscus Romæ regnaret. Tunc enim Ambigatus, rex Biturigum, *Berry*. Sigovesum, sororis filium, in saltus Hercynios misit, ut prægravante turba regnum exoneraret. Liv. v, 33 sq. Alia fuit Boiorum in Italiam expeditio, sed infelicio, Plin. iii, 15. V. quæ dixi supra, cum dissererem in veteres Gallorum glorias.

4 *Mutatis cultoribus.* Augusti temporibus, Boii e Boiemo a Marcomannis pulsati, in Noricum concessere; et eorum de nomine dicta est Boioaria, nunc *Bavaria*.

5 *Aravisci.* Ptolemæo quoque, ii, 16. memorati. Hungariæ inferioris partem tenebant. A Plin. iii, 25. dicti videntur *Eravisci*, si valet eruditi Harduini conjectura.

6 *Osis.* Litem dirimere videtur Tac. inf. c. 43. eosque Pannonica lingua, aut potius dialecto, et tributorum patientia coarguit non esse Germanos. Marcomannis Quadisque ultiores erant; partemque septentrionalem Transdanubianæ Hungariæ occupabant: forte protensi Silesiam usque, ubi *Ossen, in the Duchy of Oels*, locus salinis et arte vitraria nobilis. Osos tamen Germanos esse contendit eruditus Pelloutier, *Histoire des Celtes*, i, 15. p. 184. Sed non ita probabiliter.

7 *Ubii.* Ubii, *the Diocese of Cologne*. Eos, Catti exosos, et in partes Romanorum pronos, e Germania in Gallias transgressos, in fidem recepit Marcus Agrippa, A. v. c. 717. Strabo iv, p. 194. Apud eos nata Agrippina, mater Neronis, Claudii uxor, in eorum oppidum veteranos coloniamque deduci impetravit; cui nomen inditum ex vocabulo ipsius, ut vidimus sup. An. xii, 27.

8 *Ut arcerent.* Super ipsam Rheni ripam Ubios collocavit Agrippa, ut Germanos arcerent, non ut ipsi custodirentur, experimento fidei satis probati.

1 *Batavi.* Batavi non modo insulam Rheni amnis, sed aliquid ex ripa, ubi aliquot Batavorum oppida, coluere. De his dictum sup. Hist. iv, 12. et Hist. v, 19.

gressus, in quibus pars Romani imperii fierent. Manet honos, et antiquæ societatis² insigne: nam nec tributis contemnuntur, nec publicanus³ atterit: exempti oneribus et collationibus,⁴ et tantum in usum præliorum sepositi, velut tela atque arma, bellis reservantur.⁵ Est in eodem obsequio et Mattiacorum gens.⁶ Protulit enim magnitudo populi Romani ultra Rhenum, utraque veteres terminos, imperii reverentiam. Ita sede finibusque⁷ in sua ripa,⁸ mente animoque nobiscum agunt, cetera similes Batavis, nisi quod ipso adhuc terræ suæ solo et cœlo⁹ acrius animantur. Non numeraverim inter Germaniæ populos, quamquam trans Rhenum Danubiumque consederint, eos, qui Decumates agros¹⁰ exercent. Levissimus quisque Gallorum, et inopia audax, dubiæ possessionis solum occupavere. Mox limite acto,¹¹ promotisque præsidii, sinus imperii, et pars provinciæ habentur.

30. Ultra hos Catti¹ initium sedis ab Hercynio saltu in-

2 *Antiquæ societatis.* Unde Batavi dicti sunt 'fratres et amici populi Romani,' ut ex vet. lapide monuimus sup. An. xi, 25. not. sup.

3 *Publicanus.* De publicanis dictum sup. An. xiii, 50.

4 *Oneribus et collationibus.* Onera, collationes, services, contributions.

5 *Reservantur.* V. sup. Hist. iv, 12.

6 *Mattiacorum gens.* Mattiaci terras illas obtinere, quas nunc dicimus *Hesse, Isenburg, and Fulda.* Ibi Mattium, *Marpurg,* de quo sup. An. i, 56. et Mattiaci fontes, nunc *Wis-baden, near Mentz.* De Mattiaco agro dictum An. xi, 20.

7 *Finibusque.* Variis Germaniæ populis sui erant fines, quos solitudine defendebant. Id enim enixe curabant, 'ut circa ipsos, quæ jacebant, 'vasta' forent, *Mela, iii, 3.* Quod quoque testatur *Jul. Cæs. B. G. iv, 3.* 'Publice maximam putant esse laudem, quam latissime a suis finibus vacare agros: hac re significari magnum numerum civitatum suam vim sustinere non potuisse. Itaque una ex parte a Suevis circiter millia passuum 600. [emendandum 60. merito monuere viri eruditi] agri vacare dicuntur.' et vi. 23. 'Civitatibus maxima laus est, quam latissimas circum se vastatis finibus solitudines habere. Hoc proprium virtutis existimant, expulsos agros finitimos cedere, neque quemquam prope se audere consistere; simul hoc se fortiores arbitrantur, repentinæ incursionis timore sublato.'

8 *Sua ripa.* Usque ad Rheni ripam diffusi Mattiaci, maxime cum Ubii cis Rhenum fuere transgressi.

9 *Solo et cœlo.* Apud Batavos humidum cœlum solumque; contra apud Mattiacos siccum, unde Mattiaci acrius animabantur, pro solita locorum animorumque cognatione.

10 *Decumates agros.* Decumates agri, nunc *Suabia.* Cum, sub finem imperii Cæsaris Augusti, Marcomanni, relictis suis sedibus Rheno proximis, in Boiemum migrassent, vacua eorum loca ex Gallis, Rauracis scilicet et Sequanis, levissimus quisque occupavere. Agri illi Decumates inde dicti videntur, quod incolæ, Germanorum incursionibus obnoxii, ut in Romanorum fidem reciperentur, proventum decimarum solverint. Eos vallo munivit Hadrianus. Vallum Neostadio, *Neustat,* oppido ad Danubium haud procul Almoni, *Altmühl,* fluvii ostiis sito, ad fluvium Nicrum, *the Necker,* versus oppidum Wimpinam, *Wimpfen,* per sexaginta leucarum Francicarum spatia continuatum. De Decumatis agris, valloque, quod iis prætendebatur, plura v. ap. erudit. Schoepflin, *Alsatia illustrata,* Vol. i, p. 174. 241 sq.

11 *Limite acto.* Cum Decumates agri in Romanorum fidem fuissent recepti, tunc ultra Rhenum actus est limes imperii, promotaque præsidia; et agri Decumates habiti sunt tamquam sinus imperii, et pars provinciæ, Germaniæ scilicet superioris.

1 *Ultra hos Catti.* Ultra Decumates agros

choant, non ita effusis ac palustribus locis, ut ceteræ civitates, in quas Germania patescit: durant siquidem colles, paulatimque rarescunt: et Cattos suos saltus Hercynius² prosequitur simul atque deponit. Duriora genti corpora, stricti artus,³ minax vultus, et major animi vigor. Multum (ut inter Germanos) rationis ac solertiæ: præponere electos, audire præpositos, nosse ordines, intelligere occasiones, differre impetus, disponere diem,⁴ vallare noctem, fortunam inter dubia, virtutem inter certa numerare: quodque rarissimum, nec nisi ratione disciplinæ⁵ concessum, plus reponere in duce,⁶ quam in exercitu. Omne robur in pedite, quem super arma ferramentis⁷ quoque et copiis onerant. Alios ad prælium⁸ ire videas, Cattos ad bellum: rari excursus et fortuita pugna.⁹ Equestrium sane virium id proprium, cito parare victoriam, cito cedere. Velocitas juxta formidinem,¹⁰ cunctatio propior constantiæ est.

31. Et aliis Germanorum populis usurpatum rara et privata cujusque audentia, apud Cattos in consensum vertit,¹ ut primum adoleverint, crinem barbamque² summittere, nec, nisi

Catti, quorum amplissima sedes inter Rhenum, Mœnum, Salamque fluvios et sylvam Bacenim. Observandum, quod eruditi viri sæpe jam monuere, ea, quæ Jul. Cæs. Florus, Ptolem. de Suevis dixere, de Cattiis esse intelligenda. Eruditus Leibnitius, Scriptores Brunsvicensis, Vol. i, p. 10. putat Cattos dictos esse a felibus, acerrimo animali quod ab aliis *Catte*, ab aliis *Hesse* nuncupatur.

2 *Saltus Hercynius*. De sylvâ Hercynia jam dictum sup. An. ii, 45. Quæ vero hujus sylvæ tunc fuerit facies scribit Plin. Germania oculatus testis, xvi, 2. ³ Hercyniæ sylvæ roborum vastitas intacta ævis, et congenita mundo, prope immortalis sorte miracula excedit. Ut alia omittantur fide caritura, constat attolli colles occurstantium inter se radicem repercussu: aut ubi secuta tellus non sit, arcus ad ramos usque, et ipsos inter se rixantes, curvari portarum patentium modo, ut turmas equitum transmittant.

3 *Stricti artus*. Artus nervis validi; unde Veget. i, 6. 'Sit ergo adolescens Martio operi deputandus, vigilantibus oculis, erecta cervice, lato pectore, humeris musculosis, valentibus digitis, longioribus brachiis, ventre modicus, exilior cruribus, suris et pedibus non superflua carne distentis, sed nervorum duritia collectis.'

4 *Disponere diem*. Disponere diem ad prælia: vallare noctem contra incursus. Contra solitum barbaris latitare diu, noctu adsultare, ut occultarentur insidiæ, majorque ingrueret terror. Si per noctem nihil molirentur, tunc nulla lege, nullo ordine, somno ingluvieque oppressi jacebant.

5 *Ratione disciplinæ*. Ratione usuque disciplinæ militaris acceptum.

6 *In duce*. Optime Flor. ii, 18. 'Tanti exercitus, quanti Imperator.'

7 *Ferramentis*. Ferramentis ad opus, copiis ad victum peditem onerabant.

8 *Ad prælium*. Alios videas ire ad prælium, unico impetu conficiendum; Cattos, ad bellum arte, disciplina, tempore, administrandum. Prælium, a *combat*; bellum, *war*.

9 *Fortuita pugna*. Apud Cattos rari erant excursus, rara quoque pugna fortuita.

10 *Formidinem*. Quo quis timidior, eo velocior. Qui cunctatur, constantior est.

1 *Vertit*. I. e. versum est. Sic Q. Curt. iv, 6. 'Ira deinde vertit in rabiem.'

2 *Crinem barbamque*. Sic privata audentia crinem barbamque summisit Civilis, ut vidimus sup. Hist. iv, 61. Sic apud Paulum Warnefridum, Hist. Langobard. iii, 7. 'Sex millia Saxonum, qui bello superfuera, devoverunt se, neque bar-

hoste cæso, exuere votivum obligatumque virtuti oris habitum. Super sanguinem et spolia, revelant frontem, sequæ "tum demum pretia nascendi³ retulisse, dignosque patria ac parentibus" ferunt. Ignavis et imbellibus manet squalor. Fortissimus quisque ferreum insuper anulum⁴ (ignominiosum id genti) velut vinculum gestat, donec se cæde hostis absolvat. Plurimis Cattorum hic placet habitus. Jamque canent insignes,⁵ et hostibus simul suisque monstrati: omnium penes hos initia pugnarum: hæc prima semper acies, visu nova. Nam ne in pace quidem vultu mitiore mansuescunt. Nulli domus, aut ager, aut aliqua cura: prout ad quemque venire, aluntur: prodigi alieni, contemtores sui: donec exsanguis senectus tam duræ virtuti impares faciat.⁶

32. Proximi Cattis certum jam alveo¹ Rhenum, quique terminus esse sufficiat, Usipii ac Tencteri² colunt. Tencteri super solitum bellorum decus, equestris disciplinæ arte præcellunt. Nec major apud Cattos peditum laus, quam Tencteris equitum. Sic instituere majores, posterius imitantur. Hi lusus infantium, hæc juvenum æmulatio, perseverant senes: inter familiam, et penates, et jura successionum, equi tradun-

bam, neque capillos incisuros, nisi se de hostibus Suevis ulciscerentur.' Recentior memoria Gulielmi Lumeii ex comitibus a Marca, qui se obstrinxit voto 'non positurum se ante capillum, quam Egmontii atque Hornani mortem ultus esset.' Strada de Bello Belgico vii, p. 344.

3 *Pretia nascendi.* Egregie dictum. In tot tantasque miseras mortale genus nascitur, ut unicuique nascendi pretium sit virtus. Singulare autem et atrox fuit apud Canadenses populos illius Iroquæi, *Iroquois*, dictum, qui cum patrem suum diverso in exercitu offendisset, cum jugulaturus, restitit, et ait: Vitam quam a te semel accepi, tibi hodie reddo. Noli alias occurrere. Nihil tibi jam debeo. V. P. de Charlevoix, l. c. *Lettre* xxi, p. 309.

4 *Ferreum anulum.* Servitutis, ut videtur, insigne. Institutum illud Cattorum multi postea, sed amatorie magis, quam militarily, imitati sunt. Sic anno 1414. Joannes, dux Borbonius, ut dominæ suæ gratificaretur, cum sexdecim equitibus nobilibusque vovit se et equites singulis diebus dominicis per duos annos sinistra in tibia aureum anulum gestaturos, nobiles argenteum, donec parem equitum nobiliumque, quibuscum concertarent, nu-

merum reperissent. V. Cl. de Vertot, *Mémoires de l'Acad. Roy. des Inscr.* vol. ii, p. 595.

5 *Canent insignes.* Multis jam cædibus insignes canent, anulum ferreum gestantes, torvoque habitu, ut se novarum semper cædium avidos probent.

6 *Impares faciunt.* Hi sunt Catti, qui quinquaginta et centum circiter post annis cum Cheruscorum cis Visurgini reliquiis, cum Attuariis, Sicambriis, Chamavis, Bructeris, Chaucis, Francicum fœdus iniere, victisque Romanis, Gallias occupavere. Inde nobis nomen. Inde mores. Inde leges.

1 *Certum jam alveo.* Ita latum profundumque, ut possit esse terminus, nec præsidiiis custodiisve indigeat.

2 *Usipii ac Tencteri.* Bellorum casuumque societate conjuncti, sedibus suis ad Rhenum paulo infra Moguntiacum olim a Cattis pulsi fuerant. Menapiorum sedes trans cisque Rhenum occupavere, ut docet Jul. Cæs. B. G. iv, 1 sq. Adversis adhuc casibus conflictati, Sicambros ab Augusto, Tiberii ductu, cis Rhenum transvectorum, agros obtinere, nunc *Berg, Mark, Lippe, Waldek, and Paderborn.*

tur:³ excipit filius, non, ut cetera, maximus natu, sed prout ferox bello et melior.

33. Juxta Tencteros Bructeri¹ olim occurrebant: nunc Chamavos et Angrivarios² immigrasse narratur, pulsus Bructeris ac penitus excisis,³ vicinarum consensu nationum, seu superbiæ odio,⁴ seu prædæ dulcedine, seu favore quodam erga nos Deorum: nam ne spectaculo quidem prælii invidere:⁵ super LX. millia, non armis telisque Romanis, sed, quod magnificentius est, oblectationi oculisque ceciderunt. Maneat quæso, duretque gentibus, si non amor nostri, at certe odium sui: quando, urgentibus⁶ imperii fatiis, nihil jam præstare fortuna majus potest, quam hostium discordiam.

34. Angrivarios et Chamavos a tergo Dulgibini, et Chasuari¹ cludunt, aliæque gentes² haud perinde memoratæ. A fronte

3 Equi traduntur. Ut jam vidimus sup. c. 18.

1 Bructeri. Olim habitavere inter Rhenum, Lappiam, Amisiam, et Frisios. Bructeros a *Broeken* et *Bruchen*, seu paludibus, quæ ibi frequentes erant, dictos fuisse existimat Cl. Alting, Notit. German. Infer. p. 20. Multis adversus Romanos præliis et Civilis societate nobilitati, ut sæpe vidimus sup. in Annalium et Historiarum libris, superbiere. Ideo vicinis nationibus exosi, sedibus suis pulsi sunt, ac penitus excisi.

2 Chamavos et Angrivarios. Antequam Bructerorum sedes occuparent, Chamavi ad Amisiam positi, ubi nunc *Lingen* et *Osnaburg*; Angrivarii ad Visurgim, ubi nunc *Minden* et *Schawenburg*. Antiquior fuit Chamavorum migratio ad Rhenum, si accurata sunt quæ habet Tac. An. xiii, 55. V. quæ ibi notavimus. Angrivarii autem postea dicti sunt Angrarii, parsque fuere Saxonum, et communem cum iis legem habuere. V. Legem Saxonum apud Lindenbrogium.

3 Penitus excisis. Non ita excisi sunt, ut nullæ remanerent reliquæ. Immo et insignes fuere in fœdere Francico, uti diximus supra. Memorantur quoque in Tabula Peutingeriana. Sic et Claudian. in Paneg. de iv. cons. Honorii 450. 'Venit accola sylvæ Bructerus Hercyniæ.' Nempe post cladem suam, pulsi suis sedibus, inter Coloniam, et Hassiam habitavere, ut docet erudit. Eccard. de Rebus Franciæ Orientalis, vol. i, p. 304.

4 Superbiæ odio. Regnabant Bructeri. Inde illis superbia et opes. Antequam a

Germanis deleerentur, eos terrore domuerat Vestricius Spurinna, ideo triumphali statua donatus. Plin. Ep. ii, 7. 'Spurinna Bructerum regem vi et armis induxit in regnum: ostentatoque bello, ferocissimam gentem (quod est pulcherrimum victoriæ genus) terrore perdomuit.'

5 Invidere. Nam Dii ultro obtulere prælii spectaculum, quo super sexaginta millia Germanorum, non armis telisque Romanis, sed quod magnificentius est, quasi spectantium oblectationi oculisque, suis ipsi armis ceciderunt. Ergo excidium illud contigit haud procul Fossa Drusiana, de qua dictum est An. ii, 8. Ex hoc loco, præsidiiisque ad Rhenum positis, prælium spectavere Romani. Idque Romæ narratum primo Trajani Principis anno.

6 Urgentibus. Laudat Lips. e Ms. *vergentibus*. Melius Illustr. Huetius e conjectura, *vigentibus*. Hæc enim cum scriberet Tac. vigeat imperium Romanum, Trajano Principe.

1 Dulgibini, et Chasuari. Habitavere prope fontem Luppiae. Deinde in Chamavorum et Angrivariorum, qui Bructeros expulerant, sedes transiere. Idem videntur, qui Velleio Paterculo ii, 105. dicti sunt *Attuari*, et postea Attuariorum nomine fœdus Francicum iniere. Straboni vii, p. 291. dicuntur *Chattuarii*.

2 Aliæque gentes. Nempe Ansibarii, et Tubantes, de quibus dictum sup. An. xiii, 55. Ansibarios, vel Ansibarios, a vicina Amisiam, quem accolebant, nomen duxisse opinatur Cl. Alting. Notit. German. Infer. p. 6. Idem, l. c. p. 125. putat Tubantes a frequentibus locorum mutatio-

Frisii excipiunt. *Majoribus minoribusque Frisiis*³ vocabulum est, ex modo virium: utræque nationes usque ad Oceanum Rheno prætexuntur, ambiuntque immensos insuper lacus,⁴ et Romanis classibus⁵ navigatos. Ipsum quinetiam Oceanum illa tentavimus: et superesse adhuc Herculis columnas⁶ fama vulgavit: sive adiit Hercules, seu quidquid ubique magnificum est, in claritatem ejus referre consensimus. Nec defuit audentia Druso Germanico:⁷ sed obstitit Oceanus in se simul atque in Herculem inquiri. Mox nemo tentavit: sanctiusque ac reverentius visum, de actis Deorum credere, quam scire.

35. Hactenus in Occidentem Germaniam novimus. In Septentrionem ingenti flexu redit. Ac primo statim Chaucorum gens,¹ quamquam incipiat a Frisiis, ac partem littoris occu-

nibus vocatos fuisse *Tho Benten*, i. e. catervas errantes, et incoluisse ubi nunc *Drente*, in *Oceyssel*. Inter has gentes, Ambrones, Ambri fluvii, *Enmeren*, accolas numerat Illustr. de Furstenberg, Monumenta Paderbornensia, p. 181.

3 *Minoribusque Frisiis*. Frisii, *Friesland*. Cis Flevum, nunc *the Zuyder-zee*, habitabant Frisii minores; trans Flevum, Frisii majores.

4 *Immensus lacus*. Ibi jam Romanorum temporibus immensi lacus. Quos majores adhuc fecere plurimæ maris inundationes, ac maxime ea quæ contigit anno 1530. quæ duos ac septuaginta pagos tumulavit. Anno 1569. alia fuit et tetrior exundatio, quæ magnam littoralis Hollandiæ partem, totam fere Frisiam contexit, et vel in sola Frisia viginti millia hominum hausit.

5 *Romanis classibus*. V. sup. An. i, 70. et ii, 8.

6 *Herculis columnas*. Ubi terrarum termini, nec plus ultra, ibi maritimæ gentes finxere Herculis columnas. Quas quidem inquirere vanum est. Quæ tamen apud Frisios celebrabantur, fuere sane in Frisiorum finibus, minime vero in Suecia promontorioque Cimmerico, ut vult erudit. Rudbeck. Atlantica, p. 251 sq.

7 *Druso Germanico*. Tiberii Imperatoris fratre, patre Germanici; Frisiis tributum imposuit, ut vidimus sup. An. iv, 72. aliaque egregia in Germania præstitit. Plura v. in Stem. Ces. n. 79. Vol. v.

1 *Chaucorum gens*. Chauci ab Amisia ad Albim littori maris prætendebantur: unde omnium, de quibus modo dictum est, gentium lateribus obtendebantur, quas inter

et Cheruscos sinuabantur usque in Cattos. Distinguebantur Chauci majores et minores. Majores Chauci, si fides Ptolemæo, inter Visurgim et Albim; minores, inter Amisiam et Visurgim. At ex Tac. An. xi, 19. Chauci majores videntur potius fuisse inter Amisiam et Visurgim. Minores inter Visurgim et Albim. Cl. Alting, Not. German. Infer. p. 41. existimat ita appellatos Chaucos, quia *Kauken* dicuntur viri fide ac virtute insignes: quod cum Taciti verbis consentit. Alii volunt sic nuncupatos fuisse a *Kauk*, ulula, quæ feles, seu cattos, venatur: alii a *Kaiten*, graculis, quorum magna est in his oris multitudo. Chaucorum, qui mare accolerent, loca moresque egregie descripsit Plin. xvi, 1. cum gentes, quæ sine arbore ulla, sine frutice viverent, memoraret. 'Sunt vero in Septentrione visæ nobis [gentes] Chaucorum, qui majores minoresque appellantur. Vasto ibi meatu, bis dierum noctiumque singularum intervallis, effusus in immensum agitur Oceanus, æternam operiens rerum naturam controversiam: dubiumque terræ sit, an parte in maris. Illic misera gens tumulos obtinet altos, aut tribunalia structa manibus ad experimenta altissimi æstus, casis ita impositis: navigantibus similes, cum integant aquæ circumdata: naufragis vero, cum recesserint: fugientesque cum mari pisces circa tuguria venantur. Non pecudem his habere, non lacte ali, ut finitimis, ne cum feris quidem dimicare contigit, omni procul abacto frutice. Ulva et palustri junco funes necunt ad prætenda piscibus retia: captumque manibus lutum ventis magis, quam sole siccantes: terra cibos et rigentia Septentrione viscera sua

pet, omnium, quas exposui, gentium lateribus obtenditur, donec in Catos usque sinuetur. Tam immensum terrarum spatium non tenent tantum Chauci, sed et implent: populus inter Germanos nobilissimus, quique magnitudinem suam malit iustitia tueri: sine cupiditate, sine impotentia, quieti secretique, nulla provocant bella, nullis raptibus aut latrociniiis populantur. Idque præcipuum virtutis ac virium argumentum est, quod, ut superiores agant, non per injurias adsequuntur. Prompta tamen omnibus arma,² ac, si res poscat, exercitus: plurimum virorum equorumque: et quiescentibus eadem fama.

36. In latere Chaucorum Cattorumque, Cherusci¹ nimiam ac marcentem diu pacem illacessiti nutrierunt: idque jucundius, quam tutius, fuit: quia inter impotentes et validos falso quiescas: ubi manu agitur, modestia ac probitas nomina superioris sunt. Ita qui olim "boni æquique Cherusci," nunc "inertes ac stulti" vocantur: Cattis victoribus fortuna in sapientiam cessit. Tracti ruina Cheruscorum et Fosi,² contermina gens, adversarum rerum ex æquo socii, cum in secundis minores fuissent.

37. Eundem Germaniæ situm¹ proximi Oceano Cimbri tenent,² parva nunc civitas,³ sed gloria ingens,⁴ veterisque famæ

urant. Potus non nisi ex imbre servato scrobibus in vestibulo domus. Et hæ gentes, si vincantur hodie a populo Romano, servire se dicunt. Ita est profecto: multis fortuna parit in pœnam.

2 *Omnibus arma.* Inde postea posita a Romanis præsidia, ad cohibendos Chaucos, quos Caycos dixit Lucan. i, 463. 'Et vos erinigeros bellis arcere Caycos Oppositi.' V. et Claudian. de laudibus Stilic. i, 225.

1 *Cherusci.* Tunc infra Chaucos inter Visurgim et Albim habitabant Cherusci, ubi nunc *Lunenbourg, Brunswick, part of Brandenburg on this side of the Elbe.* Latius olim Augusti principatu habitavere, atque etiam cis Visurgim, ut patet ex Drusi expeditionibus ap. Dion. liv, p. 544. et Vellei. ii, 105. Ni forte, ut observat Cl. Dithmarus, quæ de Cheruscis cis Visurgim feruntur, intelligenda sint de Dulgibinis, Cheruscorum clientibus. Nam, teste Strabone, vii, p. 291. Varum cecidere Cherusci iisque subditi populi. De Variana clade dictum satis An. i, 60. p. 52. not. sup. Egregia quoque Arminii, Cheruscorum ducis, facinora vidimus libris

Annal. i et ii.

2 *Et Fosi.* Fosos eosdem esse ac Saxones antiquos volunt Cluverius, Laccary aliique multi. At cum Fosi fuerint Cheruscis contermini, verior est Cl. Leibnitii sententia, Fosos incoluisse ad Fusam amnem, qui apud Cellas Alleram fluvium subit: eosque fuisse velut appendicem Cheruscorum, ut hodie Brunsvicensium Heildesheimenses. Saxonum nomen Tacito recentius, nec innotuit ante Antonini Pii principatum, quo tempore Chersoneso Cimbrica egressi inclauere, et postea cum Anglis Britanniam occupavere.

1 *Eundem Germaniæ situm.* Versus Septemtrionem.

2 *Cimbri tenent.* Manet adhuc eorum nomen, et quas incoluere terras dicimus *the Chersonesus*: ubi nunc *Jutland, Sleswick, and Holstein.* Cimbrorum gloriam variosque casus paucis, sed accurate, descripsit Cl. Mallet, *Introduction à l'Histoire de Danemarck*, p. 13 sq.

3 *Parva nunc civitas.* Parva quidem tunc erat civitas, migrationibus, inundationibus, bellis, cladibusque exhausta, ut vi-

late vestigia manent, utraque ripa⁵ castra, ac spatia, quorum ambitu nunc quoque metiaris molem manusque gentis,⁶ et tam magni exercitus fidem. Sexcentimum et quadragesimum annum Urbs nostra agebat, cum primum Cimbrorum audita sunt arma, Cæcilio Metello ac Papirio Carbone consulibus. Ex quo si ad alterum Imperatoris Trajani consulatum⁷ computemus, ducenti ferme et decem anni colliguntur: tamdiu Germania vincitur. Medio tam longi ævi spatio, multa invicem damna. Non Samnis, non Pœni,⁸ non Hispaniæ, Galliæve, ne Parthi quidem sæpius admonuere:⁹ quippe regno Arsacis¹⁰ acrior est Germanorum libertas. Quid enim aliud nobis, quam cædem Crassi,¹¹ amisso et ipse Pacoro,¹² infra Ventidium¹³ dejectus Oriens objecerit? At Germani Carbone,¹⁴

dere est ap. Florum iii, 3. Sed postea revaluit. Et ex hac gentium vagina emergere Franci, Saxones, Normanni, alique plurimi populi, qui totam ferme Europam juris Germanici fecerunt.

4 *Gloria ingens.* Per Germaniam, Galliam, Hispaniam, Britanniam, Italiam, et ad Mæotin usque, quo progressi, teste Posidon. ap. Strabon. vii, p. 203. Cimmericum, aut Cimbricum, Bosphorum de suo nomine appellaverunt.

5 *Utraque ripa.* Utraque Chersonesi Cimbricæ ripa vulgo exponunt, nec male. Existimant tamen viri eruditi Cluverius et Dithmarus, cum inde constet magni exercitus fides, hæc castra spatiaque quaerenda vel in Italia, circa fluvium Athesin, the *Adige*, vel in Gallia Narbonensi juxta Aquas Sextias, *Aix*, in *Provence*, ubi Florus iii, 3. Teutonos, a Marijo caesos, vallem et medium fluvium tenuisse memorat. De Cimbrorum immensa multitudine v. not. et em. ad c. 37.

6 *Molem manusque gentis.* Sic sup. An. i, 61. 'Prima Vari castra, lato ambitu, et dimensis principiis, trium legionum manus ostentabant.'

7 *Traiani consulatum.* Nerva Augustus rv. Trajanus ii. coss. fuere A. v. c. 851. Quo anno aureum hunc de moribus Germanorum librum scripsit Tac.

8 *Non Samnis, non Pœni.* Hac de re jam dictum sup. An. xi, 24. et xv, 13.

9 *Admonuere.* Optime dictum. Admonuere belli et periculi. Hoc sensu admonere, to give the alarm, dicimus. Nonnullis tamen placet, *admove*re, ut est in Ms. Turic. i. e. *admove*re exercitum.

10 *Regno Arsacis.* Germanorum libertas acrior opibus regnoque Arsacidarum, seu Parthorum.

11 *Cædem Crassi.* De cæde Crassi dictum sup. An. ii, 2. V. et Canonem Regum Parthor.

12 *Pacoro.* Pacorus, Orodii Parthorum regis filius, a Ventidio, Romanorum legato, interfectus.

13 *Infra Ventidium.* Cum P. Decidius Saxa, Syriæ legatus, a Parthis fuisset victus, Syriamque occupasset Pacorus, missus est P. Ventidius Bassus, qui Parthos debellavit, Pacorum interfecit, remque Romanam penitus restituit. V. Florum iv, 9. et Tac. Hist. v, 9. Obscuro quidem loco natus erat Ventidius, ἀνὴρ γένεστος μὴ ἀπαρτὶς. Obscuritatem suam militari gloria illustravit et nobilitavit. Primus, solusque ante Trajanum, de Parthis triumphavit. Plut. M. Anton. p. 931.

14 *At Germani Carbone.* A. v. c. 640. 'Cimbri, gens vaga, populabundi in Illyricum venerunt; ab iis Papirius Carbo consul cum exercitu fusus est.' Liv. Epit. lxi. Ad Noreiam, Tauriscorum urbem, prope Aquileiam, victus est Carbo, teste Strabone v, p. 214. Annis sequentibus, Cimbri Teutonique Galliam depopulati sunt, magnamque calamitatem intulere; at invicta Gallorum constantia deterriti, alias terras petiere, ut videre est ap. Jul. Cæs. B. G. vii, 77. Tum in Italiam venire, legatosque ad senatum miserunt, qui agros, quibus considerent, postularent. Quod cum negasset senatus, adversum eos infelicititer pugnavit M. Junius Silanus coss. A. v. c. 645. Liv. Epit. lxx.

et Cassio,¹⁵ et Scauro Aurelio,¹⁶ et Servilio Cæpione, Cn. quoque Manlio¹⁷ fuis, vel captis, quinque simul consulares exercitus populo Romano,¹⁸ Varum, tresque cum eo legiones, etiam Cæsari abstulerunt:¹⁹ nec impune C. Marius²⁰ in Italia,

15 *Et Cassio.* 'L. Cassius, cos. [A. v. c. 647.] a Tigrinis Gallis, pago Helvetiorum, [nunc the cantons of Zurich, Appenzel, Schaffhausen, &c.] qui a civitate secesse- rant, in finibus Allobrogum, cum exercitu casus est. Milites qui ex ea clade supera- verunt, obsidibus datis, et dimidia rerum omnium parte, ut incolumes dimitterentur, cum hostibus pacti sunt.' Liv. Epit. lxxv. Immo Romanum exercitum sub jugum a Tigrinis missum docet Jul. Cass. B. G. i, 12. 'Hic pagus unus cum domo exisset, patrum nostrorum memoria L. Cassium consulem interfecerat, et ejus exercitum sub jugum miserat.'

16 *Scauro Aurelio.* 'M. Aurelius Scau- rus, legatus consulis [immo consul A. v. c. 646.], a Cimbris, fuso exercitu, captus est, et cum, in consilium ab iis evocatus, deter- reret eos, ne Alpes transirent Italiam peti- turi, eo quod diceret Romanos vinci non posse, a Boiorum, feroci juvene, occisus est.' Liv. Epit. lxxvii. V. et Plut. Mar. p. 419. et Vell. Pat. ii, 12.

17 *Servilio Cæpione, Cn. quoque Manlio.* Utramque cladem distinxit quoque Florus iii, 3. 'Nec primum impetum barbarorum Silanus, nec secundum Manlius, nec ter- tium Cæpio sustinere potuerunt.' Utram- que conjungit Liv. Epit. lxxvii. 'Ab iis- dem hostibus [Cimbris] Cn. Manlius, con- sul, et Q. Servilius Cæpio, proconsul, victi prælio, castris quoque binis exuti sunt.' Fusius Paulus Orosius v, 16. 'Manlius consul, et Q. Cæpio, proconsul, adversus Cimbro et Teutones, et Tigrinos et Am- bronas, Gallorum et Germanorum gentes, quæ tunc ut imperium Romanum extingue- rent, conspiraverant, missi, provincias sibi Rhodano, the Rhone, fluvio medio divise- runt. Ubi, dum inter se gravissime invidia et contentione disceptant, cum magna ignominia et periculo Romani nominis victi sunt.—Octoginta millia Romanorum, so- ciorumque, eadem tempestate trucidata, Antias scribit.' Cum Cæpio hujus cladis causa fuisset, 'secundum populi Romani jussionem, Cæpionis, cujus temeritate cla- des accepta erat, dammati, bona publicata sunt.' Dies, quo hæc clades contigit A. v. c. 649. inter nefastos relatus est, teste Plut. Lucull. p. 510. Uno ante anno Cæpio consul, direpta Tolosa, nunc Toulouse, abs- tulerat 'argenti pondo centum decem

millia, auri pondo quindecies decies cen- tum millia.' At error est in auri numero. Immanis enim summa. Emendandum puto auri pondo quindecim millia, Angl. 675,000l. Justin. xxxii, 3.

18 *Populo Romano.* Vigente republica.

19 *Cæsari abstulerunt.* Cæsari Augusto: qua clade 'adeo consternatum' eum fuisse 'ferunt, ut per continuos menses barba capilloque summisso, caput interdum foib- us illideret, vociferans: Quinctili Vare, legiones redde: diemque cladis quotannis mœstum habuerit ac lugubrem,' Suet. Aug. 23. De hac Variana clade dictum satis An. i, 10 et 61.

20 *C. Marius.* Tot cladibus acceptis, 'populus Romanus non alium repellendis tantis hostibus magis idoneum imperato- rem, quam Marium est ratus.' Nec falsa fuit spes publica. Quarto suo consulatu A. v. c. 652. Marius 'trans Alpes circa Aquas Sextias, [nunc Aix, in Provence,] cum Teutonis confligit; amplius 150 mil- libus hostium priore ac postero die truci- datis, gensque excisa Teutonium,' Vell. Pat. ii, 12. V. et Liv. Epit. lxxviii. qui ait 'cæsa hostium ducenta millia, capta nonaginta.' Quinto autem suo consulatu A. v. c. 653. Cimbro in Italia, trans- gressos Athesim, the Adige, in campo Rau- dio, ubi nunc Rubio, vicit, 'cæsa aut capta amplius c. millia hominum,' Vell. Pat. ii, 12. At non impune victor fuit Marius, ut constat ex immensis belli apparatibus, quos v. ap. Plut. Mar. Nec adversus Cimbro tantum sed et adversus eorum conjuges fuit pugnandum. Unde Florus iii, 3. 'Nec minor cum uxoribus eorum pugna, quam cum ipsis fuit: cum, objectis undique plaustris atque carpentis, altæ desuper, quasi e turribus, lanceis contisque pugnarent. Perinde speciosa mors earum fuit, quam pugna. Nam cum, missa ad Marium legatione, libertatem ac sacerdo- tium [Vestaliū] non impetrassent, (nec fas erat,) suffocatis elisisque passim infan- tibus suis, aut mutuis concidere vulneribus, aut vinculo e crinibus suis facto ab arbori- bus jugisque pependerunt. Boiorum rex in acie dimicans impigre nec inultus occu- buit.' Ob tantas victorias A. v. c. 652. juxta fastos Capitolinos, C. MARIUS. C. FILIVS. CONSVL. V. DE. TEVTONEIS. AM- BRONIVS. ET. CIMBREIS triumphavit.

divus Julius²¹ in Gallia, Drusus ac Nero et Germanicus²² in suis eos sedibus perculerunt. Mox ingentes C. Caesaris²³ minae in ludibrium versae. Inde otium, donec occasione discordiae nostrae et civilium armorum, expugnatis legionum hibernis,²⁴ etiam Gallias affectavere: ac rursus pulsi inde, proximis temporibus triumphati magis,²⁵ quam victi sunt.

38. Nunc de Suevis¹ dicendum est, quorum non una, ut Cattorum Tencterorumve, gens: majorem enim Germaniae partem obtinent, propriis adhuc nationibus² nominibusque discreti, quamquam in commune *Suevi* vocentur. Insigne gentis obliquare crinem,³ nodoque substringere. Sic Suevi a ceteris Germanis:⁴ sic Suevorum ingenui a servis separantur.⁵ In aliis gentibus, seu cognatione aliqua Suevorum, seu (quod saepe accidit) imitatione, rarum, et intra juventae spatium; apud Suevos, usque ad canitiem, horrentem capillum retro sequuntur, ac saepe in ipso solo vertice religant: principes et ornatiorem habent:⁶ ea cura formae, sed innoxiae. Neque enim ut ament amenturve; in altitudinem quamdam et terrorem, adituri bella, comiti, ut hostium oculis,⁷ ornantur.

21 *Divus Julius.* Julius Caesar Ariovistum, Germanorum regem, prope *Dampierre*, in *Franche-Comté* vicit, fusosque Germanos ingenti strage triginta millia quingentos passus usque ad Rhenum insecutus est, totumque hunc campum cadaveribus ac spoliis complevit A. U. C. 696. Jul. Cæs. B. G. i, 33 et 52. et Plut. Cæs. p. 675. Ante a Julio Caesare multati fuerant Tigurini, qui olim L. Cassium, ut supradictum est, interfecerant, Romanumque exercitum sub jugum niiserant. V. Jul. Cæs. B. G. i, 12.

22 *Drusus ac Nero et Germanicus.* Nero Claudius Drusus, qui ob res in Germania praeclare gestas sibi suisque Germanici cognomen meruit. V. Stem. Cæs. n. 79. Neronis, i. e. Tiberii, ab Augusto in Germaniam missi, et Germanici operosas victorias vidimus in libris Annalium i et ii. V. quoque Stem. Cæs. n. 68 et 81.

23 *C. Caesaris.* Caii Caligulae. Minas ejus in ludibrium versas dicemus in Suppl. An. viii, 23.

24 *Legionum hibernis.* In bello Civilis, de quo dictum satis sup. Hist. iv et v.

25 *Triumphati magis.* A Domitiano, ut dicitur inf. Vit. Agr. 39.

1 *De Suevis.* Suevi immensum terrarum tractum inter Albim, Vistulam, Oceanum,

the Baltic sea, et Danubium obtinebant. Latius adhuc olim habitavere, et usque ad Rhenum tenuere. Inde Strabo, Jul. Cæs. Florus, Ptolem. alique ad Suevos referunt, quae ad Cattos pertinent.

2 *Propriis adhuc nationibus.* De quibus mox dicitur usque ad c. 45.

3 *Obliquare crinem.* Suevi crinem non spargebant, ut solent barbari, sed obliquabant, et intortum in occipite nodo substringebant.

4 *A ceteris Germanis.* Ergo ceteri Germani non obliquabant crinem; eum tamen in nodum pluresque cirros cogeant. Unde Sen. de Ira iii, 26. 'Crinis rufus et in nodum coactus apud Germanos.' Et Martialis, in spectaculorum libro, 3. 9. 'Crinibus in nodum tortis venerere Sicambri.'

5 *A servis separantur.* Ap. Suevos, ut ap. ceteros Germanos, tonsi videntur fuisse servi; aut saltem ita fuere decurtati, ut obliquare crinem, nodoque substringere non potuerint.

6 *Ornatiorem habent.* Capillum, non retro et in occipite, sed in solo vertice, religatum, principes ornatiorem habent.

7 *Ut hostium oculis.* Non ornantur ut ament amenturve, sed ut hostium oculis terribiliores videantur, crinibus in hanc altitudinem terroremque comitis.

39. "Vetustissimos se nobilissimosque Suevorum" Semnones¹ memorant. Fides antiquitatis, religione firmatur. Stato tempore in sylvam, auguriis patrum² et prisca formidine sacram, omnes ejusdem sanguinis populi legationibus coeunt, cæsoque publice homine celebrant barbari ritus horrenda primordia. Est et alia luco reverentia. Nemo nisi vinculo ligatus ingreditur, ut minor, et potestatem numinis præ se ferens; si forte prolapsus est, attolli et insurgere haud licitum: per humum evolvuntur: eoque omnis superstitio respicit, tamquam inde initia gentis, ibi regnator omnium Deus,³ cetera subjecta atque parentia. Adjicit auctoritatem fortuna Semnonum: centum pagis⁴ habitantur: magnoque corpore efficitur, ut se Suevorum caput credant.

40. Contra Langobardos¹ paucitas nobilitat: plurimis ac valentissimis nationibus cincti, non per obsequium, sed præliis et periclitando tuti sunt. Reudigni² deinde; et Aviones,³ et Angli,⁴ et Varini,⁵ et Eudoses,⁶ et Suardones, et Nuitho-

1 *Semnones*. Utramque Viadri, the Oder, ripam, nunc part of Pomerania, Brandenburg, and Lusatia, tenuere Semnones. Veterem Semnonum gloriam factis scriptisque illustravit, magisque ac magis in dies illustrat Fredericus III. Prussiae rex, quem appellasse, laudasse est. Vide *Mémoires pour servir à l'Histoire de la Maison de Brandebourg*, p. 292.

2 *Auguriis patrum*. Ex imitatione Virgiliana, aut ex veteri aliquo poeta versus: 'Auguriis patrum et prisca formidine sacram.'

3 *Regnator omnium Deus*. Hæc est prima hominum fides, REGNATOR OMNIUM DEUS, cui cetera subjecta sunt atque parentia. Quo antiquiora sunt et sinceriora gentium monumenta, eo illustrior effulget divinitatis veneratio, maxime ap. Scythas, quorum propago erant Germani. At a puro simplicique cultu ita degeneraverant Semnones, ut et secreto sylvæ, de quo jam sup. c. 9. et cæso homine, barbæ supplicarent.

4 *Centum pagis*. Ne existimes fuisse vicos, Villages, sed pagos; Hundreds. V. quas notata sunt sup. c. 6.

1 *Langobardos*. Augusti principatu Langobardi cis Albim, inter Lunenburg and Magdeburg, habitavere. A Tiberio victi, et trans Albim pulsî, Strabo vii, p. 290. Vell. Paterc. ii, 106. Suet. Aug. 21. loca illa tenere, ubi nunc Prignitz, Ruppin. Postea regnum Langobardicum in Italia condiderunt, quod, capto rege Desiderio, subactaque Italia, a Carolo Magno excisum

est anno J. C. 774. Extant adhuc leges Langobardorum ap. Lindenbrogium. Burgundiones hic omisit Tacitus, quod tunc sane parva fuerit eorum civitas. Postea cum Langobardis Decumates agros limitemque Romanum insedere. Inde in Galliam erupere, easque terras occupavere, quas de eorum nomine adhuc dicimus Burgundy. Extant quoque Burgundionum leges, quas v. ap. Lindenbrogium.

2 *Reudigni*. Ex Taciti descriptione Langobardis vicini fuere Reudigni, ergo ibi habitavere, ubi nunc part of Mecklenburg and Lauenburg. Antea cis Albim habitavere, ubi est sabuletum Luneburgicum. Inde forte nomen traxere, ut vult erudit. Eccard. de Rebus Franciæ Orientalis, Vol. i, p. 3.

3 *Aviones*. Forte iidem sunt, quos Mamerlinus in Panegyrico Maximiani c. 5. Chaibones appellat: Langobardis et Reudignis quoque proximi, nunc part of Mecklenburg. Ante cis Albim ripas amnia Ilmenaviæ Luneburgici tenuere. Annis ille ex eorum nomine incolis adhuc dicitur Ava, teste erudito Eccardo l. c.

4 *Angli*. Nunc part of Holstein and Sleswick. Ibi adhuc est regio Angeln, inter Flensburg et Sleswick. Seculo post Christum natum quinto, Angli, comitibus Saxonibus, in Britanniam immigravere, nomenque Angliæ dedere; quo uno facto perennitati suæ melius, quam Suevi Cimbrique consulere.

5 *Varini*. Nunc the eastern part of Meck-

nes, fluminibus aut sylvis muniuntur: nec quidquam notabile in singulis, nisi quod in commune Herthum,⁷ id est, Terram matrem colunt, eamque intervenire rebus hominum, inveni populis, arbitrantur. Est in insula⁸ Oceani castum nemus,⁹ dicatum in eo vehiculum, veste contextum, attingere uni sacerdoti concessum. Is adesse penetrali¹⁰ Deam intelligit, vectamque bubus foeminis multa cum veneratione prosequitur. Laeti tunc dies,¹¹ festa loca, quaecumque adventu hospitioque dignatur. Non bella ineunt, non arma sumunt, clausum omne ferrum; pax et quies tunc tantum nota, tunc tantum amata, donec idem sacerdos satiatam conversatione mortalium Deam templo reddat:¹² mox vehiculum et vestes, et, si credere velis, numen ipsum¹³ secreto lacu abluitur. Servi ministrant, quos statim idem lacus haurit.¹⁴ Arcanus hinc terror, sanctaque ignorantia, quid sit id, quod tantum perituri vident.

41. Et hæc quidem pars Suevorum in secretiora Germaniæ porrigitur. Propior (ut quo modo paulo ante Rhenum, sic nunc Danubium sequar) Hermundurorum civitas,¹ fida Ro-

lenburg, circa ripas amnis Varnæ, occupare. Ibi adhuc oppidulum Waren, ad lacum Muritz situm, Extant leges veteres, quæ Anglis et Varinis communes fuere. Eas v. ap. Lindenbrogium et Cl. Leibnizium, Scriptores rerum Brunsvicensium, vol. i, p. 81.

6 Eudoses. Ex Taciti descriptione, aliorumque populorum situ, patet Eudoses fuisse, ubi nunc Wismar and Rostock: Suardones, ubi nunc Stralsund, Swedish Pomerania, and part of hither Pomerania: Nuithones, ubi nunc part of hither Pomerania. Eos tamen multo latius habitasse existimat erudit. Eccard. l. c. Eudoses enim ad Viadrum, Suardones ad Wartam, Nuithones ad Netzam, diffundit.

7 Herthum. Manet adhuc Germanis vetustum nomen; terraque appellatur Erde. Multi pronuntiant Erdt. Quod nonnihil affinitatis habet cum Hebraica appellatione ארץ. Invaluit autem ap. omnes ferme populos hæc superstitio, ut terram colerent. Ap. ipsos Romanos, Sempronius, domitis Picentibus, 'Tellurem Deam promissa æde placavit.' Florus, 19.

8 In insula. Insula hæc multis videtur esse ea, quæ nunc dicitur Rugen, in the Baltic. At, ut probabilius, alia est insula, Albis ostio proxima, quæ dicitur Heligoland. Id enim magis convenit cum vete-

ribus Langobardorum, Reudignorum, Avionumque sedibus.

9 Castum nemus. Nemus sanctum et nunquam violatum, Terræ Deæ sacrum. V. not. et em. ad c. 40.

10 Penetrati. Dicato nempe vehiculo.

11 Laeti tunc dies. Olaus Rudbeckius, vir eruditus, sed opiniosissimus, qui Germaniam omnem in suam Scandinaviam transtulit, contendit festum illud bruma fuisse celebratum, manereque adhuc, et dici Julifred, seu pacem Juliam. Rudbeck. Atlantica i, 24. At festum illud Juul, non in Terræ, sed in Solis, quem Thor, aut Turanim, dicebant, honorem agebatur. Serius menseque Februario colebatur Terra; ut videre est ap. Cl. Mallet, Introduction à l'Histoire de Danemarck, p. 81 sq.

12 Templo reddat. Templo, i. e. sacro memori; ut merito observat Cl. Ernest.

13 Numen ipsum. Vehiculum Deæ, quam mortalium conversatione fedatam opinantur.

14 Lacus haurit. In lacum detrusos, ne vana sacra revelarent.

1 Hermundurorum civitas. Populos illos a virtute, Heermanner, et a Romanis Hermunduros dictos volunt. Inter Albim, Salam, et Boiemum, habitavere. Deinde cum Marcomanni, Boiis a Marobodu-

manis,⁴ eoque solis Germanorum non in ripa commercium, sed penitus, atque in splendidissima Rætiae provinciae colonia:³ passim et sine custode⁴ transeunt; et cum ceteris gentibus arma modo castraque nostra ostendamus, his domos, villasque patefecimus, non concupiscentibus.⁵ In Hermunduris Albis oritur,⁶ flumen inclytum et notum olim; nunc tantum auditur.⁷

42. Juxta Hermunduros Narisci,¹ ac deinde Marcomanni² et Quadi³ agunt. Præcipua Marcomannorum gloria viresque, atque ipsa etiam sedes, pulsus olim Boiis,⁴ virtute parta. Nec Narisci Quadive degenerant.⁵ Eaque Germaniæ velut frons est, quatenus Danubio pergitur. Marcomannis Quadisque usque ad nostram memoriam reges manserunt, ex gente ipsorum, nobile Marobodui⁶ et Tudri genus: jam et externos patiuntur. Sed vis et potentia regibus, ex auctoritate Romana:⁷ raro armis nostris, sæpius pecunia juvantur.

pulsis, Boiæmum occupassent, ipsi Marcomannorum sedes sedibus suis addidere, hucque nomen Suevorum intulere, unde regionem hanc adhuc dicimus *Suabia*.

2 *Fida Romanis*. Tunc fida; postea cum Marcomannis aliisque Germanis adversus Romanos, M. Aurelii, qui eos vicit, principatu, conspirare. V. Capitulin. in Marc. Aurel. 22.

3 *Colonia*. Augusta Vindelicorum, nunc *Augsburg*, splendidissima colonia provinciae Rætiae, cujus tunc pars erat Vindelicia.

4 *Sine custode*. Ob pacem et societatem cum Romanis incustoditi erant transitus et sine pretio. V. sup. Hist. iv, 65.

5 *Non concupiscentibus*. Has opes Romanorum atque delicias non concupiscebant Hermunduri, suis contenti.

6 *Albis oritur*. Hic errat graviter Tacitus, si fontem Egræ, qui in Hermunduris oritur, cum fonte Albis, qui erat apud Marcomannos in Boiæmo, confuderit. Inclytum quidem olim ac notum Albis flumen *Drusi*, *Tiberii*, *Domitii* victoriis; at, diu in hoc Germaniæ penitrali silentibus bellis, Romæ tantum fama audiebatur. Inde in signando Albis fonte Geographicas Romanorum tabulas minime accuratas fuisse videtur. Forte tamen Hermunduri, cum in exercitu Marobodui militassent, sedes accepere in ea parte Boiæmi, in qua Albis oritur. Tunc nullus foret Taciti error, ut videre est ap. erudit. Eccard. de Rebus Franciæ Orientalis, vol. i, p. 7.

7 *Tantum auditur*. Olim victicibus Ro-

manorum armis, notum: nunc, præpotentibus Germanorum rebus, fama tantum auditur. V. sup. An. iv, 44.

1 *Narisci*. Inter Hermunduros et Marcomannos fuere Narisci, ubi nunc *part of Bavaria, between Bohemia and the Danube*.

2 *Marcomanni*. Nunc *Bohemia*.

3 *Et Quadi*. De Quadis, Valentiniani et Valentis ætate, Ammian. Marcellin. xxix, 15. 'Quadorum natio motu est excita repentino, parum nunc formidanda, sed immensum quantum antehac bellatrix et potens, ut indicant perpetrata.'

4 *Boiis*. Qui eas regiones olim tenuere, et Boiæmo nomen indidere, ut dictum est sup. c. 28. Marcomanni, antequam Boios pellerent, haud procul fontibus Danubii habitavere; et quod Germaniæ limitem incolerent, dictos fuisse *Marcomanner*, a voce *Marc*, quæ *limitem* significat, recte opinatur Cl. Dithmarus. Haud ita probabiliter Cl. Leibnitius vult Marcomannos Moraviam, notidum pulsus Boiis, incoluisse, et a Marca fluvio nomen duxisse.

5 *Degenerant*. Inde Marcomannorum, Nariscorum, Quadorum, aliorumque sociorum, gravissimum adversus Romanos exarsit bellum, M. Aurelio Principe. Quantum in discrimen M. Aurelium Romanumque exercitum Quadi adduxerint docet Dio lxxi, p. 805 sq.

6 *Marobodui*. De Maroboduo actum sup. An. ii, 46 et 62.

7 *Auctoritate Romana*. Sic Vannium regem, a Romanis datum, vidimus sup. An.

43. Nec minus valent retro Marsigni,¹ Gothini,² Osi,³ Burii:⁴ terga Marcomannorum, Quadorumque claudunt: e quibus Marsigni, et Burii sermone cultuque⁵ Suevos referunt. Gothinos Gallica, Osos Pannonica lingua coarguit, non esse Germanos; et quod tributa patiuntur: partem tributorum Sarmatæ, partem Quadi, ut alienigenis, imponunt: Gothini, quo magis pudeat, et ferrum effodiunt:⁶ omnesque hi populi pauca campestrium, ceterum saltus et vertices montium jugumque insederunt. Dirimit enim scinditque Sueviam continuum montium jugum,⁷ ultra quod plurimæ gentes agunt: ex quibus latissime patet Lygiorum⁸ nomen in plures civitates diffusum. Valentissimas nominasse sufficiet, Arios,⁹ Helveconas, Manimos, Elysios, Naharvalos. Apud Naharvalos antiquæ religionis lucus ostenditur. Præsidet sacerdos muliebri ornatu: sed "Deos, interpretatione Romana, Castorem Pollucemque"¹⁰ memorant. Ea vis numini:¹¹ nomen *Alcis*: nulla simu-

ii, 63. et xii, 29. Furtium quoque, regem, Quadis postea dedit Antoninus Pius, ut testatur ejus nummus ap. Cl. Spanhem. de Præstantia et Usu Numismatum, vol. ii, p. 582. ANTONINVS PIVS AVGVSTVS, capite laureato. Inversa parte, duo homines stantes. REX QVADIS DATVS. Furtium cum eiecissent Quadi, Ariogæsum regem sibi constituere, quem M. Aurelius, Ariogæso infensus, confirmare noluit. V. Dion. lxxi, p. 808. Tanta autem erat hac in re auctoritas Romana, ut 'Quadi, amisso rege suo, non prius se confirmaturos eum qui erat creatus, [dicerent,] quam id nostris placuisset Imperatoribus.' Capitolin. in M. Antonin. 14.

1 Marsigni. Nunc Glatz, Jagerndorf, and part of Silesia.

2 Gothini. Nunc part of Silesia and Hungary, infra Marsignos.

3 Osi. Infra Gothinos Osi, nunc part of Hungary.

4 Burii. Ultra Gothinos Burii, ad Carpatem montem et Vistulæ fontes.

5 Cultuque. Quem vidimus sup. c. 38. Præterea videtur Suevos sermone, aut potius dialecto, a ceteris Germanis fuisse distinctos.

6 Ferrum effodiunt. In ferri fodinis, quas obtinebant Quadi, teste Ptolem. ii, 11. 'Τὰ δὲ τῶν Ὀρκύνων ὀρυκτὰν Κοῦδαοι ὑπὸς τὰς αἰθέρων ῥυτίδα, καὶ ἡ Λούνα ἔστιν.' Sub sylvâ Hercynia Quadi: sub quibus ferri fodinæ, et Luna sylvâ.

7 Continuum—jugum. The mountains

between Moravia, Hungary, Silesia, and Bohemia.

8 Lygiorum. Lygii, nunc part of Silesia, Prussia, and Poland. Jam memorati sunt sup. An. xii, 29.

9 Arios. Arii, Helvecones, Manimi, Elysi, Naharvali habitavere inter Viadrum, the Oder, et Vistulam, the Vistula, ubi nunc part of Silesia, Brandenburg, and Poland. Forte ab Ariis genus ducebat Ariogæsus, Quadorum rex, de quo dictum sup. c. 42. not. sup. Ab Elysiis Silesiæ, Silesia, nomen ortum volunt. Helvecones prorsus diversi sunt ab Hillevionibus, de quibus dicitur inf. c. 44. not. inf.

10 Castorem Pollucemque. Apud Romanos Castor et Pollux in tempestatibus invocabantur. Inde Sen. Nat. Quæst. i, 1. 'In magna tempestate apparent, quasi stellæ velo insidentes. Adjuvari se tunc periclitantes existimant Pollucis et Castoris numine.'

11 Ea vis numini. In stellis, quas vulgo dicimus jack in lanterns, Castorem et Pollucem venerabantur Romani; ut videre est ap. Plin. ii, 37. Numen quoque suum in his fatuis ignibus coluisse videntur Naharvali. Illud *Alcin* dixere, forte a vocabulis *Alff*, *Alp*, quibus adhuc Genios montium appellant Septentrionales populi, teste erudito Keysler. in Antiquitatibus Celticis, p. 500. Verum cum sine ullis simulacris, sine ullo peregrinæ superstitionis vestigio, Deos illos, ut fratres, ut juvenes venerarentur Naharvali, minime cre-

lacia, nullum peregrinae superstitionis vestigium: ut fratres tamen, ut juvenes venerantur. Ceterum Arii super vires, quibus enumeratos paulo ante populos antecedunt, truces, insitae feritati arte ac tempore lenocinantur: nigra scuta, tincta corpora:¹² atras ad praelia noctes legunt: ipsaque formidine atque umbra feralis exercitus terrorem inferunt, nullo hostium sustinente novum ac velut infernum aspectum: nam primi in omnibus praeliis oculi vincuntur. Trans Lygios Gothones¹³ regnantur, paulo jam adductius, quam ceterae Germanorum gentes, nondum tamen supra libertatem. Protinus deinde ab Oceano Rugii,¹⁴ et Lemovii:¹⁵ omniumque harum gentium insigne, rotunda scuta, breves gladii, et erga reges obsequium.

44. Suionum¹ hinc civitates, ipso in Oceano,² praeter viros

diderim eos fuisse Castorem et Pollucem, Graeca Romanave numina. In iis potius agnoverim Canadensium Deos *Napinouk-keth*, et *Pepoumouk-keth*, quos inter ita divinum orbis imperium, ut hic veris et aestatis, ille hyemis sit praeses. Alternis temporum vices regunt, et hominum fata moderantur. Vide Creuxium, *Historia Canadensis*, p. 81. Huc quoque referenda videntur Sarmatarum numina *Lebus* et *Polebus*, quorum memoria adhuc manet in conviviis Polonicis. Diod. Sic. iv, 56. p. 180. Dioscuros, seu Castorem et Pollucem, a Celtis, Oceani accolis, cultos memorat. Sed isti populi sunt a Naharvalis diversi.

12 *Tincta corpora*. Id olim in usu apud gentes plurimas. Idem adhuc viget apud multos Americae populos. Quidam etiam corporibus suis notas inscribebant. Unde Plin. xxii, 1. 'Formae gratia ritusque perpetui, in corporibus suis aliquas exterarum gentium uti herbis quibusdam, adverte animum. Illinunt certe aliis aliae faciem in populis Barbarorum feminae, maresque etiam apud Dacos et Sarmatas corpora sua inscribunt.' Tales corporum picturas, a Canadensibus, ut truculentiores videantur, usurpatas, exhibet P. Creuxius, *Historia Canadensis*, p. 70. Si de hoc usu plura volueris, adi eruditum Pelloutier, *Histoire des Celtes*, vol. i, p. 290 sq.

13 *Gothones*. Supra memoratos populos erant Gothones. Diversi sunt a Gothis, de quibus mox dicemus, sed forte cum iis arma sociavere.

14 *Rugii*. Protinus ab Oceano Baltico erant Rugii, ubi nunc *Colberg*, *Cassubia*, *farther Pomerania*: ibi adhuc oppidum

Rugenwald. In ipso mari memoriam eorum retinet insula *Rugen*.

15 *Lemovii*. Mare Balticum accolabant quoque Lemovii, ubi nunc *Stalpe*, *Lauenburg*, *Dantzic*. Lemoviorum sedes postea occupasse videntur Heruli. Nulla enim deinde Lemoviorum memoria, frequens vero Herulorum, et per Europam et Asiam gloria ingens: primi etiam Germanorum sub Odoacro regnum in Italia condidere.

1 *Suionum*. Suiones, nunc *Sweden*, *the isles of Denmark*, *Funen*, *Langland*, *Zealand*, *Laland*, &c. E Suionibus Cimbrisque emersere Normanni, qui late terrorem circumtulere, et opimam Gelliae provinciam, de eorum nomine adhuc appellatam *Normandy*, occupavere. Majus adhuc et audentius Gothorum, Wisigothorum, Ostrogothorum nomen. Ii sunt, qui imperium Romanum perdidere, et Romam tam diu invictam, et aeternitatis spe vanam, cepere. Extant adhuc Wisigothorum leges, sed a solita Germanicarum legum simplicitate alienae.

2 *Ipsa in Oceano*. Romani, quibus nondum satis comperta erat haec terrarum pars, hic finxere 'insularum immensa spatia,' ut vidimus sup. c. 1. Unde et Plin. iv, 13. ait: Codanus sinus, nunc *the Baltic Sea*, 'refertus insulis, quarum clarissima Scandinavia, [hodie *Sweden*, *Norway*,] est incomptae magnitudinis, portionem tantum ejus, quod sit notum, Hillevionum gente quingentis incolente pagis, quae alterum orbem terrarum eam appellat.' Hillevionum memoria adhuc manet in ea Sueciae parte, quae dicitur *Halland*.

armaque classibus valent:³ forma navium⁴ eo differt, quod utrimque prora paratam semper appulsui frontem agit: nec velis ministrantur,⁵ nec remos in ordinem lateribus adiungunt. Solutum, ut in quibusdam fluminum, et mutabile, ut res possit, hinc vel illinc remigium. Est apud illos et opibus honos:⁶ eoque unus imperitat, nullis jam exceptionibus,⁷ non precario jure parendi: nec arma, ut apud ceteros Germanos, in promiscuo, sed clausa sub custode, et quidem servo:⁸ quia subitos hostium incursus prohibet Oceanus. Otiosæ porro armorum manus facile lasciviunt: enimvero neque nobilem, neque ingenuum, ne libertinum quidem armis præponere regia utilitas est.

45. Trans Suionas aliud mare¹ pigrum, ac prope immotum, quo cingi cludique terrarum orbem hinc fides:² quod extremus cadentis jam Solis fulgor in ortus edurat, adeo clarus, ut sidera hebetet. Sonum insuper emergentis³ audiri,⁴ for-

³ *Classibus valent.* Atque ita valere, ut penes eos sit gloria *juris nautici*, ejus leges undecimo post Christum natum seculo primum scriptæ sunt in urbe *Wisby*; quæ urbs princeps est insulæ *Gothland*. Unde illa insula merito appellatur 'Oculus maris Baltici.'

⁴ *Forma navium.* Quæ Suionum, eadem adhuc est Canadensium navibus, *canoes*, forma. Utrisque prora paratam appulsui frontem agit. At Canadensium naves sine velis, et cum velis aguntur. V. P. de Charlevoix, *Lettre* xii, p. 192.

⁵ *Velis ministrantur.* Melius *ministrant*. Notum enim illud Virgilii, 'Velisque ministrant.' Nec aliter Lucan. iii, 691. 'Tela legunt dejecta mari, ratibusque ministrant.'

⁶ *Opibus honos.* Opulentissimum Suionum templum memorat Adamus Bremensis, Hist. Eccl. c. 233. 'Nobilissimum illa gens templum habet, quod Ubsola, [nunc *Upsal*,] dicitur, non longe a Sictona civitate, [nunc *Sigtuna*,] et Birca [nunc *Bioerkoe*]. In hoc templo, quod totum auro paratum est, statuas trium Deorum veneratur populus, ita ut potentissimus eorum Thor in medio solum habeat triclinium: hinc et inde locum possident Wodan et Frizzo.' E rudibus urbium Sictonæ et Bircæ exsurrexit urbs regni princeps, *Stockholm*. Nobile autem exemplum, ibi semper fuisse opes, ubi viguit nautica res.

⁷ *Exceptionibus.* Ibi suprema regum potestas: nullæ legum, nullæ libertatis

exceptiones. Unde Cl. Spener, Notitia Germaniæ antiquæ, v. 7. p. 177. recte existimat apud Suionas 'regnum fuisse jure hereditario,' non vero datum populi electione: 'Nam jus parendi precarium vix non semper regis sequitur electionem.'

⁸ *Servo.* Ibi enim servi supra ingenuos, supra nobiles ascendebant. V. sup. c. 25.

¹ *Aliud mare.* Quod vulgo dicimus *the Frozen Ocean*. Præterquam quod Borealis pars sinusque maris Suevici, quæ *the Northern part of the Baltic Sea*, and *the gulfs of Bothnia and Finland*, quotannis frigore et glacie ita rigeant, ut sine maximis difficultatibus, teste erudito Rudbeckio, *Atlantica*, p. 323. navibus adiri non possint; Suionibus, qui classibus valebant, comperit quoque fuit mare glaciale, quod, ultra gradum 81. æstate vel hyeme, nullas naves admittit. V. eundem Rudbeck. l. c. p. 359.

² *Hinc fides.* Parum apposite ad astronomicas rationes. In his enim terrarum finibus extremus cadentis Solis fulgor usque in ortus, vel in ortum, edurat, non quod ibi sit naturæ terminus, sed quod terræ ibi protendantur ad gradum 72. ac proinde ultra circulum polarem Arcticum, sub quo, vi Solaris cursus, viginti quatuor horas lucescit. Hac de re si plura volueris, v. eruditum Varenium, *Geographia generalis*, ii, 25.

³ *Emergentis.* Melius *immergentis*, vel *se mergentis*. V. not. et em. ad c. 45.

⁴ *Audiri.* Ut ferrum candens, sic Solem stridendo aquas subire opinabantur. Unde

masque Deorum,⁵ et radios capitis aspici persuasio adjicit. Illuc usque (et fama vera) tantum natura.⁶ Ergo jam dextro Suevici maris⁷ littore Æstiorum gentes⁸ alluuntur: quibus ritus habitusque Suevorum,⁹ lingua Britannicæ propior.¹⁰ Matrem Deum¹¹ venerantur: insigne superstitionis, formas aprorum¹² gestant. Id pro armis omnique tutela: securum Deæ cultorem etiam inter hostes præstat.¹³ Rarus ferri, frequens fustium usus. Frumenta ceterosque fructus patientius,¹⁴ quam pro solita Germanorum inertia, laborant. Sed et mare scrutantur; ac soli omnium¹⁵ succinum,¹⁶ quod ipsi *Glesum*¹⁷ vocant, inter vada atque in ipso littore legunt. Nec, quæ natura, quæve ratio gignat, ut barbaris, quæsitum compertumve. Diu quinetiam inter cetera ejectamenta maris jacebat,¹⁸ donec luxuria nostra¹⁹ dedit nomen: ipsis in nullo

Juvenal. xiv, 280. 'Audiet Herculeo stridentem gurgite Solem.' Idque vulgare ap. poetas, cum occasum Solis describunt.

5 *Formasque Deorum.* Melius *formasque eorum*: ni forte *formas Deorum* accipias de Neptuno aliisque marinis Deis Solem excipientibus.

6 *Tantum natura.* Ita de Oceano Indico Q. Curt. ix, 9, ait 'ne naturam quidem longius posse procedere.' Nunc vero fama illa non est vera: ultra terras Sui- nibus habitatas cognitasse, novæ innotue- re terræ, *Spitzbergen, Greenland, &c.* nec- dum tota patet natura. Utinam auspica- tis tot gentium, nautica arte celeberrima- rum, navigationibus aliquando pateat! Qui enim naturæ intima scrutabimur, si ne extima quidem cognoverimus?

7 *Suevici maris.* Nunc the Baltic Sea.

8 *Æstiorum gentes.* Nunc Prussia, the duchies of Samogitia, Courland, the Palatinate of Livonia, and Estonia, in cujus nomine extat veteris nominis memoria. V. inter Testimonia Veterum epistolam, quam de succino et hoc Taciti loco ad Æstios scripsit Theodoricus rex.

9 *Suevorum.* De quibus sup. c. 38.

10 *Britannicæ propior.* Quod Æstii, in extremis Germaniæ finibus positi, lin- guam Scythico-Celticam, quæ apud Bri- tannos diu viguit, retinerent; ut recte ob- servat Cl. Dithmarus.

11 *Matrem Deum.* Quæ Freia, aut Fric- co, dicebatur: numen Scythicæ originis, de quo dictum sup. c. 40. V. et Cl. Mal- let, *Introduction à l'Histoire de Dane- mark*, p. 56 sq.

12 *Formas aprorum.* Manent adhuc hujus superstitionis multa vestigia in Sue- cia. Rustici, illo ipso tempore quo sa- crum Fræa mense Februario olim perage- batur, panem forma verris, in multis su- perstitiosos usus paratum componunt. Quod v. ap. erudit. Ecceard., de Rebus Franciæ Orientalis, Vol. i, p. 409.

13 *Inter hostes præstat.* Tanta vanæ religionis fiducia.

14 *Patientius.* Quod non, ut ceteri Germani, ita vagi bellisque dediti, sed loci necessitate in iisdem terris consiste- rent.

15 *Soli omnium.* Nunc vero et alii aliisque in terris succinum legunt: sed semper vis maxima et optima in Æstiorum littoribus.

16 *Succinum.* Quod *Anglice* dicimus, *yellow amber.*

17 *Glesum.* Sic adhuc vitrum, quod pellucidum sit, a Germanis *Glas* appella- tur. Plin. autem, xxxviii, 3. 'Certum est [succinum] gigni in insulis Septemtriona- lis Oceani, et a Germanis appellari gles- sum: itaque et a nostris unam insularum ob id Glessariam appellatam, Germanico Cæsare ibi classibus rem gerente, Aus- traviæ a barbaris dictam.' Ibi multa de succino. Quæ inter, memorat Plin. maxi- mum pondus glebæ succini, Nerone Prin- cipe allatum, fuisse 'xiii librarum.'

18 *Jacebat.* Adeo vile, ut Guttones, qui illud æstuarium olim incolebant, 'pro ligno ad ignem' uterentur succino, 'proxi- misque Teutonibus' venderent, Plin. xxxvii, 2.

19 *Luxuria nostra.* Inde enim apud

usu; rude legitur, informe perfertur, pretiumque mirantes accipiunt. Succum tamen arborum²⁰ esse intelligas, quia terrena quædam atque etiam volucris animalia plerumque interlucent,²¹ quæ implicata humore, mox durescente materia, cluduntur. Fœcundiora igitur nemora lucosque, sicut Orientis secretis,²² ubi thura balsamaque sudantur, ita Occidentis insulis terrisque inesse crediderim, quæ vicini Solis radiis expressa atque liquentia in proximum mare labuntur, ac vi tempestatum in adversa littora²³ exundant. Si naturam succini admoto igne tentes, in modum tedæ accenditur, alitque flammam pinguem et olentem:²⁴ mox ut in picem resinamve lentescit. Suionibus Sitonum gentes²⁵ continuantur. Cetera similes, uno differunt, quod fœmina dominatur: in tantum non modo a libertate, sed etiam a servitute degenerant. Hic Sueviæ finis.

46. Peucinatorum, Venedorumque, et Fennorum nationes Germanis an Sarmatis¹ adscribam dubito: quamquam Peucini,² quos quidam Bastarnas vocant, sermone, cultu, sede, ac domiciliis,³ ut Germani agunt: sordes omnium ac torpor: procerum connubiis mixtis,⁴ nonnihil in Sarmatarum habi-

Romanos e succino monilia, anuli, nummi, pocula, auctore Plin. l. c. Fuere et columnæ, de quibus Claudian. de Rapt. Proserp. i, 154. 'Atria cingit ebur, trabibus solidatur ahenis Culmen, et in celsas surgunt electra columnas.' Transiit quoque in theatrum succinum, Nerone Principe. V. Plin. l. c. c. 3.

20 *Succum arborum.* Alii postea succinum inter bituminum saliumque species annumeravere; quorum sententiæ favere videbatur succinum fossile, in agris Prussicis passim obvium: repertum quoque in Saxonia prope oppidum *Schmideberg*, aliisque in locis a mari dissitis. Sunt tamen adhuc et plurimi, qui succinum esse succum arborum pinearum ac popularum volunt; qua de re ingeniosas ac probabiles conjecturas nuper edidit Cl. Formey.

21 *Interlucent.* Araneas, formicas, apes, aliaque id genus, succino clausa, ut recte explicat Tacitus, sæpe vidimus. At circumferuntur quoque lacerti, aliaque majora animalia succino implicita, non naturæ lusu, sed circulatorum fraudibus, qui his monstrosos pecuniosos et ignaros homines argento emungunt.

22 *Orientis secretis.* Bene accurateque

dictum, quia inter secreta habebantur colebanturque thura ac balsama. De thure Arabiæ v. Plin. xii, 14. De Judææ balsamo diximus satis sup. Hist. v, 6.

23 *In adversa littora.* E proximo Suionum mari in adversa Æstiorum littora vi tempestatum succinum propellebatur.

24 *Olentem.* Succinum attritu odoraque flamma pinum redolet.

25 *Sitonum gentes.* Nunc Norway.

1 *Germanis an Sarmatis.* Germania quidem Vistula finiebatur: et ultra Vistulam erat Sarmatia. Peucini tamen, Venedique et Fenni Germanicæ originis esse videbantur, quod licet in Sarmatia positi, a Sarmatarum moribus deflecterent.

2 *Peucini.* Peucinos quoque Germanicæ adscribit Plin. iv, 14. 'Quinta [Germaniæ] pars Peucini, Basternæ, supra dictis contermini Dacis.' Ad Istri, the Danube, ostia, et in ipsis etiam Istri ostiis insulam Peucen, nunc *Piczina*, habitabant Peucini pars Bastarnarum, ut patet ex Strab. vii, p. 306.

3 *Sede, ac domiciliis.* Sedem domiciliaque fugebant Peucini. Contra Sarmatæ in plastro equoque vivebant.

4 *Connubiis mixtis.* Peucinatorum pro-

tum foedantur. Venedi⁵ multum ex moribus⁶ traxerunt. Nam quidquid inter Peucinos Fennosque sylvarum ac montium erigitur, latrociniiis pererrant. Hi tamen inter Germanos potius referuntur, quia et domos fingunt, et scuta gestant, et pedum usu ac pernecitate gaudent: quæ omnia diversa Sarmatis sunt, in plaustro equoque⁷ viventibus. Fennis⁸ mira feritas, foeda paupertas: non arma, non equi, non penates: victui herba, vestitui pelles: cubile humus: sola in sagittis spes, quas inopia ferri, ossibus asperant. Idemque venatus viros pariter ac foeminas alit. Passim enim comitantur, partemque prædæ petunt. Nec aliud infantibus ferarum imbricatumque suffugium, quam ut in aliquo ramorum nexu contegantur: huc redeunt juvenes, hoc senum receptaculum. Sed beatius arbitrantur, quam ingemere agris, illaborare domibus, suas alienasque fortunas spe metuque versare. Securi⁹ adversus homines, securi adversus Deos, rem difficillimam adsecuti sunt, ut illis ne voto quidem¹⁰ opus esset. Cetera jam fabulosa: "Hellusios et Oxionas"¹¹ ora hominum vultusque,

ceres connubia miscebant cum Sarmatis, et in Sarmatarum habitum moresque foedabantur.

5 *Venedi.* Venedi ultra Peucinos et Bastarnas ad Suevicum usque mare, *the Baltic Sea*, protendebantur. Venedorum memoriam adhuc retinet Sinus Venedicus, nunc *the Gulf of Dantzic*. Manet quoque nomen in *Wenden*, quæ pars est Livoniæ. Cum Germanorum gentes plurimæ in Italiam, Galliam, Hispaniam irrupissent, Venedi, dicti quoque Winedi, vacuas sedes occupavere inter Vistulam et Albim. Inde Danubium trajecere, Dalmatiam, Illyricum, Istriam, Carnos, Noricasque Alpes tenuere. De eorum nomine pars Carniolæ adhuc dicitur *Windismarck*. Ob celebritatem nobilitatemque cognominati sunt Slavi, latissimeque viget eorum lingua, *the Sclæonian language*, de qua crudite disseruit Cl. de Peyssonnel, *Observations Historiques et Géographiques sur les peuples barbares*, p. 7 sq.

6 *Ex moribus.* Ex moribus Sarmatarum.

7 *In plaustro equoque.* Sic et hodie vivunt Sarmatarum reliquæ, *the Tartars, the Nogays*.

8 *Fennis.* Eorum regio a Plin. iv, 13. dicitur, 'Eningia.' Forte melius legeretur *Feningia*. Hodie *Finland*. Fennorum feritatem paupertatemque describit Warne-

frid. de Gestis Langobardor. i, 5. 'Scriobini, [potius, *Scritofinni*,]—æstatis tempore nivibus non carent, nec aliis, utpote feris ipsis ratione non dispares, quam crudis agrestium animantium carnibus vescuntur; de quorum etiam hirtis pellibus sibi indumenta coaptant. Hi a saliendo, juxta linguam barbaram, etymologiam ducunt: saltibus enim utentes, arte quadam ligno incurvo, ad arcus similitudinem, feras adsequuntur.' In his saltibus, in incurvo arcuatoque ligno, agnoscere est Canadenses soleas, quas vulgo dicimus *rackets*. Earum descriptionem v. ap. P. de Charlevoix, l. c. *Lettre* xiv, p. 221.

9 *Securi.* Sic Sen. Ep. xvii, commendat paupertatem, quæ 'promittitur perpetua libertas, nullius, nec hominis, nec Dei timor.' De interrita Canadensium securitate, cum suprema vitæ instant, v. P. de Charlevoix, l. c. *Lettre* xxvi, p. 372.

10 *Ne voto quidem.* Illis natura sufficit. Inde ne voto quidem opus, 'quia natura minimum petit,' Sen. l. c.

11 *Hellusios et Oxionas.* Ultra Fennos Hellusii et Oxiones, nunc Laponia. Cum in his frigidissimis regionibus homines horrent hirsutis ferarum pellibus, dicti sunt ora hominum, corpora artusque ferarum gerere; communi errore, et apud nos etiam in longinquarum peregrinationum narrationibus vulgato. Adde moris esse apud

corpora atque artus ferarum gerere:" quod ego, ut incomper-
tum, in medium relinquam.¹²

barbaros imitari sonos ferarum, ut terreant et fallant. V. P. de Charlevoix, *Histoire et Description générale de la nouvelle France*. Lib. i, p. 16 sq.

12 *In medium relinquam*. Bene egrégieque factum. Fabulas enim prodidisset Tacitus, quales Mela, Plinius, alique pluri, etiam recentiores. Nunc vero aliquid de toto hoc libro summam observare juvat. Compertum enim mihi videtur, et omnibus perspectum erit, ut opinor, Tacitum nihil de Germanorum moribus scripsisse, quod cum natura et veritate non consentiat. Si enim, ut quibusdam placuit, ingenio suo indulsisset Tacitus, ut Germanorum mores fingeret potius, quam referret, Romanos carpendi cupidus; quomodo mores illi Germanorum cum Canadensium moribus, qui vident adhuc, nobisque sunt perspectissimi, concordant? Quomodo mores illos Germanorum, in veteribus legibus, Salica, Ripuariorum, Burgundionum, Anglorum, Langobardorum, aliorumque, superstitibus deprehendimus? Quomodo, post tot tantasque seculorum atque impe-

riorum vices, mores illos, illos usus tamdiu retinere, hodieque magna ex parte retinent immensæ et diversæ Germanorum, Francorum, Anglorum gentes? Quotquot vivimus, et annales nostros, nostras leges, nostros usus novimus, huic libro fidem facimus. Utinam faciamus semper, Germanicasque virtutes, novis et majoribus in dies virtutibus, cumulemus! At in hoc libro mores Romanos, vel silens, passim carpit Tacitus. Vere quidem et belle. Hoc est enim optimi cujusque scriptoris officium, hæc cura, hæc laus, ad ætatis suæ mores, sine adulatione, sine offensione, animum advertere, eosque pro suis viribus ad meliora promovere. Nihil ultra addidero. Si quis autem, quantum Germanici moris retinuerimus, voluerit paucis cognoscere, elegantissimam legat dissertationem, cui Cl. de Vertot titulum fecit: *Dissertation dans laquelle on tâche de démêler la véritable origine des Français, par un parallèle de leurs mœurs avec celles des Germains*. V. *Mém. de l'Acad. Roy. des Inscript.* vol. ii, p. 567 sq.

CN. JULII AGRICOLÆ VITA;

SCRIPTORE

C. CORN. TACITO.

BREVIARIUM.

1. **IN** scribenda clarorum virorum vita mos. 2. Pericula. 3. Tacito animos addit præsens temporum felicitas. 4. Cn. Julii Agricolæ stirps, pueritia: adolescentiæ studia. 5. Prima castrorum rudimenta in Britannia. 6. Ejus matrimonium: quæstura: tribunatus plebis: prætura: sacra ædilitas. 7. Othoniano bello matrem partemque patrimonii amittit. In Vespasiani partes transgressus, vicesimæ legioni in Britannia præest. 8. Ibi alienæ famæ cura suam promovet. 9. Inter patricios adsciscitur: Aquitaniam regit. Inde consul, Tacito filiam suam uxorem dat: Britannia præponitur, adjecto pontificatus sacerdotio. 10. Britannia descriptio. 11. Incolarum origo, habitus, sacra, sermo, mores. 12. Eorum militia, regimen, conventus: cælum, solum, metalla, margarita. 13. Victæ gentis ingenium. Cæsarum in Britanniam expeditiones. 14. Consulares legati Aulus Plautius, Ostorius Scapula, Didius Gallus, Veranius, Suetonius Paullinus. 15. Britannia rebellio. 16. Boudicea, generis regii fœmina, Britannorum dux. Motum hunc compescit Paullinus; cui succedere Trebellius Maximus et Vettius Bolanus, sed ignavi. 17. Rem restituunt magni duces, Petilius Cerialis et Julius Frontinus. 18. Agricola Britannia præficitur. Victis Ordovicibus, Monam insulam in deditionem recipit. 19. Præclaræ artes, quibus

1 Vita. In hac Cn. Julii Agricolæ vita absolutissimum habemus decore perfectæque laudationis exemplar. Ad illud quanto magis accesserit, quicumque id scribendi

genus suscipit, tanto probatior erit et illustrior: quo magis autem ab eo recesserit, tanto pluribus obruetur vitiiis.

provinciam regit, bellorum causas amovet. 20. Terrore, clementia parta pax. 21. Liberalibus artibus et voluptatibus molliuntur Britannorum animi. 22. Novæ gentes apertæ et vastatæ. 23. Bello adquisita præsidia firmanantur. 24. De occupanda Hibernia consilium. 25. Civitates trans Bodotriam sitæ explorantur. Motus Caledoniorum. 26. Ii nonam legionem aggrediuntur: cedunt territi. 27. Redit tamen animus; conspirantque civitates. 28. Usipiorum cohors miro casu Britanniam circumvecta. 29. Calgacus bellum parat; montemque Grampium occupat. 30. Egregia ejus oratio. 33. Romanos quoque adloquitur Agricola. 35. Atrox cruentumque prælium. 38. Penes Romanos victoria. Britanniam circumvehi præcipit Agricola. 39. Domitianus, fronte lætus, pectore anxius, nuntium victoriæ excipit. 40. Triumphalia tamen ornamenta statuamque decerni jubet: condito odio, donec provincia decedat Agricola. Is, e Britannia rediit, modeste agit. 41. Ejus e Principe, ex aula pericula. 42. Excusat se ne proconsulatum sortiatur. 43. Moritur, Domitiani veneno, ut fama fuit, interceptus. 44. Ejus ætas, forma, honores, opes. 45. Mortis opportunitas, ante Domitiani atrocitates. Taciti in Agricolam pietas. 46. Ex virtute solatia, virtutisque documenta.

Agricolæ vitam scripsit Tacitus

A.U.C. J.C.

DCCCL. 97.

Coss.

{ M. Cocceio Nerva Aug. III.
L. Verginio Rufo III.

1. **CLARORUM**¹ virorum facta moresque posteris tradere, antiquitus usitatum, ne nostris quidem temporibus, quamquam incuriosa suorum ætas omisit, quotiens magna aliqua ac nobilis virtus vicit ac supergressa est vitium, parvis magnisque civitatibus commune, ignorantiam recti et invidiam. Sed apud priores, ut agere memoratu digna pronum, magisque in aperto erat; ita celeberrimus quisque ingenio, ad proendam virtutis memoriam, sine gratia aut ambitione, bonæ tantum conscientiae pretio, ducebatur. Ac plerique suam ipsi vitam narrare, fiduciam potius morum, quam arrogantiam arbi-

¹ *Clarorum*. Ordo est: 'Ætas, quamquam incuriosa suorum, omisit ne nostris quidem temporibus usitatum antiquitus,

tradere posteris facta moresque clarorum virorum, quotiens, &c.'

trati sunt: nec id Rutilio^a et Scauro¹ citra fidem, aut obtrec-
tationi fuit: adeo virtutes iisdem temporibus optime æstiman-
tur, quibus facillime gignuntur. At mihi nunc, narraturo vitam
defuncti hominis, venia opus fuit: quam non petissem, ni cur-
saturus tam sæva et infesta virtutibus tempora.²

2. Legimus,³ cum Aruleno Rustico² Pætus Thrasea, He-
rennio Senecioni Priscus Helvidius laudati essent, capitale
fuisse: neque in ipsos modo auctores, sed in libros quoque
eorum sævitum, delegato triumviris ministerio, ut monumenta
clarissimorum ingeniorum in comitio ac foro³ urerentur. Sci-
licet illo igne vocem populi Romani, et libertatem senatus, et
conscientiam generis humani aboleri arbitrabantur, expulsis
insuper sapientiæ professoribus,⁴ atque omni bona arte in ex-
ilium acta, ne quid usquam honestum occurreret. Dedimus
profecto grande patientiæ documentum: et sicut vetus ætas
vidit, quid ultimum in libertate esset; ita nos quid in servitute,
adempto per inquisitiones et loquendi audiendique commercio.

2 Rutilio. P. Rutilius Rufus, consulem
A. v. c. 649. Vell. Patern. ii, 13. appellat
'virum non seculi sui, sed omnis ævi opti-
mum.' In Tiberii Gracchi amicis sævit;
sed postea 'in iis ipsis, quæ pro senatu
molebatur, senatum habuit adversarium:
et lege repetundarum' interrogatus, 'maxi-
mo cum gemitu civitatis' damnatus est.
V. eumd. Vell. c. 7.

3 Et Scauro. M. Æmilio Scauro, cos.
A. v. c. 639. 'Sapientis hominis et recti
gravitas summa, et naturalis quædam inerat
auctoritas,' teste Cic. de Clar. Orat. c. 29.
'Hujus et orationes sunt, et tres ad Fusi-
dium libri scripti de vita ipsius acta, sane
utiles, quos nemo legit. At Cyri vitam et
disciplinam legant, præclaram illam qui-
dem, sed neque tam rebus nostris aptam,
nec tamen Scauri laudibus anteponebam.'
Post consulatam fuit princeps senatus. At,
quod virtutum tædio incertum an ingenio-
rum inconstantia sæpe contigit, vir ille
optimus filium habuit luxu perditum, 'cu-
jus ædilitas maxime prostravit mores civi-
les,' ideoque dicta Plinio xxxiii, 15. n. 7.
'majus malum,' quam proscriptio tot mil-
limum a Sylla, ejus vitrici, facta.

4 Tempora. Domitiani tempora.

1 Legimus. Immo viderat Tac. ut ipse
testatur inf. c. 45. Sed edicta quoque,
quibus damnati fuerant, scripta, quibus
laudati, legerat. Præterea hæc non tam
ad scriptorem, quam ad lectores pertinent.

2 Aruleno Rustico. Locum hunc egregie

illustrat Dio lxxvii, p. 765. Τὸν γὰρ δὴ Ρού-
τιον τὸν Ἀρουλίον ἀπικτείνει, ὅτι φιλοσόφου,
καὶ ὅτι τὸν Θρασίαν ἱερὸν ἀνέμαζε, καὶ Ἐρί-
γιον Σενεκιάνου, ὅτι τι ἀδελφὴν ἀρχὴν ἐν πολλῇ
βίῳ μετὰ τὴν ταμίαν ἤγειρε, καὶ ὅτι τοῦ Πρί-
σκου τοῦ Ἐλουίδου τὸν βίον συνέγραψεν. Domi-
tianus 'Rusticum Arulenum interfecit prop-
terea quod philosopharetur, quodque Thra-
seam virum sanctissimum appellasset; item-
que Herennium Senecionem, quod cum vix-
isset diutissime post quaesturam, nullum ma-
gistratum petivisset, quodque Helvidii Prisci
vitam conscripsisset.' Haud ita accurate
Suet. Domit. 10. 'Junium Rusticum,
quod Pæti Thraseæ et Helvidii Prisci lau-
des edidisset, appellassetque eos sanctis-
simos viros: cujus criminis occasione, phi-
losophos omnes Urbe Italiaque submovit.'
Stoicus erat Arulenus Rusticus; ideoque
a M. Regulo contumeliose appellatus
'Stoicorum simia: Vitelliana cicatrice
stigmatus.' Plin. i, Ep. 5. De Thrasea,
quem Nero interfecit, dictum est An. xvi,
21 sq.

3 Comitio ac foro. Comitium erat in foro
Romano, octavaque Urbis regione. Hic
olim crematos fuisse Numæ Pompilii libros,
in arca lapidea repositos, quod plerique
'dissolvendarum religionum' erant, tradit
Liv. xl, 29.

4 Sapientiæ professoribus. Philosophis
omnibus, quos 'Urbe Italiaque submovit'
Domitianus, ut dictum est sup.

Memoriam quoque ipsam cum voce perdidissemus, si tam in nostra potestate esset oblivisci, quam tacere.

3. Nunc demum redit animus: et quamquam, primo statim beatissimi seculi¹ ortu, Nerva Cæsar² res olim dissociabiles miscuerit, principatum ac libertatem, augeatque quotidie felicitatem imperii³ Nerva Trajanus,⁴ nec spem modo ac votum securitas publica,⁵ sed ipsius voti fiduciam, ac robur adsumperit: natura tamen infirmitatis humanæ, tardiora sunt remedia, quam mala; et ut corpora lente augescunt, cito extinguuntur, sic ingenia studiaque oppresseris facilius, quam revocaveris. Subit quippe etiam ipsius inertiae dulcedo: et invisæ primo desidia, postremo amatur. Quid si, per quindecim annos,⁶ grande mortalis ævi spatium, multi fortuitis casibus, promptissimus quisque sævitia Principis interciderunt? Pauci, et, ut ita dixerim, non modo aliorum, sed etiam nostri superstites sumus; exemptis e media vita tot annis, quibus juvenes ad senectutem, senes prope ad ipsos exactæ ætatis terminos per silentium venimus: non tamen pigebit, vel incondita ac rudi voce, memoriam prioris servitutis, ac testimonium præsentium bonorum composuisse.⁷ Hic interim liber honori Agricolæ, socii mei, destinatus, professione pietatis aut laudatus erit, aut excusatus.

4. Cnæus Julius Agricola, veteri et illustri Foro juliensium¹ colonia ortus, utrumque avum procuratorem Cæsarum² habuit:

¹ *Beatissimi seculi.* Beatissimum quidem exortum est seculum, cum post Domitiani tempora, ejusque actis rescissis, A. V. C. 849. imperare cepit Nerva, cujus virtutes Trajanus, Hadrianus, et uterque Antoninus æmulati sunt.

² *Nerva Cæsar.* Cum Nerva mortuus sit A. V. C. 851. nec divvs hic appelletur, patet vitam Agricolæ a Tacito scriptam fuisse A. V. C. 850. immo sub anni finem: jam enim adoptatus fuerat Trajanus; quod contigit, exeunte Octobri, aut ineunte Novembri. V. Dion. lxxviii, p. 770. et ad h. l. not. eruditi Reimari.

³ *Felicitatem imperii.* V. not. et em. ad c. 3.

⁴ *Nerva Trajanus.* Ita appellatus est Trajanus, cum a Nerva fuisset adoptatus. In nummo aureo e Cimelio Regio, NERVA TRAIAN. CAES. GERM. NER. AVG. P. P. TR. P. COS. II. I. e. 'Nerva Trajanus, Cæsar, Germanicus, Nervæ Augusti filius, pontifex, tribuniciæ potestatis, consul iterum,'

caput Trajani laureatum. Ex adversa parte ADOPTIO.

⁵ *Securitas publica.* SECVRITAS PVBLICA, quæ et ore hominum ferebatur, et nummis inscribebatur, olim spem tantum ac votum exprimebat, nunc vero Nerva Principe, adoptatoque Trajano, habet ipsius voti fiduciam ac robur.

⁶ *Quindecim annos.* Quibus imperavit Domitianus.

⁷ *Composuisse.* Tunc enim non modo Historiarum Annaliumque libros, memoriam prioris servitutis, sed et Nervæ Trajanique res, testimonium præsentium bonorum, scribere meditabatur Tacitus.

¹ *Foro juliensium.* Foro juliensium colonia, nunc *Fréjus*, in Gallia Narbonensi, de qua Plin. iii, 4. 'Forum Julii Octavianorum colonia, quæ Pacensis appellatur et Classica.'

² *Procuratorem Cæsarum.* Procuratorum alii in provinciis publicas pecunias, alii tum publicas tum familiares Cæsarum pe-

quæ equestris nobilitas est: pater Julius Græcinus³ senatorii ordinis, studio eloquentiæ sapientiæque notus, iisque virtutibus iram Caii Cæsaris⁴ meritis. Namque Marcum Silanum accusare jussus, et, quia abnuerat, interfectus est. Mater Julia Procilla fuit, raræ castitatis: in hujus sinu indulgentiaque⁵ educatus, per omnem honestarum artium cultum pueritiam adolescentiamque transegit. Arcebat eum ab illecebris peccantium, præter ipsius bonam integramque naturam, quod statim parvulus sedem ac magistram studiorum Massiliam⁶ habuerit, locum Græca comitate et provinciali parcimonia mistum, ac bene compositum. Memoria teneo, solitum ipsum narrare, "se in prima juvenia studium philosophiæ acrius, ultra quam concessum Romano ac senatori, hausisse, ni prudentia matris incensum ac flagrantem animum coercuisset:" scilicet sublime et erectum ingenium, pulchritudinem ac speciem excelsæ magnæque gloriæ vehementius, quam caute, appetebat: mox mitigavit ratio et ætas: retinuitque, quod est difficillimum, ex sapientia modum.⁷

5. Prima castrorum rudimenta in Britannia Suetonio Paulino,¹ diligenti ac moderato duci, adprobavit: electus, quem contubernio² æstimaret. Nec Agricola licenter, more juvenum, qui militiam in lasciviam vertunt, neque segniter, ad volup-

cias curabant. Publicanorum autem ordine et officiis vulgo detinebantur equites Romani, quos inter habebantur nobiles, qui erant procuratores Cæsarum. Inde equestris illa nobilitas, quam Tacitus memorat. De procuratoribus et publicanis dictum supra Annal. xii, 60. In minoribus quibusdam provinciis, ut in Judæa, procuratores jurisdictionem obtinebant. Quod omnibus compertum.

3 Julius Græcinus. 'Julius Græcinus,' teste Sen. Ep. xxix. 'vir egregius.' Idem de Benef. ii, 21. 'Si exemplo magni animi opus est, utamur Græcini Julii, viri egregii, quem Caius Cæsar occidit ob hoc unum, quod melior vir erat, quam esse quemquam tyranno expediret.' Ejus volumina 'de vineis' laudant Columel. i, 1. et Plin. xiv, 2. xvi, 44. Nummum Butthrotiorum, nunc Butrinto, in Epiro, protulit Cl. Pellerin, *Recueil de Médailles de Peuples et de Villes*, Vol. i, p. 82. Tab. xii, n. 5. inscriptum: I. GRÆCINVS. QVIN. FER. I. e. 'Julius Græcinus, Quinquen-

nalis perpetuus.' Incertum tamen utrum ad Julium Græcinum, Agricolæ patrem, pertineat.

4 Caii Cæsaris. Caii Caligulae. V. Suppl. An. vii, 23.

5 Sinu indulgentiaque. De hac optima institutione v. inf. Dial. de Orat. 28.

6 Massiliam. Nunc Marseilles. De hac urbe a Phocæensibus condita, unde Græca comitas, jam dictum sup. An. iv, 43. De ejus origine et laudibus plura v. ap. Strab. iii, p. 124.

7 Ex sapientia modum. Summæ et perfectæ sapientiæ est, vel in ipsa sapientia retinere modum. Quanto meliora sunt, quæ appetimus, tanto difficilior modus.

1 Suetonio Paulino. Suetonius Paulinus jam laudatus sup. An. xiv, 29 et 33.

2 Contubernio. Optimæ spei juvenes a ducibus in contubernium adsumti; sic ferme ap. nos *Aids de Camp*. Jul. Cæs. 'stipendia prima in Asia fecit, Marci Therni prætoris contubernio.' Suet. Jul. Cæs. 2.

tates et commeatus,³ titulum tribunatus⁴ et inscitiam retulit: sed noscere provinciam, nosci exercitui, discere a peritis, sequi optimos, nihil appetere jactatione, nihil ob formidinem recusare, simulque et anxius et intentus agere. Non sane alias exercitator, magisque in ambiguo Britannia fuit: trucidati veterani, incensæ coloniæ,⁵ intersepti exercitus: tum de salute, mox de victoria certavere. Quæ cuncta etsi consilii ductuque alterius agebantur, ac summa rerum, et recipere provinciae gloria in ducem cessit; artem et usum et stimulos addidere juveni: intravitque animum militaris gloriae cupido, ingrata temporibus,⁶ quibus sinistra erga eminentes interpretatio, nec minus periculum ex magna fama, quam ex mala.

6. Hinc ad capessendos magistratus in Urbem digressus, Domitiam Decidianam, splendidis natalibus ortam, sibi junxit: idque matrimonium ad majora nitenti decus ac robur fuit: vixeruntque mira concordia, per mutuam caritatem, et invicem se anteposendo, nisi quod in bona uxore tanto major laus,¹ quanto in mala plus culpæ est. Sors quaesturæ² provinciam Asiam, proconsulem Salvium Titianum³ dedit; quorum neutro corruptus est: quamquam et provincia dives, ac parata peccantibus; et proconsul, in omnem aviditatem pronus, quantalibet facilitate redempturus esset mutuam dissimulationem mali. Auctus est ibi filia, in subsidium simul et solatium: nam filium, ante sublatum,⁴ brevi amisit. Mox inter quaesturam, ac tribunatum plebis,⁵ atque etiam ipsum tribunatus annum quiete et otio transit, gnarus sub Nerone temporum, quibus inertia pro sapientia fuit. Idem præturæ tenor,

3 Et commeatus. De his commeatibus dictum sup. Hist. i, 46.

4 Titulum tribunatus. Tribunatus militum, qui, ob ambientium multitudinem, nonnumquam semestris erat. Unde Plin. iv, Ep. 41. 'Hunc [Calvisium] ergo rogo, semestri tribunatu splendidiorem et sibi et avunculo suo facias.'

5 Incensæ coloniæ. Trucidatos veteranos, incensam coloniam Canudunum, Colchester, vidimus sup. An. xiv, 31 sq.

6 Temporibus. Qualia tunc erant Neronis tempora.

1 Major laus. Iis maxime seculis, quibus profligati sunt mores, et fœminis quævis audere licet, in bona uxore tanto major laus, quanto in mala plus culpæ est.

2 Quaesturæ. Qua primus ad honores aditus. V. sup. An. iii, 29. Provinciarum præsidibus quaestores et quaestorum scribæ, sorte lecti, ut difficilius, timidiusque peccarent. V. Plin. iv, Ep. 12.

3 Salvium Titianum. Fratrem Othonis Imperatoris, de quo sæpe sup. Hist. i et ii.

4 Sublatum. Ante susceptum sublatumque e terra, in qua nuda nudi infantes Romani, recens nati, deponerantur. V. Plin. vii, in præf. n. 1. et Suet. Aug. 5.

5 Tribunatum plebis. Hujusce magistratus summa auctoritas, potestas sacrosancta. Ideo tribunatus annum quiete et otio transit, ne Neronem offenderet. De dignitate tribuni plebis multa habet Plin. Ep. i, 23.

et silentium : nec enim jurisdictio obvenerat.⁶ Ludos, et inania honoris, modo rationis atque abundantiae duxit, uti longe a luxuria, ita famae propior. Tum electus a Galba ad dona templorum recognoscenda, diligentissima conquisitione fecit, ne cujus alterius sacrilegium respublica, quam Neronis⁷ sensisset.

7. Sequens annus¹ gravi vulnere animum domumque ejus adflixit: nam classis Othoniana, licenter vaga,² dum Intemelios³ (Liguria pars est) hostiliter populatur, matrem Agricolae in praediis suis interfecit: praediaque ipsa, et magnam patrimonii partem, diripuit, quae causa caedis fuerat. Igitur ad solemnia pietatis profectus Agricola, nuntio affectati⁴ a Vespasiano imperii deprehensus, ac statim in partes transgressus est. Initia principatus, ac statum Urbis Mucianus regebat, admodum juvene Domitiano, et ex paterna fortuna tantum licentiam usurpante.⁵ Is missum ad delectus agendos Agricolam, integreque ac strenue versatum, vicesimae legioni⁶ tarde ad sacramentum⁷ transgressae praeposuit, ubi decessor⁸ seditiose agere narrabatur: quippe legatis quoque consularibus⁹

6 *Jurisdictio obvenerat.* Inter praetores eminebant praetor Urbanus et praetor peregrinus. Ille inter cives, hic inter peregrinos, vel peregrinos inter et cives jus dicebat. De eorum jurisdictione v. Liv. xxiv. 44. Talis jurisdictio non obvenerat Agricolae. Ex iis tantum praetoribus fuit, qui quaestionibus publicis praerant. Inde facile ei fuit silentium. Ludos tamen, quos edere solebant praetores, aliaque honoris inania modo rationis atque abundantiae duxit, quanto a luxuria remotior, tanto famae propior. Septem diebus solemnes ludos celebrabant praetores, tanta autem luxuria, vel ipso vergente imperio, ut immanis pecuniarum vis in hos ludos impenderetur. V. Phot. Cod. lxxx. ex Olympodoro. Ceterum 'honoris inania' recte dixit Tacitus: vim enim magistratus obtinebant Imperatores, ludos et honoris inania praetoribus permittebant. Unde Boet. Consol. Philos. iii, pros. 4. praetura merito appellat, 'inane nomen et senatorii census gravem sarcinam.'

7 *Quam Neronis.* Agricola diligentissima conquisitione fecit, ut dona, templis adempta, quae adhuc superessent, templis restituerentur. Ita respublica unius Neronis, qui templa spoliaverat, eamque praedam in voluptatum, libidinum, luxuriae usus vertebat, sacrilegium sensit. V. sup. An. xv, 45.

1 *Sequens annus.* Fuit A. U. C. 822. J. C. 69.

2 *Licenter vaga.* Ut dictum est sup. Hist. ii, 12 et 13.

3 *Intemelios.* Nunc *Vintimille*. V. not. et em. ad c. 7.

4 *Nuntio affectati.* Mense Julio anni supra dicti. V. Hist. ii, 79.

5 *Licentiam usurpante.* V. sup. Hist. iv, 2.

6 *Vicesimae legioni.* Vicesima legio victrix in Britannia inter Cornavios commorabatur Deva, nunc *Chester*. In Itinerario Antonini, p. 469. DEVA LEG. XX. VICTRIX, i. e. 'legio vicesima victrix.' Ibi adhuc plurima supersunt antiquitatis rudera. V. erudit. Camden, *Britan. by Gough*, Ed. 1806. Vol. iii, p. 41.

7 *Tarde ad sacramentum.* Cum Vitellianis victa, tarde ad sacramentum partesque Vespasiani transgressa est.

8 *Decessor.* Roscius Caecilius, de quo sup. Hist. i, 60.

9 *Legatis consularibus.* Non modo Trebellio Maximo et Vettio Bolano, legatis consularibus, qui universis in Britannia legionibus praerant, nimia ac formidolosa fuit: sed nec Roscius Caecilius, legatus praetorius hujusce vicesimae legionis, ad eam cohibendam potens. Itaque Agricola decessor simul et ultor electus est.

nimia ac formidolosa erat.¹⁰ Nec legatus prætorius ad cohibendum potens, incertum suo an militum ingenio : ita successor simul et ultor electus, rarissima moderatione maluit videri invenisse bonos, quam fecisse.

8. Præerat tunc Britanniae¹ Vettius Bolanus, placidius, quam feroci provincia dignum est : temperavit Agricola vim suam, ardoremque compescuit, ne incresceret ; peritus obsequi, eruditusque utilia honestis miscere. Brevi deinde Britannia consularem² Petilium Cerialem accepit. Habuerunt virtutes spatium exemplorum.³ Sed primo Cerialis labores modo et discrimina ; mox et gloriam communicabat : sæpe parti exercitus in experimentum, aliquando majoribus copiis ex eventu præfecit : nec Agricola umquam in suam famam gestis exsultavit ; ad auctorem et ducem, ut minister, fortunam referebat : ita virtute in obsequendo, verecundia in prædicando, extra invidiam, nec extra gloriam erat.

9. Revertentem ab legatione legionis divus Vespasianus inter patricios¹ adscivit, ac deinde provinciae Aquitaniae² præposuit, splendidæ in primis dignitatis, administratione³ ac spe consulatus, cui destinarat. Credunt plerique militaribus ingeniis subtilitatem deesse, quia castrensis jurisdictio secuta et obtusior,⁴ ac plura manu agens, calliditatem fori non exerceat. Agricola naturali prudentia, quamvis inter togatos,⁵ facile justequæ agebat. Jam vero tempora curarum remissionumque

¹⁰ *Formidolosa erat.* Superbiam sane ei indiderunt egregia ejus facta. De hac legione dictum sup. in not. et em. ad Hist. ii, 6. In Britannia plurima manent ejus monumenta, quæ v. ap. eruditos Camden, Gordon, Horsley, aliosque.

¹ *Præerat Britanniae.* Ut hæc Historiæ pars illustretur, v. not. et emend. ad c. 8. Ibi series præsidum Britanniae proponitur.

² *Consularem.* Consularem legatum. Antea Petilius Cerialis fuerat legatus legionis nonæ, ut vidimus supra Annal. xiv, 32.

³ *Spatium exemplorum.* Hactenus in brevi tribunatu militum, in tribunatu plebis et prætura, muneribus annuis quiete et otio transigendis, vix fuerat virtutibus locus, certe non fuit spatium exemplorum. At cum Agricola per quadriennium legatus fuit legionis vicesimæ, habuit spatium depromendi virtutes suas in exemplum præsentis ætatis et post futuræ, ut recte explicat Illustr. Huetius.

¹ *Inter patricios.* Ut sup. An. xi, 25.

² *Provinciæ Aquitaniæ.* A Pyrenæis montibus ad Ligerim usque, *from the Pyrenees to the Loire*, protendebatur Aquitania.

³ *Administratione.* Agricola, rector Aquitaniæ, splendidæ fuit dignitatis, ob magnæ provinciae administrationem, ac spem consulatus, cui a Vespasiano erat destinatus.

⁴ *Secura et obtusior.* Quia paucis et perspicuis legibus utitur, fori ambagibus minime intricata.

⁵ *Quamvis inter togatos.* Quamvis Agricola e castris ad togatos, forique astutiarum peritos, venisset, naturali tamen sua prudentia facile justequæ agebat. Alii aliter explicant. V. not. et em. ad c. 9. Frequens toga etiam in provinciis, ut patet ex c. 21. et ex Hist. ii, 20. Causidici autem et patroni dicuntur togati inf. de Or. 6.

divisa: ubi conventus⁶ ac judicia poscerent, gravis, intentus, severus, et sæpius misericors: ubi officio satisfactum, nulla ultra potestatis persona: tristitiam, et arrogantiam,⁷ et avaritiam exuerat: nec illi, quod est rarissimum, aut facilitas auctoritatem,⁸ aut severitas amorem deminuit. Integritatem atque abstinentiam in tanto viro referre, injuria virtutum fuerit. Ne famam quidem, cui etiam sæpe boni indulgent, ostentanda virtute, aut per artem quæsit: procul ab æmulatione adversus collegas, procul a contentione adversus procuratores: et vincere inglorium, et atteri sordidum⁹ arbitrabatur. Minus triennium in ea legatione detentus, ac statim ad spem consulatus revocatus est, comitante opinione Britanniam ei provinciam dari: nullis in hoc suis sermonibus, sed quia par videbatur. Haud semper errat fama, aliquando et eligit. Consul¹⁰ egregiæ tum spei filiam juveni mihi despondit, ac post consulatum collocavit, et statim Britannia præpositus est, adjecto pontificatus sacerdotio.¹¹

10. Britannia situm populosque, multis scriptoribus¹ memoratos, non in comparationem curæ ingeniive referam; sed quia tum primum perdomita est: itaque quæ priores nondum comperta, eloquentia percoluere, rerum fide tradentur. Britannia, insularum, quas Romana notitia² complectitur, maxima, spatium ac cœlo in Orientem Germaniæ, in Occidentem Hispaniæ³

6 *Ubi conventus.* Conventus juridici, in quibus jus dicebatur. Sic, teste Plin. iii, 1. in Bætica erant 'juridici conventus quatuor, Gaditanus, Cordubensis, Astigitanus, Hispanensis,' nunc Cadiz, Cordova, Ecija, and Seville.

7 *Tristitiam, et arrogantiam.* Tristitia, arrogantia, avaritia, quandoque vitia præsidibus iudicibusque solita. Tristitia affert morositas: arrogantiam potestas: avaritiam cupiditas, vel ipsa corruptentium ars. Quæ adversus vitia sapientissime cautum legibus Romanis, ut videre est in Digest. Lib. i, Tit. 16. de officio Proconsulis et legati. Agricola vero ita commendat Tacitus, ut ne ipsa quidem justitiæ species, quam a pictoribus adumbratam laudat Gell. xiv, 4. sit pulchrior.

8 *Facilitas auctoritatem.* Id maxime cavebant leges Romanæ, ut patet ex Digest. Lib. i, Tit. 18. de officio Præsidis, Leg. 19. ex Callistrato: 'Observandum est jus reddenti, ut in adeundum quidem facilem se præbeat, sed contemni non patiat: unde mandatis adjicitur, ne præsidēs pro-

vinciarum in ulteriorem familiaritatem provinciales admittant: nam ex conversatione æquali contentio dignitatis nascitur—Summatim ita jus reddi debet, ut auctoritatem dignitatis ingenio suo augeat.'

9 *Atteri sordidum.* Vincere collegas, vicinarum nempe provinciarum rectores, inglorium, a procuratoribus atteri sordidum arbitrabatur.

10 *Consul.* A. U. C. 830. J. C. 77. quo consulatum inire Vespasianus Augustus viii. et Titus Cæsar vi. Iis suffectos fuisse Kalendis Julii Domitianum Cæsarem vi. et Cn. Julium Agricola notat Cl. Muratori, *Annali d'Italia*, Vol. i, p. 291.

11 *Pontificatus sacerdotio.* Adlectus est in collegium pontificum, cui præerat pontifex maximus.

1 *Multis scriptoribus.* Julio Cæsari, Livio, Straboni, Fabio Rustico, Pomponio Melæ, Plinio, &c.

2 *Romana notitia.* V. Clarke, *on Coins*, p. 192.

3 *Occidentem Hispania.* Jul. Cæs. B. G. v, 13. 'Alterum [Britannia] latus

obtenditur: Gallis in Meridiem etiam inspicitur: Septemtrionalia ejus, nullis contra terris, vasto atque aperto mari pulsantur. Formam totius Britanniae Livius⁴ veterum, Fabius Rusticus⁵ recentium, eloquentissimi auctores, oblongae scutulae vel bipenni⁶ adsimulavere: et est ea facies citra Caledoniam, unde et in universum fama est transgressa: sed immensum et enorme spatium procurentium extremo jam littore terrarum, velut in cuneum⁷ tenuatur. Hanc oram novissimi maris tunc primum Romana classis circumvecta, insulam esse Britanniam adfirmavit,⁸ ac simul incognitas ad id tempus insulas, quas Orcadas⁹ vocant, invenit domuitque: dispecta est et Thule,¹⁰ quam hactenus nix et hyems abdebat: sed mare pigrum¹¹ et grave remigantibus perhibent: ne ventis quidem perinde attolli: credo quod rariores terrae montesque, causa ac materia tempestatum, et profunda moles continui maris tardius impellitur. Naturam Oceani atque aestus neque quærere hujus operis est, ac multi retulere: unum addiderim, nusquam latius dominari¹² mare, multum fluminum huc atque illuc ferre, nec littore tenus accrescere aut resorberi, sed influere penitus atque ambire, et jugis etiam ac montibus inseri velut in suo.

vergit ad Hispaniam, atque occidentem Solem: qua ex parte est Hibernia.'

⁴ *Livius*. Hæc tradebat Liv. lib. cv. qui periit. V. Epit.

⁵ *Fabius Rusticus*. Jam laudatus sup. An. xiv, 2.

⁶ *Scutulae vel bipenni*. Has figuras utcumque referet Britannia, si citra Caledoniam, *Scotland*, eam inspexeris. At in his figuris haud plus veritatis, quam in Geographicis tabulis, quæ Belgium sub forma leonis exhibuere.

⁷ *In cuneum*. Bene quidem. Pars altera Britanniae, Scotia, in cuneum tenuatur, australi Britanniae parte angustior.

⁸ *Adfirmavit*. Id multo ante cognitum, ut constat ex antiquioribus scriptoribus: sed cum tunc primum Romana classis Britanniam fuisset circumvecta, id adfirmatum. De hac navigatione dicitur fusius in not. et c. ad c. 28.

⁹ *Orcadas*. Nunc *the Orkney isles*. Insulae eadem illæ tunc certo penitusque cognite sunt. - Ante fama saltem celebres fuere: unde Mela iii, 6. 'Triginta sunt Orcades angustis inter se ductæ spatiis.' Et Plin. iv, 16. 'sunt autem xx. Orcades modicis inter se discretæ spatiis.' Claudii

tempore pervulgata hæc fama, et solita adulatione statim in victorias cessere. Inde Hieronym. in Chronico, 'Claudius de Britannis triumphavit, et Orcadas insulas Romano adjecit imperio.'

¹⁰ *Thule*. Nunc *the Shetland isles*, ut recte monuit Camden, *Britan. by Gough*, Ed. 1806. Vol. iv, p. 533. Tunc tamen Plinio cognita 'ultima omnium' insularum, 'quæ memorantur, Thule,' Plin. iv, 16. Procopius, Bell. Goth. ii, 15, aliam celebrat Thulen, nunc *Norway*, quam inter veteres plurimi insulam esse credere; et Norwegicæ Thules memoria forte extat in Norwegica regione, quæ Telemark dicitur. V. Cl. d'Anville, *Mém. de l'Acad. Roy. des Inscr.* vol. xxxvii, p. 436. *Mémoire sur la Navigation de Pythéas à Thulé*.

¹¹ *Mare pigrum*. Plin. iv, 16. 'A Thule unius diei navigatione mare conaretum, a nonnullis Cronium appellatur.' V. jam dicta sup. de Mor. Germ. 45.

¹² *Latius dominari*. Certe nusquam latius, quam in Oceano dominatur mare: nec quotidiano tot fluminum accessu crescit, aut resorbetur. Sic terris circumfusus atque etiam interfusus, jugis ac montibus, velut in suo, inseritur.

11. Ceterum, Britanniam qui mortales initio coluerint, indigenæ¹ an advecti, ut inter barbaros, parum compertum. Habitus corporum varii: atque ex eo argumenta: namque rutilæ Caledoniam habitantium² comæ, magni artus, Germanicam originem³ adseverant. Silurum⁴ colorati vultus, et torti plerumque crines,⁵ et posita contra Hispania, Iberos⁶ veteres trajecisse, easque sedes occupasse fidem faciunt: proximi Gallis,⁷ et similes sunt: seu durante originis vi; seu, procurentibus in diversa⁸ terris, positio cœli corporibus habitum dedit: in universum tamen æstimanti, Gallos vicinum solum occupasse, credibile est. Eorum sacra⁹ deprehendas, superstitionum persuasionem: sermo¹⁰ haud multum diversus: in deposcendis periculis eadem audacia; et, ubi advenere, in detrectandis eadem formido: plus tamen ferociæ¹¹ Britanni præferunt, ut quos nondum longa pax emollierit: nam Gallos quoque in bellis floruisse accepimus: mox segnitia cum otio intravit, amissa virtute pariter ac libertate: quod Britannorum olim victis¹² evenit: ceteri manent, quales Galli fuerunt.

12. In pedite robur: quædam nationes et curru præliantur:¹

1 *Indigenæ.* De indigenis dictum sup. de Mor. Germ. c. 2. Britanni interiores, quos 'natos in insula ipsa memoria proditum' tradit Jul. Cæs. B. G. v, 12. esse origine Germanos merito adseverat Tacitus.

2 *Caledoniam habitantium.* Ibi immensæ sylvæ: unde Plin. iv, 16. 'Triginta prope jam annis notitiam ejus Romanis armis non ultra vicinitatem sylvæ Caledoniæ propagantibus.'

3 *Germanicam originem.* Germanorum rutilas comas, magna corpora, vidimus sup. de Mor. Germ. 4.

4 *Silurum.* Silures, nunc the counties of Glamorgan, Monmouth, Brecknock, Hereford, and Radnor.

5 *Crines.* Coloratos Silurum vultus, et tortos plerumque crines, ac nigros memorat Jornandes, qui hunc Taciti locum exscripsit. V. Testimonia Veterum. Quem corporis habitum retinent adhuc Hispanorum plurimi.

6 *Iberos.* Nomen gentis Hispaniæ, ita dictæ ab Ibero flumine, nunc Ebro.

7 *Proximi Gallis.* Quos laudat Cæs. B. G. v, 14. 'Ex his omnibus longe sunt humanissimi, qui Cantium [nunc Kent] incolunt, quæ regio est maritima omnis, neque multum a Gallica differunt consue-

tudine.'

8 *Procurentibus in diversa.* Seu, cum pars illa Britanniæ in Galliam, pars Gallias in Britanniam procurreret, eadem cœli positio eundem corporibus habitum dedit.

9 *Eorum sacra.* Ac maxime Druidas, et fanaticas eorum superstitiones. V. sup. An. xiv, 30.

10 *Sermo.* Sermonem illum adhuc retinent apud Anglos, qui Cornubiam, Cornwall, habitant, apud Gallos, qui Are-moricam, Lower Britany, incolunt. Sed ex Belgio maxime in Britanniam transiere Galli, ut videre est ap. Jul. Cæs. B. G. v, 12.

11 *Ferociæ.* In eam feroeiam ipsi infantes innutriebantur et adolecebant, teste Solin. c. 22. Apud bellicosam Britannorum gentem, 'puerpera si quando marem edidit, primos cibos gladio imponit mariti, inque os parvuli summo mucrone auspici-um alimentorum leviter infercit, et gentilibus votis optat non aliter, quam in bello et inter arma mortem oppetat.'

12 *Olim victis.* A Claudio. V. Suppl. An. ix, 60 sq.

1 *Curru præliantur.* Quomodo curru præliarentur, opportunius dicitur inf. c. 35.

honestior auriga,² clientes propugnant: olim regibus³ parebant, nunc per principes factionibus et studiis trahuntur: nec aliud adversus validissimas gentes pro nobis utilius, quam quod in commune non consulunt. Rarus duabus tribusve civitatibus, ad propulsandum commune periculum conventus: ita, dum singuli pugnant, universi vincuntur. Cœlum crebris imbris ac nebulis fœdum: asperitas frigorū⁴ abest. Dierum spatia ultra nostri orbis mensuram:⁵ nox clara, et extrema Britanniae parte brevis,⁶ ut finem atque initium lucis exiguo discrimine internoscas. "Quod si nubes non offisciant, aspici per noctem Solis fulgorem, nec occidere et exsurgere, sed transire" adfirmant: scilicet extrema et plana terrarum,⁷ humili umbra, non erigunt tenebras, infraque cœlum et sidera nox cadit. Solum, præter oleam vitemque, et cetera calidioribus terris oriri sueta, patiens frugum, fœcundum: tarde mitescent, cito proveniunt: eademque utriusque rei causa, multus humor terrarum cœlique. Fert Britannia aurum, et argentum,⁸ et alia metalla, pretium victoriæ: gignit et Oceanus margarita,⁹ sed subfusca ac liventia. Quidam artem abesse legentibus arbitrantur, nam in rubro mari

2 *Honestior auriga.* Qui honestior est, currum regit, et ejus clientes e curru propugnant.

3 *Olim regibus.* Sic Cunobelinum, Caractacum, et Prasutagum, reges; reginas quoque Cartimandua et Boudiceam vidimus sup. An. xii, xiv, et Hist. iii.

4 *Asperitas frigorum.* Jul. Cæs. B. G. v, 12. 'Loca sunt temperatiora, quam in Gallia, remissioribus frigoribus.' Idque ex natura cœli crebris imbris ac nebulis fœdi.

5 *Ultra—mensuram.* Sic quoque Plin. ii, 75. longissimus dies 'in Italia horarum quindecim: in Britannia septemdecim, ubi æstate lucidæ noctes.'

6 *Brevis.* Certe Solstitio in extrema Britanniae parte, ubi polus elevatur gradibus 58½, nox clara est et brevissima, ita ut vel per noctem aspiciatur Solis fulgor. Unde Solem, non occidere et exsurgere, sed transire adfirmabant.

7 *Extrema—terrarum.* Hæc ex Tacito descripsit Eumenius in Panegyrico Constantini, c. 6. V. Testimonia Veterum. Sed errat Tacitus, cum rationem crepusculi in Britannia repetit ex eo, quod Britannia sit extrema terrarum ac plana; quæ proinde humilem umbram, non vero

tenebras erigat: unde nox cadit infra cœlum et sidera, eorumque lux fulgore Solis hebetatur. At nec Britannia est terrarum extrema, nec ex ejus planicie, sed ex Solis infra horizontem depressione, et vaporum natura, crepusculi ratio repetenda est, ut ex Astronomicis principiis constat.

8 *Aurum, et argentum.* Idem testatur Strabo iv, p. 138. Falsum ergo, quod ait Cic. ad Att. iv, 16. 'Illud cognitum est neque argenti scrupulum esse ullum in illa insula.' Fodinas auri et argenti in provincia *Cumberland*, argenti in provincia *Flint*, auri in Scotia memorat eruditus Camden, *Britan. by Gough*, Ed. 1806. vol. iii, p. 242. Quod recentioribus adhuc experimentis compertum. V. *British Zoology*. De ceteris metallis, ferro, stanno, &c. satis compertum.

9 *Margarita.* Reperiri in provinciis *Caernarvon*, *Cumberland*, et in mari Britannico scribit eruditus Camden, *Britan. by Gough*, Ed. 1806. vol. iii, p. 422. De his margaritis accuratissime Origenes in Matth. p. 210 et 211. Primas tribuit margaritis Indicis, quarum optimæ in mari Rubro nascuntur: secundas Britannicis: tertias iis, quæ in Bosphoro circa Scythiam reperiuntur. 'Britannica quidem,' inquit, 'margarita,

viva ac spirantia saxis avelli, in Britannia, prout expulsa sint,¹⁰ colligi: ego facilius crediderim naturam margaritis deesse, quam nobis avaritiam.¹¹

13. Ipsi Britanni delectum, ac tributa, et injuncta imperii munera impigre obeunt, si injuriæ absint: has ægre tolerant, jam domiti ut pareant, nondum ut serviant. Igitur primus omnium Romanorum divus Julius¹ cum exercitu Britanniam ingressus, quamquam prospera pugna terruerit incolas, ac litore potitus sit, potest videri ostendisse posteris, non tradidisse. Mox bella civilia, et in rempublicam versa Principum arma, ac longa oblivio Britanniae etiam in pace. "Consilium"² id divus Augustus vocabat, Tiberius "præceptum." Agitasse Caium Cæsarem³ de intranda Britannia satis constat, ni velox ingenio, mobilis poenitentia, et ingentes adversus Germaniam⁴ conatus frustra fuissent. Divus Claudius auctor operis,⁵ transvectis legionibus auxiliisque, et adsumto in partem rerum Vespasiano:⁶ quod initium venturae mox fortunæ fuit: domitæ gentes, capti reges, et monstratus fatis Vespasianus.

14. Consularium primus Aulus Plautius¹ præpositus, ac subinde Ostorius Scapula,² uterque bello egregius: redactaque

colore quo ejus superficies imbuta est, auri speciem refert: nebulosa autem est, et margaritis Indicis obtusior.' 'Ο δὲ κατὰ Βρεττανίαν, φασι, χρυσωπὸς μὲν ἔστι, τῇ δὲ χροίᾳ, ὁμιχλωδὴς δὲ τις, καὶ ταῖς μαγμαφυαῖς ἀμβλύτερος. De Indicis margaritis v. Plin. ix, 35. Idem ibid. de Britannicis unionibus ait: 'In Britannia parvos atque decolores nasci certum est: quoniam Divus Julius thoracem, quem Veneri Genetrici in templo ejus dicavit, ex Britannicis margaritis factum voluerit intelligi: subjecta nempe Inscriptione. V. et Suet. Jul. 47.

10 *Expulsa sint.* Expulsa nempe fluctibus.

11 *Quam nobis avaritiam.* Acute et vere dictum. Quod egregie illustrat Plin. xii, 18. 'Verum Arabiæ etiamnum felicius mare est: ex illo namque margaritas mittit. Minimaque computatione millies centena millia sestertium, [Angl. 833,333l. 6s. 8d.] annis omnibus India et Seres, peninsulæque illa Imperio nostro adimunt. Tanto nobis deliciae et feminae constant.' Ergo non Romanis avaritia defuit, sed margaritis Britannicis natura ob nebulosum colorem.

1 *Divus Julius.* Julius Cæsar Britanniam bis ingressus est A. v. c. 699 et 700. Hac de re plura ap. Strab. iv, p. 138. V. et ipsum Cæs. B. G. iv, 22. v, 8. ac Dion. xxxix, p. 114. xl, p. 122.

2 *Consilium.* Abstinere a Britannia, et imperii fines coercere, id consilium vocabat Augustus; de quo consilio dictum sup. An. i, 11. Tiberius, qui se Augusti observantissimum simulabat, præceptum appellabat. V. An. i, 77. Cur vero id consilii agitaverit Augustus docet Strabo ii, p. 79. et iv, p. 138. scilicet plus impensarum fore in domanda et retinenda Britannia, quam utilitatis in possidenda existimabat. Itaque eam tantum amicam et vectigalem habere voluit. V. Strab. l. c.

3 *Caium Cæsarem.* Caligulam. V. Suppl. An. viii, 35 sq.

4 *Adversus Germaniam.* V. Suppl. An. viii, 22 sq.

5 *Auctor operis.* V. Suppl. An. ix, 50 sq.

6 *Vespasiano.* Ibid. c. 54 et 58.

1 *Aulus Plautius.* Ibid. c. 58. De his

aliisque Britanniae præsidibus v. not. et em. ad Vit. Agr. 8.

2 *Ostorius Scapula.* De quo sup. An. xii, 31. Prope urbem Hereford, in He-

paulatim in formam provinciæ proxima pars Britanniae: addita insuper veteranorum colonia:³ quædam civitates Cogiduno regi donatæ (is ad nostram usque memoriam fidissimus mansit) vetere ac jam pridem recepta populi Romani consuetudine, ut haberet instrumenta servitutis et reges.⁴ Mox Didius Gallus⁵ parta a prioribus continuit, paucis admodum castellis in ulteriora promotis, per quæ fama aucti officii quæreretur. Didium Veranius⁶ excepit, isque intra annum extinctus est. Suetonius hinc Paullinus⁷ biennio prosperas res habuit, subactis nationibus, firmatisque præsiidiis: quorum fiducia Monam insulam,⁸ ut vires rebellibus ministrantem, aggressus, terga occasione patefecit.⁹

15. Namque absentia legati remoto metu, Britanni agitare inter se mala servitutis, conferre injurias, et interpretando accendere. "Nihil profici patientia, nisi ut graviora, tamquam ex facili tolerantibus, imperentur: singulos sibi olim reges fuisse, nunc binos imponi;" e quibus legatus in sanguinem,² procurator¹ in bona sæviret: æque discordiam⁴ præpositorum, æque concordiam subjectis exitiosam: alterius manus,³ centuriones alterius, vim et contumelias miscere: nihil jam cupiditati, nihil libidini exceptum: in prælio fortiores esse,

refordshire, parochiaque Dinder, extat adhuc castrum Romanum appellatum *Oyster-Hill*, ab Ostorio Scapula, ut videtur, locatum et nominatum. V. *Camden's Britain. by Gough*, Ed. 1806. Vol. iii, p. 74.

3 *Veteranorum colonia*. Sup. An. xii, 32. 'Colonia Camulodunum, valida veteranorum manu,' nunc *Colchester*.

4 *Et reges*. V. sup. An. xiv, 26. xv, 1, et Hist. ii, 81.

5 *Didius Gallus*. Jam laudatus sup. An. xii, 40.

6 *Veranius*. Quem consulem vidimus sup. An. xii, 5. Strategicum, librum utiliozem, quam elegantiozem, illi inscripsit Onosander.

7 *Suetonius Paullinus*. De quo multa An. xiv, 29 sq.

8 *Monam insulam*. Nunc *the isle of Anglesey*. Mona quoque a Jul. Cæs. B. G. v, 13. et a Plin. iv, 16. Monapia dicitur alia insula, paulo superior, nunc *the isle of Man*.

9 *Occasioni patefecit*. Suetonius Paullinus, dum Monam insulam aggrediebatur, victam Britanniae partem, quam a tergo re-

liquerat, subitis casibus objecit.

1 *Binos imponi*. Legatum nempe et procuratorem Cæsaris imponi.

2 *In sanguinem*. Ob gladii potestatem, qua utebatur legatus. V. Digest. Libr. i, Tit. 16. de Officio proconsulis et legati. Leg. 6 et 8.

3 *Procurator*. Qui cum publicas Cæsarisque res curaret, avaritia sæpe in bona sæviebat. Cati Deciani, procuratoris, avaritia Britannos in bellum actos fuisse vidimus sup. An. xiv, 32.

4 *Æque discordiam*. Julius Classicianus successor Cato Deciano missus fuit, non melior, et Suetonio discors. V. sup. An. xiv, 38.

5 *Alterius manus*. Manus, seu servos procuratoris, centuriones ac milites legati, vim ac contumelias miscere. Inter manus procuratoris numerari quoque possunt coloni Cæsaris, adversus quos ne quid tumultuosum, vel injuriosum fieret cavebant procuratores. V. Digest. Libr. i, Tit. 19. de Officio procuratoris Cæsaris. Leg. 3. ex Callistrato.

qui spoliaret: nunc ab ignavis plerumque et imbellibus eripi domos, abstrahi liberos, injungi delectus, tamquam mori tantum pro patria nescientibus: quantulum enim transisse militum,⁶ si sese Britanni numerent? sic Germanias excussisse jugum;⁷ et flumine,⁸ non Oceano, defendi: sibi patriam, conjuges, parentes, illis avaritiam et luxuriam causas belli esse: recessuros, ut divus Julius recessisset, modo virtutes majorum suorum æmularentur; neve prælii unius aut alterius eventu pavescerent: plus impetus, majorem constantiam penes miseros esse. Jam Britannorum etiam Deos misereri, qui Romanum ducem absentem, qui relegatum in alia insula exercitum detinerent; jam ipsos, quod difficillimum fuerit,⁹ deliberare: porro in ejusmodi consiliis periculosius esse deprehendi, quam audere."

16. His atque talibus invicem instincti, Boudicea,¹ generis regii fœmina, duce (neque enim sexum in imperiis discernunt) summere universi bellum: ac sparsos per castella milites consectati, expugnatis præsiidiis, ipsam coloniam² invasere, ut sedem servitutis: nec ullum in barbaris sævitiae genus omisit ira et victoria. Quod nisi Paullinus, cognito provinciae motu, propere subvenisset, amissa Britannia foret: quam unius prælii fortuna veteri patientiae restituit, tenentibus arma plerisque, quos conscientia defectionis, et propius ex legato timor agitabat. Hic cum egregius cetera, arroganter in deditos, et, ut suae quoque injuriae ultor, durius consuleret; missus Petronius Turpilianus,³ tamquam exorabilior: et delictis hostium novus, eoque poenitentiae mitior, compositis prioribus, nihil ultra ausus, Trebellio Maximo⁴ provinciam tradidit. Trebellius segnior et nullis castrorum experimentis, comitate quadam curandi provinciam tenuit. Didicere jam barbari quoque ignoscere vitiis blandientibus: et interventus civilium armorum præbuit justam segnitiae excusationem: sed discordia laboratum, cum adsuetus expeditionibus miles otio lasciviret. Tre-

⁶ *Transisse militum.* Quam pauci milites Romani in Britanniam transierint, si sese Britanni numerent.

⁷ *Excussisse jugum.* Variam cladem; de qua dictum saepe sup. An. i et xlii.

⁸ *Et flumine.* Rheno ac Danubio.

⁹ *Difficillimum fuerit.* Cum apud illos antea neque conventus, neque consensus

foret; ut dictum est sup. c. 12.

¹ *Boudicea.* Icenorum regina, laudata sup. An. xiv, 31 sq.

² *Ipsam coloniam.* Camulodunum; ut sup. c. 14.

³ *Petronius Turpilianus.* V. sup. An. xiv, 39.

⁴ *Trebellio Maximo.* V. sup. Hist. i, 60.

bellius, fuga ac latebris vitata exercitus ira, indecorus atque humilis, precario mox præfuit: ac velut pacti,⁵ exercitus licentiam, dux salutem: hæc seditio sine sanguine stetit. Nec Vettius Bolanus, manentibus adhuc civilibus bellis, agitavit Britanniam disciplina. Eadem inertia⁶ erga hostes, similis petulantia castrorum: nisi quod innocens Bolanus, et nullis delictis invisus, caritatem paraverat loco auctoritatis.

17. Sed ubi cum cetero orbe Vespasianus et Britanniam recipere; magni duces,¹ egregii exercitus, minuta hostium spes: et terrorem statim intulit Petilius Cerialis,² Brigantum civitatem,³ quæ numerosissima provinciæ totius perhibetur, adgressus: multa prælia, et aliquando non incruenta: magnamque Brigantum partem aut victoria amplexus, aut bello. Et cum Cerialis quidem alterius successoris curam famamque obruisset,⁴ sustinuit quoque molem Julius Frontinus, vir magnus, quantum licebat,⁵ validamque et pugnacem Silurum gentem⁶ armis subegit; super virtutem hostium, locorum⁷ quoque difficultates eluctatus.

18. Hunc Britanniae statum, has bellorum vices media jam æstate¹ transgressus Agricola invenit, cum et milites, velut omissa expeditione, ad securitatem, et hostes ad occasionem

⁵ *Velut pacti.* Pacti sunt. De Trebellii fuga v. sup. Hist. ii, 65. Ibidem memoratur Vettius Bolanus, Trebellii Maximi successor.

⁶ *Eadem inertia.* Adulationis ergo arguendus videtur Statius, cum Crispinum, Bolani filium, ita alloquitur, Sylv. v, 2, 53. 'Aliis Decii reducesque Camilli Monstrentur; tu discere patrem, quantusque nigrantem Fluctibus occidis, fessoque Hyperione Thulen Intrarit mandata gerens.' Et mox ibid. vs. 142. 'Quanta Caledonios attollet gloria campos! Cum tibi longævus referet truci incola terræ. Hic suetus dare jura parens; hoc cespite turmas Affari: nitidas specular, castellaque longe Aspicias? Ille dedit, cinxitque hæc mœnia fossa: Belligeris hæc dona Deis, hæc tela dicavit. Cernis adhuc titulos; hunc ipse vacanti-bus armis Induit, hunc regi rapuit thoraca Britanno.'

¹ *Magni duces.* Magni fuere duces, egregii exercitus, imminuta hostium spes.

² *Petilius Cerialis.* Memoratus sæpe sup. An. xiv. Hist. iii et iv.

³ *Brigantum civitatem.* Nunc the counties of York, Lancaster, Westmoreland,

Cumberland, and Durham.

⁴ *Obruiisset.* Magnitudine rerum præclare gestarum, successoris curam famamque obruerat Cerialis.

⁵ *Quantum licebat.* Julius Frontinus, vir magnus, hanc belli curaque ac famæ molem, quantum licebat, sustinuit. Magno enim viro succedere semper difficillimum. Nec eadem tantum virtus, sed major requiritur, ut quis post magnum virum magnus ipse habeatur. Qui, Gruter. Bernegger. Gronov. et Ernest. secuti, hæc conjungunt, *vir magnus quantum licebat*, et ad tempora, magnæ virtuti sub malis Principibus infesta, referunt, Frontinum in Britanniam medio Vespasiani Principatu missum fuisse non attendunt. Durant Frontini scripta; durat viri, non una laude celebris, memoria, quam exstructo monumento propagatum noluit, dictitans: IMPENSA MONIMENTI SUPERVACUA EST; MEMORIA NOSTRI DURABIT, SI VITA MERVIVVS. Plin. Ep. ix, 19.

⁶ *Silurum gentem.* De Siluribus jam dictum sup. c. 11.

⁷ *Locorum.* Loca illa montibus aspera.

¹ *Media æstate.* A. U. C. 831. J. C. 78.

verterentur. Ordovicum civitas² haud multo ante adventum ejus, alam,³ in finibus suis agentem, prope universam obtriverat: eoque initio erecta provincia, et quibus bellum volentibus erat,⁴ probare exemplum, aut recentis legati animum opperriri. Tum Agricola, quamquam transacta æstas, sparsi per provinciam numeri,⁵ præsumpta apud militem illius anni quies, tarda et contraria bellum inchoaturo, et plerisque custodiri suspecta potius⁶ videbatur, ire obviam discrimini statuit: contractisque legionum vexillis⁷ et modica auxiliorum manu, quia in æquum degredi Ordovices non audebant, ipse ante agmen, quo ceteris par animus simili periculo esset, erexit aciem: cæsaque prope universa gente, non ignarus instandum famæ, ac, prout prima cessissent, fore universa; Monam insulam, cujus possessione revocatum Paullinum rebellionem totius Britanniae supra memoravi,⁹ redigere in potestatem animo intendit. Sed, ut in dubiis consiliis,¹⁰ naves deerant: ratio et constantia ducis transvexit. Depositis omnibus sarcinis, lectissimos auxilium, quibus nota vada, et patrius nandi usus, quo simul seque, et arma, et equos regunt,¹¹ ita repente immisit, ut obstupefacti hostes, qui classem,¹² qui naves, qui mare expectabant, nihil arduum aut invictum crediderint sic ad bellum venientibus. Ita petita pace, ac dedita insula, clarus ac magnus haberi Agricola: quippe cui ingredienti provinciam, quod tempus alii per ostentationem, aut officiorum ambitum¹³ trans-

2 *Ordovicum civitas.* Nunc the counties of Flint, Denbigh, Caernarvon, Merioneth, and Montgomery.

3 *Alam.* Equites. Sic in veteri Inscriptione Britannica, reperta in Richmondshire, memoratur Valerius Fronto PRAEF. EQ. ALAE. VETTO. V. Camden's Britan. by Gough, Ed. 1806. Vol. iii, p. 340.

4 *Volentibus erat.* Quippe qui bellum volebant. Sic dictum sup. Hist. iii, 43. * volentibus fuit.

5 *Numeri.* Sparsæ per provinciam cohortes. Ita numeri usurpantur ap. Plin. Ep. x, 38. Suet. Vespas. 6.

6 *Suspecta potius.* Et plerisque potius videbatur loca omnia suspecta, et hostibus obnoxia, præsiidiis firmari ac custodiri.

7 *Legionum vexillis.* Vexilla nonæ, secundæ, ac vicesimæ, Britannicarum legionum vidimus sup. Hist. iii, 22. Hæc vexilla Anglicè dicimus detachments. In monumentis Britannicis sæpe memorantur

istæ vexillationes, ut videre est ap. eruditos Camden, Gordon, aliosque. Dictum quoque de vexillariis sup. in not. et em. ad An. i, 38.

8 *In æquum.* Ordovices, qui montuosa habitabant, in æquum, seu in planum, degredi non audebant. Itaque Agricola erexit aciem suam, et Ordovicum juga superavit.

9 *Supra memoravi.* C. 14.

10 *Dubiis consiliis.* Deerant naves, ut in subitariis dubiisque consiliis contingit; sed ratio et constantia ducis militem transvexit.

11 *Equos regunt.* Unde videtur lectissimos illos auxilium fuisse Batavos; quorum talis peritia laudata est sup. Hist. iv, 12.

12 *Qui classem.* Qui Monam insulam habitabant, opinabantur Romanos classe, navibus, secundo maris æstu usuros; hæcque si deficerent, minime venturos.

13 *Officiorum ambitum.* Legatis enim

igunt, labor et periculum placuisset. Nec Agricola, prosperitate rerum in vanitatem usus, expeditionem aut victoriam vocabat, victos continuisse :¹⁴ ne laureatis quidem gesta prosecutus est : sed ipsa dissimulatione famæ famam auxit, æstimantibus quanta futuri spe tam magna tacuisset.

19. Ceterum animorum provinciæ prudens, simulque doctus per aliena experimenta, parum profici armis, si injuriæ sequerentur, causas bellorum statuit excindere. A se suisque orsus, primam domum suam coercuit; quod plerisque haud minus arduum est, quam provinciam regere. Nihil per libertos servosque publicæ rei :¹ non studiis privatis, nec ex commendatione, aut precibus centurionum milites adscire,² sed optimum quemque fidelissimum putare : omnia scire, non omnia exsequi :³ parvis peccatis veniam, magnis severitatem commodare : nec pœna semper, sed sæpius pœnitentia contentus esse : officiis et administrationibus potius non peccaturos præponere,⁴ quam damnare, cum peccassent. Frumenti et tributorum auctionem⁵ æqualitate munerum mollire,⁶ circum-

provinciam ingredientibus publice privatumque occurrebatur, commendabantur civitates, xenia missitabantur. V. Digest. Lib. i, Tit. 16. de Officio proconsulis et legati. Leg. 4. 6 et 7.

14 *Victos continuisse.* Victos a Suetonio Paullino continuisse, expeditionem aut victoriam non vocabat : ne laureatis quidem literis gesta sua prosecutus est. De laureatis literis v. Suppl. An. viii, 26.

1 *Publicæ rei.* Nihil publicæ rei agebat per liberos servosque, pessimo hac in re præsidum Principumque exemplo.

2 *Milites adscire.* Singulariter dictum, si adscire, pro milites legere aut provehere, usurpetur. Sed cum nihil publicæ rei per liberos et servos suos ageret Agricola, stratores aliorumve officiorum ministros sibi adscivit milites optimos ac fidelissimos. Idque conjicere licet ex Ulpian. Digest. Lib. i, Tit. 16. de Officio proconsulis et legati. Leg. 4. 'Nemo proconsulum stratores suos habere potest : sed vice eorum milites ministerio in provinciis funguntur.' Talis strator erat Silius Hospes, cujus memoria extat ap. Gruter. p. 389. n. 2.

T. CL. CANDIDO, &c.
SILIVS. HOSPE. HASTATVS.
LEG. X
GEMINAE. STRATOR. EIVS
OPTIMO. PRAESIDI.

3 *Exsequi.* Omnia scire, non omnia punire. Sic Jul. Ces. ap. Suet. Jul. 67. 'delicta neque observabat omnia, neque pro modo exsequeretur : sed desertorum ac seditiosorum inquisitor, et punitor acerrimus, connivebat in ceteris.'

4 *Præponere.* Præponere a libris editis immerito fuerat omissum. V. not. et em. ad c. 19.

5 *Auctionem.* Melius forte *exactionem*. V. not. et em. ad c. 19.

6 *Mollire.* Frumenti et tributorum exactionem, vel etiam auctionem, æqualitate munerum molliit Agricola, circumcisis quæ, in quæstum reperta, ipso tributo gravius tolerabantur. Nam, ante Agricolæ prefecturam, procuratores publicanique non statim frumentum stipendiarium exigere, sed Britannorum horrea claudere : Britanni clausis suis horreis adsidere, et cum frumentis abundarent, ea tamen ultro grandique pretio emere. En ludibrium. Gravior adhuc injuria, cum, apertis horreis, persolutoque stipendio, in militum ac præsidis usus exigebatur frumentum, quod Britanni certo quodam ac levi pretio, a procuratoribus publicanisque æstimato, vendere cogebantur. Quæ tandem intoleranda erat sævitia, indicebatur civitatibus, ut, non in sibi proxima, sed in remota et avia hiberna, per devortia itinerum longaue regionum

cisis quæ, in quæstum reperta, ipso tributo gravius tolerabantur: namque per ludibrium adsidere clausis horreis, et emere ultro frumenta, ac vendere pretio cogeabantur: devortia itinerum et longinquitas regionum indicebatur, ut civitates a proximis hibernis in remota et avia deferrent, donec, quod omnibus in promptu erat, paucis lucrosus fieret.

20. Hæc primo statim anno comprimendo, egregiam famam paci circumdedit; quæ vel incuria, vel tolerantia priorum,¹ haud minus quam bellum timebatur. Sed ubi æstas² advenit, contracto exercitu, multus in agmine, laudare modestiam,³ disiectos coercere: loca castris ipse capere,⁴ æstuariorum⁵ ac sylvas ipse prætentare: et nihil interim apud hostes quietum pati, quominus subitis excursibus popularetur: atque ubi satis terruerat, parcendo rursus inritamenta pacis ostentare. Quibus rebus multæ civitates, quæ in illum diem ex æquo egerant,⁶ datis obsidibus, iram posuere, et præsidiiis castellisque circumdatæ, tanta ratione curaque, ut nulla ante Britanniae nova pars⁷ inaccessa transierit.

21. Sequens hyems saluberrimis consiliis absumta: namque ut homines dispersi ac rudes, eoque bello faciles, quieti et otio per voluptates adsuescerent; hortari privatim, adjuvare publice, ut templa, fora, domus¹ exstruerent, laudando prom-

intervalla frumentum deferrent. Sic quod omnibus in promptu erat, paucis publicanis lucrosus fiebat. In iis autem injuriarum versutis, non deerant sane, qui ferociores Britannorum animos variis ludibriis assidueque laboribus domandos jactitarent. Victa plebs semper rea, cum premitur.

1 Priorum. Priorum presidium.

2 Ubi æstas. A. V. C. 832. J. C. 79.

3 Laudare modestiam. Crediderim olim fuisse scriptum: multus in agmine, militum laudare modestiam. V. not. et em. ad c. 20.

4 Castris ipse capere. Multa adhuc manent in Britannia illorum castrorum vestigia. Duo præcipua, sita in provincia Anandale, dictaque Burnswark et Middleby, fuse describit erudit. Gordon, Itinerarium Septentrionale, p. 16 et 18.

5 Æstuariorum. Æstuariorum, ubi Britannorum lintres; sylvas, ubi eorum arma ac receptacula. Illa vero æstuariorum nunc dicimus Dee, Ribble, Liverpool, et Solway-Firth, aliaque multa, quæ occurrunt usque ad Clotam et Bodotriam, de quibus dicitur

inf. c. 23.

6 Ex æquo egerant. Nec bella cum Romanis detrectaverant; seque iis pares esse fuerant gloriantur. Sup. Hist. iv, 64. 'Ex æquo agetis.'

7 Nova pars. Nulla Britanniae pars, Julii Claudique Caesarum, et Romanorum dum armis nondum petita, transiit illacessita, præside Agricola. Sunt tamen qui emendent, nota pars. V. not. et em. ad c. 20.

1 Templa, fora, domus. Memorant in Britannia Julii Agricolæ domum, quam vocant Julius's Hoff, vel House; ibique initialibus literis inscriptum: I. A. M. P. M. P. T. quod explicant 'Julius Agricola magnum pietatis monumentum posuit templum.' V. erudit. Gordon, Itinerarium Septentrionale, p. 29. At in his facilis est divinatio, præclivis error, rarissima veritas. Nec scio an ætatem Agricolæ sapiat 'templum magnum pietatis monumentum.' Ad Agricola quoque referunt sacellum, quod adhuc extat in provincia Stirling, prope Bodotriam ostiumque annis Carron. Sa-

tos, et castigando segnes: ita honoris æmulatio pro necessitate erat. Jam vero principum filios liberalibus artibus erudire,² et ingenia Britannorum studiis Gallorum³ anteferre, ut qui modo linguam Romanam abnuebant, eloquentiam concupiscerent: inde etiam habitus nostri honor, et frequens toga: paulatimque discessum ad delinimenta vitiorum, porticus, et balnea, et conviviorum elegantiam: idque apud imperitos "humanitas" vocabatur, cum pars servitutis esset.

22. Tertius expeditionum annus¹ novas gentes² aperuit, vastatis usque ad Taum³ (æstuario nomen est) nationibus: qua formidine territi hostes, quamquam conflictatum sævis tempestatibus exercitum, lacessere non ausi: ponendisque insuper castellis spatium fuit. Adnotabant periti, non alium ducem opportunitates locorum sapientius legisse: nullum ab Agricola positum castellum aut vi hostium expugnatum, aut pactione⁴ ac fuga desertum. Crebræ eruptiones: nam adversus moras obsidionis, annuis copiis firmabantur: ita intrepida ibi hyems, et sibi quisque præsidio, inritis hostibus, eoque desperantibus, quia soliti plerumque damna æstatis hibernis eventibus pensare, tum æstate atque hyeme juxta pellebantur. Nec Agricola umquam per alios gesta avidus intercept; seu centurio, seu præfectus, incorruptum facti testem habebat. Apud quosdam acerbior in conviciis narrabatur: ut erat bonis comis, ita adversus malos injucundus: ceterum ex iracundia nihil supererat: secretum et silentium ejus non timeres: honestius putabat offendere, quam odisse.

23. Quarta æstas¹ obtinendis,² quæ percurrerat, insumta: ac si virtus exercituum et Romani nominis gloria pateretur,

cellum nunc dicitur *Arthur's Oon*, vel *Oven*. Illud Marti signifero, aut ultori, positum fuisse volunt. V. Cl. Gordon, ibid. *Fora Angliæ* dicimus *courts of justice*: domus, *commodious dwelling-houses*.

2 *Erudire*. Eadem certissimaque arte olim usus est Augustus, ut videre est ap. Suet. Aug. 48.

3 *Studiis Gallorum*. Duret, vigeat, crescatque apud utramque gentem hæc æmulatio, ingeniorum atque studiorum parens alrixque fecundissima! Mirum autem est Agricolam in hac temporum barbarie ingenia Britannorum præsensisse, quæ, tot post seculis, immortalibus clarissimorum

virorum *Bacon, Milton, Newton*, aliorumque plurimorum operibus inclaruere.

1 *Tertius expeditionum annus*. A. v. c. 833. J. c. 80.

2 *Novas gentes*. Gentes quæ erant inter *Solway-Firth* et *Firth of Tay*. Ibi nunc provinciæ *Annandale, Eskdale, Clydesdale, Tweedale, Berwick, Lothian, Stirling, Menteith, Perth, Fife*.

3 *Ad Taum*. Æstuarium illud nunc *Firth of Tay*.

4 *Pactione*. Deditione.

1 *Quarta æstas*. A. v. c. 834. J. c. 81.

2 *Obtinendis*. Ea obtinuit, firmando præsidii.

inventus in ipsa Britannia terminus. Nam Clota et Bodotria,³ diversi maris aestibus per immensum revectæ, angusto terrarum spatio⁴ dirimuntur: quod tum præsiidiis firmabatur:⁵ atque omnis propior sinus tenebatur, summotis velut in aliam insulam⁶ hostibus.

24. Quinto expeditionum anno,¹ nave prima² transgressus, ignotas ad id tempus gentes crebris simul ac prosperis præliis domuit: eamque partem Britanniae, quæ Hiberniam aspicit, copiis instruxit, in spem³ magis, quam ob formidinem: siquidem Hibernia, medio inter Britanniam atque Hispaniam sita, et Gallico quoque mari opportuna, valentissimam imperii partem⁴ magnis invicem usibus miscuerit. Spatium ejus, si Britanniae comparetur, angustius, nostri maris⁵ insulas superat. Solum cælumque, et ingenia cultusque hominum haud multum a Britannia differunt: melius aditus portusque⁶ per commercia et negotiatores cogniti. Agricola expulsum seditione domestica unum ex regulis gentis exceperat, ac specie amicitiae in occasionem retinebat. Sæpe ex eo audiui, legione una et modicis auxiliis debellari obtinerique Hiberniam posse. Idque etiam adversus Britanniam profuturum, si Romana ubique arma, et velut e conspectu libertas tolleretur.

25. Ceterum æstate, qua sextum officii annum¹ inchoabat, amplexus civitates² trans Bodotriam sitas, quia motus univer-

3 *Clota et Bodotria.* Clota, nunc *the Clyde*: Bodotria, *the Forth*. Inter eorum ostia, et urbès *Dumbarton* et *Edinburgh*, in Scotia, tantus est diversi maris, Caledonii nempe et Germanici, aestus, ut hic inventus fuisset bellorum ac dominationis terminus, si virtus exercituum et Romani nominis gloria fines pateretur.

4 *Angusto—spatio.* Trīginta circiter milibus passuum distant.

5 *Præsiidiis firmabatur.* Præsidia illa tenere a Clota, ubi nunc *Old Kirk Patrick*, ad Bodotriam, ubi nunc ferme *Abercorn*, per trīginta septem millia passuum. Sic omnis propior sinus tenebatur.

6 *In aliam insulam.* Ultra Clotam et Bodotriam eorumque æstuaria, Caledonia, *the Northern part of Scotland*, erat alia ferme insula, in quam Agricola hostes summovebat.

1 *Quinto expeditionum anno.* A. V. C. 835. J. C. 82.

2 *Nave prima.* Nave, omnium prima, quæ oras illas scrutari ausæ sunt, trans-

gressus. V. not. et em. ad c. 24.

3 *In spem.* In spem futuræ utilitatis.

4 *Valentissimam—partem.* Hibernia, medio inter Britanniam atque Hispaniam sita, et Gallico quoque mari opportuna, valentissimam imperii partem, Hispaniam scilicet Galliam et Britanniam, magnis invicem usibus per commercia conjunxit. Hac ætate, qua rudis adhuc erat ars nautica, iis commerciis opportunissima erat Hibernia. Hodieque Hiberni plurimi in Hispania ac præcipue Gadibus, *Cadiz*, negotiantur.

5 *Nostri maris.* Mediterranei maris insulas.

6 *Aditus portusque.* Aditus portusque Hiberniæ per commercia et negotiatores melius sunt cogniti. Interiora vero insulæ fere ignota.

1 *Sextum—annum.* A. V. C. 836. J. C. 83.

2 *Amplexus civitates.* Amplexus Orientales Caledoniorum civitates, ubi nunc provinciæ *Fife*, *Perth*, *Strathern*, *Angus*, *Merns*, *Marr*, earum portus classe exploravit. V. not. et em. ad c. 25.

sarum ultra gentium, et infesta hostili exercitu itinera timebantur, portus classe exploravit: quæ ab Agricola primum adsumta in partem virium, sequebatur egregia specie, cum simul terra, simul mari bellum impelleretur, ac sæpe iisdem castris pedes, equesque, et nauticus miles, mixti copiis et lætitia, sua quisque facta, suos casus attollerent: ac modo “sylvarum et montium profunda,” modo “tempestatum ac fluctuum adversa,” hinc “terra et hostis,” hinc “auctus Oceanus”³ militari jactantia compararentur. “Britannos” quoque, ut ex captivis audiebatur, “visa classis obstupefaciebat, tamquam, aperto maris sui secreto, ultimum victis perfugium clauderetur.” Ad manus et arma conversi Caledoniam incolentes populi, paratu magno, majore fama, uti mos est de ignotis, “oppugnasse ultro,”⁴ castella adorti,⁵ metum, ut provocantes, addiderant: “regrediendumque citra Bodotriam, et excedendum potius, quam pellerentur,” ignavi specie prudentium admonebant: cum interim cognoscit,⁶ “hostes pluribus agminibus inrupturos.” Ac ne superante numero, et peritia locorum circumiretur, diviso et ipse in tres partes exercitu incessit.

26. Quod ubi cognitum hosti, mutato repente consilio, universi nonam legionem,¹ ut maxime invalidam, nocte adgressi, inter somnum ac trepidationem cæsis vigilibus, irumpere. Jamque in ipsis castris pugnabant, cum Agricola, iter hostium ab exploratoribus edoctus, et vestigiis insecutus, velocissimos equitum peditumque adsultare tergis pugnantium jubet, mox ab universis adjici clamorem: et propinqua luce fulsere signa: ita ancipiti malo territi Britanni: et Romanis redit animus; ac securi pro salute, de glória certabant: ultro quinetiam erumpere: et fuit atrox in ipsis portarum angustis² prælium, do-

³ *Auctus Oceanus.* Gloriabantur se Oceani terminos propagasse. Sic auctus Oceanus.

⁴ *Oppugnasse ultro.* Majore fama, uti mos est de ignotis, Britannos oppugnasse ultro. Nam cum castella adorti essent, sparsa est fama ipsos ultro bellum intulisse; atque hinc metus Romanis est aditus, ut recte explicat Illustr. Huetius.

⁵ *Castella adorti.* Ex his castellis nonnulla adhuc extant in provinciis *Fife*, *Perth*, et *Strathern*.

⁶ *Cognoscit.* Agricola, cum hæc cognovit, videtur fuisse in Alatis castris, nunc

Edinburgh; ut jam monuit erudit. Gordon, *Itinerarium Septentrionale*, p. 36.

¹ *Nonam legionem.* De qua jam dictum sup. in not. et em. ad Hist. ii, 6. Ea legio tunc videtur fuisse in provincia *Fife*, castroque, quod adhuc extat, et dicitur *Lochore*. V. erudit. Gordon l. c. Invalida sane fuit legio, quod multis præliis fuerat imminuta. Ideo postea suppleta, dictaque Gemina.

² *Portarum angustis.* Portarum castrorum. In castris Romanis quatuor erant portæ, decumana, prætoria, dextra, sinistra,

nec pulsi hostes; utroque exercitu certante, his, ut tulisse opem, illis, ne eguisse auxilio viderentur: quod nisi paludes et sylvæ¹ fugientes texissent, debellatum illa victoria foret.

27. Cujus constantia¹ ac fama ferox exercitus, "nihil virtuti suæ invium: penetrandam Caledoniam, inveniendumque tandem Britanniae terminum, continuo praeliorum cursu," fremebant: atque illi modo cauti² ac sapientes, prompti post eventum ac magniloqui erant: iniquissima hæc bellorum conditio est: prospera omnes sibi vindicant, adversa uni imputantur. At Britanni non virtute, sed occasione et arte ducis rati,³ nihil ex arrogantia remittere, quominus juventutem armarent, conjuges ac liberos in loca tuta transferrent, cœtibus ac sacrificiis⁴ conspirationem civitatum sancirent: atque ita iniritatis utrimque animis discessum.

28. Eadem æstate cohors Usipiorum,⁵ per Germanias conscripta, et in Britanniam transmissa, magnum ac memorabile facinus ausa est. Occiso centurione ac militibus, qui ad tradendam disciplinam immixti manipulis,² exemplum et rectores habebantur, tres liburnicas,³ adactis per vim gubernatoribus, ascendere: et uno remigrante,⁴ suspectis duobus eoque interfectis, nondum vulgato rumore, ut miraculum⁵ provehebantur: mox hac atque illa rapti, et cum plerisque Britannorum, sua defensantium, prælio congressi, ac sæpe victores, aliquando pulsi, eo ad extremum inopiæ venere, ut infirmos suos, mox sorte ductos vincerentur: atque ita circumvecti

3 *Paludes et sylvæ.* Duobus circiter milibus passuum a castro *Lochore* extat adhuc magna palus, dicta *Loch-Leven*, unde ingentes arborum trunci sæpe eruuntur, quod certissimum est sylvarum, quæ ibi fuere, argumentum. V. erudit. Gordon l. c.

1 *Cujus constantia.* Constantia parta fuerat hæc victoria. Qua constantia et victoria fama ferox exercitus.

2 *Modo cauti.* Qui regrediendum citra Bodotriam, specie prudentium, ignavi admonuerant, ut dictum est c. sup.

3 *Arte ducis rati.* Verius *arte se victos rati*, aut *arte ducis superati*. V. not. et em. ad c. 27.

4 *Cœtibus ac sacrificiis.* Ut mos est ap. barbaros. V. sup. Hist. iv, 14.

1 *Cohors Usipiorum.* De Usipiis dictum sup. de Mor. Germ. 32.

2 *Immixti manipulis.* Peditum erant

manipuli, ut turmæ equitum. Cohors vero sexaginta manipulis, aut contuberniis, i. e. 600 hominibus, constabat. Cohorti præerat centurio. Singulis manipulis, seu contuberniis Usipiorum, milites Romani fuere immixti. Manipulos pro contuberniis dici patet ex Veget. ii, 13. Alii erant manipuli, qui duabus centuriis, seu 200 hominibus, constabant, ut docet Cencius ap. Gell. xvi, 4.

3 *Tres liburnicas.* De liburnicis jam egimus sup. An. xvi, 14.

4 *Uno remigrante.* Unus remigravit, scapha forte elapsus. Aliter tamen locum hunc explicat Ill. Huetius. V. not. et em. ad c. 28.

5 *Ut miraculum.* Ita secunde provehebantur, ut res admiratione prorsus digna esset.

Britanniam,⁶ amissis per inscitiam regendi navibus, pro prædonibus habiti, primum a Suevis, mox a Frisiis intercepti sunt: ac fuere, quos per commercia venundatos, et in nostram usque ripam mutatione ementium adductos, indicium tanti casus inlustravit. Initio æstatis⁷ Agricola, domestico vulnere ictus, anno ante natum filium amisit. Quem casum neque, ut plerique fortium virorum, ambitiose, neque per lamenta rursus ac mœrorem muliebriter tulit: et in luctu bellum inter remedia erat.

29. Igitur præmissa classe, quæ pluribus locis prædata, magnum et incertum terrorem faceret, expedito exercitu, cui ex Britannis fortissimos, et longa pace exploratos addiderat, ad montem Grampium¹ pervenit, quem jam hostes insederant. Nam Britanni, nihil fracti pugnae prioris eventu, et ultionem aut servitium expectantes, tandemque docti, commune periculum concordia propulsandum, legationibus et foederibus omnium civitatum vires exciverant. Jamque super triginta millia armatorum aspiciebantur, et adhuc adfluebat omnis juvenus, et quibus cruda ac viridis senectus,² clari bello, ac sua quisque decora³ gestantes: cum inter plures duces virtute et genere præstans, nomine Calgacus,⁴ apud contractam multitudinem, prælium poscentem, in hunc modum locutus fertur.

30. "Quotiens causas belli et necessitatem nostram intueor, magnus mihi animus est, hodiernum diem, consensumque vestrum, initium libertatis totius Britanniae fore. Nam et universi servitutis expertes, et nullæ ultra terræ, ac ne mare quidem securum, imminente nobis classe Romana: ita prælium atque arma,¹ quæ fortibus honesta, eadem etiam ignavis

6 *Circumvecti Britanniam.* Unde sint profecti, quomodo circumvecti Britanniam, eorum denique navigationis cursum erroresque inquirere curiosum; at longius foret. Itaque v. not. et em. ad c. 28.

7 *Initio æstatis.* Initio septimæ æstatis; A. U. C. 837. J. C. 84. V. not. et em. ad c. 28.

1 *Montem Grampium.* Nunc *mount Grantzbaïn*, in Scotia, provinciaeque *Strathern*.

2 *Viridis senectus.* Sic Virg. *Æn.* vi, 304. 'Jam senior: sed cruda Deo viridisque senectus.'

3 *Sua—decora.* Bellicæ virtutis insignia ac præmia.

4 *Calgacus.* In veteri et fabuloso Triadum libro appellatur *Galauc ap Liennauc*. Fortissimi hujus viri oratione nihil præstantius habet tum Græca, tum Romana antiquitas. Omnes dominationis Romanæ artes, vitia omnia, mira arte ac brevitate ibi explicat Tacitus.

1 *Prælium—arma.* In hoc rerum statu prælium et arma, non fortibus tantum honesta, sed ipsis etiam ignavis necessaria et tutissima sunt. Priores Britannorum pugnae, quibus adversus Romanos varia fortuna certatum est, spem alteram ac subsidium præsens habebant in nostris civitatibus, ad quas confugere, in nostris manibus, quæ hostem vincere poterant. Nos enim,

tutissima sunt. Priores pugnæ, quibus adversus Romanos varia fortuna certatum est, spem ac subsidium in nostris manibus habebant: quia nobilissimi totius Britanniae, eoque in ipsis penetralibus siti, nec servientium littora aspicientes, oculos quoque a contactu dominationis inviolatos habebamus. Nos, terrarum ac libertatis extremos, recessus ipse ac sinus famæ in hunc diem defendit: nunc terminus² Britanniae patet: atque omne ignotum pro magnifico est. Sed nulla jam ultra gens, nihil nisi fluctus et saxa, et infestiores Romani: quorum superbiam frustra per obsequium et modestiam effugeris: raptores orbis, postquam cuncta vastantibus defuere terræ, et mare³ scrutantur: si locuples hostis est, avari: si pauper, ambitiosi: quos non Oriens, non Occidens, satiaverit: soli omnium,⁴ opes atque inopiam pari affectu concupiscunt: auferre, trucidare, rapere, falsis nominibus, *imperium*; atque ubi solitudinem faciunt, *pacem* appellant.⁵

31. " Liberos cuique ac propinquos suos natura carissimos esse voluit: hi per delectus, alibi servituri,¹ auferuntur: conjuges sororesque etsi hostilem libidinem effugiant, nomine *amicorum* atque *hospitum* polluantur.² Bona fortunasque in tributum egerunt; in annonam frumentum: corpora ipsa ac manus, sylvis ac paludibus emuniendis,³ inter verbera ac contumelias, conterunt. Nata servituti mancipia semel veneunt, atque ultro a dominis aluntur: Britannia servitutem suam quotidie emit,⁴ quotidie pascit. Ac sicut in familia recentis-

totius Britanniae nobilissimi, eoque in ipsis penetralibus, nempe in Caledonia siti, nec servientium Gallorum littora aspicientes, oculos quoque a contactu Romanæ dominationis inviolatos habebamus. Nos, terrarum ac libertatis extremos, recessus ipse ac sinus famæ (audacter et egregie dictum, ut terrarum ac famæ finis exprimatur) in hunc diem defendit.

2 *Nunc terminus.* Ita libri omnes scripti et editi. At alium verborum ordinem postulat ipse sensus; et legendum: Nos terrarum ac libertatis extremos, recessus ipse ac sinus famæ in hunc diem defendit: atque omne ignotum pro magnifico est: sed nunc terminus Britanniae patet: nulla jam ultra gens, nihil nisi fluctus et saxa: et infestiores Romani; i. e. fluctibus saxisque feriores. V. not. et em. ad c. 30.

3 *Et mare.* I. e. etiam mare scrutantur.

Certe Romani mare scrutabantur, cum Britanniam ac maxime Caledoniam peterent.

4 *Soli omnium.* Ex omnibus hominibus soli. *Omnium* ad opes ne referas.

5 *Pacem appellant.* Inde in scriptoribus tam sepe occurrit *pax Romana*: et in nummis PAX. PAX ORBIS TERRARUM.

1 *Alibi servituri.* Id Romanis cautum, ne in patria turbarent.

2 *Polluantur.* Horum flagitiorum exempla vidimus sup. An. xiv, 31.

3 *Paludibus emuniendis.* Viæ per sylvas ac paludes, ob comeatum facilitatem, emuniendæ. V. inf. c. 33. Tales viæ Romanæ extant adhuc plurimæ in Scotia, quas accuratissime descripsit eruditus Gordon, Itinerarium Septentrionale, in tabula Geographica.

4 *Quotidie emit.* Quotidie emit, tributa solvendo; quotidie pascit, in annonam fru-

simus quisque servorum et conservis ludibrio est: sic in hoc orbis terrarum vetere famulatu, novi nos et viles in excidium petimur. Neque enim arva nobis,⁵ aut metalla, aut portus sunt, quibus exercendis reservemur. Virtus porro ac ferocia subjectorum ingrata imperantibus: et longinquitas ac secretum ipsum, quo tutius, eo suspectius. Ita sublata spe veniæ, tandem sumite animum, tam quibus salus, quam quibus gloria carissima est. Trinobantes,⁶ foemina duce,⁷ exurere coloniam,⁸ expugnare castra, ac, nisi felicitas in socordiam vertisset, exuere jugum potuere: nos integri et indomiti, et libertatem non in præsentia laturi, primo statim congressu non ostendamus quos sibi Caledonia viros seposuerit?⁹

32. "An eandem Romanis in bello virtutem, quam in pace lasciviam adesse creditis? Nostris illi dissensionibus ac discordiis clari, vitia hostium in gloriam exercitus sui vertunt: quem contractum ex diversissimis gentibus, ut secundæ res tenent, ita adversæ dissolvent: nisi si Gallos, et Germanos, et (pudet dictu') Britannorum plerosque, licet dominationi alienæ sanguinem commodent,² diutius tamen hostes quam servos, fide et affectu teneri putatis: metus et terror est, infirma vincula caritatis: quæ ubi removeris, qui timere desierint, odisse incipient. Omnia victoriæ incitamenta pro nobis sunt: nullæ Romanos conjuges³ accendunt: nulli parentes⁴ fugam exprobraturi sunt: aut nulla plerisque pa-

mentum suppeditando. Postea cum Romani, versa fortuna, barbaris tributa, quæ dona vocabantur, penderent, pariter querebantur, uti videre est ap. Salvian. de Gubernatione Dei, Lib. vi. 'Dicimus donum esse, quod pretium est, et quidem pretium conditionis durissimæ ac miserimæ. Omnes quippe captivi cum semel redempti fuerint, libertate potiuntur: nos semper redimimur, et numquam liberi sumus.'

⁵ *Arva nobis.* Pars magna Scotiæ montibus horrida.

⁶ *Trinobantes.* De quibus dictum sup. An. xiv, 31.

⁷ *Fœmina duce.* Boudicea. V. An. xiv, 31.

⁸ *Coloniam.* Camulodunum, nunc Colchester. V. ibid.

⁹ *Et—seposuerit.* Ita quidem recentiores edd.: aliter autem veteres libri scripti et editi. Fortescripserat Tacitus: *Et in liberta-*

tem, non in prædam certaturi, primo statim congressu vivide ostendamus quos sibi Caledonia viros seposuerit. V. not. et em. ad c. 31.

¹ *Pudet dictu.* Singulariter dictum pro *pudet dicere.* Plautus tamen Bacch. iii, 1. dixit: 'Neque mei, neque tui intus pudicum est factis, quæ facis.' Et Val. Max. ix, 13. n. 2. 'Nec relatione familiaria, quia dictu fastidienda sunt.'

² *Sanguinem commodent.* Romanorum dominationi vitam sanguinemque commo- dabant auxiliares Galli, Germani, et Britannorum plerique: diutius tamen hostes, quam servi; ac proinde modico affectu, fide incerta.

³ *Nullæ—conjuges.* Cœlibes vulgo erant milites Romani. V. not. et em. ad An. xiv, 27. Præterea in castris Romanis nullus fœminis locus.

⁴ *Nulli parentes.* Contra vero, ut ap. Germanos, sic ap. Britannos, matres, con-

tria,⁵ aut alia est: paucos numero,⁶ circum trepidos⁷ ignorantia, cœlum ipsum, ac mare, et sylvas, ignota omnia circumspectantes, clausos quodammodo ac vinctos Dii nobis tradiderunt. Ne terreat vanus aspectus, et auri fulgor atque argenti, quod neque tegit, neque vulnerat.⁸ In ipsa hostium acie inueniemus nostras manus: agnoscent Britanni suam causam: recordabuntur Galli priorem libertatem: deserent illos ceteri Germani, tamquam nuper Usipii reliquerunt.⁹ Nec quidquam ultra formidinis: vacua castella, senum coloniæ,¹⁰ inter male parentes et injuste imperantes, ægra municipia et discordantia: hic dux, hic exercitus: ibi tributa et metalla,¹¹ et ceteræ servientium pœnæ, quas in æternum proferre, aut statim ulcisci, in hoc campo est. Proinde ituri in aciem, et majores vestros, et posteros cogitate."

33. Excepere orationem alacres, et barbari moris cantu, et fremitu, clamoribusque dissonis. Jamque agmina, et armorum fulgores, audentissimi cujusque procursu:¹ simul instruebantur acies: cum Agricola, quamquam lætum et vix munitis coercitum militem accendendum adhuc ratus, ita disseruit: "Octavus annus est, commilitones, ex quo virtute et auspiciis imperii Romani, fide atque opera vestra Britanniam vicistis: tot expeditionibus, tot præliis, seu fortitudine adversus hostes, seu patientia ac labore pœne adversus ipsam rerum naturam opus fuit, neque me militum, neque vos ducis poenituit. Ergo egressi, ego veterum legatorum, vos priorum exercituum² terminos, finem Britanniae, non fama, nec rumore, sed castris et armis tenemus. Inventa Britannia, et subacta.

juges hortamina pugnantibus gestabant, et inclinatas labentesque acies nonnumquam restituebant. V. sup. de Mor. Germ. 7 et 8.

5 *Nulla—patria.* Aut nulla plerisque patria est, aut alia, quam Britannia. Nulla plerisque patria erat, quod, ut recte explicat Illustr. Huetius, obscuri, vulgo concepti ex scortis militaribus, in expeditionibus, in viis nati.

6 *Paucos numero.* Frustra vulgo emendatur *paucos numeros*. Recte et eleganter dictum, *paucos numero*.

7 *Circum trepidos.* Crediderim *circum* redundare; et petitum esse ex sequenti *linea circumspectantes*. V. not. et em. ad c. 32.

8 *Tegit—vulnerat.* Bene et barbaro dig-

num. Ornatus, sed non melius, Liv. x, 39.

1 *Non cristas vulnera facere, et per picta atque aurata scuta transire Romanum pilum, et candore tunicarum fulgentem aciem, ubi res ferro geratur, cruentari.*

9 *Usipii reliquerunt.* Ut dictum est sup. c. 28.

10 *Senum coloniæ.* Veteranis, quos irridens 'senes' appellat, maxime constabant coloniæ.

11 *Et metalla.* Quibus fodiendis victæ a Romanis gentes insudabant.

1 *Procursu.* Fulgebant arma, cum audentissimus quisque in pugnam procurreret.

2 *Priorum exercituum.* Veteres legati et priores exercitus in Britannia bellaverant. At Agricola ejusque exercitus, hos terminos egressi, Caledoniam tenebant.

Equidem sæpe in agmine, cum vos paludes, montesve, et flumina fatigaret, fortissimi cujusque voces audiebam, quando dabitur hostis, quando acies? Veniunt e latebris suis extrusi: et vota virtusque in aperto, omniaque prona victoribus, atque eadem victis adversa. Nam ut superasse tantum itineris, sylvas evasisse, transisse æstuaria, pulchrum ac decorum in frontem;³ ita fugientibus periculosissima, quæ hodie prosperima sunt.⁴ Neque enim nobis aut locorum eadem notitia, aut commeatumum eadem abundantia: sed manus, et arma,⁵ et in his omnia. Quod ad me attinet, jam pridem mihi decretum est, neque exercitus, neque ducis terga tuta esse. Proinde et honesta mors turpi vita potior; et incolumitas ac decus, eodem loco sita sunt: nec inglorium fuerit, in ipso terrarum ac naturæ fine cecidisse.

34. "Si novæ gentes atque ignota acies constitisset: aliorum exercituum exemplis vos hortarer: nunc vestra decora recensete, vestros oculos interrogate. Ii sunt, quos proximo anno, unam legionem¹ furto noctis adgressos, clamore debellastis: ii ceterorum Britannorum fugacissimi: ideoque tandem superstites. Quomodo sylvas saltusque penetrantibus, fortissimum quodque animal contra ruere, pavida et inertia ipso agminis sono² pelluntur; sic acerrimi Britannorum jam pridem ceciderunt: reliquus est numerus ignavorum et metuentium: quos quod tandem invenistis, non restiterunt,³ sed deprehensi sunt novissimi: res et extremo metu⁴ corpora defixere in his vestigiis, in quibus pulchram et spectabilem victoriam ederetis. Transigite cum expeditionibus, imponite quinquaginta annis⁵ magnum diem, adprobate reipublicæ num-

³ *In frontem.* In speciem. Sic Sen. Consol. ad Helv. c. 5. 'Itaque ego in illis, quæ omnes optant, existimavi semper, nihil veri boni inesse: quin inania et specioso ac decepturo furo circumlita inveni, intra nihil habentia fronti suæ simile.'

⁴ *Prosperissima sunt.* Sylvas enim evasisse, transisse æstuaria, tantum itineris superasse hodie prosperissimum est: sed si fugiebant Romani, periculosissimum erat.

⁵ *Manus, et arma.* Sic ferme Liv. v. 42.

⁶ *Arma tantum ferrumque in dextris, velut solas reliquias spei suæ, intuentes.'*

⁷ *Unam legionem.* Nonam legionem; ut

vidimus sup. c. 26.

⁸ *Agminis sono.* Hæc de hominum, equorum, canum agmine intellige.

⁹ *Non restiterunt.* Ut Romanos oppugnarent.

¹⁰ *Extremo metu.* V. not. et em. ad c. 34.

¹¹ *Quinquaginta annis.* Aulus Plautius, mox Claudius ipse, Imperator, Britannicam expeditionem susceperunt A. V. C. 796. ac proinde ad hunc A. V. C. 838. numerantur tantum anni 42. Hic ergo quinquaginta annis idem est, ac ferme quinquaginta annis.

quam exercitui imputari potuisse, aut moras belli, aut causas rebellandi.”⁶

35. Et adloquente adhuc Agricola militum ardor eminebat, et finem orationis ingens alacritas consecuta est, statimque ad arma discursum. Instinctos ruentesque ita disposuit,¹ ut peditum auxilia, quæ octo millia erant, mediam aciem firment: equitum tria millia, cornibus adfunderentur: legiones pro vallo stetere, ingens victoriae decus citra Romanum sanguinem² bellanti, et auxilium, si pellerentur. Britannorum acies in speciem simul ac terrorem editioribus locis constiterat, ita ut primum agmen æquo, ceteri per acclive jugum connexi velut insurgerent: media campi covinarius³ et eques strepitu ac discursu complebat. Tum Agricola, superante hostium multitudine, veritus, ne simul in frontem, simul et latera suorum pugnaretur, diductis ordinibus, quamquam porrectior acies futura erat, et “arcessendas” plerique “legiones” admonebant, promptior in spem, et firmus adversis, dimisso equo pedes ante vexilla constitit.

6 *Causas rebellandi.* Probate moras belli ex locorum difficultate, causas rebellandi ex incolarum indole fuisse profectas.

1 *Ita disposuit.* Hic videtur fuisse utriusque exercitus ordo. Per acclive montis Grampii jugum insurgebat maxima Britannorum pars: primum eorum agmen infra montem: eorum covinarii et equites media campi complebant. Exercitus autem Romani media acies constabat peditum auxiliis, numero octo millibus: equitum tria millia cornibus affusa: post auxilia Agricola stabat pedes ante vexilla: retro legiones Romanae, ante vallum dispositae: in legionum vallique lateribus, equitum quatuor alae ad subita belli retentae. Exercitus sui ordines diduxit Agricola, ne frons foret angustior. Locus autem pugnae fuit in provincia *Strathern*, prope locum, qui nunc dicitur *Kirk of Comerie*. Ibi extant adhuc duo castra Romana, quae exhibet eruditus Gordon, Itinerarium Septentrionale, Tabula v. Neque est quod objiciant castra illa minora esse, quam ut exercitui Romano sufficere potuerint. Alia retro et vicina erant castra, quae ante pugnam obtinebat Romanus exercitus. Extant quoque, et ea exhibet Cl. Gordon in sua tabula Geographica. Insigne autem victoriae monumentum fuit ipsa urbs Victoria, nunc *Abernethy*. Non in ipso praelii campo, sed quod commodius

et tutius, condita est ad Taum aestuarium, nunc *Firth of Tay*, in eadem provincia *Strathern*.

2 *Romanum sanguinem.* Maxima enim Romanorum ducum laus et cura erat hostium audaciam externo sanguine ulcisci. V. sup. An. xiv, 23.

3 *Covinarius.* Covinarius, auriga erat currus, cujus axis in modum falcis erat recurvus. Inde Mela iii, 6. Britanni ‘demicant non equitatu modo, aut pedite, verum et bigis et curribus; Gallice armati, covinos vocant, quorum falcatis axibus utuntur.’ Quomodo autem e covinis, aut essedis, pugnarent, docet Jul. Cæs. B. G. iv, 33. ‘Genus hoc est ex essedis pugnae: primo per omnes partes perequitant, et tela conjiciunt, atque ipso terrore equorum et strepitu rotarum, ordines plerumque perturbant: et cum se inter equitum turmas insinuavere, ex essedis desiliunt, et pedibus praeliantur. Aurigae interim paulum e praelio excedunt, ut, si illi a multitudine hostium premantur, expeditum ad suos receptum habeant. Ita mobilitatem equitum, stabilitatem peditum in praeliis praestant; ac tantum usu quotidiano, et exercitatione efficiunt, ut in declivi ac praecipiti loco incitatos equos sustinere, et brevi moderari, ac flectere, et per temonem percurrere, et in jugo insistere, et inde se in currus citissime recipere consueverint.’

36. Ac primo congressu eminus certabatur : simul constantia, simul arte Britanni, ingentibus gladiis, et brevibus cetris,¹ missilia nostrorum vitare, vel excutere, atque ipsi magnam vim telorum superfundere : donec Agricola tres Batavorum cohortes, ac Tungrorum² duas cohortatus est, ut rem ad mucrones ac manus³ adducerent : quod et ipsis vetustate militiæ exercitatum, et hostibus inhabile parva scuta et enormes gladios gerentibus : nam Britannorum gladii sine mucrone⁴ complexum armorum, et in arcto⁵ pugnam non tolerabant. Igitur, ut Batavi miscere ictus, ferire umbonibus, ora foedare, et tractis,⁶ qui in æquo obstiterant, erigere in colles aciem cœpere ; ceteræ cohortes, æmulatione et impetu commistæ, proximos quosque cædere : ac plerique semineces, aut integri, festinatione victoriæ relinquebantur. Interim equitum turmæ fugere,⁷ covinari peditum se prælio miscuere : et quamquam recentem terrorem intulerant, densis tamen hostium agminibus,⁸ et inæqualibus locis hærebant : minimeque equestris ea pugnae facies erat, cum ægre diu stantes, simul equorum corporibus impellerentur, ac sæpe vagi currus, exterriti, sine rectoribus equi,

1 *Brevibus cetris.* Cetræ, scuta erant, sed minora ac lorea. Vet. Schol. ad Juvenal. xi, 140. 'Oryx animal minus, quam bubalus, quem Mauri Uncem vocant : cujus pellis ad citonas, [corrigere *cetras*,] proficit, scuta Maurorum minora.'

2 *Tungrorum.* Plurima manent in Britannia harum cohortium monumenta, in quibus coh. TVNGRO. vel coh. I. TVNGROR. MIL. V. erudit. Gordon, l. c. Tabula xxxv sq.

3 *Mucrones ac manus.* Sic olim Germanicus Romanos cum Germanis præliaturos monuerat, ut 'densarent ictus, et ora mucronibus quærerent,' An. ii, 14.

4 *Sine mucrone.* Cæsım nempe pugnant Britanni ; punctim vero Romani, qua pugnandi ratione citior certiorque mors venit. Hac de re plura habet Veget. i, 12. 'Complexum' autem 'armorum' dicimus *scuffle* : cum cominus et collato gradu hostis petitur.

5 *In arcto.* Vulgo, sed male, *in aperto.* V. not. et em. ad c. 36.

6 *Et tractis.* Melius, *et fractis*, ut volebat Muret. vel potius, *et prostratis*, ut conjicere licet ex Mss. Vatic. V. not. et em. ad c. 36. Victum prostratumque est primum agmen Britannorum, quod in æquo

constiterat, ut modo dictum est c. sup.

7 *Turma fugere.* Hic nihil esse vitii, sed plurimum Cornelianæ brevitatis observat Illustr. Huetius. Scilicet, utrimque pugnam cœpere pedites : fracto Britannorum primo agmine, quod in æquo constiterat, auxilia Romanorum aciem in colles erexere. Interim Romanorum equitum turmæ, cum Britannorum covinariis congressæ, eos sustinere non voluerunt, ideoque fugere. Tunc covinari, et eos secuti equites Britanni, superbi quod, fugato Romanorum equitatu, terrorem intulissent, peditum se prælio miscuere. At Romani, qui primum, diductis ordinibus, incesserant, ne circumvenirentur, tunc, densatis agminibus, pugnant, ut acrius resisterent. Itaque neque covinari, neque equites Britanni eos penetrare potuere : præterea inæqualibus locis hærebant. Unde minime equestris ea pugnae facies fuit, cum covinari et equites Britanni, ægre clivo stantes, simul cum equorum corporibus impellerentur ; ac sæpe vagi currus, exterriti sine rectoribus equi, ut quemque formido tulerat, transversos, aut obvios incursabant.

8 *Hostium agminibus.* Certe emendandum *cohortium agminibus.* V. not. et em. ad c. 36.

ut quemque formido tulerat, transversos, aut obvios⁹ incur-
sabant.

37. Et Britanni, qui adhuc pugnæ expertes summa collium
insederant, et paucitatem nostrorum vacui¹ spernebant, degredi
paulatim, et circumire terga vincentium cœperant: ni idipsum
veritus Agricola quatuor equitum alas, ad subita belli reten-
tas, venientibus opposuisset, quantoque ferocius accurrerant,
tanto acrius pulsos in fugam disjecisset. Ita consilium Bri-
tannorum in ipsos verum: transvectæque præcepto ducis a
fronte pugnantium alæ,² aversam hostium aciem invasere.
Tum vero patentibus locis grande et atrox spectaculum: sequi,
vulnerare, capere, atque eosdem, oblatis aliis, trucidare. Jam
hostium, prout cuique ingenium erat, catervæ armatorum³
paucioribus terga præstare, quidam inermes ultro ruere, ac se
morti offerre. Passim arma, et corpora, et laceri artus, et
cruenta humus: et aliquando etiam victis ira virtusque: post-
quam sylvis appropinquarunt, collecti, primos sequentium,
incautos et locorum ignaros, circumveniebant. Quod ni fre-
quens ubique Agricola, validas et expeditas cohortes indaginis
modo, et sicubi arctiora erant, partem equitum, dimissis equis,
simul rariores sylvas equitem persultare jussisset, acceptum
aliquod vulnus per nimiam fiduciam foret. Ceterum, ubi com-
positos firmis ordinibus sequi rursus videre, in fugam versi,
non agminibus, ut prius, nec alius alium respectantes, rari, et
vitabundi invicem, longinqua atque avia petiere: finis sequen-
di nox et satietas fuit: cæsa hostium ad decem millia: nos-
trorum trecenti sexaginta cecidere: in quibus Aulus Atticus,
præfectus cohortis,⁴ juvenili ardore et ferocia equi hostibus
illatus.

38. Et nox quidem gaudio prædaque læta victoribus: Bri-
tanni palantes, mixtoque virorum mulierumque ploratu, tra-
here vulneratos, vocare integros, deserere domos, ac per iram

⁹ *Auc obvios.* Transversos, aut obvios
equites covinariosque Britannos.

¹ *Vacui.* Quia pugnæ expertes.

² *Pugnantium alæ.* A fronte ad terga
transvectæ equitum Romanorum alæ aver-
sam Britannorum aciem invasere.

³ *Catervæ armatorum.* Jam hostium, i.
e. armatorum Britannorum catervæ pauci-
oribus Romanis terga præstare.

⁴ *Præfectus cohortis.* Sic ap. erudit.

Gordon, l. c. Tabula xxxv, num. 2. memo-
ratur Q. Florius Maternus, præfectus Co-
hortis primæ Tungrorum.

DEO

MARTI QVIN

FLORIUS MA-

TERNVS PRAEF

COH. I. TVNG.

V. S. L. M.

ultro incendere : eligere latebras, et statim relinquere : miscere invicem consilia aliqua, dein separare : aliquando frangi aspectu pignorum suorum, sæpius concitari :¹ satisque constabat sævisse quosdam² in conjuges ac liberos, tamquam misererentur. Proximus dies faciem victoriæ latius aperuit : vastum ubique silentium, secreti colles, fumantia procul tecta, nemo exploratoribus obviis : quibus in omnem partem dimissis, ubi incerta fugæ vestigia, neque usquam conglobari hostes compertum, et exacta jam æstate spargi bellum nequibat, in fines Horestorum³ exercitum deducit. Ibi acceptis obsidibus, præfecto classis "circumvehi Britanniam"⁴ præcepit : datæ ad id vires, et præcesserat terror : ipse peditem atque equites lento itinere, quo novarum gentium animi ipsa transitus mora terrentur, in hibernis locavit. Et simul classis secunda tempestate ac fama Trutulensem portum⁵ tenuit, unde proximo latere Britannia lecto omnis redierat.⁶

39. Hunc rerum cursum, quamquam nulla verborum jactantia epistolis Agricolaë auctum, ut Domitiano moris erat, fronte lætus, pectore anxius exceperit. Inerat conscientia, derisui fuisse nuper falsum¹ e Germania triumphum, emtis per commercia, quorum habitus et crines² in captivorum speciem formarentur : at nunc veram magnamque victoriam, tot millibus hostium cæsis, ingenti fama celebrari. Id sibi maxime

1 *Sæpius concitari*. Vere observatum a Tac. Hist. ii, 44. homines 'extrema desperatione ad iram sæpius, quam in formidinem' stimulantur.

2 *Sævisse quosdam*. Talem ferociam notavimus sup. de Mor. Germ. 37. not. sup.

3 *Horestorum*. Horesti, nunc *Angus*, Scotiae provincia, inter provincias *Strathern* et *Merns*, Orientem versus.

4 *Circumvehi Britanniam*. De hac classe Britanniam circumvecta dictum est satis in not. et em. ad c. 28. Profecta est autem classis ab æstuario Tao, nunc *Firth of Tay*, aut e paulo superiore portu, qui nunc dicitur *Montrose*.

5 *Trutulensem portum*. Portus ille passim appellatur 'Rutupensis,' aut 'Rutupinus,' nunc *Sandwich*; et ap. Ptolem. ii, 3. *Ροῦτοπίου*. Ad hunc portum B. Augustinus, Britannia Apostolus, appulit. V. Bedam, Hist. Ecclesiast. i, 25. Fueritne quandoque a Romanis dictus Trutulensis, quod magna truttarum, *Anglice*, *trout*, copia abundet, ut ab erudito Britanno audi-

dubito : maxime, cum truttarum nomen neque apud Plinium, neque apud alios hujus ævi scriptores occurrat; et Rutupinum nomen jam innotuerat, ut patet ex Juvenal. iv, 141. 'Rutupinove edita fundo Ostrea.'

6 *Omnis redierat*. V. not. et em. ad c. 38. Classis a Tao æstuario, *Firth of Tay*, maximam Britanniaë partem circumvecta, Trutulensem portum, *Sandwich*, tenuit; inde, proximo hoc Britanniaë latere lecto, omnis, ne una quidem amissa navi, Tamm æstuarium, aut Bodotriam, *Firth of Forth*, rediit, ut tum exercitu, tum classe novarum gentium animi terrentur.

1 *Nuper falsum*. Hoc a. v. c. 837. Domitianus, in Germaniam profectus, ne viso quidem hoste, Roman reverterat, et triumphaverat. V. Dion. lxxvii, p. 760. Nos quoque in Append. Chronol. ad h. ann.

2 *Habitus et crines*. Sic in Suppl. An. viii, 38. vidimus Caium Caligulam proceris corporibus et rutilatis crinibus Germanicam victoriam ementitum.

formidolosum, privati hominis nomen supra Principis attolli : frustra studia fori, et civilium artium decus in silentium acta, si militarem gloriam alius occuparet :³ et cetera utcumque facilius dissimulari, ducis boni Imperatoriam virtutem esse. Talibus curis exercitus, quodque sævæ cogitationis indicium erat, secreto suo⁴ satiat, optimum in præsentia statuit, reponere odium,⁵ donec impetus famæ et favor exercitus languesceret : nam etiam tum Agricola Britanniam obtinebat.

40. Igitur " triumphalia ornamenta,¹ et illustris statuæ² honorem, et quidquid pro triumpho datur," multo verborum honore cumulata, decerni in senatu jubet, addique insuper opinionem, Syriam provinciam Agricolæ destinari, vacuum tum morte Atilii Rufi consularis, et majoribus reservatam.³ Credidere plerique libertum ex secretioribus ministeriis missum ad Agricolam, codicillos, quibus ei Syria dabatur, tulisse, cum præcepto, ut, si in Britannia foret, traderentur : eumque libertum in ipso freto Oceani⁴ obvium Agricolæ, ne appellato quidem eo, ad Domitianum remeasse : sive verum istud, sive ex ingenio Principis fictum ac compositum est.⁵ Tradiderat interim Agricola successori suo⁶ provinciam quietam tutamque. Ac ne notabilis celebritate et frequentia occurrentium introitus esset, vitato amicorum officio, noctu in Urbem, noctu in palatium, ita ut præceptum erat, venit : exceptusque brevi osculo, et nullo sermone, turbæ servientium immixtus

³ *Alius occuparet.* Domitianus, alienæ laudis osor, studia fori, civiles artes, ipsamque philosophiam in silentium egerat, viris, hac laude clavis, neglectis, aut ex Urbe pulsus. Quæ tamen omnia frustra recidebant, si Agricola militarem gloriam nunc occuparet. Cetera facilius dissimulari ; boni autem ducis decus, virtutem esse propriam Principis, qui Imperatoris nomine exercitibus præset.

⁴ *Secreto suo.* Inde Plin. in Paneg. 48. Domitianum exhibet, ' tenebras semper secretumque captantem, nec umquam ex solitudine sua prodeuntem, nisi ut solitudinem faceret.

⁵ *Reponere odium.* Differre odium.

¹ *Triumphalia ornamenta.* Non ipsum triumphum, qui ab A. V. C. 740. privatis hominibus tribui desit, ut solis Principibus Cæsaribusve reservaretur. Novum illud adulationis genus invenit Agrippa, ut Au-

gusto gratificaretur. Hæc pluribus explicat Dio liv, p. 538. Ornamenta autem triumphalia fuere vestis triumphalis, aliaque triumphantium insignia.

² *Illustris statuæ.* Triumphalis ac laureatæ statuæ in foro. V. sup. An. iv, 23. xv, 72. Hist. i, 79.

³ *Majoribus reservatam.* Illustrioribus consularibus reservatam.

⁴ *Freto Oceani.* Fretum illud nunc dicimus the straits of Dover.

⁵ *Compositum est.* Sive istud verum est, sive apte ac convenienter ad Principis ingenium a populo confictum et compositum.

⁶ *Successori suo.* Successor Agricolæ videtur fuisse Sallustius Lucullus, de quo Suet. Domit. 10. Domitianus interemit ' Sallustium Lucullum, Britannicæ legatum, quod lanceas novæ formæ appellari Luculleas passus esset.

est. Ceterum ut militare nomen, grave inter otiosos, aliis virtutibus temperaret, tranquillitatem atque otium penitus auxit, cultu modicus, sermone facilis, uno aut altero amicorum comitatus: adeo ut plerique, quibus magnos viros per ambitionem⁷ aestimare mos est, viso aspectoque Agricola, quærerent famam, pauci interpretarentur.⁸

41. Crebro per eos dies apud Domitianum absens accusatus, absens absolutus est: causa periculi non crimen ullum, aut querela læsi cujusquam, sed infensus virtutibus Princeps, et gloria viri, ac pessimum inimicorum genus, laudantes.¹ Et ea insecuta sunt reipublicæ tempora, quæ sileri Agricolam non sinerent: tot exercitus in Mœsia Daciaque, et Germania Pannoniaque, temeritate aut per ignaviam ducum amissi:² tot militares viri cum tot cohortibus expugnati³ et capti: nec jam de limite imperii et ripa,⁴ sed de hibernis legionum et possessione dubitatum. Ita cum damna damnis continuarentur, atque omnis annus funeribus et cladibus insigniretur, poscebatur ore vulgi dux Agricola: comparantibus cunctis vigorem, constantiam, et expertum bellis animum, cum inertia et formidine eorum. Quibus sermonibus satis constat Domitiani quoque aures verberatas, dum optimus quisque libertorum amore et fide, pessimi malignitate et livore, primum deterioribus Prin-

⁷ *Per ambitionem.* Ex vitæ splendore et numero comitatu.

⁸ *Pauci interpretarentur.* Tantam in tanta modestia famam quærebant. Pauci modestiæ causas interpretabantur.

¹ *Laudantes.* De hoc pessimo inimicorum genere Julianus, Imperator, Epist. 12. ad Basilium. *Εὐνομίαν γὰρ ἀλλήλοις οὐ μετὰ τῆς αὐλικῆς ὑποκρίσεως μόνως ἤς, οἶμαί, σι μὲχρι τοῦ διῦρο πεπιρᾶσθαι· καθ' ἣν ἱπαινοῦντες, μισοῦσι τῆλικούτων μῖσος, ἥλικον οὐδὲ τοὺς πολεμιωτάτους.* 'Ita adhuc vivimus, ut aulicæ simulationis nihil fere retineamus; quam quidem tu fortasse adhuc expertus fuisti, qua qui laudant majore odio prosequuntur, quam inimicissimos.' Aulicam hanc simulationem expertus fuerat Julianus. Unde Mamertinus, in Gratiarum actione Juliano, c. 5 et 6. 'Cum sancti Principis mores atque instituta falsa opinionum, vituperationum licentiam submoverent, callido nocendi artificio accusatoriam diritatem laudum titulis peragebant, in omnibus conventiculis quasi per bene-

volentiam illa jactantes, Julianus Alamaniam domuit, Julianus urbes Galliæ ex favillis et cineribus excitavit. Illæ provinciæ obsessæ, expugnatae, ferro ignique vastatae beatiore sunt his oppidis, quæ habet sine hoste Constantius. Æstates omnes in castris, hyemes in tribunalibus degit. Ita illi anni spatia divisa sunt, ut aut barbaros domitet, aut civibus jura restituat, perpetuum professus aut contra hostem, aut contra vitia certamen. Hæ voces fuerunt ad inflammanda odia probris omnibus potentiores. Si enim comminisci aliqua flagitia tentassent, facile ipso splendore laudis et gloriæ refutarentur.' Eadem Agricolæ virtus, idem periculum.

² *Amissi.* De his plura Suet. Domit. 6. Nos quoque in Append. Chronol. ad A. v. c. 841. sq.

³ *Expugnati.* Ita quoque verbo 'expugnare' usus est Lucret. iv, 1007. 'Reges expugnant, capiuntur, prælia miscent.'

⁴ *Et ripa.* Ripa Danubii et Rheni, qui erant imperii limites.

cupiem exstimulabant. Sic Agricola simul suis virtutibus, simul vitiis aliorum, in ipsam gloriam præceps agebatur.⁵

42. Aderat jam annus, quo proconsulatum Asiæ et Africæ sortiretur,¹ et occiso Civica² nuper, nec Agricolæ consilium deerat, nec Domitiano exemplum.³ Accessere quidam, cogitationum Principis periti, qui, "iturus ne esset in provinciam," ultro Agricolam interrogarent: ac primo occultius "quietem et otium" laudare, mox "operam suam in adprobanda excusatione" offerre: postremo non jam obscuri, suadentes simul terrentesque, pertraxere ad Domitianum: qui paratus simulatione, in arrogantiam compositus, et audiit preces excusantis, et, cum adnuisset, agi sibi gratias⁴ passus est: nec erubuit beneficii invidia: salarium⁵ tamen, proconsulari solitum offerri, et quibusdam a seipso concessum, Agricolæ non dedit: sive offensus, non petitum, sive ex conscientia, ne quod vetuerat, videretur emisse.⁶ Proprium humani ingenii est, odisse quem læseris:⁷ Domitiani vero natura præceps in iram, et quo obscurior, eo irrevocabilius, moderatione tamen prudentiaque Agricolæ leniebatur: quia non contumacia, neque inani jactatione libertatis, famam fatumque⁸ provocabat. Sciant, quibus moris est⁹ illicita mirari, posse etiam sub malis Principibus magnos viros esse: obsequiumque ac modestiam, si industria ac vigor adsint, eo laudis excedere, quo plerique per abrupta, sed in nullum reipublicæ usum, ambitiosa morte inclaruerunt.

5 *Præceps agebatur.* Præceps ac periturus.

1 *Sortiretur.* Duo consulares antiquissimi Asiam et Africam sorte ducebant; utram scilicet earum regerent.

2 *Occiso Civica.* De quo Suet. Domit.

10. 'Civicam Cerealem in ipso Asiæ proconsulatu' interemit, quasi molitorem novarum rerum.

3 *Domitiano exemplum.* Occiso Civica, nec Agricolæ deerat consilium, ut invidiam Principis timeret, nec Domitiano exemplum, ut virtutem innocentis opprimeret.

4 *Agī sibi gratias.* Cajo Caligulæ 'agebant gratias et quorum liberi occisi, et quorum bona ablata erant,' Sen. de Tranquill.

14. Et ap. Sen. de Ira, ii, 33. 'Notissima vox est ejus, qui in cultu regum consenuerat: cum illum quidam interrogaret, Quomodo rarissimam rem in aula consecutus esset, senectutem? Injurias, inquit, accipiendo et gratias agendo.'

5 *Salarium.* Salarium illud fuisse decies sestertium, Angl. 8333l. 6s. 8d. videtur ex Dion. lxxviii, p. 899. Hanc enim summam τὰς πέντε καὶ τίσσας μυριάδας, Aufidio Frontoni, cum ei Asiæ Africæque proconsulatus negaretur, a Macrino, Imperatore, oblatam memorat.

6 *Videretur emisse.* Noluit Domitianus videri emisse salario, quod vetuerat: nam a Principe vetitum, ne Agricola provinciam adiret.

7 *Odisse quem læseris.* Id maxime viget in potentiorum injuriis. Unde Sen. de Ira, ii, 33. 'Hoc habent pessimum animi magna fortuna insolentes, quos læserunt, et oderunt.'

8 *Famam fatumque.* Id peccavere multi, qui sub Nerone et Domitiano famam mortemque provocavere.

9 *Moris est.* Quibus moris est illicita, contumaciam nempe et inanem libertatis jactationem, mirari.

43. Finis vitæ ejus nobis luctuosus, amicis tristicis, extraneis etiam ignotisque¹ non sine cura fuit. Vulgus quoque, et hic aliud agens² populus, et ventitavere ad domum, et per fora, et circulos locuti sunt: nec quisquam, audita morte Agricolæ, aut lætatus est, aut statim oblitus est. Augebat miserationem constans rumor, "veneno interceptum." Nobis nihil comperti adfirmare ausim:³ ceterum per omnem valetudinem ejus, crebrius, quam ex more principatus per nuntios visentis, et libertorum primi, et medicorum intimi venire: sive cura illud, sive inquisitio erat. Supremo quidem die, momenta deficientis per dispositos cursores nuntiata constabat, nullo credente, sic accelerari, quæ tristicis audiret. Speciem tamen doloris animo vultuque præ se tulit, securus jam odii, et qui facilius dissimularet gaudium quam metum. Satis constabat, lecto testamento Agricolæ, quo coheredem optimæ uxori et piissimæ filiæ Domitianum scripsit, lætatum eum, velut honore judicioque: tam cæca et corrupta mens assiduus adulationibus erat, ut nesciret a bono patre non scribi heredem, nisi malum Principem.

44. Natus erat Agricola, Caio Cæsare, tertium consule, Idibus Juniis: excessit sexto et quinquagesimo¹ anno, decimo Calendas Septembres, Collega Priscoque consulibus. Quod si habitum quoque ejus posteri noscere velint, decentior quam sublimior fuit: nihil metus in vultu: gratia oris supererat: bonum virum facile crederes, magnum libenter. Et ipse quidem, quamquam medio in spatio integræ ætatis ereptus, quantum ad gloriam, longissimum ævum peregit. Quippe et vera bona, quæ in virtutibus sita sunt, impleverat; et consularibus ac triumphalibus ornamentis prædito,

¹ *Extraneis etiam ignotisque.* Manet adhuc Græcum Antiphili epigramma, quod cum Latina interpretatione Grotii v. in not. et em. ad c. 43.

² *Aliud agens.* Hic populus, rebus suis intentus, quique aliud agit, quam virorum illustrium mortes curare.

³ *Adfirmare ausim.* Affirmat Dio lxi, p. 755. Tacito non diligentior, sed præceps magis, et deterioribus pronus.

¹ *Sexto et quinquagesimo.* Proclivi librariorum errore scriptum videtur lvi. pro liv. et emendandum quarto et quinquagesimo. Natus est enim Agricola Idibus Juniis, seu die 13. Junii, Caio Caligula,

tertium cos. et solo, A.V.C. 793. J.C. 40. Excessit decimo Kalendas Septembres, i. e. die 23. Augusti, Pompeio Collega et Cornelio Prisco, coss. A.V.C. 846. J.C. 93. Caium autem, tertium consulem, fuisse solum ac sine collega testantur Fasti Vindobonenses, c. CÆSARE III SOLO. Cur solus tertium consulatum inierit, v. in Suppl. An. viii, 29. Fieri autem potest, ut Agricola mortem obierit sexto et quinquagesimo anno. Tunc Agricola non erit natus, Caio Cæsare, tertium consule: sed biennio ante, cum Caius, mortuo Tiberio, factus est consul primum.

quid aliud adstruere fortuna poterat? Opibus nimis non gaudebat; speciosæ contigerant:² filia atque uxore superstitibus, potest videri etiam beatus, incolumi dignitate, flore fama, salvis adfinitatibus et amicitis, futura effugisse. Nam sicuti durare in hac beatissimi seculi luce,³ ac Principem Trajanum videre, quod augurio votisque⁴ apud nostras aures ominabatur: ita festinatæ mortis grande solatium tulit, evasisse postremum illud tempus, quo Domitianus non jam per intervalla ac spiramenta temporum, sed continuo, et velut uno ictu, rempublicam exhaustit.⁵

45. Non vidit Agricola obsessam curiam,¹ et clausum armis senatum, et eadem strage tot consularium² cædes, tot nobilissimarum foeminarum exilia et fugas. Una adhuc victoriæ Carus Metius³ censebatur, et intra Albanam arcem⁴ sententia Messalini⁵ strepebat, et Massa Bebius⁶ jam tum reus erat.

² *Speciosæ contigerant.* Honestæ ac satis amplæ. Errat ergo Dio lvi, p. 754. qui Agricola in ignominia et paupertate reliquum vitæ tempus, Principe Domitiano, transigisse scripsit. Ὁ δὲ Ἀγρίκολας ἐν τῇ ἀτιμίᾳ τὸ λοιπὸν τοῦ βίου καὶ ἐν ἐνδία — ἔζησε.

³ *In hac—luce.* Melius in hanc lucem. Sensus autem est: nam sicut in iis iniquissimis Domitiani temporibus grande solatium ferebat durare in hac beatissimi seculi lucem, ac Principem Trajanum videre, quod augurio votisque apud nostras aures ominabatur; ita quoque festinatæ mortis grande solatium tulit evasisse postremum illud tempus, quo Domitianus, non jam per intervalla ac spiramenta temporum, sed continuo, et velut uno ictu, rempublicam exhaustit.

⁴ *Augurio votisque.* Augurio votisque dignum se præstabat Trajanus, qui patrem habebat patricium, consularem, ac triumphalem, et ipse militari laude clarescebat, 'innutritus bellicis laudibus.' V. Plin. Paneg. 9 et 16. Jam autem supra dictum de Vespasiano Hist. i, 50. 'Erant, qui Vespasianum et arma Orientis' augurerentur.

⁵ *Rempublicam exhaustit.* Hanc Domitiani sævitiam notat indignabundus Juvenal. iv, 150. 'Atque utinam his potius nugis tota illa dedisset Tempora sævitiae: claras quibus abstulit Urbi Illustresque animas impune, et vindice nullo. Sed periit, postquam cerdonibus esse timendus Cæperat: hoc nocuit Lamiarum cæde madenti.'

Tac.

¹ *Obsessam curiam.* Hæc contingere A. U. C. 848. V. Append. Chronol.

² *Tot consularium.* De his consularibus viris nobilissimisque feminis v. Append. Chronol. in qua Domitiani res prosequemur.

³ *Carus Metius.* Carus et Massa, nequissimi delatores, hominem nequiores se, Heliodorum formidavere. Unde Juvenal. i, 35. 'Quem Massa timet, quem munere palpat Carus.' Quem ad locum notat vet. Schol. 'Massa morio fuisse dicitur, et Carus minus—Hi Neronis fuerunt liberti et deliciæ Augustis: sed nequissimi delatores.—Massa autem et Carus, Heliodoro deferente, occisi sunt: cujus futuram delationem ita metuebant, ut ei munera darent.' De Caro Metio nonnulla habet Plin. Ep. i, 5. et Ep. vii, 27. V. et Martial. xii, 25. Una adhuc censebatur victoriæ, multis postea innotuit.

⁴ *Albanam arcem.* Albani, nunc Albano, ad duodecimum ab Urbe lapidem, via Appia, arx erat, seu egregia Domitiani villa. Manent adhuc amplissima ejus rudera, quæ summam montis, ubi Alba erat, pertingunt; egregiaque extant vestigia in Principum Barberinorum hortis. Vide eruditum Corradinum, Vetust. Latium, vol. ii, p. 190. De hac arce Juvenal. iv, 145. 'Quos Albanam dux magnus in arcem Traxerat attonitos, et festinare coactos.'

⁵ *Sententia Messalini.* Nondum in Urbe, sed tantum intra Albanam arcem strepebant sanguinaria Messalini sententiæ. Catullus Messalinus cæcus erat, eoque ad

Mox nostræ duxere Helvidium⁷ in carcerem manus: nos Maurici, Rusticique visus,⁸ nos innocenti sanguine Senecio perfudit. Nero tamen subtraxit oculos, jussitque scelera, non spectavit: præcipua sub Domitiano miseriarum pars erat, videre et aspici: cum suspiria nostra subscriberentur:⁹ cum denotandis tot hominum palloribus sufficeret sævus ille vultus¹⁰ et rubor, quo se contra pudorem muniebat. Tu vero felix Agricola, non vitæ tantum claritate, sed etiam opportunitate mortis: ut perhibent, qui interfuerunt novissimis sermonibus luis, constans et libens fatum excepisti, tamquam pro virili portione innocentiam Principi donares.¹¹ Sed mihi filiæque, præter acerbitem parentis erepti, auget moestitiam, quod adsidere valetudini, fovere deficientem, satiari vultu, complexu, non contigit: excepissemus certe mandata vocesque, quas penitus animo figeremus. Noster hic dolor, nostrum vulnus:

omnem Domitiani libidinem projectior, ad scelera audacior: de quo Plin. Ep. iv, 22. 'Incidit sermo de Catullo Messalino, qui luminibus orbat, ingenio sævo mala cæcitatibus addiderat. Non verebatur, non erubescere, non miserebatur. Sæpius a Domitiano non secus ac tela, quæ et ipsa cæca et improvida feruntur, in optimum quemque contorquebatur.' Adversus mortiferum hunc hominem intonat Juvenal. iv, 113. 'Et cum mortifero prudens Vento Catullo, Qui nunquam visæ flagrabat amore puellæ, Grande, et conspicuum nostro quoque tempore monstrum, Cæcus adulator, dirisque a ponte satelles, Dignus Aricinos qui mendicaret ad axes, Blaudaque devexæ jactaret basia rhedæ.'

6 *Massa Bebius*. Pessimus quoque delator, de quo jam dictum supra. Tunc sceleribus suis infans, ipse reus erat, accusantibus Bæticis; qua de re vide, inter Testimonia Veterum, Plin. Ep. vii, 33.

7 *Helvidium*. Helvidii Prisci, laudati sup. Hist. iv, 5. filium, amicum Plinii Junioris, qui inultum cum non passus est. V. Plin. Ep. ix, 13. Porro senator erat Tacitus, et cum Publicius Certus Helvidio manus intulisset, eumque in carcerem duxisset, id sibi senatoribusque omnibus crimini ducit: quod etiam queritur Plin. l. c. 'Inter multa scelera multorum, nulum atrocius videbatur, quam quod in senatu senatori senatori, prætorius consulari, reo iudex manus intulisset.'

8 *Rusticique visus*. Supplebat Illustr. Huetius. Nos Maurici et Rustici visus

miseratione, nos Senecio innocenti sanguine perfudit. Bene quidem. At melius, ut puto, e Ms. emendaretur, nos Mauricum Rusticumque divisimus. Fratres enim duos, sanguine, virtute, causa conjunctissimos, diviserant, cum Mauricum exilio, Rusticum morte multassent. V. not. et em. ad c. 45. Arulenus autem Rusticus, quod Pæti Thrasæam vitam scripsisset, eumque virum appellasset sanctissimum; Hærennius Senecio, quod Helvidium Priscum laudasset: Helvidius, filius, quod quasi 'scenico exodio, sub persona Paridis et Eonones, divortium Domitiani cum uxore tractasset,' morte damnati sunt. In exilium pulsus est Junius Mauricus, Rustici frater. V. Suet. Domit. 10. Tac. sup. Vit. Agr. 2. Plin. Ep. iii, 11. Dion. lxxvii, p. 765.

9 *Subscriberentur*. Et in crimen vocarentur.

10 *Sævus ille vultus*. Unde Plin. Paneg. 48. 'Ipse Domitianus occursum quoque visuque terribilis, superbia in fronte, ira in oculis, femineus pallor in corpore, in ore impudentia multo rubore suffusa.' Vere Sen. Ep. 11. 'Quidam numquam magis, quam cum erubuerint, timendi sunt, quasi omnem verecundiam effuderint. Sulla tunc erat violentissimus, cum faciem ejus sanguis invaserat.'

11 *Innocentiam—donares*. Tamquam pro virili portione Domitianum absolveres, teque constantia et alacritate tua non interceptum veneno probares.

nobis tam longæ absentiæ conditione ante quadriennium¹² amissus es. Omnia sine dubio, optime parentum, adsidente amantissima uxore, superfuere honori tuo: paucioribus tamen lacrymis¹³ compositus es, et novissima in luce desideravere aliquid oculi tui.

46. Si quis piorum manibus locus; si, ut sapientibus placet,¹ non cum corpore extinguuntur magnæ animæ: placide quiescas, nosque, domum tuam, ab infirmo desiderio, et muliebribus lamentis, ad contemplationem virtutum tuarum voces, quas neque lugeri, neque plangi fas est: admiratione te potius, temporalibus laudibus,² et, *si natura suppeditet, similitudine decoremus.*³ Is verus honos, ea conjunctissimi cujusque pietas. Id filiæ quoque uxori præceperim, sic patris, sic mariti memoriam venerari, ut omnia facta dictaque ejus secum revolvant, famamque⁴ ac figuram animi magis, quam corporis, complectantur: non quia intercedendum putem imaginibus, quæ marmore, aut ære finguntur: sed ut vultus hominum, ita simulacra vultus imbecilla ac mortalia sunt, forma mentis æterna: quam tenere et exprimere non per alienam materiam et artem, sed tuis ipse moribus possis. Quidquid ex Agri-

12 *Ante quadriennium.* Quartum jam annum Roma aberant Tacitus ejusque uxor. Ob hujus absentiae casum iis ante quadriennium periisse Agricola scribit.

13 *Paucioribus tamen lacrymis.* Egrege dictum, ut cetera Agricolæ suprema maximo sensu narrata.

1 *Ut sapientibus placet.* Epicurei animas cum corpore extingui docuere. Socratici et Platonici eas immortales esse pronuntiarunt. Inter utrosque mediam viam ingressi Stoici, magnas quidem animas felices futuras, et æterna sortituras scripsere: quæ tamen, 'cum Deo visum erit iterum ista moliri, labentibus cunctis,' et ipsæ, parva ruinæ ingentis accessio, 'in antiqua elementa' vertendæ sunt. V. *Sen. Cons.* ad Marciam c. ult. Melius veriusque *Macrob.* in *Somm. Scip.* i, 14. 'Obtinuit non minus de incorporeitate animæ, quam de immortalitate sententiæ,' eamque nationum omnium consensu adstruit *Tull.* *Lib. i. Tusc. Quæst.*

2 *Temporalibus laudibus.* In hac Agricolæ vita, nihil ad poeticam pompam compositum, omnia ad lugentium modestiam exacta. Inde non immortales, sed temporales tantum et perituras laudes promit-

tis Tacitus. Nec aliter egregius virtutis laudator et auctor *Fredericus III.* cum *Henricum, Prussiam Principem*, laudaret, scripsit: *O Prince, qui saviez combien vous m'étiez cher, combien votre personne m'étoit précieuse; si la voix des vivants peut se faire entendre des morts, prêtez attention à une voix qui ne vous fut pas inconnue: souffrez que ce fragile monument, le seul, hélas! que je puis ériger à votre mémoire, vous soit élevé. Eloge du Prince Henri, par S. M. le Roi de Prusse.* Observaverim in hujus laudationis conclusione egregiam inesse Taciti imitationem, aut potius eundem naturæ sensum atque impetum.

3 *Similitudine decoremus.* Ita optime emendavit eruditus *Grotius*. Perperam in libris editis, *militum decoramus.* V. not. et em. ad c. 46.

4 *Famamque.* *Mallet Muretus formam.* Quod quoque nobis plurimum placet. Quis enim ferat *famam animi—complectantur?* maxime cum mox sequatur, 'forma mentis æterna:' et inf. in *Dial. de Orat.* 1. 'dum formam sui quisque et animi et ingenii redderet.' *Famam* tamen retinere interpretes plurimi.

cola amavimus, quidquid mirati sumus, manet, mansurumque est in animis hominum, in æternitate temporum, fama rerum. Nam multos veterum, velut inglorios, et ignobiles, oblivio obruet; Agricola, posteritati narratus et traditus, superstes erit.⁵

5 *Superstes erit.* Non modo superstes erit Agricola; sed ejus vita absolutissimum laudationis exemplar semper habebitor. Id unum, ad amplificandam et apud nos æternandam Agricolæ famam, optaverim, ut vita hæc, quam Illustrissi-

mus Nivernensium Dux Gallico sermone reddidit, publici juris fiat: miro tum virtutum et literarum certamine quis eorum sit maximus, isne qui ita vixerit, an qui ita scripserit, an qui ita fuerit interpretatus.

C. CORNELII

TACITI

DIALOGUS DE ORATORIBUS.

BREVIARIUM.

1. **P**RÆFATIO, scribendique dialogi occasio. 2. Personæ, Curiatius Maternus, M. Aper, Julius Secundus. 3. Maternum poetam a poeticis studiis avocare studet Secundus. 4. Excusat se Maternus. 5. Instat Aper; et contendit utilitate, voluptate, dignitate, fama oratoriam artem arti poeticæ anteponendam. 8. Quod Marcelli Eprii et Crispi Vibii exemplis et opibus confirmat. 9. Contra poeticæ inanem et infructuosam laudem esse. 10. Hortatur ergo Maternum ut ab auditoriis et theatris ad forum causasque se convertat. 11. Maternus poetas defendit. 12. Iis pura, innocentia, divina sunt studia: magna fama. 13. Speciosæ opes: felix contubernium. Inquieta vero et anxia oratorum vita. 14. Hæc tractantibus, intervenit Vipstanius Messala. Is, antiquorum admirator, recentium contemtor, Aprum a novorum rhetorum more ad antiquorum oratorum formam trahere nititur. 15. Inde de antiquis et recentibus disputatio. 16. In antiquorum venerationem conspirant Messala, Secundus, et Maternus. Aper antiquos insectatur, et seculi sui partes tuetur. 17. Incertum enim esse et obscurum antiquorum nomen. 18. Plures quoque eloquentiæ species. Malignitate humana, vetera in laude, præsentia in fastidio esse. 19. Cassium Severum, quem antiquitatis terminum constituunt, non inicitia, sed judicio et intellectu ad novum dicendi genus transtulisse. 20. Multa veteris eloquentiæ vitia. Recentem esse lætiorem et pulchriorem. 21. De Calvo, Cælio, C. Cæsare, Bruto, eorum Ciceronisque carminibus, de Asinio et Corvino judicia.

22. Ciceronis laudes et vitia. 23. Summam eloquentiæ artem esse, antiquorum egregia quæque imitari, et a recentibus feliciter reperta miscere. 24. Maternus Messalam hortatur non ad laudationem antiquorum, quos fama sua satis laudat, sed ut causas, cur in tantum ab eorum eloquentia præsens ætas recesserit, aperiat. 25. Messala quædam tamen de antiquorum nomine, et judicia de Calvo, Asinio, Cæsare, Caelio, Bruto, Cicerone, retractat. 26. C. Gracchum, L. Crassum laudat. Mæcenatem vero, Gallionem et Cassium Severum reprehendit. 27. Messalam longius vagantem ad propositum retrahit Maternus. 28. Causas ergo cur eloquentia ceteræque artes a vetere gloria desciverint adfert Messala, desidiam juventutis, negligentiam parentum, inscientiam præcipientium, et oblivionem moris antiqui. 33. Hæc cum evolveret Messala, eum restituantem impellit Maternus ut prosequatur, et, quomodo veteres ingenia alerent, doceat. 34. Messala veteris juvenum institutionis artes explicat. 35. Recentioris vitia reteggit. *At in hac parte mutilus est Messalæ sermo. Perit integra Julii Secundi oratio. In Materno desunt quoque initia. Quæ desiderantur supplere juvat, ut facilius sit hujusce dialogi sensum adsequi, ejusque utilitates percipere.* 1. Retectis prævæ institutionis vitiis, Messala juvenum inscitiam, cum ad veros judices ventum est, explodit, eosque, sine ulla publici privatique juris experientia, exili tantum elegantia turgidave granditate ridiculos scenicisque præceptorum suorum artibus instructos prodire ostendit. 2. Histrionica hac institutione perditam esse eloquentiam concludit. 3. Maternum et Secundum hortatur ut altiores alias, si quæ sint, causas aperiant. 4. Julius Secundus non tam novas corruptæ eloquentiæ causas expromit, quam a Messala allatas explicat, earumque originem demonstrat. 5. Mutata nempe republica, mutata sunt ingenia; et sub Principibus non eloquentia, sed ingenii fama, curæ fuit. In Anæo Seneca cœpit illa ingenii prurigo. 6. Ejus exemplo et fortuna fuit incitata. 7. Neque priscis Vespasiani virtutibus repressa. Immo in dies audacior forum inrupit. 8. Suasque in laudes subsellia conduxit, duce Largio Licinio. 9. Fessam tantis propudiis eloquentiam cessasse ait Julius Secundus; Maternumque iis deterritum Musas esse sectatum. 10. Fatetur Maternus se irrepentibus in forum vitiis fuisse commotum; trabente tamen natura, ad Musarum castra transfugisse. 11. Mox ut motam quæstionem dirimat, eloquentiæ disertique generis dicendi vices atque ingenia expendit: Rhetoribus indulget. Quintilianum laudat. 12. Nec miratur eloquentiam desisse, quæ Ciceroni superstes esse non valuit. 13. Neque Principum arbitriis erat accommodata. Nusquam enim eloquentiam esse, nisi ubi sit libertas. 14. Inde tantam eloquentiæ vim fuisse in Demosthene.

Cetera habet Tacitus. 36. Ipsa temporum perturbatione et licentia, cum vigeret respublica, eloquentiam olim valuisse. 37. Iis temporibus neminem magnam potentiam sine eloquentia fuisse consecutum. 38. Cn. Pompeium eloquentiæ nocuisse, cum eam adstrinxit, frænosque ei imposuit. 39. Immo ipsis oratorum pœnulis fractam eam fuisse et dejectam, quod pompa plausuque indigeat. 40. Probitate quoque et modestia eam elanguisse, cum natura sit contumax, temeraria et arrogans. 41. Pro varietate ergo temporum variam fuisse eloquentiam; suasque esse quibusvis temporibus laudes et utilitates. 42. Dialogi conclusio.

Habitus est hic Dialogus

A. U. C. J. C.

DCCCXXVIII. 75. Coss.

Flavio Vespasiano Aug. vi.
Tito Vespasiano Cæsare iv.

1. SÆPE ex me requiris, Juste Fabi,¹ cur, cum priora secula tot eminentium oratorum ingeniis gloriaque effluerint, nostra potissimum ætas deserta, et laude² eloquentiæ orbata, vix nomen ipsum oratoris retineat: neque enim ita appellamus nisi antiquos: horum autem temporum disertis, causidicis, et advocatis, et patronis, et quidvis potius, quam oratores vocantur. Cui percuntationi tuæ respondere, et tam magnæ quæstionis pondus excipere, ut aut de ingeniis nostris male existimandum sit, si idem adsequi non possumus, aut de judiciis, si nolumus, vix hercule auderem, si mea sententia proferenda, ac non disertissimorum, ut nostris temporibus, hominum sermo repetendus esset, quos eandem hanc quæstionem pertractantes, juvenis admodum audiivi. Ita non ingenio, sed memoria ac recordatione opus est, ut quæ a præstantissimis viris et excogitata subtiliter et dicta graviter accepi, cum singuli diversas, vel easdem,³ sed probabiles causas adferrent,

1 *Juste Fabi.* L. Justus Fabius cos. fuit affectus A. U. C. 864. J. C. 111. Duas epistolas ad illum scripsit Plin. Ep. i, 11. et Ep. vii, 2.

2 *Deserta, et laude.* Emendandum videtur, *diserta, at laude.* V. not. et em. ad c. 1.

3 *Vel easdem.* Hæc redundare Mureto

dum formam sui quisque et animi, et ingenii redderet, iisdem nunc numeris, iisdemque rationibus persequar, servato ordine disputationis: neque enim defuit, qui diversam quoque partem susceperet, ac multum vexata et irrita vetustate, nostrorum temporum eloquentiam antiquorum ingeniis anteferebat.

2. Nam postero die, quam *Curatius Maternus*¹ Catonem^{*} recitaverat, cum offendisse potentium animos diceretur, tamquam in eo tragœdiæ argumento sui oblitus, tantum Catonem cogitasset, eaque de re per Urbem frequens sermo haberetur, venerunt ad eum *M. Aper*,³ et *Julius Secundus*,⁴ celeberrimum ingenia fori nostri: quos ego in iudiciis non utrosque modo studiose audiebam, sed domi quoque et in publico adsectabar, mira studiorum cupiditate, et quodam ardore juvenili, ut fabulas quoque eorum, et disputationes, et arcana *se-*^{secrete} *motæ dictionis* penitus exciperem: quamvis maligne plerique opinarentur, nec Secundo promptum esse sermonem, et Aprum ingenio potius et vi naturæ, quam institutione et literis famam eloquentiæ consecutum. Nam et Secundo purus, et pressus, et, in quantum⁵ satis erat, *profluens* sermo non defuit: et *Aper* communi eruditione imbutus, contemnebat potius literas quam nesciebat, tamquam maiorem industriæ et laboris gloriam habiturus, si ingenium ejus nullis alienarum artium adminiculis inniti videretur. Igitur ut intravimus cubiculum Materni, sedentem ipsum, et quem pridie recitaverat, librum intra manus habentem,prehendimus.

3. Tum *Secundus*: Nil ne te, inquit, Materne, fabulæ malignorum terrent, quominus offensas Catonis tui ames? An ideo librum istum apprehendisti, ut diligentius retractares, et sublatis, si quæ pravam interpretandi materiam dederunt, emitteres Catonem, non quidem meliorem, sed tamen securiorem? Tum ille, Leges tu quidem si volueris,¹ et agnosces, quæ au-

Lipsioque videntur. Forte tamen non ita peccant, maxime cum Messala et Maternus in multis easdem corruptæ eloquentiæ causas afferant.

1 *Curatius Maternus*. V. not. et em. ad c. 2. Maternum, sophisten, quod exercendi sui causa in Tyrannos diceret, a Domitiano occisum memorat Dio lxxvii, p. 765. Idemne sit ac Curatius Maternus non dixerim.

2 *Catonem*. Tragœdiam, cujus Cato erat argumentum.

3 *M. Aper*. Qui forte pater fuit M. Flavii Apri, cos. A. U. C. 883.

4 *Julius Secundus*. 'Elegantiam Secundi' laudat Quintil. Instit. Orat. xii, 10. De ejus laudibus plura dicentur inf. c. 23.

5 *In quantum*. I. e. quantum satis erat. Sic 'in tantum' usurpavit Tac. de Mor. Germ. 45.

1 *Tu quidem si volueris*. Forte emendandum, *tu quid Maternus sibi debuerit*. V. not. et em. ad c. 3.

disti: quod si qua omisit Cato, sequenti recitatione Thyestes² dicet. Hanc enim tragœdiam disposui jam, et intra me ipse formavi. Atque ideo maturare libri hujus editionem festino, ut dimissa priore cura, novæ cogitationi toto pectore incumbam. Adeo te tragœdiæ istæ non satiant, inquit *Aper*, quominus, omissis orationum et causarum studiis, omne tempus modo circa Medeam, ecce nunc circa Thyesten, consumas? cum tot amicorum causæ, tot coloniarum et municipiorum clientelæ³ in forum vocent, quibus vix sufficeres, etiam si non novum tibi ipse negotium importasses, Domitium,⁴ et Catonem: id est, nostras quoque historias, et Romana nomina, Græcorum fabulis aggregares.

in his hujus
of Cato

4. Et *Maternus*: Perturbarer hac tua severitate, nisi frequens ac assidua nobis contentio jam prope in consuetudinem vertisset. Nam nec tu agitare et insequi poetas intermittis, et ego, cui desidia advocacy obijcis, quotidianum hoc patrocinium defendendæ adversus te poeticæ exerceo. Quo lætor magis, oblatum nobis judicem, qui me vel in futurum vetet versus facere, vel, quod jampridem opto, sua quoque auctoritate compellat, ut omissis forensium causarum angustiiis, in quibus satis mihi superque sudatum est, sanctiorem istam et augustiorem eloquentiam colam.

5. Ego vero, inquit *Secundus*, antequam me judicem *Aper* recuset, faciam, quod probi et modesti judices solent, ut in his cognitionibus se excusent, in quibus manifestum est, alteram apud eos partem gratia prævalere. Quis enim nescit, neminem mihi conjunctiorem esse et usu amicitiae, et adsiduitate contubernii, quam Saleium Bassum,¹ cum optimum virum, tum absolutissimum poetam? porro si poetica accusatur, non alium video reum locupletiores. Securus sit, inquit *Aper*,

2 *Thyestes*. Alterum, et notum, tragœdiæ argumentum.

3 *Clientela*. Clientelæ coloniarum et municipiorum, quæ Maternum elegerant patronum. Sic ap. Cl. Gori, Inscriptiones Antiq. vol. i, p. 65. videre est egregiam Ferentinorum tabulam, qua censent legatos mitti ad. T. POMPONIVM. BASSVM. CLARISSIMVM. VIRVM. QVI. AB. EO. IMPETRENT. VN. CLIENTELAM. AMPLISSIMAE. DOMVS. SVAE. MUNICIPIVM. NOSTRVM. RECIPERE. DIGNETVR. PATRONVMQVE. SE. COOPTARI.

TABULA. HOSPITALI. INCISA. HOC. DECRETO. IN. DOMO. SVA. POSITA. PERMITTAT.

4 *Domitium*. Romanum tragœdiæ argumentum. Domitius ille fuisse mihi videtur, qui, Julio Casari infensissimus, Pharsalica acie occubuit. De eo plura v. ap. Suet. Ner. 2.

1 *Saleium Bassum*. De quo Quintilian. Instit. Orat. x, 1. 'Vehemens ac poeticum ingenium Saleii Bassi fuit, nec ipsum senectute maturum.'

et Saleius Bassus, et quisquis alius studium poeticæ et carminum gloriam fovet, cum causas agere non possit. Ego enim, quatenus arbitrum² litis hujus inveni, non patiar, Maternum societate plurium defendi: sed et ipsum solum apud vos arguam, quod natus ad eloquentiam virilem et oratoriam, qua parare simul et tueri amicitias, adsciscere nationes, complecti provincias possit, amittit studium,³ quo non aliud in civitate nostra vel ad utilitatem fructuosius, vel ad dignitatem amplius, vel ad Urbis famam pulchrius, vel ad totius imperii atque omnium gentium notitiam illustrius excogitari potest. Nam si ad utilitatem vitæ omnia consilia factaque nostra dirigenda sunt, quid erit tutius, quam eam exercere artem, qua semper armatus præsidium amicis, opem alienis, salutem periclitantibus, invidis vero et inimicis metum et terrorem ultro feras, ipse securus, et velut quadam perpetua potentia ac potestate munitus? cujus vis et utilitas, rebus prospere fluentibus, aliorum præsidio et tutela intelligitur: sin proprium periculum increpuit, non hercule lorica, aut gladius in acie firmius munimentum, quam reo et periclitanti eloquentia, præsidium simul et telum, quo propugnare pariter, et incessere, vel in iudicio,⁴ sive in senatu, sive apud Principem possis. Quid aliud infestis patribus nuper Eprius Marcellus,⁵ quam eloquentiam suam opposuit? qui accinctus⁶ et minax, disertam quidem, sed inexercitam, et ejusmodi certaminum rudem Helvidii sapientiam elusit. Plura de utilitate non dico, cui parti minime contradicendum Maternum meum arbitrer.

6. Ad voluptatem oratoriæ eloquentiæ transeo, cujus jucunditas, non uno aliquo momento, sed omnibus prope diebus, et prope omnibus horis contingit. Quid enim dulcius libero et ingenuo animo, et ad voluptates honestas nato, quam videre plenam semper et frequentem domum suam concursu splendidissimorum hominum? idque scire, non pecuniæ, non orbitati,¹

² *Quatenus arbitrum.* Quando te, Secunde, arbitrum litis hujus inveni. *Quatenus pro quando* usurpatum jam vidimus sup. An. iii, 16.

³ *Amittit studium.* I. e. omittit. *Amittere* pro *omittere* dictum quoque sup. An. ii, 71. et xiv, 26.

⁴ *In iudicio.* Apud centumviros; de quibus mox dicitur inf. c. 7.

⁵ *Eprius Marcellus.* Id narratum sup. Hist. iv, 6.

⁶ *Qui accinctus.* Melius, *qua accinctus*: ut Ursinus et Acidalius jam voluere.

¹ *Orbitati.* Cujus magna erant in Urbe pretia. V. sup. An. iii, 25. et xiii, 52. Quanto Roma fuit corruptior, tanto magis accrevit orbitatis favor. Inde Ammian. Marcellin. xiv, 6. 'Vile esse quidquid extra Urbis pomerium nascitur æstimant, præter orbos et cælibes; nec credi potest qua obsequiorum diversitate coluntur homines sine liberis Romæ.'

neque officii alicujus administrationi, sed sibi ipsi dari? illos quinimmo orbos, et locupletes, et potentes venire plerumque ad juvenem, et pauperem, ut aut sua, aut amicorum discrimina commendent. Ullane tanta ingentium opum ac magnæ potentiae voluptas, quam spectare homines veteres, et senes, et totius Urbis gratia subnixos, in summa omnium rerum abundantia confitentes, id quod optimum sit, se non habere? Jam vero, qui togatorum comitatus, et egressus! quæ in publico species! quæ in judiciis veneratio! quod gaudium consurgendi adassistendique inter tacentes, in unum conversos: coire populum, et circumfundi coram, et accipere affectum quemcumque orator induerit! Vulgata dicentium gaudia, et imperitorum quoque oculis exposita, percenseo. Illa secretiora, et tantum ipsis orantibus nota, majora sunt. Sive accuratam meditationemque adfert orationem; est quoddam sicut ipsius dictionis, ita gaudii pondus et constantia: sive novam et recentem curam² non sine aliqua trepidatione animi adtulerit, ipsa sollicitudo commendat eventum, et lenocinatur voluptati. Sed extemporalis audaciæ, atque ipsius temeritatis vel præcipua jucunditas est. Nam in ingenio quoque, sicut in agro, quamquam alia diu serantur atque elaborentur, gratiora tamen, quæ sua sponte nascuntur.

7. Equidem ut de me ipse fatear, non eum diem lætiorem egi, quo mihi latus clavus¹ oblatus est, vel quo homo novus,² et in civitate minime favorabili³ natus, quæsturam, aut tribunatum,⁴ aut præturam accepi: quam eos, quibus mihi, pro mediocritate hujus quantulæcumque in dicendo facultatis, aut reum prospere defendere, aut apud centumviros⁵ causam ali-

² *Novam—curam.* Curam eodem sensu usurpavit Tac. An. iii, 24. 'Aliorum exitus, simul cetera illius ætatis memorabo, si effectis in quæ tendi, plures ad curas vitam produxero.'

¹ *Latus clavus.* Jus senatoriæ dignitatis, cujus insigne erat latus clavus, seu vestis latis ex purpura plagis distincta. De hac dignitate, ejusque auctore Principe, Plin. Ep. ii, 9. 'Ego Sexto latum clavum a Cæsare nostro, ego quæsturam impetravi: meo suffragio pervenit ad jus tribunatus petendi, quem nisi obtinet in senatu, ve-reor ne decepisse Cæsarem videar.'

² *Homo novus.* Cujus majores nondum inclaruerant.

³ *Minime favorabili.* Julium Secundum, Curiatium Maternum, et M. Aprum, Gallos fuisse manifestum est ex c. 10. Minime autem favorabilis civitas, quod tum penes Romanos erat omnis favor. V. sup. Ammian. Marcellin. modo laudatum c. 6. not. sup.

⁴ *Tribunatum.* Tribunatum plebis; ut sup. Vit. Agr. 6.

⁵ *Centumviros.* Fuere Romæ triginta quinque tribus: e singulis tribubus, tres viri deligebantur; qui licet forent centum et quinque, rotunde tamen centumviri dicebantur. Erant divisi in quatuor tribunalia, et in basilica Julia cogeantur: non de facto, sed de æquitate, et jure pronun-

quam feliciter orare, aut apud Principem ipsos illos liberos et procuratores Principum tueri et defendere datur. Tum mihi supra tribunatus, et præturas, et consulatus ascendere⁶ videor, tum habere,⁷ quod in se, non in alio, oritur, nec codicillis⁸ datur, nec cum gratia venit. Quæ fama et laus cujusvis artis cum oratorum gloria comparanda est, qui non illustres in Urbe solum apud negotiosos⁹ et rebus intentos, sed etiam apud juvenes et adolescentes, quibus modo recta et indoles est, et bona spes sui? Quorum nomina prius parentes liberis suis ingerunt? quos sæpius vulgus imperitum, et tunicatus¹⁰ hic populus transeuntes nomine vocat, et digito demonstrat?¹¹ Advenæ quoque et peregrini, jam in municipiis et coloniis suis audites, cum primum Urbem attigerunt, requirunt, ac vultus agnoscere concupiscunt.

8. Ausim contendere, Marcellum hunc Eprium, de quo modo locutus sum,¹ et Crispum Vibium² (libentius enim novis et recentibus, quam remotis et oblitteratis exemplis utor) non minus esse³ in extremis partibus terrarum, quam Capuæ, aut Vercellis,⁴ ubi nati dicuntur: nec hoc illi alterive ter millies sestertium⁵ præstat, quamquam ad has ipsas opes possunt videri eloquentiæ beneficio venisse, sed ipsa eloquentia, cujus numen et cœlestis vis multa quidem omnibus seculis exempla edidit, ad quantam usque fortunam homines ingenii viribus pervenerint. Sed hæc, ut supra dixi,⁶ proxima, et quæ non

tiabant. Præcipuas centumvirales causas recenset Cic. de Orat. i, 38. 'Jactare se in causis centumviralibus, in quibus usucapionum, tutelarum, gentilitatum, agnationum, alluvionum, circumluvionum, nexorum, mancipiorum, parietum, luminum, stillicidiorum, testamentorum raptorum, aut ratorum, ceterarumque rerum innumerabilium jura versantur.' Judicii centumviralis illustre exemplum habet Plin. Ep. vi, 33.

6 *Ascendere.* Nec aliter de libertis dictum sup. de Mor. Germ. 25. 'Ibi enim et super ingenuos et super nobiles ascendunt.'

7 *Tum habere.* Hunc locum feliciter restituit Illustr. Huetius. V. not. et em. ad c. 7.

8 *Codicillis.* Codicilli, literæ erant quibus Princeps dignitates largiebatur. Hos codicillos memorat Suet. Tib. 42.

9 *Negotiosos.* Hic negotiosi sunt homines. Supra An. xiii, 41. 'negotiosos dies,' qui-

bus negotia peraguntur, vidimus.

10 *Tunicatus.* Tunicatus hic populus, seu misella plebs, non toga, sed tunica induebatur.

11 *Digito demonstrat.* Inde Pers. i, 28. 'At pulchrum est digito monstrari et dicier hic est.'

1 *Locutus sum.* Sup. c. 5.

2 *Crispum Vibium.* Jam memoratum sup. An. xiv, 28. De quo et Quintilian. Instit. Orat. x, 1. 'Vibius Crispus, compositus, et jucundus, et delectationi natus: privatis tamen causis, quam publicis, melior.'

3 *Non minus esse.* Supplendum videtur, *notos.*

4 *Capuæ, aut Vercellis.* De Capua dictum sup. An. iv, 57. Vercellæ, nunc Verceil, in Piedmont.

5 *Ter millies sestertium.* Angl. 2,500,000l.

6 *Supra dixi.* C. 6.

auditu cognoscenda, sed oculis spectanda haberemus. Nam quo sordidius et abjectius nati sunt, quoque notabilior paupertas et angustia rerum nascentes eos circumsteterunt, eo clariora, et ad demonstrandam oratoriæ eloquentiæ utilitatem illustriora exempla sunt: quod sine commendatione natalium, sine substantia facultatum, neuter moribus egregius, alter habitu quoque corporis contemptus, per multos jam annos potentissimi sunt civitatis, ac, donec libuit, principes fori, nunc principes in Cæsaris amicitia⁷ agunt feruntque cuncta, atque ab ipso Principe cum quadam reverentia diliguntur. Quia Vespasianus, venerabilis senex, et patientissimus veri,⁸ bene intelligit, ceteros quidem amicos suos niti iis, quæ ab ipso acceperint, quæque ipsi accumulare, et in alios congerere promptum est: Marcellum autem et Crispum, attulisse ad amicitiam suam, quod non a Principe acceperint, nec accipi possit. Minimum inter tot ac tanta locum obtinent imagines, ac tituli, et statuæ, quæ neque ipsa tamen negliguntur: tam hercule, quam divitiæ, et opes, quas facilius invenies qui vituperet, quam qui fastidiat. His igitur et honoribus, et ornamentis, et facultatibus, refertas domos eorum videmus, qui se ab ineunte adolescentia causis forensibus et oratorio studio dederunt.

9. Nam carmina et versus, quibus totam vitam Maternus insumere optat, (inde enim omnis fluxit oratio,) neque dignitatem ullam auctoribus suis conciliant, neque utilitates alunt: voluptatem autem brevem, laudem inanem et infructuosam consequuntur. Licet hæc ipsa, et quæ deinde dicturus sum, aures tuæ, o Materne, respuant, cui bono est, si apud te Agamemnon, aut Jason¹ diserte loquitur? quis ideo domum defensus, et tibi obligatus reddit? Quis Saleium nostrum, egregium poetam, vel, si hoc honorificentius est, præclarissimum vatem deducit, aut salutatur, aut prosequitur? Nempe, si amicus ejus, si propinquus, si denique ipse in aliquod negotium inciderit, ad hunc Secundum recurret, aut ad te, Materne, non, quia poeta es, neque ut pro eo versus facias: hi enim Basso domi nascuntur,

⁷ Cæsaris amicitia. Vespasiani.

⁸ Patientissimus veri. Quam facilem literatis viris se præberet Vespasianus videre est ap. Plin. Ep. iii, 5. Ut eos audiret, noctibus utebatur. Inde forte 'patientis-

simus veri' dicitur.

¹ Agamemnon, Jason. Tragœdias scribebat Maternus; ut jam vidimus sup. Hæc autem sunt tragœdiarum argumenta.

pulchri quidem et jucundi: quorum tamen hic exitus est, ut, cum toto anno, per omnes dies, magna noctium parte, unum librum extudit et elucubravit, rogare ultro² et ambire cogatur, ut sint, qui dignentur audire: et ne id quidem gratis: nam et domum mutuatur, et auditorium exstruit, et subsellia conducit, et libellos dispergit: et ut beatissimus recitationem ejus eventus prosequatur, omnis illa laus intra unum aut alterum diem, velut in herba vel flore præcepta, ad nullam certam et solidam pervenit frugem: nec aut amicitiam inde refert, aut clientelam, aut mansurum in animo cujusquam beneficium, sed clamorem vagum, et voces inanes, et gaudium volucre. Laudavimus nuper, ut miram et eximiam, Vespasiani liberalitatem, quod quingenta sestertia³ Basso donasset. Pulchrum id quidem, indulgentiam Principis ingenio mereri: quanto tamen pulchrius, si ita res familiaris exigat, se ipsum colere,⁴ suum ingenium propitiare, suam experiri liberalitatem? Adjice quod poetis, si modo dignum aliquid elaborare et efficere velint, relinquenda conversatio amicorum, et jucunditas Urbis, deserenda cetera officia, utque ipsi dicunt, *in nemora et lucos*, id est, in solitudinem recedendum est.⁵

10. Ne opinio quidem et fama, cui soli serviunt, et quod unum esse pretium omnis sui laboris fatentur, æque poetas quam oratores sequitur: quoniam mediocres poetas¹ nemo novit, bonos pauci. Quando enim rarissimarum recitationum fama in totam Urbem penetrat? nedum ut per tot provincias innotescat. Quotus quisque, cum ex Hispania, vel Asia, ne quid de Gallis nostris loquamur, in Urbem venit, Saleium Bassum requirit? atque adeo si quis requirit, et semel vidit, transit et contentus est; ut si picturam aliquam, vel statuam vidisset. Neque hunc meum sermonem sic accipi volo, tamquam eos, quibus natura sua oratorium ingenium denegavit, deterream a carminibus, si modo in hac studiorum parte ob-

² *Rogare ultro.* Iis temporibus, quam rogandi ambiendique auditores, quæ foret eorum desidia et superbia docet elegantissima Plinii i, 13. epistola.

³ *Quingenta sestertia.* Angl. 4166l. 13s. 4d.

⁴ *Se ipsum colere.* Quanto tamen pulchrius, si ita res familiaris exigat, se ipsum colere, suum ingenium propitiare, suam experiri liberalitatem, quam Principis nu-

men colere, propitiare, beneficiumque experiri. Forte tamen redundat, *suum ingenium propitiare.* V. not. et em. ad c. 9.

⁵ *Recedendum est.* Melius *secedendum est*; ut inf. c. 12. 'Secedit animus in loca pura.'

¹ *Mediocres poetas.* Vere enim Horat. in A. P. 372. 'Mediocribus esse poetis, Non homines, non Di, non concessere columnæ.'

lectare otium, et nomen inserere possunt famæ: ego vero omnem eloquentiam omnesque ejus partes² sacras et venerabiles puto: nec solum cothurnum vestrum,³ aut heroici carminis sonum, sed lyricorum quoque jucunditatem, et elegorum lascivias, et iamborum amaritudinem, et epigrammatum lusus, et quamcumque aliam speciem eloquentia habeat, anteponendam ceteris aliarum artium studiis credo: sed tecum mihi, Materne, res est, quod, cum natura tua in ipsam arcem eloquentiæ ferat, errare mavis, et summa adeptus, in levioribus subsistis. Ut si in Græcia natus esses, ubi ludicras quoque artes exercere honestum est, ac tibi Nicostrati robur⁴ ac vires Dii dedissent, non paterer immanes illos ad pugnam datos lacertos, levitate jaculi aut jactu disci vanescere: sic nunc te ab auditoriis⁵ et theatris, in forum et ad causas et ad vera prælia voco: cum præsertim ne ad id quidem consurgere possis, quod plerisque patrocinator, tamquam minus obnoxium sit offendere⁶ poetarum, quam oratorum studium. Effervescit enim vis pulcherrimæ naturæ tuæ, nec pro amico aliquo, sed quod periculosius est, pro Catone⁷ offendis: nec excusatur offensa necessitudine officii, aut fide advocacy, aut fortuitæ et subitæ dictionis impetu: meditatus videris elegisse personam notabilem, et cum auctoritate dicturam. Sentio quid responderi possit: hinc ingentes⁸ ex his assensus, hinc in ipsis auditoriis præcipue laudari, et mox omnium sermonibus ferri. Tolle igitur quietis et securitatis excusationem, cum tibi sumas adversarium superiorem:⁹ nobis satis sit privatas et

2 *Omnes—partes.* Ego vero omnem eloquentiam, sive oratoria sit, sive poetica, omnesque ejus partes sacras et venerabiles puto.

3 *Cothurnum vestrum.* Tragædias.

4 *Nicostrati robur.* De Nicostrato Quintilian. Instit. Orat. ii, 9. 'At si fuerit, qui docebitur, ille, quem adolescentes senem vidimus, Nicostratus: omnibus in eo docendi partibus similiter utetur, efficietque illum, qualis hic fuit, luctando pugnandoque (quo utroque certamine iisdem diebus coronabatur) invictum.' Nicostratum quoque laudat Pausan. v, 21. et eum fuisse origine Cilicem docet.

5 *Ab auditoriis.* In quibus tragædias suas Maternus recitabat.

6 *Obnoxium sit offendere.* Tam poetarum, quam oratorum, studium obnoxium est offensæ.

7 *Pro Catone.* De qua tragædia jam dictum sup. c. 2. sq. Vigente imperio, novæque Vespasiani domo, Cato, libertatis adsector, invidiosum erat tragædiæ argumentum, et offensis obnoxium.

8 *Hinc ingentes.* Hic aliquid deest. Supplendum puto: *Sentio quid responderi possit: placere hæc argumenta: hinc ingentes ex his assensus; hinc in ipsis auditoriis præcipue laudari, et mox omnium sermonibus ferri. Fateor. At quanto plus celebritatis, tanto plus offensæ; tanto ruina certior. Tolle igitur quietis et securitatis excusationem, &c.*

9 *Adversarium superiorem.* Tolle igitur hanc quietis, et securitatis excusationem, offensæ scilicet minus obnoxium esse poetarum, quam oratorum studium, cum ipse tibi sumas adversarium superiorem, ac Principes offendas.

nostri seculi controversias tueri, in quibus expressis si quando necesse sit pro periclitante amico potentiorum aures offendere, et probata sit fides, et libertas excusata.

11. Quæ cum dixisset Aper acrius, ut solebat, et intento ore: remissus et subridens *Maternus*: Paravi, inquit, me, non minus diu accusare oratores, quam Aper laudat.¹ Fore enim arbitrabar ut a laudatione eorum digressus detrectaret poetas, atque carminum studium prosterneret: arte quadam mitigavit, concedendo his, qui causas agere non possent, ut versus facerent. Ego autem sicut in causis agendis efficere aliquid et eniti fortasse possum, ita recitatione tragœdiarum ingredi famam auspicatus sum, tum quidem, cum in Nerone improbam,² et studiorum quoque sacra profanantem Vatinii potentiam³ fregi: et hodie si quid in nobis notiitiæ ac nominis est, magis arbitror carminum, quam orationum gloria partum: ac jam me sejungere a forensi labore constitui, nec comitatus istos, et egressus, aut frequentiam salutationum concupisco: non magis quam æra,⁴ et imagines, quæ etiam, me nolente, in domum meam intraverunt. Nam statum hucusque⁵ ac securitatem melius innocentia tueor, quam eloquentia: nec vereor, ne mihi umquam verba in senatu, nisi pro alterius discrimine,⁶ facienda sint.

12. Nemora vero, et luci, et secretum ipsum, quod Aper increpabat, tantam mihi afferunt voluptatem, ut inter præcipuos carminum fructus numerem, quod nec in strepitu,

¹ *Laudat.* Melius *laudare*.

² *In Nerone improbam.* Improbam hæc in Nerone carminum studia, quæ Lucano aliisque multis in exitum cessare, narravit Tac. An. xiv, 16. Improbos quoque Neronis versus recitat et irridet Pers. i, 99. 'Torva Mimalloneis impleverunt cornua bombis: Et, Raptum vitulo caput ablatura superbo Bassaris; et, Lyncem Mænas flexura corymbis Evion ingeminat: reparabilis adsonat Echo.' Hi enim versus Neronis sunt, teste vetere Persii Scholiaste. Vesanum illum furorem, Neronis potentia subnixum, fregit Maternus. Ergo recitatione tragœdiarum famam ingressus est post A. V. C. 812.

³ *Vatinii potentiam.* Is sane fuit Vatinus, qui 'inter fœdissima' Neronianæ 'aulæ ostenta fuit.' De quo plura sup. An. xv, 34. Scurrilibus jocis ludisque studiorum sacra profanabat. V. not. et em.

ad c. 11.

⁴ *Quam æra.* Eruditus Cujac. emendabat, *quam cera*. At potius intellexerim tum de æreis statu, tum maxime de tabulis æneis, quæ in patronorum domibus a coloniis municipiisque ponebantur. Talem tabulam memoravimus sup.

⁵ *Nam statum hucusque.* Sic emendavit Lips. V. not. et em. ad c. 11. Hic autem refutat Maternus, quæ Aper attulit c. 5. 'Si proprium periculum increpuit, reo et periclitanti' firmissimum 'esse eloquentiæ præsidium simul et telum.'

⁶ *Pro alterius discrimine.* Optime. Contra vero vulgus oratorum, delationibus infame, cum auctoritate famaque, Nerone Principe, viguissent, tunc sub æquissimo Vespasiani principatu, in jus vocabantur, et pro suo ipsi discrimine verba in senatu faciebant: ut contigit Eprio Marcello, quem Aper laudaverat sup. c. 5.

nec sedente ante ostium litigatore, nec inter sordes ac lacrymas reorum componuntur, sed secedit animus in loca pura atque innocentia, fruiturque sedibus sacris. Hæc eloquentiæ primordia, hæc penetralia: hoc primum habitu cultuque commoda mortalibus,¹ in illa casta, et nullis contacta vitiis, pectora influxit: sic oracula loquebantur. Nam lucrosæ hujus, et sanguinantis eloquentiæ² usus, recens, et malis moribus natus, atque, ut tu dicebas,³ Aper, in locum teli reperi- tus. Ceterum felix illud, et, ut more nostro loquar, aureum seculum, et oratorum et criminum inops, poetis et vatibus abundabat, qui benefacta canerent, non qui male admissa defenderent. Nec ullis aut gloria major,⁴ aut angustior honor: primum apud Deos, quorum proferre responsa, et interesse epulis ferebantur: deinde apud illos Diis genitos sacrosque reges, inter quos neminem causidicorum, sed Orphea ac Linum, ac si introspicere altius velis, ipsum Apollinem accepimus: vel, si hæc fabulosa nimis et composita videntur, illud certe mihi concedis, Aper, non minorem honorem Homero, quam Demostheni, apud posteros: nec angustioribus terminis famam Euripidis, aut Sophoclis, quam Lysiæ, aut Hyperidis⁵ includi: plures hodie reperies, qui Ciceronis gloriam, quam qui Virgilii detrectent. Nec ullus Asinii⁶ aut Messalæ liber tam illustris est, quam Medea Ovidii, aut Varii Thyestes.⁷

13. Ac ne fortunam quidem vatum, et illud felix contubernium,¹ comparare timuerim cum inquieta et anxia oratorum

¹ *Commoda mortalibus.* Bene vereque Muret. ac Schelius, *commendata mortalibus.*

² *Et sanguinantis eloquentiæ.* Lucrosa hæc et sanguinaria eloquentia ter millies sestertium Eprio Marcello præstiterat; ut vidimus sup. c. 8.

³ *Tu dicebas.* Sup. c. 5.

⁴ *Aut gloria major.* Forte scriptum olim, *aut gloria major unquam contigit.* V. not. et em. ad c. 12.

⁵ *Lysiæ, aut Hyperidis.* Græcorum oratorum, quorum certe nunc multo minor est fama, quam Euripidis, aut Sophoclis; quorum nomina, dum literarum studia vigeant, in dies magis ac magis inclarescent.

⁶ *Asinii.* Asinii Pollionis ac Corvini Tac.

Messalæ: eorum laudes v. sup. An. xi, 6. Quintilian. Instit. Orat. xii, 10. commendat 'diligentiam Pollionis, dignitatem Messalæ.'

⁷ *Varii Thyestes.* De utraque tragedia Quintilian. Instit. Orat. x, 1. 'Jam Varii Thyestes cuilibet Græcorum comparari potest. Ovidii Medea videtur mihi ostendere, quantum vir ille præstare poterit, si ingenio suo temperare, quam indulgere maluisset.' Ambæ illæ tragiæ periere, magno Romanarum literarum detrimento; cum vix supersit, unde æstimemus quid Romani in tragiæ valuerint.

¹ *Felix contubernium.* In privata domesticaque vita felix illud vatum Musarumque contubernium.

vita: licet illos certamina et pericula sua ad consulatus evexerint: malo securum et secretum Virgillii secessum, in quo tamen neque apud divum Augustum gratia caruit, neque apud populum Romanum notitia. Testes Augusti epistolæ, testis ipse populus, qui auditis in theatro versibus Virgillii, surrexit universus, et forte præsentem spectantemque Virgilium veneratus est, sic quasi Augustum.² Ne nostris quidem temporibus, Secundus Pomponius³ Afro Domitio,⁴ vel dignitate vitæ, vel perpetuitate famæ, cesserit. Nam Crispus et Marcellus,⁵ ad quorum exempla me vocas, quid habent in hac præsentī fortuna concupiscendum? quod timent? an quod timentur? quod cum quotidie aliquid rogentur, hi, quibus præstant, indignantur?⁶ quod alligati cum adulatione, nec imperantibus umquam satis servi videntur, nec nobis satis liberi? Quæ hæc summa eorum potentia est? tantum posse liberti solent. Me vero dulces, ut Virgilius ait,⁷ Musæ, remotum a solitudinibus, et curis, et necessitate quotidie aliquid contra animum faciendi, in illa sacra illosque fontes⁸ ferant: nec insanum ultra et lubricum forum, famamque pallentem, trepidus experiar: non me fremitus salutantium, nec anhelans libertus excitet: nec incertus futuri, testamentum pro pignore⁹ scribam: nec plus habeam, quam quod possim, cui velim,¹⁰ relinquere, quandocumque fatalis et meus dies veniet: statuarque tumulo non mœstus et atrox,¹¹

2 Quasi Augustum. Ap. Romanos moris fuit in theatro præsentem Principem venerari.

3 Secundus Pomponius. Scriptor tragicædiarum; de quo diximus in not. et em. ad An. xi, 13.

4 Afro Domitio. Cujus laudes vitiaque v. sup. An. iv, 52. et xiv, 19. Quintilian. Instit. Orat. xii, 10. 'maturitatem Afri' prædicat.

5 Crispus et Marcellus. Vibius Crispus et Marcellus Eprius, quorum exempla alata sunt sup. c. 8.

6 Indignantur. Indignantur, quod causicidis tantum debere cogantur. Quanta enim tunc causarum pretia, cum causicidi ad eas opes, quas vidimus sup. c. 8. adhererent!

7 Ut Virgilius ait. Ge. ii, 475. 'Me vero primum dulces ante omnia Musæ, Quarum sacra fero ingenti percussus amore, Accipiant.'

8 Illosque fontes. Sic et Ving. Ge. ii,

485. 'Rura mihi et rigui placeant in vallibus amnes; Flumina amem sylvasque inglorius. O, ubi campi, Sperchesque, et virginibus bacchata Lacænis Taygeta! o, qui me gelidis in vallibus Hæmi Sistat, et ingenti ramorum protegat umbra!'

9 Pro pignore. Pro pignore securitatis; ut scribere cogebantur, qui delationibus fœdaque eloquentia immensas opes paraverant. Sic et ipse Agricola, vir optimus, sed sub Domitiano pessimo Principe, testamentum pro pignore scripsit, ut vidimus sup. Vit. Agr. 43.

10 Cui velim. Contra vero oratores, ut opum suarum, inique comparatarum, partem liberis, iisque quibus vellent, relinquerent, Principem, Principisque libertos heredes, scribere tenebantur.

11 Non—atrox. Quod sæpe contingebat oratoribus, qui et sub malis, et sub bonis Principibus, nonnumquam puniebantur.

sed hilaris et coronatus :¹² et pro memoria mei, nec consulat¹³ quisquam nec roget.

14. Vix dum finierat Maternus, concitatus et velut instinctus,¹ cum *Vipstanius Messala*² cubiculum ejus ingressus est, suspicatusque ex ipsa intentione singulorum, altiore inter eos esse sermonem : Num parum tempestivus, inquit, interveni, secretum consilium et causæ alicujus meditationem tractantibus? Minime, minime, inquit *Secundus*; atque adeo vellem maturius intervenisses: delectasset enim te et *Apri* nostri accuratissimus sermo, cum Maternum, ut omne ingenium ac studium suum ad causas agendas converteret, exhortatus est, et *Materni* pro carminibus suis læta, utque poetæ defendi decebat, audentior, et poetarum quam oratorum similior oratio. *Me* vero, inquit, et sermo ipse infinita voluptate adfecisset, atque id ipsum delectat, quod vos viri optimi et temporum nostrorum oratores, non forensibus tantum negotiis, et declamatorio studio ingenia vestra exercetis, sed ejusmodi etiam disputationes adjungitis, quæ et ingenium alunt, et eruditionis et literarum jucundissimum oblectamentum, cum vobis qui illa disputatis, adferunt, tum etiam his, ad quorum aures pervenerint. Itaque hercule non minus probari video in te, *Secunde*, quod *Julii Asiatici*³ vitam componendo, spem hominibus fecisti plurimum ejusmodi librorum, quam in *Apro*,⁴ quod nondum a scholasticis controversiis⁵ recessit; et otium

12 *Coronatus*. Ex usu ap. Romanos antiquissimo, quem lex ipsa duodecim tabularum sanciverat, corona virtute parta et ei qui peperisset, et ejus parenti, post mortem imponebatur. Inde Cic. de LL. ii, 24. 'Illa jam significatio est, laudis ornamenta ad mortuos pertinere, coronam virtute partam, et ei qui peperisset, et ejus parenti sine fraude esse lex impositam jubet.' Expressius autem Plin. xxi, 3. 'Semper tamen auctoritas [coronarum,] vel ludicro quæsituram, fuit. Namque ad certamina in Circum per ludos et ipsi descendebant, et servos suos quique mittebant. Inde illa XII tabularum lex: Qui coronam parit ipse, pecuniæ ejus, virtutis ergo duxit ei [i. e. dator ei, vel, ei datur]. Quam servi equive meruissent, pecunia partam lege dici, nemo dubitavit. Quis ergo honos? ut ipsi mortuo, parentibusque ejus, dum intus positus esset, forisve ferretur, si e fraude esset imposita.

Alias in usu promiscuo ne ludicræ quidem erant.'

13 *Nec consulat*. Cum ipsa reorum memoria sæpe damnaretur, tituli, imagines, ceteraque honorum monumenta abolerentur, consulebantur vates, ut quid esset timendum audiretur: rogabantur Principes, ne tantum sæverent.

1 *Instinctus*. Poetarum est esse instinctos, et quasi divino spiritu afflatos.

2 *Vipstanius Messala*. Jam memoratus sup. Hist. iii, 10. et iv, 42.

3 *Julii Asiatici*. Is mihi videtur esse Asiaticus, Galliarum dux, qui pro Vindice bellaverat; ut vidimus sup. Hist. ii, 94.

4 *Quam in Apro*. Cl. Morabin, Gallicus hujusce Dialogi interpres, voculam supplet, *quam in Apro parum, quod, &c.* Vulgatam scripturam retinet Cl. de la Monnoye, sed hæc ironice dicta fuisse contendit: quod verius puto.

5 *Scholasticis controversiis*. Harum con-

suum mavult novorum rhetorum more, quam veterum oratorum,⁶ consumere.

15. Tum *Aper*: Non desinis, Messala, vetera tantum et antiqua mirari, nostrorum autem temporum studia inridere atque contemnere. Nam hunc tuum sermonem sæpe excepi, cum oblitus et tuæ, et fratris tui¹ eloquentiæ, neminem hoc tempore oratorem esse contenderes. Atque ideo credo audacius, quod maligni in iis opinionem non verebaris, cum eam gloriam, quam tibi alii concedunt, ipse tibi denegares. Neque illius, *inquit*, sermonis mei poenitentiam ago, neque aut Secundum, aut Maternum, aut teipsum, *Aper*, (quamquam interdum in contrarium disputes) aliter sentire credo. Ac velim impetratum ab aliquo vestrum, ut causas hujus infinitæ differentiæ scrutetur ac reddat, quas mecum ipse plerumque conquirō: et quod quibusdam solutio est, mihi auget quæstionem, quia video etiam Graiis accidisse, ut longius absit *Æschine* et *Demosthene* Sacerdos iste *Nicetes*,² et si quis alius *Ephesum* vel *Mitylenas*³ contentis scholasticorum clamoribus⁴ quatit, quam *Afer*, aut *Africanus*,⁵ aut vos ipsi a *Cicerone*, aut *Asinio*⁶ recessistis.

16. Magnam, *inquit Secundus*, et dignam tractatu quæstionem movisti: sed quis eam justius explicaverit, quam tu, ad cujus summam eruditionem et præstantissimum ingenium cura quoque et meditatio accessit? Et *Messala*, *Aperiam*, *inquit*, cogitationes meas, si illud a vobis ante impetravero,

troversiarum exempla habemus in Senecæ et Quintiliani declamationibus.

6 *Veterum oratorum*. E quorum libris manent aurea Ciceronis Philosophica opera atque oratoria.

1 *Fratris tui*. Aquilii Reguli; de quo supra Hist. iv, 42. Ei insanum potius ingenium, quam eloquentia, teste Plin. Ep. i, 5. et iv, 7.

2 *Sacerdos iste Nicetes*. Sacerdos Nicetes Smyrnæus fuit, rhetor nobilis, a vetere dicendi genere alienus, et quasi numine Bacchi actus, dithyrambos canebat, teste Philostrato Vit. Sophist. c. 19. *Ἦρόβακχος γὰρ καὶ διθυράμβωνος τὰς δ' ἰσοίας ἰδίας τε καὶ παρὰδόξους ἔκιδων*. Licet a discipulis non audiri desideraret, ut scribit Sen. Controv. iv, 25, frequentabatur tamen, et auditorem Plinium habuit. Plin. Ep. vi, 6.

3 *Ephesum vel Mitylenas*. De Epheso

dictum sup. An. iii, 61. de Mitylenis, An. vi, 18.

4 *Contentis—clamoribus*. Quod, corrupta apud Græcos eloquentia, ut Sacerdos Nicetes, sic Ephesi et Mitylenarum rhetores, abstrusas sententias et alte sonantia verba aucupabantur. De scholasticis, seu rhetoribus, v. inf. c. 29.

5 *Afer, aut Africanus*. Quintilian. Instit. Orat. xii, 10. 'vires Africani, maturitatem Afri' commendat. Pluribus eos laudaverat sup. x, 1. 'Eorum, quos viderim, Domitius Afer, et Julius Africanus, longe præstantissimi. Verborum arte ille, et toto genere dicendi præferendus, quem in numero veterum locare non timeas: hic concitator, sed in cura verborum nimius, et compositione nonnumquam longior, et translationibus parum modicus.'

6 *Asinio*. Asinio Pollione, de quo dictum sup. c. 12.

ut vos quoque sermonem hunc nostrum adjuvetis. Pro duobus, inquit *Maternus*, promitto: nam et ego et *Secundus* exsequemur partes, quas intellexerimus te non tam omisisse quam nobis reliquisse. Aprum enim solere dissentire, et tu paulo ante dixisti, et ipse satis manifestus est jamdudum in contrarium accingi, nec æquo animo perferre hanc nostram pro antiquorum laude concordiam. Non enim, inquit *Aper*, inauditum et indefensum seculum nostrum patiar hac vestra conspiratione damnari. Sed hoc primum interrogabo, quos vocetis antiquos, quam oratorum ætatem significatione ista determinetis? Ego enim cum audio antiquos, quosdam veteres et olim natos intelligo; ac mihi versantur ante oculos *Ulysses* et *Nestor*, quorum ætas mille fere et trecentis annis¹ seculum nostrum antecedit: vos autem *Demosthenem* et *Hyperidem* profertis, quos satis constat *Philippi* et *Alexandri* temporibus floruisse: ita tamen ut utrique superstites essent. Ex quo apparet, non multo plures quam cccc. annos² interesse inter nostram et *Demosthenis* ætatem: quod spatium temporis, si ad infirmitatem corporum nostrorum referas, fortasse longum videatur: si ad naturam seculorum et respectum immensi hujus ævi, perquam breve, et in proximo est. Nam si, ut *Cicero* in *Hortensio* scribit, "is est magnus et verus annus, quo eadem positio cœli siderumque, quæ cum maxime est, rursum existet, isque annus horum, quos nos vocamus, annorum XII M DCCCLIV.³ complectitur;" incipit *Demosthenes* vester, quem vos veterem et antiquum fingitis, non solum eodem anno quo nos, sed fere eodem mense⁴ extitisse.

17. Sed transeo ad Latinos oratores, in quibus non *Menerium*, ut puto, *Agrippam*,⁵ qui potest videri antiquus, nostro-

1 Mille fere et ccc. annis. Recte: nam inter belli Trojani initia et sextum *Vespasiani* annum, quo hic *Dialogus* habitus est, intercessere anni 1268. V. not. et em. ad c. 16.

2 Quam cccc. annos. Perperam in vet. edd. ccc. annos. Mortuus est enim *Demosthenes* A. V. C. 432. annus vero *Vespasiani* sextus fuit ab V. C. 828. De *Demosthene*, et de *Hyperide*, *Demostheni* proximo, multa habet *Cic.* de *Clar. Orat.* c. 35 et 36.

3 Annorum XII M DCCCLIV. Male in libris hactenus editis annorum XII M

DCCCLIV. V. not. et em. ad c. 16. ubi de magno anno dicitur fusiis.

4 Fere eodem mense. Redundare videtur fere, et additum a sciolo aliquo, qui non attenderet in magno anno, si 12954. per 12. diviseris, singulos menses esse ferme 1080. annorum. Unde in magno anno, non fere, sed revera eodem mense *Demosthenes* et *Aper* extitere. Hi sunt menses, de quibus *Virg.* *Ecl.* iv, 12. 'Incipient magni procedere menses.'

5 *Agrippam*. *Menenius Agrippa* Lanatus cos. fuit A. V. C. 251. A. C. 502.

rum temporum disertis anteponere soletis: sed Ciceronem, et Cæsarem,² et Cœlium,³ et Calvum,⁴ et Brutum,⁵ et Asinium, et Messalam:⁶ quos quidem cur antiquis temporibus potius adscribatis, quam nostris, non video: nam ut de Cicerone ipso loquar, Hirtio nempe et Pansa consulibus,⁷ ut Tiro libertus ejus scripsit, septimo Idus Decembris occisus est, quo anno divus Augustus in locum Pansæ et Hirtii se et Q. Pedium consules suffecit:⁸ statue sex et quinquaginta⁹ annos, quibus mox divus Augustus rempublicam rexit: adjice Tiberii tres et viginti, et prope quadriennium Caii,¹⁰ ac bis quaternosdenos¹¹ Claudii et Neronis annos, atque ipsum Galbæ, et Othonis, et Vitellii unum annum,¹² ac sextam jam felicitis hujus principatus stationem,¹³ qua Vespasianus rempublicam fovet, centum et viginti¹⁴ anni ab interitu Ciceronis in hunc diem colliguntur, unius hominis ætas. Nam ipse ego in Britannia vidi senem, qui se fateretur ei pugna¹⁵ interfuisse, qua Cæsarem inferentem arma Britannia, arcere littoribus, et pellere adgressi sunt. Ita si eum, qui armatus C. Cæsari restitit, vel captivitas, vel voluntas, vel fatum aliquod in Urbem pertraxisset, idem Cæsarem ipsum et Ciceronem audire potuit, et nostris quoque actionibus interesse. Proximo quidem congiario¹⁶ ipsi vidistis plerosque senes, qui se a divo quoque

2 Et Cæsarem. Julium Cæsarem, dictatorem.

3 Cœlium. M. Cœlium Rufum, cujus extant epistolæ inter Ciceronianas, viii. ad Famil.

4 Calvum. C. Licinius Macer Calvus 'diu cum Cicerone iniquissimam litem de principatu eloquentiæ habuit,' ut testatur Sen. Controv. iii, 19. Illum laudat Cic. de clar. Orat. c. 82. 'Sanctitatem Calvi' celebrat Quintilian. Inst. Orat. xii, 10.

5 Brutum. M. Junium Brutum, Cæsaris interfectorem, cui Tullius lib. de Oratoribus, et Oratorem inscripsit.

6 Asinium, et Messalam. Jam laudatos sup. c. 12.

7 Hirtio—et Pansa coss. A. U. C. 711. quo occisus est Cicero die septima Decembris. De ejus cæde v. Vell. Paterc. ii, 66.

8 Suffecit. Interfectis coss. Pansa et Hirtio, suffecti sunt coss. Cæsar Octavius, dictus postea Augustus, et Q. Pedius.

9 Sex et quinquaginta. Totidem numerantur ab hoc Augusti consulatu ad ejus mortem, quæ contigit A. U. C. 767.

10 Caii. Caii Caligulæ.

11 Bis quaternosdenos. Ferme quatuordecim annos imperavit Claudius: totidem Nero.

12 Unum annum. In Mss. Vatic. et edd. vett. *longum et unum annum*.

13 Principatus stationem. Sextum Vespasiani annum, qui cœpit Julio mense, A. U. C. 827.

14 Centum et viginti. Rotunde dictum. Nam inter Ciceronis mortem et Vespasiani annum sextum sunt tantum anni 117.

15 Ei pugna. Fuit hæc pugna A. U. C. 699. Illum vero senem in Britannia videre non potuit, nisi post A. U. C. 800.

16 Proximo—congiario. Biennio ante: anno Vespasiani quarto, U. C. 826. datum est illud congiarium, cujus memoria extat in nummo Domitiani, CONG. II. COS. II. i. e. 'congiarium alterum,' Domitiano 'consule secundum.' In nummo quoque Titi, T. CAESAR VESPASIANVS TR. P. COS. II. et ex aversa parte, CONG. TER. P. R. IMP. MAX. DAT. I. e. 'congiarium tertium populo Romano impensis maximis datum.'

Augusto semel atque iterum accepisse congiarium narrabant : ex quo colligi potest, et Corvinum¹⁷ ab illis et Asinium au-
diri potuisse. Nam Corvinus in medium usque Augusti prin-
cipatum, Asinius pæne ad extremum duravit. Nec dividatis
seculum, et antiquos ac veteres vocetis oratores, quos eorum-
dem hominum aures agnoscere ac velut conjungere et copu-
lare potnerunt.

18. Hæc ideo prædixi, ut si qua, ex horum oratorum fa-
ma gloriaque, laus temporibus acquiritur, eandem docerem
in medio sitam, et propiorem nobis, quam Ser. Galbæ,¹ C.
Carboni,² quosque alios antiquos merito vocaremus. Sunt
enim horridi, et impoliti, et rudes, et informes, et quos utinam
nulla parte imitatus esset Calvus vester,³ aut Cælius, aut ipse
Cicero. Agere enim fortius jam et audentius volo, si illud
ante prædixero, mutari cum temporibus formas quoque et ge-
nera dicendi. Sic Catoni seni⁴ comparatus C. Gracchus,⁵
plenior et uberior; sic Graccho politior et ornatior Crassus;⁶
sic utroque distinctior, et urbanior, et altior Cicero; Cicerone
mitior Corvinus,⁷ et dulcior, et in verbis magis elaboratus.
Nec quæro, quis disertissimus: hoc interim probasse conten-
tus sum, non esse unum eloquentiæ vultum, sed in illis quoque,

De his aliisque Principum Romanorum
congiariis fusius dicetur in not. et em. ad
c. 17. Ibiq. illustrabitur egregium Cæ-
sariæ Bibliothecæ Vindobonensis monu-
mentum.

17 *Corvinum*. Corvinum Messalam, et
Asinium Pollionem, sæpe supra laudatos.

1 *Ser. Galbæ*. Servius Sulpicius Galba,
consul A. V. C. 610. eloquentia præstitit.
'At ejus orationes exiliores sunt et redo-
lentes magis antiquitatem, quam aut Lælii,
aut Scipionis, aut etiam ipsius Catonis.
Itaque exaruerunt; vix jam ut appareant,'
teste Cic. de clar. Orat. c. 21. V. et Suet.
Galb. 3. De eo jam dictum sup. An. iii,
66.

2 *C. Carboni*. C. Papirius Carbo, consul
fuit A. V. C. 634. Eum Tullius de clar.
Orat. c. 27. appellat 'canorum oratorem,
et volubilem, et satis acrem, atque eundem
et vehementem, et valde dulcem, et perfa-
cetum.' Orationes ejus nondum satis
splendidas verbis, sed acutas, prudentiæ-
que plenissimas ante dixerat.

3 *Calvus vester*. Calvus Cæliusque jam
memorati sup. c. 17.

4 *Catoni seni*. Quem egregie commen-
dat Quintilian. Instit. Orat. xii, 11. 'Mar-

cus Censorius Cato, idem orator, idem his-
toriæ conditor, idem juris, idem rerum rus-
ticarum peritissimus, inter tot operas mili-
tariæ, tantas domi contentiones, rudi seculo
litteras Græcas ætate jam declinata didicit,
ut esset hominibus documento, ea quoque
percipi posse, quæ senes concupissent.'

5 *C. Gracchus*. C. Gracchus, tribunus
plebis, cum biennio eloquentia et seditio-
nibus populum agitasset, interemptus est,
L. Opimio consule, A. V. C. 633. V. Plin.
xiv, 4. et xxxiii, 3. §. 14. Plut. quoque
in Gracchis p. 824.

6 *Crassus*. L. Crassus vir fuit eloquen-
tissimus et clarissimus, teste Cic. in Verr.
iii, 1. Plura adhuc de eo in libro de Ora-
tore, iii, 1. 'Illud immortalitate dignum
ingenium, illa humanitas, illa virtus L.
Crassi, morte extincta subita est.' Multa
manent ejus dicacitatis argumenta; quo-
rum præcipuum est ejus dictum in Cn. Do-
mitium Ahenobarbum: 'Non esse miran-
dum, quod aeneam barbam haberet, cui os
ferreum, cor plumbeum esset.' Suet. in
Ner. 2. De eo adhuc inf. c. 25.

7 *Corvinus*. Messala Corvinus, jam sæ-
pe sup. laudatus.

quos vocatis antiquos, plures species deprehendi; nec statim deterius esse, quod diversum est: vitio autem malignitatis humanæ vetera semper in laude, præsentia in fastidio⁸ esse. Num dubitamus inventos, qui pro Catone Appium Cæcum⁹ magis mirarentur? Satis constat ne Ciceroni quidem obtrectatores¹⁰ defuisse, quibus inflatus, et tumens, nec satis pressus, sed supra modum exsultans, et superfluens, et parum Atticus¹¹ videretur. Legistis utique et Calvi et Bruti¹² ad Ciceronem missas epistolas: ex quibus facile est deprehendere, Calvum quidem Ciceroni visum exsanguem et attritum, Brutum autem otiosum¹³ atque disjunctum. Rursumque Ciceronem a Calvo quidem male audivisse, tamquam solutum et enervem: a Bruto autem, ut ipsius verbis utar, tamquam fractum atque elumbem. Si me interroges, omnes mihi videntur verum dixisse. Sed mox ad singulos veniam, nunc mihi cum universis negotium est.

19. Nam quatenus antiquorum admiratores hunc velut ter-

8 *In fastidio.* Vell. Patern. ii, 95. 'Præsentia invidia, præterita veneratione prosequimur.'

9 *Appium Cæcum.* Qui censor fuit a. v. c. 442. cum nondum vigeret eloquentia Romana. Appii laudes paucis habet vetus marmor, cujus inscriptionem retulit eruditus Antonius Augustinus, *Dialogos de Medallas*, Dial. x. p. 412.

APPIUS CLAUDIUS

C. F. CAECUS

CENSOR. COS. BIS. DICT. IN-

TERREX. IIII.

PR. II. AED. CUR. II. Q. TR. MIL.

III. COM.

PLVRA. OPPIDA. DE. SAMNITI-

BVS. CEPIT

SABINORVM. ET. TVSCORVM EXERCITVM.

FVDIT. PACEM. FIERI. CVM.

PYRRHO

REGE. PROHIBVIT. IN. CENSURA.

VIAM

APPIAM. STRAVIT. ET. AQVAM. IN

VRBEM. ADDVXIT. AEDEM. BELLONAE

FECIT.

V. et erudit. Gori, *Inscript. Antiq.* Vol. ii, p. 237. Ob hanc ædem Bellonæ de Appio dixit Ovid. *Fast.* vi, 201. 'Hac sacra die Tusco Bellona duello Dicitur, et Latio prospera semper adest. Appius est auctor, Pyrrho qui pace negata Multum animo vidit, lumine cæcus erat.' De egregio illo sene v. Cic. de Senectute 6.

10 *Obtrectatores.* De his obtrectatoribus

Quintilian. *Instit. Orat.* xii, 10. Ciceronem 'et suorum homines temporum incensere audebant, ut tumidiorem et Asianum, et redundantem, et in repetitionibus nimium, et in salibus aliquando frigidum, et in compositione fractum, exsultantem, ac pæne (quod procul absit) viro molliorem.'

11 *Parum Atticus.* Antiqua oratorum divisio inter Asianos atque Atticos fuit, cum hi pressi et integri, contra inflati illi et inanes haberentur—Attici limati quidem et emuncti nihil inane ac redundans ferebant. Asiana gens tumidior alioqui atque jactantior, vaniore etiam dicendi gloria inflata est. Ciceronem præcipue premebant, 'qui videri Atticorum imitatores' concupiscebant. V. Quintilian. l. c.

12 *Calvi et Bruti.* Ea fuit semper inter summos viros æmulatio, de qua Quintilian. *Institut. Orat.* xii, 1. 'Neque ipsi Ciceroni Demosthenes [videtur] satis esse perfectus, quem dormitare interim dicit: nec Cicero Bruto Calvoque, qui certe compositionem illius, etiam apud ipsum reprehendunt: nec Asinio utrique, qui vitia orationis ejus etiam inimice pluribus in locis insequuntur.'

13 *Otiosum.* Mallet Lipsius, *odiosum*: i. e. adfectione quadam et asperitate dictionis molestum. At Brutus, utpote sententiosus et animosa philosophia plenus, potuit otiosus esse circa sententias et philosophicos locos; ita Cicero fuit 'otiosus circa excessus,' ut mox dicetur inf. c. 22.

minum antiquitatis constituere solent, quem usque ad Cassium Severum¹ faciunt, quem primum adfirmant flexisse ab illa vetere, atque directa dicendi via: non infirmitate ingenii, nec inscitia literarum, transtulisse se ad id dicendi genus contendendo, sed iudicio et intellectu. Vidit namque, ut paulo ante dicebam, cum conditione temporum ac diversitate aurium formam quoque ac speciem orationis esse mutandam. Facile perferebat prior iste populus, ut imperitus et rudis, imperitissimarum orationum spatia: atque id ipsum laudi dabatur, si dicendo quis diem eximeret. Ita vero longa principiorum præparatio, et narrationis alte repetita series, et multarum divisionum ostentatio, et mille argumentorum gradus, et quidquid aliud aridissimis Hermagoræ et Apollodori² libris præcipitur, in honore erat: quod si quis odoratus philosophiam, atque ex ea³ locum aliquem orationi suæ insereret, in cœlum laudibus ferebatur. Nec mirum: erant enim hæc nova et incognita: et ipsorum quoque oratorum paucissimi præcepta rhetorum, aut philosophorum placita, cognoverant. At hercule pervulgatis jam omnibus, cum vix in cortina⁴ quisquam adsistat, qui elementis⁵ studiorum etsi non instructus, at certe imbutus sit, novis et exquisitis eloquentiæ itineribus opus est,

Disjunctum autem intellige, quo sensu Senecam appellabat C. Caligula. 'Arenam sine calce.' Suet. in Caio Caligula, 53. Talis autem eloquentia decebat Brutum, de quo Julius Cæsar solitus erat dicere: MAGNI REFERT, HIC QUID VELIT: SED QUIDQUID VOLT, VALDE VOLT. Cic. Ep. ad Att. xiv. 1. Inf. c. 21. memoratur Bruti philosophia, lentitudo, tepor. Inde otiosus hic dicitur.

¹ *Ad Cassium Severum.* Puto emendandum, 'constituere solent usque ad Cassium Severum, quem reum faciunt, quemque primum adfirmant,' &c. V. not. et em. ad c. 19. De Cassio Severo, orandi valido, seu sordide originis et maleficæ vitæ, dictum est sup. An. iv. 21. Extremis Augusti temporibus et Tiberii principatu floruit. Formam ejus ingenii describit Quintilian. Instit. Orat. x. 1. 'Multa, si cum iudicio legatur, dabit imitatione digna Cassius Severus: qui, si ceteris virtutibus colorem et gravitatem orationis adjecisset, ponendus inter præcipuos foret. Nam et ingenii plurimum est in eo, et acerbitas mira et urbanitas et vis summa: sed plus stomacho, quam consilio dedit:

præterea ut amari sales, ita frequenter amaritudo ipsa ridicula est.'

² *Hermagoræ et Apollodori.* Duo illi rhetores sub Augusto florere. Immo Apollodorus Augusti præceptor fuit et familiaris. V. Quintilian. Instit. Orat. iii. 1. et Strab. xiii. p. 625. Præceptore Apollodoro, cœpit eloquentia in sectas dividi, et evanuit. Adeo infensa infaustaque sectarum studia.

³ *Atque ex ea. Atque omittendum videtur.*

⁴ *In cortina.* De hoc loco eruditus Jos. Scaliger, Conjectan. in Varronem de Ling. Lat. p. 127. ed. 1581. 'Cortina ea est proprie, in qua lana suffecta succos ebibit. Ab eo usus est metaphora Corn. Tacitus in Dialogo, cum ait in cortina esse—quæ enim in cortina sunt, nondum penitus imbibuerunt succum.' Forte simplicius intelligendum de assistentium auditorumque corona. Sic Severus in Ætna v. 294. 'Longas emugit buccina voces, Carmineque irriguo magni cortina theatri; Imparibus numerosa modis canit arte regentis.'

⁵ *Qui elementis.* Forte scriptum olim, *quin.*

per quæ orator fastidium aurium effugiat, utique apud eos iudices, qui vi, aut potestate, non jure et legibus cognoscunt, et nec accipiunt tempora, sed constituunt, nec expectandum habent oratorem, dum illi libeat de ipso negotio dicere, sed sæpe ultro admonent, atque alio transgredientem revocant, et festinare se testantur.

20. Quis nunc feret oratorem de infirmitate valetudinis suæ præfantem? qualia sunt fere principia Corvini. Quis quinque in Verrem libros¹ expectabit? Quis de exceptione et formula² perpetietur illa immensa volumina, quæ pro M. Tullio,³ aut A. Cæcina legimus? Præcurrit hoc tempore iudex dicentem, et nisi aut cursu argumentorum, aut colore sententiarum, aut nitore et cultu descriptionum invitatus et corruptus est, aversatur dicentem. Vulgus quoque adsistentium, et adfluens et vagus auditor, adsuevit jam exigere lætitiā, et pulchritudinem orationis; nec magis perfert in judiciis tristem et impexam antiquitatem, quam si quis in scena, Roscii,⁴ aut Turpionis Ambivii⁵ exprimere gestus velit. Jam vero juvenes, et in ipsa⁶ studiorum incude positi, qui profectus sui causa oratores sectantur, non solum audire, sed etiam referre domum aliquid illustre et dignum memoria volunt. Traduntque invicem, ac sæpe in colonias ac provincias suas scribunt,⁷ sive in suis⁸ aliquis arguta et brevi sententia effulsit, sive locus exquisito et poetico cultu enituit. Exigitur enim jam ab oratore etiam poeticus decor, non Accii aut Pacuvii⁹ veterino inquinatus, sed ex Horatii, et Virgillii, et Lucani sacrario¹⁰ prolatus. Horum igitur auribus et judiciis obtemperans nos-

1 *In Verrem libros.* A Cicerone scriptos, et notissimos.

2 *Exceptione et formula.* Erant actiones de exceptione, nempe ob exceptiones, seu exclusiones, quæ opponebantur, vel adversus personas, vel adversus res ipsas, vel adversus actiones, vel adversus ipsa iudicia. Vide Digest. Lib. xlv, Tit. 1. de Exceptionibus, præscriptionibus, et præiudiciis. Formula vero dicebatur, quod in instituenda actione certis ac præscriptis verbis esset utendum. V. Cujac. observat. xliii, 21.

3 *Pro M. Tullio.* Periit oratio Ciceronis pro M. Tullio: eam laudat Macrobius de Differ. et Soc. Græci Latineque verbi, c. de Tempore perfecto: 'Sed Cicero pro Tullio explicavit ait.' Extat adhuc oratio pro A. Cæcina.

4 *Roscii.* Roscius, histrio, Syllæ ac Ciceronis gratia celeberrimus: adeo acceptus fuit populo Romano, 'ut mercedem diurnam de publico mille denarios [*Angl.* 33l. 6s. 8d.] sine gregalibus solus acceperrit,' Macrobius Saturn. iii, 7.

5 *Turpionis Ambivii.* Cujus meminere Cic. de Senectute 14. et Symmachus, Ep. i, 25. et Ep. x, 2.

6 *Et in ipsa.* Et forte omitendum.

7 *Scribunt.* Ad populares suos.

8 *Sive in suis.* Hic aliquid excidit. Lips. tentat in sensibus suis: Melius Muret. sive sensus aliquis. V. not. et em. ad c. 20.

9 *Accii aut Pacuvii.* Veterum poetarum, quorum adhuc extant fragmenta. Quintilian. Instit. Orat. x, 1. Tragediæ scrip-

trorum oratorum ætas, pulchrior et ornatior extitit. Neque ideo minus efficaces sunt orationes nostræ, quia ad aures judicantium cum voluptate perveniunt. Quid enim si infirmiora horum temporum templa credas, quia non rudi cæmento, et informibus tegulis exstruuntur, sed marmore nitent et auro radiantur?¹

21. Equidem fatebor vobis simpliciter, me in quibusdam antiquorum vix risum, in quibusdam autem vix somnum tenere, nec unum de populo Canuti¹ aut Aride Furnio et Toranio, quique alios in eodem valetudinario hæc ossa et hanc maciem probant. Ipse mihi Calvus, cum unum et viginti, ut puto, libros reliquerit, vix in una aut altera oratiuncula satisfacit: nec dissentire² ceteros ab hoc meo iudicio video: quotus enim quisque Calvi in Asitium, aut in Drusum legit? at hercule in hominum studiosorum manibus versantur accusationes, quæ in Vatinius inscribuntur, ac præcipue secunda ex his oratio: est enim verbis ornata, et sententiis auribus iudicum accommodata: ut scias ipsum quoque Calvum intellexisse quid melius esset, nec voluntatem quin sublimius et cultius diceret, sed ingenium ac vires defuisse. Quid? ex Cælianis orationibus?³ nempe hæc placent, si non universæ, at partes earum,⁴ in quibus nitorem et altitudinem horum temporum agnoscimus. Sordes autem verborum, et hians com-

tores Accius atque Pacuvius, clarissimi gravitate sententiarum, verborum pondere, et auctoritate personarum.

10 *Lucani sacrario.* Inde frequentes illæ Horatiæ et Virgilianæ imitationes, quas in libris superioribus adnotavimus. Lucani vero laudes vidimus sup. An. xv, 49. et xvi, 17.

11 *Radiantur.* Sic quoque Ovid. de Pont. iii, 4. 103. 'Scuta sed et galeæ gemmis radiantur et auro, Stentque super victos trunca trophæa viros.'

1 *Nec unum de populo Canuti.* Locus omnino corruptus, quem, dum quis meliora suadeat, ita supplendum puto, *nec unum de populo, sed rusticum videri, qui Canutio, aut Arrio delectatur, Furniove aut Toranio, quique alios in eodem valetudinario, hæc ossa, et hanc maciem, probant.* V. not. et em. ad c. 21. Porro C. Canutius memoratur a Suet. de clar. Rhetor. 4. Q. Arrius a Cic. de clar. Orat. 69. C. Furnius forte ille ipse ad quem scripsit Tullius, Epist. ad Familiares, x, 25 et 26.

Toranius illene puerorum mango, qui Antonio, triumpho, eximia forma pueros duos ducentis sestertiis, *Angl. 1666l. 13s. 4d.* vendidit, ut refert Plin. vii, 12. an potius L. Turius, homo parvi ingenii, sed multi laboris, de quo Tull. de clar. Orat. 67.

2 *Nec dissentire.* Non ita suffragatur Quintilian. Instit. Orat. x, 1. 'Inveni qui Calvum præferrent omnibus, inveni qui Ciceroni crederent, eum nimia contra se calumnia verum sanguinem perdidisse: sed est et sancta et gravis oratio et castigata, et frequenter vehemens quoque. Imitator est autem Atticorum, fecitque illi properata mors injuriam, si quid adjecturus, non si quid detracturus fuit.' Locum Ciceronis de Calvo v. in Bruto c. 82.

3 *Cælianis orationibus.* Quintilian. Instit. Orat. x, 1. 'Multum ingenii in Cælio, et præcipue in accusando multa urbanitas, dignusque vir, cui et mens melior, et vita longior contigisset.'

4 *Partes earum.* V. not. et em. ad c. 21.

positio, et inconditi sensus redolent antiquitatem: nec quemquam adeo antiquarium puto, ut Caelium ex ea parte laudet, qua antiquus est. Concedamus sane C. Cæsari,⁵ ut propter magnitudinem cogitationum⁶ et occupationes rerum, minus in eloquentia effecerit, quam divinum ejus ingenium postulabat: tam hercule,⁷ quam Brutum philosophiæ suæ relinquamus. Nam in orationibus minorem esse fama sua, etiam admiratores ejus fatentur: nisi forte quisquam⁸ aut Cæsaris pro Decio Samnite,⁹ aut Bruti pro Dejotaro¹⁰ rege, ceterosque ejusdem lentitudinis ac teporis libros legit, nisi qui et carmina eorumdem miratur: fecerunt enim et carmina, et in bibliothecas¹¹ retulerunt, non melius quam Cicero, at felicius, quia illos fecisse pauciores sciunt. Asinius quoque, quamquam propioribus temporibus natus sit, videtur mihi inter Menenios et Appios¹² studuisse.¹³ Pacuvium certe, et Accium, non solum tragœdiis, sed etiam orationibus suis expressit: adeo durus et siccus est. Oratio autem, sicut corpus hominis, ea demum pulchra est, in qua non eminent venæ, nec ossa numerantur, sed temperatus ac bonus sanguis implet membra, et exsurgit toris,¹⁴ ipsosque

5 C. Cæsari. Dictatori. Pariter Quintilian. Instit. Orat. x, 1. 'C. Cæsar, si fortantum vacasset, non alius ex nostris contra Ciceronem nominaretur: tanta in eo vis est, id acumen, ea concitatio, ut illum eodem animo dixisse, quo bellavit, appareat. Exornat tamen hæc omnia mira sermonis, cujus proprie studiosus fuit, elegantia.'

6 Magnitudinem cogitationum. Sic Vell. Pat. ii, 41. Caius Cæsar 'animo super humanam et naturam et fidem evectus, magnitudine cogitationum, celeritate bellandi, patientia periculorum, Magno illi Alexandro, sed sobrio, neque iracundo, simillimus.'

7 Tam hercule. Tam hercule Caium Cæsarem suis occupationibus, quam Brutum Philosophiæ suæ relinquamus. Stoicam philosophiam sectatus est Brutus, multosque de ea libros scripsit. Inde et Quintilian. Instit. Orat. x, 1. In philosophia 'egregius, multoque, quam in orationibus, præstantior Brutus, sufficit ponderi rerum: scias eum sentire, quæ dicit.'

8 Nisi forte quisquam. Emendandum videtur, nec fere quisquam, ut Gronovio placuit.

9 Pro Decio S. Oratio hæc, ut et alia multa Cæsaris scripta, periit.

10 Pro Dejotaro. Causam tamen Dejotari, fidelissimi atque 'optimi regis, ornatisime et copiosissime a Bruto defensam' ait Cic. de clar. Orat. 5. Immo in Epist. ad Att. xiv, 1. tradit Julium Cæsarem 'animadvertisse, cum [Brutus] pro Dejotaro Nicææ dixerit, valde vehementer eum visum et libere dicere.' Sed cum haberetur hic dialogus, aliæ erant Romanorum aures, et ingeniosiores, ac proinde difficiliore.

11 Bibliothecas. Memorantur adhuc inf. c. 37.

12 Menenios et Appios. Menenium Agrippam et Appium Cæcum; de quibus dictum sup. c. 17 et 18.

13 Studuisse. Sic et Quintilian. Instit. Orat. x, 1. 'Multa in Asinio Pollione inventio, summa diligentia: adeo ut quibusdam etiam nimia videatur: et consilii et animi satis: a nitore et jucunditate Ciceronis ita longe abest, ut videri possit seculo prior.'

14 Exsurgit toris. Sic Plin. Ep. v, 8. de oratione et historia: 'hanc sæpius ossa, muscoli, nervi; illam tori quidam et quasi jubæ decet.'

nervos rubor tegit et decor commendat. Nolo Corvinum¹⁵ insequi, quia non per ipsum stetit, quominus lætitiā nitoremque nostrorum temporum exprimeret: viderimus, inquam,¹⁶ iudicio ejus vis aut animi, aut ingenii suffecerit.

22. Ad Ciceronem venio, cui eadem pugna cum æqualibus suis fuit, quæ mihi vobiscum est. Illi enim antiquos mirabantur, ipse suorum temporum eloquentiam anteponebat: nec ulla re magis ejusdem ætatis oratores præcurrit, quam iudicio. Primus enim excoluit orationem, primus et verbis delectum adhibuit, et compositioni artem: locos quoque lætiores attentavit, et quasdam sententias¹ invenit; utique in his orationibus, quas senior jam et juxta finem vitæ composuit, id est, postquam magis profecerat, usuque et experimentis didicerat, quod optimum dicendi genus est. Nam priores ejus orationes non carent vitiis antiquitatis: lentus est in principiis, longus in narrationibus, otiosus circa excessus, tarde commovetur, raro incalescit: pauci sensus apte et cum quodam lumine terminantur: nihil excerpere, nihil referre possis: et velut in rudi ædificio, firmus sane paries et duraturus, sed non satis expolitus et splendens. Ego autem oratorem, sicut locupletem ac laudatum patrem familiæ, non eo tantum volo tecto tegi, quod imbrem ac ventum arceat, sed etiam quod visum et oculos delectet: non ea solum instrui supellectile, quæ necessariis usibus sufficiat, sed sit in apparatu ejus et aurum, et gemmæ,² ut sumere in manus, et aspicere sæpius liceat:³ quædam vero procul arceantur, ut jam oblitterata et olentia: nullum sit verbum velut rubigine infectum, nulli sensus tarda et inertī structura, in morem Annalium,⁴ componantur: fugiat

15 *Corvinum*. M. Corvinum Messalam; de quo Quintilian. Instit. Orat. x, 1. ¹ At Messala nitidus et candidus, et quodammodo præ se ferens in dicendo nobilitatem suam, viribus minor? V. et Plin. Ep. v, 3.

16 *Viderimus, inquam*. Pro inquam, vel emendandum in quantum: eo sensu, licet Corvinum non insequar, viderimus tamen in quantum iudicio ejus vis aut animi, aut ingenii suffecerit: vel forte legendum, utinam iudicio ejus vis aut animi, aut ingenii sufficeret. V. not. et em. ad c. 21.

1 *Sententias*. Sententiarum sensuumque discrimen docet Quintilian. Instit. Orat.

viii, 5. ¹ Consuetudo jam tenuit, ut mente concepta sensus vocaremus: lumina autem, præcipueque in clausulis posita, sententias.

2 *Aurum, et gemmæ*. Insignis locus, quo privatam horum temporum elegantiam et opulentiam docemur.

3 *Sæpius liceat*. Forte libeat, ut Rodolpho Agricolæ et Lipsio placebat.

4 *Morem Annalium*. Hæc cum essent veterum Annalium vitia, ab iis ita se vindicavit Tacitus, ut ejus Annalibus nihil sit acrius, vividius, et splendidius.

foedam et insulsam scurrilitatem, variet compositionem, nec omnes clausulas uno et eodem modo terminet.⁵

23. Nolo irridere *rotam fortunæ*,¹ et *jus Verrinum*,² et illud tertio quoque sensu³ in omnibus orationibus pro sententia positum, *esse videatur*. Nam et hoc invitus retuli, et plura omisi, quæ tamen sola mirantur atque exprimunt hi, qui se antiquos oratores vocant: neminem nominabo, genus hominum signasse contentus: sed vobis utique versantur ante oculos, qui Lucilium pro Horatio,⁴ et Lucretium pro Virgilio⁵ legunt: quibus eloquentia tui Aufidii Bassi, aut Servilii Noniani,⁶ ex comparatione Sisennæ aut Varronis⁷ sordet: qui rhetorum nostrorum commentarios fastidiunt, oderunt, Calvi mirantur: quos more prisco apud judicem fabulantes,⁸ non auditores sequuntur, non populus audit, vix denique litigator perpetitur: adeo mœsti et inculti, illam ipsam quam jactant sanitatem, non firmitate,⁹ sed jejunio, consequuntur. Porro ne in corpore quidem vale-

5 *Terminet*. Id quoque sapienter monet Quintilian. Instit. Orat. ix, 4. 'Verbo sensum cludere, multo, si compositio patiat, optimum est. In verbis enim sermonis vis inest. At si id asperum erit, cedat hæc ratio numeris, ut fit apud summos Græcos Latinosque oratores frequentissime.'

1 *Rotam fortunæ*. Hæc aliaque frigidiora habet Cic. in Pison. c. 10. 'Quis te illis diebus sobrius, quis agentem aliquid, quod esset libero dignum, quis denique in publico vidit? cum collegæ tui domus cantu et cymbalis personaret, cum ipse nudus in convivio saltaret: in quo ne tum quidem, cum illum suum saltatorium versaret orbem, fortunæ rotam pertimescebat.'

2 *Jus Verrinum*. Ea quoque, a Verris nomine ad jus e verrina, seu porcina, carne expressum alludens, crepat Cic. in Verr. i, 46. 'Hinc illi homines erant, qui etiam ridiculi inveniebantur ex dolore: quorum alii, ut audistis, negabant mirandum esse, jus tam nequam esse Verrinum.'

3 *Tertio—sensu*. Sensum hic et apud Quintilian. Instit. Orat. ix, 4.

4 *Lucilium pro Horatio*. Quintilian. Instit. Orat. x, 1. 'Lucilius quosdam ita deditos sibi adhuc habet amatores, ut eum non ejusdem modo operis, sed omnibus poetis præferre non dubitent. Ego quantum ab illis, tantum ab Horatio dissentio, qui *Lucilium fluere tululentum*, et esse ali-

eruditio in eo mira, et libertas, atque inde acerbitas, et abunde salis. Multo est tertior ac purus magis Horatius, et ad notandos hominum mores præcipuus.'

5 *Lucretium pro Virgilio*. Neque adhuc Lucretianus ille favor penitus intercidit. In plurimis quidem eminet Lucretius, at in omnibus ferme Virgilius.

6 *Aufidii—Noniani*. De his duobus historiae scriptoribus Quintilian. Instit. Orat. x, 1. 'Servilius Nonianus—ipse a nobis auditus est, clari vir ingenii, et sententiis creber, sed minus pressus, quam historiae auctoritas postulat. Quam, paulum ætate præcedens eum Bassus Aufidius, egregie, utique in libris belli Germanici, præstitit, genere ipso probabilis in omnibus, sed in quibusdam suis ipse viribus minor.' De Servilio Noniano plura v. sup. An. vi, 31. et xiv, 19.

7 *Sisennæ aut Varronis*. Varronem, Romanorum eruditissimum, nemo non novit. Sisenna idem est de quo Quintilian. Instit. Orat. i, 5. 'Sisenna dixit, assentio.' et viii, 3. 'Cæcilius ac Sisenna [primi dicere] albeniti cælo.' Paucis vero Sisennæ indolem expressit Cic. de claris Orat. 64. 'L. Sisenna, doctus vir, et studiis optimis deditus, bene latine loquens, gnarus reipublicæ, non sine facetiis: sed neque laboris multi, nec satis versatus in causis.'

8 *Fabulantes*. Bene. Nam non orabant, sed fabulabantur.

9 *Non firmitate*. V. not. et em. ad c. 23.

itudinem medici probant, quæ animi anxietate contingit, parum est ægrum non esse, fortem, et lætum, et alacrem volo: prope abest ab infirmitate, in quo sola sanitas laudatur. Vos vero, disertissimi, ut potestis, ut facitis, illustrate seculum nostrum pulcherrimo genere dicendi. Nam et te, Messala, video lætissima quæque antiquorum imitantem: et vos, Materne ac Secunde,¹⁰ ita gravitati sensuum nitorem et cultum verborum miscetis; ea electio inventionis, is ordo rerum, et quotiens causa poscit, ubertas; ea, quotiens permittitur, brevitatis, is compositionis decor, ea sententiarum planitas est, sic exprimitis affectus, sic libertatem temperatis, ut etiam si nostra iudicia malignitas et invidia tardaverit, verum de vobis dicturi sint¹¹ posterī nostri.

24. Quæ cum Aper dixisset, Agnoscitisne, inquit *Maternus*, vim et ardorem *Apri* nostri? quo impetu seculum nostrum defendit! quam copiose ac varie vexavit antiquos! quanto non solum ingenio ac spiritu, sed etiam eruditione et arte, ab ipsis mutuatus est, per quæ mox ipsos incesceret! Tuum tamen, Messala, promissum immutasse non debes: neque enim defensores antiquorum exigimus, nec quemquam nostrorum, quamquam modo laudati sumus, his, quos insectatus est *Aper*, comparamus: ac ne ipse quidem ita sentit, sed more veteri, et a vestris philosophis¹ sæpe celebrato, sumsit sibi contradicendi partes. Exprome nobis, non laudationem antiquorum, satis enim illos fama sua laudat, sed causas, cur in tantum ab eloquentia eorum recesserimus; cum præsertim centum et viginti annos ab interitu *Ciceronis* in hunc diem effici ratio temporum² collegerit.

25. Tum *Messala*: Sequar a te præscriptam formam, *Materne*: neque enim diu contradicendum est *Apro*, qui primum,

¹⁰ *Secunde*. Quem valde laudat *Quintilian*. *Instit. Orat.* x, 1. 'Julio Secundo si longior contigisset ætas, clarissimum profecto nomen oratoris apud posteros foret. Adjecisset enim, atque adjiciebat ceteris virtutibus suis, quod desiderari potest. Id est autem, ut esset multo magis pugnax, et sæpius ad curam rerum ab elocutione respiceret. Ceterum interceptus quoque magnum sibi vindicat locum. Ea est facundia, tanta in explicando, quod velit, gratia: tam candidum, et fene, et

speciosum dicendi genus: tanta verborum, etiam quæ assumpta sunt, proprietatis: tanta in quibusdam ex periculo petitis significantia.'

¹¹ *Dicturi sint*. Recte enim *Quintilian*. *Instit. Orat.* iii, 1. 'Ad posteros enim virtus durabit, non perveniet invidia.'

¹ *A vestris philosophis*. Academicis scilicet.

² *Ratio temporum*. Quam vide sup. c. 17.

ut opinor, nominis controversiam movit, tamquam parum proprie antiqui vocarentur, quos satis constat ante centum annos fuisse. Mihi autem de vocabulo pugna non est, sive illos antiquos, sive majores, sive quo alio mavult nomine, appellet: dummodo in confesso sit, eminentiorem illorum temporum eloquentiam fuisse. Ne illi quidem parti sermonis ejus¹ repugno, si quominus fatetur,² plures formas dicendi etiam iisdem seculis, nedum diversis, extitisse. Sed quomodo inter Atticos oratores primæ Demostheni tribuuntur, proximum autem locum Æschines, et Hyperides, et Lysias, et Lycurgus³ obtinent, omnium autem consensu hæc oratorum ætas maxime probatur: sic apud nos Cicero quidem ceteros eorumdem temporum disertos antecessit: Calvus autem, et Asinius, et Cæsar, et Cælius, et Brutus, suo jure, et prioribus, et sequentibus anteponuntur: nec refert, quod inter se specie differant, cum genere consentiant. Adstrictior Calvus, numerosior Asinius, splendidior Cæsar, amarior Cælius, gravior Brutus, vehementior, et plenior, et valentior Cicero; omnes tamen eandem sanitatem eloquentiæ ferunt:⁴ ut si omnium pariter libros in manus sumseris, scias, quamvis in diversis ingeniis, esse quamdam judicii ac voluntatis similitudinem et cognationem. Nam quod invicem se obtrectaverunt, et sunt aliqua epistolis eorum inserta, ex quibus mutua malignitas detegitur, non est oratorum vitium, sed hominum. Nam et Calvum, et Asinium, et ipsum Ciceronem credo solitos et invidere, et livere, et ceteris humanæ infirmitatis vitiis adfici: solum inter hos arbitror Brutum, non malignitate, nec invidia, sed simplicitate, et ingenue, judicium animi sui detexisse: an invideret Ciceroni,⁵ qui mihi videtur ne Cæsari quidem invidisse? Quod ad Ser. Galbam et C. Lælium⁶ attinet, et si quos alios anti-

¹ *Sermonis ejus.* Sup. c. 18.

² *Si quominus fatetur.* Ita veteres editiones. Bene emendabat Illustr. Huetius, immo nos fatemur, vel quominus fateamur; ut postulat orationis series.

³ *Lycurgus.* Lysia, Lycurgi, Demosthenis, et Hyperidis, celeberrimorum Græciæ oratorum, vitas scripsit Plutarchus Vol. ii, p. 835 sq.

⁴ *Ferunt.* Præ se ferunt, vel libris suis ferunt. Sic ferme sup. Hist. ii, 65. 'lætitiā et gratulationem vultu ferens.'

⁵ *An invideret Ciceroni.* Observat Il-

lustr. Huetius: 'Brutus potuit Ciceroni eloquentiam invidere, etsi Cæsari tyrannidem non invideret, quam oderat et damnavat.'

⁶ *C. Lælium.* De Servio Galba dictum sup. c. 18. Eloquentia quoque præstitit C. Lælius, coss. a. v. c. 614. Sed et ipse antiquior atque horridior: 'et, cum sint in dicendo variæ voluntates, delectari mihi magis antiquitate videtur, et lubenter verbis etiam uti paulo magis priscis.' Cic. de clar. Orat. 21.

quorum agitare non desistit, non exigit⁷ defensorem, cum fatear quædam eloquentiæ eorum, ut nascenti adhuc, nec satis adultæ, defuisse.

26. Ceterum si, omisso optimo illo, et perfectissimo genere eloquentiæ, eligenda sit forma dicendi, malim hercule C. Gracchi¹ impetum, aut L. Crassi² maturitatem, quam calamistros Mæcenatis,³ aut tinnitus Gallionis:⁴ adeo melius est oratorem vel hirta toga induere, quam fucatis et meretriciis vestibus insignire. Neque enim oratorius iste, immo, hercule, ne virilis quidem cultus est, quo plerique temporum nostrorum actores ita utuntur, ut lascivia verborum, et levitate sententiarum, et licentia compositionis, histrionales modos exprimant: quodque vix auditu fas esse debeat, laudis, et gloriæ, et ingenii loco plerique jactant, cantari saltarique commentarios suos. Unde oritur illa foeda et præpostera, sed tamen frequens quibusdam exclamatio, ut oratores nostri tenere dicere,⁵ histriones diserte saltare dicantur. Equidem non negaverim Cassium Severum,⁶ quem solum Aper noster nominare ausus est, si his comparetur, qui postea fuerunt, posse orato-

7 *Non exigit.* Illustr. Huetius corrigebat, *non exigit id*, vel *non exigunt*.

1 *C. Gracchi.* Jam laudati sup. c. 18. Eum 'præstantissimo ingenio et flagranti studio' fuisse, nec 'quemquam pleniorum et uberiorum ad dicendum' testatur Cic. de clar. Orat. 33.

2 *L. Crassi.* In Crasso erat, teste Cic. l. c. 38. 'summa gravitas, erat cum gravitate junctus facietiarum et urbanitatis oratorius, non scurrilis lepos. Latine loquendi accurata et sine molestia diligens elegantia: in disserendo mira explicatio.'

3 *Calamistros Mæcenatis.* Locum hunc Taciti laudavit Pomponius Sabinus, mediæ ætatis grammaticus. V. Testimonia Veterum. Mæcenatis autem calamistros notos pariter ac ridiculos facit Seneca, Ep. 114. 'Videbis itaque eloquentiam ebrii hominis involutam, et errantem, et licentiæ plenam. Mæcenas in cultu suo. Quid turpius, 'Amne sylvisque ripa comantibus?' Vide ut, 'Alveum linteis arent, versoque vado remittant hortos.' Quid? 'Si quis fœminæ cirro crispatæ et labris columbatur.' Incipitque suspirans, ut 'cervice laxa feratur' — 'Nemo tyranni.' Irremediabilis factio. 'Rimantur epulis, lagenæque tentant morbos, et sæpe mortem exigunt' — 'Genium festo vix suo testem.' 'Tenuis cerei

fila, et crepacem molam' — 'Focum mater aut uxor investiant.' Non statim, cum hæc legeris, occurrit, hunc esse, qui, solutis tunicis, in Urbe semper inceserit.' Sed tota hæc epistola omnino legenda. Plena est rerum, et in artis scribendi præceptis eximia.

4 *Tinnitus Gallionis.* 'Gravitatem' tamen Gallionis laudat Sidon. Apollinar. Ep. v, 10. Sed, corrupta Sidonii ævo eloquentia, gravitas nominabatur oratio antithetis tinniens. Oratoria Gallionis, patris, scripta memorat Quintilian. Instit. Orat. iii, 1. Utrum idem sit, ac Junius Gallio, Senecæ frater, de quo sup. An. xv, 73. non satis compertum. Vere autem dixit Quintilian. Instit. Orat. ii, 3. 'Tumidos, et corruptos, et tinnulos, et quocumque alio cacozeliæ genere peccantes, certum habeo non virum, sed infirmitatis vitio laborare: ut corpora non robore, sed valetudine infiantur.'

5 *Tenere dicere.* Id quoque queritur Plin. Ep. ii, 14. 'Pudet referre, quæ, quam fracta pronuntiatione dicantur: quibus quam teneris clamoribus excipiantur. Plausus tantum, ac sola cymbala et tympana illis canticis desunt.'

6 *Cassium Severum.* De cujus ingenio v. notata sup. c. 19.

rem vocari, quamquam in magna parte librorum suorum plus vis habeat, quam sanguinis.⁷ Primus enim, contempto ordine rerum, omissa modestia, ac pudore verborum, ipsis etiam, quibus utitur, armis incompositus, et studio ferendi plerumque detectus, non pugnat, sed rixatur. Ceterum, ut dixi, sequentibus comparatus, et varietate eruditionis, et lepore urbanitatis, et ipsarum virium robore, multum ceteros superat: quorum neminem Aper nominare, et velut in aciem educere sustinuit. Ego autem expectabam, ut incusato Asinio, et Cœlio, et Calvo, aliud novum agmen produceret, pluresque, vel certe totidem nominaret, ex quibus alium Ciceroni, alium Cæsari, singulis demum singulos opponeremus. Nunc detrectasse nominatim antiquos oratores contentus, neminem sequentium laudare ausus est, nisi in publicum et in commune. Veritus, credo, ne multos offenderet, si paucos excerpisset: quotus enim quisque scholasticorum⁸ non hac sua persuasione fruitur, ut se ante Ciceronem numeret, sed plane post Gabinianum?⁹

27. At ego non verebor nominare singulos, quo facilius, propositis exemplis, appareat, quibus gradibus fracta sit et deminuta eloquentia. Appropera, inquit *Maternus*, et potius exsolve promissum: neque enim hoc colligi desideramus, disertiores esse antiquos, quod apud me equidem in confesso est, sed causas exquirimus, quas te solitum tractare,¹ paulo ante, plane mitiore eloquentia, et temporum nostrorum, miratus,² antequam te Aper offenderet majores tuos lacescendo. Non sum, inquit, offensus Aprina disputatione; nec vos offendi decebit, si quid forte aures vestras perstringet; cum sciatis hanc esse ejusmodi sermonum legem, judicium animi, citra damnum affectus, proferre. Perge, inquit *Maternus*, et cum de antiquis loquaris, utere antiqua libertate, a qua vel magis degeneravimus, quam ab eloquentia.

28. Et *Messala*, non reconditas, *Materne*, causas requiris,

7 *Quam sanguinis.* Bene quidem. Multum enim dabat stomacho, at color et gravitas orationis decrant. Inde plus ei vis aut roboris, quam sanguinis, aut coloris.

8 *Scholasticorum.* Rhetorum, seu rhetorices præceptorum; ut inf. c. 29.

9 *Post Gabinianum.* Tunc oratoria fama insignem. Euseb. in Chronic. ad viii. Ves-

pasiani annum: 'Gabinianus, celeberrimi nominis rhetor, in Gallia docuit.'

1 *Solitum tractare.* V. sup. c. 15. et mox inf. c. 28 sq.

2 *Miratus.* Forte emendandum *miratissimus*. Intelligi tamen potest, *miratus sum*. V. not. et em. ad c. 27.

nec aut tibi ipsi, aut huic Secundo, vel huic Apro ignotas, etiamsi mihi partes adsignatis proferendi in medium, quæ omnes sentimus. Quis enim ignorat et eloquentiam, et ceteras artes, descivisse ab ista vetere gloria, non inopia hominum, sed desidia juventutis, et negligentia parentum, et inscientia præcipientium, et oblivione moris antiqui? quæ mala primum in Urbe nata, mox per Italiam fusa, jam in provincias manant: quamquam nostra nobis notiora sunt. Ego de Urbe, et his propriis ac vernaculis vitiis loquar, quæ natos statim excipiunt, et per singulos ætatis gradus cumulantur; si prius de severitate ac disciplina majorum circa educandos formandosque liberos pauca prædixero. Jam primum, suus cuique filius, ex casta parente natus, non in cella emtæ nutricis, sed gremio ac sinu matris educabatur, cujus præcipua laus erat, tueri domum, et inservire liberis. Eligebatur autem aliqua major natu propinqua, cujus probatis spectatisque moribus omnis ejusdem familiæ soboles committeretur, coram qua neque dicere fas erat, quod turpe dictu, neque facere, quod inhonestum factu videretur. Ac non studia modo curasque, sed remissiones etiam lusumque puerorum, sanctitate quadam ac verecundia temperabat. Sic Corneliam Gracchorum,¹ sic Aureliam Cæsaris,² sic Atiam³ Augusti matrem præfuisse educationibus, ac produxisse principes liberos accepimus: quæ disciplina ac severitas eo pertinebat, ut sincera, et integra, et nullis pravitatibus detorta, uniuscujusque natura toto statim pectore arriperet artes honestas, et sive ad rem militarem, sive ad juris scientiam, sive ad eloquentiæ studium inclinasset, id solum ageret, id universum hauriret.

29. At nunc natus infans delegatur Græculæ alicui ancillæ, cui adjungitur unus aut alter ex omnibus servis, plerumque vilissimus, nec cuiquam serio ministerio accommodatus.

¹ *Corneliam Gracchorum.* Cic. de clar. Orat. 27. 'Fuit Gracchus diligentia Cornelie matris a puero doctus, et Gracis literis eruditus:' deinde 58. 'Legimus epistolas Cornelie, matris Gracchorum: apparet filios non tam in matris gremio educatos, quam in sermone matris.' De laudibus Cornelie plura habet Plut. in Gracch. p. 836. Ei statua Romæ posita, de qua Plin. xxxiv, 6. 'Extant Catonis in censura vociferationes, mulieribus Romanis in provinciis status poni. Nec ta-

men potuit inhibere, quo minus Romæ quoque ponerentur, sicuti Cornelie Gracchorum matri, quæ fuit Africani [Scipionis majoris] prioris filia. Sedens huic posita, soleisque sine amento (i. e. sine loro) insignis, in Metelli publica porticu: quæ statua nunc est in Octaviae operibus.'

² *Aureliam Cæsaris.* Aurelia C. Julii Cæsaris, dictatoris, mater. V. Stem. Cæs. n. 2.

³ *Atiam.* De Atia, Augusti matre, dictum quoque in Stem. Cæs. n. 14.

Horum fabulis et erroribus¹ teneri statim et rudes animi imbuuntur. Nec quisquam in tota domo pensi habet, quid coram infante domino,² aut dicat, aut faciat: quando etiam ipsi parentes nec probitati, neque modestiæ, parvulos adsuefaciunt, sed lasciviæ et libertati;³ per quæ paulatim impudentia irrepit, et sui alienique contemptus. Jam vero propria et peculiararia hujus Urbis vitia pæne in utero matris concipi mihi videntur, histrionalis favor,⁴ et gladiatorum equorumque studia: quibus occupatus et obsessus animus quantulum loci bonis artibus relinquit? quotum quemque inveneris, qui domi quidquam aliud loquatur? quos alios adolescentulorum sermones excipimus, si quando auditoria intravimus? Ne præceptores quidem ullas crebriores cum auditoribus suis fabulas habent: colligunt enim discipulos non severitate disciplinæ, nec ingenii experimento, sed ambitione salutantium,⁵ et illecebris adulationis. Transeo prima discentium elementa, in quibus et ipsis parum elaboratur: nec in auctoribus cognoscendis, nec in evolvenda antiquitate, nec in notitia vel rerum, vel hominum, vel temporum, satis operæ insumitur: sed expetuntur, quos rhetoras vocant: quorum professio quando primum in hanc Urbem introducta sit, quamque nullam apud majores nostros auctoritatem habuerit, statim docuero.⁶

30. Referam necesse est animum ad eam disciplinam, qua usos esse eos oratores accepimus, quorum infinitus labor, et quotidiana meditatio, et in omni genere studiorum exercitationes, ipsorum etiam continentur libris. Notus est nobis utique Ciceronis liber, qui Brutus inscribitur,¹ in cujus extrema parte, (nam prior commemorationem veterum oratorum habet) sua initia, suos gradus, suæ eloquentiæ velut quamdam

1 *Et erroribus.* Hac de re, sicut de ceteris omnibus, quæ ad optimam liberorum educationem pertinent, v. Plut. Vol. ii, p. 1. *Περὶ παιδων ἀγωγῆς.*

2 *Infante domino.* Egregie Juvenal. xiv, 44. 'Nil dictu fœdum visuque hæc limina tangat, Intra quæ puer est: procul hinc, procul inde puellæ Lenonum, et cantus pernociantis parasiti. Maxima debetur puero reverentia. Si quid Turpe paras, nec tu pueri contemseris annos: Sed peccato obsistat tibi filius infans.' Alia plurima et egregia de hoc argumento ibidem vide.

3 *Libertati.* Libertatem pro licentia

effrænique libidine usurpavit quoque Tullius.

4 *Histrionalis favor.* Qui Romæ vigeat maxime. Inde Petron. in Sat. c. 5. studiosum juvenem monet, 'Neve plausor in scena Sedet redemptus histrioniæ addictus.'

5 *Ambitione salutantium.* Male, *salutantium.* Optime emendant Acidal. Schelius et Schulting. *salutationum.* Præceptores enim salutabant parentes, liberis adulabantur, sicque discipulos colligebant.

6 *Statim docuero.* V. inf. c. 35.

1 *Brutus inscribitur.* Extat adhuc liber

educationem refert: se apud Q. Mucium² jus civile didicisse; apud Philonem Academicum,³ apud Diodotum Stoicum⁴ omnes philosophiæ partes penitus hausisse: neque his doctoribus contentum,⁵ quorum ei copia in Urbe contigerat, Achaiam quoque et Asiam peragrasset, ut omnem omnium artium varietatem complecteretur. Itaque hercule in libris Ciceronis deprehendere licet, non geometriæ, non musicæ, non grammaticæ, non denique ullius ingenuæ artis scientiam ei defuisse. Ille dialecticæ⁶ subtilitatem, ille moralis partis⁷ utilitatem, ille rerum motus causasque cognovit: ita enim est, optimi viri, ita ex multa eruditione, ex pluribus artibus, et omnium rerum scientia, exundat et exuberat illa admirabilis eloquentia: neque oratoris vis et facultas, sicut ceterarum rerum, angustis et brevibus terminis cluditur: sed is est orator, qui de omni quæstione pulchre, et ornate, et ad persuadendum apte dicere, pro dignitate rerum, ad utilitatem temporum, cum voluptate audientium possit.

31. Hæc sibi illi veteres persuadebant: ad hæc efficienda intelligebant opus esse, non ut rhetorum scholis declamarent, nec ut fictis, nec ullo modo ad veritatem accedentibus, controversiis¹ linguam modo et vocem exercerent, sed ut his artibus pectus implerent, in quibus de bonis ac malis, de honesto ac turpi, de justo et injusto disputatur. Hæc enim

optimus, nec umquam satis laudandus legendusque, qui Brutus, seu, de claris Oratoribus, inscribitur.

2 Q. Mucium. Quintum Mucium Scaevolam; de quo Cic. de clar. Orat. 89. 'Ego autem, juris civilis studio, multum operæ dabam Q. Scaevolæ, P. F.' Memoratur quoque in Digest. Libr. i. Tit. 2. de Origine Juris, Leg. 2. ex Pomponio, n. 45.

3 Philonem Academicum. Cic. l. c. 'Eodemque tempore, cum princeps Academicæ Philo—Romam venisset, totum ei me tradidi.'

4 Diodotum Stoicum. Quem laudat Cic. ibid. c. 90. 'Eram cum Stoico Diodoto—a quo cum in aliis rebus, tum studiosissime in dialectica exercebar.'

5 Contentum. Cic. ibid. c. 91. 'Itaque cum essem biennium versatus in causis, et jam in foro celebratum meum nomen esset, Roma sum profectus. Cum venissem Athenas, sex menses cum Antiocho, veteris Academicæ nobilissimo et pru-

dentissimo philosopho, fui. Eodem tamen tempore Athenis apud Demetrium Syrum veterem et non ignobilem dicendi magistrum, studiose exercere solebam. Post a me Asia tota peragrata est, cum summis quidem oratoribus, quibuscum exercebar ipsis lubentibus.'

6 Dialecticæ. De qua Quintilian. Institut. Orat. xii, 2. 'Hæc pars dialectica, sive illam dicere malimus disputatricem, est utilis sæpe et finitionibus, et comprehensionibus, et separandis, quæ sunt differentia, et resolvenda ambiguitate, et distinguendo, dividendo, illiciendo, implicando.—Jam quidem pars illa moralis, quæ dicitur Ethicæ, certe tota oratori est accommodata.'

7 Moralis partis. Cic. de Fato l. 'Nos eam partem philosophiæ, de moribus appellare solemus: sed decet augmentem linguam Latinam nominare moralem.'

1 Controversiis. Quales adhuc extant Senecæ controversiæ, et Quintiliani declamationes.

est oratori subjecta ad dicendum materia. Nam in iudiciis fere de æquitate, in deliberationibus de honestate dicimus, ita ut plerumque hæc ipsa invicem misceantur: de quibus copiose, et varie, et ornate nemo dicere potest, nisi qui cognovit naturam humanam, et vim virtutum, pravitatemque vitiorum, et intellectum eorum, quæ nec in virtutibus, neque in vitiis numerantur. Ex his fontibus etiam illa profluunt, ut facilius iram iudicis vel instiget, vel leniat, qui scit quid ira; promptius ad miserationem impellat, qui scit quid sit misericordia, et quibus animi motibus concitetur. In his artibus² exercitationibusque versatus orator, sive apud infestos, sive apud cupidos, sive apud invidentes, sive apud tristes, sive apud timentes dicendum habuerit, tenebit habenas animorum: et prout cujusque natura postulabit, adhibebit manum, et temperabit orationem, parato omni instrumento, et ad omnem usum reposito. Sunt apud quos adstrictum, et collectum, et singula statim argumenta concludens dicendi genus, plus fidei meretur: apud hos dedisse operam dialecticæ proficiet. Alios fusa, et æqualis, et ex communibus ducta sensibus oratio, magis delectat: ad hos permovendos mutuabimur a Peripateticis³ aptos, et in omnem disputationem paratos jam locos.⁴ Dabunt Academici pugnacitatem,⁵ Plato altitudinem, Xenophon jucunditatem: ne Epicuri quidem et Metrodori honestas quasdam exclamationes⁶ adsumere, hisque, prout res poscet, uti, alienum erit oratori: neque enim sapientem informamus, neque Stoicorum civitatem, sed eum, qui non quasdam artes audire,⁷ sed omnes liberaliter debet. Ideoque et juris civilis scientiam veteres oratores comprehendebant, et grammatica, musica, et geometria imbuebantur. Incidunt enim causæ plurimæ quidem, ac pæne

² *His artibus.* Nec aliter Petron. in Sat. c. 5. 'Mox et Socratico plenus grege, mittat habenas Liber, et ingentis quatiat Demosthenis arma.'

³ *Mutuabimur a Peripateticis.* V. not. et em. ad c. 31.

⁴ *Paratos jam locos.* His de locis libros octo Topicorum edidit Aristoteles, Peripateticorum princeps. V. et Cic. Topic. 1 et 2.

⁵ *Academici pugnacitatem.* Academicis enim mos est 'in utramque partem disse- rendi;' quod 'ad exercitationem foren- sium causarum proxime' accedit. Quinti- lian. Instit. Orat. xii, 2. Quænam philo-

sophiæ secta magis ad eloquentiam con- ferat ibi expendit. Peripateticam et Aca- demicam anteponebat Cic. Lib. iii. de Ora- tore.

⁶ *Exclamationes.* Exclamations illas ἀνακρουσµατα ἱπὰ appellabat Epicurus, iisque sæpissime utebatur. Exempla sup- peditat vita Epicuri ap. Diog. Laert. Lib. x. V. quoque notas Casauboni, c. 5. Metrodorus autem discipulus fuit Epicuri. Utriusque herma, conjunctis capitibus, re- pertus est anno 1743. Romæ in Liberianæ Basilicæ fundamentis, ut docet P. Ga- leotti, Ficoroni Gemmæ illustrate, p. 136.

⁷ *Artes audire.* Verius, *adire.*

omnes, quibus juris notitia desideratur: pleræque autem, in quibus hæ quoque scientiæ requiruntur.

32. Nec quisquam respondeat sufficere ut ad tempus simplex quiddam¹ et uniforme doceamur. Primum enim aliter utimur propriis, aliter commodatis: longèque interesse manifestum est, possideat quis quæ profert, an mutuetur. Deinde ipsa multarum artium scientia etiam aliud agentes nos ornat, atque ubi minime credas, eminet et excellit. Idque non doctus modo, et prudens auditor, sed etiam populus intelligit: ac statim ita laude prosequitur, ut legitime studuisse, ut per omnes eloquentiæ numeros isse, ut denique oratorem etiam fateatur: quem non posse aliter exsistere, nec extitisse umquam confirmo, nisi eum, qui, tamquam in aciem omnibus armis instructus, sic in forum omnibus artibus armatus exierit: quod adeo negligitur ab horum temporum disertis, ut in actionibus eorum fex quoque quotidiani sermonis, fœda ac pudenda vitia deprehendantur, ut ignorent leges, non teneant senatusconsulta, jus civitatis ultro derideant: sapientiæ vero studium et præcepta prudentium penitus reformident, in paucissimos sensus et angustas sententias detrudant eloquentiam, velut expulsam regno suo: ut quæ olim omnium artium domina pulcherrimo comitatu pectora implebat, nunc circumcisa et amputata, sine apparatu, sine honore, pæne dixerim sine ingenuitate,² quasi una ex sordidissimis artificiis, discatur. Ego hanc primam et præcipuam causam arbitror, cur tantum ab eloquentia antiquorum oratorum recesserimus. Si testes desiderantur, quos potiores nominabo, quam apud Græcos Demosthenem? quem studiosissimum Platonis auditorem fuisse memoriæ proditum est.³ Et Cicero, his, ut opinor, refert verbis, *quidquid in eloquentia effecerit, id se non rhetorum, sed Academiae spatiis consecutum*. Sunt aliæ causæ magnæ et graves, quas a vobis aperiri æquum est, quoniam quidem ego jam meum munus explēvi, et, quod mihi in con-

1 *Simplex quiddam*. Sufficere ut, cum tempus resque postulant, simplicia quædam et uniformia artium principia a peritis doceamur.

2 *Sine ingenuitate*. Ingenuitas servituti opponitur. 'Ingenui sunt, qui ex matre libera nati sunt,' Digest. Lib. i, Tit. 5. de Statu hominum, Leg. 5. ex Marciano.

3 *Proditum est*. Idem prodit Quintilian.

Instit. Orat. xii, 2. Constat Demosthenem, principem omnium Græciæ oratorum, dedisse operam Platoni. Nam M. Tullius, non tantum se debere scholis rhetorum, quantum Academiae spatiis, frequenter ipse testatus est. Neque se tantam eo umquam fudisset ubertas, si ingenium suum concepto fori, non ipsius naturæ finibus terminasset.

suetudine est, satis multos offendi: qui si forte hoc audirent,⁴ certum habeo dicturos, me, dum juris et philosophiæ scientiam, tamquam oratori necessariam, laudo, ineptiis meis plausisse.

33. Et *Maternus*, mihi quidem, inquit, susceptum a te munus adeo peregis non dum videris, ut inchoasse tantum, et velut vestigia ac lineamenta quædam ostendisse videaris. Nam quibus instrui veteres oratores soliti sint, dixisti, differentiamque nostræ desidiæ et inscientiæ adversus acerrima et foecundissima eorum studia demonstrasti: cetera expecto, ut, quemadmodum ex te didici quid aut illi scirent, aut nos nesciamus, ita hoc quoque cognoscam, quibus exercitationibus juvenes, jam et forum ingressi, confirmare et alere ingenia sua soliti sint: neque enim arte et scientia, sed longe magis facultate¹ eloquentiam contineri, nec tu, puto, abnues, et hi significare vultu videntur. Deinde cum *Aper* quoque et *Secundus* idem annuissent, *Messala*, quasi rursus incipiens: Quoniam initia et semina veteris eloquentiæ satis demonstrasse videor, docendo quibus artibus antiqui oratores institui erudiri soliti sint, persequar nunc exercitationes eorum, quamquam ipsis artibus inest exercitatio, nec quisquam percipere tot reconditas, aut tam varias res potest, nisi ut² scientiæ meditatio, meditationi facultas, facultati vis eloquentiæ accedat: per quæ colligitur eandem esse rationem, et percipiendi, quæ proferas, et proferendi, quæ perceperis: sed si cui obscuriora hæc videntur, isque scientiam ab exercitatione separat, id certe concedet, instructum et plenum his artibus animum, longe paratiorem ad eas exercitationes venturum, quæ propriæ circa oratoriam³ videntur.

34. Ergo apud majores nostros juvenis ille, qui foro et eloquentiæ parabat, imbutus jam domestica disciplina, refertus honestis studiis, deducebatur a patre, vel a propinquis, ad eum oratorem, qui principem in civitate locum obtinebat:

⁴ *Hoc audirent*, Mallet, forte hæc audierint.

¹ *Facultate*. Facultate dicendi. Sic ab *Asinio Pollione* egregie dictum: 'Commode agendo factum est, ut sæpe agerem: sæpe agendo, ut minus commode: quia scilicet assiduitate nimia facilitas magis quam facultas, nec fiducia, sed temeritas

paratur.' Facultatem quoque pro temporali dicendi facilitate usurpavit *Quintilianus*. *Instit. Orat.* ii, 4.

² *Nisi ut*. Mallet *Illustr.* *Huetius*, nisi et.

³ *Propriæ circa oratoriam*. Emendandum videtur, *propriæ oratorum*. V. not. et em. ad c. 33.

hunc sectari, hunc prosequi, hujus omnibus dictionibus interesse, sive in judiciis, sive in concionibus adsuescebat, ita ut altercationes quoque excipere, et jurgiis interesse, utque sic dixerim, pugnare in prælio disceret: magnus ex hoc usus, multum constantiæ, plurimum judicii juvenibus statim contingebat, in media luce studentibus, atque inter ipsa discrimina, ubi nemo impune stulte aliquid, aut contrarie dicit, quominus et judex respuat, et adversarius exprobet, ipsi denique advocati aspernentur. Igitur vera statim et incorrupta eloquentia imbuebantur: et quamquam unum sequerentur, tamen omnes ejusdem ætatis patronos in plurimis et causis et judiciis cognoscebant: habebantque ipsius populi diversissimarum aurium copiam, ex qua facile deprehenderent quid in quoque vel probaretur, vel displiceret. Ita nec præceptor deerat optimus quidem, et electissimus, qui faciem eloquentiæ, non imaginem præstaret: nec adversarii¹ et æmuli, ferro, non rudibus² dimicantes: sed auditorium semper plenum, semper novum, ex invidis et faventibus, ut nec bene dicta³ dissimularentur. Scitis enim magnam illam et duraturam eloquentiæ famam non minus in diversis subselliis parari, quam suis: quinimmo constantius surgere ibi, fidelius corroborari. Atque hercule sub ejusmodi præceptoribus juvenis ille, de quo loquimur, oratorum discipulus, fori auditor, sectator judiciorum, eruditus et adsuefactus alienis experimentis, cui, quotidie audienti, notæ leges, non novi judicum vultus, frequens in oculis consuetudo concionum, sæpe cognitæ populi aures, sive accusationem susceperat, sive defensionem, solus statim et unus⁴ cuicumque causæ par erat. Nonodecimo⁵ ætatis anno L. Crassus C. Carbonem, uno et

¹ Nec adversarii. Nec deerant adversarii et æmuli, qui ferro, non rudibus dimicabant.

² Non rudibus. Rudis erat virga, qua gladiatorum tirones exercebantur, antequam ferro mucronibusque dimicarent.

³ Nec bene dicta. Emendabat Rodolphus Agricola, Nec bene nec male dicta. Ad sensum apposite.

⁴ Solus—unus. Bene Illustr. Huetius: Non hoc sibi vult nullum alium præter ipsum cuicumque causæ parem fuisse, sed quamcumque causam ad eum detulisses, solum ipsum, nullo in subsidium assumto, nullius advocato auxilio, sustinere ipsam

potuisse.

⁵ Nonodecimo. Error aliquis in numeris irrepsit. Natus est enim L. Crassus, teste Cic. de clar. Orat. 43. Q. Cæpione et C. Lælio coss. a. v. c. 614. Cos. fuit C. Papirius Carbo a. v. c. 634. Anno sequenti Carbonem accusavit Crassus annos natus unum et viginti, ut ipse testatur ap. Cic. de Oratore, iii, 74. ipse 'omnium maturime ad publicas causas accessi, annosque natus unum et viginti nobilissimum hominem et eloquentissimum in judicium' vocavi. Postea maturius oratum fuisse testis est Plin. Ep. v, 8. qui 'undevicesimo ætatis anno dicere in foro' cepit. Nobis

vicesimo⁶ Cæsar Dolabellam, altero et vicesimo Asinius Pollio C. Catonem, non multo ætate antecedens Calvus Vatinium,⁷ iis orationibus insecuti sunt, quas hodieque cum admiratione legimus.

35. At nunc adolescentuli nostri deducuntur in scenas scholasticorum,¹ qui rhetores vocantur: quos paulo ante Ciceronis tempora² extitisse, nec placuisse majoribus nostris, ex eo manifestum est, quod, L. Crasso et Domitio³ censoribus, cludere, ut ait Cicero, ludum impudentiæ⁴ jussi sunt. Sed, ut dicere institueram, deducuntur in scholas, quibus, non facile dixerim, utrumne locus ipse, an condiscipuli, an genus studiorum plus mali ingeniis adferant. Nam in loco nihil reverentiæ, sed in quem nemo nisi æque imperitus intrat. In condiscipulis nihil profectus, cum pueri inter pueros, et adolescentuli inter adolescentulos, pari securitate et dicant, et audiantur. Ipsæ vero exercitationes magna ex parte contrariæ. Nempe enim duo genera materiarum apud rhetores tractantur, suasoriæ, et controversiæ.⁵ Ex iis suasoriæ qui-

quoque non defuere præmaturæ eloquentiæ exempla. Visus est superiore seculo Jacobus Corbin, quem senatus Parisiensis in album advocatorum retulit annos tantum tredecim natum: primam causam publice egit die prima mensis Aprilis, anno 1632. ætatis suæ quartodecimo.

6 *Uno et vicesimo.* Julius Cæsar natus est A. V. C. 654. Cornelium Dolabellam, consularem et triumphalem virum, repetundarum postulavit A. V. C. 677. ut videtur ex Suet. Jul. 4. et ex Plut. in Jul. p. 708. Ergo tunc viginti tres, aut viginti quatuor annos natus erat Cæsar.

7 *Calvus Vatinium.* De Calvo dictum sup. c. 17. Is Vatinium de ambitu accusavit. Paucis Quintilian. Instit. Orat. xii, 6. 'Calvus, Cæsar, Pollio, multum ante quaestoriam omnes ætatem gravissima iudicia' suscepunt.

1 *Scenas scholasticorum.* Bene Lips. 'Apposite scenas appellat, loca in quibus fucata illa et personata eloquentia exercitur velut per lulum.'

2 *Ciceronis tempora.* Rhetores Romæ pulsi sunt Valerio Messala et Fannio Strabone coss. A. V. C. 593. Gellius xv, 11. Natus est vero Tullius, Q. Cæpione et Q. Serrano coss. A. V. C. 648. teste eodem Gellio xv, 28.

3 *L. Crasso et Domitio.* A. V. C. 662. censores fuere Lucius Licinius Crassus et Cneius Domitius Ahenobarbus: quorum

memoria extat in nummis familiæ Domitiæ, L. LIC. CN. DOMIT. Eorum decretum de rhetoribus refert Suet. de clar. Rhet. 1. 'Renuntiatum est nobis esse homines, qui novum genus disciplinæ instituerunt: ad quos juvenus in ludos conveniat: eos sibi nomen imposuisse Latinos rhetoras: ibi homines adulescentulos totos dies dedere. Majores nostri, quæ liberos suos discere, et quos in ludos itare vellent, instituerunt. Hæc nova, quæ præter consuetudinem ac morem majorum fiunt, neque placent, neque recta videntur. Quapropter et iis qui eos ludos habent, et iis qui eò venire consueverunt, videtur faciendum, ut ostendamus nostram sententiam, Nobis non placere.' V. et Gellium xv, 11.

4 *Ludum impudentiæ.* Cic. de Oratore, iii, 94. L. Crassum hac de re ita loquentem inducit: 'Hos vero novos magistros nihil intelligebam posse docere, nisi ut auderent: quod, etiam cum bonis rebus conjunctum, per seipsum est magnopere fugiendum. Hoc cum unum traderetur, et cum impudentiæ ludus esset, putavi esse censoris, ne longius id serperet, providere.'

5 *Suasoriæ, et controversiæ.* Extant adhuc M. Annæi Senecæ, rhetoris, suasoriarum liber unus, controversiarum libri decem.

dem, etsi tamquam plane leviores et minus prudentiæ exigentes, pueris delegantur; controversiæ robustioribus adsignantur, quales per fidem,⁶ et quam incredibiliter compositæ! Sequitur autem ut materiæ, abhorrenti a veritate, declamatio quoque adhibeatur. Sic fit ut tyrannidarum præmia,⁷ aut vitiatarum electiones,⁸ aut pestilentiae remedia,⁹ aut incesta matrum, aut quidquid in schola quotidie agitur, in foro vel raro, vel numquam, ingentibus verbis persequantur: cum ad veros iudices ventum est,¹⁰ [juvenes, puerilibus¹¹ institutis sine ulla privati publicique juris experientia per plures annos innutriti, nihil afferunt quod fori dignitatem deceat, aut clientium alat utilitates. At vitia, quæ umbratici doctores¹² iis infudere, irreverenter et temere explicant. Hinc, si præceptorem audacia turgidum fuerint nacti, hos videas alta cervice, tortis oculis, plenis buccis, superboque totius corporis habitu declamationum portenta cum inani verborum fragore crepantes. Contra si iis fuerit doctor ex illo mellitorum hominum grege, qui fucatæ artis lenociniis ingenii famam aucupantur, crispantes cernas adolescentulos, qui renidenti vultu, fracta pronuntiatione, gestu supplici verba suspendant, sententias

6 *Per fidem.* Exclamatio, ut 'proh fidem! Dii!'

7 *Tyrannidarum præmia.* Præmia, quæ, occiso tyranno, tyrannicidæ petebant. Hujus argumenti, eorumque quæ sequuntur, quæque adolescentibus proponi nunquam debuissent, exempla manent plurima in Senecæ, Quintiliani et Calpurnii Flacci declamationibus.

8 *Vitiatarum electiones.* Frequens enim in his scholis declamationum materia, raptæ, quæ raptoris mortem, vel nuptias optabant. Inde vitiatarum electiones.

9 *Pestilentiae remedia.* Absurda hæc argumenta jam exhibilaverat Petron. in Sat. cap. 1. 'Ideo ego adolescentulos existimo in scholis stultissimos fieri, quia nihil ex iis, quæ in usu, habemus, aut audiunt, aut vident, sed piratas cum catenis in littore stantes, et tyrannos edicta scribentes, quibus imperent filiis ut patrum suorum capita præcidant; sed responsa in pestilentiam data, ut virgines tres aut plures immolentur, sed mellitos verborum globulos, et omnia dicta factaque quasi papavere et sesamo sparsa. Qui inter hæc nutriuntur, non magis sapere possunt, quam bene olere qui in culina habitant.'

Talia quoque et absurda argumenta repudiavit Quintilian. Instit. Orat. ii, 10. 'Sint ergo et ipsæ materiæ, quæ finguntur, quam simillimæ veritati. Nam magos, et pestilentiam, et responsa, et sæviores tragicis novercas, aliaque magis adhuc fabulosa, frustra inter sponsiones et interdicta quæremus.' Fingebant enim isti rhetores pestilentiae tempore adiri oracula, vates consuli, responderi immolandum virginem, aliave similia, quæ mirum in modum exaggerabant.

10 *Ventum est.* Hic multa periere: extrema scilicet sermonis Messalæ, integra Julii Secundi oratio: initia quoque periere in sermone Materni, ad quem hæc referas, 'rem cogitare, nihil humile,' &c. V. not. et em. ad c. 35. Ne hiulca maneret pars illa dialogi utilissima, et oratoriam artem ex usu Romanorum hujusque seculi moribus explicarem, opus fuit defectum hunc supplere.

11 *Juvenes, puerilibus.* Hæc prima sunt Supplementi nostri verba, quæ satis indicat ipsa dialogi series.

12 *Umbratici doctores.* Umbraticos illos doctores eorumque vitia irrident Petronius initio Sat. et Plin. Ep. ii, 14.

intricent, argutias agglomerent, seque ad omnes scenicas artes vertant, quibus fucum faciant, atque sui admirationem moveant.

II. *Histrionica* hac institutione eloquentiam perdidimus, quæ non venalibus præceptis, sed egregia natura in libertatem prona et ad quosvis motus parata, bona mente recti verique studiosa, magnis exemplis, plurima legum scientia, fervida civium patriæque caritate, longa ac severa¹ cum cogitandi, tum scribendi ac dicendi exercitatione formatur et perficitur. Hæc dum apud nos viguere, floruit simul eloquentia. Ubi senescere cœpere, paulatim quoque eloquentia relanguit; adventitiisque vitiis obruta, jacet consepulta, nec umquam, (utinam me mea fallat opinio) resurget. Constat enim ætatum artiumque omnium experientia a modicis et rudibus initiis ad summum perfectumque evectas fuisse bonas hominum mentes: ab illo autem perfectionis apice si semel exciderint, humanarum virium humanæve sortis non esse, unde descensum est regredi.

III. Messala, cum hæc acri intentione dixisset, ad Maternum et Secundum conversus,¹ vestrum est, inquit, altiores illas rerum vices, aut si qua alia est causa cur ab eloquentia deflexerimus, evolvere. Tibi enim, Materne, pro poetico tuo jure, credita Deum arcana. Te, Secunde, quidquid in foro reconditum docuere longa experientia ingensque gloria. Tum subridens *Maternus*, a te, Messala, impositas, a nobis susceptas partes exsequemur. At, licet me Deum interpretem dixeris, prior tamen Secundus sententiam suam aperiat. In his enim, quas tractamus, quæstionibus explicandis, plus valet usus et meditatio, quam vel divinus numinum afflatus.

IV. Obsequar, inquit *Secundus*: idque tanto libentius præstitero, quod Messalæ sententiam potius sum confirmaturus, quam novam meamque inducturus. Semper enim existimavi,

¹ *Longa ac severa.* Hæc vitia arguit Petron. l. c. Parentes objurgatione digni sunt, qui nolunt liberos suos severa lege proficere. Primum enim sicut omnia, spes quoque suas ambitione donant: deinde cum ad vota properant, cruda adhuc studia in forum propellunt, et eloquentiam, qua nihil esse majus confitentur, pueris induunt adhuc nascentibus. Quod si pate-

rentur laborum gradus fieri, ut studiosi juvenes lectione severa mitigarentur, ut sapientiæ præceptis animos componerent, ut verba atroci stylo effoderent, ut quod vellent imitari diu audirent, sibi nihil esset magnificum quod pueris placeret.

¹ *Ad-conversus.* Id postulat superior Dialogi pars.

ut pictores a pictoribus, poetas a poetis, sic oratores ab oratoribus esse instituendos; multumque vitii esse in scholis rhetorum,¹ qui se doctores eloquentiæ profitentur, quam numquam novere, aut si novere, numquam discipulis sunt tradituri, cum scholarum tædiis vel decora præceptorum ingenia deterantur, discipulorum obruantur. Lentius tamen mutata fuisset veteris eloquentiæ forma, si sola ingruissent scholarum vitia. At ubi supervenere pessima exempla, juvenum licentia, popularisque assentatio, tum eloquentia præcipiti casu in exitiabilem irreparabilemque ruinam prolapsa est; nosque ad eas, quibus nunc coarctamur, disertis sermonis angustias fuimus detrusi. Quam autem pessimis exemplis id fuerit factum, ipsi vidistis.

V. Illorum enim temporum meministis, quibus hæc civitas famæ, quam armis literisque paraverat, pertæsa, intentatas iniit vias, ut non majorum, sed suis, laudibus celebraretur. Reipublicæ libertas in Principum dominationem cesserat, eorumque artibus cavebatur, ut fastidita externa vetereque gloria toti ad domesticas novasque delicias converteremur. Dum in hæc otia resolvimur, et suum quisque ingenium miris modis contorquet, quibus ignotos ad gloriam aditus aperiatur, omnes vicit infelix L. Annæi Senecæ¹ facilitas. Absit a me inhonesta hæc malignitas, ut veras viri laudes deteram. Egregia in eo sapientiæ studia, nec fractum malorum Principum odiis animum ipse suspexi semperque suspiciam. At neque veritas patitur ut, quam perniciem eloquentiæ intulerit, dissimulem.

VI. Ceterum natura fortunaque paratus fuit Seneca, ut eam literis mutationem inveheret. Copiosum enim illi erat ingenium, molle, amœnum, eruditio multiplex, majorque commendatio ex sapientiæ studiis, quæ numquam plus laudis obtinent, quam cum mores periere. Usus et seculi sui aurbus, dicendi genus attemperavit facile, breve, sermoni proximum, verbis circumcisum, sententiis frequens, et jugi vitio-

¹ *Scholis rhetorum.* Inde Petron. l. c. 'Pace vestra liceat dixisse, primi omnem eloquentiam perdidistis. Levibus enim atque inanibus sonis ludibria quædam excitando effecistis, ut corpus orationis enervaretur et caderet—Grandis, et, ut ita dicam, pudica oratio non est maculosa,

nec turgida, sed naturali pulchritudine exsurgit. Nuper ventosa ista et enormis loquacitas Athenas ex Asia commigravit,' &c.

¹ *L. Annæi Senecæ.* Ejus virtutes vitiaque diligenter notavit Quintilian. Instit. Orat. x, 1.

rum insectatione ad admirationem compositum. Mirum ut placuit nova hæc orationis species,¹ in qua cuius obvia semperque expedita ingenii ac virtutis ostentatio. Forum Senecæ laudibus statim personuit. Incensa ad imitandum omnium studia. Super hæc adfuit fortuna, quæ eum aulae deliciis, forte et libidinibus immiscuit. Subsecuta mox Caii Cæsaris invidia, deinde pericula, quibus æque inclaruit. Novissimum tandem ac maximum celebritatis adjumentum Nero Princeps discipulus, post interfecto, ingenii famæ pondus et splendorem addidit. Tum puduit eloquentiæ, quæ apud animos novitatis furore circumactos non modo nihil pristinae dignitatis retinebat, sed cujus etiam ars cultusque in ludibria verterant. Favebat adhuc temporum ratio, quibus virtus erat pavida, scelere nihil illicitum. Utrique contraria eloquentia, quæ huic lentior, illi invalidior videbatur. Juvit ergo in hac temporum acerbitate verbis parcere, præcipitare sensus, momento exitium inferre aut avertere, et, si esset pereundum, insigni dicto notescere. His dulcibus Senecæ vitiis tantisque fortunæ varietatibus victa est eloquentia, et disertis sermonis invecta necessitas.

VII. Mutatis tamen postea temporibus, cum vigilantissimus Vespasianus, priscae virtutis qua sese Romana res in summum laudis fastigium olim extulit observantissimus, publicam tranquillitatem simul et libertatem restituit, studiis addidit decus et emolumentum, illuxit spes emendari posse fori ingenia. Conspirabat non modo voluntas Principis, qui optima quæque laudibus et præmiis promovebat: aderant quoque ejus filiorum¹ exempla, dum literarum monumentis generis sui nobilitatem, partamque bellis gloriam amplificant. At præterquam quod vitiata semel ingenia, plerumque sunt inemendabilia, quominus emendarentur obstitit juvenilis licentia et popularis favor. Vobis enim compertum est quam audacter, post prostratam forensem eloquentiam, eruperit juvenum licentia. Nihil modesti, nihil antiqui moris fuit reliquum. Ante ne nobilissimis quidem adolescentibus locus erat, nisi

¹ Nova—species. Ita placuit Senecæ ingenium, ut postea ii ipsi, qui Ciceronem laudabant, et eloquentiæ laudem affectabant, in Senecæ imitationem semper reciderent, ejusque flosculos sectarentur. Nec

umquam, dum adhuc stetit Romanum imperium, revixit eloquentia.

¹ Ejus filiorum. Titi et Domitiani. Uterque literarum studiis inclaruit.

aliquo consulari producente,² qui eos ostenderet foro, adsignaret famæ. Ubi autem exarsit licentia, refractis pudoris et reverentiæ claustris, omnia omnibus patuere. Juvenes sine fautore, sine commendatore, sola sua audacia confisi, non inducuntur, sed irrumpunt. Non eos moratur loci majestas, legum sanctitas, officii dignitas: ne eos quidem movet novitatis et tenuitatis suæ conscientia. Quanto quis obscurior, tanto est arrogantiior.

VIII. In hac mali summa unicum supererat subsidium, famæ periculum. Leve illud et extremum præsidium infregit Largius Licinius.¹ Is enim, ne fama foret in ancipiti, primus auditores corrogavit, pretio implevit subsellia, ingenti corona se accinxit, infinitos clamores conduxit. Quos cum audiisset Domitius Afer,² forense artificium periisse exclamavit. Perire quidem cœperat, nunc vero propè funditus extinctum et eversum est. Nam si paucos exceperis, quos excelsa mens a liberalibus honestisque studiis nondum retraxit, ceteros omnes sequuntur auditores, actoribus similes, conducti et redempti³ mancipēs. Convenitur in media basilica, ubi tam palam sportulæ, quam in triclinio dantur. Ex judicio in judicium pari mercede transitur. Græca quidem Latinaque lingua tantam fœditatem notavimus; et, ob novam infamiam, novis excogitatis nominibus, σοφοκλείς illos et laudicenos⁴ irrisimus. Quibus tamen jocularibus dicteriis vitium non sustulimus; sed, quod vulgo contingit, celebritatem fiduciamque ei addidimus.

IX. Inde crescit in dies indignitas; nec tantum ingenui, sed et servi, vix pueritiam egressi, ad laudandum trahuntur: nec intelligentes, aut intelligentibus similes, sed ne audientes quidem, maxime si quis imperitissimus, ideoque laudum avi-

² Consulari producente. Hæc quidem fusc explicat Plin. ii, Ep. 14. Eundem ea de re adhuc v. Ep. viii, 14.

¹ Largius Licinius. Plin. Ep. ii, 14. 'Primus hunc audiendi morem induxit Largius Licinius: hactenus tamen, ut auditores corrogaret. Ita certe ex Quintiliano, præceptore meo, audisse memini.'

² Domitius Afer. Jam sæpe laudatus. V. et sup. An. iv, 52. et xiv, 19.

³ Conducti et redempti. Nomenclatores suos ternis denariis, Angl. 2s. ad laudan-

dum tractos memorat Plin. Ep. ii, 14. Tam exigua mercede parabatur apud imperitos disertissimi fama. Penes autem peritos tanto major erat contemptus. Unde Plin. ibid. 'Scito eum pessime dicere, qui laudabitur maxime.'

⁴ Laudicenos. Plin. ibid. 'Inde jam non inurbane σοφοκλείς vocantur: iisdem Latinum nomen impositum est laudiceni: et tamen crescit in dies fœditas utraque lingua notata.' Inter acclamationes præcipua erat σοφῆς. Inde Martial. i, 50. 'Mercede-

dissimus juvenis ad dicendum accesserit, basilicas implent clamoribus, aut potius ululatibus. Neque enim alio vocabulo potest exprimi theatri quoque indecora laudatio. Quæ cum reputo fori nostri propudia, haud miror, Materne,¹ te jam dudum receptui cecinisse, et, cum perierit forensis gloria, te Musis totum te addixisse. Id unum oro, quoniam nostræ disputationi, de causis corruptæ apud nos eloquentiæ finem impositurus es, addas velim utrum tibi sit meliorum temporum spes, et quæ possit esse emendationis ratio doceas.

X. Fateor, inquit *Maternus*, me irrepentibus in forum vitiis haud mediocriter fuisse commotum. Magis adhuc me offendeat; quod in dies invalesceret ferox scelus, pudendum cum defenderetur, exitiabile si impugnaretur. Nondum tamen a forensi studio fuissem retractus, ni imperiosior natura me Musis devovisset. Certum enim ac deliberatum mihi erat, quod in foro nobilissimum et incorruptum supererat sequi, veterum oratorum exempla non eadem eloquentiæ vi, quam nostra non ferunt tempora, sed pari constantia æmulari, pro virili parte adversus imminetia mala me accingere, et civium fortunas, dignitatem, salutem tueri. At, ut modo dixi,¹ naturæ alio trahenti parere jussus, ad tranquilliora et securiora Musarum castra transfugi. Animo tamen hæret semper fori amor et cura.

XI. Sæpe etiam, cum meditabundus solusque obambulo, in forenses revolvor cogitationes, mecumque reputo veteris eloquentiæ casum, disertis nostri sermonis originem, utriusque causas et utilitates. Quid hac super re mihi visum explicabo, non contradicendi studio, neque ut sensus meos persuadeam; sed ut in hac disputatione partes meas impleam, nostrisque vel discordibus sententiis magis elucescat veritas. Ignoscat itaque *Aper*, si hujus temporis ingenia majorum ingeniis non anteferam, licet nostra minime deprimam. Ne succenseat *Messala*, quem tu quoque, *Secunde*, adsectatus es. Vitia quæ acerrime, ut integerrimos decebat viros, exagitas, ego pariter odi. Vos tamen rhetoribus haud ita infensos voluissem, non quod eos renovandæ eloquentiæ habiles exis-

tur alius grande et insanum sophos.¹ Ideoque dicebantur σοφοκλήεις.

¹ *Materne*. Maternum dialogo finem im-

posuisse videre est ex iis quæ sequuntur.

¹ *Modo dixi*. V. sup. c. 11 et 12.

timem, sed quod multos noverim morum integritate, severitate disciplinæ, literarum cultu formandæ juventuti utilissimos. Hos etiam inter unus eminere cœpit,¹ qui quantum hac in re consequi valet humana industria, tantum præstabit. Illum prior ætas laudasset, mirabitur postera. At ne tibi, Secunde, vana spes illudat: neque hujus, neque alius cujusvis artificio reviviscet eloquentia, quam, cum nondum pullulassent nostræ ætatis vitia, rerum et temporum necessitate amisimus.

XII. Nihil enim hic constans et æternum: omnia mutationi obnoxia. Atque ut corporibus valetudinis, ita quoque ingeniis fatale est summum claritatis incrementum. Ubi primum crescere non possunt, statim decrescunt, et semper in deterius vergunt. Ea est humanarum rerum suprema lex, cui omnis ætas, gentes omnes, quæ sui memoriam reliquere, ante nos paruerunt. Insuper viget egregia quidem, dura tamen, naturæ necessitas, numquam magis quam in literis potens. Una enim et simplex unicum tantummodo patitur exemplar,¹ ad quod, si semel emicuit, accedere arduum est, quod superare velle vanum est et absurdum. Ineluctabile illud fatum ne vincere quidem potuit ipsa Græcia, sæcundissima ingeniorum parens. Unicus illi Homerus, unicus Plato, unicus Demosthenes. Pari lege premimur; nec vereor superba futuræ ætatis judicia: ut apud nos unicus est Virgilius, unicus quoque erit Cicero. Per septingentos ferme annos de hac exemplaris gloria oratoribus nostris certare licuit. Postquam intonuit sublime et eloquentissimum Ciceronis os, desiit certamen. Occupata eloquentiæ gloria, nova laus per disertum dicendi genus fuit quærenda, quod ipsa invexisset mutata reipublicæ forma.

XIII. Temporibus enim et fortunæ semper attemperata est oratio. Apud agrestes ferosque homines, pauca sunt verba, dura, ac vix juncta, quæ necessitati tantum sufficiant. Contra iis, qui Principum arbitriis reguntur, regnorumque tranquillitati et opibus insuevere, elegans copiosusque sermo, ad assentationem compositus, qui otio et luxui abunde suppe-

¹ *Eminere cœpit.* Quintilian, tum Romæ profitebatur rhetoricam artem. Extant adhuc ejus Institutiones oratoriæ, optimum præstantissimumque artis monumentum.

Tac.

¹ *Patitur exemplar.* Ea lex ap. Græcos, ap. Romanos viguit. Viget et ap. nos. Utinam non vigeat semper; deturque nobis vincere egregia, quæ tulimus, exemplaria,

tat. Gentibus autem, quæ conimuni societatis legumque vinculo continentur, at primævum libertatis jus retinere, quod singuli vel capitis periculo defendere teneantur, et a nemine sine scelere violari valeat, prompta, acris, vivida pugnaxque oratio. Et si forte interna oriantur dissidia, aut si externa vis servitium minitans ingruat, statim in eloquentiæ fulmina erumpunt, quibus aut turbida ingenia seditionum flammæ exsuscitent, aut egregii cives publicos hostes arceant, et commune libertatis bonum tueantur, eloquentia sua¹ haud minus, quam armis, terribiles.

XIV. Inde liberas apud gentes nobilitata tot oratorum nomina. Inde oratorum summus, Demosthenes, ad summum eloquentiæ gloriæque fastigium evectus est. Vidit patriam deliciis diffluentem, opibus corrumpi facilem, nec jam servitium paventem. Vidit patriæ inhiantem regem, victoriis nobilem, exercitiis formidandum, auri copia superbum, dolo, virtute potentem, omnia ausurum, dum modo invisam sibi libertatem excinderet. Unus Demosthenes, solaque sua eloquentia armatus, adversus domesticos externosque hostes stat interritus: patriam a veterno revocat, et novo libertatis amore succendit: Philippum eludit, artes ejus reteggit, ei conflata odia. Quantis opus fuit eloquentiæ fulguribus, ut animos perstringeret? Quanta orationis vi, ut parata tot machinamenta subverteret? Quot illi subeunda pericula! At iis valebat discriminibus. Patriæ caritate, servitii odio, libertatis æstu instinctus, certa que immortalitatis spe, quam jam præsentiscebatur, animatus, nihil valebat nisi excelsum, nisi sublime, sine ullo privati utilitatis studio, ob patriam tantum et publicam¹ rem cogitare, nihil humile, nihil abjectum eloqui poterat.

36. Magna eloquentia, sicut flamma, materia alitur, et motibus excitatur, et urendo clarescit. Eadem ratio in nostra quoque civitate antiquorum eloquentiam provexit. Nam etsi horum quoque temporum oratores ea consecuti sunt,¹ quæ, composita, et quieta, et beata republica,² tribui fas erat: ta-

¹ *Eloquentia sua.* In acerrimis tantum ingeniis, et ex acerrimis causis, nascitur eloquentia. Nihil autem libertate acrius.

¹ *Ob-publicam.* Hæc sunt suprema Supplementi nostri verba ab iis ipsis, quæ mox sequuntur, satis indicata.

¹ *Consecuti sunt.* V. quæ hac de re dicta sunt sup. An. xi, 7.

² *Beata republica.* Hæc ad Principum, ac maxime ad Vespasiani Imperatoris laudes referas.

men ista perturbatione ac licentia plura sibi adsequi videbantur, cum, mixtis omnibus, et moderatore uno carentibus, tantum quisque orator saperet, quantum erranti populo persuaderi poterat. Hinc leges assiduæ et populare nomen, hinc conciones magistratuum pæne pernoctantium in rostris, hinc accusationes potentium reorum, et adsignatæ etiam domibus inimiciæ,³ hinc procerum factiones, et assidua senatus adversus plebem certamina: quæ singula etsi distrahebant rempublicam, exercebant tamen illorum temporum eloquentiam, et magnis cumulare præmiis videbantur: quia quanto quisque plus dicendo poterat, tanto facilius honores adsequebatur; tanto magis, in ipsis honoribus, collegas suos anteibat; tanto plus apud principes⁴ gratiæ, plus auctoritatis apud patres, plus notitiæ ac nominis apud plebem parabat: hi clientelis etiam exterarum nationum⁵ redundabant: hos ituri in provincias magistratus revereabantur, hos reversi colebant: hos et præturæ et consulatus vocare ultro videbantur: hi ne privati quidem sine potestate erant, cum et populum, et senatum consilio et auctoritate regerent: quinimmo sibi ipsi persuaserant, neminem sine eloquentia aut adsequi posse in civitate, aut tueri conspicuum et eminentem locum: nec mirum, cum etiam inviti ad populum producerentur: cum parum esset in senatu breviter censere, nisi qui⁶ ingenio et eloquentia sententiam suam tueretur: cum in aliquam invidiam aut crimen vocati, sua voce respondendum haberent, cum testimonia⁷ quoque in publicis⁸ non absentes, nec per tabellam dare, sed coram et præsentibus dicere cogerentur. Ita ad summa eloquentiæ præmia magna etiam necessitas accedebat, et commoda.⁹ Di-

3 *Domibus inimiciæ.* Quia invisæ præpotentes domus.

4 *Apud principes.* Sic inf. c. 40. P. Scipio, Sylla, Pompeius, 'principes viri' appellantur.

5 *Exterarum nationum.* Urbes, provinciæ, nationes extræ, patronos suos Romæ habebant. Exemplum vidimus sup.

6 *Nisi qui.* Emendandum, *nisi quis;* ut recte annotavit Lips.

7 *Testimonia.* Tunc ergo in publicis iudiciis non absentes nec per tabellam testimonia dare, sed coram et præsentibus dicere cogerantur. Quo in usu plurimum valebat eloquentia. De his testimoniis Quin-

tilian. Instit. Orat. v, 7. 'Maximus tamen patronis circa testimonia sudor est. Ea dicuntur aut per tabulas, aut a præsentibus. Simplicior contra tabulas pugna.' Minor enim pudor, 'et pro diffidentia premitur absentia—Cum præsentibus vero ingens dimicatio est, ideoque velut duplici contra eos, proque his acie configitur, actionum, et interrogationum.'

8 *In publicis.* Rodolph. Agricola supplet, *in publicis iudiciis.* Ernest. emendat, *in iudiciis.*

9 *Et commoda.* Hæc redundare videntur. Ni forte sit emendand. *nec modo disertum habere,* &c. V. not. et em. ad c. 36.

sertum haberi, pulchrum et gloriosum: sed contra mutum et elinguem videri, deforme habebatur. Ergo non minus rubore, quam præmiis stimulabantur: ne clientelarum loco potius, quam patronorum numerarentur: ne traditæ a majoribus necessitudines ad alios transirent: ne tamquam inertes, et non suffecturi honoribus, aut non impetrarent, aut impetratos male tuerentur.

37. Nescio an venerint in manus vestras hæc vetera, quæ et in antiquorum bibliothecis adhuc manent, et cum maxime a Muciano¹ contrahuntur: ac jam undecim, ut opinor, Actorum libris,² et tribus Epistolarum composita, et edita sunt. Ex his intelligi potest Cn. Pompeium et Marcum Crassum³ non viribus modo et armis, sed ingenio quoque et oratione valuisse: Lentulos, et Metellos, et Lucullos, et Curiones, et ceteram procerum manum, multum in his studiis operæ curæque posuisse: nec quemquam illis temporibus magnam potentiam, sine eloquentia, consecutum. His accedebat splendor rerum, et magnitudo causarum, quæ et ipsa plurimum eloquentiæ præstant. Nam multum interest, utrumne de furto, aut formula,⁴ et interdicto dicendum habeas, an de ambitu comitiorum, expilatis sociis, et civibus trucidatis: quæ mala sicut non accidere melius est, isque optimus civitatis status habendus est, quo nihil tale⁵ patimur: ita cum acciderent, ingentem eloquentiæ materiam subministrabant. Crescit enim cum amplitudine rerum vis ingenii, nec quisquam claram et illustrem orationem efficere potest, nisi qui causam parem invenit. Non, opinor, Demosthenem orationes illustrant, quas adversus tutores suos⁶ composuit: nec Ciceronem, magnum oratorem P. Quintius defensus aut Licinius Archias faciunt: Catilina, et Milo, et Verres, et Antonius, hanc illi famam cir-

1 *A Muciano.* Cujus frequens fuit mentio in Historiarum libris. Ejus mores v. Hist. ii, 5.

2 *Actorum libris.* Ergo collecta veterum oratorum acta libris undecim, eorumque epistolæ tribus libris.

3 *M. Crassum.* M. Crassi ingenium eloquentiamque exprimit Cic. de clar. Orat. c. 66. Ibidem et in libris de Oratore, videre est laudes Lentulorum, Metellorum, Lucullorum, et Curionum.

4 *Aut formula.* De formula dictum sup. c. 1. Questiones autem de interdictis et

furtis v. in Digest. Libr. xliii, Tit. 1. et Libr. xlvii, Tit. 2.

5 *Nihil tale.* Hæc ad Vespasiani laudem adhuc pertinent. V. jam dicta c. sup.

6 *Tutores suos.* Demosthenes, annos septem natus, patrem amisit: tutores habuit Aphobum, Therippidem, et Demophontem; quos, cum rem pupillarem suos in usus vertissent, male administratæ tutelæ accusavit, reosque peregit anno ætatis suæ septimodecimo. Extant adhuc tres ejus orationes adversus Aphobum. Demosth. p. 895 sq.

cumdedereunt:⁷ non, quia tanti fuit reipublicæ malos ferre cives, ut uberem ad dicendum materiam oratores haberent: sed, ut subinde admoneo, quæstionis meminerimus, sciamusque nos de ea re loqui, quæ facilius turbidis et inquietis temporibus extitit.⁸ Quis ignorat utilius ac melius esse frui pace, quam bello vexari? Plures tamen bonos præliatores bella, quam pax ferunt. Similis eloquentiæ conditio. Nam quo sæpius steterit tamquam in acie, quoque plures et intulerit ictus, et exceperit, quo major adversarius, eo acrior,⁹ qui pugnas sibi asperas desumserit, tanto altior, et excelsior; et illis nobilitatus criminibus, in ore hominum agit, quorum ea natura est, ut secura velint.

38. Transeo ad formam et consuetudinem veterum iudiciorum: quæ etsi nunc aptior est veritati, eloquentiam tamen illud forum magis exercebat, in quo nemo intra paucissimas horas² perorare cogeatur, et liberæ comperendinationes³ erant, et modum dicendi sibi quisque sumebat, et numerus neque dierum neque patronorum finiebatur. Primus hujusmodi spatia, tertio consulatu,⁴ Cn. Pompeius adstrinxit, imposuitque veluti frænos eloquentiæ, ita tamen, ut omnia in foro, omnia legibus, omnia apud prætores gererentur: apud quos quanto majora negotia olim exerceri solita sint, quod majus

7 *Cumdedereunt.* Sic sup. in Vit. Agr.

20. 'Egregiam famam paci circumdedit.'

8 *Extitit.* Placebat Lipsio, *existit*.

9 *Eo acrior.* Eo acrior est orator, qui pugnas illas asperas sibi desumserit, tanto altior est et excelsior; et illis nobilitatus criminibus, *melius* discriminibus, in ore hominum agit, quorum ea est natura, ut tuta spernant, secura velint. Tuta dicuntur, quæ sunt sine discrimine, secura, quæ cum discrimine. V. not. et em. ad c. 37.

1 *Aptior—tamen.* Locum hunc optime restituit Rodolph. Agricola. V. not. et em. ad c. 38.

2 *Paucissimas horas.* Sic, cum Julium Bassum, repetundarum reum, defenderet Plinius, 'e lege accusator sex horas, novem reus' accepit, Plin. Ep. iv. 9. Adeo jam circumscripta erant dicendi tempora; quæ postea magis adhuc coercitata. Id queritur Plin. Ep. vi. 2. 'Increbuit passim et invaluit consuetudo, binas vel singulas clepsydrias interduci et dimidias, et dandi, et petendi. Nam et qui dicunt, egisse malunt, quam agere; et qui audiunt, finire,

quam judicare. Tanta negligentia, tanta desidia, tanta denique irreverentia studiorum periculorumque est. An nos sapientiores majoribus nostris? nos legibus ipsis justiores, quæ tot horas, tot dies, tot comperendinationes largiuntur! hebetes illi et supra modum tardi! Nos apertius dicimus, celerius intelligimus, religiosius judicamus, qui paucioribus clepsydris præcipitamus causas, quam diebus explicari solebant!—Temerarium existimo, divinare quam spatiosa sit causa inaudita, tempusque negotio finire, cujus modum ignores: præsertim cum primam religioni suæ iudex patientiam debeat, quæ pars magna justitiæ est.'

3 *Comperendinationes.* 'Comperendinatio est ab utrisque litigatoribus invicem sibi denunciatio in perendinum,' seu tertium, 'diem.' Asconius Pedianus in Accusat. Verris, p. 75.

4 *Tertio consulatu.* Tertium consulatum iniit Cneius Pompeius A. V. C. 702. A. C. 51. primo sine collega: deinde collegam adsumsit Q. Metellum Scipionem.

argumentum est, quam quod causæ centumvirales,⁵ quæ nunc primum obtinent locum, adeo splendore aliorum iudiciorum obruebantur, ut neque Ciceronis, neque Cæsaris, neque Bruti, neque Cœlii, neque Calvi, non denique ullius magni oratoris liber apud centumviros dictus legatur, exceptis orationibus Asinii, quæ *pro heredibus Urbinæ*⁶ inscribuntur, ab ipso tamen Pollione mediis divi Augusti temporibus habitæ, postquam longa temporum quies, et continuum populi otium, et assidua senatus tranquillitas, et maximi Principis disciplina, ipsam quoque eloquentiam, sicut omnia alia, pacaverat?

39. Parvum et ridiculum fortasse videbitur, quod dicturus sum, dicam tamen, vel ideo, ut rideatur. Quantum humilitatis putamus eloquentiæ attulisse penulas istas,¹ quibus adstricti et velut inclusi cum iudicibus fabulamur? quantum virium detraxisse orationi auditoria et tabularia² credimus, in quibus jam fere plurimæ causæ explicantur? Nam quomodo nobiles equos cursus et spatia probant; sic est aliquis oratorum campus, per quem nisi liberi et soluti ferantur, debilitatur ac frangitur eloquentia. Ipsam quinimmo curam et diligentis styli anxietatem contrariam experimur: quia sæpe interrogat iudex; quando incipias: et ex interrogatione ejus incipiendum est. Frequenter probationibus et testibus, silentium patronus indicit:³ unus inter hæc dicenti ac alter adsistit,⁴ et res velut in solitudine agitur. Oratori autem clamore plausuque opus est, et velut quodam theatro: qualia quotidie

⁵ *Causæ centumvirales.* Quæ coram centumviris agebantur. De his dictum sup. c. 7.

⁶ *Pro heredibus Urbinæ.* Quintilianus, Institut. Orat. iv. 1. 'Asinius pro Urbinæ heredibus Labienum, adversarii patronum, inter argumenta malæ causæ posuit.' De tota lite vid. eumd. Quintilian. ibid. vii, 2.

¹ *Penulas istas.* Penulæ istæ oratorum penulis viatorum non absimiles fuisse videntur. De his Cic. pro Milone c. 20. 'Quid minus promptum pugnae? cum penula irretitus, rheda impeditus, uxore pœne constrictus esset.' Non inelegantem de penula dissertationem scripsit Joannes Baptista Donius.

² *Auditoria et tabularia.* De auditoriis jam actum sup. c. 9 et 34. Tabularia vero, loca erant, ubi tabulæ æraque publica adservabantur, quibus leges, forma agro-

rum, aliaque id genus continebantur, quæque in controversiis inspiciebantur, ut videre est in Digest. Libr. xlviii, Tit. 13. Ad leg. Juliam Peculatus, Leg. 8. de Tabulis. Porro in his auditoriis et tabulariis causæ explicabantur, non vero orabantur. Ac proinde nullus eloquentiæ impetus, nullus calor, vigor nullus: quæ de re v. elegantissimam Plinii epistolam, ii, 19.

³ *Patronus indicit.* Cl. Morabin emendat, *patrono*: Cl. de la Monnoye, *patronis*. Forte tamen, ob verborum compagem, quæ vix mutationem patitur, nihil hic peccat. Sed patronus, qui causam præcipitare volebat, probationibus et testibus, quasi causa satis cognita, nec refragantibus iudicibus, silentium indicabat.

⁴ *Adsistit.* Contra vero olim auditorium semper plenum, semper novum, ut vidimus sup. c. 34.

antiquis oratoribus contingebant: cum tot pariter ac tam nobiles forum coarctarent: cum clientelæ quoque, et tribus, municipiorum etiam legationes, ac pars Italiæ periclitantibus adsisteret: cum in plerisque judiciis crederet populus Romanus sua interesse quid judicaretur. Satis constat C. Corneliū, et M. Scaurum, et T. Milonem, et L. Bestiam,⁵ et P. Vatinium, concursu totius civitatis et accusatos et defensos: ut frigidissimos quoque oratores, ipsa certantis populi studia, excitare et incendere potuerint. Itaque hercule ejusmodi libri extant, ut ipsi quoque, qui egerunt, non aliis magis orationibus censeantur.

40. Jam vero conciones assiduæ, et datum jus potentissimum quemque vexandi, atque ipsa inimicitiarum gloria, cum se plurimi disertorum, ne a P. quidem Scipione, aut Sulla, aut Cn. Pompeio abstinerent, et ad incessendos principes viros, ut est natura invidiæ, populi etiam histriones auribus¹ uterentur, quantum ardorem ingeniis, quas oratoribus faces admovebant! Non de otiosa et quieta re loquimur, et quæ probitate et modestia gaudeat: sed est magna illa et notabilis eloquentia, alumna licentiæ, quam stulti libertatem vocabant, comes seditionum, effrænati populi incitamentum, sine obsequio, sine servitute, contumax, temeraria, arrogans, quæ in bene constitutis civitatibus non oritur. Quem enim oratorem Lacedæmonium, quem Cretensem accepimus? quarum civitatum severissima disciplina, et severissimæ leges traduntur. Ne Macedonum quidem, ac Persarum, aut ullius gentis, quæ certo imperio contenta fuerit, eloquentiam novimus. Rhodii quidam, plurimi Athenienses oratores extiterunt, apud quos omnia populus, omnia imperiti, omnia, ut sic dixerim, omnes poterant. Nostra quoque civitas, donec erravit, donec se partibus, et dissensionibus, et discordiis confecit, donec nulla fuit in foro pax, nulla in senatu concordia, nulla in judiciis *moderatio*, nulla superiorum reverentia, nullus magistratuum *modus*, tulit sine dubio valentiorē eloquentiam, sicuti indomitus ager habet quasdam herbas lætiores. Sed nec tanti

⁵ L. Bestiam. Oratio Ciceronis pro L. Bestia periit: cetera, quæ hic memorantur, vel mutila, vel resecta. Una in Vatinium extat integra. De oratione pro Bes-

tia v. Cic. ad Q. Fratr. iii. 2.

¹ Histriones auribus. Melius sane, auribus histriones.

reipublicæ Gracchorum eloquentia fuit, ut pateretur et leges:² nec bonæ³ formam eloquentiæ Cicero tali exitu⁴ pensavit.

41. Sic quoque, quod superest ex antiquis oratoribus, forum, non emendatæ, nec usquam ad votum compositæ, civitatis argumentum est. Quis enim nos advocat, nisi aut nocens, aut miser? quod municipium in civitatem nostram venit, nisi quod aut vicinus populus, aut domestica discordia agitat? quam provinciam tuemur, nisi spoliata vexatamque? Atqui melius fuisset non queri, quam vindicari. Quod si inveniretur aliqua civitas, in qua nemo peccaret, supervacuus esset inter innocentes orator, sicut inter sanos medicus. Quomodo tamen minimum usus minimumque profectus ars medentis habet in his gentibus, quæ firmissima valetudine ac saluberrimis corporibus utuntur: sic minor oratorum obscuriorque gloria est inter bonos mores, et in obsequium regentis paratos. Quid enim opus est longis in senatu sententiis, cum optimi cito consentiant? Quid multis apud populum concionibus, cum de republica non imperiti et multi deliberent, sed sapientissimus et unus?² Quid voluntariis accusationibus, cum tam raro et tam parce peccetur? Quid invidiosis et excedentibus modum defensionibus, cum clementia cognoscentis obviam periclitantibus eat? Credite, optimi, et, in quantum opus est, disertissimi viri, si aut vos prioribus seculis, aut isti, quos miramur, his nati essent, ac Deus aliquis vitas vestras, vestra tempora repente mutasset; nec vobis summa illa laus et gloria in eloquentia, neque illis modus et temperamentum defuisset. Nunc quoniam nemo eodem tempore adsequi potest magnam famam et magnam quietem, bono seculi sui quisque, citra obtrectationem alterius, utatur.

42. Finierat Maternus. Tum *Messala*: erant quibus con-

² *Pateretur et leges.* Non tanti fuit reipublicæ Tiberii et Cæii Gracchorum eloquentia, ut seditiosas eorum leges pateretur.

³ *Nec bonæ.* Melius, *nec bene.* V. not. et em. ad c. 40.

⁴ *Tali exitu.* Scelere Antonii peremptus. V. Vell. Patere. ii, 66.

¹ *Quod—oratoribus.* Forum ipsum, quod superest ex antiquis oratoribus, non est argumentum emendatæ et ad votum compositæ civitatis. V. not. et em. ad c. 41.

² *Sapientissimus et unus.* Laus est Vespasiani, qui in nummis appellatur, ADSECTOR LIBERTATIS PUBLICÆ. FELICITAS PUBLICA. FIDES FELICITATIS. Inde cum Plin. ii, 7. innumerabilia Deorum agmina a mortalibus reperta memorasset, addit: 'Deus est mortali juvare mortalem, et hæc ad æternam gloriam via. Hac proceres iere Romani: hac nunc cælesti passu cum liberis suis vadit maximus omnis ævi rector Vespasianus Augustus fœssis rebus subveniens.'

tradicerem, erant de quibus plura dici vellem,¹ nisi jam dies esset exactus. Fiet, inquit *Maternus*, postea arbitrato tuo, et si qua tibi obscura in hoc meo sermone visa sunt, de his rursus conferemus. Ac simul adsurgens, et Aprum complexus, Ego, inquit, te poetis; *Messala*, antiquariis, criminabimur. At ego vos rhetoribus et scholasticis, inquit. Cum adrisissent, discessimus.

1 *Plura dici vellem.* Inde quidam opinantur alterum habitum fuisse Dialogum, qui perit. At in his disputationibus cum et modestiæ sit, ut nemo se victorem arrogantius prædicet, et humanitatis, ut nemo se victum fateatur, sic sæpe concluduntur, quasi adhuc anceps sit questio, et enucleatius explicanda. Nec aliter apud Cic. de Nat. Deor. iii, 40. Balbus, Cotta et Velleius discedunt. Integer ergo est ex hac parte dialogus. Utinam alia multa, quæ notavimus sup. c. 35. non perissent! Ut in Annalium Historiarumque libris absolutissimum habemus politicæ artis monumentum, in libro de Moribus Germanorum egregium humanitatis rudimentum, nostra-

rumque legum fundamentum, in Vita Cn. Julii Agricolaæ splendidum cultissimæ virtutis exemplum, ita quoque in Dialogo de Oratoribus haberemus optimum literarum documentum, validissimumque ingeniorum incitamentum. Ut ut est, manet adhuc in hoc Dialogo uberissima præceptorum seges, quibus literæ ad meliora promoveantur. Sic in uno Tacito reperimus quomodo regantur imperia, formentur homines, instituantur leges, alantur virtutes, vigeant literæ. Quæ, cum sint in vitæ utilitates voluptatesque fecundissima, si hac nostra opella inclaruere, magisque invalescant, nec nos, nec posteros laboris nostri penitebit. Supremum id nobis votum.

SUPPLEMENTUM

LIBRI QUINTI

ANNALIUM.

AUCTORE GABRIELE BROTIER.

BREVIARIUM.

1. JULIA AUGUSTA moritur. 2. Ex eo gravior Tiberii dominatio; audacior Sejani ambitio. Agrippina et Nero accusantur. 6. Inauspicatæ Drusi et Æmilie Lepidæ nuptiæ. 7. Accusationum facilitas simul et atrocitas. 8. Mors Jesu Christi et prodigia. 10. Agrippina in insulam Pandatariam, Nero in Pontiam deportati. 13. Drusus in ima palatii parte clauditur. 15. Sejanus, successu scelerum superbus, insolescit: adversus eum Tiberii artes. Ob ejus amicitiam Asinius Gallus pervertitur. 23. Velleius Paterculus scriptor et adulator. 24. Sejanus honoribus mactatur. 26. Geminius Rufus et Publia Prisca mortem voluntariam oppetunt. 27. Urbs in Sejani venerationem intenta: Tiberius ejus in ruinam intentiont. 30. Caius imperii heres ostentatur. Nero interficitur. 32. Sejanus, inrita spe amens, conjurationem machinatur. Tiberius, eam ab Antonia edoctus, Macronem deligit, qui Sejanum opprimat. Perit Sejanus, ruina, quam fortuna insignitior. 43. Ejus in filium et avunculum sævitum. Visa filii cæde, Apicata ad scelerum Sejani et Livie confessionem evicta. 44. Livia fame enecta. 45. In omnes Sejani assecclas advertitur. 50. Pseudo-Drusus apud Cycladas visus. 51. Consulium discordia.

Hæc triennio gesta

A.U.C.

J.C.

DCCLXXXII. 29.

Coss. { L. Rubellio Gemino,
C. Fusio Gemino.

DCCLXXXIII. 30.

Coss. { M. Vinicio,
L. Cassio Longino.

DCCLXXXIV. 31.

Coss. { Tiberio Augusto v.
L. Ælio Sejano.

A.U.C. 782. J.C. 29.

1. RUBELLIO et Fufio consulibus,¹ quorum utrique Geminus cognomentum erat, Julia Augusta mortem obiit, ætate extrema, nobilitatis per Claudiam familiam, et adoptione Liviorum Juliorumque clarissimæ. Primum ei matrimonium et liberi fuere, cum Tiberio Nerone, qui bello Perusino profugus, pace inter Sex. Pompeium ac triumphviros pacta, in Urbem rediit. Exin Cæsar, cupidine formæ, aufert marito, incertum an invitam, adeo properus, ut ne spatio quidem ad enitendum dato, penatibus suis gravidam induxerit. Nullam posthac subolem edidit. Sed sanguini Augusti per conjunctionem Agrippinæ et Germanici adnexa, communes pronepotes habuit: sanctitate domus priscum ad morem, comis ultra quam antiquis fœminis probatum, mater impotens, uxor facilis, et cum artibus mariti, simulatione filii, bene composita. Funus ejus modicum, testamentum diu inritum fuit: laudata est pro rostris a C. Cæsare pronepote, qui mox rerum potitus est.

2. At Tiberius, quod supremis in matrem officiis defuisset, nihil mutata amœnitate vitæ, "magnitudinem negotiorum" per literas excusavit: honoresque memoriæ ejus ab senatu large decretos, quasi per modestiam imminuit, paucis admodum receptis, et addito, "ne cœlestis religio decerneretur; sic ipsam maluisse." Quin et parte ejusdem epistolæ increpuit "amicitias muliebres," Fufium consulem oblique perstringens: is gratia Augustæ floruerat, aptus alliciendis fœminarum animis, dicax idem, et Tiberium acerbis facetiis inridere solitus: quarum apud præpotentes in longum memoria est.

3. Ceterum ex eo prærupta jam et urgens dominatio: nam incolumi Augusta, erat adhuc perfugium; quia Tiberio inverteratum erga matrem obsequium, neque Sejanus audebat auctoritati parentis anteire. Tunc velut frænâ exsoluti proruperunt: missæque in Agrippinam ac Neronem literæ, quas pridem adlatas, et cohibitas ab Augusta, credidit vulgus: haud enim multum post mortem ejus recitatae sunt. Verba inerant quæsita asperitate: sed non arma, non rerum novarum studium; "amores juvenum, et impudicitiam" nepoti objectabat: in nulum ne id quidem confingere ausus, "adrogantiam oris et contumacem animum" incusavit, magno senatus pavore ac silentio: donec pauci, queis nulla ex honesto spes, et publica mala singulis in occasionem gratiæ trahuntur, "ut referretur" postulavere, promptissimo Cotta Messalino cum

¹ Rubellio et Fufio cons. Ad majorem historiæ lucem quinque priora C. Corneli Taciti capita hic repræsentasse haud erit

inutile. Ea suo loco notis illustravimus, quas iterum edere supervacaneum foret, et ingratum.

atroci sententia : sed aliis a primoribus, maximeque a magistratibus, trepidabatur : quippe Tiberius, etsi infense invectus, cetera ambigua reliquerat.

4. Fuit in senatu Junius Rusticus, componendis patrum actis delectus a Cæsare, eoque meditationes ejus introspicere creditus : is fatali quodam motu (neque enim ante specimen constantiæ dederat) seu prava solertia, dum, imminentium oblitus, incerta pavet, inserere se dubitantibus, ac monere consules “ne relationem inciperent :” disserebatque, “brevibus momentis summa verti posse, quandoque Germanici stirpem, ubi spatium poenitentiae senis, resurgere.” Simul populus, effigies Agrippinae ac Neronis gerens, circumstetit curiam, festisque in Cæsarem ominibus, “falsas literas, et, Principe invito, exitium domui ejus intendi,” clamitat : ita nihil triste illo die patratum. Ferebantur etiam sub nominibus consularium fictae in Sejanum sententiae, exercentibus plerisque per occultum, atque eo procacius, libidinem ingeniorum : unde illi ira violentior, et materies criminandi, “spre-tum dolorem Principis ab senatu ; descivisse populum ; audiri jam et legi novas conciones, nova patrum consulta : quid reliquum, nisi ut caperent ferrum ? et quorum imagines pro vexillis secuti forent, duces imperatoresque deligerent.”

5. Igitur Cæsar, repetitis adversum nepotem et nurum probris, increpitaque per edictum plebe, questus apud patres, “quod fraude unius senatoris imperatoria majestas elusa publice foret, integra tamen sibi cuncta” postulavit : nec ultra deliberatum, quominus, non quidem extrema decernerent, id enim vetitum, sed “paratos ad ultionem vi Principis impediri” testarentur : olim ad servitutem proni,¹ nunc projecti.

6. Sejanus, hac Principis et senatus inclinatione factus audacior, nisi tamen intestinis discordiis grassaretur, semper invalidus, ad atrociora adspirabat. Casus, an consilium, eadem adversum Germanici stirpem, quibus ipsum Tiberii sanguinem fuerat adgressus, artes obtulit. Drusus enim, L. Othonis filiae quondam pactus,¹ uxorem accepit Æmiliam Lepidam,² generis nobilitate insignem, ingenii pravitate foedam, marito discordem, Cæsaris odio, Sejanum ambitione exitiabilior-rem.

7. In tanta regnatricis domus confusione, non deferbuit publica accusandi rabies : acrius etiam exarsit. Princeps,

¹ *Ad servitutem proni.* C. Cornelii Taciti Annales supplere aggredior. Opus arduum : quod utinam quanta cum historiae necessitate, tanta cum laude exsequar.

² *Quondam pactus.* Suet. in Oth. 1. Lucius Otho tulit et filiam, quam non-

dum nubilem Druso, Germanici filio, despondit.

² *Æmiliam Lepidam.* Ejus flagitia et mortem memorat Tac. An. vi, 40. V. stem. Cæs. n. 84.

natura immitis, et, defuncta matre, truculentus, ut sævitiam diu coercitam exereret, omnes Juliæ amicitias¹ et familiaritates adfixit; eique intimum equestris ordinis virum, quo pœnæ infamia diuturniorem terrorem faceret, ceterosque, quæ imminerent, doceret, in antliam condemnavit. Violentior quoque Sejani, dicteris fictisque sentiis inlusi, ira; præmiis iritata vestigatorum et accusatorum aviditas, præclaros quosque et in civitate præstantes corripuit, civilique bello gravius confecit. Excipiebatur lætantium risus, querentium dolor, jocantium simplicitas,² ipse ebriorum sermo. Nihil erat tutum: omnis sæviendi placebat occasio: unusque reorum omnium eventus, aut mors propera, aut turpe supplicium.

8. Cum Romana civitas in sui internecionem ita fureret, scelus unum, sed in plura scelera et portentosa mala erupturum, patravere Hierosolyma.¹ Pontius Pilatus,² quem Cæsar Judææ procuratorem fecerat, non vecors, imbellis tamen, Jesum Christum,³ novæ religionis auctorem, a Judæis perviciacius accusatum, nullius criminis compertum, morte adfecit. Diffissa saxa, concussa terra, sol cassus lumine,⁴

¹ *Juliæ amicitias.* Suet. in Tiber. 51. 'Testamentum quoque ejus pro irrito habuit, omnesque amicitias et familiaritates, etiam quibus ea funeris curam moriens demandarat, intra breve tempus afflixit: uno ex his equestris ordinis viro et in antliam condemnato.'

² *Jocantium simplicitas.* Senec. de Benefic. iii, 26. 'Sub Tiberio Cæsare fuit accusandi frequens et pæne publica rabies, quæ omni civili bello gravius togatam civitatem confecit. Excipiebatur ebriorum sermo, simplicitas jocantium: nihil erat tutum: omnis sæviendi placebat occasio. Nec jam reorum expectabatur eventus, cum esset unus.'

¹ *Patravere Hierosolyma.* Mortem Jesu Christi paucis memoratam, Annal. xv. 44. forte in hac Annalium parte omiserat Tacitus. At Christianum scriptorem puderet id silere, quo nihil majus peperere secula, et in quo salus nostra, spes, amor et gloria.

² *Pontius Pilatus.* Joseph. Antiq. Jud. xviii, 2. Πόντιος δὲ Πιλάτος διάδοχος ἀπὸ τοῦ Γράτου Πιλάτου, 'Pontius Pilatus Grato successit.'

³ *Jesum Christum.* Licet ex D. Luca iii, 1. et Antiochenorum nummis Jesus Christus non xv. sed xix. Tiberii anno mortuus esse videatur; cum tamen veteres omnes scriptores in priore sententia consentiant, ab iis in vetere scriptore supplendo discedere nefas duxi. Ne autem omnes appellem, sit satis laudasse Lacrant. Divin. Institut. iv, 10. 'Exinde Te-

trarchas habuerunt [Judæi] usque ad Herodem, qui fuit sub imperio Tiberii Cæsaris; cujus anno quinto decimo, id est, duobus Geminis consulibus, ante diem decimam Calendarum Aprilium Judæi Christum cruci affixerunt:' et Tertullian. adv. Judæos, viii. 'Passio hujus exterminii intra tempora septuaginta hebdomadam perfecta, sub Tiberio Cæsare, coss. Rubellio Geminio, et Fusio, [corrigere Fusio,] Geminio, mense Martio, temporibus Paschæ, die 8. Kal. April.' Eadem fuit Julii Africani, Clementis Alexandrini, Hieronymi, Augustini aliorumque veterum et eruditorum Patrum sententia. In fastis quoque consularibus duobus Geminis coss. Christus passus esse dicitur. Ergo saltem quadriennio ante vulgarem æram erat natus: quod fatentur eruditi ferme omnes, duce Josepho, qui, Antiq. Jud. xvii, 8 et 11. Herodem quadriennio ante vulgarem æram mortuum narrat.

⁴ *Sol cassus lumine.* Non modo Christianorum, sed ipsius populi Romani acta, prodigia in Christi morte patratæ testabantur. Inde Tertullianus Apologetic. xxi. 'Eodem momento dies, medium orbem signante sole, subducta est—eum mundi casum in archivis vestris habetis'—et cum varia mortis ac resurrectionis Christi miracula recensisset, addit: 'ea omnia super Christo Pilatus, et ipse jam pro sua conscientia Christianus, Cæsari tunc Tiberio nuntiavit.' Martyr quoque Lucian. ap. Rufin. Hist. Eccl. ix, 6. 'Requirite in annalibus vestris, invenietis

ejus cædem ulcisci et innocentiam testari visa: ipse, effracto sepulcro, adstantibus custodibus, redivivus ac integer egressus, magnum fuit numinis argumentum; Tiberiumque omnibus intentum advertit,⁵ religionem non infixit.

9. Princeps, in pacis curas fixus, inturbidum fovebat imperium. Idque majore felicitate incertum an industria, adsecutus, ut dum Urbem luctu fatigaret, provincias diffusa in omnes terrarum orbis partis tranquillitate recrearet:¹ præmiorum parvus, injuriarum vindex acerrimus, præcellentis virtutis raro invidus, semper metuens: ducibus magistratibusque usus non optimis, sed bonis, a quibus sibi minor gloriæ, at major dominationis spes.

A.U.C. 783. J.C. 30.

10. M. Vinicio et L. Cassio consulibus,¹ Tiberius, atrox odii, tandem in Agrippinæ et nepotum pœnas duravit. Adseverabat Sejanus, "impunitate gliscere reorum animos, non jam verbis, sed factis pudendisquelibidinibus grassari: patres, milites corrumpi: Neronem Principem ostentari; Tiberium Capreis, Agrippinam Romæ dominari." Cæsar, iræ non retinens, ubi dominationis anceps, duces, exercitus firmat, ad senatum scribit, "doloribus animum suum lacerari,"² abstruso

temporibus Pilati, Christo patiente, fugato sole, interruptum tenebris diem.⁷ Olim fuisse vera Pilati acta, postea, circa Maximini tempora, alia, adversum Christum probrosa, esse conficta norunt viri omnes eruditi. Moses Choronenensis, Hist. Armeniac. ii, 30. literas Abgari ad Tiberium, Tiberii ad Abgarum, de morte Christi, et prodigiis, quæ in ea evenere, recitat; et in Edesseno tabulario asservari affirmat. Utinam penes scriptorem plus foret auctoritatis!

5 *Tiberiumque—advertit.* Teste enim Tertulliano Apologet. v. 'Tiberius, cujus tempore nomen Christianum in seculum intravit, annuntiata sibi ex Syria Palæstina, quæ illic veritatem istius divinitatis revelarant, detulit ad senatum cum prærogativa suffragii sui. Senatus, quia non ipse probaverat, respuit. Cæsar in sententia mansit, comminatus periculum accusatoribus Christianorum.' Senatum ac præcipue Sejanum contraxisse ne ex Tiberii relatione 'Christus Deus haberetur' testatur Oros. vii, 4. At, ut egregie observat Eusebius Hist. Eccles. ii, 2. Τῆ δ' ἀληθείᾳ, ὅτι μὲν τῆς ἐξ ἀνθρώπων λειψυτικῆς τε καὶ συστάσεως ἡ σωτήριος τοῦ βίου κηρύγματος ἰδίῳ διδασκάλῳ. 'Id vere contigit, quod salutaris divini doctrinæ prædicatio auctoritate et auxilio hominum minime indigeret.' Eadem pro more suo

fusus eloquentiusque prosequitur D. Chrysostom. Homil. xxvi. in Ep. ii. ad Corinth. Tertulliani vero auctoritatem hac in re merito adseruit eruditus Pearson, Lectiones in Acta Apostolor. Lect. iv, 15. 'Nihil igitur est quod in hac historia refelli possit. Et cum Tertullianus adeo gravis, adeo antiquus auctor, adeo rerum Romanarum peritus fuerit, tutius multo est istam Tiberii ad senatum de divinitate Christi relationem amplecti.'

1 *Tranquillitate recrearet.* Vellei. ii, 126. 'Quando pax lætior? Diffusa in Orientis Occidentisque tractus, et quidquid meridiano aut septentrione finitur, pax augusta per omnes terrarum orbis angulos a latrociniorum metu servat immunes.' Inde nummus Tiberii cusus, ut videtur, Corinthi, PACE AVG. PERP. 'pace Augusti perpetua' ara in corona quercea.

1 *L. Cassio cons.* M. Vinicius et L. Cassius Longinus cons. fuere A.U.C. 783. J.C. 30. Tiberio acceptissimi, duas Germanici filias uxores acceperunt; Drusillam Cassius Longinus, Juliam Vinicius. V. stem. Cæs. n. 95. 96. 97 et 99.

2 *Doloribus—lacerari.* Vellei. ii, 130. 'Abstruso, quod miserrimum est, pectus ejus flagravito incendio, quod ex nuru, quod ex nepote dolere, indignari, crubescere, coactus est.'

pectus flagrare incendio : se ex nuru, ex nepote dolere, indignari, erubescere : Deos, imperii custodes, obtestari, ut in majestatis reos, meritas, et a patribus negatas, poenas immitant."

11. Territi senatores, mala sibi imminencia deprecantur, an in Agrippinæ et Neronis cædem ruant dubii, paventes consultant, et atroci senatusconsulto in eorum damnationem¹ conspirant; inito tamen consilio, "suspensis et ambiguis literis pertentandum Principem. Se ejus doloribus anxios, periculis exanimos, scelera exhorrescere : ad ultionem paratissimos, non retardari nisi Principis jussu, qui integra sibi cuncta postulavit, et imperatoriæ majestatis dignitate, quæ non festinatis, sed lentis suppliciis vindicatur. In Cæsaris discrimine non modo reorum poena, at reiectis et oppressis eorum consiliis, consulendum."

12. Tiberius, his literis obsequii patrum certus, centuriones mittit,² qui Agrippinam in Pandatariam insulam,³ Neronem in Pontiam,⁴ catenatos projiciant.⁴ Accusationum fama, poenæ celeritas, populum in subitis incertum, in adversis pavidum, percellit. Agrippina, sui conscia, injuriæ impatiens, trahenti obnititur, in Principis convicia erumpit, exuere ferociam, et sævienti fortunæ submittere animum nescia : centurio, ad acerbissima secreto exstimulatus, os ejus verberat, oculum excutit, tantaque audacia accusationibus fidem, animis terrorem addit. Malorum invicta, fortuna major, ipsa vulneris indignitate lætatur Agrippina, gnara vel in sceleribus modum esse, potentiamque Sejani, in insanas atrocitates effrænam, esse ruinæ proximam.

13. At ille, successu scelerum superbus, Drusum adgredditur : eumque ut pervertat, Æmiliam Lepidam stupris sibi inligatam,⁵ adfinitatis et dominationis spe ad foedas accusa-

1 *Damnationem.* Quam memorat Suet. Tiber. 64.

2 *Centuriones mittit.* Suet. Tiber. 53. 'Novissime calumniatus [Agrippinam], Pandatariam relegavit : convitiantique oculum per centurionem verberibus excusit.'

3 *Pandatariam insulam.* In Puteolano sinu Pandataria, nunc the isle St. Mary. Pontia, nunc Ponza.

4 *In Pontiam.* Suet. Tiber. 54. 'Patet facta interiore animi sui nota, omnium criminatōribus obnoxios [Neronem et Drusum] reddidit : variæque fraude inductos, ut et concitarentur ad convitia, et concitati perderentur, accusavit per literas, amarissime congestis etiā improbis, et judicatos hostes fame necavit : Neronem in insula Pontia, Drusum in ima parte palatii.'

4 *Catenatos projiciant.* Suet. Tiber. 64.

'Nurum ac nepotes numquam aliter post damnationem, quam catenatos, obsutæque lectica, loco movit : prohibitis per militem obvii ac viatoribus respicere usquam vel consistere.'

5 *Stupris sibi inligatam.* Dio, lviii. p. 623. 'Ὁ δὲ Σεϊανὸς καὶ τὸν Δρούσον διέβαλλε διὰ τῆς γυναῖκος αὐτοῦ. Πάσας γὰρ, ὡς ἐπ'αὐτῶν, τὰς τῶν ἱππευτῶν ἀνδρῶν γαμετὰς μοιχεύων, τὰ τε λεγόμενα ἢ καὶ πραττόμενα ὅπ' ἐκείνων ἱμάνθαι, καὶ προσίτι καὶ συνεργοὺς σφᾶς ὡς καὶ γαμηθησομένης αὐτοῦ ποιεῖτο. 'Sejanus vero et Drusum per uxorem ejus calumniatus est. Omnes enim propemodum matronas illustrium virorum stupro cognitās habebat, quarum ope a conjugibus dicta factaque resciceret : quinetiam ad consiliorum societatem, velut sibi nup-

tricus partes excitat. Fœmina, quanto in libidinem projectior, tanto audacior, adit Principem; plurimis in Agrippinam, in Neronem criminationibus, vetera odia, recentes iras inflammât: tum iisdem sceleribus Drusum innectit; ætate tamen imparem, sibique junctum thalamo paululum excusat, ut magis urgeat. Indensus juvenis statim in Urbem amovetur.

14. Satis Principi, non satis Sejano consultum: animum injuria exacerbatum, Tiberii poenitentiam metuit; duoque imperii munimenta¹ superesse invidet. Cassium Longinum,² consulem, venali magistratu sordidum, ad novam Drusi accusationem subornat. "Juvenem, poena ferociorem, res novas moliri, et malevolorum civium gratiam populari ambitu aucupari," ad senatum retulit, Cæsarique scripsit consul. "Nepotem, mitiore poena indignum, in ima palatii parte³ claudi; acri custodia cingi: omniaque ejus facta et dicta excipi, describi, sibique mitti," a Principe rescriptum.

15. Imperatoriam dignitatem senili capite,⁴ et imbelli juvena subnixam, tandem in se totam inclinare Sejanus eo effusius gaudebat, quod spes suas certus ipse pasceret, securus senesceret Tiberius. Ut suspicacem ejus animum magis adhuc obfirmet, "sapientia Principis oppressam ambitionem, dominationem adsertam, firmatam hereditatem, perennem imperii tranquillitatem," ei gratulatur. Cæsar, laudibus spernendis validus, ingenii tamen et dominationis commendationem lætus exceperat; maximaque parte in Sejanum cessit, dicitans, "se ejus vigilantia defendi,⁵ consiliis juvari, recreari obsequiis: in illo præcipuum esse imperii levamentum, senectæ suæ præsidium." Verbis honores addit, ut, qui usu necessarius, dignitate emineat.

16. Tum ruere omnes in Sejani venerationem: legationibus, gratulationibus,⁶ votis studia ostentat senatus, equester ordo, populus Romanus, plebs ipsa, novarum rerum intemperans. In foro, in templis, in privatis ædibus, ponuntur ejus statuæ: passim fumant altaria: dies ejus natalis celebratur: per Tiberii ac Sejani fortunam juratur: Princeps et amicus Prin-

turas, pellexerat.' De Druso et Æmilia Lepida vide stem. Cæs. n. 83 et 84.

1 Duoque—munimenta. Drusum et Caium.

2 Cassium Longinum. Dio l. c. 'Ἐπὶ δὲ τῷ Τιβέριῳ ἀπὸ τῶν Δροῦσον ἐς τὴν Πάμνην ἱστῶμεν, ὃ Σηιανὸς διόσας μὴ μεταβαλεῖται, ἵπνισι τὸν Κάσσιον χειμαρῖσαι τι κατ' αὐτοῦ. 'Postquam Tiberius Drusum simpliciter Romam misit, veritus Sejanus, ne sententiam mutaret, Cassio persuasit ut de Druso ad senatum referret.'

3 Ima palatii parte. Suet. Tiber. 54. Tac. An. vi, 24.

4 Senili capite. 'Senili capite' Tiberii, 'imbelli juvena' Caii Caligulae.

5 Vigilantia defendi. Hæc omnia indicat Vell. ii, 126 et 127. Tum maxime in Sejani 'virtutum æstimatione judicia civitatis cum judiciis Principis certavere.'

6 Legationibus, gratulationibus. De hac Sejani veneratione plurima habet Dio lviij, p. 623 et 624.

cipis Diis commendantur, honoribus æquales, appellatione vix dispares.

17. Adblandientis fortunæ magna accessere subsidia, Asinius Gallus et Lentulus Gætulicus. Ille, patre et uxore¹ incertum an sobole clarior, Sejanum sectari, patrum obsequia adpromittere, tanto acrius quod ob causas supra memoratas² Tiberio esset invisus. Hic, legionum superioris Germaniæ legatus, Sejani adfinitatem ambire;³ ipso Principe conscio, obtinere, et exercitus, in quorum cognomentum adscisciebantur imperatores,⁴ pignus præmiumque adfinitatis, ostentare. Numquam summæ rei propior fuit Sejanus: at quo altior, eo magis in lubrico; eniti valuit, assequi non potuit. Cum callidum Tiberii ingenium haud alias magis innotuerit,⁵ nihilque ad memoriam, ad exemplum inlustrius habeant Annales, id diligentius exsequar.

18. Tiberius, gravescente ætate, libidinum immodicus, principatus tamen minime incuriosus, ipsis etiam vitiis ad oculenda consilia tutandamque dominationem utebatur. Specie quidem iners summam rerum Sejano permittebat, sed numquam fuit oculatior, ut virum introspiceret, quem socium dignitatis volebat, eversorem verebatur. Inclinatam ad suspicionem animum advertit Gætulici adfinitas, firmavit Asinii studium: et arte plurima, ipsa timoris causa in diu meditatam Asinii ruinam cessit; ita tamen, ut fides, si Sejano inesset, cresceret, perfidia, si qua foret, retardaretur.

19. Igitur cum Asinius Sejanum¹ novis honoribus cumulandum censuisset, et adnventibus patribus, Campaniam, ut Cæsarem hac super re consulere, esset profectus; perlatae Romam Principis literæ, quibus "turbatorem Asinium, in Agrippina adulterum, suo Syriaco² male contentum, et Sejani amicitiam Principi invidentem" accusat: "eum statim corripere; consulum, vel, Principe consule, prætorum custodiæ tradi" jubet. Patres, gnari apud Cæsarem moras verti in crimen, confestim mittunt prætorem, qui Asinium comprehendat.

20. Ille ingruentis mali nescius, et a Principe honorifice

1 *Patre et uxore.* De patre et uxore sup. An. i, 12. De ejus quoque sobole et stemmate v. not. et em. ad An. iii, 75.

2 *Supra memoratas.* An. i, 12.

3 *Sejani adfinitatem ambire.* Ipsius Tiberii consilio 'Sejani filium generum' destinaverat Lentulus Gætulicus, Tac. An. vi, 30. Dio lix, p. 657.

4 *Adscisciebantur imperatores.* Hac de re dictum sup. An. i, 31.

5 *Haud—innotuerit.* Aliter, sed minime probabiliter, Tiberio sæpe iniquissimus, Suet. Tiber. 65. 'Sejanum res novas moventem, quamvis jam et natalem ejus pub-

lice celebrari, et imagines aureas coli passim videret: vix tandem et astu magis ac dolo, quam principali auctoritate subvertit.' De his adhuc dicetur inf. c. 37.

1 *Cum Asinius Sejanum.* Hæc fuse narrat Dio lviii, p. 622. Ad Dionem ejusque excerpta haud satis attendit Cl. Crévier, cum scripsit, *Histoire des Empereurs*, vol. i, p. 551. *Asinius ayant été député par le sénat vers l'Empereur, sans que nous puissions dire à quel sujet.*

2 *Suo Syriaco.* Syriacus Asinii Galli amicus. Dio l. c.

exceptus, lætus mensæ intererat, cum ei nuntiata senatus jussa: Principis conviva pariter et reus expalluit; jamque, ut liberis consuleret, extremam necessitatem parabat. Tiberius eum, "senatus, Sejani ac Principis gratiæ certum, ad animi firmitudinem, accusationemque strenue repellendam," hortatur. At, cum Romam venit, nulla data defensionis facultate, adempto etiam sermonis et colloquii usu, spei egenus clauditur, iis tantum, quibus vix viveret, mori tamen non posset, permissis. Syriaco, viro diserto,¹ nullius criminis reo, sed ob Asinii amicitiam invisio, sors lætior, deproperata morte, obtigit. Lætum enim interfici in hac gravi ætate, qua Princeps vita ipsa sævire cœpit,² eamque morte tristiores facere: numquam sævior, quam cum, supplicii parcus, mortem, ultimum malorum levamen, invidit; vitæ usuram in tormenta convertit.

21. Interim Tiberius, in majora intentus, ipsaque Sejani obsequia veritus, omnes pertentandi animos, et dominationem retinendi artes meditari; Sejanum explorare, circumspectare vultus; dicta, facta, consilia observare. At hominum callidus, eosque, adversis cautos, dubiis obscuros, prosperis totos patere certus, iis grassatur, ut vel inviolatam ejus fidem aperiat, vel perfidiam prosperitatis mole obruat. Sejanus numquam visus carior; Principis continuus et intimus, ob laboris patientiam, animi vigorem, egregiam modestiam, novis in dies honoribus mactatur: in conscientia arcanorum, et rei publicæ capessendæ cura innectitur: Consul, collega Principe,³ designatur: Livia, quondam negata,² permittitur: omnia principatus auctoramenta cumulantur, ut principatu certius excidat.

22. Ipse impar tantis artibus, Cæsarem venerari, Caium spernere,¹ spes ostentare, sibi invisos opprimere,² clientium vota excipere, multa elargiri, plura adpromittere, luxu et otio Principem inumbrare: lætissimo Tiberio, qui male tectam mentem, et crescentibus honoribus, in certiora indicia cito erupturam introspecterat.

23. Inter hos fortunæ lusus, et suspicacis Principis simu-

¹ *Viro diserto.* Senec. ii. Controv. 9.

² *Syriacus*—multa diserte dixit.

³ *Vita—capit.* Suet. Tiber. 6f. 'Mori volentibus vis adhibita vivendi. Nam mortem adeo leve supplicium putabat, ut, cum audisset unum e reis, Carvilius nomine, anticipasse eam, exclamaverit: Carvilius me evasit. Et in recognoscendis custodiis, precanti cuidam pœnæ maturitatem, respondit: Nondum tecum in gratiam redii.'

¹ *Collega Principe.* De his Tiberii arti-

bus, honoribusque Sejani, v. Dion. lviij, p. 623.

² *Quondam negata.* Olim negatam vidimus sup. An. iv, 40. Postea permissam, An. v, 6. V. quoque An. vi, 8.

¹ *Caium spernere.* Nec tantum spernere, sed etiam Sextium Paconianum, qui ei dolum pararet, deligere, ut dicitur inf. An. vi, 3.

² *Sibi invisos opprimere.* Hos inter oppressus videtur Curtius Atticus, de quo inf. An. vi, 10.

lationes, Velleius Paterculus, scriptor elegantis ingenii, sed hominum rudis, laudis et favoris avidus, ingentia populi Romani facta brevi libello complectitur: totque seculis, tot victoriis partem imperii majestatem, in Tiberio comprehensam, a Sejano sustentatam, exhibet. Adulationem, vel in volucris verbis infamem, scriptis cum summo nominis sui et historiae dedecore perennem fecit: fato odioque Sejaniano semper premendus, damnandus semper, sed ob curiosos laudem homines et deformem scriptorum servitutem, paucos ingenii, plurimos adulteriorum fœditatis imitatores pari cum opprobrio semper habiturus.

A. U. C. 784. J. C. 31.

24. Tiberius Cæsar V. et Ælius Sejanus consulatum acerrimis, sed diversissimis, utriusque votis expetitur inire; Tiberius Capreis, Sejanus Romæ. Numquam lætior, aut splendidior Urbis facies. In consulem, quem futurum mox dominum suspectabat, intenta, Principis ferme oblita, Sejanum veneratur² eo demissius quod novorum hominum facilis offensio, gratia difficilis, atrox superbia, odium pervicax. Omnes consulis foribus adsistere, ejus libertis ac janitoribus notescere, eum aspicere, ambire, salutare, ex ejus adloquio et nutu ingentes spes agitare: omnium vocibus, omnium laudibus celebratur; et quem adhuc pudet in hac servitii cruditate numinis cultum præsentī offerre, is ad ejus imagines sine verecundia defertur.

25. Tanta Urbis studia haud miratus Princeps, sed cautior, L. Pisonem, patre censorio nobilem, ob rarissimum luxus ac virtutis temperamentum, et nullam inter acerrimas curas occupationis ostentationem acceptissimum, secretiorisque imperii in Urbis præfectura participem, vigilantiae admonet:

1 *Perennem fecit.* Fœda hæc adulatio se passim toto libello prodit, ac maxime ii, 126 sq. De Sejano longe aliter scripturus, si sub finem anni sequentis scripsisset: tum forte Valerio Maximo convitiolum feracior. De Valerio Maximo v. inf. c. 39.

1 *Tiberius Cæsar V.* Tiberius Cæsar V. et L. Ælius Sejanus consulatum inire A. U. C. 784. J. C. 31. In nummis Bilbilitanorum TI. CAESAR DIVI AVG. F. AVGVS-TVS, Tiberii capite laureato. Ex adversa parte, NV. AVGUSTA BILBILIS. TI. CAESARE. V. L. AELIO SEJANO. Intra coronam cos. 'Municipium Augusta Bilbilitis: Tiberio Cæsare quintum, Lucio Ælio Sejano consulibus.' V. Harduin. Select. Opp. p. 709. Omnes Tiberii collegas, Quinctilium Varum, Cn. Calpurnium Piso-

nem, Germanicum, Drusum, Sejanum, violenta morte periisse observatum ap. Dion. lvii, p. 616.

2 *Sejanum veneratur.* Optime Dio lviii, p. 623. 'Ut paucis dicam, Sejanus Imperator, Tiberius quidam insulae rector videbatur, ὥστε συνίλοντι ἱππῶν, αὐτὸν μὲν, ἀποκατόρα, τὸν δὲ Τιβέριον, νησιάρχῳ τινα ἰλαί δούκιν.

1 *L. Pisonem.* De quo Seneca Ep. 83. 'L. Piso, Urbis custos, ebrius, ex quo semel factus est, fuit—officium tamen suum, quo tutela Urbis continebatur, diligentissime administravit.'—Huic et Tiberius dedit secreta mandata, 'profiscens in Campaniam cum multa in Urbe et suspecta relinqueret et invisa.' Laudatur An. vi, 10.

consulis colloquia, senatorum obsequia, equitum vota, populi dicteria, rumores omnes clam anquirat, offensionum negligens, ut plures futurorum exitiorum causas habeat: ipseque novam obsequiorum materiem addit, missis ad senatum literis, quibus "Sejani fidem curasque" commendat; et "eum insignem principalium onerum adiutorem, imperii socium, Sejanum suum" appellat.²

26. Consul, ut truculento Principi grates agat incertum an ut simultates faciat, primores illi invisos corripit, et fictis criminibus damnatos interficit. Hos inter Geminus Rufus,¹ majestatis postulatus, senatum adiit, et, ut Cæsarem liberis suis placabilem redderet, testamentum recitavit, quo eum, partita hereditate, liberis exaequabat. Id haud satis virile habitum: domum itaque, lata nondum sententia, regressus, et quæstorem, supremæ necessitatis nuntium, oppertus, ubi eum vidit, gladium sua in viscera direxit; vulnusque ostendens, "Refer," ait, "senatui, sic virum occumbere." Publica Prisca maritum æmulator: in jus vocata, curiam venit; ibique, pugione, quem sinu occuluerat, adacto, mortua corrui.

27. Sejanum tot funeribus dominationi inbiantem ad magnas spes casu an consilio patres erexere: ejus enim favore et Cæsaris literis permoti, quid summum in adulatione valeant, consultant. Visum "præcellentem, sed brevem, esse consulatus dignitatem: consultissimum fore, si prorogaretur." Decretum itaque "Cæsarem ac Sejanum" per quinquennium consulatum continuaturos; et iis, cum Romam intrarent, senatores obviam processuros." Sejanum, honoris recentem, et excelsa pedetentim, non cursim, peti nescium, obcæcat dignitatis diuturnitas, Principis senecta; jamque summam spem præcipit.

28. At ubi senatusconsultum ad Cæsarem perlatum, quantum e republica peteretur persensit: ne tamen ambitionem aut facilitate provocaret, aut repulsa inritaret, rescripsit, "in hac optimorum senatorum multitudine, imperii amplitudine, sapienter a majoribus provisum, ut ne annuus quidem esset consulatus: quinquennali dignitate egregios viros virtutis præmio, provincias rectoribus privari: consulendum non quid sibi, quid suo Sejano sit honorificentius; utrique rempubli-

² *Sejanum suum appellat.* De his aliisque plurimis Dio, sæpe citatus, lviii, p. 623.

¹ *Geminus Rufus.* Geminii Rufi, et Publicæ Priscæ exitum narrat Dio l. sup. cit. Neque Geminus ille confundendus cum Geminio, de quo dicitur An. vi, 14. Missos quæstores, qui supplicia curarent, multis exemplis compertum. V. inf. An. xvi, 34.

¹ *Cæsarem ac Sejanum.* De his honoribus Dio, lviii, p. 623. Καὶ τῶς ἐψηφίσθη, ὑπάρχουσιν τε σφῶς διὰ πάντων ἑταίρων ἀποδιδέσθαι, καὶ ἀπάντησιν, ὅπως ἐς τὴν ῥώμην ἵσταιεν, ἀμφοτέρους ὁμοίως γίνεσθαι. Denique decretum est, ut ad quinquennium consules simul constituerentur: utrique, cum Romam intrarent, obviam procederetur.

cam laude sua potiore esse." Hic Sejano favoris, tot sceleribus parati, finis: declinare coepit; tanto citiore lapsu, quanto altiore, ruiturus.

29. Suffecti VII. Idus Maii¹ consules Cornelius Sulla Sexteidius Catullinus. Sejanus, vel exuta dignitate, potentia haud impar Principi, id maxime sategit, ut Capreas repeteret, senem certius obsequiis devincturus, vel facilius, si facultas daretur, oppressurus: "morbum Liviae, diuturnam absentiam, suum in Cæsarem studium" obtendit. Callidior Tiberius "urbana negotia, suumque Romam reditum"² objicit: mox datis ad senatum literis, Sejanum oblique perstringit, vel laudando modice, vel maligne silendo: deinde ut pronos ad nova animos incitet simul ac retardet, modo se "annis et morbo gravem, in principalibus curis opis alienae indigum" simulat, modo se, "refectis viribus, et confirmata valetudine, quam primum Romam venturum, et reipublicae consulturum" nuntiat.

30. Prudentibus, sed paucis,³ subolueret Principis consilia: ceteros divisa in Cæsarem et Sejanum principatus potentia includebat: ipseque Sejanus, bona inter et mala licet ambiguous, spe dominationis, qua ambitiosis in pectoribus nihil tenacius, prolectabatur. Cæsar, ut occultiores sensus tandem extruderet, eum honoribus pariter et æmulatione adgreditur; ipsum enim ejusque filium sacerdotiis exornat cum Caio,⁴ quem, Capreas accitum,⁵ moxque sumta toga, ut futurum heredem, laudavit. Æmulum, fortunæque ostentatum, juvenem, nimia populi in revirescentem Germanici domum studia invidit Sejanus. Patres vero, ad deformem obsequium semper projecti, nec artium callidi "proconsulare imperium" illi⁴ decrevere; "eumque in posterum consulibus exemplar proponendum" censuere: invidiam mollivit aucta dignitas, servilisque adulatio. Sed mox timorem addidit Princeps, cum

¹ VII. Idus Maii. Die nona Maii. V. inscr. sup. laudatum An. v, 11. not.

² Romam reditum. Dio lviii, p. 624 et 625. Miror Cl. Catrou, *Histoire Romaine*, vol. xx, p. 664. hæc insigni errore de Caio Caligula dicta accepisse.

³ Prudentibus, sed paucis. Dio, lviii, p. 625. hæc fusius prosequitur, quam ut describantur. Immanem enim in molem notæ excrescerent.

⁴ Sacerdotiis exornat cum Caio. Dio, lviii, p. 625. 'Ο Τιβέριος, ἱερέας μὲν αὐτοῦ (Γαίου) τι καὶ λαίονος καὶ τὸν υἱὸν αὐτοῦ ἱποῖσι. 'Tiberius Sejanum filiumque ejus cum Caio sacerdotes fecit.'

⁵ Capreas accitum. Suet. Cai. 10. 'Caius

vicesimo ætatis anno accitus Capreas, uno atque eodem die togam sumsit; barbarumque posuit: sine ullo honore, qualis contigerat tirocinio fratrum ejus.' Sacerdotia laudesque a Tiberio datas silet scriptor indiligens, ferme totus in Principum criminationibus et libidinibus.

⁴ Proconsulare imperium. Dio, lviii, p. 625. Τὴν τι ἀνθυπατικὴν ἰξουσίαν αὐτῷ ἰδῶσαν, καὶ προσφῆρισαντο πᾶσιν αἱ τοῖς ὑπατεύουσιν παραγγέλλισθαι, κατὰ τὸ λαίονος ζήλωμα ἄρξαι. 'Proconsulare imperium ei dederunt; id etiam decreto addidere præcipiendum omnibus, in posterum consulibus, ut ejus ad imitationem magistratum gererent.'

Hispaniæ aliarumque⁵ provinciarum rectores, Sejano infensos, et criminum postulatōs, absolvisset.

31. Tum pœnitere¹ quod in consulatu, demissaque in servitute civitate, nihil adtentasset: dubias tamen spes paululum firmavere Cæsaris ad consules literæ,² quibus appellato quidem Sejano, minime tamen laudato, Neronem, atrocius increpitum, "hostem judicari, et necari"³ jussit: at inconsultos ob cædem tamdiu expetitam lætitiæ sensus brevi temperavit, et terrores vividius incussit. Gnarus enim, imminuta veneratione, imminui homines dignitate, quam virtute, majores, imperavit "ut nemini mortali⁴ sacrificaretur; in ceteris etiam Principis honoribus modus foret: nihilque novi de iis referretur." Hæc quidem obsequia spernebat Cæsar, principatus, quam religionis, studiosior: ea vero ambiebat Sejanus, sui cultor ipse et numen, religione ad principatum usus, et adorata capita odiosius evilesceere nescius.

32. Sublato Sejani cultu, et infracta paulatim potentia, ardentiora fuere in Caium, ipsumque Principem, Germanici domui æquiorē, studia. Cæsar, animorum inclinatione lætus, heredis certus, de se securus, Sejanum ad fidei perfidiæ extrema impellit; ejusque intimos, criminum postulat, morte adficit; in imperii tranquillitatem haud alias intentior. Dissimulatione et patientia suspicacem Principem oppressisset Sejanus: sed urgebant fata, sceleribus gravida; et lævam mentem in conjurationem adegere. "Spes vanescere, se peti" infremens, prætoriisque cohortibus superbus, senatores, equites, liberos,¹ criminum socios, Principi invisos sollicitat,

⁵ Hispaniæ aliarumque. Hæc pluribus pressquitur Dio lviij, p. 626.

¹ Tum pœnitere. Dio ibid.

² Ad consules literæ. Dio ibid.

³ Hostem—necari. Suet. Tiber. 54. Cai.

⁷. Dio quoque, l. c.

⁴ Nemini mortali. Dio lviij, p. 626.

Και ἀπειτε, μήτ' ἀνθρώπων τινὶ δοῦσθαι, διότι καὶ ἐκείνῳ (Σηϊανῶ) τοῦτ' ἐγγίγντο, μήτε ἐπὶ τῇ αὐτοῦ τιμῇ τε χρηματίζεσθαι, διότι πολλὰ ἐκείνῳ ἐφειζέτο, τούτῳ γὰρ ἀπηγορεύει καὶ μὴ καὶ πρότερον, τότε δὲ διὰ τὸν Σηϊανὸν ἀντιώσαστο. Edixit ne cui homini sacrificaretur, quod Sejano res sacra fieri solebat; nove de sui honore quidquam referretur; quippe multa Tiberio decernebantur, quod jam ante interdictum, tum propter Sejanum repetebatur.

¹ Senatores, equites, liberos. Joseph. Antiq. Jud. xviii, 6. Ἐπιβουλὴς γὰρ μεγάλῃς συστάσεως ἐπ' αὐτὸν, (Τιβέριον), ἐπὶ Σηϊανῶ, φίλου τε ἀνδρός, καὶ δυνάμει ἐν τῷ σῶσι μεγίστην ἔχοντος διὰ τὸ τῶν στρατιωμάτων εἶναι ἡγεμονίαν αὐτοῦ, καὶ τῆς τε βουλῆς οἱ πολλοί, καὶ τῶν ἀπεικισθῆναι προσέθιν.

το, καὶ τὸ στρατιωτικὸν διεφάρτο, προῦκπετὶ τε ἡ ἐπιβουλὴ ἐπὶ μίαν, καὶ ἐπίπρακτο Σηϊανῶ τὸ ἔργον, μὴ τῆς Ἀντωνίας τὸ μὴ χρησταμίνης σοφώτερη τῆς Σηϊανῶ κακοῦργίας. Ἐπὶ γὰρ μανθάνει τὰ ἐπὶ τῇ Τιβέριῳ συγκείμενα, γράφει πρὸς αὐτὸν τὰ πάντα ἀκριβῶς, καὶ Πάλλαντι ἐπιστολὰς τὰ γράμματα τῶν πιστοτάτων τῶν δοῦλων αὐτῆς, ἐμπέμπει πρὸς Τιβέριον εἰς τὰς Καπρεῖας· ὃ δὲ μαθὼν, τὸν τε Σηϊανὸν καὶ τοὺς συνεπιβούλους· τὴν τε Ἀντωνίαν, καὶ πρὶν ἀξιολόγως ἄλλαν, τιμωρίζαν τε ἐπελάμβανει κατὰ τοὺς πᾶσι πιθανόν. Magna conjuratione in Tiberium facta a Sejano, Principis amico, maximamque potestatem ob prætoriarum cohortium præfecturam adepti, multi et senatoribus cum libertis sese ei adjunxerunt, corruptisque militibus, conjuratio invalescebat, resque Sejano successisset, nisi Antonia prudenti audacia Sejani malitiam superasset. Ubi enim nefandas in Tiberium machinationes intellexit, omnia ei diligenter perscripsit, tradiditque literis Pallanti, servorum suorum fidissimo, misit eum Capreas ad Tiberium. Ille vero, re

et nefario fœdere inligat; atrocior simul ac felicior, quam ut infaustus, quæ tum percrebuere, portentis retardaretur.² Sceleris horrore dubium an præmiorum spe, conjurationis indicium apud Antoniam Satrius Secundus,³ Sejani cliens, professus est.

33. Antonia, grandi animo, nec minore in Caium, nepotem,⁴ caritate, missis per Pallantem,² servorum suorum fidissimum, literis, crimen Principi demonstrat. Tiberius, quamquam ad omnes eventus casusque paratus, periculum exhorruit: invicta tamen mente, solitas moras vincit, et promptissimas opprimendæ conjurationis vias meditatur: Sejanum exosus, Prætorianos metuens, ceteros aspernatus, Prætorianos in obsequio præmiis retinere, Sejanum supplicio infamare statuit: ceteros imbelles in poenas ultro ruituros.

34. Tum consules erant Memmius Regulus et Fulcinus Trio:¹ hic Libonis accusatione et Sejani favore infamis; ille paulo segnior, sed auctoritate et constantia egregius; ideoque delectus, qui Sejanum circumveniret. Mox Cæsar Sertorium Macronem,² secretorum participem, advocat, cohortibus prætorii præfectum destinat; explicatis consiliis, datisque literis, Romam mittit; monetque (id enim quidam tradidere) "ut, si quid tumultus³ in Urbe oriatur, armaque ab Sejano tententur, Drusum, in palatio clausum, educat, et ducem populo imponat."

35. Macro, Urbem noctu ingressus, Principis jussa cum Memmio Regulo, consule, et Græcino Lacone, Vigilum præfecto, communicat; ceteraque ad Urbis tranquillitatem, Cæ-

cognita, Sejanum occidit et hujusce consilii participes; et Antoniam, quam antea magni faciebat, majore in honore habuit, eique in omnibus confidit.⁴ Tacitum quoque An. vi, 8 et 14. videas. Verum Cl. Crévier, *Histoire des Empereurs*, vol. i, p. 552. Auctores Anglos, *Histoire Ancienne tirée de l'Anglois*, vol. ix, p. 498. et Cl. Tillemont, vol. i, p. 109. secutus, hanc conjurationem anno priore conflata ac detectam scripsit: quo nihil potest fingi Josepho, ac Tacito, veritati historicæ, Sejani Tiberique ingenio contrarium magis. Inde tot eorum in hac historiæ parte errores.

² *Portentis retardaretur.* In his portentis recensendis plurimus Dio lviij, p. 624 et 625. Puderet referre: in iis enim vulgo pauca vera; multa fortuita; mendacia plurima.

³ *Satrius Secundus.* Tac. An. vi, 47. 'Satrio Secundo conjurationis indice.'

⁴ *Caium, nepotem.* V. stem. Cæs. n. 42 et 86. Caius, relegata matre sua Agrip-

pina, ad Antoniam aviam transierat, Suet. in Caio 10.

² *Per Pallantem.* Qui, Claudio imperitante, tanto protervior Sejano fuit, quanto vilior. De illo plurima An. xii, xiii, et xiv.

¹ *Memmius Regulus et Fulcinus Trio.* Cornelio Sullæ et Sexteidio Catullino fuerant suffecti. V. inser. vet. An. v, 11. not. sup.

² *Sertorium Macronem.* Hæc ceteraque, quæ Sejani exitum spectant, fuscè prosequitur Dio lviij, p. 626. 627 et 628.

³ *Si quid tumultus.* Dio lviij, p. 629 et 630. Τῷ τε Μάκρονι, ὥς τινὲς φασιν, ἐνταῦθα, ὅπως ἂν τι παρακινήσῃ, τὸν Δρούσον ἔς τε τὴν βουλὴν καὶ ἔς τὸν ὄχλον ἰσαγάγῃ, καὶ αὐτοκράτορα ἀποδείξῃ. 'Macroni, ut quidam referunt, mandaverat, si quis gravior motus incidisset, ut Drusum ad senatum et populum produceret, et imperatorem constitueret.' V. et Tac. An. vi, 23. Suet. Tiber. 65.

saris securitatem, Sejani exitium, providet. Interea Cæsar, in summo discrimine nullam satis magnam esse prudentiam certus, naves, quibus, si adversa evenerint, ad fidissimas legiones perfruiat, aptare; ipse ex altissima rupe,¹ signa, quæ, ne nuntii morarentur, ad spei timorisve indicia, tolli mandaverat, speculari.

36. Tandem feralis inluxit dies. xv. Kalendas Novembris,¹ vocati patres in ædem Apollinis, palatio vicinam, convenere. Sejanus ipse venit, prætorianis stipatus: palatium subit, visoque Macrone, nihil literarum a Principe ad se allatum stupet. At cum veneratione a Macrone salutatus, secretoque monitus, "se tribunicie potestatis collegam a Cæsare deligi; mox dandas consuli, qui ad patres referret, Principis literas," ædem intrat, quod summa tandem adeptus sit superbus. Prætorianos statim adloquitur Macro, "Principem iis singula denarium millia² elargiri, seque eorum præfectum esse" nuntiat: deinde curiam ingressus, datisque Principis literis, ad eos revertitur, et "ad castra simul pergere," jubet. Rei novitate læti magis, quam attoniti, properant. Ubi recessere, Laco Vigiles ædi Apollinis circumdedit.

37. Tum flamma,¹ ingentis pilæ specie visa, statimque evanida, vana et mira sectantibus versabilis fortunæ fuit prænuntia. Patrum enim vota inter et obsequia tribuniciam potestatem Sejano gratulantium, apertis Cæsaris literis,² Memmius Regulus plurima de rebus ad rempublicam spectantibus legit; mox pauca et ambigua de Sejano, a patribus in melius accepta; deinde quædam de Sejano tristia, mirantibus patribus, seque nonnullis ab illo dissociantibus; denique truculentiora, et Principis iussa "senatores duos, Sejano intimos plecti, Sejanum comprehendi" (eum enim, ne efferarentur animi, morte adficiendum secretioribus imperiis mandaverat): "se Romam modo venturum: alterum ex consulibus³ mittendum, qui senem Principem, auxilii inopem, in conspectum eorum cum militari præsidio perduceret." Sejanus, statim solus, et in subita vastitate trepidus, pallescere; prætoribus ac tribunis plebis cinctus, exhorrescere; ad vocem consulis incla-

¹ *Ex altissima rupe.* Ista Suetonius, Tiberio iniquior, ut sæpe monuimus, in Tiberii dedecus perperam vertit, Tiber. 65.

¹ xv. Kal. Novembris. Tac. An. vi, 25. Cetera v. ap. Dion. lviij, p. 626.

² *Singula denarium m.* Angl. 33l. 6s. 8d.

¹ *Tum flamma.* Senec. Nat. Q. i, 1. 'Nos quoque vidimus non semel flammam ingentis pilæ specie, quæ tamen in ipso cursu suo dissipata est. Vidimus circa divi Augusti excessum simile prodigium:

vidimus cum de Sejano actum est; nec Germanici mors sine denuntiatione tali fuit.'

² *Cæsaris literis.* Hæc omnia Dio lviii, p. 627. Juvenal. x, 71. 'Verbosa et grandis epistola venit A Capreis.' Epistolam hanc, 'pudendam miserandamque orationem' appellat Suet. Tib. 65. Tiberio injurius.

³ *Alterum ex coss.* Suet. l. c.

¹ *Incerta veritus.* Dio lviii, p. 627. hæc particulatim memorat.

mantis, “Ades huc, Sejane,” non fastu, sed parendi desuetudine, et captus animi, auribus non competere. Consule iterum et tertium, protenta manu, inclamante, “Adesdum, Sejane,” cum surgeret exanimus, Laco adstitit, vimque paravit. Versa fortuna, confestim senatorum confusis clamoribus et maledictis undique impetitur.

38. Memmius Regulus, studiorum tamen et deliberationum incerta veritus,¹ neque omnium sententiam rogare, neque capitis inquirere; sed senatore uno “vinciendum reum” illi adsentiente, jubet “vincla injici.” Ipso duce, stipantibus magistratibus, in carcerem trahitur. Disrupto Sejaniano jugo, effusa civitas omnia principatus facinora in Sejanum congerere, Principem laudare; plebs tanto insolentior, quanto reus excelsior, ipsaque miserior, lætari, insultare, exprobrare crimina, spes inridere, et, ut ad infamiam pateat, velatam faciem retere: discernere imagines, statuas devellere, raptare,² confringere, et, quasi in Sejanum sævirent, furere. Ipse, in laceris præteritæ fortunæ reliquiis imminentium sibi testis, clauditur.

39. Nec mora. Patres ad ædem Concordiæ¹ coacti, cum nihil turbaret populus, neque Prætoriani apparerent, “ut properata Sejanî morte Principi gratificarentur” censuere. Confestim misso mortis exactore, supplicio adfectus est; et in Gemonias projectus, Deos, ob fortunata scelera diu invisos, absolvit, ruina quam fortuna insignitior. Post fata etiam sæviere patres: et ad abolendam exosi hominis memoriam, factum senatusconsultum “quo Sejanus nemini lugeretur:² ejus nomen fastis et monumentis eximeretur:³ libertatis effi-

² *Devellere, raptare.* Dio lviij, p. 628. Elegantiùs Juvenal. x, 58. ‘Descendunt statuæ, restemque sequuntur. Ipsas deinde rotas bigarum impacta securis Cædit, et immeritis franguntur crura caballis: Jam strident ignes, jam foliis, atque caminis Ardet adoratum populo caput, et crepat ingens Sejanus: deinde ex facie toto orbe secunda Fiunt urceoli, pelves, sartago, patellæ. Pone domi lauros, duc in Capitolia magnum Cretatumque bovem: Sejanus ducitur unco Spectandus: gaudent omnes. Quæ labra; quis illi Vultus erat? numquam, si quid mihi credis, amavi Hunc hominem.’

¹ *Ædem Concordiæ.* Dio lviij, p. 628.

SALVTI. PERPETVÆ AVGVSTÆ
LIBERTATIQVE PVBLICÆ
POPVLII. ROMANI

² *Nemini lugeretur.* Dio lviij, p. 629. Postea id ultro permisit Princeps, tum clemens, quia inutilis sævitia: forte etiam, ut novas exitiorum causas haberet. V. Dion. lviij, p. 631.

³ *Eximeretur.* Inde in fastis consularibus unus Tiberius hujus anni consul appellatur. TIBERIO CAESARE V. SOLO. Vel in ipsis nummis erasum est Sejanî nomen. V. Cl. Florez. *Medallas d' España*, p. 183. Cumque homines amoris et odii sint immo-dici, ne nominabatur quidem Sejanus, sed hostis tantum dicebatur, ut in vet. marm. quod extat Interamnæ, nunc Terni, Gru-ter. p. 113. n. 2.

GENIO. MVNICIPI. ANNO. POST
INTERAMNAM. CONDITAM
DCCIII. AD. CN. DOMITIVM
AHENOBARBYM—COS

gies⁴ poneretur in foro." Quæ etiam nova,⁵ "diem festum, per cunctos magistratus et sacerdotes celebrandum; ac per singulos annos, necis die, ludos et venationes, quas quatuor collegia sacerdotum et sodales Augustales ederent," decrevere: demum ut respublica ausis impudentibus haud ultra pateret, "ne quis in posterum ad nimios honores eveheretur; neu per quemquam alium, quam per Imperatorem, juraretur," sanxere: olim adulationis, nunc opprobrii immodici.⁶

40. Interim diversi Urbis sensus:¹ læti, quicunque a Sejano, vel injuria lacessiti, vel in beneficiis omissi, vel fortunæ insolentia offensi: tristes vero ac trepidi, scelerum socii, consanguinei, adfines, amici. In hac etiam rerum perturbatione, licet Urbis custodia magistratibus omnibus a Tiberio fuisset demandata, tumultuantur prætoriani, indignati sibi fide et observantia in Principem Vigiles fuisse antehabitos; incendia, direptiones miscent, dum populus in præcipuos Sejanianæ sævitiae satellites inrumpit, et plurimorum morte vetera damna ulciscitur.

PROVIDENTIAE. TI. CAESARIS. AVGVSTI. NATI. AD. AETERNITATEM.
ROMANI. NOMINIS. EVBLATO. HOSTE. PERNICIOSISSIMO. P. R.
FAVSTVS. TITIVS. LIBERALIS. VI. VIR. AVG. ITER.
P. S. P. C.

I. e. 'pecunia sua faciendum curavit.' Punito Sejano, amphitheatrum Interamnense salutis perpetuæ Augustæ, libertati publicæ et providentiæ Tiberii dedicatum et consecratum fuisse existimat Angeloni, *Historia di Terni*, p. 2.

4 *Libertatis effigies.* Dio lviij, p. 629.

5 *Quæ etiam nova.* Dio ibid. Nova quidem erant hæc honorum insignia, quod non a solis sacerdotibus, ut An. llij, 64. sed a cunctis etiam magistratibus celebraretur festus ille dies; quod ludos et venationes, necis die, sacerdotum collegia et sodales Augustales ederent.

6 *Opprobrii immodici.* Quæ lues scriptores quoque pervasit, ac maxime Val. Max. ix, 11. n. 4. 'Sed quid ego ista consector, aut quid iis immoror, cum unius patricii cogitatione cuncta scelera superata cernam! Omni igitur impetu mentis, omnibus indignationis viribus, ad id lace-randum pio magis quam valido affectu feror. Quis enim amicitiae fide extincta genus humanum cruentis in tenebris sepelire conatum, profundo debite execrationis satius efficacibus verbis adegerit? Tu videlicet efficitur barbaria immanitate truculentior habenas Romani imperii, quas princeps, parensque noster salutari dextra

continet, capere potuisti? Aut te compote furoris, in suo statu mundus mansisset? Urbem a Gallis captam, et trecentorum inclytæ gentis virorum strage fœdatam, Alliensem diem, et oppressos in Hispania Scipiones, Thrasymenum lacum, et Cannas, bellorumque civilium domestico sanguine madentem Æmathiæ aventibus propositis furoris tui representare, et vincere voluisti? Sed vigilarunt oculi Deorum: sidera simul vigorem suum obtinuerunt: aræ, pulvinaria, templa præsentis numine vallata sunt; nihilque quod pro capite Augusti ac patria excubare debuit, torporem sibi permisit. Et in primis auctor ac tutela nostræ incolumitatis, ne excellentissima merita sua totius orbis ruina collaberentur, divino consilio providit. Itaque stat pax, valent leges, sincerus privati ac publici officii tenor servatur. Qui autem hæc violatis amicitiae fœderibus tentavit subvertere, omni cum stirpe sua populi Romani viribus obtritus, etiam apud inferos, si tamen illuc receptus est, quæ meretur, supplicia pendit.' Vere Juvenal. x, 73. 'Sed quid Turma Remi? Sequitur fortunam, ut semper, et odit Damnatos.'

1 *Diversi—sensus.* Hæc et cetera Dio lviij, p. 628.

41. Pacata demum Urbe, de Principis honoribus,¹ Macro-
nisquet e Laconis præmiis relatum: decretumque "ut Cæsar
pater patriæ appellaretur; dies ejus natalis decem equorum
certaminibus et senatus epulo celebraretur: Consul Memmius
Regulus cum senatoribus, equitibus, et nonnullis e plebe legati
Capreas mitterentur, et Principi providentiam salutemque
publicam gratularentur." Magna vero pecuniarum vi mune-
rantur Sertorius Macro et Græcinus Laco: huic quoque quæ-
storia, illi prætoriam insignia decreta: permissumque Macroni,
"ut spectaculis inter senatores adsisteret, ludisque votivis
prætexta uteretur." Quos honores uterque recentis exempli
pavore potius, quam modestia repudiavere.

42. At Tiberius, signis, supra memoratis, mox nuntiis,
eventum edoctus, haud magis securitate sua quam dissimula-
tione lætus, artes obfirmat: numquam obscurior et secreti
amantior, in villa Jovis¹ per novem proximos menses² abdi-
tus, milites devinxit, dato Syriacis legionibus,³ quod nullam
Sejani imaginem inter signa coluissent, donativo: legatos
vero senatus⁴ ne exceperit quidem. Memmii Regulum, con-
sulem, quod se, cum Princeps Romam peteret, itineris comi-
tem offerret,⁵ repulit: honores quoque sibi delatos asperna-
tus, "ne de iis posthac referretur" vetuit, metu incertum an
ut ad Sejanianorum poenas patres acrius incenderet.

43. Certe ut primum legati rediere, Cæsaris silentio, quam
ullis umquam imperiis patres incitati, Sejani propinquos, ad-
fines, intimos, corripunt. In filium natu maximum, et Junium
Blæsum,¹ avunculum, fortunæ propiores, quam ut sceleris
puros, advertitur. Apicatum,² mariti morte haud tristem,
nati, in Gemonias abjecti,³ visus penetravit: ad scelere Se-
jani et Liviæ confessionem evicta, libellum de Drusi morte⁴

¹ *Principis honoribus.* Dio lviii, p. 629. Principis honores, Macronis et Laconis præmia recenset.

¹ *Villa Jovis.* De duodecim villarum nominibus et melibus dictum sup. An. iv, 67.

² *Per novem proximos menses.* Ita Suet. Tib. 65. Cl. Crévier, *Histoire des Empereurs*, Vol. i, p. 563. existimat Tiberium per tot menses non delituisse, cum Tac. An. vi, 1. cepta sequentis anni narratione, Principem Campaniam prælegentem exhibeat. Haud attendit vir Clar. Tacitum a temporum ratione nonnumquam discedere, ut narratio magis niteat.

³ *Syriacis legionibus.* Suet. Tib. 48.

⁴ *Legatos vero senatus.* Dio lviii, p. 630.

⁵ *Comitem offerret.* Dio ibid. 'Crediderat nimirum epistolæ subsidio sibi alterum ex consulibus poscentis, ut tutus a

Capreis Urbem peteret.' Tac. An. vi, 2. V. et Suet. Tib. 65.

¹ *Filium—Blæsum.* Id ipse Tac. innuit An. v, 7 et 9. V. stem. Sejani, An. iv, 1.

² *Apicatum.* Apicatum, Sejani uxorem, sed domo pulsam, ut dictum An. iv, 3.

³ *Gemonias abjecti.* Dio lviii, p. 628. ait Apicatum ad eam confessionem fuisse evictam, cum natorum suorum corpora in scalas abjecta videret, *μαρτύρια δὲ ὅτι τὰ τέκνα αὐτῆς τίθηναι, καὶ σφῆν τὰ σώματα ἐν τοῖς ἀναβασμοῖς ἰδοῦσα.* Ego vero narrationis Cornelianæ An. v, 9. vestigia secutus, id post mortem filii natu maximi evenisse existimo.

⁴ *Drusi morte.* Hæc omnia Dio l. c. Drusus, Tiberii filius. De ejus morte dictum An. iv, 8.

ejusque interfectores componit, ad Cæsarem mittit: mox, ne filiis superstes vivat, se ipsa interficit.

44. Cæsarem, in silentia obstinatum, vicit accusationis gravitas: ad Senatum scribit, "manifestos mortis Drusi reos: æque atrocia adversum se adtentata:" jubet, "Eudemum ac Lygdam¹ tormentis subjici: utriusque conjurationis comperitos opprimi." Tum publica in Sejanum odia recrudescente: invalescere Drusi desiderium, Tiberii amor: confessione Eudemi ac Lygdi, qui Sejani ac Liviæ facinora, et ab his propinata Druso venena patefecere, aucta miseratio. Ipseque Tiberius, virtutum, ubi artibus suis utiles, haud rudis, clementiæ laudem obtinet, vita Liviæ,² infandi sceleris convictæ, ob Antoniae merita et virtutem permissa. Indulgentia Cæsaris abuti haud valuit; ab optima parente, sed maximas pietatis partes in criminum vindicta positas rata, fame enecta. Illam a Tiberio interemtam quidam prodidere,³ nullum ab immiti Principe clementiæ signum umquam editum opinati.

45. Demum in Sejani assecclas tota incubuit legum severitas. Correpti quotquot ejus favore¹ et societate celebrati, nisi ipsi delatorum nomine et accusationum atrocitate impunitatem mercarentur; in jus etiam retracti, olim accusati, et ejus gratia absoluti: senatores, equites, virile ac muliebre secus, in carcerem contrusi, aut apud magistratus vadesve adservati: plurimi, ne publicarentur bona, et infami morte dehonorentur, sibi manus intulere: ceteri damnati, et supplicio adfecti: nonnulli defensionem suscipere ausi.

46. Quatuor et quadraginta orationes super ea re habitæ, ex quibus ob metum et scelerum memoriam paucae viriles, plures adsuetudine servitii, imbelles. Orationem melius flexit Sejani amicorum integerrimus:¹ crimina, quæ nihil ad se pertinerent, siluit: sacram intactamque amicitiam purgavit. "Numquam," inquit, "Sejani amorem, mihi pudorem, aut Sejano invidiam allaturum censui: ejus amicitia ad reipublicæ utilitatem sum usus. Versa est fortuna; et ille quidem, qui collegam et generum adsciverat, sibi ignoscit: ceteri, quem per dedecora fovere, cum scelere insectantur. Cæsarem absolvit, experta per sexdecim annos, Sejani fides. Hos arguit probrosa adsentatio. Me sacra amicitiae jura tueantur. Miserius sit ob amicitiam accusari, an amicum accusare haud discreverim: prius expertus, posterius horresco: nec me degenerem reperient vitæ extrema. Vixi insons, haud moriar

¹ *Eudemum ac Lygdam.* Tac. An. iv, 11.

² *Vita Liviæ.* Dio l. c. De Livia et Antonia v. stem. Cæs. n. 71 et 42.

³ *Quidam prodidere.* Ipse Dio ibid.

¹ *Ejus favore.* Dio lviii, p. 630.

¹ *Integerrimus.* Periit nomen viri integerrimi.

ignobilis. Non crudelitatem,² non clementiam cujusquam experiar, sed liber et mihi ipsi probatus anteibo periculum. Vos obtestor, ne memoriam nostri per mœrorem quam læti retineatis, adjiciendo me quoque iis, qui fine egregio publica mala effugerunt."

47. Tunc singulos, ut cuique adsistere, adloqui animus erat, retinens aut dimittens, partem diei absumsit; multoque adhuc cœtu et cunctis intrepidum vultum ejus spectantibus, cum superesse tempus novissimis crederent, gladio, quem sinu abdiderat, incubuit. Neque Cæsar ullis criminibus, aut probris defunctum insectatus est, cum in Blæsum multa fœdæque incusavisset.

48. Relatum inde de P. Vitellio, et Pomponio Secundo: illum indices arguebant, "claustra ærarii, cui præfectus erat, et militarem pecuniam rebus novis obtulisse:" huic a Considio, prætura functo, objectabatur "Ælii Galli amicitia, qui, punito Sejano, in hortos Pomponii, quasi fidissimum ad subsidium, perfugisset:" neque aliud periclitantibus auxilii, quam in fratrum constantia fuit, qui vades extitere: mox, crebris prolationibus, spem ac metum juxta gravatus Vitellius, petito per speciem studiorum scalpro, levem ictum venis intulit, vitamque ægritudine animi finivit. At Pomponius, multa morum elegantia, et ingenio industri, dum adversam fortunam æquus tolerat, Tiberio superstes fuit.

49. Placitum posthac, "ut in reliquos Sejani liberos adverteretur;" vanescente quamquam plebis ira, ac plerisque per priora supplicia lenitis. Igitur portantur in carcerem, filius imminentium intelligens, puella adeo nescia, ut crebro interrogaret, "quod ob delictum, et quo traheretur? neque facturam ultra," et, "posse se puerili verberare moneri." Tradunt temporis ejus auctores, "quia triumvirali supplicio affici virginem inauditum habebatur, a carnifice, laqueum juxta, compressam:" exin obliis faucibus, id ætatis corpora in Gemonias abjecta.

50. Per idem tempus Asia atque Achaia exterritæ sunt, acri magis, quam diuturno rumore, "Drusum, Germanici filium, apud Cycladas insulas, mox in continenti visum:" et erat juvenis haud dispari ætate, quibusdam Cæsaris libertis, velut agnitus, per dolumque comitantibus. Alliciebantur ignari fama nominis, et promptis Græcorum animis ad nova et mira: quippe "elapsam custodiam, pergere ad paternos exercitus, Ægyptum aut Syriam invasurum" fingeant simul, credebantque. Jam juventutis concursu, jam publicis studiis frequentabatur, lætus præsentibus et inanium spe; cum auditum id Poppæo Sabino. Is Macedoniæ tum intentus, Achaiam

quoque curabat. Igitur, quo vera seu falsa anteiret, Toronæum Thermæumque sinum præfestinans, mox Eubœam, Ægæi maris insulam, et Piræum Atticæ oræ, dein Corinthiense littus, angustiasque Isthmi evadit: marique alio Nicopolim, Romanam coloniam, ingressus, ibi demum cognoscit, solertius interrogatum, "quisnam foret," dixisse, "M. Silano genitum," et multis sectatorum dilapsis, ascendisse navem, tamquam Italiam peteret: scripsitque hæc Tiberio: neque nos originem finemque ejus rei ultra comperimus.

51. Exitu anni, diu aucta discordia consulum erupit: nam Trio, facilis capessendis inimicitiiis, et foro exercitus, "ut segnem Regulum ad opprimendos Sejani ministros" oblique perstrinxerat: ille, nisi lacesseretur, modestiæ retinens, non modo retudit collegam, sed "ut noxium conjurationis" ad disquisitionem trahebat. Multisque patrum orantibus, pnoerent odia in perniciem itura, mansere infensi ac minitantes, donec magistratu abirent.

SUPPLEMENTUM

LIBRI SEPTIMI

A N N A L I U M.

AUCTORE GABRIELE BROTIER.

BREVIARIUM.

1. **N**UNTIATA Romæ Tiberii morte, timor, mox furor. 2. Caius Macronis artibus Princeps appellatur. 3. Funus Tiberii. 5. Caii in matrem fratremque pietas. 6. Honores in Antoniam, Claudium, Caiique sorores collati. 7. De his imperii auspiciis publica lætitia. 8. Inde fracta principatus vis et affectata popularitas. 10. Tiberii legata Caii liberalitate aucta. 11. In reges externos, Agrippam et Antiochum, beneficentia. 12. Artabani obsequia. 13. Felicitatem publicam verbis factisque intendit Caius. 15. Templum Augusti dedicatum: datum congiarium. 16. Spectacula. 17. Caio, ut Urbis restitutori, honores decreti. Hos inter ad ingenua vitia Princeps delabitur. 19. Ejus morbus; Urbisque dolor. 20. Caius convalescit, sed *mutato* in pejus animo. 21. Tiberium, Tiberii nepotem, interficit. 22. In alios quoque crudelis. 23. Uxorem ducit Liviam Orestillam, quam mox repudiat. 24. Labantem famam propagata Saturnalium hilaritate sustinet. 25. Portenta tamen vulgari cœpta. 26. Eorum invidia Principis popularitate et liberalitate depellitur. 27. *At malesana* ejus mens nefariis Heliconis et Apellis artibus pessumdatur. 28. Effræna spectaculorum libido. 29. Favet senatus; suaque *inter funera* plaudit populus. 30. Macronis ejusque domus ruina. 31. Ut plures perirent, excogitata nova crimina. 32. Mors Drusillæ. Immodesta Principis tristitia. 33. Cœlestes Drusillæ honores. 34. *Livii Geminii* adulatio. Publicum in exitium vertit Drusillæ cultus. 35. *Lollia Paullina* Principi nupta, miro luxus apparatus. 36. Data regna. 37. Agrippa, Alexandriam profectus, ibi injuriis appetitur, Flacci Avillii temeritate, aut incuria. 39. Pœna Avillii. 41. Publica opera

laudabiliter suscepta, leviter omissa. 42. Mortes laudesque Antoniae et Julii Græcini. Passienus heredis fraude enectus.

Hæc ferme biennio gesta.

A. U. C. J. C.

DCCXC. 37. Coss. { Cn. Acerronio Proculo,
C. Pontio Nigrino.

DCCXCI. 38. Coss. { M. Aquillio Juliano,
P. Nonio Asprenate.

A. U. C. 790. J. C. 37.

1. **AUDITA** Romæ Tiberii morte, trepidatum¹ ne nova abstrusiorque dissimulatio omnium ruinam pararet. Postero die, certioribus nuntiis, quo tardiora, eo acriora erupere odia; pudebatque, vel post fata, tristissimum Principem timuisse. Plebs, ut metus, sic lætitiæ et spei immodica, gaudio furere: pars "Tiberium in Tiberim"² clamitare: pars "Terram matrem, Deosque Manes orare, ne mortuo sedem ullam, nisi inter impios, darent:" alii "uncum et Gemonias" cadaveri minitari. Omnes exacerbavit recens atrocitas: sævitum enim in damnatos, qui in diem decimum,³ quo de Tiberio erat nuntiatum, dilati, hominum fidem, absente novo Principe, implorabant. Inritis precibus, a custodibus, ne quid adversus constitutum fieret, sunt strangulati, et corpora in Gemonias⁴ abjecta, pristina crudelitate superstite.

1 *Trepidatum.* Joseph. Antiq. Jud. xviii, 6. n. 10. Οὐ μὴ πιστεύειν γε θάρσος ἦν αὐτοῖς, οὐ τῷ μὴ βούλεσθαι, πρὸ πολλῶν γὰρ αὐτὴν ἐτίμησαν χρημάτων τὸ ἰσαληθῆσαν τῶν λόγων· οἱ δὲ μὴ ψευδοῦς τῆς ἀγγελίας γενομένης προειλασθέντες ἐπιδόλῃσι ὥσι τοῦ αὐτῶν χάριματος, εἴτ' ἀπόλοιτο διαβολῆς αὐτῶν γενομένης. Mortuum esse Tiberium Romani 'vix audebant credere, non quod id magnopere non vellent, nam verum esse quod nuntiaretur, vel ingenti pecunia redemptum irent; sed quod vererentur ne falso rumore ante tempus excitati gaudium suum proderent, deinde accusatione in eos instituta male perirent.'

2 *Tiberium in Tiberim.* Suet. Tib. 75. 'Morte ejus [Tiberii] ita letatus est populus, ut ad primum nuntium discurrentes, pars Tiberium in Tiberim clamitarent: pars Terram matrem, Deosque Manes orarent, ne mortuo sedem ullam nisi inter im-

pios darent: alii uncum et Gemonias cadaveri minarentur, exacerbati super memoriam pristinae crudelitatis, etiam recenti atrocitate. Nam cum senatusconsulto cautum esset, ut pœna damnatorum in decimum semper diem differretur, forte accidit, ut quorundam supplicii dies is esset, quo nuntiatum de Tiberio erat. Hos implorantes hominum fidem, quia absente adhuc Caio, nemo extabat qui adiri, interpellarique posset, custodes, ne quid adversus constitutum facerent, strangulaverunt, abjeceruntque in Gemonias. Crevit igitur invidia: quasi, etiam post mortem tyranni sævitia permanente.'

3 *Diem decimum.* De senatusconsulto, quo in diem decimum vitæ spatium damnatis prorogatum est, dictum sup. An. iii, 51.

4 *In Gemonias.* In scalas Gemonias, de quibus dictum sup. Hist. iii, 74.

2. Animos molliere literæ Caii Cæsaris ad senatum cum testamento Tiberii a Macrone adlatæ.¹ "Cœlestes religiones avo decerni" mandabat, "se modo Romam venturum, et cum patribus de republica consulturum. Juvenem, Germanici filium, benevolentia foverent, consiliis regerent." Testamentum vero, quo Tiberius biennio ante duos nepotes² æquis partibus heredes scripserat, Claudium in spem tertiam,³ legato etiam circa vicies sestertio,⁴ adsumserat, rescindi, et Caium Principem appellari curabat Macro. De testamento et Caio Principe statim adsensere patres,⁵ principatus arbitrio superbi, veteremque ignominiam ulturi pariter et novum favorem eodem dedecore emercenturi. De mortui cœlestibus honoribus post adventum Principis consultandum censuere.⁶

3. Interim Miseno¹ Romam Tiberii corpus per milites deportabatur.² Effusus oppidorum populus densissimo ac lætissimo agmine undique adcurrit, ad novæ dominationis obsequia, quam ad funerum solemnia, paratior. Non lacrymis, non ploratibus, sed confusis in invisum Principem dicteriis, festis vocibus et laudibus Caii Cæsaris,³ lugentis habitu funus prosequentis, omnia personant. Ipse incedens inter altaria et victimas, tædasque ardentes et feralis pompæ ministeria, sui fama fruitur, et in avum convitia majori mœstitiæ ac pietatis specie invitat.

4. Urbem noctu ingressus,¹ mane Tiberium, antequam publico funere cremaretur,² plurimis lacrymis, modicis laudibus

1 *A Macrone adlatæ.* V. Joseph. Antiq. Jud. l. c. Dion. lix, p. 640. Suet. Tiber. 76. 'Testamentum duplex ante biennium fecerat Tiberius: alterum sua, alterum liberti manu, sed eodem exemplo: obsignaveratque etiam humillimorum signis. Eo testamento heredes æquis partibus reliquit, Caium ex Germanico, et Tiberium ex Druso nepotes: substituitque invicem.'

2 *Duos nepotes.* Caium et Tiberium, ut modo dictum est. V. stem. Cæs. n. 72 et 86.

3 *In spem tertiam.* Suet. Claud. 6. Tiberius 'moriens, et in tertiis heredibus eum, [Claudium,] ex parte tertia nuncupatum, legato etiam circa hæc vicies prosecutus, commendavit insuper exercitibus, senatui, populoque Romano inter ceteras necessitudines nominatim.'

4 *Vicies sestertio.* Angl. 16,666l. 13s. 4d.

5 *Adsensere patres.* Tiberiumque Cæsarem, juniorem quam ut in curiam venire posset, imperio imparem pronuntiarunt. Ita elusa extrema Tiberii voluntas. Vereque Dio lix, p. 640. ὁδὲν γὰρ οὐτε πρὸς τῇ ἀρχαίᾳ, οὐτε πρὸς τῇ δυνάμει τῶν

Tac.

διαδεχομένων τινὰ, ἰσχυρῆς τις ἰσχὺς, 'Nullum est consilium, quod adversus ingratum animum, vimque successorum, valeat.'

6 *Consultandum censuere.* Dio lix, p. 642.

1 *Miseno.* Tiberium Miseno esse mortuum vidimus sup. An. vi, 50.

2 *Deportabatur.* Suet. Tiber. 75. 'Corpus ut moveri a Miseno cœpit, conclamantibus plerisque, Atellam potius deferendum, et in amphitheatro semiustulandum, Romam per milites deportatum est, crematumque publico funere.' Notæ omnibus fabulæ Atellane.

3 *Caii Cæsaris.* Suet. Cai. 13. 'Ut a Miseno movit Caius, quamvis lugentis habitu, et funus Tiberii prosequens: tamen inter altaria et victimas, ardentesque tædas densissimo et lætissimo obviatorum agmine incessit super fausta nomina, sidus, et pulchrum, et puppium, et alumnus appellatum.'

1 *Noctu ingressus.* Hæc, ceteraque, quæ sequuntur Dio lix, p. 642 et 643.

2 *Cremaretur.* Romæ in S. Andrea prope SS. Apostolos, ex vet. Inscr. ap.

celebravit, magna de Augusto, maxima de Germanico, nonnulla de se prolocutus. Mox cum patribus curiam subiit;³ paucaque et modesta præfatus, imbellem coheredis ætatem⁴ querens, seque illi patris loco futurum pollicitus, inrumpente turba, irritaque Tiberii voluntate, Princeps omnium vocibus salutat. Varia honorum nomina, Augusto probata, a Tiberio spreta, in Caium, gliscente semper adulatione, aggerantur. Modestiae retinens incertum, an simulator, omnia remisit:⁵ studia hominum, ob memoriam patris, miserationemque prope afflictæ domus, jam accensa, omni genere popularitatis incendere enisus.⁶

5. Ut magis exardescerent, confestim Pandatariam et Pontias,¹ ad transferendos matris fratrisque cineres,² festinavit, tempestate turbida, quo magis pietas emereret: adiitque venerabundus, ac per semet in urnas condidit. Nec minore scena Ostiam, præfixo in biremis puppe vexillo,³ et inde Romam

Gruter. p. 236. n. 1.

OSSA
TI. CAESARIS. DIVI. AVG. I
AVG. PONT. MAX
TR. POT. XXXIII
IMP. VIII. COS. V

3 Curiam subiit. Dio lix, p. 642 et 643. Suet. Cai. 14. 'Ingresso Urbem, statim consensu senatus, et irrumpentis in curiam turbæ, irrita Tiberii voluntate qui testamentum alterum nepotem suum prætextatum adhuc coheredem ei dederat, jus arbitriumque omnium rerum illi permissum est.'

4 Imbellem—ætatem. Philo, Legat. ad Caium, p. 995. *Συναγωγὴν τοῦς ἐν τῇ, Βούλομαι μὲν, ἴσθι, τὸν γένει μὲν ἀνιψιόν, ἰσθίς δὲ ἀδελφόν, ἰσθίς μόνος, καὶ τῇ τοῦ τετυλιτωκῆτος Τιβερίου γνώμῃ, κοινοπραγίῃ τῆς αὐτοκρατοῦς ἱξουσίας. Ὅρατε δὲ καὶ αὐτοὶ ἥπιον ἔτι ὅσα καμίδῃ, καὶ χρῆζοντα ἐπιτρόπων καὶ διδασκάλων καὶ παιδαγωγῶν ἰπὲρ τί ἂν ἦν μίξον ἀγαθόν, ἢ τοσαῦτα βλάη τῆς ἡγιομίας μὴ μίαν ψυχὴν ἢ σῶμα ἐν ἐπιχθίσθαι, ἀλλ' ἔχειν τὸν δυνασόμενον ἱπιδιφρίζειν καὶ συνεπικουφίζειν; Ἐγὼ δὲ, ἴσθι, παιδαγωγὸς καὶ διδασκάλους καὶ ἐπιτρόπους ὑπερβαλὼν, ἑμαυτὸν ἡδὲ γράφω πατέρα, υἱὸν δὲ ἐκείνον.* 'Convocatis patribus, Vellem, inquit, hunc cognatione patrualem, benevolentia fratrem, juxta extremam Tiberii voluntatem, in imperii societatem assumere. Sed ipsi videtis eum admodum puerum opus habere curatoribus, paedagogis, præceptoribus: alioquin quid mihi contingere potest optatus, quam tanto imperii pondere non onerari unum corpus unamque animam; et habere me a quo pro parte sua subinde adjutante sublevo? Equidem, inquit, plus

quam paedagogum, vel curatorem, vel præceptorem ei me fore jam nunc profiteor, et me patrem appellari, illum filium jubeo.' In his quidem Caii sensus, sed loquacioris Judæi verba facile agnoscas.

5 Omnia remisit. Dio, lix, p. 641. *Μήτε τῶν ὀνομάτων τῶν ἀρχικῶν προσθίσθαι τι.* 'Titulos Principibus tribui solitos respuit.'

6 Incendere enisus. Suet. Cai. 13 et 15. 1 Pandatariam et Pontias. Hæc et sequentia totidem verbis habet Suet. Cai. 15. Agrippinam, Caii matrem, in insulam Pandatariam, nunc *isle Saint Mary*, Neronem, ejus fratrem in Pontiam, nunc *Ponza*, fuisse projectos diximus in Suppl. An. v, 12.

2 Matris—cineres. Extat adhuc Romæ in area Capitolina, sub porticu domus Conservatorum, urna marmorea, inscripta:

OSSA

AGRIPPINÆ. F. M. AGRIPPÆ
DIVI. AVG. NEPTIS. VXORIS
GERMANICI. CAESARIS
MATRIS. C. CAESARIS. AVG.

GERMANICI. PRINCIPIS
Ibidem in alia urna inscriptum:

OSSA

NERONIS. CAESARIS
GERMANICI. CAESARIS. F
DIVI. AVG. PRON. FLAMIN
AVGVSTALIS. QVAESTORIS

V. Gruter. p. 227. n. 3 et 4.

3 In—vexillo. Velum purpureum 'imperatoris navis insigne' memorat Plin. xix, 1. Fixum vero vexillum in puppe, non in prora, quod hæc biremis non ad bellum, sed ad transvectionem erat adornata. V. Scheffer, de Militia naval. iii, 1. p. 175.

Tiberi subvectos, per splendidissimum quemque equestris ordinis, medio ac frequenti die, duobus ferculis Mausoleo intulit:⁴ inferiasque⁵ his annua religione publice instituit: matri⁶ Circenses, carpentumque,⁷ quo in pompa traduceretur, addidit. In memoriam quoque patris Septembrem mensem *Germanicum* appellavit. Coelestium religionum, quas avo petierat, plane incuriosus.⁸

6. Eodem in domus suæ superstites studio, Antoniae, aviae,¹ quidquid umquam Livia Augusta honorum cepisset, uno senatusconsulto concessit:² patrum Claudium, equitem Romanum ad id tempus, collegam sibi in consulatu destinavit: fratrem Tiberium³ die virilis togæ adoptavit, appellavitque "principem juventutis." De sororibus auctor fuit, ut omnibus sacramentis adjiceretur, "neque me liberosque meos cariores habeo, quam Caium et sorores ejus:" consulum vero relationibus, "quod bonum felixque sit C. Cæsari sororibusque ejus,"⁴ præmitteretur.

7. Hæc imperii primordia, bonum inter ac malum ambigua, et principalibus curis minora, populus, virtutum rudis, admirari, tamquam felicitatis omnia extollere, Diis grates agere tam immodice, ut tribus proximis mensibus, ac ne totis quidem, supra centum sexaginta millia¹ victimarum ceciderint. Cæsar, insita levitate, et adulantium lenociniis vanus, insuper opibus a Tiberio acervatis tumens, ad solita juvenum Princi-

4 *Mausoleo intulit.* Augusti tumulo, in quo conditos Germanici cineres vidimus An. iii, 4. Caium hæc fecisse, 'prætexta amictum, cinctum lictoribus, tamquam in triumpho,' tradit Dio lix, p. 642. 'Ες τὸ τοῦ Ἀδριανῶντος μνημῆα κατέβητο, τὸ ἱμάτιον τὸ περιπέφυγον ἰνδὸς, καὶ βαβδούχοις τισὶν, ὥσπερ ἐν ἐπινυκίοις, κοσμηθείς. In divinis triumphalibusque caerimoniis Romani ferculis utebantur, quibus Deorum imagines, signa, victarum gentium spolia aliaque victoriae insignia vehebantur. V. Suet. Jul. 37 et 76.

5 *Inferiasque.* De hoc funebri ritu dice-
tur inf. in Suppl. An. ix, 18.

6 *Matri.* Cum Caius Agrippinam Germanicumque honoribus ita prosequeretur, tunc sane a Mytilenæis cusus est æreus nummus, quem laudat Cl. Pellerin, *Recueil des Médailles des Peuples et des Villes*, vol. iii, p. 239. ΘΕΟΝ ΓΕΡΜΑΝ—ΜΤΤΙ. i. e. 'divum Germanicum [colunt] Mytilenæi.' Caput Germanici. In aversa parte, ΘΕΑΝ. ΑΙΟΑΙΝ. ΑΓΡΙΠΠΗ—ΝΑΝ. ΜΤΤΙ. Caput Agrippinæ. ΑΙΟΑΙΝ autem erratum est scalptoris pro ΙΟΤΑΙ—ΑΝ. Sensus autem est, 'divam Juliam Agrippinam [colunt] Mytilenæi.'

7 *Carpentumque.* Hoc carpentum, duabus mulis tractum, nummi plurimi exhibent. Hos inter præstat nummus æreus e Cimelio Regio maximi moduli a Morello aliisque laudatus: ex una parte caput Agrippinæ. ΑΓΡΙΠΠΙΝΑ. Μ. Γ. ΜΑΤ. C. CAESARIS ΑΥΓΟΥΣΤΙ. i. e. 'Agrippina, Marci filia, mater Caii Cæsaris Augusti.' Ex altera parte, Carpentum. S. P. Q. R. MEMORIAE ΑΓΡΙΠΠΙΝΑΕ. i. e. 'senatus populusque Romanus memoriae Agrippinæ.'

8 *Plane incuriosus.* Dio lix, p. 642.

1 *Antoniae, aviae.* V. stem. Cæs. n. 42.

2 *Concessit.* Suet. Cai. 15. Antoniam, Augustam, sacerdotem Augusti fecit, eique omnes Vestalium honores tribuit, teste Dione lix, p. 641. Ταύτην τε γὰρ Ἀδριανῶντα τε ἰδὼς καὶ ἴσθαι τοῦ Ἀδριανῶντος ἀποδείξας, πάντα αὐτῇ καὶ δάπανα, ὅσα ταῖς ἀνιπαῖς ἑπάρχῃ, ἔδωκε. V. jam dicta An. i, 8. iv, 16. et dicenda in Suppl. An. ix, 19.

3 *Fratrem Tiberium.* De hac adoptione v. Suet. ibid. Cur Tiberius frater Caii appelletur, dicemus inf. c. 21.

4 *Sororibusque ejus.* Hæc et priora Suet. l. c.

1 *Centum sexaginta m.* Suet. Cai. 14.

pum vitia divertere: nova sectari: superioris principatus æqua et iniqua² pariter immutare: laudes potius, quam dominationem aucupari.

8. Nihil jam pristinae severitatis reliquum. Damnati relegatique ullo sine discrimine restituuntur.¹ Criminum, quæ ex priore tempore superant, gratiam facit: ne domesticarum quidem injuriarum memor, commentarios ad matris et fratrum² causas pertinentes, convectos in forum, obtestatus Deos, "neque legisse, neque attigisse quidquam," concremat:³ Titi Labieni,⁴ Cordi Cremutii,⁵ Cassii Severi⁶ scripta, senatusconsultis abolita, requiri, vulgari, passim lectitari probat, dictitans "sua interesse, ut facta quæque posteris tradantur."⁷

9. Auctoritatis æque negligens, voluit ut "magistratibus libera foret jurisdictio,¹ et sine sui appellatione: populus, more comitiorum revocato,² ferret suffragia; rationesque im-

Nec in Urbe tantum, sed in provinciis totoque imperio pariter peracta sacrificia, editaque maxima lætitiæ indicia; quæ fuse narrat Philo, Legat. ad Caium, p. 993 et 994. Inter hæc ferventia studia cusus videtur nummus, qui olim fuit in Museo Collegii Ludovici Magni, ex ære magno. C. CAESAR. AVG. GERMANICVS. PONT. MAX. TR. POT. capite Caii laureato. Ex adversa parte in corona quercea, SPQR. P. P. OB CIVES SERVATOS. i. e. 'Senatus Populusque Romanus Patri Patriæ.'

2 *Æqua et iniqua.* Hæc et sequentia pluribus tradit Dio lix, p. 641 et 644.

1 *Restituuntur.* Tuncque restitutus videtur Pomponius Secundus, de quo dictum est An. v, 8. Dioni tamen lix, p. 644. 'Quintus Pomponius et Consularis' appellatur. Suffectus tantum fuit consul, dictus quoque Plinio vii, 19. 'Pomponius Consularis poeta.' De quo adhuc agetur inf. Suppl. An. viii, 50.

2 *Matris et fratrum.* Ad Agrippinæ, matris, Neronis et Drusi, fratrum, causas pertinentes. Suet. Cai. 15.

3 *Concremat.* V. inf. c. 31.

4 *Titi Labieni.* De quo multa et curiosa scripsit Sen. Controv. v, in præf. Labienus 'affectabat censorium speculium, cum alius animo esset. Magnus orator, qui per multa impedimenta eluctatus, ad famam ingenii, confitentibus magis hominibus pervenerat, quam volentibus. Summa egestas erat, summa infamia, summum odium. Magna autem debet esse eloquentia, quæ invitis placeat. Cum ingenia favor hominum ostendat, favor alat, quantum vim esse oportet, quæ inter obstantia erumpat? Nemo erat, quin, cum homini omnia objecerat, ingenio multum tribueret. Color

orationis antiquæ, vigor novæ. Cultus inter nostrum ac prius seculum medius, ut illum posset utraque pars sibi vindicare. Libertas tanta, ut libertatis nomen excederet; et, quia passim ordines hominesque laniabat, Rabienus vocaretur. Animus per vitia ingens, et ad similitudinem ingenii sui violentus, et qui Pompeianos spiritus nondum in tanta pace posuisset. In hunc primum excitata est nova pœna. Effectum est enim per inimicos, ut omnes ejus libri incenderentur. Res nova et insueta, supplicia de studiis sumi—Non tulit hanc Labienus contumeliam, nec superstes esse ingenio suo voluit, sed in monumenta se majorum suorum ferri jussit, atque ita includi: veritus scilicet, ne ignis, qui nomini suo subjectus erat, corpori negaretur: non finivit tantum se ipse, sed etiam sepelivit. Memini aliquando, cum recitaret historiam, magnam partem convolvisse, et dixisse: Hæc, quæ transeo, post mortem meam legentur. Quanta in illis libertas fuit, quam etiam Labienus extinuit? Hæc forte longior; quæ tamen legisse neminem pigeat.

5 *Cordi Cremutii.* De Cremutio dictum satis An. iv, 34 et 35.

6 *Cassii Severi.* Sordidæ originis et maleficæ vitæ hominis, de quo An. i, 72. iv, 21. Seneca quoque, l. c. 'Cassii Severi, hominis Labieno junctissimi, belle dicta res ferebatur. Illo tempore quo libri Labieni ex Sc. urebantur: Nunc me, inquit, vivum uri oportet, qui illos edidici.'

7 *Posteris tradantur.* Suet. Cai. 16.

1 *Libera jurisdictio.* Suet. ibid. Dio lix, p. 646.

2 *Comitiorum revocato.* Tiberius enim comitia ad patres transtulerat, ut vidimus sup. An. i, 15.

perii,³ ab Augusto proponi solitæ, sed a Tiberio inter arcana habitæ, publicarentur." Adversus ipsa vitia audax, nondum virtutis certus, spintrias,⁴ ne profundo mergeret exoratus, Urbe submovit. Sæviit quoque in equites Romanos,⁵ equumque⁶ palam iis ademitt, quibus aut probri aliquid, aut ignominia inerat: si minore culpa tenerentur, eorum nomina in recitatione⁷ omitta.

10. Pœnas, vitiorum dedecore, reorum dignitate, plebi haud illætas, liberalitate adhuc exhilaravit, persolutis Tiberii legatis,¹ licet, inuito ejus testamento, fuissent abrogata. Populo CCCCL,² prætorianis singula nummum millia,³ Urbanarum cohortium et Vigilum militibus quingenos nummos,⁴ legionariis, ceterisque extra Italiam in numeros relatis, aut in minoribus oppidis præsidia agentibus, trecentos⁵ viritim elargitus, addidit ex sua munificentia singulis prætorianis una sestertia,⁶ populo sexagenos denarios,⁷ quos, quod cum virilem togam sumsisset, promiserat, et Tiberium veritus omiserat, fœnore quindecim denariorum⁸ auctos cuique reddidit. Pari fide ac sine calumnia⁹ Livie Augustæ legata, a Tiberio suppressa, exsolvit: singulari utriusque Principis vitio, ille tarda liberalitate, hic præcoce prodigientia pariter damnandus.

11. In partem lætitiæ venere reges exteri. Agrippa,¹ supremo Tiberii principatu imperium Caio precatus, ob idque vinctus, libertatem recuperavit; et ad abolendam injuriæ

3 *Rationesque imperii.* De his rationibus dictum An. I, 11.

4 *Spintrias.* Monströse illæ libidines sub Tiberio Principe invaluerant, teste Suet. Tib. 43.

5 *Equites Romanos.* Suet. Cai. 16. 'Equites Romanos severe curioseque, nec sine moderatione recognovit: palam adempto equo, quibus aut probri aliquid aut ignominia inesset: eorum, qui minore culpa tenerentur, nominibus modo in recitatione præteritis.'

6 *Equumque.* Equites donabantur equo publico, qui iis adimebatur, si inhoneste viverent. V. Plut. Paul. Æmil. p. 275. Inde autem in vet. inscr. sæpe occurrit, EQ. PVB. i. e. 'equo publico donatus.'

7 *In recitatione.* Cum recitabantur nomina in recognitione equitum Romanorum. Minor autem fuit ignominia, quam si palam equum eis ademisset.

1 *Tiberii legatis.* De quibus generatim Suet. Tiber. lxxvi. Tiberius 'dedit et legata perisque: inter quos virginibus Vestalibus, sed et militibus universis, plebique Romanæ viritim, atque etiam separatim vicorum magistris.'

2 *Populo CCCCL.* Dio lix, p. 640. Τῷ

δῆμον τὰς τε πέντε καὶ εἴκοσι καὶ ἑκατὸν καὶ χίλις μυριάδας, 'populo quadringentis quinquagies sestertium,' Angl. 375,000l.

3 *Nummum millia.* Angl. 8l. 6s. 8d.

4 *Quingenos nummos.* Angl. 4l. 3s. 4d.

5 *Trecentos.* Angl. 2l. 10s. Itaque legata Tiberii excessere Angl. 225,000l. Pauciora dederat Augustus, ut dictum est An. i, 8.

6 *Una sestertia.* Angl. 8l. 6s. 8d.

7 *Sexagenos denarios.* Angl. 2l.

8 *Quindecim denariorum.* Angl. 10s. Nunc vero si legatis Tiberii dona Caii addideris, Caius, ne numeratis quidem Livie legatis, largitus est circiter Angl. 2,000,000l.

9 *Sine calumnia.* Hæc Suet. Cai. 16. Dio lix, p. 640 et 641. *Sine calumnia,* i. e. integra, sine dolo malo, iniquaque criminatione exsolvit.

1 *Agrippa.* Agrippa i. dictus postea Magnus, Aristobuli et Berenices filius, Herodis i. Magni, et Mariamnes nepos, cujus historiam fuse prosequitur Joseph. Antiq. Jud. xviii, 6. et Bell. Judic. ii, 9. V. et sup. Stemma Herodum, num. 7. Errat Dio lix, p. 645. cum scribit Agrippam avi sui imperium accepisse, καὶ τῇ τοῦ πάπ-

invidiam, simul et in necessitudinis præmium, catena aurea, ferrea æquipondio, donatus, rexque appellatus, Philippi ac Lysaniæ tetrarchias² accepit. Antiochus in Commagenen,³ patre defuncto, ad jus prætoris translata, fuit restitutus: ejus quoque regno adjecta Ciliciæ maritima;⁴ eique redditum sestertium millies.⁵

12. Faustos novæ dominationis nuntios, per provincias in majus diditos, audiit Artabanus,¹ fugato Tiridate, receptoque regno ferox. Mox Vitellii artibus,² et adversus Tiberium odio potius, quam in Caium studio, positis hostilibus animis, Euphraten transgressus, pacem paciscitur: atque, ut interpositam fidem magis obligaret, Romanas aquilas, Augustique ac Caii imagines adoravit, liberosque obsides³ dedit, dignitatis suæ oblitus, ut veteres iras ulcisceretur.

13. Imperii, ob pacem inopinato firmatam exsultantis, lætitia increvit accessione consulatus, quem Caius Claudiusque Calendis Julii iniere.¹ Numquam acrioribus studiis certatum, intentis ad beneficia consulibus, civitate ad obsequia effusa. Princeps in senatu orationem habuit,² qua "Tiberium suspicacem et obscurum, libidinibus foedum, avaritia sordidum, crudelitate atrocem, religionis incuriosum, reipublicæ splendori infensum" criminatus, adseveravit, "se avi patrisque³

που ἀρχὴν προεβάζας. Idem peccat Euseb. in Chronic. Aviti regni tertiam tantum partem, τρίτην μέρη, accepit, teste Philone, in Flaccum, p. 968.

2 *Philippi—tetrarchias.* De quibus D. Lucas iii, 1. φιλιππου δὲ τοῦ ἀδελφοῦ αὐτοῦ τετραρχούντος τῆς Ἰτουραίας καὶ τραχηνίτιδος χώρας, καὶ αὐστρίου τῆς Ἀβιληνῆς τετραρχούντος. In Decapolitana regione erat Trachonitis, inter aquas Merom, nunc *Bahr-el-Houly*, et montem Libanum: Abilina in Cœlesyria Libanum inter et Antilibanum, haud procul Damasco. Ad ortum Abilinae et Trachonitidis versus Arabiam desertam fuisse videtur Ituræa. V. Plin. v, 18 et 23. et Strabon. xvi, p. 755. Porro non tota Ituræa, sed pars tantum Trachonitidis vicina, erat tetrarchiæ Philippi, ut patet ex dicendis inf. cap. 36. et ex Josepho, Antiq. Judaic. xiii, 11. De Philippo v. Stemma Herodum, n. 24.

3 *Antiochus in Commagenen.* Antiochus iv. De ejus patre Antiocho iii. regnoque ad jus prætoris translato dictum est sup. An. ii, 42 et 56. Dio quoque, lix, p. 645. Antiochi iv. nummos v. ap. Cl. Pellerin, *Recueil de Médailles de Rois*, p. 126.

4 *Cilicia maritima.* V. An. xii, 55.

5 *Sestertium millies.* Angl. 833,333l. 6s. 8d. Caius Antiocho reddidit sestertium

millies 'olim confiscatum,' ut loquitur Suet. Cai. 16.

1 *Artabanus.* De Artabani Tiridatisque fortuna v. quæ dicta sunt An. vi, 41 et 44.

2 *Vitellii artibus.* Hæc Suet. Cai. 14. Vitell. 2. Dio lix, p. 661. Errat Joseph. Antiq. Jud. xviii, 4. num. 5. cum scribit Artabani et Vitellii colloquium, imperitante Tiberio, contigisse.

3 *Liberosque obsides.* Dio lix, p. 661. παῖδας αὐτοῦ ὁμήρους. Joseph. tamen l. c. unum tantum, nomine Darium, cum multis muneribus missum tradit. Ἀρτάβανος μὲν ὁ πολλὸν πίκην Τιβερίῳ (errorem jam notavimus; legendum Γαίῳ) ὁμήρον Δαρειὸν τὸν υἱὸν μετὰ πολλῶν δώρων.

1 *Cal. Jul. iniere.* Cepto principatu, consulatus, exauctoratis coss. Acerronio et Pontio, Caio decretus; additumque ut eum quotannis gereret. Restitit Caius: nec nisi Kal. Julii, discedentibus e magistratu, ut moris erat, prioribus coss. consulatu, collega patruo suo Claudio, iniit. Dio lix, p. 644.

2 *Orationem habuit.* Dio ibid.

3 *Avi patrisque.* Neronis Drusi, avi; patris, Germanici. V. Stem. Cæs. n. 79 et 81.

virtutes æmulaturum: inter exercitus eductum,⁴ senatus populiq; Romani alumnus, non sibi, sed patriæ victurum: bonis ac miseris facilem, sceleribus tantum implacabilem, nihil dominationis usurpare velle, nisi ut Deum sacra, civium jura, publicam libertatem tueatur: satis magna fore, eaque una optare, principatus sui decora, illæsam imperii majestatem, et adsertam populi felicitatem." Hæc quanto rarius audita, tanto avidius accepta. Et ne Principi, qui optimus videbatur, malo fieri liceret, decretum a senatu "ut ejus oratio quotannis recitaretur:"⁵ quasi adultam dominantium licentiam moraretur pristinae virtutis memoria.

14. Interim Cæsar, futurorum improvidus, factis magis, quam verbis, Tiberio invidiam movere; vetera odia renovare; ad liberalitatem, humanitatem, magnificentiam, aliaque, superiore principatu, rara vel ignota, curas omnes convertere: sublatus majestatis crimen:¹ jus novum² de servorum in domini caput quæstione non modo antiquatum, sed et mulier libertina, quod, tormentis excruciat, de scelere patroni reticuisset, octoginta millibus sestertium³ donata est. Edebantur ludi; regaliaque impendia passim ostentabantur. Inter hæc speciosiora tamen, quam laudabiliora, egregia vox excidit: oblatum enim de salute sua libellum non recepit Princeps, "nihil sibi admissum" dictitans, "cur cuiquam invisus esset: neque se delatoribus aures⁴ habere."

15. Quæsitæ quoque ex religione commendatio. Tertio Calendas Septembres,¹ templum, quod Augusto Tiberius struxerat,² a Caio, triumphali veste induto, dedicatum est,³ virginibus puerisque nobilissimis hymnum cantantibus.⁴ Atque ut solemnibus sacris celebritatem adderet, senatui, equestrique ordini, conjugibus etiam ac liberis⁵ splendidissimum epulum, congiarium populo trecentos sestertios,⁶ dedit. Hila-

4 *Inter exercitus eductum.* Sup. An. i, 44 et 69.

5 *Quotannis recitaretur.* Dio l. c.

1 *Majestatis crimen.* Dio lix, p. 642.

2 *Jus novum.* Novi illius juris repertor Tiberius, ut vidimus sup. An. ii, 30.

3 *Octoginta m. sestertium.* Angl. 666l.

13s. 4d. Suet. Cai. 16.

4 *Delatoribus aures.* Suet. Cai. 15.

1 *Tertio Cal. Sept.* Die 30. Augusti. Dio lix, p. 644.

2 *Tiberius struxerat.* Tac. An. vi, 45. Suet. Tib. 47.

3 *Dedicatum est.* Quam cærimoniam exhibet nummus ære maximo ap. Morell. Thes. vol. i, p. 650. C. CAESAR AVG. GERMANICVS PONT. MAX. TR. POT. Caput Caii laureatum. Ex adversa parte, DIVO. AVG. Caius stans velatus et togatus

patera super aram sacrificat. Pone pateram tenet popa: alter popa taurum ducit, ante templum sex columnarum, statuis et lemniscis ornatum. sc. i. e. senatusconsulto. Habentur quoque ibid. nummi ære magno cum eadem parte postica: sed ex altera sedet Pietas, pateram tenens. C. CAESAR AVG. GERMANICVS P. M. TR. POT. inf. PIETAS. in aliis TR. P. II. P. P. vel TR. P. III. P. P. i. e. 'tribunicia potestatis' anno II. vel III. 'pater patriæ.'

4 *Hymnum cantantibus.* Cantatricem hanc religionem egregie illustrat monumentum Stratonicense, quod edidimus in not. et em. ad An. iii, 62.

5 *Conjugibus—liberis.* Dio l. c. Suet. Cai. 17.

6 *Trecentos sestertios.* Angl. 2l. 10s. Si congiarium illud ducentis quinquaginta

ritati quoque publicæ omnigenis musicæ concentibus, novatisque ludis consultum.

16. Postridie lætiora adhuc rediere spectacula ob Principis natalem.¹ Sejugibus,² quod nemini hactenus usurpatum, vectus prodiit. Ceterum nihil oblitus, quo modestiam popularitatemque testaretur, ne signum quidem³ ludorum dedit, ipse tamen, circumstantibus sororibus sodalibusque Augustalibus, spectator: vetitis omnibus,⁴ quæ lætitiæ imminuere; quæ augere possent, permissis. Supra solitum⁵ equi certavere. Interjecta adhuc Trojæ decursio,⁶ tantaque venatio, ut cccc. ursi,⁷ totidemque aliæ Libycæ belluæ,⁸ perierint.

17. Urbs, spectaculorum avida, et renascentis veteris splendoris imagine superba, conceptas de Germanico, et Germanici sanguine, spes memorare, superatas prædicare. Quisque, ut ingenio validus, privatos ac publicos honores excogitabat. Inter publicos, decretus clypeus aureus,¹ quem quotannis collegia sacerdotum in Capitolium ferrent, senatu prosequente, nobilibus pueris ac puellis, carmine modulato, laudes virtutum Principis canentibus: decretum quoque ut dies, quo cepisset

millibus hominum datum fuerit, ut potest supponi ex monumento Ancyrano, cujus partem edidimus in not. et emend. ad An. i. 11. largitus est Caius circiter *Angl.* 625,000*l.* De Caii congiariis dictum sup. p. 235.

1 *Ob Principis natalem.* Dio l. c. Suet. Cai. 8. 'Caius Cæsar natus est pridie Kal. Septembris, patre suo et C. Fonteio Capitone consulibus, A. U. C. 765.

2 *Sejugibus.* Sex equis ad currum iunctis. Hactenus bijuges quadrijugesve fuerant currus. Dio l. c. τὸ ἄρμα τὸ πομπικὸν ἰσ' οὐ ἤχθη, ἐξ ἑπτοῦ ἰλλυσιανῶν δὲ μὴ πάποτε ἰγγύων.

3 *Ne signum quidem.* Dio lix, p. 645. Mappa ludus incipendi signum dabatur. Quo de usu Polemeus Silvius in Laterculo, ad diem septimum Januarii. 'Prima consulis mappa: quæ ideo sic vocatur, quia rex Tarquinius Romæ, dum die Circensium pranderet in Circo, de mensa sua mappam foras, ut aurigis post prandium currendi signum daret, abjecerat.' Signum autem non dedisse videtur Caius, ut id honoris Claudio tribueret. Teste enim Suet. Claud. 7. 'Præsedit nonnumquam spectaculis in Caii vicem, acclamante populo, Feliciter, partim patruo Imperatoris, partim Germanici fratri.'

4 *Vetitis omnibus.* Ideo judicia distolit, luctum inhibuit, aliaque miræ levitatis fecit, quæ v. ap. Dion. l. c.

5 *Supra solitum.* Austerior Tiberius 'natalem suum plebeis incurrentem Circensi-

bus, vix unius bigæ adjectione honorari passus est.' Suet. Tiber. 26. Hactenus autem moris fuerat ut essent tantum duodecim missus equorum, contra Caius primo viginti, mox viginti quatuor missus fecit. Dio l. c. Quod postea ita invaluit, ut, licet in his aurigationibus maxima forent impensæ, passim tamen in Calendario Herwartiano occurrat CMXXIII. i. e. 'Circenses, missus viginti quatuor.' Immo si geminaretur lætitiæ, missus quoque geminabantur. Inde in eodem Calendario ad diem VI. ID. NOV. N. NERVÆ ET CONSTANTII CMXLVIII. i. e. 'sextum Idus Novembris, natalis Nervæ et Constantii, Circenses, missus quadraginta octo.'

6 *Trojæ decursio.* De hoc ludicro dictum An. xi, 11. Istud a patriciis pueris editum, Dio l. c.

7 *cccc. ursi.* Dio lix, p. 644. Ἀρκῶν τετρακοσίας μὲν ἑτέραν Λιβυκῶν θηρίων ἑσὼν ἀπὸ τῆς αὐτῆς. Ursos illos de leonibus intellexerim. Sic enim a Romanis appellabantur, ut videre est ap. Plin. viii, 36. et Virg. Æn. v, 37. Inde quoque Juvenal. Sat. iv, 99. 'Coninus ursos Flegebat Numidas, Albana nudus arena Venator.'

8 *Libycæ belluæ.* Pantheræ, hyænæ, aliaque id genus fera, tunc frequentissima, nunc rarissima, ut videre est ap. erudit. Shaw, Voyages, vol. i, p. 316.

1 *Clypeus aureus.* Hæc et sequentia totidem verbis Suet. Cai. 16. De clypeis diximus in not. et em. ad An. ii, 83.

imperium, *Palilia* vocaretur, velut rursus conditæ² Urbis argumentum.

18. Consulatus, non vero lætitiæ, finem fecere consules perfecti Idbus Septembris.¹ Diffusa etiam per provincias festivitate, ubique tanto hilarius victitatum,² quanto mœstior fuerat morum austeritas, imperitante Tiberio. At Princeps, natura imbutus malis artibus, mentitas ob avi metum species virtutum ponere: primo conviviis, mox scortis,³ deinde luxui ita indulgere, ut centies sestertio⁴ cœnaverit, et immensum illud Tiberii vices ac septies millies sestertium⁵ ferme absumserit.

19. Morbus,¹ libidinum comes, artus, olim cardiaco morbo debilitatos, nunc ebriositate,² ac turpiore intemperantia cor-

² *Rursus conditæ.* Roma condi cœpta xxi. Kalendas Maii, quo die Pales, Dea pabuli, colebatur, unde Palilia, apud Romanos celebratissima. In Herwartiano Kalendario dies ille signatur: N. URBIS CMXXXIII. I. e. 'Natalis Urbis, Circenses, missus viginti quatuor.'

1 *Idibus Septembris.* Ita Dio lix, p. 645. Ταῦθ' οὕτως ἐν τῇ θανάτῳ ἔπραξε, ὅσοι τε μὴ καὶ ἡμῖν δώδεκα αὐτὴν σχῶν. Τὸν γὰρ λοιπὸν τῆς ἑξαμήνου χρόνον τοῖς προσποδισγυμναῖς ἐς αὐτὴν ἀπέδωκε. 'Hæc in consulatu egit [Caius], quem gessit duos menses ac dies duodecim Reliquam semestris temporis partem iis, qui jam ante designati fuerant, tradidit.' Haud ita accurate Suet. Cai. 17. 'Consulatus quatuor gessit: primum ex Kalendis Julii per duos menses.'

2 *Hilarius victitatum.* Oculatus testis Philo, Legat. ad Caium, p. 994. ὁδὴν γοῦν τὴν ἰδεῖν ἕτερον κατὰ πόλιν, ἢ βωμοδὸς, ἱερεῖα, θυσίαι, λενχειμονοῦντας, ἰστιφανομένους, φαιδρὸν, εὐμῆνιαν ἐξ ἡμερῶν τῆς θύρας προφαίνοντας, ἰορτὰς, πανηγύρεις, μουσικοὺς ἀγῶνας, ἱπποδρομίας, κώμους, παννυχίδας μετ' αὐλῶν καὶ κθάρας, τέρψις, ἀνίσσις, λενχειρίας, παντοίας ἡδονὰς διὰ πάσης αἰσθήσεως—ὡς τὸν παρὰ ποιηταῖς ἀναγραφέντα Κρονικὴν βίον μετὰ τὴν πᾶσι πᾶσι μαῖον, διὰ τὴν εὐθηνίαν καὶ εὐνησίαν, τὸ τε αὐτοῖς καὶ ἀφροῖς, καὶ τὰς πανοικίας δμοῦ καὶ παιδῶν μὴ ἡμῖν τε καὶ νύκτωρ ἐκπρῶντας, αἱ μέχρι μηνῶν ἑπτά τῶν πρώτων ἀπαναστοὶ καὶ συνεχῶς ἰσχύοντο. 'Erat igitur videre nihil aliud per singulas urbes, quam altaria, victimas, sacrificia, candidatos, coronatos, hilares blandosque omnium vultus, festa, celebritates, musica certamina, Circenses, comessationes, pervigilia cum citharis ac tibiis, voluptates, remissiones, inducias, varias cunctorum sensuum oblectationes—ut fidem inveniret descrip-

tum in poetarum fabulosis figmentis Saturnium seculum, ob ubertatem, annonæ felicitatem, quæ totas familias, omnesque populos diu ac noctu per septem primos menses perpetuos occupavit.'

3 *Convitiis—scortis.* Hæc pluribus Philo l. c.

4 *Centies sestertio.* Angl. 83,333l. 6s. 8d. Sen. Cons. ad Helv. ix. 'Caius Cæsar, quem mihi videtur rerum natura edidisse, ut ostenderet quid summa vitia in summa fortuna possent, centies sestertio cœnavit uno die: et in hoc omnium adjutus ingenio, vix tamen invenit, quomodo trium provinciarum tributum una cœna fieret. O miserabiles, quorum palatum nisi ad pretiosos cibos non excitatur!'

5 *Vices ac septies millies sestertium.* Angl. 22,500,000l. Suet. Cai. 37. 'Ac ne singula enumerem, immensas opes, totumque illud Tiberii Cæsaris, vices ac septies millies sestertium non toto vertente anno absumsit.' Juxta Dion. lix, p. 641. Πέντε γοῦν μυριάδας μυριάδων, καὶ πεντακοσίας καὶ ἑπτακοσχιλίας, ὡς δ' ἕτεροι, ὅτιοι τε καὶ διαχιλίας καὶ πεντακοσίας, τοθσηνρισμένας εὐδὼν, οὐδὲ ἐς τὸ τρίτον ἶτος (corrige ἶτους) μέρος ἀπ' αὐτῶν τι δίδωσιν. 'Vices ter millies sestertium, [Angl. 19, 166,666l. 13s. 4d.] alii tradunt tricies ter millies sestertium, [Angl. 27, 500,000l.] cum accepisset asservata in thesauris, nihil eorum in tertiam anni partem, [in novum mensem.] servavit.' Nunc vero si quis addiderit legata, dona, ludos, cœnas, aliaque immensæ libidinis, tantam pecuniæ vim tam brevi tempore absumtam fuisse facile intelliget.

1 *Morbus.* De hoc morbo, ejusque causis, luctuque publico, v. Philon. Legat. ad Caium p. 994.

2 *Ebriositate.* Juventa ad merum pro-na, morbo ipso fuit invitata. Teste enim

ruptos, incessit. Vitiis adhuc secretis, passim publicatis virtutibus, quasi parens patriæ ipsaque respublica periclitarentur, sumto justitio,³ cunctis circa palatium pernocantibus, comploratum. Studia civium adeo erant incensa,⁴ ut P. Afranius Potitus, plebeius homo, caput suum pro salute Principis voveret; Atanius Secundus, eques, gladiatoriam operam promitteret. Provincias, navibus ineunte autumno ex Italia remeantibus, periculum statim edoctas, Idem luctus⁵ occupat.

20. Recreata Caii valetudine, ut plura sunt gaudii, quam moestitiæ, signa, nec jam incerta adulatio, effusior quoque extitit lætitia.⁶ At mentes gravius, quam corpora, sæpe affligit libido. Sano Cæsaris corpore, mens ægra, nec remedii patiens, ad vitia delabi:² gloriam, ambitionem, quibus ad infamiam, si a virtute deflexeris, nihil validius, sectari: nullus supra ceteros eminendi modus. Primumque scelus omnia vicit superioris principatus facinora.

21. Caius enim Tiberium, fratrem simul et filium,¹ imperii æmulum veritus, ne scriptis quidem ad senatum literis, veluti sibi, cum morbo detinebatur, insidiatum, repente immisso tribuno militum, inopinantem interemit: conscientiam criminis appellare ausus, quod Tiberius, ob assiduam et ingravescentem tussim medicamento usus, antidotum, quasi ad præcavenda venena sua sumtum, oboluisset. Quidam prodidere jussum cruentas manus sibi adferre, ne ab exactoribus violaretur Cæsaris majestas: juvenemque, non modo sceleris, sed properandæ etiam mortis rudem, caput percussoribus ultro obtulisse; iisque renuentibus, petiisse, "quam feriret corporis partem, ut vitam finire posset:" edoctumque,² adacto gladio, occubuisse.

22. Princeps, umbratico crimine audax, nefanda publice adgreditur. Ab Atanio Secundo, quem supra memoravi,¹ votum exigit, spectatque ferro dimicantem, nec nisi victorem, et post multas preces, dimittit. Afranium Potitum, mori cunctantem, verbenatum infulatumque² pueris tradit, qui,

Senec. Ep. 15. 'Bibere et sudare, vita cardiaci est.' Suffragatur quoque Plin. xxiii, 1. 'Cardiacorum morbo unicam spem in vino esse, certum est.'

3 Sumto justitio. De justitio dictum est An. i, 16. et ii, 82.

4 Incensa. Hæc flagrantia civium studia memorant Dio lix. p. 645. Suet. Cai. 14 et 27.

5 Idem luctus. Quem, pro more suo, oratorie describit Philo, Legat. ad Caium, p. 994 et 995.

6 Lætitia. De qua v. Philon. l. c. ut in tristibus, sic in lætis, juveniliter luxuriantem.

2 Ad vitia delabi. Philo l. c. et ait in votis sæpe humanas mentes cæcutire, et quid sit revera utile ignorare: τυφλώττει γὰρ ὁ ἀνθρώπινος νοῦς πρὸς τὴν τοῦ συμφέροντος ὁδὸν αἰσθησίν.

1 Fratrem—filium. Tiberius, Drusi Cæsaris filius, frater patruelis erat Caii ob Germanicum a Tiberio Imperatore adoptatum; filius vero Caii, quia et ipse a Caio adoptatus. V. Stem. Cæs. n. 72. et Suet. Cai. 15 et 23. Dion. lix, p. 645.

2 Edoctumque. Hæc et priora Philo, Legat. ad Caium, p. 996.

1 Supra memoravi. C. 19.

2 Verbenatum infulatumque. Suet. to-

votum reposcentes, per vicos agant, quoad ex aggere³ præcipitur.

23. Tristior M. Silani exitus. Is virtute, quam Imperatoria adfinitate,¹ illustrior, monitoris partes, apud bonos Principes difficiles, apud malos funestas, agebat; veterique, qua apud Tiberium valuerat,² auctoritati, et filiae suæ Claudiae recens mortuæ³ desiderio confusus, Principi, quem nondum libidinis firmum rebatur, idemtidem memorabat "virtutibus partos populi amores, proxima vitiis odia." Caius monitorem, tunc importunum, et, si diutius viveret, gravem, primo contumeliis, deinde calumniis adgreditur; cumque Julium Græcinum⁴ ad viri optimi accusationem incitare non posset, ipse causatus, "quod Silanus⁵ ingressum se turbatus mare non esset secutus, ut si quid sibi per tempestates accideret, Urbem occuparet," eum ad necem secandasque novacula fauces compulsit. Mox Liviam Orestillam,⁶ Calpurnio Pisoni nuptam, uxorem cepit; et proximo die edixit "matrimonium sibi repertum exemplo Romuli et Augusti:"⁷ deinde intra paucos dies⁸ eam repudiavit.

tidem verbis, Cai. 27. Plurimum nobilitatem apud Romanos obtinuit verbenæ. 'In remediis publicis, in sacris legationibusque' adhibebatur, Plin. xxii, 2. Hanc legati ferunt ad hostes. 'Hac Jovis mensa veritur, domus purgantur lustranturque.' Plin. xxv, 9. Infula, seu fascia, in modum diadematis, redimi victimas omnibus notum.

3 *Ex aggere.* Sane ex aggere Tarquinii, quo Urbs ab Oriente claudebatur. Hujus aggeris laudes v. ap. Plin. iii, 5. et xxxvi, 15.

1 *Imperatoria adfinitate.* M. Silanus socer erat Caii, qui Claudiam, Silani filiam, uxorem duxerat, ut dictum est An. vi, 20. V. et Stem. Cæs. n. 87. Hunc Silanus a Dione 'ovem auream' perperam appellatum fuisse observavimus An. xiii, 1.

2 *Apud Tib. valuerat.* Tanta erat ejus integritatis opinio, ut Tiberius sententiam de causa, in qua a Silano facta fuisset provocatio, ferre numquam voluerit, sed provocaciones illas ei remitteret. Dio lix, p. 646. De his provocacionibus appellationibusve dictum est sup. in not. et em. ad An. xiv, 28.

3 *Recens mortuæ.* Mortuam ex partu docet Suet. Cai. 12. Suffragantur Tac. An. vi, 45. et Philo, Legat. ad Caium, p. 1000. Repudiatam male scripsit Dio lix, p. 646.

4 *Julium Græcinum.* Agricolæ patrem. Tac. Vit. Agr. 4.

5 *Causatus—Silanus.* Suet. Cai. 23.

'Silanum item socerum ad necem secandasque novacula fauces compulsit, causatus quod ingressum se turbatus mare non esset secutus, ac spe occupandi Urbem, si quid sibi per tempestates accideret, remansisset—Cum et Silanus impatientiam nausæ vitasset, et molestiam navigandi.' Illud 'turbatus mare' de 'tempestate turbida,' qua matris fratrisque cineres Caius transtulit, ut dictum est sup. c. 5. intellige.

6 *Liviam Orestillam.* Suet. Cai. 25.

'Liviam Orestillam C. Pisoni nubentem, cum ad officium et ipse venisset, ad se deduci imperavit, intraque paucos dies repudiatam viennio post relegavit: quod repetisse usum prioris mariti tempore medio videbatur. Alii tradunt, adhibitum cœnæ nuptiali, mandasse ad Pisonem, contra accumbentem, Noli uxorem meam premere: statimque e convivio abduxisse eam secum, et proximo die edixisse matrimonium sibi repertum exemplo Romuli et Augusti.' Dion lix, p. 646. Κορνιλία Ορεστινα, non vero 'Livia Orestilla,' dicitur. Utrum ille C. Calpurnius Piso idem sit ac C. Piso, qui in Neronem conjuravit, disputatur. Eundem esse haud improbabile existimat Cl. Reimarus in notis ad Dion. l. c. Egre tamen crediderim, quod id penitus siluerit Tac. An. xv, 48.

7 *Romuli et Augusti.* Sic enim Hersiliam rapuerat Romulus, Plut. Rom. p. 25 et 26. Liviam Augustus. V. Stem. Cæs. n. 66.

8 *Intra paucos dies.* Dio lix, p. 646.

24. Ad hæc pópulus stupere: nihil queri;¹ in recentes adhuc virtutes defixus, et severitatis causas fingere potius, quam mutatum Principem credere, docilis. Cæsar ipse, nondum atrox, nec incallidus, deficientibus ceteris virtutibus, popularitatem ac liberalitatem retinebat: et, ut se libertatis hilaritatisque publicæ vindicem ostentaret, diem, quem appellavit *Juvenalem*,² Saturnalibus in perpetuum adjecit. Olim, vivida adhuc libertate, ea semper optatæ, numquam expertæ, felicitatis monimenta uno tantum die³ fuere celebrata: duos addidit Julius Cæsar, imminente servitute: illa vigente, quarto ac demum quinto crevere. Nec umquam lætior fuit libertatis memoria, quam cum nulla extitit libertas.

A. U. C. 791. J. C. 38.

25. Aquillius Julianus et Nonius Asprenas,¹ superiore principatu designati, consulatum ineunt. In acta Augusti Caique juravere, omisso Tiberio, Germanici domus eversore: id moris invaluit;² nec ejus nomen in jurejurando postea recitatum. Consules ceterique sacramento addidere "sibi Caium ejusque sorores se suisque liberis cariores fore:" ac vota pro iis omnibus pariter concepta. Quod tamen in ancipiti re et turbarum initii solet, quidam portenta differre: "Machaonem, servum,³ ipsis Calendis Januarii lectum Jovis Capitolini⁴ conscendisse, multa diraque vaticinatum, sibi necem intulisse."

26. Hæc spreta, lætioribus auspiciis, effusaque Principis liberalitate;¹ tumque primum publicatæ imperii rationes,² et

Πρὶν δὲ δύο μῆνας ἐξελθὺν. 'Ante secundi mensis exitum.'

1 *Nihil queri.* Philo, Legat. ad Caium, p. 1000.

2 *Juvenalem.* Suet. Cai. 17. 'Ut lætiam publicam in perpetuum quoque augeret, adjecit diem Saturnalibus, appellavitque Juvenalem.'

3 *Uno tantum die.* Vigente republica, Saturnalia per unum diem, nempe xiv. Kalendas Januarii, seu 19. Decembris, celebrata sunt. Postea a Julio Cæsare in triduum propagata sunt: serias, quartumque diem addidit Augustus. Tum Saturnalia xvi. Kalendas Januarii, seu 17. Decembris, celebrari cœpere. Per quinque dies ea celebrari jussit Caius, teste Dione lix, p. 644. Τὰ τε Κρόνια ἐπὶ πέντε ἡμέρας ἑορτάζεσθαι κελεύσας. Deinde incrementum semper hujus religionis hilaritate, adjectaque Sigillariorum celebritate, per septem dies celebrata sunt Saturnalia. V. Liv. ii, 21. et Macrobian. Saturn. i, 10.

1 *Nonius Asprenas.* M. Aquillius Julianus et P. Nonius Asprenas coss. fuere

A. U. C. 791. J. C. 38.

2 *Id moris invaluit.* Dio lix, p. 646. Οἱ ἔρκοι περὶ μὲν τῶν ὑπὸ τοῦ Τιβερίου πράχθιντων οὐκ ἐπήχθησαν, καὶ διὰ τοῦτο οὐδεὶς γίγνονται. Οὐ γὰρ ἴσθιν ὅστις αὐτὸν ἐν τοῖς ἀπαρχήσασιν ἐς τὴν τῆς οἰκίας (emendandum ὁρκίας recte conjectat Cl. Reimar. γόμοισιν καταλίγει. 'In acta Tiberii non juravere: ideoque in ea a nemine juratur: neque quisquam est, qui Tiberium inter ceteros Imperatores in jurandi formula recensent.' Eadem videas adhuc ap. Dion. lx, p. 667. Sed, si in juramentis, certe in legibus Imperatoris non omittebatur Tiberius. V. not. et em. ad Hist. iv, 6.

3 *Machaonem, servum.* Dio lix, p. 646. 4 *Lectum Jovis Capitolini.* De lectis pulvinaribusque Deum diximus An. xiv, 12.

1 *Liberalitate.* De hac Caii liberalitate, inconsulta quidem, sed populo semper probata, v. Dion. lix, p. 644 et 647. et Suet. Cai. 16.

2 *Rationes.* De imperii rationibus co-

comitia ad campum revocata. Multa quoque populariter actitata. Jussit enim Cæsar milites incendia restinguere;³ et damnum passos pecunia levavit. Provincias beneficiis devinxit; et multos extra Italiam, adfinitatibus et opibus validos, in equestrem ordinem⁴ adlegit, luxu et recognitione supra memorata deminutum: nonnullis etiam,⁵ licet nullum magistratum gessissent, usum senatoriæ vestis, in spem dignitatis, concessit; atque, ut levior foret judicum labor, ad quatuor priores quintam addidit decuriam.⁶ Quod vero fuit populo Romano acceptius, ducentesimam auctionum⁷ Italiæ remisit.

mittisque ad campum, seu populum, revocatis dictum sup. c. 9.

3 *Incendia restinguere.* Dio ibid. Suet. Cai. 16. 'Multis incendiorum damna supplevit.'

4 *In equestrem ordinem.* Dio ibid.

5 *Nonnullis etiam.* Nonnullis etiam ex his illustrioribus equitibus usum senatoriæ vestis tribuit.

6 *Quintam addidit decuriam.* Suet. Cai. 16. Sensus est, ad quatuor priores equitum decurias, quintam addidit, ut levior foret judicantibus labor. Porro illi iudices erant equites Romani. Sed de hac re audiend. Plin. xxxiii, 1 et 2. 'Anuli plane medium [equitum] ordinem, tertiumque, plebi et patribus inseruere: quod antea militares equi nomen dederant, hoc nunc pecuniæ iudices tribuunt. Nec pridem id factum: Divo Augusto decurias ordinante, major pars judicum in ferreo anulo fuit: iique non equites, sed iudices vocabantur. Judicum quoque non nisi quatuor decuriæ fuere primo: vixque singula millia in decuriis inventa sunt, nondum provinciis ad hoc munus admissis: servatumque in hodiernum est, ne quis e novis civibus in iis judicaret. Decuriæ quoque ipsæ pluribus discretæ nominibus fuere, Tribunorum æris, et Selectorum, et Judicum. Præter hos etiamnum Nongenti vocabantur, ex omnibus selecti ad custodiendas cistas suffragiorum in comitiis—Tiberii demum principatus nono anno in unitatem venit equester ordo: anulorumque auctoritati forma constituta est. Quam formam constituerit, quem censum equitum esse voluerit, jam diximus in not. et em. ad An. iii, 55. 'Postea gregatim insigne id appeti cæptum. Propterque hæc discrimina Caius Princeps decuriam quintam adjecit: tantumque natum est fastus, ut quæ sub divo Augusto impleri non potuerant, decuriæ non capiant eum ordinem, passimque ad ornamenta ea etiam servitute liberati transiliant: quod antea

numquam erat factum, quoniam in ferreo anulo equites iudicesque intelligebantur—Judicum autem appellatione separari eum ordinem, primi omnium instituisse Gracchi, discordi popularitate in contumeliam senatus: mox ea debellata, auctoritas nominis vario seditionum eventu circa publicanos substitit: et aliquandiu tertiæ vires publicani fuere. Marcus Cicero demum stabilivit equestre nomen in consulatu suo, Catilinanis rebus, ex eo se ordine profectum esse celebrans, ejusque vires peculiari popularitate quærens. Ab illo tempore plane hoc tertium corpus in republica factum est, cæpitque adjici senatui populoque Romano, et equester ordo. Qua de causa et nunc post populum scribitur, quia novissime cæptus est adjici.'

7 *Ducentesimam auctionum.* Ita totidem literis Suet. Cai. 16. Perperam in recentioribus edd. emendatum *centesimam*, refragantibus vett. omnibus edd. et libris optimæ notæ Mss. Antiquæ scripturæ adstipulatur quoque nummus ex ære minimo, qui olim fuit in Museo Collegii Ludovici Magni: C. CAESAR DIVI AVG. PRON. AVG. i. e. 'Caius Cæsar, divi Augusti pronepos, Augustus.' In medio, sc. 'senatusconsulto,' cum pileo, libertatis symbolo. Ex adversa parte, PON. M. TR. P. III. P. P. COS. DES. III. i. e. 'pontifex maximus, tribuniciæ potestatis' anno 'tertio, pater patriæ, consul designatus tertium.' In medio acc. i. e. 'remissa ducentesima.' Ut in nummis Galbæ, RXXX. vel QVADRAGENS. REMISSA. i. e. 'quadragesima remissa.' 'Ducentesima' autem 'auctionum' dicebatur pars ducentesima rerum venalium in auctione, quæ fisco addicebatur. Non tamen dissimulaverim Dion. lix, p. 647. scripsisse centesimam a Caio sublatam: nec emendaverim cum Cl. Moreau de Mautour, *Journal de Trévoux*. ann. 1728. Novembr. p. 2121 sq. διακοσιστής pro εκατοστής. Sed si vera sunt quæ scripsit Dio lviii, p. 631. et lix, p.

27. At extremos vix sanæ mentis igniculos oppressere homines duo, ad Principis dedecus et imperii exitium nati, Helico et Apelles.¹ Hic, patria Ascalonita,² stupris ac scenicis operis infamis: ille, origine Ægyptius, scurrilibus jocis et veteratoria arte scelestior. Caius, utrique mancipatus, civium famam, vitas, fortunas, vilia habere; turpitudinum probra ostentare: ad scelera inolescere: sacra profanaque pro arbitratu vertere: idque nequitiae summum adsequi, ut, cum pessimus statim haberetur, fieret in dies pejor. Si quos puderet nos hæc scribere, magis pudeat talem extitisse Principem, fuisse adhuc deteriores;³ quorum sceleribus utinam historia eam infamiam inurat, ut pares numquam videat ætas postera!

28. Per deridiculum cœpere insanæ dominationis vitia. Princeps saltatorias et scenicas artes, magistro Apelle, edoctus, imperii majestatem ac curas spernit: in spectaculis totus, lectissimas Afrorum Campanorumque pugilum catervas advocat: feras ex Libya aliisque longinquis regionibus arcessit: in amphitheatrum Tauri,⁴ in Circum, in Septa,² horumque pertæsus, ac subversis domibus, in subitarias theatrorum machinas,³ ad gladiatoria munera, ad venationes, ad Circenses, scenicos, Trojanos, naumachiarios ludos, pensilem populum Romanum circumfert. Hæc diu, hæc noctu, Urbe, terrarum victrice, ad inania luminibus collucente, Circo minio et chrysocolla constrato,⁴ aurigantibus senatoribus,⁵ ipso Principe argentei pegmatis⁶ agitatore.

29. Vana quidem hæc, nondum tamen infanda, sed brevi patrum adulatione in licentiam, populi plausu in turpitudinem corrupta. Patres enim, a Principe rogatos, haud puduit theatrales cruentasque leges scribere, et senatusconsulto decretum "ne in gladiatoriiis muneribus vir virum legeret, sed

647. dixerim pro centesima, civilia post bella instituta, ducentiesimam a Tiberio fuisse statutam, Tac. An. i, 78. et ii, 42. Centiesimam post mortem Sejani a Tiberio fuisse renovatam, Dio lviii, p. 631. Deinde a Caio centiesimam iterum antiquatam, Dio lix, p. 647. Demum ipsam ducentiesimam a Caio abrogatam, ut patet tum ex Suet. tum ex nummis.

1 *Helico et Apelles.* De iis multa Philo, Legat. ad Caium, p. 1016 et 1021.

2 *Ascalonita.* Ascalon, urbs maritima tribus Simeon, nunc Ascoli.

3 *Deteriores.* Neronem nempe ac Domitianum.

4 *Amphitheatrum Tauri.* Quod Statilius Taurus, quarto Augusti consulatu, in campo Martio extruxerat. Dio li, p. 460. Suet. Aug. 29. Cai. 18.

2 *In Septa.* Septa in campo Martio de-

dicavit Agrippa octavo Augusti consulatu: ob amplissimas eorum porticus, ibi sæpe ab Augusto et Caio data spectacula. Dio liii, p. 512. Suet. Aug. 43. Cai. 18. At tunc Caius Septa effodit, et aqua replevit, ut unam navim introducere posset. Dio lix, p. 647.

3 *Theatrorum machinas.* Dio lix, p. 647.

4 *Minio et chrysocolla constrato.* Suet. l. c. Chrysocolla auri, minium argenti sanies. Plin. xxxiii, præf. Chrysocollam adhuc dicimus gold-solder. Minium, cinabar.

5 *Aurigantibus senatoribus.* Suet. ibid.

6 *Argentei pegmatis.* Plin. xxxiii, 3. §.

16. 'Caius princeps in Circo pegma duxit, in quo fuere argenti pondo cxxiv.' Angl. 413l. 6s. 8d. Forte opus materiam superabat.

omnes præliorum more confertim adpugnarent.”¹ Non jam sudore, at sanguine et morte certatur. Animarum vilitate, populoque ad sua funera plaudente, efferatus Princeps quosvis ad cædes postulat: sex et viginti equites² funebri munere perimit. Cumque numquam sit crudelitatis satias, et aliquando damnati ad belluas haud sufficerent, jubet “spectatores corripere, præcisique linguis,”³ ut questus et miseratio intercludatur, “ad feras projici:” nec vesano furori, nisi levioribus cædibus, temperat.

30. Macro primus in pœnas ruit.⁴ Certus insanam dominationem, in suam, ejusque auctorum, ruinam vergere, Principem, quem ter morti,⁵ imperante Tiberio, subduxerat, et summæ rei admodum, moderationis, clementiæ, humanitatis monebat. Consilia, ne in Silano quidem, socero, et expertæ virtutis, tolerata, in Macrone, quondam adulteriorum suasore, erant magis invisæ. Dissimulavit tamen Cæsar, veteris gratiæ memor, an prætorias cohortes⁶ veritus: mox, ut illum honorifice amoveat, Ægyptum⁷ ei destinat. At cum apud Principes gravis sit beneficiorum memoria, et scelus odia semper maneat, se tandem grati pariter et infensi animi absolvit, et Macroni supremam necessitatem indixit. Uxorem ejus Enniam, sibi amore, antequam dominationis potiretur, inligatam,⁸ simul perculit: excisa quoque sobole,⁹ ut nihil odiosæ domus superesset.

31. Hactenus in privata, nunc in publica fata sævire cœpit, ut exhaustas opes reficeret. Senatoribus maxime¹ ac ditissimis quibusque incubuit, in eos, sicuti Sejani clientes, matris fratrumque suorum delatores invectus: protulit libellos, quos ante crematos simulaverat:² morbumque,³ quo fuerat superiore anno conflictatus, plurimis in crimen capitis convertit. Nullus cognoscendi ordo. Damnati et indemnati, publicatis

1 *Confertim adpugnarent.* Hæc Dio lix, p. 647.

2 *Sex et viginti equites.* Eos jam antea dilapidatis facultatibus et gladiatoris certaminibus infames fuisse docet Dio l. c.

3 *Præcisique linguis.* Dio ibid.

1 *In pœnas ruit.* Macronis exitium fuse narrat Philo, Legat. ad Caium, p. 997 sq. Brevius Dio lix, p. 647. Paucis Suet. Cai. 26. ‘Leve ac frigidum sit his addere, quo propinquos amicosque pacto tractaverit—in primis ipsum Macronem, ipsam Enniam, adjutores imperii, quibus omnibus pro necessitudinis jure, proque meritorum gratia cruenta mors persoluta est.’

2 *Ter morti.* Philo, l. c. p. 1000.

3 *Prætorias cohortes.* Quibus præfectus erat Macro, ut diximus in Suppl. An. v, 34 et 36.

4 *Ægyptum.* Equitibus Romanis illis tribus sepositam. An. ii, 59.

5 *Inligatam.* De his sup. An. vi, 45. Suet. quoque Cai. 12.

6 *Excisa quoque sobole.* Philo, ibid. ‘Ὁ Μάκρων παρσίχως λίπυτο. ‘Macro cum omnibus domesticis mactatus est.’ Idem Philo, in Flacc. p. 967. παρσίχως αὐτῇ γυναικὶ καὶ τέκνους συναισθητός. ‘Excisus una cum uxore atque liberis.’

1 *Senatoribus maxime.* Hæc et sequentia Suet. Cai. 30. Dio lix, p. 648.

2 *Crematos simulaverat.* Sup. c. 8.

3 *Morbumque.* Si quis enim, dum Caius morbo, ut dictum est sup. c. 1. laboravit, aliquem convivio excepisset, aut salutasset, aut ipse lavisset, id crimini dabatur. Dio lix, p. 648.

bonis, simili casu prostrati. Principis rapacitate, et delationum impunitate ac præmiis excitabatur accusationum licentia.

32. Ferale malum haud mitigavit, accendit magis Drusillæ obitus,¹ quam Princeps ex sororibus suis maxime deperibat.² Cassio Longino³ olim collocatam, deinde M. Lepido nuptam, abduxerat; aususque exterorum regum⁴ exemplo in modum uxoris accipere, heredem bonorum omnium atque imperii æger instituerat. Mortuam vesano mœrore persecutus “justitium”⁵ quidem, “funusque publicum” edixit: at eadem in luctu, ac in libidine, animi intemperie, nec exsequiis interfuit, nec justa sorori persolvit: pudoris ita oblitus, ut, dum Urbis planctu omnibusque tristitiæ imitamentis funerabatur, a M. Lepido laudata, ipse in Albano suo⁶ tesseris, ac foro, aliisque idem levitatis occupationibus, indecora captaret solatia.⁷

33. Mox doloris impatiens, et ab hominum convictu profusus, barba capilloque promisso, Italiæ ac Siciliæ oras errabundus peremitur: mutato dein consilio,¹ Syracusis propere Romam redit, certus non lugendam, sed colendam sororem. Quidquid honorum senatus Liviæ tribuerat, statim Drusillæ collatum;² statutumque “ut cœlestes religiones³ haberet: aurea ejus effigies poneretur in curia; altera foret in æde Veneris, majestate ac cultu haud impar: templum quoque ipsi dicaretur: statuas mulieres æque ac viri consecrarent: per

1 *Drusillæ obitus.* Suet. Cai. 24. Dio lix, p. 648. V. Stem. Cæs. n. 95.

2 *Maxime deperibat.* Suet. Cai. 24. ‘Cum omnibus sororibus suis stupri consuetudinem fecit—Ex his Drusillam vitiasse virginem prætextatus adhuc creditur.’

3 *Cassio Longino.* De Longino et Lepido, Drusillæ conjugibus, v. Stem. Cæs. n. 96 et 54.

4 *Exterorum regum.* Regum Orientis.

5 *Justitium.* Novum prorsus ac ferale. Teste enim Suet. Cai. 24. ‘Eadem defuncta, justitium indixit: in quo risisse, lavasse, cenasse cum parentibus, aut conjuge, liberisve, capitale fuit.’

6 *Albano suo.* In Albano agro, ob Urbis vicinitatem agrique delicias, fuere Principum procerumque villæ.

7 *Captaret solatia.* Senec. Consol. ad Polyb. 36. ‘C. Cæsar, amissa sorore Drusilla, is homo qui non magis dolere, quam gaudere principaliter posset, conspectum conversationemque civium suorum profugit, exsequiisque sororis suæ non interfuit, justa sorori non præstitit, sed in Albano suo tesseris, ac foro, et provocatis hujusmodi aliis occupationibus, acerbissimi funeris levabat mala. Proh pudor imperii! Principis Romani lugentis sororem, alea

solatium animi fuit. Idem ille Caius furiosa inconstantia, modo barbam capillumque submittens, modo Italiæ ac Siciliæ oras errabundus peremiens, et numquam satis certus utrum lugeri vellet, an coli sororem. Eodem enim tempore, quo templa illi constituebat ac pulvinaria, eos qui parum miesti fuerant, crudelissima afficiebat animadversione. Eadem enim intemperie animi adversarum rerum ictus ferebat, qua secundarum elatus eventus, supra humanum intumescebat modum.’

1 *Mutato consilio.* Suet. Cai. 24. ‘Mœroris impatiens, cum repente noctuque profugisset ab Urbe, transcurrissetque Campaniam, Syracusas petiit. Rursusque inde propere rediit, barba capilloque promisso. Nec unquam postea, quantiscumque de rebus, ne pro concione quidem populi, aut apud milites, nisi per nomen Drusillæ dejeravit.’

2 *Drusillæ collatum.* De his honoribus ac veneratione v. Dion. lix, p. 648.

3 *Cœlestes religiones.* Ejus divinitatem testatur nummus ex ære magno ap. P. Pedrusi, *I Cæsari*, Vol. vi, p. 67. DIVA DRUSILLA SOROR C. CAESARIS AVG. Caput Drusillæ. Ex adversa parte, IVLIA DRUSILLA F. C. CAESARIS AVGVSTI. In me-

ejus nomen jurarent foeminae : diesque natalis ludis, Megalesium⁴ similibus, senatus et equitum epulo celebraretur.”⁵

34. Per Urbem ac provincias¹ percrebuit Drusillae honos. Nec puduit Livium Geminium,² senatorem, maxima adseveratione in senatu jurare “ se eam cœlum ascendentem vidisse.” Licet ceteri deliramentum, adulationemve inriderent,³ decies sestertium⁴ donatus est, pari Principis ac senatoris opprobrio. Quod vero hactenus inauditum, in civium funera cessit religio :⁵ si enim divam læti colerent, in eos, uti ob mortem hilares, advertebatur ; si mœrerent, quasi numini parum devoti, plectebantur : ineluctabile utrimque fuit discrimen.

35. In hac furiosa inconstantia Princeps, firmus libidinum, Lolliae Paullinae¹ subito amore exarsit. Avitarum opum haud minus, quam formæ, appetens, eam, Memmio Regulo, consulari,² tum exercitus rectori,³ nuptam, ex provincia evocavit ; perductamque a marito, ut illa, veluti patrio jure,⁴ cederet, sibi conjunxit. Singulari rapinarum fœdere, solemnibus nuptiarum apparatus imperii Romani et Orientis divitias explicavit. Princeps prodigus corrasos cædibus ac proscriptionibus thesauros ostentabat : uxor smaragdis, margaritis, aliisque provinciarum spoliis, regumve Orientis muneribus, ab avo⁵ M. Lollio per nefas quæsitis, onusta spectabatur.

36. Male ominata connubii gaudia excepit digna vetere

dio cornu unde exeunt spicae et caput puellae. Puella hæc est Cæsoniae et Caii filia, ob Drusillae memoriam Drusilla et ipsa appellata. Ex nummo tamen ferme simili, quem laudavit Patinus in Sueton. p. 218. existimant eruditi Academici Herculanenses, *Antichità di Ercolano*, Vol. v, p. 190. Juliam hanc Drusillam filiam esse divæ Drusillae et Caii Caligulae. Huc trahunt verba Eutropii, vii, 12. ‘Stupra sororibus intulit ; ex una etiam natam filiam cognovit.’

4 *Megalesium*. De ludis Megalesiis dictum est sup. An. iii, 6.

5 *Celebraretur*. Hæc omnia Dio. l. c.

1 *Ac provincias*. In nummis Milesiorum, ΘΕΑ ΔΡΟΥΣΙΛΛΑ ΜΙΑΗΕΙΩΝ. ‘Diva Drusilla.’ Nummus ‘Milesiorum,’ ap. Harduin. *Select. Opp.* p. 107.

2 *Livium Geminium*. De hoc deliro, aut propudioso, homine v. Dion. lix, p. 648.

3 *Inriderent*. Mortales illi Dei, stultæque consecrationes quantum irriderentur, docet Seneca in Apocolocynt. ‘Quærite ab eo, qui Drusillam euntem in cœlum vidit—Velit, nolit, necesse est illi omnia videre, quæ in colo agantur. Appiæ viæ curator est : qua scis et divum Augustum, et Tiberium Cæsarem ad Deos isse. Hunc si inter-

rogaveris, soli narrabit : coram plaribus numquam verbum faciet. Nam ex quo in senatu juravit se Drusillam vidisse cœlum ascendentem, et illi pro tam bono nuntio nemo credidit quid viderit, verbis conceptis adfirmavit se non indicaturum etiamsi in medio foro hominem vidisset occisum.’

4 *Decies sestertium*. Angl. 8333l. 6s. 8d.

5 *Religio*. Hæc et seq. Dio lix, p. 648.

1 *Lolliae Paullinae*. De ejus nuptiis Suet. Cai. 25. Dio lix, p. 648. V. et Stem. Cæs. n. 89.

2 *Consulari*. Consul Sejanum oppresserat, ut diximus in Suppl. An. v, 34.

3 *Exercitus rectori*. Ut videtur, Syriae praeposito : ille sane est, cui datum est negotium Jovis Olympii simulacrum e Graecia Romam adsportandi. Joseph. Antiq. Jud. xix, 1. Suet. l. c.

4 *Patrio jure*. Jus illud novum, quo mariti uxori, tamquam patres filiabus, cedebant, reperit Augustus, ut Liviae nuberet. V. Dion. xlviii, p. 383. Ejus exemplo ‘Caius Memmii Reguli uxorem duxit impellens eum, ut uxoris suæ patrem esse se scriberet,’ Euseb. in Chron.

5 *Ab avo*. Avi neptisque infamiam exacerbat Plin. ix, 35. ‘Lolliam Paulinam, quæ fuit Caii Principis matrona, ne serio

Roma, melioribusque temporibus scena. Caius, exteris, quam domesticis, rebus intentior, gentes ac regna diribuit:¹ nihilque priscae majestatis omissum. Ipse enim inter consules sellae curuli in foro insidens,² velis sericis, ut quidam prodidere, interjectis,³ recitatoque senatusconsulto, Ituræam⁴ Sohemoadsignavit: Cotyi⁵ Armeniam minorem dedit: Rhœmetalci⁶ Thraciam, ipsum inter et Cotyn antea divisam, integram permisit: Polemonem paterno regno⁷ donavit.

37. Placitum quoque ut Agrippa,¹ Principi intimus, acceptum anno superiore regnum inviseret, sponsione prius facta, se, ubi primum per negotia liceret, Romam reversurum. Puteolis² profectus, Etesiis flantibus,³ Alexandriam petiit;⁴ eum comiter excepit Flaccus Avillius, Ægypti præses: at dignitatis invidus,⁵ infensusque Judæis, animos plebis, in exterorum inrisionem promptæ, forte incendit, certe non coercuit. Eo crevit insolentia, ut, regem inlursi, quemdam insanum, nomine Carabam, regio ornata et comitatu extollerent, Marinque salutarent.⁶

38. Atrocitates privatis hominibus, nedum regibus, intole-

quidem, aut solemnī cærimoniarum aliquo apparatu, sed mediocrius etiam sponsalium cæna, vidi smaragdis margaritisque opertam, alterno textu fulgentibus, toto capite, crinibus, spira, auribus, collo, monilibus, digitisque, quæ summa quadringentes HS. [Angl. 333,333l. 6s. 8d.] colligebat: ipsa confestim parata mancipationem tabulis probare. Nec dona prodigi Principis fuerant, sed avitæ opes, provinciarum scilicet spoliis partæ. Hic est rapinarum exitus: hoc fuit quare M. Lollius infamatus regum muneribus in toto Oriente, interdicta amicitia a Caio Cæsare Augusti filio, venenum biberet, ut neptis ejus quadringentes HS operta spectaretur ad lucernas. Computet nunc aliquis ex altera parte, quantum Curius aut Fabricius in triumphis tulerint: imaginetur eorum fercula, et ex altera parte Lolliam, unam imperii mulerculam accubantem: non illos curru detractos, quam in hoc vicisse malit.

1 *Diribuit.* Distribuit. Sic de populo Romano Plin. xxxiii, 15. 'Hic est ille terrarum victor, et totius domitor orbis, qui gentes et regna diribet, jura externis mittit, Deorum quædam immortalium generi humano portio.'

2 *In foro insidens.* Hæc omnia prodidit Dio lix, p. 649.

3 *Interjectis.* Forte ut Caius a sole defenderetur, aut ob Principis reverentiam, et ut excluderetur turba.

4 *Ituræam.* Arabiæ desertæ vicinam. V. quæ dicta sunt sup. c. 11. et An. xii, 23. Eos Ituræos Arabas appellat Dio l. c. Σω-

αίμω μὲν τὴν τῶν Ἰουδαίων τῶν Ἀράβων—ἀρχὴν ἱερίαςαιτο. 'Sohemo Ituræorum Arabum regnum dedit.'

5 *Coty.* Antea Thraciæ partem obtinebat, ut dictum est An. ii, 67.

6 *Rhœmetalci.* Filio Rhescuporidis, de quo sup. An. ii, 67.

7 *Paterno regno.* Regno Pontico et Bosphorano. De ejus patre, Polemone i. dictum An. ii, 56. De utriusque Polemonis nummis et historia consule erudit. Cary, *Histoire des Rois du Bosphore.* p. 37 et 50. V. et dicenda inf. in Suppl. An. ix, 20.

1 *Ut Agrippa.* De quo sup. c. 11.

2 *Puteolis.* Nunc Pozzuolo, in Campania.

3 *Etesiis flantibus.* Etesiae paulo ante exortum Caniculæ flare incipiunt. V. quæ de iis dicta sunt An. vi, 33.

4 *Alexandriam petiit.* Agrippæ iter, sceleraque Flacci Avillii fuscè descripsit Philo, in Flacc. p. 965 sq.

5 *Dignitatis invidus.* Rex erat Agrippa, et a senatu prætoris insignibus honoratus. Philo in Flacc. p. 970.

6 *Marinque salutarent.* Philo, ibid. 'Ἐξήχθη βοή τις ἀποτοῦ, Μάριν ἀποκαλεῖσθαι. οὕτως δὲ φασὶν τὸν κύριον ὀνομάζεσθαι παρὰ Σύροις· ἤδισαν γὰρ Ἀγρίππαν καὶ γίνεαι Σύρον, καὶ Σύριας μνησθῆναι ἀποτομὴν ἔχοντα, ἥς ἰσχυροῦνται.' Exortæ voces plurimæ et confusæ, Marin clamantium: sic enim inquit dominum a Syris appellari. Noverant enim Agrippam esse Syrum genere, et in magna Syriæ parte regnare.'

randas acuere dira adversum Judæos,¹ Alexandriae incolas, patrata facinora. Querebantur "pollutas proseuchas;² domos direptas; omnes fortunis deturbatos; gentis senatores verberibus cæsos; e populo plurimos occisos, flammatos;³ se etiam a præside impeditos, ne Principem de honoribus, quos ei publice decreverant, certiores facerent.⁴ Nihil denique crudelitatis intentatum, ut gens, vitæ integra, Cæsarum reverens, periret." Agrippa, sua offensione, popularium calamitate exacerbatus, omnia Caio renunciavit.⁵

39. Haud expectato, uti moris erat, coeptæ administrationis fine,¹ Princeps statim misit Bassum² cum cohorte, qui Flaccum comprehenderet, Romamque perduceret. Centurio, Pharus³ advectus, Alexandriam clanculum ingreditur, Flaccumque imparatum et convivantem⁴ circumvenit, stupentibus omnibus, Judæis eo lætioribus, quod scelus pœna in diem festum,⁵ primoribus gentis in vincula coniectis, omissum, incidisset. Turbida maris perpessus; ne quid adhuc acerbitalis deesset, accusatores criminum, quos olim suasores habuerat, Lamponem et Isidorum⁶ in Urbe reperit.

40. Præter criminationes ab Agrippa Judæisque oblatas, "Tiberii benevolentia,¹ pro nepote² vota, Macronis familiaritas;³ eo superstitie, spes; occiso, tristitia; antea non male, posthac ob vetera in Caium odia⁴ pessime administrata provincia," aliaque plurima objectabantur. Jamque Flaccum in

1 *Judæos*. Tanta erat Alexandriae Judæorum multitudo, ut hos inter, ceterosque incolas urbs esset divisa, teste Philone in Flacc. p. 971. De Judæorum numero in Ægypto diximus sup.

2 *Proseuchas*. Vet. Schol. Juvenal. iii, 296. 'Proseucha. locus Judæorum, ubi orant.' Philo, Legat. ad Caium p. 1014. Proseuchæ, in quibus cœtus faciunt, præsertim sabbatis, juxta religionem patriam. Proseuchas illas nunc dicimus *Synagogues*.

3 *Occisos, flammatos*. Hæc omnia scelera, præsidis edictis firmata, lacrymabundus narrat Philo in Flacc. p. 973. 974. 975 sq.

4 *Certiores facerent*. Philo in Flacc. p. 979.

5 *Renunciavit*. Philo in Flacc. p. 980.

1 *Administrationis fine*. Philo ibid. et p. 981.

2 *Bassum*. Philo ibid. βάσσος ἑκατοντάρχης, Bassus centurio.

3 *Pharus*. The Pharos of Alexandria. 'E turri nocturnis ignibus cursum navium' regebat. Plin. v, 31.

4 *Convivantem*. Convivabatur apud Stephanionem, Tiberii Principis libertum Philo

in Flacc. p. 981.

5 *In diem festum*. Dies ille festus erat *Scenopegia*, de quo D. Joan. vii, 2. et Moses Levit. xxiii, 34. seu solemne Tabernaculorum, quod a die 15. mensis Tisri per dies septem celebrabatur. Philo in Flacc. p. 982. 'Ἐορτὴ μὲν γὰρ ἦν πάνδημος τοῖς Ἰουδαίοις κατὰ τὴν μετοπιστὴν ἱερουσίαν, ἐν ᾗ διάγειν Ἰουδαῖοις ἔθος ἐν σκηναῖς.

Solemne erat, quod populariter celebrant Judæi per autumnæ æquinoctium, exstructis sub dio tabernaculis. Inde autem manifeste patet quo tempore comprehensus fuerit Avillius, et Romam perductus.

6 *Lamponem et Isidorum*. Philo in Flacc. p. 983.

1 *Tiberii benevolentia*. Olim inter Tiberii amicos fuerat Flaccus; et post mortem Severi ante sexennium Ægypto præpositus. Philo in Flacc. p. 965 et 987.

2 *Pro nepote*. Pro Tiberio, Tiberii nepote, Drusi filio; de cujus cæde dictum sup. c. 21. Philo in Flacc. p. 966.

3 *Macronis familiaritas*. Philo, ibid. p. 967. De Macronis exitio sup. c. 30.

4 *Vetera—odia*. Quondam enim Agrippinam, Caii matrem, accusaverat. Philo in Flacc. p. 966.

insulam Gyarum⁵ relegandum censebant, cum, deprecante M. Lepido,⁶ Andrum,⁷ bonis Principi sepositis,⁸ deportatus est.

41. Dum senatus, punitis grassationibus, provinciarum tranquillitati consulebat, Princeps Urbis decora, publicos usus, privatasque voluptates, novo artis miraculo promovebat. Majora enim, quam Q. Marcius Rex,¹ et avus suus Agrippa, molitus, arcus extrui,² montes perfodi, convalles æquari jussit, ut a lapide quadragesimo Cæruleus et Curtius fontes, a sexagesimo Aniene nova in Urbem perducerentur, et ad eam excelsitatem levarentur, ut in omnes ejus montes ad balinea, piscinas, domos, euripos, hortos, suburbana, villas, influerent. Quæ quidem, quanto acrius suscepta, tanto levius omissa, maxima cum laude peregit Claudius.

42. Iis temporibus periire duo ætatis suæ decora, Antonia et Julius Græcinus. Illa Antonia, Octaviæ, et Claudiae familiarum nobilitatem complexa,¹ mariti et filii² laudibus eminentissima, viduitatis sanctitate³ illustrior extitit: sortis humanæ claritatem supergressura, si Caium⁴ nepotem non habuisset. Eum imperio servavit, naturæ obsequens: dum valuit, optimum Principem fecit: in dominationis libidines præcipi-

5 *Gyarum.* *Ægæi maris insulam, nunc Joura.* De qua jam dictum sup. An. iii, 68.

6 *M. Lepido.* De quo sup. c. 32. Philo in Flacc. p. 987.

7 *Andrum.* *Ægæi maris insulam, nunc Andros.*

8 *Principi sepositis.* Cum enim locupletissimus esset Flaccus, et exquisitæ supellectilis curiosus, licet plurimorum damnatorum bona sub hasta fuissent vendita, solius Flacci omnia Imperatori sunt seposita, exceptis paucis quibusdam, ne lex de damnatis lata violaretur. Philo in Flacc. p. 986.

1 *Q. Marcius Rex.* Quantam operam Q. Marcius Rex, prætor A. U. C. 610. M. Agrippa, ædilis A. U. C. 721. in reficiendis adjiciendisve aquarum ductibus posuerint docet Plin. xxxvi, 15. n. 9.

2 *Arcus extrui.* Plin. xxxvi, 15. n. 10. 'Vicit antecedentes aquarum ductus novissimum impendium operis inchoati a Caio Cæsare, et peracti a Claudio. Quippe a lapide quadragesimo ad eam excelsitatem, ut in omnes Urbis montes levarentur, influxere Curtius atque Cæruleus fontes. Erogatum in id opus sestertium l.v. d. [Angl. 458,333l. 6s. 8d.] Quod si quis diligentius æstimaverit aquarum abundantiam in publico, balineis, piscinis, domibus, euripis, hortis, suburbanis, villis, spatioque adveniens extructis arcus, mon-

tes perfossos, convalles æquatas, fatebitur nihil magis mirandum fuisse in toto orbe terrarum.' De his aqueductibus Frontinus, de Aquæduct. Romæ, Libr. i. 'C. Cæsar, qui Tiberio successit, cum parum et publicis usibus et privatis voluptatibus septem ductus aquarum sufficere viderentur, altero imperii sui anno, M. Aquilio Juliano, P. Nonio Asprenate coss. A. U. C. 790. duos ductus inchoavit: quod opus Claudius magnificentissime consummavit, dedicavitque, Sulla et Tutiano coss. anno post U. C. 800. 6. Kal. Augusti.' Huc spectant Inscriptiones, quæ Romæ extant. At ob loci opportunitatem juvat eas in huj. lib. calcem conjicere, quas ibi v.

1 *Nobilitatem complexa.* V. Stem. Cæs. n. 42.

2 *Mariti et filii.* Neronis Claudii Drusi mariti; Germanici filii. V. Stem. Cæs. n. 79 et 81.

3 *Viduitatis sanctitate.* Val. Maxim. iv, 3. 'Antonia quoque femina laudibus virilem familiæ suæ claritatem supergressa, amorem mariti egregia fide pensavit: quæ post ejus excessum, forma et ætate florens, cubiculum socrus pro conjugio habuit: in eodemque toro alterius, adolescentiæ vigor extinctus est, alterius viduitatis experientia consenuit. Hoc cubiculum talibus experimentis finem imponat.'

4 *Caium.* Caligulam.

tem, aviæ monita declinantem,⁵ et erumpentem in ferale effatum, "memento omnia mihi, et in omnes licere,"⁶ haud perpressa, tædio contabuit, vel, dato, ut quidam putant, veneno, occubuit: morte æque ac vita celebris; negatis post mortem honoribus, fama celebrator.

43. Julius Græcinus fuit dignitate, non virtute, impar: eloquentiæ et sapientiæ studiis, animi excelsitate, luxus contemtu, incorrupta libertate egregius: senator, civisque melior, quam esse quemquam Caio expediret, ab eo interfectus est, quod, jussus M. Silanum,¹ nullius criminis noxium, accusare, abnuerat. In tanta vitæ mortisque laude, majorem adhuc, ob egregias filii sui Cn. Julii Agricolæ² virtutes, gloriam adsecutus. Tristius periit Passienus,³ heredis suæ fraude enectus.

5 *Monita declinantem.* Suet. Cal. xxiii. 'Aviæ Antoniæ secretum petenti denegavit, nisi ut interveniret Macro præfectus. Ac per istiusmodi indignitates et tædia, causa extitit mortis: dato tamen, ut quidam putant, et veneno. Nec defunctæ ullum honorem habuit: prospexitque e triclinio ardentem rogum.'

6 *Licere.* Suet. Cal. xxix.

1 *M. Silanum.* De quo sup. c. 23.

2 *Filii sui—Agricola.* V. Tac. Vit. Agr.

4.

3 *Passienus.* Euseb. in Chronic. 'Passienus filius fraude heredis suæ necatur.' Pater ejus Crispus Passienus laudatur a Seneca Nat. Quæst. iv, præf. V. et Stem. Cæs. n. 94.

AQUÆ CLAUDIÆ INSCRIPTIONES, quæ extant Romæ in porta Nævia, nunc Porta Maggiore. Arcum, cui sunt incisæ, v. ap. Cl. Piranesi, Antichità Romane, vol. I, Tab. 37. n. 2.

TI. CLAVDIVS. DRVSI. F. CAISAR. AVGVSTVS. GERMANICVS. PONTIF. MAXIM.
 TRIBVNICIA. POTESTATE XII. COS. V. IMPERATOR. XXVII. PATER. PATRIAE.
 AQVAS. CLAVDIA. EX. FONTIBVS. QVI. VOCABANTVR. CAERVLEVS. ET. CVRTIVS. A.
 MILLIARIO. XXXXV
 ITEM. ANIENEM. NOVAM. A. MILLIARIO. LXII. SVA. IMPENSA. IN. VRBEM. PER-
 DVNDAS. CVRAVIT
 IMP. CAESAR. VESPASIANVS. AVGVST. PONTIF. MAX. TRIB. POT. II. IMP. VI. COS.
 III. DESIG. IIII. P. P
 AQVAS. CVRTIAM. ET. CAERVLEAM. PERDVCTAS. A. DIVO. CLAVDIO. ET. POSTEA.
 INTERMISSAS. DILAPSAQVE
 PER. ANNOS. NOVEM. SVA. IMPENSA. VRBI. RESTITVIT
 IMP. T. CAESAR. DIVI. F. VESPASIANVS. AVGVSTVS. PONTIFEX. MAXIMVS. TRIBV-
 NIC
 POTESTATE. X. IMPERATOR. XVII. PATER. PATRIAE. CENSOR. COS. VIII
 AQVAS. CVRTIAM. ET. CAERVLEAM. PERDVCTAS. A. DIVO. CLAVDIO. ET. POSTEA
 A. DIVO. VESPASIANO. PATRE. SVO. VRBI. RESTITVTAS. CVM. A. CAPITE. AQVARVM.
 A. SOLO. VETVSTATE. DILAPSAE. ESSENT. NOVA. FORMA. REDVCNDAS. SVA. IM-
 PENSA. CVRAVIT.

SUPPLEMENTUM

LIBRI OCTAVI

ANNALIUM.

AUCTORE GABRIELE BROTIER.

BREVIARIUM.

1. **MUTUA** Principis et populi Romani odia. 2. Caius, vana auri spe inlusus, sceleribus opes quærit. 4. Ejus prodigalitas, et in equi honoribus insania. 5. Fortunæ omnes eversæ. 6. Atroces in senatum criminationes. 8. Imminentem ruinam patres adulatione avertunt. 9. Stulta Principis consilia : pons Puteolanus ; triumphatumque mare. 15. Tum Caius, Xerxe major, Alexandrum cruenta ebrietate æmulatur. 16. Non jam in opes, sed in vitas involat. 17. Herodes, Galilææ tetrarcha, ejusque uxor Herodias, regni cupidine, in exitium ruunt. 19. Mox ipsa ingenia in pœnas vocata ; ideoque rei Seneca et Domitius Afer. 21. Comitia e campo ad senatum iterum translata. Multata Africa. 22. Caius, obtrita Italia, ad Gallias Hispaniamque animum convertit, obtentu Germanicæ expeditionis. 23. Vana belli imago, turpisque pavor. 25. Falsa victoria, Romæ tamen et in provinciis celebrata. 27. Adversus Principem conjurationes. Ob id Lentulus Gætulicus et Æmilius Lepidus morte, Julia et Agrippina exilio, puniuntur. 29. Caius consulatum Lugduni solus init. 31. Ibi literarios edit ludos. 32. Lucrosa, sed fœda, negotiatio. 34. Ptolemæus vita, Antiochus regno, orbat. Mithridates in vincula conjectus. 35. Expilatis Galliis, Britannica expeditio suscepta, et ridicule acta. 38. Princeps a Brinione, Caninesate, inridetur. 39. Triumphus apparatus. 40. Atrocia adversus Germanicas legiones consilia, impedita Principis ignavia. 41. Nova adversus senatum odia. 42. Caius ovans Urbem ingreditur. 43. Conjunctio prodita. Sexti Papinii aliorumque supplicia. 47. Princeps, formidine excruciat, discordia securitatem molitur. 49. Senatus, luctu amens, in suos sævit. 50. Honores Caio decreti. 51. Deus appellatur. 52. Deum quoque se fingit, et colitur, hominibus Diisque iniquus. 56. Judæorum legatio. 57. Petronius Caii colossum in templo Hierosolymitano ponere jubetur. 59. Hac de re Agrippæ preces. 60. Judæorum legati ad orandam coram Principe

causam admissi et inrisi. 66. Apelles malarum artium poenas luit. Pontius Pilatus se ipse perimit. 67. Vulgata portenta. 68. Cassius Chærea adversus Principem conspirat. 71. Conjuratorum consilia et metus. 79. Chærea Caium interficit. 80. Caii forma et mores.

Hæc triennio gesta.

A.U.C.	J.C.	
DCCXCII.	39.	Coss. { C. Cæsare Augusto II. L. Apronio Cæsiano.
DCCXCIII.	40.	Cos. { C. Cæsare Augusto III.
DCCXCIV.	41.	Coss. { C. Cæsare Augusto IV. Cn. Sentio Saturnino.

A.U.C. 792. J.C. 39.

1. **CAIO** Cæsare secundum et **L. Apronio Cæsiano** consulibus,¹ mutua Principis et populi Romani odia exarsere.² Populus, stultæ lætitiæ turpisque patientiæ pertæsus, ludos sanguine suo imbutos horrere, dominationis licentiam arguere, invisum delatorum genus incessere. Princeps, exercitatus in audaciam, juratas leges spernere, diurna, nocturna, semper cruenta, spectacula iterare, cuncta trahere in crimina, cogitationes ac curas ad suam securitatem et servitutem publicam convertere.

2. Iis dissensionibus utrimque certabatur, cum Caius, spectaculorum solitudine atrox,¹ consulatu se abdicavit pridie Calendas Februarii;² suffectoque Sanguinio Maximo,³ Urbis præfecto, in Campaniam secessit.⁴ Dein Romam regressus, ut Drusillæ diem natalem celebraret,⁵ ad maiorem ludorum insaniam provolvitur:⁶ nec minori pecunias parandi cupidine

¹ *Consulibus.* C. Cæsar II. et L. Apronius Cæsianus coss. fuere A.U.C. 792. J.C. 39. In vet. lapide ap. Cl. Muratori, Thes. Inscr. vol. i, p. 303.

CAESARE AVG. GERMANICO COS.
L. APRONIO CAESIANO

² *Odia exarsere.* Hæc pluribus Dio lix, p. 649. 'Eratque tum videre et audire ea, quæ solent iratus alter alteri, repugnantes, loqui ac facere, quamquam dispari conditione.' Καὶ ἦν καὶ ἀκούειν καὶ ὁρᾶν, οἷα ἂν ἐν τῷ τοιοῦτῳ ὁ μὲν ὀργιζόμενος, οἱ δ' ἀνταγωνιζόμενοι, καὶ εἰποῦν καὶ πράξουσιν.

¹ *Spectaculorum solitudine atrox.* Dio ibid. Spectaculorum continuatio, ipsaque Principis atrocitas, qui ibi quam maxime et in omnes sæviebat, solitudinem fecerant. V. et Suet. Cai. 26.

² *Pridie Cal. Febr.* Suet. Cai. 17. Secundum consulatum gessit 'ex Calendis Januarii per triginta dies.'

³ *Sanguinio Maximo.* Dio ibid.

⁴ *In Campaniam secessit.* Dio lix, p. 650.

⁵ *Diem natalem celebraret.* Dio ibid.

⁶ *Provolvitur.* Drusillæ simulacrum cur-

flagrabat. Sed delusa aurum faciendi spe,⁷ quam fallax hominum genus, Principibus in portentosas novitates ultro præcipitibus amicum, inflaverat, ad notas certasque prædandi artes animum advertit. Antea jam edictum, "ut omnes, qui Tiberium heredem destinassent, morituri bona Caio legarent."⁸ additum, "testamenta primipilarium,⁹ qui a Germanici triumpho¹⁰ ad id temporis Principem heredem non reliquissent, ut ingrata, rescindi." Acrius sævitum in mancipes,¹¹ ceterosque viarum curatores, quos, quasi publicas pecunias in usus suos corrupissent, fortunis exturbavit Cn. Domitius Corbulo,¹² iisdem damnationibus, superiore principatu, infamatus.

3. Haud puduit ipsum Principem, revocato veteri more "ut duo prætores¹ gladiatoria munera sortirentur," ludos licitari:² gladiatores (facta cuivis copia, plures, quam per leges fas erat, emendi) consulibus, prætoribus, ditissimis quibusque, volentibus aut invitis, vendidit,³ pretia usque eo extendens, ut nonnulli emere coacti, et bonis exuti, venas sibi inciderent:⁴ fraudulenter etiam inrepebat, uti comperit de Aponio Saturnino,⁵ quem cum Caius inter subsellia dormitantem vidisset, præconem monuit, "ne prætorium virum crebro capitis motu nutantem sibi præteriret." Nec licendi finis factus, quoad tredecim gladiatores sestertium nonagies⁶ vix expergito, et ignoranti, addicerentur. Non dum rapacitati satis: gladiatores, equos, agitadores, venditos veneno enecabat,⁷ ut alios emitare cogeret.

ruī impositum in Circum elephantis invexit. Biduo gratuita spectacula edidit, quibus quingenti ursi, totidemque Africane belluæ interemtae. Simul multis in locis pancratiastarum certamina addidit: populoque senatoribus et eorum uxoribus epulum dedit. Dio ibid.

7 *Aurum faciendi spe.* De qua Plin. xxxiii, 4. 'Aurum faciendi est etiam una ratio ex auripigmento, quod in Syria foditur pictoribus, in summa tellure, auri colore, sed fragili lapidum specularium modo. Invitaveratque spes Caium Principem avidissimum auri, quamobrem jussit excoqui magnum pondus: et plane fecit aurum excellens, sed ita parvi ponderis, ut detrimentum sentiret; illud propter avaritiam expertus, quanquam auripigmenti libræ xiiii. permutterentur, nec postea tentatum ab ullo est.' Curiositate an aviditate, id certe et nostra ætate et prioribus seculis a plurimis Principibus, haud felice exitu, tentatum. Auripigmentum appellamus *Orpiment*.

8 *Bona Caio legarent.* Dio lix, p. 651.

9 *Testamenta primipilarium.* Ita Suet.

Cai. 38. Non modo *primipilarium*, qui præcipui erant centuriones, sed centurionum omnium, si fides habenda Dioni, ibid. testamenta rescidit.

10 *A Germanici triumpho.* Ita totidem verbis Dio ibid. Haud ita probabiliter Suet. ibid. 'ab initio principatus Tiberii.' Germanicus, Caii Caligulae pater, de Cheruscis, Cattis, quæque aliae nationes usque ad Albim colunt, triumphavit a. v. c. 770. ut dictum est An. ii, 41.

11 *In mancipes.* De mancipibus curatioribusque viarum dictum sup. An. iii, 31.

12 *Cn. Domitius Corbulo.* Senator. Dio lix, p. 651. testatur eum pudendis his artibus ad consulatum fuisse evehctum. De Corbulone jam dictum sup. An. iii, 31. V. et inf. Suppl. An. ix, 44.

1 *Duo prætores.* Dio lix, p. 650.

2 *Ludos licitari.* Dio ibid.

3 *Vendidit.* Dio ibid.

4 *Venas sibi inciderent.* Suet. Cai. 38.

5 *Aponio Saturnino.* Id totidem ferme verbis narrat Suet. l. c.

6 *Sestertium nonagies.* Angl. 75,000l.

7 *Veneno enecabat.* Dio lix, p. 650.

4. Hanc quoque luxuriæ vesaniam laudibus, studiis, ac præmiis incendebat: ipse Prasinæ factioni¹ ita addictus, ut in ejus stabulo assidue cœnaret, et agitatori Eutycho,² comessatione quadam in apophoretis³ vices sestertium⁴ conferret. Cum vero in libidine numquam sit modus, equum suum, quem *Incitatum* appellabat,⁵ civilibus honoribus extulit. Præter equile marmoreum, et præsepe eburneum, purpureaque tegumenta, ac monile e gemmis, domum quoque et familiam et suppellectilem dedit, quo lautius nomine ejus invitati exciperentur. Quandoque etiam eum ad cœnam vocabat, inaurato hordeo appposito, vinoque poculis aureis ministrato: per ejus salutem et famam jurabat; consulque destinabatur, magna Principis, majore adulatorum infamia.

5. Hæc tamen modica, et in paucorum deridiculum ruinave inventa. At successu inescatus, omniumque opibus inhians, viros, fœminas, omnes sine ullo discrimine divites corripuit.¹ Excogitataque mali remedia exitium properavere. Cum enim, injecto metu, ab ignotis inter familiares, a parentibus inter liberos passim heres nuncuparetur, quanto formidolosior, tanto atrocior, *derisores* vocitabat,² qui post supremas tabulas vivere pergerent, multisque venenatas macteas³ misit. Seniorum vero, quibus vitam permittebat, se filium nepotemve dictitans, statimque occupatis bonis, heredem se renuntiabat.⁴

6. Nequior adhuc, quam stultior, Princeps, flagitia ampliori criminum materie obtexit. Curiam enim adiit, patresque ad-

¹ *Prasinæ factioni.* Suet. Cai. 55. Circensium agitatorum factiones tunicarum coloribus erant distinctæ: unde alii Albati, *the white*; Russati, *the red*; Prasini, *the green*; Veneti, *the blue party*, dicebantur. Hos colores uno vs. complexus est Sidon. Carm. xxiii, 323. 'Micant colores Albus, vel Venetus, virens, rubensque.' Rem hanc ludicram egregie illustrat vet. lapis ab erudito Sirmondo laudatus in notis ad Sidon. p. 160.

M. AVR. POLYNICES NAT. VERNA. QVI VIXIT ANN. XXIX. MENS IX. DIEBUS V. QVI VICIT PALMAS N. DCCXXXIX. SIC. IN RVSSO. N. DCLV. IN PRASINO LV. IN VENETO XII. IN ALBO N. XVII. PRAEMIA XXXX. N. III. XXX. XXVI. PVRA N. XI. OCTOIVG. N. VIII. DEC. N. VIII. SEIVG. N. III.

N. intellexerim tum de numero victoria- rum, tum de numero locoque, quem obtinebat inter agitatores, qui octojugibus, decemjugibus, sejugibus vicere. PVRA de bijugibus acceperim.

² *Agitatori Eutycho.* De quo Joseph. Antiq. Jud. xix, 4. n. 4. Haud ita pro-

babiliter ap. Suet. l. c. *Cythico.*

³ *In apophoretis.* Apophoreta, munera erant, quæ convivi dominus convivis dabat. Sic Antoninus Heliogabalus, vitæ fœditate, ac morte, Caio haud absimilis, ap. Lamprid. xxi. 'Eunuchos pro apophoretis dedit: dedit quadrigas, equos, stratos, mulos, basternas et rhedas; dedit et aureos millenos, [Angl. 1000L.] et centena pondo argenti, Angl. 300l.

⁴ *Vices sestertium.* Angl. 17,000l.

⁵ *Incitatum appellabat.* Has Principis insanias memorant Suet. Cai. 55. Dio lix, p. 650 et 651.

¹ *Divites corripuit.* Dio lix, p. 651. Suet. Cai. 38. Eo astu usus, teste Suetonio, ut omnium irrita vanaque testamenta pronuntiaret, 'quoscumque quis diceret herede Cæsare mori destinasse,' Inde excogitata illa testamenta, quibus passim palamque heres scribebatur: at nova malorum causa extiteret.

² *Derisores vocitabat.* Suet. l. c.

³ *Macteas.* Macteæ sunt rara exquisitaque edulia.

⁴ *Renuntiabat.* Dio l. c.

locutus, ait: ¹ “mirari se ab iis argui sapientissimam Tiberii mentem, bellorum pacisque artibus probatam, imperio parem, publicæ felicitati provisuram, nisi obstitissent senatores. Eos Liboni Druso, ² Titio Sabino, ³ Agrippinæ matri, ⁴ Neroni et Druso fratribus, ceterisque, quos Tiberii æquitas, recti pervicax, haud umquam punisset, perniciem intulisse: alios delationibus, alios accusationibus, omnes sententiis sæviisse.”

7. Moxque recitatis per libertos libellis, ¹ demonstratisque criminibus, addit: “Quos esse vos dixerim, in Tiberii contumeliam tanto proniores, quanto, dum viveret, ad ejus venerationem projectiores? Olim criminum artifices, nunc ejus memoriam insectamini. Eadem inconstantia Sejano superbiam, deinde exitium, creastis. Quæ me ipsum maneant, docent vestra anteacta facinora.” Atque ut alienæ personæ obtentu atrociores sensus velaret, Tiberium induxit talia effantem: ² “recta veraque locutus, eorum nemini te amicum, cunctis severum præsta. Te odio habebunt; mortemque frustra precati, vitam insidiis petent. Sensus ac verba sperne, factis diffide: quod vero jus est Imperatorium, libidini ac securitati consule. Hæc principatus via, hæc ratio. Si paululum deflexeris, te laus brevis, mors violenta, turpis manet memoria. Invisa omnibus dominatio. Parent, dum potentiorum metuunt: ubi audacia et vires suppetent, servitium, dominantis exitio, ulciscuntur.”

8. His minaciter jactatis, leges majestatis renovavit, ¹ tabulsiæ æneis incisas proponi jussit; tum propere et curia elapsus, in suburbana concessit. Patres perterriti, et consilio impares, se omnes majestatis crimine inretitos sensere: idem fuit Urbis metus. Nemo enim vacuus ab injuriis Tiberii, quem quisque, gratiæ apud novum Principem aucupandæ causa, maledictis incesserant. Postridie, paulum recreatis animis, frequenti senatu consultatum, “quid in tanto discrimine censendum.” Nulla superstite libertatis memoria, in pudenda, quæ salutem adferrent, discessum: laudatæque Principis prudentia et pietate, decretum ² “ut grates amplissimæ ob vitam ipsis servatam agerentur: singulis annis, die,

1 *Adlocutus, ait.* Hæc pluribus Dio lix, p. 651 et 652. Paucis Suet. Cal. 30. ‘Sæpe in cunctos pariter senatores, ut Sejani clientes, aut matris ac fratrum suorum delatores invecus est: prolatis libellis, quos crematos simulaverat; defensaque Tiberii sævitia, quasi necessaria, cum tot criminibus credendum esset.’

2 *Liboni Druso.* Sup. An. ii, 27 sq.

3 *Titio Sabino.* An. iv, 68 sq.

4 *Agrippinæ matri.* De Agrippina, Nero-

ne, et Druso dictum in Suppl. An. v, 11 sq.

1 *Per liberos libellis.* Dio l. c.

2 *Talia effantem.* Dio l. c. Quæ quidem acriora esse, quam ut a Dione sint profecta, nemo non videt. Ea vel a Tacito, vel ab alio id roboris scriptore, mutatus videtur. In ipsis etiam Græcis frigent.

1 *Leges—renovavit.* Dio lix, p. 652. De lege majestatis dictum An. i, 72. et passim libris sq.

2 *Decretum.* Dio l. c.

qua Caius orationem habuerat, ludisque Palatinis,³ ejus clementiæ sacrificarent; aureaque ejus effigies in capitolium veneretur, nobilibus pueris hymnos concinentibus: Princeps redux, Urbem, quasi devictis hostibus, ovans iniret." Hæc servitutis dedecora, gliscentibus posthac Principis atrocitatibus, semper auctitata.

9. At Caius, lætus Urbis et senatus formidine, obvios honores spernere, et, ut levissimarum est mentium, ad portentosa adspirare. Xerxis æmulatione¹ incertum, an ad Germaniæ et Britanniæ, quibus imminabat, terrorem,² seu, quod interiores aulici prodidere, ut vanas esse Thrasylli hariolationes, seque Principem novo artis miraculo probaret, Baiarum medium intervallum³ Puteolanas ad moles⁴ trium millium et sexcentorum⁵ fere passuum ponte conjungere adgressus est.

10. Opus quanto insanioribus studiis susceptum, tanto acrioribus deperperatum. Undique evocatæ operæ; cæsæ arbores; comportatæ materiæ: exstructæ naves; quæ cum ad immensam substructionem haud sufficerent, onerariæ quoque contractæ.¹ Inter operarum alacritatem, Urbe et Italia alimentorum egestate² laborantibus, pons in navibus, duplici ordine ad anchoras collocatis, superjectoque aggere terreno, ac directo in Appiæ viæ³ formam, constratus est. Positæ quoque in anfractibus stationes plurimæ, ad hospitia et aquæ dulcis receptacula paratæ.⁴

11. Tum Princeps, vana admiratione, stultaque opum ostentatione superbus, "se, triumphato æquore, Dario et Xerxe superiorem,¹ Alexandro, debellatis hostibus, haud inferiorem

³ *Ludisque Palatinis.* De quibus plura inf. c. 76.

¹ *Xerxis æmulatione.* Quam 'furiosi, et externi et infelicitur superbi regis' imitationem dixit Sen. de Brevitate Vitæ 18.

² *Terrorem.* Suet. Cai. 19. 'Scio plerosque existimasse, talem a Caio pontem excogitatum æmulatione Xerxis, qui non sine admiratione aliquanto angustior Hellespontum contabulaverit: alios, ut Germaniam et Britanniam, quibus imminabat, alicujus immensi operis fama territaret. Sed avum meum narrantem puer audiebam, causam operis ab interioribus aulicis proditam, quod Thrasyllus mathematicus, anxio de successore Tiberio, et in verum nepotem proniori, affirmasset, non magis Caium imperatorem, quam per Bajanum sinum equis discursurum.'

³ *Baiarum—intervallum.* Ita Suet. l. c. Errat Joseph. Antiq. Jud. xix, 1. cum pontem ab urbe Dicearchia, sive Puteolis, ad urbem Misenum ductum scribit. Errat

quoque Dio lix, p. 652. cum affirmat pontem constratum fuisse Puteolos inter et Baulos. Bauli enim non fuere Puteolos inter et Baias; sed inter Baias et promontorium Misenum. V. An. xiv, 4.

⁴ *Puteolanas ad moles.* Puteolanæ illæ moles a Caio Caligula non sunt conditæ. Multo ante ad muniendum portum exstructæ fuerant.

⁵ *Trium m. et sexcent.* Suet. l. c.

¹ *Onerariæ—contractæ.* Dio lix, p. 652. Suet. l. c.

² *Alimentorum egestate.* Sen. de Brevitate Vitæ 18. 'Dum ille [Caius] pontes navibus jungit, et viribus imperii ludit, aderat ultimum malorum obsessis quoque, alimentorum egestas.'

³ *Appiæ viæ.* Via Appia, Romanarum omnium viarum maxima et laudatissima, Roma Brundisium usque protendebatur. De ea jam dictum sup. An. ii, 38.

⁴ *Paratæ.* Dio lix, p. 653.

¹ *Dario et Xerxe superiorem.* Plin. iv,

fore" jactitat; cunctaque ad bellicum apparatus instrui jubet. Stato die, sacrisque Neptuno, ceterisque Deis, ac maxime Livori,² ne grande ausum invidia premeretur, peractis, thoracem Alexandri³ indutus, superinjecta purpurea chlamyde serica, auro gemmisque intertexta, quercica corona⁴ equoque phalerato insignis, securi, cetra⁵ ac gladio minax, pontem Baii ingreditur. Longo ordine equites peditesque hortatorem monstratoremque belli Principem secuti, fulgentibus signis, trucesque vultu, ad Puteolorum obsidionem properant. Oppidum adorti, multa velitatione, omnibusque belli imaginibus expugnant.

12. Nulla urbis deditio majoribus celebrata laudibus: nec tamen adulatio vanitatem Principis supergressa. Ut bellicam virtutem, ita fatigationem, mentitus, reliquum diei recreandis viribus absumsit. Postero die,¹ ad novas libidines alacrior, militari pompa regressus est. Ibat quadrigario habitu,² sed tunica aurea, bijugi famosorum equorum curriculo, Darium,³ multaue deditæ urbis in triumphi modum spolia præ se ferens. Adstabat prætorianorum agmen, et in essedis cohors amicorum, palmatis vestibibus⁴ magnifica. Pone sequebatur expugnator exercitus, plurimaque turba, vario quisque cultu insignes.

13. Cum ad pontis medium pervenere, Princeps tribunal navibus impositum conscendit; et imperatorio more milites adlocutus,¹ jactitavit "Darium et Xerxem puerilia molitos: se vero virilia, et orbis domino digna gessisse: catenatum calcatumque æquor: expugnatas urbes: devictos populos: Deos ipsos, majestatem suam veritos, fluctu flatuque abstinere." Hæc aliaque id stultitiæ gloriatus, milites laborum

12. §. 24. Thracius 'Bosphorus, latitudine v. passuum; qua Darius, pater Xerxis, copias ponte transvexit.' Per Hellespontum, septem stadiorum spatio 'Xerxes, Persarum rex, constrato in navibus ponte, duxit exercitum.' Plin. ibid. V. et Herodot. vii, 34 et 36. in Polymn. Multo majorem maris partem contabulavit Caius.

2 *Livori*. Egrege Plin. ii, 7. 'Fragilis et laboriosa mortalitas in partes ista [numina] digessit, infirmitatis suæ memor, ut portionibus coleret quisque, quo maxime indigeret. Itaque nomina alia aliis gentibus, et numina in iisdem innumerabilia reperimus: inferis quoque in genera descriptis, morbisque, et multis etiam pestibus, dum esse placatas trepido metu cupimus.'

3 *Thoracem Alexandri*. Dio lix, p. 653. Suet. quoque Cai. 52. 'Interdum et magni Alexandri thoracem [gestavit] repetitum e

conditorio ejus.'

4 *Quercica corona*. Suet. Cai. 19.

5 *Cetra*. Leve loreumque scutum erat cetra. V. Quint. Curt. iii, 4. et jam notata sup. in Vit. Agr. 36. not. sup.

1 *Postero die*. Suet. Cai. 19. Dio lix, p. 653.

2 *Quadrigario habitu*. Suet. l. c. Non paludatus, triumphalique veste, sed ut quadrigarius auriga cum galea et tunica ibat Princeps victorque scenicus.

3 *Darium*. Filium Artabani, Parthorum regis, qui illum obsidem Romam miserat, ut dictum est sup. Suppl. An. vii, 12.

4 *Palmatis vestibibus*. Dio lix, p. 653. *Εοθησιν ἀνθρακίς*. Eorum vestes, auro purpuraque intextæ, erant palmis floribusque conspicuæ. De triumphali veste v. quæ dicta sunt An. i, 15.

1 *Milites adlocutus*. Dio lix, p. 653.

ac periculorum socios compellat, et donativo magis quam laudibus, ad lætitiæ inflammatur.

14. Epulis, cantibus, ludis, triumphalisque exercitus festiuitate reliquum diei agitatum est. Princeps cum amicorum caterva in ponte, quasi in insula, hospitabatur: ceteri in naves, veluti ad præsidia positas, divertere. Continuata nocte gaudia;¹ crevitque vix credibili, nec umquam videndo, spectaculo miraculum. Pons enim navesque singulæ facibus collucebant. Quod vero admirationem vicit, littoris curvatura Puteolis Baias usque festis ignibus, per colles, montes, flexuososque meatus, prodigiosa varietate discretis, ardebat. Mare repercussis radiabat luminibus. Noxque, diæ æmula, Solem conspicuo splendore superavit; Principe, intra duos dies pelago, terra, cœloque triumphatis, superbo.

15. Animum, in vana hactenus intentum, ad insitam crudelitatem inflexit epularum licentia, et forte Alexandri imitatio¹ in immane aucta. Furor in amicos,² notos et ignotos, multos etiam e littore invitatos,³ invasit. Pars e summo ponte præcipitati: pars, dum Princeps choros inter et symphonias adnavigaret, demersi; et si qui, licet lætitiæ amentes, nondum tamen salutis oblit, navium gubernacula aliave apprehenderent, contis remisque in mare detrusi; nemine obsistente, plurimis aliena pericula ridentibus.

16. Insana gaudia, uti adsolet, occupavit mœror; opibusque penitus accisis, consuetæ artes redire. Nova et inaudita vectigalia indicta:¹ nec umquam pluribus criminationibus ac cædibus in pecunias involatum. Multi a senatu, plures a Principe damnati.² Et, ne secreta foret sua crudelitas, ipse nomina a se damnatorum in tabulis proposuit; id unum indolens, aut indignans, si quos enecasset, qui per paupertatem vivere potuissent.³ Supplicia morte antevenere,

1 Nocte gaudia. Dio l. c.

1 Alexandri imitatio. Alexander, animi impotens, et ebrietas victus in Cliti aliorumque necem ruit. V. Quint. Curt. viii, 6.

2 Furor in amicos. Hæc pluribus Dio l. c.

3 E littore invitatos. Suet. Caio 32. 'Puteolis dedicatione pontis, quem excoGITATAM ab eo significavimus, cum multos e littore invitasset ad se, repente omnes præcipitavit. Quosdam gubernacula apprehendentes contis remisque detrussit in mare.'

1 Vectigalia indicta. Nunc, reliquoque principatu tot vectigalibus sævit Caius, ut pro eduliis, pro litibus, pro meretricio, pro lenocinio, pro matrimoniis, aliisque plurimis, quæ ap. Suet. 40 et 41. videntur, esset solvendum. Ac ne quid lucri periret, ea

non per publicanos, sed per centuriones exercebat. Inter vectigalia a Caio indicta, speciatim enumerat Suet. 'pro litibus atque judiciis ubicunque conceptis quadragessimam summæ, de qua litigaretur.' 'ex gernerorum diurnis quæstibus partem octavam: ex capturis prostitutarum quantum quæque uno concubitu mereret.' Quod vero omnem fœditatem vicit, Caius 'lupana in palatio constituit,' ibique fœnus exercebat.

2 Damnati. Dio lix, p. 654.

3 Vivere potuissent. Ita perit Junius Præscus, prætor, specie quidem aliorum criminum accusatus, sed ob divitiarum oculos: cujus divitiarum non tantas fuisse, ut interficeretur, cum Caius intellexisset, mirabili usus oratione, dixit: Me decepit, frustra que obiit, vivere poterat. *ἡνίκος τί τις*

ob temerata militiæ munia accusati, Calvisius Sabinus,⁴ senatorum præcipuus, e Pannonia redux,⁵ ejusque uxor Cornelia⁶ fortior, quam melior foemina. Supremæ necessitati pariter occurrit Titius Rufus,⁷ cui datum crimini, quod senatum “aliter sentire, aliter loqui” dixisset. Ne exilium quidem tutum fuit adversus efferatum Principem perfugium. Exules enim, vel mortem sibi imprecari, vel tranquillam et philosophiæ studiis haud illætam vitam degere opinatus,⁸ misit circum insulas, qui universos contrucidarent. Hos inter Avillius Flaccus, quem supra memoravi,⁹ foede obtruncatus est:¹⁰ nam mortis exactoribus obniscus, se vitæ ut sapienter agendæ, ita fortiter amittendæ nescium probavit.

17. Haud vocatus in pœnas, ultro se obtulit Herodes,¹ Galilææ tetrarcha, Herodiadis,² impudicæ et superbæ foeminae, artibus magis, quam suis, in ruinam tractus.³ Illa indigne ferens Agrippam fratrem suum, quondam egenum et profugum,⁴ nunc ob Principis⁵ favorem opibus et nomine

Πρισκός στρατηγός ἡτιάθη μὲν ἐπ' ἄλλοις τισὶν, ἀπίθανι δὲ ὡς πλούσιος· καὶ ἐπ' αὐτῷ ὁ Γάιος, μαθὼν ὅτι οὐδὲν ἀξίον τοῦ θανάτου ἰκίετο, θανάτου λόγον ἰσθίεζετο, εἰπὼν ὅτι, Ἠπάτησέ με, καὶ μάτην ἀπώλετο· ζῆν γὰρ ἠδύνατο. Dio lix, p. 654.

4 Calvisius Sabinus. Dio l. c. Calvisius ille idem videtur qui, imperitante Tiberio, majestatis fuit postulat, et discrimini exemptus, ut dictum est An. vi, 9.

5 E Pannonia redux. In qua legati minus obierat. Dio l. c. Tac. Hist. i, 48.

6 Cornelia. Cornelia, uxor legati, ‘mala cupidine visendi situm castrorum, per noctem militari habitu ingressa, cum vigiliis et cetera militiæ munia eadem lascivia temerasset, in ipsis principiis stuprum ausa, et criminis hujus reus T. Vinius arguebatur.’ Tac. Hist. i, 48. Stuprum non memorat Dio l. c. illud testatur Plut. in Galba p. 1057.

7 Titius Rufus. Dio l. c.

8 Opinatus. Philo in Flac. p. 991.

9 Supra memoravi. In Suppl. An. vii, 37 sq.

10 Foede obtruncatus est. Flaccum turpiter fugientem, foedius reluctantem, ac tandem vulneribus confectum exhibet Philo in Flacc. p. 991.

1 Herodes. Hic est Herodes Antipas, Herodis r. Magni filius, Galilææ tetrarcha, de quo D. Lucas iii, 1. Habentur ærei ejus nummi indubitatae fidei, in quibus ex una parte in corona laurea TIBER-
RIAC. i. e. Tiberias: ex altera, ΗΡΩΔΟΥ ΤΕΤΡΑΡΧΟΥ, in medio palma, cum nota ΛΑΓ: in aliis ΛΑΔ. i. e. ‘Herodis tet-

rarchæ, Anno [ejus tetrarchiæ] trigesimo tertio, vel trigesimo quarto.’ V. Cl. Barthelemy, *Mém. de l’Acad. Roy. des Inscr.* Vol. xxvi, p. 537. Alius æreus, haud ita certæ antiquitatis, tamen percelebratus nummus circumfertur, hoc anno eræ vulgaris (quam sumus secuti in adsignandis annis, ne tenebræ offunderentur) 39. J. c. 43. cusus. In corona laurea, ΓΑΙΩ ΚΑΙ CΑ. ΓΕΡΜ. CEB. i. e. ‘Caio Cæsari Germanico Augusto.’ In aversa parte, ΗΡΩΔΗΣ ΤΕΤΡΑΡΧΗΣ, in medio palma, cum nota, ΛΜΓ. i. e. ‘Herodes tetrarcha, Anno [ejus tetrarchiæ] quadragésimo tertio.’ Vide P. Frœlich, *Notit. Element. Numism. Antiq.* p. 225. et Cl. Pellerin, *Recueil de Médailles de Rois*, p. 175. Quantum in horum nummorum explicatione Harduin. *Select. Opp.* p. 331 sq. erraverit, eruditus omnibus compertum.

2 Herodiadis. Herodias, Aristobuli et Berenices filia, soror Agrippæ r. de quo multa diximus in Suppl. An. vii, 11. Virum suum Philippum, Trachonitidis tetrarcham, reliquerat, ut incestas cum ejus fratre Herode Antipa nuptias jungeret. D. Luc. iii, 19. De Herode et Herodiade v. Stem. Herodum, n. 22 et 18.

3 In ruinam tractus. Hæc pluribus narrat Joseph. Antiq. Jud. xviii, 7.

4 Egenum et profugum. Agrippa I. imperante Tiberio, opes suas Romæ luxu et ambitione exhausit. V. Joseph. Antiq. Jud. xviii, 6.

5 Ob Principis. Caii Caligulæ. V. quæ dicta sunt in Suppl. An. vii, 11.

regio clarescere, maritum, ad otium, quam ad gloriam, pro-niorem, regni cupidine ægre succendit. Ambo, Romam pro-fecti, ut dignitatis accessionem muneribus emercarentur, Caium, regio luxu littora Campaniæ peragrantem, Baiis re-perere.⁶

18. Eo simul venit Fortunatus,¹ ab Agrippa missus cum literis, quibus Herodem accusabat “societatis cum Artabano,² novarumque rerum, quas, collectis, quibus septuaginta millia hominum armaret, bellicis instrumentis, fovebat.” Iis a Caio perlectis, Herodem, de armorum multitudine callide interrogatum, et ex confessione criminis suspectum, tetrarchia opibusque exuit, et Lugdunum³ relegavit: exulis dignitatem opesque, veteris amicitiae et novæ gratiæ præmium, Agrippæ elargitus. Mox audito Herodiadem ejus sororem esse, suas ei pecunias permisit. At injuriæ regaliter impatiens, “se olim prosperæ, nunc adversæ mariti fortunæ sociam esse velle” professus est. Tantis animis muliebria vitia redemit, sed libertatem amisit.⁴

19. Interim Caius novam criminationis materiem, Principibus semper indecoram, sæpe infœcundam, reperit. Ingeniorum æmulus,¹ nec scriptores tantum fato functos, vincique faciles, calumniari ausus, superstites exitialius oderat: duos maxime corripuit, literarum studiis prævalidos; alterum eloquentiæ, alterum philosophiæ simul et oratoriæ artis laude insignem; illum famæ, hunc virtutis avidum. Annæum Senecam,² ob orationem ingeniosius, quam par erat, coram invidio Principe, habitam, capitis damnatum tutavere modestia, infirma valetudo,³ minor invidia.⁴ Domitium Afrum⁵ oppressisset æmulatio, nisi longo usu ad artes plurimas fuisset exercitus.

20. At ab ipso Principe in senatu postulatus, “quod Agrippinæ sobrinam¹ accusasset, et ipsi juvenilem ætatem consu-

6 Reperere. Joseph. Antiq. Jud. xviii, 7.

1 Venit Fortunatus. Joseph. l. c.

2 Artabano. Artabano II. Parthorum rege. V. Canon. regum Parthorum.

3 Lugdunum. Nunc Lyons.

4 Libertatem amisit. Ab irato Principe in exilium cum marito acta est: ejusque opes Agrippæ sunt datæ. Joseph. ibid.

1 Ingeniorum æmulus. Suet. in Cai.

34. Cogitavit de Homeri carminibus abolendis. Cur enim non sibi licere dicens, quod Platoni licuisset, qui eum e civitate, quam constituebat, ejecerit. Sed Virgilii et Titi Livii scripta et imagines, paulum abfuit quin ex omnibus bibliothecis amoveret: quorum alterum, ut nullius ingenii, minimæque doctrinæ: alterum,

ut verbosum in historia negligentemque carpebat.

2 Annæum Senecam. Hæc Dio lix, p. 655.

3 Infirma valetudo. Teste Dione l. c. Caius credidit fœminæ Senecam tabe laborare, nec diuturnam illi fore vitam affirmanti.

4 Minor invidia. Levius enim ‘com-tiusque scribendi genus adeo [contemnebat Caius], ut Senecam tunc maxime placen-tem, commissiones meras componere, et arenam esse sine calce diceret.’ Suet. Cai. 53.

5 Domitium Afrum. De quo dictum Annal. iv, 52.

1 Agrippinæ sobrinam. Claudiam Pulchram, Agrippinæ, Caii matris, sobrinam.

latibus immaturam² exprobrasset," se ad stuporem admirationemque componit, omnia longæ orationis capita repetit, laudat egregie; jussusque pro se dicere, dolet, lamentatur, genua Principis advolvitur, "se non imperatoris, sed oratoris Cæsaris vi insuperabili victum" fatetur. Princeps, vanitate mobilis, deprecantem non modo absolvit, sed consulem destinat; ob invidiam dubium, an propter clementiam magis inridendus.

21. Domitius, eloquentia, quam moribus melior, novam dignitatem statim auspicatus est, magistratu consulibus abrogato,¹ "quod de Principis natali² nihil edixissent, et Actiacam victoriam solemnibus feriis celebrassent:" insigni protervitate Caius eos, ob celebritatem feriarum, in Antonium,³ generis sui, ut ferebat, auctorem, male animatos arguebat: æque infensos Augusto judicaturus, si eam omisissent. Quod Consulum alteri ita indigne habitum, ut se ipse interficeret. Eadem animi inconstantia, comitia populo, ut diximus,⁴ red-dita, ad senatum rursus translata sunt.⁵ Turbarum quoque in Africa formidine,⁶ provincia in duas partes divisa: Africa proconsuli, exercitus et Numidia legato tradita.

22. Dum criminationibus mutationibusve ita ludebat Princeps, exteris opibus, nullas jam suppetente Italia, increscere avidior, ad Gallias Hispaniamque animum convertit, itinere Germanicæ expeditionis¹ obtentu velato. Tumultuarius, sed immensus, fuit belli apparatus. Excitæ legiones, evocata undique auxilia, delectus acerbissime acti, contractus omnis generis commeatus, numerosa quoque histrionum, gladiato-

Sup. An. iv, 52. Fusius Dio lix, p. 654 et 655.

2 *Consulatus immaturam.* Juxta Dionem lix, p. 654. Domitius imaginem Caio posuerat cum hac Inscr. CAIVS NATVS ANN. XXVII. COS. II. Cum lege olim esset vetitum, ne quis consulatum ante annum ætatis suæ XLIII. iniret, tali inscriptione juvenilem et imbellem suam ætatem argui contendebat Princeps.

1 *Consulibus abrogato.* Cn. Corbuloni ejusque collegæ, qui Kalendis Juliis suffecti fuerant abrogatus est consulatus, ut recte observat Cl. Reimarus ad h. l. Dionis lix, p. 655. De Corbulone diximus sup. c. 2. Plura Suet. Cai. 26. 'Consulibus oblitis de natali suo edicere, abrogavit magistratum, fuitque per triduum sine summa potestate respublica.'

2 *Principis natali.* Natus erat Caius 'pridie Kalendas Septembres,' Suet. Cai. 8. Augustus ad Actium vicit die secundo, vel potius tertio Septembris: v. Petav. de Doctrin. Tempor. x, 69. Inde patet,

quonam tempore hæc, quæ narramus, fuerint acta. Die autem natali Principum celebrabantur ludi, ut passim videre est in veteribus Kalendariis.

3 *In Antonium.* Antonius avus erat Caii. V. Stem. Cæs. n. 31. 42 et 86. Suet. Cai.

23. 'Non contentus hac Augusti insecutione, Actiacas Siculasque victorias, ut funestas populo Romano et calamitas, vetuit solemnibus feriis celebrari.'

4 *Ut diximus.* Sup. Suppl. An. vii, 9.

5 *Translata sunt.* Dio lix, p. 655.

6 *Formidine.* Tac. Hist. iv, 48. 'C. Cæsar, turbidus animi, ac M. Silanum obtinentem Africam metuens, ablatam proconsuli legionem, misso in eam rem legato tradidit.' Errat Dio lix, p. 656. cum scribit hæc contigisse sub Pisone, Pisonis et Plancinæ, de quibus dictum est satis An. iii, 5. filio, Africæ proconsule. In errorem tractus videtur iis, quæ narrantur Hist. iv, 48.

1 *Germanicæ expeditionis.* Hæc pluribus Dio lix, p. 656.

rum, mulierum, aliorumque id luxur turbat.² Ipse iter ingressus, nihil militiæ retinens, modo ibat tam festinater et rapide, ut prætoriae cohortes contra morem signa jumentis imponere, et cursim subsequi cogerentur: interdum adeo segniter et delicate, ut octophoro veheretur,³ atque a propinquarem urbium plebe verri sibi vias, et conspergi propter pulverem⁴ exigeret.

23. Ad bellum, ut ad ludum, profectus, recta petiit Germaniam superiorem, cui loco Lentuli Gætulici¹ Servium Galbam,² obsequio tam egregium quam dominationi postea imparem, præfecerat. Adventus sui lætitiā intempestiva severitate, deinde turpiore ignavia corrumpit. Vix enim castra attigit, statim cum ignominia dimittere legatos,³ qui auxilia serius adduxerant: ita recensere exercitum, ut plerisque centurionum maturis, et nonnullis ante paucissimos, quam consummaturi essent, dies, primos pilos adimeret,⁴ senium cuiusque et imbecillitatem causatus: ceterorum increpita cupiditate, commoda emeritæ militiæ ad sex millium HS.⁵ summam recidere.

2 Id luxur turbat. Dio l. c.

3 Octophoro veheretur. Ut hac in re Romanorum luxur intelligatur, audiend. Cic. in Verr. v, 11. Verrem 'nemo umquam in equo sedentem vidit. Nam, ut mos fuit Bithyniæ regibus, lectica octophoro ferebatur; in qua pulvinus erat perlucidus Melitensis rosa farctus: ipse autem coronam habebat unam in capite, alteram in collo, reticulumque ad nares sibi admovebat, tenuissimo lino, minutis maculis, plenum rosæ. Sic confecto itinere, cum ad aliquod oppidum venerat, eadem lectica usque in cubiculum deferrebatur.' Hæc lectica dicebatur octophoros, quod ab octo hominibus ferretur.

4 Propter pulverem. Hæc et superiora totidem verbis Suet. Cai. 43. Originem vero Germanicæ expeditionis ita retulit. 'Militiam resque bellicas semel attigit [Caius], neque ex destinato, sed cum ad visendum nemus, flumenque Clitumni, [nunc Clitumno.] Mevaniam, [nunc Bevungna in Umbria] processisset, admonitus de supplendo numero Batavorum, quos circa se habebat, expeditionis Germanicæ impetum cepit: neque distulit, sed legionibus et auxiliis undique excitis, delectibus ubique acerbissime actis, contracto et omnis generis commeatu, quanto nunquam ante alius, iter ingressus est.'

1 Lentuli Gætulici. De quo sup. An. vi, 30.

2 Servium Galbam. Jam memoratum An. vi, 15 et 20. Sæpius memorand.

Tac.

Hist. i. De ejus præfectura Suet. Galb. 6. 'A Caio Cesare, Gætulico substitutus [Galba], postridie quam ad legiones venit, solenni forte spectaculo plaudentes inhibuit, data tessera, ut manus pœnulis continerent. Statim per castra jactatum est: 'Disce, miles, militare: Galba est, non Gætulicus.' Parie severitate interdixit commeatu peti. Veteranum ac thronem militum opere assiduo corroboravit: matureque barbaris, qui jam in Galliam usque proruperant, coercitis, præsentī quoque Caio et se et exercitum approbavit, ut inter innumeras contractasque ex omnibus provinciis copias, neque testimonium, neque præmia ampliora ulli perciperent. Ipse magis insignis, quod campestrē decurionem scuto moderatus, etiam ad essedum Imperatoris per viginti passuum millia currit.'

3 Dimittere legatos. Hæc et sequentia totidem ferme verbis Suet. Cai. 44.

4 Primos pilos adimeret. Ut eos principili honoribus et militiæ præmiis fraudaret. De principilaribus dictum est An. ii, 11.

5 Sex millium HS. Angl. 50l. Teste Dione lix, p. 562. Augustus sanxerat militibus post viginti militiæ annos dari duodecim millia sestertium, *πριγκιλία; δαρχμὰς*, Angl. 100l. Perperam in mss. et editis Suetonii libris *sexcentorum millium*, pro *sex millium*, legitur; quod jam monuit Lips.

24. Mox trajecto apud Mogontiacum¹ Rheno, adversus Suevos² minacissimus contendit. At cum inter angustias densumque agmen iter essedo faceret,³ et quemdam dictantem audisset, "non mediocre fore consternationem, sicunde hostis appareat," equum illico ascendit: ac propere versus ad pontes, ut eos calonibus et impedimentis stipatos reperit, impatiens moræ, nec periculi securus, per manus ac supra capita hominum translatus est;⁴ virtutis parentum⁵ adeo de-gener.

25. Iratus fortunæ, gloriæ immodicus, haud ita ancipitem victoriæ materiam quæsit: quam ut haberet, paucos de custodia Germanos trajici oculique trans Rhenum¹ jussit; ac sibi post prandium, quam tumultuosissime "adesse hos-tem" nuntiari. Quo facto, proripit se cum amicis et parte equitum prætorianorum in proximam sylvam; truncatis arbo-ribus, et in modum tropæorum adornatis, ad lumina reversus,² eorum qui secuti non essent timiditatem et ignaviam corripit: comites autem et participes victoriæ donat novo genere ac nomine coronarum, quas, distinctas Solis ac Lunæ siderum-que specie, *exploratorias*³ appellat.

26. In his victoriæ mimis¹ præter modum intemperans, ne viso quidem hoste, Imperator consulatur:² et quasi attrita pube Germanica,³ laureatas literas⁴ Romam mittit, questus edic-

¹ Mogontiacum. Nunc Mayence.

² Adversus Suevos. Eutrop. vii, 7. 'Bel-lum contra Germanos suscepit; et ingres-sus Sueviam nihil strenue fecit.' Suevos intellige, non illos interiores, qui Albim inter et Vistulam habitabant, at eos, qui erant Rheno vicini; de quibus dictum An. i, 44. V. et Bucher. Belg. Roman. iv, 10.

³ Iter essedo faceret. Suet. Cai. li. Es-sedum erat minor leviorque rheda.

⁴ Translatus est. Suet. l. c.

⁵ Virtutis parentum. Germanici patris, matrisque Agrippinæ, cujus ingentem ani-mum v. An. i, 69.

¹ Oculique trans Rhenum. Hæc et seq. Suet. Cai. 45.

² Ad lumina reversus. Ut longos labo-res mentiretur, forte et quadam trium-phantis Caesaris imitatione. Sic enim Jul. Cæsar 'ascendit Capitolium ad lumina, quadraginta elephantis dextra atque sinis-tra lechnuchos gestantibus.' Suet. Jul. 37.

³ Exploratorias. Plin. xxii, 3. 'Co-rona quidem nulla fuit graminea nobilior, in majestate populi terrarum principis, præmiisque gloriæ. Gemmatæ et aureæ, vallares, murales, rostrate, civicæ, trium-phales post hanc fuere, suntque cunctæ

magno intervallo, magnæque differentia.' Quanto viliores exploratoriæ!

¹ Victoriæ mimis. 'Una histrionali victo-ria non contentus, rursus obsides quos-dam abductos et literario ludo, clamque præmissos, deserto repente convivio cum equitatu insecutus, veluti profugos ac re-prehensos in catenis reduxit: in hoc quo-que mimo præter modum intemperans. Repetita cœna renuntiantes coactum ag-men, sicut erant, loricated ad discumben-dum adhortatus est. Monuit etiam notis-simo Virgilii versu: Durarent, secundisque se rebus servarent.' Suet. Cai. xlv.

² Imperator consulatur. Dio lix, p. 657.

³ Attrita pube Germanica. Hac de re extat insigne Persii testimonium, Romanæ historiæ scriptoribus haud satis diligenter observatum. Sextam enim suam Sat. circa mensem Decembrem hujus anni scripsit, ut patet ex primo versu, 'Admovit jam bruma foco te, Basse, Sabino.' Paulo ante venerat laureatus Germanicæ victoriæ nuntius, ut accipimus ex ejusd. sat. vs. 43 sq. 'O bone, num ignoras: missa est a Cæsare laurus Insignem ob cladem Ger-manæ pubis, et aris Frigidus excutitur cinis: ac jam postibus arma, Jam chlamy-des regum, jam lutea gausapa captis,

to "senatum populumque Romanum, Cæsare præliante, et tantis discriminibus objecto, intempestiva convivia, Circum, et theatra, et amœnos secessus celebrare."⁵ Quanto minor laudis seges, tanto effusior lætitia. Nec in Urbe tantum, sed in remotissimis quoque provinciis, Diis et genio Principis supplicatum.⁶

27. Haud iidem sensus inerant hæc majestatis virtutisque Romanæ probra spectantibus. Apud omnes invalescebat contentus. Crevit apud nonnullos audacia; sed infelix, Principe in securitatem suam eo magis intento, quo plures dabat offensionum causas. Lentulus Gætulicus,¹ conjurationis suspectus, forte magis invisus ob popularia studia et legionum amorem,² perimitur. Certiorem et metuendam magis, quod domestica erat, conspiracy iniere Æmilius Lepidus³ imperii heres jam destinatus,⁴ Juliaque et Agrippina,⁵ ei adulteriis inligatæ. Gliscebat periculum, quod Princeps secretarum libidinum societate iis innexus. At pari felicitate nefaria consilia innotuere; punitumque scelus simul ac monstratum. Lepidus morte, Julia et Agrippina exilio multatæ. Cum in Pontias insulas⁶ deportarentur, jussa est Agrippina ossa Lepidi, in urna condita, Romam usque in sinu deferre.⁷

28. Nec iis stetit Princeps, vindictæ atrox, sui que sanguinis ignominiam parum veritus. Conjurationis chirographa, fraude ac stupro requisita,¹ divulgavit: scriptisque ad senatum literis, sororum suarum impietatem ac libidines non

Essedaque, ingentesque locat Cæsonia Rhénos, Diis igitur genioque ducis centum paria, ob res Egregie gestas, induco: quis vetat? aude. Væ, nisi connives, oleum artocreasque popello Largior: an prohibes? dic clare. Inde pronum est intelligere ludicræ victoriæ tempus, ficti triumphi apparatus, et imperatæ lætitiæ signa.

4 *Laureatas literas.* Plin. xv. 30. Laurus 'Romanis præcipue lætitiæ victoriarumque nuntia additur literis, et militum lanceis, pilisque.'

5 *Celebrare.* Suet. Cai. 45.

6 *Supplicatum.* Philo Legat. ad Caium p. 1041. testatur Judæos Deo immortalis pro victoria Germanica supplicasse.

1 *Lentulus Gætulicus.* De quo sup. c. 23. Dio lix, p. 657. In fragmento Fragmentum Arvalium, ap. Gruter. p. 117. n. 3. extat memoria sacrificii ob detecta nefaria conjurationum Cn. Lentuli Gætulici:

....FRATR....

....ARIS MATRIS...

....MANICI BOVEN....

....ADFEVRYNT. CN. DOMITI...

...VSPERSICVS. C. CAECINALAR...

AD. VI. K. NOVEMB

...OB. DETECTA. NEFARIA CON...

...VM. CN. LENTVLI. GAE...

...OTHO. FLAM...

...FRATRV...

2 *Legionum amorem.* Effusa clementia, modica severitate Germanicarum legionum amorem adsecutus erat Lentulus Gætulicus. Sup. An. vi, 30.

3 *Æmilius Lepidus.* Drusillæ conjux. V. Stem. Cæs. n. 54. Ille ipse est quartus Lepidus, de quo Rutilius, in Itinerario, i, 305. 'Quartus Cæsareo dum vult irrepere regno, Incæsti pœnam solvit adulterii.'

4 *Heres jam destinatus.* Dio l. c.

5 *Juliaque et Agrippina.* Caii Sorores. V. Stem. Cæs. n. 93 et 97.

6 *In Pontias insulas.* Quarum maxima the isle Ponza. Neronem, Caii fratrem, ibi clausum vidimus, Suppl. An. v, 13.

7 *In sinu deferre.* Dio lix, p. 657.

1 *Fraude—requisita.* Hæc et seq. Suet. Cai. 24.

modo palam accusavit, sed etiam, ne sceleris memoria periret, misit tres gladios in necem suam præparatos, quos sacra- vit, et inscripsit "Marti ultori." Vetuit quoque "ne de cujusquam suorum cognatorum honoribus in posterum² age- retur:" Cæsareæ domui adeo immitis, ut quidam prodiderint³ patrum suum Claudium in Rhenum, sicut vestitus advenerat, ejus jussu fuisse præcipitatum, quod eum, quasi ad regendum puerum, non ad gratulandum salutem, a senatu missum in- fremeret. Militibus vero, tamquam hostes devicisset, dona- tivum dedit. Inter hujus anni fœda, post Lollia discidium,⁴ ducta a Principe uxor Cæsonia,⁵ neque facie insignis, neque ætate integra, sed moribus similis, imperiique pœstis, si, uti traditum est, amatorio medicamento⁶ maritum in furem impulerit. At inditam natura insaniam, duorum pessimorum ingeniorum societate, et principatus licentia crevisse potius crediderim. Tigellinus, postea in animo et libidinibus Ne- ronis validus, hoc anno ob adulterium Agrippinæ in exilium⁷ actus est.

A. U. C. 793. J. C. 40.

29. Caius tertium consul,¹ solus magistratum Lugduni iniit;

² In posterum. Dio lix, p. 657.

³ Quidam prodiderint. Suet. Claud. 9.

⁴ Lollia discidium. De ejus matrimo- nio dictum sup. Suppl. An. vii, 35. Ob sterilitatem, aut potius ob satietatem, fuisse repudiatam ait Dio lix, p. 658. Suet. Cai. 25. Lolliam 'brevi missam fecit, interdicto cujusquam in perpetuum coitu.'

⁵ Cæsonia. Quam Miloniam Cæsoniam appellat Dio lix, p. 658. Pluribus Suet. Cai. 25. 'Cæsoniam neque facie insigni, neque ætate integra, matremque ex alio viro trium filiarum, sed luxuriæ ac lasciviæ perdita, et ardentius et constantius ama- vit, ut sape chlamyde peltaque et galea ornatam, et juxta adequitatem, militibus ostenderit, amicis vero etiam nudam. Quam enixam uxorio nomine dignatus est, uno atque eodem die professus, et maritum se ejus, et patrem infantis ex ea natæ. In- fantem Juliam Drusillam appellatam per omnium Dearum templa circumferens, Minervæ gremio imposuit, alendamque et instituendam commendavit. Nec ullo fir- miore indicio sui seminis esse credebat, quam feritatis : quæ illi quoque tanta jam tunc erat, ut infestis digitis ora et oculos simul ludentium infantium incesserit.' Paulo aliter Dio l. c. ait Caium gravidam duxisse Cæsoniam, ut trigesimo die pater ex ea fieret, ἡν αὐτῷ παιδίον τετρακονθήμερον τίκη. De Vestilia, quæ Cæsoniam genuer- rat octavo mense, v. Plin. vii, 5.

⁶ Amatorio medicamento. Suet. Cai. 50.

'Creditor potionatus a Cæsonia uxore, amatorio quidem medicamento, sed quod in furem verterit.' Expressius, acrius- que Juvenal. vi, 609. 'Hic magicos ad- fert cantus, hic Thessala vendit Philtra, quibus valeat mentem vexare mariti, Et solea pulsare nates. Quod desipis, inde est ; Inde animi caligo, et magna oblivio rerum, Quas modo gessisti : tamen hoc tolerabile, si non Et furere incipias, ut avunculus ille Neronis, Cui totam tremuli frontem Cæsonia pulsi Infudit. Quæ non faciet, quod Principis uxor ? Ardebant cuncta, et fracta compage ruebant, Non aliter, quam si fecisset Juno maritum In- sanum. Minus ergo nocens erit Agrip- pinæ Boletus : siquidem unius præcordia pressit Ille senis, tremulumque caput de- scendere jussit In cælum, et longa manan- tia labra saliva. Hæc poscit ferrum, at- que ignes, hæc potio torquet : Hæc lace- rat mixtos equitum cum sanguine patres. Tanti partus equæ, tanti una venefica constat !'

⁷ In exilium. Dio l. c. De Tigellino plura v. An. xiv, 51.

¹ Tertium consul. Caius Cæsar Augus- tus consulatum tertium solus iniit A. U. C. 793. J. C. 40. De hoc consulatu ejusque causa v. Suet. Cai. 17. Dion. lix, p. 658. Memoratur quoque in vit. Agr. c. 44.

non, ut quidam voluere, soliti facta Principum in pravam interpretari, superbia negligentiae, sed quod defunctum sub Calendarum diem collegam absens haud rescisset. Animos vero tantus Principis metus Romæ incesserat, ut prætores,² penes quos tum erat auctoritas, nihil ausi, Capitolium cum frequenti senatu Calendis conscenderint; sacrisque peractis, et adorata Principis sella,³ argenti vim,⁴ quod imperitante Augusto, nova et obsequii avida dominatione, cœptum, velut præsentī obtulerint. Deinde in curiam convenere, a nemine vocati: die tota celebratæ Caii laudes eo effusius, quo aciora erant odia, occultiorque simulatio.⁵

30. Tertio Nonas¹ communi prætorum edicto coacti patres; vota nuncupata: at manente formidine, nihil statutum. Audito tandem Principem pridie Idus Januarias² dignitate se abdicasse, consules suffecti magistratum occœpere. Decretum "ut, quibus Augusti, iisdem Tiberii Drusillæque natales solemnibus fierent." Dicatæ Caii ac Drusillæ imagines; ludique editi.³ Cuncta hæc jussu Principis, qui pauca senatui, pleraque consulibus, ut ea in senatu recitarent, scribere erat solitus, actitata.

31. Præter vetera sævitæ exempla metum Urbis intenderat nuntius Agrippam et Antiochum,¹ Principis assiduos, mentem natura efferam ad omnia regnorum Orientis libita incendere.² Iis concitoribus, atrox Caii avaritia Galliis incubuit. Animorum tamen offensiones ut declinaret, et præda lætius succederet, cœpit miscellos ludos³ Lugduni edere, compen-

² *Ut prætores.* De hoc jure prætorum v. Gell. xiv. 7. Cic. Epist. Fam. x, 12. Cornatum memorat, qui, 'quod consules aberant, consulare munus sustinebat more majorum.' V. quoque quæ dicta sunt sup. Hist. iv, 39.

³ *Principis sella.* Posita in templo cum Principis imagine. Dio lix, p. 652 t 659.

⁴ *Argenti vim.* Strenas Kalendis Januarii ita accepit Augustus, ut dantibus plura elargiretur. Dio liv, p. 546. Absenti quoque, in Capitolio oblatæ, Suet. Aug. 57. Tiberius, minime comis Imperator, usum hunc abrogavit, Dio lvii, p. 607. Caius, majestatis incuriosus, pecuniæ avidus, illum restituit, Suet. Cai. 42. 'Edixit et strenas ineunte anno se recepturum, stetitque in vestibulo ædium Kalendis Januariis ad captandas stipes, quas plenīs ante eum manibus ac sinu oianis generis turba fundebat.' Claudius iterum sustulit. Dio lx, p. 668.

⁵ *Simulatio.* Dio lix, p. 659. Ἐπιδή γὰρ οὕτῃ ἐφίλουν αὐτὸν, οὕτῃ σώζεσθαι βού-

λοντο, ἐπὶ πλείον ἀμφοτέρω, ὥς καὶ τὸ συνιδὸς σφῶν διὰ τοῦτο ἐπηλυγασόμενοι, προσεποιήσαντο. Tanto id diutius per simulationem agentes, ut quoniam neque carum eum habebant, neque saluum cupiebant, sententiam eo suam occultarent.

¹ *Tertio Nonas.* Die tertio Januarii. Dio l. c. Hoc die nuncupabantur vota. Inde in Calendario Herwartiano, III NON. IANVAR. LVDI. VOTORVM NVNCVPATIO.

² *Pridie Idus Januarias.* Die duodecimo Januarii. Dio l. c. Rotunde Suet. Cai. 17. Caius tertium consulatum gessit 'usque in Idus Januarii.'

³ *Ludique editi.* Ab orchestra societate editi sunt. Dio l. c. Οἱ δὲ τῆς ἐρχήτρας πανηγυρίῃ τι ἐπετίλισαν.

¹ *Agrippam et Antiochum.* Agrippam i. qui Philippi, Lysaniæ et Herodis tetrarchias acceperat, ut dictum est sup. in Suppl. An. vii, 11. viii, 18. Antiochum iv. regem Commagenæ, de quo quoque sup. in Suppl. An. vii, 11.

² *Incendere.* Dio lix, p. 658.

³ *Miscellos ludos.* Suet. Cai. 20. Non

diariaque spectaculorum varietate Gallos demulcere. Genti quoque olim bellis, tunc literis cum pristinae virtutis detrimento operanti gratificaturus, certamen Græcæ Latinæque⁴ facundiæ proposuit, ea lege, "ut victi præmia victoribus conferrent, eorumque laudes componerent. Si qui vero maxime displicuissent, scripta sua spongia linguave delere juberentur, nisi ferulis objurgari, aut flumine proximo⁵ mergi maluissent:" gravi quidem poena, leviori tamen, quam ut ingeniorum audaciam coerceret.

32. Mentibus ad inania conversis, probrosam negotiationem,¹ sed lucrosam, instituit. Nec eum puduit damnatarum sororum ornamenta, supellectilem, servos, libertos quoque² vendere, cunctis rei novitate, emendi gloria, majore emta ostentandi vanitate, licitantibus. Lucro invitatus, quidquid instrumenti veteris aulæ fuerat, ab Urbe repetiit tam immodice, ut, undequaque comprehensis ad deportandum vehiculis et jumentis, sæpe annona Romæ ingravesceret, et litigatorum plurimi, quod occurrere absentes ad vadimonium non possent, causa caderent.³

33. Venditionis infamiam vicit Principis dedecus. Non tantum testis, sed præco, ut citius cariusque distraheret, singula venditabat; "hoc patris, hoc matris, hoc avi, hoc proavi esse: hoc ex Ægypto Antonium, hoc ex Actiaca victoria Augustum reportasse" clamitans.¹ Modo lenociniis grassatus, lætari "tam egregia monimenta, tantis nobilitatibus illustria, ad Gallos, fidam amicamque gentem, devenire." Modo poenitentiam simulans, dolere "quod Principalium rerum privatis copiam faceret." Postea audacior emtores increpare, "quos non puderet locupletiores esse, quam Principem." Exinde in omnes divitum fortunas intruere; et quod in miseria ultimum est, per inrisionem sævire.² Id publico cum luctu expertæ sunt Galliæ, cum Princeps quondam luderet alea, nec pecunia sufficeret, secessit, "Gallorumque census ad se adferri, et ditissimos necari" jussit: mox ad

unam ludorum speciem, sed ex variis ludorum speciebus compendario compositam.

4 *Græcæ Latinæque.* Suet. Cai. 20.

5 *Flumine proximo.* Rhodano, the Rhone, vel Arari, the Saone. Ara enim Augusti, ludis, nummis, scriptoribus celeberrima, ibi posita, ubi Arar Rhodano commiscetur. Formidolosum ejus certamen memorat Juv. i, 43. 'Palleat ut nudis pressit qui calcibus anguem, Aut Lugdunensem rhetor dicturus ad aram.'

1 *Probrosam negotiationem.* De qua v. Suet. Cai. 39. Dion. lix, p. 656.

2 *Libertos quoque.* Perperam in editis

Suetonii libris *liberos*. Emendand. *libertos* conjectabam: persuasit antiqua ed. manu Illustr. Pellicerii ad fidem veteris et optimi codicis castigata.

3 *Causa caderent.* Suet. l. c.

1 *Clamitans.* Hæc Suet. et Dio l. c.

2 *Sævire.* Huc quoque spectat, quod memorat Suet. l. c. Caius 'compererat provincialem locupletem ducenta H S, [Angl. 1333l. 13s. 4d.] numerasse vocatoribus, ut per fallaciam convivio interponeretur: nec tulerat moleste tam magno aestimari honorem cœnæ suæ. Huic postero die sedenti in auctione misit, qui nescio quid frivoli ducentis millibus, [i. e.

collusores exsultim regressus, "vos," inquit, "denariis aliquot lusistis; ego sexies millies nummum³ sum lucratus."

34. Nec pœnas plebei effugit Ptolemæus,¹ quem Caius e regno arcessiverat, honorificeque exceperat, ut plurimorum regum comitatu superbiret. At invidia tum illi, tum Mauretaniæ, exitium adtulit. Ingressus enim spectacula, oculos adstantium fulgore purpureæ abollæ² forte converterat. Se unum non aspicere cohorrui Princeps. Vestis splendor in crimen capitis³ statim cessit: nec regio adfinique sanguine⁴ satis expiatus, nisi Mauretania in duas divideretur provincias,⁵ quæ dominationis Romanæ æque, ac Principis sævitiam infamarent. Paulo lætior, ob spem meliorum temporum, sors Antiocho⁶ et Mithridati⁷ obtigit. Ille, semper infida malorum Principum amicitia minime tutus, regno orbatus est. Hic ad præsentiam Cæsaris vectus vinctusque, in exilium est projectus.

35. Post has grassationes, deficiente in Galliis rapinarum materie, recruduit militiæ insania, more libidinum, quæ, ubi invaluerunt, mutantur sæpe, numquam intereunt. Igitur non propagandi imperii studio, sed solita levitate, vel vana Julii Cæ-

ducentis millibus sestertium, ut jam diximus,] traderet: diceretque cœnatorum apud Cæsarem vocatu ipsius.

3 Series millies nummum. Angl. 5,000,000l. Dio lix, p. 657. ἑκατὶς πρὸς ἑκατὶς δραχμῶν ἀργυρίσθε, ἡ δὲ εἰς μυριάδας καὶ πεντακοχίλιας μυριάδας ἡρόισα.

1 Ptolemæus. Jubæ junioris et Cleopatrarum filius, Jubæ senioris nepos, Mauretaniæ rex, vultu pulcherrimo: ejus caput æneum extat Romæ apud Carthusianos. Diadematum hoc caput aureis gemmeisve ornamentis fuit insigne: oculos habet argenteos cum pupulis hyacinthinis; labra aureis bracteis vestita. De Ptolemæi nummis v. Cl. Pellerin, *Recueil de Médailles de Rois*, p. 56. et Harduin. *Select. Opp.* p. 103.

2 Abolla. Nonius xiv, 9. 'Abolla, vestis militaris.' Videtur Ptolemæus ex luxu instrumentis gloriam quasivisse. Citrinam enim ejus mensam, omnium magnitudine amplissimam laudat Plin. xiii, 15. De hoc luxu genere dicitur inf. in Suppl. An. ix, 28.

3 In crimen capitis. Dio lix, p. 659. Suet. Cai. 35. 'Ptolemæum, arcessitum e regno, et exceptum honorifice, non alia de causa repente percussit, quam quod edente se manus, ingressum spectacula, convertisse hominum oculos fulgore purpureæ abollæ animadvertit. Pulchros et comatos,

quoties sibi occurrerent, occipitio raso deturbabat.' De Caii calvitie dicitur inf. c. 80.

4 Adfinique sanguine. Inde Suet. Cai. 26. 'Ptolemæum, Jubæ filium' appellat, Caii 'consobrinum: erat enim et is M. Antonii ex Selena filia nepos.' Cleopatra, cognominata Selene, i. e. luna, filia erat Cleopatrarum, Ægypti reginæ, et M. Antonii triumviri, qui Caii Caligulæ erat proavus. V. Stem. Cæs. n. 31. 42. 81 et 86. Nummi plurimi habentur, in quibus REX IVBÆ. et in aversa parte ΚΑΕΟΠΙΑΤΡΑ ΒΑΣΙΛΙΣΣΑ, i. e. 'Cleopatra regina,' cum crescentis lunæ effigie.

5 Provincias. Plin. v, 1. 'Principio terrarum Mauritanie appellantur, usque ad C. Cæsarem, Germanici filium, regna, sævitia ejus in duas divisæ provincias.' Contra vero Dio lix, p. 671. ait Mauros a Claudio in duas provincias divisos: unam ad Tingim, alteram ad Cæsaream; unde nomina quoque ambabus indita. Quæ facile concilies, si, quæ Caius jusserat, Claudium perfecisse dixeris. V. inf. Suppl. An. ix, 29.

6 Antiocho. Jam memorato in Suppl. An. vii, 11. et viii, 31.

7 Mithridati. De quo sup. An. vi, 32. Dio lix, p. 670. Senec. de Tranquillit. anim. 11. 'Scito ergo, omnem conditionem versabilem esse—Ptolemæum Africæ re-

saris, Britannorum victoris, æmulatione, suscepta expeditio Britannica: ¹ ingentique cum exercitu ² Gesoriacum, ³ Morinorum ⁴ oppidum, unde facilis in insulam trajectus, properatum est. Dux belli Cæsar, quasi unus domandis hostibus haud impar, e portu solvit: mox rediit, ⁵ recepto in deditionem Adminio, ⁶ Cunobelini ⁷ Britannorum ⁸ regis filio, qui pulsus a patre cum exigua manu transfugerat.

36. Exercitu auspiciis læto, superboque gentem, D. Julio petitam, non domitam, triumpho destinari, eadem, quæ anno superiore vidimus, belli et victoriæ ludibria revertere. ¹ Nam Princeps, directa acie in littore Oceani, balistis machinisque dispositis, tribunal conscendit, milites adloquitur: tum insonante classico, stupentibus cunctis, nec opinantibus quid pararet, "conchas legi, galeas et sinus repleti" jubet: "hæc Oceani spolia Capitolio palatioque deberi" dictitans. Exin pronuntiato militi donativo, centenis viritim denariis, ² quasi omne exemplum liberalitatis supergressus: "abite," inquit, "læti, abite locupletes:" ne gnarus quidem famam parare præmiorum magnitudine. ³

gem, Armeniæ Mithridatem, inter Caianas custodias vidimus. Alter in exilium missus est: alter ut meliori fide mitteretur, optabat. Postea Mithridates ad Sauromatas profugit, ut docet Plin. vi, 5. et in regnum remeavit, ut dictum est An. xi, 8.

1 *Expeditio Britannica.* De qua Suet. Cai. 44. Dio lix, p. 659. Oros. vii, 5.

2 *Ingentique cum exercitu.* 'Ducenta hominum millia, vel ut alii volunt ducenta quinquaginta millia Caius collegerat.' Εἰκοσι γὰρ, ὡς δὲ τινὲς φασί, πέντε καὶ ἑκοσι μυριάδας στρατιωτῶν ἤφροισι. Dio lix, p. 657.

3 *Gesoriacum.* Mela iii, 2. 'Pertinent ad ultimos Gallicarum gentium Morinos, nec portu quem Gesoriacum vocant, quidquam habent notius.' Nunc *Boulogne, in Picardy.* V. Bucher. Belg. Roman. iv, 10. Cl. d'Anville, *Notice de l'ancienne Gaule*, p. 353 sq. Cl. Wastelain, *Description de la Gaule Belgique*, p. 381 sq. Haud ita probabiliter eruditi scriptores, *Histoire générale des Provinces-Unies*, vol. i, p. 18. opinantur Caium ad Rheni ostium petisse locum, nunc aquis obrutum. V. et erudit. Camden, *Britan. by Gough*, ed. 1806.

4 *Morinorum.* Morini, nunc the dioceses of *Boulogne, St. Omer and Ypres.*

5 *Mox rediit.* Dio lix, p. 659.

6 *Adminio.* Suet. Cai. 44.

7 *Cunobelini.* Suet. l. c. 'Cinobellini.'

Oros. vii, 5. 'Minocynobellinum Britannorum regis filium' appellat. At potius veterum nummorum scriptura, in quibus scriptum CYNOBELIN. CYNOBILINE. CYNOBELIN. CYNOBELINE. Hos nummos v. ap. erudit. Camden *Britan. by Gough*, ed. 1806. Multos addidit Cl. Walker, *Camden's Britan. by Gibson*, p. 91.

8 *Britannorum.* Non Britannorum omnium, sed Trinobantium, nunc *Middlesex and Essex.* Ejusque regia Camulodunum, nunc *Colchester.* Unde in nummis Cunobelini sæpe occurrit CAMV. i. e. 'Camulodunum.'

1 *Ludibria revertere.* De his ludibriis Suet. Cai. xli. Dio, lix, p. 659.

2 *Centenis viritim denariis.* *Angl. 3l. 6s. 8d.* Cum donativum ad ducenta millia hominum pertinuisse videatur, data sunt DCCC HS, *Angl. 666,666l. 13s. 4d.*

3 *Præmiorum magnitudine.* Hæc quanta quanta sint, exigua tamen si veterum imperatorum præmia cogitaveris. Quam virillis Pompeii liberalitas! 'Reipublicæ et quæstoribus, qui oram maris defendissent, datum mille talentum, [*Angl. 2,250,000l.*] militibus singulis sena millia sestertium, *Angl. 50l.* Plin. xxxvii, 2. Ut ingenio et fortuna, sic liberalitate major, Julius Cæsar triumphans Romæ ostentavit 65,000. talenta, *Angl. 14,625,000l.* et coronas aureas 2822. pondo 20,414, *Angl. 833,333l.*

37. Victoriæ tamen imagine eo amentior, quo falsa magis, veluti tradita Britannia, frænatoque Oceano, magnificas Romam literas misit; monuitque speculatores: "ut vehiculo ad forum usque et curiam pertenderent, nec nisi in æde Martis, ac frequente senatu, consulibus eas traderent." Veritus quoque ne expeditionis memoria periret, Gesoriaci altissimam turrem² excitavit, qua, ut ex Pharo,³ noctibus ad regendos navium cursus,⁴ ignes emicarent: velata publicæ utilitatis obtentu vanitate.

38. Mansura opprobrii monumenta exstrui dolebant Romani, ridebant Barbari: quos inter Brinno,¹ Canninefas,² super ingentem ferociam ex contumeliæ facilitate arrogans, ducenta hominum millia, insano duce, invalida despicere; infrementibus legatis, frustra obnitentibus, et, si quid adtentarent ut ignominia, Variana clade turpior, propulsaretur, odio statim oppressis. Interea Princeps alienæ laudis avidus, nec nisi per deridiculum quæsitæ appetens, ob novas, et sicuti anno superiore personatas, velitationes imperatoris nominibus³ auctor, cogitationes omnes ad triumphi curam convertebat: ei curæ erat, ut, præter captivos et transfugas

6s. 8d. Quorum summa mox post triumphum persolvit militi etiam cum auctario quidquid promiserat, militibus quinque millenas drachmas, *Angl.* 187l. 10s. duplum centurionibus, *Angl.* 333l. 6s. 8d. tribunis et præfectis alarum quadruplum, *Angl.* 1333l. 6s. 8d. plebi viritum minam Atticam, *Angl.* 3l. 6s. 8d. Hæc quidem Appian. *Bell. Civ. ii*, p. 491. Sed Græca legas, Latinis vero interpretibus diffidas: nonnihil enim peccat Candidus, plurimum Gelenius. Miror Henr. Stephanum id non advertisse. Sed assiduo usu mihi compertum veteres scriptores ab interpretibus, monetæ incitiam, vel computationis negligentiam, mirum in modum fuisse adulteratos. Donativum plusquam viginti millibus militum a Cæsare datum patet ex Appian. *Bell. Civ. ii*, p. 471 et 475.

1 *Monuitque speculatores.* Suet. *Cai. 44*.

2 *Altissimam turrem.* Quam restauraverat Carolus M. ut testantur *Annales Metenses ap. Duchesne, Hist. Francor. Scriptores, vol. iii*, p. 295. ad annum 811. Antequam proximo superiore seculo dirueretur, eam bis annis 1616 et 1624. vidit erudit. Bucher. Turris fastigium recentioris manus et operæ (utpote a Carolo M. renovatum) esse animadvertit: 'Inferiora, qua lapidum genere, qua cæmento et structura longe firmiora: longa insuper ac grandibus intra parietum saxa lateribus

terreis atque cotilibus, opere Romano insertis, colligata. Prorsus ut non minimam, quam Caligulæ ætatem præferre' videtur. Erat 'octangula, singulaque latera 24 aut 25. pedum; ut totus illius ad solum circuitus pedum simul 192 aut 200. sit. Paulatim desinebat in acumen pyramidisque similitudinem. Medio fere altitudinis, quaternis dumtaxat lateribus fenestras' habebat. Bucher. *Belgium Romanum iv*, 10. p. 145. et P. Wastelain, *Description de la Gaule Belgique*, p. 382.

3 *Ex Pharo.* Ex Pharo Alexandrina, omnium celeberrima.

4 *Navium cursus.* Suet. *Cai. 46*. Memoranda quoque *Annalium Metensium*, supra laudatorum, verba. 'Ipse autem Imperator [Carolus] ad classem videndam, quam præcedenti anno fieri et fabricari jusserat, Bononiam venit; pharumque ibi ad navigantium cursus dirigendos antiquitus constitutum restauravit, et in ejus summitate nocte ignem accendit.'

1 *Brinno.* Quem memoratum jam vidimus *Hist. iv*, 15.

2 *Canninefas.* De Canninefatibus dictum est sup. *An. iv*, 73. Occidentalem Batavorum insule partem obtinebant.

3 *Imperatoris nominibus.* 'Septies Imperator,' *ἑπτὰς αὐτοκράτωρ*, appellatus est, teste *Dion. lix*, p. 657. Immo juxta Joan. Antiochenum, in Excerpt. Constan-

barbaros, Galliarum procerissimus quisque,⁴ ut Græco vocabulo dicebat "dignus triumpho,"⁵ ac nonnulli ex principibus,⁶ injuriæ opportuni, legerentur et ad pompam seponebantur. Cuncti quoque jussi non tantum rutilare⁷ et submittere comam, sed et sermonem Germanicum addiscere, ac nomina barbarica ferre.

39. Ne quid adhuc ad celebritatem deesset, moræ impatiens, et quanto plus portenti, tanto plus gloriæ Principibus accedere stulte opinatus, præcepit triremes, quibus introierat Oceanum, magna ex parte itinere terrestri Romam devehī.¹ Scripsit et procuratoribus² "triumphum appararent quam minima summa; sed quantus numquam alius³ fuisset: eos in omnium hominum bona jus habere: opes Principis ad nova discrimina et reipublicæ gloriam reservandas."

40. Nec satis immiti animo, nisi in cædes exardesceret. Visu legionum,¹ quæ patrem suum Germanicum et se infantem olim obsederant,² excanduit ejus furor; initoque nefandæ atrocitatis consilio, omnes morti destinat. Ab ipsis tamen crudelitatum instinctoribus præpeditus ne vindictam, tot fortissimorum virorum virtute difficilem, et ob barbaros undique erupturos fatalem, susciperet, inhiberi nullo potuit modo quin decimare velle perseveraret.³ Vocatos itaque ad concionem inermes, atque etiam gladiis depositis, equitatu armato circumcumsedit. Sed cum videret, suspecta re, plerosque dilabi ad resumenda, si qua vis fieret, armâ, profugit concione,⁴ confestimque Urbem petiit, ut ad crudelitatem, ita ad ignaviam præceps.

41. Haud fracta obice, sed ob moras gravior, irarum moles

mini Porphyrogenet. p. 805. Γερμανικός καὶ Βρετανικός ἐπικλήθη. 'Germanicus et Britannicus cognominatus est.' Hujus adulationis nullum in nummis extat monumentum. Sed forte periere. Odio Principis plurimos post Britannicam Claudii victoriam fuisse abditos recte observat Cl. Reimar. in notis ad Dion. lix, p. 637. lx, p. 679.

4 Procerissimus quisque. Hæc et seq. Suet. Cai. 47.

5 Dignus triumpho. Suet. l. c. 'Et ut ipse dicebat' ἀξιοθριάμβιον.

6 Nonnulli ex principibus. Ex principibus Gallorum. Hæc enim triumphorum laus maxima, cum viri fortissimi, principes ac reges traducebantur.

7 Rutilare. Plin. xxviii, 12. 'Gallorum hoc inventum rutilandis capillis, ex sevo et cinere. Optimus fagino et caprino, duobus

modis, spissus ac liquidus: uterque apud Germanos majore in usu viris quam fœminis.' V. inf. de Mor. Germ. 4.

1 Romam devehī. Suet. l. c.

2 Et procuratoribus. Suet. ibid.

3 Numquam alius. Suet. ibid. Inde quantum opum fuerit corrasum facile æstimabis, si tertium triumphum, quem M. Pisonē, M. Messala coss. a. v. c. 693. Pompeius egit, cogitaveris. V. quæ de hoc triumpho retulimus sup. Et certe in Pompeio minus fuit luxuria, quam in Caio, 'qui super omnia muliebria, socculos induebat e margaritis.' Plin. xxxvii, 2.

1 Legionum. Legionum Germaniæ inferioris.

2 Olim obsederant. De his sup. An. i, 41.

3 Perseveraret. Suet. Cai. 48.

4 Profugit concione. Suet. ibid.

in senatum ruit. Et quo insolentiores prætorum dedecorum rumores metuebantur, eo acrius certatum ut nobilioribus odiis majoribusque atrocitatibus obruerentur. Inde minæ et questus¹ “patres infensos Principi, ejus discriminibus lætatos, nunc ejus gloriæ invidere: provinciis in venerationem ac cælestes religiones certatim properantibus, se a senatu meritis triumphii honoribus fraudari: at tandem domesticorum hostium sanguine suam gloriam remque publicam ulturum.”

42. Hæc Romæ tanto tristius accepta, quod ipse paulo ante “ne quid de suis honoribus ageretur,” etiam sub mortis pœna² denunciasset. Quid facerent omittentem ambigui, censuere Principem adiri a legatis amplissimi ordinis, qui “ut maturaret” orarent. Iis inclementer exceptis, “veniam,” quam maxima voce respondit, “veniam, et hic mecum:”³ capulum gladii, quo cinctus erat, crebro verberans. Exin terrorem popularitate intendens, edixit “reverti se, sed iis tantum qui optarent, equestri ordini et populo: nam se neque civem, neque principem senatui amplius fore: vetare etiam ne quis senatoriæ dignitatis sibi occurreret.” Omisso dilato triumpho, ovens Urbem natali suo ingressus est;⁴ et, ut studia vulgi pararet, nummos non mediocris summæ e fastigio basilicæ Juliæ per aliquot dies sparsit in plebem:⁵ haud expers liberalitatis, ubi ad sævitiam et libidinem utilis.

43. Verum præter animo conceptas irarum causas, novas addulit conjurato¹ ab Anicio Cereali prodita. Cujus auctorem Sextum Papinium, consulari patre ortum, unum plecti haud satis visum. Is, ut ad facinus, ita ad facinoris pœnas obduratus, cum silentii firmus taceret, rogatus est quos vellet vere aut falso socios appellaret:² spesque salutis ac impunitatis oblata. Seu quos dixerit, seu quos voluerit Princeps,³ fuerint suppositi, Betilienus Bassus, quæstor et procuratoris filius, senatores quoque, et equites Romani corripuntur.

1 *Minæ et questus.* De quibus Dio lix, p. 660. Suet. Cai. 48.

2 *Sub mortis pœna.* Suet. l. c.

3 *Hic mecum.* Suet. Cai. 49.

4 *Natali suo ingressus est.* Suet. l. c. Caium natum esse pridie Kal. Sept. jam diximus sup. c. 21. Et in fragmento vet. Kalendarii ap. Gruter. p. 134. notatum: PRID. KAL. SEPTEMBER. NATALIS C. CAESARIS GERMANICI.

5 *Sparsit in plebem.* Suet. Cai. 37. Dio lix, p. 660. II sunt sane nummi, de quibus agit MS. codex Vindobonensis, quem edidimus sup. ‘De basilica Julia sparsit aureos et argenteos in qua rapina perierunt homines XXXII. CCXLVII.’ Observavimus

emendand. sparsit aureos et argenteos XXXII. (id est, aureorum et argenteorum triginta duo millia,) in qua rapina perierunt homines CCXLVII. Tot autem perire potuisse minime mirum, siquidem in tumultu Circensi fuerint ‘elisi viginti amplius equites Romani, totidem matronas, super innumeram turbam.’ Suet. Cai. 26.

1 *Conjuratio.* Hujus meminit Tac. An. xvi. 17. Zonar. quoque vol. i, p. 557. sed multis erroribus fœdatus, quos egregie confutavit Cl. Reimar. in notis ad Dion. lix, p. 660.

2 *Appellaret.* Zonar. l. c.

3 *Voluerit Princeps.* Unde Sen. de Ira iii, 18. ‘C. Cæsar Sextum Papinium, cui

Nec vita Papinio permissa, sed exquisitis tormentis enectus est.⁴

44. Dein Princeps non quæstionis, sed animi causa, ceteros flagellis cecidit, fidiculis, tabularibus, equuleo, igne, vultu¹ suo torsit, id unum præcavens ne cito perirent.² Gemitus quoque, una patientis ac perituri hominis solatia, invidens; forte etiam liberiores voces, quas extremus dolor, nec ad nova supplicia superstes, mitteret, reveritus, os inserta spongia³ includi, et cum spongiæ non invenirentur, scindi vestimenta miserorum, et in os farciri pannos imperavit: occluso exituræ animæ loco, in ultimum spiritum sævire gestiens.

45. Nec expleta diurnis tormentis cruenta cupiditas: nocte continuata, ne qua esset voluptatis intermissio.¹ Igitur in xysto² maternorum hortorum,³ qui porticum a ripa separat, inambulans, quosdam ex illis cum matronis atque aliis senatoribus ad lucernam decollavit.⁴ Feralem scenam excepit atrox consilium. Patres enim occisorum eadem nocte, dimissis per domos centurionibus, confecit,⁵ ne sævitiae exprobratores vivere pateretur.

46. Tot inter mortes casuum similitudine haud memorandas una extitit insignior. Jussus enim Capito¹ filii sui cædi interesse, et "num clausis oculis adesse liceret" interrogans, statim mortis damnatus est. Jam supplicio proximus, se ex conjuratis unum esse simulavit, indicium professus.² At lætitiā, nova occidendorum spe gliscentem, cito repressit, cum auctores ducesque conjurationis appellaret Principis libidinum ministros, Urbis prætoriarumque cohortum præfectos, Callistum³ ex libertis carissimum, ipsamque Caii uxorem Cæsoniam. Libertas, mendacio corrupta, nihil patriæ profuit: Capitoni promptum ac durum vitæ exitum adtulit.

pater erat consularis, Betilienum Bassum, quæstorem suum, procuratoris sui filium, alios senatores et equites Romanos uno die flagellis cecidit, torsit, non quæstionis, sed animi causa.

4 *Enectus est.* Zonar. l. c.

1 *Ignē, vultu.* Sen. de Ira iii, 19.

2 *Cito perirent.* Suet. Cai. xxx. 'Non temere in quemquam, nisi crebris et minutis ictibus, animadverti passus est: perpetuo notoque jam præcepto; ita feri, ut se mori sentiat.'

3 *Inserta spongia.* Sen. l. c.

1 *Intermissio.* Sen. de Ira iii, 18.

2 *In xysto.* Xystus ambulatio erat ante porticum arboribus ad apricandum consita. Sic Plinio erat in suo Laurentino 'ante cryptoporticum xystus violis odoratus.' Plin. Ep. ii, 17.

3 *Maternorum hortorum.* Hortorum

Agrippinæ, qui erant in Vaticano, prope ripam Tiberis, ut docet Donat. de Urbe Roma, iii, 23.

4 *Ad lucernam decollavit.* Sen. l. c.

5 *Confecit.* Sen. de Ira iii, 20. 'Adjicere his longum est, quod patres quoque occisorum eadem nocte, dimissis per domos centurionibus, confecit: id est, homo misericos luctu liberavit. Non enim Caii sævitiae, sed iræ malum propositum est describere.'

1 *Jussus Capito.* Dio lix, p. 660. ait Capitonem Cassii Betillini patrem fuisse. Hujus quoque cædis generatim meminit Suet. Cai. 27. 'Parentes supplicio filiorum interesse cogebat.'

2 *Indicium professus.* Zonar. vol. i, p. 557.

3 *Callistum.* De quo diximus An. xi, 38.

47. Princeps vero, quem conscientia, scelerum testis et vindex, vel sævissimis tyrannibus formidata, angore ac solitudine lancinat, omnia suspecta habere, nemini credere, omnes metuere: modo indignatione amens, furere, unamque optare populo Romano cervicem,¹ ut scelera sua, tot locis ac temporibus diducta, in unum ictum, et unum diem cogeret: modo ignavia imbellis, desperare, mortem quærere, Urbi ac prætorio præfectos, Callistumque arcessere, miserabiliter adloqui:² “unus sum, tres estis: ego nudus, vos armati: si me odistis, si vitam petitis, occidite.”

48. His auditis, perterriti fidem renovant, tuta omnia adseverant; at mentem non firmant metu invalidam. Veteribus vitiiis superstitibus, novis in dies adventitiis, gliscit formido, nec erubescit Princeps vel ipsa in Urbe cinctus gladio¹ prodire: et, quo nihil inconsultius, ad securitatem via inimicitiarum grassatur; amicosque, qui mutuis inter se odiis dissident, adsciscit.² Id quidem, prævalida, nec improba dominatione, quandoque utilius quam gloriosius, usurpatum, in visis vero Principibus perniciem semper intulit. Ipsa namque discordia scelerum feracior est, quam concordia.

49. Interim senatus, luctu tot cæsum mæstus, dolebat adhuc quosdam senatores vivere Principi odiosos; animumque iræ pervicacem, et ob moras omnium internecioni imminentem, formidabat.¹ Terroris anceps, gratiam dedecore redemit. Cum enim Protogenes,² præcipuus Caianæ sævitiae satelles, in curiam esset ingressus, ac singuli salutem et dextram ei porrigerent, ille Scribonium Proculum torve intuitus;³ “quid tu,” inquit, “hostis publice, me salutas?” Statim Proculus a senatoribus correptus,⁴ graphiis confossus et lacera-

1 *Cervicem*. Hæc et seq. totidem ferme verbis Sen. de Ira iii, 19. ubi adversus Caii ferociam acriter intonat.

2 *Miserabiliter adloqui*. Zonar. vol. i, p. 557. τοὺς ὑπάρχους τε καὶ καλλίστον προσκαλεσάμενος, εἰς ἡμῖν, ἴφην, τρεῖς δὲ ὁμοῖς, καὶ γυνὸς μὲν ἰγὰ, ὡπλισμένοι δὲ ὁμοῖς. Εἰ οὖν μισοῖτέ με, καὶ ἀποκτείνειν θέλετε, φονέσαστε.

1 *Cinctus gladio*. Zonar. l. c.

2 *Adsciscit*. Zonar. vol. i, p. 557. συνέβαλιν αὐτοὺς ἀλλήλοις, ὅπως μὴ συμφωνήσῃ, κατὰ μόνους ἐκαστῶς πιστοτάτῃ διαλεγόμενος πρὸς τῶν λοιπῶν, μέχρις οὗ συνέντες τὸ ἐπιχειρήματα, προήκατον αὐτὸν τοῖς ἱκελευέουσιν. ‘Eos invicem commisit, ne consentirent, eum unoquoque tamquam fidissimum de ceteris colloquens, donec ejus consilio perspecto, eum insidiatoribus condonarunt.’

1 *Formidabat*. Zonar. l. c.

2 *Protogenes*. De quo Dio lix, p. 660.

“Ἦν δὲ τις Πρωτογένης πρὸς πάντα αὐτῶν τὰ χαλεπώτατα ἐπιτητῶν, ὥστε καὶ βιβλία αὐτοῦ περιφέρειν, καὶ αὐτῶν τὸ μὲν, ξίφος, τὸ δὲ, ἰγχιρίδιον ὀνομάζειν. ‘Fuit quidam Caii in omnibus atrocissimis rebus administer, nomine Protogenes, solitus libellos semper duos circumferre, gladii ac pugionis titulis insignitos.’ De his quoque libellis Suet. Cai. 49. ‘In secretis ejus [Caii] reperti sunt duo libelli diverso titulo: alteri GLADIUS, alteri PUGIO, index erat. Ambo notas et nomina continebant morti destinatorum.’

3 *Torve intuitus*. Dio l. c.

4 *A senatoribus correptus*. Dio ibid. Omisso nomine, Suet. Cai. 28. ‘Cum discerpi senatorem concupisset, subornavit qui ingredientem curiam, repente hostem publicum appellantes, invaderent, graphiis quæ confossum lacerandum ceteris trade-

tus. Ejus membra, artus, et viscera, tracta per vicos, ubi ante se congesta vidit Caius, se amicum senatus⁵ professus est; infamiam turpi, sed digna tali Principe, benevolentia rependens.

50. Patres, ne in eo probrorum certamine vincerentur, decrevere "ludos;"¹ Caique sedes, quotiens in curiam veniret, in editissimo tribunali collocaretur, omnibus invia, militarique cincta præsidio: ante ejus statuas agerentur excubiæ." Quæ suspicioso Principi adeo placuere, ut et gratiam cum senatu firmaret, et opes promitteret.² Maximum placati animi argumentum fuit Pomponius.³ Ab amico majestatis postulat, absolutus est; et foemina amicitia incertum an stupro⁴ ei inligata, quod excruciatu gravissimis tormentis, nihil esset confessa, præmiis donatur.

51. Quo rariora his temporibus clementiæ exempla, eo fuere celebratiora. "Caium humanarum virtutum fastigium esse supergressum" omnes clamitant: multi "inter Heroas adscribendum" censent: plures numen ejus venerantur, et "Deum esse"¹ pronuntiant. Princeps, qui sub anni superioris finem ad eam divinitatis insaniam, sua vanitate, an regum orientis æmulatu hortatuve, in provinciis erat delapsus, id dignitatis Romæ obtinere gestiit; seque, quem verenda Principum majestas non satis tuebatur, divinitatis fama defensum iri speravit: haud memor numen immortale vel negatis honoribus valescere; iis vero vel maximis evilesce-
rentales Deos.

52. Grande igitur, at lubricum, cœpit divinitatis rudimentum ponere. Se ad omnes Deorum nutus, habitus, formas

rent. Nec ante satius est, quam membra et artus et viscera hominis tracta per vicos, atque ante se congesta vidisset.

⁵ *Amicum senatus.* Dio ibid.

¹ *Decrevit ludos.* Hæc ceteraque Dio lix, p. 660.

² *Opes promitteret.* Dio ibid.

³ *Pomponius.* Idem, ut videtur, ac Pomponius Secundus, de quo dictum est An. v, 8. et in not. Suppl. An. vii, 8. Ejus vitam scripserat Plinius, retuleratque cœnam, quam hoc anno, forte ut gratias ageret, Caio Principi dedit Pomponius: ibi ministratum vinum, L. Opimio cos. A. v. c. 633. i. e. 160. annis ante signatum, cujus singule uncie nongentis sexaginta nummis, *Angl.* 8l. 6s. 8d. constabant. Pretium vero amphoræ 922,660. *hs. Angl.* 7688l. 16s. 8d. *Plin.* xiv, 5. Amphora *pintas* Parisenses 28. continebat. Non mirum ergo singulas uncias, seu exiguum scyphum,

valuisse 186. Hæc autem ut a nostris usibus aliena, ita incredibilia videntur. At iis fidem facit Polonia, ubi, ut audiui a nobilibus Polonis, vinum Hungaricum per sexaginta, immo per centum et amplius annos, adservatur; maximo tunc pretio, et quod ad Romani hujus vini valorem accedat, quantum patitur utriusque imperii fortuna.

⁴ *Incertain an stupro.* Ambigua enim ap. Dion. l. c. vox, τὴν ἱταίαν αὐτοῦ. Prorsus diversam esse a muliere libertina, de qua dictum sup. Suppl. An. vii, 14. ex nomine temporumque ratione patet.

¹ *Deum esse.* Dio l. c. τὴν μὲν, ἥρωα, τὴν δὲ, θεὸν ἀνακαλούντων, διὸς ἐξέφρόνησεν. Aliis eum heroem, aliis Deum vocantibus, vehementi insaniam correptus est.¹ V. et Philon. Legat. ad Caium p. 1002 et 1003. Suet. Cai. 22.

fingit: ne sexus quidem reverens, Deas æque ac Deos, senes, juvenes, cœlestes, terrestres, aquatiles, omnes refert, totumque cœlum in se uno complectitur. Exin palatio Caesarum Deum hospitem coarctari ratus, domo sua urbem cingit; et æde Castoris ac Pollucis² in vestibulum³ transfigurata, hos inter medius sæpe consistit, seque adorandum adeuntibus exhibet.

53. Quod tamen in hac stultitia stupendum, humanitatis aliquid retinuit; Jovem enim æmulatus, cum aliquando oracula funderet, sutoremque Gallum ridentem aspiceret, eum interrogavit, "quisnam tibi videor?" "magnum deliramentum," respondit sutor: Libertatem veritas simul et hominis ignobilitas impunem fecere. Argutior L. Vitellius,² ante consilio et artibus egregius, tum servitio et adulatione princeps.³ Percunctante enim Caio "an Lunam cum ipso congressam videret;"⁴ ille, demissis oculis, tremula voce, ac venerabundus, insusurrat "vobis solis, domine, Diis datum, invicem vos intueri." Quo responso, ut olim ceteros oblati divinitatis honoribus antevererat, ita, licet ambigue adsertis, favore in posterum vicit.

54. At novum numen, paucis beneficium, plurimis grave, inauditis vestigalibus, turpioribusque artibus, divino nomine præscripto tremendis, in omnium fortunas grassatur. Sacra ipsa, vulgo opum fœcunda, in pauperiem tum cessere. Jo-

¹ *Urbem cingit.* Domum, quæ sua magnitudine erat urbi par, exstruit. Plin. xxxvi, 15. §. 24. n. 5. 'Sed eas omnes duæ domus vicerunt. Bis vidimus urbem totam cingi Caii et Neronis, et hujus quidem (ne quid deesset) aurea. Nimirum sic habitaverunt illi, qui hoc imperium fecere, tantas ad vincendas gentes triumphosque referendos ab aratro aut foco exeuntes, quorum agri quoque minorem modum obtinere, quam sellariæ istorum.' Immensæ Caii domus pars maxima in monte Palatino fuit.

² *Castoris ac Pollucis.* Aedes illa fuit in foro Romano, inter Capitolinum et Palatinum montes. Manent adhuc tres ejus columnæ prope ecclesiam sanctæ Mariæ Liberatricis.

³ *In vestibulum.* Suet. Cai. 22. Rudera hujus vestibuli, quæ adhuc extant, exhibet Cl. Piranesi, *Antichità Romane*, vol. i, Tab. 33. n. 1.

⁴ *Magnum deliramentum.* Ipsa sutoris verba servata voluit Dio, lix, p. 660 et 661. 'Ὁ δὲ Γάιος ἠάλεισσι τι αὐτὸν, καὶ ἀνέριτο, τί σοι δοκῶ εἶναι; καὶ ὃς ἀπεικρίνατο (ἡὺ γὰρ αὐτὸ τὸ λεχθὲν) ὅτι, Μίγα παραλήρημα'

καὶ ὡδὴν μίνοιτο δεινὸν ἴπαθι' σκυτοτόμος γὰρ ἦν. 'Eum Caius vocatum percunctatus est, quidnam ipsi esse videretur. Magnum, respondit ille, (ipsa enim ejus verba apponam) deliramentum. Idque impune tulit, quod esset sutor.'

² *L. Vitellius.* De quo sup. An. vi, 32.

³ *Adulatione princeps.* Suet. Vitell. 2. L. Vitellius 'miri in adulando ingenii, primus C. Cæsarem adorari ut Deum instituit, cum reversus ex Syria non aliter adire ausus esset, quam capite velato, circumvertensque se, deinde procumbens.'

⁴ *Congressam videret.* Dio lix, p. 661.

Καὶ ποτε τοῦ Γαίου συγγίνισθαί τι τῇ Σελήνῃ λέγοντος, καὶ ἰρωτήσαντος αὐτὸν, εἰ ὄρῃν τὴν θεὸν συνῶσαν αὐτῷ, κάτω τι, ὡς καὶ τιθηπὼς, ἔβλεπεν, ὑποκρίμων' καὶ σμικρὸν τι φθιγγάμνος. 'Τμὴν (ἴην) τοῖς θεοῖς, δίσποτα, μόνους ἀλλήλους ὁρᾶν ἔχουσι. 'Aliquando Caius rem sibi esse cum Luna dixit, percunctatusque est Vitellium, vidissetne Deam cum ipso congregientem: tum Vitellius, quasi attonitus, oculis in terram demissis, tremens, exili voce: Solis, inquit, domine, vobis Diis licet invicem videre.'

vem enim Latialem¹ se dictitans, posuit templum numini suo proprium; et præter excogitatissimas hostias phœnicopteros,² pavones, tetraonas,³ numidicas, meleagridas, phasianas, quæ generatim per singulos dies immolarentur, sacerdotes instituit Claudium patrum, et locupletissimos quosque, qui singuli sacerdotia centies sestertium⁴ emerent. Ipse sui sacerdos uxorem Cæsoniam, equumque suum *Incitulum* in collegium cooptavit:⁵ numine ac cultu pariter inridendus; sed sorte lætus, quod super auri acervos volutaretur.⁶ Has tamen inter delicias haud deferbuit furor. Immo tum placuit hominum fortunæ vitæque inludere. Gratias enim Principi agere cogeantur, et quorum bona ablata, et quorum liberi occisi. In hac promiscua pereuntium turba, quæ, quotidianum sacrum, novo numini cadebat, vitæ hilaritate, mortis constantia Canus Julius⁷ præcipuam laudem tulit.

55. Nec Caius Diis, quam hominibus, æquior extitit: eos

1 *Jovem Latialem.* Suet. Cai. 22.

2 *Phœnicopteros.* Hanc avem ceterasque, raritate et pretio commendabiles, memorat Suet. l. c. Lautiores inter cibos annumeratur Juvenal. xi, 139. 'Phœnicopterus ingens.' 'Genus avis,' inquit vet. Schol. 'quæ habet pennas colore Phœnicio. In aqua semper est: abundans in Africa. Hujus rostrum tam prolixum est et curvum, ut, nisi merso capite, aqua in os ipsius non possit intrare.' V. Gesner. de Avibus p. 662.

3 *Tetraonas.* Plin. x, 22. §. 29. 'Decet tetraonas suos nitor, absolutaque nigritia, in superciliis cocci rubor. Alterum eorum genus vulturum magnitudinem excedit, quorum et colorem reddit. Nec ulla ales, excepto struthiocamelo, majus corpore implens pondus, in tantum aucta, ut in terra quoque immobilis prehendatur. Gignunt eos Alpes, et Septentrionalis regio. In aviariis saporem perdunt. Moriuntur contumacia, spiritu revocato.' Tetraones vulgo, *the buzzing pheasant*.

4 *Centies sestertium.* Angl. 83,333l. 6s. 8d. Dio lix, p. 662. Suet. quoque Cai. 'Magisteria sacerdotii ditissimus quisque et ambitione et licitatione maxima vicibus comparabant.' De pretio tamen paulo aliter idem Suet. Claud. 9. 'Postremo etiam sestertium octogies [Angl. 66,666l. 13s. 4d.] pro introitu novi sacerdotii coactus impendere, ad eas rei familiaris angustias decidit, ut cum obligatam ærario fidem liberare non posset, in vacuum lege prædatoria venalis pependerit sub edicto præfectorum.'

5 *Cooptavit.* De Cæsonia et equo sacerdotibus v. Dion. l. c.

6 *Volutaretur.* Suet. Cai. 42. 'Novis-

sime contractandæ pecuniæ cupidine incensus, sæpe super immensos aërorum acervos patentissimo diffusos loco, et nudis pedibus spatiat, et toto corpore aliquandiu volutatus est.' Cum ad eam opum insaniam venit, Romæ et in Italia plus fuisse auri et argenti, quam in toto orbe, docet Philo, Legat. ad Caium p. 1007. 'Ἐν Ῥώμῃ καὶ τῇ ἄλλῃ Ἰταλίᾳ, παρ' οἷς (πλουτέουσιν) ἀργυρὸς καὶ χρυσὸς τεθησαύριστα τοσούτος, ὥστε ἡ σύμπασις ἐκ πάσης τῆς ἄλλης οἰκουμένης. Hæc rhetorice magis, quam vere, dicta. Maximæ quidem erant imperii Romani opes, quæ, ut mos regnorum, totæ Romam et in Italiam deferbantur. Sed majores adhuc opes Parthorum, Indorum, ceterarumque gentium, si univarse accipiantur.

7 *Canus Julius.* Quem effuse laudat Sen. de Tranquillit. animi 14. 'Canus Julius, vir imprimis magnus, cujus admirationi ne hoc quidem obstat, quod nostro seculo natus est, cum Caio diu altercatus, postquam abeunti Falaris ille dixit: Ne forte inepta spe tibi blandiaris, duci te jussi: Gratias, inquit, ago, optime Princeps. Quid senserit, dubito: multa enim occurrunt mihi. Contumeliosus esse voluit, et ostendere quanta crudelitas esset, in qua mors beneficium erat? An exprobravit illi quotidianam dementia? agebant enim gratias, et quorum occisi liberi, et quorum bona ablata erant. An tanquam libertatem libenter accepit? Quidquid est, magno animo respondit. Dicit aliquis: Potuit post hæc jubere illum Caius vivere. Non timuit hoc Canus: nota erat Caii in talibus imperiis fides. Credisne illum, decem medios usque ad supplicium dies, sine ulla

modo probris et inrisionibus¹ lacessebat : modo aris deturbabat, et in templi sui famulitium vocabat :² modo truncabat capite, ut suum imponeret. Laudatissimis quibusque potissimum infensus, marmoreum Cupidinem, Praxitelis opus, Thespiis sustulit :³ ipsum Jovem Olympium, Phidiæ⁴ et artis miraculum, rapturus, nisi Memmius Regulus,⁵ portentoso dolore territus, abstinuisset. Nec mirum muta simulacra ab eo sperni, qui tonantem Jovem⁶ ad pugnam vocaret, et vincere præsumeret.

56. Hæc inter vesanæ mentis deliria, Romam advenerant Judæorum Alexandrinorum legati,¹ duce Philone, disertis magis quam subacti ingenii homine. Querebantur,² “gentem, unius, immortalis, et rerum omnium effectoris, Dei religioni

solicitudine exegisse? verisimile non est, quæ vir ille dixerit, quam in tranquillo fuerit. Ludebat latrunculis, cum centurio, agmen periturorum trahens, illum quoque excitari jubet. Vocatus numeravit calculos, et sodali suo Vide, inquit, ne post mortem meam mentiaris te vicisse. Tum annuens centurioni : Testis, inquit, eris, uno me antecedere. Lusisse tu Canum illa tabula putas? illusit. Tristes erant amici, talem amissuri virum. Quid mœsti, inquit, estis?

Vos quæritis, an immortales animæ sint : ego jam sciam : nec desiit in ipso veritatem sine scrutari, et ex morte sua quæstionem habere. Prosequebatur illum philosophus suus : nec jam procul erat tamulus, in quo Cæsari Deo nostro fiebat quotidianum sacrum. Quid, inquit, Cane, nunc cogitas? aut quæ tibi mens est? Observare inquit Canus, proposui illo velocissimo momento, an sensurus sit animus, exire se : promisitque si quid explorasset, circumitorum amicos, et indicaturum quis esset animarum status. Ecce in media tempestate tranquillitas : ecce animus æternitate dignus, qui fatum suum in argumentum veri vocat : qui in ultimo illo gradu positus, exeuntem animum percunctatur : nec usque ad mortem tantum, sed aliquid etiam ex ipsa morte discit. Nemo diutius philosophatus : sed non raptim relinquitur magnus vir, et cum cura dicendus : dabis te in omnem memoriam, clarissimum caput, Caiæ cladis magna portio.

1 *Probris et inrisionibus*. Quas v. ap. Suet. Cai. 22.

2 *Vocabat*. Suet. l. c. ‘Dato negotio, ut simulacra numinum religione et arte præclara, inter quæ Olympii Jovis apportarentur e Græciâ, quibus capite demto suum imponeret.’

3 *Thespiis sustulit*. Pausan. ix, 27. doctet Cupidinem illum a Caio fuisse Thespiis

Tac.

sublatum, a Claudio redditum, a Nerone iterum Romam reportatum, ubi igne consumtus est. Illum memorat Plin. xxxvi, 5. n. 5. Ejusdem [Praxitelis] est et Cupido objectus a Cicerone Verri, Cic. in Verr. iv, 2. ‘ille propter quem Thespiæ visebantur, nunc in Octaviæ scholis positus.’

4 *Phidiæ*. Plin. xxxiv, 8. ‘Ante omnēs Phidias Atheniensis, Jove Olympiæ facto, ex ebore quidem et auro.’ Dei sedentis effigiem et ornamenta fuse descripsit Pausan. v, 11.

5 *Memmius Regulus*. Teste Josepho, Antiq. Jud. xix, 1. n. 1. Architecti Memmio Regulo dixere, infractum iri simulacrum, si loco moveretur. Addit ab aliis dici Memmii incredibilibus miraculis deterritum fuisse. Δένται δὲ τὸν Μίμμιον διὰ ταῦτα, καὶ σημáινει μισθὸν γιγνημένον, ἡ ὥς ἂν τίνα πιστὰ ἡγίσθαι, ἐπιβεβαίωσθαι τὴν ἀνάγκην.

6 *Tonantem Jovem*. Pluribus Sen. de Ira i, 16. ‘C. Cæsar, iratus cælo quod obstreperet pantomimis, quos imitabatur studiosius quam spectabat, quodque comesatio sua fulminibus terreretur, prorsus parum certis, ad pugnam vocavit Jovem, et quidem sine missione, Homericum illum exclamans versum, ἦ μὲν ἀνάνηρ, ἦ ἰγὼ σι. Quanta dementia fuit? putavit, aut sibi noceri ne a Jove quidem posse, aut se nocere etiam Jovi posse. Non puto parum momenti hanc ejus vocem ad incitandum conjuratorum animos addidisse. Ultimæ enim patientiæ visum est eum ferre, qui Jovem non ferret.’ De conjuratione dicemus inf. c. 68 sq.

1 *Judæorum—legati*. Hanc Judæorum legationem fuse descripsit Philo in libro, cui titulum fecit, de Legatione ad Caium p. 992 sq.

2 *Querebantur*. De his querelis v. Philon. Legat. ad Caium p. 1008 sq.

addictam opprimi: adepta sibi civium jura:³ sacra violari: proseuchas⁴ foedis mortalium Deorum imaginibus deturpari." In hos luctus eo magis effusi, quod nihil religione carius et intolerantius, gensque Judæorum sit querula, novas et aciores mœstitiæ causas Puteolis, quo Principem, locorum atque libidinum incertum, erant insecuti,⁵ accipere.

57. Scilicet "Jamneam¹ urbem exoticis sacris a Capitone, Principis quæstore,² profanatum:³ ejusdem artibus, nefariisque Heliconis et Apellis, quos supra memoravi,⁴ consilii sacrosanctum Hierosolymæ templum sibi periisse: P. Petronium,⁵ Syriæ præsidem, cum exercitu missum, ut inauratum NOVI IOVIS INLIVSTRIS CAII⁶ colossus in sacro adyto⁷ reponat, vel totam gentem perditum eat: sacrilegum opus Sidone deproperari:⁸ sacerdotes et optimates, ut ad impietatem consentiant, evocari: desertas Judæorum urbes, vacuas domos, omnes in Phœniciam venisse,⁹ ut Petronium, virum minime atrocem, sed displicere Principi verentem, ad miserationem gentis, ultro in preces, et, si fuerint inritæ, in pericula et mortes ruentis, flecterent: si foret pereundum, id solatii saltem habiturus, quod peregrina in terra, inviolato adhuc templo, occumberent."

58. Legati, his rebus auditis, dolore victi et muti corruunt,¹ necdum quantum periculi immineret gnari. Petronius enim, tot miserorum aspectu et precibus mollitus, literas, pietatem inter et obsequium ambiguas, ad Principem miserat:² "lentas operas: sed non intutas moras: religiones tempore potius,

3 *Civium jura.* Civium Alexandrinorum jura, quæ quadringentos ante annos obtinuerant. Philo Legat. ad Caium p. 1040.

4 *Proseuchas.* Quid sint proseuchæ jam diximus sup. in Suppl. An. vii, 38.

5 *Erant insecuti.* Philo Legat. ad Caium p. 1018. Ἀρίμειθα μὲν γὰρ ἀπὸ Ῥώμης τίς; Δικαίᾳρχιον ἱπακοιλουνοῦντες Γαίῳ. 'Veneramus Roma Puteolos, Caium secuti.' De Puteolis, Pozzuolo, sæpe dictum est.

1 *Jamneam.* Urbem, tribus Dan in Palestina, prope Joppen. Nunc appellatur Zania.

2 *Principis quæstore.* Exigendis tributis in Judæa præerat.

3 *Profanatum.* Hæc lacrymose describit Philo Legat. ad Caium p. 1020 et 1021.

4 *Supra memoravi.* In Suppl. An. vii, 27.

5 *P. Petronium.* In nummo, ex ære mediocri, anno sequenti cuso, TI. CLAUDIVS AVG. GER. IMP. capite laureato. Ex adversa parte in corona, ΕΠΙ ΠΕΤΡΩ-

ΝΙΟΥ. ΑΝΤΙΟΧΕΩΝ. q. 'Sub Petronio,' Syriæ præside, 'Antiochensium,' anno 90. æræ Cæsarianæ. V. Harduin. Select. Opp. p. 22 et 633. Petronius Vitellio in Syriæ præfectura successerat. Philo, Legat. ad Caium, p. 1025.

6 *Inlustris Cail.* Διὸς ἱπικανῶς νίου Γαίῳ. Philo Legat. ad Caium p. 1019 et 1040.

7 *Sacro adyto.* Hierosolymitani templi.

8 *Sidone deproperari.* Philo Legat. ad Caium p. 1024. Sidon, urbs Phœniciæ, hodie Seyde.

9 *Phœniciam venisse.* Philo l. c. Eos in sex ordines distributos, seniorum, juniorum, puerorum, rursum alia parte anuum, mulierum, virginum, venisse testatur idem Philo Legat. ad Caium p. 1025. Εἰς τὰς εἰς δὲ ἐξ διονυμίσσαν, πρεσβυτῶν, νέων, παίδων, πάλιν ἐν μίμῃ πρεσβυτῶν, γυναικῶν τῶν ἐν ἡλικίᾳ, παρθένων.

1 *Muti corruunt.* Philo Legat. ad Caium p. 1019.

2 *Ad Principem miserat.* Philo Legat. ad Caium p. 1027.

quam vi gliscere: Judæos sacris suis pervicacius adstrictos; si festinaretur, forte agrorum vitæque oblitos, in sui perniciosum sponte ituros, cum summo Principis detrimento, qui sane per has regiones meditatum in Ægyptum iter faceret."³ Caius, ob suspiciones perspicax, divinos honores a Judæis negari et Petronium connivere introspexit.⁴ Veritus tamen exercitus defectionem, modeste rescripsit;⁵ laudataque Petronii prudentia, hortatus est "ut collectis jam frugibus, nulloque instante periculo, operas urgeret, et debitas Principi religiones adsereret."

59. Interim rex Agrippa,¹ Petronii literarum nescius, Caium salutatum venit. Vultu ejus obnubilo et iras recondente primum territus,² mox auditis exprobrationibus "gentem suam rebellem esse, Principi ejusque numini infensam," ita dirigit,³ ut exanimus domum suam fuerit reportatus. Postero die animis viribusque paululum recreatis, longas, supplicum more, literas misit⁴ Principi: quarum libertate excusata, profitebatur "se amore patriæ succensum, avis proavisque regibus simul et summis pontificibus⁵ natum, Dei altissimi templum semper veneratum, pro se, pro patria, pro sua gente clementiam pietatemque Principis exorare."

60. "Meminisset avorum suorum Agrippæ et Tiberii,¹ Augusti proavi,² proaviæ Juliæ:³ omnes Judæorum religioni fuisse: Agrippam,⁴ cum Hierosolymæ versabatur, singulis diebus sacrosanctum templum adiisse, verendamque ejus majestatem, et sacrorum sanctitatem admiratum, illud donis exornasse: Tiberium ne voluisse quidem⁵ auratos clypeos, nulla imagine, sed titulo tantum insignes,⁶ sibi in Herodis⁷

³ *Faceret.* Ut Alexandriam veniret, et in urbe, qua nulla alia ad adulationem projectior, quam maximis divinitatis honoribus mactaretur. Philo Legat. ad Caium p. 1028 et 1029.

⁴ *Introspectit.* Philo l. c.

⁵ *Modeste rescripsit.* Philo Legat. ad Caium p. 1029.

¹ *Rex Agrippa.* De quo sup. in Suppl. An. vii, 37. Ex regno redux, Caium salutatum veniebat.

² *Primum territus.* Philo l. c.

³ *Ita dirigit.* Philo Legat. ad Caium p. 1030.

⁴ *Literas misit.* Philo Legat. ad Caium p. 1031.

⁵ *Summis pontificibus.* Philo l. c. πάντων δὲ καὶ προγόνων βασιλέων ἡγετον, ὧν οἱ πλείους ἡγόρευον ἀρχιερεῖς. 'Avos proavosque reges habuit quorum plures fuerunt summi pontifices.

¹ *Agrippæ et Tiberii.* Tiberius avus Caii ob adoptionem Germanici. Avus

quoque M. Agrippa ob Agrippinam, Caii matrem. V. Stem. Cæs. n. 47 et 51.

² *Augusti proavi.* Ob Tiberium ab Augusto, Germanicum a Tiberio adoptatum.

³ *Juliæ.* Livie, Augusti uxoris, in familiam Juliam adsumptæ, ut dictum est An. i, 8.

⁴ *Agrippam.* Avum Caii, de quo mox dictum est. Ejus pietatem, animumque Judæis amicis commendant Philo Legat. ad Caium p. 1032 et 1033. Joseph. Antiq. Judaic. xvi, 2 et 3.

⁵ *Ne voluisse quidem.* Hæc pluribus Philo l. c. p. 1033.

⁶ *Titulo—insignes.* Cum vetitæ essent Judæis imagines, positus tantum clypeis titulus, qui nomen dedicantis, et ejus cui dedicabatur, continebat. Ἡ (ἐπιγραφή) δύο τὰντα ἔμεινεν, τὸν τι ἀναθίσκον, καὶ ὅτις οὗ ἡ ἀνάθεσις. Philo Legat. ad Caium p. 1034. De clypeorum usu diximus supra An. ii, 83.

⁷ *Herodis.* Herodis i. et magni.

regia a Pilato⁸ dicatos, in urbe sanctâ manere, sed Cæsaream⁹ transferri jussisse: Augustum non modo permisisse Judæis,¹⁰ ut ubique terrarum patrios coetus celebrarent, et stipes¹¹ Hierosolymam mitterent; at ipsum quoque imperasse, ut suis impensis victimæ¹² singulis diebus summo Deo¹³ æternum litarentur: Juliam Augustam,¹⁴ maritæ pietatis æmulam, aureas phialas,¹⁵ calices, aliaque plurima et pretiosissima donaria missitasse."

61. "Igitur suppliciter obtestari, ut Princeps, majoribus suis virtute haud impar, par quoque sit in Judæos benevolentia." Memorabat "accepta a Caio beneficia; rupta vincula;¹ data regna:² at hæc vana, hæc exitiosa esse, si templum violaretur, si convelleretur religio. Reposcere se priorem servitutem, aut potius mortem, cum vivere non possit, nisi Caio adnuente; nec velit, nisi probante Deo, et inviolato templo."³

62. Vetus amicitia, eaque imperiosior libertas Principem mollivit, nec tamen a cœptis penitus avertit: scripsit quidem ad Petronium "ne quid in templo novaret."¹ At simul imperabat "ut extra Hierosolymam aras, templa sibi suisque ponere cuivis liceret. Si quis obstaret, statim plecti, aut ad se mitti." Urbe talibus impietatis et dissensionum munimentis vallata, indulgentiæ cum adhuc pœnituit; jussitque² "ære aurato colossus Romæ fieri," qui, clanculum Hierosolymam transvectus, in templo dicaretur, cum per eam urbem, Ægyptum petiturus, iter faceret.³

63. Iis dispositis, legati Judæorum Alexandrinorum ad inrisionem magis, quam ad orandam causam, admissi. Quod

8 A Pilato. Judææ procuratore.

9 Cæsaream. Cæsaream maritimam, tum Judææ caput; de qua Plin. v, 13. 'Stratonis turris, eadem Cæsarea, ab Herode rege [in honorem Augusti] condita,' post dicta 'colonia prima Flavia, a Vespasiano Imperatore deducta.' Manet adhuc nomen Cæsarea.

10 Permisisse Judæis. Philo l. c.

11 Stipes. Judæi non modo Hierosolymis pecunias pro sacrificiis, pro templo erogabant, sed undique terrarum Hierosolymam mittebant. Collectas etiam pro pauperibus factas memorat D. Paulus 1 Cor. xvi, 1. V. et Joseph. Antiq. Jud. xvi, 6. Sed hac de re diximus satis supra.

12 Victimæ. Taurus et agni duo, ut scribit Philo Legat. ad Caium p. 1036.

13 Summo Deo. Ὁ Θεὸς ὁ ὕψιστος. Philo l. c.

14 Juliam Augustam. Liviam, Augusti uxorem.

15 Aureas phialas. Sic aurea inter donaria, a Seleuco Callinico in templum Apollinis Didymæi missa, recensetur 'phiala caryota Bonæ Fortunæ una. Pondus drachmæ ducentæ quadraginta septem,' non numeratis operis sumtibus. Φιάλη καρυώτη Ἀγαθῆς Τυχῆς μία. Ὀλκὴ δραχμῶν διακόσια τεσσαράκοντα ἑπτὰ. Chishull, Antiquit. Asiatic. p. 69. Missa quoque a rege Prusia phiala, pondere æquans drachmas Alexandrinas trecentas. V. eund. erudit. Chishull, p. 91.

1 Rupta vincula. Ut dictum sup. in Suppl. An. vii, 11.

2 Data regna. V. Suppl. l. c. et An. viii, 18.

3 Inviolato templo. Philo Legat. ad Caium p. 1037.

1 In templo novaret. Philo Legat. ad Caium p. 1038.

2 Jussitque. Philo l. c.

3 Iter faceret. De hoc itinere in Ægyptum diximus sup. c. 58.

paulo fusius referre haud pigebit, ut inlustri exemplo quæ fuerit hujus principatus ratio, noscatur. Caius, in Mæcenatis Lamiaeque hortis¹ diversatus, præceperat “ villas omnes recludi; se eas inspecturum.” Ibi legatos excepit:² cernui “ Augustum Imperatorem” salutavere: quos ille indignabundo vultu respectans, “ nonne vos,” inquit, “ qui me, probatum totius orbis confessione et veneratione, Deum negatis, et numen ne nomine quidem³ notum colitis?” Dein protensis ad cælum manibus, impia vociferatus est, horrentibus Judæis; Alexandrinorum vero turba “ Caium Deum, Jovem, Deos omnes, unum esse” ingeminante.⁴

64. Interim criminabatur Isidorus⁵ “ reliquos terrarum populos præter Judæos pro salute Principis sacrificasse.” Hi accusationis indignitatem aversati, exclamant⁶ “ se injuriis peti; terque, pro auspiciis imperii, restituta Cæsaris sanitate, victoriarum Germanica, hecatombas,⁷ non truncas, uti apud ceteras gentes moris est, sed integras, sacro igne adolevisse.” Haud mitior Caius eos “ alii, non sibi, sacrificasse” queritur:⁸ moxque obambulans, aulas, oecos, gynæcea, tabulata omnia inspectare; hæc probare; illa damnare; alia mutata velle, adsectantibus inter adversariorum contumelias Judæis: quos subito affatus, “ cur,” inquit, “ sue abstinetis?”⁹ Ridet plauduntque Alexandrini: patrios ritus excusant Judæi:⁶ jocatur Princeps;⁷ statimque ad seria transgressus, “ quid juris in urbe Alexandria petant” interrogat.

1 *Mæcenatis Lamiaeque hortis.* In Esquilis extra urbem fuere Mæcenatis et Lamiae horti, et contigui. V. et Donat. de Urbe Roma iii, 23. Lamiam laudat Horat. Od. iii, 17. De hortis Mæcenatis jam dictum sup. An. xv, 39.

2 *Legatos excepit.* Philo Legat. ad Caium p. 1040.

3 *Ne nomine quidem.* Τὸν ἀκατομήμαστον. Philo Legat. ad Caium p. 1041. Calumniae causa, quod Judæi nomen Dei יהוה, ‘Jehova,’ ineffabile esse dicerent. Inde ampla adversus Judæos calumniarum materies.

4 *Ingeminante.* Philo l. c. Τὰς τῶν θέντων ἀπάντων ἰσχυρίμας ἰσχυρίζον αὐτῶν.

1 *Criminabatur Isidorus.* Philo ibid.

2 *Exclamant.* Philo ibid.

3 *Hecatombas.* Philo ibid. Ἑκατόμβας ἰθὺσαμεν.

Ita dictæ sunt a centum bobus in his sacrificiis immolari solitis. Sic Marius pugnaturus Diis vovit immolaturum se centum boves, ἠέξατο τοῖς θεοῖς κατὰ ἑκατόμβην, Plut. in Mario p. 420. Non solos tamen boves in hecatombis fuisse immolatos accipimus ex Capitolino in Maxim. et Balb. xi. ‘Hecatombe autem tale sacrificium est: centum aëre uno in

loco cespitiæ exstruuntur, et ad eas centum sues, centum oves mactantur. Jam, si imperatorum sacrificium sit, centum leones, centum aquilæ, et cetera hujusmodi animalia centena feriuntur.’

4 *Queritur.* Philo ibid. Ἔστω, θνητοῖ, ταῦτα ἀληθῆ τέθναται, ἀλλ’ ἵπρω δι, οὐχ ἑτέρω ἰμοῦ. ‘Esto: hæc vera sint. Certe alii, non mihi sacrificastis.’

5 *Cur sue abstinetis.* Id Judæis lege vetitum, Levitic. xi, 7. Deuteron. xiv, 8. Causam autem legis ita explicat eruditus Mead, Medica sacra, p. 7. ‘Fœdis in summa pelle ulcerationibus ab omni ævo quam maxime patuerunt Hebræorum corpora, unde carnis suillæ esu illis interdictum fuisse putant eruditi: quippe quæ crassum et ægre perspirabile nutrimentum sanguini subministrans, istiusmodi corporis constitutionibus minime convenit.’

6 *Excusant Judæi.* Alios nempe aliis gentibus mores esse; ipsi Alexandrinis usu quarundam rerum esse interdictum: multos etiam reperiri, qui ne agnina quidem vescerentur. Philo Legat. ad Caium p. 1042.

7 *Jocatur Princeps.* Et agninas carnes insuaves esse respondet, Philo ibid.

65. Illi meditatam orationem, qua jura per quadringentos annos¹ valida probarent, cœperant, cum propere fugit, amplissimamque aulam pererrans, jubet "fenestras vitro candido,² specularibus lapidibus haud absimili, ocludi." Exin ad Judæos lente regressus, "quid dicant" quærit. Dicta summatis repetentibus, subito evadit in ædem, quam veteribus picturis³ exornabat. Denique reversus, nec ita ferox, sed commiserans, "proh miseros," inquit, "et imbecillos magis quam malos, qui me Dei naturæ participem esse haud intelligitis."⁴ Hæc locutus, abiit; jussique legati recedere:⁵ Principis futilitate inritati,⁶ læti tamen quod jam non causæ tantum, sed vitæ etiam diffiderent.

66. Sub anni finem Apelles¹ malarum artium pœnas luit; vinctusque ferreis compedibus,² et rota tortus per dierum intervalla, ut diu suppliciiis sufficeret, quantum olim ad luxuriæ incitamenta, tantum ad crudelitatis ludibria valuit: haud raro, at semper infirmo exemplo. Validius enim ad scelus impellit præsentis fortunæ inlecebra, quam retrahit futuræ infamiæ formido. Eodem anno Pontius Pilatus,³ Viennam⁴ biennio ante relegatus, vitam pristinae dignitatis memoria, conscientia scelerum, mœroris impatientia tristem ipse finivit.

A.U.C. 794. J.C. 41.

67. Caius Cæsar IV. et Sentius Saturninus infaustis auspiciis consulatum iniere.¹ Sacrificanti enim Cæsari Calendis Januariis jecur victimæ defuit.² Alia quoque vulgata prodi-

¹ *Quadringentos annos.* Philo Legat. ad Caium p. 1040. Ergo tempore Philippi, Macedonum regis, ante conditam urbem ab Alexandro Magno, cum locus adhuc Rhacotes nominabatur, huc venerant Judæi. De urbe Alexandria v. Plin. v. 9.

² *Vitro candido.* Philo Legat. ad Caium p. 1042. Περιελθὼν προστάττει τὰς ἐν κίχλῳ θυρίδας ἀναληφθῆναι τοῖς ὁάλῳ λευκῇ διαφανίσι παραπλησίως λίθοις, οἱ τὸ μὲν φῶς οὐκ ἐμποδίζουσιν, ἀνεμὸν δὲ εἰργασίαι καὶ τὸν ἄρ' ἡλίου φλογμὸν. 'Obambulans jussit circumquaque fenestras claudi vitro candido, simili specularibus lapidibus, quibus lux admittitur, ventus et sol excluditur.'

³ *Veteribus picturis.* Ex Græcia, cujus spoliata templa, advectis. Joseph. Antiq. Jud. xix. 1.

⁴ *Haud intelligitis.* Philo l. c.

⁵ *Recedere.* Philo Legat. ad Caium p. 1043.

⁶ *Inritati.* Tunc Judæi arma sumere: quem motum Cæsaris mors diremit; ut vidimus sup. Hist. v. 9.

¹ *Apelles.* De quo sup. c. 57.

² *Ferreis compedibus.* Philo Legat. ad Caium p. 1021 et 1022.

³ *Pontius Pilatus.* Procurator Judææ, de quo diximus in Suppl. An. v. 8. De ejus morte Euseb. in Chronic. 'Pontius Pilatus, incidens in multas calamitates, propria se manu interfecit. Scribunt Romanorum historici' Oros. vii. 5. 'Pilatus autem præses, qui sententiam damnationis in Christum dixerat, postquam plurimas seditiones in Hierosolymis excepit ac fecit, tantis irrogante Caio angoribus coarctatus est, ut sua se transverberans manu, malorum compendium mortis celeritate quæserit.'

⁴ *Viennam.* Nunc Vienne, in Dauphiné. Adeo in Chronic. Eruditus Chorier, *Histoire générale de Dauphiné*, vi, §. 11. perperam existimat Pilatum in Judæa occubuisse.

¹ *Consulatum iniere.* Caius Cæsar Augustus iv. et Cn. Sentius Saturninus coss. fuere A.U.C. 791. J.C. 41.

² *Jecur—defuit.* Plin. xi, 37. §. 73. jecur defuit 'Caio Principe Calendis Ja-

gia,³ potius tædio principatus, quam rei veritate. Haud siluerim tamen, quod Plinius,⁴ egregius naturæ scriptor, retulit. Nec vera tantum, sed tradita quoque nobilibus auctoribus, etsi minus verisimilia, memorare debet Annalium conditor. Igitur cum ab Astura⁵ Antium renavigaret Princeps, fertur, tota classe proficiente, ejus quinquerehem solam restitisse. Cunctis demirantibus quid quadringentorum remigum officio intercederet, exsilire qui id circa navim quæerent: invenere echeneidem, gubernaculo adhærentem, Caioque ostenderunt. Indignationem, quod eum semipedalis pisciculus remoraretur, excepit admiratio, cum, qui adhærens ita tenuisset, in navigium receptus nihil polleret.

68. At hæc leviora, quam ut atrocem adverterent Principem, qui quantum ceteri prosperis, tantum adversis inhiabat: solitus temporum suorum calamitatem dolere,¹ quod fame, peste, exercituum cladibus, urbium incendiis, regionum subversionibus, uti superioribus principatibus contigerat, non nobilitarentur. Verum quæ populis precabatur mala, in ipsum, Urbem regressum, vertere. Nefandum facinus diversis incitamentis susceptum.² In illud ruit Æmilius Regulus, Cordubensis,³ odio Principis: Annii Minucianus, ut Lepidum ulcisceretur,⁴ sibique imminens discrimen propulsaret: Cassius Chærea, vir antiquis moribus et austeris, quibus, ut ad bonum nihil melius, ita ad malum nihil audacius, propter

nuariis, cum iniret consulatum, quo anno interfectus est.

3 *Prodigia.* Quæ v. ap. Suet. Cai. 57.

4 *Quod Plinius.* Plin. xxxii, 1. 'Heu vanitas humana, cum rostra illa, ære ferroque ad ictus armata, semipedalis inhibere possit, ac tenere devincta, pisciculus! Fertur Actiaco Marte tenuisse prætoriam navim Antonii, properantis circumire et exhortari suos, donec transiret in aliam. Ideoque Cæsariana classis impetu majore protinus venit. Tenuit et nostra memoria Caii Principis ab Astura Antium renavigantis: ut res est etiam auspicalis pisciculus. Si quidem novissime tum in Urbem reversus ille Imperator, suis telis confossus est. Nec longa fuit illius moræ admiratio, statim causa intellecta, cum e tota classe quinquerehem sola non proficeret, exsiliens protinus qui id quæerent circa navim, invenere adhærentem gubernaculo, ostenderuntque Caio, indignanti hoc fuisse quod se revocaret, quadringentorumque remigum obsequio contra se intercederet. Constat peculiari miratum quomodo adhærens tenuisset, nec idem polleret in navigium receptus. Qui tunc posteaque videre, eum limaci magnæ simi-

lem esse dicunt.' De echeneide v. Aldovrand. de Piscibus, iii, 22. p. 335 sq. Maria autem nunc navibus plena, nec ullis umquam impedita echeneidibus, satis evincunt falsa esse, quæ hac de re veteres prodidere.

5 *Astura.* Plin. iii, 5 et 6. 'Astura, flumen et insula, in Antiano' sinu. Hodieque *Torre d'Astura* nominatur prope Terracinam.

1 *Calamitatem dolere.* Suet. Cai. 31. 'Queri etiam palam de conditione temporum suorum solebat: quod nullis calamitatibus publicis insignirentur. Augusti principatum clade Variana: Tiberii, ruina spectaculorum apud Fidenas, memorabilem factum: sui oblivionem imminere prosperitate rerum. Atque idem exercituum cædes, famem, pestilentiam, incendia, hiatum aliquem terræ optabat.'

2 *Susceptum.* De hac conjuratione ejusque auctoribus et causis, v. Joseph. Antiq. Jud. xix, 1.

3 *Cordubensis.* Plin. iii, 1. 'Corduba, colonia patricia.'

4 *Lepidum ulcisceretur.* De Lepido dictum est sup. c. 27.

spretam suam virtutem⁵ ipsamque Caii benevolentiam infensior.

69. Singuli, quoscumque noverant dominatione offensos, socios deligere, non ut periculum declinarent, sed ut societate valescerent. Omnium acerrimus Chærea,¹ prætorianorum tribunus, singula observare: Principis libidines, sacrorum arcana, vectigalium immanitatem, populi luctus, suasmets injurias, cum ob humanitatem et in exigendis vectigalibus moderationem a Principe, qui virilia omnia exuerat, ut muliebria ostentaret, mollitiei argueretur, et, quoties signum petebat, Veneris, Cupidinis, Priapive semper acciperet, in crimina, causasque cædis exaggerare: ad facinus adscitos, laudibus, exemplis accendere.

70. Ejus consilia ferme oppressit casus.¹ Quidam enim Timidius² Pompedium, senatorem, gestis magistratibus insignem, tum Epicureæ scholæ placitis in otia resolutum, conjurationi tamen innexum, quasi probrosis sermonibus Principem inlusisset, majestatis arcessivit; petiitque ut Quintilia, theatricis operis, venali pulchritudine, et Pompedii aliorumque plurimorum amoribus famosa, per tormenta interrogaretur. Adnuit Caius; ac ne quid suppliciorum acerbitati deesset, jussus Chærea eam quæstioni subjicere, in tormenta eo magis duraturus, quo toties objecta mollitiei crimina magis odisset.

71. His vulgatis, ingens fuit conjuratorum metus. Multi, ut quid sibi sperandum formidandumve intelligerent, Quintilian, cum ad supplicia ducebatur, invisere. Illa, supra fortissimorum virorum animos erecta, unius e conjuratis pedem pede pressit, nutuque oculorum se silentii firmam, et adversum tormenta invictam fore ostendit. Chærea, grandem animam nactus, tanto acerbius sæviit, quod hac via promptius certiusque ad Principis perniciem properari persentisceret.

⁵ *Spretam—virtutem.* Suet. Cai. 56.

¹ Primas sibi partes Cassius Chærea, tribunus cohortis prætoriae, deposcit: quem Caius seniore jam, ut mollem et effœminatum denotare omni probro consuevit: et modo, signum petenti, Priapum aut Venerem dare: modo, ex aliqua causa agenti gratias, osculandam manum offerre, formatam commotamque in obscœnum modum. Has quoque injurias, et quidem atrocius, memorat Sen. de Constant. sapientis 18. 'Chærea, tribuno militum, sermo non pro manu erat, languidus sono, et infracta voce suspexit. Huic Caius signum petenti, modo Veneris, modo Priapi dabat; aliter atque aliter exprobrans armato mollitiam. Hæc ipse, [Caius,]

perlucidus, crepidatus, armillatus. Coegit itaque illum uti ferro, ne sæpius signum peteret. Ille primus inter conjuratos maximum sustulit: ille cervicem mediam uno ictu decidit: plurimum deinde undique publicas ac privatas injurias ulciscientium gladiatorum ingestum est. Sed primus vir fuit, qui minime visus est. Principes ignoscere, punire decet: cavillari, convicti semper dedecet, plerumque pœnitet, ut recte monet Cl. de Montesquieu, *Esprit des Loix*, xii, 38.

¹ *Chærea.* Cassius Chærea, de quo plura Joseph. l. c. Dio lix, p. 662.

¹ *Oppressit casus.* Quem casum fuse memorat Joseph. Antiq. Jud. xix, l. n. 5.

² *Timidius.* Joseph. l. c. Τιμιδης.

Exin Quintiliam, defecto corpore, sed excelsa mente immotam, ad Caium perduxit; quam ubi vidit, miserans, Pompedium absolvit, Quintiliam, in doloris levamen, amissæque formæ solatium, pecunia donavit.

72. At Chærea, periculo violentaque crudelitate atrox, Papinium tribunum, Clementem,¹ prætorianorum præfectum, adit;² atque in hunc modum adloquitur:³ “Hactenus Principis securitati insudavimus: ejus vitæ insidiatores ferro necavimus, aut tormentis adeo inclementer excruciamus, ut hominum teterrimo misratio moveretur. Hæccine, hæcne tota militiæ nostræ ratio?” Erubuit Clemens, vultu quantum dominationis puderet prodente, at siluit ne iniqua Principis insectatione exitium sibi quæreretur.

73. Audacior Chærea, ratusque vinci facilem esse, qui erubesceret, queritur¹ “se crudelissimi Principis non satellites tantum, sed amicos esse: adversus libertatem et patriam armatos, civium sanguine quotidie foedari: nec tanta infamia suam adhuc securitatem apud suspicacem et humana cæde lætum Principem redimi. Audendum tandem: suæ et omnium saluti consulendum.”

74. Chæream laudat Clemens,¹ sed “silentium et moras” suadet: addit “se, ob ingravescentem ætatem tantæ rei imparem, tutiora forte reperturum; neminem honestiora dicturum.” Dein discessere, in varias cogitationes distracti. Clemens audita dictaque animoolvebat. Chærea, fide præfecti haud satis prospere tentata, magis præceps, Corn. Sabinum, tribunum, Annium Minucianum, in Urbe dignitate præstantem,² in partes trahit: adjungit senatores, equites, milites. Accessit quoque Callistus,³ Principis favore, et opibus, libertorum præcipuus: ad scelera tanto paratior, quanto fortunæ insolentior et avidior. Is perfidiæ dedecus velabat falsi incertum an veri criminis atrocitate, scilicet Caium sibi imperasse, “ut Claudium veneno tolleretur.”

75. Tanta conjuratorum multitudine augescebant quidem animi, sed retardabantur consilia. Quisque enim, uti adsolet, in diversas ibant sententias. Unus Chærea censebat¹ “super omnia opus esse festinatione: mora res corrumpi: pluri-

¹ Clementem. Forte filium Julii Clementis, de quo sup. An. i, 23.

² Adit. Joseph. Antiq. Jud. xix, 1. n. 6.

³ Adloquitur. Hæc et seq. Joseph. ibid.

¹ Queritur. Joseph. ibid.

¹ Laudat Clemens. Joseph. Ant. Jud. xix, 1. n. 7.

² Dignitate præstantem. Minucianus, teste Josepho, Antiq. Jud. xix, 1. n. 9. ‘erat dignitate præcipuus, civiumque no-

bilissimus, et inter ceteras laudes arte dicendi summus.’ ‘Ἐπερχῇ τε ἀξιώματος, γυναικείας γὰρ τῆς τῶν πολιτῶν καὶ τῷ ἐν ἡμῶν ἐκπαινουμένῳ, μᾶλλον ὥς ἀπτοῖτό τις λόγου.

³ Callistus. De quo dictum est An. xi, 29. V. et Joseph. Antiq. Jud. xix, 1. n. 10.

¹ Chærea censebat. Joseph. Antiq. Jud. xix, 1. n. 11.

mas jam omittas occasiones: Caium potuisse interfici, Capitolium ascendentem, ut pro filia sacra faceret; vel e summa basilica præcipitari, cum nummos in plebem spargebat; vel opprimi, cum arcanas suas religiones celebrabat incustoditus et incautus. Ceterum se neque sociis, neque armis indigere: a Diis sibi eam vim corporis datam, ut solus nudusque valeat Caio necem, patriæ salutem adferre."

76. Intrepidum Chæreae animum omnes probavere, orantes tamen¹ "ne præpropere festinatione res in discrimen adducatur, et malorum remedium in majora et insanabilia mala vertatur. Ludos Palatinos² quamprimum edendos: hoc commodissimum meditatæ cædis tempus: Urbe spectaculis intenta, imparatis satellitibus, aut ob locorum angustias impeditis, Caium vulneribus totum fore pervium." Chærea, licet morarum impatiens, consensit, et graviore tempore iras fovens, conductum diem primum ludorum³ expectavit. Inluxit tandem; at variis casibus præpeditus, numquam in scelus patuit. Quatuor quoque⁴ sequentibus diebus conjuratorum consternatione, aut ancipitibus consiliis, nihil attentatum.

77. Infremens Chærea factiosos, in unum convocatos, "juratae fidei memoria, proditiōis metu, Caii impune quælibet ausuri licentia, numquam intermoritura patrandi facinoris gloria" ad audaciam excitat. Exin paululum silens, exterritosque ac mutos obstupescere miratus, subirasce et quærere "quid morarentur, viri fortissimi? Adesse ludorum diem ultimam:² Caium, effuso nobilium, et optimorum quorumque sanguine, Alexandriam³ mox profecturum: suas libidines, Romanorum infamiam terra marique ostentaturum. Hæc inaudisse horrendum, ferre magis pudendum. Ægyptium, scelera exosum, ac forte ulturum, laudem maximi facinoris ipsis prærepturum. Spretis eorum consiliis, se semet hodie pro communi salute devovere, eventus securum, certumque id unum miserum, sibi turpe, si, dum viveret, alia, quam hac sua dextra, Caius caderet."⁴

¹ Orantes tamen. Hæc omnia Joseph. ibid.

² Ludos Palatinos. Suet. Cai. 56. Ludos illos a Livia in honorem Augusti institutos, et per triduum celebrari solitos memorat Dio lvi, p. 600. et in suum usque tempus ab Imperatoribus fuisse continuo exhibitos adseverat. Ἡ Διονύα ἰδίαν δὴ τινα αὐτῶν (Αὐγούστῳ) πανήγυριν ἐπὶ τρεῖς ἡμέρας ἐν τῷ παλατίῳ ἐποίησεν, ἣ καὶ διῦρο ἀπὸ ὧν αὐτῶν αἱ αὐτοκρατόρων τέλειται. Ap. Joseph. Antiq. Jud. xix, 4. Iudi isti appellantur ἡποδομῖαι. Quos 'ludos curules' interpretatus est Rufinus.

³ Diem primum ludorum. In vet. Calendario Herwartiano, xvi. Kal. FEBRU-

RII, seu die 17. Januarii, LVDI PALATINI.

⁴ Quatuor quoque. Zonaras vol. i, p. 559. Ὅμως ἡκαρτέγον ἐπὶ πέντε ἡμέρας. 'Se per quinque dies continuerunt.'

¹ Infremens Chærea. Joseph. Antiq. Jud. xix, 1. n. 12.

² Ludorum diem ultimam. Non ludorum Palatinorum; sed alterius tridui, quod Caius denunciaverat, teste Zonara, l. c. Διὰ τοῦτο ἐπὶ τρεῖς ἡμέρας προήγγυλε.

³ Alexandriam. Joseph. Antiq. Jud. l. c. De hoc itinere jam dictum sup. c. 58.

⁴ Caderet. Hæc omnia Joseph. l. c. quæ ut probare nefas, ita quoque silere non licet.

78. Pudore iraque accensi omnes,¹ fidem renovant, morarumque veniam ex audacia quærebant. Tum dux Chæreæ gladio se accingit, et palatium petit, ut signum² militiæ more accipiat. Numquam lætior magisque affabilis visus Princeps,³ seu natura, malorum præsaga, in extremos virtutum igniculos erumpente, seu blandiente magis fortuna, quo sævior imminet. Illo enim ipso die, nono Calendas Februarias,⁴ ad eum perductus fuerat L. Cassius Longinus,⁵ Asiæ proconsul, quem e provincia evocaverat, monitus Fortunis Antiatinis⁶ "ut sibi a Cassio caveret:" ejus vinculis, et, cum vellet, cæde, se vitæ ac dominationis certum rebatur, oraculis ludificari homines, non defendi nescius.

79. Itaque sacris de more D. Augusto peractis,¹ ludis adfuit. Adstabat cum tribunis Cassius Chæreæ,² Cassio Longino formidolosior. Sedebant ceteri conjurationis socii, firmare animos, et proximæ cædis rumusculos,³ vulgari ceptos, opprimere intenti. Cruenta fabula³ et multa fictæ mortis imagine exhilaratus Princeps, ad balneum prandiumque egressus hora fere septima,⁴ pueros nobiles, ex Asia ad edendas in

1 *Accensi omnes.* Joseph. Antiq. Jud. xix, 1. n. 13.

2 *Ut signum.* De hoc signo diximus An. i, 7.

3 *Visus Princeps.* Joseph. l. c.

4 *Nono Cal. Februarias.* Suet. Cai. 58. Dio lxx, p. 663. Dies autem fuit 24. Januarii.

5 *L. Cassius Longinus.* Olim Drusillæ maritus, de quo dictum est An. vi, 15 et 45.

6 *Fortunis Antiatinis.* Suet. Cai. 57. 'Monuerunt et Fortunæ Antiatinæ, ut a Cassio caveret. Qua causa ille Cassium Longinum, Asiæ tum proconsulem, occidendum delegaverat, immemor Chæreæ Cassium nominari.' Perperam in recentioribus quibusdam Mss. et editis libris legitur *Sortes Antiatinæ*. Libri omnes veteres, et optimi quique, habent, *Fortuna Antiatina*. De quibus Fortunis v. erudit. Philippum a Turre, Monumenta Veteris Antii, p. 12 sq. Fortunam Antii cultam celebrat Horat. Od. i, 35, 1. 'O diva, gratum quæ regis Antium.' Verum ad rem magis apposite Macrobius. Saturn. i, 23. 'Videmus apud Antium promoveri simulacra Fortunarum ad danda responsa.'

1 *D. Augusto peractis.* Joseph. Antiq. Jud. xix, 1. n. 13. Ludi Palatini D. Augusto erant sacri, ut modo dictum est c. 76. Illi quoque sacrum fuisse triduum, a Caio additum, videtur. Quod inter illa sacrificia, Princeps 'sacrificans respersus est phœnicopteri sanguine,' prodigii loco

habitum est. Suet. Cai. 57.

2 *Cædis rumusculos.* Quos v. ap. Joseph. l. c.

3 *Cruenta fabula.* Cum enim dies illa quarta et vigesima Januarii cæde Philippi, Macedonum regis, ante trecentos quinque et septuaginta annos in ludis a Pausania occisi, foret insignita, tota in cruentis fabulis acta est. Mimus cruci affixit Laureolum, et Mnester Pantomimus cædem Cinyræ, ejusque filiæ Myrrhæ egit. Joseph. Antiq. Jud. xix, 1. n. 13. Juvenal. Sat. viii, 187. Unde intelligas Suet. Cai. 57. 'Pantomimus Mnester tragediam saltavit, quam olim Neoptolemus tragœdus ludis, quibus rex Macedonum Philippus occisus est, egerat. Et cum in Laureolo mimo, in quo actor proripiens se ruina sanguinem vomuit, ut plures secundarum certatim experimentum artis darent, cruore scena abundavit. Parabatur et in noctem spectaculum, quo argumenta inferorum per Ægyptios et Æthiopes explicarentur.' Ni forte emendandum, ut placuit Illustr. Pellicerio, 'per Ægyptios Æthiopes explicarentur.' V. Festum verbo *Ægyptinos*. Hunc nigrorem, infernalibus spectaculis percommodum, memorat Plaut. in Pœn. v, 5, 11. 'Ita replebo atritate, atrior multo ut siet, Quam Ægyptii, aut qui cortinam ludis per Circum ferunt.'

4 *Hora fere septima.* Post ortum Solis. Suet. Cai. 58. 'Nono Kalendas Februarias, hora quasi septima, cunctatus an ad prandium surgeret, marcente adhuc stoma-

scena operas arcessitos, forte adloquebatur, cum Chærea, petito militiæ signo, probrosoque accepto,⁵ "Accipe ratum,"⁶ inquit, gladiumque ei humerum inter et collum impressit: silentem, et effugium tentantem Corn. Sabinus mox invasit,⁷ et in genua provolvit, signum conjurationis inclamans, *Repete*:⁸ Caius jacens, clamitansque "se vivere," statim triginta vulneribus⁹ confectus est. Alii prodidere¹⁰ Chæream ei cervicem gladio cæsim percussisse, præmissa voce, "Hoc age;" et Corn. Sabinum ex adverso pectus transverberasse. Constat extremum fatalemque ictum ab Aquila ingestum.¹¹

80. Perit Caius nono et vigesimo ætatis anno: prope quadriennio¹ imperaverat. Parentes² eum ad virtutem fluxissent, nisi imperiosior natura ad vitiorem portenta projecisset. Eminentem fuit statura.³ Cetera in eo immania, pallor vultus, anilitas frontis,⁴ concavorum rigentiumque oculorum⁵ torvitas, deformitas capitis emendicatis capillis aspersi, obsessa setis cervix, crurum exilitas, enormitas pedum. Vultum natura horridum ac tetrum efferabat ex industria, atque ad speculum intertorem componebat. Atrocior autem erat animus, mens insana, ingenium mobile, et incredibilium rerum avidum. Puer adhuc, constupratis sororibus, libidinum rudimenta in domo Antoniae⁶ occæpisse fertur.⁷ Juvenis, voluptatum monstra, suspicionum arcana, sanguinariasque leges Capreis didicit.⁸

cho pridiani cibi onere, tandem suadentibus amicis [conjurationis participibus, Joseph. Antiq. Jud. xix, 1. n. 13.] egressus est. Cum in crypta, per quam transeundum erat, pueri nobiles ex Asia ad edendas in scena operas evocati præpararentur, ut eos inspiceret hortareturque, restitit. Pro hora septima horam nonam scripsit Joseph. Antiq. Jud. xix, 1. n. 14. *περί τῆς ἑνάτης ὥρας*. Hora vero Romanorum septima, qua occisus est Caius, erat hora nostra fere secunda pomeridiana.

5 *Probrosoque accepto*. Joseph. Antiq. Jud. xix, 1. n. 14.

6 *Accipe ratum*. Suet. Cai. 58.

7 *Mox invasit*. Joseph. l. c.

8 *Repete*. Suet. l. c.

9 *Triginta vulneribus*. Suet. ib.

10 *Alii prodidere*. Suet. Cai. ibid.

11 *Ab Aquila ingestum*. Joseph. Antiq. Jud. xix, 1. n. 14.

1 *Prope quadriennio*. Tacit. Dial. de Orat. 17. Suet. Cai. 59. 'Vixit annis viginti novem, imperavit triennio, et decem mensibus, diebusque octo.' Plura v. in Stem. Cæs. n. 86.

2 *Parentes*. Pater Germanicus, Agrippina mater, avia Antonia.

3 *Eminentem statura*. Suet. Cai. 50.

'Statura fuit eminenti, expallido colore, corpore enormi, gracilitate maxima cervicis et crurum, et oculis et temporibus concavis, fronte lata et torva, capillo raro, ac circa verticem nullo, hirsutus cetera. Quare transeunte eo, prospicere ex superiore parte, aut omnino quacumque de causa capram nominare, criminosum et exitiale habebatur. Vultum vero natura horridum ac tetrum etiam ex industria efferabat, componens ad speculum in omnem terrorem ac formidinem.'

4 *Anilitas frontis*. Sen. de constant. Sap. 18. 'C. Cæsar inter cetera vitia, quibus abundabat, contumeliosus mirabiliter ferebatur omnibus aliqua nota feriendis, ipse materia risus benignissima. Tanta illi palloris, insaniam testantis, fœditas erat, tanta oculorum sub fronte anili latentium torvitas, tanta capitis destituti, et emendicatis capillis aspersi deformitas. Adjice obsessam setis cervicem, et exilitatem crurum, et enormitatem pedum.'

5 *Rigentiumque oculorum*. Plin. xi, 37. §. 54. 'Caio Principi rigentes' oculi.

6 *Antoniam*. Caii aviæ. V. Stem. Cæs. n. 42.

7 *Occæpisse fertur*. Suet. Cai. 24.

8 *Didicit*. Principe ac magistro Tiberio,

Princeps liberalitate, hilaritate, popularitate, aliisque virtutum imitantis, quæ in vitia desinunt, primum inclusit. Postea ingenii pravitate, dominationis libidine, immoderata omnia et inaudita cupere:⁹ ad nefanda insolescere: successu inlectus, pejora quærere; et brevi principatu quid summa vitia¹⁰ in summa fortuna possint ostendere. Literas invidia corrumpit: artes luxu adulteravit: mores exemplis prostravit: libertatis reliquias audacia funestavit: imperium stultitia, immanitate ferme evertit:¹¹ civis vecors, Princeps furiosus, contumeliosus,¹² prodigius simul et crudelis, religiosus et impius, vita, morte, memoria probrosus.¹³

qui Caii mentem ita perspexit, 'ut aliquoties prædicaret, exitio suo omniumque Caium vivere: et se natricem (serpentis id genus) populo Romano, Phaethontem orbi terrarum educare,' Suet. Cai. 11. De Capreis, nunc Capri, dictum sup. An. iv, 67.

9 *Cupere.* Suet. Cai. 21. 'Destinaverat Sami Polycratis regiam restituere, Mileti Didymeum peragere, in jugo Alpium urbem condere, sed ante omnia Isthmum in Achaia perfodere. Miseratque jam ad dimetiendum opus pipimilarem.'

10 *Summa vitia.* Sen. Consol. ad Helv. 9.

11 *Ferme evertit.* Sen. Consol. ad Polyb.

36. Immo cum perit 'septem aut octo certe dierum cibaria' populo Romano supererant, teste Seneca, de Brevitate vitæ, 18. Idque unum doluit moriens, 'quod decedebat populo Romano superstiti.'

12 *Contumeliosus.* Sen. de Constant.

sapient. 18. C. Cæsar inter cetera vitia quibus abundabat, contumeliosus mirabiliter ferebatur.' Plurima ejus contumeliarum exempla ibi et alias passim refert Seneca.

13 *Probrosus.* Inde sæpiissime a scriptoribus Romanis fax pestisque imperii, opprobrium generis humani appellatur. Tantum autem fuit omnium in eum odium, ut ne ejus quidem manes quietos siverint. Teste enim Suet. Cai. 59. 'Cadaver ejus clam in hortos Lamianos asportatum, et tumultuario rogo semibustum levi cespite obrutum est: postea per sorores ab exilio reversas erutum, crematum, sepultumque. Satis constat, priusquam id fieret, hortorum custodes umbris inquietatos: in ea quoque domo, in qua occubuerit, nullam noctem sine aliquo terrore transactam, donec ipsa domus incendio consumpta sit.'

SUPPLEMENTUM

LIBRI NONI

ANNALIUM.

AUCTORE GABRIELE BROTIER.

BREVIARIUM.

1. Occiso Caio, cædes plurimæ. 2. Turbæ, Urbisque confusio.
5. De imperio consultant patres. 6. Claudius a militibus Imperator salutatur. 7. Sentius Saturninus, consul, libertatis hortator. 8. Idem persuadet Chærea. Cæsonia, ejusque filia interemtæ. 9. Patres ad Claudium legatos mittunt, ut imperio abstineat. 11. Agrippa, rex, medias partes fovere videtur, ut certius Principem tueatur. 13. Senatus Claudium Imperatorem agnoscit. 15. Chærea capite damnatur. 16. Claudius moderatione, et Caii insectatione, publicam gratiam quærit. 18. In suos beneficus, imperii dignitati et securitati consulit. 20. Ejus quoque munificentiam experti reges Antiochus, Mithridates, et Agrippa. 21. Eadem æquitas erga urbes a Caio vexatas. 22. Egregia hæc imperii initia Messalinæ libidinibus et hebetè Principis ingenio corrupta. 23. Sulpicius Galba, et P. Gabinius, Germanorum victores. 24. Juliæ et Annæi Senecæ exilia. 25. Antoniæ et Octaviæ nuptiæ. Britannicus et Titus nascuntur. 26. Leges. 27. Suetonius Paullinus bellum gerit in Mauritania, Atlantemque montem superat. 29. Bellum absolvit Hosidius Geta. 30. Annonæ cura; præmiaque iis, qui naves fabricarent, proposita. 31. Ad lacum Fucinum emittendum suscepta opera. Portus Ostiensis. Orca ingens. 32. Vesanus ludorum furor. 33. Appius Silanus Messalinæ artibus pervertitur. 35. Furius Camillus Scribonianus, res novas in Dalmatia moliens, statim opprimitur. 37. In multos sævitum. 39. Arguta Galæsi libertas. 40. Arriæ constantia. 43. Lucii Othonis varia fortuna. 44. Quæ supererant veteris principatus vitia abolita. 45. Puniuntur Lycii. 47. Messalinæ audacia et scelera. 49. Con-

juratio a Lucio Othone prodita. 50. Bellum Britannicum, duce Aulo Plautio. 57. Claudius Britanniam petit. Victi Britanni. 59. Promota apud Romanos Geographiæ studia.

Hæc per reliquum anni, quo Caius interemtus est, et duobus annis sequentibus gesta,

A. U. C. J. C.

DCCXCV. 42.

Coss.

{ Ti. Claudio Cæsare II.
C. Cæcina Largo.

DCCXCVI. 43.

Coss.

{ Ti. Claudio Cæsare III.
L. Vitellio II.

A. U. C. 794. J. C. 41.

1. **O**ciso Caio Cæsare, et interfectorebus in Germanici domum, palatio vicinam, clam delapsis,¹ Germani, corporis custodes,² tumultu ac rumoribus exciti, adcurrere. Innata fide ac ferocia, nec invalidiore largitionum Principis memoria, aut spe, in vindictam summo impetu ruunt. Asprenas, senator, primum obvius, obtruncatur.³ Norbanus,⁴ nec dignitate sua, nec majorum laudibus defensus, vim parans fortiter occubuit. Anteius⁵ domesticas injurias, cadaveris spectaculo, ulciscendi turpiter avidus, inglorius periit. Alii plurimi sonites et insontes trucidati.

2. Interea fama cædis theatrum pervasit; et pro cujusque aut ingenio, aut fortuna, varie accepta.¹ Plebs Principem, ludis deditum, vel amissum dolore, vel salvum credere. Servi, scelerumque artifices, ob delationes malasque artes timere. Patricii, ceterique nobiles, dominationis atrocitatibus infensi, re lætari, specie tristari. Conscii conjurationis silere. Plurimi, quibus volupe est ficta divendere, spesve in turbidis po-

¹ *Clam delapsis.* Joseph. Antiq. Jud. xix, 1. n. 15. Clam delapsi sunt, vel attoniti magnitudine facinoris, vel lectionariorum, corporisque custodum vim veriti. V. Suet. Cai. 58.

² *Germani—custodes.* Gentis suæ cognomines, e qua delecti cohortem Celticam constituebant. Δορυφόροι δὲ ἦσαν αὐτοὶ (Τεττιανοὶ) δρωόνυμοι τῶ Ἰθνη ἀφ' οὗ κατελήχθησαν, τὸ Κελτικὸν γένος παρεχόμενοι αὐτῶν. Joseph. Antiq. Jud. xix, 1. n. 15. De hac Germanorum cohorte, a Cæsaribus ad corporis custodiam instituta, jam diximus sup.

in Suppl. An. xvi, 95.

³ *Obtruncatur.* Joseph. l. c. Asprenatem conjurationis participem, et cædis concitatore fuisse testatur idem Joseph. n. 13.

⁴ *Norbanus.* Nobilitate et militari majorum laude præstans. Joseph. Antiq. Jud. xix, 1. n. 15.

⁵ *Anteius.* Vir senatorii ordinis, cujus pater a Caio in exilium actus, mox fuerat occisus. Joseph. ibid.

¹ *Varie accepta.* De variis hisce sensibus v. Joseph. Antiq. Jud. xix, 1. n. 16.

nere, alii differre "vulneratum quidem Caium, sed vivere, et vulneribus fomenta parari:" alii "cruore madentem in foro adstare, populumque ad ultionem, et optimatum internecionem hortari."

3. Iis rumoribus gliscebat terror: increvit, cum theatrum, destrectis gladiis, circumsidere Germani milites; aræque præfixis occisorum capitibus, quid omnibus immineret periculi ostentavere.¹ Cuncti veniam salutemque orabant. Temeritas, quæ in extremis valet plurimum, tranquillitatem securitatemque inopinato adtulit. Quidam enim Arruntius,² rerum venalium præconio indeque partis opibus famosus, atra veste, funereoque planctu theatrum subiit, et "Caium Cæsarem mortuum esse" vociferavit; mox circumcursans, militibus "gladios conderent" renuntiavit. His furor, ceteris terror statim relanguit.

4. Haud aliter sedata Urbis perturbatio. Prætorii cohortibus interfectores undequaque pervestigantibus, trepidantique populo occurrit Valerius Asiaticus,¹ consularis, magnæque in concione "utinam abs se patrata esset cædes" inclamavit. Tanta ferocia recedere animi; et in publica Caii convitia discessum est. Crevit audacia, cum Clemens, quem supra memoravi,² Minucianum ceterosque senatores, cædis conscios, ad se adductos remisit; "Caiumque non Romanorum, sed suis telis³ confossum periisse" professus est, occiso Principi infestissimus, quod antea timidus.

5. At consules Sentius Saturninus et Pomponius Secundus,¹ gravioribus rebus intenti, despecta curia, quia Julia vocabatur,² forum Capitoliumque occupaverant; jussisque Urbanis cohortibus senatus securitati invigilare, edictum Caio contu-

¹ *Ostentavere.* Joseph. ibid. n. 18.

² *Arruntius.* Rem narrat Joseph. ibid. n. 18.

¹ *Valerius Asiaticus.* A Josepho, Antiq. Jud. xix, 1. n. 20. appellatur 'vir consularis,' ὑπατικός ἀνὴρ. Ergo jam consul designatus, aut suffectus fuerat. De ejus consulatibus dictum in notis ad An. xi, 1. At feralem ejus vocem referunt tum Joseph. ibid. num. 20. tum Dio lix, p. 663.

Ἀνελθὼν ἐς περιφανὲς τι χωρίον, καὶ ἐκβοήσας, Εἶθε ἰδὼ αὐτὸν ἀπικτόνιν. 'Conspicuum in locum progressus, exclamavit: Utinam ego ipsum interfecissem.' Illum inter amicos habuerat Caius, et indigne irriserat, ut accipimus ex Sen. de constant. Sapient. 18. 'Asiaticum Valerium in primis amicis, ferocem virum, et vix æquo animo alienas contumelias laturum. Huic in convivio, id est, in concione, voce clarissima, qualis in concubitu esset uxor ejus, objecit. Dii

boni, hoc virum audire, Principem scire, et usque eo licentiam pervenisse, ut, non dico consulari, non dico amico, sed tantum marito, Princeps et adulterium suum narret et fastidium.'

² *Supra memoravi.* In Suppl. An. viii, 72 sq.

³ *Suis telis.* Quippe qui legum contemptu, injuriis, contumeliis, vitis omnibus, viros sibi amicissimos ad sui odium adduxerat, ut pluribus prosequitur Clemens ap. Joseph. Antiq. Jud. xix, 1. n. 19.

¹ *Pomponius Secundus.* Q. Pomponius Secundus consul suffectus. Joseph. Antiq. Jud. xix, 4. n. 5.

² *Julia vocabatur.* Suet. Cai. 60. Incensa destructaque curia Hostilia, in honorem Caii Julii Cæsaris exstructa fuerat curia altera, dictaque Julia, ut videre est ap. Dion. xlv, p. 242. et xlvii, p. 338.

meliosum³ proposuere, promissa populo vectigalium imminutione, militibus donativo, si quisque domum se reciperent, et a tumultu ac direptionibus abstinerent. Exin coacti patres de forma regiminis consultavere. Alii "abolendam Cæsarum memoriam,⁴ diruenda templa,⁵ libertatem restituendam;" alii "retinendam dominationem" censuere. Hi, varias in partes distracti,⁶ pro sua spe aut fortuna diversos Principes destinare. Omnes, flagrantibus partium studiis, reliquum diei noctemque absumere, et libertatem mora perdere.

6. Casus tamen, non consilium, imperio Claudium admovit.⁷ Rumore cædis exterritus, ad palatii solarium proropserat: inter prætenta foribus vela latebat abditus, cum discurrens forte gregarius miles, animadversis pedibus, e studio sciscitandi quisnam esset, eum agnovit, extractumque, et præ metu ad genua sibi accidentem, *Imperatorem* salutavit; et ad commilitones perduxit. A furore ad venerationem statim conversi, illum lecticæ imponunt, et vicissim succollantes in castra deferunt tristem ac trepidum, obvia miserante turba,² quasi ad pœnam raperetur insons. Receptus intra vallum,³ inter excubias militum pernoctavit, minore spe, quam fiducia.⁴

7. Patres enim, libertatem inter et novos dominos incerti, adhuc certabant; ac Sentius Saturninus, consul, omnium ani-

³ *Caio contumeliosum.* Joseph. Antiq. Jud. xix, 1. n. 20.

⁴ *Cæsarum memoriam.* Suet. Cai. 60. 'Senatus in asserenda libertate adeo consensit, ut consules primo non in curiam, quia Julia vocabatur, sed in Capitolium convocarent. Quidam vero sententiæ loco abolendam Cæsarum memoriam ac diruenda templa censuerunt.'

⁵ *Diruenda templa.* Divo Julio, Divo Augusto sacra.

⁶ *Distracti.* Hæc et sequentia Dio lx, p. 664.

¹ *Claudium admovit.* Suet. Claud. 10. 'Claudius maxima ætatis parte transacta, quinquagesimo anno imperium cepit quantumvis mirabili casu. Exclusus inter ceteros ab insidiatoribus Caii, cum quasi secretum eo [Caio] desiderante turbam summovent, in dietam, cui nomen est Hermæum, recesserat. Neque multo post rumore cædis exterritus, proropisit ad solarium proximum.' Solarium locus erat in ædibus Romanis ad apricandum accommodatus.

² *Miserante turba.* Hæc totidem verbis Suet. Claud. 10. Pluribus Joseph. Antiq. Jud. xix, 3.

³ *Intra vallum.* Suet. ibid. Receptus

Tac.

intra vallum castrorum prætorianorum. Facti memoria extat in nummo argenteo P. Chamillart, quem laudat Harduin. Select. Opp. p. 717. TI. CLAUDIVS CAESAR AVG. P. M. TR. P. IMP. P. P. caput Claudii laureatum. In postica parte, visuntur castra prætoria, quibus inscriptum, IMPER. RECEP. i. e. 'Imperatore recepto' a cohortibus prætoriis. Ut Claudium recepere prætoriani, ita quoque prætorianos recepit Claudius; id certum facit nummus alter, ab Harduino memoratus, TI. CLAUDIVS CAES. AVG. GERM. P. M. TR. P. Caput Claudii laureatum. In aversa parte, PRÆTOR. RECEP. i. e. 'prætorianis receptis.' Tribunus cohortis prætoriæ paludatus, tenens læva Aquilam legionariam, dextram præbet Augusto togato. Egregia prætorianorum voluntas simulque Principis humanitas singulis annis novis nummis testata; inde nummi passim obvii, in quibus præter solitas voces, IMP. RECEP. vel PRÆTOR. RECEP. notantur anni tribuniciæ potestatis tertius, quartus, sextus, &c. TR. P. III, IIII, VI, &c.

⁴ *Quam fiducia.* Minor quidem spes ob abjectam trepidamque Claudii mentem, ac senatus dissensionem. Fiducia tamen ob viriles militum animos.

mos ad libertatem ferme crexit: hortatus,¹ “ut eam, insperatam licet, Deum tamen immortalium munere oblatam, Cassii Chæreæ fortitudine adsertam, amplexarentur: diem hanc sibi gloriosam, posteris lætam, ætatibus omnibus memorandam facerent: servitutis mala, imperitante Julio Cæsare cœpta, Augusti et Tiberii principatibus aucta, a Caio cumulatâ cogitarent. Dominationem, virtutibus infensam, libidinibus grassari. Rempublicam bonorum civium studiis ac præmiis niti. Penes ipsos esse ut reviviscat libertas, vel æternum obruta jaceat.” Addidit, “utcumque erit vestra sententia, libertatis vindices, et maxime Cassium Chæream, meritis honoribus decorate.”²

8. Orationi¹ vim addidit Chæreæ præsentia; nocteque jam adulta,² consules adlocutus, signum petiit, et *libertatem* accepit; lætantibus omnibus consularis potestatis et reipublicæ monumentum, tot abhinc annos³ intermissum, renovari. Mox, ut Caii domus penitus excinderetur, Chærea Julium Lupum,⁴ tribunum, misit,⁵ qui Cæsoniam et ejus filiam⁶ interficeret. Reperta mater, filiam proxima, mariti cadaveri adsidens, cruore foeda, et indolens “suis cum consiliis haud paruisse.”⁷ Ut vidit tribunum, quem ad cæsi Principis miserationem trahere frustra nitebatur, rigescere, sibique extremam necessitatem minitari, fortiter jugulum nudavit, et, Deum hominumque fidem obtestans, percussori obtulit: planctu mortisque firmitudine, si quid mulieri credendum, se maritæ immanitatis objectorumque criminum insontem esse testata. Ejus filia parieti illisa.

¹ *Hortatus.* Orationem Saturnini, sed pro more suo verbosissimam, refert Joseph. Antiq. Jud. xix, 2. num. 2.

² *Honoribus decorate.* Cassium ceterosque libertatis vindices tanto majoribus honoribus efferendos contendeat Saturninus, quod Brutus Cassiusque, Julii Cæsaris interfectores, discordiarum ac bellorum semina tantum jecissent; hi vero, sublato Caio, mala omnia a republica avertissent, pacemque et securitatem publicam adseverassent. Joseph. l. c.

³ *Orationi.* Orationem hanc patribus equitibusque, qui aderant, acceptissimam fuisse testatur Trebellii maximi impetus, qui exiliit, et Saturnino annulum, cui forte Caii vultus erat insculptus, detraxit ac fregit. Joseph. l. c. num. 3.

⁴ *Jam adulta.* Joseph. ibid. Nocte diei 24. Januarii, ut dictum est sup. in Suppl. An. viii, 78 et 79.

⁵ *Tot abhinc annos.* Tum enim a Principibus, non a consulibus signum petebatur. Toto decennio errat Josephus, aut

potius errare qui emendarunt in Josepho, Antiq. Jud. xix, 2. num. 3. ‘Ετι γὰρ εκατοστῷ, ‘auno centesimo;’ emendandum erat ἔτι γὰρ ἑννηκιστῷ, ‘auno nonagesimo.’ Nam non ante nonaginta annos, cum Rubiconem transit et adversus patriam pugnavit Cæsar, hoc consularis potestatis insigne consulibus sublatum.

⁶ *Julium Lupum.* Cognatum Clementis, prætorianorum præfecti, de quo plura in Suppl. An. viii, 72. Joseph. l. c. n. 4.

⁷ *Misit.* Quatuor erant cohortes cum Chærea senatus partibus addictæ, ‘quæ esse sine imperatore, quam sub tyrannide maluerant,’ ut loquitur Joseph. l. c. n. 3. οἷς τὸ ἀβασίλευτοι τιμωτέροι τῆς τυραννίδος προέκιντο.

⁸ *Ejus filiam.* V. quæ de Milonia Cæsonia, Caii Cæsaris uxore, ejusque filia Julia Drusilla, diximus in Stem. Cæs. n. 90 et 91.

⁹ *Consiliis haud paruisse.* Hæc Joseph. ibid. Addit verba ista ambigua diversum in sensum fuisse tracta. Alii enim vole-

9. Dum hæc patrabantur, nuntiata patribus Claudii fortuna. Ne silentio augesceret, confestim legavere Veranium et Brocchum,¹ tribunos plebis, qui Claudio suaderent,² “ut nihil contra senatus auctoritatem adtentaret: pristina dominationis mala, quæ ipse erat sæpe expertus, meminisset; malletque cum securitate ac laude in republica vivere, quam cum dedecore et imminenti fati formidine imperare velle. Rempublicam habere milites, arma, et innumera servitia; quodque ad defensandos patriæ libertatis vindices validius, propitios fore Deos, quorum est recta honestaque tueri.”

10. Minax prætorianorum aspectus legatos perterrituit; certique inferiores esse consulares copias, orant, Claudii genua advoluti,¹ “ne Urbem bello et internecioni objectet: si imperium voluerit, patres adeat, quæ videantur suadeat: posthabita autem semper odiosa, sæpe luctuosa tyrannide, principatum lætis auspiciis et civium benevolentia nixum anteferrat.” Jam Claudius, mentis et consilii parum firmus, ad modesta divertebat, nisi militum ferocia, Agrippæ, regis,² prudentia, ipsaque dominationis cupido, vel in imbellibus pectoribus haud invalida, abjectos animos sustulisset. Legatis “vi se et necessitate teneri” respondit.

11. Agrippa, ejus imbecillitati adhuc diffusus, artes suas ita occultabat, ut, dum dominationi clam adlaborabat, senatui favere crederetur. Ab eo accitus ut de rerum summa consuleret, curiam venit. “Quid actum de Claudio”¹ interrogat: quasi ignarus id edoctus, “se pro senatu ac libertate mori paratum” profitetur: “at rem difficillimam agi: militibus et pecunia opus esse.” Senatores “utrumque sibi suppetere” adverberant. Monet Agrippa “ipsis forte quidem multos, sed novos et disciplinæ rudes esse milites: veteranos vero et bellorum peritos Claudio adesse: nihil temere tentandum: si velint, se Claudium aditurum, et abdicationem persuasurum.”

bant Cæsoniam Caio suasisse, ut respiceret humanitatemque indueret: contra vero alii contendebant fœminam, scelerum consciam, eorumque pœnas reformidantem, egisse ut ipse omnes suos hostes internecione perderet.

1 Veranium et Brocchum. Ita eos appellat Joseph. Antiq. Jud. xix, 3. n. 4. Eorum nomina silet Dio lx, p. 665. Brevis autem Suet. Claud. 10. ‘Accitusque et ipse Claudius per tribunal plebis in curiam ad suadenda quæ viderentur, vi se et necessitate teneri respondit.’ Vim hanc et necessitatem intellige de prætorianis, qui Claudium detinebant. Porro Brocchus non est nomen Romanis ignotum. Occurrit in veteribus Inscriptioni-

bus, uti videre est ap. Gruter. p. 768. et alibi: immo ‘Brocchi’ apud Romanos dicebantur, qui erant ‘producto ore et dentibus prominentibus.’ V. Plin. xi, 37. §. 60. et Nonium c. 1. num. 102.

2 Claudio suaderent. Joseph. l. c. num. 3.

1 Genua advoluti. Joseph. l. c. num. 4.

2 Agrippæ, regis. Hic est Agrippa r. Herodis Magni nepos, ejusque in regni parte successor, de quo multa diximus in Suppl. An. vii, 11 sq. Prudentiam Agrippæ hac in re plurimum, et forte plus æquo, commendat Joseph. Antiq. Jud. xix, 4.

1 De Claudio. Hæc et sequentia Josephus, ibid.

12. Ad Claudium reversus, cum senatus fluctuationem, militum ceterarumque rerum, quibus respublica nititur, inopiam docet, et ad sensus regnatrice domo dignos exstimulat. Claudius rei facilitate suaque utilitate victus, haud absurde respondet legatis,¹ “ se non mirari senatum prioribus Principibus succensere: at nihil veteris injuriæ, se Principe, remansurum: ætate, fortuna, exemplis, suaque natura meliora edoctum: sibi quidem imperium, at commune cum ipsis fore potestatem; nec formidolosum esse debere, quem suarum partium suæque dignitatis socium² habuerunt.” Iis deinde dimissis, milites adloquitur. Cum in ejus nomen jurassent, singulis quinadena sestertia³ promittit, primus Cæsarium⁴ fidem militis, præmio pigneratus.

13. Audita Claudii responsione, patres a consulibus in ædem Jovis victoris convocati sunt.⁵ At plurimi quid immineret libertati præscii, pars in Urbe latitare: pars in villas secedere, ut, si minus dignitati, magis securitati consulerent: alii, haud amplius centum, convenire: mox clamoribus militum, qui plures dominos respuebant, unum efflagitabant Principem, sunt præpediti: pauca, nec placita, pro libertate dixit Pomponius, consul; ceteri de principatu disceptavere. Hos enim inter, nonnulli summæ rei inhiabant; quorum præcipui, Marcus Vinicius⁶ nobilitate et Juliæ⁷ matrimonio insignis, Valerius Asiaticus⁸ audacia, quam auctoritate, validior. Magna ausuros deterruit mutua æmulatio: insuper partes Claudii singulas in horas adcrecebant; metus quoque erat ne, si ad arma veniretur, vel Urbs subverteretur, vel, jam cœpta militum defectione, propudiosam ad mortem traherentur. Itaque patres, milites, in Claudium consensere; frustra indignante Chæreæ⁹ “ huc recidere tanta libertatis molimina: et post cædem furiosi Principis stolidum adsumi: si vellent, se præcisam Claudii cervicem eis allaturum.” “ Hanc quoque infamiam morte sua se anteventurum” minitabatur Sabinus.¹⁰

1 *Respondet legatis.* Josephus, *ibid.* et de Bello Jud. ii, 11.

2 *Dignitatis socium.* Senator consulque fuerat factus A. U. C. 790. ut dictum est in Suppl. An. vii, 6. V. et Suet. Claud. 7. Dion. lxx, p. 644.

3 *Quinadena sestertia.* Angl. 125l. Totius ergo largitionis summa, non numeratis ducum præmiis, fuit Angl. circiter 1,200,000l. Joseph. l. c. num. 2. ait data quina drachmarum millia, seu Angl. 170l. Sed potior Suetonii in Claud. x. auctoritas. Ni forte volueris data militibus xv *ns*, ducibus xx *ns*. Tunc consentient omnia. Porro in donis diversitatem fuisse fatetur Josephus.

4 *Primus Cæsarium.* Hæc Suet. Claud. 10.

1 *Convocati sunt.* Joseph. Antiq. Jud. xix, 4. n. 3.

2 *Marcus Vinicius.* V. Stem. Cæs. n. 99. Male ap. Joseph. l. c. appellatur Marcus Minucianus, Μινουκιανὸς Μάρκος.

3 *Juliæ.* Caii Caligulæ sororis. V. Stem. Cæs. n. 97.

4 *Valerius Asiaticus.* De quo sup. diximus, n. 4.

5 *Indignantem Chæreæ.* Hæc et seq. Joseph. *ibid.*

6 *Sabinus.* Corn. Sabinus, unus e præcipuis Chæreæ sociis, Caiique interfector, ut dictum est in Suppl. An. viii, 74 et 79

14. Hæc incassum jactitata. Quo tardiores ad obsequium, eo patres ad servitium promptiores ruunt: ad castra properant, duce Pomponio.¹ Sed infensi milites consulem, quod fuisset libertatis hortator, strictis gladiis, jam morti destinabant, nisi restitisset Claudius, suoque lateri eum adsidere jussisset. Haud ita civiliter excepti senatores: contra repulsi, inclusi, cæsi; vulneratus quoque Aponius.² In hæc intempestivæ severitatis dedecora prorumpebat Princeps, dominandi rudis, cum venit Agrippa, eumque docuit "senatum in præsentia non injuriis, sed honoribus mulctandum."³

15. Ad omnia facilis, patres in palatium convocat, quo ipse mediam per urbem lectica defertur,¹ stipantibus militibus, superbisque et populo insultantibus quod Principem imperio dedissent. Licet Pollio, cohortibus prætorii recens præfectus,² edixisset "ne Chærea et Sabinus in publicum prodirent," adstiterè tamen, majore sane spe dominationem contemptu legis iniridendi, quam novas turbas concitandi. Ubi primum ventum est in palatium, Claudius cum amicis de Chærea consultavit. Viri fortitudinem laudavere; at "morte plectendum, ut poena terrori esset," censuere; jamque adulta adulatione, non ut Caii interfectores, sed ut nefariorum adversus Claudium consiliorum reus,³ capite damnatur. Interritus, ne mutato quidem vultus colore, Lupumque, ut facinoris, ita poenæ socium, sed non satis fortem, ad firmitudinem hortatus,⁴ supplicium adiit, jussitque percussorem "eodem, quo Caium peremerat, gladio uti."⁵ Ad mortem sic obdurtus, uno ictu obtruncatur. Lupus minore constantia, repetitis ictibus trucidatus est.⁶ Sabinus, venia et dignitate, quæ ei fuere oblata, spreto, se ipse interemit: indignum ratus,⁷ si Chæreæ superstes viveret.

16. Princeps, eam morientium ferociam¹ veritus, in atro-

¹ Pomponio. Consule.

² Aponius. Hæc omnia Joseph. Antiq. Jud. xix, 4. n. 5. M. Aponius Saturnius, Mæsiæ rector, memoratur a Tacito Hist. i, 79. et ii, 85. Forte hujus Aponii fuit filius.

³ Mulctandum. Turbidi imperii primordia præmiis potius, quam poenis, tutanda.

¹ Defertur. Ex castris prætorii ad palatium, quod erat in monte Palatino, defertur. Joseph. l. c.

² Recens præfectus. A Claudio in locum Clementis successus. Joseph. ibid.

³ Consiliorum reus. Dio lx, p. 666. Id quoque innuit Suet. Claud. 11. 'Tribunis modo ac centurionibus paucis e conjuratorum in Caium numero interentis, exempli simul causa et quod suam quoque cædem depoposcisse cognoverat.'

⁴ Hortatus. Vestes exuendo, cum de

frigore quereretur Lupus, cum adlocutus Chæreas, ait: 'Macte animo. Lupi non algent.' Joseph. ibid.

⁵ Gladio uti. Joseph. ibid.

⁶ Trucidatus est. Joseph. ibid. Διὰ τὸ μαλακῶς τὸν πρᾶχλον παρασχέιν, 'quod' præ timore 'collum parum fortiter porrigeret.'

⁷ Indignum ratus. Hæc totidem verbis Dio lx, p. 666. Μὴ ἀξιώσας κατασθίντος αὐτοῦ περιεῖναι.

¹ Ferociam. Populi desideris honoratam, ut narrat Joseph. Antiq. Jud. xix, 4. n. 6. Quando enim Chæreæ parentatum, populus Romanus sua libamina ipse attulit, fertaque in ignem conjecit, 'orans ne ob ingratum ejus animum succenseret.' Ἰλέων καὶ ἄρμηνιν (mallem cum Cocceio ἀρμήμονα) εἶναι τῆς εἰς αὐτὸν ἀχαριστίας παρακαλοῦντες.

ciores milites animadvertere; senatores, aliosque sibi infensos beneficiis demulcere: necdum vitæ potentiaque securus, omnibus, qui salutaturi adirent, acerbissimos scrutatores adponere;² ne convivia quidem inire, nisi speculatores cum lanceis circumstarent, militesque vice ministrorum fungerentur: alia metu excogitare, quæ postea ad Principum majestatem retenta.³ Aspera tamen suspicionum mollita, sublatis impietatis criminibus,⁴ condonatis veteribus injuriis, remissis sensim,⁵ ut gratia augesceret, vectigalibus.

17. Accessit etiam favor, cum Claudius protulit duos Caii libellos,¹ a Protogene scriptos, alterum *gladii*, alterum *pugionis* titulo insignes. Ambo notas et nomina electissimorum senatorii equestrisque ordinis, morti destinatorum, continebant. Eos cum famosis literis,² quas Caius crematas simulaverat, palam combussit; Protogenemque, ut Urbi gratificaretur, interfecit.³ Majorem adhuc ex inaudita improbitate Caio invidiam, sibi laudem civiumque benevolentiam quæsit. Arcam enim ingentem, venenorum plenam,⁴ quam in secretiore Caii supellectile repererat, demersit; tantaque erupit lues, ut infecta maria traderentur, nec sine piscium exitio, quos enectos æstus in proxima littora ejecit.

18. Tum omnes se a Principe servatos¹ fateri: in fratre Germanici virtutes, spes populi Romani cumulas prædicare. Ille vero nimios honores² recusare, nedum divinos

² *Scrutatores adponere.* Principis terrores graphice describit Suet. Claud. 35. 'Nihil æque quam timidus ac diffidens fuit. Primis imperii diebus, quamquam, ut diximus, jactator civilitatis, neque convivia inire ausus est, nisi ut speculatores cum lanceis circumstarent, militesque vice ministrorum fungerentur: neque ægrum quemquam visitavit, nisi explorato prius cubiculo, culcitisque, et stragulis prætentatis et excussis: reliquo autem tempore saluatoribus scrutatores semper apposuit, et quidem omnibus et acerbissimos. Sero enim ac vix remisit, ne fœminæ prætextatique pueri et puellæ contrectarentur, et ne cuivis comiti aut librario calamariæ aut graphiarie thecæ adimerentur.' Multa quoque id genus memorat Dio lx, p. 666.

³ *Retenta.* Nonnulla ad suam usque ætatem perseverare ait Dio, l. c. Quædam tamen a Vespasiano abolita.

⁴ *Impietatis criminibus.* Impietatis in Principem; quam tamen ulcisceretur, si esset cum aliis criminibus conjuncta. Dio lx, p. 666.

⁵ *Remissis sensim.* Dio ibid.

¹ *Caii libellos.* Ferales illos libellos, 'Gladium' et 'Pugionem' appellatos, memorant Suet. Cai. xlix, Dio lix, p. 660.

² *Famosis literis.* De his literis commentariisque adversus Caii matrem ac fratres scriptis, quos crematos simulaverat, diximus in Suppl. An. vii, 8 et II.

³ *Interfecit.* Dio lx, p. 667.

⁴ *Venenorum plenam.* De hac arca ferme totidem verbis Suet. Cai. 49.

¹ *A Principe servatos.* Inde tot Claudii nummi, auro, argento, et ære cusi, quorum in parte postica est corona quercæ, in qua scriptum, EX SC. OB CIVES SERVATOS.

² *Nimios honores.* Immo teste Suet. Claud. 12. Princeps 'in semet augendo parcus, atque civilis, prænomine Imperatoris abstinnit.' Id confirmant nummi, in quibus plerumque hæc tantum inscriptio: TI CLAUDIVS CAESAR. AVG. GERM. I. E. 'Tiberius Claudius Caesar Augustus Germanicus.' Hanc quoque modestiam laudat Dio lx, p. 667. Crebras etiam ac nimias acclamationes inhibuit, ut docet Dio ibid. p. 668. τὰ τε ὑπερήματα τὰ πολλὰ καὶ ὑπεροχὰ ἴσταντο. Eum tamen saltem vices 'Imperatorem' salutatum fuisse accipimus ex argenteo nummo, olim in Museo Collegii Ludovici Magni, qui anno Claudii decimo cusus est. In antica parte, Claudius capite laureato, TI. CLAUDIVS

velle: sola imperii insignia usurpare: statuas paucas et modestas³ permittere; "mutis signis templa, compita, publicas, privatas ædes oppleri, civesque exturbari" dictitans.⁴ Hac civilitate stabilito imperio, nihil antiquius habere, quam ut id biduum,⁵ quo de mutando reipublicæ statu hæsitatum erat, memoriæ eximeret. Omnium itaque factorum dictorumque in eo veniam et oblivionem in perpetuum sancire ac præstare; et, cum Principum reverentia religionibus et pietatis officiis ad crescat, aviæ Livix⁶ divinos honores, et Circensi pompa curram elephantorum;⁷ parentibus inferias publicas:⁸ patri⁹ Circenses ludos¹⁰ natali die decernere. Ne Antonium quidem inhonoratum, ac sine grata mentione transmisit: testatus per edictum, "tanto impensius petere se ut natalem patris Drusi celebrarent, quod idem esset et avi sui Antonii."

19. Addidit matri¹ carpentum, quo per Circum duceretur: tribuit quoque cognomen Augustæ,² quod fœmina, virtutis, quam laudis, studiosior, recusaverat. Fratris³ memoriam, per omnem occasionem celebratam, novis auxit honoribus.⁴

CAESAR AVG. P. M. TR. P. X. P. P. IMP. XX. In parte postica, Victoria cum caduceo, PACI AVGVSTAE. Humanorum honorum modicus, divinis penitus abstinuit, vetuitque ne quis ipsum adoraret, neve quis ipsi supplicaret. V. Dion. l. c.

3 *Paucas et modestas.* Unam nempe argenteam, duas ex ære et lapide. Dio ibid.

4 *Dictitans.* Dio ibid.

5 *Id biduum.* Hæc omnia iisdem verbis recitat Suet. Claud. 11.

6 *Avia Livia.* Augusti uxori, quæ ob adoptionem Germanici avia erat Claudii. V. Stem. Cæs. n. 66. Matri cœlestes honores negaverat Tiberius, tribuit Claudius. V. quæ hac de re jam diximus in not. et em. ad An. v, 2. Addit Dio lx, p. 667. Liviam equestribus certaminibus a Claudio fuisse honoratam: ejus effigiem in templo Augusti dedicatam: mandatum quoque Vestalibus ut ei sacra facerent, mulieribusque ut per ejus nomen jurarent.

7 *Curram elephantorum.* Augustino similem. Suet. ibid. i. e. qualem habebat D. Augustus.

8 *Inferias publicas.* Suet. Claud. 11. In iis inferiis extruebantur aræ, floribus exornabantur, cœdebantur victimæ, Diisque Manibus sacrificabatur, de reliquo epulabantur, qui mortuis ita parentabant. Feralia hæc sacra fuse describit Kirchmann. de Fun. Roman. iv, 1 sq. De Claudii parentibus v. Stem. Cæs. n. 79 et 42.

9 *Patri.* Neroni Claudio Druso, de cuius laudibus v. Stem. Cæs. n. 79.

10 *Circenses ludos.* Suet. ibid. De his ludis, et quot in iis essent missus, si geminaretur lætitia, diximus sup.

1 *Matri.* Antonia, Antonii Triumviri filia, fœminæ optimæ, cujus laudes v. in Stem. Cæs. n. 42. et in Suppl. An. vii, 42. Pietatis Claudii in matrem testes nummi plurimi et ubique obvii. Carpentum vero, quo honestata Antonia memoria, erat vehiculi genus mularum bigis tractum, in quo defunctarum Augustarum imagines per circum ducebantur.

2 *Cognomen Augustæ.* Perperam in vulgatis Suetonii Claud. 11. libris legitur, 'cognomen Augustæ ab avia recusatum.' Compertum omnibus Liviam cognomen Augustæ non recusasse, sed ultro usurpasse. Idcirco Lips. emendabat, *ab avia recusatum*; multi extant Antonia nummi cum titulo ANTONIA AVGVSTA, sed imperante Claudio cusi, ut fatentur viri omnes eruditi. Cognomen Augustæ olim datum fuisse Antonia a Caio jam notavimus in Suppl. An. vii, 6.

3 *Fratris.* Germanici, nunquam satis laudati imperatoris. V. Stem. Cæs. n. 81. Tabula Antiatina, quam erudit. Vulpus Soc. Jesu publicavit et illustravit, notat mense Octobri, die, ut videtur (hic enim extritum marmor), sexto idus INFER. GERMANIC. i. e. 'inferias Germanici.'

4 *Honoribus.* Hos inter honores comædiam a Claudio scriptam et coronatam recenset Suet. Claud. 11. 'Ad fratris memoriam per omnem occasionem celebratam, comædiam quoque Græcam Neapolitano certamine docuit, ac de sententia

Agrippinam et Juliam⁵ de exilio reduxit. Magna quoque usus in priores Principes reverentia, jusjurandum neque sanctius sibi, neque crebrius instituit, quam "per Augustum."⁶ Tiberio marmoreum arcum⁷ juxta Pompeii theatrum,⁸ decretum olim ab senatu, sed omissum, peregit. Omnia quidem Caii acta rescidit,⁹ ejusque statuas noctu sustulit:¹⁰ vetuit tamen eum ignominia notari;¹¹ diemque necis, quamvis exordium principatus sui, inter festos referri:¹² quo edicto Principi dignitas, sceleribus odium manebat.

20. Haud minus diligenter cautum ut nova dominatio regibus exteris commendaretur. Restituta Antiocho¹ Commagene parsque Ciliciæ, a Caio data et ademta. Mithridates,² Iberus, Armeniæ rex, in vincula conjectus, primum libertatem, deinde regnum recepit. Data Polemoni,³ regi Bosphorano, Cilicia, ut Mithridates, a magno Mithridate⁴ oriundus, Bosphoro donaretur.⁵ At ut egregia Agrippæ officia, ita maxima fuit gratia. Non modo confirmata regna, quæ jam acceperat, additæ adhuc Judæa et Samaria.⁶ Ei quoque

judicum coronavit.⁷ In hac urbe tantam modestiam præ se tulit, ut tamquam privatus et Græcorum more ibi viveret, musicis spectaculis cum pallio et soleis, gymnico certamini cum purpurea veste et aurea corona interesset. Hæc Dio lx, p. 668.

⁵ *Agrippinam et Juliam.* De quibus dictum in Suppl. An. vii, 35. Dio lx, p. 667. Reversæ suam pietatem in Caium, fratrem suum, licet immeritum, significare; ejusque cadaver per eas sepultum, ut jam diximus sup.

⁶ *Per Augustum.* Suet. Claud. 10.

⁷ *Marmoreum arcum.* Suet. ibid.

⁸ *Pompeii theatrum.* Cujus scenam, olim ambustam, refecerat Tiberius, ut dictum est sup. An. vi, 45. Illam dedicavit Claudius, sed unum Tiberii nomen inscripsit, suum omisit, Dio lx, p. 669. Quibus cærimoniis ludos tum ediderit narrat Suet. Claud. 21. Hujus theatri rudera visuntur adhuc Romæ ad Campum Floræ in ædibus Ducis de Grillo, vicinisque apothecis.

⁹ *Rescidit.* Suet. Claud. 11. Verum hæc cum Dione lx, p. 667. intellige de perperam actis a Caio, vel ab aliis propter Caium. Τὰ μὲν δὲ ὧν ὑπὸ τοῦ Τατου καὶ ὅρ' ἱστῶν δι' ἑαυτὸν οὐκ ὀρθῶς γινόμενα ἀνέλκυται.

¹⁰ *Sustulit.* Dio ibid.

¹¹ *Ignominia notari.* At, vel invito Claudio, hæc ignominia, malorum Principum ultrix, Caium secuta est; testaturque Dio ibid. ætate sua in sacramentis votisque concipiendis Caii Tiberique nomina retiteri.

¹² *Inter festos referri.* Suet. Claud. 11. Vetuit diem illum inter festos referri, ne de Caii nece lætari videretur; quod sibi nec gloriosum, nec tutum fuisset. Sequentibus annis primo illo imperii sui die prætoriarum cohortium militibus centenos nummos, *Angl. 17s.* viritim dedit. Dio lx, p. 673.

¹ *Restituta Antiocho.* Dio lx, p. 670. De Antiocho iv. Commagenæ rege, dictum sup. in Suppl. An. vii, 11. et viii, 34. V. et An. xii, 55.

² *Mithridates.* Dio ibid. De illo jam actum in Suppl. An. viii, 34. V. quoque Tac. An. xi, 8. et xii, 44 sq.

³ *Data Polemoni.* Dio ibid. Hic Polemon ii. supra memoratus in Suppl. An. vii, 36. Nullos superesse nummos Polemonis, dum in Bosphoro regnabat, cussos, docet Cl. Cary, *Histoire des Rois du Bosphore*, p. 50.

⁴ *Magno Mithridate.* Rege Pontico, olim Romæ æmulo.

⁵ *Bosphoro donaretur.* Dio ibid. Quot in Mithridatis, regis Bosporani historia recensenda peccaverit Vaillant, et quomodo ejus nummus a falsario fuerit adulteratus discere ab erudito Cary, l. c. p. 51 sq. Tristem, sed fortem, regni ejus exitum descripsit Tac. An. xii, 15 sq.

⁶ *Judæa et Samaria.* Quæ olim fuerant avi ejus Herodis Magni. Iis etiam addidit Abilnam, quæ ad Lysaniam tetrarcham pertinuerat, et quæcumque ex Libano erant imperatoris dominationis, ut videre est ap. Joseph. Antiq. Jud. xix, 5. n. 1. Tunc Magni cognomen accepit Agrippa;

decreta consularia insignia, fratri ejus Herodi⁷ prætoria; multaque Judæis indulta.⁸

21. Eamdem æquitatem expertæ urbes, quibus statuas a Caio ablatas restituit.¹ Neque opum appetens, vetuit ne quis, si cognatos haberet, Cæsarem scriberet heredem.² Demum quod in novo principatu difficillimum, abruptam severitatem inter et nimiam facilitatem temperamento usus, varia sanxit quibus sanctitas legum,³ civium tranquillitas, ludorum moderatio adstrueretur. Ipse observantia in consules, benignitate erga omnes, ingens modestiæ exemplum simul et incitamentum.

22. Læta quidem initia, sed cito corrupta Messalinæ¹ libidinibus, insolentia libertorum,² hebetes ingenio Principis, qui natura invalidus, serviliter eductus, literatior³ mitiorque, quam Principem mediocris animi decet, pauca pro arbitrio et majestate imperii, pleraque alieno impulsu, præcipitive metu aut impetu actitavit. Dominationem vix retenturus, ni mole sua aliquandiu starent magna imperia; legatique exercituum obviam, sed turpem, fortunam inlustriori obsequio postposuissent.

23. Hos inter eminuit Sulpicius Galba,¹ Germaniæ superi-

cusque nummi ejus dignitatis et Claudii benevolentia testes. Hos inter præcipuus nummus ex ære mediocri a Vaillant et Harduino, Select. Opp. p. 332. vulgatus: ΒΑΣΙΛΕΥΣ ΜΕΓΑΣ ΑΓΡΙΠΠΑΣ ΦΙΛΟΚΑΛΤΔΙΟΣ. Caput diadematum Agrippæ. In aversa parte, Dea stat cum temone et cornu copiæ: Μ...ΚΑΙΣΑΡΙΑ Η ΠΡΟΣ ΣΕΒΑΣΤΩΝ, i. e. 'Metropolis Cæsarea ab Augustis dilecta.' Aliæ quoque urbes lætitiā suā significāvere, quod gentilem regem haberent. Hinc nummi ΕΠΙΒΑΣΙΛΕΥ ΤΙΒΕΡΙΩΝ, i. e. 'Tiberiensium sub rege Agrippæ.' Hinc magis adhuc obviū nummi, in quibus lilium

cum tribus literis ΒΑ Φ, i. e. ΒΑΣΙΛΕΥΣ ΑΓΡΙΠΠΑ ΦΑΣΑΗΛΙΤΩΝ, seu 'Rex Agrippæ,' nummus 'Phasaelitarum,' de quibus Plin. xxi, 5.

7 Herodi. Regi Chalcididis, de quo Dio lx, p. 670. V. Stem. Herodum n. 25.

8 Judæis indulta. Duo hac de re Claudii decreta, rogantibus Agrippa et Herode obtentā, refert Josephus, Antiq. Jud. xix, 5. n. 2 et 3. In posteriore id memorandum Judæis permitti, ut per universum Romanum imperium, propter fidem et amicitiam Romanis præstitam, patrios suos mores sine ullo impedimento servant; moniti tamen ut 'modestius se gerant,' nec aliarum gentium religiones contem-

nant: επιεικέστερον χρῆσθαι, καὶ μὴ τὰς τῶν ἄλλων ἰθὺν διουσιδαμονίας ἰξοῦσθαι.

1 Restituit. Dio lx, p. 669. Suet. Cai. 23. quem v. in not. ad Suppl. An. viii, 55.

2 Scriberet heredem. Dio l. c.

3 Sanctitas legum. Hæc et quæ sequuntur multis exemplis confirmat Dio lx, p. 668 et 669. quorum hæc præcipua. Claudius sodalitia, a Caio restituta, in quibus multum erat gulæ ac licentiæ, nihil caritatis et pietatis, dissolvit. Strenarum munera, ab Augusto ob humanitatem studiosamque populi voluntatem, a Caio propter aviditatem prodigentiamque accipi solita, a Tiberio ob parsimoniam (nam ea munera majoribus muneribus rependebat Augustus, et ex iis Deorum statuas vicatim dedicabat. Sueton. Aug. 57.) repudiata, ipse ut lucri cupiditas ab imperatoria majestate penitus abesset, edicto sustulit. Vesaniā quoque ludorum, qui per dies plurimos iterabantur, si quid forte prioribus diebus fuisset peccatum, frænavit.

1 Messalinæ. Claudii uxoris, feminae perditissimæ. V. Stem. Cæs. n. 26.

2 Libertorum. Callisti, Pallantis, &c.

3 Literatior. Multa privatus Princepsque Latine et Græce scripsit, quæ commemorat Suet. Claud. 41 et 42.

1 Sulpicius Galba. Postea Imperator, jam laudatus sup. in Suppl. An. viii, 23. Erat teste Plutarcho in Galb. p. 1054.

oris legatus. Licet ad nova summaque a multis stimulatus,² officii constans maluit imperium defendere, quam usurpare; Cattosque devicit,³ fide et victoria intimam Principis benevolentiam promeritus. Laudis æmulus, P. Gabinius, Germaniæ inferiori præfectus, Chaucos⁴ debellavit. Aucta lætitia, quod, quæ sola⁵ apud hostes supererat, captam Variana clade legionis aquilam reportavit; indeque *Chaucius*⁶ cognomen obtinuit. Princeps vero, periculorum et bellorum expers, ob utramque victoriam *Imperator* salutatus⁷ est. Liberti, exquisitiore adulatione, in ejus laudem traxere sopitas in Mauretania turbas, quæ jam ante Caii cædem desierant;⁸ et ut triumphalia ornamenta ob id acciperet persuasere.

24. At fœdiora meditabatur Messalina. Juliam,¹ forma, nobilitate, cum Claudio necessitudine præcellentem exosa, ferocem ejus animum, et ad imperantis fortunæ obsequia flecti nescium, impatientius ferebat. Primum muliebri æmulatione certavere, mox, prout solitum, vicit potentia. Juliaque variis criminibus atque etiam adulteriis infamata magis, quam convicta, rursus in exilium projecta est. Annæus Seneca, adulteriorum societati innexus, in insulam Corsicam relegatur:² sapientiæ fama, Juliæ superbia facile excusandus, nisi ipse ingeniosioribus scriptis,³ adulatoriis precibus,⁴ amarulentis diceriis,⁵ ferme fidem criminationibus fecisset.

25. Inter hæc dissidia, Claudius filias suas, Antoniam¹ Cn. Pompeio Magno² tradidit, Octaviam³ L. Junio Silano⁴ des-

Romanorum ditissimus, ἰδιώτης πλουσιώτατος ἁπάντων.

² *Multis stimulatus.* Suet. Galb. 7.

³ *Cattosque devicit.* Dio lx, p. 670. De quibus plura dicta sunt sup. de Mor. Germ. 30.

⁴ *Chaucos.* Suet. Claud. 24. Perperam legas ap. Dion. lx, p. 670. Μαυροσίους, 'Maurusios.' Male emendabat Palmerius *Cheruscus*, nec satis probabiliter Xylander et Reimar *Marsos*. Corrigend. Χαύκους, penes quos erat una Aquila, sicut altera apud Marsos fuerat, de qua dictum An. ii, 25. Inde error prodiit, quod paulo ante Mauretaniam memoraverat Dio. Porro Chauci littus maris inter Amisiam et Albim tenebant.

⁵ *Quæ sola.* Dio l. c. V. quoque not. et em. ad An. ii, 25.

⁶ *Chaucius.* Suet. ibid.

⁷ *Imperator salutatus.* Dio ibid.

⁸ *Desierant.* Dio ibid. Plin. quoque. Sed v. quæ jam adnotavimus sup. Suppl. An. viii, 34.

¹ *Juliam.* Germanici filiam. V. Stem. Cæs. n. 97.

² *Relegatur.* Dio ibid. Exilii sui laudator inducitur Sen. in Octav. 381. 'Melius latebam procul ab invidiæ malis. Remotus inter Corsici rupes maris: Ubi liber animus, et sui juris, mihi Semper vacabat, studia recolenti mea.'

³ *Scriptis.* V. imprimis lib. de Consolat. ad Helv. matrem suam a Seneca scriptum.

⁴ *Adulatoriis precibus.* Quas lege in consolat. ad Polyb. ac maxime c. 32. rigida ac virili Stoicorum sapientia minime dignas.

⁵ *Diceriis.* Quibus aculeata rigescit insectatio, quam post mortem Claudii, quem vivum laudaverat, scripsit; cuique titulum fecit, Claudii Cæsaris ΑΠΟΚΟΛΟΚΥΝΤΩΣΙΣ. Tam parum secum consensisse Senecam nemo mirabitur, qui reputaverit unam virtutem sibi semper constantem, plerumque discors esse ingenium.

¹ *Antoniam.* V. Stem. Cæs. n. 105.

² *Pompeio Magno.* Pompeio Magno cognomen, sibi invisum, ademerat Caius Caligula; restituit quidem Claudius, generumque fecit: sed postea occidit. Unde Sen. in Apocoloc. p. 707. 'Caius Cæsar

pondit, exigua² maritali pompa, post tristiore exitu.⁶ Generos vigintiviratu⁷ tantum donavit: dein feriis Latinis⁸ Urbi præfecit: tarde concessit ut quinquennio maturius, quam per leges, magistratus⁹ peterent. Eodem anno nati sunt,¹⁰ ortu et fato dispare, moribus et studiis pares, familiari necessitudine¹¹ summi, Britannicus et Titus: mira hominum sorte, quæ utriusque vices variasse videtur, ut singuli plus desideriorum relinquerent. Britannicus Claudio et Messalina genitus vigesimo paterni imperii die: Titus Vespasiano et Flavia Domitilla tertio Calendas Januarias.

A.U.C. 795. J.C. 42.

26. Claudius Cæsar II. et Cæcina Largus, consules,¹ in acta Augusti juravere.² In sua jurari vetuit Princeps; prorogatoque³ per totum annum Cæcinæ magistratu, ipse bimestri dignitate⁴ se abdicavit, nihil contra leges se fecisse jurejurando professus,⁵ majore vanitate, quam veritate. Consul

Crassi filium vetuit Magnum vocari: hic [Claudius] nomen illi reddidit, caput tulit.

³ Octaviam. V. Stem. Cæs. n. 36.

⁴ L. Junio Silano. Filio Appii Silani, de quo dicitur inf. c. 33.

⁵ Exigua. Immo ita exigua, ut etiam his ipsis diebus senatum habuerit. Quod testatur Dio lx, p. 668. et ex eo Zonaras. Suffragatur quoque Suet. Claud. 12. 'Sponsalia filiæ natalemque geniti nepotis silentio, ac tantum domestica religione transegit.'

⁶ Tristiore exitu. Si quidem uterque a Claudio postea occisus. Ob crimen interemptus est 'Pompeius, in concubitu dilecti adolescentuli confossus,' Suet. Claud. 29. Silanus, incustoditi amoris accusatus magis, quam reus, mortem sibi conscivit, ut dictum est An. xii, 8.

⁷ Vigintiviratu. De hoc honorum rudimento jam egimus sup. An. iii, 29.

⁸ Feriis Latinis. Quæ sint, et unde sic dictæ, v. sup. An. iv, 36.

⁹ Magistratus. Hæc omnia Dio lx, p. 668. Magistratus intellige de quæstura, et aliis postea honoribus. Quæstura juxta leges post annum 24. petebatur, ut notavimus An. iii, 29.

¹⁰ Nati sunt. Britannicus natus est 'vigesimo imperii [Claudii] die,' Suet. Claud. 27. Titus vero 'natus est iii. Kal. Januarias insigni anno Cajana nece, prope Septizonium, sordidis ædibus, cubiculo vero perparvo et obscuro: nam manet adhuc et ostenditur,' Suet. Tit. 1. Septizonium illud, Severiano antiquius, fuit in Esquilis. De Britannico v. Stem. Cæs. n. 108. Primum dictus est Tiberius Claudius Germa-

nicus. Postea Britannicus appellatus est, Dio lx, p. 673.

¹¹ Necessitudine. De qua plura Suet. Tit. 2. Titus educatus in aula cum Britannico simul, 'ac paribus disciplinis, et apud eosdem magistros institutus. Quo quidem tempore, aiunt, metoposcopum a Narcisso Claudii liberti adhibitum, ut Britannicum inspiceret, constantissime affirmasse; illum quidem nullo modo, ceterum Titum, qui tunc prope adstabat, utique imperatorem. Erant autem adeo familiares, ut de potione, qua Britannicus hausta perit, Titus quoque juxta cubans gustasse credatur, gravique morbo afflictatus diu. Quorum omnium mox memor statum ei auream in palatio posuit, et alteram ex ebore equestrem, quæ Circense pompa hodieque præfertur, dedicavit, prosecutusque est.'

¹ Consules. Tiberius Claudius Cæsar ii. et C. Cæcina Largus cons. fuere A.U.C. 795. J.C. 42. Dio lx, p. 671. Largus auctor videtur fuisse senatusconsulti Largiani, de quo Institut. Libr. iii, Tit. 8. de Successione libertorum. 'Postea [i. e. post legem Juniam] senatusconsulto Largiano cautum fuerat, ut liberi manumissoris non nominatim exheredati facti, extraneis heredibus eorum in bonis Latinorum præpenderentur.' V. erudit. Heineccium, Antiquitates Romanæ Jurisprud. iii, 8. n. 9.

² Juravere. Claudio ita jubente, ut testatur Dio lx, p. 671. Neque permisit quemquam in sua acta jurare. De hoc usu jurandi dictum est An. i, 7.

³ Prorogatoque. Dio ibid.

⁴ Bimestri dignitate. Suet. Claud. 14.

⁵ Jurejurando professus. Dio ibid. Ob

enim, et extra honorem,⁶ juris dicundi assiduus, nonnumquam a præscriptis legum discedebat, quandoque ex bono et æquo, sapius inconsulta animi levitate, et amenti similis.⁷ Novas tamen leges condidit, sua utilitate, Principis civitate probatas. Rectores enim provinciarum, diutius in Urbe morari solitos, jussit⁸ in eas ante Calendas Apriles proficisci: simul vetuit "ne sibi pro accepta dignitate gratias agerent;" professus "se Principem; ipsos esse principatus adiutores: apud se gratiam laudemque nacturos, si ex provinciis, officio egregie perfuncti, reverterentur." Legem Papiam Poppæam, a Tiberio jam mollitam,⁹ sed in hoc Urbis luxu adhuc gravio-rem, moderatus est: et sexagenarios,¹⁰ qui uxorem quinquagenaria minorem ducerent, cœlibum pœnis exemit. Pupillis¹¹ consuluit, eorumque tutelæ curam, olim prætoribus commissam, consulibus mandavit. Ad lites quoque expediendas, rerum actum,¹² divisum antea in hibernos æstivosque menses, conjunxit. Demum ne publica pecunia periret, tres prætorios

tale jusjurandum, Trajanum, qui egregia promiserat, majora præstitit, laudat Plin. Paneg. 64 et 65.

6 *Extra honorem.* Abdicato consulatu.

7 *Amenti similis.* Multus hac in re Suet. Claud. 14 et 15. eamque exemplis quamplurimis confirmat.

8 *Jussit.* Legem hanc retulit Dio lx, p. 672.

9 *Mollitam.* V. quæ dicta sunt sup. An. iii, 25 et 28.

10 *Sexagenarios.* Licet legem Papiam Poppæam moderatus fuisset Tiberius, caput tamen addiderat, quo sexagenarii, etiamsi uxores ducerent, pœnis tamen legis Papiæ Poppææ subjacebant. Contendebat enim Tiberius infœcunda hæc matrimonia non iniri, ut liberi procrearentur, sed tantum ut legis pœna vitaretur. Caput istud Tiberianum obrogavit, id est, mutavit Claudius. Unde Suet. Claud. 23. ait: "Capiti Papiæ Poppææ legis, a Tiberio Cæsare, quasi sexagenarii generare non possint, addito, obrogavit." Ea vero conditione obrogavit, ut sexagenarius, vel etiam sexagenario major uxorem minorem quinquagenaria duceret. Id nos docet Ulpian. Tit. 16. 3 et 4. "Qui intra sexagesimum, vel quæ intra quinquagesimum annum, neutri legi [Julie et Papiæ Poppææ] paruerit, licet ipsis legibus post hanc ætatem liberatus esset, perpetuis tamen pœnis tenebitur, ex senatusconsulto Perniciano: [eruditus Perizonius emendat *Persiciano*, quod Paulus Fabius Persicus cos. fuit, imperante Tiberio, A. U. C. 797. At legem

Papiam Poppæam moderatus est Tiberius A. U. C. 773. Mallem itaque emendari *Tiberiano*.] Sed Claudiano senatusconsulto, major sexagenario, si minorem quinquagenaria duxerit, perinde habebitur, ac si major sexaginta annorum duxisset uxorem. Quod si major quinquagenaria minori sexagenario nupserit, impar matrimonium appellatur: et senatusconsulto Calvitiano [assentior Cujacio emendanti *Claudiano*, licet Perizonio et Schultingio, placeat *Calvisiano*] jubetur non proficere ad capiendas hereditates, et legatas dotes. Itaque mortua muliere, dos caduca erit." Qui plura voluerit, adeat Cl. Heineccium, Antiq. Rom. Jurisprud. vol. i, p. 296 sq.

11 *Pupillis.* Suet. Claud. 23. "Sanxit ut pupillis extra ordinem tutores a consulibus darentur." Antea in Urbe prætoris, in provinciis præsidum erat tutores pupillis dare. Cum nondum lege Claudiana satis consultum esset tutoribus, M. Antoninus Philosophus 'prætozem tutelarem primus fecit, cum ante tutores a consulibus posceretur, ut diligentius de tutoribus tractaret.' Jul. Capitolin. in M. Antonin. x.

12 *Rerum actum.* Suet. ibid. Apud Romanos res aliæ per hyemem, aliæ per æstatem agebantur, Molestissimum hunc compendinum sustulit Claudius. Postea restituisse, videtur Galba, teste Suet. Galb. 14. Melius providit M. Antoninus, supra laudatus, qui 'fastis dies judicarios addidit, ita ut ducentos triginta dies annuos rebus agendis litibusque disceptandis constitueret.' Jul. Capitolin. in M. Antonin. x.

viros,¹³ qui ærario debita exigerent, instituit: additis lictoribus, ut cresceret dignitas. Ad divina quoque conversus, Urbem, religionum multitudine fatiscentem, sacris Eleusiniis augere voluit.¹⁴ Laudabiliore cura, Gallorum, quos furiosa Druidarum superstitio humanis victimis Deos placare docuit, feros ritus, civibus sub Augusto jam interdictos, abolevit,¹⁵ ceteraque¹⁶ hujus superstitionis vetuit. Triumphato enim terrarum orbe, hæc nobilissima Romanos manebat victoria, ut religionum monstra tollerent, victasque gentes rationi servire, ac felices vivere cogerent.

27. Interim Suetonius Paullinus¹ bellicæ laudis famam in Africa auspicabatur. Ædemon² enim, libertus, arma resumserat ut Ptolemæum regem, a Caio Cæsare³ interentum, ulcisceretur. Ne per moras audacia glisceret, Suetonius Mauritaniam propere ingressus est. Barbari, exercitibus Romanis tum primum⁴ in regione sua bellantibus exterriti, refugere. Dum in latebris premebantur, ventum ad montem Atlantem, tot fabulis celebratum.⁵

13 *Tres prætorios viros.* Dio lx, p. 671.

14 *Augere voluit.* Suet. Claud. 25. 'Sacra Eleusinia etiam transferre ex Attica Romam conatus est.' Transtulit postea Hadrianus, ut docet Aur. Victor. de Cæsar. in Hadr. Eleusiniis sacris, Cereri ac Proserpinæ dicatis, nihil fuit apud Græcos celebratius secretiusve: quorum ob contentum capitis damnatus est optimus Socrates.

15 *Abolevit.* Suet. l. c. 'Druidarum religionem apud Gallos diræ immanitatis, et tantum civibus sub Augusto interdictam, penitus abolevit.' Hæc ita sunt aperta et indubitata, ut a librariis corruptum existimem locum Plinii xxx, l. Gallias utique possedit [sacri prodigiosi celebratio], et quidem ad nostram memoriam. Namque Tiberii Cæsaris principatus sustulit Druidas eorum, et hoc genus vatum medicorumque.' Forte scripserat Plinius *Tiberii Claudii principatus*, vel, *Tib. Cl. Cæsaris principatus*. Hæc inhumana Gallorum sacra, qui, affecti gravioribus morbis, vel in præliis ac periculis versantes, pro victimis homines immolant, pluribus recenset Cæs. B. G. vi, 15. Quod vero incredibile videretur, ni quantum in hominum animos valeat superstitio, innumeris ac portentosis exemplis foret compertum, cum homines occidere non licuit, humano saltem sanguine aras proluere juit. Hoc docet horum temporum scriptor elegans Pomponius Mela iii, 2. *Gallorum* 'gentes superbæ, superstitionis, aliquando etiam immanes, adeo ut hominem optimam et gratissimam Diis victimam cæderent. Manent vestigia feritatis jam abolitæ, atque ut ab ultimis cædibus

temperant, ita nihilominus, ubi devotos altaribus admove, delibant.' Melæ interpretes, temporis quo scripserit incuriosi, multa in his illustrandis peccavere. Perperam enim Schottus 'abolitam feritatem' ad a. v. c. 657. retulit, cum senatusconsultum, teste Plin. xxx, l. 'factum est, ne homo immolaretur.' Romanis nondum parebant Galliæ. Infeliciter quoque pro *ultimis cædibus* emendare voluit Pintianus *humanis cædibus*. Quæ sit satis monuisse, ut quanti sit in illustrandis veterum Scriptorum operibus temporum ratio, dignoscatur.

16 *Ceteraque.* Inter hæc in magna Galliarum fama erat ovum anguinum, de quo cum multa commemorasset, addit Plin. xxix, 3. §. 12. 'Vidi equidem id ovum mali orbiculati modici magnitudine, crusta cartilaginis, velut acetabulis brachiorum polypi crebris, insigne Druidis. Ad victorias litum, ac regum aditus, mire laudatur: tantæ vanitatis, ut habentem id in lite in sinu equitem Romanum e Vocontis, a divo Claudio interentum non ob aliud sciam.'

1 *Suetonius Paullinus.* Prætorii erat ordinis, teste Dion. lx, p. 670. De illo sæpe dictum An. xiv, 29 sq. et in vit. Agr. 5.

2 *Ædemon.* Plin. v, 1.

3 *A Caio Cæsare.* Ut diximus in Suppl. An. viii, 34.

4 *Tum primum.* 'Romana arma primum, Claudio Principe, in Mauritania bellavere.' Plin. v, 1.

5 *Fabulis celebratum.* Præter Herculi et Perseo ibi laborata, illum etiam in nubila

28. Suetonius Polybium, egregium Annalium conditorem, qui Africæ littora exploraverat, æmulatus, terras scrutari voluit; primusque² Romanorum ducum Atlantem aliquot millium spatio transgressus, loca, hactenus tantum virilem ob luxuriam³ audita, invisit. Vanescentibus, quo propius accedebat, fabulis, nulla occurrere Ægipanum Satyrorumque⁴ vestigia: sed comperit imas montis radices,⁵ densis altisque repletas sylvis, incognito⁶ genere arborum, proceritate spectabili, enodi nitore,⁷ fronde cupressis simili, gravi odore,⁸ et

ita erectum prodidere veteres, ut cælum et sidera non 'tangere modo vertice, sed sustinere quoque' diceretur. Mela iii, 10. De Atlante hacque Suetonii expeditione, pauca, sed lectu digna, scripsit Cl. d'Anville. *Mémoires de l'Acad. Roy. des Inscr.* Vol. xxvi, p. 80 sq. Hoc enim bello ultra Atlantem perventum ad urbes Alelen et Cillabam, nunc *Helel* et *Gher-Selbin* arbitratur: quas tamen inde remotissimas in Phazania, hodie *Fezzan*, ponit Plin. v, 5.

1 *Polybium*. Polybius Cornelium Scipionem Africanum in Africana expeditione comitatus, ab eo accepta classe A. V. C. 608. A. C. 145. partem illam orbis scrutatus est; suumque iter descripsit, Plinio, v, 1. memoratum, sed compendiosius pro tanta rei utilitate hominisque dignitate. Immo errore Polybio affingit, tanto scriptore indignum: scilicet, si Plinio credimus, a monte, quem Theon Ochema dixere veteres, nunc the *southern extremity of the Sierra Leone*, ad promontorium Hesperium, nunc the *Cape of Palms*, 'navigatione dierum ac noctium decem, in medio eo spatio Atlantem locavit Polybius, a ceteris omnibus in extremis Mauritanie proditum.' Id certe non peccavit Polybius; sed in medio spatio a portu Carthaginis, unde profectus est, ad Hesperium promontorium, quo pervenit, ac proinde in extremis Mauritanie positum esse Atlantem merito prodidit. Quod nemini hactenus, ne erudit quidem Harduino compertum miror. Hac de re totoque Polybii itinere plura forte alias sum dicturus.

2 *Primusque*. Plin. l. c. et ex eo Solinus c. 26. Hanc expeditionem memorat quoque Dio lx, p. 670.

3 *Virilem ob luxuriam*. Apud Romanos Indico luxu foeminae, Africano viri gloriabantur. Precipuis apud viros honor citreis mensis, quas tanti faciebant, ut, Juba rege mortuo, duas sint venundatae, 'quarum alteri pretium fuit HS. XII. [Angl. 10,000L.] alteri paulo minus,' Plin. xiii, 15. Sed de hac insania jam diximus in not. et

em. ad An. iii, 52. ubi multa de Romanorum luxu congestimus.

4 *Satyrorumque*. Plin. v, 1. 'Eundem [Atlantem] noctibus micare crebris ignibus, Ægipanum Satyrorumque lascivia impleri, tibiaram ac fistulae cantu, tympanorumque et cymbalorum sonitu strepere celebrati auctores prodidere.' Eadem ferme legas in Periplo Hannonis. Geographi veteres, vol. i, p. 4 et 5. Inde orta fabula, quod pauci, qui istas regiones incolunt, homines diu propter immodicum calorem lateant, noctu ad res agendas cum facibus discurrant. Præterquam quod in his oris ignei halitus frequentes esse potuere. De monstrifica Ægipanum et Satyrorum forma v. Melam, i, 4 et 8. Plin. v, 8.

5 *Montis radices*. Africam versus, non vero versus mare. Unde Plin. v, 1. 'E mediis hunc Atlantem arenis in cælum attolli prodiderunt, asperum, squallentem, qua vergat ad littora Oceani, cui cognomen imposuit: eundem opacum, nemorosumque, et scatebris fontium riguum, qua spectat Africam, fructibus omnium generum sponte ita subnascentibus, ut nunquam satietas voluptatibus desit.'

6 *Incognito*. Hæ sunt arbores citri Atlantice, a citro seu malo Assyria omnino diversæ, quas non noverant Romani, licet apud eos tanto essent in pretio. Plin. xiii, 15. 'Atlas mons peculiari proditur sylva... confines ei Mauri quibus plurima arbor citri, et mensurarum insania, quas foeminae viris contra margaritas regerunt.'

7 *Enodi nitore*. Cum in luxu una valeat raritas, apud Romanos eviliuit enodis ille trunci nitor, sed ingentibus pretiis emebantur contortæ radices. Id testatur Plin. xiii, 15. 'Tuber hoc est radices, maximeque laudatum, quod sub terra totum fuerit: et rarius quam quæ superne, quæque gignuntur etiam in ramis, proprie quod tanti emittur, arborum vitium est, quarum amplitudo ac radices æstimari possunt ex orbibus.' Eandem insaniam arguit Sen. de Beneficiis vii, 9. 'Video istic meas, et æsti-

tenui obducta lanugine, sericis velleribus nihilo viliorē :⁹ verticem altis etiam æstate operiri nivibus : decumis eo pervernerat castris :¹⁰ ultra ad fluvium Ger¹¹ contendit per solitudines nigri pulveris, eminentibus interdum velut exustis cauitibus ; locaque inhabitabilia¹² fervore, quamquam hiberno tempore, expertus : proximos saltus, elephantorum, ferarum et serpentium gregibus infestos adiit ; et, a Canariis populis, qui dividuis ferarum¹³ visceribus victitabant, inhabitari comperit.

29. His exploratis, rebellibusque territis magis, quam subactis, Suetonius Romam repetiit, cum pertinaciore hoste¹ postea dimicaturus. Cœpta vero in Mauretania absolvit Cn. Hosidius Geta ;² Salaboque, barbarorum duce, semel atque iterum devicto, et ad solitudines frustra delapso,³ initæ tandem pacis conditiones. Duas in provincias, Tingitanam et Cæsariensem,⁴ divisa est Mauretania, duobusque equestris ordinis rectoribus permissa. Conciliandi animos simul et firmandi dominationem causa, oppidum Tingi⁵ coloniam fecit Claudius ; appellatumque Traducta Julia : eodem honore donatæ Cæsarea,⁶ olim Jubæ regia, et Lixos,⁷ fabulosissime antiquis

matum lignum senatoris censu, [Angl. 10,000L.] eo pretiosius, quo illud in plures nodos, arboris infelicitas torsit.

8 *Gravi odore.* Plin. ibid. ' Cupresso feminæ sylvestri sunt similes folio, odore, caudice.'

9 *Nihilo viliorē.* Solin. xxiv. Plin. quoque v. 1. 'Tenui eas obduci lanugine : quibus addita arte, posse, quales e bombyce, vestes confici.'

10 *Castris.* Plin. ibid. Decima castrorum metatione.

11 *Fluvium Ger.* Fluvium mediterraneum, quæ Gætuliam alluit, dictum Ptolemæo iv, 6. Γήρ ; nunc *Adjedee* appellatum. Solinus et Cl. de l'Isle, Theatr. Historic. fol. 1. perperam volunt Suetonium ad fluvium, 'qui Niger vocatur,' contendisse. Niger, hodie *Guin*, a fluvio Ger decem gradibus distat ; at tantum aliquot millium spatio Atlantem transgressus est Suet. teste Plin. l. c.

12 *Inhabitabilia.* Suetonius tamen non ultra trigesimum latitudinis gradum contendit.

13 *Dividuis ferarum.* Atque etiam canum, unde nomen accepere, ut docet Plin. v. 1. 'Canarios appellari. Quippe victum ejus animalis promiscuum his esse, et dividua ferarum viscera.'

1 *Pertinaciore hoste.* Cum Britannis. V. An. xiv, 29 sq.

2 *Cn. Hosidius Geta.* Dio lx, p. 670.

3 *Frustra delapso.* Cum barbari siticulosa loca semper peterent, eos, magna aquarum copia collecta, insecutus est Geta. Ea tamen in tantis solitudinibus deficiente, Romanus exercitus adhuc periisset, ni inopina imbrium vis per magicas artes, ut tradit Dio lx, p. 671. seu quod libentius crediderim, forte fortuna præsto fuisset.

4 *Tingitanam et Cæsariensem.* De hac divisione jam dictum in Suppl. An. viii, 34.

5 *Tingi.* Hodie *Tenja*, vel *Tanger*, urbs princeps Mauritanie Tingitanæ, de qua Plin. v. 1. 'Tingi, quondam ab Antæo conditum : postea a Claudio Cæsare, cum coloniam faceret, appellatum Traducta Julia.' De hujus urbis nomine et nummis v. Harduin. Select. Opp. p. 77. Antiquitatem quoque laudat Mela i, 5. 'Tinge oppidum pervetus, ab Antæo, ut ferunt, conditum. Extat rei signum, parma elephantino tergore exsecuta, ingens, et ob magnitudinem nulli nunc usuro habilis ; quam locorum accolæ ab illo gestatam pro vero habent, traduntque, et inde eximie colunt.'

6 *Cæsarea.* Nunc *Shershell*. Olim caput Mauritanie Cæsariensis. Plin. v. 2. 'Oppidum celeberrimum Cæsarea, antea vocitatum Iol, Jubæ regia, a divo Claudio colonie jure donata.'

7 *Lixos.* In ora maritima infra Tingim. Plin. v. 1. 'A Julia Constantia, [hodie

narrata. Deductis quoque veteranis, conditum Oppidum novum;⁸ et Latium datum Tipasæ;⁹ Rusucurium¹⁰ civitate honoratum. Interim Musulanorum manu,¹¹ Numidiam turbare ausa, victa cæsaque, tranquillitas Numidiæ est reddita.

30. Romano nomine apud barbaros ita inclarescente, fame¹ in Urbe laborabatur, luxu² et superstitionibus Caianæ stultitiæ³ reliquiis magis, quam terrarum infœcunditate.⁴ Princeps innata bonitate, metueque plebis,⁵ numquam insolentioris, quam cum ea tumultuandi occasione abutitur, publicæ penuriæ in præsentia subvenit,⁶ negotiatoribus⁷ lucri spe excitatis, et suscepto in se damno, si quid per tempestates accidisset. Facilius majusque incitamentum, honores addidit: civibusque, qui naves mercaturæ causa fabricarent, vacationem⁸ Legis Papiæ Poppææ; Latinis⁹ jus Quiritium;¹⁰ fœminis¹¹ jus

Arzilia,] 32,000. passuum, colonia a Claudio Cæsare facta Lixos, vel fabulosissime antiquis narrata. Ibi regia Antæi, certamenque cum Hercule: et Hesperidum horti. Affunditur æstuarium a mari flexuoso meatu, in quo draconis custodiæ instar fuisse nunc interpretantur. Amplectitur intra se insulam, quam solam e vicino tractu aliquanto excelsiore, non tamen æstus maris inundat. Extat in ea et ara Herculis, nec præter oleastros aliud ex illo aurifero nemore.

8 *Oppidum novum*. Dictum quoque Ptolem. iv, 2. Ὀππιδιονον κοινωσία. Nunc *Sinaab*, in mediterranea Mauritania Cæsariensi.

9 *Tipasæ*. Plin. l. c. Tipasa, nunc *Tefessad*, prope Cæsaream versus Orientem fuit. De jure Latii v. quæ dicta sunt in not. et em. ad An. xi, 23.

10 *Rusucurium*. Plin. v, 2. Rusucurium, hodie *Dellys*, in Mauritania Cæsariensi, honoratum a Claudio civitate. De jure civitatis Romanæ dictum in not. et em. ad An. xi, 23.

11 *Musulanorum manu*. De hac valida Africæ gente v. An. ii, 52. Paucis Aur. Victor. in Claud. 'Cæsa Musulamiorum manus.' Pluribus Dio lx, p. 671. Sed sine gentis appellatione.

1 *Fame*. Dio lx, p. 671. validæ hujus famis, Διμοῦ τι ἰσχυροῦ, meminit. Ea est ipsa fames, ab Agabo prædicta, de qua D. Lucas in Act. Apost. xi, 28. Ἀναστὰς δὲ εἰς τὴν ἀδελφὴν, δόματι Ἀγαθοῦ, ἰσχυρῶς διὰ τοῦ πνεύματος, λιμὸν μέγαν μέλλειν ἵσθαι ἰφ' ὅλην τὴν οἰκουμένην· ὅστις καὶ ἔγινετο ἐπὶ Κλαυδίου Καίσαρος.

2 *Luxu*. De Romanorum luxu dictum satis in not. et em. ad An. iii, 52.

3 *Caianæ stultitiæ*. Caligulæ stultitiam in Puteolano ponte extruendo memoravi-

mus in Suppl. An. viii, 10 sq. De hac quoque Aur. Victor. Claud. 'Adhuc [a Claudio] annonæ egestas composita, quam Caligula induxerat, dum adactis toto orbe navigiis, pervium mare theatris curribusque damno publico efficere contendit.'

4 *Terrarum infœcunditate*. Fuere quidem per multos annos 'assidua sterilitates,' ut loquitur Suet. Claud. 18. Ægyptum tamen non fuisse hoc anno infœcundam arguere videtur Claudii nummus, quem protulit Harduin. Select. Opp. p. 718. ΤΙ. ΚΑΑΤ. ΚΑΙ—i. e. 'Tiberius Claudius Cæsar,' caput Claudii laureatum. In aversa parte, sex spicæ, fertilitatis Ægyptiæ symbolum, ΑΤΤΟΚΡΑ. E. B. i. e. 'imperii anno secundo.'

5 *Metueque plebis*. De cujus insolentia diximus An. xii, 43.

6 *Subvenit*. Inde tot nummi Claudii, in quibus exhibetur vel vas frumentarium cum spicis, vel CERES AVGVSTA.

7 *Negotiatoribus*. Hæc et seq. Suet. Claud. 19.

8 *Vacationem*. Ne forent obnoxii pœnis legis Papiæ Poppææ de cœlibibus. De illa lege jam egimus sup. c. 26. et fusius in not. et em. ad An. iii, 28.

9 *Latinis*. 'Latini,' ut docet Caius Institut. i, Tit. 2. n. 2. 'sunt, qui aut per epistolam, aut inter amicos, aut convivii adhibitione manumittuntur.' Libertas illa Latina introducta A. U. C. 772. lege Junia Norbana.

10 *Jus Quiritium*. Civitatem Romanam habet Ulpian. Tit. iii, n. 6. ubi ipsum Claudii edictum memorat his verbis: 'Nave Latinus civitatem Romanam accepit, si non minorem, quam decem millia modiorum navem fabricaverit, et Romam sex annis frumentum portaverit, ex edicto divi Claudii.' Navem, quæ decem millia

quatuor liberorum¹² constituit. Quæ quidem in tanta legum mutatione duravere,¹³ usu et necessitate defensa.

31. Futuri quoque providus, et veritus ne, ob tempestatum adversa et importuosum mare, eadem rediret frugum egestas, opera duo pari et inenarrabili impendio, utilitate et exitu dispari adgressus est. Agros enim Romanos, infinitis villarum spatiis in dies magis arctatos, lacum Fucinum¹ emittendo augere incassum molitus est, prodigentiæ reus et adversus luxuriam invalidus.² Portum vero Ostiensem,³ a divo Julio⁴

modiorum contineret, nos diceremus a vessel of ninety tons. De modio Romano jam egimus sup. An. ii, 87. De Jure Quiritium Civitateque Romana, v. not. et em. ad An. xi, 23.

11 *Feminis*. Intellige de libertabus. Ingentis enim feminis tres sufficiebant liberi. V. quæ diximus in not. et em. ad An. iii, 28. ubi multa de lege Papia Poppæa.

12 *Jus quatuor liberorum*. Hoc jure libertæ patroni tutela liberabantur, sui juris vivebant, sine tutorum auctoritate testabantur, res suas administrabant, tuto capiebant quidquid eis testamento esset legatum. Huc spectat Ulpian. Tit. xxix, n. 3. 'Libertas, quatuor liberorum jure, tutela patronorum' liberari—'jam posse eas sine auctoritate patronorum testari.' Jure illo fruebatur Zosima, cujus memoria extat ap. Gruter. p. 631. 2. PERSICVS. LIBERTVS. MANVMISSVS....C. CORNELIO. PERSICO. F. HABENTI. EQVVM. PVBLICVM. CORNELIÆ. ZOSIMÆ. MATRI. EIVS. HABENTIVS. QVATVOR. LIBER. BENEFICIO. CAESAR. LIBERTIS. LIBERTAIVS. POSTERISQ. SVIS. EORVMVE. I. e. 'habenti jus quatuor liberorum beneficio Cæsaris.' At non confundenda cum hoc beneficio personali lex generalis, quam Claudius tulit ut matres liberis suis succederent. Qua quidem de lege agit Justinian. iii. Tit. iii, 1. 'Lex duodecim Tabularum ita stricto jure utebatur, et præponebat masculorum progeniem, et eos, qui per feminini sexus necessitudinem sibi junguntur adeo expellebat, ut ne quidem inter matrem et filium filiamve ultro citroque hereditatis capiendæ jus daret—sed hæ juris angustia postea emendatæ sunt. Et primus quidem divus Claudius matri ad solatium liberorum amissionum legitimam eorum detulit hereditatem.' Postea Hadriani tempore, matribus adhuc magis consultum senatusconsulto Tertulliano. De his omnibus v. erudit. Heineccium, *Antiq. Roman. Jurisprud.* iii. Tit. 3.

13 *Mutatione duravere*. Suet. Claud. 19. 'Quæ constituta hodieque servantur.'

Tac.

1 *Lacum Fucinum*. Hodie the lake of Celano, quem 'magnitudine, mari similem,' *πλάγια τὸ μέγεθος*, dixit Strabo, v, p. 240. Quadraginta circiter millia passuum ambitu continet. De hujus lacus emissione, ægre post undecim annos absoluta, quamvis continuus triginta hominum millibus sine intermissione operantibus, jam diximus multa in notis ad An. xii, 56. Qui vero accuratissimam stupendi hujusce operis descriptionem voluerit, adeat eruditam dissertationem ab erudito Fabretti scriptam de Emissario lacus Fucini. Raph. Fabretti de Columna Trajani Syntagma, p. 385 et seq. Errat vero Dio, lx, p. 672. cum ait lacum Fucinum fuisse emissum, ut magis navigabilis fieret Tiberis. In Lirim, hodie *Garigliano* emissus est: in Tiberim numquam potuit emitti. Peractum a Claudio emissarium olim meditatus fuerat Augustus; sed abstinit, victus precibus Marcorum, qui lacu utebantur. Idem consilium agitaverat Jul. Cæsar, teste Suet. Jul. 44. 'Siccare Pomptinas paludes, emittere Fucinum lacum' cogitabat.

2 *Invalidus*. Quantula enim hæc! quam imbecilla adversus luxuriam omnia vastantem remedia!

3 *Ostiensem*. Manet quidem nomen, Porto. At portus ipse, cum per sexcentos et amplius annos durasset, Barbarorum bellis, Romanorum incuria, ruderibus limoque obductus, penitus perivit. Nunquid rus est, ubi fuit olim portus Romanorum celeberrimus. Egregiam ejus descriptionem et ichnographiam vide apud Cornelium Meyer, *l'Arte di restituire a Roma la trascurata navigazione del suo Tevere*. Tab. 2.

4 *A divo Julio*. Suet. Claud. 20. Fusius Plut. in Jul. p. 735. *τῇ δὲ ἔγγιστα τῆς Πύλης θαλάσσης κλειθρὰ διὰ χυμάτων ἵπαγαγὼν, καὶ τὰ τυφλά καὶ δύσσομα τῆς Ἀστυνῆς ἡνὸς ἀνακαθάρμενος, λιμένας ἐμποιήσασθαι καὶ ναύλοχα πρὸς τοσαύτην ἀξίονιστὰ ναυτίλῳ.* 'Proximo Urbi mari claustra aggeribus imponere, cœcumque et impor-

sæpe destinatum, semper ob difficultatem omissum, nec nisi Trajani,⁵ Principis optimi, auspiciis absolvendum, felicius cœpit. Primum repugnare architecti.⁶ Sed vicit Principis auctoritas. Immensum egesta terra;⁷ mareque immissum.⁸ Grande adhuc accessit substructionis miraculum,⁹ cum navis,¹⁰ omnium maxima, qua Caius obeliscum, qui in Vaticano Circo¹¹ visitur, ex Ægypto importaverat, tribus molibus turrium altitudine in ea exædificatis Puteolano pulvere,¹² demersa est, ut Pharos,¹³ Alexandrini æmulus, superponeretur. Tantas inter operas fors obtulit spectaculum, raritate et celebritate memorandum.¹⁴ Orca,¹⁵ carnis immensæ, dentibus

tuosum Ostiæ littus repurgare, ac portus ibi moliri stationesque tantæ sufficientes navigationi.

5 *Nec nisi Trajani.* Nero quidem, inter Claudii et Trajani tempora interjectus, portum illum plurimis ornamentis auxit; unde tot ejus nummi, in quibus portus navesque et columna exhibentur cum hac Inscriptione, superius *AVGVSTI*, inferius *SPQRSTC. I. C.* 'Augusti Portus Ostiensis senatusconsulto.' Sic enim cognominabatur ut videre est ap. Dion. lxxv, p. 858. Trajanus vero non tantum ornamenta, sed portum alterum addidit, qui quoque periit. Hujus laudes v. ap. Plin. Ep. vi, 31. Olim dicebatur 'Portus Trajanus,' Ptolem. iii, 1. Loco adhuc manet nomen *Porto Trajano*.

6 *Architecti.* Immensas fore impensas causantes.

7 *Egesta terra.* Dio lx, p. 672. Ob importuosum mare opus fuit multam terram egerere, ut aperiretur portus.

8 *Immissum.* Unde Juvenal. Sat. xii, 75. 'Tandem intrat posita inclusa per æquora moles, Tyrhenamque Pharon, porrectaque brachia rursus Quæ pelago currunt medio, longeque relinquunt Italiam. Non sic igitur mirabere portus, Quos natura dedit.'

9 *Miraculum.* Dio ibid. Suet. Claud. 20. 'Portum Ostiæ exstruxit, circumducto dextra sinistraque brachio, et ad introitum profundo jam solo mole objecta: quam quo stabilius fundaret, navem ante demersit, quæ magnus obeliscus ex Ægypto fuerat advectus, congestisque pilis superposuit altissimam turrim in exemplum Alexandrini Phari, ut ad nocturnos ignes cursum navigia dirigerent.'

10 *Navis.* Illam egregie commendat Plin. xvi, 40. 'Abies admirationis præcipuæ visa est in navi, quæ ex Ægypto Cæii principis jussu, obeliscum in Vaticano circo statutum, quatuorque truncis lapidis ejusdem ad sustinendum eum adduxit: qua

nave nihil admirabilis visum in mari certum est: 120,000, modium lentis pro saburra ei fuere. Longitudo spatium obtinuit magna ex parte Ostiensis portus latere lævo. Ibi namque demersa est a Claudio principe, cum tribus molibus, turrium altitudine in ea exædificatis obiter Puteolano pulvere, advectisque. Arboris ejus crassitudo quatuor hominum ulnas complectentium implebat.' Paucis eadem repetit Plin. xxxvi, 9. n. 4.

11 *Vaticano Circo.* De Circo et obelisco dictum est sup. An. xiv, 14.

12 *Puteolano pulvere.* Hodieque appellatur *Pozzolana*: nomen ducit a Puteolis, nunc *Pozzuolo*, urbe Neapoli vicina. Puteolani pulveris hæc est natura, ut si aquam attingat, saxum fiat. Unde Plin. xxxv, 13. 'Quis enim satis miretur pessimam ejus [terræ] partem, ideoque pulverem appellatum in Puteolanis collibus, opponi maris fluctibus: mersumque profinus fieri lapidem unum inextinguibilem undis, et fortiores quotidie, utique si Cumano misceatur cæmento.'

13 *Pharos.* Locus, ubi fuit Alexandriæ Pharos, adhuc vocatur *Torre Alessandrina*. Quanta fuerit tum Ostiensis, tum Alexandrini phari magnificentia, inde æstimare licet, quod in Alexandriæ pharo fuerit turris, quæ constitit octingentis talentis, *Angl.* 180,000*l.* teste Plin. xxxvi, 12.

14 *Memorandum.* Historiam narrat Plin. ix, 6. testis ipse oculus. 'Orca et in portu Ostiensis visa est, oppugnata a Claudio principe. Venerat tunc ex ædificante eo portum, invitata naufragiis tergorum advectorum e Gallia, satiansque se per complures dies, alveum in vado sulcaverat, accumulata fluctibus in tantum, ut circumagi nullo modo posset: et dum saginam persequitur, in littus fluctibus propulsa, emineret dorso multum supra aquas carinæ vice inversæ. Præterdi jussit Cæsar pla-

truculenta, portum subiit. Per complures dies satiata naufragiis tergorum e Gallia advectorum, vado tam profundum incubuit, ut circumagi nequaquam posset. Dum saginam persequitur, fluctibus in littus propulsa, dorso supra aquas inversæ carinæ instar eminuit. Admirationi, dein ludo, patuit bel-lua. Adstante Principe, comitantibus cohortibus prætoriiis, spectante populo Romano, cum monstro a multo milite dimi-catum. Numerosa lancearum vis congesta e navigiis adsultan-tibus, quorum unum, reflatu belluæ oppletum unda, periit.

32. Alia ludorum genera, Romæ habita, non ferino, sed hu-mano furore, Principisque dedecore fœda, in Urbis luctum cito erupere. Nam certamina, stante republica, ad duranda corpora et erigendos animos instituta, vigente dominatione, effervare Principes, qui ex funerum adsuetudine ad atrociam libita insolescebant. In his gladiatoriiis muneribus, insitam natura et literis humanitatem Claudius exuit,¹ tanto facilius, quod se primum servilis audaciæ vindicem esse gloriabatur, et eo sanguine gaudebat populus. Servos ergo libertosque, falsis in dominos criminationibus, Tiberio Caioque imperi-tantibus, famosos, feris objecit.² Rei quidem, verum aliis poenarum generibus multandi, cecidere tam multi, ut Augusti statuam, eo loci positam, alio transferri jusserit,³ ne vel cæ-des semper inspicere videretur, vel semper velata esset. Haud erubesciente Principe ea jubere et spectare, quibus æream Augusti imaginem interesse, eum puderet.

33. Tot cædibus obduruir:⁴ sæpe ausus imperare, gladia-tores,⁵ ac maxime retiarios⁶ jugulari, ut expirantium facies

gas multiples inter ora portus: profec-tusque ipse cum prætorianis cohortibus populo Romano spectaculum præbuit, lan-ceas congerente milite e navigiis assultan-tibus, quorum unum mergi vidimus, reflatu belluæ oppletum unda.⁷ Imperante Sep-timio Severo, cetus portum illum adhuc appulit; tantæ autem magnitudinis, ut ejus effigies, in amphitheatrum introducta, quinquaginta ursos caperet, Κῆτος ὑπερμέ-γαις ἰς τὴν τοῦ Ἀδριανου ἱακίαν λιμένα ἐξώκειτο, καὶ ἰάτω, καὶ τὸ μέγεθος αὐτοῦ, εἰς τὸ κορυφίσαι ἰσχυρῶς, πνέοντα ἄρκτους ἵσω ἐδίετο.

15 Orca. Orca est a whale with teeth. Eruditus Shaw, *Voyages*, vol. i, p. 335. memorat orcam, sexaginta pedes longam, sub muros urbis Algeris ante aliquot an-nos projectam. Quod Algerianis ita por-tentosum visum est, ut ne quid exitii reg-no suo immineret, metuerent.

1 Claudius exuit. Id quoque adnotavit Cl. de Montesquieu, *Considérations sur les causes de la grandeur des Romains et*

de leur décadence, c. 15. p. 155 et 156. verasque causas attulit cur apud nos sit humanitas, dum apud Romanos tanta vi-guit crudelitas. Suetonius, hominum rudis, licet multa scripserit, quibus in eorum no-titiam venire potuisset, perperam ait in Claud. 34. eum 'sævum et sanguinarium natura fuisse.'

2 Feris objecit. Dio lx, p. 673.

3 Alio transferri jusserit. Dio ibid.

1 Obduruir. Hæc tamen tam pudenda, tam horrenda cum agerentur, Seneca exul, Consol. ad Polyb. 26 et 36. appellabat Claudium Principem 'maximum, mitissi-mum, omnium Principum mitissimum.' Quod calamitosi ingenii propudium!

2 Imperare, gladiatores. Suet. Claud. 34. Alia multa id genus probra ibidem narrat, quæ indignationem moveant. Nihil enim Principem magis dedecet, quam cru-delitas.

3 Retiarios. Retiarii, armati rete et tri-dente, cum secutoribus, seu myrmilloni-bus, pugnabant. In eo posita retiarii

videret. Mox a facinorosis vilioribusque capitibus ad meliora nobilioraque impetum cepit, Messalina et libertis crudelitatis instinatoribus; ac, si quid hæsitaret, metu imminenti periculi⁴ ad audaciam impellentibus. C. Appium Silanum,⁵ Hispaniæ rectorem, iis artibus circumvenere. A Principe accitus, in Urbem redierat; acceptaque in matrimonium matre Messalinæ, summa erat adepturus, si ipsi minus virtutis, Messalinæ minus libidinis fuisset. At eam, ne materni quidem thalami reverentem, aversatus, despectam cupidinem in odium tanto implacabilius, quanto turpius, vertit. Cum tamen nihil esset criminis, quod objiceretur, adversus eum per commenta grassari consenserunt Messalina et Narcissus; divisasque inter se partes ita sunt exsecuti.

34. Narcissus, similis attonito, Claudii cubiculum ante lucem inrupit,¹ adfirmans "somniaſſe se vim Principi ab Appio inlatam." Messalina, in admirationem formata, "sibi quoque eandem speciem aliquot jam noctibus obversari" retulit. Nec multo post ex composito "inrumpere Appius" nuntiatur, cui pridie ad id temporis ut adesset præceptum erat: quasi plane repræsentetur somnii fides, "arcessi statim ac mori" jubetur. Postero die Claudius, fraudis, nedum sceleris, minime suspicax, ordinem rei gestæ pertulit ad senatum, ac liberto gratias egit "quod pro salute sua etiam dormiens excubaret."

35. Tum omnes indignari: Principem, imbecillitate crudelem, formidare. Proceres, quibus plus imminet periculi, et majores sunt spes, novas res meditantur. Annus Vinicianus,¹ harum appetens, sed, quod deerant milites, movendis impar, Furium Camillum Scribonianum, Dalmatiæ legatum, ad defectionem literis sollicitat:² eo facilius ad consilia traxit, quod imperii avidus esset, nec indignus haberetur, legionesque cum multis auxiliis suppeterent. Permotæ ducis aucto-

ars, ut myrmillonum capita rete suo implerent. Post eos prosternerant, et tridente perfodiebant. Retiarii imaginem v. ap. Cl. Gori, Inscript. Antiq. vol. iii, p. 99.

⁴ *Imminenti periculo.* Ad cetera Claudii vitia accessit illud in Principibus maximum, quod 'nihil aque quam timidus ac diffidens fuit.' Suet. in Claud. 35. Inde 'nulla adeo suspicio, nullus auctor tam levis extitit, a quo non mediocri scrupulo injecto ad cavendum ulciscendumque compelleretur.' Suet. Claud. 37. Ita animatus Princeps 'totum ex magna parte principatum, non tam suo, quam uxorum libertorumque arbitrio administravit: talis utique plerumque, qualem esse eum aut expediret illis, aut liberet,' Suet. Claud. 25. Infelix, qui semper vel novis terculamen-

tis, vel patratum scelerum conscientia exagitaretur. Dio lx, p. 674.

⁵ *C. Appium Silanum.* Historiam paucis narrat Suet. in Claud. 37. pluribus Dio lx, p. 674. Silanus consocer Claudii dicitur Suetonio in Claud. 29. quod filium suum Octaviæ desponsasset.

¹ *Inrupit.* Hæc totidem ferme verbis Suet. Claud. 37.

¹ *Annus Vinicianus.* Dio lx, p. 674. Jam sub Tiberii principatu majestatis postulatus fuerat Vinicianus, ut vidimus sup. An. vi, 9. Post Caii cadem eum imperio dignum visum fuisse tradit Dio l. c.

² *Sollicitat.* Dio, ibid. De hac quoque defectione scripsere Suet. Claud. 13. Tac. An. xii, 52.

ritate, novitatis inlecebra, mutant sacramentum.³ Senatores plurimi et equites, easdem partes secuti, Dalmatiam petunt.

36. Scribonianus, adspirantis fortunæ initiis elatior, ratusque timidam Claudii mentem citra bellum terrori posse, eum contumeliosa minacique epistola "cedere imperio"¹ jubet, "vitamque otiosam in privata re agere." Mobilis Cæsar jam dubitabat, adhibitis principibus viris,² an obtemperaret, cum nuntiatum est "Scriboniani fortunam evanidam periisse; legionum neque aquilas ornari,³ neque signa convelli moverique potuisse: milites Deum metu, violatæ fidei pudore in penitentiam conversos, Claudii imagines adorasse, renovasse sacramentum. Scribonianum, amentem animi, in Issam insulam⁴ profugisse; ibique a Volaginio, in uxoris gremio, occisum⁵ quinto rebellionis die."

37. Talibus nuntiis e timiditate ad securitatem revocatus Princeps, Volaginium e gregario milite ad summa militiæ provexit;⁴ atque, ut exercituum fidem consecraret, præter solita præmia voluit "legiones septimam et undecimam Claudianas,² pias, felices a senatu appellari;"³ laudem providi Principis reportaturus, si, punitis flagitii repertoribus, ceteros dissimulasset, aut clementia devinxisset. At Messalina et liberti, arrepta hac sæviendi et in quorumvis fortunas involandi occasione, eum ad immodicam severitatem exasperarunt.⁴ Vinicianus alique plurimi voluntaria morte iudicium

3 *Sacramentum.* Quod prius Claudio dixerant.

1 *Cedere imperio.* Suet. Claud. 35.

2 *Principibus viris.* Suet. ibid.

3 *Aquilas ornari.* Ob novi principatus initia, aquilas signaque ornare volvere milites: quo de usu diximus sup. An. iii, 2. Rem vero narrat Suet. Claud. 13. "Bellum civile movit Furius Camillus Scribonianus, Dalmatiæ legatus: verum intra quintum diem oppressus est, legionibus, quæ sacramentum mutaverant, in penitentiam religione conversis, postquam denunciato ad novum imperatorem itinere, casu quodam, an divinitus, neque aquilæ ornari, neque signa convelli moverique potuerunt."

4 *Issam insulam.* In ora Illyrici, de qua Plin. iii, 26. 'Issa civium Romanorum, et cum oppido Pharia.' Hodie appellatur *Lesina*.

5 *Occisum.* Juxta Dion. ix, p. 674. Scribonianus voluntariam mortem oppetiit, *εὐθούσιος ἀπέθανε*. Sed potior fides habenda Tacito, Hist. ii, 75. eum a Volaginio, gregario milite, occisum scribenti. "Propter adventum Apostoli Petri Romam, et tenera Christianorum germina, vix dum adhuc pauca ad sanctæ fidei professionem erumpentia, hanc exorientem tyrannidem et consurgens istud civile bellum esse com-

pressum" contendit pius Orosius, vii, 6. Adventitiis istis et incertis argumentis minime indiget certa et inconcussa Christianorum fides. Vidi nummum hujus Scriboniani, ex ære magno, sed spurium. In antica parte, FURIUS CAMILLVS. Caput Scriboniani diadematum. In postica, miles dextra, hastæ, sinistra, clypeo innititur.

1 *Proverxit.* Tac. Hist. ii, 75.

2 *Claudianas.* Ideo septima legio 'Claudiana' dicitur Tacito Hist. ii, 85. Eadem nuncupatio occurrit in nummis Gallieni a Bandurio, Numismat. Imper. Rom. vol. i, p. 168. laudatis LEG. VII. CL. VII. P. VII. F. I. E. 'legio septima Claudiana, septimum pia, septimum fidelis.' LEG. XI. CL. VI. P. VI. F. I. E. 'legio undecima Claudiana, sextum pia, sextum fidelis.'

3 *A senatu appellari.* Dio ix, p. 674. *τὸ τι ἱβδομον καὶ τὸ ἐνδεκατον (στρατόνιδον), καὶ Κλαυδία, καὶ Πιστὰ, καὶ Ἐδισβή, καὶ πρὸς τῆς βουλῆς ὀνομασθῆναι.*

4 *Exasperarunt.* Ita ut ultioni tantum intentus, militibus signum peteribus saepe daret versum hunc Homericum, Od. xvi, 72. *Ἄνδρ' ἀπαμύνασθαι, ὅτι τι πρότερος χαλεπήνῃ.* 'Ulcisci fas est, si quis nos læserit ante.' V. et Suet. Claud. 42.

antevenere.⁵ Ceteri, senatores, equites, viri ac mulieres custodiis carceribusve⁶ attinebantur: ad indicium attracti non modo servi ac liberti, sed ingenui quoque tum peregrini, tum cives: nonnulli etiam senatorii et equestris ordinis tormentis subditi, licet, ineunte principatu, "se nemini libero⁷ tormenta adhibiturum" jurasset Claudius. Ipse, medius inter consules, sella curuli aut tribunicio subsellio sedens, adstantibus prætorii præfectis, præsentibus libertis, ad senatum referebat, læsamque majestatem ulcisccebatur.

38. Præter viros, fœminæ complures in carcere supplicio adfectæ;¹ quod fœdus,² aliæ, captivarum instar, vinclis onustæ, ad tribunal protrahabantur, earumque corpora in Gemonias projiciebantur. Enectorum vèro extra Urbem capita tantum³ exposita. Liberis vita,⁴ quibusdam paterna bona⁵ permissa. Sed odium severitatis auxit nocentissimorum impunitas, quam a Messalina et libertis favore et pecunia redemere;⁶ ut scelere, ita et gratia infames.

39. Feralem scenam paucorum fortitudo illustravit. Hos inter famam promeritus est Galæsus,¹ Scriboniani² libertus: inductus enim in curiam multa locutus est libere. A Narcisso autem, in medium prorumpere auso, interrogatus, "quidnam ageret, si Scribonianus imperaret;" forti responso, "a tergo adstans, tacerem," ejus insolentiam retudit.

40. At memoriam omnem vicit Arria,¹ Cæcinæ Pæti uxor. Jam plurima laude² nobilis, et apud Messalinam acceptissima, potuisset se a marito, Scribonianæ conjurationis socio,

⁵ *Antevenere.* Dio lx, p. 675.

⁶ *Custodiis carceribusve.* De iis diximus sup. An. iii, 22.

⁷ *Nemini libero.* Hæc omnia Dio l. c. Ap. læsum Principem juramento validior lex Julia, de qua Julius Paulus, Sentent. v. Tit. 29. "In reum majestatis inquiri prius convenit, quibus opibus, qua factione, quibus hoc auctoribus fecerit: tanti enim criminis reus non obtentu adulationis alicujus, sed ipsius admissi causa puniendus est. Et ideo cum de eo quaeritur, nulla dignitas a tormentis excipitur."

¹ *Supplicio adfectæ.* Hæc et seq. Dio ibid.

² *Fœdus.* Fœditas enim atrox fœminas vinclis onerari, ad tribunal protrahi, cæsarumque corpora in Gemonias projici.

³ *Capita tantum.* Et hi erant viri honestissimi. Nam, ut docet Paulus, l. c. "Humiliores bestiis obijciuntur, vel vivi exurantur; honestiores capite puniuntur." Non in Urbe, sed extra Urbem plectebantur. V. An. i, 61, et xv, 67.

⁴ *Vita.* Imperante Tiberio in Sejani li-

beros acerbe sævitum, ut vidimus in Suppl. An. v, 43 et 49.

⁵ *Paterna bona.* Dio lx, p. 675. Non omnibus, sed quibusdam tantum paterna bona permissa sunt, quod reorum majestatis bona vel fisco, vel ærario addicebantur. Crevit pœna, imperantibus Arcadio et Honorio, qui non modo reorum majestatis bona fisco adjudicavere, sed eorum quoque liberos ab omni hereditate et dignitate excludere, ut semper miseri tædium vitæ, mortisque cupiditatem, in paterni sceleris penam et odium, passim circumferrent.

⁶ *Redemere.* Dio ibid.

¹ *Galæsus.* Rem narrat laudatque Dio ibid. In medium curiam, et ante Principem prorumpere ausus est Narcissus.

² *Scriboniani.* Galæsus libertus erat Furii Camilli Scriboniani, de quo sup. c. 35.

¹ *Arria.* Ejus historiam paucis memorat Dio ibid. Tac. An. xvi, 34. Pluribus Plin. Epist. iii, 16. quam totam epistolam edidimus inter Testimonia Veterum.

² *Plurima laude.* Constantiæ imprimis, quam in morte filii et mariti morbo fortiter probavit. V. Plin. l. c.

segregare, et superstes vivere. Sed vita mortī posthabita, cum Pætus, occiso Scriboniano, navem esset ascensurus ut Romam traheretur, ipsa milites oravit, “ut simul imponeretur.”³ “Daturi,” inquit, estis consulari viro⁴ servulos aliquos, quorum e manu cibum capiat, a quibus vestiatur, a quibus calcietur: omnia vel sola præstabo.” Re non impetrata, conducit piscatoriam naviculam, ingensque navigium minimo sequitur.

41. Mox, cum Romam venit, causam apud Claudium dicit; uxoremque Scriboniani, indicium profitentem,¹ increpans, “ego,” inquit, “te audiam, cujus in gremio Scribonianus occisus est, et vivis?” Tantam animi ferociam miratur et timet Thræsea,² ejus gener; quæque sibi evenirent quasi præcitus, deprecatur “ne mori pergat: filiamque suam cum marito,³ si sibi pereundum quoque fuerit, mori cogat.” Arria, tanto animosior, quanto filia carior, respondet, “si tam diu tantaque concordia vixerit tecum, quam ego cum Pæto, volo.”⁴

42. Aucta hoc responso suorum cura, attentius custoditur. Id sentit, et queritur, “eos nihil agere: posse quidem efficere, ut male moriatur: ne moriatur, non posse.”¹ Hæc vix efflata, exsilit cathedra; adversoque parieti capite ingenti impetu impacto, corruit sensus expers, constantiæ tamen haud immemor. Nam refocillatæ prima verba fuere: “dixeram vobis inventuram me quamlibet duram ad mortem viam, si vos facilem negassetis.” Tam acriter suprema tentantem fors juvit. Extrema enim necessitate marito nuntiata, percussorem exosus, nec tamen mortis satis firmus, pugione pectus prætentabat. Testis Arria ferrum stringit, perfodit pectus, extrahit pugionem, porrigit marito; additaque voce,² “Pæte, non dolet,”³ occumbit.

43. Absimili, sed æque singulari facto Lucius Otho¹ inclauit. Recti enim pervicax, ausus est in Illyrico milites quosdam, quod motu Scriboniani ex poenitentia præpositos suos,

³ *Simul imponeretur.* Hæc et seq. totidem ferme verbis Plin. l. c.

⁴ *Consulari viro.* Fuerat ergo Pætus consul suffectus. Ejus enim nomen nusquam in Fastis occurrit.

¹ *Indicium profitentem.* Conjuratæ socios indicantem.

² *Thræsea.* Thræsea Pætus, quem Nero, scelus suorum non satis certus, nisi virtutem ipsam excinderet, interfecit; ut fuscè narratum An. xvi, 21 sq.

³ *Cum marito.* Thræsea, qui Arriam, Arriæ filiam uxorem duxerat.

⁴ *Volo.* Hæc omnia Plin. l. c.

¹ *Non posse.* Plin. ibid.

² *Voce.* Vocem illam ‘immortalem ac poenæ divinam’ appellat Plin. ibid. Quantum in hac Stoica ferocia insanierint Veteres omnibus compertum, satisque diximus in not. et em. ad An. vi, 29.

³ *Non dolet.* Verbo, fortitudinis pleno, nescio quid urbanitatis male addidit Martialis. i, 14. ‘Casta suo gladium cum traderet Arria Pæto, Quem de visceribus traxerat ipsa suis. Si qua fides, vulnus, quod feci, non dolet, inquit: Sed quod tu facies, hoc mihi, Pæte, dolet.’

¹ *Lucius Otho.* Pater M. Othonis, qui postea fuit Imperator.

quasi defectionis adversus Claudium auctores, occiderant, capite punire,² et quidem ante principia,³ se coram : quamvis ob id ipsum promotos in ampliorem gradum a Claudio sciret. Gloriam apud militaris disciplinae peritos adeptus, gratiam apud Principem minuit. Hanc, relictis nefariis Romani equitis adversus eum consiliis, ut anno proximo opportunius expediam,⁴ non modo recuperavit, sed etiam auxit, magna priscae severitatis, maxima infractae fidei laude. Hoc anno, uno e tribunis plebis defuncto, ceteri, quamquam praesentibus consulibus, senatum coegere⁵ ut alter sufficeretur.

A. U. C. 796. J. C. 43.

44. Tiberio Claudio Caesare III. et L. Vitellio II. consulibus,¹ festorum solemniūque dierum numerus in immane creverat.² Malum pietate coeptum, auctum licentia, gliscens in dies adulatione, repressit Caesar, non extinxit :³ immo moribus ad inaniora delabentibus, revaluit⁴ cum majore religionum et imperii detrimento. Abolita simul reliqua Caii dominationis opprobria : quaeque vel nefarie, vel immerito donaverat, aut rapuerat, restituta.⁵ Curatoribus viarum praefere dignitatem reddita quoque pecunia, quam damnationibus et hasta extorserat Corbulo.⁶ Paululum mollita lege,⁷ edictum " ut provinciarum rectores ante medium Aprilē ex Urbe in provincias suas discederent."

45. At saevitum in Lycios,¹ qui, exuta veteri modestia, exitalibus inter se discordiis laborabant, et Romanos aliquot occiderant. Iis adempta libertas, quam olim constantia et fide, piratis² maria omnia infestantibus, erant promeriti. Lycia contributa Pamphyliae tum tanto fideliori, quod ante

² *Capite punire.* Hæc omnia totidem verbis Suet. Oth. 1.

³ *Ante principia.* De principiis, loco castrorum sacratissimo, dictum sup. An. i, 61.

⁴ *Expediam.* Inf. c. 49.

⁵ *Senatum coegere.* Dio lx, p. 676.

¹ *Consulibus.* Tiberius Claudius Caesar III. L. Vitellius II. cons. fuere A. U. C. 796. J. C. 43. In vet. inscr. ap. Muratori, Thes. Inscr. vol. i, p. 304. TI. CLAUDIO. CAES. III. L. VITELLIO II. COS.

² *Creverat.* Dio lx, p. 676.

³ *Non extinxit.* Immo tam cito recondit, ut, Nerone principatum ineunte, adhuc consultatum, ut dividerentur sacri et negotiosi dies, quæ divina colerentur, et humana non impedirentur, ut dictum est An. xiii, 41.

⁴ *Revaluit.* Ita ut totus ferme annus vel sacris, vel ludis absumeretur, ut patet

ex veteribus Kalendaris. Quantum inde et religionum et commercii detrimentum emergeret facile cuivis aestimare. Saltem, ne hac pietatis specie fas jusque vanesceret, M. Aurelius Antoninus postea 'fastis dies judicarios addidit, ita ut ducentos triginta dies annuos rebus agendis litibusque disceptandis constitueret.' Jul. Capitolin. in M. Antonin. 10.

⁵ *Restituta.* Dio, l. c.

⁶ *Corbulo.* De quo jam dictum sup. in Suppl. An. viii, 2.

⁷ *Mollita lege.* Antea enim fuerat sanctum, ut ante Kal. April. ex Urbe proficiscerentur, ut vidimus sup. c. 26.

¹ *Sævitum in Lycios.* Dio lx, p. 676.

² *Piratis.* De Piratico bello diximus sup. An. xii, 62. In hoc bello quam strenui fidelesque Romanis fuerint Lycii, quam vero infida Pamphylia docet Strabo xiv, p. 664 et 665.

Cn. Pompeii¹ victoriam fuerat cum piratis latrociniorum socia.

46. Dum Claudius hac de re in curia cognoscebat, Lycium quemdam,¹ civem Romanum, Latine adlocutus, eum Romani sermonis rudem esse indignatus est, jureque civitatis privavit: semper, uti adsolent impotentes Principes, indecora inter et decora ambiguus. Nam simul, iniquas grassandi artes exosus, ne criminationibus civium Romanorum jus violaretur vetabat:² simul levissimis de causis jus illud vel ipse adimebat, vel ita abjecte publicabat "ut vitreis fractis venale,"³ diceretur. Majore adhuc licentia, et quovis pretio apud Messalinam et libertos prostabat. Sic nomen, quanta cum imperii utilitate, tanta Urbis laude, cum præstantissimis et opulentissimis exterarum regionum viris sapienter a majoribus communicatum, cœpit evilesce.

47. Nec Messalina his prædationibus contenta; sed dominationis cupidine, qua nulla in fœminis acrior, magis accensa, imperii munia, conspirantibus libertis, in se trahere:¹ exercituum, provinciarum præfecturas vendere: in tota republica tam inclementer auctionari, ut, cum ne emendi quidem superesset facultas, Claudius populum in campum Martium coegerit, ibique rerum pretia statuerit; publico suo dedecore, maximoque libidinum incitamento, quæ numquam ferocius vigent, quam cum mollioribus remediis inritatæ.

48. Post hæc enim cœpit Messalina nihil moderati habere; nec jam libidinibus, sed sceleribus certare:¹ dignitate ad audaciam abuti: pudicitiam publicare: nobilissimos quosque viros ac fœminas ad voluptatum monstra provocare: si ad-senserint, gratiam; si dissenserint, odia dividere: Claudium spectaculorum inlecebris ludificari: eum muliebri famulatio ita cingere, ut, dum hæc stupente et indignante Urbe in propatulo patrabantur, unum Principem laterent, ipseque histrionem

3 Cn. Pompeii. Qui oram maritimam a prædonibus liberavit, et imperium maris populo Romano restituit, Plin. vii, 26. Vide quoque Plut. in Pomp. p. 642.

1 Lycium quemdam. Id tradit Dio lx, p. 676. Forte Claudius gloriabatur se hac in re imitari Augustum, qui traditur 'legato consulari successorem dedisse, ut rudi et indocto, cujus manu ixi pro ipsi scriptum animadverterit.' Suet. Aug. 88.

2 Vetabat. Coercuit enim, teste Dione, loc. cit. delatorum nequitiam, qui homines ab ipso donatos jure civitatis arguebant, quod Claudii nomen non usurparent, testamentoque nihil ei legarent. Sed simul et isti Lycio et aliis plurimis civibus Romanis imitem se præstabat, et immerito jus civitatis adimebat, ut observat ibidem

Dio.

3 Venale. Dio l.c. Οὕτως ἐπὶ τῆς εὐχρησίας ἰπενωρίσθη, ὥστε καὶ λογοποιηθῆναι, ὅτι καὶ τὰν ὑδάτιν τὴν σκίην συντετραμμένα διὰ τινι, πόλιντος ἴσται. 'Ob parandi facilitatem adeo vile factum est [jus civitatis Romanæ,] ut vulgo jactatum fuerit, etiam si quis alicui vasa vitrea confracta dedisset, civem Romanum fore.'

1 In se trahere. In his Messalinæ probis recensendis multus est Dio lx, p. 676 et 677.

1 Sceleribus certare. Horrenda libidinum et scelerum 'meretricis Augustæ' monstra, quæ hic exscribere puderet, memorant Plin. x, 63. et Juvenal. vi, 115 sq. V. quoque Dion. l. c.

Mnesterem, Messalinæ flagitia paventem, ipsius jussis esse obnoxium² juberet. Justus Catonius,³ prætoriarum cohortium præfectus, cum publicam infamiam indicio ulcisci pararet, Messalinæ odio, Claudii jussu morte adfectus est. Iisdem artibus, crimine incerto, nec defensione ulla data, Juliæ,⁴ altera Drusi, altera Germanici filia, D. Augusti proneptes, ferro fameve enectæ.

49. Hæc Cæsareæ domus funera Claudii nece cumulare meditabatur eques Romanus. Scelus L. Otho, prodentibus servis, comperit, et detexit, magna quidem cum laude, quod anno superiore, uti jam diximus,¹ gratia apud Principem exciderat. Reus a tribunis plebis et consulibus e Tarpeia rupe² dejectus est. Mox de L. Othonis honoribus consultatum. Senatus eum rarissimo honore, statua in palatio posita, prosecutus est.³ Claudius quoque, ut præstito officio, ita liberalitate potior, Othonem inter patricios adlegit; collaudansque amplissimis verbis, adjecit, "virum esse, quo meliores liberos habere ne optaret quidem."

50. Tum oblata tandem, quæ per tot annos defuerat, bellorum materies. Bericus,¹ aliique ex Britannia ob seditionem profugi, insulam, a D. Julio prospere tentatam, nunc domesticis dissensionibus et inexperta novorum regum ætate vinci facilem, Claudio demonstravere. Eo libentius auditi, quod triumphi decus quæreretur Princeps, nec occupationes, quæ libidines suas occulerent, aversaretur Messalina. Insuper Britanni ob non redditos transfugas tumultuabantur.² Itaque jussu est Aulus Plautius³ e Gallia⁴ exercitum in Britanniam transmittere, dum Cæsar elephantos ceteraque bellorum terricula pararet.

51. At legiones, secum reputantes quantula D. Julius in Britannia gessisset, quam dira perpessus esset in Oceano Germanicus, exoticam et ultra terrarum fines militiam, ple-

² *Esse obnoxium.* Tac. An. xi, 36.

³ *Justus Catonius.* Dio l. c. Illum quoque inter plurimos a Claudio occisos numerat Seneca in Apocolocynt. Forte idem ipse est ac Justus Catonius, quem 'primi ordinis centurionem' jam vidimus sup. An. i, 29.

⁴ *Juliæ.* Suet. Claud. 29. Dio lx, p. 677. et Seneca in Apocolocynt. Augustum ita loquentem inducit: 'Hic, P. C. qui vobis non posse videtur muscam excitare, tam facile homines occidebat, quam canis exta edit—Iste quem videtis, per tot annos sub meo nomine latens, hanc mihi gratiam retulit, ut duas Julias, proneptes meas, occideret, alteram ferro, alteram fame—Dic mihi, dive Claudii, quare quem-

quam ex his, quos, quasque occidisti, antequam de causa cognosceres, antequam audires, damnasti? hoc fieri solet? in cælo non fit.' De utraque Julia v. Stem. Cæs. n. 74 et 97.

¹ *Diximus.* Sup. c. 43.

² *Tarpeia rupe.* Dio lx, p. 677. De rupe Tarpeia jam dictum An. vi, 19. et Hist. iii, 71.

³ *Prosecutus est.* Hæc et seq. Suet. Oth. 1.

¹ *Bericus.* Dio lx, p. 677.

² *Tumultuabantur.* Suet. Claud. 17.

³ *Aulus Plautius.* Dio ibid. v. et Tac. Vit. Agr. 13 et 14.

⁴ *E Gallia.* E Gallia Belgica, Rhœnanisque legionibus.

nam discriminis, laudis vacuum, aspernabantur. Plautius, vir bello egregius, gnarusque milites frustra ad odiosa impelli, eos cunctando ad spem amoremque victoriae adducebat. Cæsar, morarum impatiens, Narcissum mittit,¹ qui rem deproperet. Is, personam juraque Principis in Urbe usurpare solitus, Plautii tribunal conscendit. Milites, superbum genus, et opprobrii indignatissimum, liberti audaciam exhorrescunt: "Io Saturnalia"² occlamitant; et personatum Principem ludificati, "Plautium ducem suum esse: quo jusserit, statim ituros" gloriantur.

52. Plautius, ne indignatio, ad res quasque, et imprimis militares validissima, elanguesceret, confestim naves conscendit; copiasque in tres partes¹ distraxit, ut suis facilius, hostibus formidolosior foret adpulsus. Reflante vento aliquandiu retroacti: restitire tamen, tum poenitentiae pudore, tum facis ab Oriente ad Occidentem² transcurrentis visu ad pertinaciam obfirmati; navesque plano et nudo littore constituere. Nam Britanni, adversante vento, nihil sibi timendum rati, et in sua remigrantes defensionem omiserant. Ubi autem audiere Romanos adpulisse, terror, uti adsolet, barbaros attonuit. Nec redire, nec congrédi ausi, se in paludes ac sylvas abdidere, ut sicut olim D. Julium mora fatigaverant,³ ita Plautium otio frangerent.

53. At ille, haud nescius lentitudine suos defecturos, hostes valituros, statim bellum adgredi: latitantes Britannos venari: omnibus vestigiis indagare; ac tandem divulsos offendere, qui vix, sociati, fuissent bello pares. Devicto Catarataco,¹ mox caeso Togodumno,² Cunobelini nuper mortui filiiis, fuga salutem quaesire; parsque Bodunorum,³ qui Catwillanensis⁴

¹ *Narcissum mittit.* Narcissus praepotens Claudii libertus, cujus mors memorata est sup. An. xiii, 1.

² *Io Saturnalia.* Mos enim erat Saturnalibus, ut id festum, summa dominorum persona, servi celebrarent. Dio lx, p. 667.

¹ *In tres partes.* Dio l. c. Eruditus autem Bucherius, Belgium Romanum, iv, 11. n. 5. existimat Romanum exercitum in tres partes ita divisum fuisse ab Aulo Plautio, ut primam partem e Batavis, secundam e Menapiis juxta Brugas, *Bruges*, tertiam e Morinis et Iccio Caesaris portu, nunc *Boulogne*, Occidentem inter ac Bozeam solvere jusserit. Ita a vento Occidentali maxime in Orientem retroacti, facis rursus ab Oriente in Occidentem discurrentis signo recreati sunt: inde, priore cursu repetito, Britannis jam a littorum custodia digressis, in Britanniam sunt advecti.

² *Ad Occidentem.* Quem navigando petebant. Dio ibid. De his facibus v. Plin. ii, 26.

³ *Fatigaverant.* V. Jul. Cæs. B. G. v, 8 sq.

¹ *Catarataco.* Dio lx, p. 678. eum appellat Καταράτακον.

² *Togodumno.* Dio ibid.

³ *Parsque Bodunorum.* Dio ibid. Boduni, aliis dicti Dobuni, provincias illas obtinebant, quas nunc dicimus *Oxford and Gloucester*.

⁴ *Catwillanensis.* A Dione ibid. appellantur Κατωίλλανοί. At in veteri lapide, qui in vallo *Picts-Wall* repertus est, dicuntur Catwillaneni. CIVITATE CATVILLANORVM. V. Transact. Phil. vol. xxx, n. 356. p. 813. Tenuere provincias, quas nunc vocamus *the counties of Buckingham, Hertford and Bedford*.

parebant, in fidem recepta. Præsidio ibi relicto, Plautius ad annem⁵ progressus, hostes, quasi insuperabili obice defenderentur, in secordiam resolutos reperit: jubet Gallos,⁶ flumina in armis tranare solitos, "impetum in eos facere: viris parere; sed equos telis figere: cetera se provisurum." Jussa facessunt alacres. Britanni, insperata audacia perturbati, in esseda⁷ se recepere. At, undique vulneratis equis, curribus excussi, obtritique, multa cum strage inulti pereunt.⁸

54. Interea Fl. Vespasianus, ad summa genitus, ejusque frater Sabinus,¹ legatus, annem trajecerant. Hostes, Gallorum² inruptione et suorum luctu turbidos, inopinato adorti, plurimos interfecere. Qua clade non dejecti, inritati magis Britanni, sumtoque ex furore consilio, patientiam incusant, seque ad prælium accingunt: nec nisi in posterum diem differtur. Utrinque acerrime pugnatum: nutabat victoria; jamque hostes Hosidium Getam³ circumsistebant, cum pericula in eorum exitum is convertit, eosque tam fortiter superavit, ut, licet nondum consul fuisset, triumphalia insignia⁴ obtinuerit.

55. Infeliciter tentata fortitudine, Britanni ad artes refugere. Properant ad Tamesis, æstu intumescente ad crescentis, ostia, gnaris locorum tuta, ignaris infida, flumenque trajiciunt. Romani, eos prosecuti incautius, periclitati. At Galli, ob rei difficultatem audaciores, enatant, dum alii, supra eum locum per pontem transgressi, simul Britannos adoriuntur, et multiplici pugnae imparatos ingenti clade prosternunt. Lætissimam victoriam luctus occupavit. Fugitivos enim dum ipsi inconsultius quoque insequerantur, inviis paludibus cum multa suorum jactura hausti sunt.¹

56. Plautius, populos, neque Togodumni nece, neque suis cladibus fractos, sed ferocia iraque tumentes, non temere provocandos ratus, occupata loca firmat præsidiis:¹ castraque in dextra Tamesis ripa metatus,² res gestas, quidque sit periculive, uti erat jussus, Principi renuntiat. Addit "validas quidem esse gentes: at si cetera ad id bellum parata ac-

⁵ *Ad annem.* Sane Tamesim, nunc the Thames. Dio l. c. Ἐπὶ ποταμῷ τινί.

⁶ *Gallos.* Nempe Germanos inferiores, fluminum accolas, et maxime Batavos, ut recte explicat erudit. Boucherius, l. c.

⁷ *Esseda.* Currus erant Britannorum, de quibus jam dictum sup. in Vit. Agr. 35.

⁸ *Pereunt.* Dio l. c.

¹ *Frater Sabinus.* Dio ibid. Flavius Sabinus frater erat Vespasiani, qui postea fuit Imperator. V. Stem. Flaviorum in not. et em. ad Hist. i. 46. Legatus autem dicitur Sabinus quod sane præerat uni e

legionibus, quæ in Britannia militabant.

² *Gallorum.* Qui annem tranaverant; ut modo dictum est sup.

³ *Hosidium Getam.* Quem Dio l. c. appellat Cn. Hosidium Getam. Jam vidimus sup. c. 29. Hosidium Getam Mauritanici belli confectorem.

⁴ *Triumphalia insignia.* Dio ibid. De triumphalibus ornamentis diximus sup. in Vit. Agr. 45.

¹ *Hausti sunt.* Dio ibid.

¹ *Firmat præsidiis.* Dio lx, p. 679.

² *Metatus.* Huc enim venit Claudius, ut patet ex Dione l. c.

cederent; et Cæsar numine ac præsentia milites tutaretur, certam dignamque Principe adesse victoriam."

57. Claudius, triumphi decus animo jam præcipient, res Urbanas ceterosque exercitus Vitellio,¹ collegæ suo, commendat: ipse statim ad Britannicam expeditionem profecturus, nisi fuisset Galbæ, quem fide scientiaque militari acceptissimum prædiximus,² morbo retardatus.³ Ubi convaluit, Cæsar magno apparatu⁴ ab Ostia⁵ in Britanniam navigavit, magis cum mari quam cum hostibus conflictatus. Bis enim vehementi Circio⁶ pæne demersus est prope Liguriam,⁷ juxtaque Stœchadas insulas.⁸ Cum tandem Massiliam⁹ adpulisset, Gesoriacum¹⁰ pedestri itinere petiit: mox ad ostia Tamensis transmisit.

58. Flagrantibus militum, quos Principis aspectus ad gloriam magis adhuc quam ad lætitiā excitat, studiis exceptus, flumen transit: nactusque Britannos, qui, nuntiato Cæsaris adventu, occurrerant, illico prælium¹ committit, eosque principatus majestate potius, quam pugnæ atrocitate superat. Incruenta victoria² lætus, Camulodunum,³ Cunobolini regiam, occupat:⁴ populos in deditionem accipit, aut vi subigit. Intra sexdecim dies⁵ sæpe imperator⁶ consalutatus, pluraque temporum opportunitate, quam D. Julius bellorum fama positus, in Urbem revertitur, relictis Plautio et Vespasiano, qui faustis auspiciis inchoata consilio ac fortitudine perficerent.⁷

59. Aucto novis terris imperio, adcrevit eruditio Romana,

1 Vitellio. Dio ibid. Hoc anno Vitellius cos. erat cum Claudio.

2 Prædiximus. Sup. c. 23.

3 Morbo retardatus. Suet. Galb. 7.

4 Magno apparatu. Tanto quidem, ut elephantos parasset. Dio l. c.

5 Ab Ostia. A portu Ostiensi, de quo dictum sup. c. 31. Suet. Claud. 17.

6 Circio. Circium dicimus, a west-north-west wind.

7 Prope Liguriam. Nunc Genoa.

8 Stœchadas insulas. Hodie the isles of Hieres. De quibus dictum sup. Hist. iii, 43.

9 Massiliam. Nunc Marseilles.

10 Gesoriacum. Nunc Boulogne. Hæc autem omnia Suet. et Dio l. c.

1 Prælium. Dio ibid.

2 Incruenta victoria. Suet. Claud. 17.

¹ Sine ullo prælio aut sanguine intra paucissimos dies parte insulæ in deditionem recepta, sexto quam profectus erat mense Romam rediit.

3 Camulodunum. Nunc Colchester, ut jam dictum sup. An. xii, 32.

4 Occupat. Dio ibid.

5 Intra sexdecim dies. Id tantum temporis egit in Britannia, teste Dione lx, p. 680.

Ἠλθέ τι ἰς τὴν Γαλβῆν ὁ Κλαύδιος ἐξ ἡμῶν ἀποδημήσας, ἀφ' ᾧν ἑκατάδεκα μῶνας ἐν τῇ Βριταννίᾳ ἡμέρας ἱπποῖσι.

6 Sæpe imperator. Quod quidem contra Romanorum institutum, quo haud sæpius, quam semel, licuit uno de bello id nomen adsumere. Ἀποκρίτωρ πολλὰς ἰππομῶσθι παρὰ τὰ πάτρια ὡς γὰρ ἴσται ἐν οὐδὲν πλέον ἢ ἅπαξ ἐκ τοῦ αὐτοῦ πολέμου τὴν ἐπικλησιν ταύτην λαβεῖν. Dio lx, p. 679. Inde in vetere Inscriptione, quæ extat in pariete turris antiquæ castri Apolliniaci: TI. CLAVDIVS CAESAR. AVG.

GERMANICVS PONT. MAX. TRI.

POTEST. V. IMP. XI. P. P. COS. IIII.

V. Gruter. p. 31. num. 1. In argenteo quoque Claudii nummo, apud Harduin. Select. Opp. p. 719. TI. CLAVDIVS CAESAR AVG. P. M. TR. P. VI. IMP. XI. capite laureato, in postica parte, arcus triumphalis, cui Imperator in equo impositus cum spoliis. Epigraphe, DE BRITAN. I. e. 'de Britannis.'

7 Perficerent. Dio lx, p. 679.

mira quidem, sed nota bellorum ac literarum societate. M. Agrippa,¹ quo meliorem civem Roma vix umquam tulit, orbem terrarum Urbi spectandum proponere erat adgressus: D. Augustus complexam eum porticum² ex destinatione commentariisque Agrippæ ab Octavia³ inchoatam peregerat. Magnificum quidem et victore populo dignum fuit spectaculum. Nondum tamen Geographia Romanis scriptis innotuerat. Id opus, a M. Tullio Cicerone sæpe tentatum,⁴ semper omissum, privatis incertum an publicis rebus utilius, ita adcuravit Pomponius Mela,⁵ ut, si a prioribus scriptoribus studiorum antiquitate vincatur, omnes elegancia vicerit.

1 *M. Agrippa.* Cujus laudes v. in Stem. Cæs. n. 47.

2 *Complexam eum porticum.* Plin. iii, 2. Nempe porticum orbem terrarum complexam. Porticus illa Octaviæ theatro Marcelli fuit adjuncta. Manent adhuc quædam ejus rudera in ecclesia, quæ appellatur *S. Angiolo in Pescheria*. Ad urbis Romæ imitationem fuit Augustoduni, nunc *Autun*, similis porticus, quam laudat Eumenius in oratione pro Restaurandis scholis, c. 20. 'Videat præterea in illis porticibus juvenus, et quotidie spectet omnes terras et cuncta maria et quidquid invictissimi Principes urbium, gentium, nationum, aut pietate restitunt, aut virtute devincunt, aut terrore. Siquidem illic, ut ipse vidisti, credo, instruendæ pueritiæ causa, quo manifestius oculis discerentur, quæ difficilius percipiuntur auditu, omnium cum nominibus suis locorum situs, spatia, intervalla descripta sunt, quidquid ubique fluminum oritur et conditur, quacumque se littorum sinus flectunt, quo vel ambitu cingit orbem, vel impetu irrumpit

Oceanus.' Augustodunensis porticus fragmentum v. *Journal de Trévoux*, an. 1706. mense Decembri, p. 297 sq. Ad eandem Romanorum magnificentiam pertinet marmorea veteris Romæ ichnographia, olim in templo Romuli ad viam sacram posita, cujus fragmenta in Capitolio nunc visuntur, quæque exhibet Cl. Piranesi. *Antichità Romane*, Vol. i, Tabul. iii, sq.

3 *Ab Octavia.* Augusti sorore. V. Stem. Cæs. n. 16.

4 *Sæpe tentatum.* V. epistolas Ciceronis ad Att. ii, 4 et 6.

5 *Pomponius Mela.* Elegantissimum opus scripsit Pomponius Mela, dum Claudius Britanniam vincebat; ut testatur idem Mela, de Situ orbis, iii, 6. 'Britannia qualis sit, qualesque progeneret, mox certiora et magis explorata dicentur. Quippe tamdiu clausam aperit ecce Principum maximus, nec indomitum modo ante se, verum ignotarum quoque gentium victor, qui propriarum rerum fidem, ut bello affectavit, ita triumpho declaraturus portat.'

SUPPLEMENTUM

LIBRI DECIMI

ANNALIUM.

AUCTORE GABRIELE BROTIER.

BREVIARIUM.

1. **HONORES**, ob Britannicam victoriam, Claudio et Messalinæ decreti. 2. Claudius Urbem triumphans ingreditur. 3. Publica lætitiā. 4. Fœda libertorum decora. 5. Res Romana Plantii et Vespasiani armis victricibus in Britannia promovetur. 6. Mors Agrippæ. Judæa iterum in provinciam redacta. 7. Achaia proconsulari imperio reddita. Ærarium prætoribus restitutum. 8. Complures leges, aliæ utiliter, aliæ temere mutatae. 10. Inconsulta Principis in Cottium liberalitas. 11. Puniuntur Rhodii. Umbonius Silio senatu pulsus. Dilatae ob sacra nundinae. 12. In solemnibus sacramentis vetus mos revocatus. Imminuta publicarum imaginum multitudo. 13. In iis ponendis egregia majorum prudentia: immensa recentioris ævi ambitio. 15. Præfectorum provinciis repressa avaritia. 16. Audacia multitudine legum inritata. Parricidialis furor. 17. Singulare edictum de Solis eclipsi. 18. Ludi: congiarium. 19. Tiberius Alexander Judææ procurator. Izates, Adiabenorum rex, ejusque mater Helena, Judaicam religionem professi. 20. Romanos inter et Parthos medius Izates utriusque imperii gratiam aucupatur. 22. Parthorum favore increscit. 23. Hermaphroditus Romæ visus, et a Claudio expiatus. 24. Scarus e mari Carpathio in Italiam asportatus. 25. Mentagra ex Asia invecta. 26. Valerius Asiaticus abdicat se consulatu. 27. M. Vinicii ruina. 28. Asinii Galli, imperio inhiantis, vesana consilia et pena. 29. Coercita libertorum audacia; patronorum duritia. 30. Princeps Messalinæ libidinibus turpiter obnoxius. Fœda Mnesteris et populi Romani jurgia. 31. Thracia in formam provinciae redacta. Legatio ex insula Taprobane missa. 32. Hujus legationis occasio.

33. Insulæ mores et usus. 35. De Seribus quoque auditum. Eorum corporis forma, commerciorumque ratio.

Hæc tribus annis gesta,

A.U.C.

J.C.

DCCXCVII.	44.	Coss.	{ L. Quinctio Crispino 11. M. Statilio Tauro.
DCCXCVIII.	45.	Coss.	{ M. Vinicio 11. Tauro Statilio Corvino.
DCCXCIX.	46.	Coss.	{ Valerio Asiatico 11. M. Junio Silano.

A.U.C. 796. J.C. 43.

1. **CLAUDIUS** generos suos,¹ Pompeium Magnum et Silanum, victoriæ nuntios præmiserat.² Ubi primum Romam venere, senatus in ejus honoribus fuit eo profusior, quod tot abhinc annis³ victorem Principem non vidisset. Super triumphum,⁴ ludos annuos, duos arcus, alterum in Urbe,⁵ alterum Gesoriaci,⁶ exstruendos, datum ipsi cognomen, ejus filio nomen *Britannici*.⁷ Decretum quoque⁸ “ut Messalina, sicut olim Livia, primum in consessu locum occuparet, et carpento veheretur.” Præterea cum per dedecora prioris principatus in hujus laudes ire patres essent soliti, jussum “ærea Caii Cæsaris numismata,⁹ quæ ejus imaginem referrent, conflari.” At quasi æs illud non posset nisi ad probra liquescere, in Mnesteris, histrionis, quondam Caii familiaritate, tunc Messalinæ libidinibus infamis, statuas obrigit.

A.U.C. 797. J.C. 44.

2. Interim Princeps, solvens e Vatrei portu,¹ prægrandi

1 *Generos suos.* De his dictum sup. in Suppl. An. ix, 25.

2 *Præmiserat.* Dio lx, p. 679.

3 *Tot abhinc annis.* Ab Augusti victoriis.

4 *Super triumphum.* Hæc et seq. Dio ibid.

5 *Alterum in Urbe.* Arcum illum in nummo expressum jam vidimus sup. in Suppl. An. ix, 58. not. inf.

6 *Gesoriaci.* De Gesoriaco, *Boulogne*, dictum sup. p. 390.

7 *Filio nomen Britannici.* Antea Claudii filius dictus fuerat *Germanicus*, ut jam monuimus sup. p. 367. not. inf.

8 *Decretum quoque.* Dio ibid.

9 *Numismata.* Dio ibid. Manent tamen adhuc quamplurima Caii numismata ex ære.

1 *E Vatrei portu.* Plin. iii, 16. Portus ille nunc dicitur *Porto Primaro*. Nomen ducit ab amne Vatreno, nunc *Santerno*, qui in Padum influit.

domo verius, quam nave,² Adriam³ intraverat; moxque Romam sexto,⁴ quam profectus erat, mense rediit, Quintio Crispino II. et Statilio Tauro consulibus.⁵ Civitas omnis obviam effusa, multi provinciarum præsides, legatique qui coronas aureas⁶ adtulerant, nonnulli etiam exules ob publicam lætitiā revocati, triumphantem maximo apparatu exceperunt. Præter celebritatis solita, currum carpento secuta est⁷ Messalina: secuti et triumphalia ornamenta eo bello adepti,⁸ sed ceteri pedibus et in prætexta; Crassus Frugi equo phalerato, et in veste palmata, quod eum honorem iteraverat.⁹ Cum ad ædem Jovis Capitolini perventum, victor Princeps, D. Julium¹⁰ imitatus, gradus genibus ascendit, duobus suis generis¹¹ innitens, laureamque in gremio numinis deposuit.

3. Ad triumphi pompam accessere ludorum hilaria, quos Princeps, accepta ob eam rem consulis potestate,¹ duobus simul theatris, ut populo gratificaretur, celebravit. Tot quidem equorum certamina, quot per diem edere liceret, promiserat: verum propter usurorum cædes, athletarum pugnas, pyrrhicas puerorum ex Asia evocatorum saltationes, haud plura, quam decem actitata.² Spectaculi raritate ac dignitate præstitit expugnatio direptioque oppidi,³ ad imaginem bellicam et dedicationem Britanniae regum in Martio campo edita, cui Princeps præsedit paludatus.⁴ Alios insuper ludos, senatus permissu, fecere theatralium operarum duces.⁵

4. Hæc quidem decora, et digna Principe, ni fuissent libertorum honoribus foedata. At Posidi, eunucho,¹ inter milita-

2 *Quam nave.* Sub Augusti et Cæii Caligulae principatu, maxime cum libuit obeliscos ex Ægypto asportare, cæpere Romani immensas naves fabricare. De his navibus v. quæ jam dicta sunt sup. p. 234 et 376.

3 *Adriam.* Adriaticum mare.

4 *Romam sexto.* Suet. Claud. 17.

5 *Consulibus.* L. Quintius Crispinus II. et M. Statilius Taurus coss. fuere A. V. C. 797. J. C. 44. In vet. lapide ap. Gruter. p. 1041. n. 10.

L. QVINTIO CRISPINO II.

M. STATILIO TAURO COS.

At ap. Dion. lx, p. 680. aliter leguntur nomina consulum: Ταύρου τε Κρίστου τὸ διῆ-
περον καὶ Τίτου Στατίλου ὑπατεύοντων.
Quod eruditus Muratori, Inscr. Antiq. vol.
i, p. 304. n. 3. confirmat hac veteri In-
scriptione, M. AEMILIO. LEPIDO. T. STA-
TILIO. TAURO. COS.

6 *Coronas aureas.* Has inter coronas, duas memorat Plin. xxxiii, 3. §. 16. 'Claudius, cum de Britannia triumpharet, inter coronas aureas 7. pondo habere, quam contulisset Hispania citerior, 9. quam Gallia

Comata, titulis indicavit. Ipse Claudius inter hostilia spolia navalem coronam fastigio Palatinæ domus juxta civicam fixit, trajecti et quasi domiti Oceani insigne.' Suet. Claud. 17.

7 *Carpento secuta est.* Suet. l. c.

8 *Adepti.* Non modo consulares, qui bello interfuerant, sed et alii senatores, triumphalia hæc ornamenta obtinuerunt, ut videre est ap. Dion. lx, p. 680.

9 *Iteraverat.* Hæc totidem verbis Suet. Claud. 17. De palmata, seu triumphali, veste dictum est An. i, 15.

10 *D. Julium.* V. Dion. xliii, p. 224. et lx, p. 680.

11 *Generis.* Pompeio Magno et Silano; de quibus dictum c. sup.

1 *Consulis potestate.* Dio lx, p. 680.

2 *Decem actitata.* Dio ibid. Vulgo duodecim erant missus, inumo et plures; ut jam observavimus sup. p. 274. not. inf.

3 *Direptioque oppidi.* Hæc et seq. Suet. Claud. 21.

4 *Præsedit paludatus.* In veste militari.

5 *Operarum duces.* Dio lx, p. 680.

1 *Posidi, eunucho.* Aur. Vict. in Epit.

rium fortissimos arma insignia tamquam participi victoriæ

‘Posidio.’ At Posiden eum appellat Suet. Claud. 28. ‘Libertorum præcipue suspexit Posiden spadonem, quem etiam Britannico triumpho inter militares viros hasta pura donavit.’ Hunc notat Juvenal. xiv. 91. ‘Ut spado vincebat Capitolia nostra Posides.’ V. et Plin. xxxi. 2. ubi aquas Posidianas memorat. Grande, licet ignobile, in veteribus historiis eunuchorum nomen. Diu pervulgata per Orientis regna eorum auctoritas, in imperio Romano tandem invaluit, cum Principes quælibet regum libita æmularentur, et, quanto magis insolescerent, tanto plus dominationis adeptos se esse gloriarentur. Ut illud fortunæ portentum cognoscatur, expendam quando in orbe cæperit eunuchorum conditio, unde orta, quis primo fuerit eorum status, quæ deinde fortuna, qui mores, quæ varia demum fata.

Antiquissimam esse eunuchorum conditionem evincit Sacra Scriptura, quæ Putipharem, validissimum in aula Pharaonis, Ægypti regis, eunuchum, et principem exercitus, tempore Joseph, filii Jacob, memorat. Genes. xxxix. 1. Tanta eunuchi fortuna probat ad antiquiora tempora pertinere eorum nomen. Suffragantur quoque vetustissima imperiî Sinensis monumenta, quæ ipsa ætate regis Yao, qui vivere desiit anno 2258. A. C. eunuchos commemorant.

At eorum origo nos lateret, ni Sinensia monumenta lucem in hac obscuritate prætulissent. Iis enim edidicimus originem eunuchorum, ut tale decebat humanitatis propudium, fuisse infamiam. Nempe, ubi primum conditæ sunt hominum societates, erupere vitia, ac modo post crimina. Non statim ventum ad supplicia. Placuit pudorem experiri, quo coerceri posset reorum improbitas. Indita sunt ergo criminum reis quædam signa, et jussi sunt vestes certis coloribus distinctas induere, tum ut dignoscerentur et ab iis præcaveretur, tum ut ipsos sui puderet et in melius venterentur. Duravit usus dum fuit et securitatis et poenitentiae spes. At cum improborum hominum natura, aliquandiu pudore coercita, levitate poenæ inolescere cœpisset, exegitata supplicia. Quæ inter, quantum memoratur a vetustissimis scriptoribus Sinensibus, virilitatis ademptio. Eaque erat poena, quæ calumniæ, impuditiæ, proditioi infligebatur.

Ut originem, ita quoque primum eunuchorum statum nos docent Sinensia monumenta. Haud satis visum eunuchos virili-

tate exui, conditi sunt in interioribus palatii imperatorum Sinensium partibus aliisque eorum domibus, ut vilia et difficilia quæque ministeria obirent; et, cum infames essent, prodire in imperatoris conspectum prohibebantur: ideoque iis maxime credita officia apud uxorem et concubinas imperatoris.

Illas infamiae angustias apud Ægyptios cito egressi sunt eunuchi, cum Putipharem exercitus principem jam supra memoraverimus. At in Sinensi imperio, ubi plurimum semper valuit antiquitatis reverentia, per multa secula duravit eunuchorum squalor. Per scelus tandem eum exuere, cum, famosa in Annalibus Sinensibus imperiî pestis, Pao Ssee concubina imperatoris Yeou Ouang, qui regnare cœpit anno 781. A. C. usa artibus eunuchi, adegit imperatorem uxorem suam legitimam repudiare, ejusque filium imperatorio jure orbatum pronuntiare, ut ipsa in imperatoriæ uxoris dignitatem, ejusque filius in hereditatis spem adsumeretur. Ubi votorum fuit compos, non solum eunuchos de se bene merito gratam ac memorem se præstitit, cumque palatio præposuit, sed et eunuchos ad plurima et præcipua palatii ministeria adhibuit. Viguit postea, ut apud Orientis, sic apud Sinarum populos eunuchorum fortuna. Imperatores Romani cum pro imperiî fastigio omnes externarum dominationum libidines in se complecterentur, eos quoque cepit eunuchorum furor: ac tandem visus sub Claudio Principe Posides eunuchus, militaria insignia superbe ostentans, inter præclarissimos militiæ duces Capitolium adire. Ne optimus quidem Princeps Titus, sed Orientis deliciis assuetus, ab illo eunuchorum amore abstenuit. Pessimus Domitianus non recti honestique cura, sed adversus fratrem invidia, eunuchos sustulit. Post ejus cadem abrogata sunt ejus decreta. At melior vindex virtutisque adsertor, egregius Princeps Nerva vetuit ne quis toto imperio Romano eunuchus fieret. Dio lxxvii, p. 759. lxxviii, p. 770. Lex digna Principe sapientissimo, et humanitatis virtutisque studiosissimo. Viguit sub optimis Principibus, qui auspiciatissima Nervæ tempora sunt secuti. Postea, labentibus annis et moribus, mollita est; sancitumque ut ‘qui hominem invitum, libidinis aut promericii causa castraverit, castrandumve curaverit, sive is servus, sive liber sit capite’ puniretur. ‘Honestiores, publicis bonis, in insulam’ deportarentur; ut videre est ap. Julium Paulum, Sentent

dono data : permissum Harpocrati,² ut lectica³ per Urbem veheretur, et spectacula publice ederet.⁴ Ausus et Polybius⁵ inter duos consules ambulare.⁶ Narcissus ceterique liberti per majora adhuc favoris ludibria in fortunam et princi-

Recept. Libr. v, Tit. 23. Ad legem Corneliam de Sicariis et Veneficis, Leg. 13. Et in hac temporum mollitie visus est sub Severo Principe Plautianus, privatus homo, sed luxu et opibus par Principibus, qui centum ingenuis Romanis virilitatem ademitt, ut filia sua Plautilla, quam Antonino Caracalla despondere parabat, multos aliosque artium magistros eunuchos haberet. Dio lxxv, p. 857. Manent adhuc vel in hac nostrorum temporum sapientia et religione ejus mali reliquiae. Ea enim est dulcibus vitia natura, ut semper vetentur, semper retineantur.

De moribus autem eunuchorum idem est penes Sinenses scriptores, quod apud ceteros populos, judicium. Consentunt omnes iis plerumque cuncta esse utriusque sexus vitia, nullam alterutrius virtutem. At cum numquam tanta sit hominum pravitatis, ut paucos saltem honestas non retineat, reperiuntur quandoque eunuchi qui virtutibus praecellant. Hos inter mos est regibus Orientis deligere, quos sibi comites assiduos adesse jubent. Tales sunt apud imperatorem Sinensem qui *Yu Kien* appellantur, id est, *eunuchi e conspectu*; quod a conspectu Principis non recedant. Tales septem fuisse apud Assuerum manifestum est ex libro Esther, i, 11. In ministeriis autem imperatoris Sinensis vulgo numerantur decem millia eunuchorum, tum penes imperatorem, tum penes principes regii sanguinis, quibus plures paucioresque sunt eunuchi pro ratione suae dignitatis. Tanta autem ibi est eunuchorum libido, ut multi audeant et uxores et concubinas habere. Adversus hoc flagitium lata quidem est lex a dynastia, quae nunc Sinis imperat. Verum occulta gliscit libido, et mendacibus sororum aut propinquarum nominibus obtegitur.

Superest ut varia evolam eunuchorum fata. Antiquitus in poenani criminis ortam esse infamem eorum conditionem superius dixi. Circa Christi tempora, cum dynastia *Han* Sinis imperaret, desit castratio inter supplicia haberi. Tum accesserat favor et fortuna; multisque volupe erat vel per sui corporis detrimentum eam ambire: parentes etiam nobiles aliquem liberorum suorum ultro ac libenter ei destinabant, ut auctoritate in aula valeret. Sed cum proclive sit hominibus maxime imbellibus turpibusque fortuna abuti, eunuchi iis in

regnis ubi praepotere, ita pro arbitrio et libidine cuncta vertere, totiesque Principibus ruinam creavere, ut, licet eorum conditio ad poenam criminis non sit revocata, multisque ministeriis per Orientis regna superbiant, in ignobilitatis tamen et infamiae ordine retineantur. Nec jam ubique sunt eunuchi, nisi egestate ac necessitate compulsi. Apud Sinas, cum eunuchi omnes ad Principem pertineant ejusque sint juris, nec ab aliis iudicibus in eos sententia ferri possit, reperiuntur scelorum rei, qui, adempta sibi virilitate, imponentem quaerant. Illi eunuchi appellantur *Pan lou*, i. e. 'dimidia via'; et sunt numero pauci, nequitia foedissimi. Quod singulare est in hac eunuchorum infamia, in palatio ministri templorum sunt eunuchi; et pro variis religionibus sunt eunuchi *Bonzi*, *Bonzes*, eunuchi *Tao See*, eunuchi *Lama*. Constantinopoli apud Turcarum Imperatorem eunuchi colore distinguuntur. Albi penes Principem, nigri penes feminas serviunt. Eorum ducibus, *Kapou Aga* inter albos, *Kislar Aga* inter nigros, quam maxima est auctoritas.

² *Harpocrati*. Suet. l. c. Beroaldo aliisque idem esse videtur ac Callistus.

³ *Lectica*. 'Lecticarum usum certis' tantum 'personis, et aetatibus, perque certos dies' permiserat Jul. Cas. Suet. Jul. 43.

⁴ *Publice ederet*. Cura ludorum viris dignitate praecipuis permittebatur. Sic Arruntium Stellam ludis praefectum vidimus sup. An. xiii, 22. Hujus nominis consulem vide ap. erudit. Gori, Inscript. Antiq. vol. i, p. 65. Audaces sane libertos fecit senatusconsultum, quo cautum fuerat, 'ne quis gladiatorum munus ederet, cui minor quadringentorum millium res': ut dictum est sup. An. iv, 63. Hanc audaciam notat Juvenal. iii, 34. 'Quondam hi cornicines, et municipalis arenae Perpetui comites, notaeque per oppida buccae, Munera nunc edunt, et verso pollice vulgus Quemlibet occidunt populariter.'

⁵ *Polybius*. Is Claudio fuit a studiis: post a Messalina interfectus; ut diximus in Suppl. An. xi, 2.

⁶ *Ambulare*. Suet. Claud. 28. Optime Hadrianus, 'cum quodam tempore servum inter duos senatores e conspectu ambulare vidisset, misit qui ei colaphum

patum insultabant.⁷ Dum Princeps ea vel ferret patientius, vel licentius permetteret, Rufus Pollio, prætoriarum cohortium præfectus, imaginem ac sedem inter senatores, quotiens Claudium in curiam comitaretur, obtinuit.⁸ Et ne id novum videretur, Princeps exemplum Augusti, qui eadem Valerio Liguri⁹ tribuerat, causabatur. Majore adhuc invidia, Laco,¹⁰ quondam præfectus Vigilum, tum Galliæ procurator, super hos honores consularia ornamenta adsecutus est.

5. Senatus, amore, an munificentia Principis inlectus, magnifice de bello Britannico loqui: gesta prædicare: futura providere; et, ut hostes libentius ad dedicationem venirent, decernere¹ "quæcumque Claudius ejusve legati agerent, aut cum Britannis transigerent, senatum populumque Romanum fixa et in perpetuum rata habiturum." Plautius, talibus incitamenti haud indigens, sed bellica laude suaque dignitate magis exstimulatus, cœpta feliciter, felicius exsequebatur; adsumtoque in partem laborum et gloriæ Vespasiano,² proximam Britanniae partem in provinciam redegit: nec regendi minus, quam vincendi peritus, feroces animos religionibus artibusque Romanis paulatim mollivit.

6. Nuntiatum interea Agrippam, regem, quem sæpe memoravimus,¹ repentino morbo correptum exspirasse.² Claudius veteris necessitudinis memoria regnum ejus filio,³ in Urbe educto, sibi que acceptissimo, destinabat. Deterruere liberti, "juvenem, pubertatis annos vix egressum, tantæ rei imparem," obtendentes.⁴ Itaque Judæa iterum in provinciam redacta; missusque Cuspius Fadus⁵ procurator. Ne tamen vel in Agrippam ingratus, vel Judæis infensus videretur Princeps, cœpit juniorem Agrippam cariorem habere: Judæorum, qui

daret, et diceret, Noli inter eos ambulare quorum esse adhuc potes servus.' Spartian. in Hadrian. 21.

7 *Insultabant.* Hos inter Felix cohortibus, alis, provinciaeque Judææ præpositus, trium reginarum maritus fuit. Suet. ibid.

8 *Obtinuit.* Dio lx, p. 680.

9 *Valerio Liguri.* Nempe e Liguria. Dioni ibid. Ὀβελισίου τινὸς Λίγυρος.

10 *Laco.* Dio ibid. Hic est Græcinus Laco, quem Vigilum præfectum vidimus, cum Sejanus everteretur. V. Suppl. An. v, 35. Novæ ejus dignitatis extat monumentum ap. Gruter. p. 417. n. 2.

P. GRAECINO

P. F. POB.

LACONI

ORNAMENTIS

CONSULARIBVS.

1 *Decernere.* Dio ibid.

2 *Vespasiano.* Cui cum bellicosissima gente sæpe fuit pugnandum, teste Suet. Vesp. 4. 'Claudio Principe, Narcissi gratia legatus legionis in Germaniam missus est: in Britanniam translatus, trices cum hoste confixit. Duas validissimas gentes, superque viginti oppida, et insulam Vectem, nunc the Isle of Wight, Britanniae proximam, in dedicationem redegit: partim Auli Plautii consularis legati, partim Claudii ipsius ductu.'

3 *Sæpe memoravimus.* Ac maxime in Suppl. An. vii, 11.

2 *Exspirasse.* Joseph. Antiq. Jud. xix, 8. D. Luc. Act. Apost. xii, 23. Καὶ γὰρ ὁ νεκρὸς σκωληκόβρωτος, ἐξήψυξεν.

3 *Ejus filio.* Agrippæ ii. V. Stem. Herodum, n. 9.

4 *Obtendentes.* Joseph. Antiq. Jud. xix, 9. n. 2.

5 *Cuspius Fadus.* Joseph. ibid.

stolam sacram coronamque⁶ repeterent, postulatis adnuere; in locum Marsi, Syriae praesidis, defuncto regi invisi, Cassium Longinum⁷ sufficere; eique, ut injurias, abs Caesariensibus et Sebastenis⁸ inlatas, ulcisceretur, imperare. Herodi,⁹ Chalcidis regi, templum, ejus thesauros, jusque summi pontificis deligendi¹⁰ permisit: cetera demum dilargitus, quae solent Principes voluntatis suae impotes, alienis libidinibus obnoxii.

7. Eadem libertorum licentia, incertum an populi ambitu, forte ipsius Principis, civilem famam adfectantis, facilitate, Achaia Macedoniaque,¹ quas Tiberius ad curam suam transtulerat,² senatui reddita. Dein cum imbecilli Principes magis in commutandis, quam perficiendis institutis, libidinem habeant, hac quoque via ad gloriam contendit Claudius; curamque aerarii Saturni,³ a D. Julio⁴ praetoribus datam, quaestoribus restituit. At ut vetera novitate celebrarentur, edixit⁵ “duos quaestores fore aerarii praefectos: munus per triennium obituros: eo perfunctos, statim vel praetoria dignitate, vel digno re gesta salario donatum iri.” Eam auctoritatis accessionem omnium extra Urbem praefectarum⁶ abrogatione compensavit: simul, ut praetoribus indulgeret, iis quaedam judicia, consulum propria, permisit;⁷ haud repugnantibus

6 *Stolam sacram coronamque.* Cuspius Fadus stolam sacram et coronam, propria summi pontificis ornamenta a Judaeis petierat, eaque, ut fidei pignus, in turrin Antoniam seposuerat. Judaeis haec religionis suae monimenta repetentibus, annuit Claudius, scripsitque epistolam, quam retulit Josephus, Antiq. Jud. xx, 1. n. 2. Data est hoc anno, ‘IV. Kalendas Julias, Rufo et Pompeio Silvano, consulibus’ suffectis. Stola descriptionem videre est in libro Sapientiae, xviii, 24. Coronae Moyses inscripserat nomen Dei מִן הַיְיָ: eam ad suam usque aetatem permansisse testatur Joseph. Antiq. Jud. viii, 3. n. 8.

7 *Cassium Longinum.* Joseph. Antiq. Jud. xx, 1. Multi adhuc manent hujus praesidis Syriae nummi, inscripti ΑΝΤΙΟΧΕΩΝ ΕΠΙ ΚΑΣΣΙΟΥ, vel ΕΠΙ ΑΓΓΙΝΟΥ.

8 *Abs Caesariensibus et Sebastenis.* Caesarienses et Sebasteni in omne genus injuriarum contumeliarumque adversus defunctum regem Agrippam exarserant; quod narrat Joseph. Antiq. Jud. xix, 9. Caesarea autem et Sebastes manent nomina.

9 *Herodi.* Frater erat Agrippae Magni, patruus Agrippae ii. V. Stem. Herodum, n. 25.

10 *Pontificis deligendi.* Joseph. Antiq.

Jud. xx, 1. n. 3. Illud quidem jus obtinuit Herodes, dum vixit: post Herodis mortem ad Agrippam ii. pertinuit. Perperam vel Josephus, vel potius ejus librarii id juris ad Herodis posteros transtulere.

1 *Achaia Macedoniaque.* Suet. Claud. 25. Dio lx, p. 680. Inde aliquot post annis Gallio, proconsul Achaiae, memoratur a D. Luca, Act. Apost. xviii, 12.

2 *Transtulerat.* Tiberium, intentum Macedoniae, Achaiae quoque curantem, vidimus sup. An. v, 10.

3 *Aerarii Saturni.* Suet. Claud. 24. Dio lx, p. 681. Aerarium illud fuit in aede Saturni, hodie Chiesa di S. Adriano, ubi manent adhuc ejus rudera. Quanta opes in hoc aerario olim fuerint, dixi in not. et em. ad An. xiii, 29.

4 *A D. Julio.* Dio xliii, p. 238.

5 *Edixit.* Dio lx, p. 681.

6 *Omnium—praefectarum.* D. Augustus quaestores constituerat, qui in ora maritima prope Urbem, et in aliis Italiae locis praesent. Dio lv, p. 551. Eae sunt praefecturae, quas tunc abolevit Claudius. Dio lx, p. 681. Inde intelligas Suet. Claud. 24. ‘Detractaque Ostiensi et Gallica provincia, curam aerarii Saturni [quaestoribus] reddidit.’

7 *Permisit.* Dio lx, p. 681.

consulibus, qui, pristinae dignitatis obliti, munera aspernabantur; in Principis venerationem, magnasque spes intenti.

8. Melius utiliusque ad tollendas judiciorum moras sanctum "ut jurisdictio de fidei commissis¹ quotannis, et in Urbe tantum delegari magistratibus solita, in perpetuum atque etiam per provincias potestatibus² demandaretur." Juxta majestatem imperii quoque edictum "ut, quibus provinciae a magistratibus interdicerentur, ii Urbe et Italia summoventur."³ At novo exemplo, atque infra Urbis dignitatem, quosdam Princeps ipse relegavit, "ut ultra lapidem tertium venter ab Urbe egredi:"⁴ quasi Urbs, terrarum caput, imperii sedes, communis cunctarum gentium patria, inter poenas haberi posset.

9. Qua tamen re in publicum decus tantum peccabatur. Mox gravior, certamque in ruinam aliquando eruptura, rei publicae inlata labe, cum Claudius, humanitatis specie, infregit disciplinam militarem, quae vetustate et austeritate pollet plurimum. Sapienter a majoribus cautum, ut exercitus a voluptatibus opibusque amoverentur. Diuturno enim usu compertum est militem in mortem numquam esse promptiorem, quam cum deliciarum ignarus. Lex quidem, qua uxorem habere prohibebatur, non abrogata; sed sancito "ut jura maritorum¹ haberet," opes et inritamenta libidinis addita.

¹ De fidei commissis. Suet. Claud. 23.

² Potestatibus. Magistratus et potestas ita distinguuntur, ut in Urbe sit magistratus, in provinciis potestas. Major magistratus, minor potestas. Haec quoque distinxit Juvenal. x, 99. 'Hujus, qui trahitur, praetextam sumere mavis: An Fidenarum Gabiorumque esse potestas?' V. ad l. i. vet. Juvenal. Schol.

³ Summoventur. Suet. l. c.

⁴ Egredi. Suet. ibid.

¹ Jura maritorum. Dio lx, p. 681. Jura autem illa maritorum ea sunt, quae Julius Caesar et Augustus, tum Urbe civilibus bellis exhausta, tum moribus luxuria

in coelibem vitam vergentibus, iis qui maritarentur liberosque suscipere constituerant. V. Dion. xliii, p. 226. liv, p. 531. Tac. An. iii, 25 et 28. Quomodo postea corrupta sit militaris disciplina, militesque uxores habuerint, diximus sup. in not. et em. ad An. xiv, 27. Quae ibi observavimus, illustrat Claudianum monumentum, anno 1750, repertum, et ab eruditis Academicis Herculaniensibus nuper publicatum. Tabulae sunt aeneae, omnium id genus antiquissimae, quibus Claudius civitatem connubiumque classicis militibus dedit. *Antichità d' Ercolano*, vol. v, p. 39.

Pars prima Tabulae.

TI. CLAUDIVS. CAESAR. AVGVSTVS
GERMANICVS. PONTIFEX. MAXIM
TRIB. POTESTATE. XII. IMPER. XXVII
PATER. PATRIAE. CENSOR. COS. V
TRIERARCHIS. ET. REMIGIVS. XVI. MILI
TAVERVNT. IN. CLASSE. QVAE. EST. MISENI
SVB. TI. IVLIO. AVGVSTI. LIB. OPTATO. ET
SVNT. DIMISSI. HONESTA. MISSIONE
QVORVM. NOMINA. SVBSCRIPTA. SVNT
IPSIS. LIBERIS. POSTERISQVE. EORVM
CIVITATEM. DEDIT. ET. CONVIVIVM. CVM
VXORIBVS. QVAS. TVNC. MARRISSENT
CVM. EST. CIVITAS. IIS. DATA. AVT

10. Ni Galliæ fuissent ad luxum et servitutem projectæ, favissetque fortuna imprudentibus Principibus nonnumquam benigna, prudentibus iniqua, in aliud promptiusque discrimen rempublicam Claudius adduxisset. Olim D. Augustus,¹ quantum ab Alpibus Cottii² ob impervias rupes abruptasve viarum angustias immineret periculi gnarus, Cottium regem in amicitiam receperat, eoque devinxerat, ut rupes viasque explanaret; et, quibusdam civitatibus ejus ditioni additis, mallet præfecturam a Romanis acceptam gerere, quam paterno in regno³ dominari. Saluberrima consilia Claudius pervertit: nec tantum M. Julio Cottio regnum restituit,⁴ sed ampliavit; patente ad hostium adsultus imperio, nisi, rege mortuo, formidolosam liberalitatem sustulisset Nero, et Cottias Alpes in jus provinciæ redegisset.⁵

11. Tot inter dominationis dedecora, visum tamen priscae severitatis exemplum; et Rhodii, qui cives Romanos cruce necaverant, ademta libertate multati.¹ At iis, ut ad delicta, ita ad pœnitentiam facilibus, aliquot post annis, Nerone eorum causam agente, reddita.² Minus criminis, plus pœnæ fuit Umbonio Silioni,³ Bæticæ⁴ præfecto, quem Claudius, e

Pars altera Tabulæ.

SIQVI. CAELIBES. ESSENT. CVM. IIS
QVAS. POSTEA. DVXISSENT. DVM
TAXAT. SINGVLI. SINGVLAS
A. D. III IDVS. DECEMBR
FAVSTO. CORNELIO. SVLLA. FELICE. COS
L. SALVIDIENO. RVFO. SALVIANO
GREGALI
SPARTICO. DIVZENI. F. DIOPSCVRTO
BESSO
DESCRIPTVM. ET. RECOGNITVM. EX. TABVLA
AENEA. QVÆ. FIXA. EST. ROMÆ. IN. CAPI
TOLIO. AEDIS. FIDEL. POPVLI. ROMANI
PARTE. DEXTERIORE.

ibid. p. xli. videre est alteram tabulam similem, fisdemque datam consulibus, qui consules fuere suffecti A.U.C. 805. J.C. 52. quo ordinarii consules fuerant P. Cornelius Sulla Faustus et L. Salvius Otho Titianus. Huic alteri tabulæ subjecta sunt septem nomina, quæ testimonium esse existimant eruditæ Academici Herculaneses, non vero eorum qui honesta missione dimissi sunt.

1 D. Augustus. Ammian. Marcellin. xv, 9. 'Rex Cottius, perdomitis Galliis, solus in angustis latens, inviaque locorum asperitate confusus, lenito tandem timore in amicitiam Octaviani receptus Principis, molibus magnis exstruxit ad vicem memorabilis muneris compendiaras et viantiibus opportunas medias inter alias Alpes vias.'

2 Alpibus Cottii. Pars illa Alpium nunc

dicitur the passage of Briançon and Suza.

3 Paterno in regno. Cottii pater fuit rex Donnus, memoratus in egregia Inscriptione, quam ob loci commoditatem, et ne hic turbet, opportunius sum editurus infra, ad calcem hujus libri. Hujus autem Cottii filius neposve fuit M. Julius Cottius, quem Claudius regem fecit.

4 Restituit. Dio lx, p. 681. Errat autem erudit. Reimar, cum ea, quæ de M. Julio Cottio narrat Dio ad Cotyn retulit; ut jam monuimus sup. An. xii, 15.

5 Redegisset. Aur. Victor, in Epit.

1 Multati. Dio lx, p. 681.

2 Reddita. Ut dictum est sup. An. xii, 58.

3 Umbonio Silioni. Dio ibid. Οὐμβόνιος Σιλίων.

4 Bætica. De Bætica, Hispaniæ parte, jam dictum sup. Hist. i, 53.

provincia evocatum, senatu demovit, quasi exercitibus in Mauretania bellantibus satis magnam frumenti vim non supeditasset; re, quod libertis displiceret. Quantum e fortunis peteretur ignarus, immensam locupletemque supellectilem hastæ subiecit. At vendita tantum veste senatoria, id unum supplicii repeti miratus, partis opibus, privatus quidem, sed securus, usus est. Hoc anno nundinæ, ne sacra negotiorum tumultu inturbarentur, dilatae;⁵ quod alias sæpe observatum.

A.U.C. 798. J.C. 45.

12. M. Vinicio II., Tauro Statilio Corvino consulibus,¹ Claudius solita Principibus juravit;² veteremque consuetudinem renovavit, ut e prætoribus, tribunis plebis, ceterisque collegiis unus tantum præiret, non vero singuli jurarent. Mox usum publicarum imaginum, in immane gliscentem, repressum iit.³

13. Ab ipsis Urbis initiis, majores, gnari quantum virtutum monumenta ad recti incitamentum valerent, viros atque ipsas fœminas,¹ laude præcellentes, equestribus et pedestribus statuis consecraverant; honoresque, legendos ævo, basibus inscripserant. Institutum, magnorum exemplorum ferax, pervertit magistratuum superbia. Dignitate tumidi, memoriæ perpetuitatem, nulla re gesta partam, vanitate et titulis redimebant: totque erupere ignotorum hominum simulacra, ut, iis sylvescentibus, obscura delituisse virtus, ni, M. Æmilio, C. Popilio II. consulibus,² censores P. Cornelius Scipio, M. Popilius statuas circa forum eorum qui magistratum gesserant, sustulissent omnes, præter eas quæ populi aut senatus sententia statutæ essent.

14. Extremis reipublicæ temporibus, invalescente luxuria, recrudit ignobilis famæ vesania. Tandem sub Principibus, cum omnia unius arbitrio, paucorum gratia regerentur, urbsque una totius imperii fortunas complecteretur, nullus fuit statuarum imaginumve finis: eas quisque vanissimus et malarum artium strenuus non modo in ædibus et atriis, sed in templis, in foris, oculatissimis in locis, nullo pudore, audacia maxima, sibi collocavere. Cum vix maneret virtuti locus, edixit Princeps "ut immensa illa statuarum et imaginum vis alium in locum transferretur: nemini postea, nisi adprobante

⁵ Dilatae. Dio ibid.

¹ Consulibus. M. Vinicius II. et Taurus Statilius Corvinus, quem Phlegon, de Rebus mirab. c. 6. perperam cognominat 'Corvilius,' coss. fuere A.U.C. 798. J.C. 45.

² Principibus juravit. Dio lx, p. 681.

³ Repressum iit. Dio ibid.

¹ Fœminas. Statuas Clæliæ, Lucretiæ, Corneliæ positas vide ap. Plin. xxxiv, 6.

² Consulibus. Plin. ibid. M. Æmilius Lepidus et C. Popilius Lænas II. coss. fuere A.U.C. 596. A.C. 158.

senatu, ullam ponere liceret."¹ Illis tantum, qui vel vetera monumenta reficerent, vel nova exstruerent, licitum "ut in iis suas suorumque imagines publicarent."²

15. Deinde animadversum in potestatum¹ avaritiam; vetus malum, et legibus validius. Quidam provinciæ rector, ob accepta munera infamis, in exilium ablegatus; et quæcumque in præfectura paraverat, sub hasta vendita.² Ne ceteris ob continuas dignitates glisceret licentia, populisve iniqua judicia vimque conquerendi facultas adimeretur, cavit Princeps ne provinciarum præfectura defunctos ad alios honores statim promoveret:³ obsoletis quoque legibus auctoritatem addidit "ut injuriæ ab rectoribus inlatæ ad senatum deferrentur: nec iis liceret peregrinationum diuturnitate aliisve artibus accusationes legumque severitatem subterfugere." Ne adsectoribus⁴ quidem, licet ad biennium munus aliquando prorogaverit, vel ipse destinaverit, confestim provinciam sortiri permisit.⁵ Mox ipsos extra Italiam commeatus, a senatu peti solitos, beneficii sui fecit;⁶ dominationis tanto intemperantior, quanto minor.

16. At novarum usque legum multitudine imminuta, uti adsolet, reverentia, inritata audacia: ipsaque supplicia, amissa ob assiduitatem turpitudine, in peccandi libidinem vertere. Nec levia tantum vitia, sed portentosa percipere scelera; et hactenus ferme inaudita parricidialis impietas adeo invaluit, ut plures parricidas intra quinquennium Claudius culleo insuerit,¹ quam omnibus seculis insutos traditum. Monstratis criminibus, viros inter et mulieres de contumacia certatum: vicit muliebris sexus, quanto debilior, tanto, si natura insitam humanitatem exuit, flagitiosior. Et cum, sub hoc principatu, venenarii et malefici primum fuissent comprehensi, homines XLV. mulieres LXXXV. suppliciis adfecti sunt.² Inlustri exemplo legibus plus noceri posse, quam juvari, nisi summa imperandi et prohibendi prudentia adtemperentur: animadversionum assiduitate facilitatem peccandi, demto

¹ Ponere liceret. Dio lx, p. 681.

² Imagines publicarent. Dio ibid.

¹ Potestatum. De potestatibus jam dictum sup. c. 8.

² Vendita. Dio lx, p. 681.

³ Promoveret. Dio lx, p. 682.

⁴ Adsectoribus. Adsectores dicebantur, qui a præsibus in consilium adhibebantur, et eis in jure dicundo adsidebant. Prætorius unicum deligebat: tres vero consularis; ut docet Dio liii, p. 505.

⁵ Sortiri permisit. Dio lx, p. 682.

⁶ Beneficiis sui fecit. Suet. Claud. 23. Hanc quidem licentiam peregrinandi extra Italiam, inconsulto senatu, tribuebat

Claudius. Ne tamen a lege discedere videretur, senatusconsultum fieri curabat. Dio lx, p. 682.

¹ Culleo insuerit. Sen. de Clem. i, 23. Culleum fuisse utrem ex corio factum, 'in quo parricidæ, cum simia, gallo, et serpente inclusi, in mare' præcipitabantur, norunt omnes, docetque Isidor. Origin. v, 27. Breve autem ac verum est Senecæ, l. c. c. 24, dictum: 'Non minus Principi turpia sunt multa supplicia, quam medico multa funera.'

² Suppliciis adfecti sunt. Ms. Viadobonensis editus sup.

pudore, intendi: populorum innocentiam, vel virtutis fama, vel paritate simul et infamia pœnarum, parari.

17. Aliud autem novi moris edictum prodiit, turbarum metu potius, quam literarum studio. Princeps enim, veritus ne diem suum natalem¹ ob futuram eclipsim inauspicatum haberet populus, denunciavit² “Calendis Augustis Solem ex quadrante³ defecturum; idque non ira Deum, sed statis naturæ legibus contingere: Solem interventu Lunæ occultari: pariter Lunam hebetari in suis deliquiis terræ objectu: propter multivagos Lunæ flexus,⁴ hos quidem utriusque sideris defectus non esse menstruos, certos tamen ducentis viginti tribus mensibus⁵ in suos orbes redire. Has naturæ leges Græcis⁶ jamdudum deprehensas, apud Romanos Sulpicii Galli⁷ scientia nobilitatas, eo edicto publicari, ut in hac imperii literarumque luce quisque, metu solutus, vera de natura sentiat, nec monstra expavescat.” Tali quidem edicto inclauit sideralis scientia:⁸ at in vulgi animis semper insedit superstitio; et pavores Principis scrutantibus oblata sermonum jocosumque materia.

18. Amoliendis rebus novis meliores fuere ludi,¹ quos Claudius voverat Britannico bello, nunc editi. Lætitiam auxit Principis largitio; datique² viritim plebi, quæ ex publico frumentum accipiebat, trecenti nummi;³ nonnullis plures:

1 *Suum natalem.* Suet. in Claud. 2. ‘Claudius natus est, Julio Antonio, Fabio Africano coss. [A.U.C. 744. a.c. 9.] Kalend. Augustis, Lugduni, eo ipso die, quo primum ara ibi Augusto dedicata est.’ In vet. Kalendariis hoc die notatur NATAL. TI. CLAUDII GERMANICI.

2 *Denuntiavit.* Dio lx, p. 682.

3 *Ex quadrante.* Fuit illa eclipsis trium digitorum. V. Petav. de Doctrina temporum, xi. 9.

4 *Lunæ flexus.* Addit Plin. ii, 10. ‘propter obliquitatem Signiferi,’ Anglice, *the Zodiac*, et errat. Si menstrui non sunt utriusque sideris defectus, id contingit propter errores Lunæ, quæ ab Ecliptica deflectit; non vero propter obliquitatem Signiferi.

5 *Ducentis viginti tribus mensibus.* Ait Plin. ii, 13, ‘ducentis viginti duobus mensibus.’ At vel fallitur, vel fallunt ejus librarii. Non post ducentos viginti duos menses, sed post ducentos viginti tres menses Lunares, Sol Lunaque et nodi orbitæ Lunarum in eundem positum recurrunt. Sic in iisdem partium scrupulis congruente utriusque sideris motu, defectus in suos orbes redeunt. Quod antiquitus Chaldeis fuerat compertum.

6 *Græcis.* Hac laude Thales et Hipparchus insignes fuere apud Græcos. V. Plin. ii, 13.

7 *Sulpicii Galli.* A.U.C. 586. a.c. 167. C. Sulpicius Gallus, tribunus militum, pridie quam Perseus rex superatus a Paulo Emilio est, in concionem ab imperatore productus, prædixit nocte proxima ab hora secunda usque ad quartam horam noctis Lunam defecturam esse. Sic cautum ne illa eclipsis pro portento ab exercitu Romano acciperetur. Plin. l. c. Liv. xlv, 37.

8 *Sideralis scientia.* Hac forte spectat Sen. Nat. quæst. vii, 25. ‘Nondum sunt anni mille quingenti, ex quo Græcia ‘Stellis numeros et nomina fecit.’ Multaque hodie sunt gentes, quæ tantum facie noverint cælum, quæ nondum sciunt cur Luna deficiat, quare obumbretur. Hoc apud nos quoque nuper ratio ad certum perduxit.’

1 *Ludi.* Dio lx, p. 682.

2 *Datique.* Dio ibid.

3 *Trecenti nummi.* Angl. 2l. 10s. Hoc congiarium memorat Ms. Vindobonensis, ut diximus sup. p. 236. In eo expensas fuisse Angl. 6,300,000l. aut amplius, manifestum est.

quibusdam etiam mille ducenti quinquaginta.⁴ Partem Cæsar, partem generi⁵ distribuere, ne per plures dies a jure dicundo abstineret: hac in re numquam intentior, quam dum uxor, dum liberti omnia luxu, libidine, scelere miscebant. Sub anni finem diem Saturnalibus a Caio additum, postea omisum, restituit.⁶

19. Nihil memorabile in provinciis gestum. Cuspicio Fado, Judææ procuratori, successor datus est Tiberius Alexander,¹ patre Judæo, Alexandriæ Alabarcha,² genitus; Romanarum rerum tanto studiosior, quod a patriis sacris defecerat. Haud minore Judæicæ gentis gloria, quam utilitate, defectionem illam pensaverant Izates,³ Adiabenorum rex, et ejus mater Helena, Judæorum religionem professi. Genti enim gravi fame⁴ conflictatæ subvenerunt; Izates pecunia, Helena frumento ex Ægypto comportato, et inter egenos didito.

20. Tum Izates, Romanorum et Parthorum imperiis interjectus, inclarescebat. Sed paulo altius res repetenda. Is Monobazo, patri suo defuncto successerat, non ut natu major,¹ sed ut melior. Nec interfectis fratribus, ut mos est barbaris, regni tranquillitati, suæ securitati consuluit; sed fratres suos cum ipsorum liberis partim Romam ad Claudium, partim ad Artabanum, Parthorum regem, misit.² Dominationis æmulos hac arte fecit pacis obsides.

21. Mox adcrevit fama, cum Izates Artabanum¹ e regno profugum tanta humanitate excepit, ut alieno in regno Princeps magis, quam exul haberetur. At cum aliena regibus semper sint iniqua, maxima dexteritate satagit, ut Parthi Artabanum reciperent, "præteritarum injuriarum oblivionem, seque pacis sponsorem" promittens. Adnuere; et Cinnamus,² imperandi capax magis, quam avidus, solio cessit, obsequio, quam imperio inlustrior.

4 Mille ducenti quinquaginta. Dio ibid. Anglice 201. 8s. 4d.

5 Generi. Dio ibid. Generos Claudii, Cn. Pompeium Magnum et L. Junium Silanum vidimus supra in Suppl. An. ix, 25.

6 Restituit. Dio ibid. De die, quem Caius Saturnalibus addidit, diximus supra in Suppl. An. vii, 24. Post ejus eadem fuerat omisus.

1 Tiberius Alexander. Joseph. Antiq. Jud. xx, 5. Iste est Tiberius Alexander, quem memoratum vidimus sup. An. xv, 28. et postea sæpe in Historiarum libris.

2 Alexandria Alabarcha. Alexander, Tiberii Alexandri pater, Alexandriae omnium genere et opibus primus fuerat. Joseph. l. c. Portas templi Hierosolymitani auro argentoque vestiverat. Joseph. Bell. Jud. v, 5. n. 3. Alabarchia autem

erat præcipua Judæorum Alexandrinorum dignitas.

3 Izates. Rem fuse narrat Joseph. Antiq. Jud. xx, 2. n. 4 et sq. De Izate jam actum supra An. xii, 13. Ibi quoque diximus de Adiabene, quæ pars erat et initium Assyriæ.

4 Gravi fame. Joseph. Antiq. Jud. l. c. n. 6. Hæc confirmant, quæ jam notavimus sup. de fame ab Agabo prædicta.

1 Natu major. Junior enim erat Monobazo, Monobazi filio. Joseph. ibid. n. 3.

2 Misit. Joseph. ibid. n. 4.

1 Artabanum. Joseph. Antiq. Jud. xx, 3. Artabanum II. V. Canonem regum Parthorum, in not. et em. ad An. ii, 1.

2 Cinnamus. Joseph. ibid. n. 2. Cinnamus, Artabani II. alumnus, ei successerat; mox regnum restituit.

22. Artabanus, in Izatem haud ingratus, maximis honoribus cum extulit; voluitque "ut tiara recta¹ uteretur, lectoque aureo² dormiret;" quæ propria sunt Parthicæ majestatis decora: ejus quoque regno adjecit peramplam ac fertilissimam Nisibis regionem,³ ditioni regis Armeniæ ademptam.⁴ Ita cum dedecore, penes Romanos opes ac libido; penes barbaros, imperii vis et gloria.

23. Verum ut Principis Urbisque studia sint perspectiora, haud pigebit referre visum hoc anno Antiochiæ ad Mæandrum¹ hermaphroditum;² et Romam perductum. Portentum illud ibi curiose exceptum est. At ne quid dirum ingrueret, Claudius ut legum, ita cærimoniarum immodicus, in Capitolio Jovi averrunco aram posuit. Urbis vero major libido, quam superstitio; quodque olim in ostentis³ fuerat, tum habuit in deliciis,⁴ novo flagitiorum genere superba.

24. Iisdem circiter temporibus, nec illaudabili invento, ni mores fuissent ad luxuriam proniores, scarus,¹ piscis nepotum principibus² laudatissimus, e mari Carpathio³ in Italiam advectus. Quinquennio fere cura adhibita,⁴ Optatus Elipertius, præfectus classis, inter Ostiensem et Campaniæ oram⁵ sparsos ita disseminavit, ut frequentes hoc in littore inveni-

1 *Tiara recta.* Joseph. ibid. *Τιάρα ῥέκτη.* Hujus tiaræ figuram videre est in nummis regum Parthorum. De ea disserentem v. Cl. Pellerin, *Recueil de Médailles de Rois*, p. 135.

2 *Lectoque aureo.* Joseph. ibid.

3 *Nisibis regionem.* Quam Macedones appellaverunt Mygdoniam. Ibi urbs Antiochia, vel Nisibis, hodie *Nesibin*. V. Plin. vi, 13.

4 *Ademptam.* Joseph. ibid.

1 *Ad Mæandrum.* Hæc est Antiochia Cariae, quam Mæander et Orsinus circumfluebant. Plin. v, 29. Perit: Cl. d'Anville, *Géographie ancienne*, vol. ii, p. 76. existimat in ejus locum successisse *Iegni-Shehr*, i. e. *Urbem novam*.

2 *Hermaphroditum.* Rem narrat Phlegon, de Rebus mirabilibus, c. 6.

3 *Olim in ostentis.* Id enim Romæ antiquitus expiatum, ut videre est apud Liv. xxvii, 11. Immo vero id horrebant Romani, ut patet ex Liv. xxxix, 22. 'Sub idem tempus et ex Umbria nuntiatum est seminare duodecim ferme annos natum inventum: id prodigium abominantes arceri Romano agro necarique quamprimum jusserunt.'

4 *In deliciis.* Plin. vii, 3. Inde, inter vetera monumenta, ære, marmore, gemmis, picturis tot imagines hermaphroditorum expressæ, quarum adhuc multæ extant.

1 *Scarus.* Plin. ix, 17. Scarus saxatilis est piscis, qui, cum ejus caro sit valde mollis et friabilis, principatum apud Romanos obtinuit. V. Galen. de Aliment. facult. iii, 30.

2 *Nepotum principibus.* Gulam hanc heluonum spernit Horat. Epod. ii, 48. 'Non me Lucrina juverint conchyliis, Magisque rhombus, aut scari, Si quos Eois innotata fluctibus Hyems ad hoc vertat mare.'

3 *Mari Carpathio.* Mare illud Asiaticum quoque dictum est Plinio, v, 27. quod ab Asia provincia, urbeque Telmesso, nunc *Macri*, inciperet, et ad urbem Carpathum, nunc *Scarfanto*, inter insulas Rhodum et Cretam deveniret.

4 *Cura adhibita.* Certe magnam adhibere debuit; cum paulo ante id tempus scripserit Columella, viii, 17. 'Littorum, sic et fretorum differentias nosse oportet, ne nos alienigeni pisces decipiant: non enim omni mari potest omnis esse, ut scarus, qui totius Asiæ Græciæque littoribus Sicilia tenus frequentissimus exit, numquam in Ligusticum, nec per Gallias enavit ad Hibericum mare. Itaque ne si capti quidem perferantur in nostra vivaria, diutumi queant possideri.'

5 *Oram.* Romæ vicinam et opportunitam.

rentur: sicque satis piscibus,⁶ datus mari novus incola, aucta novis saporibus gula.

25. At ne victa videretur natura, paulo post quidam Perusinus,¹ eques Romanus, quæstorius scriba,² mentagram,³ luem majoribus patribusque incognitam, ex Asia importavit. Malum, tamquam fœminas plebemque negligeret,⁴ in proceribus ad omne luxus ingenium præcipuis veloci transitu osculi ita grassabatur, ut occuparet in multis totos vultus, oculis tantum immunibus, descenderet in colla pectusque et manus, fœdo cutis furfure:⁵ fœdiore adhuc eorum, qui causticam Ægyptiorum medicinam⁶ pati toleraverant, cicatrice, quam morbo. Et certe id toto ævo observatione dignum, quod quantum opibus et deliciis, tantum vitiis et morbis crevimus.

A.U.C. 799. J.C. 46.

26. Valerius Asiaticus II. M. Junius Silanus consulatum¹ iniere, dignitate pares, gratia et opibus dispares. Silanus statò tempore² magistratum posuit. Asiaticus vero, licet in totum annum designatus, se abdicavit.³ Id quidem præstiterant et alii: at hi modicis fortunis, et Circensium ludorum sumtibus, qui immoderate excreverant,⁴ impares. Ille mo-

⁶ *Satis piscibus.* Hæc, ut et superiora, Plin. ix, 17. Illud autem exemplum pisces serendi nec injucundum, nec inutile.

¹ *Perusinus.* Perusia, nunc *Perugia*.

² *Quæstorius scriba.* Scriba quæstoris.

³ *Mentagram.* Qua de re eloquenter pro more suo, Plin. xxvi, 1. 'Sensit et facies hominum novos, omnique ævo incognitos, non Italiæ modo, verum etiam universæ prope Europæ, morbos. Tunc quoque non tota Italia, nec per Illyricum Galliasve, aut Hispanias, magnopere vagatos, aut alibi quam Romæ, circaque: sine dolore quidem illos, ac sine pernicie vitæ, sed tanta fœditate, ut quæcumque mors præferenda esset. Gravissimum ex his lichenas appellavere Græco nomine: Latine quidem, quoniam a mento fere oriebatur, joculari primum lascivia (ut est procax natura multorum in alienis miseris,) mox et usurpato vocabulo, mentagram—Non fuerat hæc lues apud majores patresque nostros. Et primum Tiberii Claudii Cæsaris principatu medio irrepsit in Italiam, quodam Perusino, equite Romano, quæstorio scriba, cum in Asia apparuisset, inde contagionem ejus importante.' Mentagra illa ad cuticulares morbos pertinet, et lepræ speciem elephantiasi, congenerem referre videtur.

⁴ *Negligeret.* Plin. l. c. 'Nec sensere id malum faminae, aut servitia, ple-

besque humilis, aut media: sed proceres veloci transitu osculi maxime.'

⁵ *Furfure.* Plin. ibid.

⁶ *Ægyptiorum medicinam.* Plin. ibid.

'Causticis namque curatur: nî usque in ossa corpus exustum esset, rebellante tædio. Advenerantque ex Ægypto genitrice talium vitiorum medici, hanc solam operam afferentes, magna sua præda. Si quidem certum est Manilium Cornutum, e prætoris legatum Aquitanicæ provinciæ, HS. CC. elocasse in eo morbo curandum sese.' Sestertium ducenties, H-S. CC. sunt *Angl.* 166,666l. 13s. 4d. Quod cum sit immane, potius crediderim legendum H-S. CC. id est, sestertia ducenta, *Angl.* 1666l. 13s. 4d. Adhibiti autem Ægyptii medici, quod hi morbi in Ægypto familiares. Unde Lucret. vi, 1112. 'Est elephas morbus, qui propter flumina Nili Gignitur Ægypto in media, neque præterea usquam.' Scribebat Lucretius antequam elephantiasis et mentagra Romæ fuissent exortæ.

¹ *Consulatum.* Valerius Asiaticus II. et M. Junius Silanus cons. fuere A.U.C. 799. J.C. 46.

² *Statò tempore.* Vulgo post sex menses.

³ *Se abdicavit.* Dio lx, p. 683.

⁴ *Immoderate excreverant.* Id ex Caii

tam Principis gratia, altero consulatu, immensis divitiis invidiam verebatur: male consultus, qui, ubi summa gratia, magnæ opes, adrepens invidia, suspectam et intutam esse modestiam, decoros vero et tutos honores maximos, modo non immodicos, haud intelligeret.

27. Messalina, ob luxus monimenta, quæ invidebat, Asiatico infensa,¹ quid adversus eum valeret, M. Vinicii ruina² prætentavit. Bis consul, patre consulari ortus, Cæsarum adfinitate³ inlustris, Vinicius ipsi tanto erat suspectior, quod ab ea læsus, interfecta uxore ejus Julia. Metum furoremque addiderat pudicitia incassum tentata.⁴ Obscurum tamen scelus quæsivit; virumque invisum simul et dilectum, melioribusque temporibus dignum, veneno sustulit. Funere publico et laudatione celebres fuere exsequiæ; quod multis datum ea ætate,⁵ quæ humanitatis expers ejus speciem ambitiosius ostentabat.

28. Tum Asinius Gallus, claris natalibus,¹ facie ignobili,² deformiore ingenio, inserere sese fortunæ voluit. Princeps, uti rebatur, ab omnibus salutandus, si imperandi voluntatem ostenderet, coepit ob generis claritudinem palam dominationem adfectare. Nec opes, nec arma aderant: complures tantum Cæsaribus liberos atque servos corruerat. Insanum regulum non morte, qua inclaruisset facinus, sed exilio, quo derideretur, multavit Claudius;³ hoc uno judicio, quam latis tot legibus, majorem laudem adsecutus.

29. Haud minore fama, scelus libertorum qui adversus patronos libertate abuterentur, et ferociam dominorum, si per nefas sævirent, corripuit. Motus enim audacia cujusdam liberti,¹ quod patronum apud tribunos plebis detulisset, et in eum petisset accepissetque apparitorem,² non modo illum

Caligula insania, de qua dictum supra, remanebat. Tunc autem vices et quater in ludis Circensibus certabatur, ut habet Dio, loc. cit. De his viginti quatuor missibus eorum diximus sæpe ex Kalendariis veteribus.

1 *Asiatico infensa.* Inhiabat enim hostis, quos Valerius Asiaticus insigni magnificentia extollebat; ut vidimus sup. An. xi, 1.

2 *Vinicii ruina.* Dio lx, p. 683.

3 *Cæsarum adfinitate.* Uxorem duxerat Juliam, Germanici filiam. V. Stem. Cæs. n. 97 et 99.

4 *Tentata.* Dio l. c.

5 *Ea ætate.* Dio ibid.

1 *Claris natalibus.* Nepos enim erat Asinii Pollionis, filius Asinii Galli, et Vipsaniæ Agrippinæ, quæ primum Tiberio nupserat, et ex quo Drusum Cæsarem

susceperat. Inde Asinius Gallus frater erat uterinus Drusi Cæsaris, ut habet Dio lx, p. 683. Stem. Asiniorum dedimus supra.

2 *Facie ignobili.* Statura minimus erat et deformis. Dio l. c.

3 *Multavit Claudius.* Dio, ibid. Insani autem consilii, et pænæ, forte socius fuit Statilius Corvinus. Sic enim Suet. Claud. 13.

4 *Conspirare autem ad res novas Gallus Asinius, et Statilius Corvinus Pollionis ac Messalæ oratorum nepotes, assumtis compluribus libertis ipsius atque servis.* At de hac societate nihil habet Dio; et forte, duæ diversæ fuere conspirationes. Ut ut est de pænâ Statilii Corvini silent scriptores.

1 *Liberti.* Dio lx, p. 683 et 684.

2 *Apparitorem.* Dio ibid. *ὑποφύων.* Tribuni plebis non erant lictores, sed appar-

ceterosque causæ innexos punivit; sed et ingratos libertos, de quibus patroni quererentur, revocavit in servitutem;³ “advocatisque eorum” negavit⁴ “se adversus libertos ipsorum jus dicturum.” Dominos pariter exosos, qui ægra affectaque mancipia in insulam Æsculapii⁵ tædio medendi exponerent, sanxit⁶ “omnes, qui exponerentur, liberos fore, nec redituros in ditionem domini, si convaluissent: quod si quis necare quem mallet quam exponere, eum cædis crimine teneri.”

30. Verum ab æquò ad temeraria cito degressus, et ægre ferens absentia litigatorum, qui ne causa caderent verebantur, judicia vel retardari vel impediri, pronuntiavit “se absentibus æque ac præsentibus causam dicturum.”¹ Deinde nullo delectu culpane quis, an aliqua necessitate cessasset,² sententiam tulit. Cum tamen vulgus utilitate publica minus quam voluptate moveatur, hæc judiciorum temeritas haud ita fuit ingrata. At eviuit uxorius Princeps, quod Sabinum, Caio imperitante, Galliæ præfectum, tum morti in gladiatorio certamine destinatum, Messalina ob adulteriorum societatem servasset.³ Fœmina, atrox libidinum, quas præter Claudium cuncti noscerent, majorem adhuc invidiam concitavit, cum Mnesterem,⁴ his temporibus histrionica laude summum, stupris ita inligasset, ut nec eum in scenam prodire sineret, nec ipse vellet, juraretque Claudius illum secum non esse, et per se non stare quominus vellet. Quid mirer magis Messalinæ licentiam, audaciamne Mnesteris, an populi Romani questus, an contumelias Principis, haud dixerim.

31. In tanta principatus indiligentia, evenere tamen quæ magnos Principes haud dedecuisse. Regnata hactenus Thracia in provinciam redacta.¹ Percelebris quoque fuit legatio e Taprobane² missa. Alterum orbem terrarum esse diu existimatum,³ *Antichthonum*⁴ appellatione: insulam esse,

tores, qui iis apparebant, et præsto aderant.

3 Revocavit in servitutem. Suet. Claud.

25. Sic quoque Marcianus, Digest. Libr. xxxvii, Tit. 4. de Lege patronatus. Leg. 5. ‘Divus Claudius libertum, qui probatus fuerit patrono delatores summisisse, qui de statu ejus facerent ei quæstionem, servum patroni esse jussit.’ At lex illa non videtur diu viguisse, ut patet ex An. xiii, 26.

4 Negavit. Suet. ibid. Id a Claudio fuisse edicto sancitum ait Dio lx, p. 684.

5 In insulam Æsculapii. Illa insula Romæ templo Æsculapii fuit insignis: nunc sancto Bartholemeo sacra, dicitur *Isola di S. Bartolomeo*.

6 Sanxit. Suet. Claud. 25. Huc quo-

que spectat, quod habet Modestinus, Digest. Libr. xl, Tit. 8. Qui sine manumissione ad libertatem perveniunt. Leg. 2. ‘Servo, quem pro derelicto dominus ob gravem infirmitatem habuit, ex edicto divi Claudii competit libertas.’

1 Dicturum. Dio lx, p. 684.

2 Cessasset. Suet. Claud. 15.

3 Servasset. Dio l. c.

4 Mnesterem. Dio ibid.

1 Redacta. Hieronymus in Chronic.

2 Taprobane. Nunc Ceylon, insula totius Orientis pulcherrima, quondam Lusitanorum, deinde Batavorum, hodie Anglorum commercio celeberrima.

3 Diu existimatum. Atque ita quidem ex Hipparcho prodidit Pomponius Mela, qui ante hanc legationem Claudio missam

Alexandri Magni victoriis innotuit. Plura et certiora docuere legati, Romam advecti. Quod qua fortuna contigerit, Plinium,⁵ historiæ naturalis florentissimum scriptorem secutus, expediam.

32. Annii Plocami, qui maris Rubri vectigal¹ a fisco rede-merat, libertus circa Arabiam navigans, raptusque Aquilonibus² præter Carmaniam,³ 15. die Hippuros portum⁴ invectus est: hospitali regis clementia sex mensium tempore imbutus alloquio,⁵ percunctanti postea narravit Romanos et Cæsarem.⁶ Mirum in modum in auditis justitiam ille suspexit, quod pares pondere denarii essent in captiva pecunia, cum diversæ imagines indicarent a pluribus⁷ factos; et hoc maxime sollicitatus ad amicitiam, legatos⁸ quatuor misit, principe eorum Rachia.

33. Nostrum cælum,¹ suas umbras² mirati, ipsi in Urbe peregrinitatis avida admirationi fuere. Ex iis cognitum "sua in insula quingenta esse oppida: Palæsimundum³ omnium ibi clarissimum, ac regiam cc. mill. plebis:⁴ servum nemini: non in diem aut interdiu somnum: agros diligenter coli: vitis usum non esse,⁵ pomis abundare:⁶ esse in piscatu volupta-

scripsit. 'Taprobane, aut grandis admodum insula, aut prima pars orbis alterius Hipparcho dicitur.' Mela iii, 7.

4 *Antichthonum*. Seu Antipodum.

5 *Plinium*. Plin. vi, 22.

1 *Vectigal*. Vectigalia vulgo ad quinquennium locabantur. De fisco Principis sæpe dictum.

2 *Aquilonibus*. Non raptus Aquilone; sic enim ventus fuisset navigationi contrarius. Sed raptus est Aquilonibus, seu tempestatibus, ut recte explicat Harduinus. Cauro, *the north west wind*, procelloso vento actus videtur.

3 *Carmaniam*. Cujus nomen adhuc retinet Kerman.

4 *Hippuros portum*. Portus ille sane fuit in Occidentali ora insulæ Taprobanes, forte ubi nunc portus, qui dicitur *Colombo*.

5 *Alloquio*. Indigenarum sermonem edoctus.

6 *Cæsarem*. Claudium.

7 *A pluribus*. Ab Imperatoribus Augusto, Tiberio, Caio Caligula et Claudio factos.

8 *Legatos*. Inde quoque legati postea missi sunt ad Julianum Imperatorem, ut videre est ap. Ammian. Marcellin. xxii, 4.

1 *Nostrum cælum*. Mirabantur Septemtrionalis plagæ sidera, quæ non ita noverrant, in Australia sua sidera magis intenti. Plin. l. c. 'Septemtriones Vergiliasque

apud nos, veluti novo cælo, mirabantur.' Addit Plin. 'Canopum lucere noctibus, sidus ingens et clarum.' Errat autem, aut fefellerit legati, 'ne Lunam quidem apud ipsos, nisi ab octava ad 16 supra terram aspici fatentes.' Plin. ibid.

2 *Suas umbras*. Ob mutatum locum, mutatae eorum umbræ, non in Austros, sed in Septemtriones cadebant. Unde Plin. ibid. 'Maxime mirum iis erat, umbras suas in nostrum cælum cadere, non in suum.'

3 *Palæsimundum*. Vulgo creditur urbem illam fuisse, quæ nunc dicitur *Jafanapatnam*, celeberrimum Batavorum emporium. *Palli* autem lingua Indica significat oppidum, aut habitationem. Palæsimundum est ergo oppidum Simundi; et inde tota insula Ptolemæo, vii, 4. dicitur habitatio Simundi, *ἡ δ᾽αὖ ἐς ἰμὸς τῆς οὔρεως*.

4 *Cc. mill. plebis*. Agriculturæ studio, parco victu, humilibus ædificiis, populi frequentia, plurimum veteris hodiernique Sinensium ritus habebant Taprobanitæ. In eorum quoque scriptura versus non in transversum extensi, ut apud nos, sed, ut apud Sinenses, a vertice ad inferiora linea recta deducti. V. Diodor. Sic. ii, 57.

5 *Non esse*. Haud vere ergo Iambulus, apud Diodorum Siculum, ii, 59. ibi vites vinumque memorat. Minime tamen tunc ignota vitis vel in ipsis Orientis finibus. Vitæ enim in Sinas invexit *Tchang-Kien*,

tem, testudinum maxime, quarum superficie familias habitantium contegerent:⁷ ædificia modice ab humo extare: annonam numquam augeri:⁸ non fora⁹ litesve esse: coli Herculem:¹⁰ festa venatione absumi; gratissimam eam tigribus elephantisque¹¹ constare. Regem eligi a populo senectæ clementiæque, liberos non habentem; et si postea gignat, abdicari, ne fiat hereditarium regnum: rectores ei a populo 30. dari: nec nisi plurium sententia quemquam capitis damnari; sic quoque appellationem esse ad populum; 70. iudices dari; si liberent reum, amplius triginta, iis nullam esse dignationem, gravissimo probro. Regi cultum Liberi patris, ceteris Arabum:¹² regem, si quid delinquat, morte multari, nullo interimente, aversantibus cunctis, et commercia etiam sermonis negantibus.¹³

34. Hæc ob novitatem audientibus grata. Libentius vero, licet haud sine invidia auditum, "ibi vitam hominum centum annis modicam:¹ insulam auri margaritarumque grandiorum fertiliorem,² quam Indiam." Paululum invidiam imminuit vitiorum societas, et Romanæ luxuriæ commendatio. Fatebantur enim legati "sibi aurum et argentum in pretio:³ marmor testudinis simile,⁴ gemmas margaritasque in honore multo præstantiores haberi:⁵ ipsorum opes majores esse, sed apud Romanos opulentiae majorem usum."⁶

qui anno 122. ante Christum extera regna ad Sinarum Occidentem posita adiit, cum imperator esset *Kin-ti*.

6 *Pomis abundare.* Maxime Assyrii citreisque malis, et aliis id genus arboribus, quæ per totum annum fructibus floribusque sunt gravidae.

7 *Conteherent.* Tanta, inquit Plin. ibid. reperiuntur magnitudine.

8 *Numquam augeri.* Nempe ob oryze copiam, quæ in hac insula est quam maxima. Forte et providebant sterilitates. Qua laude jam incluserant Imperatores Sineses, ac maxime Imperator *Suen-ti*, qui anno 54. A. C. nova horrea condidit; et cum fertilissimus fuisset annus, magnam oryze vim majore etiam, quam tum vendebatur, pretio comparavit, ut sterilibus annis viliori pretio venderet; sic geminata populi sui utilitate.

9 *Non fora.* Ob insita gentis animis justitiæ studia, non fora, non lites, ut Romæ, frequentabantur. Verum, cum ubi sunt homines, ibi quoque sint vitia, iis quoque fuere et iudices et pœnæ, ut mox diceretur.

10 *Herculem.* Herculem, Liberumque patrem, seu Bacchum, mox nominandum, indigenas Deos crediderim, sed ita appellatos interpretatione Romana. Forte ta-

men ob Alexandri Magni victorias gentiumque commercia Græcis Ægyptisque superstitionibus fuere imbuti.

11 *Elephantisque.* Teste Plin. l. c. 'Onesicritus, classis Alexandri Magni prefectus, elephantos ibi majores bellicosioresque, quam in India, gigni scripsit.' Maximam famam in Oriente adhuc obtinent.

12 *Ceteris Arabum.* Cælum et Solem cunctaque cælestia a Taprobanitis fuisse culta tradit Diodor. Sic. ii, 59.

13 *Negantibus.* Hæc et superiora Plin. vi, 22.

1 *Centum annis modicam.* Hæc et sequentia Plin. ibid. Immo Diodor. Sic. ii, 57. tradit eos ad centum quinquaginta annos vitam producere.

2 *Fertiliorem.* Plin. ibid.

3 *In pretio.* Idque commune semper fuit Orientis vitium.

4 *Testudinis simile.* Iis marmor erat testudinacea varietate.

5 *Haberi.* Nec mirum; cum Taprobanitæ opibus valerent, et Indis essent vicini: præterea et ipsi gemmis et margaritis abundabant. V. Ptolem. vii, 4.

6 *Majorem usum.* Vere quidem, et ex luxuria et ostentatione Romana.

35. Talia in insula, extra orbem a natura relegata,¹ multi eo magis mirabantur, quod de Seribus prorsus diversa prius audita,² certioribus nuntiis tum firmata. Memorabat enim Rachia "ultra montes Emodos³ Seras,⁴ lanicio sylvarum⁵ nobiles, ab ipsis aspici;⁶ advenis sibi occurrere; notos etiam commercio: patrem suum eo commeasse: illos excedere hominum magnitudinem,⁷ rutilis comis, cœruleis oculis, oris so-

1 *Relegata.* Plin. vi, 22.

2 *Prius audita.* Ante hanc legationem Claudio missam, jam de Seribus scripserat Pomponius Mela iii, 7. 'Seres intersunt, genus plenum justitiæ, ex commercio, quod rebus in solitudine relictis absens peragit, notissimum.'

3 *Montes Emodos.* Plin. ibid. Emodi montes inter Scythas et Iados interjecti, supra Gangis fontes.

4 *Seras.* Seres illi non sunt ipsi Sinenses, ut multis creditum, sed pars Scytharum, Orienti maxime obversa, et magno muro Sinensium, qui jam tum exibat, vicina. De Seribus Plin. vi, 17. 'Primi sunt hominum, qui noscantur, Seres, lanicio sylvarum nobiles, perfusam aqua depectentes frondium canitiem: unde geminus fœminis nostris labor redordiendi fila, rursumque texendi. Tam multiplici opere, tam longinquo orbe petitur, ut in publico matrona transluceat.' De Seribus eorumque serico plura habet Ammian. Marcellin. xxiii, 11. 'Seres armorum semper et præliorum expertes, utque hominibus sedatis et placidis est otium voluptabile, nulli finitimorum molesti: cœli apud eos jucunda salubrisque temperies, aeris facies munda, leniumque ventorum commodissimus flatus, et abunde sylvæ sublucidæ; a quibus arborum fœtus aquarum asperginibus crebris, velut quædam vellera mollientes, ex lanugine et liquore mixtam subtilitatem tenerimam pectunt; nentesque subtegmina, conficiunt sericum, ad usus antehac nobilium, nunc etiam infimorum sine ulla discretionem proficiens. Ipsi præter alios frugalissimi, pacatoris vitæ cultores, vitantes reliquorum mortalium cætus. Cumque ad coemenda fila et quædam alia fluvium transierint advenæ, nulla sermonum vice propositarum rerum pretia solis oculis æstimantur. Et ita sunt abstinentes, ut apud se tradentes gignentia, nihil ipsi comparent advectitium.' Seras tamen, quos hic memorat Rachia, non ita dissitos fuisse a Taprobanitis, sed ipsam Australem insulæ Taprobanes partem habitasse ingeniose conjicit Cl. d'Anville, *Mémoires de l'Académie Royale des Inscriptions*, vol. xxiii, p. 602. Difficulta-

tem tantum facessit, quod ultra montes Emodos locentur.

5 *Lanicio sylvarum.* Ex modo laudatis Plinii Ammianique Marcellini testimoniis, videretur Seras non ex bombycibus, sed ex sylvis arborumque frondibus et fructibus sericum texuisse. Quod sentire quoque videtur Virg. Ge. ii, 121. 'Velleraque ut foliis depectant tenuia Seres?' Rem apud Romanos divulgatam, probabilem fecit P. Visdelou, docuitque in regione *Egyr* esse arbusculam, e cujus fructu educitur filum candidissimum et tenuissimum, cui nomen *Thiélié*. V. Cl. d'Anville, *Mémoires de l'Académie Royale des Inscriptions*. vol. xxxii, p. 600. Forte quoque usurpata fuisse a Seribus, uti hodieque a Sinensibus usurpantur, longissima fila serica, quæ magna copia per arbores et campos a quibusdam erucarum speciebus in provincia *Chan-tong* funduntur. V. P. du Halde, *Description de l'Empire de la Chine*, vol. ii, p. 207. Tunc forent distinguenda serica ex arboribus, et bombycina e bombycibus. Nec tum erat unica bombycum species, sed multiplex, ut videre est ap. Plin. xi, 22 et 23 nondum memorat Sinensem, Indicamve bombycis speciem, quæ apud nos nunc vulgatissima. Serica et Bombycina distinguit Ulpian. in Digest. Libr. xxxiv, Tit. 2. de auro et argento legatis. Leg. 23. 'Vestimentorum sunt lanea omnia, lineaque, vel serica, vel bombycina.'

6 *Ab ipsis aspici.* E longinquo quidem aspicebantur, siquidem ingentes et maris et terrarum tractus intercedebant. At semper commerciorum causa longinquæ regiones petitæ. Jam multo ante, non modo Maracandam, *Samarakand*, sed et Persidem ob commercia Sinenses adierant, ut videre est in eorum Historia. Immo ob illas longinquas peregrinationes reperta ab ipsis videtur pyxis magnetica, quam suis curribus aptabant, ut ipsius ope inter viarum incerta cursum dirigerent. Talem pyxidis magneticæ usum memorat eorum Historia sub Imperatore *Tching-Ouang*, ad annum 1106. A. C.

7 *Hominum magnitudinem.* Hæc et seq. Plin. vi, 22. Jam monuimus supra Seras

no truci, nullo commercio linguæ: feris quidem persimiles, cœtum reliquorum mortalium fugere: mites tamen, justos, commercia ita peragere, ut fluminis⁸ ulteriore ripa merces positas juxta venalia tollant, si placeat permutatio." Tales virtutes in talibus hominibus aliquis forte mirabitur, miretur magis tot periculis, impensis maximis, et lenta quidem, sed certa et irreparabili imperii ruina, matronalis libidinis velamenta⁹ simul et inritamenta inde arcessi.¹⁰

esse Scythas. Si quis vero nunc eorum magnitudinem, rutilas comas, cœruleos oculos conferat cum iis quæ dicta sunt sup. in lib. de Mor. Germ. c. 4. 'Habitus quoque corporum, quamquam in tanto hominum numero, idem omnibus: truces et cœrulei oculi, rutilæ comæ, magna corpora;' novum erit argumentum Germanos esse Scythica origine. Truces quoque Serum soni asperitatem Scythicæ linguæ arguunt.

⁸ *Fluminis.* Plin. vi, 17. 'Primum eorum (Serum) noscitur flumen Psitaras.' Flumen illud idem esse debet, quod nunc dicitur *Yerghien*. Ulteriore autem ripa ponebantur merces, quod commercia expectabant Seres, teste Plin. ibid.

⁹ *Libidinis velamenta.* Inde, cum varia Romanæ luxuriæ portenta recensuisset Seneca, addit: 'Video sericas vestes, si vestes vocandæ sunt, in quibus nihil est quo defendi aut corpus, aut denique pudor possit: quibus sumtis, mulier parum liquido, nudam se non esse, jurabit. Hæc ingenti summa, ab ignotis etiam ad com-

mercium gentibus accersuntur, ut matronæ nostræ, ne adulteris quidem plus sui in cubiculo, quam in publico ostendant.' Sen. de Beneficiis vii, 9. Hæc serica auro rependebantur; ideo miratur Seneca Romanos non posse 'vestitos esse sine commercio Serum.' Sub principatu Tiberii, 'interdictum ne vestis serica viros fœdaret.' Tac. An. ii, 33. Postea ipsi milites sericatis incessere, cum de Judæis triumpharent Vespasianus et Titus, ut diximus in Append. ad Hist. v, 50.

¹⁰ *Arcessi.* Inter peregrinas merces ad vectigal pertinentes recensentur a Marciano, in Digest. Libr. xxxix, Tit. 4. de Publicanis et vectigalibus. Leg. 16. 'vestis serica, vel subserica, vel attincta, carbasæa, nema sericum.' Nema autem sericum sunt serica fila, quæ redordiebantur rursusque texebantur fœminæ Romanæ, ut ex Plinio notavimus supra. Nunc superest, ut Inscriptionem arcus Secusiani, *Suza, in Piedmont*, egregium Cottii monumentum, repræsentem: id enim promissi supra:

IMP. CAESARI. AVG. DIVI. F. PONTIFICI. MAXIMO. TRIBVNITIA
POTESTATE. XV. IMP. XIII. M. IVLIVS. REGIS. DONNI. F. COTTIVS.
PRAEFECTVS. CIVITATVM. QVAE. SVBSCRIPTAE. SVNT
SEGOVIORVM. SEGVINORVM. BELACORVM. CATVRIGVM
MEDVLLORVM. TEBAVIORVM. ADANATIVM. SAVINCATIVM
EGDINIORVM. VEAMINIORVM. VENISAMORVM. IRIORVM
ESVBIANORVM. OVADIAVIVM. ET. CIVITATES. QVAE
SUB. EO. PRAEFECTO. FVERVNT.

De hac Inscr. v. Cl. Maffei, *Histor. Diplomat. p. 1.* et Cl. Bimardum, in *Muratorii*

Thes. Inscr. Antiq. vol. i, Col. 74.

SUPPLEMENTUM

LIBRI UNDECIMI

ANNALIUM.

AUCTORE GABRIELE BROTIER.

BREVIARIUM.

1. **P**ORTENTOSA anni initia. Claudius Censor. 2. Polybii, liberti, arrogantia et pœna. 3. Aulo Plautio, Britannorum victori, decreta ovatio. Vespasiani virtus. Titi pietas. 4. Revocatur majestatis crimen. 5. Messalina, Vitellii societate audax, in civium fortunas grassatur. Everso Pompeio Magno, Poppæam et Valerium Asiaticum circumvenit. *Cetera habet Tacitus Annalium Libro XI. l et seq.*

Gesta hæc,

A. U. C. J. C.

DCCC.

47.

Coss. $\left\{ \begin{array}{l} \text{Ti. Claudio Cæsare IV.} \\ \text{L. Vitellio III.} \end{array} \right.$

A. U. C. 800. J. C. 47.

1. **P**ORTENTOSIS initiis inclaruit secularis hic annus, quo Claudius Cæsar IV. sed suffectus tantum,¹ novo circa Principem exemplo, L. Vitellius III. consulatum iniere.² Ipsi Calendis Januariis, nocte, qua defecit luna,³ Theram inter⁴ et Therasiam in Ægæo mari enata insula.⁵ Fabulas addidere,

¹ *Suffectus tantum.* 'In locum demortui [consulis sane designati] suffectus,' Suet. Claud. 14.

² *Consulatum iniere.* Ti. Claudius Cæsar IV. L. Vitellius III. coss. fuere A. U. C. 800. J. C. 47.

³ *Defecit luna.* Aur. Victor de Cæsar. in Claud. Dio, Libr. IX, p. 685. Quod vero hac nocte prodiiit insula, inde Sen. Nat. Quæst. II, 26. id prodigium ad supe-

riorem annum exeuntem, 'Valerio Asiatico consule,' retraxit.

⁴ *Theram inter.* Thera, hodie *the Isle of Santorin*, in the Archipelago. Therasia, exigua insula, vicina est Occidentem versus. De utraque insula v. Plin. II, 87. et Franciscum Richard S. J. *Relation de l'Isle de Sant-Erini*, p. 17 sq.

⁵ *Enata insula.* Sen. Nat. Quæst. VI, 21. 'Theren, et Therasiam, et hanc nos-

qui Phœnicem⁶ in Urbem allatum, videndum in Comitio⁷ proposuerunt. Mendacium, licet omnibus compertum, a plebe tamen spectatum est avide, atque etiam actis testatum. Princeps, alias in curas intentus, censorium nomen, post Paullum Plancumque⁸ censores neglectum, cum consulari adsumsit, ut reipublicæ, labentibus seculis simulque gliscentibus vitiis fatiscenti, subveniret. Senatores aliquot, luxu ad inopiam contentumque delapsi, ordine moti sunt.⁹ At equites, numero et opibus¹⁰ tuti, Principis severitatem effugere. Cetera censura multitudinem legum corrupta.

2. Pudebat quoque Principis, inepte seduli, qui rempublicam legibus fatigabat, dum ipsius domus majoribus vitiis urgebatur; prævalida in dies libertorum arrogantia. Patientiam, metu magis, quam reverentia diu exercitam, vicit rei indignitas. Forte cum in theatro pantomimus illud vatis dictum, "Res non ferenda opibus potens mastigia,"¹ protulisset, omnium ora statim in Polybium conversa, qui majore audacia ejusdem poetæ versum vociferatus est, "Reges quoque extitisse de caprariis."² Adversus talem hominis impudentiam immotus fuit Princeps. Sed vota civium absolvit Messalina: non tamen recti studio; sed semper infida scelerum societate accensa, Polybium, suis adulteriis inligatum, corripuit et interfecit.³ laudandum quidem ob literarum studia⁴ et ingenii facilitatem, ni ingenuas artes probrosa fortuna dehonestasset.

3. Verum, ne continuis Messalinæ fœditatibus avocetur

træ ætatis insulam, spectantibus nobis in Ægeo mari enatam quis dubitat? Cassiodor. in Chronic. 'Inter Theram et Therasiam exorta est insula habens stadia 30.' Sequentibus seculis, eodem in loco, manente semper eadem ignium vi, novæ erupere insule, scilicet anno 726. æstivo tempore: anno 1427. die 25. Novembris: anno 1573. quæ Græcis adhuc dicitur *μικρὴ Καμμένη* nova demum, ineunte hoc seculo, anno 1707. die 23. Maii, per plures menses eructata. Vide Richard, loco citato, et *Mémoires pour l'Histoire des Sciences et des beaux Arts*, mense Julio anni 1708. p. 1261. et mense Septembris, anni 1715. p. 1543.

6 *Qui Phœnicem*. Hæc habet Plin. x, 2. Victor quoque in Cæsaribus et in Epitome. De Phœnice dictum satis in not. ad An. vi, 28.

7 *In Comitio*. Comitium pars fori Romani. V. inf. Vit. Agr. c. 2.

8 *Paullum Plancumque*. De eorum censura dictum in not. et em. ad An. xi, 25. ubi de censu lustroque Romanorum.

9 *Moti sunt*. Dio lx, p. 684.

10 *Numero et opibus*. Cum plurimi, ser-

vitute liberati, ad dignitatem equestrem transilirent: quod ita promiscuum esse cœpit, 'ut apud Claudium Cæsarem, in censura ejus, unus ex equitibus Flavius Proculus quadringentos ex ea causa reos postularet.'

1 *Potens mastigia*. Hæc, versumque Græcum, habet Dio Lib. lx, p. 684. 'Ἀφ' ἑνὸς ἱστῶν εὐτυχῶν μαστιγίας.'

2 *De caprariis*. Dio ibid. p. 685. Βασιλῆς λυγροῦτο χ' οὐ πρὸς θύρας αἰπώλοι.

3 *Et interfecit*. Dio ibid. p. 686.

4 *Literarum studia*. Quæ Seneca commendat in libro, quem de consol. ad Polyb. morte fraterna incontinentem, scripsit. Homerum et Virgilium commentariis illustraverat. Unde Sen. l. c. 26. 'Homerus et Virgilius, tam bene de humano genere meriti, quam tu de omnibus et de illis meruisti, quos pluribus notos esse voluisti, quam scripserant, multum tecum morentur.' Fabellas quoque scripsit, ut patet ex c. 27. 'Non audeo te usque eo producere, ut fabellas quoque et Æsopæos logos, intentatum Romanis ingeniis opus, solita tibi venustate connectas.' Suet. Claud. 28. ait: Claudio fuisse 'Polybium a studiis, qui

legentium animus, lætiora de Britannis narrandum. Aulus Plautius, quem supra memoravi,¹ rem Romanam lentis, sed certis, promoverat incrementis. Barbari frustra impetus fecere, peregrinæ dominationis odio et locorum peritia ad fiduciam elati: semper restitit ducis providentia, et Vespasiani virtus interrita. Periculis quoque lacessita innotuit Titi pietas, ac fortitudo. Patre circumfusus hostibus erepto, non modo servati civis decus obtinuit,² sed fugatos barbaros magna clade adfecit. Adversis casibus fracti, nihil jam audebant; et Plautius pacis artibus dominationem ultra intendit. Cum bella ita starent, missus est proprætor Ostorius Scapula,³ qui feliciter cœpta continuaret. Plautio decreta ovatio;⁴ Urbemque ingresso obviam progressus est Princeps, et in Capitolium eunti, indeque revertenti latus textit: forte ultra Imperatoriam majestatem, at non supra Plautii merita civilis.

4. Hæc inter recrudit, vetus Urbi malum, majestatis crimen, tuendi Principis specie, sed prædandi causa repetitum. Accusati plurimi. Ignobiles tutata est humilitas, dicitante Principe, "De pulice, ut de fera," non esse vindicandum." In hoc stetit clementia. Sævium in nobiles potentesque, quod soli ad prædam sufficerent. Atque ita pereuntibus dederat etiam commune sub prioribus Principatibus solatium, cum, vel morituri, de Claudii crudelitate queri non possent, uxoriæ ejus imbecillitatem miserarentur.

5. Una enim tot tantarumque cædium causa erat Messalina. Fœmina, libidinum adsuétude, et Vitellii, scelerum satellitis, societate audax, in civium fortunas vitasque impune grassabatur. Loco criminum erant muliebria odia. Sic in Pompeii Magni,¹ quem nobilitas et cum Cæsaris domo affinitas in invidiam adduxerant, perniciem ruit. Mox Poppæam et Valerium Asiaticum, illam, ob præcellentem formæ pulchritudinem, hunc, propter ingentes opes ipsosque Poppææ amores odiosum, circumvenit. Nam Valerium Asiaticum,² bis consulem, fuisse quondam adulterum ejus credidit: pariterque hortis inhians, quos ille a Lucullo cœptos insigni magnificentia extollebat, Suilium accusandis utrisque immittit.

sæpe inter duos consules ambulat.' Eum nempe 'in altiore ordinem et amor Cæsaris extulit, et studia deduxerunt,' Sen. c. 25.

1 *Supra memoravi.* In Suppl. An. x, 5.

2 *Decus obtinuit.* Dio lx, p. 685.

3 *Ostorius Scapula.* Vir bello egregius, ut dicitur inf. Vit. Agr. 14. De quo multa sup. An. xii, 31 sq.

4 *Decreta ovatio.* Hæc, et quæ sequuntur, Suet. Claud. 24. Triumphantem, quod non est ex hujus ætatis usu, Plautium inducit Eutropius in Claud. 'Tam civilis circa quosdam amicos extitit [Clau-

dus], ut etiam Plautium nobilem virum, qui in expeditione Britannica multa ac egregia fecerat, triumphantem ipse sequeretur, et conscenti Capitolium lævus incederet.'

1 *Ut de fera.* Dio lx, p. 685. Εἶπὼν ὅτι, ὃς τὸν αὐτὸν χεὶρ τρέπον φέλλαν τι καὶ θῆριον ἀμύνεσθαι.

1 *Pompeii Magni.* Crassi et Scriboniæ filii, Antonia, Claudii filia, mariti. V. Stem. Cæs. n. 106. Dion. lx, p. 668. Zonar. p. 563. Sen. in Apocolocynt.

2 *Valerium Asiaticum.* Hæc et reliqua habet Tac. An. xi, 1.

SUPPLEMENTUM

LIBRI DECIMI SEXTI

ANNALIUM.

AUCTORE GABRIELE BROTIER.

BREVIARIUM.

INITIA hujus libri habet Tacitus. 35. Thræseæ, Sorani et Serviliæ suprema. Paconii et Helvidii exilia. 37. Tiridatis in Urbem adventus. Datum ei regnum Armeniæ, magno Principis dedecore. 47. Neglecta Judæa, bellum adversus Æthiopes Albanosque parat Nero. Interim Achaïam petit, cantaturus. 49. Helii, liberti, in Urbe arrogantia et sævitia. 50. Græciæ urbes scenicis artibus Principis fœdatae. 52. Nova libidinum portenta. Nero uxorem ducit Sporum. 54. Exhaustæ Imperii opes populorum ruina reparantur. 55. Eadem in Urbe atrocitas. 56. Perfodiendi Isthmi Corinthiaci tentamina. Missi ad id opus a Vespasiano Judæi captivi. 58. Judaici belli initia. 62. Nero turbarum nuntiis in Urbem revocatur, data prius Achaïæ libertate. 64. Triumphans Urbem ingreditur. Fœda scenici triumphii species. 65. Conjunctio resecta, et expiata. 66. Atrocia adversus Principem C. Julii Vindiciis consilia: suas in partes Sulpicium Galbam trahit. 72. Nuntiata Galliarum defectione, vana belli meditata. 77. Conflata undique in Neronem odia. Patriæ tamen studio, Julii Vindiciis cœpta opprimit Verginius Rufus. 80. Hac clade consternatus Galba. 81. At consilia Principis, vere falsove a spadone prodita, ineluctabilem creant ruinam. Senatus, imminere sibi periculum ratus, Neronem prævertere occupat. 82. Nero, vitæ mortisque incertus, fugit. 85. A Senatu hostis, more majorum puniendus, judicatur. 87. Pavens, mortem sibi consciscit: ultima ac pessima Cæsarum stirps. 89. Prodigia. Præceps, sed mutabilis, populi lætitia. Nymphidius, Galbæ favet, Imperii spes in se trahens: mox interficitur. 91. In Neronianæ crudelitatis instrumenta sævi-

tum. 92. Galba, audito Neronis fine, audacior, Romam proficiscitur. Intempestiva severitate, Principatus initia corrumpit.

Hæc gesta annis tribus,

A.U.C.

J.C.

DCCCXIX. 66. Coss. { C. Suetonio Paullino,
C. Lucio Telesino.

DCCCXX. 67. Coss. { L. Fonteio Capitone,
C. Julio Rufo.

DCCCXXI. 68. Coss. { C. Silio Italico,
M. Galerio Trachalo.

A.U.C. 819. J.C. 66.

35.¹ THRASEA, progressus in porticum, illic a quæstore reperitur, lætitiæ propior, quia Helvidium generum suum Italia tantum arceri cognoverat. Helvidium et Demetrium in cubiculum inducit: porrectisque utriusque brachii venis, postquam cruorem effudit, humum super spargens, "Libemus," inquit, "JOVI LIBERATORI. Specta, juvenis, et omen quidem Dii prohibeant; ceterum in ea tempora natus es, quibus firmare animum expediat constantibus exemplis." Post lentitudine exitus græves cruciatus adferente, obversis in Demetrium oculis, ejusque aspectu et verbis animatus, amicis oscula offerens,² diu eluctatum spiritum reddidit: vita egregius, mortis contemtor, et adversum præsentia mala adeo firmus, ut dicere esset solitus, "Malle se hodie interfici, quam cras relegari."³

36. Fato, ut virtute, pares interiire Soranus et Servilia. Exilii pœnam animi excelsitate nobilitavit Paconius.¹ Monitus enim causam suam agi in senatu: "Bene vertat," inquit; "at quinta est hora,² frigida lavemus." Post cum se damna-

1 35. Priora capita habet Tac. An. xvi.

2 Oscula offerens. Schol. Juvenal. v, 36.

3 Cras relegari. Arrian. Epictet. i, 1. 'Θρασίας εὐθεὶ λίγειν, σήμερον ἀναρχθῆναι θίλω μάλλον, ἢ αὐριον φυγαδεύθῆναι. Inter multa alia percelebre ejus effatum, quod commendat Plin. Ep. viii, 22. 'Hoc domi, hoc foris, hoc in omni vitæ genere teneamus, ut nobis implacabiles simus; exorabiles istis etiam, qui dare veniam, nisi

sibi, nesciunt: mandemusque memoriæ, quod vir mitissimus, et ob hoc quoque maximus, Thræsea, crebro dicere solebat; Qui vitia odit, homines odit.'

1 Nobilitavit Paconius. Paconius Agrippinus, de quo dictum sup. An. xvi, 28. 29 et 33. Alacrem ejus mentem et adversus imminenti pericula immotam celebrat Arrian. l. c.

2 Quinta est hora. Arrian. l. c. 'Ἀλλὰ ἄλθιν ἢ πέμπτη ταύτη δ' εὐθεὶ γυμνασά-

tum audisset, "Morte, an exilio?" interrogat. Nuntiato exilio, "Quid de bonis!" ait: "Servata," responsum. "Ariciam³ ergo petamus, pransuri," addit ingens animi, et usura vitæ perinde, ac ceteri appetita morte, inlustris. Laudata quoque Demetrii libertas, cui cum Princeps mortem intentaret: "Quam mihi tu,"⁴ inquit, "hanc tibi natura minitatur." Audacia, an seminudi philosophi ignobilitas, certe non justitia, non recti amor ei salutem attulit. Helvidius autem, interdicta sibi Italia, Apolloniam concessit:⁵ socreri postea ultor et æmulus.⁶

37. Tanta Principis senatusque dedecora velavit Imperio gravis, sed populo læta Tiridatis scena.¹ Nondum visa tanta hospitem majestas. Longo enim superstitiosoque,² sed triumphali pompa³ superbo, itinere defuncti, aderant Tiridates ejusque uxor, Vologesique et Pacori ac Monobazi⁴ filii. Primo in congressu Tiridates, constantiam factis melius, quam verbis probari ratus, Neronem quidem, posito genu, salutavit, ferrum vero tradere renuit;⁵ "id servile, et Arsacidarum fastigio indignum" dictitans. Nihil hactenus indecorum. At statim omnia in ludicrum versa.

38. Nero barbari libertatem mirari magis, quam æmulari, gnarus, hospites Neapoli Puteolos¹ duxerat, gladiatorisque ludis monstrata Imperii magnificentia. Hos edidit Patrobius, libertus,² tantoque sumtu, ut toto die soli Æthiopes, virile

μικτος ψυχρολουτρεῖν. Male vertit eruditus Wolfius, 'at quintus dies adest.' Sic Plin. senior 'post solem plerumque frigida lavabatur,' Plin. iii. Ep. 5.

3 *Ariciam*. Nunc *la Riccia*, de qua inf. Hist. iv, 2.

4 *Quam mihi tu*. Arrian. Epictet. i, 25. Ἀπειλῆς μοι θάνατον, σοὶ δ' ἡ φύσις. Inter multa alia et magnifica ejusdem Demetrii effata, præcipuum hoc, laudatum a Sen. de Providentia 3. 'Nihil mihi videtur infelicius eo, cui nihil umquam evenit adversi. Non licuit enim illi se experiri.'

5 *Apolloniam concessit*. Scholiast. Juvenal. v, 36. Licet plures fuerint Apolloniæ, hæc videtur fuisse Apollonia in Epiro, nunc *Polina*.

6 *Ultor et æmulus*. V. inf. Hist. iv, 5.

1 *Tiridatis scena*. De adventu Tiridatis in Urbem sup. An. xvi, 23. Pluribus Dio lxxiii, p. 716 sq.

2 *Superstitiosoque*. Plin. xxx, 2. Tiridates 'navigare noluerat quoniam expuere in maria, aliisque mortalium necessitatibus violare naturam eam fas non putant.'

3 *Triumphali pompa*. Ob ingentem comitatum; 'et ideo provinciis gravis,' Plin. l. c. Præter famulos apparatusque re-

gium, juxta Dionem, l. c. Tiridaten comitabantur tria millia equitum Parthorum, ac Romanorum plurimi. In singulis urbibus, per quas iter fuit, festiva pompa regie excipiebantur.

4 *Monobazi*. Vologeses Parthorum, Pacorus Medorum, Monobazus Adiabenorum rex. V. sup. An. xv, 1.

5 *Tradere renuit*. Immo ne avelleretur, 'illud vaginæ clavis affixit,' ἀλλ' ἄλλοις αὐτὸν τῷ καλεῶν προσέπηξε, Dio lxxiii, p. 717. V. et An. xv, 31.

1 *Puteolos*. Nunc *Pozzuolo*. De his sup. An. xiv, 27.

2 *Patrobius, libertus*. Patrobius, libertus Neronis, hos ludos edidit; Dio l. c. Cujus autem esset luxuriæ in edendis ludis docet Plin. xxxv, 13. 'Non multum a pulvere Puteolano distat et Nilo arena tenuissima sui parte, non ad sustinenda maria fluctusque frangendos, sed ad debellanda corpora palestra studiis. Indecerte Patrobio, Neronis Principis liberto, advehebatur.' Hinc quoque luctantium invidia, cum 'in publica fame, Alexandrina navis nuntiaretur pulverem luctatoribus aulicis advexisse.' Suet. Ner. 45.

ac muliebre secus,³ amphitheatrum sint ingressi. Tiridates, ut ludos honestaret, simulque dexteritatem ostentaret, e sede sua ejaculatus, duos tauros, ut fertur,⁴ uno ictu transverberavit.

39. Major fuit pompa, at semper theatralis, cum Romam ventum est, diesque adfuit, propter nubilum aliquamdiu dilata, qua Tiridates, Armeniæ regnum petiturus, populo Romano ostenderetur.¹ Pridie Urbs tota, sertis nitida, luminibus collucere :² vis ingens hominum viarum strata complere : alii plurimi domorum tecta occupare : populus alba veste, et laureatus, medium obtinere forum : cetera tenere milites, comitis signis armisque præfulgentibus conspicui. Prima luce³ Nero, triumphantis habitu, forum iniit, comitantibus senatoribus et prætorianis cohortibus. Postquam apud rostra tribunal conscendit, curulique in sella inter signa militaria atque vexilla⁴ resedit, Tiridates, regumque filii, ac longum famulitium, per militum ordines ad tribunal progressi, Principem venerati sunt.

40. Clamor populi,¹ ob rei novitatem veterisque fortunæ imaginem gestientis, statim sequutus, metum Tiridati incussit. Periculi anceps, obriguit : nec, indicto silentio, rediit prior constantia. Forte etiam Tiridates, adulationem, quæ pericula averteret, regnum adsereret, haud veritus, "se Arsacidarum sanguine ortum" professus est, "Vologesi et Pacori regum fratrem, servum Neronis, quem ut Deum æque, ac Mithram,² venerabatur : sibi nulla, nisi per eum, regni jura : eum sibi fatum, sibi fortunam esse."

41. Quanto demissius hæc fuerant dicta, tanto ferocius respondit Nero.¹ "Huc quidem merito venisti, ut præsens præsentem me fruerere. Jura, nec a patre relicta, nec a fratribus, licet dedissent, servata, a me accepta habeto. Te regem Armeniæ do. Tu, vosque omnes, me regna dare et adimere intelligite." Mox Tiridaten,² per devexum pulpitem sube-

3 *Muliebre secus.* Virilis ac muliebris sexus.

4 *Ut fertur.* Dio l. c. *Εἰ γὰρ τῷ πιστόν,* 'si tamen credibile est.'

1 *Ostenderetur.* Suet. Ner. 13. 'Armeniæ regem magnis pollicitationibus sollicitatum, cum destinato per edictum die ostensurus populo propter nubilum distulisset, produxit, quo opportunissime potuit.'

2 *Luminibus collucere.* Hæc et seq. Dio l. c.

3 *Prima luce.* Dio l. c. *Ἀμὰ τῇ ἡμέρῃ.*

4 *Atque vexilla.* Suet. l. c.

1 *Clamor populi.* Dio Libr. lxiij, p. 717 et 718.

2 *Ac Mithram.* Dio l. c. *Σὺς δὲ δοῦλος*

εἶμι καὶ ἡλθὼν τε πρὸς σὶ τὸν ἱμὸν θεὸν, προσκυνήσω σε, ὡς καὶ τὸν Μίθραν. Solem, Mithræ nomine, venerabantur Persæ, aliique plurimi Orientis populi. V. eruditissimum Hyde, *Historia religionis veterum Persarum*, p. 106 sq. Ejus cultus apud Romanos invaluit, unde tot monumenta, D. SOL. INVICT. MITHR. i. e. 'Deo Soli invicto Mithræ,' nuncupata : qua de re v. erudit. Philippum a Turre, *Monumenta veteris Antii*, p. 157. ubi multa de Mithræ ejusque tabulis symbolicis.

1 *Respondit Nero.* Hoc Neronis responsum habet Dio l. c.

2 *Mox Tiridaten.* Hæc Suet. Ner. 13. et Dio l. c.

untem, ad genua admisit; allevatumque dextra exosculatus est. Dein regnum precantem, tiara deducta, diademate evinxit: plaudente multitudine, et verba supplicis, prætorio viro interpretata, ingeminante.

42. Inde ad Pompeii theatrum discessum est. Numquam tanta apparuit auri vilitas.¹ Non modo scena, sed interior theatri ambitus auro opertus: illud inumbrabant vela purpurea, quorum media in parte Nero, currus agitator, acu pictus videbatur, aureis stellis circumdatus. Ante consessum, rursus a Tiridate supplicatum est: deinde juxta Principem latere dextro collocatus,² spectavit ludos, in quibus nihil usurpatum, nisi auro fulgidum. Aurea oculorum delinimenta pretiosius convivium exceperit.³ Post rediere ludi, sed dedecore Imperatorio fœdi. Principem enim haud puduit cithara ludicrum in modum canere, currumque, prasina veste,⁴ aurigarumque habitu, agitare.

43. Inter hæc opprobria, indecoro populi plausu aucta, Tiridates, Corbulonis virtutem reputans, nec indignationis potens, scenico Principi "Corbulonem bonum mancipium"¹ gratulatus est. Neronis mentem, insana lætitia vagam, non advertit barbari audacia. Immo publica de infamia certantibus Principis et populi studiis, quasi per hæc deridicula confecto bello Armeniaco, Nero Imperator consalutatur; laurea-que in Capitolium lata, Janum clusit:² hac victoriæ imagine, quam ludicro certamine, fœdior.

44. Regni autem certus, Urbis Principisque inclinatione suam ad utilitatem usus est Tiridates. Jam pridem Roma, fortunæ suæ non capax, ad portentosa se converterat: iis abundabat Tiridatis aula, utpote qui, Orientis more, reconditioribus mathematicæ doctrinæ artibus gloriabatur. Scientiæ fidem faciebat numerosa magorum cohors, regios inter comites præcipua. Quirites de se, de superis inferisque

¹ *Auri vilitas.* Ideo, teste Dione, l. c. dies ille aureus appellatus est, ἀφ' οὗ καὶ τῇ ἡμέρᾳ αὐτῇ χρυσὸν ἱππώνισσαν. Vere Plin. xxxiii, 3. n. 16. 'Nos fecimus, quæ posterī fabulosa arbitrentur. Cæsar, qui postea dictator fuit, primus in ædilitate munere patris funebri, omni apparatu arenæ argenteo usus est.—C. Antonius ludos scena argentea fecit.—Nero Pompeii theatrum operuit auro in unum diem, quod Tiridati regi Armeniæ ostenderet. Et quota pars ea fuit aureæ domus ambientis urbem!

² *Collocatus.* Suet. l. c.

³ *Convivium exceperit.* Dio l. c. In aurea domo, de qua modo dictum. Plura autem v. in not. et em. ad An. xv, 42.

Quanti tunc forent in conviviis sumtus æstimari potest ex iis, quæ notavimus sup. An. xv, 37. not. inf.

⁴ *Prasina veste.* Dio l. c. Agitatorum factiones vestium colore noscebantur. Inde in vet. marm. ap. Gruter. p. 337. memoratur AGITATOR FACTIONIS ALB. l. e. albatæ. FACTIONIS RUSSATÆ. FACTIONIS VENETÆ, s. cæruleæ. FACTIONIS PRASINÆ, l. e. viridis.

¹ *Bonum mancipium.* Dio l. c. Ἀγαθόν, ὃ δισποσται, ἀνδράποδον Κορβούλωνα ἔχουσιν.

² *Janum clusit.* Suet. Ner. 13. Testis quoque nummus ære magno, quem laudavi sup. An. xvi, 28.

sciendi cupidine statim accensi. Sed apud Neronem præpotuere arcana, semper malis Principibus ob futuri formidinem, prodigis propter opum spem grata. Jam didicisse ardet. Discipulo superbus Tiridates, magisterium orditur.¹ Tum visus Imperii Romani arbiter Chaldaicis vanitatibus famulari, initiari cœnis magicis, veneficis artibus, quæ in magicis præpollent, imbui: magna quidem Urbis infamia; majore tamen documento inanem et intestabilem esse artem, quam neque docere posset, qui regnum acciperet, neque valeret ediscere, qui orbi imperaret.

45. At licet elusæ spes, haud imminuta liberalitas, largiore semper Principum munificentia, cum falluntur magis. Igitur, quamvis octingenta nummum millia¹ diurna Tiridati fuissent erogata, abeunti super sestertium millies collatum est. Permissum adhuc ut Artaxata, ante, ut supra memoratum,² deleta instauraret. Dati quoque artifices, quibus plurimos, mercede conductos, adjunxit. Sic graviore impendio datus Armeniæ rex, quam olim confecta bella maxima.

46. Iis auctus muneribus, nec patriæ superstitionis sollicitus, Tiridates Brundisio¹ solvit, Dyrrhacium² petiturus. Inde Asiæ urbes invisit, Imperii opes vanasque Principis curas passim miratus. Nondum Armeniam erat ingressus, cum

¹ *Magisterium orditur.* De hoc magisterio insignem locum habet Plin. xxx, 2. At cum longior sit, quam ut exscribatur, præcipua seligam. Magia¹ et aqua, et sphaeris, et aere, et stellis, et lucernis ac pelvibus, securibusque, et multis aliis modis divina promittit: quæ omnia etate nostra Princeps Nero vana falsaque comperit: quippe non citharæ tragicque cantus libido illi major fuit, fortuna rerum humanarum summa gestiente in profundis animi vitlis. Primumque imperare Diis concupivit, nec quidquam generosius valuit. Nemo unquam ulli artium validius favit. Ad hæc, non opes ei defuere, non vires, non discens ingenium, aliaque non patiente mundo. Immensum et indubitatum exemplum est falsæ artis, quam dereliquit Nero—Magus ad eum Tiridates venerat—Magos secum adduxerat. Magicis etiam cœnis eum initiaverat. Non tamen, cum regnum ei daret, hanc ab eo accipere artem valuit. Proinde ita persuasum sit, intestabilem, irritam, inanem esse, habentem tamen quasdam veritatis umbras: sed in his veneficas artes pollere, non magicas.²

¹ *Octingenta nummum millia.* Suet. in Ner. 30. Nero divitiarum et pecuniæ fructum non alium putabat, quam profusionem: sordidos ac deparcos esse, quibus

ratio impensarum constaret: prælauros vereque magnificos, qui abutentur ac perderent—Quare nec largiendi, nec absumendi, modum tenuit. In Tiridatem, quod vix credibile videatur, octingenta nummum millia diurna erogavit, abeuntique super sestertium millies contulit.³ Octingenta nummum millia sunt *Angl.* 6666l. 13s. 4d. Cum per novem menses, teste Dione lxxiii, p. 716. id fuerit erogatum, sunt Anglice circiter 1,800,000l. Adde millies sestertium abeanti collatum, quod efficit *Angl.* 833,333l. 6s. 8d. Accepit ergo Tiridates a Nerone Anglice circiter 2,600,000l. Immo Dio lxxiii, p. 718. ait, 'assentationis præmia, data munera pretio, ut fertur, ad his millies sestertium,' διὰ τοῦτο διὰ πέντε πέντε πέντε πέντε πέντε χιλιάδων ἀξίον, ὥς φασιν, ἔδωκε. Proinde, si Dioni fides, dedit Nero Anglice circiter 3,500,000l. Mirare Principis prodigalitatem, qui, cum tantam pecuniarum vim in Tiridaten impendisset, Vologesen adhuc enixe orabat, ut Romam veniret, Dio lxxiii, p. 719.

² *Supra memoratum.* An. xiii, 41.

¹ *Brundisio.* Nunc Brindisi, in regno Neapolitano.

² *Dyrrhacium.* Nunc Durazzo, in Albania.

Corbulo, obviam progressus, datos quidem artifices³ regem sequi permisit; sed coacti pecunia jussi Romam reverti. Quod Romanæ dignitatis tuendæ studium ducis famam intendit, Principis minuit. Beneficiorum tamen haud immemor Tiridates Artaxata, quibus nomen fecit *Neroneia*,⁴ restituit.

47. Interea apud Judæos, gentem sibi discordem, dirum exarserat bellum, Gessii Flori¹ procuratoris avaritia, Cestii Galli Syriæ legati tarditate, cum magna Romanorum clade, capta una aquila, coëptum, felicibus Vespasiani auspiciis reparatum, ac tandem invisæ gentis excidio absolutum, uti fusius alias sumus dicturi.² At id curæ tum spernebat Nero, famæ quidem appetens, sed quæ per immodica pararetur. Neglecto itaque præsentī discrimine, ingentia agitabat consilia, quibus Æthiopes Albanosque³ Imperio Romano adderet.

48. Dum mittuntur exploratores, ceteraque magno apparatu disponuntur, forte venere e Græcis civitatibus, musicos agones edere solitis, legati, qui omnes citharædorum coronas ad ipsum perferrent.¹ Mirum ut placuit novum assentationis genus. Legati statim admissi, familiaribus inserti epulis: adulationis periti, Principem ut "super cœnam cantet" rogant. Vix audire, in laudes effusi, insitam vanitatem ita inflavere, ut "solos scire audire Græcos, solos se, solos studiis suis dignos" jactitet: "se eo profecturum, ut Romam totumque terrarum orbem coronet."² Nihil veteris solitudinis superest. In theatricam expeditionem præceps, Achaiam petit:³ ad scenam, ut ad bellum⁴ profectus. Tigellino enim duce, comes ibat Augustanorum et scortorum turba, citharis, plectris, personis, libidinum ornamentis, aut incitamentis, gravis. Ut primum Cassiopen⁵ trajectum, statim ad

³ *Datos quidem artifices.* Dio lxiij, p. 718.

⁴ *Neroneia.* Dio ibid.

¹ *Gessii Flori.* Tac. Hist. v, 10. Suet. Vespas. 4.

² *Sumus dicturi.* Inf. c. 57. et in Suppl. Hist. v, 27 sq.

³ *Albanosque.* Tac. Hist. i, 6. Dio lxiij, p. 719. Plin. vi, 13 et 29. Suet. Ner. 19. 'Parabat et ad Caspias portas expeditionem, conscripta ex Italicis senum pedum tironibus nova legione, quam Magni Alexandri phalangem appellabat.'

⁴ *Perferrent.* Dio l. c. Suet. in Ner. 22.

² *Coronet.* Ex veteri usu. Unde Plin. vii, 26. 'More sacris certaminibus vincientium. Neque enim ipsi coronantur, sed patrias suas coronant.'

³ *Achaiam petit.* Hujus navigationis

testis nummus argenteus, ΝΕΡΩΝ ΚΑΙΣ. ΣΕΒ. ΓΕΡ. ΑΤ. i. e. 'Nero Caesar Augustus Germanicus Imperator,' capite radiato. E. IG. 'anno decimo tertio Imperii:' in aversa parte, navis inflatis velis, ΣΕΒΑΣΤΟΦΟΡΟΣ, i. e. 'vectrix Augusti.' Alio, sed perperam, hunc nummum trahit Harduin. Selecta Opp. p. 636.

⁴ *Ut ad bellum.* Dio l. c. Nec mirum, cum quinque millia Augustanorum haberet, Dio lxi, p. 699. Atque etiam 'numquam carrucis minus mille fecisse iter traditur, soleis mularum argenteis, canusnatis mulionibus, armillata et phalerata cum Mazacum turba, atque cursorum,' Dio Ner. 30.

⁵ *Cassiopen.* Suet. Ner. 21. Cassiope, hodie *S. Maria di Cassopo*, urbs insulae Coreyræ, Corfu.

aram Jovis Cassii⁶ cantus cœpere. Sic Græcia tot ante annos Flamini, Mummii, Agrippæ et Augusti victoriis ac legibus fracta, vitiorum dulcedine tandem vicit: ipseque Princeps de se triumphum attulit.

A.U.C. 820. J.C. 67.

49. L. Fonteio Capitone, C. Julio Rufo consulibus, res Romana, absente Principe, permissa Helio, liberto,¹ sub priore Principatu scelerum ministro, nunc eo nequiori, quod ad veterem usum major accedebat auctoritas. Sueta ignobilibus hominibus vitia, superbia, audacia, avaritia, sævitia confestim erumpere. Injuriis, minis, exiliis, mortibus adversus omne genus hominum ipsumque senatorium ordinem grassatur.² Facilitate criminum gliscit temeritas; idque malorum summum civitas experta, ut cum præsentem horruisset Principem, absentem desideraret.

50. At, gloriæ amens, hoc unum satagebat, ut diversissimorum temporum,³ sed in hunc annum coactas omnes Græcorum palmas unus acciperet. Itaque per singulas urbes, ludorum fama nobiles, promisso crine, resecta barba,⁴ ire, canere, aurigare, certare, tragoedias agere, et pro scenarum ratione, nunc furere, nunc parturire, nunc excœcari, modo religari:⁵ id tantum cavere ne ferro violarentur⁶ Imperatoriæ manus, quasi aureis compedibus minus sordescerent: totos vero dies in hæc ludicra ita solícite impendere, ut abesse, tædere, otiose spectare, discedere nefas foret pœna expiandum.⁷

51. Ob id reus Vespasianus,¹ quodque, canente Principe, discederet sæpius, aut præsens obdormisceret, non contubernio tantum, sed publica etiam salutatione fuit prohibitus. Jamque extrema metuens, in devium oppidulum secesserat, intuta adhuc latebra, ni mox, fatis eum ad summa vocanti-

⁶ *Aram Jovis Cassii.* Illa ara et imago Jovis Cassii, aut Cassii, ut appellant Græci, sæpe occurrit in nummis Corcyæorum, inscriptis ZETC KACIOC. Memoratur quoque Plin. iv, 12. 'oppidum Cassiopen et templum Jovis Cassii.'

¹ *Helio, liberto.* De quo supra An. xiii, 1. Dio lxiii, p. 720. Socium libidinis ac prædærum habebat Polycletem, libertum, jam memoratum An. xiv, 39. et dicend. inf. Hist. i, 37.

² *Grassatur.* Dio l. c.

³ *Diversissimorum temporum.* Suet. Ner. 23. 'Certamina deinceps obiit omnia. Nam et quæ diversissimorum temporum sunt, cogi in unum annum, quibusdam etiam iteratis, jussit. Olympiæ quoque

præter consuetudinem musicum agona commisit.'

⁴ *Resecta barba.* Dio lxiii, p. 719.

⁵ *Modo religari.* Suet. Ner. 21. 'Inter cetera cantavit Canacem parturientem, Orestem matricidam, Œdipodem excœcatum, Herculem insanum. In qua fabula fama est tirunculum militem positum ad custodiam aditus, cum eum ornari ac vinciri catenis, sicut argumentum postulabat, videret, accurrisse ferendæ opis gratia.' Quidam interrogatus, 'quid faceret Imperator,' respondit facete, 'Parit.' Canacem enim agebat. Dio lxiii, p. 720.

⁶ *Ferro violarentur.* Dio ibid.

⁷ *Pœna expiandum.* Suet. Ner. 23.

¹ *Reus Vespasianus.* Suet. Vespas. 4.

bus, rebus in Judæa adflictis fugatoque Cestii Galli² exercitui suppetias ferre jussus esset. Mira sane fortunæ natura, quæ, per res adversas Romanæque majestatis ludibria, Imperio ultorem, Principemque, priscae dignitatis et severitatis vindicem, destinabat.

52. Interim Nero, oraculorum vanitate, acriore Principum libidine accensus, ludorum infamiæ scelerum portenta addere; novaque excogitare, ne ipsum plebemque, flagitiorum adsuetudine morosam, varietate mobilem, satias caperet. Igitur, jam obsolescente Pythagoræ connubio, alias superaddit nuptias;¹ et Sporum, a Tigellino cum dote et flammeo deductum, uxorem accipit, plaudentibus Græcis, liberosque precantibus. Data Sporo, in alteram Sabinam mutato, Calvia Crispinilla,² cui nihil præter natales inerat nobile, quæ muliebre ejus ornatum curaret. Principi, tot libidinum formis hominum vitia supergresso, placuit tandem belluina æmulari;³ et, quod dictu incredibile, superare valuit: immo id etiam adsequi, ut Historiam, quæ quidquid in vitiis insolens ad odium commendare gestit, nova stuprorum monstra, quorum ipsum nomen scelus foret, silere coegerit.

53. Non tamen victa tantis flagitiis conscientia, sed immanem animum pudore pariter ac terrore laniabat. Hinc licet foret destinatum præcipuas Græciæ urbes ea turpitudinum inluevie fœdare, Lacedæmone tamen et Athenis¹ abstinuit; Lycurgum veritus, si urbem, tanta legum sanctitate, virtutum claritate celebratam, intraret. Magis adhuc terruere Furiarum sacra,² Athenis peragi solita: formidata quoque Eleusinia, quorum initiatione impii et scelerati voce præconis submovebantur.³ Forte quis in hoc vitiorum profundo hanc superstitionis vim mirabitur. At a natura, cujus interest scelera infamare, sapienter consultum est, ut improbi raro a superstitione sint intacti.

2 Cestii Galli. De quo sup. c. 47.

1 Superaddit nuptias. Ita tamen, ut simul et Pythagoram maritum, et Sporum uxorem haberet, ἄμω τῷ Νίρωι Πυθαγόρας μὲν ὡς ἀνὴρ, Σπόρος δὲ ὡς γυνὴ. Dio Libr. lxxiii, p. 721. Cum puerum Sporum uxorem duxit, tunc vulgatus 'cujusdam non incitus jocus: Bene agi potuisse cum rebus humanis, si Domitius, pater [Neronis], talem habuisset uxorem.' Contra vero Nero amore ita insanus erat, ut honores maximos, immensam pecuniæ vim proponeret, si quis Sporum facere posset mulierem, et reperti, qui id pollicerentur. Dio Chrysost. Orat. xxi, p. 270 sq. Fuere quoque, qui postea in Urbe, ad omne flagitium prona, portentosam hanc Neronis libidinem imitarentur. Unde Martialis.

Epigr. xii, 42. 'Barbatus rigido nupsit Callistratus Afro Hac qua lege viro nubere virgo solet. Præluxere faces, velarunt flamina vultus, Nec tua defuerant verba, Thalasse, tibi: Dos etiam dicta est. Nondum tibi, Roma, videtur Hoc satis; expectas numquid et ut pariat.'

2 Calvia Crispinilla. Dio lxxiii, p. 720. De illa quoque inf. Hist. i, 73.

3 Belluina æmulari. Dio lxxiii, p. 721. Suet. Ner. 29.

1 Et Athenis. Dio l. c.

2 Furiarum sacra. Ob cædis matrem sæpe confessus exagitari se materna specie, verberibus Furiarum, ac tedis ardentibus.

3 Submovebantur. Suet. Ner. 34.

54. Reliquæ autem urbes, hac fama non defensæ, ad opprobria patuere: ne invitæ quidem, quod et solita Principum admiratione, et præmiis, ad obsequium laudesque traherentur. Olympiorum ergo¹ et Pythiorum iudicibus in eam servitutem corruptis, omnes certatim in venerationem ruere, victoriarum omnium titulos in unum et immeritum caput congerere, undique coronas aureas adferre, et, quem infra homines viderent, Deum appellare. Sed improspere adulationis, serius adhuc expiandæ, brevi eas pœnituit, postquam exhaustas Principis opes suis civiumque fortunis² reparari sensere, easque per nobilissimorum quorumque cædes peti. Nec luctus, nisi majore adhuc formidine, repressus, exilio damnatorum liberis³ intentato.

55. Haud melior Urbis conditio, quamvis Patres ad singulas victorias (nos enim in hæc verborum mendacia cogunt tempora) erecti, continuas supplicationes haberent, iis etiam tam immodice fastos onerarent, ut ne annus quidem¹ sufficeret. Immo ut in se impensarum partem traherent, absenti Principi annum centies HS² decreverant. Helius tamen materiam criminandi adhuc arripuit, quosdam non satis favere, alios invidere causatus. Inde equester ordo damnatus voti, quo obstricti Augustani se Principi statuam mille pondo³ posituros sponponderant. Quod vero atrocius, Pythici cognomen, a majoribus acceptum, Sulpicio Camerino in perniciem cessit, quasi, hoc retento, in Pythicas Neronis victorias foret impius: tali crimine inretiti pater filiusque cecidere.⁴

56. Gravior adhuc malorum moles incubuit, cum furor incessit Isthmum Corinthiacum¹ navigabili alveo perfodere. Quod quidem non publica utilitate² susceptum, sed quia naturam vincere, et a Demetrio rege, dictatore Cæsare, Caioque

¹ *Olympiorum ergo.* Philostrat. Vit. Apollon. iv, 24. Dio lxiii, p. 720. Alienæ autem gloriæ ita invidus, ut 'ne cuius alterius hieroniarum memoria, aut vestigium, extaret usquam, subverti et unco trahi, abjicique in latrinas omnium statuas et imagines' imperaverit, Suet. Ner. 24. Alia invidiæ et crudelitatis argumenta, maxime cum in Isthmiis Epirotam interfecit, v. ap. Lucian. p. 1145.

² *Civiumque fortunis.* Dio l. c.

³ *Damnatorum liberis.* Dio ibid.

⁴ *Ne annus quidem.* Dio lxiii, p. 723. Inde postea a Patribus delecti, qui 'Fastos adulatione temporum fœdatos exonerarent,' Tac. inf. Hist. iv, 40.

² *Centies HS.* Centies sestertium, seu centies centena millia sestertium, Angl. 83,333l. 6s. 8d.

³ *Mille pondo.* Dio lxiii, p. 723. Si aurea fuit hæc statua, sine manipretio con-

stitit Anglice circiter 40,000l. Si vero argentea, Anglice circiter 2750l. quod infra hujus ætatis luxum et Neronis vanitatem.

⁴ *Cecidere.* Dio ibid. De Sulpicio Camerino sup. An. xiii, 52.

¹ *Isthmum Corinthiacum.* Adventum Neronis Corinthum, consiliumque perfodiendi Isthmi, *the isthmus of Corinth*, testantur nummi plarimi, tum Latini, tum Græci, inscripti: ADV. AVG. vel ADVENTVS AVG. COR. et ΠΟΡΕΙΑΔΩΝ ΙΣΘΜΙΟΥ, aut ΖΕΥΣ ΙΣΘΜΙΟΣ. Nempe Corinthii Neronem Neptunum Jovemque Isthmum appellabant, sicut in nummis Magnesium Lydia, quos publicavit Cl. Pellerin, *Recueil de Médailles de Peuples et de Villes*, vol. iii, p. 235. dicitur ΝΕ. ΚΑΙ ΖΕΥΣ ΕΑΕΤΘΕΠΙΟC, i. e. 'Nero Cæsar Jupiter liberator.' Isthmus, teste Plin. iv, 4. patet quinque millia passuum.

² *Publica utilitate.* Publica quidem hoc

Principe incassum tentata³ exsequi, splendidum haberetur. Tanta laude jam animo præoccupata, Nero, dux operis, ligione aureo fossam adgreditur,⁴ "ut sibi populoque Romano bene res verteret" precatus. Undequaque pecunia, materiæ, operæ conquisitæ: fodiendis ac comportandis terris destinati exercitus. Captivi et rei ad dura et saxosa⁵ damnati.

57. Cum ita ferverent operæ, in auxilium simul et in victoriæ monumentum venere lectissimorum captivorum sex millia,¹ quos, expugnata Tarichea,² mittebat Vespasianus. Rei enim militaris scientia et longo usu in Britannia probatus, vix Judaicum bellum capessivit, cum statim correcta castrorum disciplina, Romanis armis auctoritatem restituit. Verum nec sibi, nec patriæ fieri satis ratus, ni gentem, mentis mobilitate et oraculorum ambagibus³ turbidam, ita contereret, ut nunquam resurgeret audacia, graviores belli molem intulit. Itaque additis ad copias duabus legionibus,⁴ octo alis, cohortibus decem, et majore filio,⁵ spectatæ virtutis juvene, inter legatos adsumto, Galilææ, locorum natura et arte munitissimæ, primum incubuit. Omissaque clementia Romana, seu quod Judæos ea indignos judicaret, seu quod ipsi, ea sprete, in exitium ruerent, seu potius, ut pluribus visum, quod iratum numen gentis excidio execranda scelera ultum iret,⁶ omnia ferro flammaque vastata. Certe ab Urbe condita nullo in bello tantum hostilis sanguinis fustum est.

in opere fuisset utilitas, ob longum et ancipitem navium ambitum, quas magnitudo plaustri transvehi prohibebat, ut ait Plin. l. c. At eam non spectabat Nero, portentosum tantum operis curiosus.

3 *Tentata.* Immo et 'infausto, ut omnium patuit exitu, incepto,' Plin. l. c. Nempe victus Demetrius, in custodia periiit. Julius Cæsar, Caius Caligula, Nero, violenta morte occubuere.

4 *Fossam adgreditur.* Suet. Ner. 19. 'In Achaia Isthmum perfodere aggressus, prætorianos pro concione ad inchoandum opus cohortatus est: tubaque signo dato, primus rastello humum effodit, et corbulæ congestam humeris extulit.' Multa quoque hac de re habent Dio lxiij, p. 722. Philostrate. Vit. Apollon. iv, 24. Pausan. Lib. ii, p. 112. Inter Luciani opera extat quoque dialogus, inscriptus 'Nero,' p. 1142 sq.

5 *Et saxosa.* Integra mansere; prius derelicto opere, quam huc perventum, Pausan. l. c.

1 *Sex millia.* Joseph. Bell. Jud. iii, 10. n. 10.

2 *Tarichea.* Suet. Tit. 4. De hac urbe modo dicitur inf.

3 *Oraculorum ambagibus.* Cum Judæi, quæ a Prophetis, maxime a Daniele ii, 44. vii, 27. Michea iv, sq. 1. de futuro Christi regno fuerant prænuntiata, ad ambitiosas regni sui spes traherent. Qua de re opportunius dicitur in not. et em. ad Hist. v, 13.

4 *Duabus legionibus.* Suet. l. c. Vespasiani copias diligentius recenset Joseph. Bell. Jud. iii, 4. n. 2. et iii, 9. n. 1. Nempe aderant quatuor legiones, v. x. xii. et xv. viginti tres cohortes, et una equitum turma: quinque aliæ tormæ Syrorum equitum. Ex iis cohortibus, decem singulæ habebant mille pedites: reliquæ, pedites sexcentos, equites centum et viginti. Præterea reges Antiochus, Agrippa et Sohemus bina millia peditum sagittariorum et mille equites suppeditabant. Arabs quoque Malchus misit mille equites, et quinque millia peditum, quorum pars major erant sagittarii. Itaque Vespasiani exercitus constabat sexaginta circiter hominum millibus, præter ingentem calonum multitudinem. Sed de his adhuc inf. ad Lib. v. Hist.

5 *Majore filio.* Tito, Suet. l. c.

6 *Ultum iret.* Ac maxime ob infandam

58. Nam ut primum percerebuit rumor Vespasianum adventare, Judæi, præsidium Romanum Ascaloni impositum,¹ adgredi ausi, gemina clade, quæ decem et octo millia hominum absumsit, ab Antonio adfecti sunt. Mox Vespasianus, ut contumaciam infringeret, captam Gadaram² ejusque vicos igne delevit, puberibus omnibus trucidatis. Deinde Jotapatam,³ castellum munitissimum, cinxit obsidione; quæ quoniam locorum difficultate et obsessorum pertinacia in longum traheretur, ne ceteris hostibus crescerent animi, Trajanum,⁴ decumæ legionis præfectum, et Cerialem, quintæ tribunum, in diversa misit, ut terrorem late facerent. Ille, cæsis hominum quindecim millibus, Japha oppido⁵ potitus est: hic Samaritanorum undecim millia in monte, cui nomen Garizim,⁶ præcipuæ apud eos religionis, congregata, ad unum occidit. Interim Jotapatam admotæ machinæ acrius quatiebant. Romanorumque animis periculorum diuturnitate ac recenti ducis vulnere⁷ exasperatis, tandem Calendis Juliis,⁸ præeunte Tito, expugnata est: in ea quadraginta hominum millia periisse constitit: magnus quoque fuit captivorum numerus, quos inter Josephus,⁹ ingenio et scientia militari non indecorus, adulatione verius, quam augurio, Imperium Vespasiano Titoque ominatus, favorem captavit.

59. Tum legiones, his laboribus fessæ, in hiberna conces-

Jesu Christi necem, de qua Daniel ix, 26. 'Occidetur Christus: et non erit ejus, [Hebraice 'non erit ei,' יְהוֹשֻׁעַ] populus qui cum negaturus est. Et civitatem et sanctuarium dissipabit populus cum duce venturo: et finis ejus vastitas, et post finem belli statuta desolatio.' Quibus verbis elucidandis, et eventibus cum vaticinio comparandis, immorari neque est hujusce instituti operis; neque operæ pretium, cum id eruditissimi viri evidentissimum fecerint.

1 *Ascaloni impositum.* Joseph. Bell. Jud. iii, 2. Ascalon, urbs maritima tribus Simeon, hodie *Scalona*. Ascalonis fidem testatur Neronis nummus hoc anno cusus, ΑΣΚΑΛΩ. AOP. i. e. 'anno centesimo septuagesimo primo.' V. Harduin. Select. Opp. p. 636.

4 *Captam Gadaram.* Joseph. Bell. Jud. iii, 7. Gadara, *Kédar*, urbs tribus Manasse trans Jordanem, in Galaitide. Tunc cusus a Gadarensibus Neronis nummus, de quo Harduin. Select. Opp. p. 637. ΓΑΔΑΡΕΩΝ. E. A.P. i. e. 'anno centesimo trigésimo primo.'

3 *Jotapatam.* Joseph. l. c. n. 4. et sq. Jotapata, urbs tribus Zabulon, in Decapoli, Galilææ munitissima.

4 *Trajanum.* Patrem Trajani Imperatoris. 5 *Japha oppido.* Japha, *Suphet*, in Jotapatæ vicinia, ἐπὶ τινὶ τῶν τῆς Ἰωταπάτης ἀστυγυιόντων πόλιν, Ἰαφὰ καλεῖται. Joseph. Bell. Jud. iii, 7, n. 31.

6 *Garizim.* Garizim, in tribu Ephraim, mons Samaritæ editissimus, in quo templum Hierosolymitano æmulum. Templum illud exhibet egregius nummus, quem juris publici fecit Cl. Pellerin, *Mélanges de Médailles*, vol. i, p. 316. I. I. M. M. C. C. PHILIPPIS, i. e. 'Imperatoribus Cæsaribus Philippis,' Capita Philipporum patris ac filii. In aversa parte Venus stat ante Herculem; et in summa nummi parte, mons Garizim et templum, hinc Luna, inde Sol. Inscriptio, NEAPOL. NEOCORO. COL. i. e. 'Neapolis Neocoros Colonia.' Neapolis, hodie *Naples*.

7 *Ducis vulnere.* Vespasiani. Joseph. Bell. Jud. iii, 7, n. 22.

8 *Calendis Juliis.* Πανήμου νομηνία, primo Panemi mensis die, Joseph. Bell. Jud. iii, 7, n. 36.

9 *Josephus.* Qui historiam suam fusc ipse prosequitur, Bell. Jud. iii, 8. Scriptor singularis, in quo plurima argueris, multa tamen laudaveris.

sere,¹ quinta et duodecima Scythopolim,² decima et quintadecima Cæsaream.³ Sævitur tamen in proximam Joppen,⁴ piraticis latrociniis infamem. Mox ante hyemem bellum renovatum est. Orabat enim Agrippa,⁵ ut Tiberias⁶ et Tarichea,⁷ urbes regni sui validissimæ, a seditiosis occupatæ, ad fidem retraherentur. Regi amico, opem petenti, præsto fuit Vespasianus. Tiberias, imminenti discrimine territa, deditionem⁸ properavit. Taricheam seditiosorum duces ad fiduciam erexerant. Sed adversus Titi vim invalida, amissis sex millibus hominum, capta est.⁹ Qui in lacum¹⁰ profugere, pariter delati. Deinde a seditiosis (repetita pœna, Vespasianus edixit "mille ac ducentos viros, ætate et auctoritate præcipuos, interfici; ceteros fore captivos." Ex iis sex millia, ut diximus, Neroni missa: triginta millia sub corona venundata: ceteri Agrippæ cessere.

60. Hæc Taricheæ ruina, et strages Gamalæ edita,¹ in qua omnes contrucidati, vel e summis mœnibus sponte præcipites enecti, terrorem undequaque circumtulere. Nondum tamen seditiosi ad pacis consilia conversi, sed, furem more, adversis ferociore undequaque concursare, Hierosolyma implere; templum, maxima in veneratione quondam habitum, in arcem vertere, cædibus et summi pontificis² cruore fœdare; denique

1 *Concessere.* Joseph. Bell. Jud. iii, 9. n. 1.

2 *Scythopolim.* Urbem tribus Manasse, cis Jordanem. Dicta est primum Bethsan, deinde Nysa, ac demum *Scythopolis*. Ruderibus manet adhuc nomen *Scythopoli*. Hoc anno cusus nummus, quem protulit Cl. Liebe, Thesaur. Frideric. p. 335. Caput Neronis corona hederacea cinctum, in area hinc E. inde EIP, id est, 'anno centesimo decimo quinto' ære Scythopolitanæ seu Cæsaris; ex adversa parte in corona spinea ΝΤΑΙΕΩΝ ΤΩΝ ΚΑΙ ΟΚΤΟΟΠΟΛΙΤΩΝ. De nummis Scythopolis, ejusque æra, vide Cl. Belley, *Mémoires de l'Académie Royale des Inscriptions*, vol. xxvi, p. 415.

3 *Cæsaream.* Urbem Palæstinæ maritimam et celeberrimam. Tum cusus præstantissimus nummus Cl. Pellerin, *Mélange de Médailles*, vol. ii, p. 34. ΝΕΡΩΝ. ΣΕΒΑΣΤΟΣ. ΚΑΙΣΑΡ, 'Nero Augustus Cæsar,' capite laureato. In aversa parte, Dea Astarte caput Osiridis dextra gestat, ΚΑΙΣΑΡΙΑ. Η. ΠΡΟΣ. ΣΕΒΑΣΤΩ. ΛΙΜΕΝΙ, i. e. 'Cæsarea ad Augustum portum.' In area E. ΙΑ, 'anno decimo quarto' Neronis. V. et Cl. Belley, l. c. p. 440.

4 *Joppen.* Urbem maritimam tribus Dan, hodie *Jafa*. In hujus urbis nummo, quem

primus protulit Cl. Pellerin, *Recueil de Médailles de Peuples et de Villes*, vol. ii, p. 254. dicitur, ΙΟΠΗ.

5 *Agrippa.* Rex Agrippa 11. cui partem Galilææ Nero dederat. V. Stemma Herodum, n. 9. in not. et em. ad An. xii, 23.

6 *Tiberias.* Urbs tribus Zabulon ad lacum Genesareth. Ante vocabatur *Cenereeth*, ab Herode in honorem Tiberii dicta est Tiberias.

7 *Tarichea.* Urbs tribus Issachar ad meridiem lacus Genesareth.

8 *Deditionem.* Joseph. Bell. Jud. iii, 9. n. 8.

9 *Capta est.* 14. Idus, seu die 8. Septembris; Γορπιαίου μηνός ὀγδόη, 'Gorpisai mensis die octava' Joseph. Bell. Jud. iii, 10. n. 10.

10 *In lacum.* In lacum Genesareth, Taricheæ proximum.

1 *Gamalæ edita.* Gamala, urbs tribus Manasse trans Jordanem, monti imposita et validissima, de qua Suet. Tit. 4. Excisa est Gamala die 23. Octobris; Τρίτη καὶ εἰκάδι μηνός Ὑπερβεραιῶν, 'tertia et vicesima die mensis Hyperbæretæi,' Joseph. Bell. Jud. iv, 1. n. 10.

2 *Summi pontificis.* Nomine Anani; quem summiopere laudat Joseph. Bell. Jud. iv, 3. n. 7. iv, 5. n. 2. Tot vero cædes ibi patratæ, ut inventa sint casorum octo

cum nihil sacri haberent, religionem, ut nefanda quæque audere liceret, obtendere.³ Multi "discordia propere utendum: Hierosolyma posse opprimi; et unius urbis expugnatione bellum peragi" censebant. Contra Vespasianus: "Festinatione nihil opus esse: discordes animos ultimo rerum discrimine ad concordiam non exstimulandos: Hierosolyma advenarum coluvie, commeatum penuria, mutuis cædibus ipsa ultro ruere: hostes numquam certius meliusque confici, quam cum ferro ipsi suo cadunt." Potior habita est ejus sententia. Itaque per provinciam imposita tantum præsidia, quæ seditiosos frænarent, urbem vallarent.⁴

61. Hæc quidem consulto provisa et fortiter gesta apud Neronem Vespasiano impune erant, ob generis nominisque obscuritatem. Suspectæ enim Principi, flagitiorum conscientia pavidò, virtus, opes, nobilitas. Nec aliis criminibus quæsita mors Corbuloni, Scriboniisque fratribus,¹ Rufo et Procuro. His exitium attulit Pactius Africanus,² "opibus, concordia, gestis honoribus, apud exercitus Germanicos auctoritate, Principi formidandos" dictitans. Ob id, dignitatis specie, in Achaïam acciti: ut venere, Principis congressu prohibiti, neglecti, obscuris circumventi sunt criminum rumoribus. Cum nulla esset defensionis spes, morte opprobrio antehabita, vitam, fuso per venas sanguine, finire.³ Corbulonem, gloria circumdatum, Nero ipse corripuit, se Imperii incertum ratus, dum viveret: pari fraude usus, sed præsentiam reveritus, Cenchreas⁴ adventanti supremam necessitatem nuntiari jubet. Corbulo, "se dignum"⁵ fassus, gladium sua in viscera direxit, ab ignavo Principe deceptum se esse, et inermem venisse indignans.

62. Tantis cædibus conflata odia, nedum facta securitas. Jamque labante Urbis fide, Helius, consilii anceps, Neroni nuntiat, "quam primum veniat: præsentia ejus Urbicas res" egere." Iis ab insana gloriæ cupidine non retractus, rescribit (nec enim omiserim verba, incredibilis stultitiæ testes) "Quamvis nunc consilium tuum sit et votum, celeriter reverti me: tamen suadere et optare potius debes, ut Nerone dignus revertar."² Helius, gliscente per moras periculo, ipse Achaïam

millia et quingenti viri. Joseph. Bell. Jud. iv, 5. n. 1.

3 Obtendere. Seque appellabant 'Zelotas.' Joseph. Bell. Jud. iv, 3. n. 9.

4 Vallarent. Hæc Joseph. Bell. Jud. iv, 6.

1 Scriboniisque fratribus. Dio lxiij, p. 722. Scribonii fratres jam laudati sup. An. xliij, 48.

2 Pactius Africanus. De quo inf. Hist. iv, 41.

3 Finiere. Dio l. c.

4 Cenchreas. Cenchrea, sitæ ad angustias Isthmi Corinthiaci, Orientem versus: hodie Kenleri.

5 Se dignum. Dio l. c. 'Εαυτὸν ἱππομῆνος παῶν, ἰλεῖν, ἄξιός. Τότε γὰρ ὃν ποτε πρῶτον ἐπίστανται, ὅτι κακῶς ἐκπονήται, καὶ φασὶν ἄμεινός τοῦ κιθαριστοῦ, καὶ πρὸς αὐτὸν ἐδῆν ἀνὸς πλοῦς.

1 Urbicas res. Suet. Ner. 23.

2 Revertar. Suet. ibid.

propere petit, ut verbis fidem faciat, "turbas, conjurationes" admonet.³ Terrorem incutit monstratum discrimen; sed magis movet præsens Isthmiorum ludicrum: mentem quoque sollicitat ingrati animi pudor, si mansura non reliquerit magnificentiae monimenta. His anxius, stadium advolat; mox in foro, haud per præconem, sed sua ipse voce, pro tribunali,⁴ "universam Achaiam liberam" pronuntiat; iudicibusque⁵ civitate Romana et grandi pecunia⁶ donatis, indecoros inter plausus, haud quales olim T. Flaminio⁷ auditos, navem conscendit, Italiam repetiturus.

A.U.C. 821. J.C. 68.

63. Tum consules erant C. Silius Italicus et M. Galerius Trachalus; alter poetica facultate,¹ alter forensi eloquentia² notus: uterque favore Principis, Silius delationibus,³ invisus. Nam in Urbe non spes, non vota amplius occulta. Plurimi adversa tempestate turbidoque mari imminere Principi periculum palam lætabantur,⁴ exitium quoque precari ausi. In luctumvertere gaudia, cum Princeps, procella quidem jactatus, amissis naufragio pretiosissimis rebus, Neapolim⁵ incolumis pervenit. Urbem, olim gloriae incunabula,⁶ triumphorum nunc testem, revisere gestiit. Hanc albis equis,⁷ disjecta muri parte, ut mos hieronicarum est,⁸ ingressus, Antium Albanumque pari pompa introiit.

3 *Conjurationes admonet.* Dio lxiii, p. 723.

4 *Pro tribunali.* Plutarch. in Flaminio p. 376. Aliter Suet. Ner. 24. 'Quæ beneficia e medio stadio Isthmiorum die sua ipse voce pronuntiavit.'

5 *Judicibusque.* Ludorum.

6 *Grandi pecunia.* Suet. l. c. Quanta fuerit prodigalitas, inde licet conicere: cum aurigaret 'Olympiis decemjugem, excussus curru, ac rursus repositus, cum perdurare non posset, destitit ante decursum: nec eo secius coronatus est.' Suet. l. c. Quamobrem 'Hellanodici,' seu iudicibus, 'decies sestertium,' Angl. 8333l. 6s. 8d. dedit. Dio lxiii, p. 721.

7 *T. Flaminio.* Qui devicto Philippo, Macedonum rege, Graciam in libertatem vindicavit. Hæc libertas, per solenne Isthmiorum ludicrum præconis voce pronuntiata, tantis applausibus clamoribus excepta est, ut corvi, supra stadium volantes, in terram deciderent, auctore Plutarcho, in Flamin. p. 374 sq.

1 *Poetica facultate.* Extant ejus opera, Imperante Domitiano, publicæ in lucem emissa. Ante consulatum eloquentiæ foreque operam dedit: unde Martial. vii, 61. 'Perpetui numquam moritura volumi-

na Sili, Qui legis, et Latia carmina digna toga, Pierios tantum vati placuisse recessus Credis, et Aoniæ Bacchica sarta comæ. Sacra cothurnati non attigit ante Maronis, Implevit magni quam Ciceronis opus. Hunc miratur adhuc centum gravis hasta virorum: Hunc loquitur grato plurimus ore cliens. Postquam bis senis ingentem fascibus annum Rexerat, asserto qui sacer orbe fuit: Emeritis Musis, et Phœbo tradidit annos; Proque suo celebrat nunc Heliconæ foro.'

2 *Eloquentia.* Trachali laudes v. ap. Quintilian. Inst. Orat. x, 1. Ejus quoque latum et sonans dicendi genus laudat Tac. Hist. i, 90.

3 *Delationibus.* Quam 'maculam veteris industriæ laudabili otio' abluit. Fuitque 'inter principes civitatis sine potentia, sine invidia,' Plin. Ep. iii, 7. Tota hæc epistola de morte et laudibus Sili lectu digna.

4 *Lætabantur.* Dio lxiii, p. 723.

5 *Neapolim.* Naples.

6 *Incunabula.* Quod in ea urbe 'primum artem protulerat.' Suet. Ner. 25.

7 *Albis equis.* Quod Jovi Deorum regi patrique sacrum. Plutarch. Camill. p. 132.

8 *Hieronicarum est.* Suet. l. c. De hoc

64. Cum Romam perventum est, adornata major triumphi moles; et, ut novum victoriarum genus, nova quoque excogitata decora. Nec Jovi,¹ Imperii præsidi, sed Apollini, citharædorum numini, supplicatum. Currus tamen Augusti,² veteris magnificentiae triumphatique orbis monimentum, ad hæc ludicra revector. Ut primum cetera immenso sumtu fuere apparatus, murorum Urbis violata majestate, tot abhinc seculis formidolosis hostibus intacta, per dirutam partem subiit triumphalis pompa; præeuntibus, qui coronas,³ victoriarum dona, præferrent: mox vecti longo ordine tituli, quibus inscripti quo loco, quo cantionum, quoque fabularum argumento partæ victoriæ: deinde inter citharædorum turmas ibat Augusti currus, in quo Princeps stans veste purpurea, distincta stellis aureis chlamyde, capite coronam olympicam, dextra Pythiam gerebat, retro stante in eodem curru Diodoro citharædo.⁴ Pone sequebatur, ovantium ritu, plausorum agmen, "Augustanos se, militesque triumphi"⁵ clamitantium. Conferata demum civitas ipsique senatores, contentis vocibus, ingeminabant, "Io victor Olympice! io victor Pythice, Auguste! io Neroni Herculi! io Neroni Apollini! io omnium victor, Auguste! Sacra vox! Fortunati, quæis cœlestem vocem audire datum!" Ita incedenti⁶ passim cædebantur victimæ, spargebantur odores, aves, lemnisci, bellaria ingerebantur. Per circum maximum,⁷ Velabrum Forumque ducta pompa, Princeps ad palatium adscendit, et, Apolline salutato, Circenses indixit:⁸ acriorque rediit ludorum furor: nec in Urbe stetit, per provincias quoque pervagatus.

65. Remordebat tamen identidem memoria turbarum, quas Helius nuntiaverat. Quæsita ex superstitione¹ remedia, quibus fidem fecit casus, statim resecta conjuratione,² cum summum instaret discrimen. Nox enim unica restabat³ Neroni.

more Vitruv. ix, in præf. 'Nobilibus athletis, qui Olympia, Pythia, Isthmia, Nemea vicissent Græcorum majores ita magnos honores constituerunt, uti—cum revertuntur in suas civitates cum victoria, triumphantes quadrigis, in mœnia et in patrias invehantur.'

1 *Nec Jovi.* Errat enim Dio lxiii, p. 723. cum ait Neronem primo in Capitolium ascendisse, ἡς τὸ Καπιτώλιον ἀνίστην. Aliter enim Suet. Ner. 25.

2 *Augusti.* Suet. l. c.

3 *Qui coronas.* Quas postea in Circo suo Vaticano, obelisco imposuit, numero mille octingentas octo, δὲ καὶ ὑπερῶσι καὶ χίλιαι. Dio lxiii, p. 723.

4 *Diodoro citharædo.* Dio lxiii, p. 723.

5 *Militesque triumphi.* Suet. l. c.

6 *Ita incedenti.* Suet. l. c. 'Incedenti passim victimæ caesæ, sparsæ per vias identidem croco, ingestæque aves, ac lemnisci,

et bellaria.' Moris enim erat in ludorum triumphis coronas, lemniscos, aliaque id genus munuscula, injici, tanta quandoque copia, ut haud procul periculo essent victores. De lemniscis, Plin. xxi, 3. 'Crasus dives, primus argento auroque folia imitatus, ludis suis coronas dedit. Accesseruntque et lemnisci, quos adjici ipsarum coronarum honos erat, propter Etruscas, quibus adjungi nisi aurei non debebant.' Lemniscos dicimus, ribbons.

7 *Circum maximum.* Diruto etiam 'Circi maximi arcu.' Suet. Ner. 25.

8 *Circenses indixit.* Dio lxiii, p. 724.

1 *Ex superstitione.* Ac maxime ex Astrologia, cultuque ienculæ puellaris. V. Suet. Ner. 36 et 56.

2 *Conjuratione.* Hæc forte Vinicianæ conjuratio, Beneventi conflata, de qua Suet. Ner. 36.

3 *Unica restabat.* Id ceteraque conju-

Qui facinus patrare in se receperat, forte theatrum petiit, et pro foribus vidit vinctum hominem, miserabiliter ejulantem, quod ad Neronem esset ducendus. Ille, misericordia incertum, an jactantia, nimiave silentii mole pressus, misero propinquat, et in aurem insusurrat: "Dura ad crastinam diem; cras mihi gratiam referes." Hic novitate spei arrectus, verbaque secum reputans, atrociam intropicit, paratque indicium, in quo salutis certa, plurima fortunæ spes. Ut coram Nerone adstitit, audita refert. Reus, confestim in vincla raptus, tormentis subditur. Adversum verbera et ignes primum pervicax, factum negat: sed supplicii diuturnitate victus, ægre prolato, quod leviter prodiderat, se sociosque eandem in ruinam destrudit. Multo sanguine expiata conjuratione, superstitionis, cujus instinctu detecta credebatur, apud Principem crevit honos: addidit haruspicum extispicia,⁴ ut major accederet securitas.

66. Incolumitati cum ita fuisset consultum, intentior fuit libidinum cura. Juvit eas abscondere Neapoli, quod ibi plus deliciarum, minus periculi. Vigebant maxime, quando gravior exorta est procella, quam nec superstitio, nec vis Principis, nec continuata tot annos Cæsarum reverentia averteret. Initium habuit in Galliis. Provinciam pro prætore obtinebat C. Julius Vindex,¹ Aquitanus,² stirpe regia oriundus, animi consiliique ingens, tanto acrior, quod pluribus a vitiis integer. Illi non avaritia, non ambitio, non invidia, sed laudis cupido, libertatis studium, propudiosi Principis odium, cujus flagitia pertæsus, publicum dedecus propulsandi impetum cepit.

67. Gallorum quidem certus, sed destitutus legionum auxilio, Sulpicium Galbam, Citerioris Hispaniæ¹ rectorem, nobilitate, opibus, rebus in Germania et Africa gestis, apud legiones auctoritate, aversa a Principe voluntate, ad maturanda ausa non inhabilem sollicitat; scriptisque literis, orat ut "humano generi assertorem ducemque se accommodet:"² ad partes juvandas centum millia Gallorum³ parata; plures mox adfu-

rationis habet Plutarch. vol. ii, de Garrulitate, p. 505.

⁴ *Extispicia*. Suet. Ner. 56. De haruspibus extispicis jam dictum sup. An. xi, 15.

¹ *C. Julius Vindex*. Hæc, et quæ de Vindice sequuntur, produnt Dio lxiij, p. 724. Suet. Ner. 40. Plutarch. Galb. p. 1054. Perperam tamen Plutarch. ἰούνιος Οὐίνδης, pro ἰούλιος. Quomodo Vindex ficto pallore Neronem in testamenti spem erectum deceperit, favorem hoc astu emeratus, docet Plin. xx, 14. Cuminum 'pallorem bibentibus gignit. Ita certe ferunt Porcii Latronis, clari inter magistros di-

cendi, assectatores, similitudinem coloris studiis contracti imitatos: et paulo ante Julium Vindicem assertorem illum a Nerone libertatis, captatione testamenti sic lenocinatum.' Nummum Vindicis, sed spurium, protulit Mediobarbus p. 97. ex Strada.

² *Aquitanus*. Mela ii, 2. 'A Pyrenæo ad Garumnæm Aquitania.'

¹ *Citerioris Hispaniæ*. Tac. Hist. i, 49. Suet. Galb. 8. Citerior Hispania, quæ et Tarraconensis, de qua sup. An. iv, 45.

² *Se accommodet*. Suet. Galb. 9.

³ *Centum millia Gallorum*. Plutarch. Galb. p. 1054.

turos, tantum ne aspernetur Principatus spem, non quæsitam, sed oblatam." Simul scriptum aliis exercituum provinciarumve rectoribus, ut cœptis faverent, saltem ne obsisterent. At hi, in presentem fortunam intenti, tanto sollicitius literas Neroni misere, quanto avidius, eo sublato, primas exitii partes et præmia sibi postea vindicare.⁴ Galba autem, dissimulans quid tale sibi fuisse scriptum, restitit;⁵ sed caute magis, quam moderate.

68. Ut sensit Vindex Galbam velle impelli, ipse in Gallorum conventu defectionem cœpat, questus:¹ "Nulla manere Imperii jura: omnia sceleri patere: per omne nefas hominibus inludi: provincias latrociniiis, domos cædibus vastari. Hæc imperare Neronem, qui per Cæsareæ stirpis excidium ad publicam ruinam se accinxerit; ne matrem quidem reveritus. Atrox facinus! ni morte fuisset digna, quæ talem pestem edidisset. Illum tanto inclementius nunc ferocire, quod unus e Cæsarum domo superstes, nec æmulum, nec ultorem timeat. Sed neminem diu vixisse omnibus infensum. Jam Orientem turbari: Britannos lacertos movisse: legiones affectum exuere: majestatem ipsam, maximum Principum munimentum, Neroni odiosam esse. Se, semet vidisse portentum illud, flagitiis commaculatum, in stuprorum et theatrorum propudia resolutum, citharædi gloria insanum simul et indignum. Cur ergo Cæsaris, Principis, Augusti titulis, quos Divus Augustus virtutibus, divus Claudius beneficiis sunt consecuti, infamem Ahenobarbum² condecorarent! Vocarent illum Thyesten, Œdipum, Alcæonem, Oresten,³ quoniam parricidalibus et incestis nominibus gloriaretur. Ecquid in hujus veneratione perseverarent, qui nulla Imperii, sola libidinum vi subnixus, generi humano bellum indiceret! Majores eorum prædæ cupidine olim Romam expugnasse. Id quidem in hac temporum barbarie fuisse egregium. At nunc, ubi vigent humanitatis honorisque studia, penes ipsos esse melioris et immortalis nominis gloriam. Orbi succurrerent: se Romamque in libertatem vindicarent. Eo ventum esse, quo ceteræ gentes, malis victæ, istud decus certatim forent affectaturæ. Incepti laudem sibi præripi ne sinerent."

69. Magno fremitu et plausu excepta oratio. Mox suas in civitates quisque alacres discessere, strenuam promptaque operam polliciti. Vindex autem novas ad Galbam literas misit quibus, nuntiata Gallorum voluntate, ejus animos spes-

4 *Vindicare.* Plutarch. l. c.

5 *Restitit.* Neque statim Vindici credulus, neque Neroni fidus. Plutarch. ibid.

1 *Questus.* Hanc Vindicis orationem habet Dio lxiij, p. 724 et 725.

2 *Ahenobarbum.* Nero filius erat Domitii Ahenobarbi. V. Stem. Cæs. n. 34.

3 *Thyesten—Oresten.* Tragediarum nomina, quarum personas agebat Nero.

que inflaret. Hæsitabat adhuc Galba; terrebantque amicorum ejus plurimi, quod "quomodo res Vindicis verterent, quæ esset Urbis inclinatio,¹ opperendum" censerent. At fiduciam addidit T. Vinus,² horum præcipuus, et rerum novarum, prædæ spe magis, quam in Galbam studio, cupidus. Dixit "supervacuam consultationem: furiosorum esse, utrum in Neronis fide perstarent, quærere." Tum ad Galbam conversus, "Videret ipse, cum publicus hostis sit Nero, malletne Vindicem fortunæ adiutorem habere, an Vindici bellum indicare; qui eum potius optaret Principem, quam Neronem tyrannum."³

70. His victus videri gestiit Galba, senili ambitione et veteribus auguriis,⁴ quorum grata durat memoria, a summa spe non alienus. Illi etiam cura dudum inerat popularibus studiis animos captare: nec per octo annos (tot enim Hispaniam regebat) procuratorum violentiæ se umquam accommodaverat: solitus quoque² iis, qui eorum injuriis erant obnoxii, publice condolare: probrosa vero adversus Principem carmina passim circumferri recitarive impune ferebat. Talibus imminuta Principis auctoritate, suam intenderat. Itaque animos suas in partes inclinari posse ratus, Carthagine nova³ provinciæ conventum edixit, quo "manumissioni vacaret." Hæc obtentui. Interea amici, ut cresceret celebritas, favor sensim glisceret, "agi de summa Imperii" secretis rumoribus spargere. Dicto die, ut primum Galba tribunal conscendit, immenso clamore *Imperator*⁴ salutatur.

71. At ille, ubi silentium fecit, "Neronem, qui scelera sceleribus contexeret, nec nisi per flagitia et funera dominaretur" insectatus, subito ad nobilissimorum quorumque hoc Principatu trucidatorum imagines,¹ longo ordine dispositas vertit, et geminato animi ac vocis ardore, "Non meis," inquit, "verbis, sed vestris oculis Neronem cognoscite. Contemplamini pallentes tot Cæsarum vultus, Neronis patrem, matrem, uxorem, fratrem, sororem, amitam, propinquos, adfines, veneno, ferro, omnibus mortis generibus sublato ob rabidam regnandi cupidinem. Circumspicite Burrum, Lateranum, Vestinum, C. Cassium, Lucium Veterem, et tot Urbis primores ad servitutis subsidium crudeli fato peremptos. Vestra, vestra videte ingenia,² Annæum Senecam, sapientiæ

¹ Urbis inclinatio. Plutarch. ibid.

² T. Vinus. Plutarch. ibid. Τίτος Ὀβελίνος. Male. Interpres Latinus, 'Titus Junius.'

³ Neronem tyrannum. Plutarch. ibid. ὅτι οἱ βούλονται ῥωμαίους ἔχειν δεχόμενα μᾶλλον ἢ Νέρωνα Τύραννον.

⁴ Veteribus auguriis. De quibus multa habet Suet. Galb. 4. et 8.

² Solitus quoque. Plutarch. ibid.

³ Carthagine nova. Nunc Carthagera, in Hispania Tarraconensi.

⁴ Imperator. Plutarch. Galb. p. 1055. πάντες αὐτὸν ὁμοφώνως αὐτοκράτορα προσεῖπον.

¹ Imagines. Suet. Galb. 10. Oratio nis summam habet Plutarch. l. c.

² Vestra videte ingenia. Seneca, Luca-

præceptorem et exemplum, Annæum Lucanum, animosum juvenem, reipublicæ spiritu plenum, et clarissimi filii patrem optimum, Annæum Melam, per invidiam extinctos. Has virtutis imagines aspice, Thræseam Pætum, Baream Soranum morte multatos, quasi cum ipsis virtus esset commoritura: Inlustres feminas, Sextiam, Pollutiam, Serviliam cernite, nullo pudore, reluctantæ natura, ad supplicia vocatas. Inspice ipsam infantiam, culpæ rudem, poenis subditam; Rufinum Crispinum³ ob pueritiæ lusus mari demersum. Hunc, hunc despice tenellum et nobilem puerum" (infantem monstrabat in Baleares insulas⁴ a Nerone ejectum, quem inde ipse retraxerat, ut major exoriretur miseratio) "sortis suæ æque ac criminis nescium, numquam civem, jam exulem. Hæc Neronis facinora! hæc monimenta! Apud illum nobilitas, opes, ingenium, virtus, sexus, ætas, vita ipsa, crimina sunt. Per hæc adversus genus humanum grassatur. Ruinam omnibus imminentem jam a Gallis propulsare cœpit Vindex. Alii ab aliis, ego a vobis avertam. Cæsaris, Imperatoris nominibus parcite. Me senatus populique Romani legatum⁵ esse memini: hoc mei muneris nomine, Imperii majestatem, communem omnium salutem tueri juvat. Novi me a Nerone morti destinatum.⁶ Sed vitam laboribus exercitam, periculis finire egregium. Vos tantum pro patria, pro vestra incolumitate certanti favete." In legati admirationem laudesque secutæ voces innumeræ. Nero odiosis dicteriis cumulatur. Omnia ad libertatis et securitatis munimentum apparentur.

72. Nondum ita fervecebant Hispaniæ, cum Italianam pervagatus est Galliarum defectionis rumor. Neapolim pervenit die ipso, quo Nero matrem occiderat.¹ Tamquam lætum faustumque aliquid fuisset nuntiatum, statim in gymnasium progredi, certantesque athletas effusiores gaudio spectare,² quod insperata opulentissimas provincias prædandi³ causa occurreret. Verum tumultuosiores literæ, super cœnam allatæ, iram incussere, quam, ut iratis adsolet, secuta est inertia. Primum quidem infremere, dira, iis qui descissent, minari: sed per octo continuos dies nihil rescribere,⁴ nihil

nus, immortalia Hispaniæ decora, Corduba, Cordova, oriundi.

³ *Rufinum Crispinum.* Suet. Ner. 35. 'Privignum Rufinum Crispinum, Poppæa natum, impuberem adhuc, quia ferebatur ducatus et imperia ludere, mergendum mari, dum piscaretur, servis ipsius demandavit.'

⁴ *In Baleares insulas.* Suet. Galb. 10. 'adstante nobili puero, quem exulantem ex proxima Baleari insula, ob id ipsum, acciverat.' Hæc insula hodie dicitur *Malorca*, quam vulgo pronuntiamus *Majorca*.

⁵ *Legatum.* Suet. ibid. Plutarch. Galb. p. 1055.

⁶ *Morti destinatum.* Suet. Galb. 9. et 10.

¹ *Matrem occiderat.* Suet. Ner. 40. Post medium mensis Martii, cum quinquatrus celebrabantur. Vide quæ dicta sunt sup. An. xiv, 4.

² *Spectare.* Per quatuor quinquatrum dies ludi edebantur, ut patet ex Ovidio, quem laudavimus ad An. xiv, 4.

³ *Prædandi.* Suet. l. c.

⁴ *Nihil rescribere.* Suet. ibid.

præcipere; rem atroci silentio premere. Querelas tandem elicere missa Vindicis edicta, quibus tanto magis irritabatur Nero, quod in iis *citharædi mali* et *Ahenobarbi* nomina ad contumeliam sæpius repetita.⁵ Talibus efferatus, excusato languore faucium, propter quem non adesset, ad senatum scribit, ut "Vindicis impietatem accuset: purget objectam artis inscitiam: gentile nomen⁶ approbet." Patres "in ultionem sui reique publicæ" hortatus, jubet "per præconem nuntiari centies sestertium⁷ iis, qui Vindicem interfecissent." Imbelle remedium, ex quo etiam Vindex gloriam quæsivit; "Neronis caput adferenti suum" pollicitus.⁸

73. Interim alii super alios, acerbioresque nuntii male tutum Principem ex voluptatum latebra excivere. Romam trepidus petiit: at nec periculi magnitudine, nec locorum diversitate mutatum ingenium. Eadem superstitio, par levitas. Erupere ipsa inter viarum diverticula; visoque forte monumento, quo insculptus erat Gallus, ab equite Romano oppressus, crinibusque tractus, exilit gaudio, cælum adorat,¹ certissimum victoriæ indicium auguratus. Itaque Romam redux, non senatum cogere, non populum appellare,² sed, quibusdam e primoribus viris domum evocatis, post desultoriam consultationem, reliquum diei per organa hydraulica; novi et ignoti generis, circumducere: monstrator ipse operis, fabricæ partes artemque disserens; "Omnia," ut adfirmabat "in theatrum, si per Vindicem liceat, prolaturus."

74. Nam, vel invitus, in Galliarum defectionis cogitationes revolvebatur; eam opprimendi non incuriosus, dum artes suæ scenicæ pariter valescerent. Inter utrasque distractus, copias, quas ad claustra Caspiarum adversus Albanos¹ præmiserat, reverti jubet: novas in Urbe legit, tribubus Urbanis

5 *Sæpius repetita.* Suet. Ner. 41.

6 *Gentile nomen.* Auctor nominis Lucius Domitius: originem, fabulamve, nominis v. ap. Suet. Ner. 1. Domitiorum plerique rutila barba fuere.

7 *Centies sestertium.* Angl. 83,333l. 6s. 8d. Dio lxiij, p. 725.

8 *Suum pollicitus.* Dio l. c.

1 *Cælum adorat.* Suet. Ner. 41. Sic quoque inf. Hist. iv, 46. 'Cælum ac Deos obtestari.'

2 *Populum appellare.* Suet. ibid.

3 *Organa hydraulica.* Suet. ibid. Dio lxiij, p. 726. Cl. Tristan, *Commentaires Historiques*, vol. i, p. 218. nummos duos publicavit, qui hæc organa hydraulica exhibent. Alter, IMP. NERO CÆSAR AVG. P. MAX. Capite laureato, ante caput mo-

nogramma^E. In aversa parte, LAVREN-

TIN. AVG. Instrumentum hydraulicum, quod homo stans tangit sinistra, dextra tenet situlam: ad sinistrum latus organi folia lauri. Alter nummus ferme similis, in aversa tamen parte non est inscriptio, nec situla, nec lauri folia, sed duo homines stant, qui organum tangunt. Videtur prius organum fuisse dictum 'Laurentinum Augusti.' Ab artifice, locone, an materia laudisque spe, nomen duceret incertum. Monogramma vero inditum mihi videtur post Neronis mortem, ut nummus, ad ostentationem cusus et vulgatus, loco PÆCUNIA, vel monetæ, haberi posset.

1 *Adversus Albanos.* Ut dictum sup. c. 47.

ad sacramentum² citatis. Cum nullus idoneus responderet, certum dominis servorum numerum indixit, nec nisi probatissimos³ recepit. Quasi vero fatale esset non posse Gallias debellari, nisi a consule, ipse, consulibus ante tempus magistratu abdicatis, solus magistratum iniit.⁴ Hæc militiæ, cetera luxui data. Maxima cura fuit portandis scenicis organis vehicula deligere, concubinas, quas secum educeret, ad virilem modum tondere, et securibus peltisque Amazonicis instruere.⁵ Plus in his, quam in militibus fiduciæ. Ausus etiam jactitare “ simul ac primum⁶ provinciam attigisset, inermem se in conspectum exercituum proditurum, nec quidquam aliud quam fleturum : revocatisque ad penitentiam defectoribus, sequenti die lætum inter lætos cantaturum epinicia, quæ nunc jam sibi componi oporteret.”

75. Tam facilis victoriæ opinione haud comminuta pecuniarum aviditas. Immo in belli impensas omnes ordines partem census conferre;⁷ privatarum ædium atque insularum² inquilini pensionem annuam fisco repræsentare jussi. Addita fastidia, quod potentiorum injuriæ ultimum, nec unquam impune. Mandatum enim exactoribus nihil nummi recipere, nisi asperum,³ nihil argenti, nisi pusulatum,⁴ nihil auri, nisi ad obrussam.⁵ Gravis inde exorta invidia, plerisque collationem recusantibus, et “ a delatoribus revocanda potius præmia” clamitantibus : accrevit ex annonæ caritate; ac tandem subsecuta indignatio, cum in publica fame Alexandrina navis nuntiaretur frumenti loco pulverem e Nilo luctatoribus aulicis advexisse.⁶ Plebs, numquam arrogantior, quam cum jejuna, in convitia erumpere : alii verbis, scriptis

² Ad sacramentum. Suet. Ner. 44.

³ Probatissimos. Suet. ibid. ‘ Ne dispensatoribus quidem, aut amanuensibus exceptis.’

⁴ Solus magistratum iniit. Suet. Ner. 43. Laudat tamen Cl. Muratori Thes. Inscr. vol. i, p. 306. vet. inscriptionem, Romæ extantem, positam NERONE V ET TRACHA.—I. e. ‘ Nerone quintum et Trachalo consulibus;’ unde solus Silius magistratu abdicatus videretur.

⁵ Instruere. Suet. Ner. 44.

⁶ Simul ac primum. Hæc et seq. iisdem totidemque verbis Suet. Ner. 43.

¹ Partem census conferre. Suet. Ner. 44.

² Insularum. Suet. ibid. De insulis, seu populi domibus, jam dictum sup. xv, 41.

³ Nisi asperum. Suet. l. c. I. e. recens eusum. Compertum enim, ut observat eruditus Fontana, Templum Vaticanum,

vi, 7. pecunias attritu ita imminui, ut centum pondo fiant aliquot annorum usu sex libris leviores. Itaque Nero, ne ea quantitas, quam nos vulgo diceremus *six per cent*, sibi deperiret, nihil nummi, nisi asperum, recepit.

⁴ Pusulatum. Suet. ibid. Argentum est purissimum. Quo enim purius, eo plures pusulæ.

⁵ Ad obrussam. Plin. xxxiii. 3. ‘ Auri experimentum ignis est, ut simili colore rubeat, ignescatque : id ipsum obrussam vocant.’ Videtur autem, ut in Imperio Turcico, quod multa Imperii Romani retinet, purior est moneta tum argentea, tum aurea, quæ Constantinopoli, quam quæ Cairi in Ægypto conflatur, sic quoque puriorem Romæ, quam in provinciis, conflata fuisse monetam.

⁶ Advexisse. Suet. Ner. 45. De hoc usu pulveris Niliaci dictum sup. c. 38. not. inf.

alii Principem lacessere: multi, nocte jurgia cum servis simultantes, crebro *Vindicem* poscere.⁷

76. Sed foeditatum usu in Nerone obcalluerat verecundia; et pro gloria habebatur convitiis patientia. Pudore, extremo Principum praesidio, destitutum, et ad injurias patenter, attonuit tamen tunc nuntiata Galbae et Galliarum defectio. Ea audita, corruit exanimis, diuque sine voce, ac prope intermortuus jacuit.¹ Ut resipuit, veste descissa, converberato capite, "actum de se" queritur; spretisque solatiis nutriculae,² "similia aliis Principibus accidisse" memorantis, "se praeter ceteros inaudita et incognita pati" lamentatur, "qui suum Imperium vivus amittat."³ Sed, ut vanis ingeniis cuncta quoque sunt vana, terror dolorque cessere; revaluere luxus et desidia: acriora etiam, quod prosperi quiddam⁴ e provinciis nuntiatum, quodque senatus Galbam "hostem"⁵ judicaverat. Victoria statim cantibus et ludis anteoccupata est; parsque insanæ lætitiæ fuit templi Sabinae Poppææ⁶ dedicatio. Galbae bona,⁷ sub hasta venundata, in has vanitates abiere. Gallorum vero opes,⁸ quod nondum erant domiti, ad prædam reservatæ.

77. Hæc Neronis, alia fortunæ destinatio. Nil jam in Urbe reliquum, nisi Principis nomen. Vis Imperii in Hispaniam transierat. Super veterem exercitum¹ penes Galbam aderant novæ legiones, forma quædam senatus, et equestris ordinis excubiæ. Auctoritatem intendebant Hispanæ Neronis possessiones, auctionibus subditæ.² Iajus adhuc poten-

7 *Vindicem poscere.* Suet. l. c. Sicque alludentes, Julium Vindicem, libertatis apud Gallos adsectorem, invocabant.

1 *Intermortuus jacuit.* Hæc et seq. Suet. Ner. 42.

2 *Nutriculae.* Suet. ibid. Eademne, quæ a Suet. Ner. 35. 'nutrix' dicitur; mater Cæcinæ Tuscæ, de quo plura inf. Hist. iii, 38.

3 *Vivus amittit.* Suet. ibid.

4 *Prosperi quiddam.* Suet. ibid. 'Quinimmo, cum prosperi quiddam ex provinciis nuntiatum esset, super abundantissimam cœnam jocularia in defectionis duces carmina, la-civeque modulata, quæ vulgo innotuerunt, etiam gesticulatus est: ac spectaculis theatri clam illatus, cuidam scenico placenti nuntium misit, abuti cum occupationibus suis.'

5 *Galbam hostem.* Plutarch. Galb. p. 1055.

6 *Sabina Poppææ.* Uxoris Neronis, quam ictu calcis afflicta, deinde Deum honoribus auctam vidimus sup. An. xvi, 6 et 21. Auctore Dione lxxiii, p. 726.

Nero in hac dedicatione templo inscripsit: SABINÆ DEÆ VENERI MATRONE FEE- RVNT.

7 *Galbae bona.* Plutarch. Galb. p. 1055.

8 *Opes.* Plutarch. ibid.

1 *Veterem exercitum.* Suet. Galb. 10. 'Deinde [post orationem memoratam sup. cap. 71.] justitio indicto, e plebe quidem provinciæ legiones et auxilia conscripsit, super exercitum veterem legionis unius, duarumque alarum, et cohortium trium. Ac e primoribus prudentia atque ætate præstantibus, velut instar senatus, ad quos de majore re, quoties opus esset, referretur, instituit. Delegit et equestris ordinis juvenes, qui manente annulorum aureorum usu, Evocati appellarentur, excubiisque circa cubiculum suum vice militum agerent. Etiam per provincias edicta dimisit, auctor singulis universisque conspirandi simul, et ut qua posset quisque opera, communem causam juverent.'

2 *Auctionibus subditæ.* Has enim vendidit Galba, et paratissimos emtores reperit, Plutarch. Galb. p. 1055.

tiae instrumentum accessit Otho,³ provinciae Lusitaniae⁴ praefectus, in partes Galbae tanto praeior, quanto ob veteris injuriae⁵ memoriam Neroni infensior: argentum aurumque privatum⁶ militi in stipendium ultro obtulit. Legatorum plerique, exemplum secuti, favori occurrere, aut proditorum Vindicis literarum, ut supra retuli,⁷ memoriam obliterare nitebantur. Pauci diversis de causis suspensi et incerti. Clodius Macer, rapinis et caedibus in Africa adsuetus, imperium neque occupare, neque amittere⁸ volebat. In Syria Vespasianus Judaici belli cura lentus videri satagebat, ne fortunam festinatione corrumpere. Legiones inferioris Germaniae Fonteium Capitonem⁹ ad defectionem sollicitabant, sed avaritia retinebatur. In superiore Germania, invicta, patriae, non Neronis studio, Verginii Rufi constantia; nec a legionibus, vi sua et fama ducis ferocibus, umquam impelli potuit, ut summam rerum acciperet: "Imperium a senatu,"¹⁰ non a legionibus dari" dictitans. Ideoque Vindici iratus, qui id audaciae praesumeret, exercitum in Gallias duxit, ne a Gallo homine tantum Imperii dedecus oriretur.

78. Tum Galliae erant sibi discordes. Pars nobilissima simulque validissima, Sequani,¹ Aedui, et Arverni,² Vindicem sequebantur. Alii, quorum praecipui Lingones, Remi, et qui Rhenum adcolunt³ populi, partim provinciali aemulatione, partim veteris sacramenti usu, in Neronis fide perstabant. Viennenses⁴ vero Vindicis partibus se immiscuere, ut municipalia adversus Lugdunenses⁵ odia licentius persequerentur. Ea erat Galliarum inclinatio, cum Verginius, Germanicarum legionum viribus, et Belgarum auxiliis,⁶ Batavorumque alis potens, Gallias intravit. Vesontionem⁷ recta petiit; ingressuque prohibitus, obsidionem paravit. Ad urbis praesidium statim adstitit Vindex. In conspectu stabant acies: duces, amotis stipatoribus, in colloquium consensere, in quo,

³ Otho. Postea Imperator.

⁴ Lusitaniae. Ut dictum sup. An. xiii, 46.

⁵ Injuriae. Raptae scilicet a Nerone Poppaeae.

⁶ Aurumque privatum. Quidquid erat argenteae aureaeque suppellectilis, quae maxima fuit ap. Othon. Plutarch. Galb. p. 1061.

⁷ Supra retuli. Id jam retuli sup. c. 67.

⁸ Neque amittere. Plutarch. Galb. p. 1055.

⁹ Fonteium Capitonem. Tac. Hist. i, 7.

¹⁰ A senatu. Plutarch. Galb. p. 1055.

¹ Sequani. Nunc part of Alsace, the Canton of Basle, Franche-Comté, Bugey,

and Bresse. De Aeduis dictum sup. An. xi, 25.

² Et Arverni. Tac. Hist. i, 51. iv, 17. Arverni, nunc the dioceses of Clermont and S. Flour.

³ Rhenum adcolunt. Ac maxime Belgae, Tac. l. c. Lingones, nunc the dioceses of Langres and Dijon. Remi, the dioceses of Rheims and Laon.

⁴ Viennenses. Tac. Hist. i, 65. Vienna, nunc Vienne, in Dauphiné.

⁵ Lugdunenses. 'Pertinaci pro Nerone fide,' Tac. Hist. i, 51.

⁶ Belgarum auxiliis. De Batavorum auxiliis et Batavorum alis, inf. Hist. iv, 7.

⁷ Vesontionem. Dio lxiij, p. 725. Vesontio, hodie Besançon.

ut fuit suspicio, adversus Neronem foedus initum.⁸ Cum discessissent, Gallicus exercitus urbi propinquavit.⁹ Legiones, ratæ Gallos ad pugnam incedere, primo impetu arma expediunt, præliumque ineunt. Tunc visum atrox spectaculum. Nulla ducum imperia:¹⁰ regit militum furor: utrimque miscentur funera: cædibus crescit ira: certa internecio, ni Galli, inopinato prælio turbidi, amissis viginti hominum millibus,¹¹ victi tandem cessissent. Vindex, furens quod tanta libertatis spes casu vanesceret, violentas manus sibi attulit.¹² Reperti tamen, qui, turpiter ingestis cadaveri vulneribus, interfectorum gloriam quæsierint.

79. Legiones vero, confecto unica pugna bello superbæ, Verginium *Imperatorem*¹ salutant, orantque ut “ ipse Princeps fatiscienti reipublicæ subveniat.” Simul imagines Neronis devellunt: “ Verginii Cæsaris, Augusti,” nomina ingeminant; eaque unus militum, loco imaginum, signo inscribit. Verginius, Vindicis morte tristis, et quo res reciderent dubius, extritis literis, hæc seditionis monumenta præceps abolere, firmus sententiæ, “ senatus esse Imperium dare.” Perculsi milites stupent, Neronisque fidem repetere cogitant. Idem ferme sensus locis omnibus, quibus didita Gallorum cladis et Verginii constantiæ fama.

80. At ubi nuntius Hispaniam pervenit, Galbam, recenti unius alæ¹ seditione, et servilibus insidiis, inquietem, terror occupavit. Mortem primum, deinde secessum meditatur; scriptisque ad Verginium literis,² quibus eum ad Imperii societatem invitat, Cluniam³ se cum amicis recipit, veteris otii desiderio languidus, nec quæ temporis forent curans, aut intelligens. Sed ejus inertiam juvit fortuna: hominum ludibriis læta, simul Cæsarem domum vertebat, et quem destina-

8 *Fœdus initum.* Dio lxi. p. 725. Κατὰ τοῦ Νέρωνος, ὡς εὐκρίτως, συνήθητο πρὸς ἄλλους. Tac. Hist. i. 8. ‘Nec statim pro Galba Verginius: an imperare voluisset dubium.’

9 *Urbi propinquavit.* Dio l. c.

10 *Ducum imperia.* Dio ibid. Plutarch. Galb. p. 1055.

11 *Millibus.* Plutarch. ibid. Tac. Hist. iv. 18. ‘Batavo equite protritros Æduos Arvernoscque.’

12 *Sibi attulit.* Dio l. c. Plutarch. ibid.

1 *Imperatorem.* Dio l. c. Plutarch. ibid.

1 *Unius alæ.* Duas alas habebat Galba, ut dictum sup. c. 77. in not.

2 *Literis.* Plutarch. l. c. Suet. Galb.

11.

3 *Cluniam.* Male Plutarch. l. c. Κε-

λονίαν, corrige Κλονίαν; et interpres Latinus ‘Coloniam.’ Plin. iii. 3. n. 4. ‘Clunia Celtiberiæ finis,’ urbs clara Hispaniæ Tarraconensis, et conventus juridicus. Videntur adhuc magna rudera, et pars amphitheatri: at in loco stat tantum ecclesia dicta, *Nuestra Señora de Castro*, inter oppida *Coruna del Conde* et *Peñalba*. Cum imperavit Galba, cusus est Romæ nummus ære magno, SER. SULPI. GALBA. IMP. CÆSAR. AUG. P. M. TR. P. Capite laureato. In aversa parte, mulier stans offert Imperatori sedenti trophæum, HISPANIA CLUNIA SUL. i. e. ‘Clunia Sulpicia;’ ita sane dicta in honorem Sulpicii Galbæ. Inf. S. C. ‘senatusconsulto.’ V. erudit. Florez, *Medallas de España*, p. 372.

bat Imperio, terroribus exagitabat. Neronem vero ut perditum iret, luxu et deliciis, quæ unica supererant dominationis adminicula, usa est.

81. Forte unus e turpi spadonum grege, inter Principis libidines intimus, se injuriam indigne accepisse credidit.¹ Per pudenda, uti solet id hominum genus, ultionem parat. Secretioribusque consiliis, quæ destinatum Neroni senatum universum necare, Urbem iterum incendere,² feras in populum immittere, aufugere Alexandriam, vere falsove proditis, inevitabile exitum attulit. Nulla ante Principis reverentia; nullus amor, ni forte apud plebem ludis insanam, sed mobilem, et potentiorum infortuniis semper lætam: corrupta aut inconstans exercituum fides: ne certa quidem prætoriarum cohortium studia. Ipse Petronius Turpilianus,³ ad opprimendum Galbam missus, defecerat. Nudus ergo et inermis patebat Nero, cum senatus, opprobriis, patientia, periculo atrox, paratam sibi ruinam in ejus auctorem convertere, totaque legum vi sævire properavit.

82. Nero ineluctabili, proviso tamen fato circumventus, sumtum a Locusta¹ venenum in auream pyxidem condidit, et in hortos Servilianos² secessit, comitante imbelli libidinum caterva. Tum varia animo agitare. Placet fuga dudum meditata; præmissisque libertorum fidissimis Ostiam³ ad classem præparandam, tribunos centurionesque prætorianos de fugæ societate tentat. Sed partim tergiversantibus, partim aperte detrectantibus, uno etiam proclamante, "Usque adeone mori miserum est!" alio flexit consilia; dubius "Parthosne, an Galbam, supplex peteret, an atratus prodiret in publicum, proque rostris, quanta maxima posset miseratione, veniam præteritorum precaretur; ac, ni flexisset animos, Ægypti præfecturam dari sibi oraret." Certe inventus postea in ejus scrinio hac de infamia sermo formatus. Recitatione deterritum putant, ne, priusquam ad forum perveniret, discerneretur.

83. Itaque consilii incertus, cogitationem in posterum diem distulit. Sed, cum somnos non paterentur curæ, ad mediam¹ fere noctem excitatus, ut comperit stationem militum recessisse, prosilit e lecto, et mittit circum amicos. Nihil ququam renuntiante, ipse cum paucis hospitibus singulorum adit.

¹ *Credidit.* Dio Chrysost. orat. xxi, p. 271.

² *Iterum incendere.* De his atrocibus Neronis consiliis Dio lxiij, p. 726. Zonar. vol. i, p. 570. et Suet. Ner. 43. "Senatum universum veneno per convivia necare, Urbem incendere, feris in populum immisis, quo difficilius defenderetur."

³ *Turpilianus.* Zonar. l. c. Tac. Hist. i, 6.

¹ *Sumtum a Locusta.* Suet. Ner. 47.

² *Servilianos.* De his dictum sup. An. xv, 55.

³ *Ostiam.* Manet nomen Ostia. Hæc et seq. Suet. Ner. 47. ejus verba invertens fuit religio.

¹ *Ad mediam.* Suet. l. c.

At, clausis omnium foribus, respondente nullo, seu somnus, seu pavor, eos occupaverat, cubiculum prætrepidus repetit. Custodes jam diffugerant, direptis etiam stragulis, amota et pyxide veneni. Vastitate, suspicionibus turbidus, Spicillum mirmillonem,² vel quemlibet alium percussorem, cujus manu pereat, requirit. Ne ad id quidem ministerii adesse quemquam miratus, in summæ miseriæ vocem "sibi neque amicum esse, neque inimicum," erumpit, procurritque quasi præcipitatus se in Tiberim.³

84. At vitam exosum, mortis pavidum, sistit inveterata mollities; et aliquid secretioris latebræ ad colligendum animum suadet. Phaon, libertus,¹ suum obtulit suburbanum inter Salariam et Nomentanam viam² circa quartum milliarium. Tantulum manet Principi suffugium! Ac quasi fatale esset sordide etiam perire, nudo, ut erat, pede, tunicatus tantum, superinduta obsoleti coloris pænula, adoperto capite, et ante faciem obtento sudario, equum inscendit; quatuor e tanta modo turba comitantibus, quos inter Sporus,³ ultimum, ut diximus, propudium. Turpis fuga, subito tremore terræ⁴ et fulgure adverso damnata, ad novas patet injurias. Proxima itineri castra circumsonant clamoribus militum, Neroni adversa, Galbæ prospera, ominantur. Ex obviis etiam viatoribus, alter, "Hi Neronem persequuntur," monstrat: alter rogitat, "Ecquid in Urbe novi de Nerone?" Ipsa reverentia in formidinis causam vertit: nam missicius⁵ quidam prætorianus Principem, detecta ob subitam equi consternationem facie, agnoscit, et salutationis officio ad desperationem adigit.

85. Nec spes tantum fugæ vanescebat, sed primum ejus consilium cum prætorianis, ut supra memoravi,¹ communicatum, jam in exitum cesserat. Quippe, mutato sacramento, Galbam illico fecerant Principem, ducibus Nymphidio et Ti-

² *Spicillum mirmillonem.* Suet. ibid. Mirmillones dicebantur, qui in ludis adversus retiarios pugnabant, eosque insequebantur: unde mirmillones appellati quoque 'secutores.' Vet. Schol. Juvenal. in viii, 200. 'Nec mirmillonis in armis,' ait: 'Mirmillo armaturæ Gallicæ nomen, ex pisce inditum, cujus imago in galea fingitur.' Ap. Gruter. p. 334. extat Inscrip. VLPI. FELICIS. MIRMILLONIS. VETERANI. V. quoque erudit. Gori, Museum Etruscum, vol. ii, p. 396.

³ *In Tiberim.* Suet. l. c.

¹ *Phaon, libertus.* Suet. Ner. 48.

² *Nomentanam viam.* Suet. ibid. Salaria via a porta Urbis Collina, nunc *Porta Salaria*, initium ducebat: via Nomentana a porta Nomentana, nunc *Porta Pia*. Phaontis autem suburbanum nunc dicitur

Serpentara.

³ *Sporus.* Alios duos memorat Dio lxxiii, p. 726. Phaontem et Epaphroditum. Quartum addit Aur. Victor in Epit. 'Neophytum.'

⁴ *Tremore terræ.* Suet. l. c.

⁵ *Missicius.* Prætorianus, 'missus honesta missione,' ut vulgo occurrit in inscriptionibus. Sic memoratur ap. Gruter. p. 1109. n. 5.

L. LARGIVS. NONI. F.
SVC. FAVSTVS.
TRIB. LEG. XI. AVG.
ET. MISSICIVS. LEG.
VI. AVG.

In Mss. veteribus glossis Græcis, Μισσικί-
ους, παλαιῶς στρατιώτης ἀπολυθείς. I. e.
'Missicius, vetus miles dimissus.'

¹ *Supra memoravi.* Sup. c. 82.

gellino.² Atque etiam, ne vetus Cæsarum fides recurreret, Nymphidius, per quodque nefas fortunæ se inserendi cupidus, sub nomine Galbæ prætoriarum et Urbanarum cohortium militibus singula tricena nummum millia³ promiserat, legionariis quina millia.⁴ Enorme donativum,⁵ in Galbæ æque ac Neronis ruinam paratum, ut primam in spem veniret Nymphidius; formidoloso quoque exemplo, in cædes Urbisque excidium abituro, venale esse Imperium, et juxta militum libidinem dari. Ubi per Urbem percrebuit favor militaris, traxit animos ad odium pridem incitatos. Ne in senatu quidem quidquam moderati, aut verecundi. Publicis studiis, sentientium numero, auctoritatis insolentia, ad atrociora quæque impellitur. Nec de tollendo Principe, sed qua tolli queat turpiore contumelia, certatur. Hos inter clamores, Nero "hostis"⁶ judicatur, "more majorum puniendus." Galba vero in Imperium adscitus,⁷ non quod melior, sed quia Neroni irator. Tum missi equites,⁸ qui fugitivum Neronem ad supplicia vivum attraherent.

86. At is per diverticula,¹ fruticeta inter ac vepres, occulto effossæ cavernæ introitu, in Phaontis suburbanum ægre inrepererat. Nihil ibi pristinae dignitatis manet: sola inhærent vitia, quæ, ut vitam, sic mortem, infamavere. Corpus, deliciarum usu fractum, levamenta, quæ offert loci nuditas, aut refugit,² aut miserabiliter tolerat. Animo nihil fixum, nihil firmum; impetus tantum, et scenica levitas. Comitibus, ut "quam

2 *Nymphidio et Tigellino.* Præfectis prætoriarum cohortium. Plutarch. Galb. p. 1053.

3 *Tricena—millia.* Plutarch. Ibid. *δραχμὰς ἑκατασχιλίας πιντακοσίας.* Angl. 250l.

4 *Quina millia.* Plutarch. ibid. *πεντήκοντα καὶ διακοσίας ἑπὶ χιλιάς.* Angl. 41l. 13s. 4d.

5 *Enorme donativum.* Quod solvere non poterat Galba, quin expenderet circiter Anglice 12,000,000l. non numeratis ducum præmiis. Exaggerat Plutarch. ibid. "Ὅσον ἀμύχανον ἢ συναγαγὶν, μὴ πλείονα μυριάδας κατὰ παράσχεοντι πᾶσιν ἀνθρώποις, ὅν Νέρων πάρσχε." 'Quantam summam nemo cogere poterat, quin sexcenties plus quam Nero mortales omnes flagellaret.' Multo plura donationibus prodegerat Nero, ut dicitur inf. Hist. i. 20.

6 *Nero hostis.* Suet. Ner. 49.

7 *Adscitus.* Plutarch. Galb. p. 1056. Dio lxiij, p. 727.

8 *Equites.* Dio ibid.

1 *Diverticula.* Suet. Ner. 48. ut 'ad diverticulum [viæ, quæ ad Phaontis suburbanum ducebat,] ventum est, dimissis

equis, inter fruticeta ac vepres, per arundineti semitam ægre, nec nisi strata sub pedibus veste, ad aversum villæ parietem evasit. Ibi hortante eodem Phaonte, ut interim in specum egestæ arenæ concederet, negavit se vivum sub terram iturum: ac parumper commoratus, dum clandestinus ad villam introitus pararetur, aquam ex subiecta lacuna potaturus manu hausit: et, Hæc est, inquit, Neronis decocta. Deinde divulsa sentibus pænula trajectos surculos rasit: atque ita quadrupes per angustias effossæ cavernæ receptus in proximam cellam decubuit super lectum modicella culcita, vetere pallio strato instructus.' Quæ quidem neque in *Annales* referre licuit ob exiguitatem, neque hic silere ob historicam veritatem et singulare fortunæ exemplum ac documentum. De decocta aqua, quod Neronis inventum fuit, et subtilissimum voluptatis adjumentum, plura v. inf. inter *Anecdota de Nerone*.

2 *Aut refugit.* Suet. l. c. 'Fameque interim interpellante, panem quidem sordidum oblatum aspernatus est, aquæ autem tepidæ aliquantulum bibit.'

primum se impendenti contumeliæ eripiat" instantibus, annuit: sed scrobem³ fieri imperat: frusta marmoris, aquam, ligna, ceteraque funerum parat, flens ad singula; atque idemtidem dictitans, "Qualis artifex pereo."⁴

87. Has inter moras perlato a Phaontis cursore codicillos avidus præripit;⁵ lectoque se hostem a senatu judicatum, et quæri, ut more majorum puniatur, interrogat "quale id genus sit poenæ." Comperto nudi hominis cervicem inseri furcæ, corpus virgis ad necem cædi, conterritus duos pugiones, quos secum tulerat, arripit; utriusque acie prætentata, rursus condit, causatus "nondum adesse fatalem horam." Subinde modo Sporum hortari, "ut lamentari ac plangere inciperet:" modo orare, ut "se aliquis ad mortem capessendam exemplo juvaret:" interdum segnitiam suam increpare.⁶ Inanibus verbis robor indidit adventantium equitum sonitus. Tunc, ignominiam exhorrescens, Homericò versu⁷ trepidanter recitato, ferrum, juvante Epaphrodito,⁸ jugulo adigit; prius comites precatus, "ne potestas cuiquam capitis sui fieret, sed ut quoquomodo totus cremaretur." Centurioni, qui mox adstitit, et, pænula ad vulnus apposita, in auxilium se venisse simulabat, semianimis respondit, "Sero. Hæc est fides." In hac voce⁹ defecit, extantibus torveque rigentibus oculis,⁶ primo et trigesimo⁷ ætatis anno, imperii decimo quarto, optimis initiis, fine pessimo, execrabili memoria.

88. Cadaver cremari permisit Icelus,¹ Galbæ libertus, primo tumultu conjectus in vincula, tunc exsolutus: singulari fato in præsens Neroni supremæ sortis arbiter, postea Galbæ fortunam corrupturus, et per tam diversa facinora suum in exitium

³ Scrobem. Suet. Ner. 49. eam 'dimensus ad corporis sui modulum.'

⁴ Pereo. Suet. l. c.

¹ Præripit. Hæc et seq. Suet. l. c.

² Increpare. Suet. l. c. 'Interdum segnitiam suam his verbis increpabat: Vivo deformiter ac turpiter: ὃ πρίναι Νέρωνι, ὃ πρίναι νήρην δὴ ἐν τοῖς ταύτοις ἄγχι, ἔγειρε σταντόν. I. c. 'Non decet Neroni, non decet: nunc juvat alta sentire: macte animo, excita teipsum.'

³ Homericò versu. Hom. Il. x, 535. "Ἰκτων μὲ ὠκυπόδων ἀμφὶ κτύπος ὄντα βάλλει. 'Equorum mihi velocium sonitus aures circumdat.' Aut ut versio sit Homero Virgilioque digna, 'Quadrupedante putrem sonitu quatit ungula campum.'

⁴ Epaphrodito. Qui Neroni erat a libellis. Suet. l. c.

⁵ In hac voce. Suet. l. c. Alia, sed forte paulo ante dicta, nec Neronis vanitate indigna refert Constantinus Manasses, p.

80. Αὐτὸν διχηρίσματο τοῦτ' ἐπιπᾶν ἐν τίλει, Ὄϊον, ὃ Ζεῦ, καθαρῶδὸν ὁ βίος ζημιῶται. 'Se ipse interemit, hæc suprema fatus: Qualem, O Jupiter, citharædum mortalitas amittit.'

⁶ Rigentibus oculis. Suet. Ner. l. c. 'rigentibusque oculis usque ad horrorem formidinemque visentium.'

⁷ Primo et trigesimo. Suet. Ner. 57. 'Obiit secundo et trigesimo ætatis anno, die quo quondam Octaviam interemerat.' Consentiant quoque in xxxii. anno Eutrop. et Aur. Vict. in Epit. At cum Nero, teste Suet. Ner. 6. natus sit 18. Kalendas Januarias, die 15. Decembris, anno 790: mortuus sit anno 821. v. Idus Junias, seu die 9. Junii, ut liquet ex Dione lxxvi, p. 753. certissimum est Neronem mortuum esse anno ætatis suæ primo et trigesimo.

¹ Icelus. Suet. Ner. 50. Perperam dictus a Plutarcho Galb. p. 1056. Ὀβικαλλος, Vicellus.

præceps. Modicum fuit funus,² et intra privati modum. Reliquiæ a nutricibus³ et Acte concubina in gentili Domitiorum monumento⁴ conditæ. Sic excisa Cæsarum domus, suo et libertatis damno per centum et quindecim annos dominata: magna virtutum claritate, si C. Julii sublimem, magnificam Augusti, profundam Tiberii mentem virtutibus annumeraveris: immensa vero scelerum fama, publico quoque odio ob Tiberii truculentiam, Caii furorem, stoliditatem Claudii, et Neronis improbitatem. Fuso sanguine Romano,⁵ auctoritatem orsa, per nobilissimorum quorumque cædes invaluit, donec, furore in suos verso, ad ultimum se ipsa confecit, numquam melior, quam cum cœpit, numquam pejor, quam cum desiit.

89. Ejus ruinam portendere visa prodigia plurima;¹ retroacti amnes, prata in contrarias sedes transgressa, prolapsa cupressus Urbi æquæva, lauri a Livia satæ, illico aridæ, aliæque id genus: leve libertatis incitamentum, ob servitutis adusuetudinem, posteriorum Cæsarum vitiis validius, quam priorum artibus, coalitam. Pileata² tamen discucurrit plebs, in lætitiæ signa præceps semper et inconstans. Mox omnium studia in novi Principatus spem ac fortunam conspiravere. Præcipua Nymphidii Sabini, prætorianorum præfecti, cura in

2 *Funus.* Suet. l. c. 'Funeratus est impensa ducentorum millium, [Angl. 1666l. 13s. 4d.] stragulis albis, auro intextis, quibus usus Kalendis Januarii fuerat.'

3 *Nutricibus.* Eclogæ et Alexandra, Suet. ibid. De Acte dictum est sup. An. xiii, 12.

4 *Monumento.* Monumentum illud prospectitur e campo Martio impositum colli hortorum, nunc *Trinita de Monti*. Primis Ecclesiæ seculis singulares de Nerone opiniones apud Christianos invaluerunt. Verba enim D. Pauli, Ep. ii. ad Thessalonic. ii, 7. 'Nam mysterium jam operatur iniquitatis,' de eo interpretati, existimabant Neronem Antichristum esse, eumque resurrecturum; immo non esse mortuum. V. Sulpitium Severum, Hist. Sacr. Libr. ii, et D. Augustin. de Civit. Dei xx, 19. Orta sane hæc Neronis odia, quod tot Christianorum millia falso incendii crimine extinxisset, hocque supremo anno ineunte DD. Petrum ac Paulum, Christianæ religionis coryphæos, interfecisset. Unde in Laterculo Ptolemei Silvii: '8. Kal. Martias, depositio S. Petri et Pauli.'

5 *Sanguine Romano.* Pharsalica Actia-cisque in campis, atrocioribusque proscriptionibus.

1 *Prodigia plurima.* Hæc aliaque prodigia memorant Suet. Galb. 1. Dio lxiii, p. 727. Unum referam ob singularem tem-

pestatis vim. Plin. ii, 83. 'Non minus mirum ostentum et nostra cognovit ætas, anno Neronis Principis supremo, sicut in rebus ejus exposuimus, pratis oleisque, intercedente via publica, in contrarias sedes transgressis, in agro Marrucino, prædiis Vectii Marcelli, equitis Romani, res Neronis procurantis.' Expressius adhuc idem Plin. xvii, 26. 'Super omnia quæ unquam audita sunt, erit prodigium in nostro ævo Neronis Principis ruina factum in agro Marrucino, Vectii Marcelli, e primis equestris ordinis, oliveto universo viam publicam transgresso, arvisque inde e contrario in locum oliveti profectis.' Marrucinus ager, hodie *Chieti*, in *hither Abruzzo*. De cupressu, Urbi æquæva, de annib. retro fluentibus, v. Plin. xvi, 44. et ii, 103.

2 *Pileata.* Suet. Ner. 57. Pileus libertatis insigne: unde Aur. Vict. in Epit. 'Ceterum adeo cunctas provincias omnesque Roma interitu ejus, [Neronis], exultat, ut plebs induta pileis manumissionum, tamquam sævo exenta domino, triumpharet.' Plebis vero inconstantiam notat Suet. l. c. 'Et tamen non defuerunt qui per longum tempus vernis æstivisque floribus tumulum ejus ornarent: ac modo imagines prætextatas in rostris proferrent, modo edicta, quasi viventis, et brevi magno inimicorum malo reversuri.'

se cuncta trahere,³ ut ante Galbæ adventum firmata auctoritate, aut secundus in Imperio ageret, aut si senex, tres et septuaginta annos natus, itineris defatigatione occumberet, ipse capesseret Imperium: reputans "prætorias cohortes dum favorabiles, nunc donativi⁴ promisso obligatas: penes se esse totam liberalitatis gratiam, apud Galbam necessitatem." Proinde, ne tantas spes præcideret Tigellini societas,⁵ ei gladio interdicat: simul consulares, ceterosque, qui exercitus provinciasve olim rexerant, conviviis aliisque id genus lautitiis occupat. Iisdem artibus per castra gliscit ambitio: plurimi jactant "mittendos ad Galbam legatos,⁶ qui Nymphidium perpetuum, et sine collega, prætorianorum præfectum" efflagitent.

90. Par in senatu¹ adulatio. Patres ejus foribus adsidere: beneficentiam laudare: omnibus senatusconsultis auctorem habere. Inde, uti fert hominum natura, orta Nymphidio arrogantia, senatui invidia, dein metus. Cito erupere hæc discordiarum semina. Patres, cum senatusconsultum² ad Galbam per tabellarios suos misissent, dedere simul diplomata, sigillo suo obsignata, queis oppida cursum celerarent.³ Succensuit Nymphidius, questus "Patres nec suo signo nec prætorianis usos:" pœnas etiam, ut fama fuit, repetiturus, ni supplices, excusataque imprudentia, veniam exorassent.⁴

91. Tum, nihil non audendum ratus, odiis vulgi per prioris Principatus ignominiam gratificatur. Raptatæ Neronis imagines.¹ Spicillus, gladiator, cum iis tractus, in foro trucidatur. Acta per corpus Aponii, delationibus infamis, plaustra, lapidibus gravida. In hac vulgi licentia, sontium et insontium multitudo adeo promiscue perit, ut Mauricus,² futuri providus, "Urbi promptum Neronis desiderium" prænuntiaverit. Interim a Nymphidio, se Caii Cæsaris filium eментito,³ consulebatur, ut grata semper populo Romano Germanici memoria revivisceret. Hæc quidem in fortunæ spem parata, in exitiis causas vertere.

92. Galba enim, perlatis mira celeritate¹ nuntiis se a senatu

³ *Trahere.* Plutarch. Galb. p. 1056.

⁴ *Donativi.* De quo dictum sup. c. 85.

⁵ *Tigellini societas.* Qui Nymphidii collega erat in præfectura prætoriarum cohortum.

⁶ *Legatos.* Plutarch. l. c.

¹ *In senatu.* Plutarch. ibid.

² *Senatusconsultum.* Plutarch. ibid. Hoc senatusconsulto non tantum nova dignitas nuntiabatur, sed jura quoque, ut in lege Regia, de qua dicemus inf. Hist. iv, 6, proculdubio præscribebantur.

³ *Cursum celerarent.* Hanc unam cursum celerandi rationem repperat Augustus. Inde apud Romanos cursus publicus

a nostro usu et commodo multum aberat.

⁴ *Exorassent.* Plutarch. ibid.

¹ *Neronis imagines.* Hæc et seq. Plutarch. ibid. Inde autem non modo statuae, sed vera etiam Neronis capita hodie rarissima sunt; ut videre est apud Cl. Winckelmann, *Histoire de l'Art chez les Anciens*, vol. ii, p. 291.

² *Mauricus.* Plutarcho ibid. dictus Μαυρίκος. At Mauricus, appellabatur; memorandus inf. Hist. iv, 40. et in vit. Agr. c. 45.

³ *Ementito.* Plutarch. ibid. Tac. An. xv, 72.

¹ *Mira celeritate.* Mira quidem, cum

Imperatorem fuisse consalutatam, auditoque Neronis fine, Romam erat profectus:² atrox ob diu ancipitem Imperii spem, necdum satis firmam; quod, cum iter faceret, nuntia- rentur timerenturque turbæ, in repentinis casibus solitæ. Ob id, neglecta toga, paludatus,³ et dependente a cervicibus pu- gione ante pectus,⁴ quasi per hostile solum iter ingressus est. Pronus in severitatem, Hispaniarum Galliarumque civitates, quibus cunctationi fuerat fides, gravioribus tributis, finium quoque damno⁵ attrivit: auctoresque cunctationis, Obultro- nius Sabinus⁶ et Cornelius Marcellus in Hispania, Betuus Chilo in Gallia, occisi. Simul Principis jussu, Trebonius Garucianus, procurator, Clodium Macrum⁷ in Africa turban- tem interficit. Fonteius Capito, ambiguis studiis suspectus, in Germania periit, a Cornelio Aquino et Fabio Valente op- pressus.

93. Formidolosiores Nymphidium præpropera cupido per- ditum iit. Cum secundas in Imperio obtinere vanis artibus tentasset, Vinio, Lacone, Icelo,¹ præpollentibus, et Othone per Vinii favorem ad fortunam sensim inrepente, Imperium invadere occupat, Mithridatis Pontici² opibus subnixus. Illi in prætoriano milite spes; et ne imparatus ad id dignitatis accederet, orationem a Cingonio Varrone,³ venali ingenio, in tantum fastigium scriptam, edidicerat. Nox propinqua tali- bus ausis destinabatur. Restitit Antonii Honorati, tribuni, fides.⁴ Præmonitis enim prætorianis, "tot vices dedecere: præcipitem fuisse a Nerone, licet scelerum reo, defectionem: a Galba, novo et laudato Principe, probrosam fore: turpe insuper, si Liviæ adfinem⁵ Nymphidiæ filio⁶ postponerent."

Icelus libertus, de quo dictum sup. c. 88. nuntius advenerit septimo die post Neronis mortem, ut testatur Plutarch. Galb. p. 1055. Proinde septem diebus confecit saltem decies sexcenta millia passuum; quod singulis diebus efficit ducenta viginti octo millia passuum; biduo post venire tabellarii, qui senatusconsultum affer- bant, Plutarch. ibid. neque ipsi tardi.

2 *Erat profectus.* 'Depositaque legati,' suscepit 'Cæsaris appellationem.' Suet. Galb. 11.

3 *Paludatus.* Paludamentum vestis erat militaris, ut dictum est An. xii, 56.

4 *Ante pectus.* Suet. l. c.

5 *Damno.* Tac. Hist. i, 53. 'Quasdam etiam murorum destructione,' Suet. Galb. 12. 'Finium damno,' i. e. ademtis agris; sic 'finium' usurpatum videbis inf. Hist. i, 24. Et civitates publicos agros habe- bant, ut omnibus compertum.

6 *Obultro nius Sabinus.* Hæc et seq. Tac. Hist. i, 7 et 37. Suet. Galb. 11.

7 *Clodium Macrum.* De Clodio Macro

ejusque nummis v. inf. not. et em. ad Hist. i, 11.

1 *Vinio, Lacone, Icelo.* De his plura inf. c. 96.

2 *Mithridatis Pontici.* Plutarch. Galb. p. 1058. Mithridates oriundus, ut videtur, Ponti regibus.

3 *Cingonio Varrone.* Plutarch. Galb. p. 1059. Perperam Latinus Plutarchi inter- pres eum appellat 'Ciconium Varronem.' Jam memoratus est Cingonius Varro, An. xiv, 45.

4 *Fides.* Hæc et seq. Plutarch. Galb. p. 1058.

5 *Liviæ adfinem.* Plutarch. ibid. Atque etiam expressius p. 1054. ἡ δὲ τι καὶ Λιβίας τῇ Καίσαρος γυναίκα κατὰ γένος προσήκουσιν ἐ τὰ λυβία. Aliter tamen Suet. Galb. 2. 'Ne- roni Galba successit, nullo gradu contin- gens Cæsarium domum.' At Suetonii verba intelligenda mihi videntur de gradibus consanguinitatis, non vero de affinitate. Hujus affinitatis forte testis est nummus argenteus, qui fuit in Museo Collegii Lu-

Cum Nymphidius castra adisset, seu ut sua in fide firmaret animos, seu ut ortos forte motus sedaret, ipso in ingressu confossus occubuit.

94. Galba, hac cæde nuntiata, quasi Imperii pacisque certus, togam sumsit: sed mutato habitu, haud mutata mens. Inerant semper ira, diffidentia, injuriarum memoria, ceteraque pavidi animi, in privato homine inhonesta, funesta Principi, cujus initia vera fictave lætitia gratiaque debent clarescere. Immo plus invidiæ movit cædes Petronii Turpiliani,² consularis et triumphalis viri, imperata quod Neronis dux fuisset, et a Tigellino patrata. Atrox quoque visum, præter Mithridaten et Cingonium,³ consulem designatum, Principis edicto amicos sociosve Nymphidii inauditos et indefensos morte mulctari. Molliisset tamen intempestivam severitatem tutandi Imperii voluntas, aut necessitas, ni fuisset idem adversus omnes atque immeritos rigor. Sed cum legati, a senatu missi, Narbonem Martium,⁴ adventassent, ut Principi gratularentur, et "quam primum Romam veniret," orarent, parca fuit civitas, nihil comitatis. Pari illiberalitate⁵ exceptus Verginius, debellato Imperii hoste, spreto Principatu, summum honoris promeritus. At felix, qui ob nimiam virtutem parum gratus suspicaci Principi, id in his temporum adversis est adsecutus, ut malorum reipublicæ spectator tantum, non actor, gloriæ suæ superstes, ad ea usque duraverit tempora, quibus revixit Romana felicitas.⁶

95. Cruento autem Principis itinere foedior adhuc adventus. Urbsque horruit Classarios, qui obviam occurrerant,¹ sibi que militiam a Nerone datam² servari orabant, non modo rejici, sed, qui aquilam signaque³ pertinacius flagitaverant, immisso confestim equite, equorum vi obterî, aut trucidari: superstitibus, in Urbis oculis decumari, custodiave attineri, licet in fidem acceptos.⁴ Amoti etiam prætorianorum pleri-

dovici Magni: IMP. SER. GALBA CAES. AVG. Capite laureato. In parte postica DIVA AVGVSTA: Livia sub effigie Pietatis expressa.

6 *Nymphidiae filio.* Nymphidius, filius Nymphidiae, et, ut opinatur Plutarch. Galb. p. 1056. Martiani gladiatoris.

1 *Togam sumsit.* Suet. Galb. 11.

2 *Petronii Turpiliani.* Tac. Hist. i, 6. Jam memoratus est sup. c. 81. et An. xv, 72. Perperam appellatus a Plutarcho in Galb. p. 1059. Περρώνιος Τερπουλιανός.

3 *Mithridaten et Cingonium.* Plutarch. ibid. De iis dictum c. sup.

4 *Narbonem Martium.* Nunc Narbonne: urbem olim Galliarum clarissimam.

5 *Illiberalitate.* Causam affert Tac. Hist. i, 8. Nec statim pro Galba Verginius;

et Fabius Valens eum cunctationis accusaverat, teste Tac. ibid. c. 52.

6 *Romana felicitas.* Imperante Trajano, ut dicitur, cum ad hac tempora deveniremus.

1 *Occurrerant.* Ad tertium ferme ab Urbe lapidem, Plut. Galb. p. 1059. V. et Tac. Hist. i, 87.

2 *A Nerone datam.* Ex remigibus justos milites eos fecerat Nero, Suet. Galb. 16. i. e. legionem fecerat, Plutarch. l. c.

3 *Signaque.* Aquilam et signa legionis.

4 *In fidem acceptos.* Tac. Hist. i, 6, 37 et 87. Sic trucidata multa millia inermium et innocentissimorum militum. Male Dio lxxiv, p. 729. ad prætorianos, δορυφόρους, retulit, quæ ad classarios pertinere demonstrant Suet. et Plutarch. l. c.

que,⁵ ob Nymphidii molimina suspecti. Germanorum cohors, quæ multis fidei experimentis se prioribus Cæsaribus in corporis custodia approbaverat, tum dissoluta, ac sine ullo commodo in patriam remissa; quasi Dolabellæ, juxta cujus hortos tendebat,⁶ pronior.

96. Talibus non facta securitas, conflata tantum odia, quæ in dies crescebant, dum apud senem, in pœnas promptum, tardum ad præmia, nullus esset gratiæ locus,¹ concessaque a prioribus Principibus beneficia eriperentur.² Inritati adhuc animi, quod, super Principis vitia, majora ex hominibus, quibus se abutendum permiserat,³ orirentur pericula. Titus Vinius, quem supra memoravi,⁴ ut favore præcipuus, sic cupiditate immensa grassabatur. Cornelio Laconi, ex adessore,⁵ præfecto prætorii, arrogantia socordiaque intolerabilis. Icelus, libertus, anulis donatus equestrique nomine,⁶ potentissimorum olim libertorum opes æmulabatur. Hos inter, lucri spe, et ob senium Principis in ruinam præceps, concordia: nec cura, nisi unde citior majorque fortuna pararetur.

97. Galba, his obnoxius, non suoapte ingenio, sed pro eorum cupidine, regebat. Per eos ergo licuit ut Helium, Polyletum, Petinum, Patrobium,¹ Neronis libidinum ministros, plecteret.² Tigellinum vero, nequiores et invisum magis, at magna pecuniarum vi favorem T. Vinii emeratum,³ morti subduxit; populumque Romanum, qui eum ad pœnas assidue repetebat, edicto increpuit, quod "hominem tabe ferme enectum persequerentur:" flagitabat,⁴ ne "Principatum suum crucientarent, odiosumque facerent." Tigellinus, quasi Deum munere servatus, pro salute sua litare;⁵ magnoque sumtu parata scena, Vinii filiæ, alia jam elargitus,⁶ decies sestertium⁷

5 *Prætorianorum plerique.* Suet. Galb. 16.

6 *Tendebat.* Suet. Galb. 12.

1 *Gratiæ locus.* Suet. Galb. 14 et 15.

2 *Eriperentur.* Suet. ibid. 'Judicibus sextam decuriam adjici precantibus, non modo negavit, sed etiam concessum a Claudio beneficium, ne hyeme initioque anni ad judicandum evocarentur, eripuit' — Liberalitates Neronis, non plus decimis concessis, per quinquaginta equites Romanos ea conditione revocandas curavit exigendasque, ut et si quid scenici aut Xystici donatum olim vendidissent, auferretur emtoribus, quando illi, absumpto pretio,olvere nequirent.

3 *Permiserat.* Suet. Galb. 14.

4 *Memoravi.* Sup. c. 69. Suet. l. c. Vinus, 'mortalium deterrimus,' Tac. Hist. i, 6.

5 *Ex adessore.* Suet. ibid. Adessores magistratibus præsidibusve in jure dicundo adsidebant. Liberti adsidere poterant. V.

Digest. libr. i, Tit. 22. de officio adessorum. Leg. 2. Laco, mortalium 'ignavissimus,' Tac. Hist. i, 6.

6 *Equestrique nomine.* Appellatus nempe Martianus, Tac. Hist. i, 13. Ob nuntiatum Imperium incredibili celeritate, ut dictum sup. c. 92. id honorum adeptus, Plutarch. Galb. p. 1056.

1 *Patrobium.* Locustam, veneficiis famosam, addit Dio lxxv, p. 729.

2 *Plecteret.* Plutarch. Galb. p. 1060.

3 *Emeratum.* Plutarch. ibid. Suet. Galb. 15.

4 *Flagitabat.* Plutarch. ibid.

5 *Litare.* Plutarch. ibid.

6 *Alia jam elargitus.* Quæ inter fuit monile, quod ex pellicum suarum primariæ collo detraxit, ut Vinii filiæ daret, æstimatum πινυκαλίδου μυριάδων, Plutarch. ibid. i. c. 'sexcentis millibus nummum,' Angl. 5000l.

7 *Decies sestertium.* Plutarch. ibid. πέντε

propinare.⁸ Pronum credere quam id fuerit populo ingratum, quæ inde adversus Galbam invidia. Accedebant tetrica senectus, tristis avaritia,⁹ præpostere tentata¹⁰ Imperii leges moresque emendandi consilia, et vana libertatis restitutæ¹¹ ostentatio. Præterea gliscebant per exercitus querelæ, quod donativum¹² sibi promissum frustra reposcerent. Efferavit quoque animos, magnifica, sed non talis Imperatoris, nec huius temporis, vox, "legi a se militem, non emi." Sic coalescebant discordiarum causæ, quæ sequentem annum funestavere, amplum historiæ argumentum.¹³

καὶ εὖχομαι μυριάδας ἀργυρίου, *Angl.* 8333l. 6s. 8d. Male vertit interpres Latinus, 'duodecies sestertium.'

8 *Propinare.* Plutarch. Galb. p. 1060. προῦπινεν. Quæ computationes! quam opulentæ!

9 *Avaritia.* Suet. Galb. 12. Dio lxiv, p. 728.

10 *Præpostere tentata.* Senem imbellemque Principem latebat in Imperiis magna et vetera mala sanari non posse,

nisi acerrimo ingenio, viridi ætate, lentisque remediis.

11 *Libertatis restitutæ.* Unde in nummis Galbæ: frequenter occurrit LIBERTAS P. R. vel LIBERTAS PVBLICA. vel LIBERTAS RESTITVTA.

12 *Donativum.* De quo sup. c. 85.

13 *Non emi.* Tac. Hist. i, 5.

14 *Historiæ argumentum.* V. Historiarum libros, quibus fuse splendideque hoc argumentum Tacitus est prosequutus.

APPENDIX

AD LIBRUM QUINTUM

HISTORIARUM.

AUCTORE GABRIELE BROTIER.

BREVIARIUM.

26. **B**ATAVI in fidem recepti; pacataque Germania. 27. Lingones favorem Domitiani occupant. Cæso Fonteio Agrippa, Sarmatæ Mæsiam populantur: mox a Rubrio Gallo fusi. 28. Obsidio Hierosolymitana. Primus urbis murus perrumpitur. 29. In alterius ruina acriter pugnatum. 30. Judæorum pervicacia. 31. Titus tridui opere urbem muro circumvallat. Expugnatur et excinditur turris Antonia. 34. Fames, pestis, Hierosolymis grassantur. 35. Templum invadere frustra tentant Romani. 36. Portas succendi, templum tamen servari jubet Titus. 37. Judæi, suam in ruinam præcipientes, inconsulto in Romanos inrumpunt. 38. Templum incenditur; ibique positis signis, Titus *imperator* consalutatur. 40. Reliquæ Judaici belli fœditates. Ardent Hierosolyma. 42. Titus, urbis ruinas ingressus, Deum victoriæ auctorem profitetur. 43. Inde Cæsaream discedit, Orientem lustraturus. Lucilius Bassus, quæ supererant in Judæa, expugnat. 44. Interim Vespasianus Alexandria Romam redierat: templi Capitolini operas extemplo inflamat. 46. Titus, ex Oriente redux, Hierosolyma revisit, ruinasque miseratur: Memphim venit; evinctusque caput diademate, Apidis consecrationi interest: unde Romæ conflata invidiæ materia. 47. Vespasianus Hispaniæ jus Latii tribuit: mox ad Urbana negotia intentus. 48. Vitæ ejus ratio. 49. Erga liberos cura. Titus Romam venit. 50. Vespasiano Titoque decernitur triumphus. Ejus pompa. 52. Clauditur Janus. Templum Pacis a Vespasiano conditum: ibi sacrata templi Hierosolymitani

monumenta. Conspirantibus Vespasiani Titique votis, tentatur morum emendatio, Urbe vitii fessa.

Hæc gesta,

A.U.C. J.C.

DCCCXXIII.	70.	Coss.	{ Flavio Vespasiano Aug. II. Tito Vespasiano Cæsare.
------------	-----	-------	---

DCCCXXIV.	71.	Coss.	{ Flavio Vespasiano Aug. III. M. Cocceio Nerva.
-----------	-----	-------	--

A.U.C. 823. J.C. 70.

26. **N**ON fefellit Civilem ea inclinatio, et prævenire statuit; super tædium malorum, etiam spe vitæ, quæ plerumque magnos animos infringit. Petito colloquio, scinditur Nabaliæ fluminis pons; in cujus abrupta progressi duces: et Civilis ita cœpit: "Si apud Vitellii legatum defenderer; neque facto meo venia, neque dictis fides debebatur. Cuncta inter nos inimica, hostilia, ab illo cœpta, a me aucta erant. Erga Vespasianum vetus mihi observantia: et, cum privatus esset, amici vocabamur. Hoc Primo Antonio notum, cujus epistolis ad bellum accitus sum, ne Germanicæ legiones et Gallica juvenus Alpes transcenderet. Quæ Antonius epistolis, Hordeonius Flaccus præsens monebat, arma in Germania movi: quæ Mucianus in Syria, Aponius in Mœsia, Flavianus in Pannonia, Tiberius Alexander¹ in Ægypto, eadem fovi consilia. Pari studio Batavos, Canninefates, veteranasque cohortes in verba Vespasiani² adeg. Si quid postea hostile inrepsit, jure an injuria susceptum haud dixerim. Malim turbida temporum incusare, quam dubia imputare crimina. Certe vel ipsa inter bella me semper in pacem propendisse, Romanorumque partes juvisse multa fuere argumenta, et recens adhuc memoria.³ Nec per me stabit quominus inter Romanos et Batavos fida firmaque societas renovetur. Olim sacramenti hortatorem, nunc me juvat esse conciliatorem pacis." Stu-

¹ *Tiberius Alexander.* A quo initium ferendi ad Vespasianum imperii Alexandriæ coeptum. V. sup. Hist. ii, 79.

² *In verba Vespasiani.* Ut jam dictum est sup. Hist. iv, 21.

³ *Recens adhuc memoria.* Superfuso enim Rheno, potuere opprimi legiones, et volebant Germani: at obstitit Civilis, idque nunc imputabat. V. sup. Hist. v, 24.

diis ita conspirantibus, in fidem recepti sunt Batavi: pacataque Germania.

27. Lingones,¹ Civilis societate innexi, Domitiani favorem occupaverant, septuaginta millibus armatorum² in ejus obsequium redactis. Atrocius cum Sarmatis pugnatum. Fontei Agrippa, Mœsiæ, ut dictum est supra,³ præpositus, adversus barbarorum vim invalidus, pugnando fortiter occubuit.⁴ Tum cuncta incursionibus, populationibus obnoxia. Clade Vespasiano nuntiata, Rubrium Gallum misit,⁵ qui rem restituit, fusosque sæpe barbaros renare Danubium coegit: et, ne regredi iis foret animus, Romanis præsidiis validiora addidit munimenta.⁶

28. At major belli moles in Judæa agitabatur. Titus, cum cuncta expugnandis Hierosolymis apta struxisset, adulto jam vere,¹ operi institit,² morarum impatiens. Utrumque paribus animis certatum. Judæi locorum ingenio, hominum multitudine (nam undique terrarum, atque etiam trans Euphraten,³ gentili discrimine pietateve⁴ exciti, convenerant) primum valuerunt: longiusque effossis subter terram cuniculis,⁵ ruinam machinis, militibus, si forte materiarum causa, aquarumve penuria per agros palarentur, necem inferebant. Una quoque e tribus turribus, quas in quinquagenorum cubitorum al-

1 *Lingones.* De quibus sup. Hist. iv, 55 et 77.

2 *Septuaginta m. armatorum.* Frontin. Strateg. iv, 3. n. 14. Quem vide laudatum sup. Hist. iv, 67. not. inf.

3 *Dictum est supra.* Hist. iii, 46.

4 *Occubuit.* Joseph. Bell. Jud. vii, 4. n. 3.

5 *Misit.* Joseph. ibid.

6 *Addidit munimenta.* Sic bellum Mæsiacum celeriter confectum est. 'Ο μὲν οὖν περὶ τὴν Μυσίαν πόλεμος ταχέως ἐτάβη τὴν κρίσιν. Joseph. l. c.

1 *Adulto jam vere.* Post festum diem Azymorum celebratum hoc anno die quintadecima mensis Xanthici, seu 14. mensis Aprilis. Joseph. Bell. Jud. v, 3. n. 1.

2 *Operi institit.* Relictis enim Spinarum valle et Scopo, ubi primum fuere Romana castra, sed quæ longius ab Hierosolymis aberant, ut dictum est sup. Hist. v, l. not. inf. Titus aciem admovit; eamque instruxit a monte Olivarum per montem, Calvaria: ad turres usque Psephinam et Hippicon: deinde ad monumenta usque Herodis prope piscinam Serpentinam processit, machinas instruxit, et oppugnationem cepit ad Joannis pontificis monumentum die 22. Aprilis. Joseph. Bell. Jud. v, 2. 3 et 6.

3 *Trans Euphraten.* Dio lxi, p. 746.

Οἱ Ἰουδαῖοι, πολλοὶ μὲν αὐτοῖσιν, πολλοὶ δὲ καὶ παρὰ τῶν ἑσσηίων, οὐχ ὅτι ἐκ τῆς αὐτῆς τῶν Ῥωμαίων ἀρχῆς, ἀλλὰ καὶ ἐκ τῶν πύργων Εὐφράτου προσβιβασθέντες. 'Judæi plurimi, partim ex illa sua regione, partim ex iis, qui ejusdem religionis erant, nec e Romano tantum imperio, sed etiam e sitis trans Euphraten locis venerant, opem ferebant.' V. et Joseph. Bell. Jud. vi, 6. n. 2.

4 *Pietateve.* Ob Paschatis solemnitatem. Quam immensa tum conveniret Judæorum multitudo v. in not. et em. ad Hist. v, 13.

5 *Primum valuerunt.* Joseph. Bell. Jud. v, 6. n. 6. Dio l. c.

6 *Cuniculis.* Dio lxi, p. 746. Οἱ δὲ Ἰουδαῖοι διὰ τῶν ἐποριῶν ἰσχυρὸν ὀρυγμαίνοντες τε γὰρ αὐτοὺς ἐνδοθὲν ὑπὸ τὰ τεῖχη μηχανῇ πόρῳ τῆς χώρας εἶχον, καὶ δι' αὐτῶν διεξιόντες, τοῖς τε ὑδρομαίνοις ἐπιτίθεντο, καὶ τοὺς ἀποσκιδαννυμένους λαμβάνοντο οὕς ὁ Τίτος πάντας ἀπέφραξε. 'Judæi per cuniculos subterraneos multum poterant, quos ex urbe subter ipsa mœnia ad longinquas partes regionis actos habebant: perque hos ipsos cuniculos egressi, Romanos aquam petentes, et palantes damnis adiciebant. Titus universos hosce meatus obstruxit.' Quam autem cælum solumque Hierosolymitanum siticulosum sit, omnibus compertum est.

titudinem Titus eduxerat, fortuito casu nocte prolapsa,⁷ oppugnatoribus terrorem morasque intulit. At tandem arte et virtute præpotuit Romana res, adjuta Titi periculo, impacto saxo lævum humerum⁸ saucii. Legiones, ducis vulnere irritatæ, conniti; et perrupto muro, primam urbis partem, Septemtrionibus objectam, occupare:⁹ integra Judæorum multitudine, quæ in interiora secesserat.¹⁰

29. Crevit itaque cum fortuna periculum. Angustioribus enim standum locis; quantoque arctior, tanto validior interiorum urbis munitionum vis: duplicatus quoque¹ propugnatorum numerus. Aderat et immensa armorum supellex: nam præter solitas, aut in hanc necessitatem² inventas Judæis machinas, Romanæ etiam ostentabantur, sub belli initia in adversis Cestii Galli,³ Syriæ legati, præliis captæ. Feroces inde animos, impunitatis spe, flectere tentavit⁴ Titus. At clementiam Cæsaris pavorem interpretantes, spretis ejus nuntiis, audentia crevere. Ex eo major ira legionibus, contumeliæ indignitatem ægre ferentibus, certisque ardua quæque adgredi, ut promtior acriorque ultio foret. Properantur opera: muris admotæ machinæ: corruptæ obsessorum saxis ignibusve, confestim refectæ. Expugnandæ urbis signum dari ardet miles. Quo plus periculi, plus animi. Dato signo, acerrimus quisque, tela inter et saxa enisi, diruta alterius muri parte,⁵

7 Nocte prolapsa. Joseph. Bell. Jud. v, 7. n. 1. Τοῦ γὰρ Τίτου πύργους τρεῖς κατασκάσαι κλιθεὶς ἀπὸ τοῦ πύργου—συνίβη ἵνα πιστὴν αὐτομάτως ἀνὰ μίσην νικῶς. De bellicis turribus plura v. in not. et em. ad Hist. iv, 23.

8 Lævum humerum. Dio l. c. Ὁ Τίτος αὐτὸς λίθῳ τὸν ἀριστερὸν ὤμον ἐπλήγη, καὶ ἀπ' αὐτοῦ τὴν χεῖρα ἀσθινοστέρα ἐλκεῖ. 'Titus ipse saxo percussus in humero sinistro, manum inde debiliorem habuit.'

9 Occupare. Prima illa pars urbis Hierosolymorum capta est die septima mensis Artemisii, seu die 6. Maii, quæ erat a cæpta oppugnatione quintadecima. Joseph. Bell. Jud. v, 7. n. 2. Ῥωμαῖοι μὲν οὕτω τοῦ πρώτου τείχους πεντικαίδεκάτῃ κερτήσαντες ἡμέρᾳ, ἰβδόμῃ δ' ἦν Ἀρτεμισίου μηνός, αὐτοῦ τε τοῦ κατασκάπτουσι, καὶ τὰ προσάρκτια τῆς πόλεως, ἃ καὶ πρότερον Κέστιος. 'Romani primo muro ita potiti sunt die quintadecima, septima enim erat mensis Artemisii, et partem ejus magnam diruunt, et septemtrionalia urbis, quæ etiam prius vastaverat Cestius.'

10 Secesserat. Joseph. et Dio ibid.

1 Duplicatus quoque. Tunc enim commune discrimen propulsare adgressi sunt

Joannes et Simon. Ille ex turri Antonia, Septemtrionali porticu templi, et Alexandri monumento pugnabat. Hic juxta monumentum Joannis, et tenebat usque ad portam, qua in turrim Hippicon aqua inducebatur. Titus autem locum, Castræ Assyriorum dictum, obtinuit, et quicquid interjacet usque ad Cedronem occupavit. Joseph. Bell. Jud. v, 7. n. 3.

2 In hanc necessitatem. Joseph. Bell. Jud. v, 1. n. 5. Præterea Joseph. Bell. Jud. v, 9. n. 2. inter bellicas Judæorum machinas numerat trecentos scorpiones et quadraginta balistas, ἔχον δ' ὄξυβλήεις μὲν τριακοσίους, τισσαράκοντα δὲ τῶν λιθοβόλων. Hos scorpiones describit Veget. iv, 22. 'Scorpiones dicebant, quas nunc manubalistas vocant: ideo sic nuncupati, quod parvis subtilibusque spiculis inferant mortem.' Alii sunt, et majores, scorpiones, quos describit Ammian. Marcellin. xxiii, 3. De balista dictum est satis Hist. iii, 23. not. inf.

3 Cestii Galli. De quo sup. Hist. v, 10. V. et Suppl. An. xvi, 47.

4 Flectere tentavit. Dio l. c.

5 Alterius—parte. Joseph. Bell. Jud. v, 8. n. 1. Ἀλλοῦ δὲ Καίσαρος ταύτῃ τὸ τεῖχος

viam fecere. At, quod angustior erat aditus, nec Titus vastitatem statim intulit, clementia potius, quam belli jure utendum ratus;⁶ Judæi indulgentia in perfidiam abuti, tantoque impetu in paucos Romanos,⁷ qui, duce Tito, subierant, intruere, ut eos extra murum pellerent. Atrox hic cædes; triduoque⁸ in muri ruina, quam Judæi oppositis corporibus vallabant, pugnatum. Tandem quarto die,⁹ victis Judæis, intusque cedentibus, ad turrim Antoniam¹⁰ ventum est.

30. Cum ea foret solo editiore inaccessa, structi ad oppugnandum aggeres.¹ Interim, ut Judæorum audacia terrore flecteretur, per quatuor dies ostentata² acies Romana: publice data annonæ: ingentem auri argentique vim, minasque militum, armis et insignibus fulgentium, e summis mœnibus partheque Septemtrionali templi prospectabant obsessi. Præterea missus Josephus,³ nobis jam supra memoratus, qui eos veniæ, libertatis, fortunarum spe ad deditionem excitaret. Nec hostilium virium aspectus, nec promissa, ne horrenda quidem fames,⁴ quæ jam sæviebat, feroces animos molliere. Immo ipsi transfugæ, Titi clementia in castra Romana recepti, occultam meditabantur crimina;⁵ et si quem forte Romanorum solum repererant, jugulabant, aut clam obturatis cor-

ἡμέραι πέντε μετὰ τὸ πρῶτον. 'Alterum murum,' in parte urbis Septemtrionali, 'cepit Cæsar die quinto post primum captum.' Quintus autem ille dies fuit duodecimus mensis Artemisii, et 11. mensis Maii.

6 *Utendum ratus.* Ita Joseph. l. c. Hæc enim una Tito cura ut sibi urbem, templum urbi conservaret. Περὶ πλείστου γὰρ ἵποι-
ῦτο σῶσαι τὴν μὲν πόλιν αὐτῷ, τὸν δὲ ναὸν τῇ πόλει.

7 *Paucos Romanos.* Titus cum mille armatis, et lectis, quos circa se habebat, militibus, alterum murum erat ingressus. Joseph. l. c.

8 *Triduoque.* Joseph. l. c. n. 2. Τριὶ μὲν ἡμέρας.

9 *Quarto die.* Titus, quarto die, τῇ τετάρτῃ, Judæos fortiter adortus, altero muro potitus est. Quod ad Septemtrionem spectabat statim diruit: partis vero Meridionalis turribus presidium imposuit. Joseph. ibid. Quartus ille dies fuit 15. mensis Maii.

10 *Turrim Antoniam.* De qua dictum sup. Hist. v, 11.

1 *Ad oppugnandum aggeres.* Quatuor maximos aggeres memorat Joseph. Bell. Jud. v, 11. n. 4. Horum unum ad turrim Antoniam, contra mediam piscinam, quæ Struthia vocabatur, struxerat quinta legio; aliū legio duodecima, inde circiter viginti cubitos distantem: tertium legio decima,

ad Orientalem partem urbis, et piscinam, quæ Amygdalon appellabatur; quartum legio quintadecima, ad Joannis Pontificis monumentum, triginta inde cubitos distans. Joseph. Bell. Jud. v, 9. n. 2, et v, 11. n. 4. Ait ibidem Josephus illos cæptos fuisse duodecimo die mensis Artemisii, vix autem perfectos fuisse die vigesimo nono, diebus septemdecim operi sine intermissione impensis. Ergo aggeres cæpti sunt die ipso, quo secundus urbis murus dirutus est. Dies autem vigesimus nonus fuit 28. Maii.

2 *Ostentata.* In Hierosolymorum suburbanis, Septemtrionem versus, ostentata est acies Romana. Joseph. Bell. Jud. v, 9. n. 1. Quatuor illi dies fuere 16. 17. 18. 19. Maii.

3 *Missus Josephus.* Joseph. Bell. Jud. v, 9. n. 3. Jam memoratus est sup. in Suppl. An. xvi, 58.

4 *Fames.* De qua multa Joseph. Bell. Jud. v, 10. Magnam autem frumenti copiam, quæ non paucis annis suffecisset, initio belli combusserant discordes Judæi. Joseph. Bell. Jud. v, 1. n. 4. Præterea ne quid spei Judæis maneret, Titus pulcherrima urbis suburbana exciderat, et omnem late regionem ad nonaginta stadia circumquaque vastaverat, ita ut nihil in campis, ne arbor quidem, superesset. Joseph. Bell. Jud. vi, 1. n. 1.

5 *Meditabantur crimina.* Dio l. c.

ruptisve fontibus, insanabile malum adferebant. Multi in talis perfidiæ poenas, gentiliumque terriculum, ante urbis oculos crucibus adfixi,⁶ truncisve manibus⁷ ad suos remissi. His suppliciis exacerbata adhuc odia; ultionemque nova ruina parabat Joannes. Effossa enim sub aggeribus terra,⁸ incensisque materiis,⁹ quibus opus pensile sustinebatur, subito hiatu absorpti sunt aggeres: dissiluisse machinæ; et, erumpente flamma, statim haustæ sunt. Nihil tristius toto bello contigerat.¹⁰ Id tamen biduo post¹¹ ferme renovatum. Simonis enim instinctu, tres juvenes, præcipua apud eos audacia, Tephthæus, Megassar, et Chagiras¹² (nam barbara etiam nomina ob facinoris insigne memoranda) urbe, raptis facibus, egressi, machinas aliis aggeribus¹³ impositas, per medios hostes, per tela, per gladios, incendendas susceperunt, et incendere: neque ignes, propter Judæorum, e muro, factaque inruptione, pugnantium, pervicaciam, restingui potuerunt.¹⁴

31. Adverso casu haud fracta Titi constantia: sed cladem in urbis exitium vertit; eamque incredibili tridui opere¹ per triginta novem stadia² muro ac turribus³ ita circumvallavit,

6 *Crucibus adfixi.* Judæos quidem cruci adfixos memorat Joseph. Bell. Jud. v, 11. n. 1. At silet causam, eosque ideo tantum a Tito punitos tradit, ut obsessi quid ipsos maneret, nisi se dederent, intelligerent. Quod a Romana disciplina Titique clementia omnino alienum.

7 *Truncisve manibus.* Joseph. ibid. n. 2.

8 *Sub aggeribus terra.* Joseph. ibid. n. 4. Aggeres illi a legionibus v et xii. ad Turrim Antoniam fuerant extracti; ut modo observatum est sup. c. 30. not. inf.

9 *Incensisque materiis.* Pice ac bitumine inflatæ fuerant materiæ; succensisque sudibus, pensiles aggeres magno cum sonitu corruiere. Joseph. ibid.

10 *Contigerat.* Id contigisse videtur die prima mensis Sivan, seu 29. Maii.

11 *Biduo post.* Joseph. ibid. n. 5. Id ergo accidit die tertia mensis Sivan, seu 31. Maii.

12 *Chagiras.* Sic cognominatus ex fortuna, ait Joseph. ibid. quæ vox 'claudum' significat. ΚΛΥΠΡ enim Judæi est 'claudus.' Tres autem illi viri e periculo non se subduxerunt prius, quam cum ignis machinas corripuit. Joseph. ibid.

13 *Aliis aggeribus.* Ii sunt aggeres, quos legiones x et xv. ad Orientalem urbis partem struxerant, ut jam observavimus sup. c. 30. not. inf.

14 *Restingui poterunt.* Joseph. ibid.

1 *Incredibili tridui opere.* Joseph. Bell. Jud. v, 12. n. 2. Τρισὶ δ' ἡμεραισὶ τὸ πᾶν ἡμῖν ὥς τὸ μὴν ἔργον μνηστὴν αἰξίον, τὸ

δὲ τὰχος ἡπ-ῆσθαι πίστιως. 'Totum autem opus triduo constructum est, ut id quidem dignum mensibus videretur, celeritas vero fide careret.' Triduum illud fuit sane 2. 3 et 4. Junii. A Tito autem ita deproperatum opus, quod Judæi sabbatum et duos dies festos Septimanarum, seu Pentecostes, celebrare diebus 5. 6 et 7. mensis Sivan, i. e. 2. 3 et 4. Junii.

2 *Per triginta novem stadia.* Joseph. ibid. Τὸ μὴν ὅν τὰχος ἰδὸς διοντος τριακοντα σταδίων ἦν. 'Murus uno minus quadraginta stadiorum erat.'

3 *Muro ac turribus.* Circuitum muri fuse describit Josephus, ibid. Hujus struendi initium factum a castris Assyriorum, ubi tendebat Titus: hinc ad inferiorem Cænopolim ductus; inde per Cedronem ad Olivæ montem pergebat: dein revertens a meridie montem complectebatur usque ad petram Peristereonon, proximumque collem, qui valli juxta fontem Siloam imminebat: inde ad vallem fontis descendebat, factoque post ascensu ad Anani pontificis monumentum, montem circumdabat, ubi Pompeius castra olim posuerat: tum ad Septemtrionale urbis latus redibat, progressusque ad vicum, qui Cicerum domus, Ἐπιβίθων οἶκος, dicebatur, Herodisque monumentum complexus, ad Orientem Titi castris, unde initium ceperat, conjungebatur. Huic autem muro foris adstructa sunt tredecim castella, seu præsidia, quorum ambitus erat denis stadiis. Ἐξωθεν δὲ ἀσπὴν προσανακλόμενῃ πρὸς τὰ

ut nulla effugii spes obsessos maneret. In hac necessitate, multa fuere Judæorum transfugia; haud meliore iis penes Romanos, quam penes suos, sorte. Multi enim, longa fame invalidi, oblati affatim cibus enecabantur:⁴ alii, innata genti auri cupidine, comperti opes suas, antequam transfugerent, vorasse,⁵ ab Arabibus Syrisque⁶ dissecti sunt:⁷ ne Romanus⁸ quidem miles ab ea atrocitate penitus integer: Judæorum duo millia⁹ sic periere; indignante quidem Tito, et morte iis, qui tale post scelus auderent, intentata.¹⁰ Ceteris autem, qui in urbe manserant, nulla salutis cura. Ducibus tantum furor: Joannes in templi spoliationes¹¹ præceps, in gentilium cædes¹² Simon: tam effræna libidine, ut si ab oppugnatione destitissent Romani, Hierosolyma furialibus suorum odiis periissent.¹³

32. Tædio præsentium, futurorum metu, præfectus turri Antoniaë, Judas nomine,¹ cum fidissimis Judæis decem, prodictionem pepigit. Jam Titus, turrim occupaturus, adventabat, cum Simon, relectis consiliis, proditores circumvenit; hisque ante Romanorum ora jugulatis, discerpta eorum membra projecit.² At, flagitii loco, Romanis adfuere fortuna et virtus. Ubi enim admotæ machinæ, pars muri a Joanne, ut memoravimus,³ suffossa, repente corruit.⁴ Juvit hac inrumperere. Alter tamen adsurgebat murus, quem Joannes, prioris casu diffisus, struxerat.⁵ Sabinus,⁶ periculo laudisque cupidine accensus, lectis undecim sociis, tela inter et saxa, desuper vibrata, murum superat; Judæosque audacia ita attonuit, ut in fugam verterentur. At forte pedem saxo inlisis, magno

δικα φρούρια, καὶ τούτων οἱ κύκλοι δίκαι συν-
ηριθμοῦντο σταδίων. Facto hoc muro,
tunc impletum est, quod Jesus, videns
civitatem, et super illam flens, prædixerat:
"Ὅτι ἤξουσιν ἡμέραι ἐπὶ σε, καὶ περιβαλοῦσιν
οἱ ἰχθῆροι σου χάρακά σοι, καὶ περικυκλώσου-
σί σε, καὶ συνέξουσὶ σε πάντοθεν. Luc. xix,
43.

4 Cibis enecabantur. Joseph. Bell. Jud.
v, 13. n. 4.

5 Vorasse. Joseph. ibid.

6 Arabibus Syrisque. Qui erant auxi-
liares in exercitu Romano.

7 Dissecti sunt. Ut auro, quod vorave-
rant, potirentur Arabes, Syri, ac nonnulli
etiam e militibus Romanis.

8 Ne Romanus. Joseph. Bell. Jud. v,
13. n. 5.

9 Duo millia. Joseph. ibid.

10 Intentata. Quos etiam, circumfuso
equitatu, jaculis configi statim jussisset
Titus, ni reorum multitudine impeditus
fuisset. Joseph. ibid.

11 Templi spoliationes. Joseph. Bell.
Jud. v, 13. n. 6. Inter donaria, quæ
Joannes tunc rapuit, memorat Josephus
urceolos ab Augusto ejusque uxore Livia
olim templo datos.

12 In gentilium cædes. Tum Matthiam,
Ananiam pontificem, aliosque plurimos
interfecit Simon; ut videre est ap. Joseph.
Bell. Jud. v, 13. n. 1.

13 Periiissent. Hac in re multus Joseph.
Bell. Jud. v, 13. n. 5. 6 et alias sæpe.

1 Judas nomine. Joseph. Bell. Jud. v,
13. n. 2.

2 Projecit. Joseph. ibid.

3 Memoravimus. Cum Joannes terram
sub aggeribus Romanis effodit, ut dictum
est sup. c. 30.

4 Corruit. Joseph. Bell. Jud. vi, 1. n.
3.

5 Struxerat. Joseph. Bell. Jud. vi, 1.
n. 4.

6 Sabinus. Nazione Syrus, γένος ἀπὸ
Συρίας. Joseph. Bell. Jud. vi, 1. n. 6.

cum armorum sonitu procidit. Conversi Judæi in eum inruunt. Sabinus, in genu erectus, tectusque clypeo, eorum impetum fortiter sustinet, et proximum quemque vulneribus adfligit, donec ispe, telis undique petitus, occubuit: tres, qui eum secuti in murum evaserant, trucidati: reliqui saucii, in castra ægre retracti.⁷ Virtutis exemplum Romanos inflammant; turrisque Antonia sexto oppugnationis die capta:⁸ jussit Cæsar "eam? funditus everti; tentarique¹⁰ adhuc Judæorum animos, utrum deditionem vellent facere:" ipse pollicitus, "inlæsum inviolatumque fore templum: servata etiam loci sanctitate, quem Romanis adire nefas."¹¹

33. Duratis ad mala animis, nihil sani supererat consilii. Itaque structi aggeres,¹ et templo propinquatum.² Titus, subita inruptione illud occupari posse ratus, mittit S. Cerealem, qui cum lectissima militum manu³ illud noctu invadat. Ii hora noctis nona⁴ subiere. Judæi, non dediti, ut speraba-

7 *Ægre retracti.* Joseph. *ibid.* 'Id autem contigit die tertia mensis Panemi,' i. e. die 30. Junii. Ταῦτα μὲν οὖν τρίτῃ Πανήμιον μηνὸς ἐπράχθη. Joseph. *ibid.*

8 *Sexto—capta.* Ad expugnandam turrim Antoniam structi sunt aggeres per dies unum et viginti, μῆα καὶ εἰκοσι ἡμέρας, i. e. a die 6. ad diem 27. Junii. Turris oppugnatio cepta, primo die mensis Panemi, s. 28. Junii, νομηνίᾳ Πανήμιου μηνὸς ἡ ἐκτελέρησις ἦν. Biduo post infelicem Sabini casum, μετὰ δὲ ἡμέρας δύο, i. e. die 2. Julii, viginti milites, qui per aggeres excubias agebant, accito quintæ legiones signifero, duobus ex ala equitum, et uno tubicine, hora noctis nona murum superavere: obtruncatisque, qui primum occurrerant, somnolentis Judæis custodibus, buccina concinuit: reliqui custodes Judæi diffugiant terrii. Titus, audito signo, armari propere exercitum jubet: statim ipse cum ducibus lectaque manu adstat. Ferme occupatum templum. At illud a Romanis violari perhorrescentes Judæi, resumunt animos. Accerrime certatum a nona noctis hora ad horam diei septimam, qua cum templum expugnari non posset, occupata tantum turris Antonia die 3. Julii. Joseph. *Bell. Jud. vi, 1. n. 1. 3 et 7.*

9 *Eam.* Septem diebus eversa est turris Antonia. Sic æquus latusque ad templum ascensus munitus est. Τῶν Ῥωμαίων δύναμις ἡμέρας ἑπτὰ καταστρεφάμενῃ τοὺς τῆς Ἀντωνίας θημολίους μέχρι τοῦ ἱεροῦ πλατείαν ἀνοδὸν ἐνέεισαντο. Joseph. *Bell. Jud. vi, 2. n. 7.* V. eumd. Joseph. *ibid. n. 1.* Septem dies, quibus Antonia turris eversa, numerandi sunt a die 4. ad 10.

Julii diem.

10 *Tentarique.* Missusque adhuc Josephus, qui Judæos alloqueretur. Joseph. *ibid. n. 1.*

11 *Romanis adire nefas.* Joseph. *ibid. n. 4.*

1 *Structi aggeres.* Quatuor structi aggeres: unus contra interioris templi angulum, qui ad Septemtrionem Orientemque spectabat: alter ad exedram Septemtrionalem, quæ inter duas portas erat: tertius contra porticum Occidentalem exterioris templi: quartus contra Septemtrionalem porticum. In his autem struendis plurimus fuit labor, quod materiæ a centesimo usque stadio essent comportandæ. Τὴν ὕλην δὲ ἑκατὸν σταδίων συγχομίζουσιν. Joseph. *ibid. n. 7.* Adeo vicina Hierosolymis loca fuerant vastata. Cum ad turrim Antoniam struerentur aggeres, de quibus dictum est sup. c. 30. not. inf. jam asportatæ fuerant materiæ a nonagesimo stadio, ad id spatium attonsa undique circa Hierosolyma regione. Κίεαντες, ὡς προείρηται, τὴν περὶ τὸ ἄστυ χώραν ἑα' ἑνὲς ἑκατὸν σταδίων ἐν κύκλῳ πᾶσαν. Joseph. *Bell. Jud. vi, 1. n. 1.*

2 *Propinquatum.* Multaque tentavit Titus, ut Joannem ad deditionem adduceret. Sed is erat in dies obstinator. Multa tamen fure Judæorum transfugia. Joseph. *Bell. Jud. vi, 2. n. 1. 2 et 3.*

3 *Lectissima—manu.* Lecti e singulis centuriis triceni milites strenuissimi, et attributi per millenos tribuni. Joseph. *Bell. Jud. vi, 2. n. 5.*

4 *Hora noctis nona.* Hæc hora non modo insidiis opportuna, sed ad pugnam quoque expedita in his cæli terræque ar-

tur, somno, statim adstiterunt: acriter pugnatum, minore tamen Romanorum, quam Judæorum clade. Romanus enim miles, belli gnarus, sese signo⁵ noscitabat, et inter se stipatus, consertisque scutis, haud ita vulneribus patebat. Contra Judæi, temeritate acti, suorumque ob tenebras ignari, plus sibi, quam hostibus, exitii inferebant: valebant tamen numero; nec pugnae finem nox adtulit. Orta luce, cum discrimine crevit ardor: certamen ante quintam diei horam⁶ haud diremtum; et, ancipiti victoria, utrimque discessum. Tum Titus struendis aggeribus acrius institit,⁷ ut templi oppugnationem celeraret. Primum fuit Judæis resistendi impetus; et juxta montem Olivarum⁸ erupere: sed vi Romana pulsifractique.⁹ Aucta tantum inrito conatu ira.

34. Acerbior tamen in dies urbis status: ingravescebat fames:¹ auditumque enectos pueros;² matrem³ (foedum dictum et hactenus inauditum)⁴ filio suo pastam, inutiles scelere: nam mortem nefarie dilatatam urgebat tetra lues,⁵ famis comes.

doribus. Subiere autem Romani, ut ex narratarum rerum serie videtur, die 15. Julii.

5 *Signo.* Signum, the watch-word, ut sæpe dictum est.

6 *Quintam diei horam.* Joseph. Bell. Jud. vi, 2. n. 6. Τὸ δὲ πέρας ἀρξάμενοι τῆς νυκτὸς ἐνδύτης ὥρας, ὅπως πύμπτῃ τῆς ἡμέρας διαλύθῃσαν.

7 *Acrius institit.* Joseph. Bell. Jud. vi, 2. n. 8.

8 *Montem Olivarum.* Erupere Judæi altera die, postquam ascenderant Romani, μίτα δὲ μίαν ἡμέραν ἀπὸ τῆς ἀνάδου, circa undecimam diei horam, περὶ ὥραν ἐνδεκάτην τῆς ἡμέρας. Joseph. l. c. Ergo illa eruptio facta die 17. Julii, cum Sol ad occasum proxime vergeret. Mons autem Olivarum est ad Orientem urbis Jerusalem, altissimus, et unde non in urbem tantum, sed in omnes circum campos late patet prospectus. Haud procul a monte Olivarum, ex quo Jesus Christus in celos ascendit, est hortus Gethsemani, ubi a Juda fuit proditus et captus. Matth. xxvi, 36. Joan. xviii, 2.

9 *Pulsifractique.* Narrat Joseph. l. c. pulsus tunc Judæis, Pedanium ex ala equitum, currente equo, ita tamen se inclinasse, ut Judæum fugientem, juvenem quidem, sed corpore validum, et armis undique septum, talo comprehenderit, captivumque ad Titum tulerit. Quod puerile et historia indignum. Sed, ut alias jam monui, multa sunt in Josepho, quæ laudaveris, multa quoque quæ arguas. Exemplum adduxisse sit satis.

1 *Ingravescebat fames.* Quæ tanta erat,

ut esurientes Judæi cloacas rimarentur, boum stercora aliaque horrenda in cibos verterent. Joseph. Bell. Jud. v, 13. n. 7. Antequam Titus urbem muro circumvallaret, modius frumenti jam venierat talento, Angl. Joseph. ibid. Alia plura de hac fame si volueris, v. Joseph. Bell. Jud. v, 10 et 12. vi, 3. n. 3.

2 *Enectos pueros.* Joseph. Bell. v, 10. n. 3.

3 *Matrem.* Mariam nomine, feminam origine nobilem. Joseph. Bell. Jud. vi, 3. n. 4. Quod ubi vulgatum, tantus fuit in omnibus horroris sensus, ut et Titus urbis, in nefanda scelerum monstra ferocientis, excidium sanxerit; et ipsi Judæi, fame pressi, ad mortem properarent, beatosque prædicarent, qui ante occubuerant, quam talia aut visu, aut auditu, acciperent. Joseph. ibid. Sic adimplebatur quod prædixerat Jesus Christus, cum conversus ad filias Jerusalem dicebat: Μη κλαίετε ἰπ' ἑμὲ, πλὴν ἰπ' ἑαυτὰς κλαίετε, καὶ ἰπ' τὰ τέκνα ἑμῶν. Ὅτι ἰδοὺ, ἔρχονται ἡμεῖς ἐν αἷς ἱρῶσι. Μακάριοι αἱ στήραι, καὶ κοιλίαι αἱ οὐκ ἐβύνησαν, καὶ μαστοὶ οἱ οὐκ ἐθήλασαν. Τότε ἀρξονται λιγύν τοὺς ὄρεσι, πίσιτε ἐκ' ἡμῶν, καὶ τοὺς βουνοὺς, καλύψασι ἡμῶν. Luc. xxiii, 28 sq.

4 *Inauditum.* Joseph. l. c. Postea aliquando in recentibus nostris Historiis id auditum, sed semper horrendum.

5 *Tetra lues.* Adeo pestifera, ut a quartodecimo die mensis Xanthici, seu 13. Aprilis, ad primum diem mensis Panemi, seu 28. Junii, per unam tantum portam elati fuissent mortui 115,880. μυριάδας ἑνὲκα πεντήκοντα ἑπτακισχίλις ἑκατα-

Ipsa peste gravior adhuc necessitas, cum plurimi, aut fame pressi, aut ejus metu, domos penetrant; et, dum si quid edule occultatum rimantur, cuncta latrocinii et cædibus miscent.⁶ Populus, his malis victus, vias pacis tandem inisset, ni duces,⁷ scelorum conscientia feroces, fanaticaque vatum turba,⁸ “quanto instantius discrimen, tanto propiorem manifestiorremque Dei opem” jactitantium, salubria avertissent consilia. At mentes, timorem inter spemque ancipites, turbabant dira præsagia, supra jam memorata,⁹ et atroces excidii minæ. Nempe e plebe quidam, Jesus nomine, quadriennio ante inchoatum bellum¹⁰ acerba in populum, urbem, templumque diu ac noctu fuerat vociferatus:¹¹ nec minis, nec verberibus a ferali carmine destiterat.¹² Cæpto urbis obsidio, quasi facta præsagiis fide, mœstus et in atra cogitationum conditus mœnibus obambulabat, clamitans: “væ, væ iterum urbi, templo, populo!” Hæc tum ingeminaus: “væ, væ mihi!” exclamavit, corruitque exanimis, lapide balista excusso percussus.¹³ Recens adhuc portentum, et in tristius interpretatum, cessavit jure sacrificium.¹⁴

σῆσις ὑποθήκοντα. Sic enim a Mannæo, transfuga, cui hujus portæ custodia fuerat credita, accepit Titus. Universis portis elatos fuisse mortuos 600,000. *μεγάλας ἐξήκοντα*, præter alios innumeros, qui non elati sunt, proditum est. Joseph. Bell. Jud. v. 13. n. 7.

6 *Latrocinii—miscent.* Joseph. Bell. Jud. v. 12. n. 3. vi. 3. n. 3.

7 *Ni duces.* Joseph. Bell. Jud. vi. 2.

8 *Vatum turba.* Joseph. Bell. Jud. vi. 5. n. 2.

9 *Memorata.* Hist. v. 3.

10 *Quadriennio ante bellum.* Quadriennio ante bellum, Hierosolyma venerat ad diem festum Skenopægiæ, seu tabernaculorum: tum clamare cœpit, et perstitit sine raucitate, integrisque viribus, per annos septem et quinque menses, ἑρ' ἑπτά ἔτη, καὶ πέντε μῆνες πάντα. Joseph. Bell. Jud. vi. 5. n. 2.

11 *Vociferatus.* “Diu noctuque omnes urbis vicos circumibat, clamitans: Vox ab Oriente, vox ab Occidente, vox a quatuor ventis, vox in Hierosolyma, et in templum, vox in sponso et in sponsas, vox in universum populum.” *φωνὴ ἀπ' ὀριάντης, φωνὴ ἀπὸ δύσεως, φωνὴ ἀπὸ τῶν τεσσάρων ἀνέμων, φωνὴ ἐπὶ ἱεροσολύμοις, καὶ τὸν ναὸν, φωνὴ ἐπὶ τοῖς νυμφίοις καὶ νύμφας, φωνὴ ἐπὶ τὸν λαὸν πάντα. Τοῦτο, μὲν' ἡμῶν καὶ νύκτωρ, καὶ πάντα τοὺς σινοποῦς περιέει κηραγῶς.* Joseph. l. c. Eadem Hebraice habet Joseph. Gorionides vi. 53.

12 *Destiterat.* Inde cum a Judæis frus-

tra verberibus fuisset affectus, Albino, tum Judææ procuratori, traditus est; apud quem ad ossium usque nudationem laniatus, nec preces, nec lacrymas effudit, ad singula tantum verbera lugubriter clamabat, Væ, væ Hierosolymis, Αἱ αὖ' ἱεροσολύμοις. Ab Albino interrogatus cur hæc diceret, nihil omnino respondebat. Albinus eum, ut amentem, dimisit. Is ergo in hac sua vociferatione perstitit, nihil mali imprecatus, cum in singulos dies vapularet; neque cibos impartiētibz benedicebat: sed unum illi ad omnes responsum, ‘Dirum omen,’ *σκυθεωπή κληδών.* Joseph. ibid.

13 *Percussus.* Joseph. ibid.

14 *Cessavit—sacrificium.* Cessavit die septimadecima mensis Panemi, seu 14. Julii; *Πανίμου δ' ἦν ἑπτακαιδέκστη.* Joseph. Bell. Jud. vi. 2. n. 1. Eadem quoque die cessaverat in primo templo. Quod adhuc acerbo jejuniō singulis annis die septimadecima mensis Tamuz Judæi recolunt. Immo inter ipsos pii plurimi a die illa septimadecima Tamuz ad diem nonam mensis Ab, qua ob primi secundique templi excidia jejuniū est, carnibus vinoque abstinent. Omnes enim illi dies genti fuere luctuosissimi. Errat autem Joseph. Gorionides, vi. 48. cum hæc retrahit ad diem festum Septimanarum, seu Pentecostes, i. e. diem 3. mensis Junii. Ipsa obsidionis descriptione satis refutatur. Quod autem spectat ad jure sacrificium, Judæis *על תמיך* dictum, ejus leges

35. Talibus efferati Judæi per suas strages vagantur, ferro, flamma, tectorum, murorum, aggerum subversionibus Romanos obrui, aut a templo averti posse opinati. Has inter ruinas, flammantibusque porticibus,¹ patuit magnifica templi facies. Quasi religione attonitus,² stetit Romanus exercitus. Opus fuit ut Titus juberet³ “ulterius audere; et per violata jam Judæis sacra pœnas de gente hominibus Deisque invisa ejus excidio repeti.” Structi aggeres,⁴ admotæ validissimæ machinæ; inrito tamen labore,⁵ ob immensas lapidum moles. Appositæ ergo templi porticibus⁶ scalæ. Nec subeuntibus obstitere Judæi: at, ubi primum in manus venerunt, obvios præcipitare, proximos obruere, scalas excutere, deturbare plurimos, in porticus jam egressos fodere. Acriter certavere signiferi, sed multitudine oppressi, contrucidati sunt, captæque signa Romana.⁷

ritusque docet Moyses, Num. xxviii, 3 et sq. ‘Hæc sunt sacrificia, quæ offerre debetis: Agnos anniculos immaculatos duos quotidie in holocaustum sempiternum. Unum offeretis mane, et alterum ad vespæram, decimam partem epli similæ, quæ conspersa sit oleo purissimo, et habeat quartam partem hin. Holocaustum jube est, quod obtulistis in monte Sinai in odorem suavissimum incensi Domini. Alterumque agnum similiter offeretis ad vespæram, juxta omnem ritum sacrificii matutini, et libamentorum ejus, oblationem suavissimi odoris Domino.’ Cessasse sacrificium ‘penuria virorum,’ ἀνδρῶν ἀπορίας, scribit Joseph. l. c. Sunt qui pro ἀνδρῶν emendent ἀμῶν vel ἀνῶν, i. e. ‘agnorum’ sed minime probabiliter, ut jam monuit eruditus Relandus. Titus enim Joanni, qui templum tenebat, Judæos obtulit, qui intermissa sacrificia celebrarent; ut videre est ap. Joseph. ibid. Potius crediderim cessasse sacrificium, quod in his sceleribus, cædibus, impuritibus, quibus tum fœdabatur templum, nulli fuerint puri sanctique sacerdotes, qui illud offerrent.

1 *Flammantibusque porticibus.* Judæi die secundo et vicesimo mensis Panemi, i. e. 19. Julii, porticus templi, quæ a Septentrione et Occasu turri Antoniæ erant conjunctæ, incenderunt. Biduo post, quarto et vicesimo prædicti mensis, μετὰ δ' ἡμέρας δύο, τετάρτῃ καὶ εἰκάδι τοῦ προσημίνου μηνός, nempe 21. Julii, Romani vicinam porticum incendere, lætantibus Judæis, ultroque ruinas augentibus, ut a templo Romani averterentur. Joseph. Bell. Jud. vi, 2. n. 9. Die autem septimo et vicesimo Panemi, τοῦ προσημίνου μηνός ἰβδόμῃ καὶ εἰκάδι, seu 24. Julii, cum

Romani porticum Occidentalem temere subiissent, intra cujus culmen et trabes Judæi arida ligna cum sulphure et bitumine supposuerant; iis subito incensis, misere perierunt Romani. Porticus autem exusta est usque ad turrim Joannis, supra portas, quæ ultra Xystum ducebant, exstructam: reliquum vero porticus Judæi abscederunt. Sequenti die τῇ δ' ὀσπεταίᾳ, sive 25. Julii, Romani incenderunt porticum Septentrionalem usque ad porticum Orientalis angulum, qui valli Cedron imminebat. Joseph. Bell. Jud. vi, 3. n. 1 et 2.

2 *Religione attonitus.* Dio lxvi, p. 747. διὰ τὸ θαυμάσιον αὐτοῦ. ‘Ob religionis pavorem.’

3 *Ut Titus juberet.* Dio l. c. τῷ Τίτῳ σφῆς καταναγκάσαντος, εἰς αὐτὸν προερχομένη. ‘A Tito adacti ad interiora progressi sunt.’

4 *Structi aggeres.* A duabus legionibus absoluti sunt hi aggeres die octava mensis Loi, Λόι μηνός ὀγδόῃ, i. e. 3. Augusti. Structi autem erant ad exedram Occidentalem templi interioris. Joseph. Bell. Jud. vi, 4. n. 1.

5 *Inrito labore.* Sex quoque diebus, antequam aggeres absolventur, quatiēbatur murus, simul fundamenta Septentrionalis portæ suffodiebantur; at irritus semper labor recidit, ob eam lapidum immensitatem, de qua dictum est sup. Hist. v, 12. not. inf.

6 *Templi porticibus.* Porticibus templi interioris. Joseph. ibid. Duplex enim templum: aliud exterius, ubi atrium gentium: aliud interius, ubi atrium Judæorum, ubi ara, ubi Sanctum, et Sanctum Sanctorum.

7 *Signa Romana.* Joseph. ibid.

36. Titus, sua in templum indulgentia, periclitari virtutem Romanam, Judæorum audaciam crescere expertus, jussit "ejus portas succendi."¹ Congestis accensisque materiis, flammæ, inter argentum, quo portæ obducebantur,² eluctatæ, ligna corripuere. Dissilientibus foribus, flammisque erumpentibus, obstupuere Judæi: iis ne satis quidem animi ad ar-cenda incendia, quæ die nocteque³ grassata sunt. Interim Titus, accitis exercitus sui ducibus,⁴ de templo consultabat. In diversum distrahebantur⁵ sententiæ. Alii censebant "jure belli utendum: Judæis fore contumaciam, dum staret id monumentum: huc eos undique terrarum convenire: solo ejus excidio paci satis consuli." Aliis placebat, "illud quidem servari, si, adeuntibus legionibus, arma deponerent Judæi: sin bellarent, excindi: jam enim non sedem numinis, sed belli arcem esse: nec penes Romanos, sed penes Judæos ad ejus eversionem duratos, fore piaculum." Titus contra adseveravit, "etiamsi resisterent Judæi, se numquam "commis-surum, ut in eorum pervicaciæ poenam adversus templum sæviret: tantæ magnificentiæ opus dirui non posse sine populi Romani injuria: grande vero, si staret, fore imperii et victoriæ ornamentum." Tito adsensere Fronto, Alexander et Cerealis; datoque legionibus, ut interquiescerent, spatio, de-lectæ cohortes, quæ templi incendia restinguerent,⁶ viamque sternerent, qua facilis legionibus foret aditus.

37. Dum templo ita invigilabat clementia Romana, in ejus ruinam præcipites Judæos agit furor.¹ Magno enim impetu per Orientalem portam² egressi, in Romanos, qui in templo exteriore excubias agebant, inrumpunt. Impetum fortiter sustinuerunt Romani,³ densis ordinibus, et consertis ante ora clypeis, immobiles et impenetrabiles. Numero tamen impa-res cessissent, ni Titus, e turri Antonia⁴ pugnam prospec-

1 Succendi. Joseph. ibid. Τὰς πόλεις προσίταξεν ὑπάπτειν.

2 Portæ obducebantur. Joseph. ibid. n.

2. Eas quoque auri laminis fuisse tectas tradit idem Joseph. Bell. Jud. v, 5. n. 3. Sed hac de re dicitur in not. et em. ad Hist. v, 8. ubi multa de immensa templi opulentia.

3 Die nocteque. Joseph. Bell. Jud. vi, 4. n. 2. Ἐξήντη μὲν οὖν τῇ ἡμέρᾳ καὶ τῇ ἐπιούσῳι νυκτὶ τὸ πῦρ ἵσχυράται. Dies illa fuit octava mensis Loi, seu 3. Augusti.

4 Accitis—ducibus. Acciti duces fuere Tiberius Alexander, totius militiæ præfectus, Sextus Cerealis quintæ legionis legatus, Larcus Lepidus decimæ, Titus Frugi quintædecimæ, Aiternius Fronto duarum Alexandrinarum legionum præfectus, et Marcus Antonius Julianus procurator Ju-

dææ: tribuni quoque et alii acciti. Joseph. l. c. n. 3. Id autem actum die nona mensis Loi, seu 4. Augusti.

5 Distrahebantur. Hæc omnia Joseph. l. c.

6 Incendia restinguerent. Joseph. ibid.

1 Agit furor. Hæc gesta die decima mensis Loi, seu 5. Augusti; ut patet ex Joseph. ibid. n. 4.

2 Per Orientalem portam. Porta hæc ceteras magnificentia superabat, ut videre est ap. Joseph. Bell. Jud. v, 5. n. 3.

3 Sustinuerunt Romani. Joseph. Bell. Jud. vi, 4. n. 4.

4 E turri Antonia. Ergo non tota funditus eversa; sed, ut videtur, pars aliqua servata. De ejus magnitudine dictum est sup. Hist. v, 11. not. inf.

tans, citus opem cum lectis equitibus tulisset. Judæi, adversus Cæsaris vim invalidi, et in fugam acti, subitariis velitationibus frustra inludere: semper victi, in templum profugiunt.

38. Tum Titus, in Antoniam turrin reversus, postero die tota suorum vi inruere, templumque circumsidere destinabat. Sed acrior Dei ira Judæos urgebat. Ipsi, suas ad pœnas prompti, Romanos restinguendis exterioris templi incendiis operatos invadunt. Talem pervicaciam indignatus miles Romanus, tumultuariam Judæorum manum ita perculit, ut fuga conversos in templum usque insequeretur. Tum ex iis unus, injussus, sed divino quodam impetu¹ actus, torre correpto, alteroque sublevante milite, incensas materias per fenestram auream, unde ad cellas circa templum² positas versus Septemtrionem erat aditus, injicit. Ut flamma erupit, auditus Judæorum, plus quam pereuntium, clamor. Re Tito, quietem captanti, propere nuntiata, e tentorio statim prosilit:³ adcurrit ut incendia comprimat: comitantur duces: e castris omnibus concurrat exercitus. Omnia inconditis clamoribus personnant. Tito voce manuque⁴ "incendium restingui" significante, nemo auribus oculisque competere. Victoribus et victis idem impetus. Illi ardent veteres in invisam gentem iras explere: accensi insuper plurima auri imagine,⁵ qua templum splendet; majoremque opum vim intus latere rati. Hi non jam pro vita, pro fortunis, sed pro templo, pro Deo, mortem superbe provocant: quanto propius ad extrema ventum, tanto in divinæ opis spem erectiores.⁶ Judaicis ergo funeribus Romana miscentur funera: templi atrium⁷ exundat sanguine: circum altare,⁸ in templi gradibus⁹ cædes innumeræ.¹⁰

1 *Divino—impetu.* Joseph. l. c. n. 5. *Δαιμονίῳ δὲ μὴ τινὶ χρόνῳ.*

2 *Circa Templum.* Templum illud erat in secundo templo inclusum, et appellabatur Sanctum: ibi Sanctum Sanctorum. De hoc templo Joseph. Bell. Jud. v, 5. n.

4. *Αὐτὸς δ' ὁ γὰρ, κατὰ μέσον κείμενος, τὸ ἄγιον ἱερὸν.* Inferiori parti hujus templi apposite erant cellæ. Joseph. ibid. n. 5.

3 *Statim prosilit.* Joseph. Bell. Jud. vi, 4. n. 6.

4 *Voce manuque.* Joseph. ibid.

5 *Auri imagine.* Vel enim ipsa exterior templi facies gravissimis auri laminis ita erat oblecta, ut animus et oculi æque fulgore perstringerentur. Τὸ δ' ἔξωθεν αὐτοῦ πρόσκον, οὐδὲν οὔτε εἰς ψυχῆς, οὔτε εἰς ὁμμάτων ἐκπληξὴν ἀπέλιπε· πλεονάζει γὰρ χρυσοῦ στιβαραῖς καὶ κλυμαίνουσιν πάντοθεν. Joseph. Bell. Jud. v, 5. n. 6.

6 *Erectiores.* In hanc spem elati, et quasi miraculo certi, aut gloriosa morte

appetenda superbi, imam templi partem, seu Judæorum atrium, tenebat populus, templi gradus seniores, in ipso templo erant Sacerdotes. Ὁ μὲν δῆμος κάτω ἐν τῇ προνάῳ, οἱ δὲ βουλευταὶ ἐν ταῖς ἀνακασμαῖς, οἱ θ' ἱερεῖς ἐν αὐτῷ τῷ μιγάρῳ τεταγμένοι. Dio lvi, p. 748.

7 *Templi atrium.* In quo stabat populus Judæus, cum in templum conveniebat, Deum adoraturus.

8 *Circum altare.* Inter templi atrium et templum, seu Sanctum, de quo jam diximus supra, erat altare altum cubitos quindecim, totidem longum, latum cubitos quinquaginta. Joseph. Bell. Jud. v, 5. n. 6.

9 *In templi gradibus.* Duodecim gradibus ad templum, seu Sanctum, ascende-batur. Joseph. ibid. n. 4.

10 *Cædes innumeræ.* Joseph. Bell. Jud. vi, 4. n. 6.

39. Has inter strages, incendia spargunt Romani.¹ Nondum tamen flagrabat templum; Titus, illud videndi cupidus, pugnantium manus ægre eluctatur: has cum belli ducibus egressus, intrat, adit penetrabile,² cuncta lustrat,³ fama que majora miratur: templum servari adhuc posse, ira mutuis cædibus exhausta, confisus. At militum unus, eum secutus, portæ cardinibus ignes clam supposuerat.⁴ Ubi fores⁵ templumque corripuere flammæ, stupent Judæi: deinde duces, turbarumque auctores, resumtis animis, qua in superiore urbem exitus, aufugiunt: ceteri, a consternatione in furorem versi, certique, pereunte templo, perire, ultro suas in neces ruunt: alii in Romanorum gladios, præcipites incumbere:⁶ alii, ne profano ferro caderent, se ipsi contrucidare: plurimi sanctioribus (tanta genti superstitio) templi flammis se devovere, hac morte magis, quam egregio facinore, ovantes. In hoc morientium furore, una Tito cura ne in fœdos inhumanosque cineres, ipso invito, abeat victoria. Labor est cogere victos vivere, suisque rebus parcere. At incassum. Undique gliscunt incendia: templum exsuperant flammæ: mons⁷ totus late collucet ignibus.⁸ Horrens mœrensque Titus discedit. Manet ad cædes duratus, thesauris inhians, miles: duplicatisque Romanorum clamoribus, Judæorum ululatibus, haustum incendio considit templum. Hæc clades, genti suprema, contigit eo ipso die,⁹ quo prius templum, majoris adhuc famæ et opulentiae, a Babylo niis quondam incensum ferebant.¹⁰

1 Spargunt Romani. Et quisque præcedentem militem hortabatur, ut ignem templum injiceret. Joseph. ibid.

2 Adit penetrabile. Joseph. Bell. Jud. vi, 4. n. 7. Παρελθὼν μετὰ τῶν ἡγεμόνων εἰς τὸ ἱερόν, καὶ εἰς τὰ ἐν αὐτῷ, πολὺ μὲν τῆς παρὰ τοῖς ἀλλοφύλοις φήμης ἀκούων, τοῦ δὲ κάμπου καὶ τοῖς παρὰ τοῖς αἰκίοις δόξης οὐκ ἐλάττω. Ea enim, ut fama, quæ apud externos percubuerat, majora, ita domestica laude et opinione non minora.

3 Cuncta lustrat. Ante penetrabile tria erant opera omnium sermonibus laudibusque celebratissima, candelabrum, mensa, et thuribulum. De vite aurea aliisque templi opibus dicitur in not. et emend. ad Hist. v, 5 et 8.

4 Supposuerat. Joseph. ibid.

5 Ubi fores. Fores illæ aureæ erant in ipso templo ante Sanctum Sanctorum: nam prima pars templi patebat, teste Josepho, Bell. Jud. v, 5. n. 4.

6 Incumbere. Nec aliter Dio lxvi, p. 748. Οἱ μὲν ξίφει σφᾶς τοῖς τῶν Ῥωμαίων περιπαίον, οἱ δ' ἀλλήλους ἐφόνευσαν, ἄλλοι ἑαυτοὺς κατιχρῶντο, οἱ δὲ ἐκ τῶ πύρ ἐσιπτόντο.

δων καὶ ἰδοὺσι πᾶσι μὲν, μάλιστα δὲ ἐκείνοις, οὐχ' ὅτι θαυρὸς, ἀλλὰ καὶ τίμη, καὶ σωτηρία, εὐδαιμονία τε εἶναι, ὅτι τῷ ναῷ συναπόλλοιντο. Tunc enim ultro gladiis Romanorum alii se transfigendos offerebant, alii se mutuo trucidabant, alii manus ipsi sibi adferebant, alii denique in ignem insiliebant. Et cum aliis omnibus, tum his inprimis non interitus esse videbatur, sed victoria, sed salus, sed felicitas quædam; quod una cum ipso templo perirent.

7 Mons. Mons Moria, in quo ædificatum templum.

8 Collucet ignibus. Joseph. Bell. Jud. vi, 5. n. 1.

9 Eo ipso die. I. e. die 5. Augusti. Josepho autem Bell. Jud. vi, 4. n. 5. ἡμεῖς δὲ κατὰ Λῶον μηνός. Pessime vertit interpres Latinus 'dies erat decimus quintus Loi mensis.' Lous autem mensis, idem est ac quintus mensis, Judæis dictus Ab, cujus dies decimus hoc anno incidebat in diem 5. Augusti.

10 Incensum ferebant. Ac merito quidem. Sic enim Jeremias lii, 12. 'In mense autem quinto, decima mensis, ipse

Inter ardentes templi ruinas posita signa;¹¹ peractisque sacris, Titus *imperator* consalutatus est. Tanta autem a milite auri vis rapta, ut dimidia pretii parte¹² vilius in Syria haberetur.

40. Nondum tamen Judaici belli foeditatibus finis. Victore in gentis reliquiarum salutem intento, ignava sacerdotum turba vitam precari ausa est.¹ Titum puduit hos templo superstites vivere, turpique morte damnati sunt. Vitæ usura, ceteris omnibus oblata, et a ducibus Joanne ac Simone spreta,² victoris iras provocavit, ac tandem urbi excidium adtulit. Succensa primum³ capta jam monumenta: domus quoque, fame enectorum cadaveribus squalidæ, ignibus traditæ. Meritis pervicacia pœnas effugere Izatis regis⁴ filii⁵ fratresque, ac turba nobilium, qui simul Titi misericordiam oraverant, Tum structi aggeres⁶ adversus superiorem urbem, nomine

est annus nonusdecimus Nabuchodonosor regis Babylonis: venit Nebuzardan princeps militiæ, qui stabat coram rege Babylonis, in Jerusalem. Et incendit domum Domini.⁷ Utriusque excidii memoriam annuo jejuniorecolunt Judæi die nona mensis Ab.

11 *Posita signa.* Joseph. Bell. Jud. vi, 6. n. 1. 'Ρωμαῖοι δὲ—καυνομένου δὲ αὐτοῦ τε τοῦ ναοῦ, καὶ τῶν περὶ αὐτῶν, κομίσαντες τὰς σημεῖα εἰς τὸ ἱερὸν, καὶ θέμενοι τῆς ἀνατολικῆς πύλης ἀντικεῖς ἰθυσάν τε αὐταῖς αὐτοῖσι, καὶ τὸν Τίτον μετὰ μεγίστων ὑψημῶν ἀπὸ πύργων αὐτοκράτορα. 'Ρωμαῖοι, cum templum et ea, quæ circum erant, arderent omnia, signis in templum illatis, positisque contra portam Orientalem, et illis ibi sacrificarunt, et Titum cum maximis acclamationibus imperatorem appellarunt.⁸ Paulo post cusus nummus ex ære mediocri, quem laudat Harduinus, *Select. Opp.* p. 731. ΑΥΤΟΚΡ. ΤΙΤΟΣ ΚΑΙ ΣΑΡ. Titus capite laureato. Ex adversa parte, ΙΟΥΔΑΙΑΣ ΕΞΑΛΩΚΤΙΑΣ. I. e. 'Judæa capta.' Victoria scribit in clypeo palmæ arbori applicato.

12 *Dimidia pretii parte.* Joseph. l. c. Ταῖς δὲ ἀρπαγαῖς οὕτως ἐνπλήσθησαν οἱ στρατιῶται πάντες, ὥς τε κατὰ τὴν Συρίαν πρὸς ἡμῖν τῆς πάλης τιμῆς τὸν σταθμὸν τοῦ χρυσίου πεπράσκεισθαι. Porro apud Antiquos auri ad argentum proportio fuit ut 12. ad 1. nunc, cum auri pretium dimidia parte esset imminutum, eadem proportio fuit ut 6. ad 1. Qb eam auri abundantiam in urbe Hierosolymis, duodecim Atticis, etiam dum vigeat obsidium, vendebatur, quod antea quinque et viginti valebat. Πολλὸ πλεῖον ἢ ἐν τῇ πόλει χρυσοῦ δώδικο γού 'Αττικῶν ὠνοῦντο τὰ πρότε-

ρον λοχύοντα πέντε καὶ εἰκοσιν. Joseph. Bell. Jud. vi, 13. n. 4.

1 *Precari ausa est.* Quinta die post templi excidium, πέμπτῃ δ' ἡμέρᾳ, i. e. 10. Augusti, sacerdotes, qui templi murum conscenderant, effugium quaritantes, fame confecti descendere, et ad Titum perducti vitam orabant. Respondit Cæsar decere sacerdotes cum templo interire; eosque ad supplicium duci jussit. Πρέπειν δὲ τοῖς ἱερεῦσι τῷ ναῷ συναπολίσθαι· κτελεῖν καλᾶσαι τοὺς ἀνδράς. Joseph. Bell. Jud. vi, 6. n. 1.

2 *Spreta.* Joseph. ibid. n. 2 et 3. 3 *Succensa primum.* Die 11. Augusti, Josepho, ibid. n. 3. τῇ ὑστεραίᾳ, succenderunt Romani Archivum, Acram, Curiam, Ophlam, et ignis progressus est usque ad Helenæ regiam, quæ erat in media Acra. De colle Acra, ubi erat urbs inferior, dictum est sup. Hist. v, 11. not. inf. Postridie, τῇ δ' ἐξῆς, seu die 12. Augusti, reliqua urbis inferioris incensa sunt usque ad Siloam ad Orientem urbis. Joseph. Bell. Jud. vi, 7. n. 2.

4 *Izatis regis.* De Izate, Adiabonorum rege, actum est sup. An. xii, 13. not. inf. Izates ejusque mater Helena Judaicam religionem erant amplexi. Inde filii fratresque Izatis in urbem Hierosolymam concesserant. V. Joseph. Antiq. Jud. xx, 2 sq.

5 *Filii.* Izates moriens, teste Josepho, Antiq. Jud. xx, 4. n. 3. reliquerat filios quatuor et viginti, filiasque totidem. Titus Izatis filios et propinquos primum in custodia habuit, postea victos Romam perduxit, ut obsidium fidem præstarent. Joseph. Bell. Jud. iv, 6. n. 4.

6 *Structi aggeres.* Die vicesimo mensis Loi, ἄνω μηνὸς εἰκάδι, seu 15. Augusti,

Sion,⁷ locis editioribus, et munitissimis turribus, defensam. Sed quasi fatale esset Hierosolyma intestinis potius discordiis, quam hostium viribus, perire, ne ultimo quidem discrimine inita concordia, Idumæis⁸ et Judæis inter se dissidentibus. Titus, insita clementia, et nota ducum arte, discordiam auget, Idumæis in ditionis spem receptis.

41. Cum ita ferverent Judæorum odia, redintegratum obsidium.¹ Amentes obsessorum duces, unicum, sed inexpugnabile, præsidium,² turres indefensas deserunt; parsque urbis validissima, ne fuso quidem Romano sanguine,³ capta.⁴ Tantum urbis dedecus veteraque scelera universo occidio⁵ expiata: domus, mutuis civium furoribus antea foedatæ, novis cruentantur cædibus: dein sparsa incendia; et abominanda tecta abolvere flammæ, noctis obscuro prævalidæ.⁶ Sic ardentibus Hierosolymis, inluxit dies ultimus, quarto Nonas Septembris.⁷ Hæc fata fuere urbis, quæ cum per annos bis

aggeres illos strui jussit Titus. Ita vero divisa sunt opera, ut in parte Occidentali urbis ex adverso aulæ regię quatuor legiones, auxiliares vero et cetera multitudo versus Xystum, pontem, turrinque Simonis, operarentur: rarissima semper materia, quæ ob tot aggeres ante structos a centesimo stadio erat asportanda. Joseph. Bell. Jud. vi, 8. n. 1.

7 *Nomine Sion.* A colle Sion ita dictam, et a Davide inferiori urbi olim additam. Nunc pars ejus maxima est extra recentem urbem *Jerusalem*, et in campis squallet.

8 *Idumæis.* Idumæi, a Zelotis acciti, et in urbem Hierosolyma recepti, pars magna fuere belli Judaici. At cum deditionem pararent, et Titus annueret, id rescivit Simon: unde exorta est maxima inter Idumæos et Judæos discordia. Joseph. Bell. Jud. iv, 4 sq. vi, 8. n. 2.

1 *Redintegratum obsidium.* Aggeribus intra octodecim dies confectis, septimo die mensis Gorpiaei, ἰσθόμην Γορπιαίου μηνός, seu 1. Septembris, admotæ machinæ, et redintegratum obsidium. Joseph. Bell. Jud. vi, 8. n. 4.

2 *Inexpugnabile præsidium.* In his enim turribus nulla vi, sola fame expugnari poterant, teste Josepho, l. c.

3 *Romano sanguine.* Joseph. ibid. n. 5.

4 *Capta.* Romani, muris potiti, signa in turribus posuere; victoriam finemque belli cum plausu et lætitia celebravere. Joseph. ibid.

5 *Universo occidio.* Tantus autem fuit casorum numerus, tanta fusi sanguinis copia, ut, teste Josepho, ibid, angustię vi-

corum cadaveribus obstruerentur, cædibus redundaret tota civitas, et pleraque incensorum extinguerentur casorum sanguine. Τὸν ἰντυχόντα διαλαύνοντες, ἀπέρραξαν μὲν τοὺς στενωποὺς νεκροῖς, αἵματι δ' ὅλην τὴν πόλιν κατέκλυσαν, ὥς πολλὰ τῶν φλεγομένων σβέσθῃναι τῷ φόβῳ.

6 *Prævalidæ.* Ab occisione Romani destitire ad vesperam, sed tum nocte ignis prævaluit. Οἱ μὲν κτείνοντες ἐπαύσαντο πρὸς ἱσπίραν, ἐν δὲ τῇ νυκτὶ τὸ πῦρ ἐπικράτει. Joseph. ibid.

7 *Quarto Nonas Sept.* Joseph. ibid. Φλεγομένοις δὲ ἐναντίωσιν Ἱεροσολύμοις ἡμέρα Γορπιαίου μηνός ὀγδόη. Octavus dies mensis Gorpiaei, fuit 2. Septembris, seu, ut numerant Romani, quarto Nonas Septembris. Dies ille 2. Septembris incidit in diem Dominicum; Dominicalis enim litera hoc anno fuit G. Pridie autem, seu die sabbati, arietibus quati cœpit urbis Sion murus, parsque rupta, et nemine defendente occupata. Inde Dio lxvi, p. 748. Οὕτω μὲν τὰ Ἱεροσόλυμα ἐν αὐτῇ τῇ τοῦ Κρόνου ἡμέρᾳ, ἣν μάλιστα ἱταὶ καὶ νῦν Ἰουδαῖοι σίβουσιν, ἔβωλετο. 'Sic Hierosolyma ipso die Saturni, quem diem præcipue Judæi nunc etiam adhuc colunt, excisa fuere.' Et Frontin. Strateg. ii, 1. n. 17. 'D. Augustus Vespasianus [crediderim olim fuisse scriptum, D. Augustus T. Vespasianus] Judæos Saturni die, quo eis nefas est quidquam rei seriæ agere, adortus superavit.' Judæis quidem licuit lacescentes ferientesque hostes repellere, ut constat ex I Machab. ii, 40. et Josepho Antiq. Jud. xiv, 4. n. 2. at iis tunc nihil consilii, furor tantum et pavor, imminensque Dei ira,

mille centum septuaginta septem⁸ summa per Orientem claritate⁹ stetisset, nunc bustum est.¹⁰

42. Titus, urbis ruinas ingressus, et inexpugnabilem turrium vim admirans, "se quidem exercitus ducem, Deum autem victoriae auctorem fuisse" professus est.¹ Milites, caedis fessos, jussit "occidione abstinere, ni forte qui adhuc resisterent: duces, in cuniculis latitantes, quæri:² juvenes, forma et proceritate præstantes, reservari triumpho:³ natu majores in Ægyptum ad metalla mitti." Lecti quoque plurimi, qui per theatra ferro bestiisque⁴ perirent: minores annis septemdecim sub corona⁵ venumdati. Vulgatum apud Judæos in hoc obsidio capta fuisse nonaginta septem millia hominum; undecies centena millia⁶ occubuisse. Nihil autem urbis mansit, præter tres turres⁷ in victoriae monumentum relictas: simul servata pars muri Occidentalis,⁸ cui imposi-

quam Joseph. Bell. Jud. vi, 8. n. 2. merito 'dixit potentiam Dei in sceleratos, τὴν τε τοῦ Θεοῦ δύναμιν ἐπὶ τοῖς ἀνοσίοις.

8 Septuaginta septem. Joseph. Bell. Jud. vi, 10. 'Ἀπὸ δὲ τῆς πρώτης κρίσεως ἔτη μίχρει τῆς ἰσχύτης ἀλώσεως διαχίλια ἑκατὸν ἑβδομήκοντα καὶ ἑπτὰ.

9 Claritate. V. sup. Hist. v, 8. not. inf. ubi a Plinio dicitur 'longe clarissima urbium Orientis.'

10 Bustum est. Inde Plin. v, 17. 'Engadda oppidum fuit, secundum ab Hierosolymis, fertilitate, palmetorumque nemoribus: nunc alterum bustum.' Sic adimpletum est, quod tanto ante prædixerat Daniel, ix, 26. καὶ μετὰ τὰς ἑβδομάδας τὰς ἑξηκονταδύο, ἔξολοθρευθήσεται χρίσμα, καὶ κρίμα ὃν ἔστιν ἐν αὐτῷ καὶ τὴν πόλιν, καὶ τὸ ἅγιον διαφθίρει σὺν τῷ ἡγουμένῳ τῷ ἔρχομένῳ, ἡκουπήσονται ἐν κατακλυσμῷ, καὶ ὡς τίλους πολέμου συντεταγμένου τάξει, ἀφανισμοῖς. Judæi autem, perpetui oraculorum testes, ab hoc templi excidio annos computant, vocantque 'Æram desolationis.' Hæc autem omnia eorumque tempora aperte dilucideque significaverat Jesus Christus. Luc. xxi, 20 sq. 'Ὅταν ἴδῃτε κυκλομένη ὑπὸ στρατοῦ τὴν Ἱερουσαλὴμ, τότε γινώτε ὅτι ἤγγικεν ἡ ἱερήμωσις αὐτῆς: καὶ πεσοῦνται στόματι μαχαίρας: καὶ αἰχμηθῶσιν ὅσοι σὺν πάντῃ τῇ Ἱερουσαλὴμ ἔσται κατοικήσασα ὑπὸ ἰσθμῷ καὶ μὴ περίβη ἡ γενεὰ αὕτη, ὥς ἂν πάντα γίνηται. Nec certe præterierat hæc generatio, cum is annus sit a morte Jesu Christi quadragesimus secundus, vel, ut aliis placet, trigesimus octavus.

1 Professus est. Eodem sensu Joseph.

Bell. Jud. vi, 9. n. 1. Σὺν Θεῷ γ' ἐπολεμήσαμεν, ἔφη, καὶ Θεὸς ἦν ὁ πῶνός τῶν ἱερυμάτων Ἰουδαίου καθελὼν, ἐπὶ χεῖρές τι ἀνθρώπων ἢ μηχαναὶ τί πρὸς τοὺτους τοὺς πύργους δύνανται; 'Deo, inquit, favente bellavimus. Deus est qui Judæos ex istis manimentis detraxit: nam humanæ manus et machinæ quid contra tales turres valeant?'

2 Quæri. Fame victi inde exiere, captivi Simon et Joannes.

3 Reservari triumpho. Joseph. ibid. n. 2. Reservatos autem septingentos, ἑτακοσίους ἀνδρας, prodit idem Joseph. Bell. Jud. vii, 5. n. 3.

4 Ferro bestiisque. Ut intelligatur quot sic perierint, satis sit monuisse in ludis, quos Titus die 24. Octobris Cæsareæ edidit ob diem natalem fratris sui Domitiani, perisse supra duo millia et quingentos: plures adhuc cecidisse in ludis, quos Beryti die 17. Novembris ob natalem patris sui Vespasiani celebravit. Joseph. Bell. Jud. vii, 3. n. 1. Cæsareæ Philippi, et alibi, plures adhuc cæsi.

5 Sub corona. De hoc usu dictum est sup. An. xiii, 39.

6 Undecies centena m. Joseph. Bell. Jud. vi, 9. n. 3. Sed de captivorum mortuorumque numero dicitur in not. et em. ad Hist. v, 13.

7 Tres turres. Tres illæ turres nominabantur Phasaelus, Hippicus et Mariamne. Joseph. Bell. Jud. vii, 1. n. 1. de earum præstantia structuraque mirabili plura habet idem Joseph. Bell. Jud. v, 4. n. 3.

8 Muri Occidentalis. Qui urbem Occidentem versus cingebat. Joseph. Bell. Jud. vii, 1. n. 1.

tum præsidium; præfectusque Terentius Rufus. Cetera omnia versa,⁹ aratroque fœdata.¹⁰

43. Tum Titus, laudata, pro concione, militum virtute, strenuissimum quemque laudibus præmiisque attollit.¹ Mox victrices legiones ita distribuit, ut decima in Judæa maneret, duodecima peteret Melitenen,² quinta et quintadecima sibi præsto essent, donec in Ægyptum veniret. Deinde Cæsaream³ discessit, Orientem lustraturus. Missus postea Lucilius Bassus,⁴ qui, quæ in Judæa supererant, expugnaret. Capta Machærunte,⁵ altera Judææ arce, tota regio venundata.⁶ Judæi autem jussi "singulis annis Jovi Capitolino binos denarios⁷ solvere." Cæsaream autem, Ro-

9 *Versa*. Cetera omnia urbis ita versa sunt, ut ne unquam quidem habitatam fuisse vix fidem amplius faceret eo accedentibus. Τὸν δ' ἄλλον ἅπαντα τῆς πόλεως περιβόλον οὕτως ἐξωμάλισεν οἱ κατασκήπτοντες, ὥς μηδὲ πώποτ' οἰκηθῆναι πιστὸν ἂν ἴσται παρασχέιν τοῖς προσειδυούσι. Joseph. Bell. Jud. vii, 1. n. 1. Templum quoque adeo eversum, ut paucis post captam urbem diebus, cum Simon, fame victus, e cuniculis exisset, emergerit in locum ubi templum ante fuerat. Κατ' αὐτὸν ἐκίονεν τὸν τόπον ἐν ᾧ τὸ ἱερὸν ἦν πρόσθεν ἐκ γῆς ἀναψάνη. Joseph. Bell. Jud. vii, 2. Sic adimpletum quod de templo prædixerat Jesus Christus: ἄμην λέγω ὑμῖν, οὐ μὴ ἀφθῇ ὠδεὶς λίθος ἐπὶ λίθον, ὃς οὐ μὴ καταλυθῇται. Matth. xxiv, 2.

10 *Aratroque fœdata*. Ex usu Romano. Inde sane R. Moses Maïemonides, Kalaka תועתק, c. 5. n. 3. quintam jejunii quinti mensis, seu mensis Ab, causam affert, quod 'impious Turnus Rufus ex regibus Idumæis aravit templi solum et per circuitum ejus.' Ex more Rabbīnorum, qui vulgo nomina omnia depravant, Turnum Rufum pro Terentio Rufo, de quo Joseph. Bell. Jud. vii, 2. dixit Maïemonides. Regum quoque Idumæorum nomine Imperatores Romanos designavit.

1 *Præmiisque attollit*. Hanc Romanorum consuetudinem laudat plurimum Joseph. Bell. Jud. vii, 1. n. 3. Ait Titum eos donasse coronis aureis, torquibus aureis, hastis longis aureis, signisque argento factis, et uniuscujusque ordinem in melius mutasse: iis etiam ex manubis aurum, argentum, vestes, reliquaque prædam largiter distribuisse: tum fausta omnia exercitui præcatum, pro victoriâ sacrificasse: magnam boum multitudinem ad aras macatam, quam deinde exercitui ad epulas divisit: eum demum cum exercitu in convivii per triduum esse versatum.

2 *Melitenen*. Joseph. Bell. Jud. vii, 1. n. 3. Ad Euphraten in confinio Armeniæ et Cappadociæ sita est Melitene, hodie *Malatia*.

3 *Cæsaream*. Primum Cæsaream maritimam, seu Cæsaream Palestinæ, deinde Cæsaream Philippi, dictam ante Paneam, nunc *Banias*, adiit. Joseph. Bell. Jud. vii, 2.

4 *Lucilius Bassus*. Joseph. Bell. Jud. vii, 6. n. 1. Is primo Herodium, Plinio v, 14. 'oppidum illustre,' haud procul ab urbe Jerusalem, deinde Machæruntem cepit.

5 *Machærunte*. Machærus, castrum oppidumque in tribu Ruben ab Herode in rope munitum: ibi cæsus Joannes Baptista. Plin. v, 16. 'Machærus' [nunc *Masera*] secunda quondam arx Judææ, ab Hierosolymis.

6 *Venundata*. Joseph. Bell. Jud. vii, 6. n. 6. Cæsar ad Lucilium Bassum, et Liberium Maximum, Judææ procuratorem, scripsit; et jussi sunt omnem Judææ terram vendere. Nullam in ea urbem condidit, proprium sibi agrum reservans: occingentis tantum veteranis Emmauntem, hodie quoque *Emmaus*, incolendam dedit.

7 *Binos denarios*. Joseph. ibid. Φόρον δὲ τοῖς ὅπου δέησεν οὖσαν Ἰουδαίους ἐπιβαλεῖ, δύο δραχμὰς ἑκάστοι καὶ ἑκατὸς ἀπὸ πάντων ἑτοῖς εἰς τὸ Καπιτώλιον φέρειν, ὥσπερ πρότερον εἰς τὸν ἐν Ἱεροσολύμοις ναὸν συνετίθουν. 'Tributum Judæis ubicumque degentibus indixit, et quotannis binas quemque drachmas in Capitolium inferre jussit, quemadmodum in templum Hierosolymitanum prius conferebant.' Idem habet Dio lxi, p. 748. Judæi autem templo Hierosolymitano diuidium sicli, *Angl.* 1s. 6d. solvebant. Dm̄ vero drachmæ, aut duo denarii valent *Angl.* 1s. 1d.

manis fidam, ducta colonia;⁸ primoque remissum capitis tributum: dein solum etiam immune factum.⁹ Emmaus in perennem victoriæ memoriam Nicopolis appellata.¹⁰

44. Interea Vespasianus Alexandriam liquerat, non eadem, qua venerat, fama. Querebantur Alexandrini: "ignotam Principi liberalitatem:² prisca renovari vectigalia: nova addi:³ hastæ subjici regia monumenta: sacra ipsa in fisci partes trahi." Hæc occultis primum, dein publicis, conviciis famosisque carminibus arguebat verbosa dicterisque sueta gens:⁴ ausa etiam Vespasianum *Cybiosacten* cognominare.⁵ Is, contumeliæ insolens, et facili in iras Principum natura, convicium in tributum⁶ vertit; graviore poenas repetiturus, ni motos patris animos Titus sedasset.⁷

45. Data licet venia, Alexandriæ infensus, Romam profectus est.¹ Reipublicæ egregium donum, nascentis libertatis augurium, ante erat elargitus: Majestatis enim damnatos² Neronis sævitia sequentiumve Principum calamitate, quot-

8 *Ducta colonia.* Hæc est Cæsarea Palæstina, de qua modo dictum. Plin. v, 13. 'Stratonis turris, eadem Cæsarea, ab Herode rege condita; nunc colonia prima Flavia, a Vespasiano Imperatore deducta.' In nummis frequens COLONIA. PRIMA. FLAVIA. AVGVSTA. CAESARIENSIS.

9 *Immune factum.* Paulus in Digest. l. Tit. 15. de Censibus. Leg. 8. 'Divus Vespasianus Cæsarienses colonos fecit, non addito ut et juris Italici essent: sed tributum his remisit capitis: divus Titus etiam solum immune factum interpretatus est.'

10 *Nicopolis appellata.* Inde quibusdam quoque dicta *Nicopol*.

1 *Querebantur Alexandrini.* Has omnes querelarum causas habet Dio lxi, p. 748 et 749.

2 *Liberalitatem.* Cum primi omnium Vespasianum Imperatorem fecissent, se insigni liberalitate dignos putabant. Nihil vero iis largitus est Vespasian. Dio l. c.

3 *Nova addi.* Ut in Ægypto, sic postea in toto imperio, atque etiam in ipsa urbe, Vespasianus nova vectigalia addidit, ita ut ne mendici quidem a tributo immunes viverent. Dio ibid. Quod tamen factum avaritia ne credideris, sed publicæ magnificentie studio, et ob immensa imperii onera, Neronis libidinibus, bellorum civilium rapinis penitus exhausti.

4 *Sueta gens.* Vere graviterque de Alexandrinis Herodian. iv, p. 98. Πρώτοι δὲ πῶς εἶναι φιλοκώμους, καὶ λίγιν ἐστόχως ὑπογραφῆς ἢ παιδίας: ἀπορήπουντες εἰς τοὺς ὑπάρχοντας πολλὰ χαρίεντα μὲν αὐτοῖς δοκούντα, λυπηρὰ δὲ τοῖς σωφροσίν: τῶν γὰρ

τοιούτων κίρι μάλιστα ὅσα ἰλίγγει τῶν ἀμάρτημάτων τῇ ἀλήθειαν. 'Sunt enim homines suapte natura dicaces, atque ad describendum illudendumque maxime facti, jactantes in optimum quemque et potentissimum dicteria quædam, ut quidem ipsi putant, festiva; ut autem videntur iis in quos dicuntur, longe gravissima: quippe hujusmodi jocorum vel maxime illa permovet, quibus delicti veritas arguitur.'

5 *Cybiosacten cognominare.* Sueton. Vesp. 19. Nomine ducto ab uno e suis regibus, sordido homine, qui filiam Ptolemæi Auletæ uxorem duxerat; ut videre est ap. Strab. xvii, p. 796.

6 *Convicium in tributum.* Viriū sex obolos, τοὺς ἑξ ὀβολοὺς κατ' ἄνδρα, exigī jussit. Dio lxi, p. 749. Sex oboli efficiunt *Angl.* 9d.

7 *Sedasset.* Dio ibid.

1 *Profectus est.* Extremo Maio, aut incunte Junio, profectus est, cum cæpissent æstivi flatus, de quibus dictum est sup. Hist. iv, 81. Oneraria nave ascensa, Alexandria Rhodum, nunc Rhodes, trajecit: inde vectus tirremibus, Ioniam, mox Græciam, ibique omnes urbes, quas subter navigavit, invisit: postea solvens Corcyra, nunc Corfu, appulit promontorium Japygium, hodie Cape Leuco, unde terra iter egit. Joseph. Bell. Jud. vii, 2. n. 1. Hujus itineris ratio paulo fusius fuit explicanda, ut pateret Vespasianum Roma abfuisse, cum spatium Capitolii die 21. Junii dicaretur.

2 *Damnatos.* Dio lxi, p. 749.

quot superstites, absolverat; et extenta ultra fata æquitate, famam mortuis restituerat.³ Tanto decore supra victorias præfulgens, Brundisium venit,⁴ ubi a Muciano Urbisque primoribus publicos inter plausus exceptus est.⁵ At Beneventum progressus, Domitianum reperit, solutioris libidinis, dum pater aberat, tum vitia simplicitatis stultitiæ⁶ imitamine excusantem. Remedio pariter ac malo anxius Vespasianus, domesticum dolorem, ut decebat, intus condidit, ne privata publicis anteferre videretur. Lætus ergo, populis in novi ac diu desiderati Principis conspectum venerationemque undique occurrentibus, Romam perrexit.⁷ Ubi eo ventum, a pietate orsus, cœpta Capitoli ædificia invisit; et, ut operas incenderet, ipse, elatis collo suo ruderibus,⁸ in partem laboris se immisit, omnibus, ut quisque dignitate et fortuna præcipuus, Principis exemplum certatim æmulantibus.

46. Eadem in Ægypto adversus Titum studia. Lustrato Oriente Zeugma usque,¹ acceptaque a Vologeso² corona aurea, Hierosolyma reviserat: dein, urbis ruinas miseratus,³ Memphim venit.⁴ Gens, religionibus dedita, per has gratificari Principibus solet. Igitur ut Vespasianum miraculis auxerat⁵ Alexandria, sic Memphis Titum Apidis consecratione (quod summum est apud eos sacrum) evectum voluit. Itaque, prisco de more, Apis, cum præscripta legibus spatia vitæ implevisset, sacro fonte demersus est.⁶ Alter, cui divina

3 Restituerat. Dio ibid.

4 Brundisium venit. Proximo Japygio promontorio Brundisium, nunc Brindisi, venit. De Brundisio jam dictum sup. An. iii, 1.

5 Exceptus est. Dio ibid.

6 Stultitiæ. Dio l. c. Καὶ μωρίας.

7 Romam perrexit. Quanta ordinum omnium lætitia fuerit exceptus fuse describit Joseph. Bell. Jud. vii, 4, n. 1.

8 Ruderibus. Suet. Vesp. 8. 'Ipse restitutionem Capitoli aggressus, ruderibus purgandis manus primus admovit, ac suo collo quædam extulit.' Fusius Dio lxxi, p. 749. Operas vero Vespasianus exemplo suo ita incendit, ut sequenti anno triumphans cum Tito filio Capitolium adire potuerit, et brevi suo principatu illud absolutum viderit, teste Plutarcho in Poplicola, p. 104.

1 Zeugma usque. Joseph. Bell. Jud. vii, 5, n. 4. 'Zeugma—transitu Euphratis nobile.' Plin. v, 24. Ibi castrum fuit Romanorum, quod adhuc dicitur Roum-Cala.

2 A Vologeso. Vologesus, Parthorum rex, ad Titum misit legatos, qui coronam auream ei ferrent, et Judaicam victoriam gratularentur. Hos cum excepisset Titus, Antiochiam, inde Hierosolyma, ac tandem

Alexandriam regressus est. Joseph. Bell. Jud. vii, 5, n. 2. Antea, auctore Philostrato, Vit. Apollon. vi, 29. coronis aureis, quas finitimæ Judæis gentes post Hierosolymorum excidium obtulerant, indignum se pronuntiaverat Titus, dictitans: 'se talia non patrasse, sed Deo iram exerenti manus suos commodasse.' Τὰ θεοπά τε ἰθὺν ἱστορεῖσθαι αὐτὸν, ὃ δὲ οὐκ ἔστιον αὐτὸν τοῦτον· μὴ γὰρ αὐτὸς ταῦτα εἰργάσθαι, θίγῃ δὲ ὄργην φήσαντι· ἐκείδωνται τὰς αὐτοῦ χεῖρας.

3 Ruinas miseratus. Multaque imprecatus Judaicæ defectionis auctoribus, qui in pulcherrimam urbem tantum vastitatis induxerant: iterum professus se minime velle ex punitorum calamitate virtutem suam clarescere. Joseph. l. c.

4 Memphim venit. De hac urbe jam dictum sup. Hist. iv, 84. not. inf.

5 Miraculis auxerat. Hæc miracula memorata sunt sup. Hist. iv, 81.

6 Demersus est. Hujus superstitionis sacra accurate prosecutus est Ammian. Marcellin. xxii, 13. 'Est enim Apis, bos diversis genitalium notarum figuris expressus, maximeque omnium corniculantis lunæ specie latere dextro insignis: qui cum post vivendi spatium principatuum sacro fonte immersus e vita abierit (nec enim

inerant macularum insignia,⁷ publico cum luctu quæsitus repertusque, et Memphim ingenti pompa deductus. Ibi cærimoniis rite paratis, totaque gente ad spectaculum excita, consecrationem orsa est longa sacerdotum turba: Titus adstitit, evinctus caput diademate,⁸ uti regibus olim fuerat solitum. Sacer Apis suas in ædes⁹ ductus, unde auguria populorum, et privatis responsa. Hæc visa Ægyptiis miræ religionis, sed e quibus orta in Urbe invidiæ materia: quod suo loco dicetur anno sequente.

A. U. C. 824. J. C. 71.

47. Cœpit hic annus faustis nominibus Vespasiani Augusti III. et Cocceii Nervæ, consulum,¹ quos imperii Romani fortuna conjunxisse videtur, ut ille imperare doceret, hic disceret.² Hispaniæ, unde primi annorum motus eruperant,³ jus

ultra eum trahere licet ætatem, quam secreta librorum præscribit auctoritas mysticorum: nec nisi semel in anno bos femina inventa cum notis certis offertur) alter cum publico queritur luctu: et si omnibus signis consummatus reperiri potuerit, defertur Memphim, urbem prastantem, præsentiaque numinis Æsculapii claram. Cumque initiante antistitem numero centum, inductus in thalamum esse cæperit sacer, conjecturis apertis signa rerum futurarum dicitur demonstrare, et advenientes quosdam indicibus averti videtur obliquis, ut offerentem cibum aliquando Germanicum Cæsarem, sicut lectum est, aversatus, portenderat paulo post eventura.' Eadem de re plura v. ap. Herodot. iii, 28. Diodor. Sic. i, 85. Ælian. xi, 10. Quædam jam dicta sunt sup. Hist. v, 4.

7 *Macularum insignia.* Pomponius Mela i, 9. 'Apis populorum omnium [Ægypti] numen est; bos niger, certis maculis insignis, et cauda lingueque dissimilis aliorum. Raro nascitur, nec coitu pecoris (ut aiunt) sed divinitus et cælesti igne conceptus.' Plin. viii, 46. 'Bos in Ægypto etiam numinis vice colitur, Apim vocant. Insigne ei, in dextro latere candicans macula, cornibus Lunæ crescere incipientis. Nodus sub lingua quem cantharum appellant. Non est fas eum certos vitæ excedere annos, mersumque in sacerdotum fonte enecant, quæsitum luctu alium, quem substituant: et donec invenerint, mærent, derasis etiam capitibus: nec tamen unquam diu queritur. Inventus deducitur Memphim a sacerdotibus.' Nave, ubi cella erat aurata, transportabatur, teste Diodor. Sic. i, 85.

8 *Caput diademate.* Suet. Tit. 5.

9 *Suas in ædes.* De his ædibus plura ha-

bet Ælian. xi, 10. Earum ædium delubra memorat Plin. viii, 46. 'Delubra ei gemina, quæ vocant thalamos, auguria populorum. Alterum intrasse lætum est, in altero dira portendit. Responsa privis dat, e manu consulentium cibum capiendo. Germanici Cæsaris manum aversatus est, haud multo postea extincti.'

1 *Consulum.* Flavius Vespasianus Augustus tertium et M. Cocceius Nerva consules fuere A. U. C. 824. J. C. 71. Insignem eorum memoriam habet tabula marmorea, eruta e puteo in æde nova D. Petri, *S. Pierre du Vatican*, anno 1596, quam exhibet Gruter. p. 300. Eam ex Mss. Schedis Sirmondi, quæ paulo accuratiores mihi videntur, afferam.

DEC. XXVIII.

ADJECTVS AD NVMERVM EX S. C.

T. CAESAR. AVG. F. IMPERATOR, —

IMP. CAESARE. VESPASIANO. AVG. III.

M. COCCEIO NERVA COS.

P. R. C. AN. DCCCXXIII.

I. e. 'post Romam conditam anno 824.'

Ut alia sileam, sic in eadem Inscr. ubi Gruter. habet:

Q. PL. . . . IIVM. MELIO. . M.

. . OPTATVM

. C. DCCCCLXXXVI.

Sirmondus habet:

Q. PETRONIVM. MELIOREM

. . OPTATVM

P. R. C. ANN. DCCCCLXXXIII.

2 *Hic disceret.* Nerva post Flavium domum imperavit: Princeps, et suo principatu, et ob adoptatum Trajanum, de re publica optime meritus.

3 *Eruperant.* Cum Galba factus est Princeps. V. Suppl. An. xvi, 67 sq.

Latii⁴ tributum, ne quid maneret veteris discordiæ. Post Vespasianus, externorum civiliumque bellorum victor, ad Urbana negotia totum se convertit: rem quidem publicam luxu perditam circumspexit, nulla patriæ caritate, sola lucri privatique commodi cupidine flagrantem. At gnarus a Principibus ad populos vitia descendisse; invidiosum vanumque fore, si, vigentibus Principum vitiis, publicam censuram tentaret, ab ipso Principe emendandi initium fecit. Circumcisis igitur principatus libidinibus, quæ usu in dignitatis naturam ornamentave cesserant, id maxime ex auctoritate usurpavit, quo ipse foret legum præsidium et exemplum.⁵

41. Itaque, ut popularis fieret, rarus in palatio, frequens in hortis Sallustianis:¹ nec fores a satellitibus obsessæ, sed facilis cuivis aditus.² Amoti etiam armorum scrutatores,³ quorum usus sub prioribus Principibus, et inter civilium discordiarum motus invaluerat. Conscientia tutus, ceteris securitatem addidit, sublatis majestatis criminibus.⁴ In hac publica tranquillitate, principatus munia obire occæpit: maturius semper, ac de nocte vigil, epistolas officiorumque omnium breviaria perlegere:⁵ mox amicos admittere,⁶ et inter salutantium obsequia calceare ipse sese et amicare:⁷ post in senatu de republica consultare, vel in foro⁸ jus dicere: remisso inde⁹ paululum animo, facilis civilisque¹⁰ cum senatoribus aliisque, seu domi, seu foris¹¹ cœna; quam super jocosa¹² et indulgens¹³ hilaritas. Hic communis vitæ tenor.¹⁴

4 *Jus Latii.* Plin. iii, 3. 'Universæ Hispaniæ Vespasianus Imperator Augustus, jactatus procellis reipublicæ, Latii jus tribuit.' De jure Latii diximus sup. in not. et em. ad An. xi, 23. Antea immunitatem vel capitis, vel soli, forte utriusque, consecuti erant Hispani, ut intelligere est ex Seneca, de Benefic. vi, 29.

5 *Et exemplum.* Bene Aur. Vict. in Epit. 'Legibus æquissimis monendo, quodque vehementius est, vitæ specie, vitiis plura aboleverat.'

1 *Hortis Sallustianis.* Dio lxi, p. 750. De hortis Sallustianis jam dictum sup. Hist. iii, 82.

2 *Cuivis aditus.* Dio ibid.

3 *Armorum scrutatores.* Ne quis ferro accinctus Principem adiret. Quam acerbos scrutatores adhibuerit Claudius, v. ap. Suet. Claud. 35. Contra Vespasian. consuetudinem salutantes scrutandi, manente adhuc bello civili, omiserat. Suet. Vesp. 12.

4 *Majestatis criminibus.* Dio lxi, p. 749.

5 *Breviaria perlegere.* Suet. Vesp. 21.

6 *Admittere.* Suet. ibid. Inter Vespasianum amicos fuit Plinius senior, de quo ju-

nior Plinius, Ep. iii, 5. 'Ante lucem ibat ad Vespasianum Imperatorem: nam ille quoque noctibus utebatur.'

7 *Et amicare.* Suet. l. c.

8 *Post—foro.* Dio lxi, p. 750. Suet. l. c.

9 *Remisso inde.* Aur. Vict. in Epit. 'Exerceri vocatione, deinde requiescere: postremo ubi lavisset, remissione animo convivium curabat.' V. et Suet. l. c.

10 *Facilis civilisque.* In his epulis nec luxus, nec ganea, sed 'super cœnam, et semper alias communissimus, multa joco transigebat.' Suet. Vesp. 22. Convivabatur sæpe et lautissime, qualiter decet Principem, et ut annonam adjuvaret. Inde Suet. Vesp. 19. 'Sed et convivabatur assidue: ac sæpius recta ac dapsile, ut maccellarios adjuvaret.' Hac in re, ut in aliis plurimis Augustum imitatus, de quo Suet. Aug. 74. eadem iisdem verbis memorat; et addit: 'Cœnam trinis ferculis, aut cum abundantissime, senis præbebat, ut non nimio sumtu, ita summa comitate.'

11 *Domi, seu foris.* Dio l. c.

12 *Jocosa.* 'Erat enim dicacitatis plurimæ.' Suet. ibid.

49. Eadem, et anxia magis, erga liberos cura, cum reipublicæ amore, tum domus gloria. Paternum enim animum angebat Domitianus, præferoce indole, et in omnes fortunæ suæ libidines præceps: eum pater privatim objurgationibus,¹ in publico honoribus ad meliora revocabat. Titus, patris deliciae, spes columenque imperii: ipse tamen inquietæ etiam solitudinis causa, non suspicaci Principis ingenio (id enim vitii a generosa mente aberat) sed recentium adhuc reipublicæ procellarum memoria, et occultis sermonibus: "Titi fidem vacillare: favere legiones: nec religione, sed explorandi animos causa, inter Apidis sacra,² in maxima Ægypti celebritate, regni cupidum,³ regio usum diademate." Titus, hæc in Urbe jactitari impatiens, quod conscientia integer, festinans Romam proficiscitur. Legiones, quæ Hierosolyma, eo duce, ceperant, "aut remaneret, aut secum omnes pariter abduceret,"⁴ frustra oravere: quinta in Mœsiam, quintadecima in Pannoniam, remissæ.⁵ Argis⁶ tantum substitit Titus, Apollonium,⁷ sapientiæ fama tunc insignem, visurus; et ut ex ejus præceptis ad virtutes, quæ Principis filium decent, se formaret. Apollonius, certus non volucris verbis, sed multa exemplorum documentorumque experientia Principes institui, consulenti respondit: Hostibus bello superatis, patrem virtutibus supera:⁸ Demetrium⁹ philosophum ausculta." Brevis monito, in virtutes fecundo, imbutus, cursum celera vit;¹⁰ et patri, qui obviam processerat,¹¹ inopinus occurrit: salutansque, sed rumorum memor, "veni," inquit, "pater, veni."¹² Simul ruunt in amplexus; pater incertum an filius probata fide lætior.

50. Urbs totaque Italia pro Titi reditu in lætitiâ effusa.¹

13 *Et indulgens.* Suet. Vesp. 21. A balneo 'in triclinium transibat. Nec ullo tempore facilius, aut indulgentior traditur: eaque momenta domestici ad aliquid petendum magnopere captabant.'

14 *Vitæ tenor.* Suet. ibid. et Aur. Vict. in Epit. 'Institutum vero uniforme omni imperio tenuit.'

1 *Objurgationibus.* Elatosque ejus spiritus deprimebat, teste Dion. lxxvi, p. 749. V. et Suet. Domit. 2.

2 *Apidis sacra.* De quibus dictum sup. c. 46.

3 *Regni cupidum.* Hos rumores memorat Suet. Tit. 5.

4 *Pariter abduceret.* Hæc omnia Suet. ibid.

5 *Remissæ.* Joseph. Bell. Jud. vii, 5. n. 3.

6 *Argis.* Argos, urbs Ciliciæ, quam Stephanus, de Urbibus, ait ætate sua appellari Ἀργυρόπολιν. Hujus urbis nummos

publicavit Cl. Pellerin, *Mélange de diverses Médailles.* Vol. i, p. 22.

7 *Apollonium.* Apollonium Tyaneum. Philostrate. Vit. Apollon. vi, 30.

8 *Virtutibus supera.* Philostrate. ibid. c. 32.

9 *Demetrium.* Philostrate. ibid. c. 31. Demetrium, Cynicum philosophum, non ita constantem virum fuisse vidimus supra Hist. iv, 40. Sed in Apollonio et Demetrio plus fuit ostentationis, quam virtutis.

10 *Celeravit.* Rhegium, nunc Rheggio, in farther Calabria, dehinc Puteolos, nunc Pozzuolo, oneraria nave appellat, 'Romam inde contendit expeditissimus.' Suet. Tit. 5.

11 *Obviam processerat.* Joseph. Bell. Jud. vii, 5. n. 3.

12 *Pater, veni.* Suet. ibid.

1 *Effusa.* Joseph. Bell. Jud. vii, 5. n. 3.

Senatus duplicem triumphum Principi et Cæsari decrevit.² At ipsi unico contenti, ne inani impensa gravaretur respublica. Tum primum ab Urbe condita pater filiusque visi in eadem triumphali pompa. At, ut nova, sic magnifica fuere triumphi decora. Plurima adhuc nocte, milites steter prope Isidis templum.³ Ibi Vespasianus Titusque noctem egerant:⁴ primo diluculo, caput lauro redimiti, et purpureis induti vestibus, in Octaviæ porticum⁵ processerunt: eos senatus, præcipuus quisque magistratum, et equester ordo excepit. Ut in tribunali⁶ eburneisque sellis consedere, laureati et sericati milites⁷ solitis adclamationibus imperatorum virtutes attollunt: mox, facto silentio, Vespasianus, velato capite, solemnes preces concipit; idem quoque precatus est Titus. Tum Vespasianus, adstantem concionem paucis adlocutus, milites ad paratum prandium⁸ dimittit. Ipse cum filio ad triumphalem portam⁹ regressus: ibi post levem cibum, triumphales vestes¹⁰ induunt; cæsisque ante Deos, ad portam adstantes,¹¹ victimis, cœpit pompa, apparatu maxima.

51. In hac enim imperii pace, subacti orbis opes, artium miracula, naturæ rara quæque ostentata:¹ prævectæ quoque immensæ purpurearum Babylonice arte² pictarum vestium, gemmarum, in coronas aliaque id genus ornamenta compositarum, strues:³ præfulgebant Deorum simulacra, magnitudine

² Decrevit. Hæc et seq. Joseph. ibid.

³ Isidis templum. Templum illud fuit in campo Martio, haud procul Pantheo, et æde Minervæ, nunc Santa Maria sopra Minerva. Ibi repertum Osiridis simulacrum, quod exhibet Donatus, de Urbe Roma, i, 21.

⁴ Noctem egerant. Relicto palatio, noctem ibi egerant. Triumphaturi enim ex Urbe egrediebantur, ut eam postero die ingrederentur triumphantes.

⁵ In Octaviæ porticum. Octaviæ, sororis Augusti, porticus fuit ubi nunc S. Angeli ecclesia, Chiesa di S. Angiolo in Pescheria. Manentque adhuc rudera in vicinis locis. Extat autem ejus memoria in veteribus Urbis ichnographiæ fragmentis, quæ in templo Romuli reperta sunt, nunc in ædibus Capitolinis adservantur.—cvs OCTAVIÆ.

⁶ In tribunali. Quod ante Octaviæ porticum fuerat exstructum. Joseph. ibid. n. 4.

⁷ Sericati milites. Joseph. ibid. Χωρίς ὅπλων ἥσαν ἰσθίσι σερικάϊς, ἰσπεφανωμένοι δάφναις. 'Milites sine armis erant induti vestibus sericis, coronati lauro.'

⁸ Paratum prandium. De more militibus paratum ab imperatoribus prandium. Joseph. ibid.

⁹ Triumphalem portam. Qua e campo

Martio in Urbem subibant triumphantes. Porta illa fuit in veteri Urbis muro, inter Capitolium et Tiberim, prope Carmentalem portam. Postea cum Aurelianus muros Urbis dilatavit, tunc trans Tiberim noctem agebant triumphantes; pons portaque triumphalis fuere paulo supra molem, seu tumulum, Adriani, nunc Castel S. Angiolo.

¹⁰ Triumphales vestes. Auro purpureaque intextæ triumphales vestes. V. sup. An. i, 15. not. inf.

¹¹ Ad portam adstantes. Joseph. l. c. τοῖς τε περιδρυμένοις τῇ πύλῃ θύσαντες τοῖς.

¹ Ostentata. Joseph. ibid. n. 5.

² Babylonice arte. I. e. vestium in accuratissimas picturas arte Babyloniorum distinctarum. Joseph. ibid. Καὶ τὰ μὲν ἐκ πορφύρας ὑφάσματα τῆς σπανιοτάτης φερόμενα, τὰ δὲ εἰς ἀκριβὴ ζωγραφίαν πεποικιλμένα τῇ Βαβυλωνίων τέχνῃ. Vestes illas arte Babylonica pictas referre mihi videntur pictæ vestes, quibus Imperator Sinarum et imperii Sinesis primores adhuc utuntur.

³ Strues. Tantæ gemmarum fuere strues, ut fateatur Josephus frustra ipsos earum aliquid rarum esse existinasse. Μάτην εἶναι τι τούτων σπάνιον ἐπιλήψαμεν.

et arte stupenda; ipsaque animalia,* suis quæque naturis expressa. Cuncta autem auro, argento, ebore splendida:⁵ bajuli quoque purpureis aureisque radiabant indumentis: ipsa captivorum deformitas ornamentorum varietate inlustrata. Tantas inter opes conspicuæ in primis immanes ferculorum moles, in tres quatuorque tabulatorum ordines⁶ exstructæ: inde patebant intuentium oculis mira arte expressa singula Judaici belli eventa, prælia, transfugia, captivorum agmina, urbium, castellorum oppugnationes, tectorum excidia, templi incendia, flumina,⁷ non in virentes, sed in torridos campos, immissa: in singulis autem ferculis ostentui erant Judæorum duces,⁸ eodem loci corporisque habitu,⁹ quo fuerant capti: gestatæ quoque naves plurimæ.¹⁰ Post visebantur templi monumenta,¹¹ quæ inter eminebat mensa aurea, aureum candelabrum,¹² et ultimum spolium, Judaica lex.¹³ Inde sequebantur longo

4 *Animalia.* Joseph. ibid. Ζῶων τε πολλὰ καὶ φύσιν παρήγοντα, κόσμον οὐκ αἰὼν ἁπάντων περιλαμβάνων. Maxime animalia Judææ propria. V. triumphum Germanici An. ii, 41.

5 *Splendida.* Joseph. ibid.

6 *Tabulatorum ordines.* Joseph. ibid. Τριώροφα γὰρ αὐτῶν (πηγμάτων) καὶ τετρώροφα πολλὰ.

7 *Flumina.* Joseph. ibid. Μετὰ πολλὰν ἱερμίαν κατηψή ποταμοὺς βίοντας οὐκ ἐπὶ γῆν γεωργομένην, οὐδὲ ποτὸν ἀνθρώποις ἢ βοσκήμασιν, ἀλλὰ διὰ τῆς ἐν πανταχῶθεν φλεγόμενης. Nempe post illam bello Judaico vastitatem, Jordanis, Arnon, Cedron, aliique torrentes, non agrorum culta, sed fumantes ruinas interfluebant.

8 *Judæorum duces.* Ac maxime Simon et Joannes.

9 *Loci corporisque habitu.* Joseph. ibid. Joannes quidem, cum fratribus in cavernis esuriens, se Romanis dedit. Joseph. Bell. Jud. vi, 9. n. 4. Simon autem in cuniculis diu delituit: at furiosus fanaticusque dux, cum deficeret alimenta, ratus se adhuc posse Romanorum manus evadere, si iis terrorer inculceret, subito emerit e loco, ubi templum fuerat, candida tunica indutus, purpurea infibulatus chlamyde. Primum obstupere, qui cum intuiti sunt. Post ad eum accessere, et quis esset interrogaverunt. Nomen non prodidit Simon, sed ducem vocari jussit. A Terentio Rufo comprehensus, vinctusque, ad Titum, qui tunc Cæsareæ maritimæ erat, missus est. Joseph. Bell. Jud. vii, 2. Inde intelligere est quomodo Judæorum duces eodem loci corporisque habitu, quo fuerant capti, in triumphalibus ferculis ostentarentur.

10 *Naves plurimæ.* Joseph. Bell. Jud. vii, 5. n. 5. Πολλὰ δὲ καὶ νῆες εἰπόντο. Naves illæ sane Judaicas bello captas referebant. Certe fuit in Museo Domus Professæ Parisiensis, Societatis Jesu, nummus ære mediocri: IMP. CAES. VESPASIAN. AVG. COS. III. Vespasianus capite laureato. In aversa parte, VICTORIA NAVALLIS. SC. Victoria cum palma et corona. Titi quoque similes nummi habentur.

11 *Templi monumenta.* Pars illa egestia triumphi Judaici extat adhuc Romæ, marmore expressa, in Titi arcu, inter clivum montis Palatini et ecclesiam sanctæ Franciscæ. Ibi primum videtur titulus, qui ante mensam auream præferebatur; deinde mensa aurea, supra quam posita duo vasa: ad latus mensæ sunt prælongæ duæ tubæ Judaicæ decussatæ: post titulus candelabri aurei; mox candelabrum aureum. Demum titulus, qui ante legem Judaicam præferebatur: ipsa lex non videtur, quod in anaglypho locus non supererat. Præstantissimum monumentum accuratissime delineatum exhibet eruditus Villalpandus, in *Ezechiel*. Vol. ii, p. 587. Arcus autem, post Titi mortem aut structus, aut inscriptus.

SENATVS

POPVLVS QVE ROMANVS
DIVO TITO DIVI VESPASIANI F
VESPASIANO AVGVSTO.

12 *Candelabrum.* Hecateus, ap. Joseph. contra Apion. i, 22. memorat aram, seu mensam, et candelabrum, utrumque aureum, pondus talentorum duum, *Angl.* 9000*l.* Βωμός ἐστι καὶ λυχνίον, ἀμφότερα χρυσῷ, δυνά τεύχεα τὴν ὁλκήν.

13 *Judaica lex.* Joseph. ibid. Sane in aurata, qua includebatur, arcuola lata est

ordine victoriarum tituli: mox triumphales Vespasiani Titique currus,¹⁴ quibus adequitabat Domitianus consul.¹⁵ Circumducta per theatra¹⁶ pompa, ut irruenti undique plebi fieret satis, ventum ad Capitolium. Tum substitit pompa: præcipuus belli dux Simon, laqueo¹⁷ in clivum, foro imminemtem,¹⁸ tractus, virisque cæsus, interfectus est.¹⁹ Sic expiato scelere, victoribus adclamatum: cæsæ victimæ; et imperatores in Jovis Capitolini gremio lauream²⁰ posuere, neglecto victoriæ cognomento.²¹ Inde publicos inter plausus in palatium discessere: reliquum diei lætitiæ datum, tota Urbe in epulas effusa.²²

52. Tum silentibus bellis, clusus est Janus.¹ Ut pacis, qualis a divi Augusti temporibus haud contigerat, monumen-

lex, seu præstantissimus legis liber. Neque enim obvium quodque exemplar ostentatum.

14 *Vespasiani Titique currus.* Joseph. ibid. Bene quidem, ut constat ex vet. monumentis. At falso Oros. vii, 9. unum triumphalem currum memorat. 'Vespasianus et Titus imperatores, magnificum agentes de Judeis triumphum, urbem ingressi sunt. Pulchrum et ignotum antea cunctis mortalibus inter trecentos viginti triumphos, qui a conditione Urbis, usque ad id tempus acti erant, hoc spectaculum fuit, patrem et filium, uno triumphali curru vectos, gloriosissimam ab his qui patrem et filium offenderant, victoriam reportasse.' In aureo Vespasiani nummo, quem e Thesauro Regio laudat Harduin. Select. Opp. p. 731. solus triumphali curru vehitur Vespasianus. IMP. CAESAR VESPASIANVS AVG. TR. P. capite laureato. In aversa parte, TRIVMP. AVG. 'Triumphus Augusti.' Vespasianus, curru triumphali vectus, retro a Victoria coronatus, balsami ramum, devictæ Judææ symbolum, tenet. Sic quoque in triumphali arcu Titi, de quo jam dictum supra, solus Titus curru suo et quadrigis vehitur, pariter a Victoria retro stante coronatus. Perperam interpres Latinus Josephi Titum equitantem exhibet.

15 *Adequitabat—consul.* Joseph. ibid. Suet. quoque Domit. ii, 'Triumphum utriusque [Vespasiani et Titi] Judaicum equo albo comitatus est.' Consul autem suffectus tunc erat Domitianus.

16 *Per theatra.* Joseph. Bell. Jud. vii, 5. n. 4. διὰ τῶν θεάτρων. Unde mihi videtur triumphalem pompam non statim Urbem subisse. Sed, peractis ante triumphalem portam sacris, pompa per Pompeii, Balbi, et Marcelli theatra, quæ erant in campo Martio, circumducta est, ut multitudini, quam immensam exhibet Josephus,

facilior esset aspectus. De hac pompæ tarditate intelligendus videtur Suet. in Vesp. xii, 'Adeoque nihil ornamentorum extrinsecus cupide appetivit, ut triumphis die fatigatus tarditate et tædio pompæ, non reticuerit: merito se plecti, qui triumphum, quasi aut debitum majoribus suis aut speratum umquam sibi, tam inepte senex concupisset.'

17 *Simon, laqueo.* Joseph. Bell. Jud. vii, 5. n. 6.

18 *Foro imminemtem.* In eo clivo erat Carcer Mamertinus, hodie *S. Pietro in carcere*: ibi quoque, ut quidam volunt, scalæ Gemoniæ. V. jam dicta sup. Hist. iii, 74.

19 *Interfectus est.* Joseph. ibid. Joannes autem reservatus est vinculis sempiternis, διαποῖς αἰώνιους. Joseph. Bell. Jud. vi, 9. n. 4.

20 *Gremio lauream.* De hoc usu jam dictum sup. An. ii, 26. not. inf.

21 *Victoriæ cognomento.* Dio lxvi, p. 748. Ob invisam despectamque gentem, neque Vespasianus, neque Titus dictus est 'Judaicus.' Inde Pompeius, cum irrideretur a Cic. Ep. ad Attic. ii, 9. appellatus 'noster Hierosolymarius traductor.' Ceterum Judaica Vespasiani Titique victoria quam plurimis celebrata est monumentis: quæ cum hic referre longius foret, de obsidio Hierosolymitano et belli Judaici monumentis commodius post not. et em. ad Hist. v. in peculiari dissertatione dicemus.

22 *In epulas effusa.* Joseph. Bell. Jud. vii, 5. n. 6.

1 *Clusus est Janus.* Paulus Oros. vii, 9. 'Continuo [post Judaici belli triumphum] omnibus bellis ac tumultibus domi forisque compressis, pacem totius orbis pronuntiaverunt, et Janum geminam obseratis cohiberi claustris, sexto demum ipsi post Urbem conditam censuerunt.'

tum extaret, Vespasianus Pacis templum,* maximum pulcherrimumque³ Urbis opus, ædificavit: ibi præter cetera ornamenta,⁴ opes vasaque templi Hierosolymitani dicata: lex, velaque⁵ in palatio reposita. Cum ita factum satis religionibus, in morum emendationem conversa sunt studia, conspirantibus Principis Titique votis, ipsa Urbe vitiorum mole fessa.⁶

Inde in multis Vespasianî nummis, cûs anno sequenti, cum Vespasianus esset cos. III. I. e. 'consul tertium,' reperitur inscriptum: PACI ORBIS TERR. AVG. I. e. 'Paci orbis terrarum Augustæ,' vel AVGVSTAE PACI, vel PAX POPVLI ROMANI. In nummis Titî PAX AVG.

2 *Pacis templum.* Templum illud fuit 'foro proximum,' teste Suet. Vesp. 9. Templo addita erant multa opera; quæ memorat Plin. xxxiv, 8. n. 24. et xxxvi, 4. n. 8. Videntur adhuc ejus rudera haud procul ab ecclesia Sanctæ Franciscæ et arcu Titî, ante montem Palatinum.

3 *Maximum pulcherrimumque.* Herodian. Lib. i, p. 482. Εἰρήνης τίμιος—μί-
γιστοι καὶ κάλλιστοι γινόμενοι τῶν ἐν τῇ

πόλει ἔργων. Ejus quoque egregias laudes v. ap. Plin. xxxvi, 15. et Joseph. Bell. Jud. vii, 5. n. 7.

4 *Ornamenta.* Hæc Templi decora sæpe memorat Plin. Extat adhuc eximium ejus magnificentiæ monumentum, ingens nempe columna marmorea, quam Paulus v. summus Pontifex, ante ecclesiam Sanctæ Mariæ Majoris transtulit et erexit.

5 *Lex, velaque.* Liber legis Judaicæ, et vela purpurea tabernaculi, τὰ πορφυρὰ τοῦ σηκοῦ καταπετάσματα. Joseph. Bell. Jud. vii, 5. n. 7. De his velis plura habet idem Joseph. Bell. Jud. v, 5. n. 4 et 5.

6 *Fessa.* Hæc et reliqua Vespasianî tempora v. in Append. Chronol.

NOTÆ ET EMENDATIONES

AD LIBRUM QUARTUM HISTORIARUM

C. CORNELII TACITI.

CAP. 1. *Fors obtulerat.* Bene Ms. Corb. Beroald. et recentiores. In Mss. Harl. Bodl. et edd. vett. *sors*; ut jam vid. sup. An. xiv, 5. Cf. quoque Bentl. ad Hor. Serm. i. vi, 54.

Conspexerant. Recte Mss. Flor. Reg. Harl. Bodl. Jes. Guelf. Agr. ed. pr. et recentiores. Male Puteolan. *prospexerant.*

Ex plebe. Mss. Harl. Jes. Corb. et ed. pr. *e plebe.*

Et fortuna captæ urbis. Mallet Vertranius, *et forma captæ urbis.* Et certe, *forma*, quam *fortuna*, huic loco aptior. *Formam* probavit Davanzati, è *faccia di sforzata città: fortunam*, Cl. Gordon, *the miserable lot of a city stormed and sacked.*

CAP. 2. *Filium Principis agebat.* Cl. Ernest. mallet, *agens.* Vel, *sed nondum ad curas intentus, stupris et adulteriis filium Principis agebat.*

Postulabat. Ms. Agr. *postulabant.*

Ariciam. Male ed. pr. *Artiani.* Ms. Corb. *Arriani.* Ms. Jes. *Aritiam.*

Adversis abstractus. Frustra locum hunc sollicitabat Faernus, ut emendaret, *nec proinde prosperis socius, quam adversis in Gemonias abstractus.* Jam vid. sup. An. iv, 13. 'Claritudine infausti generis, et paternis adversis foret abstractus.'

Adversum plausus ac lasciviam. Ms. Corb. et ed. pr. *adversus plausus et lasciviam.*

CAP. 3. *Acceptos a Vitellio.* Ita libri omnes scripti et editi præter Rhenan. qui omisit præp. *a.*

Mox Illyrico. Bene Mss. et vett. ac recentiores edd. Male Beroald. *Illyricos.*

Ea, prima specie, forma. Hæc insititia esse putat Cl. Ernest. Quod minime crediderim. In Ms. Agr. *formidata* pro *forma.* Inde tentabat Ryck. *et prima specie formidata.*

Et reipublicæ egregia. Et, habent Mss. et vett. edd. At mox in iis, *rep.* Inde emendabat Muret. *de republica egregia.* Melius Jac. Gronov. atque ex usu Taciti, *et reipublicæ egregia.*

CAP. 4. *In Vitellium.* Ita Mss. Flor. Reg. Corb. ed. pr. et recentiores. Mss. Harl. Bodl. Jes. et Puteolan. *in Vitellianos.*

De bello civili data. In Mss. Flor. Reg. et ed. pr. *de bello civi-*

lium. Inde tentabat Jac. Gronov. *de bello civium data*, aut, *de bello civili non data*. At potior est vulgata scriptura.

Mox Deos respexere: restitui placuit. Sic Mss. Flor. Harl. Bodl. Jes. Bud. Guelf. Puteolan. et recentiores. Mss. Reg. Corb. Agr. ed. pr. et Beroald. *mox Deos respicere, restituique placuit, &c.*

Ut honorificam. Ms. Reg. *et honorificam*. Ms. Vatic. 1864. *ut honorificum*.

Ita falsa aberant. Bene Ms. Agr. Ryck. et recentiores. *Ita*, abest ab aliis Mss. et vett. edd. Illud sensus omnino postulat.

Attollebatur. Bene Mss. Flor. Reg. Corb. Agr. ed. pr. et recentiores. Mss. Harl. Bodl. Jes. et Puteolan. *attollebantur*.

Præcipuus illi dies. Mss. Corb. et Agr. *præcipue illi dies*.

CAP. 5. *Regione Italiæ, Tarracinæ municipio*. *Regione Italiæ*, insititia et omittenda videntur; ut jam sensit Cl. Ernestus. Recte vertit Cl. Davanzati: *Nacque in Terracina, terra municipale: di Cluvio Capitano di Primopilo*. Frustra conjiciebat Lips. *origine Italica*. Alii, cum Italia ab Augusto in XI regiones fuisset divisa, suppleverunt, *regione Italiæ septima*, vel *regione I. Italiæ*; atque ita vertit Cl. Gordon, *Helvidius Priscus was born in the municipal city of Terracina, within the first precinct of Italy, the son of Cluvius, who had sustained the rank of a principal centurion*. Murphy ita, *Helvidius Priscus was born in the municipal city of Tarracina. His father, Cluvius, was a centurion of principal rank*. At minime verisimile est regionem Italiæ a Tacito hic fuisse memoratam. Potius crediderim librarium aliquem, vel in marg. regionem Italiæ, in qua erat Tarracina, adnotasse; vel, cum Ms. Agr. et ed. pr. habeant, *Tarentino municipio*, additum fuisse, *e regione Italiæ*, quia Tarentum olim non erat in Italia, sed in magna Græcia, *e regione Italiæ*. Corrupte Mss. Farnes. et Corb. *Tarentinæ municipio*. Ms. Flor. *Carrecinæ*. In uno e Mss. Vatic. *Tarentium*. Alii Mss. Puteolan. et ceteri omnes, *Tarracinæ*. Eruditus Corradinus, Vetus Latium, Vol. II, p. 213. memorat veterem figlinam, haud procul Tarracina effosam, et inscriptam

L.....LVID

quam sic legit L. *HELVID*. Indequè conjicit ibi fuisse Helvidii Prisci villam, prædiumque Helvidiæ gentis, quæ opus dolere ibidem habuit.

Cluvio patre. Male ed. pr. *Clunio*.

Ut nomine. *Ut*, abest a Mss. Flor. Reg. Corb. Agr. et ed. pr. Inde omissum est a Ryckio. At melius alii libri, qui illud retinent.

Doctores sapientiæ. Ms. Corb. *sapientium*.

Ceteraque extra animum. Ms. Agr. *ceteraque quæ extra animum*.

CAP. 6. *Egregiis utriusque orationibus testatum*. Bene Mss. Flor. Reg. Harl. Bodl. Jes. Corb. Agr. edd. vett. et Ryck. Male Rhenan. *egregiis orationibus utriusque certatum*. Tentabat quoque Muret. *utrinque*.

De imperio Vespasiani censebant. Quid Senatus de imperio Vespasiani censuerit, quomodo cuncta Principibus solita ei decreverit, paucis expediendum: simul legis imperii, seu legis regiæ primordia fataque explananda sunt.

DE LEGE IMPERII, DICTA QUOQUE LEGE REGIA.

Regum primo, deinde duodecim Tabularum *legibus* paruit populus Romanus. Orta posthac discordia plebem inter et patres, plebs sibi jura constituit, quæ *plebiscita* vocata sunt, et pro legibus lege Hortensia observata. At labentibus seculis plurimisque victoriis ita crevit populus Romanus, ut in tanta hominum turba plebs difficile conveniret: itaque necessitas ipsa curam reipublicæ ad senatum deduxit. Cœpit ergo senatus se interponere; et quidquid constitueret, observabatur: jus illud appellabatur *senatusconsultum*. Cum juris constituendi vis ad pauciores ita devenisset, Caius Julius Cæsar in se unum illam traxit; et quam armis sibi jam adseruerat, eam adhuc legum auctoritate munitam voluit. A. U. C. 706. ei datum, ut de Pompeianis arbitrato suo statueret: mox, arrepta ex motibus Africæ specie, decretum ut ei belli pacisque in omnes homines jus esset, etsi neque ad senatum, neque ad populum de iis retulisset. Τούς τε γάρ τὰ τοῦ Πομπηίου φρονήσαντας ἐπέτρεψαν αὐτῷ πᾶν ὅ' ὃ, τί ποτ' ἂν ἐβέλησιν δράσαι... καὶ πολέμων καὶ εἰρήνης κύριον, προφάσει τῶν ἐν τῇ Ἀφρικῇ συνισταμένων, πρὸς πάντας ἀνθρώπων, ἀπέδειξαν αὐτὸν, κἂν μηδὲν μίτε τῷ δήμῳ μίτε τῇ βουλῇ περὶ αὐτῶν κοινώσθαι. Dio xlii. p. 194.

Inter hæc dominationis molimina, libertas Cæsarem oppressit. Tum respublica triumvirorum arbitrio permissa. Nihil in publicam utilitatem consultum: omnia libidinibus paruere. Respublica, libertatis imagine, quam ipsa servitute, magis conflictata, ad Octavium Augustum ultro confugit, qui omnia, discordiis civilibus fessa, sub nomine *Principis* accepit. Cum ita necesse fuisset reipublicæ per unum consuli, 'constituto Principe, datum est ei jus, ut quod constituerat ratum esset.' Pomponius, Digest. lib. i, Tit. 2. 'de Origine juris.' Leg. 2.

Jus illud dictum est *lex imperii*, quæ postea, cum non ita invisum foret Romanis regum nomen, dicta est *lex regia*: de qua Ulpianus, Digest. lib. i, Tit. 4. 'de Constitutionibus Principum.' Leg. 1. 'Quod Principi placuit, legis habet vigorem: utpote cum lege regia, quæ de imperio ejus lata est, populus ei et in eum omne suum imperium et potestatem conferat.'

Lex, quæ, Vespasiano imperium capessente, lata est, ære incisa, Romæ ruinis diu obruta jacuerat; cum pars ejus præstantissima, quoniam in ea Sanctio contineatur, effossa, primum in Ecclesia Lateranensi prope tabernaculum SS. Corporis Christi affixa est, mox in ædes Capitolinas translata, ubi nunc inter egregia antiquitatis monumenta adservatur. Quam cum ibi viderim, juvat eam paulo accuratiorem, quam a Grutero, Thesaur. Inscript. p. 242. edita est, repræsentare notisque explanare.

FOEDVSVE. CVM. QVIBVS. VOLET. FACERE. LICEAT. ITA. VTI.
LICVIT. DIVO. AVG.
TI. IVLIO. CAESARI. AVG. TIBERIOQVE. CLAVDIO. CAESARI.
AVG. GERMANICO.

- VTIQUE. EI. SENATVM. HABERE. RELATIONEM. FACERE. REMIT-
TERE. SENATVS.
- CONSVLTA. PER. RELATIONEM. DISCESSIONEMQVE. FACERE. LI-
CEAT.
- ITA. VTI. LICVIT. DIVO. AVG. TI. IVLIO. CAESARI. AVG. TI.
CLAUDIO. CAESARI. AVG. GERMANICO.
- VTIQUE. CVM. EX. VOLVNTATE. AVCTORITATEVE. IVSSV. MAN-
DATVVE. EIVS.
- PRAESENTEVE. EO. SENATVS. HABEBITVR. OMNIVM. RERV. M.
IVS. PERINDE.
- HABEATVR. SERVETVR. AC. SI. E. LEGE. SENATVS. EDICTVS.
ESSET. HABERETVRQVE.
- VTIQUE. QVOS. MAGISTRATVM. POTESTATEM. IMPERIUM. CVRA-
TIONEMVE.
- CVIVS. REI. PETENTES. SENATVI. POPVLOQVE. ROMANO. COM-
MENDAVERIT.
- QVIBVSQVE. SVFFRAGATIONEM. SVAM. DEDERIT. PROMISERIT.
EORVM.
- COMITIS. QVIBVSQVE. EXTRA. ORDINEM. RATIO. HABEATVR.
- VTIQUE. EI. FINES. POMERII. PROFERRE. PROMOVERE. CVM. EX.
REPVBLICA.
- CENSEBIT. ESSE. LICEAT. ITA. VTI. LICVIT. TI. CLAUDIO. CAE-
SARI. AVG. GERMANICO.
- VTIQUE. QVAECVNQVE. EX. VSV. REIPVBLICAE. MAIESTATE. DI-
VINARVM.
- HYMANARVM. PVBLICARVM. PRIVATARVMQVE. RERV. M. ESSE.
CENSEBIT. EI. AGERE. FACERE. IVS. POTESTASQVE. SIT. ITA.
VTI. DIVO. AVG.
- TIBERIOQVE. IVLIO. CAESARI. AVG. TIBERIOQVE. CLAUDIO.
CAESARI.
- AVG. GERMANICO. FVIT.
- VTIQUE. QVIBVS. LEGIBVS. PLEBEIVE. SCITIS. SCRIPTVM. FVIT.
NE. DIVVS. AVG.
- TIBERIVSVE. IVLIVS. CAESAR. AVG. TIBERIVSQVE. CLAVDIVS.
CAESAR. AVG.
- GERMANICVS. TENERENTVR. IIS. LEGIBVS. PLEBISQVE. SCITIS.
IMP. CAESAR.
- VESPASIANVS. SOLVTVS. SIT. QVAEQVE. EX. QVAQVE. LEGE.
ROGATIONE.
- DIVVM. AVG. TIBERIVMVE. IVLIVM. CAESAREM. AVG. TIBE-
RIVMVE.
- CLAVDIVM. CAESAREM. AVG. GERMANICVM. FACERE. OPORTVIT.
EA. OMNIA. IMP. CAESARI. VESPASIANO. AVG. FACERE. LICEAT.
- VTIQUE. QVAECVNQVE. ANTE. HANC. LEGEM. ROGATAM. ACTA.
GESTA.
- DECRETA. IMPERATA. AB. IMPERATORE. CAESARE. VESPASIA-
NO. AVG.

IVSSV. MANDATVVE. EIVS. A. QVOQVE. SVNT. EA. PERINDE.
IVSTA. RATAQ.
SINT. AC. SI. POPVLI. PLEBISVE. IVSSV. ACTA. ESSENT.

SANCTIO.

SIQVIS. HVIVSCE. LEGIS. ERGO. ADVERSVS. LEGES. ROGATIONES.
PLEBISVE. SCITA.
SENATVSVVE. CONSVLTA. FECIT. FECERIT. SIVE. QVOD. EVM.
EX. LEGE. ROGATIONE.
PLEBISVE. SCITO. S. VE. C. FACERE. OPORTEBIT. NON. FECERIT.
HVIVS. LEGIS.
ERGO. ID. EI. NE. FRAVDI. ESTO. NEVE. QVIT. OB. EAM. REM.
POPVLO. DARE. DEBETO.
NEVE. CUI. DE. EA. RE. ACTIO. NEVE. IVDICATIO. ESTO. NEVE.
QVIS. DE. EA. RE. APVD.
SE AGI. SINITO.

Initia legis periere, quibus, ut conicere licet, omnium rerum jus, arbitrium vitæ et necis, belli ac pacis commercia Vespasiano permittebantur ita, uti Divo Augusto, Tiberio, Claudioque fuere permissa. lis subnectitur:

‘Fœdusque, cum quibus volet, facere liceat ita, uti licuit Divo Augusto, Tiberio Julio Cæsari Augusto, Tiberioque Claudio Cæsari Augusto Germanico.’ Tiberius adoptione in Juliam familiam transierat: inde illi nomen *Tiberio Julio Cæsari*. Et ut jura dominandi magis ac magis firmaret, vulgo dicebatur TI. CAESAR. DIVI. AVG. F. DIVI. IVLI. NEP. AVG. i. e. ‘Tiberius Cæsar, Divi Augusti filius, Divi Julii nepos, Augustus.’ In vet. quoque Inserr. memorantur servi, qui appellantur TIB. IVLIVS. AVG. LIB. i. e. ‘Tiberius Julius Augusti libertus;’ quod nomen a patrono suo Tiberio Julio Augusto sane acceperant. Nomina autem Julii Cæsaris, Caii Caligulae, Neronis, hic et in sequentibus capitibus omittuntur. Ac merito quidem. Nullum enim imperium, nulla lex imperii, cum C. Julius Cæsar cecidit: Caii vero Caligulae ac Neronis memoria damnata, proinde silenda. Ceterorum Principum Galbæ, Othonis, et Vitellii fluxum imperium, nec in hoc civilium bellorum fine memorandum.

‘Utique ei senatum habere, relationem facere, remittere; senatusconsulta per relationem discessionemque facere liceat ita, uti licuit Divo Augusto, Tiberio Julio Cæsari Augusto, Tiberio Claudio Cæsari Augusto Germanico.’ Quod, libera olim republica, majoribus tantum magistratibus erat datum, id Principi concessum est, ut senatum haberet, de negotiis relationem faceret, relationemve ad senatum remitteret, ut senatusconsulta faceret per relationem, conquisitis nempe singulorum sententiis, vel per discessionem, cum curia in partes discedebat. Hujusce autem usus ratio, quod sæpe rubor timorve inerat, si singuli sententias suas proferrent; contra vero nec rubor, nec timor, si in partes discedebatur. Inde Dio xli, p. 153. Διαψηφίσεως δὲ ἐπὶ τοῦτοις οὐ κατ’ ἄνδρα (μὴ καὶ δι’ αἰδῶ ἢ καὶ φόβον τινὰ παρὰ τὰ δοκοῦντα σφίσιν ἀποφώνωνται) ἀλλ’ ἐπὶ τὰδε καὶ ἐπ’ ἐκεῖνα τοῦ βουλευτηρίου μεταστάσει γενομένης. Cum tale senatusconsultum fieret, verba solemnia erant: QVI HÆC SENTITIS, IN HANC PARTEM. QVI ALIA

OMNIA IN ILLAM PARTEM ITE, QVA SENTITIS. V. Plin. Ep. viii, 14. Hujusmodi senatusconsultum, Tiberio Principe, factum memorat Suet. Tib. 31. Quam parce autem jus relationis Augusto primitus fuerit tributum (scilicet ut quoties senatus haberetur, etiamsi consulatum non gereret, jure unius relationis, de quacumque re vellet, uteretur) docet Dio liii, p. 518. *Χρηματίζειν αὐτῷ περὶ ἐνός τινος ὅτου ἂν ἐβέλγη καθ' ἐκάστην βουλὴν, καὶ μὴ ὑπαεύσθαι, ἔδωκε.*

‘Utique cum ex voluntate, auctoritateve, jussu, mandatuve ejus, presenteve eo, senatus habebitur, omnium rerum jus perinde habebatur, servetur, ac si e lege senatus edictus esset, habereturque.’

‘Utique quos, magistratum, potestatem, imperium, curationemve cujus rei petentes, senatui populoque Romano commenda verit, quibusque suffragationem suam dederit, pomiserit, eorum, comitiis quibusque, extra ordinem, ratio habeatur.’

Duobus istis capitibus non subjungitur formula, ‘uti licuit Divo Augusto, Tiberio, Claudioque,’ quia iis capitibus ampliata est Vespasiani potestas, eique tributum jus, quod Divo Augusto, Tiberio, Claudioque prius non fuerat lege imperii concessum. In exemplum ergo adduci non potuere. His autem duobus capitibus quam in immensum Vespasiani auctoritas favorque intenderentur, patet cuique singula verba perpendenti.

‘Utique ei fines pomœrii proferre, promovere, cum ex republica censebit esse, liceat ita, uti licuit Tiberio Claudio Cæsari Augusto Germanico.’ Fines pomœrii a Claudio prolatos vid. sup. An. xii, 23. Eos quoque protulerat Augustus; qui tamen hic siletur, quod illos protulerit, Ægypto in populi Romani ditionem redacta, ac proinde ante legem imperii. Adde ab Augusto, nondum dominationis certo, et in senatum indulgente, consules in hujus gloriæ societatem fuisse vocatos. Immo *ex senatusconsulto* consules Censorinus et Gallus *fines pomœrii terminaverunt*, ut constat ex Inscriptione, quam videre est in not. et em. ad An. xii, 23. Nero quoque, uti ibidem monuimus pomœrium auxerat: sed minime memorandus, ob damnatam memoriam, de qua jam supra.

‘Utique quæcunque ex usu reipublicæ, majestate divinarum, humanarum, publicarum privatarumque rerum esse censebit, ei agere, facere jus potestasque esto ita, uti Divo Augusto, Tiberioque Julio Cæsari Augusto, Tiberioque Claudio Cæsari Augusto Germanico fuit.’ Hac in re insigne exemplum extat An. iii, 60 sq.

‘Utique quibus legibus, plebeive scitis, scriptum fuit ne Divus Augustus, Tiberiusve Julius Cæsar Augustus, Tiberiusque Claudius Cæsar Augustus Germanicus tenerentur, iis legibus plebisque scitis Imperator Cæsar Vespasianus solutus sit; quæque ex quaque lege, rogatione, Divum Augustum, Tiberiumve Julium Cæsarem Augustum, Tiberiumve Claudium Cæsarem Augustum Germanicum facere oportuit, ea omnia Imperatori Cæsari Vespasiano Augusto facere liceat.’ Inde manifestum est nec Vespasianum, nec priores Principes omnibus legibus fuisse solutos. Iis tantum legibus aut plebiscitis soluti sunt, quibus neque Divus Augustus, neque Tiberius, neque Claudius tenebantur. Quibus autem non tenerentur minime dixerim, cum priores leges imperii, quibus id continebatur, perierint. Novimus tamen ex Dion. lvi, p. 582. A. U. C.

762. Augustum solutum fuisse legibus in petendo consulatu, τὸ τὴν ἰπαρέταν θάσσον παρὰ τὸ νεμομισμένον λαβεῖν. Legibus quoque conjugalibus Principes fuisse solutos conjicit eruditus Gravina, Origines Juris Civilis, p. 140. Quod enim habet Ulpian. Digest. libr. 1. Tit. 3. 'de Legibus et senatusconsultis,' leg. 31. 'Princeps legibus solutus est,' id acceptum ex Ulpiani commentariis ad legem Juliam et Papiam, quæ leges sunt conjugales. Postea crevit Principum immunitas; nec Principes in leges jurabant. Ideo Trajanus tantopere laudatus a Plinio, in Panegyric. 64 et 65. quod processerit in rostra, 'inadscensumque illum superbiam Principum locum' triverit, in legem juraverit, se legibus subjecerit. 'Quod ego,' exclamat Plinius, 'nunc primum audio, nunc primum disco, non est Princeps super leges, sed leges supra Principem.' Celeberrimum quoque est Imperatoris Severi Alexandri effatum: 'Licet enim lex imperii solemnibus juris Imperatorem solverit: nihil tamen tam proprium imperii est, quam legibus vivere.' Cód. libr. iii. Tit. 'de Testam.'

'Utique quæcunque ante hanc legem rogatam acta, gesta, decreta, imperata ab Imperatore Cæsare Vespasiano Augusto, jussu mandative ejus a quoque sunt, ea perinde justa rataque sint, ac si populi plebisve jussu acta essent.' Hæc lex a magistratibus ducibusque Flavianarum partium rogata. Quod vero additur: 'perinde justa rataque sint, ac si populi plebisve jussu acta essent,' id ex vetere usu repetitur, quo justa rataque erant, quæ populi plebisve jussu, id est, centuriatis, aut tributis, comitiis acta fuerant. *Populi* appellatione continentur universi cives cum ipsis patriciis ac senatoribus; *plebis* nomine, ceteri cives sine patriciis et senatoribus.

'SANCTIO. Si quis hujusce legis ergo adversus leges, rogationes, plebisve scita senatusve consulta fecit, fecerit, sive quod eum ex lege, rogatione, plebisve scito senatusve consulto facere oportebit, non fecerit hujus legis ergo, id ei ne fraudi esto, neve quid,' scriptum *quit* ob veterem pronuntiandi modum, 'ob eam rem populo dare debeto; neve cui de ea re actio, neve judicatio esto; neve quis de ea re apud,' tres sequentes literæ desunt ob fractum æreæ tabulæ angulum, se *agi sinito*. Sanctio, qua lex munita violari non potest; inviolabilis quoque declaratur, qui ex hac lege, vel ob hanc legem egit egeritve.

Utinam plures hujusce generis leges extarent! Iis compertum foret, quibus gradibus increverit Romanorum Principum auctoritas. Ea jam erat summa ante Principis Severi Alexandri tempora. Solemnia enim sunt Ulpiani verba: 'Quod Principi placuit, legis habet vigorem: utpote cum lege Regia, quæ de imperio ejus lata est, populus ei et in eum omne suum imperium et potestatem conferat. Quodcumque igitur Imperator per epistolam et subscriptionem statuit, vel cognoscens decrevit, vel de plano interlocutus est, vel edicto præcepit, legem esse constat.' Digest. libr. 1. Tit. 4. 'de Constitutionibus Principum,' Leg. 1.

Postulabat, quæ. Mss. Corb. et Agr. *postulat, et quæ.*

CAP. 7. *Memoria flagitiorum urgeretur.* Ita Mss. Flor. Reg. Harl. Bodl. Jes. Guelf. Puteolan. et recentiores. Ms. Corb. et ed. pr. ac Lips. *memoria flagitiorum urgetur.*

Ut in cujusque vitam famamque. Sic Ms. Flor. ed. pr. Pichena et recentiores. Sic quoque emendatum in Ms. Bodl. At Mss. Harl. Bodl. pr. m. Jes. Corb. et Puteolan. *et uniuscujusque vitam famamque penetrarent.* Cop. *que* a Beroaldo omissa.

Sentio. Ita Mss. Vatic. 1863. et 1864. Flor. Reg. Corb. ed. pr. Lips. et recentiores. In Ms. Vatic. 1958. *Senetio.* A librario superadditum, *Senetione* et *Seneca.* Puteolanus edidit, *Senecione.* In Ms. Harl. *Senetio.* Ms. Jes. *Senecio.* Ms. Bodl. *Senetione*; et in margine, *Seneca.* Quis fuerit Sentius ignoratur; neque usquam memoratur. Certe error est in *Senecione.* Nam Senecio a Principe Domitiano occisus est. Nulla foret in *Seneca* difficultas, si magis faveret libri. Virque fuit Vespasiani amicitia dignus.

Amicos esse. Satis. Ita Mss. edd. vett. Ryck. et recentiores. Rhenan. et Cl. Ernest. *amicos.* *Esse satis.*

CAP. 8. *Secundum vetera exempla.* Bene Ms. Corb. Rhenan. et recentiores. Ed. pr. *sed secundum vetera exempla.* Sic quoque emendatum in Ms. Harl. Mss. Bodl. Jes. et Puteolan. *sed vetera exempla.*

Aut inimicitii. Ms. Corb. *aut inimicitia.*

Id magis vitandum. *Vitandum* perperam omisum in Mss. Harl. Bodl. Jes. Bud. Guelf. Additum est in marg. Mss. Harl. Guelf.

Pervicacia quorundam. Bene Mss. Flor. Reg. Corb. ed. pr. Rhenan. et recentiores. Mss. Harl. Bodl. Jes. et Puteolan. *pervicacia cujusquam.*

Se meminisse. Frustra tentat Rhenan. *meminisset.* Male Ms. Corb. *se monuisse.*

Per hujusmodi. Mss. Corb. et Agr. *per ejusmodi.*

Inlusisse. Ita Mss. Flor. Corb. Guelf. et ed. pr. In Mss. Reg. Harl. Bodl. Jes. *illusisse.* Male Puteolan. *illuxisse.*

Contentionibus. Ms. Agr. *concertationibus.*

CAP. 9. *Perrogarent sententias.* Sic Mss. Reg. Harl. Bodl. ed. pr. et recentiores. Ms. Guelf. et Puteolan. *prorogarent.* Ms. Jes. *prorogaret.*

Vulcatius Tertullinus. Ms. Reg. *Vulcanius Tetralinus.* Ed. pr. *Vulcanius Teturlinus.*

CAP. 10. *Protegi non poterat.* Ms. Agr. *cripi non poterat.*

Corruptorque amicitia. Bene Mss. Reg. Harl. Bodl. Agr. et edd. vett. Ms. Corb. habet quoque *amicitia*, sed omisit, *que.* Pichena et recentiores e conjectura Lipsii edidere, *corruptorque amici, et cujus se magistrum ferebat.* Mallet Heins. *correptorque amici.*

Cujus se magistrum. Male Ms. Reg. et ed. pr. *cujus se ingratum.* *Motis ad ultionem animis.* Bene Lips. et recentiores. In Mss. Reg. Corb. et edd. pr. *motis adulationi animis.* Mss. Harl. Bodl. Jes. et Puteolan. *adulationibus.*

CAP. 11. *Inter patres.* Bene Ms. Guelf. Mercerus et recentiores. Vulgo in Mss. et edd. vett. *inter partes.*

Non Princeps. Bene Mss. Flor. Harl. Jes. Pichena et recentiores. In Mss. Reg. Bodl. et edd. vett. *non principes.*

Urbem ingressus. Ita Mss. et edd. vett. ac recentiores. Intermediæ quædam edd. *in Urbem.*

Varique Arrii. Bene Mss. Flor. Harl. Bodl. Jes. Guelf. Corb. Puteolan. et recentiores. In Mss. Reg. Bud. et ed. pr. *Arriique*, omisso, *Vari.* Contra Rhenan. omisit, *Arrii*.

Vim Principis amplecti. Ita Mss. Flor. Reg. Corb. Agr. et ed. pr. Puteolan. et recentiores, *complecti*.

Cædes Calpurnii Galeriani. Mss. Corb. *cæde*. Vulgo in Mss. et vett. edd. *Calpurnii*. At in nummis hujus gentis scriptum, CALPURNIVS. Vide erud. Vaillant, Nummi antiqui familiarum. Vol. I, p. 206 sq.

Se ipse interfecit. Ita Mss. Flor. Harl. Bodl. Jes. Corb. Ryck. et recentiores. In Ms. Reg. *seipsum interfecit*. Edd. vett. *seipsum interfecit*.

Asiaticus enim libertus. Sic Mss. Reg. Corb. ed. pr. Ernest. et recentiores. Mss. Harl. Bodl. Jes. et Puteolan. *Asiaticus enim is libertus*. Ms. Agr. *Asiaticus etiam libertus*. Forte ob servile supplicium in marg. fuerat notatum, *is enim libertus*, quod postea in ipsam narrationem transierit. Forte etiam emendandum, *Asiaticus autem libertus*. Conjiciebat Illustr. Huet. *Asiaticus, nempe libertus*.

CAP. 12. *Crebrescentem.* Mss. Reg. Jes. et ed. pr. *crebrescentem*.

Legionum hiberna. Frustra Rhenan. *legionum castra hiberna*; repugnantibus Mss. et vett. edd.

Trans Rhenum agebant. Ms. Agr. *agitabant*.

Insulam inter vada sitam. Bene Mss. Vatic. 1958. Harl. Bodl. Jes. Guelf. Puteolan. et recentiores. Corrupte Mss. Vatic. 1863. et Reg. *insulam vocatam sitam*. Mss. Vatic. 1864. Corb. et in marg. Ms. Vatic. 1863. *insulam vata sitam*. Ms. Bud. *juvata sitam*. Inde Colerus tentabat, *insulam Batavam*: Lips. *insulam Vahali assitam*.

Mare Oceanus. Bene Ms. Reg. Sic quoque sec. m. emendatum in Ms. Harl. Prima habebat, *Oceanum*, ut et libri omnes editi. Dixit quidem Jul. Cæsar, B. G. iii, 7. 'P. Crassus, adolescens, cum legione VII. proximus mare Oceanum Andibus,' nunc *Anjou*, 'hyemabat.' At *mare Oceanum* hic in quarto casu, non vero in primo, ponitur.

Rhenus amnis. *Amnis*, abest a Ms. Corb.

Societate validiorum. Ms. Jes. *validorum*. Male Ms. Reg. et ed. pr. *societateve aliorum astricti*. Sic quoque sec. m. in Ms. Harl. In Ms. Agr. *societateve validiorum attriti*.

Mox aucta per Britanniam. Bene Mss. Reg. Corb. ed. pr. et recentiores. Puteolan. omiserat, *aucta*. Aberat quoque a Mss. Harl. Bodl. Jes. Guelf. Sec. m. additum est in Mss. Harl. Bodl. Guelf.

Erat et domi. Sic Mss. Reg. Harl. et libri editi. In Mss. Flor. Bodl. Jes. Guelf. Corb. *erant*. Sec. m. emendatum in Ms. Jes. *erat*.

Præcipuo nandi studio. Ms. Reg. et ed. pr. *præcipuus nandi studio*.

Arma equosque retinens. Mss. Reg. Corb. et ed. pr. *arma quoque retinens*.

Rhenum perrumpere. Ms. Reg. Corb. et ed. pr. *Rhenum perrumpere*. Mendose quidem. Durum quoque, *perrumpere*, ni suppleas, *Rhenum suetus*, vel *doctus*, *perrumpere*. Quod omissum videtur, cum corrupta est scriptura in *perrumpere*.

CAP. 13. *Discrimen adiit*. Ita Rhenan. et recentiores. In Mss. et vett. edd. *adit*.

Avertere. Male Mss. Flor. Corb. Agr. *adverteret*. Ms. Reg. et ed. pr. *avertet*.

Accita Vitellio auxilia. Mss. Harl. Bodl. Jes. et Puteolan. a *Vitellio*. Præp. omittunt Mss. Flor. Corb. Agr. ed. pr. et recentiores.

Redintegratum Bellum. Bene Mss. Corb. Guelf. Rhenan. et recentiores. In Ms. Reg. et ed. pr. *reintegratum*. Mss. Harl. Bodl. Jes. et Puteolan. *redintegrandum*. Sec. m. in Ms. Harl. *redintegratum*.

CAP. 14. *Desciscendi certus*. Bene Mss. Flor. Reg. Harl. Bodl. Jes. Agr. Guelf. edd. vett. et recentiores. Ms. Bud. et Rhenan. *dis-cidii certus*.

Conquirendo. Male Ms. Guelf. *conquirendos*.

Rursus impubes. Ita Mss. Vatic. 1863 et 1864. Flor. Reg. Corb. ed. pr. et recentiores. In Mss. Vatic. 1958. Harl. Bodl. Jes. et Puteolan. *impuberes*. In marg. Mss. Bodl. *impubes*. Sic quoque sup. additum in Ms. Vatic. 1958.

Et est plerisque. Male Mss. Corb. Agr. et *ex plerisque*. Ryckii amicus tentabat, *ut est plerisque*.

Et compositæ seditionis. Ita Ms. Reg. ed. pr. Ernest. et recentiores. Mss. Harl. Bodl. Jes. et Puteolan. et *compositi seditionis auctores: perpulere, &c.* Ernesto merito placuit, *compositæ*, ut ap. Liv. iv, 13. 'nec dum compositis maturisve satis consiliis.' Sic et Sallust. in Jugurth. 119. 'ita composito dolo, digrediuntur,' et Propert. Eleg. ii, 2, 2. 'At me, composita pace, fefellit amor.'

Quando legatum....venire? Mss. et vett. edd. *quando legatum....venire*: quod probat Cl. Ernest.; et *quando pro quippe accipit*. At quomodo tunc stabit, *gravi quidem comitatu!* Redundabit *quidem*, quod tamen habent libri omnes. Præterea ad Batavos non mittebantur legati, sed præfecti et centuriones, qui delectum agerent. Nec placet Davanzati: *E quanto si stara a veder venire un legato con quel lungo codazo, e superbo imperio?* In Ms. Reg. et ed. pr. *quendam legatum....venire*: Ms. Agr. *quando legatum....venire parum*. Quod minime Cornelianum, licet Ryckio probatum.

Centurionibusque. *Que*, abest a Mss. Bodl. Jes. Sec. m. additum in Ms. Harl.

Esse sibi robur. *Esse*, abest a Mss. Flor. Reg. Corb. Agr. et ed. pr. In Ms. Flor. sec. m. *at sibi robur*. Ms. Bud. et.

Consanguineos Germanos. Bene libri omnes editi. *Germanos*, abest a Mss. Harl. Bodl. Jes. Bud. Guelf. Additum in marg. Mss. Harl. Guelf.

Gallias idem. Supra *Gallias* in Ms. Vatic. 1958. scriptum, *Gallos*. CAP. 15. *Canninefates*. Plin. iv, 15. meminit *Cannenufatum*; et vet. Inscr. ap. Grut. p. 385. num. 1. ALAE PRIMAE CANNANEFATVM. Unde non male Cl. Ernest. edidit, *Canninefates*. In Mss. Harl. Bodl. Jes. et vett. edd. *Caninefates*. Ms. Corb. inf. cap. 79. habet, *Cannenefates*. Ibidem ed. pr. *Canninefates*.

Mogontiaci agentes. Ita Mss. Vatic. 1863. 1864. 1958. Bodl. et Puteolan. Ptolemæo quoque, ii, 9. *Μογοντιακον*. Male Ms. Reg. *Ma-*

gontiana gens. At ipse inf. cap. 24. habet, *Mogontiaco*. Beroald. et recentiores, *Magontiaci*; quæ scriptura nonnumquam in Mss. reperitur.

Brinno. Ita Mss. Flor. Harl. Bodl. Jes. Guelf. Agr. Ryck. et recentiores. Male Ms. Reg. et ed. pr. *Brumo*. Nam mox inf. Ms. Reg. habet, *Brinnonem*; ed. pr. *Brinonem*. Puteolan. *Brenno*. Rhenan. e Ms. Bud. *Brinio*.

Rebellis familiæ omine. Mss. Reg. Corb. *rebelle*. Ed. pr. *rebellæ*. Mss. Harl. Bodl. Jes. et Puteolan. *omine*. Ed. pr. *homine*. Emendatum in recentioribus edd. *nomine*.

Proxima occupatu. Optime Lips. et recentiores. Male Ms. Flor. *proxima occupata*. Mss. Vatic. Harl. Bodl. Jes. Reg. Corb. et edd. vett. *proximo occupata*. Beroald. *proximo occupato*.

In superiorem insulæ partem. Ita Ms. Corb. ed. pr. et recentiores. Mss. Harl. Bodl. Jes. et Puteolan. *in superiore insulæ parte*. Mox ed. pr. *congregabantur*.

Quam robur. Quippe viribus cohortium abductis. Male Mss. Harl. Bodl. Jes. Bud. Guelf. *quam robur cohortium abductum*. Inde emendaverat Rhenan. *quam robur, cohortibus abductis*. Recte emendatum in Ms. Harl. *quam robur. Quippe viribus cohortium abductis*. Sic quoque habent Mss. Reg. Corb. Male Puteolan. *cohortis*.

E proximis. Ms. Corb. *ex proximis*. Male Ms. Reg. et ed. pr. *ex primis*.

Armis oneraverat. Ita Ms. Vatic. 1958. Puteolan. et recentiores. In Ms. Vatic. 1863. et ed. pr. *armis ornaverat*.

CAP. 16. *Compressurum*. Ita Mss. Reg. Bud. ed. pr. et recentiores. Mss. Harl. Bodl. Jes. Guelf. et Puteolan. *oppressurum*.

Ducem ejus belli, sed Civilem esse, patuit. In Mss. Reg. Agr. et ed. pr. *ducem esse belli, sed civilem, eis patuit*.

Directa ex diverso acies. Male Ms. Reg. et ed. pr. *detecta ex diverso acies*. Mallet Pichena, *directa ex diverso acie*.

Tungrorum. Mss. Harl. Bodl. Jes. et ed. pr. *Turingorum*. Solèmi librariorum errore.

CAP. 17. *Celebrabantur*. Ms. Harl. *celebrantur*.

Spolia Romanorum. Ms. Agr. *spolia Romana*.

Mutis animalibus. Male Mss. Reg. Guelf. et ed. pr. *multis*. Frustra tentat Acidal. *brutis*.

Hominum bonum. Ita Mss. Flor. Reg. Bud. Agr. ed. pr. Jac. Gronov. et recentiores. Puteolan. *hominis*.

CAP. 18. *Sic in Gallias*. Perperam in Lipsianis quibusdam edd. *sicut in Gallias*.

Mummiu Lupercu. Ita Ms. Agr. Ryck. et recentiores. Mss. Vatic. 1958. Harl. Bodl. et Puteolan. *Munium Lupercu*. Vitiose Ms. Vatic. 1863. et ed. pr. *munivit Lupercu*.

Fugeret. Male Ms. Bud. *fungeretur*.

Fæminarum ululatu. Ms. Bodl. *fæminarumque ululatu*.

Oppidano certamine. Ms. Vatic. 1958. *oppidanorum certamine*.

Invidiam apud populares. In Mss. Reg. Agr. et ed. pr. *esset invidia apud populares*. Inde tentabat Ryck. *invidiæ*. At potior est vulgata scriptura.

Architur. Bene Rhenan. et recentiores. Male Ms. Reg. et edd. vett. *advehitur.*

CAP. 19. *Acrius exposcerent.* Ms. Agr. *acrius expostularent.*

Ne terreret abeuntes. Bene Mss. vett. et recentiores edd. Male Rhenan. *teneret.*

Cunctaque quæ acciderant. Bene Mss. Flor. Reg. Harl. Bodl. Agr. Puteolan. et recentiores. Rhenan. e Ms. Bud. in quo, *qui cuncta*, emendaverat, *quin cuncta quæ acciderant.*

CAP. 20. *Exponeret.* Ita Mss. Flor. Reg. et ed. pr. Quod quoque Jac. Gronov. probatum. Puteolan. ceterique, *exponerent.*

Lixarumque ignava. Bene Rhenan. et recentiores. Male Mss. et vett. edd. *ignavia:* Gronoviis immerito probatum. In Ms. Harl. sec. m. emendatum, *ignava.*

Circumfundant. Male Ms. Bud. et Rhenan. *circumdant.*

Illi veteres militiæ, in cuneos congregantur. Bene Mss. Vatic. 1864. Flor. Reg. Agr. ed. pr. et recentiores. Male Mss. Harl. Bodl. Jes. et Puteolan. *illi veteris militiæ memores in cuneis congregantur.*

Tenuem nostrorum aciem. Bene Mss. Harl. Bodl. Jes. Agr. edd. vett. et Cl. Lallemand. Rhenan. aliique, *tenuem aciem nostrorum.* Quod durius.

Suis plerique telis. Ms. Corb. et ed. pr. *suis plerumque telis.* Mox Ms. Harl. *interire*, pro *interiere.*

Cetero in itinere. Præp. in, abest a Ms. Corb.

CAP. 21. *Exercitus ductor.* Male Beroald. *doctor.* Ms. Agr. *justi exercitus jam ductor.*

Perfuga Batavus. Bene Mss. Reg. Harl. Corb. ed. pr. et recentiores. Male Puteolan. *perfugus.*

Arbitrium verum. Ita Mss. Flor. Reg. Bodl. Corb. Guelf. ed. pr. et Cl. Ernest. Puteolan. *arbitrum;* ut sup. An. xiii, 14. Sic quoque sup. scriptum in Ms. Bodl. Utrumque Latine dicitur.

Quæ ubi. Male Beroald. *quippe ubi.*

CAP. 22. *Haud procul castris.* Ms. Vatic. 1863. *haud procul a castris.* Ed. pr. *haud procul a muris.*

Ni copiae. Ita Mss. Reg. Harl. Bodl. Jes. Agr. Puteolan. aliique ante Lipsium. Veteris quoque scripturæ vestigia retinet ed. pr. licet corrupte habeat, *vi copiae.* Sine ulla necessitate Lips. emendavit, *ut copiae.* Quod Salinerio Ryckioque jam observatum.

Utramque Rheni ripam. A Ms. Bud. abest, *utramque.* At vocem illam habent alii omnes scripti et editi libri. Immerito ergo illam aut deletam, aut in *utrimque* mutatam, vult Lips.

Veteranarum cohortium. Ms. Corb. *veteranorum cohortium.*

Sylvis lucisque. Ita Ms. Corb. et recentiores edd. In Ms. Reg. et ed. pr. *sylvis lucisve.* Mss. Harl. Bodl. Jes. Guelf. et Puteolan. *sylvis jugisque.* Forte redundat, *lucisque.* Addi potuit in marg. a quodam, qui attendebat ad librum de Mor. Germ. 7. 'Effigies et signa quædam detracta lucis in prælium fuerunt.'

Mixta belli civilis externique facie. Ita Ms. Flor. Pichena et recentiores. In Ms. Corb. et ed. pr. *belli civilis externique mixta facie.* Mss. Bodl. Guelf. et Puteolan. *justa belli civilis externique facie.* Ms. Jes. et Rhenan. *juxta.*

Armatorum Romanorum. Bene Mss. edd. vett. Pichena et recentiores. Rhenan. secutus unum suum Ms. Bud. omiserat, *Romanorum.* Dixit Tac. *Romanorum*, ut a quinque millium armatorum summa excluderet servos, lixas, atque id genus hominum. Quod recte observavit Pichena.

CAP. 23. *Leniter exurgens.* Ita Mss. Flor. Reg. Corb. Agr. et ed. pr. Hac voce jam usus est Tac. Hist. ii, 14. Puteolan. et ceteri, *assurgens.*

Legiones nostras venirent. Mss. Harl. Bodl. Jes. *veniretur.*

Sibi quæque gens consistunt. Ita Mss. et libri editi. Pro *sibi* mallet Rhenan. *simul*; Cl. Ernest. *solli.* Vulgata scriptura, licet a communi dicendi ratione aliquantisper remota, non tamen displicet.

Pinnisque mœnium hærebant. Male Ms. Corb. *primisque mœnium.* Pro *hærebant*, Mss. Reg. Agr. et ed. pr. *pendebant.* Quod probabat Gruterus.

Scandebantque jam quidam. Ita Mss. Flor. Harl. ed. pr. et recentiores. Cop. *que* omisit Puteolan. Omissa quoque fuerat in Ms. Bodl. sed sec. m. fuit addita.

Sed tum. Male Mss. Corb. et Farnes. *sed tamen.*

Adversa quoque. Ms. Corb. *adversa quæque.*

Nec ulla ipsis solertia. Ms. Corb. *illis.* Male Ms. Reg. et ed. pr. *nullam sibi ipsis solertiam.*

Docebant struere materias. Bene Mss. Corb. Guelf. Rhenan. et recentiores. Male Ms. Reg. et ed. pr. *ducebant.* In edd. vett. et Ms. Reg. *machinas.*

In modum pontis. Inter bellica Romanorum machinamenta eminebant turres, quas accurate descripsit Vegetius, iv, 17. 'Turres autem dicuntur machinamenta, ad ædificiorum speciem, ex trabibus tabulatisque compacta: et ne tantum opus hostili concremetur incendio, diligentissime ex crudis coriis vel centonibus communitur. Quibus pro modo altitudinis additur latitudo; nam interdum tricenos pedes per quadrum, interdum quadragenos, vel quinquagenos latæ sunt; proceritas autem ipsarum tanta fit, ut non solum muros, sed etiam turres lapideas altitudine superent. His plures rotæ mechanica arte subduntur, quarum lapsu volubili magnitudo tam ampla moveatur. Præsens autem periculum civitatis est, si ad murum fuerit turris admota: plures enim accipit scalas, ac diverso genere conatur irrumpere. Nam in inferioribus partibus habet arietem, cujus impetus destruit muros: circa mediam vero partem accipit pontem, factum de duabus trabibus, septumque de vimine, quem subito prolatum inter turrim murumque constituunt, et per eum egredientes de machina bellatores in civitatem transeunt, et occupant muros. In superioribus autem turris illius partibus contenti et sagittarii collocantur, qui defensores urbis ex alto, contis, missilibus, saxisque prosternant. Quo facto, civitas capitur sine mora. Quid enim auxilii superest, cum hi qui de murorum altitudine sperabant, repente supra se aspiciunt altiore hostium murum?' Quomodo autem huic discrimini occurreretur, docet Vegetius capitibus sequentibus. Eas quidem machinas, non mechanicæ artis peritia, sed tormentariorum nostrorum organorum ignea vi vicimus.

Sperabantur. Non ita bene Ms. Agr. *spectabantur.*

CAP. 24. *Cognito castrorum obsidio.* Ms. Reg. *cognita castrorum obsidione.*

Lectos e legionibus. Ita Mss. Flor. Corb. Pichena et recentiores. A Mss. Reg. Harl. Bodl. Jes. et edd. vett. abest præp.

Duoetvicesimæ legionis. Bene Mss. Flor. Reg. Bodl. Corb. ed. pr. Rhenan. ac Lips. Mss. Harl. Jes. Puteolan. et recentiores, *duodevicesimæ.* In Ms. Vatic. 1958. *duodevicesimæ:* sed supra scriptum, *duoetvicesimæ.*

Tradit. Ms. Corb. *tradidit.* Quod mallet, cum mox sequatur, *celeraret.*

Ipse pavidus, invalidus corpore. In Mss. Flor. Reg. Corb. Agr. et ed. pr. *ipse navibus, invalidus corpore.* Bene Pichena emendavit, *pavidus.* Puteolan. *ipse pavidus torpere,* omissis, *invalidus corpore.* Frustra tentabat Lips. *ipse pavidus, invalidus, torpere.*

Emissas a Mogontiaco. Ita Mss. Reg. Harl. Jes. In Ms. Bodl. *emissas Magontiaco.* In libris editis, *emissas a Magontiaco.*

Adsciri in societatem. Rhenan. *acciri.*

Interfecto traditore. Ita libri omnes scripti et editi. Suspecta tamen vox, *traditor;* nec ante Tertulliani tempora Latinis auribus audita. Inde Heins. tentabat, *traditove;* i. e. custodiæ, quæ eum ad Imperatorem adduceret, tradito. Potius crediderim, *hostibus tradito.* Dictum sup. An. ii, 66. *tradito Cotye.*

Malo omine. Ms. Reg. et ed. pr. *a malo omine.*

Vocibus instinctos. Ita Mss. Flor. Reg. Agr. ed. pr. Pichena et recentiores. Mss. Harl. Bodl. Jes. et Puteolan. *vocibus insistentes.* In marg. Ms. Harl. additum, *instinctos.*

Flammavere. Ed. pr. et Ms. Agr. sed sec. tantum m. *inflammavere.*

Recitavit. Ms. Corb. *recitaverat.*

CAP. 25. *Bonnam.* Ms. Corb. *in Bonnam.*

Directam . . . aciem. Ms. Reg. et ed. pr. *directa . . . acie.*

Exemplaria. Bene Ms. Reg. et libri omnes editi. In Mss. Flor. Bodl. Jes. Corb. Bud. Guelf. *exemplares.*

Usurpandi juris. Mss. Harl. Bodl. Jes. et Puteolan. addunt, *causa.* Illud autem eleganter omittunt Mss. Flor. Reg. Corb. ed. pr. et recentiores.

Armatae. In Mss. Flor. Reg. Bud. Corb. et ed. pr. *arma.* Quod immerito probavit et edidit Jac. Gronov. *converterunt* intelligens. In Ms. Agr. *arma sumere.* Sed, ut puto, est potius viri eruditi conjectura, quam vetus scriptura.

Optimus quisque. In marg. Ms. Harl. *optimi quique.*

CAP. 26. *Incognita illi cælo.* Ita Ms. Reg. et libri omnes editi. *Illi,* abest a Mss. Harl. Bodl. Jes. Bud. Guelf. Additum est sec. m. in Ms. Harl.

In pace, fors. Mss. Harl. Bodl. Jes. *sors.*

Sextadecima legio. Male Puteolan. et deinde ceteri omnes, *tertiadecima legio.* Emendandum, *sextadecima,* recte vidit Mercer. Bene enim Mss. Reg. Agr. et ed. pr. *xvi. legio.* Sic quoque inf. c. 62. Ms. Flor. *legio xvi.* Ibi quidem, vice versa, Ms. Reg. et ed. pr. habent, *legio tertiadecima.* Ms. Agr. *legio tredecima.* Nam legio tertiadecima erat in Pannonia. Sextadecima autem legio erat in Germa-

nia inferiore, ut vid. est in not. et em. ad Hist. ii, 6. Nec est quod Pichena Mercero objiciat sextadecimanos a Vitellio in Italiam fuisse abductos, teste ipso Tac. Hist. iii, 22. Primani, et quintani, et quintadecimani fuerant quoque abducti, teste Tacito ibid. Passim tamen in hoc Civilis bello memorantur. At hæc gesta ante Cremonense prælium, ut patet ex Hist. iv, 31. Præterea non integræ legiones, sed earum partes mittebantur, quæ etiam supplebantur. Inde manebant legionum nomina. Confer Hist. iii, 22. Hist. iv, 35.

Cui Gelduba. Ita Ms. Reg. ed. pr. et recentiores. A Mss. Harl. Bodl. Jes. abest, *cui*. Illud quoque omisit Puteolan. In Ms. Harl. sec. m. additum est.

Accenderetur. Sic Ms. Flor. ed. pr. Pichena et recentiores. Mss. Harl. Bodl. Jes. et Puteolan. *incenderetur*.

Ductus a Vocula. Bene Mss. Harl. Bodl. Jes. Puteolan. et recentiores. Præp. abest a Mss. Flor. Bud. et ed. pr. Eam quoque omisit Rhenan. In Ms. Agr. *Voculae*.

CAP. 27. *Auctus et Germanorum.* Male Puteolan. *auctus est Germanorum*.

Navem abripiunt. Bene Mss. Harl. Jes. Guelf. Rhenan. et recentiores. In edd. vett. *arripiunt*.

CAP. 28. *Immensis auctibus.* Bene Pichena e Ms. Flor. Sic quoque Ms. Covarruviae. Cf. Ruhnk. ad Vell. Patere. i, 40. In Mss. Vatic. 1958. et Bodl. *actibus*. Supra scriptum autem, *auctibus*. Male Ms. Agr. *laudibus*. Ed. pr. habet quoque, *actibus*. At cum vox illa deesset in Ms. Vatic. 1863. quem inspexit Lips. emendabat, *immensum universa, &c.*

Alia manu... transire jubet. Vel *aliam manum*, vel *transiri*, emendandum videtur, ut Ursino, Faerno et Freinshemio jam observatum. Vulgatam tamen scripturam defendunt Ryck. et Ernest. aut *suos*, aut *duces populorum* intelligendo. Quod non ita probabile.

Quateret. Bene Mss. edd. vett. et recentiores. Male Rhenan. *quaterent*.

Quod gens Germanicæ originis. Bene Mss. Flor. Bud. Pichena et recentiores. In Mss. Bodl. Jes. et Puteolan. *quos genus Germanicæ, &c.* In Mss. Reg. Agr. et edd. pr. *quod Germanicæ originis*.

Romanorum nomen, Agrippinenses vocarentur. Bene Mss. Flor. Reg. Agr. ed. pr. et recentiores. Mss. Harl. Bodl. Jes. et Puteolan. *Romanorum nomine, Agrippinenses vocarent.* *Romanorum nomen*, insititia Grutero videbantur.

Prælium poscentes. Male Mss. Harl. Bodl. Jes. *bellum poscentes*. Additum in marg. Ms. Harl. *prælium*.

Nec finem labori nox attulit. Ita Ms. Reg. ed. pr. et recentiores. Mss. Harl. Bodl. Jes. Guelf. et Puteolan. *ne finem quidem labori nox attulit*. Inde tentabat Jac. Gronov. *ne nox quidem finem labori attulit*.

CAP. 29. *Insignibus effulgens.* Male Ms. Agr. *insignibus armis effulgens*. *Insignibus*, ita usurpatum jam vid. sup. Hist. i, 38. et An. i, 24.

Misceri cuncta. Bene Mss. et edd. vett. Jac. Gronov. et recentiores, *miscere cuncta*.

Acciderat. Ms. Agr. *accideret.*

Tendere arcus. Ita Mss. et libri editi. Frustra tentat Lips. *tendere armis.* Male Acidal. *tendere jactus.* Tendebant arcus adversum Romanos, qui e summis mœnibus ferratas sudes et gravia saxa jaciebant.

Prodesse virtus. *Virtus,* in Ms. Reg. et ed. pr. perperam excidit.

Periculorum gnarus. Sic Rhenan. et recentiores. In Mss. et vett. edd. *ignarus.*

In mœnia egressos. Bene vett. et recentiores edd. In intermediis quibusd. edd. præp. *in* est omissa.

CAP. 30. *Et incussæ trabes.* In marg. Ms. Harl. *et incussis trabibus.*

Præcipuum pavorem. Mss. Reg. Agr. et ed. pr. *præcipuum terrorem.*

Intra castra. *Castra,* abest a Ms. Jes.

CAP. 31. *Alpinus Montanus.* Mss. Harl. Bodl. Jes. et edd. vett. *Alpinus.* Alias habent quoque, *Alpinus.*

Cunctabatur. Male Ms. Jes. *conturbatur.*

Non vultu, neque animo. Ms. Bodl. *non vultu, non animo.*

Conciperent. Ms. Jes. *acciperent.*

CAP. 32. *Suspiciones.* Bene libri editi. In Ms. Bodl. *suspitiones.* In Ms. Vatic. quem Lips. inspexit, *suspectiones.*

Externa armis falsis. Ita Mss. Flor. Reg. Harl. Bodl. Agr. edd. vett. et recentiores. Lips. emendabat, *externa arma falsis.* In Ms. Jes. *extrema armis falsis.*

Laboris recepi. In Ms. Reg. et ed. pr. *laborum.* Ms. Flor. et ed. pr. habent, *recepi.* Ms. Reg. *recipi.* Mss. Harl. Bodl. Jes. et Puteolan. *cepi.*

Quod præmium. Ita Mss. Flor. Reg. Agr. ed. pr. Jac. Gronov. et recentiores. Mss. Harl. Bodl. Jes. et Puteolan. *pretium.* In marg. Ms. Bodl. *præmium.*

Sed molliora. Bene Ms. Flor. ed. pr. et recentiores. Nec aliter Puteolan. et Mss. Harl. Bodl. licet habeant, *molliora.* Mss. Reg. Jes. et Alciatus, *meliora.*

Rediit. Mss. Harl. Bodl. Jes. ed. pr. Puteolan. et Beroald. *redit.*

CAP. 33. *Sororis suæ filio.* Ms. Agr. *sororis suæ viro.* Corrupte Ms. Reg. et ed. pr. *Claudio victores sororis suæ victores ducibus.*

Involavere. Mss. Harl. Bodl. Jes. et Puteolan. *involvere.* In marg. Ms. Harl. *involvere.*

Subsignano milite. Male Ms. Reg. et ed. pr. *subsignato milite.*

Media firmare. Male Ms. Agr. et ed. pr. *mœnia firmare.*

Terga in suos vertit. Omitti *in suos* perperam vult Muretus, quasi in hostes, non in suos, terga verterent. At fugam versus suos direxere, ut recte animadvertit Cl. Ernestus.

Latera nostrorum. Ms. Agr. et ed. pr. *latera nostra.*

Romanis addit animos. *Romanis,* abest a Mss. Flor. Reg. Bud. et ed. pr. In Ms. Harl. *Romanis addidit animos.* Male Ms. Jes. *Romanus addidit, &c.*

Recepere. Male Ms. Agr. *suscepere.* Licet id probet Ryck.

CAP. 34. *Circumiri.* In Mss. Reg. Agr. et ed. pr. *circumveniri.*

Nequisset. Ms. Reg. et ed. pr. *nequivisset.* Mox in ed. pr. *excidissent.*

Eodem impetu potuit. Male Rhenan. *eo impetu.* In Mss. Flor. Agr. et ed. pr. *potuit.* Puteolan. *potuisset.*

Confossus illic. Mallet Freinshem. *illico.* Bene quidem. Sed et *illic*, i. e. eo ipso in loco, dici potest; ut observat Cl. Ernest.

Indici fides. Male Ms. Reg. et ed. pr. *judicii fides.*

Depositis impedimentis. Ita Mss. Flor. Reg. Bud. Agr. ed. pr. Jac. Gronov. et recentiores. Mss. Harl. Bodl. Jes. et Puteolan. *ut depositis impedimentis.*

Adsueverant. Male Puteolan. *asseverant.*

Credita....fama. Ita Mss. et libri editi. Mallet Lips. *dedita*, vel *didita.* Rhenan. *edita....fama.*

CAP. 35. *Qui, ubi rursus missos.* Bene Mss. Flor. Agr. Bud. Pichena et recentiores. *Ubi*, omisere Mss. Harl. Bodl. Jes. et Puteolan. Corrupte Ms. Reg. et ed. pr. *urbi.* Aliis male emendatum, *qui reversus missos.*

Onustis percussisque. Ita Ms. Agr. Ryck. et recentiores. Mss. Flor. Reg. et ed. pr. *periculisque.* Mss. Harl. Bodl. Jes. Guelf. *vehiculisque.* In marg. Ms. Bodl. *pauculis.* Sic quoque Puteolan. ceterique omnes ante Ryck. *pauculisque.* Atque ita vertit Davanzati: *Nel ritorno s'andava a pericolo manifesto, essendo i frumentieri carichi, e pochi.* Contra Ryck. secutus est Cl. Gordon: *It remained no doubt what threatening danger must be incurred in the return, whilst they who carried the grain were loaded, and indeed already dismayed.* Dictum est sup. c. 30. 'pugnatumque est in percussos.'

Addit exercitui. Bene vett. et recentiores edd. In mediis quibusd. edd. *addidit.*

Quinta et quintadecima. Optime Mercerus. Quintadecima enim legio, non vero quartadecima fuit in Germania inferiore. V. sup. Hist. iii, 22. et quæ de legionibus dixerimus in not. et em. ad Hist. ii, 6. Male Mss. Reg. Agr. et ed. pr. *quinta et decima.* Mss. Harl. Bodl. Jes. et Puteolan. *quinta et quartadecima.* At bene inf. c. seq. iidem Mss. Harl. Bodl. Jes. et Puteolan. habent, *quintanorum et quintadecimanorum.* In ed. pr. *quintanorum et quintadecimorum.*

CAP. 36. *Accendebatur.* Male Ms. Agr. *accendebantur.*

Effusi in luxum....cætus, veterem....renovant. Bene Mss. Harl. Bodl. Jes. Rhenan. et recentiores. In ed. pr. *effusus in luxum et epulas, et nocturnos cætus miles, veterem in Hordeonium iram renovavit.* Sic quoque habent Mss. Reg. Agr. et Puteolanus, omisso tantum *miles.* M. sec. additum est in Ms. Agr.

CAP. 37. *Pavidum.* Bene Mss. Flor. Harl. Bodl. Jes. Guelf. Puteolan. et recentiores. In Ms. Reg. et ed. pr. *pavidus.*

Vitellius occidisset. Ita Mss. Flor. Harl. Bodl. Jes. Agr. Guelf. edd. vett. et recentiores. Rhenan. e Ms. Bud. *corruisset.*

Et duodevicesimani. Bene Ms. Bodl. Male Puteolan. ceterique omnes, et *duodevicesimani.* Corrupte Ms. Reg. *primum quartumque et duodevicesima manus.* Ed. pr. et *duodevicesima manus.*

Ex Cactis. Male Ms. Agr. ex *Caucis*. Mss. Bodl. Jes. *Cactis*. Ed. pr. *Cautis*.

Satietate prædæ. Non ita bene Mss. Reg. Agr. et ed. pr. *societate prædæ*.

Nec incruenti. In *via dispersos*. In Mss. Flor. Reg. et ed. pr. *nec incruentari via dispersos*. Mss. Harl. Bodl. Jes. et Puteolan. *nec incruentati*. Ita *dispersos*. Ms. Agr. *nec incruenti*. *Via dispersos*. Merito receptum est, *incruenti*. Suspecta enim *incruentare et incruentati*. In *via*, recte coniecit Lips. quem omnes sunt secuti.

CAP. 38. *Is præerat provinciæ.* Bene Puteolan. et recentiores. In Mss. Flor. Reg. Bud et ed. pr. omissum, *præerat*. Inde frustra coniecit Jac. Gronov. olim scriptum fuisse, *is proc. provinciæ*, i. e. proconsul provinciæ. In Ms. Agr. *is provinciæ præerat*.

Ne victoribus quidem. Male Mss. et vett. edd. *nec*.

CAP. 39. *Januariis.* Ms. Bodl. *Januarii*.

Tertio Juliano. Bene Mss. Guelf. Jes. Rhenan. et recentiores. Male Mss. Flor. Reg. Agr. et edd. vett. *Tito Juliano*. Mox cap. seq. habent, *Tertio*.

Tamquam transgredientem. Ita Mss. Flor. Reg. ed. pr. Pichena et recentiores. Mss. Harl. Bodl. Jes. et Puteolan. *quod transgredientem*.

Præponebatur. Bene Mss. Reg. Harl. Jes. Agr. ed. pr. J. F. Gronov. et recentiores. Ms. Bodl. et Puteolan. *præferebatur*. At in marg. Ms. Bodl. additum, *præponebatur*. Rhenan. *proponebatur*.

Vis penes Mucianum. Bene Lips. et recentiores. In Mss. Bodl. Jes. et edd. vett. *jus penes Mucianum*; solito librariorum errore. Mox erat a Rhenano perperam omissum.

Etiam populus. Ms. Agr. et *populus*.

Cupidine. Ms. Jes. *cupiditate*.

Abolet. Ms. Agr. *adimit*. Mendose ed. pr. *adolet*.

Redit Urbi sua forma. Bene Mss. Harl. Bodl. Jes. Puteolan. et recentiores. Male ed. pr. *redditur sua forma legibus et muniis magistratuum*. Ita quoque Mss. Reg. omisso, *redditur*.

CAP. 40. *Ignotis adhuc moribus.* Mss. Guelf. Jes. *ignotus*.

Dilapsa, noscerent. Bene Ms. Reg. ed. pr. Ernest. et recentiores. Mss. Harl. Bodl. Jes. et Puteolan. *delapsa*.

Neque animus. Bene Mss. Flor. Reg. ed. pr. Lips. et recentiores. Mss. Bodl. Jes. et Puteolan. omisere, *neque*. Sec. m. additum est in Mss. Harl. et Guelf.

Junius Mauricus. Bene Lips. et recentiores. Mss. Flor. Harl. Bodl. Guelf. et Puteolan. *Maricus*. Ms. Agr. et ed. pr. *Martius*.

Tali super re Principem. Male Puteolan. *Princeps*.

CAP. 41. *Sariolenum Voculam.* Bene Mss. Harl. Bodl. Jes. Puteolan. et recentiores. In Ms. Agr. et ed. pr. *Sannolenum*. Ms. Reg. *Sancleium*. At mox Ms. Reg. et ed. pr. *Sariolenum*.

Nonium Actianum. Ita Ms. Reg. Lips. et recentiores. In Mss. Harl. Guelf. et ed. pr. *Novium*. Ms. Agr. *Novum*. Puteolan. *Nonium*.

Scribonios fratres. Bene Mss. Flor. Reg. Agr. ed. pr. Ryck. et

recentiores. Sic jam sup. An. xiii, 48. Mss. Harl. Bodl. Jes. et Puteolan. *Scribonianos*.

Cujus interrogationibus fatigabatur. Ed. pr. *fatigaretur*. Mss. Harl. Bodl. et Puteolan. *cujus fatigabatur interrogationibus*. Ita quoque Ms. Jes. sed habet, *fatigatur*.

CAP. 42. *Vipstanius Messala*. Ryck. et recentiores, *Vipstanus*. Sed de hoc cognomine jam dictum est sup. c. 9.

Orphiti domus. Male Ms. Reg. et ed. pr. *Orfila domus*. Sic quoque sec. m. emendatum in Mss. Vatic. 1958. et Harl. Mss. Bodl. Jes. *Orphitii*, vel *Orphicii*.

Subiisse. Mss. Harl. Bodl. Jes. et Puteolan. *subisse*.

Crassi uxor. *Uxor*, abest a Mss. Reg. Agr. et ed. pr.

Adpetitumque morsu. Ita Mss. Flor. Reg. ed. pr. et recentiores. Cop. *que* omisere Mss. Bodl. Jes. et Puteolan.

Hoc certe. Bene Mss. Flor. Agr. ed. pr. et recentiores. Mss. Harl. Bodl. Jes. et Puteolan. *hæc certe*. Ms. Reg. *certo*.

Nec dignitatem, aut salutem illa sævitia redemisti. Optime Lips. et recentiores. Perperam Mss. Vatic. Reg. Harl. et ed. pr. *nec dignitate hausta litem illam sævitia redemisti*. Mss. Bodl. Jes. et Puteolan. *nec dignitatem aut ista lucem sævitia redemisti*.

Saginitus. Optime Faernus, Scaliger et recentiores. In Mss. et vett. edd. *signatus*. Lips. primum emendaverat, *dignatus*.

Segnitiam. Mss. Corb. Agr. et ed. pr. *segnitiem*.

Quam mores. Ita Mss. et libri omnes editi. Sec. tantum m. Ms. Agr. *quam hoies*, i. e. *quam homines*. Atque ita vertit Davanzati: *Ma gli uomini non vivono, quanto gli esempi*. Longius Cl. Gordon: *But more lasting are the examples of justice and severity, than is the good, but perishing life of any mortal man*. Murphy ita vertit, *but virtue operates slowly, while pernicious examples remain in force, and teach a system of cruelty when the tyrant is no more*. Frustra tentat Lips. *quam amores*, vel *quam auctores*. Minime displicet, immo acutum est, *quam mores*, eo sensu, quem in notis explicavimus; uti jam observatum est Ryck. et Ernest. Nec aliter vertit Coloma: *Pero lo que veo es, que duran mas los exemplos, que las costumbres*.

CAP. 43. *Periculum facessisset*. Ita Ms. Reg. Puteolan. et recentiores. In Mss. Harl. Agr. et ed. pr. *fecisset*. Utrumque Latine dicitur. Jam vid. sup. An. i, 74. 'Clarissimo cuique periculum facessit,' et An. xiii, 35. 'Insonti periculum fecissent.'

CAP. 44. *Cæptatam libertatem*. Sic Mss. Flor. Bodl. Guelf. Puteolan. Pichena et recentiores. In Ms. Jes. *cæptam libertatem*. Ms. Reg. et ed. pr. *captam voluntatem*.

Octavium Sabinum Sagittam. Sic Mss. Flor. Harl. Bodl. Jes. Corb. Guelf. Agr. et edd. vett. In Lips. recentioribusque edd. omisum est, *Sabinum*; sane, quod sup. An. xiii, 44. appelletur tantum *Octavius Sagitta*. In Ms. Reg. deest, *Sagittam*.

Senatorii ordinis. In Ms. Reg. et ed. pr. *senatorio ordine*.

CAP. 45. *Patritius, senator*. Ita Mss. Vatic. 1863. Flor. Reg. ed. pr. Jac. Gronov. et recentiores. In Mss. Vatic. 1958. et Jes. *Patricius*. Mss. Harl. Bodl. *Patritius ordinis senatorum*. Puteolan. *Patricius ordinis senatorii*. In Ms. Agr. *Mallius Patritius*

senator. Frustra Lips. tentat, *Patruinus*; licet in marg. Ms. Vatic. 1958. additum sit, *patri unus*.

Colonia Senensi. Bene Mss. Vatic. 1958. Harl. Bodl. Jes. et Puteolan. habent *Senensi*, et mox inf. *Senensium*. In Ms. Reg. et ed. pr. *Semensi* et *Semensium*. In Mss. Vatic. 1863. Corb. et edd. recentioribus, *Seniensi* et *Seniensium*. Memoratur quidem ap. Grut. p. 372. n. 7.

PLEB. SENIENSIVM.

At oppidum illud Senia, nunc *Segna*, fuit in Dalmatia: vide Plin. iii, 21. Hic vero agitur de colonia *Senensi*, nunc *Sienna*, de qua Plin. iii, 5. 'Intus coloniæ....*Senensis*.' Reperit quidem Harduin. in Mss. Plinii, *Senienses*; at recte edidit, *Senensis*.

Cognita causa. Ita Mss. et libri editi, præter J. F. Gronov. qui edidit, *cognita jussa*. Unde Illustr. Huet. emendabat, *cognito jussu*. At verum est, *cognita causa*. Sic in Digest. libr. xlvii, Tit. 10. 'de Injuriis et famosis libellis.' leg. 17. ex Ulpiano. 'Ait prætor.... causa cognita, ipsi qui injuriam accepisse dicetur, judicium dabo.'

Senensium plebes. Mss. Harl. Jes. *plebs*.

Cyrenensibus. Bene Mss. Harl. Jes. Rhenan. et recentiores. In Ms. Reg. et ed. pr. *Circensibus*. Ms. Bodl. et Puteolan. *Cyrensisibus*. Ms. Agr. *Cretensibus*.

CAP. 46. *Lectus in eandem spem.* Male Ms. Reg. et ed. pr. *lectus eadem specie*. Frustra tentabat Muret. *erectus in eandem spem*. Cl. Ernest. *illectus*, vel *allectus*. Lectus enim e legionibus miles in spem militiæ stipendiorumque prætorianorum. Bene Davanzati, *e li eletti delle legioni ad esser pure Pretoriani*.

Pelli poterant. *Ingressus castra.* Post *PELLI POTERANT*, transposita fuerat una pagina in Mss. et ed. pr. Errorem vidit et emendavit Puteolan.

Et Urbi vicina. Ms. Agr. *Urbique vicina*.

Diduci. Mss. Reg. Agr. et ed. pr. *deduci*.

Separatim adsistere. Male Mss. Flor. Reg. Guelf. et ed. pr. *separati*.

Distrahi cœpere. Ms. Reg. et ed. pr. *incœpere*.

Destinarentur. Ita Rhenan. et recentiores. Mss. Harl. Bodl. et edd. vett. *destinaretur*.

Prensare manipularium pectora. Bene vett. et recentiores editiones. Suffragatur Ms. Reg. licet corrupte habeat, *prensare cum manipularium præterea*. Male Aldus, *cum prehensare manipularium pectora*. Frustra tentat Lips. *prensare commanipulares, pectori, &c.* Aicidal. *prensare commanipularium dextras*.

Cervicibus innecti. Bene Ms. Flor. Lips. et recentiores. In Mss. Reg. Harl. Agr. et ed. pr. *cervicibus injecta*. Puteolan. *injecti*, uti placebat Ryck. Ms. Bodl. *innecti*; quod Rhenano probatum.

Oblatos agros. Ita vett. edd. Pichena et recentiores. Sine necessitate Rhenan. *oblato sibi agros*.

CAP. 47. *Verane pauperie.* *Vera*, excidit in Ms. Reg. et ed. pr.

Pompius Silvanus. Bene Mss. Reg. Harl. Bodl. Jes. et edd. vett.

Male Pichena et recentiores, *Poppæus Silvanus*. Vide sup. not. et em. ad Hist. ii, 86.

Summaque et ima. Optime Ms. Agr. Berneggerus et recentiores. In Mss. Reg. Harl. Bodl. Jes. et edd. vett. *summaque etiam*.

CAP. 48. *Proconsul*. Ita Mss. Bodl. Jes. et edd. vett. Jac. Gronov. e Ms Flor. *proconsule*. Sic quoque fuit pr. m. Mss. Harl. Guelf. Sec. emendatum, *proconsul*.

Supra petiero. Forte, et ex usu Taciti, *repetiero*; uti Mureto aliisque eruditis viris jam observatum.

Beneficiorum numerus. Beneficia et beneficiarios sola jam novit Ecclesia. Quid olim fuerint in militia Romanorum beneficia et beneficiarii paucis explicandum

DE BENEFICIIS ET BENEFICIARIIS.

Beneficia gradus erant militiæ, ad quos milites beneficio Imperatoris, præfecti prætorio, proconsulis, prætoris, proprætorisve, aut tribuni promovebantur. Promoti autem dicebantur *beneficiarii*. Si privilegiis muniebantur, *principales beneficiarii* nominati sunt. Hæc satis innuit Veget. ii, 7. 'Beneficiarii, ab eo appellati, quod promoventur beneficio tribunorum'....et paulo inf. 'Hi sunt milites principales, qui privilegiis muniuntur. Reliqui munifices, quia munia facere coguntur.' Aliter Festus: 'Beneficiarii dicebantur, qui vacabant muneris beneficio; e contrario munifices vocabantur, qui non vacabant; sed munus reipublicæ faciebant.' Porro non tribunorum tantum, sed aliorum quoque magistratuum erant beneficia. Atque ut antiquioribus exemplis supersedeam, ipse Tac. Hist. i, 25. et iv, 48. beneficia præfecti prætorio, proconsulis, legati memorat. Et apud Suet. Tib. 12. videre est Tiberium in suspicionem venisse 'per quosdam beneficii sui centuriones, a comæatu castra repetentes.' Sic quoque in Inscriptionibus veteribus passim occurrunt non modo beneficia, sed spes etiam beneficiorum. Insignis hac de re Inscr. extat ap. Grut. p. 393. n. 5.

C. COELIO. ANICETO. MIL. COH. II. PR. SING
 TRIB. SPE. BENEFICIAR. HVIC. ORDO
 SANCTISSIMVS. DECVR. OB. SPEM
 PROCESSVS. EIVS. HONOREM. DECVR
 RIONATVS. GRATVITVM. OBTVLIT
 QVI. VIXIT. ANN. XXIIII. M. V. D. II
 COELIA. PRIMA. MATER. FILIO
 DVLCISSIMO. SIMVL. NYMPHICVS. VOL
 CEAN. ET. SIBI. FECERVNT

Errant autem, qui existimant beneficiarios dictos fuisse, quod ob tenta prius militiæ vacatione, ad eandem honestis conditionibus invitati redirent. Immo inter ipsa militiæ stipendia conferebantur beneficia, ut patet ex multis inscriptionibus, ac maxime ex veteri lapide, apud eruditum Gori, Inscript. Antiq. Vol. II. p. 358. n. 1.

D. M.

Q. VOLCACIO. Q. F.

CELERI. MILITI
 COH. VIII. PR
 BENEFICIARIO
 TRIBVNI. ATTICI
 MILITAVIT. ANNIS. VII
 VIXIT. ANNIS. XXV

Si *principalium beneficiariorum* monumenta cognoscere volueris, adi Grut. p. 551. n. 3. et Fabret. c. iii, n. 114.

Splendidam fuisse beneficiorum militiam innuit tum Tacitus, cum Hist. i, 25. 'primores militum per beneficia Nymphidii suspectos' refert, tum expresse Valerius Max. iv, 7. n. 5. de L. Petronio, qui 'admodum humili loco natus ad equestrem ordinem, et splendidæ militiæ stipendia, P. Cælii beneficio pervenerat.' Adde Plin. Ep. x, 32. quo teste, Trajanus præceperat, ut Gavius Bassus, præfectus oræ Ponticæ, 'contentus esset beneficiariis decem, equitibus duobus, centurione uno.'

Auctaque pravo certamine. Bene Ms. Agr. ed. pr. Ryck. et recentiores. Male interpunxerat Puteolan. *auctaque. Pravo certamine legatorum jus, &c.* In Mss. Reg. Harl. Bodl. Jes. Guelf. *legatorum vis.*

CAP. 49. *Cupiens.* Male Mss. Harl. Bodl. Jes. Bud. Guelf. *cupido.*

Et adfinitate. Et, habent Mss. Reg. Agr. ed. pr. et Ryck. Mss. Harl. Bodl. Jes. Puteolan. et recentiores, *sed.* Quod non ita convenit. In Ms. Bud. *si.*

Crebris sermonibus. *Crebis*, et mox *ad res novas*, omissa sunt in Ms. Agr.

Alienato. Pessime Ms. Reg. et ed. pr. *alienatam.*

Et in pace suspecta. Præp. *in* habent libri omnes. Recte tamen omitteretur, ut Mureto, Grotio aliisque jam observatum. Pro *suspecta*, male Ms. Reg. *susceptum.* Ed. pr. *suscepit.*

Alæ Petrinæ. Perperam Ms. Reg. *paternæ.* Ed. pr. *peternæ.*

Cecidisse Galerianum. Ms. Bud. *cessisse.* Inde frustra tentat Rhenan. *cæsos esse.*

Unam in audacia. Ms. Jes. *una.*

Ostenderet. Ms. Agr. *ostentaret.*

Læta Pisoni omnia. Bene Acidal. Ernest. et recentiores. In Mss. et vett. edd. *omnia.*

Continuare. Frustra tentat Groslot. *conclamare.* Non conclamavit tantum, sed læta hæc omina magna voce intentisque clamoribus continuavit.

Adstreperent. Ms. Bodl. *obstreperent.*

Indiligentia veri. Optime Rhenan. et recentiores. Male Ms. Reg. et edd. vett. *vir.* Mss. Harl. Bodl. Jes. et Puteolan. *indulgentia.*

Carthaginiensibus. Bene Cl. Lallemand; et ita passim Liv. Plin. alique. In libris ante editis, *Carthaginensibus.*

CAP. 50. *Districtis gladiis.* Ms. Harl. et vett. edd. *districtis.*

Pænos auxiliares, Maurosque. In Ms. Reg. et ed. pr. *Pænos, auxiliaresque Mauros.*

Bebius Massa, e procuratoribus Africa. In Ms. Reg. et ed. pr.

procurator Africæ. Quod certe melius, si unus fuerit procurator Africæ. At forte plures fuere in hac provincia, populi Romani altrice. In Ms. Reg. et ed. pr. omissum, *Massa*.

Ad legionem contendit. Ita Ms. Reg. ed. pr. Ernest. et recentiores. Mss. Harl. Bodl. Jes. et Puteolan. *tendit*.

Cetronium. Ms. Reg. *Secronium.* Ed. pr. *Cecronium*.

Quosdam punit. Ita Mss. Flor. Reg. ed. pr. Rhenanus et recentiores. Mss. Harl. Bodl. Jes. Guelf. et Puteolan. *punit*.

Ocensium. Pessime Ms. Reg. *offensam.* Ed. pr. *offensum.* Ms. Agr. *Aspensium.* Nec melius Mss. Harl. Bodl. Jes. et Puteolan. *Ophensium.* Emendandum, *Ocensium*, duce Plin. v, 5. monuerunt Surita, Lips. Ryck. et Huet. Forte tamen ex nummo, quem edidit Cl. Pellerin, *Second Supplément aux Recueils de Médailles*, p. 48. et 49. corrigendum *Ocensium*.

Arctæ Leptitanis res. Ita Mss. et vett. recentioresque edd. Rhenan. *arla*.

Vastatis agris. Ms. Agr. *vastis*.

CAP. 51. *Hibernum mare adgressi.* Ferretus *mallet, ingressi.* Sed nec peccat, *adgressi*.

CAP. 52. *Ni parens.* Ita Mss. Flor. Reg. Corb. Bud. Agr. Guelf. ed. pr. et Ernest. Mss. Harl. Bodl. Jes. et Puteolan. *ni pater*.

Attollere. Bene Ms. Reg. ed. pr. et recentiores. Mss. Harl. Bodl. Guelf. et Puteolan. *attolleret.* Ms. Jes. *attollerent*.

CAP. 53. *Curam restituendi....confert.* Ms. Corb. *cura.* Forte scriptum fuit olim, *cura....confertur*.

Ab eo contracti. Ms. Corb. *ad ea contracti*.

Auherentur. Male Ms. Jes. *avherent*.

Undecimo Kalendas Julias. Perperam Ms. Jes. *xr. Kal. Jul.* Ceteri libri scripti et editi, *xi. Kal. Jul.* vel *undecimo Kalendas Julias*.

Quis fausta nomina. Ita Mss. Vatic. 1863. Flor. Reg. Corb. ed. pr. et recentiores. In Ms. Bodl. *quibus fausta nomina.* Mss. Harl. Jes. et Puteolan. *quibus fausta omina.* Ms. Agr. *quis fausta omina.* In Mss. Harl. et Jes. superscriptum, *nomina*.

Aqua vivis e fontibus. Bene Jac. Gronov. et recentiores. Sic ap. Liv. i, 45. 'Quin tu ante vivo perfunderis flumine?' Pessime Ms. Reg. *aquaturs e fontibus.* Ms. Flor. *quatrimis e fontibus.* Edd. vett. *quatrimis et fontibus.* Mss. Harl. Bodl. Jes. Guelf. *aqua rivis et fontibus.* Emendaverat Ryck. *agua e vicinis fontibus*.

Perluere. Ms. Corb. *perlueret.* In Mss. Harl. Bodl. Jes. et vett. edd. *pluere.* Mallet erud. Antonius Augustinus, *perpluere.* At melius veriusque, *perluere*.

Plautio Æliano. Male Mss. Vatic. Bodl. Jes. Corb. et edd. vett. *Plauto Heliatio.* Emendatum, postea in libris editis, *Plauto Æliano.* Nondum bene. Vere *Plautio Æliano*, ut habet Cl. Lallemand. Atque ita vertunt Cll. Gordon et Murphy: *preceded by Plautius Ælianus, the Pontiff.* Ms. Harl. habet quoque, *Æliano.* Sic corrigendum jam conjecerat Ryck.; egregiumque hujus viri monumentum protulit. Extat via Tiburtina, ad pontem Luganum, *Ponte Lugano*, ubi villa, tumulusque Plautiorum, Augusti Hadrianique molium æmulus. Quod, cum horum superiorumque temporum res illus-

tret, juvat accuratissimum edere ex Cl. Vulpio, Vetus Latium. Vol. x. Part. prim. p. 340. et Cl. Piranesi, *Antichità Romane*. Tabul. 11. sq.

TI. PLAVTIO. M. F....

SILVANO. AELIANO....

PONTIF. SODALI. AVG....

III. VIR. AAA. F. F. Q. TI. CAESARIS

LEGAT. LEG. V. IN. GERMANIA

PR. VRB. LEGAT. ET. COMIT. CLAUD

CAESARIS. IN. BRITANNIA. CONSVLI

PROCOS. ASIAE. LEGAT. PROPRAET. MOESIAE.

IN. QVA. PLVRA. QVAM. CENTVM. MILL

EX. NVMERO. TRANSDANVVIANOR

AD. PRAESTANDA. TRIBVTA. CVM. CONIVGIB

AC. LIBERIS. ET. PRINCIPIB. AVT. REGIBVS. SVIS

TRANSDVXIT. MOTVM. ORIENTEM. SARMATAR

COMPRESSIT. QVAMVIS. PARTE. MAGNA. EXERCITVS

AD. EXPEDITIONEM. IN. ARMENIAM. MISSET

IGNOTOS. ANTE. AVT. INFENSOS. P. R. REGES. SIGNA

ROMANA. ADORATVROS. IN. RIPAM. QVAM. TVEBATVR

PERDVXIT. REGIBVS. BASTARNARVM. ET

RHOXOLANORVM. FILIOS. DACORVM. FRATR

CAPTOS. AVT. HOSTIBVS. EREPTOS. REMISIT. AB

ALIQLS. EORVM. OPSIDES. ACCEPIT. PER. QVEM. PACEM

PROVINCIAE. ET. CONFIRMAVIT. ET. PROTVLIT

SCYTHARVM. QVOQUE. REGE. MACHERRONENSI

QVAE. EST. VLTRA. BORYSTENEM. OPSIDIONE. SVMMOTO

PRIMVS. EX. EA. PROVINCIA. MAGNO. TRITICI. MODO

ANNONAM. P. R. ADLEVAVIT. HVNC. LEGATVM

IN. HISPANIAM. AD. PRAEFECTVR. VRBIS. REMISSVM

SENATVS. IN. PRAEFECTVRA. TRIUMPHALIBVS

ORNAMENTIS. HONORAVIT. AVCTORE. IMP

CAESARE. AVGVSTO. VESPASIANO. VERBIS. EX. ORATIONE. EIVS.

Q. I. S. S.

MOESIAE. ITA. PRAEFVIT. VT. NON. DEBVERIT. IN

ME. DIFFERRI. HONOR. TRIUMPHALIVM. EIVS

ORNAMENTORVM. NISI. QVOD. LATIOR. EI

CONTIGIT. MORA. TITVLVS. PRAEFECTO. VRBIS

HVNC. IN. EADEM. PRAEFECTVRA. VRBIS. IMP. CAESAR.

AVG. VESPASIANVS. ITERVM. COS. FECIT

Hæc omnia intellectu facillima, si in quarta linea legeris, 'triumvir auro, argento, ære flando, feriundo, quæstor Tiberii Cæsaris:' in linea nonadecima, 'Dacorum fratres:' in linea trigesima prima, Q. I. S. S. I. E. 'quæ infra scripta sunt.' ITERVM. COS. FECIT. I. E. 'iterum consulem feci,' nempe inter suffectos. In linea vigesima prima sculptor mendose scripsit, PER. QVEM. PACEM. pro PER. QVAE. PACEM. Expeditionem autem Armeniacam vid. sup. An. xv, 1, 24 sq. Macherronensis obsidio indicat ultra Borysthenem, hodie *Nieper*, oppidum antiquis scriptoribus nusquam memoratum, quod loca illa Romanis armis raro tentata.

Suovetaurilibus. Bene Lips. et recentiores. Corrupte Mss. Vatic. 1863. Flor. Reg. Agr. et ed. pr. *bovetaurilibus.* Ms. Covarruviae, *bovetauribus.* Mss. Harl. Bodl. Jes. et Puteolan. *bove taurisque.*

Super cespitem. Bene Mss. Flor. Reg. Harl. Jes. Agr. Corb. ed. pr. Rhenan. et recentiores. Ms. Bodl. et Puteolan. *secundum cespitem.*

Sed ut gignuntur. Ms. Flor. et ed. pr. *sed ut signantur.* Ms. Corb. et *ut signanter.* Ms. Agr. *victæ, sed et signanter prædixere haruspices, &c.* Quod Ryck. non displicet. At immerito.

Magnificentia. De Capitolio ejusque magnificentia, antequam civilibus Flavianorum Vitellianorumque bellis conflagraret, diximus sup. in not. et em. ad Hist. iii, 72. De ejus restitutione hic agendum.

DE CAPITOLIO A VESPASIANO ET DOMITIANO PRINCIPIBUS RESTITUTO.

Ubi deferbuit bellorum civilium æstus, resque publica, Vespasiano Principe, acquievit, præcipua omnium cura fuit ut restitueretur Capitolium. Consultum religioni, ut iisdem tertium vestigiis reponeretur: sed, quod unum veteri magnificentia defuit, adjecta ædibus altitudo. Id quoque factum ob grandes columnas, quas memorat Suet. Vespas. 18. In hoc imperii splendore, et cum Vespasianus in religiosos publicosque usus foret munificentissimus, quam magnificus fuerit in ædificando Capitolio facile judicari potest. Ut annuis redditibus templum locupletaretur, jussit Judæos, ubicumque degerent, Jovi Capitolino quotannis solvere didrachma, quod templo Hierosolymitano, antequam everteretur, pendere erant soliti. Joseph. B. J. vii, 6. n. 6. Fuisse in imperio Romano plus quam vices centena millia, seu 2,000,000. Judæorum, qui tributum illud solverent, nemo sane diffitebitur. Fuit ergo vel ex hac una tantum parte annuus templi Capitolini reditus circa librarum sterlingarum 121,000. Paucis annis stetit Capitolium a Vespasiano restitutum. Statim post ejus mortem incendio haustum est. Plut. in Poplicol. p. 105.

Titus in Capitolii restitutionem confestim incubuit, ut videtur ex monumento fratrum Arvalium, apud eruditum Philippum a Turre, Monumenta veteris Antii, p. 95. At, cum præpropere morte fuisset raptus, opus aggressus est frater ejus Domitianus, quartumque Capitolium adificavit. Nihil ædium magnitudini, nihil altitudini addi poterat. Princeps, quo nemo fuit in ædificando sumtuosior, vertit curas, ut regum, reipublicæ, Cæsarumque opera multitudine pretioque ornamentorum superaret. Non modo columnas marmoris Pentelici Athenis advexit: sed in inauratis operibus, quod vel maximas privati unius hominis opes superat, plus quam duodecim millia talentorum, *Angl.* 2,700,000*l.* impendit. *Τούτου δὲ τοῦ καθ' ἡμᾶς τὸς μέγιστον ἐν Ῥώμῃ τῷ ἰδιωτικῶν πλοῦτον ἐκλογισθέντα, τὸ τῆς χρυσώσεως μὴ τελέσαι ἀνάλωμα, πλεόν ἢ δισχιλίων καὶ μυρίων ταλάντων γενόμενον.* Plut. l. c.

Novi equidem RADERO aliisque nonnullis eruditus viris hanc pecuniæ summam visam esse immanem. At pace doctorum illorum virorum dixerim eos neque luxum hujus ætatis, neque prodigientiam Domitiani, neque multitudinem, magnitudinem, pretium inauratorum

operum Capitolinorum satis attendisse. Is erat hujus ætatis luxus, ut in privatis domibus non *laquearia* tantum, sed et *cameræ* et *parietes* ipsi *tamquam vasa* inaurarentur, teste Plin. xxxiii, 3. Talis prodigientia Domitiani, ut omnia aurea gemmeaque vellet, teste Plut. l. c. Quæ autem multitudo operum, cum templi Capitolini *aditus omnes, omnes gradus totaque arca hinc auro, hinc argento* reluceret, teste Plin. in Panegyric. 52? Quæ magnitudo, cum cogitas templum ducentos pedes longum, totidem ferme latum, tectum fuisse inauratis tegulis æreis, quarum postea partem maximam Gizerichus, Vandalorum rex, in Africam asportavit: ejus fastigia quadrigis, colosseis statuis, aliisque plurimis inauratis ornamentis effulsisse, uti adhuc videre est in Domitiani nummis? Quid nunc porticus, quid vestibulum loquar, cum vel ipsæ portæ crassissimis et ponderosissimis obductæ essent laminis aureis, quas a Stilichone, Honorii duce, ablatas memorat Zosimus, lib. v. Οὗτος γὰρ, Στελίων, θύρας ἐν τῇ τῆς Ῥώμης Καπιτωλίου, χρυσίῳ πολλὴν ἔλκοντι σταθμὸν ἡμφιεσμένας, ἀπολεπίσαι προστάξει. Hæc templi extera: majores intus opes. Si, vel in primo templo Capitolino, fictilis Jupiter aureum teneret fulmen quinquaginta pondo *Angl. 2,250l.* quanto plus auri impendit Domitianus, ut Jupiter non modo aureum haberet fulmen, sed ut tota ejus effigies, ejus sceptrum, ejus solium, auro renideret? Quantæ impensæ in Junonis Minervæque cellis! Adde nunc innumera Deorum simulacra: adde inaurata laquearia: adde cetera parietum totiusque templi aurea decora. Hæc si animo comprehenderis, simulque reputaveris quantum in urbe maxima, maximo luxu, exquisitissimisque artibus foret manipretium, nihil esse nimium in pecuniæ summa, quam Plutarchus adsignavit, facile deprehendes.

Neque quis dixerit aurum esse sequax ac ductile, Romanosque artem illud dilatandi novisse. Id certe Romani novere, siquidem auri unciam *in septingenas et quinquagenas, pluresve bracteas, quaternum utroque digitorum* dividebant, teste Plin. xxxiii, 3. At in præcipuis perennibusque operibus, crassioribus utebantur bracteis. Sic inauratum fuerat Fortunæ Prænestinæ simulacrum. Unde Plin. l. c. *Crassissimæ ex his bracteis Prænestinæ vocantur, etiamnum retinentis nomen, Fortunæ inaurato ibi fidelissime simulacro.* Et sane, si Domitianus crassiores illas bracteas non induxisset, numquam eviluisset secundum templum Capitolinum, cujus et tegulæ et laquearia, et alia quamplurima ornamenta erant inaurata, insuper ab Augusto, magnificentissimo Principe, resectum. Eviluerat tamen, nec reperti, nisi senes aliquot, qui illud laudarent, non ob opes, sed vel antiquitatis studio, vel, ut opinor, ob symmetriam columnarum: nam Domitianus, cum crassitiem columnarum marmoris Pentelici imminuisset, nonnihil venustatis addiderat, sed aliquid symmetriæ detraxerat, teste Plut. l. c. Ceterum vilius fuerat secundum templum Capitolinum. Inde Martial. v, 18. 'Esse quid hoc dicam, vivis quod fama negatur, Et sua quod rarus tempora lector amat? Hi sunt invidiæ nimirum, Regule, mores, Præferat antiquos semper ut illa novis: Sic veterem ingrati Pompeii quærimus umbram, Et laudant Catuli Julia templa senes.' Domitiano, qui immensas opes in Capitolio impenderat, ingeniose adulatur idem Poeta, ix, 4. 'Quantum jam superis, Cæsar,

cœloque dedisti, Si repetas, et si creditor esse velis. Grandis in ætherio licet auctio fiat Olympo, Coganturque Dei vendere quidquid habent: Conturbabit Atlas, et non erit uncia tota, Decidat tecum qua pater ipse Deum. Pro Capitolinis quid enim tibi solvere templis, Quid pro Tarpeïæ frondis honore potest? Quid pro culminibus geminis matrona Tonantis? Pallada prætereo: res agit illa tuas. Quid loquar Alciden, Phœbumque, piosque Laonas: Addita quid Latio Flavia templa polo? Expectes et sustineas, Auguste, necesse est: Nam tibi quod solvat, non habet arca Jovis.' His impensis suaque luxurie publicam pauperiem fecerat Domitianus. Liberalitate publicæ paupertati subvenit Trajanus, Princeps optimus. Capitolium quoque ornavit, privata Domitiani luxurie Jovi sacrata. Id celebrat Martial. xii, 15. 'Quidquid Parrhasia nitebat aula, Donatum est oculis, Deisque nostris. Miratur Scythicas virentis auri Flammas Jupiter, et stupet superbus Regis delicias gravesque lusus. Hæc sunt pocula, quæ decent Tonantem: Hæc sunt, quæ Phrygium decent ministrum. Omnes cum Jove nunc sumus beati: At nuper, pudet, ah pudet fateri, Omnes cum Jove pauperes eramus.' Immo Trajanus, tertio suo consulatu, videtur auro solido Jovis, Junonis ac Minervæ statuas fecisse. Quod satis innuit Martial. xi, 5. 'Sacra, Laresque Phrygum, quos Trojæ maluit heres, Quam rapere arsuras Laomedontis opes: Scriptus es æterno nunc primum Jupiter auro, Et soror, et summi filia tota patris: Et qui purpureis jam tertia nomina fastis, Jane, refers Nervæ, vos precor ore pio. Hunc omnes servate ducem, servate senatum: Moribus hic vivat Principis, ille suis.' Nunc vero si templum Jovis Capitolini cum celebratissimis olim templis Beli, Babylone; Jovis, Thebis in Egypto; Dianæ, Ephesi; aut etiam cum templo Hierosolymitano conferamus, templa quidem illa omnia auri specie tum interna, tum externa vicit templum Capitolinum. Vincebatur autem magnitudine. Victum quoque est Hierosolymitani et Babylonici templi opibus. Hierosolymitani satis perspecta omnibus opulencia; de qua adhuc opportunus dicetur in not. et em. ad Hist. v, 8. Opes autem templi Babylonici, earumque pondera, quæ efficiunt circiter *Angl.* 17,000,000*l.* singulatim recenset Diod. Sic. ii, 9, p. 70. Nec mirum tantas fuisse opes in templo Babylonico, cum Cyrus, Persarum rex, capta Babylone, devicta Asia, teste Plin. xxxiii, 3. 'quingenta millia talentorum argenti reportaverit, et craterem Semiramidis, cujus pondus quindecim talenta colligebat:' quæ duo efficiunt *Angl.* 109,000,000*l.* Hac nostra ætate alter Persarum rex, *Thamas-Kouli-Kan*, Mogolicas opes potitus, reportavit, minima quidem æstimatione, *roupiarum* argenti centum undecim *Kiurours*, ut loquuntur: quod efficit *Angl.* 105,000,000*l.* Immo alii, et ipse Cl. Voulton, tunc medicus Imperatoris Mogolici *Muhammed-cha*, scripsere a *Thamas-Kouli-Kan* reportatos esse trecentos *Kiurouros*, *Angl.* 282,000,000*l.* Quod inflatius scriptum puto.

De Jovis Thebani, Ephesiæque Dianæ templorum opibus non ita compertum. Notæ vero eorum magnitudo et magnificentia, quibus templo Capitolino antecellebant. De Dianæ templo vide Plin. xxxvi, 14. Thebis autem manent adhuc templi Jovis rudera, quæ exhibet Cl. Pococke, *Description of the East*. Vol. i, p. 92. tabul. xxviii. Ex his ruderibus constat templum illud habuisse longitudine plus quam

mille et quadringentos pedes, latitudine trecentos quinquaginta: ambitum vero fuisse trium millium et quingentorum pedum.

Inter tanta templorum decora, nihil habet ætas nostra quod invideat. Summorum Pontificum studio pietateque factum, ut, religione victores, templi quoque majestate vinceremus. His omnibus templis præstat divi Petri in Vaticano templum, maximum artis miraculum, omnibus retro seculis inauditum. Tanta autem est ejus amplitudo, ut, cum peristylío ædibus appposito pateat mille sexcentos pedes longitudine, ambitu quatuor millia pedum colligat.

CAP. 54. *Vel externum.* Ita Mss. Flor. Reg. Harl. Bodl. Jes. Agr. Guelf. edd. vett. et recentiores. Rhenan. ac Lips. omisere, *vel.*

Finem imperio. Sic Mss. Flor. Reg. Agr. ed. pr. Ryck. et recentiores. Mss. Harl. Bodl. et Puteolan. *finem imperii.* Ms. Jes. *imperii finem.*

Crederent. Bene Mss. et vett. recentioresque edd. In intermediis, *crederetur.*

Bellorum Civilium. *Civilium* abest ab ed. pr.

Et interna mala. Male ed. pr. *et intervalla.*

CAP. 55. *Nihil prorupit.* Ms. Agr. *erupit.*

Ante alios. Ita Mss. Vatic. 1863. Flor. Reg. Agr. Covarruviae, ed. pr. Pichena et recentiores. Mss. Harl. Bodl. Jes. et Puteolan. *anteibat alios.* Jam dictum sup. An. i, 27. 'Maxime infensi Cn. Lentulo, quod is ante alios ætate et gloria belli.'

Ipse e majoribus. Ita ed. pr. Lips. et recentiores. Mss. Harl. Bodl. et Puteolan. *is se e majoribus suis, hostis, &c.* Ms. Jes. *is se e moribus suis, &c.* Mallent Mercerus et Pichena, *ipse e majoribus suis hostes populi Romani, quam socios, jactabat.* Forte tamen non ita peccat vulgata scriptura. Nempe ipse, ob majores suos, se hostem potius populi Romani, quam socium jactabat. *Hostis et socius* sunt quoque in Mss. Reg. et Guelf.

Hic Lingon. Ita Puteolan. et recentiores. Nec variant Mss. Harl. Bodl. Jes. et sæpe in iis Historiarum libris memorantur, *Lingones.* Habet tamen Ms. Flor. *Lingonus.* Mss. Reg. Agr. et ed. pr. *Lingonius.* Forte Romani dixere, *Lingonus.* Sic enim de Gallo quodam Lingono Martial. viii, 75, 'Dum repetit sera conductos nocte penates Lingonus a recta Flaminiaque recens: Expulit offenso vitiatum pollice talum, Et jacuit toto corpore fusus humi. Quid faceret Gallus, qua se ratione moveret? Ingenti domino servulus unus erat, &c.'

Hi secretis. Bene edd. vett. et recentiores. In Ms. Bodl. et intermediis edd. *his.*

Scrutari. Tentat Pichena, *scrutati.* Quod certe vitiosum non foret. Sed nec peccat vulgata scriptura.

Obstrinxere. Ed. pr. *astrinxere.* Perperam in marg. Ms. Bodl. *obstringere.*

In domum. Præp. *in,* abest a Ms. Jes. Addita est sec. m. in Ms. Harl.

Cum maxime. Ita Rhenan. et recentiores. Mss. Reg. Harl. Bodl. Jes. et Puteolan. *tum maxime.* Ed. pr. *tamen maxime.*

Detineri. Sic Ms. Reg. ed. pr. et Ernest. Mss. Harl. Bodl. Guelf. et Rhenan. *distineri.* Puteolan. *destineri.* Male Ms. Jes. *destinari.*

Dispecturas. Bene recentiores. In Mss. et vett. edd. *despecturas*. Ms. Reg. et ed. pr. *alias despecturas*. Ms. Agr. *altius despecturas*. Redundant *alias* et *altius*.

CAP. 56. *Pertinaciam accenderent.* Bene Mss. Flor. Reg. Agr. ed. pr. Ernest. et recentiores. Mss. Harl. Bodl. Jes. et Puteolan. *pertinacia accenderentur*.

Consilii forma. Ita Ms. Reg. ed. pr. Ernest. et recentiores. Mss. Harl. Bodl. Jes. et Puteolan. *concilii*. Sic quoque vertit Davanzati: *Così conchiuse la prima dieta*. At Cl. Gordon: *This was the substance of their first consultation*.

Concitores belli. Ms. Jes. *concitatores*.

Infidis. Ms. Reg. et ed. pr. *invidis*.

Optimum. Ms. Agr. et ed. pr. *opportunum*.

Mutua dissimulatione. Ms. Bodl. *discordia*. At in marg. habet, *dissimulatione*.

Artibus grassari. Ita Ms. Agr. Puteolan. et recentiores. Nec variant Mss. Harl. Bodl. Jes. A Mss. Flor. Reg. et ed. pr. abest, *artibus*. Quod quidem probabat Jac. Gronov. ne *artes* de iis fraudibus dicerentur. At *artes* eo sensu a Livio Sallustioque usurpatis fuisse merito observat Cl. Ernest.

Extra conventum amandatum. Bene Ms. Agr. Rhenanus et recentiores, *conventum*. In Ms. Reg. et edd. vett. *commentum*. Ms. Flor. *contum*. Mss. Harl. Jes. *continentem amnem*. Ms. Bodl. *commentum amnem*; et in margine, *continentem* pro *commentum*. Inde tentabat Boxhorn. *extra continentem amandatum*. At melius, *conventum*. Amandatus enim fuerat extra conventum Batavorum, et in Frisios avectus, ut dictum est sup. Hist. iv, 18. Tanto melius autem dicitur conventus, quod plures convenirent populi, Batavi, Canninefates, Marsaci. Sic ap. Plin. iii, 3. et v, 29. multi populorum conventus celebrantur. *Amandatum* habent Mss. Agr. Bodl. Puteolaa. et recentiores. In Ms. Reg. et ed. pr. *emendatum*. Ita quoque Mss. Harl. et Jes. in marg.

Betasiorum. Bene Mss. Harl. Bodl. Jes. et Puteolan. In Ms. Reg. et ed. pr. *Becasiorum*. Ms. Guelf. *Bertasiorum*. Alii, *Bethasiorum*. Plin. quidem, iv, 17. memorantur, *Betasi*. At iidem in Inscr. veteri appellantur CIVES BETASII. Eorum memoria manet adhuc in vico *Bets*, teste Bucherio; Belgium Romanum, p. 184.

CAP. 57. *Numina.* Bene Rhenan. et recentiores. In Ms. Reg. et ed. pr. *nomina*. Ms. Bodl. et Puteolan. *omina*. Mss. Harl. Jes. *omnia*. In marg. Ms. Harl. *omina*.

CAP. 58. *Hostium ut finem.* Ita libri omnes scripti et editi. Male tentat Lips. *portum et finem*. Id enim minime Cornelianum est. Ita tamen vertit Cl. Davanzati: *Io odo volentieri che si cerca la morte mia, la quale in tali mali aspetto per porto a uscire d'affanni*. Nec felicius coniciebat idem Lips. *honestam ut finem*. Pichena, *hodie ut finem*. J. F. Gronov. *otium et finem*. Triller. *ostium et finem*, quia, inquit, juxta Stoicos mors ostium est felicitatis et finis miseriarum. Cl. Ernest. existimat *hostium* redundare, tractumque fuisse ex proximo, *jus hostium*. At retineri potest, ut in Notis explicavimus. Nec displicuit Cl. Gordon, qui vertit, *many calamities from our enemies*.

Adeo nos. Mss. Harl. Agr. et Ryck. *adeo vos.* Ceteri omnes, *adeo nos.* Paulo vividior erit oratio, si *vos* legatur.

Virtusque. Hæc absunt a Ms. Bud.

Praeptaverint. Ita vett. et recentiores edd. In intermediis, *praeptaverunt.*

Cum maxime. Ita Ms. Reg. ed. pr. Rhenan. et recentiores. Ms. Bodl. et Puteolan. *nunc maxime.* Mss. Harl. Jes. Guelf. *quor,* vel *cur nunc maxime.*

Suffecit. Bene Lipsius, Pichena et recentiores. Male in Mss. et vett. edd. *sufficit.* Jam enim acceperant donativum.

Sane ego. Ms. Reg. et ed. pr. *sin ego.* Puteolan. ac ceteri omnes, *sane.* Nec variant Mss. Harl. Bodl. Jes.

Centurio denique, aut miles. Ita edd. vett. et recentiores. Ms. Reg. et miles. Mss. Harl. Bodl. Jes. Guelf. et Rhenan. *centurioque aut miles.* Sensus autem est: sunt alii legati, tribuni, centurio denique, aut etiam miles, ex quibus ducem eligere potestis.

Toto terrarum orbe. *Toto* displicet Cl. Ernesto. Mallet, *tantum.* Melius, *toto.*

An si. Ms. Bodl. *aut si.* Mss. Harl. Jes. *at si.* Recte emendatum in Ms. Harl. *an si.*

Tutori Trevero. In Ms. Flor. *Tutorin'.* Ms. Reg. *Tutor in Treviros.* Ed. pr. *Tutor in Treviro.* Inde scriptum olim, *Tutorine Trevero,* vult Jac. Gronov. In Mss. Harl. Bodl. Jes. *Tutori Treviro.*

Octingentos et viginti. Male Ms. Guelf. *ducentos et xx.*

Si vobis non fuit cordi. A Ms. Bud. aberat, *cordi.* Inde emendavit ediditque Rhenan. *si vobis non fuit,* i. e. licuit. Quod merito reprehendit Lips. Tacitus imitatur Liv. ix, 8. 'Vos, Dii immortales, precor quæsoque, si vobis non fuit cordi Sp. Postumium, T. Veturium consules, cum Samnitibus prospere bellum gerere: at vos satis habeat, vidisse nos sub jugum missos.'

CAP. 59. *Flagitium navaverat.* Sic inf. Hist. v, 25. 'Si Vespasiano bellum navaverint.' Sic quoque Tullius, Ep. ad Fam. vi, 1. 'Nemo est tam afflictus, qui, si nihil aliud studeat, nisi id quod agit, non possit navare aliquid, et efficere.' Idem Ep. ix, 2. 'In literis, et libris, ut doctissimi veteres fecerunt, navare rempublicam, et de moribus, ac legibus quærere.'

Occisis Mogontiæci tribunis. Male Ms. Reg. et ed. pr. *occisi Maguntiaci tribuni.*

CAP. 60. *Pactus prædam.* Mss. Bodl. Jes. *præda.*

Ac qui ipsos leves. Ita Rhenan. Ernest. et recentiores. Ms. Agr. et Ryck. *et qui.* Mss. Flor. Reg. et ed. pr. *at qui:* unde Pichena emendavit, *atque ipsos.* Mss. Harl. Bodl. Jes. Guelf. et Puteolan. *aut qui.* *Leves* Ryck. et Ernest. intelligunt de custodibus levis armaturæ. Quod sic explicari vix patitur Latinitas. *Leves* dicuntur, quod prius fuerant spoliati. Ita vertit Davanzati: *E con essi manda gente che ritenga i danari, ragazzi, è salmeria è gli accompagni à irsene svaligiati.* Nec aliter Cl. Gordon, *Then assigned guards to detain and secure the money, slaves, and baggage, with others for a convoy to the men, who were departing thus divested of all.* Murphy ita, *A band of soldiers was, accordingly, sent to guard the money, the slaves,*

the victuallers, and the baggage. The legions marched out destitute of every thing, with a strong party to escort them.

CAP. 61. *Propexum.* Bene Mss. Harl. Bodl. Jes. Puteolan. et recentiores. In Ms. Reg. et ed. pr. *perpexum.* Ms. Agr. *perplexum.* *Arbitrantur Deas.* Ita Ms. Reg. ed. pr. et recentiores. Mss. Harl. Jes. et Puteolan. *arbitrentur.*

Veledæ. Sic Mss. Flor. Agr. et edd. recentiores. Mss. Harl. Bodl. Jes. et Puteolan. *Velledæ.* Mendose Ms. Reg. et ed. pr. *Tede.* Sed mox inf. c. 65. in Ms. Reg. *Veledam;* quam quoque Dio lxxvii, p. 761. appellat τὴν Βελήδαν.

CAP. 62. *Legio sextadecima.* Bene Ms. Flor. Male ceteri Mss. librique editi, *legio xiii.* vel *legio tertiadecima.* Vide jam notata sup. c. 26.

Inhonora signa. Optime Victorius, Lips. et recentiores. Mss. Flor. Reg. in *hora signa.* Ms. Agr. et ed. pr. in *ora.* Mss. Harl. Bodl. Jes. et Puteolan. *innexa signa.* Frustra Jac. Gronov. e Ms. Flor. tentat, *viliora signa.*

CAP. 63. *Sævitia ingenii.* Bene Lips. Pichena et recentiores. In Mss. Flor. Reg. Harl. Bodl. Jes. et edd. vett. *sævitia ingenti.* Rhenan. emendaverat, *ingenita.*

CAP. 64. *Et præcipuo.* Ita Mss. Flor. Agr. Corb. ed. pr. Ryck. et recentiores. Mss. Harl. Bodl. Jes. et Puteolan. *sed præcipuo.*

Ac terras. Ms. Corb. *ac terram.* Ed. pr. *et terram.*

Rata sit. Bene Mss. Reg. Agr. ed. pr. Ernest. et recentiores. Mss. Harl. Bodl. Jes. et Puteolan. *rata sint.*

Etiam fera. Mss. Harl. Jes. *et fera.*

Clausæ teneas. Ita Mss. Harl. Bodl. Jes. Corb. Puteolan. et recentiores. In Ms. Reg. et ed. pr. *clausa tenetis.* In Ms. Corb. *inclusa.*

Lucem diemque. Sic Mss. Flor. Harl. Bodl. Jes. Agr. Puteolan. Pichena et recentiores. Pariter Plin. in Panegyric. c. 45. 'Bonos autem otio, aut situ abstrusos, et quasi sepultos, non nisi delationibus et periculis in lucem ac diem proferebant.' Mss. Vatic. 1863. Reg. ed. pr. et Lips. *lucem noctemque.*

Abruptis voluptatibus. Bene Mss. Harl. Bodl. Jes. Guelf. Agr. Corb. Lips. et recentiores. Male Ms. Reg. et ed. pr. *voluntatibus.* Puteolan. *vectigalibus.*

Imperitabitis. Ms. Corb. *imperabitis.*

CAP. 65. *Metus futuri.* Bene Mss. Reg. Corb. ed. pr. et recentiores. Mss. Harl. Bodl. Jes. Guelf. et Puteolan. *metu.*

Cum maxime. Bene Ms. Reg. ed. pr. et recentiores. Mss. Bodl. Jes. et Puteolan. *tum maxime.* Ms. Corb. *cum maximis.*

Deductis olim. Ita Mss. et vett. recentioresque edd. In intermediis quibusd. *eductis.*

Sint transitus. Mss. Harl. Bodl. Jes. *sunt.*

In vetustatem consuetudine. Bene Mss. Flor. Agr. Reg. Farnes. Lips. et recentiores. Male Ms. Corb. et ed. pr. in *vetustatem consuetudinem.* In Mss. Harl. Bodl. Jes. in *vetustate et consuetudine.* Puteolan. in *vetustatem et consuetudinem.* Sic quoque Ms. Harl. pr. m. Mox *vertuntur* habent Ms. Reg. et ed. pr.

Adloquique. Ms. Corb. *Colloquique.*

Edita in turre. In Mss. Reg. et ed. pr. *edita intrare.* Inde sane emendatum in Ms. Agr. *adyta intrare.* At melius ceteri libri, *edita in turre.*

CAP. 66. *Sunicis.* Ita Mss. Harl. Bodl. Jes. Puteolan. et recentiores. Ita quoque Ms. Flor. sed alterum *n* superscriptum, quasi legendum, *Sunnicis.* Plin. iv, 17. dicuntur, *Sunuci.* Corrupte Ms. Reg. *summis.* Ed. pr. *sumas.*

Transnatantes. Sic Ms. Corb. ed. pr. et recentiores. Mss. Harl. Bodl. Jes. et Puteolan. *tranantes.* Additum in marg. Ms. Bodl. *tranatantes.*

Non ideo, inquit. Mss. Bodl. Jes. *nondum, inquit.*

Ac Juvenalis. Ms. Corb. *atque.*

Ingens rerum. Bene Mss. Jes. Guelf. et edd. recentiores. Ms. Bodl. et Puteolan. *vigens rerum.* In Mss. Reg. Agr. et ed. pr. *ingens rerum tumultus.* *Tumultus* quoque sec. m. additum in Ms. Guelf. Inde Heins. conjiciebat, *ingens rerum cumulus*; ut dictum est sup. Hist. ii, 24. 'cumulus prosperis.' At plus vigoris ac sensus, si *ingens rerum* retineatur.

CAP. 67. *Projectis fœderis Romani monumentis.* Male tentat Lips. *prolectus*, vel *prolatis Romani generis monumentis.* Quasi Jul. Sabinus, proavia sua et divo Julio, ut dictum est sup. c. 55. superbus, se Cæsarem appellaret.

Festinatum temere prælium. Ita Ms. Corb. et edd. recentiores. Mss. Harl. Bodl. Jes. et Puteolan. *bellum.* In ed. pr. *festinatur temere.* Omisit, *prælium*, aut *bellum.*

Interiisse. Mss. Harl. Jes. *interisse.* In Ms. Corb. *creditus interiisse.*

Et insigne Eponinæ. Et a Cl. Ernesto omissum. *Epponinæ* habent Mss. Harl. Bodl. Puteolanus et recentiores. In Mss. Reg. Jes. Agr. et ed. pr. *Eponinæ.* Plut. p. 770. in Ἐρωτικῇ eam appellat Ἐμπονήν.

CAP. 68. *Ne, quamquam egregii duces....tolerarent.* Optime Mercerus, Pichena et recentiores. Perperani Mss. et vet. edd. *nequaquam egregii duces....tolerare.* Frustra conjiciebat vir erud. in editione Gryphii: *nec, quamquam egregii duces....poterant tolerare.*

Arretinum Clementem. Ita Mss. Flor. Harl. Bodl. Jes. Agr. Puteolan. et recentiores. In Mss. Reg. Corb. *Arrentinum.* Ed. pr. *Arentinum.* Ursinus ex vet. Inscrip. quæ extat ap. Grut. p. 104. n. 6.

PERMISSU. M. ARRICINI. CLEMENTIS.

emendabat *Arricinum Clementem.* At minime constat Arricinum hunc Clementem eundem esse, atque Arretinum Clementem, quem quoque memorat Suet. Domit. 11. 'Arretinum Clementem consularem virum, e familiaribus et emissariis suis, capitis condemnaturus, in eadem, vel etiam in majore gratia habuit.' Quomodo autem Arretinus Clemens domui Vespasiani per affinitatem innecti potuerit, dixi in not. et em. ad Hist. i, 46. Vide ibi Stem. Flaviorum, n. 7.

Quamquam senatorii. Bene Mss. Flor. Harl. Bodl. Jes. Corb. Agr. Puteolan. et recentiores. In Ms. Reg. et ed. pr. *tamquam.*

Sexta et octava. Recte erud. Savil. Pichena et recentiores. Idque patet ex Hist. ii, 83 et 85. *Sexta* autem habetur in Mss. Vatic. 1958. Harl. Bodl. Jes. Guelf. Sic quoque Puteolan. Male Ms. Flor. *xi.* i. e. undecima. Ms. Agr. *tertiadecima.* *Octava* est in Mss. Vatic. 1864. Flor. Agr. Corb. Perperam Mss. Vatic. 1958. Harl. Bodl. Jes. Guelf. *xxviii.* i. e. *duodevicesima.* Pessime pro utroque numero Mss. Vatic. 1863. Reg. et ed. pr. *xxviii.*

Cottianisque Alpibus. Male Ms. Reg. et ed. pr. *Cocianis.* Mss. Harl. Bodl. Jes. et Puteolan. *Coctianis.* De Cottianis Alpibus v. Plin. iii, 20.

Quartadecima legio. *Legio* abest a Ms. Corb.

Sexta ac decima. Optime erud. Savil. Pichena et recentiores. *Sexta* etiam legitur in Ms. Flor. Perperam alii Mss. et vett. edd. *iii.* vel *tertia.* Pro *decima*, Mss. et edd. vett. habent, *prima.* Sed mendose, ut patet ex Hist. v, 19. Vide quoque not. et em. ad Hist. ii, 6. ubi dictum satis de legionibus.

Ex Hispania. Ms. Corb. *de Hispania.*

Instinctore. Ms. Corb. *instructore.*

CAP. 69. *Julius Auspex.* Ms. Reg. *Julius haruspex.* Sed mox habet, *Auspicis.*

Et Valentini. Ms. Jes. *ut Valentini.*

Obstitisse. Ita Mss. et vett. recentioresque edd. Rhenan. *obstitisse.*

Steterant. Ms. Corb. *steterunt.*

Jus auspiciumque. Bene Mss. Flor. Harl. Bodl. Bud. Agr. Guelf. ed. pr. Rhenan. et recentiores. Ms. Jes. et Puteolanus, *vis auspiciumque.*

Per jurgia jactantibus. Optime sic emendavit Paulus Manutius, quem Lips. ceterique sunt secuti, præter Ryck. qui e suo Ms. Agr. edidit, *pro jure jactantibus.* Id quoque laudabat Lips. ex Romano libro; quo nomine vulgo indigitat editionem principem. At in ea non legitur, *pro jure*, sed, *perjuria*; uti habent etiam Mss. Flor. Reg. Corb. Mss. Harl. Bodl. Jes. et Puteolan. *perjuriaque*: quod immerito probant Superantius et Salinerius, quasi sua *perjuria*, et suas a Romanis defectiones jactaverint. Laudantque Classicum, qui se hostem populi Romani potius, quam socium jactabat, ut vid. sup. c. 55.

CAP. 70. *Cæracatium.* Ita Ms. Flor. In Ms. Corb. *Ceracatium.* Ms. Bud. *Ceracatium.* Ms. Agr. et ed. pr. *Ceratacium*: mox inf. *Ceracatibus.* Ms. Reg. *Ceratacum*; et mox, *Ceracatibus.* Mss. Harl. Bodl. Jes. et Puteolan. *Caracates.* Suprascriptum in Ms. Harl. *Ceracates*, et inf. *Ceracatibus.* In tanta varietate, potior est auctoritas Ms. Flor. Sicque jam edidit Cl. Lallemand. *Cæracates* autem eosdem esse ac *Cærasos*, de quibus agit Jul. Cæsar. Bell. Gall. ii, 4. opinatur Ryck. At diversas regiones incolebant, ut patet ex Cæsaris Tacitique narratione. Cluverius, Germania Antiqua, ii, 12. putat a librariis erratum fuisse in nomine, et pro *Cæracatium* et *Cæracatibus* emendandum *Nemetum* et *Nemetibus*: cujus quidem opinioni faverunt erud. viri Bucherius, Belgium Romanum, v, 12. et Schœpflinus, Alsatia Illustrata, Vol. i. p. 367. Hæc tamen sententia a vetere scriptura nimis recedit, ideoque Cellario minus probata. Absurde autem divinabat Jac. Gronov. *Tabernatium* et

Tabernatibus. At cum non memoretur populis, qui Mogontiacum tractumque Mogontinum occupavit, verisimillimum est populum illum fuisse Cæracates. Atque in ea sententia sunt Cl. Danville, *Notice de la Gaule*, p. 198. et Wastelain, *Description de la Gaule Belgique*, p. 116.

Delectu auctas. Ita Mss. Flor. Corb. ed. pr. Pichena et recentiores. Mss. Harl. Bodl. Jes. et Puteolan. *lectu auctas.* Sec. m. in Ms. Harl. *delectu.*

Exercitusque Romanus propinquabant. Ita Mss. Reg. Harl. Bodl. Jes. Agr. Guelf. ed. pr. Ryck. et recentiores. Compendiose in Ms. Flor. *Roman.* Ex hoc, aut simili, compendio Rhenan. edidit, *Romani.* In Mss. Harl. Jes. *propinquabat.*

Navae fluminis. Bene Rhenan. et recentiores. In Mss. et vett. edd. *navas*, aut *naves*, aliudve corruptius.

Plebes. Mss. Harl. Jes. Corb. *plebs.*

Perfugerunt. Ms. Corb. *perfugere.*

Se ipsas. Ita libri omnes scripti et editi. Mallet tamen Cl. Ernest. *se ipsæ.* Et sane sic vulgo scriptores, atque ipse Tacitus.

CAP. 71. *Tertiis castris.* Ms. Corb. *ternis castris.*

Rigodulum. Ita Mss. Bodl. Jes. Puteolan. et recentiores. In Ms. Vatic. 1863. *Ridogulum.* In Mss. Reg. Agr. Corb. et ed. pr. *Rigodolum.* In diplomate Dagoberti I, apud P. Bertholet, *Histoire de Luxembourg*, Vol. i. p. 22. *Regiodola.*

Aut Mosella. Ita Mss. Flor. Bodl. Corb. Rhenan. Jac. Gronov. et recentiores. In Mss. Reg. Harl. et edd. vett. *et Mosella.* Ms. Guelf. *ac Mosella.*

In ascensu. Male Ms. Guelf. et Puteolan. *assensu.* In abest a Ms. Corb.

Ventum in manus. Ita Mss. Flor. Reg. Corb. Agr. ed. pr. et recentiores. Mss. Harl. Bodl. Jes. et Puteolan. *ad manus.* In Ms. Bodl. sec. m. emendatum, *in.*

Ruinæ modo. Mss. Agr. Corb. *ruinæ more.*

CAP. 72. *Adtulerit.* Ms. Corb. *adtulerat.*

Redigeretur præda. Ita Mss. Reg. Corb. Bud. Agr. ed. pr. Pichena et recentiores. In Ms. Flor. *redigetur.* Mss. Harl. Bodl. Jes. Guelf. et Puteolan. *redigeret prædam.*

A metu infamiæ. Ita Mss. Flor. Reg. Bodl. Jes. Guelf. edd. vett. et Cl. Ernestus. *A metu*, i. e. ob metum. Sic Liv. i, 31. 'abeodem prodigio,' pro, ob id prodigium; et xxvi, 1. 'ab ira,' pro, ob iram: sic sæpe alias. Præp. a omisit Lips.; abest quoque a Mss. Corb. et Agr.

Civium bello. Sic Mss. Flor. Reg. Bud. Agr. ed. pr. et Cl. Ernest. ac recentiores. Mss. Harl. Bodl. Jes. et Puteolan. *civili bello.*

Mæstæ. Ms. Agr. *mæsti.*

Qui vocem precesque. Ita scripti et editi libri. At *qui* omisum vellet Muretus. Mureto assentitur Cl. Ernest. Acidal. tentabat, *quia.* Aliter interpungit Ryck. *obstupefecerat, attonitis etiam victoribus: qui vocem precesque, &c.* Ita ut *qui* non ad victores, sed ad milites conscientia flagitii mæstos referatur. Davanzati aliique optimi interpretes obvio sensu recte accepere. Nempe ipsi victores at-

toniti vocem precesque non audebant, sed lacrymis tantum ac silentio veniam posebant, ut Cerealis legionibus ignosceret.

Fato acta. Mallet Cl. Ernest. *fato facta.* Quod passim in vett. scriptt. *fato fieri, fato factum.*

Ducumque. Ita Mss. Flor. Corb. ed. pr. Pichena et recentiores. Mss. Harl. Bodl. Jes. et Puteolan. *ducumve.*

Primum illum. Bene Mss. Reg. Corb. Guelf. ed. pr. Rhenan. et recentiores. Nec variant Mss. Harl. Bodl. Jes. Puteolan. tamen, *illorum.*

CAP. 73. *Sed quia.* Corrupte ed. pr. *quæ.* Ms. Corb. *quoniam.*

Ac mala. Ms. Corb. *atque mala.*

Teutonisque. Ms. Reg. et ed. pr. *Teutonesque.*

Satis clarum. In Mss. Vatic. 1863. Reg. Agr. et ed. pr. *satis claret.* Verbum poeticum, quo Lucretius aliique usi sunt; et quo forte nec ipse Tacitus abstinuit.

Transrhenanis gentibus. *Gentibus* abest a Ms. Corb.

Solitudinibus suis. *Suis* deest in Ms. Corb.

Speciosa nomina. Male Mss. Harl. Jes. *pretiosa nomina.*

CAP. 74. *Addimus.* Ursinus laudat ex vet. cod. *adjicimus.* Tentat ipse, *ademimus.* Utrumque male.

Parabuntur. Male Beroald. *parabantur.*

Aut minoribus. Ms. Jes. *ac minoribus.*

Britannique. In marg. Ms. Bodl. *Battavi.*

Victoresque. *Que* abest a Ms. Jes.

Obtinemus. Ms. Corb. *obtinēbimus.*

CAP. 75. *Quamquam nuntii occultarent.* Ita Mss. Farnes. Corb. Agr. Idque probabant Lips. et Ryck. Corrupte Ms. Reg. et ed. pr. *nutu.* Mss. Harl. Bodl. Jes. Puteolan. et recentiores, *nuntios.* Quod Salinerius explicat, tamquam Domitianus ac Mucianus nuntiatam Vespasiani mortem occultaverint. Contra vero Pichena contendit a Cereali ceterisque ducibus Flaviani occultatos fuisse nuntios, seu tabellarios, qui Roma Vespasiani mortem significatum venerant. Pichena assentitur Cl. Ernest. Si quis tamen ad sequentia attenderit, scripturam Ms. Farnes. probabit. Nec emendandum, *occultarentur*, ut Cl. Ernesto placebat. *Id* tantum intellige.

Muciani ac Domitiani. Ita Ms. Flor. et edd. recentiores. Puteolan. et. Ms. Corb. et ed. pr. *atque.*

Eum, qui attulerat ipsas epistolas. *Ipsas* redundare videtur Cl. Ernesto. Certe recte abesset. Acidal. emendabat, *ipsasque epistolas*; vel quod minus probabile, sic interpungebat, *eum qui attulerat, ipsas epistolas, &c.*

Passum jungi. Bene vett. et recentiores edd. In intermediis quibusd. *passim jungi.* Sic quoque Mss. Jes. et Corb. Sed recte superscriptum in Ms. Corb. *passum.*

Intutis. Ita vulgo Mss. Beroald. et recentiores. In ed. pr. *intutus.* Ms. Reg. et Puteolan. *in tutis.* Ms. Guelf. *in tutius.*

CAP. 76. *Obtererentur.* Ms. Reg. et ed. pr. *obterentur.* Male Mss. Harl. Bodl. Jes. Guelf. et J. F. Gronov. *obterrerentur.* Emendatum in Ms. Harl. *obtererentur.*

Aut voto stare. Pessime Mss. Harl. Bodl. Jes. *aut vastari.* In Ms. Bud. *aut vastare.* Inde tentabat Rhenan. *aut clam stare.*

E Britannia. Ita Ms. Flor. Pichena et recentiores. In Ms. Reg. et ed. pr. *ex Britannia.* Mss. Harl. Bodl. Jes. et Puteolan. *a Britannia.*

Sperentur. Male Beroald. *spernentur.*

Non juberi. Ms. Corb. *non haberi.*

Non regi. Mss. Harl. Bodl. Jes. *non cogi.* Recte sup. scriptum in Ms. Bodl. *non regi.*

In arma pronum. Ita Mss. Flor. Reg. Corb. Agr. ed. pr. Ryck. et recentiores. Mss. Harl. Jes. et Puteolan. *in arma promptum.*

Germanici exercitus. In Mss. et vett. edd. *Germani.* Sec. m. additum in Ms. Bodl. *Germanici*; ut habent Rhenan. et recentiores.

Illis denique. Ita libri scripti et editi, præter Cl. Ernest. qui edidit, illi.

Non imperiti adolescentuli. Optime Rhenan. et recentiores. In Ms. Corb. et ed. pr. *non imperitia adolescentuli.* In Ms. Reg. *adolescenti.* Mss. Harl. Bodl. Jes. et Puteolan. *non imperitia militum, sed adolescentuli.*

Approbata. Ms. Corb. *probata.*

CAP. 77. *Tenctericque.* Notatum in marg. Ms. Harl. *Hic deficit.* Quasi aliquid hic desit. Turbat quoque Ms. Flor. in quo, *Tenctericque pars montibus alii alii viam.* Forte nominabantur adhuc aliquot populi, quorum nomina exciderint.

Mosellamque flumen. Addit Ms. Agr. *Mosellamque flumen dispositi per pontem, tam improvisi, &c.* At prorsus inutile est istud additamentum.

Tam improvisi. Ita Ms. Agr. Rhenan. et recentiores. In Mss. Reg. Harl. Bodl. Jes. Guelf. et edd. vett. *tam improvisa.*

Electa manu. Ita Mss. et vett. recentioresque edd. Lips. *lecta manu.* *Videt.* Ms. Corb. et ed. pr. *vidit.*

Prædixerim: memoriam Romani sacramenti temere credidi. Sic Mss. Flor. Reg. Corb. Pichena et recentiores. In Ms. Bud. *prædixi.* Ab ed. pr. abest, *temere.* Mss. Harl. Bodl. Jes. Guelf. et Puteolan. *tenere.* Inde sane in Ms. Agr. conjectura potius, quam ex vet. scriptura, *quod vos Gallici fœderis oblitos proximam memoriam Romani sacramenti tenere credidi.* Lips. existimabat, *prædixerim* redundare; et emendabat, *oblitos redisse in memoriam Romani sacramenti temere credidi.* Quod valde probabile. Pro *prædixerim* corregebat Pichena, et *retinere.* J. F. Gronov. *repetisse.* Absurde vero e nescio quibus vett. Titinnii quisquiliis Jac. Gronov. *præfiscini memoriam Romani sacramenti tenere credidi.*

CAP. 78. *Et Civilis.* Et perperam a Puteolano omissum.

Unaelvicesima. Bene Ms. Agr. Pichena et recentiores. Ms. Reg. et Alciatus, *vicesima prima.* Vulgo Mss. et Puteolan. *legio XXI.*

Rem afflixit. Ita Ms. Reg. ed. pr. Rhenan. et recentiores. Mss. Harl. Bodl. Jes. Guelf. et Puteolan. *res.*

CAP. 79. *Integra, quæ e Chaucis.* Ita Pichena et recentiores e Ms. Flor. in quo, teste Pichena, *integraque ex Chaucis.* At adversatur Jac. Gronov. et ait legisse se in Ms. Flor. *integraque et ex Chaucis.* Quam scripturam defendit legitque, *non invalidus flagrantissima cohortium suarum integraque et ex Chaucis Frisiisque composita. Tol-*

biaci in finibus Agrippinensium agebat. Hæc vero per parentheses dicta volebat Illustr. Huetius, et ita distinguebat: *non invalidus (flagrantissima cohortium suarum integra: quæ ex Chaucis composita) Tolbiaci, &c.* Verum potior est Pichenæ emendatio. Favetque Ms. Corb. in quo, *integra et Chaucis.* In Mss. Harl. Bodl. Jes. *integra et e Chaucis.* In Ms. Reg. et edd. vett. *integra manu et e Chaucis.* Unde tentabat Lips. *integra manente e Chaucis.*

Tolbiaci. Bene Mss. Flor. Agr. ed. pr. et recentiores. Male Ms. Farnes. *Colbiaci.* Mss. Harl. Bodl. Jes. et Puteolan. *Calbiaci.*

Qua Oceano. Male Ms. Corb. *qui Oceano.*

Classem ultro. Ita vulgo Ms. et libri omnes editi. In Ms. Agr. *Classem vero*; quod probabat Ryck.

CAP. 80. *Anxius.* Male Alciatus, *anxius est.*

Excipitur. Mss. Harl. Bodl. Jes. et Puteolan. *accipitur.* Recte emendatum in Ms. Bodl. *excipitur*; uti habent Ms. Corb. ed. pr. et recentiores.

Adverso. Non ita bene Ms. Corb. et ed. pr. *adverso.*

Vocare offensas. Ita libri omnes scripti et editi, præter Ms. Agr. in quo, *provocare.* At eo quoque sensu dicitur, *vocare.* Sic inf. De Mor. Germ. 14. 'Vocare hostes, et vulnera mereri.'

CAP. 81. *Æstivis flatibus.* Bene libri omnes scripti et editi. Perperam tentabat Lips. *Etesiarum*: Acidal. *Etesiis flatibus.* Immo Etesiis, Aquilonariis ventis, impedita fuisset Vespasiani navigatio, ut recte observavit erud. Savil. Inde Jul. Cæsar, Bell. Civil. c. 107. 'Ipse enim necessario Etesiis tenebatur, qui Alexandria navigantibus sunt adversissimi venti. At Vespasianus Alexandriæ statos æstivis flatibus dies, *quibus* certa maris *incipiunt*, opperiebatur.' Nauticas autem illas Romanorum leges clare explicat Vegetius, v. 9. 'Post ortum Pleiadum, a die sexto Kalendarum Juniarum, usque ad Arcturi ortum, id est, in diem octavumdecimum Kalendarum Octobrium secunda navigatio creditur, quia æstatis beneficio ventorum acerbitas mitigatur. Ita post hoc tempus usque in tertium Idus Novembris incerta navigatio est, et discrimini propior: propterea, quia post Idus Septembris oritur Arcturus vehementissimum sidus. Et octavo Kalendarum Octobris æquinoctialis evenit acerba tempestas.... A Novembri autem mense crebris tempestatibus navigia conturbantur Vergiliarum hyemali occasu. Ex die igitur tertio Iduum Novembris usque in diem sextum Iduum Martiarum maria clauduntur.' Tacito! autem suffragatur Joseph. Bell. Jud. iv, 11. n. 5. *Αὐτὸς μέντοι (Ὀυέσπασιανὸς) εἰς τὴν Πώμην ὠρμητο λήξαντος τοῦ χειμῶνος ἀνάγεσθαι, καὶ τὰχος τὰ κατὰ τὴν Ἀλεξάνδρειαν διώκει.* 'Ipse tamen *Vespasianus* extrema hyeme Romam proficisci parabat; et quam primum res Alexandriæ componebat.'

Multa miracula. Quæ mendacia verius, quam miracula dixeris. Quod paucis explicandum.

DE VESPASIANI MIRACULIS.

Titum Livium, Plutarchum, ceterosque immensæ credulitatis scriptores miracula passim obtrudere minime mirum est. At Tacitum, acerrimi judicii, constantissimæ mentis virum, non modo miracula

narrare, sed etiam iis fidem facere velle, incredibile videretur, ni satis foret compertum, natura incertum an institutione, omnibus ferme Romanis insitum fuisse religionis sensum, quo in credulitatem propenderent. Quæ quidem credulitas, ut in humanis, sic quoque divinis in rebus, est bonæ animæ argumentum, nec nisi in religiosos animos irrepit. Unde magis miror extitisse nonnullos, qui Tacitum ἀθεόργυτος insimulaverint. Qui enim ἀθεός haberi potest vir, qui præter plurima religionis monimenta Annalibus intersita, in his ipsis Historiarum libris *ope divina* mutari animos paulo sup. c. 78. pronuntiaverit; qui nunc *cæli favorem*, et *numinum in Vespasianum inclinationem* profiteatur; qui demum *miracula* ita bonus enarrat, ut fidem iis facere haud leviter annitatur.

At quam fidem obtinere debent illa Vespasiani miracula? nullam, ut opinor. Atque, ut alios multos sileam, ita quoque sensit Illustr. Huetius, Demonstrat. Evangelic. Proposit. vi. n. 6. Neminem quoque dissensurum reor, qui perpenderit quæ fuerint illa miracula, quo in loco, et a quo sint edita. Ac primo quidem in illis Vespasiani miraculis nihil est, quod vim divinam miraculorum effectricem adstruat. Sanatur enim cæcitas hominis, cui, teste Tacito, 'vis luminis non erat exesa.' Curatur manus debilitas, quæ, eodem auctore, in pravum elapsa, poterat integrari. Quod adhuc argumentum est incertam fuisse illorum miraculorum famam, quem manu debilem facit Tacitus, eum claudum dicit Suet. Vespas. 7. ea quoque patrata miracula Tac. *medicis*, Suet. *amicis hortantibus*, narrat. Ut ut est, hæcne miracula? Curationes vix dixeris. Ubi enim in rebus levissimis fallacibusque operosa est miraculorum ostentatio, non est miraculum, sed histrionum circulatorumve fraus ac mendacium.

Adde hæc miracula evenisse, Alexandriæ, in urbe vanissima, ad omne superstitionum genus projectissima, Serapidis religionibus insana, suis in Principes adulationibus vaferrima, uti testis est oculatus Philo, in Legat. ad Caium, p. 1017.

Nunc vero quis hæc miracula ausus est? Vespasianus, novus et inopinatus Princeps, cui 'auctoritas et quasi majestas' concilianda, ut fatetur Suet. l. c. Vespasianus, qui in omnes firmandæ dominationis artes intentus, religione maxime abutebatur. Inde acceptissimus ei fuit Josephus, quod mendax ille Judæus oracula, quæ Christum regem ejusque imperium prænuntiaverant, in eum traxisset. Joseph. Bell. Jud. iii, 8. Omnes quoque, qui se Davidica stirpe oriundos ferrent, inquiri necarique jussit. Euseb. Hist. Ecclesiast. iii, 11. Vespasianus denum, qui, tunc temporis, Apollonii Tyanensis, hominum, quotquot umquam extitere, fraudulentissimi, familiaritate consiliisque utebatur, ut vid. est ap. Philostr. Vit. Apollon. v, 27 sq.

Hæc satis superque sunt, ut constet Vespasiani miracula fuisse in Ægyptiis artes fraudesque, in Vespasiano politicæ artis instrumenta, quibus quæsitâ novo Principatui auctoritas ac reverentia. Addit quidem Tacitus *utrumque* istud miraculum ab iis *qui interfuere nunc quoque* memorari, *postquam nullum mendacio pretium*. Neque id mirum. Excisa fuerat Flaviana domus; ac proinde nullum tunc erat a Principibus mendacio pretium. Sed semper manebat Ægyptiis superstitio; eadem Romanos quoque et Roman, quo pessima

omnia confluebant, pervaserat: in dies invalescebat Serapidis veneratio. Quomodo ergo obrueretur rumor, quem servari intererat? Si quid mirum videri debet, id profecto quod, cum nullum sit mendacis pretium, nulla Serapidis religio, reperiuntur tamen qui hæc miracula tueantur. At hæc est fabularum natura, ut vel sua vanitate multis placeant.

Hæc cum tractarem, omisi talia miracula post hac de Hadriano fuisse vulgata, quæ tamen *per simulationem* fuerant facta, teste Mario Maximo ap. Spartian. in Hadrian. c. 25.

Cæli favor. Ita Mss. Bodl. Guelf. ed. pr. Ernest. et recentiores. Ms. Reg. *celis.* Ms. Bud. *cælis est.* Ms. Corb. *celitis.* Ms. Agr. *cælitum.* Emendaverat Puteolan. *e cælis.* Rhenan. *cælestis.*

Ex plebe. Mss. Corb. Agr. et ed. pr. *e plebe.*

Genua ejus advolvitur. Ms. Corb. et ed. pr. *genibus ejus advolvitur.*

Gemitu. Ita vulgo Mss. et libri omnes editi. Merito tamen redundare *gemitu* videbatur Cl. Ernesto. Non ita bene, quod Mss. Guelf. Jes. habent *in gemitu*, tentabat *ingenitum*; quasi Vespasianus ingenitam curandi vim habuerit, quod de Pyrrho retulere Plutarch. in Pyrrh. p. 384. et Plin. vii, 2.

Serapidis Dei. Sic Ms. Flor. Puteolan. Pichena et recentiores. In Mss. Reg. Corb. et ed. pr. *Serapis.* Lips. *Sarapis.* Quod sane hauserat a Græcis, quibus Deus ille dicitur ΣΑΡΑΠΙΣ.

Respergere oris excremento. Ed. pr. *respuere oris excremento.*

Oculorum tabe. Frustra amicus Ryckii tentabat, *nube.* *Tabes* medicum est vocabulum, ut Ryck. monuit Cl. Drelincurtius. Et in definitionibus, quæ tribuuntur Galeno, sic explicatur: Φθίσις ἐστὶ μείωσις τῆς κόρης μετὰ ἀμυδρώσεως. 'Tabes est pupillæ imminutio cum obscuracione.'

Manum æger. Sic Mss. Flor. Harl. Bodl. Jes. Guelf. Jac. Gro-nov. et recentiores. In Ms. Reg. et edd. vett. *manu æger.* Nec in-eleganter, *manum*, Græcorum more.

Illis instantibus. Ms. Corb. *aliis instantibus.*

Obsecratione. Male Beroald. *obsecrationes.*

Existimari. In Ms. Jes. et ed. pr. *extimari.* Unde Cl. Ernest. et recentiores, *existimari.* Mss. Reg. Harl. Bodl. et Puteolan. *estimari*, vel *æstimari.* Solito librariorum errore, ut sæpe sup. vidimus.

Disserere. Ms. Jes. *dixere.*

Integrari. Ms. Reg. et ed. pr. *integrare.*

Patrati remedii. Ita Ms. Corb. ed. pr. Lips. et recentiores. Mss. Harl. Jes. et Puteolan. *peracti remedii.*

Patere ratus. Sic omnes ferme libri scripti et editi. Nec neces-sario tentat Cl. Ernest. *parere.* Corrupte Ms. Reg. *patriæ ratus.*

CAP. 82. *Altior inde Vespasiano.* Perperam in Lipsianis quibusd. edd. *altior in Vespasiano.*

Sacram ædem. Optime ed. pr. Male Puteolan. ac deinde ceteri omnes, *sacram sedem.*

Missis equitibus. Mss. Reg. Corb. Agr. et ed. pr. *missis militibus.*

CAP. 83. *Eleusine exciverat.* In Mss. Flor. Reg. Corb. et ed. pr. *Eleusim.* Ex hac scriptura emendandum *Eleusine*, recte vidit J. F.

Gronov.: idem probavere Ryck. et recentiores. Puteolan. *Eleusi*. Plin. xxxv, 11. n. 29. 'in templo Eleusine.'

Vetere inter accolas. Male Ms. Reg. et ed. pr. *veteres*.

Jussa patrantur. Mss. Reg. Corb. et ed. pr. *parantur*. Ms. Bodl. habet *patrantur*. Sed in marg. additum, *peragentur*.

Scydrothemidi. Ms. Bodl. *Sidrothemidi*. Mox Mss. Bodl. Jes. *Sydrothemidi*. Ms. Reg. et ed. pr. *Ciarothemadi*. Ms. Agr. *Ciarothemidi*. Ms. Corb. *Cyarothemedi*. Mox inf. *Cyarochemedi*.

Imperitabat. Ms. Corb. *imperabat*. Verbum autem *imperitabat* non abest ab ed. pr. ut scripsit Cl. Ernest.

Pythium Apollinem. Mss. Flor. Corb. et Agr. *Pythicum*. Corrupte ed. pr. *Phiticum*. *Pythius Apollo* memoratur a Plin. xxxiv, 7.

CAP. 84. *Diversus animi.* Mss. Flor. Agr. Corb. et ed. pr. *versus animi*. Ms. Jes. *adversus*.

Destinata Deo. Mss. Corb. et Agr. *destinata a Deo*. In ed. pr. *destinata ultra a Deo*. Omisit autem, *moraretur*.

Adversari regem. Mallet Muretus, *aversari*. Librarios sæpissime scripsisse *adversari* pro *aversari* jam vid. sup. in not. et em. ad Hist. i, 1 et 38. Hic tamen Pichenæ aliisque placet, *adversari*. Sic quoque vertit Davanzati: *Il popolo contrastava al Re*. In Mss. Corb. Agr. et ed. pr. *reges*. Quod Ryck. placebat, ob supra expositos Scydrothemidis et Ptolemæi visus. Si quis retineat *reges*, tunc omnino emendandum, *aversari*.

Circumsidere. Mss. Harl. Bodl. Jes. et edd. vett. *circumsedere*.

Tantum maris. Ms. Reg. et ed. pr. *totum maris*.

Mirum inde dictu. Multa de adventu Dei Sinopensis in Ægyptum a Tacito diversa, neque ita fabulosa tradit Plutarch. Vol. II. de Iside et Osiride, p. 361. Πτολεμαῖος δὲ ὁ σωτὴρ ἀνείλε τὸν ἐν Σινώπῃ τοῦ Πλούτωνος κολοσσόν, οὐκ ἐπιστάμενος οὐδὲ ἑωρακὼς πρότερον οἷος τὴν μορφήν, κελεύοντα κομίσαι τὴν ταχίστην αὐτὸν εἰς Ἀλεξάνδρειαν· ἀγνοοῦντι δ' αὐτῷ καὶ ἀποροῦντι ποῦ καθίδρυνται, καὶ διηγουμένῳ τοῖς φίλοις τὴν ὅψιν, εὐρέθη πολυπλάνης ἄνθρωπος, ὄνομα Σωσίβιος, ἐν Σινώπῃ φάμενος ἑωρακέναι τοιοῦτον κολοσσόν, οἷον ὁ βασιλεὺς ἰδεῖν ἔδοξεν· ἔπεμψεν οὖν Σωτέλη καὶ Διώνυσον, οἱ χρόνῳ πολλῷ καὶ μόλις, οὐκ ἄνευ μέντοι θείας προνοίας, ἡγαγον ἐκελέψαντες. 'Ptolemæus Soter Plutonis colossus, qui Sinope erat, sustulit, cum neque nosset neque vidisset unquam talem, quali forma per quietem imaginatus fuerat se videre, ac juberi eum quamprimum Alexandriam perferre. Ignoranti autem et anxie inquirenti ubinam locorum situs esset, amicisque rem narranti, oblatus est Sosibius quidam late vagatus homo, qui Sinope a se visum talem colossus diceret, qualem rex imaginatus fuerat: missi itaque Soteles et Dionysus, longo tempore et ægre, neque sine providentia divina, furtim ablatum colossus ad regem pertulerunt.' Quem autem Plutonium appellat Plutarch. alii eum Jovem nominant. Ideo Serapis Tacito dicitur *Jupiter Dis*, seu Jupiter Pluto.

Serapidi atque Isidi. Ms. Reg. *Serapidi Isidi*. Ed. pr. *Serapidi Isidi*. Erud. Savil. emendatum vellet, *Osiridi atque Isidi*. Quod minime necessarium est. Vetera enim apud Ægyptios Serapidis et Isis nomina. Sed cum apud eos, Ptolemæorum vi, Jovis Ditis ac Proserpinæ religio grassata est, tunc Ægyptii, ne peregrinis nomini-

bus sædarentur, Jovem Ditem Serapin dixere, et Proserpinam Isin. Id patet ex Plutarch. l. c. p. 161 et 162. Οὐ γὰρ ἄλλον εἶναι Σάραπιν ἢ τὸν Πλούτωνά φασι, καὶ Ἰσιν τὴν Περσέφασσαν. . . . Οὐ γὰρ ἐκεῖθεν οὗτος ὀνομαζόμενος ἦκεν, ἀλλ' εἰς Ἀλεξάνδρειαν κομισθεὶς τὸ παρ' Αἰγυπτίοις ὄνομα τοῦ Πλούτωνος ἐκτήσατο τὸν Σάραπιν. Et sic facile explices, quæ Macrobius, Saturnal. i, 7. habet de Serapeis, et cur extra Ægyptiarum urbium pomœria locarentur. Conjuncta autem Serapidis et Isidis numina venerationemque multo post reperimus in nummis Juliani, Imperatoris, aliisque monumentis, quæ vide apud eruditum Banduri, Numismata Imperatorum Romanorum, Vol. II. p. 425.

Adventu Dei. Ita Mss. Reg. Harl. Jes. Guef. et edd. vet. ante Rhenan. qui e conjectura edidit, *adventu*. In Ms. Corb. *de adventu et origine Dei*.

Deum ipsum. Taciti exemplo necesse est de Serapide paulo fusius disserere.

DE DEO SERAPIDE.

Serapis, apud Ægyptios Deus maximus, plures præcipuosque referebat Deos. Inde in aversa parte nummi Antonini Pii, quem publicavit erud. Oisel. Thesaurus Selectorum Numismatum, Tab. XLIII. n. 1. videre est Serapidis caput barbatum, cornutum, radiatum, cum medio in vertice: adest et tridens, cui serpens circumvolvitur. Quibus insignibus patet Serapidem esse Jovem, Solem, Osirim, Neptunum et Æsculapium. Vide quæ ad id confirmandum congestit Oisel. l. c. p. 218. At naturam cultumque Serapidis nemo accuratius expressit, quam Macrobius Saturnal. i, 20. Alexandria 'eidem Ægypto adjacens civitas, quæ conditorem Alexandrum Macedonem gloriatur, Sarapin atque Isin cultu pœne attonitæ venerationis observat: omnem tamen illam venerationem Soli se sub illius nomine testatur impendere, vel dum calathum capiti ejus infigunt, vel dum simulacro signum tripicitis animantis adjungunt; quod exprimit medio eodemque maximo capite leonis effigiem; dextera parte caput canis exoritur mansueta specie blandientis; pars vero læva cervicis rapacis lupi capite finitur: easque formas animalium draco connectit volumine suo capite redeunte ad Dei dexteram, qua compescitur monstrum. Ergo leonis capite monstratur præsens tempus; quia conditio ejus inter præteritum futurumque actu præsentī valida fervensque est. Sed et præteritum tempus lupi capite signatur; quod memoria rerum transactarum rapiuntur, et aufertur. Item canis blandientis effigies futuri temporis designat eventum; de quo nobis spes, licet incerta, blanditur. Tempora autem cui nisi proprio famularentur auctori? cujus vertex, insignitus calathō, et altitudinem sideris monstrat, et potentiam capacitatis ostentat: quia in eum omnia terrena redeunt, dum immissō calore rapiuntur. Accipe nunc quid de Sole, vel Sarapi, pronuntietur oraculo. Nam Sarapis, quem Ægypti Deum maximum prodiderunt, oratus a Nicocreonte Cypriorum rege, quis Deorum haberetur, his versibus sollicitam religionem regis instruxit. Εἰμὶ θεὸς τοῖσδε μαθεῖν, οἷον κ' ἐγὼ εἶπω. Οὐράνιος κόσμος κεφαλὴ, γαστήρ δὲ θάλασσα, Γαῖα δὲ μοι πόδες εἰσὶ, τὰ δ' οὐρανὸν ἐν αἰθέρι κεῖται, Ὅμμα τε τηλαυγὲς, λαμπρὸν φάος ἡελίοιο. Ex his apparet Sarapis et Solis unam et individuum esse

naturam. Isis juncta [religione celebratur, quæ est vel terra, vel natura rerum, subjacens soli. Hinc est quod continuatis uberibus corpus Deæ omne densetur, quia terræ, vel rerum naturæ, altu nutritur universitas.]

Hunc Macrobiï locum Tacitumque egregie illustrant præstantissimi duo nummi Vespasiani et Domitiani, quos edidit Cl. Pellerin, *Mélange de diverses Médailles*. Vol. I. p. 224. In nummo Vespasiani, ΑΥΤΟΚ. ΚΑΙΣ. ΣΕΒΑΣ. ΟΥΕΣΠΑΣΙΑΝΟΥ. i. e. 'Imperatoris Cæsaris Augusti Vespasiani;' caput Vespasiani laureatum. In aversa parte, ΖΕΥΣ. ΣΑΡΑΠΙΣ. Λ. ΕΝΑΤ. i. e. 'Jupiter Serapis, anno nono' imperii Vespasiani. Stat Serapis, sinistra hastæ innixus, extenta dextra, qua monstrum triceps, de quo Macrobius, compescere videtur. In vertice calathum, modiumve, habet. In nummo Domitiani, ΑΥΤ. ΚΑΙΣΑΡ. ΔΟ....ΤΙΑΝΟΣ. ΣΕΒ. ΓΕΡΜ. i. e. 'Imperator Cæsar Domitianus Augustus Germanicus;' caput Domitiani laureatum. In aversa parte, ΗΛΙΟΣ. ΣΑΡΑΠΙΣ. ΑΙΓ. i. e. 'Sol Serapis, anno tertidecimo' imperii Domitiani. Serapis stans hastam sinistra tenet, dextra elata. In vet. autem Inscr. quæ extat Ancyre, nunc *Angora*, teste Cl. Tournefort, *Voyage du Levant*. Vol. II. p. 449. ΔΙΙ ΗΛΙΩ ΜΕΓΑΛΩ ΣΑΡΑΠΙΔΙ. i. e. 'Jovi Soli Magno Serapidi.' Porro cum Christiani Ethnicæ religionis Deos horrent, seque Deum unum, rerum omnium conditorem, venerari profiterentur; hinc, ut videtur, Hadrianus, religionum conciliator, eos inter Serapidis, seu Dei Panthei, cultores annumeravit, teste ejus epistola ap. Vopiscum, in Saturnin. cap. 8. 'Illi qui Serapin colunt, Christiani sunt: et devoti sunt Serapi, qui se Christi episcopos dicunt.... Unus illis,' Egyptiis ac maxime Alexandrinis, 'Deus est: hunc Christiani, hunc Judæi, hunc omnes venerantur et gentes.'

Si quis autem plura voluerit de urbe Sinope et Deo Serapide, adeat Cl. de Fontenu, *Mémoires de l'Académie Royale des Inscriptions*. Vol. X. p. 465 sq.

CAP. 85. *Alpibus propinquant.* Ms. Corb. *Alpibus appropinquant.*

Auditus ideo. Ms. Corb. *auditus igitur.*

Ipsum supplicium. Mss. Harl. Bodl. Jes. *ipsum judicium.* Ad-ditum in marg. Ms. Bodl. *supplicium.*

Expromsit. Ms. Corb. et ed. pr. *expressit.*

Fractæ hostium vires. Ita Mss. Harl. Bodl. Jes. Corb. et ed. pr. Puteolan. *fractæ vires hostium.*

In discrimine verteretur. Sic Mss. Flor. Reg. Harl. Bodl. Jes. Corb. Guelf. Agr. ed. pr. Ernest. et recentiores. Puteolan. *in discrimen.* Frustra tentat Cl. Ernest. *in discrimine versaretur.* Jam vid. sup. Hist. II, 28. 'Sin victoriæ sanitas, sustentaculum, columen in Italia verteretur.'

Ostentaret. Perperam Mss. Harl. Bodl. Jes. et vett. edd. *ostentare.*

CAP. 86. *Qua cogitatione.... agitaverit.* Bene Mss. Flor. Corb. Pichena et recentiores. In Ms. Reg. et ed. pr. *qua contagione.... cogitaverit.* Mss. Harl. Bodl. Jes. et Puteolan. *qua cogitatione.... cogitaverit.* Tentaverat Lips. *qua cunctatione.* Gruter. *qua rogitatione.* Mallet Cl. Ernest. *qua sollicitatione.*

A senioribus. Frustra tentat Barth. *a sanioribus.* Seniores enim opponuntur juventæ, ut recte observat Ryck.

Et usurpata antea munia. Et abest a Ms. Corb. In Mss. Flor. et Agr. *ante ea munia.*

Simplicitatis ac modestiæ. Bene Ms. Corb. ed. pr. et recentiores. Mss. Harl. Bodl. Jes. et Puteolan. *simul simplicitatis ac modestiæ.*

In altitudinem. Mss. Reg. Corb. Agr. et ed. pr. *in altitudine.* Mallet Cl. Ernest. *in solitudinem.* Sed hic eleganter usurpatur, *altitudinem.* Perperam tentabat Barth. *in altitudinem conditus studiorum atque literarum.*

Subduceretur. Mss. Bodl. Jes. et Puteolan. *subduceret.*

Contra interpretabatur. Perperam addunt Mss. Reg. Harl. Bodl. Jes. Corb. et ed. pr. *neque vos impunitos patiantur* : quæ repetita sunt ex superiore c. 77. 'Neque me inultum, neque vos impunitos patiantur.' Ob illum librariorum errorem notat Ms. Farnes. *Deest hic aliquantulum.* Nihil deest, licet aliter sentiat Lips. Perperam in Ms. Agr. *interpretabantur.*

NOTÆ ET EMENDATIONES

AD LIBRUM QUINTUM HISTORIARUM

C. CORNELII TACITI.

CAP. 1. *Delectus a patre.* In Ms. Reg. et ed. pr. *delegatus.* Ms. Bodl. *electus.* Puteolan. et recentiores, *delectus.* Mallet Cl. Ernest. *relictus* ; quod Imperatoris filio dignum magis ei videtur : atque ita Suet. Tit. 5. 'Ad perdomandam Judæam a patre relictus.'

Privatis utriusque rebus. Ita Rhenan. et recentiores, ex loco simili Hist. iii, 65. Perperam in Mss. Flor. Agr. Corb. et ed. pr. *prælatitis.* Mss. Harl. Bodl. Jes. Guelf. et Puteolan. *præliantis.*

Ut super fortunam. In Ms. Bud. *ut superior unam* : in Ms. Vatic. *superiori unam.* Inde emendavit Lips. *ut super fortunam* : quod in recentioribus edd. receptum. In Mss. Farnes. Agr. Reg. Corb. et ed. pr. *ut superior omnibus crederetur.* Ms. Bodl. et Puteolan. *ut superior sui jam crederetur.* In Mss. Jes. Harl. *ut imperio dignus jam crederetur.*

In agmine. Ms. Jes. et in agmine.

Tres eum. Bene Mss. Harl. Bodl. Jes. Guelf. Rhenan. et recentiores. *Eum* abest a Ms. Reg. et ed. pr.

Addidit e Syria. Ita Ms. Reg. ed. pr. et Ernest. Ms. Bodl. et Puteolan. *tradidit e Syria.* Mss. Jes. Harl. Guelf. *tradidit ei Syria.*

Adductos. Ms. Bodl. *Abductos.*

CAP. 2. *Argumentum e nomine.* Mirum plerisque videri solet Ta-

citum, literarum studiis clarissimum, adeo portentosa de Judæorum origine fuisse commentum, ea potissimum ætate, qua Judaicæ res, capta Judæa, in Urbe pernotuerant. Quod tamen forte haud ita mirabuntur, si attenderint Tacitum historias scripsisse, cum florentissimum fuit Imperium Romanum, vix suarum religionum, nedum exterarum, curiosum: Judæorum originem historiamque multorum Scriptorum mendaciis jampridem fuisse obscuratas: Judæos demum, ob cærimonias sacraque a ceterarum gentium ritibus alienissima, Romanis jam dudum invisos, tum ob cladem suam fuisse despiciatissimos. Igitur Tacitus, Judaicis traditionibus neque credulus, neque penitus incredulus, partim Judæorum, partim exterorum Scriptorum e memoria, quæ sibi probabilia videbantur, selegit, ut gentis primordia aperiret. Inde vera falsis, falsa veris admixta, quæ singillatim explicare operæ pretium est; quod in iis plurima adhuc lateant primæveræ veritatis argumenta.

DE CRETENSI JUDÆORUM ORIGINE.

GENS Crethim, vel Cerethim, בני כרתים, 1 Reg. xxx, 14. Ezech. xxv, 16. Sophonias, ii, 5. Judæam inter et Phœniciam habitasse memoratur; utrique ita contermina, ut Palæstini nonnumquam Crethim nomine designentur, et pars fuerint Phœniciæ, quæ in his oris late olim dominata est. Phœnices autem colonias in Creta insulam misisse testantur tum Stephanus, de Urbibus, voce Ἰρανός, tum ipse portus Cretæ, *Phænice*, cujus mentio extat in Act. Apost. xxvii, 12. Adde ex Strab. x, p. 481. Spartiatas, seu Lacedæmonios, plurimas urbes in Creta insula condidisse: Spartiatæ autem Judæos fratres suos esse gloriabantur, ut vid. est 1 Machab. xii, 21. Antiqua ergo fuit Judæorum et Cretensium consanguinitas; Judaicaque progenies fuere Cretenses. At præterquam quod Cretenses *semper mendaces*, ut constat ex eorum vate, ap. D. Paulum, Ep. ad Tit. i, 12. gentili adhuc æmulatione se ipsi Judæorum auctores esse jactitavere. Quod ita obtinuit, ut LXX. Interpretes in Ezech. et Soph. l. c. בני כרתים et Κρητῆς et Πάρουκοι Κρητῶν, i. e. 'Cretenses, et advenæ Cretensium' verterint; indeque Theodoretus, hunc Soph. locum illustraturus, quosdam e Creta in maritima Palæstinæ loca venisse, ibique consedisse enarret. Manifestum ergo cur Cretensem originem Judæis adscripserit Tacitus. Contra vero Cretenses Judaico genere prognatos, præter cetera argumenta, probant usus plurimi, Cretensibus familiares, ut suilla carne abstinere, &c. Præterea, quæ de Minoe Cretenses prodidere, adeo similia sunt iis, quæ Mosi evererunt, ut Mosem ac Minoem unum atque eundem esse hominem opinentur Illustr. Huet. *Demonstratio Evangelica*, Proposit. iv, n. 9 sq. eumque secutus Christ. Wormius, 'De corruptis antiquitatum Hebræarum apud Tacitum et Martialem vestigiis,' lib. i, p. 43 sq. Adde præcipuam fuisse apud Judæos sabbati celebritatem. Sabbatum autem cum Græci diem Saturni nuncuparent, inde Judæos Saturno devotissimos, Cretaque insula profugos, crediderunt.

Aucto in barbarum. Morem addunt Mss. Harl. Bodl. Jes. Guelf. et Puteolan. Melius omisere Mss. Flor. Bud. Rhenan. et recentiores. Sic enim sup. An. vi, 42. 'neque in barbarum corrupta.'

Vocitari. Post *vocitari* perperam addunt Mss. Harl. Bodl. Jes. Guelf. et Puteolan. *quasi Ideos.* Quod in ed. pr. et recentioribus recte omissum.

Hierosolymo ac Juda. Ficto Hierosolymi, vero Judæ nomine abusi sunt Ægyptii, ut Ægyptiacam Judæorum originem assererent.

DE ÆGYPTIACA JUDÆORUM ORIGINE.

ÆGYPTII, splendore imperii, artium inventionibus, maximam nominis sui famam excitavere. Hac gloria superbi se primos hominum esse contendebant, ut testantur Diodor. Sic. i, 10. p. 6. alique plurimi. Inde se Judæorum progenitores dixere. Recentis mendacii vanitatem reteggit novum Hierosolymi nomen, nec nisi conditis Hierosolymis repertum: ipseque Juda Isidis regno, vel fabulis, minime æqualis. Neque umquam, ut gentis suæ conditorem, Judam coluere Judæi, quod tradit Justin. xxxvi, 2. Antiquissima autem fuit Ægyptiorum gens, et in opulentissimum imperium adsurrexerat, cum res Judæorum adhuc essent tenuissimæ. Ægyptii tamen Judæis, Semi posteris, origine posteriores: Ægyptiorum enim parens Mesraim, secundus Chami filius; unde apud Orientales populos ipsosque Ægyptios et Coptas pervulgata Ægypti nomina, *Mesra, Mesraim*, et *Chemia*. V. erud. Kirker. Œdipus Ægyptiacus. Vol. i, p. 2. sq.

Æthiopum prolem. Æthiopice hujus originis causas aperire facile est.

DE ÆTHIOPICA JUDÆORUM ORIGINE.

ÆTHIOPEs rerum olim potiti sunt, iisque serviit Ægyptus: illos quoque 'Syriæ imperitasse, ætate regis Cephei' tradit Plin. vi, 29. Victoris elati, se Ægyptiis vetustiores esse professi sunt: quod naturaliter etiam ratione confirmabant. Nam Meridianarum plagarum incolæ, ubi quanto acrior Sol, tanto fecundior, se primos terra editos, *ἐξωγονισθαι*, gloriabantur, teste Diod. Sic. lib. iii, 2. p. 143. Ideo Judæi, ut et ceteri populi, ab Æthiopibus prognati dicebantur.

Alia adhuc erat, et magis propria hujus originis causa. In Phœnicio mari, Joppe, nunc *Joppa*, urbs fuit antiquissima, in qua *objectam belluæ Andromedam*, Cephei filiam, ferebant, Plin. v, 31. Immo Plinii, Josephi, ac proinde Taciti ætate, in saxo, quod Joppe urbi præjacebat, *vinculorum Andromedæ vestigia* ostendebantur; colebaturque *illic fabulosa ceto*, Plin. v, 13. Vide et Joseph. Bell. Jud. iii, 15. Non mirum ergo, ob hæc Æthiopica monumenta, quæ tot post seculis in Palæstina non modo servabantur, sed et colebantur, *plerisque*, ut scribit Tacitus, *Æthiopum prolem* visos fuisse Judæos. At non solum Judæis, verum ipsis quoque Ægyptiis recentiores fuere Æthiopes, utpote Lud, Mesraim filio, oriundi: quod erudite demonstrat Bochart. Geographia Sacra, Part I. lib. iv. c. 26. Omitto, quæ Joseph. Antiq. Jud. ii, 10. memorat: Mosem, adhuc juvenem in Æthiopia bellasse, ibi regis Æthiopum filiam nupsisse, et, ut volunt Rabbini, imperasse. Hæc Judaica sint commenta, certum est Judæos, ob commercia, Æthiopiam antiquitus adiisse, ibique plurimos degisse, adhucque degere, ut constat viatorum testimoniis, quæ v. ap. erud. Ludolf. Comment. Æthiop. lib. i. n. 101 sq. Error de illa Æthio-

pica origine inde oriri adhuc potuit, quod Arabia, sicut et Æthiopia, *Chus* כוש diceretur. Porro cum ex Arabia in Palæstinam venissent Judæi, id conjecturarum inania sectantibus forte visum est satis, ut originem Æthiopicam confingerent.

Sunt qui tradant. Bene ed. pr. et recentiores. Male Mss. Harl. Bodl. Jes. Guelf. et Puteolan. *tradunt.*

Assyrios convenas. Nihil est in hac Assyria Judæorum origine, quod antiquitatem et veritatem non redeat.

DE ASSYRIA JUDEORUM ORIGINE.

Ur pateat hæc Taciti verba, 'Sunt qui tradant, Assyrios convenas, indigum agrorum populum, parte Ægypti potitos, mox proprias urbes, Hebræasque terras, et propiora Syriæ coluisse,' ipsissimam esse Judæorum traditionem, ea paucis explanare sufficit.

Abram, dictus postea Abraham, parens auctorque gentis Judaicæ, *Assyrius* fuit *convena*, egressus de Ur Chaldæorum, Genes. xi, 31. Indigus agrorum, factaque fame, descendit in Ægyptum, Genes. xii, 12. Ipse, ejusque posteri Isaac et Jacob, *Assyrii* quoque *convena*, errantes vixere, donec, orta adhuc fame, Jacob ejusque filii ac nepotes in Ægyptum, ubi Joseph, filius Jacob, secundus a rege agebat, iterum venerunt, Genes. xli, 55. et xlii, 1 sq. *Parte Ægypti*, nempe terra Gessen et Ramesses in inferiore Ægypto, *potiti* sunt, Genes. xlvii, 4 et 11. *Mox*, ducentis quindecim post annis ex Ægypto egressi, Exod. xxxiii, 1 sq. *proprias urbes*, urbes scilicet Chanaan, *Hebræasque terras, et propiora Syriæ coluere*, ut omnibus compertum, fuisseque narratur in libro Josue. Hebrææ autem dictæ sunt terræ אֲבְרָם הֶעֱבְרִי, i. e. 'Abramo Hebræo,' Genes. xiv, 13. ejusque posteris הֶעֱבְרִים, seu *Hebræis*, quod עֵבֶר, id est, *trans* Euphratem ex Assyria in has terras venissent. Omnia ergo in hac traditione cum sacris Scripturis accurate concordant.

Mox proprias. Ita Mss. editionesque vet. ac recentiores. Male Rhenan. *ac mox.*

Carminibus Homeri. Falsa hæc Solymæa Judæorum origo: expendenda tamen, ut erroris causa aperiatur.

DE SOLYMEA JUDEORUM ORIGINE.

Apud Græcos Romanosque fons claritatis fuere Homeri carmina. Ideo clara videbantur Judæorum initia, si originem repeterent a Solymis, carminibus Homeri celebrata gente, quæ Hierosolymæ urbi e suo nomen fecisse credebatur. Verum hæc fabula sola linguæ Hebræicæ ignorantia nititur. Urbs Jerusalem dicta est primum *Salem*, שָׁלֵם i. e. 'pax,' a Melchisedech, ut fertur, condita. Deinde, cum Hebræi terras illas occupassent, pacemque ibi firmassent, appellata est *Jerusalem*, יְרוּשָׁלַם, i. e. 'possessio pacis.' Urbi Jerusalem novam urbem Sion addidit David, tunc non mutato nomine, sed in duale inflexo, vocata est *Jerusalaim*, יְרוּשָׁלַיִם, vel יְרוּשָׁלַם; diversa quidem scriptura, sed eadem pronuntiatione. Græci autem vocem interpretati sunt Ἱεροσόλυμα; et, cum vim Hebræicæ linguæ ignorarent, finxere Hierosolyma dici ab ἱερὸν 'templo,' et 'Solymis montibus,' ἐκ Σολύμων ὀρέων, quorum meminit Hom. Odys. v, 284. De pugnacibus Solymis, Σολύμοισι ἀνδάλιμοισι, agit adhuc in Iliad. vii, 184. Verum cum Soly-

mos Homerus memorat, ii non populi sunt Judææ, sed Æthiopiæ; quos appellat *Solymos*, quod eundem ferme situm haberent in Æthiopia, quem Solymi in Pisidia. V. Strabon. l. i. p. 35.

CAP. 3. *Plurimi auctores consentiunt.* Cum varias de Judæorum origine sententias retulisset Tacitus, promiscue de eorum institutis ac moribus ex plurimorum auctorum consensu agit. Qua de re cum multa jam in notis supra dixerimus, pauca supersunt explananda.

DE JUDÆIS, EORUMQUE INSTITUTIS AC MORIBUS.

Orta per Ægyptum tabe, quam *scabiem et vitiliginem*, id est, lepram, appellat Justin. xxxvi, 2. Judæos Ægypto pulsos fuisse tradit Tacitus, secutus Chæremone, ac maxime Lysimachum, qui eadem omnino mentitus est, ut vid. est ap. Joseph. *Contra Apionem*. l. i. 33 sq.

Quod autem mirificam Hebræorum per mare Rubrum transmissionem siluerit Tacitus, mirum videri non debet, cum ipse Josephus, cujus scripta tum inclaruerant, prodigium illud ita narraverit, ut id magis everteret, quam adstrueret. Simile enim portentum in Pampylion mari, cum Alexander Magnus Persas bello peteret, contigisse adseveravit Joseph. Antiq. Jud. ii, c. ult.

At, vel in ipsis Chæremonis et Lysimachi mendaciis, latet sexta, quam Deus Ægyptiis intulit, plaga, cum fædis purulentisque ulceribus infecti sunt, ut narrat Moses Exod. ix, 10. Iter autem patuisse olim per mare Rubrum indicat vetustissima apud Ichthyophagos, hujus maris accolæ, et a patribus accepta fama, quam refert Diod. Sic. lib. iii, 40. p. 122. 'ingenti *scilicet* æstu, aquas quondam in oppositas partes ita fuisse revolutas, ut fundus maris non tantum appareret, sed etiam exsiccaretur, deinde relabentibus fluctibus in pristinum ordinem fuisse restitutas.' Παρά δὲ τοῖς πλησίον κατοικοῦσιν Ἰχθυοφάγοις παραδέδοται λόγος, ἐκ προγόνων ἔχων φυλαττομένην τὴν φήμην, ὅτι μεγάλης τινὸς γενομένης ἀμπώτews ἐγενήθη τοῦ κόλπου ξηρὸς πᾶς ὁ τόπος, ὁ τὴν χλωρὰν ἔχων τοῦ τόπου πρόσσωιν, μεταπεσούσης τῆς θαλάττης εἰς τὰναντία μέρος· φανείσης δὲ τῆς ἐπὶ τῷ βαθῷ χέρσου πάλιν ἐπανελθοῦσαν ἐξαίσιον πλήμην ἀποκαταστήσαι τὸν πόρον εἰς τὴν προὔπαρξασαν τάξιν.

Hebræos, Ægypto egressos, et per vasta Arabiæ loca vagantes, fatigavit aquæ inopia; idque fatetur ipse Moses Exod. xv, 23. Sed eorum sitis, tum miraculis, tum loci opportunitate levata. Nam in Elim duodecim fontes aquarum et septuaginta palmas reperere, Exod. xv, 26 et 27. Neglecta quidem fuere ob gentis contentum miracula: ab aquis vero in Elim repertis nata videtur fabula, qua Moses, conjectura herbidi soli, et gregem asinorum agrestium secutus, largas aquarum venas aperuisse dicitur.

Quod autem addit Tacitus, Judæos continuum sex dierum iter emensos, septimo, pulsus cultoribus, obtinuisse terras, in quibus urbs et templum dicata sunt, locorum notitia et eventum serie satis refellitur. Ibi tamen agnoscas haud obscurum antiquæ veritatis monumentum. Nam cum Hebræi sex diebus continuis urbem Jericho circumcissent, septimo die, quod sabbatum erat, eam expugnare; pul-

et Chananæis, Palæstinam obtinuerunt, in qua postea a Davide urbs Jerusalem, a Salomone templum dicata sunt.

Errat autem Tacitus, cum vitam Mosis produxit, Judaicosque ritus, occupata Palæstina, inditos existimavit. Verius dixit apud Judæos profana omnia esse, quæ apud Romanos sacra, et rursum concessa apud illos, quæ his incesta. Judæis enim concessa plurima nuptiarum genera, quæ apud Romanos incesta habebantur. Sed hac de re et reliquis Judæorum moribus dictum satis in Notis.

Regem Bocchorim. Mss. Vatic. 1958. Flor. Harl. Bodl. Jes. Guelf. Puteolan. Pichena et recentiores. In Mss. Vatic. 1863 et 1864. Reg. Agr. et ed. pr. *Occorim* vel *Occhorim*.

Ut invisum. Male Puteolan. et *invisum*.

Alias in terras avehere. *Alias* abest a Ms. Corb. Bene Mss. Bodl. Jes. Puteolan. et recentiores, *avehere*. In Mss. Reg. Corb. *abire*. Ed. pr. *abjicere*.

Mosen, unum exulem. Ms. Reg. et ed. pr. *Moisen, unum exulem*. Mss. Harl. Jes. Corb. *Moysen* aut *Moysem*.

Utrunque deserti. Ita Mss. Flor. Reg. Corb. Agr. ed. pr. Ryck. et recentiores. Mss. Harl. Bodl. Jes. et Puteolan. *ab utrisque deserti*.

Sed sibimet, ut duci cælesti, crederent. Bene Mss. Harl. Bodl. Jes. Puteolan. et recentiores. Orosius quoque, i, 10. habet *sed*. In Mss. Flor. Reg. atque ed. pr. *et sibimet*. In Ms. Corb. *ni sibimet*. In Mss. Agr. *ut sibimet*. Sec. m. in hoc cod. super *ut* adscriptum *et*. Forte autem redundat *ut*. Abest enim a Mss. Reg. Corb. et ed. pr. Nec illud habent Orosius et Otho Frisingensis, quos vide inter Testimonia Veterum. Schelius emendabat, *adessent sibimet: ut duci cælesti crederent, primo cujus*. Nec aliter J. F. Gronov. et Cl. Ernest. qui *sibimet* ad Judæos; *primo cujus* ad quemvis Judæorum, qui eis opem ferret, referebant: vel omissa volebat Ernestus verba, *ut duci cælesti*. At hæc omnia vana sunt. Manifestum est enim id pertinere ad Mosen, cælestem ducem, *primo cujus* auxilio Judæi præsentibus in Ægypto, et in maris Rubri transitu miseras jam pepulerant. Recte Illustr. Huet. 'Id vult Cornelius jam opem aliquam ipsis tulisse Mosem, qui propterea sibi credi a Judæis postulare. Jam inde autem Mosi fidem habitam sequentia ostendunt.' In Mss. Flor. Reg. et ed. pr. *duce cælesti*.

Primo cujus auxilio præsentibus miseras pepulissent. Pro *primo* tentabat erud. Grotius, *pridem*. Quod minime necessarium est. Nec melius Freinsheim. *cujus consilio*. Mox in Mss. et libris editis, *auxilio credentes præsentibus, &c.* At *credentes* omnino redundat: ab amanuensibus additum post Orosii tempora. Abest enim ab ejus libris. Nec illud habet Otho Frisingensis. V. Testimonia Veterum. Lampugnani e codice suo Mirandulano frustra laudat, *pertulissent*. V. *Repub. of Lett. for Apr.* 1734. p. 248.

Jamque haud procul. *Que* abest a Ms. Corb.

Asinorum agrestium. Pessime ed. pr. *Assiriorum agrestium*. Asinos illos agrestes Tertullianus onagros dixit. V. Testimonia Veterum.

Concessit. Non ita bene ed. pr. *conscendit*.

Venas aperit. Mallet Illustr. Huet. *venas reperit*.

Id levamen. Male Ms. Guelf. *idem levamen.* Intellige, *fuit.*

In quæis. Ita Ms. Flor. ed. pr. et recentiores. Mss. Reg. Harl. Bodl. Jæs. et Puteolan. *in quibus.*

Dicata. Sic Mss. Flor. Corb. Agr. Ernest. et recentiores. Ms. Harl. et Puteolan. *dicata sunt.* Ms. Reg. et ed. pr. *dedicata sunt.*

CAP. 4. *Gentem firmaret.* Ms. Corb. *gentes.*

Profana illic. Frustra tentat Acidal. *profana illis.*

Effigiem animalis. Non unus Tac. sed Diod. quoque Sic. Plutarch, Apion alique Asininum Judæorum numen inmemoravere. Indeque salse adversus Judæum quemdam poetam Martial. xi, 95. 'Ecce negas, jurasque mihi per templa Tonantis. Non credo: jura, Verpe, per Anchialum.' Vel potius per *Ancharium*, ut habebat vetustissimus Ms. Cod. Thuanæus. Asinus enim Romanis dictus est *ancharius*. De hac fabula ejusque origine paucis dicendum.

DE FABULA ASINI A JUDEÏS CULTI.

ASINUM a Judæis cultum fabulam esse omnibus compertum est, Nec inter se consentiunt, qui mendacium prodidere. Alii asinum, alii asini caput, alii hominem asino insidentem, in Judæorum templo fuisse sacratum volunt: hæc omnia absurda esse patet ex ipso Tac, qui mox c. 5. profitetur, Judæos mente sola unum numen, summum, æternum, neque mutabile, neque interiturum intelligere: nulla simulacra eorum urbibus, nedum templis, esse. Obiciebat tamen Apion, calumniator audacissimus, asininum illud caput aureum ab Antiocho Epiphane in templo fuisse repertum. Cui respondet Joseph. Contra Apionem, ii, 7. neque ab Antiocho, neque a Pompeio Magno, neque a Licinio Crasso, neque a Tito, qui omnes templum obtinuerunt, tale quidpiam fuisse inventum: eos nihil reperisse, nisi purissimam pietatem; de qua nihil Judæis apud alios effabile; ob sacram scilicet et ineffabilem Dei Jehovah, יהוה, religionem. Addit Josephus veteres gravissimosque scriptores Polybium, Strabonem, Nicolaum Damascenum, Timagenem et Castorem prodidisse tantum templum ab Antiocho, qui iniqua et insatiabili opum cupidine flagrabat, fuisse expilatum.

At unde hujus fabulæ origo? Plurimi eruditas, sed non ita probabiles, ex Hebraicorum Græcorumve nominum similitudine originationes repetunt, quas vid. est ap. Cl. Joan. Jac. Huldric. Gentilis Obtrektor, Part. I. c. 4. p. 56 sq. Verius crediderim fabulam ortam esse ex Ægyptiorum malignitate. Natura procaces, se solos sapientes rerumque peritos jactitare soliti, asinisque infensissimi, hoc commentum vel Judæorum ignorantiam, religiosamve taciturnitatem despiciebant, vel frequentem in Judæorum libris asinorum memoriam, victoriasque Samsonis, et fusas ex asini maxilla aquas ridebant. Forte quoque asininum fuit aliquod ludibrium. Sic hodieque in Ægypto tanta est Turcarum superbia, ut equos, nobilissimum animal, sibi seponant, asinos tantum, vile pecus, Christianis, Judæis, Arabibus, Maurisque, a Mahumetica religione alienis, permittant. V. Cl. Hasselquist, *Voyages dans de Levant.* Vol. i, p. 80. Ut ut est, a Judæis ad Christianos manavit calumnia. Christianorum Deus appellatus est *Ὁ νοκοίτης*; Christiani dicti sunt *Asinarij*, teste Tertulliano in Apologetic, 16. Recte breviterque Minucius Felix, in

Octavio, cap. 28. 'Audire te dicis caput Asini rem nobis esse divinam. Quis tam stultus, ut hoc colat? Quis stultior, ut hoc coli credat?'

Errorrem sitimque. Quidam omisum vellent, *errorem*. At perperam: libris omnibus in hac voce consentientibus.

Qua ipsos scabies. Ita Mss. Flor. Bodl. Jes. Puteolan. Ernest. et recentiores. Mss. Reg. Corb. ed. pr. et Lips. *quod ipsos scabies*.

Retinet. Bene Puteolan. et recentiores. In ed. pr. aliisque nonnullis, *detinetur*. Ms. Harl. *retinetur*.

Septimo die. Ms. Corb. *septima die*.

Idæis. Bene Lips. et recentiores. Male Mss. et vett. edd. *Judæis*.

Quod e septem. Bene Rhenan. et recentiores. In vett. edd. *quod de septem*.

Ac pleraque. Optime Ms. Corb. ed. pr. et recentiores. Mss. Harl. Bodl. Jes. et Puteolan. *ac plerisque*. Additum in marg. Ms. Harl. *pleraque*.

Et cursum. Sic Puteolan. et recentiores. In Ms. Corb. et ed. pr. *cursus*.

Conficiant. Bene Lips. et recentiores. In Ms. Vatic. 1863. et ed. pr. *coniciant*. Ms. Corb. *comiciant*. Mss. Reg. et Agr. *conji-*
ciant. In Mss. Harl. Bodl. Jes. Guelf. *commearc*. In marg. Ms. Harl. *conji-*
ciant. Ms. Flor. *commearc*.

CAP. 5. *Hi ritus, quoquo.* Male Ms. Guelf. *his quoquo*. Sic quoque Ms. Harl. pr. m.

Spretis religionibus patriis. Legibus Romanis permissum erat Judæis, non modo in Judæa, sed in Asia, Libya, et ubique terrarum suis legibus vivere, et donaria, primitias, pecunias, quas unusquisque sponte sua ex pietate in Deum solvebat, Hierosolymam mittere; ut constat ex edicto Augusti Imperatoris, literisque Marci Agrippæ, et proconsulum Norbani Flacci et Julii Antonii ap. Joseph. Antiq. Jud. xvi. 6. Nihil est ergo, cur Tacitus queratur quod, spretis religionibus patriis, tributa et stipes Hierosolymam congererent. At quod curiosum magis et observatione dignum, hic inquiremus quæ fuerint illa tributa, quæ stipes, et quantum inde auctæ Judæorum res.

QUÆ TRIBUTA ET STIPES A JUDÆIS UNDEQUAQUE TERRARUM HIEROSOLYMAM MITTERENTUR, ET QUANTUM INDE OPUM EXSURGERE POTUERIT.

PRIMITIÆ, decimæ, vota, votorumque redemptio, census capitis, ea potissimum fuere tributa, quibus augebantur Judæorum res. Adde donaria; quæ quam magnifica quandoque fuerint æstimari potest ex munificentia Tiberii Alexandri, qui altissimas latissimasque novem portas templi, de quibus dicitur inf. c. 8. argento auroque vestivit, teste Josepho, Bell. Jud. v. 5. n. 3. Stipes quoque, ubique collectæ, Hierosolyma in pauperum sustentationem mittebantur.

Verum antequam quantum opum inde exsurgere potuerit expendamus, inquirendum quis tum fuerit Judæorum extra Palæstinam incolentium numerus. Ad hanc inquisitionem plurimum conferet Philo. Aperte enim docet tantam fuisse in Ægypto Judæorum multitudinem, ut non minus quam decies centena millia, 1,000,000. Alexandriam totamque regionem, quanta patet a Catabathmo Libyæ, nunc *Akabet-*

Assolom, usque ad terminos Æthiopiæ habitaverint. Ὅδε ἀποδέουσι μυριάδων ἑκατὸν τὴν Ἀλεξάνδρειαν καὶ τὴν χώραν Ἰουδαῖοι κατοικοῦντες ἀπὸ τοῦ πρὸς Λιβύην καταβαθμοῦ μέχρι τῶν ὁρίων Αἰθιοπίας. Philo 'in Flaccum,' p. 971. Certe multo plures fuere in Asia, maxime cum constet Judæos per totam Asiam ob commercia fuisse diffusos, et in Babylonia, quo olim fuerant translati, tantam eorum multitudinem extitisse, ut Petronius, apud Philonem, testetur Babylonem multasque Satrapias a Judæis teneri, et Caium Caligulam a bello Judaico metu copiarum Transeuphratensium deterreat. Id enim Petronio non auribus tantum, sed et oculis erat compertum. Ἐφόβουν δὲ αὐτὸν καὶ αἱ πέραν Εὐφράτον δυνάμεις ἧδει γὰρ Βαβυλῶνα καὶ πολλὰς ἄλλας τῶν σατραπειῶν ὑπὸ Ἰουδαίων κατεχομένους, οὐκ ἀκοῇ μόνον, ἀλλὰ καὶ πείρᾳ. Philo, de Legatione ad Caium, p. 1023. Et certe Judæorum numerum imminuam potius, quam exaggerabo, si eos in Asia fuisse non minus quam vices centena millia, 2,000,000. dixerō. Quot autem in Ægypto, tot saltem fuere in Europa et Africa. Haud immerito ergo pronuntiaverim non pauciores tunc fuisse extra Palæstinam Judæos, quam quadragies centena millia, 4,000,000. Inde Philo eos non multo pauciores indigenis tradit. Ὡς τῶν αὐθιγενῶν μὴ πολλῷ τινι δοκεῖν ἐλαττοῦσθαι. Philo, l. c.

Ex iis autem omnibus regionibus Judæi singulis annis aurum argentumque in templum mittebant; ut vid. est ap. Philon. l. c. Aurum quoque, *Judæorum nomine, quotannis ex Italia et omnibus Romani imperii provinciis Hierosolymam exportari* solitum testatur Cicero in oratione *pro Flacco*, c. 38. Quod quidem vetuit Flaccus, Asiæ rector; et sanxit edicto ne aurum ex Asia exportari liceret: sed id illi datum crimini; permissumque Judæis moribus suis vivere, aurumque exportare. Idem postea multis Augusti ceterorumque Cæsarum legibus firmatum.

At quantum auri exportarent Judæi nunc expendendum. Novimus quidem ex Cicerone, l. c. post L. Flacci edictum Apamæe comprehensum 'auri pondo centum paulo minus,' quæ circiter sunt *Angl.* 4,500*l.* 'Laodicæe viginti pondo paulo amplius,' circiter *Angl.* 900*l.* Quantum Adramyttii, quantum Pergami, quantum in aliis urbibus, comprehensum non declaratur. Alia ergo ineunda est via, ut quantum opum ex his collationibus exsurgere potuerit cognoscatur. Duce[m] Josephum sequamur. Is, auctoritatem Strabonis laudans, docet Mithridatem ad se mitti jussisse ex sacra pecunia, quam Judæi ex Asia in insulam Co, nunc *Stan-Co*, transtulerant, 'octingenta talenta,' *Angl.* 290,000*l.* Joseph. Antiq. Jud. xiv, 7, n. 2. Τὰ τῶν Ἰουδαίων ὀκτακόσια τάλαντα.

Sit quidem, per me licet, tota hæc pecuniæ summa a Judæis Asiaticis mitti solita. Certe non minorem summam ex Europa, ex Ægypto, ex Africa, mittebant ceteri Judæi. Ergo modica potius, quam magna, æstimatione, Judæi extra Palæstinam incolentes singulis annis Hierosolyma mittebant, *Angl.* 580,000*l.* Idem centum annis mittebant, *Angl.* 58,000,000*l.* Sic augebantur Judæorum res, ut recte observavit Tacitus.

Illuc congregabant. Ita Puteolan. et recentiores. In Mss. Flor. Corb. Agr. et ed. pr. *illuc gerebant.* In Mss. Hârl. Guelf. *illuc congregabant.* Ms. Jes. *congregabant.*

Et quia.... sed adversus. Ita libri scripti et editi. Acidal. qui-

dem ait in libris suis esse, *atque ut apud ipsos.... sic adversus, &c.* At quinam sint isti libri incompertum. Tentat Cl. Ernest. *et quidem.* Sed non necessario.

Alienarum. Mallet Heins. *alienigenarum.* Verum eodem sensu usurpatur, *alienarum.*

Transgressi in morem. Ms. Agr. *transgressique in morem.*

Exuere patriam. Male Ms. Reg. et ed. pr. *exire.*

Ex agnatis. Mallet Lips. *ex gnatis.* At forte hic et infra de Mor. Germ. 19. *agnati* pro *nati* usurpantur. Forte etiam aliquid reconditius latet. Fuere Judæis proselyti, et viguit sane apud Germanos, ut hodie viget apud barbaros, adoptio. Proselyti et adoptati, ut nati habebantur, et adnascebantur. Inde nefas tum natos, tum agnatos necare. Male tentabat Sam. Petit. *ex a. d. natis. i. e. ex ante diem natis.*

Animasque.... æternas. In Ms. Agr. et ed. pr. *animosque.... æternos.* Mss. Reg. et Corb. habent quidem *animos.* Sed in Ms. Reg. *æternis*; in Ms. Corb. *æternas.* Ceteri libri, *animas.*

E more Ægyptio. Mss. Harl. Jes. *more Ægyptio.*

Persuasio: cælestium contra. Ægyptii. Bene Rhenan. et recentiores. In Mss. Reg. Corb. et ed. pr. *persuasio cælestium. Contra Ægyptii.* In Mss. Harl. Bodl. Jes. Guelf. et Puteolan. *et persuasio cælestium. Contra Ægyptii.* In Ms. Agr. *eademque cura de infernis et persuasio cælestium contra. Ægyptii.* Quod quidem probabat Ryck. At potior est recepta nunc scriptura.

Pleraque animalia. Ms. Corb. *pleraque animalium.*

Unumque numen. Ms. Reg. et ed. pr. *unum tantum numen.*

Summum illud et æternum. In Ms. Reg. et ed. pr. *solum illud et æternum.* Quod satis placeret, ni ante dictum fuisset, *unumque numen.* Nam Judæi passim ingeminant, passim inscribunt, יהוה אחד, יהוה יהוה, i. e. 'Jehovah Deus noster Jehovah unus.' Deuter. vi, 4. *Summum* quoque optime dicitur; 'Quoniam Deus magnus Dominus: et rex magnus super omnes Deos.' Psalm. xciv, 3.

Nedum templis sinunt. Perperam Mss. et vett. edd. *nedum templis sunt.* Emendandum, *sinunt*, recte monuit J. F. Gronov.: quod quidem omnes postea probavere; et sic postulat Latinitas.

Hedera vinciebantur. Ut illustri exemplo pateat quomodo apud Græcos et Romanos fabulæ de Judæis sint adornatæ, de his coronis hederaceis et Bacchi cultu paulo fusius dicendum.

DE FABULA JUDÆOS, HEDERA VINCTOS, BACCHUM COLUISSE.

Fabulæ originem docet monstratque Plutarch. in Sympos. iv, 5. p. 671. Τῆς μεγίστης καὶ τελειοτάτης ἐορτῆς παρ' αὐτοῖς (Ἰουδαίους) ὁ καὶ ρός ἐστι καὶ ὁ τρόπος Διονύσω προσήκων· τὴν γὰρ λεγομένην νηστείαν ἀκμάζοντι τρυγητῷ τραπέζας τε προτιθενται παντοδαπῆς ὀπώρας, ὑπὸ σκηναῖς, καὶ καθιᾶσιν ἐκ κλημάτων μάλιστα καὶ κιστοῦ διαπεπλεγμέναις, καὶ τὴν προτέραν τῆς ἐορτῆς σκηνὴν ὀνομάζουσιν· ὀλίγαις δὲ ὕστερον ἡμέραις ἄλλην ἐορτὴν οὐκ ἂν δι' αἰνιγμάτων, ἀλλὰ ἀντικρυς Βάκχου καλουμένου τελοῦσιν. Ἔστι δὲ καὶ κρατηροφορία τὴς ἐορτῆς καὶ θυρσοφορία παρ' αὐτοῖς, ἐν ᾗ θύρσους ἔχοντες εἰς τὸ ἱερὸν εἰσίσουσιν· εἰσελθόντες δὲ ὁ, τι δρῶσιν οὐκ ἴσμεν. Εἰκὸς δὲ Βακχεῖαν εἶναι τὰ ποιούμεενα· καὶ γὰρ

σάλπγι μικραῖς ὥσπερ Ἀργεῖοι τοῖς Διόνυσίοις, ἀνακαλούμενοι τὸν θεὸν
 χρῶνται· καὶ καθαρίζοντες ἕτεροι προσίασιν οὐς αὐτοὶ Λενίτας προσονομά-
 ζουσιν, εἴτε παρὰ τὸν Λύσιον, εἴτε μᾶλλον παρὰ τὸν Εὖιον τῆς ἐπικλή-
 σεως γεγεννημένης. Οἶμαι δὲ καὶ τὴν τῶν σαββάτων ἑορτὴν μὴ παντάπα-
 σιν ἀπροσδιόνυσον εἶναι. Σάββους γὰρ καὶ νῦν ἐτι πολλοὶ τοὺς Βάκχους
 καλοῦσι, καὶ ταύτην ἀφιάσι τὴν φωνὴν ὅταν ὀργιάζωσι τῷ θεῷ. ‘Max-
 imæ et perfectissimæ Judæorum solemnitatis et tempus et modus
 cum Bacchi sacris congruit. Quod enim ipsi vocant jejunium, id sic
 celebrant, ut maxime fervente vindemia proponant mensas, in quibus
 expositæ sint omnis generis fruges; et sub tabernaculis desident,
 quæ potissimum e palmitibus et hedera contextuntur: et primam so-
 lemnitatis diem *Tabernacula* nominant. Paucis vero post diebus
 aliam festivitatem non obscure, sed omnino aperte Baccho nuncupa-
 tam celebrant. Est etiam solemne apud eos festum Craterophoria et
 Thyrsophoria, in quo thyrsos gestantes in templum intrant: quid
 intus faciant ignoro. Credibile est ab iis Bacchi sacra peragi: nam
 et tubis exiguis, sicut Argivi Bacchanalibus, utuntur ad evocationem
 numinis: et alii progrediuntur citharis ludentes, quos ipsi Levitas
 appellant, sive a Lysio, sive ab Evio (utraque vox Baccho congruit)
 ita dictos. Opinor etiam sabbatorum ferias non plane a Baccho esse
 alienas. Sabbos enim etiamnum multi Bacchos appellant, eamque
 edunt vocem, dum Orgia Bacchi celebrant.’ Alias deinde rationes
 subdit Plutarchus, quibus suam sententiam demonstratam credit:
 nempe festis diebus summum pontificem Judæorum mitratum ince-
 dere, tintinnabulis e veste dependentibus: quod, inquit, nulli alii
 Deo, quam Baccho convenit: Judæos in sacrificiis mel non adhibere;
 quia adversa vino mellis natura: denique inter multas pœnarum for-
 mas, hanc apud Judæos maxime odiosam esse, qua ad certum tem-
 pus vino interdicitur damnatus. Quæ retulisse sit satis, nec refuta-
 tione indigent. Manifestum enim est hæc omnia niti absurdis rituum
 Judaicorum interpretationibus, et solemnitate Tabernaculorum in pra-
 vum detorta. Nempe quod post collectas fruges, Judæi in tabernaculis,
 arborum fronde contextis, diversantes, summa cum lætitia festum Ta-
 bernaculorum die quintodecimo mensis Tisri, juxta legem Levit. xxiii,
 40 sq. septem diebus celebrabant; quod præcipua quoque festivitate
 diem alterum et vicesimum ejusdem mensis Tisri observabant, ramos,
 seu thyrsos, sâlicis aliarumque arborum gestantes, et Deum *servatorem*
 plurimum invocantes, ideoque dies ille in Kalend. Judaicis appellatur
 יהושענה רבה: inde conficta sunt illa omnia Bacchanalia; a quibus
 ita abhorrebant Judæi, ut cum illos ad id impietatis compellere vellet
 Antiochus Epiphanes, mori potius, quam fœdari maluerint. Vide
 2 Machab. vi, 7 sq. Confer quoque, si volueris, cum Plutarcho Athe-
 næum, lib. vii, p. 276. Inde evidenter perspicies cur festum illud
 Plutarchus dixerit craterophoria. Σάββους autem memorat, quod
 Judæi Deum Sabaoth, יהוה צבאות, seu *Deum exercituum* invocabant.

Vitisque aurea. Quæ fuerit illa vitis aurea, in templo reperta, ex-
 plicandum.

DE VITE AUREA.

Cum in templo interiore omnia auro corusarent, ut ejus porta orna-
 retur, vitis aurea supra columnarum caput, et sub corona muri, expansa

Moneta quindecim *Kiurouros*, *Angl.* 14,062,500*l.* *Kiurour* vulgo nuncupamus *Carol.*

Gemmea supellectile octo *Kiurouros*, *Angl.* 7,500,000*l.*

Lectum regium, æstimatum septem *Kiurouris*, *Angl.* 6,562,500*l.*

Thronum regium, æstimatum novem *Kiurouris*, *Angl.* 8,437, 500*l.*

Cetera in tam recenti memoria omnibus comperta omittam; satis sit observasse universa spolia fuisse, minima æstimatione, centum undecim *Kiurourorum*, *Angl.* 104,062,500*l.* Quæ opum commemoratio haud erit supervacanea, ut ex nostris temporibus vetera tempora æstimare discamus.

Nunc vero, ut ad Judæos revertar, monuerim, antequam Herodes vitem auream in templo dicasset, aliam jam olim fuisse in Cimelio domus Hasamoneæ a rege Judæorum Alexandro Jannæo factam. Aristobulus, ejus filius, eam dono dedit Pompeio Magno, qui eam Romæ in templo Jovis Capitolini dicavit. Extat hac de re luculentum Strabonis testimonium ap. Joseph. Antiq. Jud. xiv, 3. n. 1. *Ἐπεμψε γὰρ αὐτῷ (Πομπηίῳ) μέγα δῶρον Ἀριστόβουλος, ἀμπελον χρυσῆν ἐκ πεντακοσίων ταλάντων· μέμνηται δὲ τοῦ δώρου καὶ Στράβων ὁ Καππάδοξ, λέγων οὕτως· ἦλθε δὲ καὶ ἐξ Αἰγύπτου πρεσβεία, καὶ στέφανος ἐκ χρυσῶν τετρακισχιλίων, καὶ ἀπὸ τῆς Ἰουδαίας εἴτε ἀμπελος εἴτε κῆπος· τερπωλὴν ὀνόμαζον τὸ δημιουργήμα· τοῦτο μέντοι τὸ δῶρον ἱστορήκαμεν καὶ ἡμεῖς ἀνακείμενον ἐν Ῥώμῃ, ἐν τῷ ἱερῷ τοῦ Διὸς τοῦ Καπετωλλίου, ἐπιγραφὴν ἔχον ΑΛΕΞΑΝΔΡΟΥ ΤΟΥ ΤΩΝ ΙΟΥΔΑΙΩΝ ΒΑΣΙΛΕΩΣ. Ἐτιμήθη δὲ εἶναι πεντακοσίων ταλάντων. Ἀριστόβουλον μὲν οὖν τοῦτο λέγεται πέμψαι τῶν Ἰουδαίων δυνάστην.* Misit Pompeio ingens donum Aristobulus, vitem auream ex quingentis talentis, *Angl.* 362,500*l.* Meminit autem hujus muneris etiam Strabo Cappadox, his verbis. Venit et ex Ægypto legatio, cum corona aureorum quatuor mille, circiter *Angl.* 4000*l.* et ex Judæa sive vitis, sive hortus: quod opus *delectationem* (inde vitis illa aurea hortusque aureus dictus est *Terpion* a Joseph. Gorionide, iv, 20. *בְּנֵי מִזְבֵּחַ הַנֶּחֱרָץ שְׂרָפִיּוֹן*) nominabant. Hoc donum vidimus etiam nos Romæ in templo Jovis Capitolini dedicatum, cum Inscriptione ALEXANDRI IUDÆORVM REGIS. Æstimabatur autem quingentis talentis. Et quidem fertur Aristobulum Judæorum dynasten hoc misisse.

Hic est sane mons aureus, hæc vitis aurea, quam Pompeius transtulit in triumpho, quem de Judæis victaque Asia egit A. v. c. 693. Insignis annus, quo, auctore Plin. xxxvii, 2. *victoria illa Pompeii primum ad margaritas gemmasque Romanos mores inclinavit.* Hoc enim triumpho transtulit alveum cum tesseris lusorium e gemmis *duabus latum pedes tres, longum pedes quatuor:* (et ne quis de ea re dubitet, nulla gemmarum magnitudine hodie prope ad hanc amplitudinem accedente, in ea fuit Luna aurea pondo xxx. i. e. triginta librarum Romanarum) lectos tricliniaries tres: vasa ex auro et gemmis abacorum novem: signa aurea tria, Minervæ, Martis et Apollinis: coronas ex margaritis triginta tres: montem aureum quadratum cum cervis et leonibus, et pomis omnis generis circumdata vite aurea: Museum ex margaritis, in cujus fastigio horologium erat. De hoc triumpho confer et Plin. vii, 26. Aurea autem hæc vitis Hasamo-

næorum numquam fuit in templo Hierosolymitano, ut vid. est ap. erud. Selden. De Jure Natur. et Gentium, II, 8. p. 235.

Templo reperta. Ms. Corb. *templis.*

CAP. 6. *Qua ad Orientem.* Ms. Harl. *quæ ad Orientem.*

Ægyptus objacet. Ms. Corb. *ei Ægyptus objacet.*

A latere Syriæ. Ita Rhenan. et recentiores. In Mss. Reg. Harl. Bodl. Jes. Guelf. et edd. vett. *e latere Syriæ.*

Rari imbres. Ms. Corb. *raro imbres.*

Balsamum, modica arbor. Ut olim Pompeius Magnus in Mithridatico triumpho ebenum, ita Vespasianus Titusque in Judaico balsamum ostendere. De arbore tantæ olim celebritatis, hodieque magni nominis, pauca disserendum.

DE BALSAMO.

BALSAMO patria est Arabia Felix. Illud, ut videtur a regina Saba, Salomon accepit; idque vulgo apud Judæos ferebatur, teste Joseph. Antiq. Jud. viii, 6. n. 6. λέγουσι δ' ὅτι καὶ τὴν τοῦ ὀποβαλσάμου ρίζαν, ἣν ἐστὶ νῦν ἡμῶν ἡ χώρα φέρει, δούσης ταύτης τῆς γυναικὸς ἔχομεν. 'Aiunt etiam quod opobalsami radicem, quam nostra etiamnum terra edit, huic mulieri acceptam ferimus.' Postea ita a Judæis excultum est balsamum, ut inter eorum opes annumeraretur. Unde Justin. xxxvi, 3. 'Opes genti ex vectigalibus opobalsami crevere, quod in his tantum regionibus gignitur.'

Capta Judæa, balsamum sibi vindicavit fiscus; et sane, ut plus lucri perciperetur, in Ægypto quoque satum. Nunc natale solum ac patriam repetiit; nec jam Judaicum Ægyptiumve, sed Arabicum, celebratur. Plurimum quidem nominis obtinet, sed apud nos fama magis, quam re: verum enim ac genuinum in Turcarum Imperatoris opūmatumque usus et delicias cedit: ad nos adulterinum defertur. Inde nobis ferme incomperta eximia illa vis, qua pro stomacho et vulneribus præpollet.

Plinius, Vespasiano placendi haud incuriosus, multa habet de balsamo. Sufficiat præcipua seligere, quæ Tacitum illustrent. Hæc autem Plin. xii, 25. 'Omnibus odoribus præfertur balsamum, uni terrarum Judææ concessum, quondam in duobus tantum hortis, utroque regio, altero jugerum xx. non amplius, altero pauciorum. Ostendere arbusculam hanc Urbi Imperatores Vespasiani. Clarumque dictu, a Pompeio Magno in triumpho arbores quoque duximus. Servit nunc hæc, et tributa pendit cum sua gente, in totum alia natura, quam nostri externique prodiderant. Quippe viti similior est, quam myrto. Malleolis (*Angl. layers*) seri dicitur, nuper vineta, ut vitis: et implet colles vinearum modo, quæ sine adminiculis se ipsæ sustinent. Tondetur similiter fruticans, ac rastris nitescit, properatque nasci, intra tertium annum fructifera. Folium proximum rutæ, perpetua coma. Sæviere in eam Judæi, sicut in vitam quoque suam. Contra defendere Romani, et dimicatum pro frutice est. Seritque nunc eum fiscus: nec umquam fuit numerosior aut procerior. Proceritas intra bina cubita subsistit.... Inciditur vitro, lapide, osseisve cultellis. Ferro lædi vitalia odit. Emoritur protinus, eadem amputari supervacua patiens. Incidentis manus libratur artifice tempera-

mento, nè quid ultra corticem violet. Succus e plaga manat, quem opobalsamum vocant, suavitatis eximiae, sed tenui gutta ploratu, lanis parva colligitur in cornua. Ex his novo fictili conditur, crassiori similis oleo, et in musto candida. Rubescit deinde, simulque durescit e translucido. Alexandro Magno res ibi gerente, toto die aestivo unam concham impleri justum erat. Omni vero fecunditate e majore horto congios senos, minore singulos, cum duplo rependebatur argentum. Nunc etiam singularum arborum largior vena, ter omnibus percutitur aestatibus, postea deputatur. Et sarmenta quoque in merce sunt. DCC III. amputatio ipsa surculusque venit intra quintum devictae annum. Xylobalsamum vocatur, et coquitur in unguentis summa probatio *balsami* est, ut lac coagulet, in veste maculas non faciat. Nec manifestior alibi fraus: quippe millibus denarium, sextarii emti vendente fisco trecentis denariis, veneunt: in tantum expedit augere liquorem. Xylobalsamo pretium in libras x. v.

Pauca nunc addiderim, quae Plinius explicent. Ex iis enim, quae retulimus, patet etate Alexandri Magni exiguum fuisse balsami copiam, siquidem ex duobus hortis annua balsami fecunditas fuit tantum septem congiorum. Quod, cum duplo rependeretur, venibat circiter *Angl.* 420l. Si ex balsami vectigalibus creverint Judaeorum opes, ut docet Justinus, tunc sane vel Judaei majorem balsami copiam excoluere, vel largior fuit arborum vena. Certe, Romanis Judaea potentibus, et numerosiores et proceriores fuisse arbores testatur Plinius. Nec tamen imminutum balsami pretium: nam, teste eodem Plinio, sextarius venibat trecentis denariis, seu *Angl.* 10l. Ergo tunc quoque duplo rependebatur. Mercatores autem, qui vendente fisco sextarium trecentis denariis emerant, ita balsamum oleo, resina, galbano, aliisque id genus adulterabant atque augebant, ut quod emerant trecentis denariis, ipsi millibus denarium, *Angl.* 35l. venderent. Ligno autem minima erat gratia. Inde A. U. C. 828, qui fuit a devicta Judaea quintus annus, sarmenta venire DCC III. seu *septingentis sestertiis*, i. e. *Angl.* 5l. 17s. Xylobalsamo autem pretium in libras x. v. i. e. *denarii quinque*, seu *Angl.* 3s. 4d.

Fidumque nivibus. Male Mss. Harl. Bodl. Jes. *fidumque nimbis.* In marg. Ms. Harl. additum *nivibus*.

Incertae undae. Bene Mss. Flor. Reg. Corb. ed. pr. et recentiores. Mss. Harl. Bodl. Jes. et Puteolan. *incertum unde.* Frustra tentabant Grotius et Freinshem. *inerti undae.*

Ut solido, ferunt. Sic Mss. Vatic. Flor. Reg. ed. pr. et recentiores. In Ms. Corb. *fert.* Ms. Agr. *feret.* Puteolan. alique deinde multi, *feruntur.*

Certo anni. Frustra addunt Mss. Harl. Bodl. Jes. et Puteolan. *certo anni tempore.* Egyptios autem bitumine in condiendis corporibus usos fuisse docet Strabo, xvi, p. 764. *Χρῶνται δ' Αἰγύπτιοι τῇ ἀσφάλτῳ πρὸς τὰς ταριχέας τῶν νεκρῶν.* V. jam dicta sup. Hist. v, 6. not. inf.

Vi solis. Ms. Corb. *vique solis.*

CAP. 7. *Magnisque urbibus habitatos.* Famam illam apud indigenas communem testatur Strabo, xvi, p. 764. *Ὡστε πιστεύειν τοῖς θρυλουμένοις ὑπὸ τῶν ἐγχωρίων, ὡς ἄρα ῥεκοῦντό ποτε τρισκαίδεκα πόλεις*

ἐνταῦθα, ὧν τῆς μετροπόλεως Σοδόμων, σώζεται κύκλος ἐξήκοντά που σταδίων ὑπὸ σεισμῶν καὶ ἀναφυσημάτων πυρὸς καὶ θερμῶν ὑδάτων ἀσφαλτῶδων τε καὶ θειωδῶν ἢ λίμνῃ προπέσσι, καὶ πέτραι πυρίληπτοι γένοιντο· αἷτε πόλεις αἱ μὲν καταποθεῖεν, ἃς δ' ἐκλείπειεν οἱ δυνάμενοι φυγεῖν. 'Ut iis fides haberi posse videatur, quæ ab indigenis prædicantur: in hoc loco tredecim urbes olim habitatas fuisse, quarum caput Sodoma adhuc sexaginta stadiorum habeat superstitem ambitum: terræ autem tremoribus et ignis aquarumque calidarum et bituminosarum ac sulphurearum extitisse lacum, saxa ignem concepisce, urbium alias absorptas, alias ab iis, quicumque fugere potuerunt, derelictas.'

Fulminum jactu. Sic Mss. Corb. Harl. Bodl. Jes. Guelf. Rhenan. et recentiores. In Ms. Reg. et edd. vett. *fulminis*. Latinus Latimius et Lips. mallent, *ictu*: at recte quoque dicitur, *jactu*.

Specie torridam. Bene Mss. et libri editi habent *torridam*. Non ita bene Orosius, *solidam*. Vide *Testimonia Veterum*.

Sive herba tenuis aut flore. Perperam ed. pr. et Beroald. *sive herbas tenues aut flores*. Mss. quoque et Puteolan. habent, *herbas et flores*. At in iis pro *tenuis* scriptum *tenus*. Unde recte emendavit Rhenan. *sive herba tenuis aut flore*. Ryck. tamen e Ms. suo Agr. edidit, *sive herbæ tenues aut flores*.

Seu solitum. In Mss. Corb. Agr. et ed. pr. *ut solitum*. Sic quoque edidit Ryck.

Sicut inclytas. Sic Mss. Corb. Agr. ed. pr. Pichena et recentiores. Sic quoque Orosius, quem vide inter *Testimonia Veterum*. In Mss. Flor. et Jes. *sicut indicas*. In Mss. Harl. Bodl. et Puteolan. *sicut Judaicas*.

Conlectæ arenæ. Ita Lips. et recentiores. Male Mss. Harl. Bodl. Jes. et Puteolan. *conjectæ arenæ*. In Mss. Flor. Reg. Farnes. Corb. Agr. et ed. pr. *lectæ arenæ*. Quod melius puto.

Admixto nitro. Bene Ms. Reg. Rhenan. et recentiores. Perperam vulgo in Mss. et vett. edd. *vitro*. In Ms. Jes. *intro*.

Sed egerentibus. Ita Rhenan. Lips. Ryck. alique plurimi. In Mss. et vett. edd. *et egerentibus*. Quod Cl. Ernesto probatum.

CAP. 8. *Genti caput.* Sic Rhenan. et recentiores. In Mss. et vett. edd. *gentis caput*.

Immensæ opulentiae templum. Quæ fuerit illa opulentia, quam immensam dixit Tac. indicandum.

DE IMMENSA TEMPLI OPULENTIA.

PRIMUM, ut quæ dicenda sunt, intelligantur, abducendus est animus a nostris ecclesiis, quæ nihil habent cum Hierosolymitani templi magnitudine et magnificentia commune: intimi tantum penetralis similitudinem aliquam referunt, ac maxime Græcorum Ecclesiæ. Grandia ergo cogitanda sunt spatia: circumductæ undequaque porticus marmoreæ, cedrinis laquearibus tectæ: aræ variis pretiosisque lapidibus discriminatæ: ara sub dio: in recessu intimum penetrale.

Itaque duplex fuit templum Hierosolymitanum: interius alterum, alterum exterius. Interioris templi figura quadrata, et singula latera quingentorum cubitorum. Ezech. xlii, 20. (Cubitus autem vulgo uno pede et octo pollicibus, mensura Parisiensi, definitur.) Exterius tem-

plum, quo interius continebatur, quadratum quoque fuit, licet ob junctam turrin Antoniam quadratum non haberetur. Ejus magnitudo haud ita comperta, quod manifeste errat Josephus, cum templi exterioris et turris Antoniae ambitum sex stadiis comprehendit. Ὁ δὲ πᾶς κύκλος αὐτῶν εἰς ἑξ σταδίων συνεμετρεῖτο, περιλαμβανομένης καὶ τῆς Ἀντωνίας. Joseph. Bell. Jud. v, 5. n. 2. Unde Cl. Danville, *Dissertation sur l'ancienne Jérusalem*, p. 54. existimat pro ἑξ olim forte scriptum fuisse δέκα; ita ut exterioris templi et turris Antoniae ambitus fuerit septingentarum sexaginta hexapedarum, *Anglice*, 4560 feet. Quod ob turris Antoniae, quatuor aliis turribus munitae, amplitudinem, minus potius, quam majus crediderim. At hæc de templi magnificentia et amplitudine quas multi eruditi viri eximiis operibus illustrare, sint satis. Ejus opulentia nobis potissimum exploranda.

In ipso templi exterioris aditu, occurrebat Orientem versus porta triginta cubitos alta, et viginti lata, cujus fores ære Corinthio foribus argento auroque obductis erant multo præstantiores. Joseph. Bell. Jud. v, 5. n. 3.

A templo exteriori, ubi atrium erat gentium, ad interius templum adeuntibus alia obversabatur porta, Orientem quoque versus, quinquaginta cubitos alta, et quadraginta lata. Ejus fores crassissimis auri argentique laminis vestitæ. In Meridionali Septemtrionalique ejusdem templi lateribus octo aliæ erant portæ, eadem, qua modo dicta exterioris templi porta, magnitudine: earum quoque fores auro argentoque onustæ. Joseph. l. c.

In interiore hoc templo erat atrium Judæorum, ara, et penetrale, quod *Sanctum* et *Sanctum Sanctorum* dicebatur. Illud penetrale, ut sanctitate, ita apparatu et opulentia erat præcipuum. Ejus frons, Orienti obversa, lata cubitos centum, totidem alta, tota auro refulgerebat. Ipsum quoque totius penetralis fastigium, aureis, sed acutissimis, verubus horrebat, ne ab insidentibus avibus inquinaretur. Ejus porta erat septuaginta cubitos alta, quinque et viginti lata, cui nullæ tamen fores, ut cœli semper patentis imaginem referret. Inde erat prospectus in primam penetralis partem (tres enim in partes dividebatur penetrale) altam intus cubitos nonaginta, longam quinquaginta, viginti latam. Porta et prima illa pars interior penetralis undique auro coruscabat; et supra portam expansa erat vitis illa aurea, unde botri statura humana dependebant. Joseph. Antiq. Jud. xv, 11. n. 3. et Bell. Jud. v, 5. n. 4. De hac vite dictum satis sup. c. 5.

Primam hanc penetralis partem excipiebat pars altera sanctior, alta cubitos sexaginta, quadraginta longa, et viginti lata. Aureæ erant ejus fores, altæ cubitos quinque et quinquaginta, latæ sexdecim: ante has fores expansum erat aulæum Babylonieum, hyacintho, bysso, cocco, et purpura, mirabili arte, contextum. In ipso penetrali, aureis quoque ornamentis fulgido, erat mensa aurea, aureum candelabrum, thuribulum aureum, præcipua Judaicæ religionis monumenta, de quibus dictum in Appendice ad librum Historiar. v, 51. V. et Joseph. Bell. Jud. v, 5. n. 5.

Post alteram hanc penetralis partem, pone sequebatur pars tertia et sanctissima, quæ appellabatur *Sanctum Sancti*, seu *Sanctum Sanctorum*. Ante aureas quoque ejus, ut supra, fores, expansum erat ve-

lum. (Illud est velum, quod in morte Jesu Christi scissum est.) Tertia illa pars penetralis, alta cubitos sexaginta, longa cubitos viginti, totidem lata, auro tecta et strata, nullo lumine, præcipuaque veneratione. Ibi enim in templo Salomonico fuerat arca fœderis, duo Cherubim, et propitiatorium. Quæ cum in templo Zorobabelico deessent, crediderim in hac tertia penetralis parte fuisse tantum librum Legis. Existimat tamen erud. Prideaux, *Histoire des Juifs*, ad an. 534. A. C. Judæos aliam arcam ad veteris exemplar, Cherubim atque propitiatorium fecisse et in Sancto Sanctorum reposuisse. At, si ibi hæc fuerint, quomodo Josephus ait nihil omnino in hoc penetrali fuisse? *Ἐκεῖτο δ' οὐδὲν ἔλως ἐν αὐτῷ*. Joseph. Bell. Jud. v, 5. n. 5. Tacitus quoque c. 9. memorat 'vacuam sedem, et inania arcana.'

Hactenus templi apparatus, in quo quidem multum opulentia, vidimus. Nunc vero adeunda templi gazophylacia: alia argenteis aureisque pateris, vasis, instrumentis referta: alia aromatibus plena: alia bysso, purpura, Babylonicis onusta. Quanta autem essent hac ætate Babylonicis pretia, æstimari potest ex luxu Neronis, cui triclinaria Babylonia, quadragies sestertio, *Angl.* 33,333, 6s. 8d. constiteret, ut diximus inter *Anecd. de Nerone, Vol. iv. p. 27.* Adde nunc gazophylacia, in quibus sacra pecunia adservabatur. Quanta tunc fuerit nemo expressit: infinitam eam, *ἄπειρον μὲν τῶν χρημάτων πλῆθος*, generatim dixit Josephus, Bell. Jud. vi, 5. n. 2. Maximam certe fuisse patet, cum post excidium Hierosolymitanum auri pretium dimidia parte in Syria sit imminutum, ut diximus in Appendice ad lib. Hist. v, 39.

Ut tamen ex vetustioribus temporibus præsens opulentia aliquatenus æstimetur, animadvertendum fuisse in templi gazophylacio duo millia talentorum, *Angl.* 708,333l. 6s. 8d. cum Pompeius Magnus Hierosolyma cepit A. V. C. 691. Octo post annis Crassus illa duo millia talentorum rapuit: præterea templum auro spoliavit ad octo millia talentorum, *Angl.* 31,430l. trabem quoque, ex qua suspendebatur velum, solido auro factam ex trecentis minis, *Angl.* 3,733,333l. 6s. 8d. abstulit. Joseph. Antiq. Jud. xiv, 7. n. 1. Ac proinde tum Crassus rapuit e templo Hierosolymitano *Angl.* 4,473,100l. Nondum tamen templum Hierosolymitanum, inter assiduos bellorum motus, ad eam opulentiam adornatum fuerat, quo postea evectum est Herodis Magnimunicipia, et certantibus undique Judæorum studiis, imperiique Romani pace. Tum enim primum ad Salomonici templi magnificentiam accedere visum est. Insuper locupletissimus quisque Judæorum domos in templo extruxerat, in quibus opes suas condiderat, ita ut tunc ibi essent totius gentis thesauri, teste Joseph. Bell. Jud. vi, 5. n. 2. *Πᾶς ὁ Ἰουδαίων σεσῶρευτο πλοῦτος*. Non immerito ergo Tacitus 'immensæ opulentia templum' dixit.

Hæremus autem, cum illas templi Hierosolymitani opes legimus, et nostrorum templorum pauperiem contemplamur. At reputemus unicum fuisse non modo urbis Hierosolymorum, sed totius Judaicæ gentis templum. Si unicum quoque nobis foret, et quidquid in tota templorumque apparatus fuit expensum in uno templo collectum haberemus, quanto majores opes miraremur!

Et primis munimentis. *Primis* habent libri omnes scripti et editi.

Mallet tamen Lips. *trinis*, quod urbis Hierosolymorum tres essent partes, suis quæque defensæ munimentis. Male Beroald. *monumentis*. Ryck. e Ms. Agr. *ex primis munimentis urbis*, i. e. *præcipuum munimentum urbis*.

Urbs, dein regia. Optime Mercer. et recentiores. Pessime Ms. Corb. *urbs deningia*. Ms. Reg. *urs ob denigia*. Ed. pr. *urs ob dein jugis*. Mss. Harl. Bodl. Jes. et Puteolan. *urbs: dein jugis*. Unde Rhenan. emendaverat, *urbs dejugis*. Tentabat Lips. *urbs, ob dejugia*. Ryck. e suo Ms. Agr. male edidit, *urbis, alienigenis templum interius clausum*.

Ad fores tantum. Male Ms. Guelf. *ad fores tamen*.

Intimis clausum. *Intimis* abest a Ms. Corb. Frustra tentat Cl. Ernest. *cunctis*, vel *adeuntibus clausum*.

Judæo aditus. Perperam Mss. Reg. Corb. et ed. pr. *Judæa*.

Nam ea tempestate Arsaces desciverat. Cl. Ernest. existimat verba hæc esse additamentum imperiti hominis. At hac de re dictum est satis in Notis.

Sibi ipsi. Ms. Corb. *sed ipsi*.

Procul erant. Bene Mss. Flor. Reg. Corb. Agr. ed. pr. et recentiores. Mss. Harl. Bodl. Jes. et Puteolan. *procul aberant*.

CAP. 9. *Judæos domuit*. *Judæos* abest a Ms. Corb. Illud quoque omisit Lips.

Nulla intus Deum effigie. Bene Ms. Corb. ed. pr. et recentiores. Mss. Harl. Bodl. Jes. Guelf. et Puteolan. *nullas intus Deum effigies*.

Civili inter nos bello. Ita Ms. Agr. et Cl. Ernest. qui tamen vel *civili*, vel *inter nos* redundare existimat. In Mss. Flor. Reg. Corb. et ed. pr. *civili interno bello*. Puteolan. *civili bello interno*.

In ditionem. Male Mss. Bodl. Jes. Corb. *in ditione*.

C. Sosius. Male Ms. Corb. *C. Sesius*.

Augustus auxit. Bene Mss. et vett. ac recentiores edd. Male Rhenan. *Augustus sanxit*.

Simon. Ita Mss. Harl. Bodl. Jes. Corb. et edd. vett. Cl. Ernest. *Simo*.

Dein, jussi. Mss. Harl. Corb. *deinde jussi*.

CAP. 10. *Comprimere cæptantem*. Sic Rhenan. et recentiores. In Mss. Reg. Bud. Corb. et ed. pr. *comprimere receptantem*. Puteolan. *comprimere reos cæptantem*. Nec aliter Ms. Bodl. licet habeat *ceptantem*. Ms. Jes. *reos captantem*. Ms. Harl. *eos captantem*. Unde non displiceret, *comprimere eos cæptantem*, ni prius dictum fuisset, *sub eo bellum ortum*.

Exceperere. Bene Puteolan. et sic vulgo Mss. Perperam Ms. Reg. et ed. pr. *accipere*. Ms. Bud. *excipere*.

Intra duas. Sic Rhenan. et recentiores. In Mss. Reg. Harl. Bodl. Jes. Guelf. Corb. et edd. vett. *inter duas*.

Cuncta camporum. Ms. Corb. *cuncta composuit*.

Præter Hierosolyma. Ita Puteolan. ac recentiores, et ex communi usu Tac. In Mss. Reg. Harl. Bodl. Jes. Corb. Bud. Guelf. et ed. pr. *præter Hierosolymam*.

Tac.

Pace per Italiam parta. Bene Ms. Corb. Rhenan. et recentiores. In Mss. Reg. Harl. Bodl. Jes. Guelf. et edd. vett. *parata.*

Apud exercitus. Mss. Harl. Corb. *apud exercitum.*

Utilius videbatur. Ita Pichena et recentiores e Ms. Flor. In Mss. Harl. Bodl. Jes. Corb. Agr. Guelf. et edd. vett. *utile videbatur.*

Uti diximus. Ms. Harl. *ut.*

Ante mœnia Hierosolymorum. Ms. Corb. et ed. pr. *ante Hierosolymorum mœnia.*

CAP. 11. *Prælia serebant.* Ms. Corb. et ed. pr. *feriebant.*

Hostium opperiri. In Ms. Reg. et ed. pr. *experiri.*

Ac, ni statim. A Ms. Agr. abest, *ac.*

Immensum editos. Ita ed. pr. et recentiores. Mss. Harl. Bodl. Jes. et Puteolan. *in immensum editos.* Ms. Corb. *et immensum editos.*

Aut introrsus. Mss. Harl. Jes. *at.* Ms. Corb. *introrsum.*

In centenos vicenosque. Ita Ms. Reg. ed. pr. et recentiores. In Ms. Corb. *in centenas vicenasque.* Ms. Bud. *in centenosque.* Mss. Harl. Bodl. Jes. Guelf. et Puteolan. *in centenos quoque attollebantur.* Inter devexa, muri in cxx. pedes attolli poterant, ut patet ex altitudine turrium, quam memorat Joseph. Bell. Jud. v, 4. n. 3.

Circumjecta. Male ed. pr. *circumvecta.*

Conspicuoque. *Que* abest a Ms. Harl.

In honorem. Mss. Harl. Bodl. Jes. *in honore.* Sec. m. in Ms. Harl. emendatum, *in honorem.*

CAP. 12. *Labore et opere.* Ita Rhenan. et recentiores. In Mss. Flor. Reg. Harl. Bodl. Jes. Agr. Guelf. et edd. vett. *labore et opera.* At proprium hac in re verbum, *opus*, ut recte observat Cl. Ernest.

Ambiebatur. Ms. Flor. *ambibatur.*

Præviderant. Bene Puteolan. et recentiores. In Mss. Reg. Corb. Agr. et ed. pr. *provididerant.*

Ceterarum urbium. Ita Mss. Harl. Bodl. Jes. Puteolan. et recentiores. In Ms. Corb. *cunctarum urbium.* Mss. Reg. Agr. et ed. pr. *exterarum urbium.*

Simon. In Mss. Flor. Reg. Guelf. ed. pr. et recentioribus, *Simo.* Mss. Harl. Bodl. Jes. et Puteolan. *Symo.* Mox ed. pr. *Simon.*

Bargioram. Bene Lips. Male vulgo Mss. et vett. edd. *Barbargioram.*

Eleazarus. Bene Puteolan. Corrupte Mss. et ed. pr. *Heleazarus*, vel *at Lazarus.*

Bellum externum. Ms. Reg. *bellum extremum.*

Concordiam pareret. Mss. Harl. Bodl. Jes. et edd. vett. *pararet.*

Cap. 13. Expasæ. Bene Puteolan. Corrupte Ms. Flor. *expertæ.*

In Mss. Reg. Agr. et ed. pr. *apertæ.* Ms. Jes. *expansæ.*

In metum. Mss. Harl. Bodl. *in metu.* Altera m. in Ms. Harl. emendatum, *metum.*

Vespasianum ac Titum prædixerant. Antiquæ illæ literæ non Vespasianum Titumque, sed J. C. regnum prædixerant. Quod expressius declarandum.

DE PERSUASIONE TUNC VULGATA¹ PROPECTOS JUDÆA
RERUM POTITUROS.

PERSUASIONEM illam testatur Tac. Hist. v, 13. 'Pluribus persuasio inerat, antiquis sacerdotum literis contineri, eo ipso tempore fore, ut valesceret Oriens, profectique Judæa rerum potirentur. Quæ ambages Vespasianum ac Titum prædixerant. Sed vulgus, more humanæ cupidinis, sibi tantam factorum magnitudinem interpretati, ne adversis quidem ad vera mutabantur.' Eam quoque testatur Suet. Vesp. 4. 'Percrebuerat Oriente toto vetus et constans opinio: esse in fatis, ut eo tempore Judæa profecti rerum potirentur. Id de Imperatore Romano, quantum eventu postea patuit, prædictum Judæi ad se trahentes rebellant.' Significantius adhuc Joseph. Bell. Jud. vi, 5. n. 4. Τὸ δὲ ἐπ' αὐτοὺς (Ἰουδαίους) μάλιστα πρὸς τὸν πόλεμον, ἦν χρησμός ἀμφίβολος ὁμοίως ἐν τοῖς ἱεροῖς εὐρημένος γραμμασιν, ὡς κατὰ τὸν καιρὸν ἐκείνον, ἀπὸ τῆς χώρας τὴς αὐτῶν ἀρξεί τῆς οἰκουμένης. Τοῦτο οἱ μὲν ὡς οἰκεῖον ἐξέλαβον, καὶ πολλοὶ τῶν σοφῶν ἐπλανήθησαν περὶ τὴν κρίσιν· ἐδήλου δ' ἅρα περὶ τὴν Οὐεσπασιανοῦ τὸ λόγιον ἡγεμονίαν, ἀποδειχθέντος ἐπὶ Ἰουδαίας αὐτοκράτορος. 'Sed quod maxime Judæos ad bellum excitaverat, vaticinium erat ambiguum in sacris libris repperitum, illis temporibus quemdam ex ipsorum finibus orbis terrarum imperio potiturum. Id enim illi quasi sibi proprium acceperunt, multique sapientes interpretatione decepti sunt. Significabat nempe oraculum Vespasiani principatum, qui in Judæa declaratus est Imperator.'

Oraculum quidem Tac. ac Suet. veri ignorantia, Josephus adulatione, in Vespasiani fortunam traxere. At altiora et diviniora prænuntiari demonstrent antiquæ illæ literæ, quæ adhuc extant apud Daniel, ii, 44. Καὶ ἐν ταῖς ἡμέραις τῶν βασιλέων ἐκείνων, ἀναστήσει ὁ θεὸς τοῦ οὐρανοῦ βασιλεῖαν, ἣτις εἰς τοὺς αἰῶνας οὐ διαφθαρήσεται, καὶ ἡ βασιλεῖα αὐτοῦ λαῶ ἑτέρῳ οὐχ ὑπολειφθήσεται, λεπτυνεῖ καὶ λικμήσει πάσας τὰς βασιλείας, καὶ αὕτη ἀναστήσεται εἰς τοὺς αἰῶνας. 'In diebus autem regnorum (vel regum, *מלכות*) illorum, suscitabit Deus cæli regnum, quod in æternum non dissipabitur, et regnum ejus alteri populo non tradetur: comminuet autem et consumet universa regna hæc: et ipsum stabit in æternum.' Illud est regnum, quod Apostoli, Judæa profecti, non opum fulgore, non armorum vi, ne in *persuasibilibus* quidem *humanæ sapientiæ verbis, sed in ostensione spiritus et virtutis* fundaverunt, teste Paulo 1 Cor. ii, 4. Babyloniorum, Persarum, Græcorum, Romanorumque regnis majus, statim per terrarum orbem late diffusum est, ut vid. est ap. eundem Paul. in Ep. ad Rom. x, 18. Sub ipso Neronis principatu, jam nonnulli e domo Cæsaris Christianæ militiæ nomen dederant. Inde Paul. in Ep. ad Philipp. iv, 22. Ἀσπάζονται ὑμᾶς πάντες οἱ ἅγιοι, μάλιστα δὲ οἱ ἐκ τῆς Καίσαρος οἰκίας. 'Salutant vos, qui mecum sunt, fratres. Salutant vos omnes sancti, maxime autem qui de Cæsaris domo sunt.'

Vespasianus quidem, ad imperium postea evectus, ausus est divina oracula in suæ dignitatis omen ac firmamentum divertere. At Deus, vanis mortalium consiliis illudens, brevem fecit Vespasiani, breviorum Titi, nec longam, et improperam, Domitiani potestatem; paucisque annis Flavia domus evanuit. Immo ut illus trius extaret argumen-

tum divina oracula ad Flaviam domum non pertinuisse, illius ipsius domus pars magna, Flavia Domitilla, Vespasiani neptis, Titus Flavius Clemens ejus fratris filius, Plautilla fratris quoque filia, altera Flavia Domitilla, idem sanguis, Christianam religionem professi, ideoque exilia et mortem passi, regnum Christi sanguine suo firmavere. Vide Stemma Flaviorum in not. et em. ad Hist. i, 46. Vol. ii. p. 386. n. 11. 12. 13 et 14. Regnum illud, ut nihil humani in ejus propagatione esse manifesto videretur, cum imperio Romano et exteris principatibus diu luctatum est. Interfecti, excarnificati sunt Christi milites. At tandem orbis, eorum patientia victus, Christo credidit; exemplumque ultro dedere Principes et Imperatores. Tum in signis vexillisque Romanis, quæ tot abhinc seculis ut numina habebantur, resplenduit Christi nomen, XP. in quo SPES et SALVS AVGVSTORVM: tum in iis effulsit ipsa Christi crux, cum inscriptione IN HOC SIGNO VICTOR ERIS. Adi Constantini Magni et Constantii nummos. Variis deinde linguis et monumentis celebratus est IC XC BASILΘ BASILG et IHS XPS REX REGNANTIVM. ut passim videre est in Imperatorum nummis. Idem nos quoque aureis nostris nummis continuo profiteamur: CHRIS. REGN. VINC. IMPER. i. e. 'Christus regnat, vincit, imperat.' Sic valuit Oriens; et juxta antiquas Prophetarum literas fundatum a Judæa profectis Jesu Christi regnum, quod in æternum non dissipabitur.

Prædixerant. Ita vulgo Mss. Puteolan. et libri omnes postea editi. In Mss. Flor. Reg. et ed. pr. *prædixerat*. Quod quidem approbat Jac. Gronov. At magis placet, *prædixerant*; et ex Tac. usu.

Interpretati. Male Ms. Jes. *interpretari*. Ita tamen emendatum altera m. in Ms. Harl.

Virile ac muliebre secus. Sic Ms. Flor. pr. m. Jac. Gronov. et recentiores. Mss. Vatic. 1863 et 1958. Harl. Bodl. Jes. et Puteolan. *virilis ac muliebris sexus*. In Ms. Reg. et ed. pr. omissum, *sexus*; ob sequentem vocem, *sexcenta*.

Sexcenta millia. Ita Mss. Flor. Bud. Agr. ed. pr. Rhenan. et recentiores. Male Puteolan. *ducenta*; forte quod in Mss. repererit *de*, ut habent Mss. Harl. Bodl. Jes. Guelf. *Sexcenta* quoque habet Orosius, vii, 9. quem vide inter Testimonia Veterum. Nondum tamen accuratus est ille numerus. Nam, teste Josepho, intra paucos obsidionis menses elata sunt sexcenta millia, 600,000. fame pesteve enecorum, totoque obsidio periere undecies centena millia, 1,100,000. Vide in Append. ab lib. Hist. v, 34 et 42. Adde captivorum multitudinem. Quæ si quis reputet, haud diffitebitur multitudinem obsessorum saltem fuisse duodecies centena millia. Ne tamen incredibilis hic numerus esse videatur, de eo distinctius dicendum, simulque quantum Judaici sanguinis hoc bello haustum sit declarandum, ut quam horrenda fuerit Judaica clades summatim pateat.

QUIS OBSESSORUM NUMERUS? QUOT TOTO BELLO JUDAICO INTERFECTI?

APUD Euseb. de Præp. Evang. ix, 4. Hecataeus, Alexandri Magni expeditionum comes, Hierosolyma a centum viginti millibus hominum habitata prodiit. Crevit postea cum populi Judaici fortuna in urbe

principe incolarum numerus; ac, Plinii ætate evaserat in *longe clarissimam urbium Orientis, non Judææ modo*. Plin. v, 14. Minime tamen compertum quis tum fuerit ejus incolarum numerus. Forte fuere sexcenta millia; huncque numerum, pro obsessorum numero usurpavit Tacitus: pari errato sexcenta illa millia de interfectis Orosius accepit, quæ de obsessis fuerant dicta. Ut ut est, aucta adhuc erat urbs *magna colluvie* Judæorum, et Idumæorum, *et ceterarum urbium Judaicarum clade*. Tac. Hist. v, 12. Præterea obsidione clausi sunt Judæi, cum, ob Paschatis celebritatem, in urbem undique convenissent. Quanta autem multitudine convenirent, Cestius cognoverat paucis ante annis, sub finem Neroniani principatus, vigentibusque Judaicis rebus: compertum enim ex hostiarum numero tum ibi fuisse vices septies centena millia, 2,700,000. purorum sanctorumque, ut loquuntur, Judæorum, qui agnum Paschalem comedere; minime computatis menstrualibus mulieribus, lepra aliave impuritate laborantibus, et alienigenis, qui huc quoque religionis causa confluebant. *Γίνονται δ' ἀνδρῶν . . . μυριάδες ἑβδομήκοντα καὶ διακόσιαι, καθαρῶν ἀπάντων καὶ ἀγίων· οὔτε γὰρ λεπροῖς, οὔτε γονορροίοις, οὔτε γυναιξὶν ἐπερμῆνοις, οὔτε τοῖς ἄλλως μεμασμένοις ἔξῃν τῆσδε τῆς θυσίας μεταλαμβάνειν· ἀλλ' οὐδὲ τοῖς ἀλλοφύλοις, ὅσοι κατὰ θρησκείαν παρήσαν.* Joseph. Bell. Jud. vi, 9. n. 3. In hujus ergo Paschatis celebritate convenere circiter tricies centena millia, 3,000,000, hominum.

In supremo autem Paschate, quod Judæi A. J. c. 70. stante templo, celebravere, multo minor multitudo maxime e longinquis regionibus convenit, attrita jam bellis Judæa, et imminente Hierosolymitana obsidione. Verumtamen cum in ea obsidione perierint undecies centena millia, 1,100,000. hominum, certissimum est non fuisse sexcenta millia obsessorum, sed potius duodecies centena millia, 1,200,000. aut etiam amplius. Tantam autem tum incolarum, tum advenarum multitudinem in urbe Hierosolymis, quorum ambitus fuit tantum XXXIII. stadiorum, nemo mirabitur, cum attenderit huic urbi fuisse pulcherrima suburbana, τὰ περικαλλῇ προάστεια τῆς πόλεως, quæ memorat Joseph. Bell. Jud. vi, 1. n. 1. Insuper cogitandum in Oriente unum cubiculum non uni tantum homini, sed toti familiæ sufficisse. Unde tam frequens pestis, ut recte observat erud. Shaw, *Voyages dans la Barbarie et le Levant*, Vol. i, p. 354. Ideo quoque in obsidione Hierosolymitana, eversis suburbanis, et omnibus in urbe confertim agglomeratis, ex loci angustia atrox pestis grassata est; ut habet Joseph. Bell. Jud. vi, 9. n. 3. *Ὡς τε τὸ μὲν πρῶτον αὐτοῖς τὴν στενοχωρίαν γενέσθαι λοιμῶδη φθοράν.*

Nunc vero cum obsessorum numerum satis expendimus, toto bello interfectos summatim recensebimus, ut Judaicæ cladis atrocitas cognoscatur, et quanto sanguine occisi Christi sanguis, ulciscente Deo, sit expiatus, innotescat.

CÆDES JUDEORUM AB A. U. C. 819. J. C. 66.

AD A. U. C. 823. J. C. 70.

INTER ipsa belli initia Hierosolymis (Joseph. Bell. Jud. ii, 14.) cæsi sunt Judæi ad tria millia et sexcentos, *περὶ τρισχιλίου καὶ ἑξακόσιους* 3,600.

Hierosolymis aliæ duæ cædes. Joseph. Bell. Jud. ii, 15. n. 5. et ii, 17. n. 5.

Cæsareæ (Joseph. Bell. Jud. ii, 18. n. 1.) cæduntur supra viginti millia, ὑπὲρ δισμυρίους 20,000.

Per totam ferme Syriam magna Judæorum strages. Joseph. Bell. Jud. ii, 18. n. 2 et 5.

Scythopoli (Joseph. Bell. Jud. ii, 18. n. 3.) cæsa tredecim millia, ὑπὲρ μυρίους καὶ τρισχιλίους 13,000.

Ascalone (Joseph. ibid. n. 5.) duo millia et quingenti, πεντακοσίους ἐπὶ δισχιλίους 2,500.

Ptolemaide (Joseph. ibid.) duo millia, δισχιλίους 2,000.

Alexandriæ (Joseph. ibid. n. 8.) quinquaginta millia, πέντε μυριάδας 50,000.

Cestius Zabulonem, urbem Galilææ, et circumjectos vicos diripit et incendit. Joseph. ibid. n. 9.

Joppe (Joseph. ibid. n. 10.) cæsi ad octo millia et quadringentos, τετρακόσιοι πρὸς ὀκτακισχιλίους 8,400.

In Narbatene toparchia, Cæsareæ vicina, cædes plurimæ, et vici incendio consumti. Joseph. ibid.

In monte Asamone, prope urbem Sepphorin, (Joseph. ibid. n. 11.) cæsi super duo millia, ὑπὲρ δισχιλίους 2,000.

Lydda urbe, (Joseph. Bell. Jud. ii, 19. n. 1.) ferme vacua, quod omnis fere multitudo Hierosolyma ob festum Tabernaculorum ascenderat, incensa, cæsi quinquaginta, πεντήκοντα 50.

Damasci (Joseph. Bell. Jud. ii, 20. n. 2.) cæsi ad decem millia, μυρίους 10,000.

Ascalone (Joseph. Bell. Jud. iii, 2. n. 2.) decem millia, μύριοι. 10,000.

Ascalone iterum (Joseph. ibid. n. 3.) octo millia et amplius, ὑπὲρ ὀκτακισχιλίους 8,000.

Gadara capta, puberes omnes Vespasianus interficit, urbem, vicinæ oppida vicosque incendit. Joseph. Bell. Jud. iii, 7. n. 1.

Japhæ, in vico Galilææ maximo, (Joseph. ibid. n. 31.) cæsa quindecim millia, μύριοι πρὸς τοῖς πεντακισχιλίους 15,000.

In monte Garizim (Joseph. ibid. n. 32.) undecim millia et sexcenti, χιλίους ἑξακοσίους ἐπὶ μυρίους 11,600.

Jotapatæ (Joseph. ibid. n. 36.) quadraginta millia, τετρακισμύριοι 40,000.

Eversa urbs Joppe, cum prius submersa fuissent (Joseph. Bell. Jud. iii, 9. n. 3.) Judæorum quatuor millia et ducenti, τετρακισχιλίοι πρὸς τοῖς διακοσίους 4,200.

Tarichæis, et in pugna navali lacuque Genesar, (Joseph. Bell. Jud. iii, 10. n. 9.) periire sex millia et quingenti, ἑξακισχίλιοι πεντακόσιοι 6,500.

Tarichæis (Joseph. ibid. n. 10.) iterum cæsi mille ducenti, διακοσίους ἐπὶ χιλίους 1,200.

Gamalæ (Joseph. Bell. Jud. iv, 1. n. 10.) peremti quater mille, τετρακισχίλιοι 4,000.

Ibidem (Joseph. ibid.) sponte præcipites, enecti quinquies mille et amplius, ὑπὲρ πεντακισχιλίους 5,000.

Gischalæ, (Joseph. Bell. Jud. iv, 2. n. 5.) fugitivorum cæsa sex millia, *εἰς ἑξακισχίλιους* 6,000.

Hierosolymis (Joseph. Bell. Jud. iv, 5. n. 1.) ab Idumæis cæduntur octo millia et quingenti, *ὀκτακισχίλιους καὶ πεντακοσίους*, 8,500.

Ibidem (Joseph. ibid. n. 3.) cæsa nobilium duodecim millia, *μύριοι καὶ δισχίλιοι τῶν εὐγενῶν* 12,000.

Ibidem cædes plurimæ a Zelotis editæ. Joseph. Bell. Jud. iv, 6. n. 1 et 3.

In castello Masada, Hierosolymis vicino, (Joseph. Bell. Jud. iv, 7. n. 2.) a Sicariis cæsi Judæi septingenti et amplius, *ὕπερ ἑπτακοσίους* 700.

Ab iisdem Sicariis per totam Judæam cædés editæ. Joseph. ibid.

Gadarensium (Joseph. ibid. n. 4.) a Romanis cæsa quindecim millia, *μύριοι πεντακισχίλιοι* 15,000.

Infiniti alii, *πλῆθος ἀπειρον*, in Jordanem præcipites desiliere. Vastitas, et internecio a Gadaris usque ad lacum Asphaltitin: plurimi quoque in ipso lacu cæsi. Joseph. ibid.

In vicis Idumææ, Betari et Cephartoba, (Joseph. Bell. Jud. iv, 8. n. 1.) cæsa decem millia, *ὕπερ μυρίους* 10,000.

Alii vici plurimi eversi et incensi. Joseph. ibid.

Gerasis (Joseph. Bell. Jud. iv, 9, n. 1.) cæsi juvenes mille, *χιλίους τῶν νέων* 1,000.

Ibidem loca plurima flammis et cædibus fœdata. Joseph. ibid.

Prælia multa, quibus se ipsi et Idumæos conficiunt Judæi. Joseph. ibid. n. 5 et 7.

Toparchias Gophniticam et Arabatenam, indeque Hierosolyma usque loca omnia occisione depopulatur Vespasianus. Joseph. ibid. n. 9.

Pariter Cerealis Idumæam superiorem vastat, et Chebronem urbem, haud procul Hierosolymis, incendio et incolarum internecione delet. Joseph. ibid.

Hierosolymis Judei, factionibus odiisque efferati, in se ipsi sæviunt. Prælia, cædes plurimæ: templum quoque cruore respersum. Joseph. Bell. Jud. iv, 9. n. 10. et v. 1 et 3.

Hierosolymorum obsidio: fames, pestis, tanta demum necessitas, ut in hac unica obsidione (Joseph. Bell. Jud. vi, 9. n. 3.) perierint Judæorum undecies centena millia, *τῶν δὲ ἀπολουμένων κατὰ πᾶσαν τὴν πολιτορκίαν μυριάδες ἑκατὸν καὶ δέκα* 1,100,000.

Captis excisisque Hierosolymis, duo adhuc manebant Judæis præsidia, Machærus et Masada, Machærunte (Joseph. Bell. Jud. vii, 6. n. 4.) cæsi Judæi mille et septingenti, *ἐπὶ τοῖς χιλίοις ἑπτακόσιοι* 1,700.

In saltu Jardes (Joseph. ibid. n. 5.) Hierosolymis et Machærunte fugitivorum cæsa tria millia, *τρισχιλίων* 3,000.

Masadæ (Joseph. Bell. Jud. vii, 9. n. 1.) Judæi omnes, ne in manus Romanorum venirent, se ipsi perimunt nongenti numero et sexaginta, *ἑξήκοντα πρὸς τοῖς ἑννακόσιοις* 960.

Cyrenen usque (Joseph. Bell. Jud. vii, 11. n. 2.) Judaici belli furor pervasit; ibique cæsa Judæorum tria millia, *τρισχιλίους*. 3,000.

Nunc vero si summas, a Josepho singulatim expressas, collegerimus, interfectorum erit numerus 1,378,910.

Si, quæ Josephus generatim dixit, æstimaverimus, sane haud pau-

ciores Judæi toto hoc bello periere, quam vicies centena millia
 2,000,000.

Denique reputemus (quod jam monuimus in Append. ad Hist. lib. v, 42 et 43.) captivorum nonaginta septem millia, venditam terram, Judæos, ubicumque in Romano imperio degerent, Jovi Capitolino tributum solvere jussos, ac tandem, quales prædixerat Osee, iii, 4. *ὄνκ ὄντος βασιλέως, οὐδὲ ὄντος ἀρχοντος, οὐδὲ οὐσῆς θυσίας, οὐδὲ ὄντος θυσιαστηρίου, οὐδὲ ἱερατείας, οὐδὲ δῆλων.* 'sine rege, et sine principe, et sine sacrificio, et sine altari, et sine ephod, et sine theraphim.' Even- ta illa, quibus nulla umquam extitere illustriora et testatiora, immo quorum nosmetipsi testes sumus, cum vaticiniis Daniel. ix, 26 et 27. ipsiusque Moysis, qui in Deuteronom. xxviii, 46 sq. Judaicam hanc calamitatem non tam prædixit, quam descripsit, conferamus; atque nihil esse religione divinius fateamur.

Impetus. Ita Mss. Flor. Harl. Bodl. Jes. Guelf. Pichena et re- centiores. In Ms. Reg. et edd. vett. *impetum*.

Struerentur. Ut obligatam in notis fidem meam liberem, resque Judaicas absolvam, quæ de Judæis Sinensibus comperta habeo, hic exponam.

DE JUDÆIS SINENSIBUS.

Ubi primum in Europa auditum est repertos fuisse in imperio Sinensi Judæos, eruditis omnibus viris statim spes adfulsit fore, ut inde sacræ literæ inclarescerent, Hebraicaque studia promoverentur. Verum P. Matthæus Ricci, cujus opera innotuerant, gravioribus curis, magnis locorum intervallis, et præpropere morte, quæ contigit anno 1610. impeditus, pauca rescire potuit, quæ ex Trigaltio, De Expeditione Sinica, l. i, p. 118. et Semedo, *Relatione della China*, parte i, p. 193. publicavere Cll. Walton, Biblia Polyglotta, Vol. i. Prolegomen. iii. sect. 41. et Jablonski, Biblia Hebraica, in præfat. §. 38.

Ineunte hoc seculo paulo plura vidit audivitque P. Gozani, quæ edita sunt in libro, cui titulus: *Lettres édifiantes et curieuses écrites par quelques Missionnaires de la Compagnie de Jésus*. Vol. vii. p. 1. sq.

Iis eruditæ Europæorum curiositati fieri satis minime potuit. Ro- gati sunt ergo PP. Gozani, Domenge et Gaubil, ut de Judæis Sinen- sibus diligentius inquirerent, et quidquid comperti habere possent, rescriberent. Id laboris libenter suscepere. Quod in eorum Mss. literis reperi, libentissime communicabo, tum ne pereant Sinensia hæc monumenta, tum ut res Judiacæ, hactenus, duce Tacito, fusius expla- natæ, magis ac magis illustrentur. Gratissimum quoque nobis erit, si hac nostra opella juvari possint studia eruditissimi Kennicott, qui tot abhinc annis maxima cum laude, favente Britannia, tota plaudente Europa, maximos in apparanda accuratissima Bibliorum Hebraicorum editione labores sustinet. Ne quid autem obscuritatis suboriat, notas subjiciam, quibus graviora difficilioraque explicantur.

JUDÆI in imperium Sinense venire cœperunt sub Dynastia *Tcheou*, quæ rerum potita est ab an. 1122. ad an. 249. ante J. C. Fixas sedes ibi habuere sub Dynastia *Han*,¹ imperante *Ming-ti*. An. 1723.

¹ Dynastia *Han* cœpit a. 205. a. c. desiit a. c. 220. *Ming-ti* imperare cœpit a. c. 58. mortuus est a. c. 75.

mense Martio, cum eos interrogaret P. Gaubil, dixere se e regione *Si-yu* venisse, abhinc annis 1650. Apud Sinas ergo habitare cœpere an. J. c. 73. biennio ante mortem *Ming-ti*, tribus annis post excidium Hierosolymitanum. Regio *Si-yu*, id est, Occidentalis, quantum intelligi potuit, est Persis,¹ et venere per *Corassan* et *Samar-kand*. Tunc erant saltem 70 *sings*,² seu familiæ, e tribubus Benjamin, Levi, Juda, &c. Superiore seculo manebant adhuc octo familiæ: nunc manent tantum septem; eæque sexcentorum circiter hominum. Si idem fuerit in familiis numerus, cum venere, Judæi circiter 6000 Sinas ingressi sunt. Diu societatem habuere cum Judæis *Si-yu*: sed ducentis ferme abhinc annis nullos ex hac regione Judæos videre iis contigit. Nullos alios Judæos in Indiis, in regno *Thibet*, in Tartaria Occidentali novere.

Sinensium autem Judæorum res diu florere; atque etiam ita adcreverunt, ut viros plurimos habuerunt Sinensibus literis insignes, opibus validissimos, imperii quoque dignitatibus ornatos, provinciarum nempe rectores, et Mandarinos, ut loquuntur. Præcipuæ eorum sedes memorantur *Nimpo*, *Ning-hia*, *Ham-tcheou*, *Peking*, et *Cai-fong-fou*. At paulatim labantibus Judæorum rebus, et multis ad Mahumetanam sectam deflectentibus, uti Judæis Pekinensibus aliisque contigit, soli jam cognoscuntur Judæi *Cai-fong-fou*. Urbs autem illa caput est provinciæ *Honan*, et ab urbe *Peking* centum quinquaginta leucis distat. Variis ibi funestisque casibus Judæi conflictati sunt. Eorum Synagoga inundatione fluminis *Hoang-ho* an. 1446.³ incendio sub initia Imperatoris *Ouan-li*, qui imperium tenuit ab an. 1573. ad an. 1620. iterum inundatione an. 1642. hausta est. Tum restituta, extat adhuc, paucis forte annis duratura; adeo in deterius res Judæorum apud Sinas aguntur. Permagni ergo interest eos et quæ ad eorum sacra pertinent cognoscere.

Judæi a Sinensibus appellantur *Hoei-Hoei*: quod nomen commune habent cum Mahumetanis. Ipsi vero se appellant *Tiao-Kin-Kiao*, i. e. lex amputantium nervos, quod nervos venasque resecent, ut sanguine abstineant. Altero quoque nomine se nuncupant *Lan-mao-hoei-hoei*, quia inter orandum in Synagoga pileolo cœruleo caput tegant: contra vero Mahumetanos, quod pileo albo utantur, vocant *Pe-mao-hoei-hoei*.

Synagoga, in qua tota religio Judæorum Sinensium posita est, ab iis dicitur *Li-pai-se*, id est, locus cærimoniarum. Sic quoque sua templa nuncupant Mahumetani. Judæorum autem *Li-pai-se*⁴ ab

¹ Persicas quasdam voces adhuc norunt et loquuntur, teste Patre Domenge.

² Cum *Sings* vertimus familias, intelligimus familiæ nomine, omnes qui ejusdem sunt originis. Sic familia una in plures familias dividitur. Inde septem *Sings*, seu septem familiæ quæ supersunt, efficiunt, ut a Judæo accepit Pater Domenge, *pe che kia gin*, i. e. centum familias et amplius.

³ De hac inundatione fusius dicitur inf. cum prima Inscriptio Sinensis explicabitur.

⁴ Synagogæ Judæorum Europæorum penitus differunt a templo Hierosolymitano. Contra vero ad ejus similitudinem proxime accedit Sinense *Li-pai-se*. Utrumque ab Oriente in Occidentem conversum: præcipuarum portarum idem ordo. Ad partes ante *Ul-men* et post *Ul-men* referri possunt atria gentium et Israelitarum. In *Li-pai-se* Sinensis positum est *Hiang-lou*, ubi in templo Hierosolymitano erat ara. Dein templum eodem in loco est, ubi olim fuit Hierosolymis Sanctum. *Bethel* autem est ipsum Sanctum Sancti, seu Sanctum Sanctorum.

Oriente in Occidentem protenditur intra trecentos quadringentosve pedes: latitudo ejus a Septemtrione ad Meridiem centum quinquaginta pedes patet. In quatuor veluti partes divisum est. Prima pars est Orientem versus; in ejus medio stat *Pai-leou*, seu arcus triumphalis, cui Sinice inscriptum est *Kim-Tien*:¹ hinc et inde arbores. Secundæ partis frons magnam portam cum portis lateralibus, aliasque duas minores habet. In hujus secundæ partis lateribus, Septemtrionem et Meridiem versus, sunt duæ domus duorum custodum *Li-pai-se*. Ex hac secunda parte in tertiam euntibus observatur *Ul-men*, seu secunda porta, cum lateralibus aliisque duabus minoribus. In hac tertia parte stat alter *Pai-leou*, seu arcus triumphalis: hinc et inde inter arborum ordines duæ tabulæ marmoreæ, literis Sinensibus inscriptæ. De his inscriptionibus infra dicetur commodius. Ultra has tabulas in latere Meridionali est *Tse-thang*,² seu cella Mandarinum Judæi *Tchao*, qui incensum *Li-pai-se* restituit: Septemtrionale latius habet alterum *Tse-thang*, seu alteram cellam positam Judæo,³ qui *Li-pai-se*, quod nunc extat, exstruxit. Paulo supra has cellas, sunt hinc et inde cellæ hospitum et conventuum. Ad quartam *Li-pai-se* partem devenimus, quæ in duas veluti partes dividitur. Pars prior habet longum ordinem arborum, in cujus medio est *Hiang-lou*, seu vas ingens æreum ad incendendos odores. Prope vasis latera sunt duo leones marmorei, basibus impositi. Supra duos leones, Occidentem versus, basibus quoque imposita magna duo vasa ærea, quibus flores continentur. In Septemtrionali latere est culina *Tiao-Kin*, id est, in qua evelluntur nervi, cum carnes apparantur. Pars posterior habet in lateribus, Septemtrionem et Meridiem versus, *Tse-thangs*, seu cellas Majorum. Quo ritu Abraham, Isaac, Jacob, duces duodecim tribuum, Moysen, Aaron, Josue, Esdram, aliosque plurimos gentis suæ viros fœminasque illustres, singulis annis autumnus et vere colant, descripsit P. Gozani, *Lettres édifiantes*, Vol. vii, p. 10 et 19. In medio adsurgit templum, superne quadruplici fastigio insigne, inferne clathrato septo, cinctum. In area, quæ est ante templum, magnum tentorium die festo Tabernaculorum erigitur. Templum vero latum est quadraginta circiter pedibus, sexaginta longum. Porticum habet duplici tetrastilo ornatam.

Nunc templum subeamus, intus utrimque duplici columnarum ordine suffultum. In medio, quod vulgo dicimus, *Angl. the nave*, primum occurrit Cathedra Moysis, quam tholus, *Angl. the dome*, supereminet. Deinde *Van-soui-pai*, seu tabella Imperatoris, cui Sinen-

¹ Qua inscriptione declaratur hoc *Li-pai-se* dicatum esse supremo rerum omnium auctori et conservatori. Illud *Pai-fa* magnum, nobile, et satis vetustum appellat Pater Gozani. Quod inscriptum ait iisdem plane literis, quas Imperator *Kang-hi* ipse manu sua scripsit, deditque Patribus Societatis Jesu, ut eas ecclesiæ suæ Pekinensi appenderent. Vide ergo patrem *du Halde*, qui Pekinense *Pai-fa* exhibet. *Description de l'Empire de la Chine*. Vol. iii, p. 34.

² Ante *Tse-thang*, seu cellam hujus Mandarinum, est animal basi impositum. Quodnam sit illud animal frustra divinaretur, cum nec ejus formam satis expressit P. Domenge in sua *Li-pai-se* ichnographia, nec ejus nomen prodidit.

³ Judæus ille fuit Mandarinus, seu civilium capitaliumque rerum judex in *Tcheou*, id est, in urbe secundæ ordinis. Ob restitutum *Li-pai-se*, *Tse-thang* ei positum est, id est, cella, aula, in qua est tabella defuncti, et statutis anni temporibus ejus memoria more Sinico recolitur.

sibus literis aureis nomen Imperatoris inscriptum, cum duplici coronide et cancellis, *Angl. lattices*. Supra *Van-soui-pai* aureis quoque literis Hebraice inscriptum :

שמע ישראל יהוה אלהינו יהוה אחד י ברוך שם כבוד מלכותו לעלם ועד
I. e. 'Audi, Israel: Jehovah Deus noster Jehovah unus. Benedic-
tum nomen gloriæ. Regnum ejus in seculum et in æternum.'

Post *Van-soui-pai*, stat arcus cum triplici fornice. Aureis etiam literis illi inscriptum :

בן כיהוה אלהי האלהים ואדוני האל הגדול הנבור והנרא

I. e. 'Intellige Jehovah esse Deum Deorum, et Dominum, Deum magnum, fortem et terribilem.'

Post arcum est magna mensa odoramentorum, supra quam posita sex candelabra: in duobus primis candelabris, duæ tedæ: in duobus mediis, duæ candelæ: in duobus extremis, duæ lucernæ. His candelabris tres diversæ formæ. In eorum medio magnum vas odoramentorum tripes et ansatum. Prope mensam aliud vas lavandis manibus.

Post mensam est *Bethel*, i. e. domus Dei, Sinice *Tien-tang*, seu templum cæli, foris quadratum, intus rotundum. Hæc est pars templi sanctissima, quam unus *Tchang-Kiao*, i. e. Synagogæ rector solet ingredi. In hoc Bethel supra tredecim mensas stant tredecim *Ta-Kings*, i. e. tredecim legis, aut Pentateuchi, volumina; singula, velis sericis oblecta. Duodecim ex his voluminibus referunt duodecim tribus Israel. In medio stat tertiumdecimum, in memoriam honoremque Moysis positum.

Post Bethel, in ipsa templi extremitate, refulgent tabulæ Legis aureis literis Hebraice inscriptæ. Ex utroque latere tabularum sunt armaria: in iis inclusi libri, quibus vulgo utuntur Judæi. Ante singula armaria est mensa, supra quam medium est inter duo vasa candelabrum.

Hoc est templum, in quod Judæi sabbatis aliisque festis diebus conveniunt, Deum adoraturi. Ii latera templi occupant. Media enim pars a Cathedra Moysis usque ad *Bethel* humilibus cancellis utrimque a lateribus est divisa. In templo autem sunt semper discalceati.¹

Verum, cum libros suos maxima veneratione prosequantur Judæi Sinenses, et hæc sit præcipua eorum religio, virique eruditi libros illos potissimum noscere percipiant, de iis accuratius dicendum.

Nomine *Ta-King*, i. e. magnæ scripturæ, solam Legem, seu solum Pentateuchum appellant Judæi Sinenses. Soli illi quinque Moysis libri locum in *Bethel* obtinent. Quodque *Ta-King* scriptum est longa charta Sinensi, cujus plura folia simul conglutinata sunt, ut crassior sit charta, et possit circa voluminis umbilicum circumvolvi. Quodque

¹ Prima pars hujus inscriptionis accepta est e Deuteron. vi, 4. At in inscriptione literæ omnes sunt ejusdem magnitudinis, licet in libris Sinensibus, ut in nostris Bibliis, γ et ψ scripta sint majoribus literis. Cetera forte accepta sunt e Psalm. x, 16. et lxxii, 19.

² Discalceati, i. e. sine caligis, ut scribit P. Domenge. Quo in usu sane observant quod Deus, in rubo, apparens, præcepit Moysi: 'Ὁ δὲ ἄνθρωπος, Μὴ ὑγίσσης ὤμους σου, ὅτι ἡ γὰρ ὁδός σου ἡ γὰρ ὁ τόπος, ἐν ᾧ σὺ ἵστησας, γῆ ἁγία ἐστίν.' 'Ne appropies, inquit, huc: solve calceamentum de pedibus tuis: locus enim in quo stas, terra sancta est.' Exod. iii, 5.

volumen totam Legem continet, sine ulla librorum, capitum, versuum distinctione, divisam tamen in quinquaginta tres sectiones, quas Judæi appellant פִּרְשֵׁי. Nulla ibi puncta vocalia, nullæ *phethuræ*, nullæ *sethumæ*, aut simplices כ, פ, א, aut triplices כככ, פפפ, אאא, quæ in nostris Bibliis Hebraicis sæpe occurrunt. In voluminibus Sinensibus tantum inter quamque sectionem interjacet unius lineæ spatium. Interrogati Judæi Sinenses cur in eorum *Ta-Kings* nulla essent puncta, responderunt Legem ita velociter a Deo fuisse dictatam, ut Moyses puncta apponere non potuerit: ea a magistris Occidentalibus postea fuisse addita. Circumvolutum unius *Ta-King* volumen altum est duobus circiter pedibus; ejus diameter est unius pedis et paulo amplius. Unum ex his *Ta-Kings* antiquissimum præcipua veneratione habetur. Illud trium millium annorum¹ esse Patri Dominge dixere. Hactenus de *Ta-Kings*, quæ in Bethel adservantur. Nunc libros in armariis contentos expendamus.

Inter amariorum libros multa sunt Legis, seu quinque librorum Moysis, exemplaria. At numquam tota lex in uno libro integra continetur: sed unaquæque sectio librum unum efficit. Itaque quinquaginta tribus libris opus est, ut tota Lex habeatur. Libri illi, latiores sunt quam altiores,² constant tantum aliquot foliis, quæ ut crassiora sint, duo triave folia agglutinata sunt. Nam Judæi tenuem Sinensium chartam alumine non illinunt, ut utraque ex parte possint scribere. Singuli illi libri circa mediam primam paginam habent tessellam sericam, viridem, cœruleamve, aut albam, in qua prima vox libri, seu sectionis, est inscripta sine punctis vocalibus. Primus liber, seu prima sectio Legis, hac forma inscripta est בְּרָאשִׁית. Secundus liber, seu secunda sectio inscriptum habet נֶחֱם. Tertius liber, seu tertia sectio, לֶךְ לֶךְ. Et sic de ceteris. Vox autem, in prima pagina sic inscripta, in altera sequentibusve paginis, tituli vice, non repetitur. Singulæ autem libri paginæ non signantur, ut in nostris Bibliis, literis א, ב, ג, sed integris vocibus אחר, שנית, שלש, i. e. *prima, secunda,*

¹ Tria illa millia annorum ne intelligas de codice a tribus millibus annorum scripto, sed de lege lata et a Mose scripta tribus abhinc millibus annorum. Qua in re Judæi Sinenses a Judæis Europæis non multum differunt. Nam an. 1722, quo P. Domenge Judæos Sinenses alloquebatur, fuit Judæis Europæis an. 3034. ab exitu de *Ægypto et data lege*, ut constat ex eorum Calendariis. Vetustissimus autem codex Judæorum Sinensium erat tantum sexcentorum annorum, ineunte superiore seculo, ut et ipsi P. Matthæum Ricci docuere. Nec semper adservatus fuit in Synagoga *Cai-fong-fou*; sed cum ea incensa fuisset, librique periissent, imperante *Quan-li*, ut dictum est supra, Pentateuchum illum obtinere a Mahumetano homine, quem reperere in urbe *Ninghia*, in provincia *Chen-si*. Mahumetanus illum acceperat a Judæo in urbe *Canton* morti proximo, qui illum, ut egregium antiquitatis et religionis monumentum, commendaverat. Volumen illud præcipua veneratione nunc habetur, quod ex eo cetera *Ta-Kings* descripta sunt; et adservatum est in inundatione, quæ contigit an. 1642. unde multa eluvionis vestigia præfert.

² Libri illi Judæorum Sinensium alti sunt quatuor quinqueve pollices, lati vero septem circiter pollices: majoribus literis, quam *Ta-Kings*, scripti sunt; et singulis paginis vulgo haud plures sunt, quam densæ lineæ. Alia est librorum Sinensium, qui altiores sunt quam latiores, forma. Inde formam hanc librorum Judaicorum, post volumen, antiquissimam crediderim. Antiquitatis adhuc argumentum est, quod alia est librorum *Li-pai* forma. Ii enim altiores sunt, quam latiores, ut et libri Sinenses.

tertia, &c. Numeri autem illi in summa quidem pagina, sed interiore, non verò, ut apud nos, exteriore, scribuntur. Sectiones autem Legis eædem sunt atque in nostris Bibliis. Tantummodo ex 52 et 53. sectionibus unam sectionem efficiunt Judæi Sinenses. Inde nos numeramus 54. sectiones Legis, ipsi vero 53. numerant: solitque sunt dicere se habere *King ou che san Kiuen*, id est, quinquaginta tres partes, aut libros, scripturæ cononicæ. In iis libris apposita sunt singulis vocibus puncta vocalia. Iidem habent phethuras et sethumas; sed literas פ et ס neque disjungunt, neque triplicant; conjunctim semper habent פס, vel רס: idque non in ipso textu, ut vulgo loquimur, inseritur, sed in margine apponitur. In libro primo, seu sectione *Beresith*, quater notatur פס. Primum occurrit in capite primo Genesis ante versum 10. juxta communem nostrum dividendi modum: secundum ante versum 27. ejusdem capituli: tertium ante versum 21. capituli secundi: quartum ante versum 14. tertii capituli. Præter hæc quatuor פס, nihil aliud est in hoc primo libro, seu prima sectione, nulla nota margini apposita, nulla intervalla, nullæ divisiones. In fine tamen singularum phrasium apponuntur *pesukim*, seu duo puncta: quæ ipsi vocant *Kela*. Numerus versuum, quibus quisque liber, seu quæque sectio constat, in fine libri exprimitur. Sic in fine libri, seu sectionis *Beresith*, legitur קמ, i. e. versus 146. In fine sec. libri, seu sectionis *Noach*, legitur קמ, i. e. vers. 143.

Judæi Sinenses non norunt *Keri* et *Kethib*. At in eorum libris sunt minores majoresque literæ. Sic Genes. ii, 4. in voce בְּהֵבְרָא, ceteris multo minor est litera ה. Non minor videbatur litera כ in voce לִבְכָּח, Genes. xxiii, 2. At interrogatus *Tchang-Kiao*, seu Synagogæ rector, eam minorem esse adseveravit. Contra in prima voce Genesis רִאשִׁית, litera ב est multo major. Præter puncta vocalia, et accentus,¹ quæ omnia uno nomine Judæi Sinenses appellant *Siman*, frequentissima est in eorum libris linea literis superaddita. In exemplum sit primus versus Genesis:

בְּרֵאשִׁית בָּרָא אֱלֹהִים אֶת הַשָּׁמַיִם וְאֶת הָאָרֶץ:

et vox בְּעִבְרִית, Genes. iii, 17. Abstineo punctis, quod eadem omnino sint atque in nostris Bibliis. Lineam vero illam superadditam appellant *Lofi*. In sectione וַיִּשְׁלַח, vox וַיִּשְׁקֹחַ, Genes. xxxiii, 4. notatur sex punctis, ita tamen ut primum puncto majus videatur.

Rogatus fuerat Pater Domenge, ut præcipua quædam Genesis loca conferret: nempe Genes. ii, 17. iii, 17. vii, 11. viii, 4. 7. caput xi integrum. xiii, 3. xviii, 22. xxiii, 2. xxiv, 2. xxxiii, 4. et capita integra xlvii, xlviii et xlix. Ea omnia contulit, et nihil diversitatis reperit. Sectio illorum duodecima incipit quoque, ut in nostris Bibliis, verbo וַיְחִי Genes. xlvii, 28. Continet omnes prophetias Jacob, sine ullis intervallis, sine phethuris, sine sethumis.

¹ Quidam accentus in libris Judæorum Sinensium a nostris accentibus figura differunt: sed perexiguum est discrimen, nec notatu dignum. Eadem sunt, ac nostra, vocalia eorum puncta. Verum longo cum Sinensibus usu, nulla cum Judæis Occidentali-bus familiaritate, pronuntiationem Hebraicam corrumpere, et ad *Ping-chang-kiu-je*, i. e. ad Sinicas pronuntiandi leges deflexere.

Ne quis vero existimet Judæis Sinensibus unam esse Legem. Alios quoque libros in armariis suis habent, quos vocant *San-tso*, id est supplementum, seu libros separatos. Duas partes habet *San-tso*. Pars prior continet libros Josue et Judicum, quos non habent integros: libros *Schemoueul*, id est, Samuel, seu duos priores libros Regum integros: *Melachim*, qui in nostris Bibliis Latinis duo sunt posteriores libri Regum, aliquot in locis mutilos: *David*, seu Psalmos, quorum non examinata est integritas. Hæc prior pars *San-tso* continetur triginta libris et amplius.¹ Pars posterior *San-tso* complectitur *Haphtharoth*, seu divisiones Propheticas, quas ipsi appellant *Hafoutala*. Aiunt se olim habuisse libros id genus octoginta et amplius. Atque id credibile, quod exigui sint eorum libri, et aliquot tantum capita comprehendant. Præterea cum Prophetis conjungunt Chronica, seu Paralipomena, Nehemiam, Esther, duosque Machabæorum libros.


Ex Prophetarum autem libris, quos habent, *Ischaha*, seu Isaias, *Jameleiohum*, seu Jeremias, sunt ferme integri:² eosque diebus festis legunt. Nihil omnino Ezechielis iis superest. E Daniele manent tantum aliquot versus capitis primi. Ex minoribus Prophetis extant, sed non integri, *Juenaha*, seu Jonas, *Micaha*, seu Michæas, *Nahouam*, seu Nahum, *Hapacouque*, seu Habácuc, *Sefaneioha*, seu Sophonias, *Hokaoi*, seu Aggæus, *Secaleio*, seu Zacharias. Ceteri desunt. Exigua quoque pars superat Chronicorum, seu Paralipomenon, quos libros appellant *Tiveli haiamiim*. Integriores sunt libri Nehemiæ et Esther. Apud Sinenses Judæos in maxima veneratione habetur *Issetiul*, seu Esther, quam vocant *Issetha Mama*, i. e. magnam matrem. Venerantur quoque Mardocheum, quem nominant *Molthogi*. Eos, ut Israelis servatores, colunt. Libros autem Machabæorum nominant *Manthiiohum*, seu Mathathiam. Unicum librorum illorum exemplar habent, quod cum emere, aut saltem describere vellet Pater Domenge, id neque pecunia, neque precibus umquam potuit adsequi.

Præter hos libros in iisdem armariis habent *Li-pai*, id est, librum cerimoniarum. Quodque *Li-pai* quinquaginta aut quinquaginta duobus libris continetur. Primus liber inscribitur סוכה תביר. Preces autem illæ, ad singula sabbata diesque festos totius anni accommodatæ, fere omnes e sacra Scriptura ac maxime e Psalmis sunt desumptæ. Demum in iis armariis habent libros aliquot male ordinatos, ipsis vix notos de nomine, quos Sinice appellant *Tiang-tchang*, i. e. Interpretes.

Ordinem, quo libros in Synagoga legunt, exhibet sequens tabella, in *Li-pai-se* columnæ affixa.

¹ Judæi Sinenses nihil habent ex libris Proverbiorum, Job, Cantici Canticorum, Ecclesiastæ.

² Cum Pater Gaubil, a Judæis invitatus ut Hebraice aliquod legeret, explicare voluisset locum Isaiæ, vii, 14. de adventu Messiae, locum hunc mutilum reperit.



Ex hac tabella patet מנעה quinque constare partibus quarum prima pars Genesi, seu בראשית, quod pronuntiant *Pielechitse*, respondet; et legitur, dum durat lectio Genesis, i. e. per duodecim sabbata: secunda pars respondet Exodo, seu שמות, quod pronuntiant *Schemethse*; et legitur per undecim sabbata: tertia pars respondet Levitico, seu ויקרא, quod pronuntiant *Uäekelo*: quarta pars respondet libro Numerorum, seu במדבר, quod pronuntiant *Piemitsepaul*: quinta pars respondet Deuteronomio, seu דברים, quod pronuntiant *Tevelim*. Singulæ tres illæ partes per dena sabbata leguntur, מנעה autem legitur vespere.

In duodenas partes נומאה et מופטר distribuuntur. Secundo die magnorum mensium, primo die parvorum mensium נומאה legitur. Sextodecimo autem die magnorum mensium, quintodecimo parvorum mensium legitur מופטר. Judæi Sinenses magnos menses, magnasve lunas, appellant menses, qui constant triginta diebus. Parvos menses, parvasve lunas, vocant menses, qui tantum novem et viginti dies

habent. In parvis mensibus observant 1 et 15. diem. In magnis mensibus observant diem 2 et 16.¹

Cum autem lex in Synagoga legitur, volumen *Ta-King* in cathedra Mosis reponitur; eoque evoluta, legit Judæus, pileo cœruleo tectus, et xylino velo super caput expanso. Legenti adstat monitor, qui errantem lectorem corrigat. Monitori adhæret alter monitor, qui ipsum observet et emendet. An. 1722. die 3. Octobris, Synagogam Judæorum adiit Pater Domenge. Diem illum numerabant Judæi tertium et vigesimum septimæ Lunæ. Sabbatum erat in octava festi Tabernaculorum. Festum ipsum cœperat die sextodecimo ejusdem Lunæ. Judæi ante eum evolverunt vetus *Ta-King* e *Bethel*. Quæsitivum quæ esset hujus diei lectio. Ostenderunt ei quinquagesimam secundam sectionem, cujus initium est וילך: pars ejus est Canticum Moysis. Inde quæ nobis est quinquagesima quarta sectio, Judæis Sinensibus est tantum quinquagesima tertia. Canticum Moysis duabus columnis, ut in nostris Bibliis, scriptum, legit P. Domenge. In hoc cantico, *Ta-King* Sinense habet תאכל,² ubi in nostris Bibliis, Deuteronom. xxxii, 25. legitur תשכל. Postero die, vigesimo quarto septimæ Lunæ, nobis 4. Octobris, Judæi Sinenses festum תורה, (pronuntiant *Thaulaha*, aut *Thaulatse*) i. e. festum legis, celebravere, et solemnī supplicatione (*in procession*) tredecim *Ta-Kings*, circumtulere.

Nunc exponendæ sunt Sinenses Inscriptiones, quas supra memoravimus. Earum summam ita explicat Pater Gaubil. Prima Inscriptio a literato Judæo, nomine *King-tchong*, posita est an. J. C. 1444. atque ita habet.

¹ Auctor legis, Y-se-lo-ye, *Israelis*, est Ha-vou-lo-han, *Abraham*, ab Ha-tan, *Adam*, nonusdecimus.³ Sanctus ille homo vivebat centum quadraginta sex annos post initium Tcheou.⁴ Ejus lex per traditionem transmissa est ad Nieche, *Moysen*. Is librum suum accepit in

¹ Notabilis hic Judæorum Sinensium usus; et quo forte melius, quam multis eruditorum virorum opinionibus, difficultates de paschatibus Judaicis motæ solvi possunt.

² Placet hoc verbum. Certe vividius est, ac significantius, et ad ea quæ sequuntur magis accommodatum.

³ Judæi Sinenses, hac de re interrogati, semper dixerunt Abraham esse nonusdecimum ab Adam. Et in secunda sectione Genesis, inscripta נח, eorum libri, ut in nostris Bibliis, Genes. xi, 12. habent:

: וארפכשד חי חמש ושלשים שנה ויולד את שלח

Is ignotus junior Cainan, quem memorant in hoc loco LXX. Interpretes, et D. Lucas, iii, 36.

⁴ Hæc non sunt repetenda ab an. 1122. quo Dynastia Tcheou imperium Sinense accepit. Multo antiquior est Abraham. Sed, ut recte observat Pater Gaubil, familia Tcheou regno potiebatur diu ante, quam imperium Sinense capessivit. Nempe Yao, octogesimo imperii sui anno, ante J. C. 2278. imperium Sinense in duodecim Tcheou, seu provincias, divisit. Anno sequenti, ante C. 2277. fratrem suum Hehou-tsi principem Tay fecit. Inde Heou-tsi, caput familiæ Tcheou, ejusque successores in Historia Sinensi passim appellantur reges. Ab illo igitur Tcheou initio numerandi sunt 146. anni, post quos Abraham vixisse dicitur. Nec forte familia illa Tcheou regum nomen statim accepit. Si enim illud statim accepit, ex Judæorum Sinensium computatione Abraham vixit 2131. annos ante C. Contra vero ex computatione Judæorum Europæorum natus est Abraham an. 1812. a. c. Hunc enim annum 1769. in Calendariis suis numerant annum 3581. a nativitate patris nostri Abraham. Super eum sit pax.

monte Si-na: ibi quadraginta diebus et quadraginta noctibus jejunavit: semper erat cum cœlo conjunctus. In ejus libro sunt quinquaginta tres sectiones. Doctrina, in eo contenta, eadem ferme est, quæ in libris litteratorum Sinensium habetur.' Hic Judæus Sinensem doctrinam cum Judaica comparat; plurimaque affert loca, maxime ut probet Judæos atque Sinenses, 'eodem ferme ritu cœlum venerari, cerimonias observare, jejunare, orare, mortuos honoribus prosequi.' Immo contendit 'in libro Y-King inesse vestigia sancti sacrique sabbati.' Mox addit 'Moysen vixisse sexcentis tredecim annis' post initium Tcheou.' Dein ad 'Gai-sse-la, *Esdram, devenit, laudatque plurimum* acerrimam ejus diligentiam, qua libros reparavit, populum instituit et emendavit.'

Huic Inscriptioni additum est *Li-pai-se* inundatione eversum fuisse 'anno undecimo Imperatoris Yng-tsong,' i. e. an. J. c. 1446:² 'libros aquis maxima parte fuisse corruptos: Judæos e Nimpo et Ning-hia libros dedisse: Judæum *inprimis, nomine Yn, venisse e Nimpo an. 1462.* Ta-King integrum attulisse, quo libri alii suppleti sunt et emendati. *An. 1490.* secundo Imperatoris Hong-tchi restitutum est Li-pai-se. Impensas fecit Yentoula.'

Secunda Inscriptio a *Tso-tang*, magno Mandarinio, *Poutchinse*, i. e. supremo quæstori, provinciæ *Se-khuen*, posita est an. 1515. qui erat annus decimus Imperatoris *Hhing-te*, dicti quoque *Vou-tsong*. Ea autem talis est:

'Lex Israelis. Ha-tan, *Adam*, primus homo. Erat e Tien-tcho³ in Occidente. Judæi habent legem et traditiones. Lex quinque libris, quinquaginta autem tribus sectionibus continetur.' Mandarinus summis laudibus legem attollit; et subjungit: 'Judæi, uti et nos, cœlum venerantur. Auctor legis Judæorum est Abraham: pater eorum est. Moyses legem hanc edidit: eorum est legislator. Tempore Han,⁴

² Anni illi 613. non ab imperio Dynastiæ *Tcheou*, sed a regno hujus familiæ numerandi sunt, ut modo dictum est, cum ageretur de temporibus Abraham. At ex computatione Judæorum Sinensium sequitur inter Abraham et Moysen intercessisse annos 467. Inter utriusque tamen ortum intercessere tantum 420. anni, ut computant Judæi Europæi. Ii enim annum hunc 1769. in suis Calendariis numerant an. 3161. a *nativitate Mosis magistri nostri.* Super eum sit pax. Ex 467. annis superant ergo 47. anni. At, ut opinor, Judæi Sinenses non computant ab ortu Mosis, sed a tempore, quo, postquam creverat, de domo Pharaonis egressus est ad fratres suos, ut habetur in Exod. ii, 11. Unde D. Paul. in Ep. ad Hebr. xi, 24. Πίστις Μωϋσῆς μίγας γενόμενος ἠγήσατο λίγισθαι υἱὸς θυγατρὸς Φαραῶ· Μᾶλλον ἠλόμνος συγκατανοήσθαι τῷ λαῷ τοῦ θεοῦ, ἢ προσκαίρον ἔχειν ἁμαρτίας ἀπολαύειν· Μιζῶνα πλούτοις ἠγήσάμενος τῷ ἐν Αἰγύπτῳ θεσφαρῶν τὸν ἐν εἰδομένη τοῦ Χριστοῦ. 'Fide Moyses grandis factus negavit se esse filium filię Pharaonis, magis eligens affligi cum populo Dei, quam temporalis peccati habere jucunditatem; majores divitias æstimans thesauro Ægyptiorum, improprium Christi.'

³ Pater Gaubil ter quaterve hanc inundationem in suis epistolis memorat; eamque modo an. 1461. modo an. 1462. contigisse ait. At in utroque numero erravit. *Yng-tsong* imperare cepit an. 1435. imperio pulsus est an. 1449. imperium recepit an. 1457: mortuus est an. 1465. Ergo annus ejus undecimus non potest esse 1461. aut 1462. Fuit an. 1446.

⁴ Observat P. Gaubil in descriptione regnorum Occidentalium, quæ in Sinensi Historia Tartarorum Occidentalium reperitur, memorari quinque regiones appellatas *Tien-tcho*, quarum una designat regionem vicinam Medinæ, patriæ Mahumetis: regionem hanc nunc dici *Tien-fang*: olim vocatam fuisse *Tien-Tang*, id est, cœli palatium. Hæc cum Palestina, Arabiæ proxima, satis conveniunt.

⁵ De Dynastia *Han*, et tempore quo Judæi fixas sedes in imperio Sinensi habuere, dictum est sup.

Judæi fixas sedes in Sinensi imperio habuere. Anno vigesimo Cycli sexagesimi quinti (Annus est 1163. primus Imperatoris *Hiao-tsong*) Judæi tributum telarum Indicarum Imperatori Hiao-tsong obtulere. Egregie excepti, obtinuere ut habitarent in urbe Cai-fong-fou, quæ tunc dicebatur Pien-lang. Tunc Judæorum erant septuaginta Sins, seu familiæ. Li-pai-se exstruxere, in quo Kings, id est, *libros suos canonicos*, reposuere. *Libri illi*, Kings, *inquit Mandarinus*, non solos Judæos spectant, sed omnes homines, reges et subditos, parentes et liberòs, senes et juvenes. Quisque potest in iis officia sua ediscere. *Inde contendit* Judæorum Sinensiumque leges parum differre, cum summa earum sit cælum adorare, parentes venerari, mortuos debitis honoribus prosequi. *Laudat* Judæos, quos in agris, in mercatura, in magistratibus, in exercitibus, sua integritate, fidelitate, et accuratissima cærimoniarum suarum observantia, omnibus caros dilectosque *adseverat*. *Demum subdit* legem illam ab Adamo ad Nuova, Noe, a Noe ad Abraham, ad Isaac, ad Jacob, ad duodecim tribus, ad Moysen, ad Aaron, ad Josue, ad Esdram, qui alter fuit legislator, pervenisse.²

Anno 1663. qui secundus annus fuit Imperatoris *Kang-hi*, magnus Mandarinus, postea imperii administer, tertiam Inscriptionem posuit. Ibi, cum Adam, Noe, Abraham, Moysen, memoraverit, potissimum celebrat, 'virtutem Abraham, qui cælum sine imagine, sine figura, causam rerum omnium effectricem et conservatricem, colebat. Legem, quam Moyses in monte Si-na accepit, *prædicat*. Ejus sunt, *inquit*, tredecim exemplaria: aliorum autem librorum decem sunt tomi. Tempore Tcheou¹ Judæi Sinas adiere.' Eorum sua in religione constantiam laudat. Deinde, collata Judæorum Sinensiumque literatorum doctrina, ait 'nullum ferme esse discrimen in cæli cultu, in officiis vitæ civilis, in honoribus, quibus mortuos statutis temporibus prosequuntur. Sabbatum a Sinensibus fuisse antiquitus observatum auctoritate librorum Kings *adstruit*. *Quinetiam adfermat* Judaicas literas ad veterem Sinensium literarum formam accedere.' Mox fuse narrat obsidionem urbis *Cai-fong-fou*, an. 1642. quo gubernator, desperatis rebus, moles, contra fluminis *Hoang-ho* eluvionem oppositas, disjecit. Eversa urbs: centum millia hominum periire. 'Inter has strages collapsum esse Li-pai-se; librorum codices viginti sex periisse *tradit*. Qua cura alii servati, aut anno 1654. reparati, descripti, recogniti; qui huic labori operam navaverint, et Li-pai-se restituerint,' recenset; ipsumque *Li-pai-se* accuratissime describit; librosque a *Tchang-Kiao* iterum fuisse recognitos et probatos ait.

Quarta Inscriptio est compendiosa Synagogæ historia; et restituit *Li-pai-se* post inundationem, quæ contigit an. 1642. descriptio. Ibi quoque inscripta nomina septem familiarum Judaicarum, quæ in *Cai-fong-fou* versantur. Eadem sunt, quæ jam retulit Pater Gozani, *Lettres édifiantes*, Vol. vii, p. 16. Hæc sunt monumenta Judæorum Sinensium, quæ supersunt. De sua religione nihil scripsere, præter

¹ De Dynastia *Tcheou* dictum est quoque supra. Sane commerciorum causa Sinas primum adiere Judæi. Tantum viguere olim usque in extremas terræ oras commercia!

libellum, quem Sinensibus typis editum, Mandarinis offerunt, si quod forte discrimen periculumve iis imminet.

De eorum moribus pauca addam. Deum adoraturi, ad Occidentem convertuntur. Huc quoque spectat eorum *Li-pai-se*. Nec aliter olim versum templum Hierosolymitanum. In templo nullas habent vestes sacras. Solum in supplicatione *Ta-Kings*, de qua dictum est sup. p. 507. *Tchang-Kiao*, seu rector Synagogæ insignis erat serica rubeaque fascia ab humero dextro infra sinistram depressa nodoque religata. Immo gens adeo decoris incuriosa, ut in æstate, ob cœli fervorem, solis subligaribus tecti, ceterum nudi, non modo domi versentur, sed in ipso etiam templo intersint. Sacram Scripturam precesque cantant, sicut in Italia Judæos in Synagogis suis cantantes audiverat P. Gozani. Credunt, teste Patre Gaubil, purgatorium, inferos, iudicium, paradisum, resurrectionem mortuorum. Norunt Angelos, Cherubim, Seraphim. Peculiare fidei symbolum non habent. Sortes ducunt ex suis sacris libris. Circumcisionem octavo die observant.¹ Sanctissimum apud eos et inviolabile sabbatum: eo die ignem non accendunt: cibos pridie apparant. Nulla nisi inter se connubia inest. Propagandæ suæ religionis nulla iis cura: neminem alienigenam in sua sacra trahunt. Juraturi, cavent ne templa idolorum adeant. Qui apud eos ad Sinensium literarum gradus sunt evecti, Confucium colunt; cunctique defunctos suos progenitores venerantur, eorumque tabellas servant more Sinico.² Unde patet eos ad Sinenses usus nonnihil deflexisse. Legem, seu quinque libros Moysis, assiduo usu plerumque intelligunt: hand ita periti in ceterorum librorum lectione, Hebraicæ linguæ satis rudes. Excusant se, quod jampridem *Tou-King-puen*, id est, grammaticos suos libros amiserint, et duobus abhinc seculis neminem Judæum ex *Si-yu*, id est, ex Occidente, viderint. Summa eorum religionis est in sacris suis libris, quos reverentiæ causâ ferme numquam domi,³ sed in armariis *Li-pai-se*, seu templi sui, adservant. Ubi quis libros Legis describi curavit, eosque in *Li-pai-se* collocavit, se omnibus religionis officiis defunctum existimat, ac ferme numquam postea in templo interest. In describendis sacris libris, apud eos nefas Sinensibus penicillis Sinensive atramento uti. Ad sacros hosce usus, arundinem, quæ *bambou* dicitur, in calamos incidunt; nigerrimoque utuntur atramento, quod, Europæorum more, initio anni, post festum Tabernaculorum, confectum, per totum annum diligenter servant.

¹ Tunc Hebraicum circumcisionis nomen accipiunt. Ex iis unus se in circumcisione appellatum fuisse *Mantiiohum*, i. e. Mathathiam, dixit.

² Ipsissima sunt P. Gozani verba, qui in Latinis suis literis scriptis 25. Aprilis 1712. ita habet: 'Eorum literati et graduati Confucium colunt; uti et omnes colunt progenitores suos defunctos, quorum tabellas servant more Sinico. Intra septa synagogæ ad latus habent Su-tam, seu aulam majorum pro defunctis benefactoribus cum suis tabellis.' Verumtamen cum imagines non habeant Judæi, crediderim in iis tabellis inscripta tantum esse defunctorum nomina. Idque suadent literæ ejusdem P. Gozani datæ 5. Novembris 1704. et editæ in libro supra laudato, *Lettres édifiantes*, vol. vii, p. 20.

³ Immo ob eandem reverentiam nullum librum Hebraice scriptum domi habent, teste P. Domenge. Alias tamen fatetur se audivisse, tres quatuorve e ditioribus libros Legis penes se habuisse.

Plura de Judæis Sinensibus cognoscere meditabantur PP. Gozani, Domenge et Gaubil, cum optimos conatus oppressit Imperatoris *Yong-tching* Christianæ religioni infensus animus, et omnes ad urbem *Cai-fong-fou* aditus interclusit. Egregia quoque consilia conferendi Biblia Hebraica cum *Li-pai-se* libris, ac maxime Pentateuchum integrum cum *Ta-Kings*, quæ *Bethel* adservantur, præjudicatis Judæorum Sinensium opinionibus semper fuere impedita. Nefas iis visum est libros suos credere hominibus, qui nigra carne, sic suillam vocant, vescerentur. Spes tamen aliquando fuit saltem libros ex armariis permutatione pecuniæ posse comparari. Iis oblata sunt Biblia Hebraica, Amstelodamensibus typis excusa: quæ quidem ob chartæ nitorem crassitiemque et concinnam libri ligaturam primum laudavere, post despexere, ac ne voluere quidem quod in suis libris deest ex iis supplere. Plus valuit pecunia; jamque eorum unus, nomine *Ngai-ven*, spoponderat fore, ut exemplar suum librorum Josue, Judicum, Samuel et Melachim e *Li-pai-se* extraheret, certoque pretio traderet. At, cum illud clam subduceret, prehensus, gravissima objurgatione percussus est.¹ Recepta enim apud eos sententia: Qui libros sacros vendit, Deum vendit, *Mai King, mai leo tchu y yang*. Colloquiorum quoque utilitati, quæ quammaxima esse poterat, nocuit singularis Judæorum Sinensium pronuntiatio.

Inde quid libri נומא, מופטר, מועד, מועד continenter, intelligere non potuit P. Domenge. Nempe illi Judæi, longo linguæ Sinensis usu, multos literarum sonos non adsequuntur: immo, ut et Sinenses, pronuntiare non valent literas b, d, e, r. Efferunt *p* pro *b*, *t* pro *d*, *ie* pro *e*, *l* pro *r*. Præterea sunt et literæ, quas nâso corrumpunt: sic literas הו pronuntiant *hum, hem, houn*. Cum forte legerent versum Genes. i, 2. חו ובו, *theohum vopeohum*.²

Sanctissimum autem apud eos est et ineffabile nomen *Jehovah*,³ quod ne pronuntiatione violent, dicunt *Hotaoi*. Pro *Adonai* pronuntiant *Etunoi*. In efferenda voce *Elohim* non ita a nobis discrepant. Cum nomen Dei Sinice explicant, non dicunt, ut Christiani Sinenses, *Tientchu*, sed tantum *Tien*, ut et Literati Sinenses, cum explicant *Chang-ti*.

De Jesu Christo nihil inaudivisse videntur Sinenses Judæi.⁴ De

¹ Alter Judæus, nomine *Cao-ting*, religionis suæ incuriosus, idem promiserat. Synagoga rectorem bonus adiit, librosque Legis, egregie scriptos, quos a patruo suo moriente acceptos in *Li-pai-se* nuper posuerat, repetiit: graviter increpitus, recessit cum ignominia: Sic improspere cessit quidquid hactenus tentatum, ut Judæorum Sinensium libri haberentur.

² Si quis de Sinensium Judæorum pronuntiatione plura desiderat, observat Pater Domenge: aleph cum kametz esse *o*, aleph cum patach *a*, aleph cum cholem *iio* vel *eo*, aleph cum tzeri *ie*, aleph cum kibbutz *ou*, aleph cum chirek *i*, aleph cum segol *ie*, aleph cum schewa *ie*, aleph cum chatephpatach *nga* vel *ad*, aleph cum schurek *ou* vel *ngou*. Literam beth cum fisdem punctis pronuntiant *po, pa, pua* vel *peo, pie, pou, pi, pié, pâ, pau*.

³ Cum P. Gaubil Judæis explicasset, quid voce *Jehovah* intelligamus, ii plurimum plausere; et confessi sunt se in hac voce semper intellexisse æternitatem Dei: in ea contineri præsens, præteritum et futurum: vocem illam idem esse atque *est, fuit, erit*.

⁴ Judæi Sinenses nonnumquam adire ecclesiam, quæ tunc erat in urbe *Cai-fong-fou*, et crucifixi imaginem ultro ac sine ullo horroris sensu contemplati sunt. Integri ergo sunt ab illo Thalmudico furore, quo reliqui Judæi vulgo exardescunt in crucifixum, quem *thalui*, id est, suspensum, appellant.

שילח et שוחרך sæpe interrogati, nihil respondere.¹ At, cum olim P. Matthæus Ricci ad *Tchang-Kiao*, seu Synagogæ rectorem scripsisset Messiam advenisse, ille respondit id verum non esse; Messiam non venturum ante decem millia annorum. Inde sane semper profitentur se expectare salutem Domini: solemni illa formula, quæ apud omnes Judæos, etiam Sinenses, est vulgaris: יהוה קוית' יהוה לישועתך. I. e. 'salutem tuam expectavi, Jehovah.'

Hæc sint satis de Judæis Sinensibus. At miremur gentem in tantis locorum intervallis semper sui similem, mores, ritusque, quos tot abhinc seculis descripsit Tacitus, in extremo terrarum orbe retinentem. Miremur magis tantum discrimen inter Romanorum Sinensiumque de Judæis judicia. Quod unde repetendum, nisi ab utriusque populi ingenio? Romani, animosa bellicosaque gens, terrarum victrix, cetera omnia despexere, barbaraque reputavere. Sinenses contra, sapientia magis, quam ingenio aut animo validi, pacisque studiis dediti, se quidem plurimum faciunt; quod humanitatis est, maxime apud sapientes: at ceteros, si quid in iis laudabile, probant laudantque: quod æquitatis est et prudentiæ.

CAP. 14. *Vetera castra*. Bene Mss. et vett. recentioresque edd. Lips. omisit, *castra*.

Et sextæ. Optime Mercer. Perperam in Mss. et libris omnibus editis ante Cl. Ernest. qui Mercer. secutus est, et *xvi*. vel et *sextædecimæ*. Jam sextadecima legio erat cum Cereali. Præterea auctus est sexta legione, quæ ex Hispania accesserat, ut patet ex c. 16. in quo Cerealis quartadecimanos, sextam legionem et secundanos appellat. Sæpe librarii denarium numerum temere addidere.

Cohortesque et alæ. Ms. Reg. et ed. pr. *cohortesque alæque*.

CAP. 15. *Ferocissimo cuique*. Bene Mss. Vatic. 1958. Harl. Bodl. Jes. Puteolan. et recentiores. In Ms. Vatic. 1863. et ed. pr. omissum, *ferocissimo*. At in Ms. Vatic. est hiatus, ut vocem unam desiderari significetur.

Arma, equi haurirentur. Bene Jac. Gronov. et recentiores. Sic legendum jam conjecerat Rhenan. e Ms. Bud. in quo, *arme qui haurirentur*. Ita et ed. pr. Nec aliter Ms. Flor. licet corrupte habeat, *aurirentur*. Mss. Harl. Bodl. Jes. et Puteolan. *arma equique haurirentur*.

Persultabant. In Ms. Reg. et ed. pr. *exultabant*.

Cominus eminus certabatur. In Mss. Flor. Reg. et ed. pr. *cominus minus certabatur*. Inde recte monuit Jac. Gronov. legendum, *cominus eminus*. Puteolan. et ceteri omnes, *cominus certabatur*. Ms. Jes. *certabantur*.

Inter undas. Ms. Jes. *intus undas*.

CAP. 16. *Gugerni*. Ms. Reg. et ed. pr. *Eugenii*. Mss. Harl.

¹ Certe sæpe eos interrogantibus PP. Gozani et Domenge siluere. Siluere quoque cum an. 1723. Synagogam addit P. Gaubil, vocemque שילח iis ostendit, et quid apud eos significaret quæsiit. At cum ipse cœpisset iis explicare quo sensu Patres doctoresque Ecclesiæ vocem illam acciperent, juvenis Judæus veniam loquendi comiter petiit, dixitque se a magno patruo suo, paucis ante annis mortuo, audivisse, aliquid divini in hac voce esse, eaque significari hominem divinum missum iri a Deo. Tale juvenis Judæi testimonium tum P. Gaubil, tum PP. Gozani et Jacques, qui aderant, mirati sunt.

Bodl. Jes. et Puteolan. *Cugerni*. At sup. Hist. iv, 26. *Gugernorum*.
Quosque suorum. Ita Mss. Flor. Reg. Harl. Bodl. Jes. Guelf. Agr.
 ed. pr. et recentiores. Puteolan. *quosque eorum*.
Advehebantur. Mss. Vatic. 1863 et 1958. Reg. et ed. pr. *adve-*
hebant.

Perfidum, ignavum. Ms. Reg. *perfide ignavum*.

Exciderent. Ita Mss. Flor. Agr. ed. pr. et recentiores. Mss. Harl.
 Bodl. Jes. Guelf. et Puteolan. *excinderent*.

Ac tamen fusos Germanos. Ita Ms. Flor. Sic quoque volebat Mu-
 ret. In Ms. Reg. *ac tum*. In libris editis, *attamen*. Pro *Germanos*,
 male ed. pr. habet, *Romanos*.

Hinc prævectus. Mss. Vatic. 1863 et 1958. *provectus*. Ms. Jes.
præventus. Ms. Agr. *pervectus*.

Pacis amor. Ms. Reg. et ed. pr. et *pacis amor*.

Sperabantur. Male Ms. Reg. et ed. pr. *ferebatur*. In Ms. Jes.
spectabantur.

CAP. 17. *Silentem struxit aciem*. Melius, *silens struxit aciem* ;
 et ita vertunt optimi interpretes. Sic quoque volebant Lips. Huet.
 alique plurimi. Tentabat quoque Lips. *silenter* : Muret. *silentio* ;
 quod probat Cl. Ernest. Pichena, *silens instruxit aciem*.

Dira omnia observari. *Dira omnia* habent Mss. Vatic. 1863. Harl.
 Jes. Guelf. Beroald. Ernest. et recentiores. Mss. Flor. Reg. et Pu-
 teolan. *dira oĩa*. Mss. Vatic. 1958. Bodl. Agr. ed. pr. Pichena et
 Ryck. *dira omina*. Male Mss. Vatic. 1863. Reg. et ed. pr. *observari*.
 Bene Ms. Vatic. 1958. Harl. Bodl. Jes. Puteolan. et recentiores, *ob-*
versari.

Suam illic victoriam. Bene Mss. Harl. Bodl. Jes. Puteolan. et
 recentiores. Male Ms. Vatic. 1863. et ed. pr. *suam illic materiam*.
 Ms. Reg. *suam materiam illic*. Inde tentabat Acidal. *suam illic ava-*
ritiam.

Præda manus. Male Mss. Harl. Jes. *prædam manus*.

Provisa. Ita Ms. Agr. Sic quoque placebat Ryck. atque ita edi-
 dit Cl. Lallemand. Ms. Bud. *prævisa*. Ms. Flor. et ed. pr. *prævisæ*.
 Ms. Reg. *pervisse*. Mss. Harl. Bodl. Jes. et Rhenan. *providisse*.
 Puteolan. *prævidisse*.

Hostibus noxias. Bene Puteolan. et recentiores. Nec variant
 Mss. Harl. Bodl. Jes. In Mss. Reg. Agr. et ed. pr. *hostibus medias*.
 Quod immerito probat Ryck. licet palus fuerit inter utrasque acies.

Rhenum et Germaniæ Deos. Rheni numen testatur Inscriptio Co-
 loniæ in S. Ursulæ sacrario reperta :

I. O. M. ET
 GENIO LOCI
 ET RHE
 NO CL. MAR
 CELLINVS V. S. L. M.
 IMP. COMMODO
 VI. COS

i. e. 'Jovi optimo maximo, et Genio loci, et Rheno Claudius Marcel-
 linus votum solvit libens meritò, Imperatore Commodo sextum con-
 sule.'

Aut gloriosissimum inter majores. Vivide breviterque dictum. Dies enim ille vel omnia majorum facinora erat superaturus, vel ignominiosus apud posteros futurus. Corrupte Ms. Reg. et ed. pr. *illum diem divo gloriosissimum.* Ms. Guelf. *gloriosum.*

Illis mos. Ms. Harl. sed sec. tantum m. *illis mos est.*

Elicerent. Bene Mss. Flor. Reg. Bud. Harl. Bodl. Jes. Guelf. ed. pr. Rhenan. et recentiores. Male Puteolan. *eluderent.* Mallet Ryck. *inlicerent.*

CAP. 18. *Fluitantem labantemque.* Ita Mss. Vatic. Reg. ed. pr. et recentiores. Mss. Harl. Bodl. Jes. et Puteolan. *fluitantemque.* Omisere, *labantem.* Additum est in marg. Ms. Guelf.

Tranatavit. Bene Mss. Flor. Agr. Jac. Grönov. et recentiores. In Ms. Reg. et ed. pr. *renatavit.* Mss. Harl. Bodl. Jes. et Puteolan. *transnatavit.*

Prælium æquatur. Ita Mss. Vatic. 1863 et 1958. Flor. Reg. Harl. Bodl. Jes. Bud. Guelf. ed. pr. Ernest. et recentiores. Puteolan. *prælium exæquatur.*

Inter quæ. Ms. Reg. et ed. pr. *interea.*

Extremo paludis. Ms. Reg. *extremum paludis.*

Solidum illa. Ita Mss. Vatic. 1863 et 1958. Reg. et libri omnes editi. In Mss. Harl. Jes. *solidam illam.* Sic quoque sup. additum in Ms. Vatic. 1958. In Ms. Agr. *solida illa.*

Et Gubernos. Bene Ms. Vatic. 1958 et edd. recentiores. In Ms. Vatic. 1863. *ecugernos.* Ms. Reg. et ed. pr. *et ecugernos.* Puteolan. *et Cugernos.* Ms. Agr. *et Tungaros;* sed sec. tantum m. Pr. habuisse videtur, ut editum, teste Ryck.

Propinqua nocte. Ms. Reg. et ed. pr. *propinquante nocte.*

CAP. 19. *Legio supplevit.* Ms. Agr. *supplebat.*

Oppida Batavorum. Bene Mss. Reg. Agr. ed. pr. et Cl. Lallemand. Mss. Harl. Bodl. Jes. et Puteolan. *oppidum.* Id oppidum Bateburgum, *Batenburg,* vel *Batavenborg* esse volebat Cluver. Pontanus, Noviomagum, nunc *Nimeguen.* Suspectum habebat Lips. *oppidum Batavorum,* et tentabat, *Batavodurum.* Lips. arguit erud. Jo. Smith in libello, cui titulum fecit: 'Jo. Smith oppidum Batavorum, seu Noviomagus, liber singularis. Quo ostenditur Batavorum oppidum C. Tacito libr. Hist. v, 19. memoratum esse Noviomagum.' Contendit hoc unum fuisse Batavorum oppidum: ex eo oriundos Civilem et Labeonem; ideoque oppidanum eorum certamen memorari Hist. iv, 18. At hæc omnia conjecturis nituntur. Verius crediderim plura fuisse Batavis oppida. Noviomago minime favet Cl. Alting, Notit. Germaniæ inferioris, p. 104.

Abacto amne. Sic Mss. Harl. Bodl. Guelf. Rhenan. et recentiores. In Ms. Jes. *ab acto.* Ms. Reg. et ed. pr. *ab amoto amne.* Ms. Agr. *amoto.* Puteolan. *ablato.*

Transiere. Mss. Harl. Jes. *transire.*

Treverorum senatores. Bene Mss. Vatic. 1863. Reg. et libri omnes editi. In Mss. Vatic. 1958. Harl. Bodl. Jes. Bud. Guelf. *omissum, senatores.* Sec. m. additum est in marg. Ms. Harl. Frustra tentabat Rhenan. *centum alii Trevirorum.*

Quem a Primo Antonio missum in Gallias superius memoravimus.

Hæc quidem absunt a Ms. Jes. Ne spuria tamen dixeris. Nec, pro *Gallias*, necessario emendandum *Germaniam*, uti placet Cl. Ernesto. Vide jam dicta in Notis.

CAP. 20. *Una die Civilis quadripartito invaserit. Una die* habent Ms. Reg. ed. pr. Cl. Ernest. et recentiores. In Ms. Vatic. 1863. et Agr. *uno die*. In Mss. Vatic. 1958. Harl. Bodl. Jes. omis- sum, *uno die Civilis*. At eorum loco positum, *modicis villis*. Quod minime probabile. Ita tamen edidit Puteolan. In Mss. Flor. Bud. omissis quoque, *uno die*, scriptum, *modicis villis Civilis*. Ms. Agr. *modicis villis quadripartita Civilis*. Præter Mss. Harl. et Jes. in quibus, *quadripartitam*, ceteri omnes, ut et libri editi ante Cl. Ernesti ed. habent, *quadripartita*. Cl. Ernest. emendavit, *quadripartito*. Ac bene quidem, et ex optimorum Scriptorum Titi Livii et Julii Cæsaris usu. In Mss. Vatic. 1958. Harl. Bodl. Jes. *invaserint*. Ita et Puteolan. Ms. Guelf. *legionem modicis villis quadripartitam invaserint*.

Verax. Beroaldus, *Vera*. Sane operarum errore.

Traherent. Ms. Reg. et ed. pr. *traheret*.

Quibus obvenerant. Bene Ms. Vatic. 1958. Puteolan. et recentiores. In Ms. Vatic. 1863. *venerat*. Ed. pr. *quibus advenerat*.

Ceteri se munimentis defendere. Perperam Ms. Reg. et ed. pr. *ceteris imminentibus defendere*. Ms. Bud. *militibus eminentis defendere*. Inde tentabat Rhenan. *pauci e militibus se jumentis defendere*, pro *defendebant*.

Inrumpere inchoatum pontem. Cl. Ernest. et Lallemand, *rum- pere*; quasi ita foret scriptum in Ms. Oxon. At Mss. Harl. Bodl. habent, *irrupere*. Ms. Jes. *irrupere*. Hi tamen sunt Mss. Oxonienses. In Ms. Reg. et vett. omnibus edd. *irrupere*. Nihil ergo mu- taverim ob librorum auctoritatem. Tentabat quoque Cl. Ernest. *ab- rumpere*.

CAP. 21. *Grinnes Vadamque*. Perperam Ms. Jes. omisit, *Va- damque*.

Nec sisti poterant. Ita libri omnes scripti et editi. Cl. Ernestus tentabat, *nec sisti poterat*. Sed frustra, ut ipse fatetur.

In quæis. Mss. Reg. Harl. Jes. *in quibus*.

Ceciderat. Verbum illud Cl. Ernesto displicet; et certe recte ab- esset.

Tranavit. Ita Cl. Ernest.; et sic supra c. 18. Ms. Reg. et ed. pr. *transnavit*. Mss. Harl. Bodl. Jes. et Puteolan. *transnavit*.

Idem Germanis effugium. In Ms. Reg. et ed. pr. *idem germani transugium*. Cum de ducum casibus hic agatur, et de militum fato sup. jam sit dictum, pro *Germanis*, legendum *Veracis*, conjiciunt Jac. Gronov. et Cl. Ernest. Valde quidem probabiliter. Quatuor enim erant duces. Hic unus desideratur, Civili, Tutore Classicoque memoratis. *Germani* vox retineri potuisset, si Verax eadem matre fato- tius, quam sorore Civilis genitus fuisset, ut recte observat Cl. Ernest.

Ut jussum erat. In Mss. Harl. Bodl. Jes. et Puteolan. *et jussum erat*.

Sed obstitit formido. In Ms. Reg. et ed. pr. *sed hostilis formido obstitit*.

Exercituique. Que omissum in Mss. Harl. Bodl. Jes.

CAP. 22. *Bonnamque.* Male Ms. Jes. *Bonnaque.* Novesium enim Bonnamque proficiscebatur: minime vero Novesio Bonnaque.

Suismet tentoriis. Bene Mss. Reg. Agr. Guelf. ed. pr. Cl. Ernest. et recentiores. In Ms. Flor. *suismet toriis.* Mss. Harl. Bodl. Jes. et Puteolan. *suismet coriis.* In marg. Ms. Harl. sec. m. *tentoriis.*

Quo plus terroris. Ita Mss. Flor. Reg. ed. pr. Pichena et recentiores. Mss. Harl. Bodl. Jes. et Puteolan. *et quo plus terroris.*

Ornatu militari. Bene ed. pr. Pichena et recentiores. Mss. Harl. Bodl. Jes. et Puteolan. *ornati militariter.* Ms. Flor. *ornati militari.*

Semisomnus. Ita Mss. Vatic. 1863. Flor. Guelf. Harl. Jes. ed. pr. Cl. Ernest. et recentiores. Mss. Vatic. 1958. Bodl. et Puteolan. *semisomnis.* At in Mss. Vatic. 1958. *u* super *i* scriptum; ut sit quoque, *semisomnus.* In Ms. Reg. *semisopitus.*

Servatur. Ms. Reg. *salvatur.* At in marg. additum: *Tres alii manuscripti codices habent servatur.*

Abripiunt. Ms. Bodl. *arripiunt.*

Alibi noctem egerat. Ita Mss. Vatic. 1863, 1958. et libri omnes editi. At in Ms. Vatic. 1958. suprascriptum, *alia navi navem* (corrupte pro *noctem*.) Unde forte scriptum olim, *alia navi noctem egerat.*

Sacrata. Male Ms. Reg. *Sacrariae.* Ed. pr. *Sacratiae.* In vet. Inscr. ap. Grut. p. 168. n. 10. memoratur ATTIA SACRATA.

Suum ducis. Ms. Jes. *sui ducis.*

Excusabant. Mss. Vatic. 1958. Harl. Jes. et Puteolan. *accusabant.* Sed in Mss. supra *ac* scriptum *ex.*

Prætoriam tiremem. Mss. Reg. Agr. et ed. pr. *prætoriam biremem.*

Flumine Lupia. Bene Rhenan. et recentiores. In Ms. Reg. *Lupa.* In Ms. Harl. et ed. pr. *Lupia.* Mss. Bodl. Jes. Bud. *Impia.* Unde Beroald. *impio.*

CAP. 23. *Cupido incessit.* Male Ms. Reg. et ed. pr. *cupido invasit: cessit.* Ms. Flor. *cupido invasit incessit.* Inde frustra tentat Pichena, *cupido inanis incessit.* *Invasit* spurium est, et additum a librariis, qui verbum, *incessit*, explicavere.

Tricenis quadragenisque armamenta liburnicis solita: et simul captæ lintres, sagulis versicoloribus haud indecore pro velis juvabantur. Ita Lips. alique plurimi. Nec male, in tanta librorum corruptela. Mss. Vatic. 1863. Reg. et ed. pr. *tricenos quadragenosque fere armamenta liburnicis solita et simul captæ lintres, sagulis versicoloribus, haud indecore pro telis juvabantur.* In Ms. Flor. pro, fere, scriptum, *se et.* In Mss. Vatic. 1958. Harl. *ad tricenos quadragenosque ceu armamenta liburnicas soli haud indecore pro velis juvabantur.* Ita quoque Mss. Bodl. Jes. et Puteolan.; sed pro *juvabantur* habent *juvabant.* In Ms. Harl. sec. m. pro *soli* emendatum *solita*; et in marg. additum, *et simul captæ lintres sagulis versicoloribus.* Ms. Agr. *tricenos quadragenosque ferre armatos liburnicæ solita.* At, ut jam sæpe monui, codex ille viri eruditi conjectiones potius, quam veterem scripturam refert. Ita tamen edidit Ryck. et Cl.

Lallemand. Pessime emendabat Faernus: *adjecta ingens lintrium vis, vehentium ad tricenos, quadragenosque ceu armamenta liburnicis, soli haud indecore pro velis juvabant.* Hactenus nihil Lipsiana emendatione melius repertum. Tantum, ne quid vet. scripturæ pereat, mallet, *tricenis quadragenisque fere armamenta, &c.*

Electum. Bene Mss. Harl. Bodl. Jes. Guelf. edd. vett. et recentiores. In Ms. Flor. *ejectum.* Ms. Bud. *ceptum*; unde Rhenan. edidit, *captum.*

Ubi. Male Ms. Bud. *ut.*

Mosæ fluminis os amnem Rhenum. Ita Mss. Vatic. 1863. Flor. Reg. ed. pr. Jac. Gronov. et recentiores. Mss. Harl. Bodl. et Puteolan. *Mosæ fluminis amnem Rhenus.* Sic et Ms. Jes. Sed pro *Rhenus* habet *Rheno.*

Adfundit. Ms. Reg. et ed. pr. *effundit.*

Magnitudine potiozem. In hæc verba desinunt Mss. Vatic. 1863. Reg. et ed. pr.

His flumen secundum. Bene Ms. Flor. Pichena et recentiores. Mss. Vatic. 1958. Harl. Bodl. Jes. et Puteolan. *Is flumine secundo.* Suprascriptum in Ms. Vatic. 1958. *flumen secundum.*

Sic prævecti. Bene Rhenan. et recentiores. Puteolan. *provecti.*

Telorum jactu. Ms. Flor. *levium telorum jactu.*

Nota arte ducum. Cerialis, nota arte ducum, agros villasque Civilis intactos reliquit, ut ei vel proditiōis vel invidiæ periculum faceretur. Quod exemplis egregie illustravit Pichena. Sic, apud Græcos, a Lacedæmoniis petitum Periclem, Atheniensium ducem, testatur Justin. iii, 7. 'Hujus agros, in populatione ceterorum, intactos, hostes reliquerant, sperantes acquirere se illi posse, aut periculum ex invidia, aut ex suspitione proditiōis infamiam. Quod ante prospiciens Pericles, et futurum populo prædixerat; et ad invidiæ impetum declinandum, agros ipsos dono reipublicæ dederat.' Sic, apud Romanos, teste Liv. ii, 39. '*Coriolanus* populatur inde agrum Romanum: custodibus inter populatores missis, qui patriciorum agros intactos servarent: sive infensus plebi magis, sive ut discordia inter Patres plebemque oriretur.' Sic quoque Annibal adversus Fabium Maximum grassatus est. Unde Liv. xxii, 23. 'Accesserant duæ res ad augendam invidiam dictatoris: una fraude ac dolo Annibalis, quod cum a perfugis ei monstratus ager dictatoris esset, omnibus circa solo æquatis, ab uno eo ferrum ignemque et vim omnem hostium abstineri jussit, ut occulti alicujus pacti ea merces videri posset.'

Flexu autumnii. Bene Rhenan. et recentiores. Puteolan. *fluxu autumnii.*

Crebris pluvialibus imbris. Ms. Flor. *crebris per hyemem imbris.*

Differebantur. Bene Ms. Bud. Rhenan. et recentiores. Mss. Harl. Bodl. Jes. Guelf. et Puteolan. *deserebantur.*

CAP. 24. *Paratum.* Bene Cl. Ernest. e Ms. Guelf. In Ms. Harl. et vett. edd. *peractum.*

Transcenderint. Ms. Jes. *transcenderit.*

Si quid. Ms. Harl. *sed quid.* Ms. Jes. *sed quia.*

CAP. 25. *Quid perfectum.* Mss. Harl. Bodl. Jes. *quid profectum.*
Navaverint. Ms. Bodl. sec. m. *navaverunt.*

Et ceterorum. Jactat Rhenan. se inseruisse partic. *et.* Verum illam jam habebat Puteolan.

Virtutem et viros. Bene Ms. Flor. Lips. et recentiores. Mss. Harl. Bodl. Jes. et Puteolan. *virtutes.* Frustra tentabat Rhenan. *juventutem.*

In arma trusos. Hic explicit Ms. Jes.

Resipiscere. Male Ms. Bodl. *respicere.*

CAP. 26. *Nabalæ fluminis.* Frustra tentabat Lips. *Vahalis fluminis.* In Ms. Bud. *Flabaliæ.*

Et Civilis. Ita Ms. Flor. Pichena et recentiores. *Et abest a* Mss. Vatic. 1958. Harl. Bodl. Omiserat quoque Puteolan.

Ne Germanicæ. Ms. Harl. *ut Germanicæ.*

Transcenderet. In Mss. Vatic. 1958. Harl. Bodl. et vett. edd. ante Lips. *transcenderent.*

Antonius epistolis. Ita Ms. Flor. Pichena et recentiores. In Mss. Vatic. 1958. Harl. Bodl. et vett. edd. *Antonius absens,* omissis *epistolis.*

Hordeonius Flaccus. Ita Pichena et recentiores. A Mss. Vatic. 1958. Harl. Bodl. et edd. vett. abest, *Hordeonius.*

Monebat. Bene Mss. et vett. recentioresque edd. Male Rhenan. *movebat.*

Flavianus in Pannonia. Bene Ms. Flor. Pichena et recentiores. In Mss. Vatic. 1958. Harl. Bodl. et vett. edd. *Fabianus in Pannonia.*

DE OBSIDIONE HIEROSOLYMITANA ET BELLI JUDAICI MONUMENTIS.

UT stem promissis, quæ in Append. ad lib. Hist. v, 51. not. inf. feci, artem Romanorum in obsidione Hierosolymitana, superius in notis, ob loci angustias, haud satis explicatam, hic aperiam; deinde belli Judaici monumenta exponam.

Ac primo quidem, sacra apud Judæos sabbati lege, populus ille, ni Deus prodigialiter subveniret, erat adversus suos hostes invalidus. Licet enim vim ab hostibus die sabbati illatam posset repellere, nefas tamen ducebat die illo, etiamsi locus tempusque faverent, hostem adgredi; ne licuit quidem operibus, quæ hostis die sabbati apparabat, nocere. Inde Joseph. Antiq. Jud. xiv, 4. n. 2. *Ἀρχοντας γὰρ μάχης καὶ τύπτοντας ἀμύνασθαι δίδωσιν ὁ νόμος, ἄλλο δὲ τι δρώντας τοὺς πολεμίουσιν οὐκ ἐῖ.* Quod cum perspectrum esset ducibus Romanis, ea religione adversus Judæos utebantur. Sic Pompeius Magnus sabbati diebus pugna abstinuit: sed per hos dies, vineas, aggeres, turres, fossas parabat, quibus tranquille dispositis, postridie Judæos lacescebat. Hac arte Hierosolyma, munitissimam urbem, cepit. Joseph. ibid. n. 3. Contra Cestius Gallus, neglecta ea religione, die sabbati exercitum suum urbi admovit; et illo ipso die sabbati a Judæis victus est. Joseph. Bell. Jud. ii, 19. n. 1 et 2. Titus, Cestii clade eductus, Pompeii vestigiis institit. Quod manifestum facit tota Hierosolymitanæ obsidionis ratio. Is enim, paratis admotisque machinis, dum

vigebat Paschatis celebritas, urbem oppugnare cœpit die 22. Aprilis, quæ erat dies Dominica. Perrupto muro, primam urbis partem occupavit die Dominica, 6. Maii. Alteram urbis partem cepit die Martis, 15. Maii. Maxima tranquillitate et celeritate opus fuit, ut vallum urbi circumdaret, ad id operis Titus insumsit diem sabbati et sequentes duos dies Septimanarum seu Pentecostes, nempe 2. 3. et 4. Junii, atque quidem adeo properanter, ut triduo vallum sit confectum. Turris Antonia capta est die Martis, 3. Julii. Incensum est templum die Dominica, 5. Augusti. Demum die sabbati, 1. Septembris, machinas urbi superiori admovit Titus; et postridie, Dominica nempe sequenti, 2. Septembris, eam cepit et incendit. Sic periit Hierosolyma. Judeos, sub ipsa tumultus initia, frustra monuerat Josephus, ut a bello abstinerent, in quo certe, Deo non favente, vincerentur, si sabbata servarent: si non servarent, bellum esse absurdum. Quomodo enim pro lege, Deoque auspice, bellarent, si legem violarent, Deumque offenderent! Hæc fuse proseguitur Joseph. Bell. Jud. ii, 16. n. 4. Nunc ad monumenta deveniamus. Plurima supersunt. Nulla enim umquam victoria fuit celebratior.

Ut sileam frequentissimos Vespasiani nummos, VICTORIA AUGVSTI inscriptos, aliosque jam supra in notis memoratos; fuit in Museo Collegii Ludovici Magni nummus aureus: IMP. CAESAR VESPASIANVS AVG. caput Vespasiani laureatum. In aversa parte, IVDAEA. Trophæum, cujus ad pedes sedet captivus. Ibidem fuit ex ære mediocri: IMP. CAESAR. VESPASIAN. AVG. COS. III. capite laureato. In postica parte: IVDAEA CAPTA SC. Judæa luget ad palmam sedens, retro captivus stat. Alii sunt id genus multi nummi ex ære magno. Quidam inscriptum habent, IVDAEA DEVICTA. Ob victos pagna navali Judeos, cusus est nummus jam memoratus supra. IMP. CAES. VESPASIAN. AVG. COS. III. In adversa parte, VICTORIA NAVALIS. SC. Vespasiano statuam posuit ordo Spoletanus cum Inscr. quam Spoleti extantem refert Grut. p. 103. n. 7.

VICTORIAE. AVG

SACRVM

PRO REDITV

IMP. CAES. T. FLAVI

VESPASIANI. AVG

PONT. MAXIM

TRIB. POT. COS. II

P. P.

STATVAM. EX. AERE

ORDO. SPOL. CONLOC

Periculorum gloriæque societate eosdem honores adeptus est Titus. Fuit in Museo Collegii Ludovici Magni nummus ex ære mediocri: T. CAES. IMP. AVG. P. TR. P. COS. VI. CENSOR. Titi caput laureatum. In aversa parte, IVDAEA. CAPTA. SC. Palma, cum captivo et spoliis. Ibidem quoque fuit ex ære mediocri: T. CAES. IMP. PON. TR. P. COS. VI. CENSOR. et in aversa parte, VICTORIA NAVALIS. Victoria cum palma, et cornucopia. In nummis Græcis, ΑΥΤΟΚΡ. ΤΙΤΟC. ΚΑΙCΑΡ. 'Imperator Titus Cæsar,' capite laureato. In

aversa parte, ΙΟΥΔΑΙΑΣ ΕΑΛΩΚΥΙΑΣ. i. e. 'Judæa capta.' Nummos v. ap. erud. Morel. Thesaurus Vol. ii, p. 389. et Vol. iii. in Numism. Titi. Tab. XIII. Nuntii Ultrajectenses, *the Utrecht Gazette*, an. 1764. memoravere in purgandis ruderibus incensæ domus repertam fuisse Olyssipone, *Lisbon*, capsulam in qua continebantur trecenti aurei nummi Imperatoris Titi, inscripti: TITO VESPASIANI FILIO ΙΥΔΑΕΙΣ ΣΥΒΑΚΤΙΣ. Utinam quid horum nummorum antica facies, quid postica referret, quis esset ordo inscriptionis significantius fuisset expressum! Tales nummi nulli extant in eruditorum Cimeliis.

Pulcherrimum autem hujus victoriæ monumentum est arcus triumphalis, adhuc Romæ superstes: ibi ex una parte videtur Titus stans in quadrigis. Retro stat victoria. Adstant Quirites militesque cum laureis. Ex altera parte expressa spolia templi Hierosolymitani; ut dictum est supra. Utramque arcus partem vide ad calcem Thesauri Morelliani, Vol. III.

Duo sunt alia insignia monumenta; alterum Romæ, Interamnæ alterum: quæ habet Grut. p. 244. n. 8. et p. 245. n. 1.

Romæ.

FELICITATI. AVG. ET
PROVIDENTIAE
DIVI TIT. IMP. VESPASIANI
AVG. P
SVBLATIS. POP. ROM. HOSTIB
PERNICIOSISSIMIS
C. AELIVS. SVCESSVS
L. COCCEIVS. FELIX
S. P. F. C

Interamnæ.

PROVIDENTIAE. TITI. CAESARIS. NATI
AD. AETERNITATEM. ROMANI
NOMINIS. SVBLATO. HOSTE. PER
NICIOSISSIMO. P. R
FAVSTVS. TITIVS. LIBERALIS
VI. VIR. AVG. ITER. P. S. F. C.

I. e. 'sublato hoste perniciosissimo populi Romani, Faustus Titius Liberalis, Sevir Augustalis iterum, pecunia sua faciendum curavit.'

Siluisssem Inscriptionem ab Emin. Baronio relata, laudatam ab erudito Pagio, ni eam quoque a peritissimis antiquarum rerum æstimatoribus Cl. Vaillant, Numismata ærea Imperatorum in cœloniis percussa, p. 196. et Cl. Morellio. l. c. Vol. ii, p. 389. descriptam reperissem.

IMP. TIT. CAESAR. DIVI. VESPASIANI. P
VESPASIANO. AVG. PONTIFICI. MAXIMO
TRIB. POT. X. IMP. XVII. COS. VIII. P. P
PRINCIPI. SVO. S. P. Q. R.
QVOD. PRAECEPTIS. PATRIS. CONSILIIQUE. ET
AVSPICIS. GENTEM. ΙΥΔΑΕΟΡΥΜ. DOMVIT. ET
VRBEM. HIEROSOLYMAM. OMNIBVS. ANTE. SE
DVCI. REGIBVS. GENTIBVSQUE. AVT. FRVSTRA
PETITAM. AVT. OMNINO. INTENTATAM. DELEVIT

Nihil antiqui in hac Inscriptione : plurimum vero falsitatis. Quis enim ferat urbem *Hierosolymam omnibus ante Titum ducibus, regibus, gentibusque aut frustra petitam, aut omnino intentatam* dici, cum olim capta sit, et recenti apud Romanos memoria eam cepisset Pompeius Magnus, et in hoc ipso Judaico bello magnam ejus partem Cestius Gallus occupasset? Inscriptionem hanc figmentum esse Onufrii volebat Scaliger. Ficta est, quod Inscriptio, in altera fronte arcus Titi, de quo dictum est supra, temporum injuria periit.

Hactenus de Imperatorum monumentis. Manent et militum. Repertum Taurini Augustæ, *Turin*, an. 1570. in ærea lamina, refert Grut. p. 478. n. 7.

C. VALERIO. C. F

STEL. CLEMENTI

PRIMIPILARI

II. VIR. QVINQVENNALI

FLAMINI. DIVI. AVG. PERPETVO

PATRONO. COLONIAE

DECVRIONES. ALAE. GETVLORVM

QVIBVS. PRAEFVIT. BELLO. IYDAICO

SVB. DIVO. VESPASIANO. AVG.

PATRE

HONORIS. CAVSSA

HIC. OB DEDICATIONEM. STATVARVM. EQVESTRIS. ET

PEDESTRIS. OLEV. PLEBEI. VTRIVSQVE. SEXVI. DEDIT

Idem Grut. p. 1096. habet alterum monumentum positum Arimini, *Rimini*, prope portam Sancti Andreæ.

L. LEPIDIO. L. F. AN

PROCVLO

MIL. LEG. V. MACEDON

7. LEG. EIVSD.. 7. LEG. EIVSD. II.

7. LEG. VI. VICTRICIS

7. LEG. XV. APOLLINAR

PRIM. LEG. XII. GEMIN

DONIS. DONATO. AB

IMP. VESPASIANO. AVG.

BELLO. IYDAICO. TORQVIR

ARMILLIS. PHALERIS

CORONA. VALLARI

SALINATORIS. CIVITATIS

MENAPIORVM. OB. MER. EIVS

SEPTIMINA. P. REPONEND

CVRAVIT

Ibidem alius est plane similis titulus eidem Lepidio a Salinatoribus civitatis Morinorum positus. De Menapiis et Morinis dictum sup. Hist. iv, 28. Pro PRIM. LEG. XII. GEMIN. omnino legendum PRIM. LEG. XIII. GEMIN. ut habet Scaliger in Indice; i. e. 'primipilari legionis tertiadecimæ geminæ.' Tertiadecima enim legio, non vero duodecima fuit gemina. Vide quæ de numero et nominibus legionum diximus sup. in not. et em. ad Hist. ii, 6.

NOTÆ ET EMENDATIONES

AD LIBRUM C. CORNELII TACITI

DE SITU, MORIBUS, ET POPULIS GERMANIÆ.

De situ, moribus, et populis Germaniæ. Ita Ms. Vatic. 3429. et libri editi. In Mss. Vatic. 1518. 1862 et 4498. *de origine et situ Germanorum.*

CAP. 1. *A Gallis.* Ita quatuor Mss. Vatic. et edd. vett. Perperam eruditi viri, Gronov. Dithmarus et Ernest. edidere, *Galliis.*

Rætisque et Pannoniis. Perperam libri editi, *Rhætiis.* Emendandum, *Rætis.* Hic enim de populis, non vero de regionibus agitur; ut recte vidit Cellarius, 'Notit. Geograph. Antiq.' l. ii, c. 8. Firmior adhuc in sua sententia futurus, si novisset in vett. optimisque libris legi, *Gallis*, non *Galliis.* Ætate Taciti multo recentior Rætiae et Pannoniæ in plures provincias divisio. *Rætiis*, non *Rhætiis*, habent Mss. Vatic. 1518 et 4498.

In Occidentem versus. Recte monuit Ernest. *versus* præp. esse.

Montis Abnobæ. Mss. Vatic. 1518 et 4498. et edd. vett. *Arbonæ.* Mss. Vatic. 1862 et 2964. *Arnobæ.* In marg. Ms. Vatic. 1862. additum, *Arbonæ.* Rhenan. deinde ceteri omnes, Plin. secuti edidere, *Abnobæ.*

Erumpat. Ita Mss. Vatic. Puteolan. *erumpit.* Inf. c. 20. 'Donec ætas separet ingenuos, virtus agnoscat.'

CAP. 2. *Tuistonem.* Ita Ms. Vatic. 1518. et vulgo libri editi præter Ernest. qui e Ms. Turic. Cod. Kapp. et ed. Rhag. edidit *Tuisconem.* Ms. Vatic. 1862. *Tristonem:* in marg. *Tuisman.* Ms. Vatic. 1498. *Bistonem.* Utrum autem Tuistonis nomine lateat Dei, rerum omnium conditoris, memoria; Mannusque referat vel Adam, ejusque tres filios Cain, Abel et Seth, vel Noe et ejus liberos Sem, Cham et Japheth: an Tuisto, ut sensit Cl. Leibnitius, sit ipse Teut aut Teutates, Gallorum Hispanorumque cultu et fama celeberrimus, i. e. rex herosve Celto-Scythæ, qui magnam Asiæ et Europæ partem armis occupaverit, hominumque mores formaverit, variis agitur disputationibus, quas non est instituti nostri fusius persequi. Monuerim tantum erud. Scheidium in præf. ad lib. J. G. Eccardi 'de Origine Germanorum,' p. 23. pro *Tuistonem* tentare *Thiudans;* totumque hunc locum, quem depravatum putat, ita emendare: *Celebrant carminibus antiquis Thiudans (i. e. Deum), et terra editum filium Mannum, originem gentis conditoresque.* At id a vett. librorum scriptura nimis recedit.

Hermiones. Ita Mss. Vatic. et Plin. iv, 14. In libris editis, *Hermionones.* Forte emendandum, *Hermivones,* ut Ingævones, Istævones: quos ita nuncupatos vult Conringius a tribus Manni filiis *Ingäff,* *Istäff* et *Hermin.*

Quidam, autem licentia. Mss. Vatic. 1862 et 2964. *quidam, ut in licentia.*

Gambrivios. Idemne sunt, qui dicuntur a Strab. vii, p. 291. *Gambriuni, Γαμβριῶνοι?*

Nuper additum. Frustra tentat Lips. *nuper auditum.* Optimi enim scriptores *nomen addere* pro *nomen dare, imponere*, sæpiissime usurpaverunt. Vocabulum autem Germaniæ recens et *nuper additum*, si vetustissima Manni, Marsorumque, et Gambriviorum, &c. nomina spectaveris, ut jam monuimus in notis. Nec negotium facessat, *nuper additum.* Non modo de paucis mensibus annisve, sed etiam seculis *nuper* dicitur.

Ac nunc Tungri. Bene Lips. e Ms. Bamberg. Ita quoque edd. vett.

Tunc Germani. Male in multis edd. vett. *nunc Germani.* Bene in aliis et in Mss. Bamberg. Turic. *tunc.*

Vocati sint. Ita Ms. Vatic. 4498. et ferme libri omnes editi. In aliis Mss. Vatic. et in edd. Rhag. et Rhen. anno 1519. *vocati sunt.*

Non gentis. Mallet Acidal. *in gentis:* nec displicet Cl. Ernest. Nihil tamen mutaverim.

A victore. Frustra Gronov. tentat, *a victrice*, ut ad nationem referatur. Cl. Leibnitius, *a victo*, quasi Germanorum nomen a Gallis victis, et timore percussis fuerit inditum.

Ob metum. Em. Cl. de la Bleterie, *ad metum.* At nec male, *ob metum.*

Mox a seipsis. Ita Ms. Vatic. 2964. et libri editi. In Mss. Vatic. 1518 et 4498. *mox et a seipsis.* Ms. Vatic. 1862. *mox etiam a seipsis.* Male emendat Lips. *a re ipsa.*

Germani vocarentur. Perperam Lips. approbat Ms. Bamberg. a quo abest, *Germani*; locumque ita interpretatur, ut omnes, qui Rhenum accolerent, nomen ab ista victrice natione invenirent, ob metum scilicet recentem Gallorum: deinde isti proprie Germani, novum nomen invenirent a seipsis, discriminandi nimirum causa, et dicerent se Tungros. Aliter Dithmarus, auctore Perizonio, duceque Leibnitio, locum ita emendat et distinguit: 'Germaniæ vocabulum recens et *nuper additum*, quoniam, qui primi Rhenum transgressi, Gallos expulerint, nunc Tungri, tunc Germani vocati sint; ita nationis nomen in nomen gentis evaluisse paulatim, ut omnes primum a victis ob metum, mox a seipsis, invento nomine, Germani dicerentur.' Minime audiendi sunt, qui volunt, Marii tempore, Cimbricoque bello, Germanos a Romanis nuncupatos fuisse, quod se fratres dicerent, ut vid. est ap. Plutarch. in Mario, p. 419. Vide et Strab. vii, p. 290.

Virorum fortium ituri. Bene vett. edd. Pichena et recentiores. Male distinxit Lips. *virorum fortium.* *Ituri in prælia canunt.*

CAP. 3. *Barditum vocant.* Ita Mss. Vatic. Farnes. Arundel. Lips. et recentiores. Male in vett. edd. *baritum.* Frustra tentat Althamerus, *blaritum.* Apud Festum, 'Bardus Gallice cantor appellatur, qui virorum fortium laudes canit:' et in Dosithei glossis, 'BARDVS, carminum conditor.' De barritu et barditu multa habet Cl. Fréret, *Mémoires de l'Académie Royale des Inscriptions*, Vol. xxiii, p. 164 sq.

Non tam voces illæ. Ita Mss. edd. vett. Pichena et recentiores. Rhenan. emendavit, *vocis illæ.... videtur.*

Quam virtutis. Non ita bene Mss. Bamberg. et Arundel. *quam mentis.*

Hodieque. *Que* abest a Ms. Turic. et edd. Puteolani ac Beroaldi.

Nominatumque ΑΣΚΙΠΥΡΓΙΟΝ. Ita Mss. Vatic. 1518 et 1862. In Ms. Vatic. 2964. corrupte quidem ΑΣΡΙΠΥΡΓΙΟΝ, quod librarii ignorantiam prodit, aperta tamen primævæ scripturæ vestigia retinet. In Ms. Vatic. 4498. post *nominatumque* lacuna est cum nota, *addendum erit verbum Græcum.* Eadem lacuna reperitur in vett. edd. quæ ex Ms. Vatic. 4498. sunt expressæ. Inde autem patet non omittendum fuisse, ut in recentioribus edd. ΑΣΚΙΠΥΡΓΙΟΝ: frustra emendasse Rhenan. ἀστυπύργιον: denique mendose ex Ms. Vatic. 2964. legi in quibusdam libris ἀκρινίπριον, vel ἀκρινίριον. Male Ms. Arundel. ἀστυρεάγιον.

Græcis literis inscriptos. Quomodo literæ a Phœnicibus ad Græcos, a Græcis in Italiam devenerint, vid. sup. An. xi, 14. Ab iisdem Græcis, ac maxime a Massiliensibus, eas accepere Galli, apud quos ita viguit, literarum Græcarum amor, ut contractuum quoque formulas Græce conscriberent. Φιλέλληντας κατεσκεύασε τοὺς Γαλάτας, ὥστε καὶ τὰ συμβόλαια Ἑλληνιστὶ γράφειν. Strabo, iv, p. 181. Manentque in veteribus Gallorum nummis multæ literæ Græcæ, ut videre est apud Cl. Pellerin, *Recueil de Médailles de Peuples et de Villes*, Vol. i, p. 14. Helvetii quoque utebantur literis Græcis, teste Julio Cæsare, Bell. Gall. i, 29. Vicinia et commerciis easdem literas accepere Germani. Illustr. Comes Marsili, alique nonnulla monumenta Græcis literis inscripta in Germania reperiunt, sed non hujus antiquitatis.

Confirmare argumentis. Gronov. e Ms. Arundel. *mallet, adfirmare.* Quod non probat tantum Ernest. sed omissum etiam vellet, *argumentis.* Hæc enim ei videntur sumta e Livio: 'Ea nec adfirmare, nec refellere in animo est.' At nihil peccat in vulgata scriptura. Quemdam autem literarum Græcarum usum apud Germanos diu mansisse conjici potest ex Chilperico, qui literas literis Gallorum addidit, et *sicut Græci habent omega, æ, the, uui*, ita subscriptos literarum characteres vulgavit, ω ψ ζ Δ: et *misit epistolas in universas civitates regni, ut sic pueri docerentur.* Gregorius Turonensis, Hist. v, 45. Ex Latinis literis a Gregorio expressis conjecerim pro Z emendandum Θ, et Υ pro Δ.

CAP. 4. *Nullis aliis aliarum nationum.* Aliis redundare videtur, ut jam monuit Lips. omisitque Cluver. Pichena tentabat, *nullis alienigenarum.*

Propriam et sinceram. Non ita bene Ms. Bamberg. *perpetuam et sinceram.*

Magna corpora, et tantum ad impetum valida. Male Mss. Bamberg. et Arundel. *corpora tantum impetu valida.* Acidal. frustra emendat, *sed pro et.* Eo sensu et sæpissime usurpatur.

CAP. 5. *Humidior....ventosior.* Lips. Cluver. et Kirchmaier. emendant *humilior....verticosior.* Quod minime probaverim, cum adhuc humidissima sit hæc Germaniæ pars, humidiorque fuerit, quando informis terris, cultu aspectuque tristis erat. Quanto autem altior versus Noricum ac Pannoniam, tanto fuit ventosior. Altiores esse

patet ex ipsis legibus libramenti aquarum. Præterea *verticosior* ne Latine quidem dicitur hoc sensu.

Plerumque improcera. Mallet Lips. *pleraque.*

Propitii an irati. Ita Mss. Vatic. 1518 et 4498. ac libri omnes editi. In Mss. Vatic. 1862 et 2964. *propitiine an irati.*

Non in alia vilitate. Bene vett. et recentiores edd. Rhenan. et Lips. *utilitate.*

Affectione animi. Ita Mss. Vatic. 1518 et 4498. vett. et recentiores edd. Mss. Vatic. 1862 et 4498. ac Rhenan. *affectatione.*

Facilior usui est. Ita libri omnes præter Lips. qui edidit, *faciliori.*

CAP. 6. *Frameas gerunt.* Cum ferrum apud Germanos abundavit, non framea, vel hasta, sed longis acutisque gladiis usi sunt. Inde Isidorus, x, 6. 'Framea est gladius acutus, quam spatham vocant.' De his Suevorum gladiis Gulielmus Appulus, lib. II. apud Muratori, Rerum Italicarum scriptores, Vol. v, p. 260. 'Hæc gens animosa feroces Fert animos; sed equos adeo non ducere cauta. Ictibus illorum, quam lancea, plus valet ensis. Nam nec equus docte manibus giratur eorum: Nec validos ictus dat lancea, præminet ensis. Sunt enim longi specialiter et peracuti Illorum gladii; percussum a vertice corpus Scindere sæpe solent: et firmo stant pede postquam Deponuntur equis, potius certando perire Quam dare terga volunt; magis hoc sunt Marte timendi, Quam dum sunt equites: tanta est audacia gentis.' His versibus non modo multi Germanorum usus confirmantur et illustrantur, sed docemur adhuc eos priscam optimamque suam præliandi rationem postea mutasse, ut cæsim, non punctim, ferirent.

Aut galea. Bene Ms. Turic. Rhenan. et recentiores. In Mss. Vatic. et edd. vett. *galeæ.*

Pagis sunt. Sunt omissum vellet Ernest.

Concilium inire. Male Cod. Kapp. *consilium:* ut sup. *centum pro centeni.*

CAP. 7. *Aut libera.* Bene Rhenan. et recentiores. In vett. edd. *ac libera.*

Ne verberare quidem. Bene Gronov. et Ernest. Ita quoque Ms. Arundel. In vett. edd. *neque verberare quidem.*

Non quasi in pœnam. Ms. Vatic. 2964. *nec quasi.*

Nec ducis jussu. Illustr. Huet. emendabat, *jussus*, ut suppleretur *valeat.* Sed nihil hic mutandum.

Deo imperante. Ms. Arundel. *Deo inspirante.*

Sed familiæ. Ms. Vatic. 2964. *sed familia.*

Aut exigere plagas. Ita Mss. Vatic. 2964 et 1862. et recentes edd. Male Rhenan. emendavit, *exsugere.* Id tamen defendit Cl. de la Bletterie, quod quid Mss. et vett. edd. haberent, eum lateret. In Mss. Vatic. 1518 et 4498. *et exigere.* Ms. Turic. et vett. edd. *nec exigere.* Plus quam muliebris, ac Germanicæ fuit fortitudinis, plagas numerare, eas exigere, id est, decoræ, an inhonestæ forent, probare, nec pavere. Perperam in Ms. Arundel. *mirari pro numerare.*

Et hortamina. Optime dictum, *gestant cibos et hortamina.* Ridicule finxit Colerus hortaminibus vinum designari: ridicule magis et absurde ille qui emendabat, *et hordei vina.*

CAP. 8. *Puellæ quoque nobiles.* Mallet Illustr. Huet. *nubiles.* Sed

et nobiles esse potuere. Mox inf. c. 13. de nobilitate Germanorum agitur.

Responsa negligunt. Qua crudelitate fœminæ ap. Cimbros divi-
narent docet Strabo, vii, p. 204. Ἔθος δέ τι τῶν Κίμβρων διηγούν-
ται τοιοῦτον, ὅτι ταῖς γυναῖξιν αὐτῶν συστρατενοῦσαι, παρηκολούθουν
προμάντεῖς ἰέρειαι πολιότριχες, λευκείμενες, καρπασίνας ἐφαπτίδας ἐπιτε-
πορημέναι, ζῶμα χαλκοῦν ἔχουσαι, γυμνόποδες τοῖς οὖν αἰχμαλώτοις
διὰ τοῦ στρατοπέδου συνήντων ξιφῆρεις καταστρέψασαι δ' αὐτοὺς ἦγον ἐπὶ
κρατῆρα χαλκοῦν ὅσον ἀφορέων εἴκοσι· εἶχον δὲ ἀναβάθραν, ἣν ἀναβάσα
ὑπερπετῆς τοῦ λέβητος ἐλαιμοτόμει ἕκαστον μετεωρισθέντα· ἐκ δὲ τοῦ προ-
χομένου αἵματος εἰς τὸν κρατῆρα, μαντείαν τιὰ ἐποιοῦντο· ἄλλαι δὲ
διασχίσασαι, ἐσπλάγγχενον ἀναφθεγγόμεναι νίκην τοῖς οἰκείοις. 'Morem
hunc fuisse Cimbris usitatum ferunt. Sequentibus eos in bellum
uxoribus, vates quædam comitabantur canæ, albo vestitu, carbasinis
supparis desuper fibulis affixis, cinctu æreo, pedibus nudis: eæ per
castra captivis occurrebant strictis gladiis, prostratosque ad crateram
æneam adducebant amphoras circiter 20. capientem. Super eam
pulpitum erat, quo consenzo, vates sublimis singulis supra lebetem
elevatis guttur incidebat: e sanguine in crateram fuso suam capta-
bant quamdam divinationem: reliquæ cadavera sic cæsorū scinde-
bant, intestinisque spectatis, victoriam suis vaticinabantur.'

Veledam. Ita Mss. Vatic. 1862 et 4498. ac recentes edd. In vett.
edd. *Velledam.* Male Ms. Vatic. 2964. *Voledam.* Ms. Vatic. 1518.
Valedam. Gannam, quæ Veledæ successit, memorat Dio lxxvii, p.
761. Γάννα παρθένος, ἣν δὲ μετὰ τὴν Βελήδαν ἐν Κελτικῇ θειάουσα.

Loco habitam. Verba illa, *habitam.* Sed et olim *Auriniam*, et
complures, desunt in Ms. Vatic. 2964.

Auriniam. Ita Ms. Vatic. 1518. et libri editi. In Ms. Vatic.
1862. *Alberniam.* Ms. Vatic. 4498. *Albriniam.* Lips. ait scriptum
fuisse in Ms. Farnes. *Fluriniam*: unde conjiciebat, *Aluriniam*.

CAP. 9. *Advectam religionem.* Perperam vett. edd. *adjectam*.
Emendandum *advectam* optime viderat Muretus.

CAP. 10. *Temere ac fortuito.* In Cod. Kapp. *fortuitu*. Sic sæpe
Cicero, ac maxime in lib. de Off. i, 29. 'Ne quid temere ac fortuito,
inconsiderate negligenterque agamus.'

Si publice consulatur. Ita vett. edd. et recentiores. Rhenan.
emendaverat, *consulatur*.

Pressos sacro curru. Male tentat Gronov. et Markland. ad Stat.
18. *pressos*. Bene Ernestus laudat Ovid. Met. i, 124. 'Pressique
jugo gemuere juvenci.'

Pro præjudicio. In Ms. Vatic. 4498. *pro judicio*.

CAP. 11. *Pertractentur.* Grotius, Acidal. et Boxborn. mallent,
prætractentur; atque ita edendum censet Cl. de la Bleterie. At
prætractare Latinum non est. Vett. scriptores dixere, *ante trac-
tare*. Sic Suet. August. 35. 'Sibique instituit consilia sortiri se-
mestria, cum quibus de negotiis ad frequentem senatum referendis
ante tractaret.' Præterea *prætractentur* frigidum foret, et a Taciti
mente alienum. Paulo melius Illustr. Huet. *pertractentur*, explicat,
quasi populi decretis principes intercedere possint.

Inciderit. In Mss. Vatic. et edd. vett. *incidit*.

Auspicatissimum. Bene Beroald. In vett. edd. *auspicatissimum.*
Nec ut jussi. Ita Mss. Vatic. 1862 et 1518. Quod merito probaverant Lips. et Ernest. In Ms. Vatic. 4498. et vett. edd. *nec jussi.* Ms. Vatic. 2964. *nec injussi.* Ms. Arundel. *nec ut jussu.*

Quibus tum. Male Mss. Vatic. 1862 et 2964. *quibus tamen.*
Ut turbæ placuit. Melius, *ut turba placuit*, id est, satis numerosa visa est. Sic quoque volebat Gronov. atque ita edidit Cl. Lallemand. Verum cum ceteri omnes libri habeant, *ut turbæ placuit*, atque id quoque Latinum sit, nihil mutavi.

CAP. 12. *Arboribus suspendunt.* Quam graviter punirentur, qui reos inde deposuissent, æstimari potest ex Legge Salica, Tit. lxxix, Leg. 1. 'Si quis hominem vivum de furca tollere præsumserit, et fuga lapsus fuerit, ille qui eum tulerit, aut vitam pro ipso amittat, aut VIII s. den. qui faciunt solidos, cc. culpabilis judicetur.' Ne mortuum quidem deponere licebat. Ibid. Leg. 4. 'Si quis sine consensu judicis, de ramo, ubi incrocatur, deponere præsumserit, mccc. denar. qui faciunt solidos xxx. culpabilis judicetur.' Ita autem suspensos diu vixisse patet ex Riculfo clerico, de quo Gregorius Turonensis, v, 50. 'Ab hora tertia diei, revinctis post tergum manibus, suspensus ad arborem dependebat; ad horam vero nonam depositus, extensusque ad trocleas, cædebatur fustibus, virgis, ac loris duplicibus, et non ab uno, vel duobus, sed quot accedere circa miseros potuissent artus, tot cæsores erant. Cum autem jam in discrimine essent, tunc aperuit veritatem, et arcana doli publice patefecit.'

Corpore infames. Male tentat Lips. *torpore infames.* Cl. de Montesquieu, hac Lipsiana emendatione deceptus, scripsit, *Esprit des Loix*, xxx, 19. 'Il paroît que les Germains ne connoissoient que deux crimes capitaux; ils pendoient les traîtres, et noyoient les poltrons.' Infamem quidem corporis mollitiam a Germanis amotam voluit Lips., ob auctoritatem Quintiliani, in Decl. lxx. 'de Militis pudicitia a tribuno tentata,' adseverantis: 'Nihil tale novere Germani, et sanctius vivitur ad Oceanum.' At cum id flagitium Celtis tribuatur Athenæus, xliii. p. 603. nihil est cur vexetur Tacitus, qui iisdem verbis jam usus est Annal. i, 73. et xv, 49. Præterea quomodo cinædi nomen, uti vid. in notis apud Germanos, summa fuit injuria, si hanc infamiam minime noverint? Rarissimum quidem, ob morum austeritatem, fuisse hoc vitium apud Germanos crediderim. Contra vero apud Romanos ob luxuriam erat frequentissimum. Adversus illud intonat Juvenal. Sat. ii, 15 et sq. Gravius postea intonuit Constantinus in Cod. lib. ix. Tit. 9. 'Ad Legem Juliam.' Leg. 31. 'Jubemus insurgere leges, armari jura gladio ultore, ut exquisitis pœnis subdantur infames, qui sunt, vel qui futuri sunt rei.' De hac quoque infamia ejusque pœna vide Legem Wisigothorum, lib. iii. Tit. 5. Leg. 8.

Levioribus delictis. In pœnis attendebant Germani ad damna, ad acerbitatem injuriarum, ad dignitatem personarum. Inde in Lege Salica, Tit. lxx. 'de Furtis animalium.' Leg. 1. 'Si quis vitulum lactentem furaverit, MALB. PEDERO, aut FREODO, cxx. den. qui faciunt solid. lxx. culpabilis judicetur, excepto capitale et delatura:' ut jam dictum supra.

Leg. 9. 'Si quis taurum regis furaverit, qui de tribus villis communes vaccas tenuerit (tres enim villæ, aut vici communem taurum

pulcherrimumque alebant) hoc est tres-bellio, MALB. CHAMI THEUTO MDCCC. den. qui faciunt solid. XLV. culpabilis judicetur, excepto capitale et delatura.'

Leg. 10. 'Si quis taurum regis furaverit, MAL. CHAMUTEVO M. M. DC. excepto capitale et delatura.'

Apud venatorem populum pecorumque altorem magna in canibus utilitas. Inde lex Salica, Tit. vi. 'de Furtis canum.' Leg. 1. 'Si quis canem segusium, *Angl. an untrained hunting-dog*, magistro suo furaverit, MALB. LEODASDI, DC. den. qui faciunt solid. xv. culpabilis judicetur, excepto capitale et delatura.'

Leg. 2. 'Si quis segusium magistrum canem, *Angl. a trained hunting-dog*, furaverit, MALB. TROVIDOVVANO TUENE CHUNNE, M. DCCC. den. qui faciunt solid. XLV. culpabilis judicetur, excepto capitale et delatura.'

In summa quoque artium ruditate magna cultellorum pretia. Ideo lex Salica, Tit. LXXIII. 'de cultello sexxaudio, i. e. cultro alterius,' ut explicat erud. Eccard. Leg. 1. 'Si quis alteri cultellum furaverit, et ei fuerit adprobatum, ipsum in loco restituat, et insuper DC. den. qui faciunt sol. xv. culpabilis judicetur.'

Apud Saxones fuit sane equis gratia plurima, quoniam ad eos servandos a Germanica humanitate descivere, atrociterque statuerunt, ut videre est in Lege Saxonum, Tit. iv. 'de Furtis.' Leg. 1. 'Qui caballum furaverit, capite puniatur.' Id tanto magis singulare, quod in eadem lege, Tit. ii. 'de occisionibus,' si nobilis, litus, servusve occisus, pecunia componitur.

Illata vis majoribus pœnis subiacebat. Sic lex Salica, Tit. xii. 'de Furtis ingenuorum vel effractoris.' Leg. 1. 'Si quis vero ingenuus de foris casa quod valent duo denarii furaverit, MALB. LEUDARDI, DC. den. qui faciunt solid. xv. culpabilis judicetur, excepto capitale et delatura.'

Leg. 3. 'Si vero ingenuus de intus casa furaverit, aut fregerit quod valent duo denar. MALB. ANTIDIO, M. DCCC. qui faciunt sol. XLV. culpabilis judicetur, excepto capitale et delatura.'

Leg. 5. 'Si vero ingenuus clavem effregerit, aut adulteraverit, et sic domum ingressus fuerit, et per furtum aliquid tulerit, MALB. ANTIDIO, M. DCCC. den. qui faciunt sol. XLV. culpabilis judicetur, excepto capitale et delatura.'

Leg. 6. 'Si vero effregerit, et nihil tulerit, et fugiens evadit, propter effractorum tantum M. CC. denar. qui faciunt sol. xxx. culpabilis judicetur, excepto capitale et delatura.'

Tentatum quoque crimen puniebatur. Lex Salica, Tit. xx. 'de Vulneribus.' Leg. 1. 'Si quis alterum voluerit occidere, et colpus, *Angl. the blow*, prætersallierit, MALB. seu LANDOVEVAS, MMD. den. qui faciunt sol. LXII. et dimidium culpabilis judicetur.'

Ceterum ex gravitate vulnere major minorve pœna, teste Lege Salica, ibid. Leg. 3. 'Si quis hominem plagaverit, et sanguis ad terram cadit, et ei fuerit adprobatum, MALB. CHARFRIDO, DC. den. qui faciunt solid. xv. culpabilis judicetur.'

Leg. 4. 'Si quis hominem in capite plagaverit, et exinde ossa exi-

erint, MALB. CHARFRIDO, M. CC. den. qui faciunt solid. xxx. culpabilis judicetur.'

Leg. 5. 'Si quis hominem ita plagaverit, ut cerebrum appareat, et tria ossa desuper cerebro exierint, MALB. AVDE AFENV, M. DCCC. denar. qui faciunt solid. XLV. culpabilis judicetur.' Expressior adhuc hac in re Lex Saxonum, Tit. I. 'de vulneribus,' et Tit. XXII. 'de Dolg.' ubi singulis ferme ictibus pœna pretiumque. V. quoque Legem Ripuariorum, Tit. v. de 'Debilitatibus.' Homicidii autem pretium habet Lex Salica, Tit. XLIV. 'de Homicidiis ingenuorum.' Leg. 1. 'Si quis ingenuus Franco aut barbarum, aut hominem, qui Salica lege vivit, occiderit, MALB. LEVDI VIIIIM. den. qui faciunt sol. CC. culpabilis judicetur.'

Si quis autem hoc scelus occuleret, gravior erat pœna. Unde Lex Salica, ibid. Leg. 2. 'Si vero eum in puteum aut sub aquam miserit, MALB. VVATH LEUDI. XXIIII M. denar. qui faciunt solid. DC. culpabilis judicetur.' Et Leg. 5. ubi de homine nobili agitur. 'Si vero eum de hallis aut de rama, *Angl. underwood and branches*, superoperuerit, similiter LXXIIIM. den. qui faciunt solid. MCCCC. culpabilis judicetur.'

Immo in his pœnis fuit populorum distinctio. Et Romana gens, tam diu domina gentium habita, deterrimæ conditionis facta est; ut patet ex Lege Ripuariorum, Tit. VII. 'de Homicidio ingenuorum.' Leg. 1. 'Si quis ingenuus hominem ingenuum Ripuarium interfecerit, ducentis solidis culpabilis judicetur.' et Tit. XXXVI. 'de Diversis interfectionibus.' Leg. 1. 'Si quis Ripuarius advenam Francum interfecerit, ducentis solidis culpabilis judicetur.' Leg. 2. 'Si quis Ripuarius advenam Burgundionem interfecerit, centum sexaginta solidis culpabilis judicetur.' Leg. 3. 'Si quis Ripuarius advenam Romanum interfecerit, centum solidis multetur.' Leg. 4. 'Si quis Ripuarius advenam Alamannum, seu Fresionem, vel Bajuvarium, aut Saxonem interfecerit, centum sexaginta solidis culpabilis judicetur.' Pluribus abstineo, ne infinitus sim. Si quis autem Germanorum mores penitus cognoscere voluerit, eorum leges evolvat penitusque introspectiat.

Pro modo, pœna. Bene Acidal. et Ernest. Male vett. edd. *pro modo pœnarum.*

Pecorumque numero. Jam vid. sup. in notis, juxta leges Saxonum, Westfalaiorum, Angrariorum et Ostfalaiorum, multas numero pecorum fuisse exsolutas. Plura adhuc et hac de re curiosa docent leges Ripuariorum, Tit. XXXVI. 'de Diversis interfectionibus.' Leg. 11. 'Si quis weregeldum (i. e. multam, seu compositionem) solvere debet, bovem cornutum videntem et sanum pro duobus solidis tribuat, vaccam cornutam videntem et sanam pro uno solido tribuat, equum videntem et sanum pro sex solidis tribuat, equam videntem et sanam pro tribus solidis tribuat, spatam cum scogilo (i. e. gladium enseme cum vagina) pro septem solidis tribuat, spatam absque scogilo pro tribus solidis tribuat, bruniam bonam (i. e. lorica bonam) pro duodecim solidis tribuat, helmum cum directo (i. e. cassem galeamve cum apice) pro sex solidis tribuat, bainbergas bonas (i. e. fœminalia bona, *armour for the thighs*), pro sex solidis tribuat, scutum cum lancea pro duobus solidis tribuat, acceptorem non domitum (i. e. accipitrem juvenem nec venationi exercitatum) pro tribus soli-

dis tribuat, commorsum gruarium (i. e. accipitrem, qui mordet gruem, seu qui in venatione gruum est exercitatus) pro sex solidis tribuat, acceptorem mutatum (i. e. accipitrem qui plumas mutavit,) pro duodecim solidis tribuat.' Leg. 12. 'Quod si cum argento solvere contigerit, solido duodecim denarios, sicut antiquitus est constitutum.' Solidus ille Ripuariorum valebat circiter *Angl.* 3s. 6d. Nihil hoc loco præstantius, ut Germanorum mores opesque æstimentur.

CAP. 13. *Quam civitas suffecturum probaverit.* Locus hic Ernesto vix sanus videtur. Conjicit, *quam civitati se maturum probaverit.* Nolim vet. scripturam damnare. Et si quid mutandum foret, emendarem potius, *quam civitati se suffecturum probaverit.*

Tum in ipso concilio. Male Ms. Arundel. et vet. edd. *tum cum.* Bene in vet. et recentioribus edd. *concilio.* Perperam in mediis, *concilio.*

Ceteri robustioribus. Mss. et libri editi, *ceteris robustioribus.* Quod quidem plurimi defendunt, quasi adolescentuli, dignationem principis nobilitate et magnis patrum meritis assecuti, ceteris robustioribus aggregarentur. Contra vero Lips. Freinshem. Conring. et Ernest. vitio librariorum locum luxatum putant, et corrigunt, *ceteri.* Id certe postulat, ipsa rerum series. Mox pro *aggregantur*, in vetere libro ap. Lips. *aggregant.*

Nec rubor. Mallet Ernest. *rubori.* At utrumque Latine dicitur, ut ipse fatetur.

Quibus primus. Acidal. mallet, *cui.* At nec male, *quibus.* Plures sane fuere principibus comitum classes.

Hæc dignitas, hæc vires. Ad Gallicæ linguæ decus et vividæ interpretationis specimen, hic locum proferam, quo breves validosque Taciti sensus æquavit Cl. de Montesquieu, *Esprit des Loix*, xxx, 3. 'Tacite dit que chaque prince avoit une troupe de gens qui s'attachoient à lui, et le suivoient. Cet auteur qui, dans sa langue, leur donne un nom qui a du rapport avec leur état, les nomme *compagnons*. Il y avoit entre eux une émulation singulière pour obtenir quelque distinction auprès du prince, et une même émulation entre les princes sur le nombre et la bravoure de leurs *compagnons*. C'est, ajoute *Tacite*, la dignité, c'est la puissance, d'être toujours entouré d'une foule de jeunes gens que l'on a choisis; c'est un ornement dans la paix, c'est un rempart dans la guerre. On se rend célèbre dans sa nation et chez les peuples voisins, si l'on surpasse les autres par le nombre et le courage de ses *compagnons*: on reçoit des présents: les ambassades viennent de toutes parts. Souvent la réputation décide de la guerre. Dans le combat, il est honteux au prince d'être inférieur en courage; il est honteux à la troupe de ne point égaler la valeur du prince; c'est une infamie éternelle de lui avoir survécu. L'engagement le plus sacré, c'est de le défendre. Si une cité est en paix, les princes vont chez celles qui font la guerre; c'est par-là qu'ils conservent un grand nombre d'amis. Ceux-ci reçoivent d'eux le cheval du combat et le javelot terrible. Les repas peu délicats, mais grands, sont une espèce de solde pour eux. Le prince ne soutient ses libéralités que par les guerres et les rapines. Vous leur persuaderiez bien moins de labourer la terre et d'attendre l'année, que d'appeller l'ennemi et de recevoir des blessures; ils n'ac-

querront pas par la sueur ce qu'ils peuvent obtenir par le sang.' In iis quidem pauca omisit immutavit Cl. de Montesquieu, quod scriptor esset, non interpres. Bona probemus, emendemus cetera. Tacitum a tali viro, quod quidem diu meditatus est, in Gallicum sermonem verum non fuisse, semper manebit desiderium.

Electorum juvenum. Ms. Arundel. et Cod. Kapp. et *electorum.* Unde tentat Ernest. et *lectorum.* Eleganter quidem, sed non necessario.

In sua gente cuique. Cuique abest a Ms. Vatic. 2964.

CAP. 14. *Non adæquare.* In vet. edd. *non æquare.*

Præcipuum sacramentum. In vet. edd. et Ms. ap. Lips. *principum sacramentum.*

Et facilius inter aneipitia clarescant. In Spirensi et Poggiana edd. *clarescant.* Puteolan. emendaverat, et ut... *clarescant.*

Tueare. Ita Mss. Vatic. 1518 et 4498. vet. quoque et recentes edd. In Ms. Vatic. 2964. et mediis edd. *tueantur.* Ms. Vatic. 1862. *tuentur.* Paulo ante forte olim scriptum, *magnum quoque numerum.*

Nam epulæ, et quamquam. Bene Rhenan. et recentiores. In vet. edd. *nam epulæ et convictus, &c.*

CAP. 15. *Ipsi he bent.* Optime Lips. e Ms. Farnes. Male in Spirensi ed. *ipsi habent mira, &c.* Unde Puteolan. emendavit, *ipsi habent miram diversitatem.*

Vel armentorum, vel frugum. Locum hunc imminutum esse existimat Lips.; et conjicit olim scriptum fuisse, *ultra ac viritum x. conferre vel armentorum, &c.* ut intelligatur Germanos decimas armentorum et frugum contulisse. At in vulgata scriptura nihil peccat: immo multum elegantiae: intellige, *id.* His genitivis gaudent scriptores Romani. Perperam Rhenan. e vestigiis Cod. Kapp. emendabat, *ultra equitum conferre.* In illo codice scriptum corrupte, *ac jurium pro ac viritim,* ut recte observat Ernest.

Sed publice. In Ms. Arundel. et Cod. Kapp. *Sed et publice.*

CAP. 16. *In nostrum morem.* Ms. Arundel. *nostro more.*

Imitetur. Ita libri omnes, præter Gryphianam ed. in qua, *invitet:* sane operarum vitio. Paulo ante in vet. edd. *liniamenta.*

Fimo onerant. In Mss. Bamberg. et Arundel. *Fimo operiunt.* Non ita bene; cum supra usurpatum sit, *aperire.*

Aperta populatur. In Ms. Vatic. 2964. et Cod. Kapp. *apertæ populatio.*

CAP. 17. *Spina consertum.* Frustra tentat Lips. *pinna.*

Spargunt maculis pellibusque. Perperam Lips. vitium quærit in *maculis,* ut de mastrucis commentetur. *Mastruca* autem, teste Isidoro, Origin. xix, 23. est *vestis Germanica ex pelliculis ferarum.*

CAP. 18. *Matrimonia.* Germanorum pudicitiam, severitatemque matrimoniorum testantur veteres omnes leges. Unum tautum aut alterum exemplum e Lege Salica seligam. Lex Salic. Tit. xiv. 'de Ingenuis hominibus, qui mulieres ingenuas rapiunt.' Leg. 8. 'Si quis puellam sponsatam tulerit, et sibi in conjugium sociaverit, MALB. ANASTHEO, MMD. den. qui faciunt sol. LXII. cum dimidio, culpabilis judicetur.' Leg. 9. 'Sponso autem ejus DC. den. qui faciunt sol. xv. culpabilis judicetur.' Leg. 10. 'Si quis puellam sponsatam, druthe ducente ad maritum (i. e. sponsa maritum adeunte) et eam in via ali-

quis adsalierit, et cum ipsa violenter mœchatus fuerit, MALB. CHANGICALDO, VIII. den. qui faciunt solid. cc. culpabilis judicetur.' Leg. 12. 'Si quis sororem, aut fratris filiam, aut certe alterius gradus consobrinam, aut fratris uxorem, aut avunculi, sceleratis nuptiis sibi junxerit, huic pœnæ subiaceat, ut a tali consortio separetur; atque etiam si filios habuerint, non habeantur legitimi heredes, sed infamia sunt notati.' Leg. 13. 'Si quis ingenuam fœminam aut puellam, contubernio facto, seu in itinere, aut quolibet loco adsalierit, et vim illi inferre præsumerit, tam unus quam plurimi, qui in ipsa violentia fuerint admixti, cc. solid. unusquisque ipsorum culpabilis judicetur. Et si adhuc de illo contubernio remanserint, qui scelus istud non admisisse nescuntur, et tamen ibidem fuerint, eorum quilibet pro ipsis XLV. sol. culpabilis judicetur.' Vide et Tit. XXIII. 'de Manu mulierum non stringenda.'

Non uxor marito. A Mss. Bamberg. et Arundel. abest, *marito*. Manet adhuc apud nos prisci usus memoria in uxorum dote: illumque illustrant veteres Formulæ, quæ scriptæ sunt, cum opes humanitasque crevisset. Sic autem Formula XIV. 'de Donatione in sponsa facta.' 'Lex et consuetudo exposcit, ut quicquid inter sponsum et sponsam de futuris nuptiis fuerit diffinitum vel largitum, aut ex consensu parentum, aut ipsi si sui juris sunt, scripturarum solennitate firmetur. Idcirco ego in Dei nomine ille N. dum multorum habetur percognitum, quod ego te illa N. una cum consensu parentum, vel amicorum nostrorum, tua spontanea voluntate sponsavi, mihi placuit utaliquid de rebus meis per hunc titulum libelli dotis ante dies nuptiarum tibi confirmare deberem. Quod ita et feci. Ergo dono tibi donatumque esse volo locellum, rem proprietatis meæ, nuncupantem illum N. situm in pago illo N. cum terris, ædificiis, accolabus, mancipiis, libertis, vineis, sylvis, pratis, pascuis, aquis, aquarumve decursibus, mobilibus et immobilibus, cum omni supra posito suisque adjacentiis tam de alode, quam et de comparato, seu de qualibet adtracto, totum et ad integrum, sicut a me præsentis tempore videtur esse possessum; et in fabricaturas aurum tantum, argentum tantum, vestimenta. Hæc omnia superius jam dicta per hunc titulum libelli dotis diebus nuptiarum tibi sum impleturus, vel traditurus, ita ut, dum advixeris, secundum legis ordinem teneas atque possideas, nostrisque qui ex nobis procreati fuerint filiis vel filiabus derelinquas. Si quis vero, si ego ipse, aut ulla quislibet persona fuerit, qui contra hanc donationem aliquid agere vel calumniam generare præsumerit, illud quod repetit non vindicet, et insuper contra cui litem intulerit solidos centum componat. Et hæc donatio meis vel bonorum hominum manibus roborata cum stipulatione subnixa firma permaneat.' Immo et apud Germanos emebantur uxores, ut patet ex Lege Saxonum, Tit. VI. 'de Conjugiis,' Leg. 1. 'Uxorem ducturus ccc. solidos det parentibus ejus: si autem sine voluntate parentum, puella tamen consentiente, ducta fuerit, bis trecentos solidos, parentibus ejus componat. Si vero nec parentes, nec puella consenserunt, id est, si per vim rapta est, parentibus ejus trecentos solidos, puellæ CCXL. componat, eamque parentibus restituat.' Plura vide, si volueris, in Lege Burgundionum, Tit. LXVI. et Tit. LXIX. 'de Wittemon, i. e. de Dote.'

Vide quoque Legem Salicam, Tit. XLVII. et Legem Ripuariorum, Tit. XXXVII. Qua autem pompa uxorem peterent, intelligi potest ex epistola Sidonii Apollinaris, iv, 20. 'Sidonius Donitio suo salutem. Tu cui frequenter arma, et armatum, et armatos inspicere jucundum est, quam voluptatem putamus mente conciperes, si Sigismerem, regium juvenem, ritu atque cultu gentilicio ornatum, utpote sponsum, seu petitozem, prætorium soceri expetere vidisses! Illum equus quidem phaleris comtus, immo equi radiantibus gemmis onusti antecedeabant, vel etiam subsequebantur: cum tamen hoc magis ibi decorum conspiciebatur, quod præcursoribus suis sive pedisequis, pedes et ipse medius incessit, flammeus cocco, rutilus auro, lacteus serico. Tum cultu tanto, coma rubore cuti concolor. Regulorum quoque sociorumque comitantum forma et in pace terribilis: quorum pedes primi, perone setoso, talos adusque vincebantur. Genua, crura, suræque sine tegmine. Præter hoc vestis alta, stricta, versicolor, vix appropinquans exertis poplitibus. Manicæ sola brachiorum principia velantes. Viridantia saga limbis marginata puniceis, penduli ex humero gladii balteis super currentibus strinxerant clausa bullatis latera rhenonibus. Eo quo comebantur ornatu muniebantur, lanceis uncati, securibusque missilibus dextræ refertæ, clypeis levam partem adumbrantibus, quorum lux in orbibus nivea, fulva in umbronibus, ita sensum prodebat, ut studium. Cuncta prorsus hujusmodi, ut in actione thalammorum, non appareret minor Martis pompa, quam Veneris.'

Sed boves. Mallet Pichena, *sed binos boves*; quod mox sequatur, *hoc juncti boves, &c.*

Sic vivendum, sic pereundum. Bene Mss. Vatic. 1518 et 4498. In Ms. Vatic. 2964. *sic viventes, sic parientes.* Ms. Vatic. 1862. *sic pariendum.*

Rursusque. Bene Rhenan. Perperam in vett. edd. *rursus quæ.*

Referant. In Mss. Vatic. et edd. vett. *referantur.*

CAP. 19. *Septa pudicitia.* In Ms. Turic. *septæ.*

Pæna præsens. Mss. Bamberg. et Arundel. *pæna parentibus et maritis.*

Verbere agit. Ms. Arundel. *verberans agit.*

Pudicitia. Ms. Vatic. 2964. *impudicitia.* Mallet Lips. *publicatæ etiam pudicitia.* Et bene quidem. Id de innuptis, non de adulteris dicitur. Nec ita indiligens Tacitus, ut scripserit, *publicatæ enim, &c.* et mox, *nemo enim, &c.*

Et corrumpi. Ms. Vatic. 2964. *nec corrumpi.*

Seculum vocatur. Cod. Kapp. *vocantur.*

Ne ulla cogitatio. Mallet Groslothus, *nec ulla.... ac mox, nec longior.... nec tamquam.* Quod primo quidem loco probat Ernest. non reliquis: nisi etiam corrigatur, *amant.*

Tamquam maritum. Frustra quidem emendant, *meritum.* Nec bene Grotius sententiam ita invertit, *ne tamquam matrimonium, sed tamquam maritum ament*; ut discerent, inquit, mulieres conjugium amare conjugis causa, non conjugem conjugii causa.

Finire. Cum respublica liberis, in ejus spem defensionemque natis, nitatur, eorum saluti mira severitate consulere Germani; ut vi-

dere est in Lege Salica, Tit. xxviii. 'de Homicidiis parvulorum.' Leg. 1. 'Si quis puerum infra duodecim annorum, non tonsoratum occiderit, MALB. ASCHARA LEVDARDI. xxiiiiim. den. qui faciunt solid. dc. culpabilis judicetur.' Leg. 4. 'Si quis fœminam ingenuam gravidam trabattit (id est, graviter percùtit) et ipsa fœmina fuerit mortua, MALB. ANVANO LEVDINIA xxviiiim. den. qui faciunt sol. dcc. culpabilis judicetur.' Leg. 5. 'Si quis vero infantem in ventre matris suæ occiderit, MALB. ANOVVADO. viiim. den. qui faciunt sol. cc.' Leg. 7. 'Si quis fœminam ingenuam, postquam infantes habere non potest, occiderit, MALB. LEODINIA. viiim. denar. qui faciunt sol. cc. culpabilis judicetur.' Leg. 8. 'Si quis fœminam ingenuam, postquam cœperit infantes habere, occiderit, MALB. LEODINIA. xxiiiiim. den. qui faciunt solid. dc. culpabilis judicetur.' Leg. 9. 'Si quis puellam ingenuam occiderit, MALB. EX MALA LEVDI. viiim. den. qui faciunt sol. cc. culpabilis judicetur.' Tantum liberis parentibusque pretium! Ex hoc sane liberorum studio profluxit apud Germanos *jus Hagenstolzianus*, quod adhuc viget in superiore Palatinatu et superiore circulo Rhenano. *Hagestoltzen* autem, *Angl. old bachelors*, dicuntur cœlibes, quinquaginta annos nati. Qui si moriantur, eorum quidem bona fuedalia alodialiaque ad propinquos pertinent, at bona, eorum industria parta, in pœnam cœlibis vitæ ærarium publicum sibi vindicat. Vide Cl. Hubner, *Géographie universelle*, Vol. vi. p. 471.

Quemquam ex agnatis. Frustra tentat Lips. *ex gnatis*.

Cap. 20. *Validæque.* Ita vett. et recentiores edd. Lips. *validi*.

Magis exigunt. Ms. Arundel. *maxime*.

Sui cuique liberi. Apud Germanos nullum erat testamentum. Iis ignota ars illa, qua penes Romanos, hereditatis firmandæ servandæque specie, plerumque hereditas pervertebatur, semper imminuebatur. Germanorum hereditas ad liberos tota transibat. Quibus tamen successionum docendum.

DE SUCCESSIONUM LEGIBUS APUD GERMANOS.

Germanicarum successionum leges habet Lex Salica, Tit. LXII. 'de Alodis.' Leg. 1. 'Si quis mortuus fuerit, et filios non dimiserit, si pater aut mater superstites fuerint, in ipsam hereditatem succedant.'

Leg. 2. 'Si pater et mater non superfuerint, et fratrem aut sororem dimiserit, in hereditatem ipsi succedant.'

Leg. 3. 'Si isti non fuerint, tunc soror matris in hereditate succedat.'

Leg. 4. 'Si vero soror matris non fuerit, sic soror patris in hereditate succedat.'

Leg. 5. 'Et postea sic de illis generationibus, quicumque proximior fuerit, ipsi in hereditate succedant, qui ex genere paterno veniunt.'

Leg. 6. DE TERRA VERO SALICA IN MULIEREM NULLA PORTIO HEREDITATIS TRANSIT, SED HOC VIRILIS SEXUS ACQUIRIT, HOC EST, FILII IN IPSA HEREDITATE SUCCEDUNT. SED UBI INTER NEPOTES AUT PRONEPOTES, POST LONGUM TEMPUS, DE ALODE TERRÆ CONTENTIO SUSCITATUR, NON PER STIRPES, SED PER CAPITA DIVIDANTUR.

Ex his legibus, sexta potissimum insignis est. Quæ ut intelligatur, advertendum in hac temporum antiquitate Germanos, uti observat eruditus Eccardus, habuisse domum, quam vocabant *Sal*; circa domum fuisse *Salbuck*, seu curtim, spatiumve terræ, domui circumdatum, et sepe cinctum. Spatium illud cum domo est *Seliland*, seu terra salica, quæ ad solos filios pertinebat: nec immerito; cum filiæ in aliam domum terramque salicam nuptiis transirent.

His præmonitis, nihil manet difficultatis. Legem Salicam firmat tantum et explicat Lex Ripuariorum, Tit. lvi. 'de Alodibus.'

Leg. 1. 'Si quis absque liberis defunctus fuerit, si pater materque superstitēs fuerint, in hereditatem succedant.'

Leg. 2. 'Si pater materque non fuerint, frater et soror succedant.'

Leg. 3. 'Si autem nec eos habuerit, tunc soror matris patrisque succedant. Et deinceps usque ad quintum geniculum (*i. e. ad quintam generationem*), qui proximus fuerit, in hereditatem succedat. SED CUM VIRILIS SEXUS EXTITERIT, FEMINA IN HEREDITATEM AVIATICAM NON SUCCEDAT.'

Hereditas illa aviatica, aliis paterna, aliis alodium, aliis terra salica dicta, eadem et una res est, quæ ad virilem sexum, non ad muliebrem pertinebat. Plurimos adhuc Germanorum usus edocet Lex Anglorum et Werinorum, Tit. vi. 'de Alodibus.'

Leg. 1. 'HEREDITATEM DEFUNCTI FILIUS, NON FILIA SUSCIPIAT. SI FILIUM NON HABUIT QUI DEFUNCTUS EST, AD FILIAM PECUNIA ET MANCIPIA, TERRA VERO AD PROXIMUM PATERNÆ GENERATIONIS CONSANGUINEUM PERTINEAT.'

Leg. 2. 'Si autem nec filiam habuit, soror ejus pecuniam et mancipia: terram proximus paternæ generationis accipiat.'

Leg. 3. 'Si autem nec filium, nec filiam, neque sororem habuit, sed matrem tantum superstitem reliquit, quod filia vel soror debuerunt, mater suscipiat, id est, pecuniam et mancipia.'

Leg. 4. 'Quod si nec filium, nec filiam, nec sororem, aut matrem dimisit superstitēs, proximus, qui fuerit paternæ generationis, heres ex toto succedat, tam in pecunia atque mancipiis, quam in terra.'

Leg. 5. 'Ad quemcumque hereditas terræ pervenerit, ad illum vestis bellica, id est, lorica, et ultio proximi, et solutio leudis (*i. e. compositionis, seu Weregildi*) debet pertinere.'

Leg. 6. 'Mater moriens filio terram, mancipia, pecuniam dimittat, filiæ vero spolia colli, id est, murenas, nuscas (*seu fibulas*), monilia, inanes, vestes, armillas, vel quidquid ornamenti proprii videbatur habuisse.'

Leg. 7. 'Si nec filium, nec filiam habuerit, sororem vero habuerit, sorori pecuniam et mancipia, proximo vero paterni generis terram relinquat.'

Leg. 8. 'Usque ad quintam generationem paterna generatio succedat. Post quintam autem filia ex toto, sive de patris sive matris parte, in hereditatem succedat, et tunc demum hereditas ad fustum a lancea transeat.'

Veterem Germanorum usum mutavere Burgundiones, ut patet ex eorum Lege, Tit. xiv. 'de Successionibus.' Leg. 1. 'Inter Burgundiones id volumus custodiri, ut si quis filium non reliquerit, in loco filii filia in patris matrisque hereditate succedat.' Nec aliter Lex Sax-

onum, Tit. vii. 'de Heredibus.' Leg. 1. 'Pater aut mater defuncti filio non filiæ hereditatem relinquunt.' Leg. 4. 'Qui defunctus non filios, sed filias reliquerit, ad eas omnis hereditas pertineat; tutela vero earum fratri vel proximo paterni generis deputetur.'

Nihil vero veteris moris mansit apud Wisigothos, qui filiorum filiarumque jus commune fecere. Sic enim Lex Wisigothorum, lib. iv. Tit. 2. 'Ut sorores cum fratribus æqualiter in fratrū hereditate succedant.' Leg. 1. 'Si pater vel mater intestati discesserint, tunc sorores cum fratribus in omni parentum facultate, absque alio objectu, æquali divisione succedant.' Aliæ sunt plurimæ eadem de re eorum leges.

Apud nos vero, in regnatrice domo, viget et in immensum aucta Lex Salica, egregium imperii decus, et securitatis publicæ tutamentum.

Tanto gratiosior. Ita Ms. Vatic. 1518. et recentiores edd. In Mss. Vatic. 2964 et 4498. veteribusque edd. *tanto gratior.*

CAP. 21. *Nec implacabiles.* Cum apud Germanos homicidia primum armentorum pecorumque numero, ac deinde augescentibus opibus, pecunia luerentur, ne tamen reorum paupertate glisceret audacia, bene consultum, ut satisfactio in interfectoris domum transiret. Quibus autem ritibus id perageretur, docet Lex Salica, Tit. lxi. 'de Chren crude: i. e. de vacuo.' Leg. 1. 'Si quis hominem occiderit, et in tota facultate non habuerit, unde totam legem impleat, duodecim juratores dabit, quod nec subtus terram, neque supra terram plus facultate habeat, quam donavit. Et postea debet in casam suam intrare, et de quatuor angulis terræ pulverem in pugno colligere, et postea in duropello, i. e. casæ limine, stare, et intus casam cuprare, i. e. respicere, debet, ei sic de sinistra manu trans suas scapulas jactare super proximiorē parentem. Quod si jam pater, aut mater, seu frater pro ipso solverunt, super sororem tunc matris, aut super ejus filios debet illam terram jactare: quod si isti non fuerunt, super tres de generatione patris et matris, qui proximiores sunt: et postea in camisia discinctus, discalceatus, palo in manu supra sepe salire, ut pro medietate quantum pro compositione deberet, aut quantum lex addicat, illi tres solvant de materna generatione: hoc et illi alii, qui de paterna generatione veniunt, facere debent.' Lege autem 2. 'Si vero aliquis ex illis pauperior fuerit, et non habet unde solvat debitum, quicumque de illis plus alio habet exsolvat, et iterum super illum Chrene chruda, ille qui est pauperior jactet, ut ille totam legem solvat. Quod si hic etiam non habet, ut legem solvat, et totam legem componat, tunc illum, qui homicidium fecit, tollit, qui eum in fide sua habet, et per quatuor Mallos præsentem faciat; et si eum per compositionem aut fidem nullus suorum tulerit, hoc est, eum redimat, aut pro eo persolvit, tunc de vita componit.' Licet autem in hac lege *Chren crude* plurimum esset utilitatis, nonnihil tamen erat vitii, quod homicidarum furore, et legis severitate, multæ everterentur familiæ. Unde legem illam postea abrogavit Childeburtus rex, Decret. Leg. 15. 'de Chrenecruda lex, quam paganorum tempore observabant, deinceps nunquam valeat, quia per ipsam cecidit multorum potestas.' Melius ergo a Canadensibus provisum, penes quos non interfectoris domus, sed ipse vicus satisfacit. Tunc enim nulla ingruit ruina; reo autem plus

pudoris. Vide P. de Charlevoix, *Journal historique d'un voyage de l'Amérique*. Lettre xviii, p. 274. Quæ forent apud Germanos homicidiorum pretia jam vidimus supra p. 557. V. et inf. p. 572.

Hospitiis. Apud nos, invicem per commercia innexos, languet hospitalitas, viget apud barbaros latrocinii infames. Hujus discriminis causa in aperto. Scilicet commercia populos conjungunt; privatis dividunt, penes quos commerciorum usu omnia fiunt venalia. Et quanto magis apud gentem aliquam fervent commercia, tanto magis ab hospitalitate abhorret. Contra barbari commercia non norunt: latrocinia exercent, cum indigent: hospitales sunt, quod in hanc liberalitatem natura propendet, ipsisque expedit. Hæc pluribus ingeniose explicat Cl. de Montesquieu, *Esprit des Loix*, xx, 2.

Epulis excipit. Ita vulgo Mss. et libri editi. In Ms. Vatic. 2964. *recipit*.

Cum defecere. Sic vett. et recentiores edd. Lips. *defecerit*.

Si quid poposcerit. Bene Mss. Arundel. Vatic. 1518. 2964 et 4498. et vett. ac recentiores edd. Rhenan. emendaverat *poposceris*. In Ms. Vatic. 1862. *poposcerunt*.

CAP. 22. *Victus inter hospites comis*. Hæc omnino spuria censet Cl. de la Bletterie: ideoque ea in sua interpretatione omisit. Nihil tamen mutaverim in tanto librorum consensu; neque ea absona crediderim.

Inter vinolentos. Male tentat Rhenan. *violentos*. Licet ulterioribus Germanis vinum non fuerit, alius erat potus, qui ebrietatem faceret.

Sed et de reconciliandis. Bene Mss. Vatic. Turic. et Rhenan. In Ms. Arundel. et vett. edd. *sed de reconciliatis*.

Licentia joci. Bene Mss. Vatic. edd. vett. et recentiores. Male Lips. *loci*.

Et salva utriusque. Frustra tentat Lips. *et sua utriusque temporis*.

CAP. 23. *Vitiis, quam*. Ms. Bamberg. *vino, quam armis*. Quod nonnulli probant, sed immerito. Frigidum enim est. Hic agitur de ebrietatis vitiis.

CAP. 24. *Artem paravit*. Bene Rhenan. e Cod. Kapp. In vett. edd. *parat*.

Aleam (quod mirere). Bene Ms. Vatic. 4498. et libri omnes editi. In Ms. Vatic. 1518. *miretur*. Ms. Vatic. 2964. *Aleam quidem, quod mirere*.

Cum omnia defecerunt. Ms. Turic. *defecerint*.

Quamvis junior. Ita libri omnes editi. In Mss. Vatic. et Cod. Kapp. *juvenior*. Non ita mirum est Germanos, ludi furore actos, voluntariam servitutem adiisse; cum, multa post secula, licet religio accessisset, humanitasque atque opes auxissent, homines ingenui et suæ mentis compotes, se ipsi venderent, et servituti manciparent. Quæ de re inter Formulas, sollemnis est Formula ix. Venditio de semetipso: qualiter homo liber venundetur. 'Domina semper meo illo N. Ego ille N. Placuit mihi, ut statim ingenuitatis meæ in vestrum deberem obnoxiare servitium. Quod ita et feci. Unde accepi a te pretium, in quod mihi bene complacuit, solidos tantos; ita ut ab hodierna die quicquid de me servo tuo, sicut de reliqua mancipia

tua (*barbare dictum pro de reliquis mancipiis tuis*) facere volueris, a die præsentē liberam habeas potestatem. Et quod fieri non credo, si fuerit ulla quislibet persona qui contra hanc venditionem, quam ego mea spontanea voluntate fieri rogavi, qui contra eam aliquid agere et calumniam generare conaverit, illud, quod repetit, non vindicet, et contra cui litem intulerit, auri libra una, argenti pondo quinque coactus exsolvat: et hæc venditio firma permaneat. Duæ nempe sunt res apud homines validissimæ, libido et necessitas. Ut libidini consulerent, servitutem non reformidabant Germani. Sponte quoque illam adibant, ne inopi necessitati succumberent.

CAP. 25. *Ministeriis.* Ms. Vatic. 1862. *ministris.* Ms. Vatic. 2964. *ministeriis suis.*

Nisi quod impune. Mss. Vatic. et Turic. *impune est.*

Libertini non multum. Libri omnes ante Ernest. *liberti.* Recte emendavit, *libertini*: sic enim mox infra legebatur, *impares libertini.* Atque hic non de singularum domorum libertis, sed de ipso hominum ordine, qui libertini vocantur, ut vid. est ap. Cic. Verr. i, 47.

Aliquod momentum. Ms. Arundel. *aliquod momenti.*

Quæ regnantur. Bene Mss. Vatic. 1518 et 4498. libri quoque omnes editi. In Ms. Vatic 2964. *regnant.*

Super ingenuos et super nobiles. Hæc conditionum diversitas sæpe memoratur in vet. Germanorum legibus. Eam quoque vid. est ap. Saxonem Grammaticum in legibus Frothonis, Danorum regis, quas egregie explicavit Cl. Mallet, *Introduction à l'Histoire de Danemarck*, p. 111. Quomodo autem quis, non natus ingenuus in ingenuitatem assereretur docent veteres Formulæ, Formul. xii. 'de Ingenuitate.' 'Qui debitum sibi nexum relaxat servitium, in futuro apud Dominium sibi retribuere confidat. Igitur ego in Dei nomine ille N. pro remedio animæ meæ, vel æterna retributione, servum juris mei nomine illum N. ingenuum esse præcipio, et in sacrosancta Ecclesia beatissimi Sancti illius N. sub præsentia sacerdotum ibidem consistentium ante cornu altaris ab omni vinculo servitutis eum absolvo. Ita ut deinceps, tanquam si ab ingenuis parentibus fuisset natus vel procreatus, eat, pergat partem quam maluerit, et sicut alii cives Romani vitam ducat ingenuam. Et si aliqua procreatio filiorum, vel filiarum; ex ipso orta fuerit, similiter vivat ingenua, et nulli heredum meorum, nec cuicumque aliæ personæ quicquam debeat servitutis, nec libertinitatis obsequium, nisi soli Deo, cui omnia subjecta sunt; vel pro cuius amore ipsum devotus obtuli patrocinium et defensionem cuicumque se elegerit in omnibus illius perfruat arbitrio. Si quis vero quod futurum esse non credo, si fuerit aliquis ex heredibus meis, vel quislibet persona, qui contra hanc ingenuitatem venire aut eam refragare præsumserit, illud quod repetit non vindicet, et insuper contra cui litem intulerit, solidos LX. componat. Et præsens ingenuitas meis vel bonorum hominum manibus roborata cum stipulatione subnixâ omnique tempore valeat inconversa.'

Nunc vero quanti singulas condiciones fecerint Germani, ex diversis earum pretiis libet æstimare.

DE DIVERSIS APUD GERMANOS PRETIIS PRO CONDITIONUM DIVERSITATE.

MIRUM sane est Cl. de Boulainvilliers aliosque, in antiqua nostra Historia non mediocriter exercitatos, eam, quam supra posuimus conditionum diversitatem negasse, duasque tantum fuisse classes, nobilitatem et servitutem, pervicacius adseverasse. Aliud certe docent veteres nostri scriptores. Idem quoque manifeste adstruunt veteres Germanorum leges.

Sic in lege Angliorum et Werinorum, Tit. 1. 'de Homicidiis.' Leg. 1. 'Si quis Adalungum occiderit, dc. sol. componat.' Leg. 2. 'Qui liberum occiderit, cc. sol. componat.' Leg. 4. 'Qui servum occiderit, xxx. sol. componat.' Sic quoque Saxonibus fuere Edlingi, Frilingi et Lassi, id est, nobiles, ingenui, et serviles, ut videre est apud Lindenbrogium, in Glossario, p. 1347. Idem patet ex lege Frisionum, Tit. xv. Francis quoque fuere Antrussiones, seu nobiles, Ingenui, Lidi, Servi: Inde in Lege Salica, Tit. LXXIV. 'de Chreodiba: id est, de cadaveris combustione.' Leg. 1. 'Si quis hominem ingenuum seu in sylva seu in quolibet loco occiderit, et ad celandum in igne combusserit, xxiiii m. den. qui faciunt sol. dc. culpabilis judicetur.' Leg. 2. 'Si quis antrussionem vel fœminam taliter interfecerit, aut celaverit, aut igne cremaverit, LXIIM. (*verius LXXIIM.*) den. qui faciunt sol. mdccc. culpabilis judicetur.' Tit. xxxviii. 'de Homicidiis servorum, vel expoliationibus.' Leg. 5. 'Si quis servum alienum mortuum expoliaverit per furtum, et spolia ipsa plus quam xl. denarios, valeant, tulerit, MALB. THEN FRIO MOSIDO, dc. den. qui faciunt sol. xv. culpabilis judicetur.' Leg. 6. 'Si quis vero homo ingenuus Lidum alienum expoliaverit, MALB. THEU MOSIDO, mccc. den. qui faciunt solid. xxxv. culpabilis judicetur.' Servorum vero nomina, quæ postea apud Germanos, ut et apud nos, in dignitatum titulos evasere, simul et pretia habet Lex Salica, Tit. xi. 'de Servis mancipiis furatis.' 'Si quis Majorem, *the steward*, Infertorem, *the house-steward*, Scantionem, *the butler*, Mariscallum, *the Marshal*, Stratorem, *the Esquire*, Fabrum ferrarium, Aurificem sive Carpentarium, Vinitorem, vel Porcarium, vel Ministerialem furaverit, aut occiderit, vel vendiderit, valentem sol. xxv. MALB. THEVCA TEXARA M cccc. den. qui faciunt sol. xxxv. culpabilis judicetur, excepto capitale et delatura.' Hæc sint satis de conditionum diversitate apud Germanos. Vide et Cl. de Montesquieu, 'Esprit des Loix,' xxx, 25. et Cl. Gautier de Sibert, 'Mémoires de l'Académie Royale des Inscriptions.' Vol. xxxvii, p. 541 et seq.

CAP. 26. *Per vices.* Ita Puteolan. ac deinde ceteri omnes. Mss. Vatic. 1862 et 2964. et Cod. Kapp. *in vices.* Ms. Vatic. 1518. et edit. Spir. *universis vices.* Ms. Vatic. 4498. *vice.* Ms. Bamberg. *ab universis vicis occupantur.*

Ideoque magis servatur. Frustra tentat Lips. *spernitur* aut *spernatur.* Emendat Salmasius, *aversantur.* Ferri potest vulgata scriptura. Nempe non agitare fœnus, in usuras non extendere, id, cum sit ignotum, magis servatur, quam si vetitum esset. Sic sup. c. 19. 'Plus ibi boni mores valent, quam alibi bonæ leges.'

Spatia præstant. Mss. Vatic. 2964 et 4498. *præbent.* In Ms. Vatic. 1518. *præstant*: at scriptum quoque supra, *præbent.*

Labore contendunt. Ms. Vatic. 2964. et edd. vett. *laborare.* Bene Mss. Vatic. 1518 et 4498. ac Rhenan. *labore.*

Prata separent. Rhenan. et Lips. *sepiant.* Mallet Cluverius, *prata rigent, et hortos sepiant.*

CAP. 27. *Operosum honorem.* Bene Rhenan. e Cod. Kapp. In vett. edd. *peroperosum.*

Ut gravem. Male Berold. et *gravem.*

CAP. 28. *Potentia divisas.* Ita Rhenan. e Cod. Kapp. ac deinde ceteri omnes. In Ms. Bamberg. et edd. vett. *diversas*, quod probat Lips.

Et Mænum. In Lipsiensibus Actis Eruditorum, anno 1711. p. 27. Cl. Schwartz emendat, *Enum.*

Boiemi nomen. Ita Ms. Vatic. 1518. et libri editi. In Mss. Vatic. 1862 et 2964. *Boihemi.* Ms. Vatic. 4498. *Bohemi.* Corrupte Ms. Bamberg. *Boiis e munere nomen.* Unde tentabat Lips. *Boiiasmi e re nomen*, vel *Boyasmum e re nomen.*

Veterem memoriam. Male adhuc Ms. Bamberg. *veterem viæ memoriam.* Inde tamen Colerus conjiciebat, *viciniæ.*

Aravisci. Vett. edd. *Aranisci*; ac mox, *Araniscis.*

Ab Osis. Male Mss. Vatic. a *Boiis.* Nam mox Ms. Vatic. 4498. *Osi*; et Ms. Vatic. 1518. *Osci.*

Et Nervii. Vett. edd. *Neruli.*

Affectationem. Cod. Kapp. *affectionem.*

Triboci. In vett. edd. *Treboci.* In vet. Inscr. ap. Cl. Schoepflin, *Alsatia Illustrata*, Vol. 1. p. 550. memoratur CIV. TRIBOCORVM, i. e. 'civitas Tribocorum.'

Ne Ubii quidem. Mss. Vatic. Turic. Cod. Kapp. et edd. vett. *Nubii.* Male emendaverat Puteolan. *Ubii.* Bene Gruter. *ne Ubii quidem.*

Conditoris sui. Frustra tentat Lips. *sux.* Id enim ad Agrippam refertur.

Custodirentur. Ms. Turic. *custodirent.*

CAP. 29. *Antiquæ societatis.* Unde Batavi dicti sunt *fratres et amici populi Romani*, ut constat ex vet. lapide ap. Gruter. p. 72. n. 9.

CIV. BATAVI

FRATRES. ET. AMICI. P. R.

Contemnuntur. In Ms. Turic. *conteruntur.* Mallet Pighius, *contenuantur.* At minime displicet vulgata scriptura.

Non numeraverim. Bene Rhenan. e Cod. Kapp. Sic quoque Ms. Vatic. 4498. In Ms. Vatic. 1518. *numeravimus.* Vett. edd. *numerus.*

Limite acto. Ita Mss. Vatic. et libri editi. Frustra emendat Lips. *aucto.*

CAP. 30. *Durant siquidem.* Bene Rhenan. et recentiores. In Cod. Kapp. et vett. edd. *in quas Germania patescit, durant.* *Siquidem colles paulatim rarescunt.*

Ratione disciplinæ. In Mss. Bamberg. et Arundel. *nec nisi*

Romanæ disciplinæ concessum. Quod quidem ferri potest. *Romanæ* tamen rectius omittitur.

Copiis onerant. Bene Mss. Vatic. 1862. 2964 et 4498. ac Cod. Kapp. Lips. et recentiores. Male in vett. edd. *coonerant.*

CAP. 31. *Rara et privata.* Ita Ms. Vatic. 4498. et libri editi. In Ms. Vatic. 1518. 2964. et Turic. raro.

Manet squalor. Ms. Vatic. 2964. *remanet.*

Jamque canent insignes. Mallet Gronov. *jamque canent insignibus his hostibus.* Ernest. *itaque canent insignes, &c.* Heins. *jamque cani, ut insignes, &c.* Quod licet probaverit Græv. nihil mutaverim. Si quid mutandum, potius legerem, *namque canent, &c.*

Visu nova. Emendat Gronov. *visu non nova.* Freinshem. *visu nota.* Bernegger. *visu torva.* Vulgatam scripturam non immerito defendit Conring. *Nam,* quod mox sequitur, redundare videtur, ut sup. Annal. xvi, 18. 'Nam illi dies.'

Vultu mitiore. Ms. Arundel. *cultu.* Mallet Ernest. *in vultum mitiorem.*

CAP. 32. *Non ut cetera.* Ms. Turic. *non ut extat;* quod probat Ernest. Edd. vett. *non, ut extera.* Melior vulgata scriptura.

Ferox bello. Melius, *ferox et bello melior;* ut vult Acidal.

CAP. 33. *Urgentibus imperii fati.* Ita Mss. Vatic. 1518 et 4498. In Mss. Vatic. 1862 et 2964. *jam urgentibus.* Ms. Turic. et vett. edd. *in urgentibus.* Ms. Arundel. *in vergentibus.* Illustr. Huet. mallet, *vigentibus imperii fati;* quod hæc scriberet Tacitus, cum imperium Romanum, Trajano Principe, vigeat. Forte tamen Tacitus dixit *urgentibus*, quod mole sua diuturnioreque fortuna jam labaret imperium. Sic ferme Liv. v, 36. 'Jam urgentibus Romanam urbem fati.'

CAP. 34. *Dulgibini.* Ms. Vatic. 2964. *Dulgicubini.*

Chasuari. Ms. Vatic. 4498. *Chasuarii.* Ms. Vatic. 1518. *Ocasuarii.* Mss. Vatic. 1862 et 2964. *Tasuari.*

Utræque nationes. Ms. Turic. *jureque nationis.*

Magnificum est. Cod. Kapp. *magnum est.*

Referre consensimus. Ita omnes Mss. Vatic. Frustra Pichena e scripto libro, quem laudat Lips. emendavit, *consuevimus.*

Druso Germanico. Mallet Freinshem. *Druso et Germanico;* quod non probat Ernest. cum Germanicus Oceanum, non curiositate, sed victoriæ spe, tentaverit.

Inquiri. Olim scriptum fuisse, *inquirenti,* putat Cl. Ernest.

Quam scire. Mirandulanus, *scire velle;* minus recte, ut bene monuit Cl. Menage.

CAP. 35. *In Occidentem Germaniam novimus.* Illustr. Huet. vel debebat præp. *in;* vel emendabat, *movimus.* Ferri potest vulgata scriptura.

Idque præcipuum. Copula *que* abest a Mss. Vatic. et edd. vett. In Ms. Vatic. 1518. *id pretium virtutis ac virium præcipuum argumentum.*

Exercitus: plurimum virorum. Ms. Turic. *exercitus plurimus virorum.*

CAP. 36. *Inter impotentes.* Ms. Turic. *impetentes.* Melius, *im-*

potentes. Solita enim Barbarorum vitia, audacia, cupiditas, impotentia, i. e. effræna libido.

Nomina superioris. Ita Beroald. et recentiores. Ac bene quidem, ut patet ex sequentibus. Victores enim Cherusci boni æquique olim dicebantur; at victi nunc inertes ac stulti vocantur. Modestia ergo ac probitas nomina superioris sunt. In Mss. Vatic. Cod. Kapp. et edd. vett. *nomine.* Ms. Turic. *nomine superiores.* Frustra emendat Tanaquil Faber, *nomina sequioris.* Heins. *nomina superiori sunt*, i. e. a potentiore, ut inania nomina, spernuntur.

Tracti ruina. Bene Pichena et recentiores. In vett. edd. *tacti*; quod tamen defendit Gruter.

Et Fosi. Ms. Vatic. 1862. et *Fusi.*

CAP. 37. *Eumdem Germaniæ situm.* Ita Mss. Vatic. Arundel. Cod. Kapp. et Ernest. Placebat quoque Gronov. Puteolan. aliique libri editi, *sinum.* At hic non agitur de sinu, sed de eodem Germaniæ situ; nempe in Septemtrionali parte.

Late vestigia. Sic quidem Lips. et recentiores omnes. At in Mss. Vatic. et edd. vett. *lata vestigia*; quod melius puto.

Magni exercitus fidem. Se id a conjectura reposuisse fatetur Lips.: cum antea in libris fuisset, *magni exitus.* *Exitus* quoque habent Mss. Vatic. Forte Tacitus *exitum* dixit, ut irruptionem Cimbrorum significaret, de qua Justin. xxxviii, 5. 'Simul et a Germania Cimbros immensa millia ferorum atque immitium populorum, more procellæ, inundasse Italiam.' Plutarch. quoque in Mario, p. 411. ait, devicto Jugurtha, rumores de Teutonis et Cimbris increbuisse. Ac primo quidem incredibilis esse eorum colluvies ferebatur; qui rumores postea vero minores reperti sunt. Bellatorum enim et armatorum trecenta millia in agmine erant, puerorum autem atque mulierum longe majores catervas dicebantur secum agere. Μυριάδες μὲν γὰρ αἱ μάχιμοι τριάκοντα σὺν ὅπλοις ἐχώρουν, ὅχλοι δὲ παίδων καὶ γυναικῶν ἐλέγοντο πολὺ πλείους συμπεριάγεσθαι.

Non Samnis. Ms. Turic. *Samnites.*

Acrior est Germanorum libertas. Egregia dignaque prudentissimo scriptore sententia, nec nobis silenda. In ea enim reconditum est magnum politicæ artis arcanum, Germanicæque gloriæ, quæ nostra quoque est, fundamentum ac munimentum.

DE GERMANORUM LIBERTATE, ROMANORUM ÆMULA ET VICTRICE.

Non Samnitum artes, non Græcorum ingenia, non Pœnorum commercia, non Hispaniarum fortitudo, non Galliarum impetus, valida fuere adversus Romanam dominandi scientiam præsidia: cessere, et in partem dominationis venere. Diutius restitit Parthorum potentia, terrarum longinquitate et immensarum opum multitudine defensa: sed et ipsa paruit, superbasque cervices jugo Romano supposuit. Acrior fuit Germanorum libertas. Romana vigeat respublica, cum victricia Cimbrorum arma, fuso Papirio Carbone consule, primum audita sunt A. U. C. 641. ante C. 112. Inde, per quingentos et amplius annos, mutuis victoriis, mutuis cladibus certatum. At Germania, cum vinceretur, semper interrita; cum vinceret, audacior. Et, dum libertatem suam pervicacius propugnat, eo tandem gloriæ

venit A. V. C. 1163. J. C. 410. ut Alaricus, Gothorum rex, Romam captam victor intraret, ejusque opes potiretur, longe dissimilis ignavo illi Domitiano, qui pudendo falsoque triumpho Germaniam captam erat gloriatus.

Manebat adhuc Cæsarum dignitas, olim verenda, nunc despiciatissima: magis etiam ac magis in dies libidinibus ac dissensionibus fatiscebat, cum feralis tandem cœpit A. V. C. 1229. J. C. 476. quo Germania non jam armis belloque, sed solo nominis sui terrore victrix, Cæsarum nomen extinxit; eosque Odoacer, Herulorum rex, non tam ira sua, quam miseratione dignos reputans, Augustulum, Cæsarum supremum, in Lucullanum, Campaniæ castellum, relegavit. Sic imperio Romano vel sua in ruina defuit illa claritas, qua vulgo cadunt imperia; ultimusque ejus Princeps vixit suæ dignitati suoque imperio superstes.

In hac fœditate sordebat Italia, cum tandem melioribus diuturnioribusque auspiciis, anno J. C. 800. imperium restituit Germanorum sanguis Francorumque decus CAROLVS MAGNVS, PIVS FELIX AVGVSTVS. Tantæ gloriæ fundamenta posuerat Clodoveus Magnus victor fortissimus.

Quibus autem virtutibus, qua consiliorum vi facta sit tanta rerum mutatio juvat ex ipsa victrice gente discere, quæ sine verborum lenociniis suæ gloriæ causas et instrumenta nobiliter explicavit in præfatione Legis Salicæ: illam sub omnium oculis subjici tanto gratius esse debet, quanto rarius est præstantissimum illud antiquitatis monumentum ab ipsis viris historiæ eruditionisve curiosis legi aut inspicere. 'Gens Francorum inclyta, auctore Deo condita, fortis in armis, firma pacis fœdere, profunda in consilio, corpore nobilis et incolumis, candore et forma egregia, audax, velox et aspera, nuper ad Catholicam fidem conversa, immunis ab hæresi. Dum adhuc teneretur barbarie, inspirante Deo inquirens scientiæ clavem, juxta morem suarum qualitatum desiderans justitiam, custodiens pietatem, dictaverunt Salicam Legem proceres ipsius gentis, qui tunc temporis apud eandem erant rectores.... At ubi, Deo favente, Clodoveus comatus et pulcher, et inclytus rex Francorum primus, recepit Catholicum baptismum, quidquid minus in Pacto habebatur idoneum, per præcelsos reges Clodoveum, Childebertum et Hlotarium fuit lucidius emendatum, et procuratum Decretum hoc. Vivat, qui Francos diligit Christus, eorum regnum custodiat, et rectores de lumine suæ gratiæ repleat, exercitum protegat, fidei monumenta tribuat, pacis gaudia et felicitatem, tempora dominantium Dominus Christus Jesus pietate conducatur. Hæc est enim gens, quæ fortis dum esset et robore valida, Romanorum jugum durissimum de suis cervicibus excussit pugnando; atque post agnitionem baptismi, sanctorum Martyrum corpora, quæ Romani igne cremaverunt, vel ferro trucidaverunt, truncaverunt, aut bestiis laceranda projecerunt, sumtuose auro et lapidibus pretiosis exornavit.'

Tacitus in aureo libello qui fuerint ætate sua Germani, quam formidanda esset eorum libertas prodidit. Quales fuerint post ejus ætatem, quantaque præstiterint ex hac præfatione brevissime intelligimus. Crescat duretque in omnibus Germanicæ originis gentibus virtutis ac gloriæ pærennitas.

Amisso et ipse Pacoro. Ita Ms. Vatic. 4498. et edd. quam plurimæ. In Mss. Vatic. 1518 et 2964. ut et in Cod. Kapp. et edd. vett. *amisso et ipso et ipse Pacoro.* Rhenan. omisit, *et ipso.* Ernest. fatetur *ipse* elegantissimum esse; edidit tamen *ipso* ob cop. *et.* At plus vis et elegantiae est, si legeris, *et ipse.*

Objecerit. Ms. Vatic. 2964. *objecerunt.* Ms. Vatic. 4498. *objecit.* Ms. Vatic. 1518. *objicitur.*

Cn. quoque Manlio. Bene Ernest. Antea in libris editis, *M. quoque Manlio.* Immo in Mss. Vatic. 1862 et 2964. *Marco quoque Manlio.* Cneii prænomen habent optimæ Ciceronis et Titi Livii edd. Sic et vet. lapis ap. Gruter. p. 207.

Populo Romano. Male Mss. Vatic. et Cod. Kapp. *populi Romani.* CAP. 38. *In aliis gentibus.* Bene vett. et recentiores edd. Male Rhenan. *sic in aliis gentibus.*

Quod saepe accidit. *Sæpe* abest a Ms. Vatic. 1518.

Retro sequuntur. Ingeniose emendabat Jos. Scaliger, *retrosecus.* Ferri tamen potest et vulgata scriptura.

In ipso solo vertice religant. Mss. Vatic. 1518 et 4498. ac vett. edd. *ligant.* Rhenan. et recentiores, *religant.* In Ms. Vatic. 2964. *in ipso vertice religatur.* Ms. Vatic. 1862. et Cod. Kapp. *in solo vertice religatur.* Unde forte vel *ipso*, vel *solo*, redundat.

Sed innoxia. Bene emendant Muret. et Acidal. *innoxia*; proclivi librariorum erratu.

Comti, ut hostium oculis ornantur. *Comti* omissum vellet Ernestus. Et certe recte abesset. Pro *ornantur*, in Ms. Bamberg. *armentur.* Ms. Vatic. 1862. et Cod. Kapp. *armanentur*; quod immerito probabat Cl. Menage.

CAP. 39. *Stato tempore.* Bene Rhenan. e Cod. Kapp. Puteolanus, *statuto.*

Auguriis patrum. Versum illum, 'Auguriis patrum et prisca formidine sacram,' insititum esse et e marg. irrepsisse putat Cl. Ernest. Forte tamen id poetice dictum voluit Tacitus; ut inf. in vita Agric. c. 29. 'cruda ac viridis senectus.' Virgiliana imitatione.

Ejusdem sanguinis. Mss. Vatic. 1862 et 2964. *eiusdemque sanguinis.*

Horrenda primordia. Ms. Vatic. 2964. et Cod. Kapp. *horrentia.*

Prolapsus est. *Est* omittitur in Ms. Turic. et edd. vett.

Adjicit auctoritatem. Ms. Turic. et vett. edd. *adducit.* Male in iisdem edd. *auctorem.*

Centum pagis habitantur. Ita vett. et recentiores edd. Rhenan. emendaverat, *habitatur.* Emendabat Illustr. Huet. ut et Ernest. *habitant.* Forte scripserat Tacitus, *centum pagi iis habitantur.* Sic dictum sup. c. 16. 'Nullas Germanorum populis urbes habitari satis notum est.'

Magnoque corpore. Bene Mss. Vatic. 1518 et 1862. ac libri editi. In Mss. Vatic. 2964 et 4498. *tempore.*

CAP. 40. *Langobardos.* Mss. Vatic. 1862 et 2964. *Largobardos.* Mss. Vatic. 1518 et 4498. *Longobardos.* Perperam vett. edd. *Longobardis* vel *Langobardis* *paucitas nobilitasque plurimis, &c.* Male Rhenan. *quod plurimis.*

Reudigni. Ita Mss. Vatic. 1518 et 4498. ac libri editi. In Ms. Vatic. 2964. *Veudigni.* In Ms. Vatic. 1862. *Veusdigni.*

Angli. Mss. Vatic. 1518 et 4498. ac vett. edd. *Anglii.*

Suardones. Nomen illud abest a Ms. Vatic. 2964. In Mss. Vatic. 1518. 1862. 4498. ac Cod. Kapp. *Suarines.* Puteolan. et alii, *Suardones.*

Nuithones. Ms. Vatic. 1862. *Niuthones.* Frustra Jo. Petrus Ancherksen tentat, *Tuithones*, quos Teutonos esse existimat. Nec multo felicior Cl. Elsner. qui *Gutthones* conjicit, *Mémoires de l'Académie Royale de Berlin*, an. 1748. p. 459.

Herthum. Mss. omnes Vatic. et vett. edd. *Nerthum.* Rhenan. et recentiores, *Herthum.* Cl. Elsner. *Mémoires de l'Académie Royale de Berlin*, an. 1747. existimat Tacitum hic scripsisse Germanicum Deæ nomen *Erdamm*, ab *Erd* terra, et *amme* mater. Cui opinioni adversatur Cl. Ernest. quod ex linguæ Germanicæ analogia *Erdamm* non significaret *terram matrem*, sed *terræ matrem*; quodque Tacitus *terram matrem* interpretetur more Romano, non vero ex subtilitate Grammatica, et etymologiam secutus. Quidquid est, Herthus eadem est ac Ceres, aut Cybele, Græcis dicta *Δημήτηρ* quasi *γῆ μήτηρ*, seu *terra mater*.

Castum nemus. *Castum* insititium esse, et e marg. irrepsisse putat Ernest. Alii tentant, *sacrum*, vel *vastum* nemus. Forte Tacitus nemus illud dixit *castum*, quasi *Terræ Deæ* *sacrum*. *Castum* enim de Cybeles religionibus proprie dicebatur. Sic Tertullian. de Jejuniis, c. 16. 'Casto Isidis et Cybeles eas (nostras xerophagias) adæquas.' Male Beroald. *castrum nemus*.

Multa cum veneratione. Præp. *cum* abest a Ms. Turic. et edd. vett.

Quæcumque adventu. Cod. Kapp. *quemcumque.* Pro *adventu* Rhenan. frustra conjicit *advectu*.

Tunc tantum nota. Ita Ms. Vatic. 4498. et libri editi. Tria vero hæc verba absunt a Ms. Vatic. 2964. In Ms. Vatic. 1518. *nunc tantum nota, item tantum amata.* Vett. quoque edd. habent, *item*.

Quid sit id. Bene Ms. Turic. Vett. edd. *quid si id.* In recentioribus, *quid sit illud*.

CAP. 41. *Eoque.* Bene libri omnes editi. In Ms. Turic. *eaque*.

Passim et sine custode. Ita Ms. Turic. et vett. ac recentiores edd. In mediis ommissa est cop. *et*.

Ostendamus. Ms. Turic. *commendemus*.

CAP. 42. *Narisci.* Ptolemæo, ii, 11. dicuntur *Ὀναριστοί*, *Varisti*. Dion. lxxi, p. 810. *Ναριστοί*. At a Capitolino, in M. Antonin. c. 22. memorantur quoque *Marcomanni*, *Narisci*, *Hermunduri* et *Quadi*.

Danubio pergitur. Ita Puteolan. Pichena et recentiores. In Mss. Bamberg. Turic. Cod. Kapp. et ed. Spirensi, *peragitur*. Lips. emendavit, *prætexitur*.

Tudri genus. Ita Mss. Vatic. 1518 et 4498. In Ms. Vatic. 2964. et Cod. Kapp. *Trudi genus*. Quod placebat Rhenano, ob vulgata olim in Germania, *Trutonii*, *Trutomanni*, *Adeltrudis*, *Gertrudis* nomina.

CAP. 43. *Gothini.* Cod. Kapp. *Gotini*. A Dione, lxxi, p. 808. dicuntur *Κορίβολ*. A Claudiano, *Gothunni*; de quibus v. erud. Spener, Notitia Germaniæ antiquæ, Vol. v. p. 107.

Burii. Ptolemæo, ii, 11. Βούροι. Dion. lxxviii, p. 772. Βούρροι. Inde forte Groslotius tentabat, *Buri: ii terga Marcomannorum*, &c. Cod. Kapp. habet quoque, *Burii*.

Vertices montium jugumque. Ms. Arundel. *jugaque*. A Ms. Turic. abest, *montium*.

Lygiorum. Mss. Vatic. 1862 et 2964. et Puteolan. *Legiorum*. Ms. Vatic. 1518. *Leugiorum*. Ms. Vatic. 4498. *Vegiorum*. Dion. lxxvii, p. 761. Λύγιοι. Unde Beroald. *Lygiorum*. Ptolemæo, ii, 11. Λούγιοι.

Arios. Mss. omnes Vatic. *Harios*.

Helveconas. Ms. Vatic. 1518. *Eluheconas*. Ms. Vatic. 1862. *Helvetonas*. Ms. Vatic. 2964. *Helvectonas*. Ms. Vatic. 4498. *Helvectoras*. Ptolemæo, ii, 11. Αἰλουαίνες.

Manimos. Ita omnes Mss. Vatic. Idem videntur, qui Ptolemæo, ii, 11. dicuntur *Μαννοί*. In Cod. Kapp. *Mammos*.

Elysios. Mss. Vatic. *Helysios*; præter Ms. Vatic. 2964, qui habet, *Aliskoskas*.

Naharvalos. Ita Ms. Vatic. 2964. In ceteris Mss. Vatic. *Nahanarvalos*. Sed mox in Ms. Vatic. 1518. *Nacharvalos*. Sic Cod. Kapp. et Puteolan. habent primum, *Nahanarvalos*: mox, *Naharvalos*.

Romana. Ita Mss. et vett. ac recentiores edd. Male Rhenan, *Romani*.

Gothonés regnantur. Ita Ms. Vatic. 4498. Rhenan. et post eum edd. quam plurimæ. Habent quidem Mss. Vatic. 1518. 1862 et 2964. et Arund. ut et vett. edd. atque Ernest. *regnant*. At placet magis, *regnantur*. Sic dictum sup. Hist. i, 16. 'In ceteris gentibus quæ regnantur, certa dominorum domus, et ceteri servi.'

Adductius. Bene Mss. et vett. ac recentiores edd. Rhenan. alii quæ pauci, *addictius*.

CAP. 44. *Ipsa in Oceano*. Bene Mss. Vatic. 1518. 4498. Rhenan. et recentiores. In Mss. Vatic. 1862. 2964. Cod. Kapp. *ipsæ in Oceanum*. Puteolan. *ipsæ in Oceano*.

Hinc vel illinc. Cod. Kapp. *Hinc vel hinc*.

Est apud illos et opibus. Mallet Cl. de la Bletterie, *est et apud illos opibus honor*.

In promiscuo. Bene recentiores. In Ms. Turic. et vett. edd. neque *promiscuo*. Muretus delebat, *neque*.

Otiosæ porro armatorum manus. Male in vett. edd. *otiosa*.

CAP. 45. *Insper emergentis*. Ita Rhenan. e Cod. Kapp. A Ms. Turic. et edd. vett. abest, *emergentis*: unde forte redundat, Emendabat Lips. *se mergentis*. Propius ad veterum scripturam, *immergentis*: scribebant enim librarii, *immergentis*. Porro stridentem Solem passim exhibent poetæ, cum in Oceanum immergitur, numquam vero cum inde emergit.

Formasque Deorum. Male Heinsius emendabat, *formæque decorum*, aut *decorem*: et intellexit præstantiam ac dignitatem speciei, quæ se sol conspicendum præbeat in ortu. Misc. Obs. viii, 292. Melius, ac probabiliter, Colerus, cui adstipulatur Dureau, *formasque equorum*; T. Faber, *formas equorum*. Ni forte *formas Deorum* de Diis marinis accipias. Sic ferme Juvenal. Sat. xiv, 281. 'Grande

operæ pretium est.... Oceani monstra, et juvenes vidisse marinos.
Oceani monstra explicat vet. Schol. Juvenal. *Tritones et Nereides*.

Æstiorum gentes. Ita omnes Mss. Vatic. In vett. edd. *Estuorum*.
 In recentioribus, *Æstyorum*.

Omnique tutela. Bene Ernest. et recentiores e Ms. Turic. Sic
 quoque volebat Lips. In vett. edd. *omniumque tutela*.

Informe perfertur. Ms. Vatic. 2964. *profertur*; ut et volebat
 Groslotius. At melius ceteri Mss. Vatic. *perfertur*.

Implicata humore. Ita omnes Mss. Vatic. et edd. vett. Perpe-
 ram in recentioribus emendatum, *implicita*. Plinius alique sæpe
 usurpavere, *implicatum*.

Sueviæ finis. Bene Puteolan. et recentiores. In Ms. Turic. Cod.
 Kapp. et ed. Spirensi, *fines*.

Cap. 46. *Venedorum*. Male Mss. et vett. edd. *Venetorum* aut *Ve-
 nethorum*. *Venedos* memorat Plin. iv, 13. Ptolemæo iii, 5. *Ὀβενέδαι*
 dicti sunt. Jornandes quoque, de rebus Geticis, c. 17. 'Winida-
 rum natio populosa.'

Procerum connubiis mixtis. Ernest. *ceterum connubiis mixti*. Sic
 in Gallica versione Dureau.

Domos fingunt. Ita vett. et recentiores edd. Lips. *figunt*. At
 melius, *fingunt*. Domos enim, seu tuguria, luto fingeant. Sic apud
 Plin. xi, 22. bombyces in Assyria, *nidos luto fingunt*.

Pedum usu. In Mss. Vatic. 2964. 4498. et vett. edd. *peditum*.
 Ms. Vatic. 1862. *pecudum*. Recte Lips. et recentiores, *pedum*: quod
 quoque probat Cl. Ernest. licet ediderit, *peditum*.

Sed beatius arbitrantur. Ita omnes Mss. Vatic. et vett. ac recen-
 tiores edd. Frustra emendavit Rhenan. *id beatius arbitrantur*.
 Omitti non debuit, *sed*. Intelligi autem potest, *id*.

Opus esset. Sic omnes Mss. Vatic. vett. edd. et Ernest. Male
 emendavit Rhenan. *opus sit*.

Oxionas. Mss. Vatic. 2964 et 4498. *Etionas*. Ms. Vatic. 1518.
Exionas.

Corpora atque artus. Mss. Vatic. 1518. 2964. 4498. veteresque
 editiones, et *corpora atque artus*.

NOTÆ ET EMENDATIONES

AD VITAM

CN. JULII AGRICOLÆ.

CAP. 1. *Petissem*. Ms. Vatic. 4494. *petiissem*.

Ni cursaturus. Ita vett. edd. Pichena et recentiores. Rhenan.

emendaverat, *ni incursaturus*. In Ms. Vatic. 3429. *petissem incursaturus*.

CAP. 2. *Legimus*. Mallet Lips. *vidimus*.

Monimenta. Ita Ms. Vatic. 4498.

Arbitrabantur. Frustra tentat Barclay. *arbitrabatur*. Id enim non tantum de Domitiano, sed de ejus scelerum instinctoribus quoque intelligendum.

Et loquendi. Lips. vellet, *etiam loquendi*. At vett. scriptoribus sæpe et pro *etiam* usurpatum.

CAP. 3. *Felicitatem imperii*. Ita vett. edd. aliæque quam plurimæ. Nec *facilitatem*, ut ait Cl. Ernest. sed *felicitatem* habet Puteolan. *Facilitatem* emendavit Beroald.; quem quidam sunt secuti. Utrumque non incommodo sensu. Probabilior tamen, *felicitas*.

Ut corpora. Ms. Vatic. 3429. *ut corpora nostra*.

Multi fortuitis. Bene Lips. Male Mss. et vett. edd. *multis*.

Et, ut ita dixerim. Sic Rhenan. et recentiores. In Mss. Vatic. et vett. edd. *et uti dixerim*.

Prioris servitutis. Bene adhuc Lips. Perperam in vett. edd. *senectutis*. Quidam emendabant, *severitatis*.

CAP. 4. *Pater Julius*. In Mss. Vatic. et vett. edd. *pater Julii Julius*.

Iisque virtutibus. Ms. Vatic. 3429. *iisque ipsis virtutibus*.

Et, quia, abnuerat. *Et* omissum vellet Acidal.

Massiliam habuerit. Ita vett. et recentiores edd. Lips. *habuerat*. Mallet Ernest. *haberet*.

In prima juventa. Ms. Vatic. 3429. *prima in juventa*.

Acrius, ultra quam. Lips. putat emendandum, *ultraque*. Contra Pichena pro *acrius* correxit *ac juris*. Minime displicet vulgata scriptura.

Excelsæ magnæque. Ms. Vatic. 3429. *magnæ excelsæque*.

Ex sapientia modum. Conjicit Lips. *et sapientiæ modum*. Utrumque bene. Sed per *sapientiam* intellexisse *philosophiam* puto, aut usurpasse populariter pro quavis rerum notitia et libidine judicandi. Vide Misc. Obs. ix, 350.

CAP. 5. *Contubernio æstimaret*. Tentat Ernest. *adhiberet*. Eleganter dictum, *æstimaret*.

Appetere jactatione. Ms. Vatic. 3429. et Puteolan. *in jactationem*. Beroald. omissa præp. *appetere jactationem*. Emendavit Rhenan. *ob jactationem*. Minutianus et recentiores, *jactatione*.

Simulque et anxius. Ita Ms. Vatic. 3429. et elegantius. Libri editi, *simulque anxius*.

Incensæ coloniæ. Mallet Lips. *incensa colonia*; quod una colonia Camalodunum incensa feratur Annal. xiv, 31. At hæc ἐμφαικῶς dicta.

Intersepti exercitus. Ita Ms. Vatic. 3429. sic quoque placebat Freinshem. aliisque eruditis viris. Multitudine enim barbarorum circumventi sunt exercitus, ut dictum est sup. An. xiv, 32. Perperam in libris editis, *intercepti*.

Artem et usum. Mallet Lips. *attamen et usum*. Verum int illice potest, *artem tamen et usum*. Sæpe omittitur, *tamen*. Per *artem* illam

intelligit militandi, et quomodo agendum cum hoste, quis capiendus pugne locus, qua forma disponenda acies, ubi præsidii opus,—Ab hac multum differt artis *usus*; is enim cædes est hostium et victoria, et magnarum regionum occupatio, et fama gloriaque. Vide Ann. ii, 21. Misc. Obs. ix, 351.

CAP. 6. *Tanto major laus*. Male emendant Pichena et Lips. quod tamen nonnullis probatum, *tanto minor laus*; quasi in virum caderent, quæ in uxoris laudem evidenter dicta sunt. Sic ferme Seneca de uxore sua Paullina dixit sup. An. xv, 63. 'Sit hujus tam fortis exitus constantia penes utrosque par, claritudinis plus in tuo fine.' Si maritus blande uxorem observet, si officiis eam studeat demereri, hoc in qualicunque uxore laudem habet; (quia id declarat mariti affectum, quem, quicquid tandem sit, producere in marito necesse est, sive opes, sive formam, sive aliud,—quod uxori cedit in laudem); at illa laus fit major in uxore bona; quia illa non modo amatur ut uxor, sed et colitur ut virtutibus eximii ornata. Quod si maritus uxorem sibi anteponit, quæ mala, illud adeo uxori non est laus, ut ideo culpetur. Quoniam illa licet cum natura tum vitiis marito longe sit inferior, ipsum tamen adigit ad sui cultum, turpissimamque illi notam servitii inurit. Misc. Obs. ix, 352.

Simul et solatium. Sic Ms. Vatic. 3429. et placet magis, quam quod in libris editis, *et solatium simul*.

Quiete et otio transit. Mallet Rhenan. *transiit*. In Ms. Vatic. 4498. *quietis et otio*. Senatus perhibuit Plinio, 'in tribunatu quietis, in prætura modestiæ testimonium.' Plin. in Panegyric. c. 95.

Modo rationis atque abundantiae. Frustra tentat Lips. *moderationis suæ atque abundantiae*; vel *moderationi satisque abundantiae*. Alii aliter et pejus. In Ms. Vatic. 3429. *medio rationis*. *Ducuntur omnia Dei nutu*, i. e. gubernantur. Plaut. Merc. *ducere modo rationis est*, regere talia eo modo, quem præscribit ratio. *De modo abundantiae*, in ludorum cura observavit non modo, quid a se requireret ratio, sed et quid rerum abundantia, ne si minus faceret, licet forte non adversum esset rationi, tenacius tamen et parcius facere crederetur. Misc. Obs. ix, 353.

CAP. 7. *Dum Intemelios (Liguriæ pars est.)* Pessime libri editi, *dum in templo*. Vitium primus deprehendit eruditus Surita, et emendavit, *Intemelio*. Melius postea Lips. *Intemelios*. Sic enim Strabo, libri iv, p. 139. Πόλις εὐμεγέθης Ἀλβιον Ἰντεμέλιον, καὶ οἱ κατοικοῦντες Ἰντεμέλιοι. 'Urbs magna Albium Intemelium, incolæ Intemelii.' Ursinus ait se in veteri codice legisse, *dum Intemelium, Liguriæ urbs est*. Bene quidem, si vere. At multis suspectus est codex ab Ursino laudatus. Ejus tamen fidei argumentum videbimus inf. c. 19.

Admodum juvene. Ms. Vatic. 3429. *juvene admodum*.

CAP. 8. *Præerat tunc Britannia*. Seriem Britannia præsidum hic proponi, et cum rebus, narratis superius, componi haud erit inutile.

PRÆSIDES BRITANNIÆ

AB A. U. C. 896. J. C. 43. AD A. U. C. 838. J. C. 85.

AVLVVS PLAVTVVS, Vit. Agr. 14. Suppl. Annal. ix, 50 sq. xi, 3. Dio eum vocat βουλευτὴν ἐλλογιμώτατον, non consularem.

OSTORIUS SCAPVLA, Vit. Agr. 14. Annal. xii, 31 sq. Suppl. Annal. xi, 3. Proprætorem vocat Tac. Ann. xii, 31 et 40.

AVLVS DIDIVS GALLVS, Vit. Agr. 14. Annal. xii, 40. xiv, 29.

Q. VERANIVS, Vit. Agr. 14. Annal. xiv, 29.

SVETONIUS PAVLLINVS, Vit. Agr. 14 sq. Annal. xiv, 29 sq.

PETRONIVS TVRPILLIANVS, Vit. Agr. 16. Annal. xiv, 39.

TREBELLIVS MAXIMVS, Vit. Agr. 16. Hist. i, 60 sq.

VETTIVS BOLANVS, Vit. Agr. 16. Hist. ii, 65.

PETILIVS CERIALIS, Vit. Agr. 17.

IVLIVS FRONTINVS, Vit. Agr. 17.

CNAEVS IVLIVS AGRICOLA, cujus nomen virtutesque immortalitati scriptis suis tradidit Tacitus.

Vettius Bolanus. Male vett. edd. *Voctius*, aut *Vectius Volanus*. De Vettio Bolano jam dictum sup. in not. et em. ad An. xv, 3. Ms. Vatic. 4498. habet quoque, *Vettius*.

Dignum est. Frustra tentat Acidal. *dignum esset*.

Ne incretueret. Hæc ommissa vellet Cl. Ernest. In iis tamen inest quoque acumen. Nam Agricola ardorem compescuit, ne incretueret, et Bolano melior videretur.

Habuerunt virtutes. Hæc Lips. ad Cerialem perperam referebat; et emendabat, *habuerunt virtutes spatium et exemplum*. Nec de Ceriali simul et Agricola, ut Pichenæ placuit, sed de unius Agricolæ virtutibus sunt intelligenda.

Labores modo. Ita Ms. Vatic. 3429. Non ita apte libri editi, *modo labores*.

Et ducem. Ms. Vatic. 3429. *ac ducem*.

CAP. 9. *Inter togatos.* Frustra tentat erud. Grotius, *quamvis inter sagatos*, vel *quamvis non inter togatos*. Nec satis apposite Illustr. Huet. interpretabatur, 'Agricola naturali prudentia, quamvis ex usu etiam et arte, ut pote etiam sæpe diuque inter togatos versatus, facile justequæ agebat.'

Nulla ultra potestatis persona. Optime Rhenan. et recentiores. Perperam in Ms. Vatic. 3429. et edd. vett. *nullam ultra potestatis personam*.

Etiam sæpe. Ms. Vatic. 3429. *sæpe etiam*; ad aures commode.

Ostentanda virtute. Bene adhuc Rhenan. et recentiores. In vett. edd. *ostendendam virtute*. Ms. Vatic. 3429. *ostendendam virtutem*.

Comitante opinione. Eleganter dictum, ut et fatetur Cl. Ernest. qui tamen conjicit, *constante opinione*.

Et elegit. Ita Mss. Vatic. edd. vett. et recentiores. Male emendaverat Rhenan. *eligit*.

CAP. 10. *Maxima, spatio ac cælo.* Hæc Lipsiana distinctione, *maxima spatio, ac cælo in Orientem*, &c. non indigent. Jam dixerat Pomp. Mela, ii, 2. 'divisas spatio pelagoque terras.'

Unde et in universum. Frustra tentat Gronov. *unde ea in universum*. Mox corrupte vett. edd. *transgressus*. Et Mss. Vatic. *transgressis*.

Thule. Ms. Vatic. 3429. et vett. edd. *Thyle*. Mss. Vatic. 4498. *Tyle*.

Nix et hyems abdebat. In vett. edd. *appetebat*. Unde Cl. Ernest. mallet, *abdiderat*.

Perinde attolli. Optime Grot. Ernest. et recentiores. In vett. edd. *proinde*.

Velut in suo. Male emendat Pichena, *velut insulis*. Nec necessario Cl. Ernest. *velut suo*.

Et jugis etiam ac montibus. Ita Ms. Vatic. 3429. Et certe melius, quam libri editi, *etiam jugis atque montibus*.

CAP. 11. *Namque rutilæ.* Ita Ms. Vatic. 3429. et vett. edd. In recentioribus omissum, *que*.

Et torti plerumque. *Et* abest a Ms. Vatic. 3429.

Et posita. Ita Mss. Vatic. et vett. ac recentiores edd. Male Rhenan. emendaverat, *positi*: Pichena, *positus*; quod in vett. libris mox legeretur, *contra Hispaniam*. Recte monuerat Muret. potius emendandum, *Hispania*.

Originis vi. Ms. Vatic. 3429. et edd. vett. *originis usu*.

Procurrentibus in diversa. Male tentat Boxhorn. *procurrentibus inter se terris*. Nec mox addendum, *eundem habitum*, ut vult Cl. Ernest.

Eorum sacra. Frustra conjicit Grosloot. *eadem sacra*.

Vicinum solum. Ita Beroald. et recentiores. Mss. Vatic. *vicinam insulam*. Puteolan. *vicinam solum*.

CAP. 12. *Tribusve civitatibus.* Bene Pichena et recentiores. In vett. edd. *tribusque*.

Conventus. Lips. aliique mallent, *consensus*.

Dum singuli pugnant. *Dum* abest a Ms. Vatic. 3429. Nec necessarium est.

Nox clara. Ita Ms. Vatic. 3429. Libri editi, *et nox clara*.

Nec occidere. Bene Rhenan. et recentiores. In vett. edd. *nec concidere*.

Patiens frugum, sæcundum. Scheffer. immerito delet, *sæcundum*. Vide Misc. Obs. ix, 354.

CAP. 13. *Tiberius præceptum.* In Mss. Vatic. et edd. vett. *Tiberius præcipue*. At Lips. quem recentiores sunt secuti, optime monuit emendandum, *præceptum*.

Mobilis pænitentia. Ita libri omnes editi. In Ms. Vatic. 4498. *mobilis pænitentia*. Ms. 3429. *mobili pænitentia*.

Et ingentes adversus Germaniam. Emendat Cl. de la Bleterie, *et ingentes ut adversus Germaniam, &c.* At suus est et vulgatæ scripturæ sensus.

CAP. 14. *Cogiduno regi.* Sic libri editi. In Ms. Vatic. 3429. *Cogidumno*. Ms. Vatic. 4498. *Cogidunno*. Anne ille ipse, qui Dionī Τογόδουμνος, 'Togodumnus.' Vide Misc. Obs. ix, 355.

Ut vires rebellantibus. Ita Rhenan. et recentiores. In vett. edd. *et viros*.

CAP. 15. *E quibus legatus.... sæviret.* Mallet Cl. Ernest. *e quibus legatum.... sævire*; vel *e quibus legatus.... sæviat*.

Æque concordiam æque discordiam. Haud aliter Horat. Serm. i. 1, 25. 'Id quod Æque pauperibus prodest, locupletibus æque: Æque neglectum pueris, senibusque nocebit.'

Alterius manus, centuriones alterius. Perperam edd. vett. *alterius manus centurionis, alterius vim, &c.* Alii aliter, et pessime emendabant. Egregiè Gronov. cum jam emendatum esset, *centuriones*, locum restituit, addita distinctione post *manus*. Passim autem in scriptoribus ac maxime Historicis occurrit, *manus clientum, manus servorum* pro clientum, servorumve multitudine. Mihi servanda lectio vulgata et consensu librorum stabilita videtur. Nempe *rò miscere* non referendum est ad *alterius*, sed *concordiam, et concordiam extiosam*, hoc sensu : sive concordēs agant, sive discordēs, ad exitium nostrum conspirant. Alter enim vi militari, alter rapinis contumeliisque nos adfligit. Misc. Obs. ix, 355.

Imbellibus eripi. Ms. Vatic. 3429. *imbecillibus.*

Quantulum enim militum. Ita Mss. Vatic. Unde omnino fuit emendandum, quod habent libri editi, *quantum enim militum*. Jam tentaverat Boxborn. *quantillum.*

Modo virtutes. Ms. Vatic. 3429. *virtutem.*

Plus impetus. Acidal. existimat post, *impetus* excidisse *integrīs*, ut opponatur *miseris*, de quibus mox agitur. At locum integrum puto. Penes miseros plus est impetus et constantiæ. Impetus ille furore accenditur.

Relegatum. Ita libri omnes editi. Frustra tentat Lips. *relegatum.*

CAP. 16. *Boudicca.* De hujus reginæ nomine dictum satis in not. et em. ad An. xiv, 31. Hic Ms. Vatic. 3429. habet, *Voadicca*; Ms. Vatic. 4498. *Voaduca.* Librarii autem scripsere *V* pro *B*, ut sæpe in hoc libro, *Volanus* pro *Bolanus*.

Omisit ira. Bene Rhenan. et recentiores. In vett. edd. *amisit.*

Cognito provinciæ motu. Ita Ms. Vatic. 3429. et Puteolan. Sic quoque placebat Cl. Ernesto. Non ita bene Beroald. et recentiores, *eo cognito provinciæ motu.*

Propius ex legato. Bene vett. et recentiores edd. Male Rhenan. *proprius.*

Hic cum egregius. Optime Puteolan. Currupte Mss. Vatic. *nequaquam egregius*; et cum superiore verbo, *agitabat*, conjungunt.

Missus Petronius. Bene Beroald. et recentiores. Ms. Vatic. 3429. et Puteolan. *missus igitur.*

Et delictis hostium novus. Ms. Vatic. 4498. *novis.* Melius Ms. Vatic. 3429. et libri editi, *novus.* Male tentat Pichena, *qui delictis.* Melius Ernest. *is delictis.* At nihil mutandum.

Nullis castrorum experimentis. Ita Mss. Vatic. edd. vett. et recentiores. Perperam in Gronov. edd. *nullus.*

Indecoris atque humilis. Ms. Vatic. 3429. *indecoris.* Quod monitum volui, ne quid antiquitatis fugiat. Nam Nonius Marcellus, cap. 8. laudat ex Accio, in Athamante, 'cujus sit vita indecoris, mortem fugere turpem convenit.' Dixit quoque Virgil. Æn. xii. 25. 'Nec genus indecores.'

CAP. 17. *Brigantum.* Ms. Vatic. 3429. *Bregantum.* Ms. Vatic. 4498. *Bregantium.*

Amplexus, aut bello. Ms. Vatic. 3429. *amplexus est, aut bello.*

Et cum Cerialis quidem. Cum abest a Ms. Vatic. 3429. Cl. Ernesto displicet, *quidem*: mallet *cujusvis*, aut *cujusque*, nisi *alter suc-*

cessor diversus a Julio Frontino fuerit. Cl. Tillemont, *Histoire des Empereurs*, Vol. ii, p. 32. existimat fuisse alterum Britanniae praesidem, qui dignitatem obtinuit inter Petilium Cerialem et Julium Frontinum medius. Quod minime crediderim. At, citra ullum sensus detrimentum, quidem abesse posset.

CAP. 18. *Et quibus bellum.* Bene Ms. Vatic. 3429. Male libri editi, *ut quibus.* Unde emendabat Lips. *ut quibusque bellum.*

Transacta æstas. Ita Rhenan. et recentiores. In Ms. Vatic. 3429. et edd. vett. *transvecta.*

Provinciam numeri. Male tentat Ursinus, *innumerari.*

Degredi. Bene Pichena et recentiores. In vett. edd. *digredi.*

Fore universa. Horum loco habet Ms. 3429. *ac, prout prima cessissent, terrorem ceteris fore.* Quod quidem elegantissimum est, sed forte e librarii ingenio.

In dubiis consiliis. Emendat Gronov. *in subitis.* Pichena, *sed quoniam, ut in dubiis.* Nihil mutandum. Subitarium fuit consilium Monam insulam in potestatem redigendi. Antea anceps dubiusque Agricola an cæpta prospere succederent, Monamque peteret.

CAP. 19. *Statuit excidere.* Ita edd. vett. Cl. Ernest. et recentiores. Lips. *excindere.*

Primam domum suam. Sic libri omnes, præter J. F. Gronov. et Ryck. qui edidere, *primum.*

Per libertos. Male Ms. Vatic. 3429. *liberos.*

Milites adscire. Mallet Danesius, *adsciscere.* Quod probat Ernest.: tentat quoque, *adcire*, vel *accire.*

Non peccaturos præponere. Ita Mss. Vatic. 3429 et 4498. Sic quoque Ursinus e vetere Codice; unde constat Ursini fides, hactenus suspecta. Cum a libris omnibus editis absit verbum, *præponere*, alii supplebant, *retinere*, alii, *præficere*; Gronov. pro, *potius*, emendabat, *imponere.* Alii ἐλλειψιν esse volebant.

Auctionem. Melius forte, *exactionem*; sic quoque volebant Muret. Lips. alique multi. In Ms. Vatic. 3429. *auctionem*; et in marg. *exactionem.* Ms. Vatic. 4498. *exactionem*; et in marg. *auctionem.* In hac varietate nihil mutavi; maxime cum, teste Suet. in Vespas. 16. Vespasianus 'non contentus omissa sub Galba vectigalia revocasse: nova et gravia addidisse: auxisse tributa provinciis, nonnullis et duplicasse.' Hoc vult Tacitus, sustulisse Agricolam omnes fraudulentas rationes, quibus hoc agebant ii, qui tributa colligebant, ut provincialibus omnia essent onerosa, sibi utilia et quæstiosa, et ea tantum munera voluisse servari, quæ tributo convehendo erant necessaria, et sic æqualia, non plura, non majora postularent. Misc. Obs. ix, 358.

Quæ, in quæstum reperta. Bene recentiores. Male in vett. edd. *in quæstum reperta, quæ.* Frustra Pichena, *reptis.*

Vendere pretio. Ms. Vatic. 3429. *ludere pretio.* Non emendandum, ut placet Gronovio, *vendere parvo.* Hæc frumenta pretio, a publicanis æstimato, vendebantur. Unde iis nomen, *frumentum æstimatum.*

CAP. 20. *Multus in agmine.* Bene Ms. Vatic. 3429. Sic quoque conjecerat Cl. de la Bleterie. Perperam vett. edd. *multum in agmine.* Rhenan. quem recentiores sunt secuti, *militum in agmine.* *Multus* est certe et elegantior, et huic loco aptior. Sic

sup. An. xiv, 56. 'rarus per Urbem.' Et infra Vit. Agr. 37. 'frequens ubique Agricola.' Ex corrupta scriptura ortum errorem crediderim. Vox enim una excidisse videtur; ac legendum puto: *multus in agmine, militum laudare modestiam.*

Invitamenta pacis. Lips. et Acidal. mallent, *invitamenta.* Nobis quoque placeret, si faverent libri.

Tanta ratione. Ms. Vatic. 3429. *et tanta ratione.*

Nova pars. Ita libri omnes. Mallet Gronov. *nota pars:* eum sunt secuti recentiores interpretes Galli et Angli. Ernest. retinet, *nova pars;* sed mox excidisse putat *sic* vel *ita.* Nihil omnino mutabat Illustr. Huet. et *novam partem* explicabat, *Romanis armis inaccessam.*

CAP. 21. *Bello faciles.* Sic Rhenan. ac deinde ceteri omnes. Mss. Vatic. et edd. vett. *in bello:* quod forte non ita spernendum. Tellus enim a Plin. xxxiii, n. 1. laudatur 'minime parca, facilisque in omnibus quæcumque prosunt.' Rhenan. tamen alique tentant, *in bellum vel in bella faciles;* quod eleganter quoque diceretur.

Abnuabant....concupiscerent. Recte quidem. Nec satis apte Cl. Ernest. hanc diversitatem in modis verborum arguit, et mutatum vellet, aut *abnuerent....aut concupiscebant.* Agricola principum filios liberalibus artibus erudiendo, ingenia Britannorum ostentando, eaque studiis Gallorum meliora prædicando, effecit ut Britanni, qui modo linguam Romanam abnuabant, eloquentiam concupiscerent. Potuisset quidem Tacitus quoque dicere, *abnuerent.* Abstiniuit autem ne pariter desinerent verba. Id enim est orationis vitium.

Paulatimque discessum. Mallet Pichena, *descensum.*

CAP. 22. *Avidus intercepit.* *Avidus* eleganter dicitur. Nec addendum, *gloriæ,* aut omittendum, *avidus;* ut vult Cl. Ernest.

Ad Taum. Mss. Vatic. *ad Tanaum.* Sed in marg. Ms. Vatic. 3429. *Taum.*

Ut erat bonis. Ita Ms. Vatic. 3429. et edd. vett. *Erat* perperam a recentioribus omissum.

Secretum et silentium. Ms. Vatic. 3429. *secretum ut silentium.*

CAP. 23. *Percurrerat.* Ita Rhenan. et recentiores. Puteolan. et vett. edd. *præcurrerat.*

Clota. Ita Mss. Vatic. et edd. vett. Male Beroald. et recentiores, *Glota.* Ptolemæo quoque, ii, 3. memoratur *Clota æstuarium.*

Diversi maris æstibus. Mss. edd. vett. et recentiores, *æstibus.* Male Rhenan. *æstus;* Lips. *æstu.* In Ms. Vatic. 3429. *diversis maris æstibus.*

Revectæ. Ita Mss. Vatic. et vett. ac recentiores edd. Male Rhenan. *revecti,* quod multi postea retinuerunt.

CAP. 24. *Nave prima transgressus.* Ita libri omnes. Emendabat Illustr. Huet. *navibus tum primum transgressus.* Tentat quoque Cl. de la Bletterie, *gnave transgressus.* At non crediderim hanc esse Taciti mentem stylymve. Nec forte satis certæ Latinitatis, *gnave.* Aperta mihi videtur Taciti narratio. Agricola, summotis ultra Clotam et Bodotriam, velut in aliam insulam, hostibus, transgressus est Clotam æstuarium, *the Gulf of Dumbarton,* nave, Romanarum omnium prima, quæ oras illas scrutata est: eamque Britannicæ partem, quæ Hiberniam aspicit, nempe provincias *Cantyre, Carrick, Galloway,*

Wight, &c. copiis instruxit. Bene vertit Cl. Gordon, 'In the fifth year of the war, Agricola passing the Frith, himself in the first ship that landed, in many and successful encounters subdued nations till that time unknown, and placed forces in that part of Britain which fronts Ireland, more from future views than from any present fear.' Murphy quoque, 'In the fifth summer Agricola made an expedition by sea. He embarked in the first Roman vessel that ever crossed the æstuary; and, having penetrated into regions till then unknown, he defeated the inhabitants in several engagements, and lined the coast, which lies opposite to Ireland, with a body of troops: not so much from an apprehension of danger, as with a view to future projects.'

In spem. Optime dictum. Frustra tentat Lips. *in speciem*, i. e. ad ostentandas vires. Vide Misc. Obs. ix, 361.

Differunt: melius aditus. Ita Rhenan. et recentiores. Pro *melius*, Rhenan. et Danesius mallent *ejus*, nempe insulæ. Emendabat Muret. *differunt in melius.* *Aditus.* In Mss. Vatic. et edd. vett. *differt: in melius aditus.* Ac forte nihil fuit mutandum. Hic enim eleganter usurpatur, *differt.* In *melius* dici quoque potuit, ea potissimum ætate, qua præpositio *in* erat familiaris, ut *in tantum, in quantum.* Nec fere aliter Tac. An. xiv, 39. 'Cuncta tamen ad Imperatorem in mollius relata.'

CAP. 25. *Amplexus civitates.* Ita Ms. Vatic. 3429. et quidem optime. Perperam in vett. et recentioribus edd. *amplas civitates.* In mediis, *ampla civitate.... sita.* Gronov. emendabat, *amplæ civitatis.... sitæ.* Rhenan. ut vulgata retineret, mox corripbat, *prius pro portus.* Tac. autem dixit, *amplexus civitates*, ut sup. An. xv, 59. 'amplectitur rempublicam.'

Hostili exercitu. Ms. Vatic. 3429. et vett. edd. *hostilis exercitus.* *Impelleretur.* Ms. Vatic. 3429. et vett. edd. *impellitur.* Frustra tentat Cl. Ernest. *inferretur, impingeretur.*

Auctus Oceanus. Ita, et eleganter, vett. ac recentiores edd. Pichena alique, *victus Oceanus.* Sic quoque vertit Cl. Gordon, *Those vanquished Ocean.* Murphy quoque, *And the spirit with which he conquered winds and waves.* At *et victus* simul ad præcedens terra et hostis referatur. Vide Misc. Obs. ix, 361.

Oppugnasse ultro. Frustra tentat Lips. *oppugnare ultro, castella adoriri.* Alii emendant, *oppugnare.* Vide Misc. Obs. ix, 361.

Potius, quam pellerentur. Mallet Gronov. *prius, quam pellerentur.* *Ignavi specie prudentium.* Ita Ms. Vatic. 3429. In vett. edd. *specie ignavi prudentium:* inde in recentioribus fuerat emendatum, *specie prudentium ignavi.*

Circumiretur. Bene vett. et recentiores edd. In Lipsianis, *circumirentur.*

CAP. 26. *Pro salute, de gloria.* Emendabat Acidal. *de salute, pro gloria;* probatque Cl. Ernest. atque ita edidit Cl. Lallemand. Nihil mutaverim, refragantibus libris: vulgata non displicent.

Erupere. Optime Ms. Vatic. 3429. sic quoque volebat Acidal. Perperam libri editi, *irrupere.* Britannii enim irruerant, Romani e castris erupere.

CAP. 27. *Penetrandam.* Ms. Vatic. 3429. et *penetrandam.*

Cujus constantia. Tentant Lips. Pichena et Acidal. *cujus conscientia.* Nihil mutandum existimat Illustr. Huet. 'quod per summam constantiam exercitus hanc victoriam peperisset.' Mox inf. c. 36. 'Ac primo congressu eminus certabatur: simul constantia, simul arte Britanni, &c.' Vide Misc. Obs. ix, 362.

Uni imputantur. Bene Rhenanus et recentiores. In vett. edd. *cum imputantur.*

Arte ducis rati. Vel supplendum, *arte ducis se victos rati*; vel, quod potius crediderim, emendandum secundum Boxhorn. *arte ducis superati.* Librarii vero hac in re tanto facilius errare potuere, quod sæpe in Mss. *super* scribatur unica litera *s*, nota superposita, ut recte observavit Lipsius. Tentabat Freinshem. *non virtutem, sed occasionem et artem ducis rati.* Heumannus, *occasione et arte superati*; vel etiam, *casune an arte superati.* Cl. Ernest. conjicit, *arte vicisse*, scilicet Romanos, *rati.* Forte quis erit, qui existimet Tacitum scripsisse, *arte ducis rati*, intelligendo, *id contigisse.* At id durum videtur. Bene vertit Davanzati, *i Britanni tenendosi vinti non per valore, ma per caso, e astuzia del capitano*: nec ferme aliter ceteri interpretes, licet non eadem brevitate. Vide Misc. Obs. ix, 362—3.

CAP. 28. *Et in Britanniam.* Bene Ms. Vatic. 3429. Copula, et deest in libris editis.

Immixti manipulis. Bene libri editi. Male Ms. Vatic. *immixtis manipulis.*

Uno remigrante. Ita libri omnes editi, præter Cl. Lallemand, qui edidit, *remigante*, forte operarum errore: nam in notis minime monet se quidquam mutasse. At sive errori, sive conjecturæ, favet Ms. liber Vaticanus 3429. qui habet quoque, *remigante.* Si quis tamen ad rerum seriem attenderit, *remigrante* verum ac genuinum esse judicabit. Hinc enim alii duo suspecti et interfecti: hinc nondum vulgato rumore, ut miraculum prævehuntur: hinc amissæ per insciam regendi naves. Explicabat quidem Illustr. Huet. 'Cum unum e gubernatoribus remigrare deprehendissent, hoc est navim eo, unde profecta erat, reducere, alios duos suspectos habuere; propterea interfecere, atque ipsum etiam qui remigrare parabat.' At 'verisimilius est,' inquit Pichena, 'illum, antequam ex portu solverent, clam se subduxisse, ac domum versus remeasse. Nam duos tantum occisos apparet.' Sic vertit Cl. Gordon: 'and since one of these forsook them and fled away, they suspected and therefore killed the other two.' Murphy quoque: 'One of the pilots made his escape, and suspicion falling on the other two, they were both killed on the spot.' Eodem sensu ceteri interpretes.

Provehebantur. Ita quidem libri editi. At in Mss. Vatic. *prævehebantur*; et in marg. Ms. Vatic. 3429. additum, *alius habet prævebantur.* Certe minime inelegans foret verbum, *prævehi.* Britanniam enim prævehebantur. Sic dictum An. ii, 6. *qua Rhenus Germaniam prævehitur.*

Mox hac atque illa rapti, et cum. Corrupte Ms. Vatic. 3429. et edd. vett. *mox ad aquam atque ut illa rapti secum.*

Sua defensantium. Pomponius Lætus in marg. Ms. Vatic. 3429. adscripsit, ut sua; quod sic ipsi placeret.

Circumvecti Britanniam. Ut magnum ac memorabile Usipiorum facinus innotescat, diligentius exploranda eorum navigatio.

DE USIPIORUM COHORTE BRITANNIAM CIRCUMVECTA.

COHORTEM illam Usipiorum ex Occidentali Britanniae ora solvisse innuit Tacitus, docet Dio lxvi, p. 754. Ἐξαπαχθέντες περιέπλευσαν τὰ πρὸς ἐσπέραν αὐτῆς (Βερραρίας.) Erat sane ex iis copiis, quas Agricola instruxerat in ea Britanniae parte, quæ Hiberniam respicit, ut dictum est sup. c. 24. Tres liburnicas furtim ascendere, nulla navigandi arte, et ea ætate, qua vel inter peritos erat exigua. Hac illac rapti, ut fluctus ventusque eos ferebat, ὥς πού τὸ τε κύμα, καὶ ὁ ἄνεμος αὐτοὺς ἔφερε, Dio, ibid. versus Septemtrionalem Britanniae partem tendunt. Cum oram legerent, nec sufficerent commeatus, congressi sunt cum plerisque Britannorum, nempe cum incolis provinciarum, quas nunc dicimus, *the Counties of Cumberland, Galloway, Argyll, Inverness; Cantyre, Strathnaver, &c.* Cum extremum insulae sic attigissent, sinum *Pentland Firth* inter Britanniam et Orcadas, *the Orkney isles*, ingressi sunt, et in Orientalem Britanniae partem flexere. Nova inde praelia cum incolis provinciarum *Caitness, Sutherland, Murray, Buchan, &c.* eaque infeliciora. Imprudentes enim in castra Romanorum, qui ibi tendebant, incidere, καὶ ἔλαθον ἐκ τοῦ ἐνὶ θάλασσῃ, πρὸς τὰ σπαράσπεδα τὰ ταυτῇ ὄντα προσχόντες, Dio, ibid. Novo hoc periculo territi, castrensesque poenas magis, quam calamitosam, sed liberam, suam sortem exosi, liburnicas propere repetunt, et in altum provehuntur. Summa brevi fuit rerum omnium inopia: in iis angustiis, primum infirmissimos suorum, deinde sorte ductos vesci cœpere. Tantis conflictati miseriis, tempestate aut ipso Oceani impetu in mare Suevicum, *the Baltic*, detruduntur. Ibi naves suas, viarum erroribus et regendi inscitia quassas, amisere. Neminem eorum sortis misertum est, quod pro prædonibus haberentur. Igitur dum eluctantur, ut patrias sedes repetant, primum a Suevis inter Albim et Vistulam, mox a Frisiis inter Amisiam et Rhenum, intercepti sunt. Quosdam eorum per commercia venundatos, et in Romanam, id est, in sinistram Rheni ripam, (nam dextram tenebant Germani), adductos, indicium tanti casus illustravit.

Agricola autem, post Grampiensem victoriam, in publicas curas utilitatesque intentus, audita illa Usipiorum fuga, certusque eos ex Occidentali Britanniae parte in Orientalem Septemtrionali navigatione fuisse pervectos, classem misit, quæ Tao æstuario, nunc *Firth of Tay*, profecta, littora illa ab Oriente in Occidentem relegeret, et diligentissime exploraret, Dio, loc. cit. Tunc primum 'hanc oram novissimi maris Romana classis circumvecta est, insulamque esse Britanniam adfirmavit:' tunc Orcades, hactenus fama tantum vulgatæ, fuere, eremigato Septemtrione, cognitæ et domitæ: tunc 'dispecta est Thule, *the Shetland isles*, quas hactenus nix et hyems abdebat,' ut dictum est sup. c. 10. Hinc vero intelligas non ad hanc Thulen, sed ad ipsam Britanniam referenda esse, quæ habet Statius, adulator magis, quam poeta, in Sylvarum, lib. v. Protrepitic. ad Crispinum,

Bolani, Britannię præsidis, filium ii, 54. 'Tu disce patrem, quantusque nigrantem Fluctibus occiduis, fessoque Hyperione Thulen Intrarit mandata gerens.' Verum, antequam de Septentrionali navigatione dicendi finem faciam, alterum proferam exemplum, quod, utinam fusius fuisset narratum, magnum naturæ arcanum reseraret. Auctore enim Plinio, ii, 67. '*Cornelius* Nepos de Septentrionali circuitu tradit, Quinto Metello Celeri, L. Afranii in consulatu collegæ (consules fuerē A. U. C. 694. A. C. 61.) sed tum Galliæ proconsuli, Indos a rege Suevorum dono datos, qui ex India commercii causa navigantes, tempestatibus essent in Germaniam abrepti.' Sic ante viginti annos, cum Elisabetha Augusta, imperium Russicum regeret, Japonenses, commercii causa navigantes, tempestatibus abrepti, ad oram imperii Russici, *Kamchatka*, appulere, unde Petropolim, *Petersburg*, missi, ab Elisabetha humanitate maxima excepti et habiti sunt. At Indi, longiore errore, non modo Japonenses insulas, *Japan*, oramque imperii Russici, *Kamchatka*, sed et Orientales ac Septentrionales Siberiæ et Laponiæ oras, *Siberia*, *Samoieds and Lapland*, circumvecti ad Oceanum, mareque Suevicum, *the Baltic*, flexere; unde a rege Suevorum habiti, dono dati sunt Quinto Metello Celeri, Galliæ proconsuli. Sic casus fecit, quod a Batavis Russisque magna cum laude tentatum, nondum tamen præstitum est. Tales autem casus nunc rarissimi ob nauticæ rei scientiam, mutatos armorum usus, et politicas imperiorum leges. Olim, audentioribus barbaris, frequentes erant, et eventorum, quæ hodie incredibilia videntur, feraces. Juvat ergo Usipiorum exemplum recentiore felicioreque Francorum exemplo confirmare. Illud habet Eumenius in Panegyrico Constantii, cap. 18. 'Recursabat quippe in animos illa sub divo Probo et paucorum ex Francis captivorum incredibilis audacia, et indigna felicitas, qui a Ponto usque correptis navibus, Græciam, Asiamque populati, nec impune plerisque Libyæ littoribus appulsi, ipsas postremo navalibus quondam victoriis nobiles ceperant Syracusas, et immenso itinere perpecti Oceanum, qua terras irrupit, intraverant: atque ita eventu temeritatis ostenderant nihil esse clausum piraticæ desperationi, quo navigiis pateret accessus.' Vide et Zosimum, lib. 1. in fin.

Initio ætatis. Forte scriptum olim, *initio rii*. vel *septimæ ætatis*; et numerus librorum errore exciderit. Hæc enim ætas non eadem est, quæ memoratur sup. c. 25. Mox enim infra c. 34. 'ii sunt quos proximo anno, unam legionem furto noctis aggressos, clamore debellastis.'

CAP. 29. *Montem Grampium.* Ms. Vatic. 3429. *Graupium.*

Hostes insederant. Ms. Vatic. 3429. *hostis insederat.*

Nomine Calgacus. Ita Mss. Vatic. 3429 et 4498. nec aliter vet. edd. Perperam ergo in recentioribus, *Galgacus*. Pomponius Lætus, cum in suo exemplari primum scripsisset, *Galgacus*, ipse emendavit, *Calgacus*.

CAP. 30. *Priores pugna.* Freinshemio Boxhornioque displicent, *pugna*: hanc vocem omitti volunt. Minime tamen displicet, maxime cum Cicero, Horatius aliique optimi scriptores sæpissime dixerint, *pugnatas pugnās, pugnata bella, pugnare pugnam, &c.*

Quia nobilissimi...eoque in ipsis penetralibus siti. Miror Cl. Ernestum pro, *nobilissimi*, tentare, *novissimi*; nec videre cur, *nobilissimi in penetralibus*, habitent. Id tamen patet. Populi, montium incolæ, ut ceteris duriores fortioresque, sic quoque se nobiliores putant. Porro ut Dii, ita et homines nobilissimi in penetralibus siti. Miraque vis inest in his Calgaci verbis. Cf. *Rep. of Lett. for Apr.* 1734. p. 248.

Contactu dominationis. Optime Rhenan. et recentiores. In vett. edd. *contractu*.

Sinus famæ. Frustra tentat Muret. *fama*.

Nunc terminus. In libris scriptis et editis, *nunc terminus Britanniae patet: atque omne ignotum pro magnifico est. Sed nulla jam ultra gens, &c.* Muret. debebat, *atque omne ignotum pro magnifico est.* Mutabat Acidal. et legebat, *sinus famæ (namque omne ignotum pro magnifico est) in hunc diem defendit. Nunc terminus, &c.* Melius adhuc aptiusque cohæreret oratio, si legeretur, *Nos terrarum ac libertatis extremos recessus ipse ac sinus famæ in hunc diem defendit; atque omne ignotum pro magnifico est. Sed nunc terminus Britanniae patet: nulla jam ultra gens: nihil nisi fluctus, &c.* Sicque veteres Gallici interpretes Cll. Brueys, Guerin, de la Bletterie. Vulgatum ordinem retinuit Cl. Gordon, 'At present the utmost boundary of Britain is laid open; and to conquer parts unknown, is thought matter of great pomp and boasting. Beyond us no more people are found, nor aught save seas and rocks; and already the Romans have advanced into the heart of our country.' Murphy sic vertit, 'But we are no longer safe in our obscurity: our retreat is laid open: the enemy rushes on, and, as things unknown are ever magnified, he thinks a mighty conquest lies before him. But this is the end of the habitable world, and rocks and brawling waves fill the space behind. The Romans are in the heart of the country.' Hæc postrema ita vertit, quod pro, *infestiores Romani*, tunc in Taciti edd. legeretur, *interiores Romani*.

Infestiores Romani. Optime Ms. Vatic. 3429. Sic quoque volebat Rhenan. vel, *eo manifestiores*. In vett. edd. *inferiores*: unde Lips. conjiciebat, *iis feriores*. Male emendatum in multis edd. *interiores Romani*; cui convenit *ro ultra*.

Defuere terræ. Bene Rhenan. et recentiores. Perperam vett. edd. *defuere: terram, &c.*

CAP. 31. *Etsi libidinem.* Ms. Vatic. 3429. *etiamsi libidinem*.

Bona fortunasque in tributum egerunt: in annonam, frumentum. Ita Rhenan. et recentiores. Corrupte in Ms. Vatic. 3429. *bonæ fortunæ quæ in tributum aggerat animus in frumentum, &c.* In edd. vett. *bona fortuna quæ in tributum agerat annus in frumentum*. Unde suspecta vox, *egerunt*; et si quid felicius excogitaretur, rependendum.

Inter verbera. Ita Ms. Vatic. 3429. In vett. edd. *verbera emuniendis inter*. Hinc recentiores, *verbera inter ac contumelias*.

Et conservis. Ms. Vatic. 3429. *etiam conservis*. Sed et pro *etiam* usurpatur.

Trinobantes. Perperam in vett. edd. *Brigantes*. Optime Camden. quem Ernest. aliique sunt secuti, emendavit *Trinobantes*, ut pa-

tet ex An. xiv, 39. Argute nimis, qui *Brigantes* defendunt, quod eorum ac Trinobantum una eademque sit origo.

Et libertatem non in præsentia laturo... non ostendamus... seposuerit? Ita quidem, sensim sine sensu mutata vetere scriptura, editum. At in Ms. Vatic. 3429. *et in libertatem non in pænitentiam*. Vett. edd. *et in libertatem non in præsentiam laturo primo statim congressu unde ostendamus, quos sibi Caledonia viros seposuerit*. Minucianus primus edidit, *in præsentia*; alii postea omisere præp. *in ante libertatem*: ac demum pro, *unde ostendamus..seposuerit*, emendatum a Pichena, *non ostendemus*, ab aliis, *non ostendamus..seposuerit?* Mihi vero et veteris scripturæ vestigia, et rerum, narratarum An. xiv, 33. memoriam repetenti probabile videtur Tacitum scripsisse, *et in libertatem, non in prædam, certaturi, primo statim congressu vivide ostendamus quos sibi Caledonia viros seposuerit*. Primo scriptum olim fuisse, *et in libertatem* suadent Mss. et vett. edd. Deinde, *non in prædam* innuit tum series orationis, tum id quod narrat Tacit. Ann. xiv, 33. 'Barbari, omissis castellis præsidiisque militarium, quod uberimum spoliandi, et defendentibus intutum, læti præda, et aliorum segnes petebant.' Certaturi autem *in libertatem, non in prædam*, Latine dicitur, ut apud Senecam in Thebaid. Act. I. vers. 298. 'Certant in omne facinus.' Denique quod nobis emendandum videatur, *vivide ostendamus...seposuerit*, facit et vetus scriptura, et auctoritas eruditi viri Jos. Scaligeri, qui ita in exemplari suo manu propria emendaverat, teste Rutgersio, 'Lectiones Venusinæ,' cap. 31.

Hujus autem loci, misere corrupti, innumeræ sunt emendationes ab aliis propositæ, quarum præcipuas memorasse sit satis. Muretus, *et in libertatem, non in populi Romani servitium nati*. Lipsius, *et libertatem non in præsenti ablaturi, vel illaturi*. Acidal. *et minui libertatem non in præsentia laturo*. Heuman. *et libertatem in præsentia ulturi, non prima statim congressione ostendamus*. Cl. Ernest. *et libertatem in præmium, seu in præmio, laturo, non prima statim congressione ostendamus, &c.* Alii defendunt vulgata, *libertatem non in præsentia laturo*, quod ea antiqua et Corneliana falso existiment. Vide Misc. Obs. ix, 364. et *Rep. of Lett. for Apr.* 1734. p. 249.

CAP. 32. *Nostris illi dissensionibus*. Sic volebat Rhenan. Pichena et recentiores edidere. Vett. edd. *discessionibus*.

Licet dominationi alienæ sanguinem commodent. Ita ed. pr. et quidem elegantissime. Suffragatur Ms. Vatic. 3429. *licet dominationi alienæ sanguinem commendent*. Quod Beroald. operarum sane vitio, omiserat *licet*, et ediderat *commodent*, emendatum est, *commo-dantes*.

Metus et terror est. Ita ed. pr. nec ineleganter. Beroald. emendavit, *metus et terror sunt infirma vincula, &c.* Mox in Ms. Vatic. 3429. *vincla*.

Qui timere desierint. Tentabat quoque Lips. *quos timere desierint*.

Conjuges accendunt. Bene ed. pr. et recentiores. Male Beroald. *accidunt*.

Paucos numero. Ita Mss. et vett. ac recentiores edd. In mediis quibusdam *paucos numeros*, i. e. cohortes, ut tentabat Lips.

Circum trepidos. *Circum* inutile sane videbitur; et ab oscitantibus librariis e sequenti verbo *circumspectantes* facile peti potuit: ut jam ab erudito Heumanno fuit observatum.

Dii nobis tradiderunt. Optime Lips. et recentiores. In vett. edd. *alii nobis tradiderunt.*

Ægra municipia. Bene Mss. Vatic. *ægra.* In vett. edd. *erga.*

In æternum proferre. Ms. Vatic. 3429. *perferre.*

CAP. 33. *Et barbari moris.* Ms. Vatic. 3429. *ut barbaris moris.*

Instruebantur acies. In Mss. Vatic. 3429 et 4498. *instruebatur.* Marg. Ms. Vatic. 3429. additum, *alius habet instituebatur.*

Munimentis coercitum. Sic Ms. Vatic. 4498. ita quoque volebat Gronov. In Ms. Vatic. 3429. et libris editis, *monitis.* Adscriptum marg. Ms. Vatic. 3429. *alius habet munimentis.* Patet capite 35. militem castrorum vallo ac munimentis potius, quam monitis, fuisse coercitum. Ursinus locum totum sic se scriptum invenisse ait in antiquo codice: *et vix munimentis coercitum militem, accendendum adhuc ratus.* Vide c. 35. Vult Tacitus vix contineri potuisse castris, quin extemplo procurerent, et audacissimum quemque illum ex barbaris adsultantem exciperent ferro ante justum congressum. Vide Misc. Obs. ix, 364.

Militem accendendum adhuc ratus. Ita Ms. Vatic. 3429. Mendose libri editi, *militem adhuc ratus.* Unde Lips. supplebat, *acendum, incitandum*, aliudve tale. Vocem *accendendum* insertam ab ingenio mallem omitti, et pro *adhuc ratus* conjunctim *adhortatus* scribi. Misc. Obs. ix, 365.

Octavus annus est. Erat quidem æstas tantum septima, ex quo in Britanniam venerat Agricola, ut vid. sup. c. 28. At cum anno ante, quam veniret, fuisset consul, et statim post consulatum Britanniae præpositus, sup. c. 9. inde forte annus hic numeratus est octavus. Nempe consul et Britanniae præpositus fuit A. V. C. 830. Ad montem Grampium pervenit et pugnavit A. V. C. 837. Forte tamen erratum in numeris, et scriptum olim, *septimus annus est.* Vide Misc. Obs. ix, 365.

Equidem sæpe in agmine. Ita Ms. Vatic. 3429. In libris editis deest, *sæpe.*

Voces audiebam. Bene Ms. Vatic. 3429. In ed. pr. *voce audiebam.* Beroald. emendavit *vocem*, quod deinde ceteri retinere.

E latebris suis extrusi. Ita edd. vett. Male mutatum in recentioribus, a *latebris.*

Superasse tantum itineris. Bene Rhenan. et recentiores. In vett. edd. *superesse.*

Ita fugientibus. In Ms. Vatic. 3429. et edd. vett. *item fugientibus.*

Hodie prosperrima sunt. Mallet Ernest. *hostibus prosperrima sunt.* Quod, inquit, aliter non habeas, quo referas, quæ mox sequuntur, *eadem notitia...eadem abundantia.* Nihil tamen mutaverim. Hæc brevitatis in oratione placet.

CAP. 34. *Fortissimum quodque animal contra ruere.* Bene Ms. Vatic. 3429. In vett. edd. *animal ruere.* Inde in recentioribus emendatum, *robore.* At minime Cornelianum est, *robore pelluntur.*

Quos quod tandem invenistis, non restiterunt. Ita Mss. Vatic. et libri editi. Marg. Ms. Vatic. 3429. adscripserat Pomponius Lætus, *quos quod tam diu non invenistis, restiterunt. Sic legendum puto.* At potior est vulgata scriptura, ut attendenti cuique videbitur.

Deprehensi sunt novissimi. Bene Rhenan. et recentiores. Corrupte in vett. edd. *novissime.*

Res et extremo metu corpora. Ita Ms. Vatic. 3429. et quidem apie. Vett. edd. pro *res* habent *id.* Inde Pichena emendavit, *ideo extremo metu corpora.* Sic *res* et *corpora* memoravit Livius, cum Romanorum, capta a Gallis urbe, angustias describeret: '*nec ullius rerum suarum relictis, præter quam corporum, vindices,*' Liv. v, 42.

Defixere in his. Edd. vett. *defixere aciem in his, &c.* *Aciem* additum puto, quod ante *defixere* interpungebatur hoc modo, *corpora; defixere aciem in his, &c.* Frustra totum hunc locum mutat Cl. Ernest. *sed deprehensi sunt ignavissimi, et extremo metu torpidi defixere aciem in his, &c.*

Causas rebellandi. Ita vett. et recentiores edd. Male Rhenan. et qui eum sunt secuti, *debellandi.*

CAP. 35. *Octo millia.* In Ms. Vatic. 3429. *octo millium.*

Bellanti. Ms. Vatic. 3429. et vett. edd. ante Rhenan. *bellandi.*

Constiterat. Ita Ms. Vatic. 3429. In libris editis, *constiterant.*

Connexi. Ms. Vatic. 3429. *convexi.*

Covinarius et eques. Cop. et abest a Ms. Vatic. 3429. et edd. vett.

Promtior in spem. Ernest. mallet, *prontior in spem.*

CAP. 36. *Simul constantia.* Ms. Vatic. 3429. *simulque constantia.*

Tres Batavorum cohortes. Bene Ms. Vatic. 3429. et recentiores edd. In vett. *per Batavorum cohortes.*

In arcto pugnam. Libri omnes editi, sed male, *in aperto pugnam.* Lips. tentabat, *in opertos,* vel *in aperta:* Schelius, *in aperta:* Cl. de la Bletterie, *inoperti.* Felicior ceteris Franciscus Medicis, vir egregius et in multis de Tacito bene meritus, optime emendabat, *in arcto,* cui Pichenus subscribit et Gruterus, ut postulat ipsa orationis series. Sic quoque de Hispanis, Liv. xxviii, 33. '*in arcto pugna Romano aptior, quam Hispano militi futura videbatur.*' Duo in Britannis reprehendit Tacitus, et quod ferire hostem non possent, et quod non possent sese tegere; unde statim liquet, *pugnam in aperto,* Tacitum vocare, in corpora Britannorum non tecta propter parva scuta. Misc. Obs. ix, 367.

Et tractis. Ita libri omnes editi. Muretus emendabat, *et fractis.* At cum in Mss. Vatic. 3429 et 4498. legatur tantum, *et tratis.* Puteolan. conjectura edidit, *et tractis.* Ad rem et veteris scripturæ vestigia aptius ac propius, *et prostratis.* Hoc verbo sæpe utitur Tacitus in Annal. et Hist. libris.

In æquo obstiterant. Ms. Vatic. 3429. *adstiterant.*

Equitum turmæ fugere. Tentat Lips. *equitum turmæ effudere,* aut potius, *effusæ.* Ernest. *crupere.* Sed inutiliter; si ad ea, quæ in notis observavimus, attendatur.

Hostium agminibus. Romanos Tacitus minime dixit, *hostes*. Vel ergo, ut volebat Muretus, emendandum *nostrorum*: vel, quod ob veterem scripturam commodius, *cohortium*, ut monet Ernestus. Recte, ut mihi videtur, Acidal. de agminibus Britannorum exponit, quibus covinari erant immixti. Vide Misc. Obs. ix, 368.

Cum ægre diu stantes. Corrupte vett. edd. *cum ægra diu aut stante*. Rhenan. quem omnes postea sunt secuti, emendavit, *cum in gradu stantes*. At cum Ms. Vatic. 3429. habeat quoque *ægra diu*, emendandum edendumque, *ægre diu*, optimo quidem sensu et ex veteri scriptura. Tentabat Trillerus, *ægre clivo stantes*. Vide Misc. Obs. ix, 368.

CAP. 37. *Summa collium.* Ms. Vatic. 3429. *summam*.

Accurrerant. Ms. Vatic. 3429. *accucurrerant*.

Appropinquarunt. Ms. Vatic. 3429. *appropinquaverunt*.

Nec alius alium. Emendabat Acidal. *sed alius alium*.

Trecenti sexaginta. In libris editis, *trecenti quadraginta*. At potior est fides Mss. Vatic. 3429 et 4498. qui *trecenti sexaginta* habent. In numeris XL. pro LX. facile errare potuit Puteolan. unde ad ceteros pervulgatus error.

CAP. 38. *Britanni palantes.* Ms. Vatic. 3429. *Britannique palantes*.

Dein separare. Bene Ms. Vatic. 3429. Sic quoque conjecerat Lips. Male libri editi, *sperare*: unde Grotius tentabat, *desperare*; Ernest. *spernere*.

Secreti colles. Ernest. *mallet, deserti colles*.

Horæstorum. Mss. Vatic. 3429 et 4498. *Boræstorum*.

Trutulensem portum. Ita libri editi. In Ms. Vatic. 4498. corrupte, *trutulens est*. Ms. Vatic. 3429. *trucculensem*.

Omnis redierat. Vulgo, *omni*, sed mendose, ut jam monuere Lips. ac Pichena; patetque ex ipsa Latinitate. Quis enim ferat, *proximo latere Britannicæ lecto omni*? Pro *redierat*, frustra tentat Rhenan. *exierat*. In Ms. Vatic. 3429. *proximo Britannicæ latere*. Totum autem hunc locum ita emendabat Cl. Heumannus: *Et simul classis secunda tempestate ac fama Trutulensem portum tenuit, quæ (subaudi classis) proxime, littore Britannicæ lecto omni, redierat*. Tacitus vult, classem illam in abitu primum latus Britannicæ lustrasse, vectam secunda tempestate ad portum Trutulensem, inde revectam fuisse ac rediisse alio et proximo latere, et sic latus utrumque circumnavigasse. Vide Misc. Obs. ix, 369.

CAP. 39. *Agricolæ auctum.* Bene Lips. et recentiores. In vett. edd. *actum*.

Ut Domitiano moris erat. Ita Ms. Vatic. 3429. et libri omnes editi. In Ms. Vatic. 4498. *ut erat Domitianus*. Sic quoque annotatum in marg. Ms. Vatic. 3429.

Exceptit. Ms. Vatic. 3429. *excipit*.

At nunc. Bene Rhenan. In vett. edd. *ac nunc*.

Tot millibus. Ita ed. pr. et recentiores. Male Beroald. *tot militibus*.

Alius occuparet. Frustra tentat Lips. *alius* vel *arctius occuparet*. Pichenus huic emendationi suffragatur.

Utcumque facilius. *Facilius* omissum vellet Ernest.

Etiam tum. Mallet Ernest. *etiamnum.*

CAP. 40. *Addique insuper.* Bene Muretus, *additque.* Retineri tamen potest vulgata scriptura. Vix est dubium, quin Tacitus sic scripserit. Vide Misc. Obs. ix, 370.

Præceptum erat. Ita vett. et recentiores edd. In mediis quibusdam omissum, *erat.*

CAP. 41. *Pannoniaque.* In Ms. Vatic. 3429. *et Pannonia.* Durius certe, nec ex Taciti more, in *Mæsia, Daciaque, et Germania Pannoniaque.*

Tot militares viri. Male tentat Lips. *militares numeri:* Gronov. *vici.* Corbulo *vir militaris* dictus est sup. An. xv, 26.

Cum inertia et formidine. Ita Mss. Vatic. Sed in marg. Ms. Vatic. 3429. notatum, *alius* habet, *inertiæ et formidini.* Mox pro *corum* Grotius emendabat *ceterorum:* non ita feliciter Ernest. *cæsurum.*

CAP. 42. *Asiæ et Africæ.* Mallet Lips. *Asiæ aut Africæ.* Vulgatam scripturam defendit Mercerus: nec immerito, nam Asiam et Africam sortiri, ait, idem esse, ac sorte ducere, utram quis regat. Vide Misc. Obs. ix, 371.

Non jam obscuri. Ita Rhenan. et recentiores. In Ms. Vatic. 3429. et edd. vett. *non tam obscuri.*

Paratus simulatione. Sic Mss. Vatic. et libri editi. Marg. tamen Ms. Vatic. 3429. adscriptum, *alius* habet *simulationis.* Mallet Ernest. *parata simulatione.*

Proconsulari. Mallet Cl. de la Bleterie, *proconsulare.*

Quibus moris est. Ita Ms. Vatic. 3429. et ed. pr. Male Beroald. et recentiores omisere, *est.*

Eo laudis excedere. Mallet Lips. *accedere vel escendere.* Eleganter utrumque. Etsi ibi fortasse melius fuerit vulgatam *excedere* non movere. Nam eo modo non semel loquitur Valerius Maximus, tanquam v. 6. 4. Ruhnken. ad Rutil. Lup. 49.

Nullum reipublicæ usum. Ita Mercerus et recentiores. In Mss. Vatic. et edd. vett. *nullum rei post usum.*

CAP. 43. *Extraneis etiam ignotisque.* Viri eruditi ad Agricolam referunt Græcum Antiphili, Byzantini, epigramma, forte olim in Agricolæ villa inscriptum, quod nunc extat in Anthologia, libr. I. Tit. 37. [Br. An. Gr. T. ii, 180. xxxix.] Κρηναῖαι λιβάδες, τί πεφεύγατε; ποῦ τὸσον ὕδωρ; Τίς φλόξ ἀνέαυος ἔσβεσεν ἀέλιον; Δάκρυσιν Ἀγρικολᾶο τετρῦμεθα· πᾶν δ' ὅσον ἡμῖν Ἦν ποτὶν, ἢ κείνου διψᾶς ἔχει σποδιή. Eleganter vertit erud. Grotius in Ms. Latina sua Anthologia: 'Quo fontis latices, quo copia vestra recessit? Perpetuas Solis quis calor hausit aquas? Agricolæ luctu consumimur: illius, ante Humida, nunc fiunt pulverulenta, siti.'

Aliud agens. Bene Rhenan. et recentiores. In vett. edd. *alius.*

Lætatus est....oblitus est. Alterutrum *est* redundat, ut recte monuit Muretus.

Nobis nihil comperti. Bene Rhenan. et recentiores. Vett. edd. *vobis.* Acidal. inter *comperti* et *affirmare* supplebat *quod.* *Comperti* nobis, i. e. quod nobis compertum sit. Misc. Obs. ix, 371.

Ex more principatus. Acidal. et Muret. scribunt, *principis.* At

Tacitus non loqui de uno principe aut Domitiano videtur, sed de omnibus. Vide Misc. Obs. ix, 372.

Momenta deficientis. Ita libri omnes editi. In Ms. Vatic. 3429. *momenta ipsa.*

Nuntiata constabat. In vett. edd. ante Rhenan. *constabant.*

Animo vultuque præ se tulit. Dejectis severisque oculis, vultus; ἀπαθεία et solitudine, animi dolor fingitur. Vere ergo de Domitiano dictum, *speciem doloris animo vultuque præ se tulit.* Frustra autem tentat Acidal. *doloris omnino vultu*: Freinshem. *doloris amictu vultuque*: Gronov. *doloris mimo vultu*: Ernest. *doloris habitu vultuque.* Horum quædam absurda, omnia Tacito indigna. Simpliciter et bene vertit Davanzati, *parue nondimeno di volto e d'animo addolorato.*

CAP. 44. *Tertium consule.* Bene Ursinus, Lips. et recentiores. In vett. edd. *ter consule.*

Nihil metus in vultu. Ita libri omnes editi. In Ms. Vatic. 3429. *nihil impetus in vultu.* Marg. adscriptum, *alius habet metus.* Ms. Vatic. 4498. *nihil metus et impetus in vultu.*

Speciosæ contigerant. Bene libri omnes editi. Idque postulat ipsa rerum series. Male Mss. Vatic. 3429 et 4498 *speciosæ non contigerant.* At in marg. Ms. Vatic. 3429. additum, *alius habet speciosæ contigerant.*

Nam sicuti durare in hac beatissimi seculi luce. Ursinus laudabat e veteri codice, *nam sicuti magnæ cujusdam felicitatis esse, durare in hac beatissimi seculi luce.* Sed incerta hujus codicis fides, maxime silentibus Mss. Vatic. Melius Acidal. et Buchner. emendabant, *durare in hanc beatissimi seculi lucem.*

Quod augurio. Bene Ms. Vatic. 3429. et vett. ac recentiores edd. Rhenan. *quod* perperam omiserat. Potuit tamen pro *quod* scripsisse *quasi*, et sic ostendisse judicii sui illa esse verba. Misc. Obs. ix, 373.

CAP. 45. *Clausum armis.* Ms. Vatic. 3429. *clusum armis.*

Albanam arcem. Ita Mss. 3429 et 4498. In marg. Ms. Vatic. 3429. additum, *alius habet villam.* Inde in vett. edd. *Albanam arcem villam.* Frustra ergo Pichena tentavit, *Albinam arcem nulla sententia, &c.* Nam Tacitus ab iis delatoribus, qui tum minime nocuerant, progressus ad illos, qui maxime. Vide Misc. Obs. ix, 373.

Jam tum reus. Mallet Gronov. *etiam tum reus.*

Nos Maurici Rusticique visus. Ita Mss. Vatic. et libri omnes editi. At in marg. Ms. Vatic. 3429. scriptum, *alius habet, nos Mauricium Rusticumque divisimus.* Unde, ut sup. in notis diximus, emendandum nobis videtur, *nos Mauricum Rusticumque divisimus.* Suffragatur Ursinus, qui ait ita fuisse scriptum in veteri suo codice. Male tentat Acidal. *nos Maurici Rusticique vidimus casus.* Vide Misc. Obs. ix, 374.

Subtraxit oculos. Ms. Vatic. 3429. *oculos suos.*

Quo se contra pudorem. Bene Lips. et Ernest. In vett. edd. *a quo.*

Filiæque. Bene Rhenan. et recentiores. Quare *ejus* deleverint, non video. Est enim sermo de filia Agricolæ, Taciti conjuge. In vett. edd. *filioque ejus.* Ms. Vatic. 3429. *filiæque ejus.* Pichena

pro *ejus* scribit *tua*. At sermo est ad lectorem. Vide Misc. Obs. ix, 374.

Complexu. Ms. Vatic. 3429. *complexuque*.

Excepiissemus certe. Bene Pichena et recentiores. In vett. edd. *excepiissem*.

Optime parentum. Ita ed. pr. et recentiores. Beroald. *optima*.

Compositus es. Mss. Vatic. 3429 et 4498. *comploratus es*. At in marg. Ms. Vatic. 3429. *compositus es*. Sic quoque habent libri omnes editi.

CAP. 46. *Nosque, domum tuam*. Bene vett. et recentiores edd. Cop. *que* in mediis quibusdam ommissa.

Temporalibus laudibus. Mallet Lips. *te immortalibus laudibus*. Sed haud probabiliter. Minime enim crediderim Tacitum *immortales laudes* hic sensisse, aut scripsisse. Nec displicet, *temporalibus*.

Suppeditet. Suppeditat, Boxhorn.

Similitudine decoramus. Corrupte Ms. Vatic. 3429. et libri omnes editi, *militum decoramus*. Ms. Vatic. 4498. *multum decoramus*. Ad veterem scripturam rerumque seriem accommodate emendavit Grotius, *similitudine decoremus*. Alii tentant, *imitatione, imitando, imitatu*: Heins. *æmulatu*. Sed non ita placent. Ursinus e veteri suo codice, in quo scriptum, *admiratione potius, quam æmulatione decoremus*, corripbat, *admiratione te potius, quam æmulatione, et si natura suppeditet, imitatione virtutum decoremus*. At incerta, ut jam monui, hujus codicis fides.

NOTÆ ET EMENDATIONES

AD DIALOGUM DE ORATORIBUS

C. CORNELII TACITI.

C. Cornelii Taciti dialogus de Oratoribus. Ita Mss. Vatic. 1518. 1862 et 4498. In ed. pr. *Cornelii Taciti equitis Romani dialogus de Oratoribus claris*. Puteolan. et Beroald. CORNELII TACITI EQUITIS ROMANI DIALOGUS AN SUI SEculi ORATORES ANTIQUIORIBUS ET QUARE CONCEDANT. Deinde plurimi vel Quintiliano, vel M. Apro, vel Curiatio Materno dialogum hunc vindicare voluere: at nulla nixi auctoritate, ne probabilibus quidem argumentis. Dialogus hic habitus est, Principe Vespasiano, ejusque imperii anno sexto. Tunc scriptor dialogi erat *juvenis admodum*, ut constat ex primo capite. Quod Quintiliano, Aprove, aut Materno, tum grandævus, minime convenit. At, inquit Lips. nec Tacitus tunc fuit admodum juvenis, siquidem honores cœpit sub Vespasiano. Miror id objici a

viro eruditissimo, qui honores illos fuisse juventutis proprios ipse noverit, sæpeque in suis ad Tacitum notis monuerit. Præterea biennio post habitum hunc dialogum, cum Tacitus uxorem duceret filiam Cn. Julii Agricolaë, ipse testatur se adhuc esse juvenem, ut patet ex Vita Agric. c. 9. 'Consul egregiæ tum spei filiam juveni mihi despondit, ac post consulatum collocavit.' Nec melius obijciunt styli diversitatem: diversus esse debet pro diversa scriptoris ætate: diversus quoque ob argumentorum diversitatem. Nemo sane eundem in dialogo, quem in Historiarum Annaliumque libris stylum requireret. Insuper, quæ dialogi laus est, studuisse videtur Tacitus, ut cujusque ingenium redderet, nec rationes modo, sed et numeros referret. Inde ipse, c. 1. 'Ita non ingenio, sed memoria ac recordatione opus est, ut quæ a præstantissimis viris et excogitata subtiliter et dicta graviter accepi.... dum formam sui quisque et animi, et ingenii redderet, iisdem nunc numeris, iisdemque rationibus persequar, servato ordine disputationis.' Verum licet aliorum ingenio Tacitus indulserit, non ita tamen sui est oblitus. Nonnunquam emicat ejus vis et eloquentia. Multa quoque occurrunt, quæ ejus stylum redolent, ut in notis sæpe supra fuit observatum. Ergo donec validiora argumenta proferantur, ob auctoritatem veterum librorum, quæ maxima esse debet, dialogum hunc Tacito minime abjudicaverim. Suffragatur et Pomponius Sabinus, mediæ ætatis grammaticus, qui unum hujus dialogi locum, Tacitumque auctorem laudat. Vide Testimonia Veterum.

CAP. 1. *Et laude eloquentiæ orbata.* Ita Mss. Vatic. In libris omnibus editis, *deserta*, et *laude orbata*. Unde emendabat Gronov. *defecta ea laude, et orbata*: Schurzfleischius, *diserta, at laude orbata*. Malim, *diserta, at laude eloquentiæ orbata*. Sic emendandum patet tum ex hoc capite, *horum autem temporum disertis*; tum e dialogi fine, c. 41. 'Credite, optimi, et, in quantum opus est, disertissimi viri.' Et sic alibi passim.

Appellamus. In Mss. Vatic. *appellemus*.

Male existimandum sit. Ita Lips. et recentiores e Ms. Farnes. *Sit* abest ab edd. vett. et recte omitteretur.

Si mea sententia. In Mss. Vatic. et edd. vett. *si mihi mea sententia*.

Iisdemque rationibus. Perperam vett. edd. *orationibus*.

CAP. 2. *Curatius Maternus.* Ita Mss. Vatic. In Ms. Farnes. *Curatius*. In libris editis, *accuratius*.

In quantum. Bene Rhenan. et Pithæus. Perperam vett. edd. *in quem*.

Communi eruditione imbutus. In Mss. Vatic. 1862 et 1518. ac vett. edd. *cum eruditione imbutus*. In Ms. Vatic. 4498. *omni eruditione*. Bene emendavit Lips. *communi*.

Et quem pridie. Cop. et abest a Ms. Vatic. et edd. vett. Eam non male addidit Lips. e Cod. Rom.

CAP. 3. *Catonis tui ames.* Bene Lips. Male vett. edd. *Catonis tui aures*.

Apprehendisti. Ita Rhenan. et recentiores. In vett. edd. *deprehendisti*. Lips. et Modius mallent, *reprehendisti*.

Leges tu quidem si volueris. In ed. pr. *leges tu quidem sibi debueris.* Inde Puteolan. quem omnes sunt secuti, emendavit, *si volueris.* Aliter tamen, ac forte melius Mss. Vatic. 1862 et 4498. *leges tu quid Maternus sibi debuerit, et agnosces, &c.* Ita quoque Ms. Vatic. 1518. sed pro *quid Maternus*, habet *quod Maternus.*

Sequenti recitatione. Ita Mss. Vatic. Sic quoque placebat Lipsio. Perperam in libris editis, *tractatione.*

Editionem festino. Mallet Gronov. *gestio.*

Causarum studii. Bene Lips. et Ernest. Male in vett. edd. *curarum.*

Vix sufficeres. Mss. Vatic. *Suffeceris.*

Græcorum fabulis. Mss. Vatic. *Græculorum.*

Aggregares. Mallet eruditus Pithæus, *adgregare.*

CAP. 4. *Desidiam advocationum objicis.* Bene Lips. e Ms. Farnes. Perperam in vett. edd. *desidiam advocamur, quotidianum, &c.*

Defendendæ adversus te poeticæ. Bene adhuc Lips. e Ms. Farnes. In vett. edd. *defendens adversus te poetice.*

Forensium causarum. Ita Mss. Vatic. Sic quoque placebat Schelio et Ernesto. Male libri editi, *forensium musarum.*

CAP. 5. *Modesti iudices.* Ms. Vatic. 1862. *moderati iudices.*

Se excusent. Se abest a libris editis. In ed. pr. antiqua manu recte additum reperi.

Gratia prævalere. Ita edd. vett. et recentiores. Male in Lipsianis libris, *gratiæ.*

Ego enim...arbitrum...inveni...societate plurium. Locum hunc optime restituit P. Pithæus. Corrupte in vett. edd. *et ego enim...arbitrium...inveniri...solicite plurimum defendi.* Bene Ms. Farnes. *societate plurium.* Antiqua quoque manu in ed. pr. emendatum, *inveni.*

Sed et ipsum. Mallet Muret. *sed ipsum.* Rhenan. *sed id ipsum.*

Apud vos. Bene Lips. et Ernest. In vett. edd. *apud eos.*

Parare simul. Mss. Vatic. *parere.*

Adsciscere nationes. Ita libri omnes editi. In Ms. Vatic. 1862. *necessitates.* Mss. Vatic. 1518 et 4498. *necessitudines.*

Factaque nostra. Bene Lips. et Ernest. e libro Rom. In vett. edd. *facta nostra.* Mss. Vatic. 1518 et 4498. *factaque per nostra.*

Quid erit tutius. Ita Puteolan. et recentiores. In Mss. Vatic. *quid est.* Ed. pr. *quid enim.* Acidal. mallet *utilius.*

Ultro feras. Mss. Vatic. et edd. vett. *ferat.*

Prosperè fluentibus. Ita Mss. Vatic. Male vett. edd. *prope fluentibus.* Postea emendatum, *probe.*

Aliorum præsidio. Ms. Vatic. 1862. *profugio.* Mss. Vatic. 1518 et 4498. *perfugio.*

Periculum increpuit. In vett. edd. *periculum irrepit.* Bene Lips. e Ms. Farnes. *increpuit.* Ut apud Cicer. in Catilin. i. 7. *Quidquid increpuerit, Catilinam timeri:* apud Liv. *inde si quid increpet terroris.*

Lorica, aut gladius. Optime Rhenan. In Mss. et vett. edd. *loricæ gladius.*

Eloquentia, præsidium. Ita vett. edd. Sic quoque placebat Acidal. Frustra Lips. et recentiores, *eloquentiæ.*

Vel in judicio. Mallet Muret. *sive in judicio.*

Cui parti. Ita Mss. Vatic. Lips. et recentiores. Male ed. pr. *cui partim*: unde Puteolan. et alii, *cui præsertim*.

CAP. 6. *Uno aliquo.* Ita Mss. Vatic. et sic placebat Schurzfleischio. In libris editis, *uno aliove.* Unde tentabat Gronov. *alterove.* *Unum aliquem diem* dixit Tullius, iv. in Verrem.

Domum suam. Ita Mss. Vatic. *Suam* abest a libris editis.

Neque officii. Ms. Vatic. 1862. *non officii.* Vett. edd. *neque officiis alicujus administrandis.* Quod probabat Schurzfleischius: sed pro *alicujus* tentabat *alius*.

Sibi ipsi dari. Frustra Gronov. *tibi ipsi.*

Illos quinimmo. Mss. Vatic. 1862 et 1518. *istos.*

Et potentes. Ita Lips. e Ms. Absunt ab edd. vett.

Homines veteres. Acidal. debebat, *veteres.*

Urbis gratia. Sic Pithæus et recentiores. In Mss. Vatic. et edd. vett. *orbis.*

Quod optimum sit. Male tentat Gronov. *id quod apud te sit, se non habere.*

Quod gaudium. Mss. Vatic. *quod id gaudium.*

Adsistendique. Mallet Ernest. *dicendique.*

Circumfundi coram. Acidal. et Schelius mallent, *coronam*: probavit Ernest. et edidit.

Quemcumque orator induerit. Ita Lips. et recentiores. In vett. edd. *quacumque orator induerit.* Mallet Schurzfleischius, *quacumque orator respexerit.*

Percenseo. Bene edd. vett. et recentiores. Male in mediis quibusdam, *parva censeo.*

Adfert orationem. Sic libri omnes editi. In Ms. Vatic. 1862. *proferet.* Ms. Vatic. 4498. *fert.* Ms. Vatic. 1518. *proferre.*

Trepidatione animi. Ita Pichena et recentiores omnes. In Mss. Vatic. et edd. vett. *animus.*

Nam in ingenio. Bene Pithæus et Acidal. Præp. abest a vett. edd.

Quamquam alia diu. Mallet Ernest. *quamquam utilia*, vel, *utiliora, quæ serantur.*

CAP. 7. *De me ipse fatear.* Ita edd. vett. et recentiores. In Mss. Vatic. et edd. mediis, *de me ipso.*

Tum habere quod in se, non in alio, oritur. Sic emendavit Illustr. Huet. optime quidem, et aptissime ad mores hujus seculi, quo Stoica vigeant placita. Eorum enim summa est, hæc tantum habere bona, quæ in se, non in alio, oriuntur. Male libri editi, *tum abire quod si non in alio oritur.* Frustra tentabat Pithæus, *tum habere, quod non in alio oritur*; vel, *quod si non aliunde oritur.* Schelius, *tum habere, quod non in alios congeritur*, vel, *confertur*: Schurzfleischius, *tum in cælum abire, quod id non ab alio oritur.* Alii aliter, et æque infelicititer.

Codicillis datur. Ita Mss. Vatic. Libri editi, *in codicillis.* Præp. omittebat quoque Pithæus.

Quæ fama et laus cujusvis artis. Ita Lips. et recentiores omnes. In edd. vett. *quid fama.* Beroald. emendavit, *cujusvis*: antea editum, *cujus.*

Non illustres in Urbe solum. Mss. Vatic. 1862 et 4498. *non illustres et non in Urbe solum.* Ms. Vatic. 1518. *non illustres et non solum.*

Quibus modo recta et indoles est. Ita Mss. Vatic. et optime. Sic Tullius, 1. de Divin. 86. Quintilian. Instit. Orat. vi, 3. ipseque Tacitus inf. c. 10. *modo pro quidem usurpavere.* Perperam libri editi, *quibus morum et indoles est.* Lips. e Romana, nescio qua, editione, laudat, *quibus major indoles.*

CAP. 8. *Non minus esse.* Videtur excidisse, *notos*; idque jam monuere Muret. et Lips. Emendabat Schurzfleischius, *non minoris esse.* Salinerio et Schelio probatur vulgata scriptura: sed immerito.

Nec hoc illi alterive. Sic optime emendavit Illustr. Huet. In libris omnibus editis, *nec hoc illis alterius ter millies.* Unde tentabat Lips. *nec hoc illis, alterius ter millies, alterius bis millies:* Cl. de la Monnoye, *nec hoc illis ulterius.* Rodolphus Agricola, *nec hoc illis utriusque.* In ed. Oxon. Declamationum Quintiliani, an. 1675. in quarum fine additus hic dialogus, *nec hoc illis alterive.*

Sed ipsa eloquentia. Sed abest a vett. edd. Addendum optime viderunt Lips. Freinshem. et recentiores. Antea male distinguebatur, *venisse. Ipsa eloquentia, &c.*

Ad quantam. Mss. Vatic. *ad quam.*

Sed hæc, ut supra dixi, proxima. Bene Lips. e Ms. Farnes. In ed. pr. *sed habet, ut supra dixi, propriam.* Puteolan. *propria.*

Spectanda haberemus. Ita edd. vett. et recentiores. In mediis quibusdam, *habemus.*

Angustia rerum. Ita Puteolan. et recentiores omnes. In Mss. Vatic. et ed. pr. *angustia creptum.* Unde tentabat Rodolphus Agricola, *angustia parentum:* Lips. *angustiae rerum.*

Eos circumsteterunt. Id minus Latine dictum censet Ernest. ut et mox illud *substantia facultatum.*

Potentissimi civitatis. In vett. edd. lacuna est post *potentissimi.* Supplevit Lips. *civitatis.* Supplebat Rodolphus Agricola, *in iudiciiis.*

Patientissimus veri. Vett. edd. *patientissimus vir.*

Ipsi accumulare. Mss. Vatic. *ipsis.*

Imagines, ac tituli. Bene Lips. e Ms. qui sane Farnesianus est. Perperam in vett. edd. *imagines Attali.*

Quam qui fastidiat. Ita Mss. Vatic. et edd. vett. *Qui* male omisum in recentioribus.

CAP. 9. *Utilitates alunt.* Barthius, *Adversaria*, p. 2038. mallet, *utilitate se alunt.* Quasi carmina non tantum præmii auctoribus referrent, quantum in iis sumptus facere necesse sit. At vulgata scriptura retineri potest.

Quæ deinde. Ms. Vatic. 1862. *quæ deinceps.*

Cui bono est. Bene Lips. e Ms. Perperam in vett. edd. *crebro est si apud te.*

Denique ipse. Ipse abest ab ed. pr. Puteolan. supplevit, *aliquis.*

Auditorium. Male Beroald. *adjutorium.*

Recitationem ejus. Bene Lips. In vett. edd. *recitatione.* Ex quo alii emendaverant, *recitationum.*

Illa laus. Ms. Vatic. 1862. *ista.*

Scipsum colere, suum ingenium propitiare. Ita Mss. Farnes. et Vatic. 1862 et 1518. Inde Lips. emendavit et edidit, *suum genium*

propitiare. Forte verius est redundare, *suum ingenium*, vel, *genium*, *propitiare*. Certe hæc enim absunt a vett. edd. Et in Ms. Vatic. 4498. legitur, *seipsum colere, sive ingenium propitiare*. Quod aperte glossema recentemque interpretationem indicat.

CAP. 10. *In totam urbem penetrat? nedum.* Optime Lips. e Ms. in quo erat, *penetrat medium*. Corrupte edd. vett. *penetrat metrum*. *Ad id.* Mss. Vatic. *ad illud*.

Obnoxium sit offendere. Acidal. *mallet, offensæ*. Schurzfleischius, *offensis*.

Pro Catone offendis. Mss. Vatic. *offendes*.

Hinc ingentes....hinc in auditoriis. Utroque in loco Mss. Vatic. *hic*.

In quibus expressis. Tentabat Lips. *in quibus, expressit si quando necessitas*. Probabilius Cl. de la Monnoye, *expressis* mutabat in *expressius*. Vulgata scriptura retineri potest.

CAP. 11. *Et intento ore.* Frustra tentat Acidal. *et intentior*.

Paravi. Corrupte Mss. *parant*. Edd. vett. *parat*.

Aper laudat. Mss. Vatic. *laudaverat*. Melius, *laudare*, ut jam dictum est in notis. Sic quoque placebat Lipsio.

Arte quadam. Acidal. frustra addit, *id arte quadam*.

Efficere aliquid et eniti. Ita Lips. et recentiores. In ed. pr. *efficere ut niti*. Puteolan. omisit, *efficere ut*: retinuit tantum, *niti*.

Improbam. Pichena, *improbatam*. Forte librariorum errore. Nichil enim monet.

Vatinii potentiam. Male libri omnes editi, *vaticinii*. Emendandum, *Vatinii*, recte monuere eruditi viri J. Fr. Gronov. et de la Monnoye.

Ingredi famam. Mss. Vatic. *et ingredi*.

Et hodie. Et abest ab edd. vett. Lips. reposuit e Romano libro.

Me sejungere. Mss. Vatic. et edd. vett. *dejungere*.

Frequentiam salutationum. Schelius et Schurzfleischius mallent, *salutantium*. Sic inf. c. 13. *frenitus salutantium*.

Et egressus. Mallet Pithæus, *et gressus*.

Statum hucusque. Ita emendabat Lips. et bene quidem, et edidit Ernest. Male in Mss. Vatic. et edd. vett. *cujusque*. In mediis edd. *hujusque*. Schultingius mallet, *quoque*.

Innocentia tuor. Non ita bene Pichena, *melius innocentia tuetur*, quam eloquentia.

CAP. 12. *Commoda mortalibus.* Bene Muret. et Schelius emendant, *commendata*. Non ita feliciter Lips. *commodata* vel *comta*.

Lucræ hujus. Male quidam conjiciunt, *luctuosæ*.

Vatibus abundabat. Ita Mss. Vatic. et sic recte coniecerant Muret. et Acidal. Male in libris ante Ernestum editis, *abundat*.

Aut gloria major. Bene Lips. e Ms. Farnes. in quo, *gloria more*. Mss. Vatic. *gloria in ore*. Pessime edd. vett. *nec aut illud clamore....aut angustiae honor*. Sic quoque in Mss. Vatic. post *gloria in ore* est duorum triumve verborum lacuna. Unde forte olim scriptum fuit, *nec ullis aut gloria major unquam contigit, aut angustior honor*.

Illud certe mihi. Ms. Vatic. 1862. *istud*.

Quam qui Virgilii. Ita Mss. Vatic. *Qui* abest a libris editis. Jam up. c. 8. *qui* omissum vidimus.

Aut Varii Thyestes. Ita libri omnes editi. Cum moneat Lips. deesse antiquo illud, *aut Varii*, sane intelligendum est de Ms. Farnes. quo usus est.

CAP. 13. *Et illud felix.* Ms. Vatic. 1862. *istud.* Gronov. autem vel hic lacunam esse, vel emendandum, *et illud secum contubernium*, existimat.

Licet illos. Ms. Vatic. 1862. *istos.*

Et secretum. Mss. Vatic. *et quietum.*

In hac præsenti fortuna. Ita libri omnes editi. In Mss. Vatic. *in hac sua fortuna.* Et forte melius.

Quod timent. Bene Mss. Vatic. In libris editis, *an quod timent?* quod non æque usurpatur ex Latino usu.

In illa sacra illosque fontes. Ms. Vatic. 1862. *ista . . . istos.*

Meus dies veniet. Mss. Vatic. *veniat.*

CAP. 14. *Cum Vipstanius.* Mss. Vatic. *tum.* Perperam vett. edd. *Urbanus* vel *Urbanus*.

Audentior, et poetarum. Male in vett. edd. *audenter.* In recentibus autem perperam omissa cop. *et*, quæ in Mss. Vatic. et vett. edd. occurrit.

Disputationes adjungitis. Ita libri editi. In Mss. Vatic. 1862 et 4498. *assumitis.* In Ms. Vatic. 1518. *et sumitis.*

Et eruditionis et literarum. In vett. edd. *eruditiones.* Rhenan. emendaverat, *eruditionem.* Melius Rodolphus Agricola et Lips. *eruditionis.*

Plurimum ejusmodi. Ita edd. vett. et recentiores. Male Beroald. *plurimum.* Unde Muret. emendabat, *plurimam.*

CAP. 15. *Atque ideo credo.* In Mss. et vett. edd. *antiquis eo credo.* Unde scribendum forte, *contenderes parem antiquis*, conjiciebat Lips. Quod minime probabile. Verius emendavit, *atque id eo credo*; et recentioribus omnibus probatum. Mox perperam vett. edd. *quod malignum* vel *malignius his opinionem*, pro *quod maligni in iis opinionem.* In Ms. Vatic. 1518. *maligne in iis.*

Solutio est. In libris editis, *solatio.* Certe emendandum, *solutio*, ut recte monuere Acidal. et Schurzfleischius.

Contentis scholasticorum. Freinshem. *mallet, continuis.* Vett. edd. *contentus.*

Sacerdos iste Nicetes. Optime Lips. Pessime vett. edd. *Sacerdos iste enitet.*

CAP. 16. *Justius explicaverit.* Mss. Vatic. *explicabit.*

Cogitationes meas. Male Beroald. *cognitiones.*

Si illud. Ms. Vatic. 1862. *istud.*

Significatione ista. Ita Mss. Vatic. et Lips. In vett. et recentioribus edd. *signatione.*

Mille fere et trecentis annis. Recte Mss. Vatic. Male libri omnes editi, *mille fere et cc. annis.*

Immensi hujus ævi. Ita Mss. Vatic. Libri editi, *hujus immensi ævi*; quod paulo durius.

Si, ut Cicero. Ita Mss. Vatic. In ed. pr. *sicut.* Puteolan. emendavit, *si sicut.* Quod durum est.

Cum maxime. Emendabat Muret. *tum maxime.*

Quos nos vocamus. Bene Mss. Vatic. In vet. edd. omissum, quos: in recentibus, quibus prævit Rhenan. *nos.*

Annorum XII M DCCCCLIV. Male libri omnes editi, *annorum XII M DCCCLIV.* Magnus enim annus, auctore Cicerone in Hortensio, complectebatur annos duodecim millia nongentos quinquaginta quatuor. Rem illustrabit definietque Servius.

DE MAGNO ANNO.

MAGNI anni originem explicat Servius ad hunc Virgilii versum, *Æneid.* iii, 284. 'Interea magnum sol circumvolvitur annum.'

Magnum, 'ne putaremus lunarem esse, propterea dixit. Antiqui enim tempora sideribus computabant, et dixerunt primo lunarem annum triginta dierum: unde invenitur in aliquibus vita nongentorum annorum, scilicet lunarium. Postea solstitialis annus repertus est, qui duodecim continet menses. Mox majore cura magnum annum esse voluerunt, omnibus planetis in eundem recurrentibus locum, et hoc fit, ut, diximus, secundum Ciceronis Hortensium, post annos duodecim millia nongentos quinquaginta quatuor, solstitiales scilicet. Bene ergo nunc 'magnum' addidit, ne Lunarem intelligeremus. Bene 'Solis' nomen, ne quia dixerat 'magnum,' illum VII. planetarum acciperemus et Platonicum; de quo varia et a Metone, et ab Eudoxo, et a Ptolemæo, et ab ipso Tullio. Nam in libris de Deorum natura tria millia annorum dicit magnum annum tenere.' In numero duodecim millium nongentorum quinquaginta quatuor annorum concordat vetustissimus Servii Ms. codex, qui fuit olim in bibliotheca collegii Ludovici Magni. Inde erroris arguas, et facile emendes alterum Servii locum, in numeris omnino corruptum. Sic enim ibi Servius ad *Æn.* i, 273. 'Secundum Tullium magnus' annus, 'qui tenet XII DLIV. annos: ut in Hortensio,' 'Et horum annorum, quos in fastis habemus, magnus XII DLIV. annos amplectitur.' Certissime emendandum XII DCCCCLIV. ut patet tum e Tacito, tum ex ipsis, priore loco allatis, Servii verbis, 'hoc fit, ut diximus, secundum Ciceronis Hortensium, post annos duodecim millia nongentos quinquaginta quatuor.' Idem suadet Solinus, c. 33. Sic enim ibi de phœnice. 'Cum hujus vita magni anni fieri conversionem, rata fides est inter auctores: licet plurimi eorum magnum annum non quingentis et quadraginta, sed duodecim millibus nongentis quinquaginta quatuor annis constare dicant.'

Rudi autem adhuc Astronomia, varia fuere juxta varios scriptores magni anni spatia, quæ vide ap. Riccioli, *Almagest.* III, 13. Vol. I. p. 130. et ap. Marshamum, *Canon. Ægypt.* p. 9. In hac majore Astronomiæ luce nondum consentiunt Astronomi. Magnum enim annum Riccioli definit annis 25920. Tycho Brahe annis 25816. Cassini annis 24800.

Huic magnæ annorum conversioni, Platoniorum commentis celebratissimæ, famam addidit iniquis mortalium animus, dum præterita laudat tempora, præsentia fastidit, futura optat speratque semper meliora. De magno anno plura non addiderim, maxime cum hanc

materiam erudite tractaverit Cl. de la Nauze, *Mémoires de l'Académie Royale des Inscriptions*, Vol. xxii. p. 82 sq. Id unum memoraverim, quod non ita compertum. Magnum quoque annum habent Sineses, cum conjunguntur planetæ. Recens inventum, nec usurpatum ante Dynastiam Principum *Han*, quæ imperare cœpit anno 205. ante J. C. Nec constantem apud eos esse magni illius anni durationem, hoc seculo certissime compertum habuimus. Nempe, ut accepimus ex literis Mss. Patris Gaubil Soc. Jesu ab urbe *Peking*, die 25. Octobris, an. 1725. ad Patrem Souciet scriptis, cum Jupiter, Mars, Venus, Mercurius mense Martio, an. 1725. proximassent, Sineses Mathematici statim confinxere quamdam Saturni appropinquationem, eorumque cum Sole Lunaque conjunctionem. Mox Imperatori *Yong-tching* libellos obtulere, et hanc renovationem seculorum ei gratulati sunt. Hac de re publicas quoque magnatum gratulationes excepit Imperator. Ipse illam conjunctionem suis in edictis sæpissime publicavit; et tribunal Mathematicum in memorialibus suis historiæ libris scripsit: 'Anno tertio Imperatoris *Yong-tching*, secunda Luna, fuit septem planetarum conjunctio.' Pater Kegler, Societatis Jesu Mathematicus, pro virili parte enixus est, ut id commentitium et falsum esse Imperatori persuaderet. Prævaluit Sinensis adulatio. Inde manifestum est, quam levissime adversus sacros Hebraicæ Scripturæ libros a nonnullis objiciatur similis conjunctio, quæ fertur contigisse sub Principe *Tchouen-Hiu*. Hujus Imperatoris initia ad an. 2510. mortem ad an. 2433. ante J. C. referunt. Mense autem Martio Lunam secundam numerant Sineses, quod ab ingressu Solis in Pisces, non vero, ut nos, ab ingressu in Taurum, annum incipiunt. Inde quoque, cum Judæi Sineses Scenopegiam, seu festum Tabernaculorum, septima Luna celebrarent, ut diximus sup. p. 512. eadem more Sinico Luna octava numerabatur, ut habet epistola Patris Domenge.

Non solum eodem anno. Bene Mss. Vatic. et edd. vett. Postea omissum, *eodem*. Unde male conjiciebat Pithæus emendandum, *non solum quo nos, sed fere eodem die*.

CAP. 17. *Septimo Idus Decembris.* A Mss. et vett. edd. aberat, *Decembris*. Bene et ex historia supplevit Lips.

Sex et quinquaginta annos. Bene Muret. Male Mss. Vatic. *novem et quinquaginta annos.* Edd. vett. *viii et l. annos.*

Vitellii unum annum. Muret. debebat, *unum*.

Centum et viginti anni. Bene Ms. Vatic. 1518. Ita et Puteolan. Perperam Mss. Vatic. 1862, 4498. ut et ed. pr. *centum et decem anni*.

Ei pugnæ. Bene Pithæus, Muret. et ed. Oxon. sup. laudata. Perperam in omnibus Taciti edd. *et pugnæ*.

Proximo quidem congiario. Nemo miretur priscam rerum memoriam ad congiaria referri, cum vix quidquam in imperio Romano iis fuerit illustrius. Hic ergo, ubi se dat occasio et opportunitas, argumentum, in historia præcipuum, ferme tamen intentatum, tractare operæ pretium est.

DE CONGIARIIS ROMANIS.

Cum adhuc tenuissima foret res Romana, congiis frumenti, vini,

olei, aliarumque id genus rerum, quæ populo dividebantur, publicam gratiam reges quæsiere, nomenque fecere congiariis. Ancus Marcius rex instituto saluberrimo usus est, ut tributis auctoritatem conciliaret: atque, cum salinas institueret, 'salis modios sex mille in congiario dedit populo,' Plin. xxxi, 7.

Publicæ lætitiæ pars maxima semper fuere congiaria. L. Lucullus, 'cum rediit ex Asia millia cadum' vini Græci, 'in congiarium divisit amplius centum,' Plin. xiv, 14. Veterem morem secutus Julius Cæsar, dictator, triumpho sui cœna singulas Falerni amphoras, singulos Chii cados, in singula convivia distribuit. Chium adhuc et Falernum in Hispaniensi triumpho dedit, Plin. ibid. Quanta tunc lætitia, cum populus Romanus, per convivia divisus, inter patriæ triumphantiumque laudes, suam ipse fortunam felicitatemque celebrabat! At plerumque perfida donorum natura. Et Julius Cæsar, qui vitia virtutesque in dominandi artes verterat, congiariis quoque usus est. Nec jam gulæ deliciis, sed, quibus vis acrior, auro argentoque publicam libertatem fregit. Eandem viam iniiit felicior Augustus. Ne eam quidem aspernatus est Tiberius, parcior tamen, quia aliis regnandi artibus validior. Ceteri deinde Principes hac via iere; alii liberalitate, alii consuetudine et prodigalitate; alii avaritia, cum darent, ut audacius auferrent; alii necessitate: plebs enim largitionibus inescata, insolescebat, avida semper, semper egens.

Quanta autem impendia in congiariis Romani Imperatores fecerint explicaturus, præmonuerim congiaria data fuisse plebi Romanæ, ejusque pueris ab undecimo ætatis anno, sæpe etiam minoribus: Augusto Principe, congiaria pervenisse ad civium millia numquam minus quinquaginta et ducenta. Immo ipse anno tributitiæ suæ potestatis duodevicesimo, consul xii. trecentis et viginti millibus plebei Urbanæ dedit. Porro cum, ab Augusti principatu, novi cives in tribus semper adlegerentur, semper ampliatus sit civium numerus, nullum erit amplificationis periculum, si a Julio Cæsare ad Trajanum congiaria ducentis et quinquaginta hominum millibus, a Trajano ad M. Aurelium Antoninum, cum Roma fuit frequentissima et magna Principum liberalitas, trecentis millibus pervenisse computaveris. Postea vel imminuta Urbis frequentia, vel adstricta Principum liberalitas, ut mox in Septimio Severo videbimus. At certe tum etiam congiaria centum quinquaginta millibus hominum pervenere. Immo his rationibus plurimum minuentur congiariorum impensæ. Verum minuere potius, quam augere expedit. Immensa adhuc exsurget pecuniarum summa in congiariis expensa. Adde, ut Imperatoriarum largitionum vim intelligas, quemadmodum populo congiaria, sic militibus donativa fuisse proposita, ac majores plerumque in donativis, quam in congiariis impensas fuisse. His præmonitis, scriptores veteres, nummos, Inscriptiones, ac maxime Ms. Codicem Cæsareæ Bibliothecæ Vindobonensis¹ secutus, Imperatorum congiaria exponam.

¹ Codex ille Ms. est inter Historicis Latinis codices Cæsareæ Bibliothecæ Vindobonensis, numero 548. Illum, a Patre Conrado Janningo, Soc. Jesu, olim descriptum, ex ejus apographo hic referam, quod, præter congiaria, plurima adhuc Romanæ antiquitatis, vel in sua ruditate barbaricæque, atque etiam suos inter errores erudito cuique facile obvios, continet.

C. JULIUS CÆSAR *congiarium dedit denarios centenos*, *Angl. 3l. 6s. 8d.* Ms. Vindobon. De pecuniæ summa consentit Suetonius : at frumentum oleumque data insuper docet. 'Populo præter frumenti denos modios, ac totidem olei libras, tricenos quoque nummos, quos pollicitus olim erat, viritim divisit : et hoc amplius, centenos pro mora.' Suet. Jul. 38.

AUGUSTUS *congiarium dedit ter a cccclxii s.* Athic latet librariorum erratum. Forte scriptum fuit olim x cccclxii s. i. e. *denarios trece nos sexagenos binos cum semisse*, *Angl. 11l. 15s.* Ut ut est, aliunde comperita nobis Augusti congiaria. Nam, præterquam quod Augustus, post mortem Julii Cæsaris, ex ejus testamento plebi Romanæ viritim numeravit sestertios trece nos, *Angl. 12l. 1s. 4d.* ipse Consul V. a. u. c. 700. nomine suo congiarium dedit sestertios quadringenos, *Angl. 3l. 6s. 8d.* Deinde consul X. altero congiario itidem sestertios quadringenos ex patrimonio suo pernumeravit. Tertium congiarium quadringenos adhuc nummos dedit anno tribunitiæ suæ potestatis duodecimo. Singula hæc congiaria pervenerunt ad civium millia numquam minus quinquaginta et ducenta. Singula ergo fuere millies sestertium, seu *Angl. 833,333l. 3s. 8d.* Hisce congiariis alias largitiones addidit Augustus. Consul xii. anno tribunitiæ suæ potestatis duodevicesimo, sexagenos denarios, *Angl. 2l. trecentis viginti millibus plebei Urbanæ dedit.* Tantus autem fuit, ut opinor, plebis Urbanæ numerus quod 'ne minores quidem pueros præterit, quamvis nonnisi ab undecimo ætatis anno accipere consuessent,' Suet. Aug. 41. Consul XIII. sexagenos adhuc denarios dedit plebi, quæ frumentum publicum accipiebat. Ea tunc erant millia hominum paulo plura, quam ducenta. Hactenus Marmor Ancyranum, quod vide sup. in not. et em. ad An. i, 11. Præterea Augustus testamento legavit populo et plebi quadringentis tricies quinquies nummum, *Angl. 362,500l.* ut dictum est sup. An. i, 8.

TIBERIUS, Augusto Principe, cum Germanicum triumphum ageret, a. u. c. 765. 'prandium populo mille mensis, et congiarium trece nos nummos, *Angl. 2l. 10s.* viritim dedit,' Suet. Tiber. 20. Deinde ipse Princeps congiarium dedit, cum Neronem et Drusum patribus commendaret, Suet. Tiber. 54. et Tacit. An. iii, 29. Idem sane est de quo Ms. Vindobon. *congiarium dedit denarios lxxii.* *Angl. 2l. 8s.* Moriens Tiberius legavit populo *quadringentis quinquagies sestertium*, *Angl. 375,000l.* Dio lix, p. 640.

IMPERIA CÆSARUM.

C. JULIUS Cæsar imperavit annos iii. menses vii. dies vi. Congiarium dedit xcc. Occisus Curia Pompeia.

DIVUS OCTAVIANUS Augustus Imp. ann. lvi. m. iiii. d. viii. Cong. ded. ter a cccclxii s. Hoc imp. navis Alexandrina prima in portum Romanum introivit nomine Acatus, quæ attulit frumenti modios cccc. vectores mcc. piper, linteamen, carta, vitria, et opuliscum cum sua sibi base, qui est in Circo maximo, altum pedes lxxxvii s. Excessit Nola.

TIBERIUS Cæsar Imp. ann. xxii. m. vii. d. xxviii. Cong. dedit lxxxii s. Hoc Imp. in civitate Fidenis populo spectante amphitheatrum ruit et oppressit homines rui ccv. Excessit Miseno.

CAIUS CALIGULA *congiarium populo bis dedit trecenos sestertios, Angl. 2l. 10s.* Suet. Caio, 17. Legendum in Ms. Vindobonensi *congiaria dedit denarios septuagenos binos cum semisse, Angl. 2l. 8s.* Præterea de basilica Julia sparsit Caligula aureos et argenteos; in qua rapina perierunt homines *xxxii ccxlvii*. At, ut puto, numeros turbarunt librarii. Emendandum mihi videtur: sparsit aureos et argenteos *xxxii*. i. e. aureorum et argenteorum triginta duo millia, in qua rapina perierunt homines *ccxlvii*.

CLAUDIUS, A. U. C. 798. *congiarium dedit denarios quinos et septuagenos, Angl. 2l. 10s.* Ms. Vindobon. Ita quoque Dio lx, p. 682. qui addit in hac largitione fuisse, qui plus acciperent, nonnullis etiam datos mille ducentos quinquaginta nummos, *Angl. 10l. 8s. 4d.* Postea A. U. C. 804. cum Nero *princeps Juventutis* appellaretur, additum est nomine ejus congiarium, Tacit. Ann. xii, 41.

NERO, Augusti magnificentiam æmulatus, *congiarium dedit quadringenos nummos, Angl. 3l. 6s. 8d.* Ms. Vindobon. et Tacit. An. xiii, 31. Hæc Principis liberalitas nummis celebrari cæpit. NERO CLAUD. CAES. AVG. GERM. P. M. TR. P. IMP. P. P. capite laureato. Ex adversa nummi parte, CONGIAR. DAT. POP. i. e. 'congiarium datum populo,' Nero togatus dat congiarium. In aliis duobus ejus nummis, CONGIAR. II. et CONGIAR. III. i. e. 'congiarium secundum, congiarium tertium.' Unde manifestum est plura fuisse ejus congiaria. Utrum iis annumeretur congiarium ejus nomine a Claudio datum haud dixerim. Nummos vide ap. Harduin. Selecta Opera, p. 721 et 722. Vide et Cl. Vaillant, *Histoire de l'Académie Royale des Inscriptions*, Vol. i, p. 245.

GALBA, senili avaritia, congiarium promisit, non dedit.

OTHO VITELLIUSQUE nec spatium, nec facultatem dandi congiarium habuere, præcipitibus fatis, bellisque civilibus publicas fortunas haurientibus.

VESPASIANUS; pacato terrarum orbe, *congiarium dedit denarios quinos et septuagenos, Angl. 2l. 10s.* Ms. Vindobon. Et, cum filios suos sibi in omnibus æquaret, ut populus Romanus regnatrici domui assuesceret, a Tito Domitianoque congiaria dari curavit. Ex nummis, Titus, consul secundum, A. U. C. 825. congiarium primum

C. CALICULA Imp. ann. iiii. m. viii. d. xii. Cong. dedit *xlxxii s*; et de basilica Julia sparsit aureos et argenteos: in qua rapina perierunt homines *xxxii ccxlvii*. Et spado occisus palatio.

TIBERIUS CLAUDIUS Imp. ann. xiii. m. viii. d. xxvii. Cong. dedit *xlxxv*. Hoc Imp. primum venerarii et malefici comprehensi sunt; homines *xlvi*. mulieres *lxxxv*. ad supplicium ducti sunt. Hic metas in Circo maximo deauravit. Excessit palatio.

NERO Imperator ann. xiiii. m. v. d. xxviii. Cong. dedit *xc*. Hoc Imp. fuit polyfagus, natione Alexandrinus, nomine Arpocras, qui manducavit pauca, aprum coctum, gallinam vivam cum suas sibi pinnas, ova c. pineas c. clavos galligares, vitrea fracta, thallos de scopa palmea, mappas *iiii*. porcellum lactantem, maniculum fœni, et adhuc esuriens esse videbatur. Nero occisus via patinaria.

GALBA Imp. m. viii. d. xii. Cong. promisit, sed non dedit. Hic domum suam deposuit, et horrea Galbæ instituit: decolatus foro Romano jacuit.

OTHO Imp. dies *xc*. Ipse se Brixellis interfecit.

VITELLUS Imp. m. viii. d. xi. Occisus palatio.

DIVUS VESPASIANUS Imp. ann. xi. m. viii. d. xxviii. Cong. dedit *xlxxv*. Hic prior tribus gradibus amphitheatrum dedicavit. Excessit Curis Sabinis.

dedit: T. CAES. VESPASIAN. IMP. PONT. TR. POT. COS. II. capite laureato. In aversa parte CONGIAR. PRIMVM. P. R. DAT. Secundum congiarium dedit anno sequenti Domitianus consul quoque secundum. Sic enim in ejus nummo, CONG. II. COS. II. Tertium eodem anno dedit Titus, atque quidem impensis maximis, quod natu major, triumphator, et imperii heres. Ejus nummi pars prior, ut supra. In altera parte, CONG. TER. P. R. IMP. MAX. DAT. SC. i. e. 'congiarium tertium populo Romano impensis maximis datum; senatusconsulto.' Hoc memorat Tacit. Dialog. de Orat. c. 17. Nummos vero vide ap. Mediobarbum, p. 121. Harduin. l. c. p. 733. Vide et Cl. Vaillant, l. c.

TITUS, deliciae generis humani, principatum adeptus, at præpropere morte raptus, *congiarium promisit, et non dedit.* Ms. Vindobon. Habetur quidem inter Arschothanos nummos, Tab. xxix, n. 20. nummus unus Titi, jam Principis, et consulis octavum, IMP. T. CAESAR. VESP. AVG. P. M. TR. P. P. COS. VIII. In aversa parte CONGIAR. TER. P. R. IMP. DAT. Verum nummus iste suspectæ est fidei, et, ut videtur, ad exemplum nummi supra laudati expressus.

DOMITIANUS *congiarium ter dedit denarios quinos et septuagenos, Angl. 2l. 10s.* Ms. Vindobon. Idem habet Suet. Domit. 4. In ejus nummis memorantur congiaria data sub ejus consulatu II. de quo modo dictum est, et sub ejus consulatu XI. Tertium congiarium in ejus nummis nondum repertum. Nec congiariorum numerus in his nummis signatur. Vide Cl. Vaillant, l. c.

NERVA *congiarium quoque dedit denarios quinos et septuagenos,* Ms. Vindobon. Alia daturus, si diutius vixisset. Fidem facit ejus nummus, IMP. NERVA CAES. AVG. P. M. TR. P. COS. II. P. P. In aversa parte, CONGIARIUM PR. SC. i. e. 'congiarium primum, senatusconsulto.' Vel moriens, egregiam voluntatem testatus est; *et funeraticum plebi Urbanae instituit denarios sexagenos binos cum semisse, Angl. 2l. 1s. 4d.* cum assibus aliquot. Hæc autem in ejus funere fuisse data, non vero singulis annis emortuali die solvenda, crediderim.

TRAJANUS, ex Hispania oriundus, primus exterorum, imperio Romano potitus est. Ne Romanorum Principum maueret desiderium, priores dominos vicit donorum magnitudine; *congiariaque dedit nummos sexagenos quinquagenos, Angl. 5l. 8s. 4d.* Ms. Vindobon. Noli tamen existimare hæc data fuisse unico congiario. Nimia foret

DIVUS TITUS Imp. ann. viii. d. xii. Cong. promisit, sed non dedit. Hic amphitheatrum a tribus gradibus patris sui duos adjecit. Excessit Curis Sabinis, cubiculo patris.

DOMITIANUS Imp. ann. xvii. m. v. d. v. Cong. dedit ter xlxxv. Hoc Imp. multa opera publica fabricata sunt: atria vii. horrea piperataria, ubi modo est Basilica Constantiniana, et forum Vespasiani, templum castrorum et Minervæ, portam Capenæ, gentem Flavianam Divorum, Iseum et Serapeum, Minervam Calcidicam, Synodum Minucium, veterem stadium, et Termas Titianas et Trajanas, amphitheatrum usque ad clypea, templum Vespasiani et Titi, capitolium, senatum, ludos iiii. palatium, metam sudantem, et Panteum. Occisus palatio.

NERVA Imp. ann. v. m. iiii. d. unum. Cong. dedit xlxxv. et funeraticum plebi Urbanae instituit xlxxv. Excessit hortis Sallustianis.

TRAJANUS Imp. ann. xix. m. iiii. d. xxvii. Cong. dedit xdcx. Hoc Imp. mulieres in Thermis Trajanis laverunt vii. Idus Julias. Excessit Seliuntu.

summa. Præterea in ejus nummis tria memorantur congiaria. Primum, primo ejus imperii A. U. C. 851. datum: IMP. CAES. NERVA TRAIAN. AVG. GERM. P. M. TR. P. capite laureato. In postica parte, COS. II. P. P. CONG. PR. I. E. 'consul secundum, pater patriæ, congiarium primum.' Infra sc. i. e. 'senatusconsulto.' Istud est congiarium, quod maximis laudibus extulit Plin. in Panegyric. c. 25, 26, 27 et 28. hac de re omnino legendus, ut et congiariorum ratio cognoscatur, et intelligatur quantum caverit Princeps optimus, ne quis liberalitatis suæ expers fieret. Postea, cum consul fuisset quintum, duo alia dedit congiaria. In ejus nummis, COS. V. CONGIARIUM SECUND. et COS. V. CONGIARIUM TERTIUM. Ne tamen existimes eodem anno data. Nam inter quintum et sextum Trajani consulatum novem anni intercessere. Nummos vide ap. Harduin. ibid. p. 747 sq. Ad primum Trajani congiarium pertinere mihi videtur elegantissima Inscriptio, quæ adservatur Romæ in Museo Collegii Romani, quamque Philippus Bonanni exhibet in Museo Kircheriano, p. 103.

D. M.

EVTYCHETI FILIO

QVI VIXIT ANN. VI

DIEBUS VI. INCISVS

INGENVVSQVE ACCEPIT

CONGIARIUM XC.

FECIT PATER BE

NE MERENTI.

Nempe Eutyches, ingenuus quidem, sed infans parvulus, in liberalitatis tesseras incisus est, et Congiarium accepit denarios centum *Angl. 3l. 6s. 8d.*

HADRIANUS, in quo magis fuere virtutum imagines, quam ipsæ virtutes, Trajani liberalitatem æmulatus est. Nondum in Urbem venerat, jam ternos aureos, *Angl. 2l. 12s. 6d.* populo viritum dari absens curaverat. Deinde in Urbe duplex congiarium præsens dedit: et, ut maximam liberalitatis famam pararet, 'infinitam pecuniam, quæ fisco debebatur, privatis debitoribus in Urbe atque in Italia, in provinciis vero etiam ex reliquis ingentes summas remisit, syngraphis in foro divi Trajani, quo magis securitas omnibus roboraretur, incensis,' Spartian. in Hadrian. c. 7. Quæ debebantur a sedecim annis, nempe ab A. U. C. 855. ad an. 871. fuisse remissa docet Dio LXIX, p. 791. Summa autem reliquorum, quæ remissa sunt, fuit novies millies sestertium, *Angl. 7,500,000l.* teste præstantissimo Hadriani nummo, cujus in antica parte: IMP. CAESAR TRAIANVS HADRIANVS AVG. P. M. TR. P. COS. II. capite laureato: in postica, RELIQUA VETERA HS NOVIES MIL. ABOLITA. SC. Hadrianus stans faciem tenet et syngraphas incendit. Juvat quoque ex Mss. schedis Sirmondi adtexere Inscriptionem, quæ fuit in col. Trajani, teste Jo. de Marcha nova.

ADRIANUS Imp. ann. xx. m. x. d. XIII. Congiarium dedit XM. Hoc Imp. templum Romæ et Veneris fabricatum est. Excessit Bais veteribus.

S. P. Q. R.

IMP. CAES. DIVI TRAIANI PARTHICI F.
 DIVI NERVAE NEPOTI TRAIANO HADRIANO
 AVG. PONT. MAX. TRIB. POT. II. COS. II.
 QVI VNVS OMNIVM PRINCIPVM ET SOLVS
 REMITTENDO SESTERTIVM NOVIES MILLIES
 CENTENA MILLIA N. DEBITVM FISCIS NON
 PRAESENTES TANTVM CIVES SVOS SED
 ET POSTEROS EORVM PRAESTITIT

HAC LIBERALITATE SECVROS.

Ob tantas autem largitiones dictus est Hadrianus LOCUPLETATOR ORBIS TERRARVM. Toto principatu septem congiaria dedit. Tunc primum obsolescere cœpit congiarii nomen, liberalitatis usurpatum. Inde in Hadriani nummis LIBERALITAS AVG. LIBERALITAS AVG. III. LIBERALITAS AVG. IIII. i. e. 'liberalitas Augusti, tertia, quarta.' Nummos vide ap. Harduin. l. c. p. 756 sq. Vide et Cl. Vaillant, l. c. p. 246. Congiarii secundi, CONG. II. nummum habet Occo p. 224. His autem congiariis, liberalitatibusve, ab Hadriano datos fuisse denarios millenos, *Angl.* 33l. 6s. 8d. docet Ms. Vindobon.

ANTONINUS PIUS, quo principe prosperrima fuit res Romana, benevolentiam populi Romani fovit continuis liberalitatibus. Novem numerantur in ejus nummis, quarum ultima æque inscribitur LIBERALITAS AVG. VIII. COS. IIII. et CONG. AVG. VIII. COS. IIII. i. e. 'congiarium Augusti nonum, consulis quartum.' In his congiariis dati denarii octingeni, *Angl.* 26l. 13s. 4d. Ms. Vindobon.

LUCIUS VERUS, quem M. Aurelius Antoninus, egregio magis, quam laudabili exemplo, imperii socium fecerat, congiaria dedit denarios quadringenos, *Angl.* 13l. 6s. 8d. Ms. Vindobon. In nummis quatuor congiaria a Lucio Vero data memorantur. Lucium vero ea dedisse cum M. Aurelio Antonino testantur utriusque Imperatoris nummi. In nummo enim Lucii Veri, cuso A. U. C. 914. LIB. AVGSTORVM. i. e. 'liberalitas Augustorum.' Nummus quoque M. Aurelii Antonini cusus est A. U. C. 921. CONG. AVG. IIII. in cujus postica parte duo Imperatores e suggesto congiarium dant populo. Vide Cl. Vaillant, l. c. p. 246. et Harduinum, ibid. p. 777 et 781.

M. AURELIUS ANTONINUS, ut omnes Principes sapientia, sic liberalitate vicit. Hanc egregio dono testatus est A. U. C. 917. tribunitiæ suæ potestatis octavodecimo; sic enim explicandus mihi videtur Eusebius in Chronic. ad annum XVIII. 'Imperatores multis multa largiti sunt, et pecuniam, quæ fisco debebatur, provinciis concedentes, tabulas debitorum in medio Romanæ urbis foro incendi fecerunt.' Tunc M. Antoninus omnia, quæ ab annis quadraginta sex, nempe ab A. U. C. 871. fisco et ærario debebantur, remisit, L. Vero imperii et

ANTONINUS PIUS Imp. ann. XXII. m. VIII. d. XXVIII. Cong. dedit x pccc. Hoc Imp. Circensibus Apollinaribus parte iterum columna ruit et oppressit homines MCXI. Excessit Lorio.

DIVUS VERUS Imp. ann. VII. m. VIII. d. XII. Cong. dedit xccc. Hoc Imp. scrofa porcellum peperit infigiem elephanti. Excessit Altino.

MARCUS ANTONINUS Imp. ann. XVIII. m. XI. d. XIII. Cong. dedit x pcccl. Hoc Imp. instrumenta debitorum fisci in foro Romano arserunt per dies xxx. Excessit Pannonia superiore.

liberalitatis socio. Quod perperam Dio lxxi, p. 814. ad annum 929. retulit, cum solus imperaret Antoninus. Quanta autem pecuniæ vis tunc remissa fuerit, æstimari potest ex iis, quæ supra in Hadriano retulimus. Præterea Antoninus *congiaria dedit denarios octingenos quinquagenos*, *Angl.* 28l. 6s. 8d. Ms. Vindobon. Hæc data septem liberalitatibus, in quarum ultima largitus est octonos aureos, *Angl.* 8l. Numquam antea tanta liberalitate donatus fuerat populus Romanus, teste Dione, loc. cit. Qua ejus observatione demonstratur, quod ante monuimus, numeros codicis Ms. Vindobonensis de multis congiariis, non de unico, esse accipiendos. Septimæ autem hujus liberalitatis memoria extat in nummo Mediceo ap. Eminentissimum Noris, Epist. Consular. p. 119. M. ANTONINVS AVG. TR. P. XXIX. capite laureato. In aversa parte LIBERALITAS AVG. VII. Postea cum M. Antoninus filium suum L. Aurelium Commodum imperii consortem fecisset, novam addidit liberalitatem, sed filii sui nomine, ut ejus favor cresceret. Inde in nummo Commodi COS. II. TR. P. V. LIB. AVG. i. e. 'liberalitas Augusti.'

M. AURELIUS COMMODUS *congiaria dedit populo denarios octingenos quinquagenos*, *Angl.* 28l. 6s. 8d. Ms. Vindobon. Octo ejus liberalitates in nummis memorantur: quarum multæ fuere *denariorum centenorum quadragenorum* *Angl.* 3l. 13s. 4d. Dio lxxii. p. 825. Inde explices emendesque Lampridium in Commodio, c. 16. 'Congiarium dedit populo, singulis denarios septingenos vicanos quinos,' *Angl.* 24l. 3s. 4d. Congiarium generatim universimque dicitur, nec unicum est intelligendum, quod non advertit eruditus Reimar in Notis ad Dionem. Præterea cum octo liberalitates dederit Commodus, earumque multas denariorum cXL. numeros codicis Ms. Vindobonensis, quam Lampridii, probabiliores crediderim. Illarum autem octo liberalitatum nummos vide ap. Harduin. ibid. p. 793. Septem tantum liberalitates numerabat Cl. Vaillant, l. c. p. 246.

P. HELVIUS PERTINAX *congiaria dedit denarios centenos quinquagenos*. *Angl.* 5l. Ms. Vindobon. Aliter quidem Dio lxxiii, p. 832. et Capitolinus in Pertinace, c. 15. 'congiarium dedit populo denarios centenos.' Non ita tamen a Ms. Vindobonensi dissentiant, si attenderis Capitolinum prius dixisse, cap. 7. 'donativa et congiaria, quæ Commodus promiserat, solvit.' Nempe Pertinax congiarium dedit denarios centenos. Extat hæc liberalitas in nummo Pertinacis LIB. AVG. TR. P. COS. II. Quinquageni autem ceteri denarii in solvendis congiariorum a Commodio promissorum reliquiis expensi.

SALVIUS JULIANUS brevitate imperii congiarium non dedit: ne promissum quidem militibus donativum repræsentavit; ideoque interfectus.

SEPTIMIUS SEVERUS *congiaria dedit denarios millenos centenos*, *Angl.* 36l. 13s. 4d. Ms. Vindobon. Octo Septimii Severi liberalitates in nummis memorantur, teste Cl. Vaillant, l. c. p. 246. Insignis

COMMODUS Imp. ann. XVI. m. VIII. d. XII. Cong. dedit x dcccL. Hoc Imp. terræ Commodianæ dedicatæ sunt. Excessit domo Victiliana.

PERTINAX Imp. dies LXXV. Cong. dedit x cL. Excessit palatio.

JULIANUS Imp. dies LXV. Occisus palatio.

DIVUS SEVERUS Imp. ann. XVII. m. XI. d. XXVII. Cong. dedit x mC. Hoc Imp. Septisonium et terræ Severianæ dedicatæ sunt. Excessit Britanniæ.

maxime tertia, cum imperii decennalia celebraret A. U. C. 955. Plebi enim, quæ frumentum publicum accipiebat, et prætorianis, denos aureos, *Angl.* 10l. divisit. Sic datum bis millies sestertium, *Angl.* 1,666,666l. 13s. 4d. Numquam antea tantum populus viritim acceperat. Dio lxxvi, p. 859. Inde autem patet, quod observatu dignum, numerum plebis, quæ frumentum publicum accipiebat, imminutum esse ab Augusti temporibus. Tunc enim fuere, ut supra diximus ex marmore Ancyrano, paulo plura, quam hominum ducenta millia. Nunc fuere tantum paulo plura, quam centum nonaginta millia.

SEPTIMIUS GETA, cum Princeps fuit, congiarium non dedit, a fratre suo Antonino Caracalla brevi interemtus. Dederat ante, vivo patre Septimio Severo, a quo cum fratre suo in imperii societatem adsumtus fuerat. Testes sunt nummi tum Getæ, tum Caracallæ, inscripti LIBERALITAS AVGG. VI ET V. i. e. 'liberalitas Augustorum sexta et quinta : ' sexta Caracallæ, ut ex alio ejus nummo constat, quinta Getæ. Nummos vide ap. Harduin. *ibid.* p. 807 sq. et Cl. de Boze, qui supplevit Dissertationem Cl. Vaillant, l. c. p. 247.

ANTONINUS CARACALLA *congiaria dedit denarios quadringenos*, *Angl.* 13l. 6s. 8d. Ms. Vindobon. In nummis nona Caracallæ liberalitas memoratur, teste Cl. de Boze, l. c. p. 247. Non quod novem liberalitates dederit Princeps Caracalla, sed quod nona sit a prima, quam dederat pater ejus Septimius Severus A. U. C. 948. Sic enim explicandi mihi videntur nummi tum Severi, tum filiorum ejus Caracallæ et Getæ, quos vide ap. Harduin. l. c.

MACRINUS *congiarium dedit denarios centenos quinquagenos*, *Angl.* 5l. Ms. Vindobon. et Dio lxxviii, p. 902. Congiarium illud habent quoque nummi, teste Cl. de Boze, l. c. p. 247.

ANTONINUS ELAGABALUS *congiaria dedit denarios duccenos quinquagenos*, *Angl.* 8l. 6s. 8d. Ms. Vindobon. In nummis tres celebrantur ejus liberalitates. Vide nummos ap. Harduin. *ibid.* p. 814. et Cl. de Boze, l. c. p. 247.

SEVERUS ALEXANDER *congiaria dedit denarios sexcenos*, *Angl.* 20l. Ms. Vindobon. Quinque ejus liberalitates numerantur in nummis, quos vide ap. Harduin. *ibid.* p. 819 sq. et Cl. de Boze, l. c. p. 247.

MAXIMINUS *congiarium dedit denarios centenos quinquagenos*,

GETA Imp. menses x. d. xi. Occisus palatio.

ANTONINUS MAGNUS Imp. ann. vi. m. ii. d. xv. Cong. dedit x cccc. Hoc Imp. januæ Circi ampliatæ sunt, et termæ Antonianæ dedicatæ sunt. Hic suam matrem habuit. Excessit inter Edissam et Carras.

MACRINUS Imp. anno uno, m. iiii. d. ii. Cong. dedit x cl. Hoc Imp. amphitheatrum arsit. Occisus Arcelaïda.

ANTONINUS ELAGABALUS Imp. ann. vi. m. viii. d. xviii. Cong. dedit x ccl. Eliogabalion dedicatum est. Occisus Romæ.

ALEXANDER Imp. ann. xiii. m. viii. d. ix. Cong. dedit x cc. Hoc Imp. fuit polyfagus, natione Italus, qui manducavit pauca, cistam, lactucas, vascellum Sardinarium, Sardas x. melopepones lxx. tallos de scopa palmea, mappas iiii. panes castrenses iiii. cistam, cardos cum suas sibi spinas et ebibit vinum Græcicum plenius, et venit ad templum Saturæ et ebibit labrum plenum, et adhuc esuriens esse videbatur. Et termæ Alexandrinæ dedicatæ sunt. Alexander occisus Moguntiaci.

MAXIMINUS Imp. ann. iiii. m. iiii. d. duos. Cong. dedit x cl. Hoc Imp. magna pugna fuit cum Romanis et Prætorianis. Occisus Aquileia.

Angl. 5l. Ms. Vindobon. Extat quoque in nummis illud congiarium, teste Cl. de Boze, l. c. p. 247.

GORDIANI duo, nempe Gordianus senior ejusque filius, in quadam principatus imagine extincti sunt, Herodian. vii, 9.

PUPIENUS et BALBINUS congiarium dederunt denarios duceños quinquagenos, *Angl. 8l. 6s. 8d. Ms. Vindobon.* Inde in nummis tum Pupieni, tum Balbini, LIBERALITAS AVGVSTORVM. Vide et Cl. de Boze, l. c. p. 247. Immo cum Gordianus, de quo mox dicetur, fuisset quoque appellatus Augustus, in uno e Pupieni nummis non modo legitur LIBERALITAS AVGVSTORVM sc. sed ibi quoque tres sedent Augusti, Pupienus scilicet, Balbinus et Gordianus.

GORDIANUS, Gordiani nepos, congiaria dedit denarios treceños quinquagenos, *Angl. 11l. 13s. 4d. Ms. Vindobon.* In ejus nummis liberalitates quinque reperit Cl. de Boze, l. c. p. 247. Prima sane fuit, de qua supra dictum est sub Pupieno. Patet ex Ms. Vindobonensi has Gordiani largitiones historicis non fuisse ignotas, ut existimavit Harduin. l. c. p. 829.

PHILIPPI duo, Philippus pater et filius, congiaria dederunt denarios treceños quinquagenos, *Angl. 11l. 13s. 4d. Ms. Vindobon.* Tres sunt in eorum nummis liberalitates.

TRAJANUS DECIUS congiarium dedit denarios duceños quinquagenos, *Angl. 8l. 6s. 8d. Ms. Vindobon.* Cujus liberalitatis extat nummus.

TREBONIANUS GALLUS et VOLUSIANUS congiarium dederunt denarios duceños quinquagenos, Ms. Vindobon. In utriusque nummis habetur hæc liberalitas AVGG. i. e. 'Augustorum.'

EMILIANUS obscurissime natus, obscurius imperavit: ac tertio mense extinctus est, Eutrop.

VALERIANUS et GALLIENUS. Gallienus congiaria dedit denarios millenos duceños et quinquagenos, *Angl. 41l. 13s. 4d. et binionem aureum*, i. e. et viritum divisit nummum duos aureos valentem, seu *Angl. 2l.* Ex his vero congiariis tria dedit Gallienus cum Valeriano, ut constat ex multis tum Gallieni tum Valeriani nummis, in quibus CONCORDIA AVGVSTOR. Capita adversa Valeriani et Gallieni. Ex aversa parte, LIBERALITAS AVGG. In aliis LIBERALITAS AVGG. III. i. e. 'liberalitas Augustorum tertia.' Quartam addidit solus Gallienus, cujus nummus extat ap. Cl. Banduri, 'Numismata Imperatorum Romanorum,' Vol. 1. p. 133. LIBERALITAS AVGG. IIII.

DUO GORDIANI Imp. dies xx. Excesserunt Africæ.

PUPIENUS et BALBINUS Imp. dies xcix. Cong. dederunt x ccl. Occisi Romæ.

GORDIANUS Imp. ann. v. m. v. d. v. Cong. dedit x ccl. Hoc Imp. mula homines comedit. Agonem Minervæ instituit. Excessit finibus Parthiæ.

DUO PHILIPPI Imp. ann. v. m. v. d. xxix. Cong. dederunt x ccl. Hi seculares viros in Circo maximo ediderunt. Occisus senior Verona, junior Romæ in castris Prætorii.

DECIUS Imp. ann. unum, m. xi. d. xviii. Cong. dedit x ccl. Hoc Imp. terræ Commodianæ dedicate sunt. Occisus prætorio abrupto.

GALLUS et VOLUSIANUS Imp. ann. ii. m. iiii. d. ix. Cong. dederunt x ccl. His Imp. magna mortalitas fuit. Occisi in foro Flamini.

EMILIANUS Imp. dies lxxxviii. Occisus Ponte sanguinario.

GALLIENUS cum VALERIANO Imp. ann. xiii. m. iiii. d. xxviii. Valerianus occisus in Syria. Gallienus Cong. dedit x ccl. et binionem aureum. Occisus Mediolano.

POSTUMUS, qui purpuram ceteraque Imperatorum Romanorum sumsit, congiarium quoque dedit, ut patet ex ejus nummis POSTVMVS PIVS AVG. In aversa parte, LIBERALITAS AVG.

CLAUDIUS GOTHICUS *congiarium dedit denarios duceños quinquagenos*, Angl. 8l. 6s. 8d. Ms. Vindobon. In ejus nummis IMP. C. CLAVDIVS AVG. Ex aversa parte, LIBERALITAS AVG.

QUINTILLUS *congiarium promisit, sed non dedit*, Ms. Vindobon. Inde forte suspectus videbitur nummus, cujus meminit Cl. Banduri, ibid. Vol. II. p. 361. IMP. C. M. AVR. CL. QVINTILLVS AVG. In aversa parte, LIBERALITAS AVG. Adde nummum illum esse incerti moduli, et in cujus cimelio reperiatur ignorari. Illum tamen nummum memorat quoque Cl. de Boze, l. c. p. 248. At erravit vir in re nummaria peritissimus, cum existimavit aut nulla ab Imperatoribus Romanis postea data fuisse congiaria, aut eorum nummos non extare.

AURELIANUS *congiarium dedit denarios quingenos*, Angl. 16l. 13s. 4d. Ms. Vindobon. Nulla extat in nummis memoria.

TACITUS, FLORIANUS, PROBUS, CARUS, congiaria non dedere, Ms. Vindobon. Multi tamen extant nummi Imperatoris Cari cum inscriptione ABVNDANTIA AVG. Sed forte nec viritum, nec plebi has largitiones divisit.

CARINUS et NUMERIANUS *congiaria dederunt nummos quingenos*, Angl. 16l. 4s. 2d. Tunc congiaria dici cœpere *abundantia*. Inde in nummis tum Carini, tum Numeriani, ABVNDANTIA AVGG. Abundantia e cornu copiae effundit nummos.

DIOCLETIANUS et MAXIMIANUS HERCULIUS *congiarium dederunt nummos millenos quingenos quinquagenos*, Angl. 50l. 5s. præterea *sparserunt in Circo aureos et argenteos*, Ms. Vindobon. Ap. Cl. Banduri, ibid. Vol. II. p. 25 et 67. exhibentur eorum nummi in-

CLAUDIUS Imp. ann. unum, m. III. dies XIII. Cong. dedit x ccl. Excessit Sirmi.

QUINTILLUS Imp. dies LXXVII. Cong. promisit, sed non dedit. Occisus Aquilegia.

AURELIANUS Imp. ann. v. m. III. d. xx. Cong. dedit x d. Muro Urbem cinxit. Templum Solis et castra in camp. Agrippæ dedicavit: Genium populi Romani aureum in Rostra posuit. Porticus terrarum Antoniniarum arserunt, et fabricatum est. Panem, oleum et salem populo jussit dari gratuite. Agonem Solis instituit. Occisus Rheno fluvio.

TACITUS Imp. m. VIII. d. XII. Occisus Ponto.

FLORIANUS Imp. dies LXXXVIII. Occisus Tarso.

PROBUS Imp. ann. VI. m. II. d. XII. Hoc Imp. senatores agitaverunt in Circo maximo missus quatuordecim. Occisus Sirmii.

CARUS Imp. m. x. d. v. Excessit Seleucia Babilonis.

CARINUS et NUMERIANUS Imp. ann. II. m. XI. d. II. Cong. dederunt x d. His Imp. fames magna fuit; et operæ publicæ arserunt, senatum, forum Cæsaris primo in (*eruditus Eccardus edidit* forum, Cæsaris patrimonium) basilicam Juliam, et Græcostadium. Occisus campo Margense.

DIOCLETIANUS et MAXIMIANUS Imp. ann. XXI. m. XI. d. XII. Cong. dederunt x mdl. His Imp. multe operæ publicæ fabricatæ sunt. Senatum, forum Cæsaris, basilica Julia, scena Pompeii, porticos II. nympha II. templa II. Iseon et Serapeon, arcum novum, terras Diocletianas. Sparserunt in Circo aureos et argenteos. Parte itorum (*Cl. Eccardus edidit* Ponte Idorum) podium ruit, et oppressit homines XIII. Et mater nomine Irene peperit pueros tres et puellam. Regem Persarum cum omnibus gentibus et tunicas eorum ex margaritis numero XXII. circa templa Domini posuerunt. Elephantes XIII. agitatores VI. equos ccl. in Urbem adduxerunt. Excessit Diocletianus Salonas. Maximianus in Gallia.

scripti ABUNDANTIA AVGG. A. B. T. i. e. ut videtur, 'abundantia Augustorum prima, secunda, tertia.'

CONSTANTIUS et GALERIUS MAXIMIANUS Diocletiani et Maximiani Herculli liberalitatem æmulati sunt. Datum bis congiarium nummos millenos quingenos, *Angl. 48l. 12s. 6d.* testatur Ms. Vindobon. Ad has liberalitates forte pertinet rarissimus Maximiani Herculli nummus, quem memorat Harduin. *Selecta Opera*, p. 450. MAXIMIANVS P. F. AVG. capite radiato. In postica parte, ABUNDANTIA AVGG. ET CAESS. NN. Dea effundit pecuniam, excipiente eam ante pedes homine supplice. Post Constantium et Maximianum nulla memorantur congiaria. Nusquam in nummis apparent nomina, CONGIARIVM, LIBERALITAS, ABUNDANTIA. Divisum enim imperium nihil ferme veteris magnificentie retinuit.

Nec dividatis. Mallet Acidal. *ne dividatis.* At nihil peccat vet. script.

CAP. 18. *Antiquos merito vocaremus.* Melius in Mss. Vatic. *quosque alios merito antiquos vocaverimus.*

Impoliti. Corbinelli emendabat, *incompositi.*

Utinam nulla parte imitatus esset. Ita Mss. Vatic. Male vet. edd. *utinam imitatus esset.* Lips. et recentiores emendaverant, *imitatus non esset.*

Mutari cum temporibus. Ita vet. edd. et recentiores. In mediis quibusdam, *mutare*: quod quidem Latinum est. Sic enim Liv. xxxix, 51. 'Mores quidem populi Romani quantum mutaverint, vel hic dies argumento erit.'

Formas quoque. Ita Mss. Vatic. A libris editis abest, *quoque.* Mox cap. seq. *formam quoque ac speciem.*

Sic Catoni. Ita Mss. Vatic. In vet. edd. *sicuti Catoni.* In recentioribus, *sicut.*

CONSTANTIUS et MAXIMIANUS Imp. ann. xvi. m. viii. d. xii. Cong. dedit bis x md. Constantius excessit in Gallia. Maximianus in Dardania.

SEVERUS Imp. ann. iiii. m. iiii. d. xv. Ipse se interfecit via Latina, miliario iiii.

MAXENTIUS Imp. ann. vi. Hoc Imp. templum Romæ arsit et fabricatum; et terras in palatio fecit, et Circum in Catacumbas. Fames magna fuit. Romani traxerunt militem Mæsiacum et occisi sunt Romani a militibus homines vi. Romanis omnibus aureum indixit et dederunt. Fossatum ferunt, sed non perfecit. Occisus ad pontem Malvium in Tiberim.

MAXIMIANUS Imp. ann. ix. m. viii. d. vi. Occisus Tarso.

LICINIUS Imp. ann. xv. m. iiii. d. xvi. Occisus Thessalonica.

Hactenus Ms. codicem Vindobonensem cum suis erroribus representavi, ne insititiis emendationibus hiaret magis, quam illustraretur. Nunc vero, ubi nullum est obscuritatis periculum, quædam in exemplum corrigam, aut explicabo; pluribus immorari longius foret et supervacaneum.

In Augusto, *vitria* et *opoliscum* pro *vitrea* et *obeliscum*.

In Claudio, *venerarii* pro *venenarii*.

In Nerone, *clavos galligares* pro *clavos caligares*, qui militum caligis substernebantur.

In Vero, *infigiem* pro *in effigiem*.

In Alexandro, *cistam*, *luctucas* intelligo *cistam lactucis plenam*. *Cistam*, cardos cum suis sibi spinas, i. e. *cistam plenam carduis cum eorum spinis*.

In Carino et Numeriano, *primo im* mendose scriptum videtur pro *scena Pompeii*, ut conjicere est ex iis quæ sequuntur in Diocletiano.

In Diocletiano, *parte itorum* scriptum videtur pro *parte iterum*.

Pro Catone. Groslotius mallet, *præ Catone.* Ita quoque Schurzfleischius, vel, *magis*, omittendum censet.

Sed supra modum. Ita Mss. Vatic. *Sed* abest a libris editis.

Ne Ciceroni quidem. Vett. edd. *nec Ciceroni quidem.* Emendandum *ne* recte monuit Gronov.

Parum Atticus. In vett. edd. et Mss. Vatic. *parum antiquus.* Sed perperam, ut patet ex c. 22. *priores ejus orationes non carent vitiis antiquitatis.* Lips. optime emendavit, *Atticus.* Male tentat Schurzfleischius, *parum natus.*

Legistis utique. Sic Mss. Vatic. ac bene quidem; ut cap. sup. *dividatis seculum.... vocetis oratores.* Male libri editi, *legisti.*

Nunc mihi. Bene Lips. et recentiores. Perperam vett. edd. *nec mihi.*

CAP. 19. *Quatenus antiquorum.* Frustra tentat Schurzfleischius, *hactenus antiquorum.* *Quatenus* jam usurpatum vidimus sup. An. iii, 16.

Ad Cassium Severum. Puto emendandum, ut in notis dixi, *hunc velut terminum antiquitatis constituere solent usque ad Cassium Severum, quem reum faciunt, quemque primum adfirmant, &c.* Vulgata enim scriptura, *quem usque ad Cassium, &c.* est Puteolani. In editione princeps, *constituere solent: qui usque ad Cassium quem reum faciunt: quem primum, &c.* In Mss. Vatic. *ad Cassium Severum quem reum faciunt, quem primum affirmant, &c.* Unde, *quem reum* videtur esse veteris scripturæ. Sed si retinetur, emendandum, *quemque primum*, ne aures offendantur. In ipsa vulgata scriptura displicet, *quem usque.... quem primum.*

Directa dicendi via. Bene Mss. Vatic. Sic quoque placebat Mureto. Dure in libris editis, *dicendi via directa.*

Et intellectu. Frustra tentat Gronov. *et delectu.* Ex hujus ætatis more usurpatur *intellectu*, ut ap. Plin. vi, Ep. 27. 'intelligens Principis nostri;' et viii, Ep. 23. 'legatum tribunus ita et intellexit, et cepit.' Mox ipse Tacitus, c. 21. 'intellexisse,' et c. 31. 'intellectum.'

Ad id dicendi genus. Mss. Vatic. *ad illud.*

Esse mutandam. Male vett. edd. *remutandam.* Emendabat Corbinelli, *ire mutandam.*

Imperitissimarum. Mallet Muret. *impeditissimarum.*

Id ipsum laudi dabatur. In vett. edd. et Mss. Vatic. 1862 et 1518. *id ipsum laudabat.*

Ita vero. Mss. Vatic. *Jam vero.*

Argumentorum gradus. Sic Lips. et recentiores. In vett. edd. *argumentorum genera.*

Quod si quis. Bene Mss. Vatic. In libris hactenus editis, *et si quis.* Quod omnino vitiosum, ut attendenti patet.

Paucissimi præcepta. Optime Rhenan. In vett. edd. *paucissima.*

Qui elementis. Melius, *quin elementis.* Sic quoque placebat Schurzfleischio. Vel legendum cum Pichena, *at certe non imbutus sit.*

Vi aut potestate. In Mss. Vatic. 1518 et 4498. *vi et potestate.* Quod minime displicet.

CAP. 20. *Quis nunc feret.* Ita Mss. Vatic. et edd. vett. ante Berroald. qui emendavit, *feret*; quod Puteolan. emendaverat, *expectaverit.*

Expectabit. Ita Mss. Vatic. In ed. pr. *expectavit*: unde Puteolan. perperam emendavit, *expectaverit*.

Nec magis perfert. Bene Rhenan. Ed. pr. *praefert*. Puteolan. *praefert*.

Aut Turpionis. Bene Lips. Male vett. edd. *aut Turpionis, aut Ambivii*.

Et in ipsa. Præp. in abest a vett. edd. Schurzfleischius et omit-tendum putat.

Sive in suis. Male tentat Schurzfleischius, *sive insciis aliquis*. Me-lius Muret. Acidal. et Freinshem. *sive sensus aliquis*. Sic ferme in-fra c. 23. 'pauci sensus apte et cum quodam lumine terminantur.'

Exigitur enim. Male vett. edd. *exeretur*.

CAP. 21. *Nec unum de populo Canuti.* Locus misere corruptus. In Mss. Vatic. *Canuti aut Atti de Furnio et Coranio*. Libri editi, *Canuti aut Aride Furnio et Toranio*. Tentabat Lips. *nec unius de populo Arii de Furnio, &c.* Gronov. *vix somnum tenere*. *Nec unum de populo Canutium, aut Arrium Furniumve nominabo, quosque alios in eodem valetudinario hæc ossa et hæc macies probant.* Schurzfleischius, *Nec unum de populo Canuti aut Arri, vel Furnii aut Toranii, quique alii sunt in eodem valetudinario hæc ossa et hanc maciem probare.* Alii aliter, et pejus.

Oratiuncula satisfacit. Ita Mss. Vatic. et edd. vett. Ernest. *satisfecit*. Alii, *satisfecerit*.

In Asitium. Mallet Lips. *in Asinium*. Schurzfleischius, *in Fuscinium*. Nam, Charisio teste, lib. 2. 'Licinius Calvus in Fuscium ambitus reum scripsit.' Totus vero hic locus forte ita refingendus. 'Quotus enim quisque accusationes Calvi in Asitium (aut in *Fuscinium*) aut in Drusum legit? at hercule in hominum studiosorum mani-bus versantur, quæ in Vatinius inscribuntur, ac præcipue secunda ex his oratio.'

In Vatinium inscribuntur. Ita Lips. et recentiores. In Mss. Vati-c. et vett. edd. *conscribuntur*. Unde mallet Schurzfleischius, *con-scriptæ sunt*.

Nec voluntatem quin. Mss. Vatic. *ne voluntatem ei quo subli-mius, &c.*

Si non universæ, at partes earum. Mss. Vatic. *Si universa parte serum in quibus, &c.* Edd. vett. *si in universa pate factum*. Beroald. et alii, *factum*. Emendabat Modius, *si non universæ, per partes at-tamen*. Melius Acidal. *si non universæ, at partes earum*; quod jam recepit Editor Oxoniensis.

Sordes autem verborum. Ms. Vatic. 4498. *sordes autem illæ verborum*. In ed. pr. *sordes autem et verborum*.

Magnitudinem cogitationum. In vett. edd. *magnitudinem cogni-tionis*. In recentioribus recte emendatum, *cogitationum*. Sic Vell. Paterc. ii, 41. 'Hic, *Julius Cæsar*, animo super humanam et naturam et fidem evectus, magnitudine cogitationum, celeritate bellandi.... magno illi Alexandro, sed sobrio, neque iracundo, simillimus.'

In eloquentia effecerit. Ita Mss. Vatic. et edd. vett. Beroald. omi-sit præp. Unde Illustr. Huet. tentabat, *eloquentia effulserit*, vel, *eloquentiæ suffecerit*.

Lentitudinis ac teporis. Bene Lips. et recentiores. In vett. edd. *temporis.* Unde Schelius conjiciebat, *torporis*; quod receptum in ed. Oxon. Plin. xvii, 24. de erucis dixit: 'Nascitur hoc malum tempore humido et lento.'

Ipsosque nervos. Ita Mss. Vatic. Sic etiam placebat Schurzfleischio. In libris editis, *ipsos quoque nervos.*

Rubor tegit. Bene Mss. Vatic. et edd. recentiores. In vett. *robur.* Unde quidam emendarunt, *rubore.*

Decor commendat. Ms. Vatic. 1518. *decorum.* Non male edd. vett. et recentiores, *decor.* In mediis quibusdam, *decore.*

Viderimus, inquam. Edd. vett. *viderimus inquam judicio ejus vis aut animi aut ingenii sufficeret.* In recentioribus, *suffecerit.* Emendabat Pithœus, *viderimus num judicio ejus vis aut animi aut ingenii suffecerit.* Editor Oxoniensis, *videmus in quanta judicium ejus et vis tum animi tum ingenii suffecerit.* Bene vertit Davanzati, 'Di Corvino non mi dolgo, per che da lui non restò di arrivare à questo lieto candore de tempi nostri, se le forze dell' animo, è dell' ingegno rispondano al giudicio.'

CAP. 22. *Locos quoque latiores.* Bene Mss. Vatic. In libris editis, *locosque.* Edd. vett. *latiores.* Unde Muretus emendavit, *latiores.* Male Rhenan. *altiores.* In Ms. Vatic. 4498. *lectiores.*

Dicendi genus est. Schurzfleischius omittit, *est.* Ursinus emendat, *dicendi.*

Pauci sensus apte. Bene Acidal. Freinshem. et Schurzfleischius. Sic sæpe Tullius. In vett. edd. *sensus opt. et cum.* Ms. Vatic. 4498. *optet.* Ms. Vatic. 1518. *opti.* Unde Davanzati videtur emendasse, *optime.* Ita enim vertit, 'pochi concetti termina ottimamente, e con certo splendore.'

Nihil excerpere. Optime Lips. e Ms. Perperam vett. edd. *nihil ex tempore referre.*

Ac laudatum. Putat Lips. omnino emendandum, *ac lautum.* Et quidem probabilissime.

Fugiat fœdam. Mss. Vatic. 1862 et 4498. *fugitet.* Ms. Vatic. 1518. *fugiet.*

Terminet. Mss. Vatic. et edd. vett. *determinet.*

CAP. 23. *In omnibus orationibus.* Bene Mss. Vatic. et edd. vett. Perperam in aliis omissum, *orationibus*, ut recte vidit Muretus.

Hoc invitus retuli. Bene Puteolan. et deinde alii omnes. In Mss. Vatic. et ed. pr. *invitatus.* Hæc quoque mallet Acidal.

Oratores vocant. Mss. Vatic. et edd. vett. *vocabant.* Bene Lips. *vocant.* Et sic passim in hoc dialogo. Schurzfleischius, *vocitant.*

Signasse. Ita libri omnes editi. In Mss. Vatic. *significasse.*

Ante oculos, qui. Mss. Vatic. *ante oculos isti, qui.*

Non firmitate, sed jejunio. Bene Schelius. In Mss. Vatic. 1862 et 4498. *infirmatate sed jejunio consequuntur.* Ed. pr. *infirmatatem.* Puteolan. *sanitatem sed jejunio consequuntur*; quod immerito probat Schurzfleischius. Lips. *infirmatate et jejunio.* Rodolphus, *non infirmitate, sed jejunio.*

Anxietate contingit. Ita Mss. Vatic. Absurde edd. vett. *anxiatati confixit.* In recentioribus emendatum fuerat, *anxietate contingat.*

Prope abest. Male vett. edd. *proprie abest.*

Gravitati sensuum nitorem. In vett. edd. *gravitati.* Ernest. *gravitate.* Mss. Vatic. *sensuum nitorem*, ut optime divinaverat Acidal. Perperam libri omnes editi, *summum nitorem.*

Ea sententiarum planitas est. Ita Mss. Vatic. 1862 et 4498. *Ea* quoque reperitur in vett. edd. : abest immerito a recentioribus. *Est* in omnibus omissum. Ms. Vatic. 1518. pro *planitas* habet *plenitas.*

CAP. 24. *Immutasse non debes.* Mss. Vatic. 1862 et 4498. *non debet.* Perperam vett. edd. *ita mutasse.*

Et a vestris philosophis. Ita Mss. Vatic. 1518 et 4498. In Ms. Vatic. 1862. *et a nostris philosophis.* Libri editi, *et aliis vestris.* Unde Lips. conjiciebat, *et alias a vestris.*

Expromte nobis. Bene Mss. Vatic. Sic quoque placebat Acidalio. Corrupte ed. pr. *exprimo.* Puteolan. emendaverat, *exprime.*

Satis enim illos. Ms. Vatic. 1862. *satis etiam istos.*

Cur in tantum. Ms. Vatic. 1862. *cur tantum.*

Ratio temporum collegerit. Eruditi viri Huet. et Schultingius mallent, *ratione.* Hos enim centum et viginti annos ratione temporum collegit Aper, ut vidimus sup. c. 17.

CAP. 25. *Nominis controversiam movit.* Bene Lips. e Ms. In vett. edd. *non movit.* Et hiatus est inter *non* et *movit.*

Si quominus fatetur. Tentabat Pithæus, *si communius fatetur.* Melius Acidal. *quin omnes fatemur.* Eodem sensu Huet. ut dictum est in notis. Alii aliter, sed minime probabiliter.

Suo jure. Bene Lips. et recentiores. In Mss. *sic vere.* Vett. edd. *sic jure.*

Adstrictior Calvus. Optime Acidal. In ed. pr. *aut strictior Calvus.* Puteolan. *at strictior.*

Scias, quamvis. Bene Lips. e Ms. in quo erat, *sciam.* In vett. edd. verbum plane deest.

Voluntatis similitudinem et cognitionem. Bene Beroald. *cognitionem.* In vett. edd. *cogitationem.* Recentiores quoque emendare, *voluntatis.* Antea legebatur, *voluminis.*

Et sunt aliqua. Ita Mss. Vatic. In ed. pr. *et super aliqua.* Unde Puteolan. emendaverat, *et supersunt aliqua.*

An invideret Ciceroni. Mss. Vatic. 1862 et 4498. *an ille Ciceroni invideret.* Ms. Vatic. 1518. *invidere.*

Non desistit. Bene Beroald. Sic quoque emendabat Illustr. Huet. In vett. et recentioribus edd. *destitit.*

CAP. 26. *Adeo melius est.* Ita Mss. Vatic. In ed. pr. *adeo melius in.* Puteolan. *adeo melius.* Pichena emendaverat, *adeo malim.*

Temporum nostrorum actores. Bene Lips. e Ms. *temporum nostrorum.* Male vett. edd. *ipsorum nostrorum.* Præterea in Mss. Vatic. *auctores pro actores.*

Fas esse debeat. Mallet Muret. *debebat.*

Tenere dicere. Optime Lips. In vett. edd. *temere.*

Plus vis. Frustra tentat Gronov. *plus iræ.* Ridicule Schurz-fleischius, *plus puris.*

Contemto ordine. Male vett. edd. *contento.*

Quibus utitur. Bene Rhenan. In vett. edd. *utimur.*

Plerumque detectus. Optime Lips. e Ms. In vett. edd. *dejectus.*
Aliud novum agmen. Lips. e Ms. *aliud nobis agmen.* Quod probavit et edidit Pichena.

Se ante Ciceronem. Frustra tentat Schurzfleischius, *si ante Ciceronem non numeret se.* Nempe isti scholastici, qui vetera spernebant, præsentia laudabant, se anteponebant Ciceroni, Gabiniano postponebant.

CAP. 27. *Miratus.* Mss. Vatic. *iratus.* In vett. edd. *miratus: iratus antequam, &c.* Lips. e quodam libro laudat, *paulo ante dixisti, plane mitiore, &c.* nec loco sanitatem fecit. Inde emendandum conjicerem, *causas exquirimus, quas te solitum tractare, paulo ante dixisti, plane mitiore eloquentia, et temporum nostrorum, iratus antequam te Aper, &c.* Aliter tentabat Acidalius, *solitum tractare paulo ante dixisti, sane mitiore eloquentia, et temporum nostrorum,* intellige *eloquentiam, miratus, antequam, &c.* Schelius, *plane mitior et eloquentiæ temporum nostrorum non iratus, antequam, &c.* Schultingius, *quas te solitum tractare publice, antiquo plane more, et eloquentia non temporum nostrorum, sum miratus, antequam te Aper offenderet, majores istos incessendo.* Audacior adhuc Schurzfleischius, *causas exquirimus, quas ais te solitum tractare. Paulum enim te antepone* nitorem *eloquentiæ temporum nostrorum sum ratus, antequam, &c.*

Aprina disputatione. Bene Lips. In Mss. Vatic. et edd. vett. *a prima.* Mallet Gronov. *Apri nostri.*

Perstringet. Edd. vett. *perstringit.*

Et cum de antiquis. Bene Lips. e Ms. A vett. edd. absunt, *et cum.*

A qua. In Mss. Vatic. et edd. vett. deest præp.

CAP. 28. *Etiamsi mihi.* Ita Lips. e Ms. in quo, *etenim jam si mihi.* Vett. edd. *et jam mihi.*

Ab ista vetere. Muret. mallet, *ab illa vetere.*

Quamquam nostra. Sic Segræis satis feliciter mutat et distinguit: *Quoniam nostra nobis notiora sunt, ego de urbe, &c.*

Nostra nobis. Vett. edd. *vestra vobis.* In Mss. Vatic. et Beroald. *nostra vobis.* Recentiores, *nostra nobis.*

Et his propriis. Mallet Illustr. Huet. *et hic propriis.* Mox enim cap. seq. *propria et peculiaria hujus Urbis vitia.*

Ejusdem familiæ. Bene Mss. Vatic. Perperam in vett. edd. *cujusdam.* Unde in recentioribus emendatum, *cujuspiam.*

Non studia modo curasque. Bene Mss. et edd. vett. et recentiores. Beroald. *morasque.* Alii, *moresque.*

CAP. 29. *Quando etiam.* Ita libri omnes editi. In Mss. Vatic. *quin etiam.*

Lasciviæ et libertati. Recte libri omnes editi. Lips. e nescio quo vetere libro, *et bibacitati.*

Sui alienique contentus. Corrupte vett. edd. *sui contentus;* et inter utramque vocem lacuna est.

Ne præceptores quidem. Bene Gronov. Mss. et libri editi, *nec.* Hac in re sæpissime peccarunt librarii.

Sed expetuntur. Bene Lips. et recentiores. In vett. edd. *expectantur.*

Quorum professio. Edd. vett. *ut quorum.*

Auctoritatem habuerit. Male libri editi, *habuit*; ut jam monuit Gronov.

Statim docuero. Ita Rodolphus Agricola, et recentiores. Corrupte in vett. edd. *statim decuriis.* Pithœus, *statim audictis.* Mallet Gronov. *statim dicturus, referam, &c.*

CAP. 30. *In omni genere studiorum exercitationes.* Ita Puteolan. et ceteri omnes. In ed. pr. *exercitationis.* Mss. Vatic. *in omni genere assiduæ exercitationes.*

Notus est nobis. Ita Mss. Vatic. et edd. vett. In recentioribus frustra emendatum, *nobis.*

Omnes philosophiæ partes. Ita Mss. Vatic. In libris editis, *omnis.* *Rerum motus causasque.* Sensu pleniore Segræis legit: *siderum motus causasque rerum.*

Ex pluribus artibus. Ita Rhenan. Vett. edd. *partibus.*

CAP. 31. *Persuadebant.* Mss. Vatic. *persuaserant.*

Ad hæc efficienda. Mss. Vatic. 1862 et 4498. *ad hoc efficiendum.*

Ut rhetorum. Mss. Vatic. *in rhetorum.* Forte scriptum olim, *ut in rhetorum.*

Dicimus. Mss. Vatic. *disserimus.* Hunc autem locum emendabat Muretus, 'nam in iudiciis fere de æquitate, in deliberationibus de utilitate, in laudationibus de honestate dicimus.'

Quid ira. Male edd. vett. *quid iræ promptius, et miserationem impellat.*

Qui scit quid sit misericordia. *Sit* durissimum est, et videtur redundare.

Habenas animorum. Ita Puteolan. et ceteri omnes. In Mss. Vatic. et ed. pr. *venas animorum*; et forte non ab aurigis, sed a medicis ducta comparatio.

Mutuabimur a Peripateticis. Locum hunc restituimus ex Mss. Vatic. Perperam in ed. pr. *mutuabimus aliquid Peripateticis: aptos, &c.* Puteolanus emendaverat, *mutuabimus aliquid a Peripateticis: hi aptos et in omnem disputationem paratos jam locos dabunt: Academici, &c.* Melius Mss. Vatic. 1862 et 1518. *mutuabimus a Peripateticis aptos et in omnem disputationem paratos jam locos. Dabunt, &c.* Licet dici possit Latine, *mutuabimus*, cum mox cap. seq. et sæpe sup. verbum *mutuari* usurpetur, nihil mutavi.

Res poscet. Libri omnes editi, *poscit.* Omnino emendandum, *poscet.* Idque jam monuerat Illustr. Huet.

Artes audire. Lips. malebat, *adire*, vel *haurire*: et statim *liberales pro liberaliter.* Verum non displicet, *liberaliter.*

CAP. 32. *Respondeat sufficere.* Bene Pithœus. In ed. pr. *sufficeret.* Emendaverat Puteolan. *sufficit.*

Et uniforme. Ita ed. pr. et recentiores. Puteolan. ac Beroald. *et informe.*

Mutuetur. Pithœus mallet, *mutuemur.*

Fex quoque. In Mss. Vatic. et ed. pr. *vis quoque.* Puteolan. *vix.* Recte a recentioribus emendatum, *fex.*

Ego hanc primam. Ita Ms. Vatic. 1862. Id quoque volebat Pithœus. Libri editi, *ergo.*

Refert verbis. Ita Mss. Vatic. *Refert* deest in libris editis. Inde Muret. pro *id se* emendabat, *ait se*.

Non rhetorum. Vellet Acidal. *non in rhetorum.*

A vobis aperiri. Mss. Vatic. *vobis* sine præp.

CAP. 33. *Illi scirent.* Mallet Schurzleischius, *scierint.*

Forum ingressi. Ms. Vatic. 1862. *ingressuri*; nec male, ut patet ex c. 34.

Aper quoque. Ita Mss. Vatic. *Quoque* abest a libris editis.

Exercitationes eorum. Ita Mss. Vatic. Libri editi, *exercitationem.*

Propria circa oratoriam. Ed. pr. *circa oratorium.* Puteolan. et ceteri omnes, *circa oratoriam.* Mallet Lips. *circo oratorio.* Schemlius, *circo*, vel *curæ oratorum.* Forte redundat, *circa*; et olim scriptum, *propria oratorum videntur.*

CAP. 43. *Principem in civitate locum obtinebat.* Ita Mss. Vatic. Libri editi, *principem locum in civitate tenebat.*

Dictionibus interesse, sive in judiciis. Bene Lips. e Ms. Farnes. restituit multa in vett. edd. ommissa; ubi tantum, *dictionibus interesse, utque sic dixerim, &c.*

Jurgiis interesse. Vix crediderim a diligentissimo et accuratissimo scriptore dictum fuisse, *dictionibus interesse... jurgiis interesse.* Existimaverim potius olim scriptum fuisse, *jurgiis immisceri*, et librarium vitio, *interesse* a superioribus repetitum.

Populi diversissimarum aurium. Mallet Rodolphus Agricola, *populi et diversissimarum aurium.* Lips. *populi, id est, diversissimarum aurium.* Retineri potest vulgata scriptura.

Facile deprehenderent. Ita Mss. Vatic. In ed. pr. *deprehenduntur.* Unde Puteolan. emendaverat, *deprehendebatur.*

Non rudibus. Bene Lips. Hæc enim a gladiatoribus sumta. In Mss. et vett. edd. *sudibus.*

Ejusmodi præceptoribus. Ita Mss. Vatic. Sic quoque volebat Gronov. Libri editi, *præceptionibus.*

Cuiusque causæ. Ita Lips. e Ms. In vett. edd. *unicuique causæ.*

Non multo. Ita libri omnes editi. In Mss. Vatic. *multum.*

Hodieque. Ommissa in vett. edd. copula. In Ms. Vatic. 1862. *hodie quoque.*

CAP. 35. *In scenas.* Male edd. vett. *in scena.* Scenas autem scholasticorum appellat, loca in quibus, velut per lusus, fucata et personata eloquentia exercebatur. Quod recte annotavit Lips.

L. Crasso. Perperam libri editi, *Marco Crasso.* Error ex scioli alicujus, qui Crassum censorem eundem fuisse ac Marcum Crassum, Romanorum ditissimum, de quo mox dicitur c. 37. credidit. Forte olim scriptum, *Crasso et Domitio censoribus*, non addito prænomine.

Deducuntur in scholas. Ita Mss. Vatic. Non ita bene libri editi, *deducimur.*

Sed in quem. Sed ommissum vellet Ernest.

Æque imperitus. Ita Mss. Vatic. In libris editis, perturbato ordine, *imperitus æque.*

Et dicant. Bene Mss. Vatic. Copula abest a libris editis.

Declamatio quoque adhibeatur. Pithæus, *declamatio quoque similis adhibeatur.*

Ad veros iudices ventum est. Post hæc verba, temporum iniquitate multa periisse jam monuimus. Idem testantur Mss. Vatic. qui hoc in loco magnam habent lacunam. Marg. Ms. Vatic. 1518. adscriptum, *Hic desunt sex pagellæ.* In Ms. Vatic. 4498. notatum: *Hic multum deficit.* Infeliciter tentabat Schultingius, 'cum ad veros iudices ventum est, nec rem cogitare possint, qui nihil humile, nihil alienum eloqui poterant. Commoveri ad hæc Aper. At Maternus. Ita est, inquit, magna eloquentia, &c.' Pessime Schurzfleischius, 'ingentibus verbis persequantur, cum, ubi ad veros iudices ventum est, nihil humile, nihil abjectum eloqui oporteat.'

CAP. 36. *Tribui fas erat.* Male vett. edd. *imbui fas erat.*

Ista perturbatione. Mss. Vatic. *illa.*

Plura sibi adsequi. Male vett. edd. *pleraque.*

Et populare nomen. Bene Mss. et edd. vett. In Lipsianis aliisque male omissa copula.

Conciones magistratum. Bene Lips. e Ms. In vett. edd. *migrantium.*

Apud plebem parabat. Merito Lips. e conjectura. Vett. edd. *probabat.*

Hos reversi. In edd. vett. ante Lips. *hos reversuri colebant: hi et præturæ et consulatui vacare ultro videbantur.*

Et commoda. Emendabat Scelius, *et non modo disertum haberi, &c.* Acidal. *et quomodo disertum haberi, sic contra mutum, &c.* Alii, duce Mureto, hæc loco suo mota putant, et legunt, *ad summa eloquentiæ præmia et commoda magna accedebat necessitas.*

Præmiis stimulabantur. Bene Rhenan. Male edd. vett. *stipulabantur.*

Clientelarum loco. Vett. edd. *clientularum.* In recentibus, *clientulorum:* at Latinam esse hanc vocem nullius scriptoris testimonio comprobatur. Emendandum ergo, *clientelarum.* Sic enim inf. c. 39. 'clientelæ quoque et tribus.'

Ad alios transirent. Perperam in Mss. et vett. edd. *transissent.*

CAP. 37. *Manus vestras.* Male edd. vett. *manus nostras.*

Quæ et in antiquorum. Ita Ms. Vatic. 1862. In Ms. Vatic. 1518. *quæ in antiquorum.* Libri omnes editi, *quæ et antiquorum.*

Et cum maxime. Bene ed. pr. et Ernest. Puteolan. et alii, *et nunc maxime.*

Splendor rerum. Bene libri omnes editi. In Mss. Vatic. *reorum.*

Quo nihil tale. Ita libri omnes editi. In Mss. Vatic. 1862 et 4498. *in quo.*

Temporibus extitit. Mallet Lips. *existit.*

Eo acrior. In Ms. Vatic. 1862. *et acrior.* Lips. e Ms. Farnes. in quo, *acrior per pugnas.* Frustra tentat, 'major adversarius et acrior, quo plures pugnas sibi asperas desumerit, tanto altior et excelsior, illis nobilitatus discriminibus.' *Discriminibus* pro *criminibus* legendum non immerito monuere Lips. et Latinus Latinius.

In ore hominum. Bene Lips. Male edd. vett. *more hominum.*

Secura velint. Ita Mss. Vatic. et edd. vett. In recentibus male emendatum, *nolint.* Rodolphus Agricola supplebat, *ut dubia laudent, secura nolint:* quod ignoraret olim scriptum fuisse, *secura velint,* eodem omnino sensu. Secura enim sunt cum discrimine, tuta sine discrimine.

CAP. 38. *Aptior est veritati, eloquentiam tamen.* In ed. pr. *quæ etsi nunc aptior est: ita erit eloquentia: tantum illud forum.* Pro *tantum*, Puteolan. emendavit, *tanto*; et sic deinde ceteri omnes. Tentabat Latinus Latinius, *quæ uti nunc arctior est, ita erit eloquentia. Antea illud forum magis exercebant.* Melius Rodolphus Agricola, *aptior est veritati, eloquentiam tamen, &c.* Favent Mss. Vatic. in quibus scriptum neque *tantum*, neque *tanto*, sed *tamen*. Certe nova judiciorum forma aptior erat veritati, cui sæpe plurimum nocet eloquentia, maxime cum liberius et licentius expatiatur.

Omnia legibus. Bene Mss. Vatic. Perperam libri editi, *omnia in legibus.*

Primus hujusmodi spatia tertio consulatu. Vett. edd. *primus hujus.... cons.* Rhenan. deinde ceteri omnes, *primus tertio consulatu.* Supplebat tamen Rodolphus Agricola, *primus hujus rei spatia tertio consulatu.* Lips. *hujusce spatia.* Ad rerum seriem sensumque aptius mihi videtur, *hujusmodi spatia.* Sic sup. c. 14. 'ejusmodi.'

Solita sint. Perperam in libris editis, *solita sunt*, ut jam monuere Latinus Latinius et Illustr. Huet.

Hereditibus Urbinæ. Bene Lips. Perperam in Ms. Farnes. *Urbinæ.* In vett. edd. *Ironiæ.*

CAP. 39. *Fortasse videbitur.* Male libri editi, *videtur*: ut jam monuere Ursinus, Muretus, et Acidalius; resque ipsa suadet.

Diligentis styli. Ita Mss. Vatic. In ed. pr. *diligens.* Unde Puteolan. emendavit, *diligentem.*

Municipiorum etiam. Bene Mss. Vatic. In libris editis, *et municipiorum.*

Ac pars Italiæ.... adsisteret. Bene adhuc Mss. Vatic. Corrupte ed. pr. *ac partis Italiæ.... assisceret.* Inde Puteolan. emendaverat, *ac partes Italiæ.... assisteret.* Alii, *assisterent.*

CAP. 40. *Datum jus.* Ita Mss. Vatic. et recte quidem. Male libri editi, *datum jus quoque.* Frustra tentabat Gronov. *cuique.*

Abstinerent. Optime Mss. Vatic. Sic quoque volebat Acidalius. Male vett. edd. *abstinuerunt*: recentes, *abstinuerint.*

Populi etiam. In Mss. Vatic. et ed. pr. *populi et*, facili librariorum errore, qui *et pro etiam* sæpe scribebant. Puteolan. emendavit, *populi quoque*, eodem sensu.

Magna illa. Bene Mss. Vatic. In libris editis, *ista.*

Ne Macedonum quidem. Recte Ernest. Male antea *nec.*

Aut ullius. Optime Mss. Vatic. Sic quoque volebat Ernest. In libris editis, *ac ullius.*

Plurimi Athenienses. Melius Mss. Vatic. In libris editis, *Athenienses plurimi.*

Nulla in senatu concordia, nulla in judiciis moderatio. Hæc Lips. e Ms. addidit.

Nec tanti reipublicæ. In Mss. Vatic. *nec tuta.* Vett. edd. *nec tuta resp.*

Nec bonæ formam eloquentiæ. Ita libri omnes editi. Muret. mallet, *famam.* *Formam* probo propter vim et elegantiam. Potius emendaverim, *bene* pro *bonæ.* Favet Ms. Vatic. 1862. in quo quidem scriptum, *bonæ*, sed supra scriptum, *bene.*

Tali exitu. Frustra Ernest. tentat, *pari exitu.*

CAP. 41. *Quod superest ex antiquis oratoribus.* Libri editi, *quod superest antiquis oratoribus.* Emendabat Gronov. *antiqui.* Sed in sensu ac verbis nescio quid duri inest, si legeris, *quod superest antiqui oratoribus forum.* Multo probabilius est excidisse præp. *ex.*

Non emendatæ. Bene Lips. Perperam in vett. edd. *emendare.*

Quis enim nos. Optime Ms. Farnes. ut recte vidit Lips. Pessime libri editi, *argumentum quidem est: quod nemo nos.*

In civitatem nostram. Pithœus, *in clientelam nostram.*

Non queri. Mallet Muret. *non fieri.* *Queri,* non displicet.

Vindicari. Ita Lips. et recentiores. In vett. edd. *judicari.*

Minor oratorum. Mss. Vatic. *oratorum horum.*

Cum optimi. Frustra tentat Lips. *cum optimis.* Rodolphus Agricola, *cum optima cito censeantur.*

Bono seculi sui. Ita Mss. Vatic. Corrupte in vett. edd. *hujus seculi sui.* Inde postea emendatum, *bonis seculi sui.*

CAP. 42. *Antiquariis.* Mss. Vatic. *cum antiquariis.*